



MS. 9. III. 51

Andreas Joseph Hachnleir

PRÆROGATIVIS BEATI PETRI

APOSTOLICI PRINCIPIS

RECTORIS

RECTORIS





CAROLI PASSAGLIA

E SOCIETATE JESU

IN ROMANO COLLEGIO THEOLOGIAE PROFESSORIS

COMMENTARIUS

DE

PRAEROGATIVIS BEATI PETRI

APOSTOLORUM PRINCIPIS

AUCTORITATE DIVINARUM LITTERARUM COMPROBATIS

RATISBONAE MDCCCL.

SUMPTUS FECIT G. JOSEPHUS MANZ

**VENDUNT IN ITALIA ROMAE J. SPITTHOEVER, IN GALLIA PARISIIS F. KLINCKSIECK,
IN BELGIO BRUXELLIS C. MUQUARDT, IN BRITANNIA LONDINI D. NUTT.**

CAROLI PASSAGLIA

E SOCIETATE JERU

IN ROMA NO. 10. L. 1880. - ARCADESIA PROTECTORIS

COMMENTARII

DE

PRÆROGATIVIS BEATI PETRI

APOSTOLORUM PRINCIPIS

ALFONSO DI VIGNA - EDITOR - ROMA - 1880

ALFONSO DI VIGNA

ALFONSO DI VIGNA

ALFONSO DI VIGNA - EDITOR - ROMA - 1880

AD COMMENTARIUM

DE

PRAEROGATIVIS BEATI PETRI

APOSTOLORUM PRINCIPIS

PROLEGOMENA

AD COMMENTARIUM

DE

PRAEROGATIVIS BEATI PETRI

APOSTOLORUM PRINCIPIS

PROLEGOMENA

PROLEGOMENA

! Num ea exponenda, tuendaque aggredior, quae de Petri praerogativis, singulari dignitate, eximiaque praestantia in divinis litteris continentur; probe sentio, eam a me provinciam suscipi, quam plurimorum iampridem curae ¹ non occupaverint modo, verum etiam solerter adornarint. Ne tamen mentem, cogitationemque perficiendi operis exuerem, ac trito obsequens proverbio, quo cavetur, *ne actum agas*, studia mea alio converterem; neque pauca, neque ea prorsus levia adfuerunt, quae suaderent.

Ac suadebat imprimis eruditorum exemplum, qui sibi hanc legem minime dictam arbitrari videntur ², ut ab iis absteineant, quae aliorum diligentia occupaverit. Suadebat deinde quod Augustinus de divina Trinitate post Athanasium, utrumque Gregorium, nazianzenum et nyssenum, Basilium, pictaviensem Hilarium et Ambrosium mediolanensem scripturus litterarum monumentis consignavit ³:

¹) Hos inter, qui innumeri sunt, speciminis gratia commemorabo Baronium in Annalibus, Bellarminum in libris de Romano Pontifice, Hosium in opusculo de auctoritate Pontificis Romani, Polum in libro de Summo Pontifice, Lindanum in Panoplia, Eckium in Enchiridio, Stapletonum Doctrinal. Fid. Lib. VI. Controv. II. Panvinium de Primatu Petri, Caietanum in Opusculis, Canisium in Enchiridio, Maldonatum ad Matth. XVI. et Joh. XXI., Pighium de Ecclesiast. Hierarchia, Campegium de Potestate Romani Pontificis, Sanderum de Visibili Ecclesiae Monarchia, Perronium in Respons. ad Jacobum Angliae regem, Cottonum in Catholica Institutione, Coeffeteau contra Marcum Antonium de Dominis, Du-Val de suprema Romani Pontificis auctoritate, Gregorium de Valentia in Resolutione Fidei, Boverium in Demonstratione Fidei, Gautierium in Tabulis Chronographicis, Camum de Primatu s. Petri, et Kempeneers, qui in diss. de Rom. Pontificis primatu catalogum texit eorum,

qui hanc controversiam recentiori aetate luculentius habuerunt.

²) Nullum est theologiae, nullum philosophiae, historiae, philologiae, criticae, archaeologiae, geographiae, chronologiae caput, quod alicuius momenti sit, quodque singulis aetatibus plures non denuo expenderint, novoque examini subiecerint. Exemplis non utor, est enim id notius, quam ut confirmari exemplis debeat.

³) De Trinit. lib. I. cap. III. n. 5: „Non tamen propterea (lector) putet me tacere debuisse, quia non tam expedite ac dilucide quam illi quos intelligit, eloqui potui. Neque enim omnia quae ab omnibus conscribuntur, in omnium manus veniunt; et fieri potest, ut nonnulli qui etiam haec nostra intelligere valent, illos planiores non inveniant libros, et in istos saltem incident. Ideoque utile est, plures a pluribus fieri diverso stilo, non diversa fide, etiam de quaestionibus eisdem, ut ad plurimos res ipsa perveniat; ad alios sic, ad alios autem sic.“

expedire, ut eadem multorum studiis, vigiliisque tractentur, quum neque singulorum opera in omnium manus veniant, neque idem omnibus sit gustus, sed alii aliis, quemadmodum saporibus, ita commentariis, lucubrationibusque delectentur. Accedebat rei, quam versandam, expoliendamque suscipiebam, summa gravitas, atque incredibilis ubertas, quarum illa omnium postulare operam videbatur, haec autem eum aperiebat campum, e quo, sin minus quae meteres, suppeterent tamen quae deflores ac relegeres. Neque postremo omiserim, inde quoque erigendi, confirmandique animi occasionem mihi aliquam esse obortam, quod suspicarer, et summi ponderis veritates pleniori quadam luce perfundi posse, et salebrosas quaestiones manifestius complanari, nonnulla vero in medium proferri, quae aut pressa silentio, aut levissime solum perstricta, digna tamen erant, quae et considerarentur intimius, et validius stabilirentur. Praesertim quum novorum interpretum conatus ⁴, ac praeposterae Rætzke ⁵, Alexandri Mueller ⁶, Bretschneider ⁷, Paulus ⁸ et Kuinoel ⁹ expositiones, neque infringi penitus, neque aliter profligari funditus posse videantur. Quare οὐν θεῶν exequar, quod animo destinavi, et praeceptam mente, delineatamque tabulam coloribus excitabo, contendamque, ut sin minus elegans ac venusta, non omnino saltem deformis insipientium oculis subiiciatur.

CAPUT I.

Fontes tractationis aperiuntur: — Vincentii Ierinensis, et consona reliquorum Patrum, ac Thomae Aquinatis suffragia indicantur: — de divinis litteris nominatim agitur, deque cura, qua contenta iisdem testimonia expendi debent atque adhiberi.

1. **E**t si multa animo succurrerent, eaque non prorsus incommoda, quibus commentarium hunc meum de praerogativis Petri, ac suprema eiusdem potestate auspicarer; reliquis tamen omnibus praefereunda existimavi quae de ratione habendi theologicas controversias Vincentius Ierinensis iam inde a quinto ecclesiae saeculo accuratissime definivit. Sunt enim apprime luculenta, ad catholicam regulam perfectissime expressa, et maiorum auctoritate ac traditione ple-

⁴) De his confer disserentem Augustinum De Roskovany in opere *De Primatu Romani Pontificis* cap. I. §. 2.

⁵) In opere inscripto: *Das Suchen nach Wahrheit*. Leipzig 1823.

⁶) In opere: *Preussen und Bayern im Concordate mit Rom*. Neustadt a. d. O. 1824.

⁷) *Handbuch der Dogmatik der lutherischen Kirche*. 3. Auflage. Leipzig 1828.

⁸) *Philologisch-kritischer und historischer Commentar über das N. T. Evang. Matth.*

⁹) *In comm. ad Matth. XVI. et Joh. XXI.*

nissime comprobata. Quod ne cui dubium sit, illa ipsa reddam, cuiusmodi in priori Commonitorio ¹ leguntur. „Saepe magno consilio et summa attentione perquirens a quamplurimis sanctitate et doctrina praestantibus viris, quonam modo possim certa quadam et quasi generali ac regulari via catholicae fidei veritatem ab haereticae pravitatis falsitate discernere; huiusmodi semper responsum ab omnibus fere retuli: quod sive ego, sive quis alius vellet exsurgentium haeticorum fraudes deprehendere, laqueosque vitare, et in fide sana sanus atque integer permanere, duplici modo munire fidem suam, Domino adiuvante, deberet: primo scilicet divinae legis auctoritate, tum deinde ecclesiae catholicae traditione.“

2. Ac fidos omnino testes, et quibus merito crederet, nactus est Vincentius, quum ne unum quidem reperire liceat vetustissimorum patrum, qui pro opportunitate hanc ipsam regulam, qua veritates divinitus revelatae cognoscantur, et ab haeticorum corruptelis secernantur, non proposuerit, ac vero etiam strenue vindicaverit. Illam proposuit, vindicavitque Irenaeus ², et eodem quo Irenaeus saeculo, Tertullianus ³, quos veluti duces atque ὁδηγούς ii omnes imitati sunt ⁴, qui nobilissima Patrum appellatione honestari solent, quique recentiori aetate eam excoluerunt theologiae formam, quam σχολαστικὴν dicere mos est, et e quibus Thomas omnium consensione princeps statuit ⁵: „Sacra doctrina utitur auctoritatibus canonicae scripturae proprie ex necessitate argumentandi, auctoritatibus vero aliorum doctorum ecclesiae ⁶, quasi argumentando ex propriis, sed probabiliter ⁷. Innititur enim fides nostra revelationi apostolis et prophetis factae ⁸, qui canonicos libros scripserunt, non autem revelationi si quae fuit aliis doctoribus facta.“

¹) Cap. I.

²) Adver. haeres. lib. III. capp. I. seqq.

³) Passim in aureo de Praescriptionibus libello.

⁴) Pluribus id, ac more suo, elegantissime ostendit Petavius in Prolegomenis ad opus Theologicorum Dogmatum, capp. I—II.

⁵) S. I. p. q. I. art. VIII. ad 2.

⁶) Supple, dum iidem non consentiunt, ac in varias distracti sententias opinantur potius quam id referunt, quod traditione nunquam interpellata acceperunt.

⁷) Atqui non probabilia, sed certa ac prorsus ἀναντιλόγητα sunt argumenta, quae ex unanimi Patrum sententia colliguntur. Unde Melchior Canus de Locis Theolog. lib. VII. cap. III. hanc quinto loco conclusionem ponit: „In expositione sacrarum

litterarum communis omnium sanctorum veterum intelligentia certissimum argumentum theologo praestat ad theologicas assertiones corroborandas: quippe cum sanctorum omnium sensus Spiritus sancti sensus ipse sit.“ Quod ergo Thomas docet, ad Patres referri debet, quum seorsum et κατὰ μέρος considerantur. De quibus altero loco ita Canus statuit: „Unius aut duorum sanctorum auctoritas, etiam in his, quae ad sacras litteras et doctrinam fidei pertinent, probabile quidem argumentum subministrare potest; firmum vero non potest.“

⁸) Quapropter fideles dicuntur Ephes. II. 20. a Paulo ἐποικοδομηθέντες ἐπὶ τῷ θεμελίῳ τῶν ἀποστόλων καὶ προφητῶν, ὅντος ἀκρογωνίου αὐτοῦ Ἰησοῦ Χριστοῦ.

3. Hactenus Thomas, et ea quidem verborum gravitate, sententiarumque constantia, ut perspicue appareat, non nova neque dubia, sed prisca atque rata esse quae tradit, quaeque Scholae theologis custodienda praescribit. Ex his autem, a quibus ne lato quidem ungue praestantissimos quosque theologos aliquando discessisse constat, primum est arbitrari, qua veritatis specie, quave fronte affirmare Lutherus potuerit: „Scholasticam theologiam esse eam, quae a parisiensium Sorbona mixtione quadam ex divinis eloquiis et philosophicis rationibus, tanquam ex centaurorum genere, biformis disciplina conflata est.“ Tum facile intelligitur, iure ne, an satius ut caussae, cui patrocinebatur, inserviret, Hieronymus Angustus relatum Lutheri descriptionem exploserit ⁹, atque hanc illi sufficiendam esse contenderit: „Scholastica theologia est divinarum scripturarum peritia, recepto, quem ecclesia approbat, sensu, non spretis orthodoxorum doctorum interpretationibus et censuris, ac interdum aliarum disciplinarum non contempto suffragio.“

4. In qua descriptione principem, supremumque locum divinis litteris deferri nemo mirabitur, qui secum reputet, cuiusmodi sint quaestiones, quas sibi theologi enodandas, dirimendasque proponunt, quam viam catholici patres inierint, quae ipsis divinis litteris dotes insint ac ornamenta convenient. Itaque eo pertinent theologorum studia, ut argumentis ad persuasionem creandam idoneis vel *δογματικῶς* statuunt, quae de revelatis coelitus arcanis tenenda sunt, vel *πολεμικῶς* subvertant et *ἀγωνιστικῶς* refutent, quae de iisdem homines male sani, proprioque iudicio ¹⁰ condemnati, in dies comminiscuntur. Sed ab hoc, quem praefixum habent *σκοπῶ* vehementissime aberrarent, nisi ad divinam revelationem, coelestiaque oracula se imprimis reciperent, eorumque se clypeo tuerentur. Sunt autem Scripturae, quae κατ' ἐξοχήν audiunt ¹¹ *λόγια τοῦ Θεοῦ*, et quibus supernae ¹² *ἀποκαλύψεις καὶ φανερώσεις* continentur. Nihil ergo esse antiquius theologo debet, quam ut totus e Scripturis pendeat: has, si sapit, iugiter consulat, hisce insistet, et quae consignata eisdem sunt superna oracula sollicito opere perscrutabitur.

5. A quo ne cesset, auctores illi erunt, adhortatoresque gravissimi ecclesiae patres, quorum libri totidem sunt argumenta, quibus necessitas adeundi, conferendique Scripturas validissime persuadetur. Ecquem enim eos inter primum, quem postremum nominem? Justinum ne martyrem, doctoremque nobilissimum? sed utraque eiusdem apologia, ac prolixus, optimaque frugis relictus dialogus cum Tryphone, nonnisi texturam praeferunt sententiarum, quas ipse e Scripturis apte depromsit, idoneisque commentariis exornavit. Athenagoram ne? sed apologia, quam pro tuenda re christiana ad Imperatores exhibuit, et ἀποσπάσματα quae adhuc sunt reliqua illius disputationis, qua *δόγμα τῆς ἀνα-*

⁹) In libro de Accademiis adversus Lutherum capp. II—III.

¹⁰) Tit. III. 11.

¹¹) Rom. III. 2, Hebr. V. 12, I. Petr.

IV. 11, et Act. VII. 38, ubi *λόγια ζῶντα* nuncupantur.

¹²) II. Cor. IV. 2, Rom. XVI. 25,

Gal. I. 12 — δι' ἀποκαλύψεως Ἰησοῦ.

στάσεως defendit, egregia sunt παραδείγματα illius Scripturarum usus, quem commendamus. Tacitus praetereo auream τοῦ ἀνωήμου epistolam ad Diognetum, libros Theophili antiocheni ad Autolyicum, Clementis alexandrini στρώματα καὶ βιβλία τοῦ παιδαγωγοῦ, Origenis τόμους, Irenaei, Tertulliani, Methodii, ac reliquorum, qui innumeri sunt, opera ad nos usque transmissa; ac uno verbo, quod res est, quodque exploratum merito habetur, confirmo: eos sibi de Patrum imitatione frustra blandiri, qui versandis, excutiendisque Scripturis non se totos dederint, et quorum libelli ad omnem paginam Scripturarum doctrinam, eruditionemque non referant.

6. Quam si qui neglexerint, hi neque legentium utilitatibus, neque operum quae edunt pretio, admodum consuluisse existimandi sunt. Etenim quanam tandem sunt, a quibus utrumque non iniuria speretur? doctrina, opinor, quae nulla labe taminetur, valida errorum reprehensio, luculenta veritatis confirmatio, et verborum sanitas cum pietate coniuncta. Atqui dotes istae sunt Scripturarum, neque in theologorum libros aliunde, quam ex earumdem fonte permanare, refundique possunt.

7. Apposite Paulus, qui ¹³ scripturis antiqui foederis, quas τὰ ἱερὰ γράμματα *sacras litteras* vocat, principio tribuit, ut sint δυνάμενά σε σοφίσαι εἰς σωτηρίαν διὰ πίστεως τῆς ἐν Χριστῷ Ἰησοῦ, ea virtute praedita, qua possint eam edocere et commonstrare ¹⁴ salutem, quae fide in Christo Jesu comparatur. Tum ea continuo subiicit ¹⁵, quibus eximia plane ratio continetur, qua factum est, ut antiqui foederis scripturam ellogio τῶν ἱερῶν γραμμάτων ipsemet ornarit, eidemque insignem adeo δύναμιν, cuiusmodi est σοφίσαι εἰς σωτηρίαν, incunctanter asseruerit. Videlicet ea de caussa antiqui foederis scripturae τὰ ἱερὰ γράμματα nuncupantur et sunt, quod πᾶσα γραφή θεόπνευστος Scriptura omnis inspirata divinitus est, ac ab iis profecta, qui non ex humana sententia scripserint, sed ut auctor est Petrus ¹⁶, coelestia oracula ediderint ὑπο πνεύματος ἁγίου φερόμενοι sancto Spiritu acti atque instincti: idest, Theophilo in altero ad Autolyicum libro interprete, πνευματόφοροι, vel ut in maiori apologia Justinus loquitur, θεοφορούμενοι τῷ πνεύματι προφητικῷ. Omnis autem Scriptura, pergit Apostolus, quae θεόπνευστος est ¹⁷, eadem ad designandam salutis viam egregie idcirco confert, quod καὶ ὥφελμος πρὸς διδασκαλίαν, πρὸς ἔλεγχον, πρὸς ἐπανόρθωσιν, πρὸς παιδείαν τὴν ἐν δικαιοσύνῃ· ἵνα ἄσπιτος

¹³) II. Tim. III. 15.

¹⁵) Ibid. vv. 16—17.

¹⁴) Σοφίσαι, quasi ὁδηγῆσαι, uti subiecta materies postulat, analogia exigit doctrinae apostolicae, ac sententia prorsus gemina ad Gal. III. 24. seqq. ostendit, e qua intelligimus, librorum veteris foederis hanc esse proprietatem ac ferme naturam, ut viam consequendae salutis per fidem in Christo edoceant atque praemonstrent.

¹⁶) II. Petr. I. 21.

¹⁷) Erunt qui existiment, θεόπνευστος subiectum esse, ut logicis mos est dicere, non autem praedicatum, atque adeo verbum ἐστὶ inter θεόπνευστος et καὶ inseri debere. Ab his ego non acrius dissentiam, praesertim quum Syrus, Vulgatus, Patresque bene multi haud aliter censuisse videantur.

ἢ τοῦ θεοῦ ἀνθρώπος, πρὸς πᾶν ἔργον ἀγαθὸν ἐξηρτισμένος, utilis etiam ¹⁸ est ad doctrinam, ad probationem argumentis minime dubiis suffultam, ad emendationem, institutionemque iustitiae, omniumque virtutum ¹⁹, eum in finem ²⁰, ut homo Dei, cuius egregiae in Scripturis occurrunt periphrases ²¹, sit ab iis omnibus plenissime instructus, quibus theoria verae religionis continetur, quaeque curam, studiumque iustitiae inducunt ac promovent.

8. Jamvero neque hac florum pulchritudine nitescent, neque hac fructuum suavitate theologorum tractationes animos delinient, nisi diurna iidem, nocturnaue manu Scripturas versaverint, ac ex iis, tanquam e divite vena, plenis haustibus desumpserint, quae communi deinde utilitate dispensent. Scripturae ergo sunt, e quibus theologi repetant necesse est ²² λόγον ὑγιῆ, ἀκατάγνωστον verbum sanum, irreprehensibile, et e quibus vim, facultatemque mutuentur, qua valeant ²³ παρακαλεῖν ἐν τῇ διδασκαλίᾳ τῇ ὑγιαίνουσῃ καὶ τοὺς ἀντιλέγοντας ἐλέγχειν adhortari in doctrina sana, ac eos qui obnituntur, arguendo convincere.

¹⁸) Licet particula καὶ desit apud aliquos veteres interpretes, patresque non omnino paucos: et licet expungi illam oportere Millius putaverit; critici tamen plerique omnes illi suffragantur, illamque uti sinceram, germanamque tuentur. Vim autem induit potestatemque inferendi. Quamquam enim utrumque adiectivum, θεόπνευστος et ὁφέλιμος, appositum sit, et ad commune ὑποκείμενον, quod est πᾶσα γραφή, referatur; nihilominus alterum appositum, ὁφέλιμος, cum priore αἰτιατικῶς copulatur. Idcirco enim πᾶσα γραφή, summa librorum, quae γραφήν universim audiebat, quamque τὰ ἱερὰ γράμματα, et Rom. III. 2. λόγια θεοῦ Paulus dicit, ὁφέλιμός ἐστι, quod θεόπνευστος a Deo inspirante proficiscitur.

¹⁹) Sicut verbis, πρὸς διδασκαλίαν, πρὸς ἔλεγχον, pars religionis θεωρητική, ita verbis, πρὸς ἐπανόρθωσιν, πρὸς παιδείαν τὴν ἐν δικαιοσύνῃ, pars eiusdem πρακτική efferri videtur.

²⁰) Sic verto, quod putem, particulam ἵνα adhiberi τελικῶς.

²¹) Cuiusmodi istae sunt, quibus homines Dei appellantur I. Thess. I. 9. δουλεύοντες θεῷ ξῶντι καὶ ἀληθινῷ: Ephes. VI. 24. ἀγαπῶντες θεόν: II. Tim. II. 22. ἐπικαλοῦντες τὸν κύριον: et ibidem v. 19. ὀνομάζοντες τὸ ὄνομα τοῦ κυρίου.

²²) Tit. II. 8.

²³) Ibid. I. 9.

CAPUT II.

Potior necessitas expendendi, adhibendique Scripturas in hac quam versamus de praerogativis Petri controversia: — eius origo aperitur, et proposito, explanatoque discrimine inter δόγματα quae una Traditione, quaeque Traditione simul ac Scripturis comprobantur, uberius illustratur: — doctrinam de praerogativis Petri ad alteram pertinere δογμαίων classem ostenditur: — et necessitas conferendi Scripturas denuo inculcatur.

9. **E**tsi quae de necessitate conferendi, adhibendique Scripturas antecedenti capite breviter disseruimus, sint generatim verissima, neque adduci in dubitationem ab iis possint, qui theologi munus probe noverint ¹; longe tamen veriora et sanctius custodienda videri debent, si ad hanc, quam de praerogativis Petri agitamus quaestionem, propius referantur. Sed quam de caussa, et quibus potissimum rationum momentis haec potior necessitas stabilitur? ut aequissimae interrogationi respondeam, animadvertendum puto: δόγματα et christianae revelationis decreta, si cum praesidiis comparentur, quorum auctoritate demonstrantur, non esse uniusmodi, sed in duplici differentia versari. Quum enim nonnulla ex iis sint, quae sola divina Traditione, eaque συστατικῇ, comprobantur ²; alia, eaque multo plura instrumento non minus Scripturarum, quam suffragio Traditionis, quae propterea ἐξηγητικὴ καὶ ἐρμηνευτικὴ audit, asseruntur. Exempli, quibus ad obscuritates depellendas nihil accomodatius, sententiam paucis comprehensam illustrabunt.

10. Itaque fas mihi sit percontari, cuiusmodi ad praesidia demonstrationis relata censerī δόγματα debeant, quibus vel indubitatum credimus bibliorum canonem a tridentinis patribus sancitum, vel Deiparam ἀειπαρθένον, et rata ac valida sacramenta profiteamur, quae penes haereticas factiones, servata Christi institutione, administrantur? dubio procul ad priorem ex iis classibus revocabuntur,

¹) Theologi enim prae ceteris haec sibi dicta existimare debent, quae in quarta Catechesi Cyrillus hierosolymitanus habet: Δεῖ γὰρ περὶ τῶν θείων καὶ ἁγίων τῆς πίστεως μυστηρίων μηδὲ τὸ τυχὸν ἀνευ τῶν θείων παραδίδοσθαι γραφῶν, μηδὲ ἀπλῶς πιθανότησι, καὶ λόγων κατασκευαῖς παραφέρεσθαι. Plura eodem pertinentia dabunt Petavius in Proleg. cap. I. et Thomassinus Dogmatt. Theologic. T. III. Tract. I. cap. VIII.

²) Cum hac partitione conferri altera debet, qua δόγματα, si ad vim insitam, facultatemque rationis referantur, dispesci ita possunt, ut alia sint ἀπλῶς νοητά, alia ἀπλῶς ὑπερνοητά, et alia impervia quidem priusquam revelentur, sed omnino pervia, si semel manifestata fuerint. Ad hanc tertiam, postremamque classem illud spectat, quo Petri primatus continetur.

quas innuimus, eorumque catalogo inscribentur, quae quum certissima sint, suam tamen certitudinem non ex instrumento Scripturarum, sed ex una, eaque constanti Traditione derivant. Contra vero si petatur, unde constet, divinum Verbum esse Patri *ῥμοούσιον καὶ συναΐδιον*, et in Eucharistia non nuda nobis symbola tribui, sed verum Christi corpus, verumque sanguinem incredibili quadam caritate donari; citra omnem tergiversationem respondebitur, inde constare, quod testimonia Scripturarum diserta, et cum iis ad harmoniam concinentia Traditionis effata utramque veritatem luculentissime praeferant. Respondebitur, inde constare, quod Verbi cum Patre *ῥμοουσιότης*, et realis praesentia corporis Christi, ita auctoritate bibliorum asserantur, ut Traditione item, quae biblia explanat, suaque luce perfundit atque adeo *ἐξηγητική* est, uberius confirmantur. Quare perspicuum est quod assignavimus *δογμαίων* discrimen, si cum praesidiis ea contendantur, quibus asseri, vindicarique debent.

11. Ac ne quid eorum omittam, quae ad rem facere videntur, vulgatissimam recolam penes iuris doctores ³ caussarum, quae in disceptationem veniunt, partitionem, e quibus aliae comparatae ita sunt, ut solis *instrumentis* ⁴, aliae vero, ut *instrumentis* simul *testibusque* ⁵ dirimantur. Nemo hactenus, quod noverim, hanc distributionem negavit, aut neglexit: quin potius sollicitos de ea semper fuisse patronos, ac ne perturbaretur, diligenter cavisse, constat quam quod maxime. Sed, nisi mea me opinio fallit, neque minutus, neque *λεπτολόγος* videbor, si duplicem *δογμαίων* classem cum duplici, eaque respondente caussarum specie contulerim, adeo ut quae *δόγματα* Traditione dumtaxat comprobantur, eadem caussis respondeant, quibus cognoscendis, iudicandisque soli suppetunt *testes*: quae contra Scripturis iuxta ac Traditione, eaque *ἐξηγητική*, adstruuntur, eadem ab iis caussis non discrepent, quibus et instrumenta et testes patrocinantur.

12. Ex hoc autem discrimine alterum prodit neque leve, neque eiusmodi, quod insuper haberi impune possit. Sicut enim caussae, quarum probatio ex instrumentis aequae ac testibus repetitur, defendi nequeunt, nisi illa cum hisce in unam eandemque mentem conspirare demonstrantur; ita conclamata eorum defensio *δογμαίων*, quae e Scriptura ac Traditione Scripturam explanante dependent, censenda foret, nisi una eademque utroque ex fonte sententia deflueret. Ecquo enim recideret *ἐξηγητική* Traditio, si ab eiusdem sententia bibliorum significatio dissita aut diversa ostenderetur? quo reciderent Irenaei, utriusque Dionysii, romani et alexandrini, Theognosti, Pierii, Gregorii thaumaturgi, ceterorumque Patrum suffragia de Verbo cum Patre *ῥμοουσιότης*, e Scripturis deducta,

³) Hos inter videsis Cuiacium in parat. π. lib. XXII. tit. I. §. III.

⁴) Instrumenti vocem, quae usurpata laxius ea omnia denotat (l. 1. π. de fid. instrument.), quibus instrui caussa potest, heic pressius accipimus, et ad scripturas

quibus vis insit probandi (l. 1. C. de dilat.), coercemus.

⁵) Negotia enim aequo iure testibus et instrumentis expediri traditur l. 15. C. de fid. instrum. et l. 5. π. sub eodem titulo.

Scripturis innixa, quaeque nihil praeterea sunt, quam Scripturarum commentarii et explanationes, si sociniani ac remonstrantes voti tandem compotes evincerent⁶, aut ab ea doctrina alienissimas esse Scripturas, aut inania certe esse, quae ad eam tuendam e Scripturis colliguntur? quo reciderent monumenta omnia Traditionis a Cardinali Perronio, et ab iis deinde collecta, qui opus de perennitate fidei pro reali praesentia ediderunt, si zwinglianis, calvinianisque liceret serio, graviterque contendere, neque verbis Christi, quibus Eucharistiae institutio continetur⁷, neque eiusdem sermone ab Johanne descripto⁸, neque Pauli effatis⁹ id exprimi, quod ad asserendam realem praesentiam dominicae carnis requiritur et sufficit? haec omnia, et quotquot his sunt similia¹⁰, veluti corruptelae, quas Petrus¹¹ indoctis καὶ ἀσθηρίτοις tribuit, quasque violentas detorsiones appellat, reiicienda forent, atque e probationum albo expungenda. Quare si δόγματα, quae examini subiiciuntur, quaeque sunt argumentis confirmanda ad eorum spectent ordinem, quae cum instrumento Scripturarum, et Traditione Scripturas explanante cohaerent; hoc curandum inprimis est, ut Scripturarum oracula neque seiuncta et aliena a sententia Traditionis, neque eidem, quod esset longe deterius, opposita demonstrentur: enitendum deinde est, ut conspiratio ac propemodum ἁρμονία, quae utraque devincit, suo in lumine collocentur.

13. Jamvero doctrinae caput, cuius vindicias, confirmationemque suscipimus, non eorum comprehenditur δογματῶν ambitu, quae una Traditione consistunt, quaeque ad nos usque unius Traditionis praesidio ac veluti tramite devenierint; sed ad eorum spectat numerum, quae ita e Scripturis apta, nexaque

⁶) Arduum enim illis non foret concludere: non magis fidendum Patribus esse dum testium, quam dum interpretum munere funguntur. Eos autem falli, ac in transversum abripi dum Scripturas interpretantur. Nihil ergo impedire, quominus in errorem lapsi etiam dum testes agunt, existimentur.

⁷) Matth. XXVI. 26—29. coll. Marc. XIV. 22—26, Luc. XXII. 14—20.

⁸) Joh. VI. 48—60.

⁹) I. Cor. XI. 23 seqq.

¹⁰) Patet enim haec animadversio latissime, et ad ea omnia se porrigit christianae fidei decreta, quae conspirante Traditionis et Scripturarum auctoritate demonstrantur.

¹¹) II. Petr. III. 15—17: Καθὼς καὶ ὁ ἀγαπητὸς ἡμῶν ἀδελφὸς Παῦλος, κατὰ

τὴν αὐτῶν δοθεῖσαν σοφίαν (supple, διὰ πνεύματος ἁγίου) ἔγραψεν ὑμῖν, ὡς καὶ ἐν πάσαις ταῖς ἐπιστολαῖς, λαλῶν ἐν αὐταῖς περὶ τούτων· ἐν οἷς ἐστὶ διενόητά τινα, ἃ οἱ ἀμαθεῖς καὶ ἀσθηρίκοι στρεβλοῦσιν, ὡς καὶ τὰς λοιπὰς γραφάς, πρὸς τὴν ἰδίαν ἀντὼν ἀπώλειαν. Quorum occasione verborum menti occurrit, quod theologus eruditissimus Henr. Klee, katholische Dogmatik, I. Band. pagg. 259—260 edit. Mainz, an. 1839. docet: testimonio eorum, quae apostoli et evangelistae scripserint, ne unius quidem libri ad N. T. pertinentis divinam originem, auctoritatemque canonicam ostendi posse. Atqui Petrus inter λοιπὰς γραφάς recenset Pauli epistolas, de Scripturis vero testatur, non humano instinctu, sed Spiritus afflatu eas esse conscriptas.

sunt, ut nihil ad ea adprobanda Traditio suggerat, quod cum effatis bibliorum non sit consertum, et penitissime colligatum. Equidem non me fugit, innumera de praerogativis Petri, ac illius prae apostolis ceteris eximia, et consortii, societatisque exsorte auctoritate, testimonia suppetere, quae vel patres dixerint, vel synodi pronunciarint, vel iam inde ab antiquissima aetate romani praesules tulerint: neque me fugit, eodem plura pertinere sive liturgicis comprehensa monumentis, sive historiae annalibus consignata: praeclare etiam intelligo ad tuendas Petri dotes, auctoritatemque principalem tot, tantaque consentire, ut arduum non minus sit illis abuti, quam in periculum ἀξιώματα adducere omnibus, qui humanitatem non exuerint, probatum ¹²: admitti caussam oportere, cuius effectus negari non possunt. Verum mihi pariter compertum est, quaecumque tandem omnia pro huius caussae patrocinio adducantur in medium, cum bibliorum testimoniis ita cohaerere, ut nonnisi speciem, faciemque referant expositionum, quibus illa aperiuntur liquidius, ac manifestius declarantur. Quod ego, uti par esset, accurate exequerer, et singula quaeque expendendo patefacerem, nisi res eiusmodi foret, quae et sua se luce proderet, eoque splendore nitesceret, quo omnes dubitationis umbrae funditus depellerentur.

14. Consulantur enimvero quae plurima extant de Petro, eiusque ornamentis edita opera, neque minora solum, et quae informandis primum theologiae alumnis inserviunt, sed maxima ac potissima, quotquot in Roccaberti Bibliotheca pluribus, iisque praegrandibus voluminibus continentur: his addantur quae publici fecerunt iuris Emmanuel Schelstrate, Cardinalis Orsi, Mamachius in quinto de Originibus tomo, Zaccaria in utroque distincto opere, cum latino, tum italico, quod Anti-Febronium inscripsit, Gerdilius in Dissertationibus, Bolgenium in libris de Episcopatu: ac prae reliquis ¹³ Petrus Ballerinius de vi et ratione Primatus; tum inspiciatur sedulo, et summa qua fieri cura potest, animadvertatur,

¹²) Puto enim ecclesiasticam historiam non minus arcte cum Petri primatu cohaerere, quam historia graeca cum Alexandri victoriis, et romana cum triumphis Caesaris copuletur. Sicut ergo incolumi utraque historia, graeca et romana, neque Alexandri victoriae, neque Caesaris triumpho negari possunt; ita, quin tota subvertatur ecclesiastica historia, nefas est de Petri primatu dubitare. Etenim non aliter eorum quae graeca et romana refert historia, *sufficiens ratio* victoriis Alexandri, Caesarisque triumphis continetur; quam gestorum, quibus ecclesiastica historia constat, Petri primatu contineatur.

¹³) Alios enim, eosque omnino pluri-

mos possem recensendo memorare, Andream Duvallium, De suprema Rom. Pontificis in ecclesiam potestate: Antonium Charlas, De primatu iurisdictionis adv. Lud. Ellies Dupin: Coelestinum Sfondrati, Gallia Vindicata: Nicolaum Dubois in Disquisitione theologico-iuridica ad episcopos Galliae: Hermannum Damen in Orat. de cathedra Petri, ut est regula fidei, secundum antiquam et continuam doctrinam theologorum Iovaniensium: Barruel, Du Pape et de ses droits religieux: Alphonsum Muzzarellium in Opusculis: Hyacinthum Serry, De Rom. Pontifice in ferendo de fide, moribusque iudicio falli et fallere nescio: ac postremo De Maistre, Du Pape.

constare ne sibi ista possint, vigere, inditasque exserere vires, si quae e bibliis depromuntur, et ad omnem prope paginam laudantur, ad rem non faciunt, vel etiam ipsi rei, quod protestantes contendunt, plus minusve refragentur. Aut caecus plane sum, et in via licet expedita turpiter offendo: aut suffragium Traditionis non leviter periclitatur, si quae doctrina eo asseritur, dissita ab illa sit, illive opposita, quam bibliorum testimonia exhibent ac repraesentant. Sane audio magnum Leonem ¹⁴ his verbis de Petri auctoritate, eximisque dotibus disertissime perorantem: „Huius muneris ¹⁵ sacramentum ita Dominus ad omnium apostolorum officium pertinere voluit, ut in beatissimo Petro apostolorum omnium summo principaliter ¹⁶ collocarit, et ab ipso, quasi quodam capite, dona sua velit in corpus omne manare, ut exsortem se mysterii intelligeret esse divini, qui ausus fuisset a Petri soliditate recedere. Hunc enim ¹⁷ in consortium individuae unitatis assumptum, id quod ipse erat, voluit nominari dicendo ¹⁸: *Tu es Petrus, et super hanc petram aedificabo ecclesiam meam*: ut aeterni templi aedificatio mirabili munere gratiae Dei in Petri soliditate consisteret.“ Sed qui possem huic doctrinae assensum adiungere, si quae Christi promissiones a Matthaeo referuntur, alium et ab eo diversum funderent sensum, quam ille sit, quem Leo exprimit, et cui Leonis sententia unice incumbit? quae autem de Leone moneo, ad eum sic spectant, ut ad caeteros item omnes spectare censenda sint. Spectant ad Tertullianum ¹⁹, Origenem ²⁰, Cyprianum ²¹, Optatum ²², Pacianum ²³, Ambrosium ²⁴, Hieronymum ²⁵: ac uno verbo, ad omnes ²⁶ spe-

¹⁴) Epist. X. al. LXXXIX. cap. I.

¹⁸) Matth. XVI. 18.

¹⁵) De munere loquitur, quod in evangelio praedicando, exstruendaque ecclesia impenditur.

¹⁹) De Praescriptt. capp. XXII—XXXVI, de Pudicit. cap. XXI.

¹⁶) Duplici significatione auctoritas extruendae, regendaeque ecclesiae Petro *principaliter* tributa dicitur: tum quod ipse *primus* plenitudinem illius potestatis acceperit: tum quod ipse *unus* illam acceperit independentem, et tanquam ceterorum caput ac rector. Cf. Bolgenium, L' Episcopato, cap. I. nn. 4—19, et cap. II. nn. 14. seqq.

²⁰) In Matth. Tom. XII. n. XV. Tom. XIV. n. XXXI, et in Exposit. Ps. I. apud Eusebium H. E. lib. VI. cap. XXV.

²¹) Epistt. XXXVII — LV — LXXI — LXXIII. pagg. 74 — 104 — 194 — 201 — 203. edit. Oxon. 1682.

²²) De schismat. Donat. lib. II. cap. II, lib. VII. cap. III.

²³) Epist. III. Tom. III. Concil. Hispan. pag. 89. edit. Rom. 1694.

²⁴) Enarrat. in Ps. XI. n. XXVIII, de Virginit. cap. XVI. n. CIII.

¹⁷) Particula *enim*, qua Leo utitur, aperte ostendit, propositum illi fuisse, quae de Petri praerogativis affirmaverat, Christi verbis et auctoritate demonstrare. Sed quaecumque subdit, lusus forent, non demonstratio, si Christi verba eum funde-
rent sensum, qui ad Petri dotes nullatenus referretur.

²⁵) In evang. Matth. cap. XVI. lib. III. pag. 74. edit. Martianaeci, adver. Pelag. lib. I. pag. 49. et adver. Jovinianum lib. I. pag. 168.

²⁶) Pluribus id demonstratum habes

ctant, quia omnes nunquam de singulari Petri auctoritate loquuntur; quin ad Scripturas provocent, suam ex illis doctrinam repetant, luculenterque significant, se interpretum munere fungi, partesque explanatorum obire.

15. Fuit ergo cur initio praesentis tractationis monerem, nihil theologis potius, nihil esse antiquius debere, quam ut sedulo exquirant, quid de Petri insignibus ac suprema auctoritate Scripturae doceant, quid exhibeant, quidve tenendum esse demonstrent. His enim rei summa constat, atque huc totius contentionis caput redit. Traditionem vereor, non aspernor historiam, neque cetera tuendae veritatis praesidia contemno: sed singulis proprias adscribo sedes, interna vincula, quibus probationum adminicula mutuo cohaerent, aperio, tum, quid praestandum sit, ac pro virili urgendum, absolvendumque profiteor.

C A P U T III.

Difficultas ex iis oborta quae praemisimus: — enodatur primum suffragio catholicorum, a quibus protestantes non dissident: — tum eorundem censura, qua in eos animadvertunt, qui Petri praerogativas ita vindicant, ut Scripturarum testimonia vel negligant, vel male etiam detorqueant: — plenior difficultatis solutio, ac praestitutae doctrinae confirmatio.

16. Quamquam neque obscura sint, neque ad intelligendum difficilia quae praemisimus; dissimulari tamen non debet, quod sponte veluti sua animum subit: vix ea probari penitus posse, quin canon momenti omnino maximi, et regula theologis certissima in manifestum discrimen adduci videatur. Regula autem haec est: in exponendis, enarrandisque definitionibus, quas vel ipsa tulerint oecumenica concilia, rem definitam, et qua summa ac iudicii caput continetur, ab iis probationum momentis distingui sedulo oportere, quibus eadem comprobatur atque statuitur. Definitionem enim indubitata esse, et assensionem fidei propriam illi deberi: sed probationes neque indubitatas prorsus esse, neque ad eiusmodi auctoritatis culmen pertingere, ut citra crimen violatae fidei tentari, oppugnarique nequeant. Quod Melchior Canus in opere de Locis theologicis.¹ ea perspicuitate tradit, eaque exemplorum, argumentorumque copia tuetur et confirmat, ut omnium suffragia, adprobationemque obtinuerit.

apud Mamachium, Origg. et Antiquitt. Christian. lib. IV. pagg. 286. seqq.

¹) Lib. V. cap. V. q. IV. tradit: „Quae in Conciliorum vel Pontificum decretis, vel explicandi gratia inducuntur, vel ut obiectioni respondeatur, vel etiam obiter et in transcurso praeter institutum praeci-

puum, de quo erat potissimum controversia; ea non pertinere ad fidem, hoc est, non esse catholicae fidei iudicia.“ At vero docet ne Canus, ad fidem non pertinere eam biblicorum interpretationem, quam Concilia et Pontifices non tum edunt solum, quam *directe*, expressisque verbis

17. Quum itaque in ipsis etiam conciliorum iudiciis atque sententiis alia sit definitionis ratio, et alia eorum, quae antecedendo, comitando, vel subsequendo definitionem communiunt; sinemus ne ut haec distinctio, quum de doctrina Traditionis agitur, inconsulto ac temere negligatur? sinemus ne ut eodem habeantur numero, hinc quod unanimi Traditione asseritur, inde vero quod ad conciliandam unanimi sententiae fidem adhibetur? atque adeo sinemus, ut eadem sententiae ac probationum existimetur auctoritas, ita ut si harum forte vis defecerit, illius quoque robur ac firmitas iaceat? praepostera haec foret rerum dissitarum perturbatio, non minus viro theologo indigna, quam periculi plenissima. Subvertimus ergo quaecumque omnia eo consilio disputavimus, ut intestinum vinculum ostenderemus, quo cum Traditionis sententia de praerogativis Petri, eiusque suprema auctoritate, certa quaedam biblicorum expositio cohaeret: tum quae ea mente praestituimus ut doceremus, quae suffragio Traditionis rata esse videntur, eadem dubia ac etiam falsa duci oportere, si fallax fuerit biblicorum interpretatio, e qua colligebatur.

18. Difficultatem exposui, nec eorum quidquam tacitus praeterii, quae ad illam amplificandam, roborandamque conducerent. Sed ne commovear, et ab ea, quam complexus sum, sententia discedam, sua faciunt auctoritate theologi, iique non pauci, sed plerique omnes, neque minorum dumtaxat gentium, sed principes quoque ac nobilissimi. Nemo enim eorum est, qui in versanda de primatu, ornamentisque Petri controversia, non omnes intenderit vires, ut illa e Scripturis erueret, et Scripturarum auctoritate imprimis stabiliret. Hanc profecto iniere viam Caietanus in disputationibus, quas de b. Petro, romanisque praesulibus edidit, Canus in sexto de Locis, Gregorius de Valentia in commentariis, qua partem secundam secundae partis Summae Theologicae exornavit, Franciscus Suarius in egregio opere defensionis pro fide catholica, Bellarminus et

definiunt, alicui effato certam quamdam significandi potestatem inesse; verum tum etiam *oblique* proponunt, quum argumenta ex eodem ducto id confirmant, quod forte in controversiam venerit? hoc neque docet, neque fieri poterat ut doceret. Nam, quae est cl. Patritii (De interpret. litter. sacr. lib. I. cap. V. n. 103.) animadversio, quoties Concilia, Pontifices, Patres „dogma aliquod verbis *ἀποδεικνύουσιν* tradunt, non illud veluti quid novum effingunt, sed vel ex scripturis sacris colligunt vel ex doctrina a maioribus tradita, quorum prius ut citra errorem faciant, necesse est, ut verborum sensus certo ab iis teneatur, ideoque, quum dogma a se

propositum prolatis sacrorum auctorum testimoniis vel confirmant, vel confirmari posse pronuntiant, tantumdem praestant, ac si expresse horum testimoniorum sensum definirent.“ Atqui in hac quam de praerogativis Petri agimus controversia, Patres uno ore, concordique sententia ad eas tuendas, confirmandasque certis biblicorum testimoniis utuntur. Declarant ergo significationem iis subesse, qua Petri praerogativae comprobentur. Sed constans atque universalis de interpretatione biblicorum a Patribus edita declaratio fallax esse non potest. Probatio ergo praerogativarum Petri e bibliis desumpta declaratione, Patrumque suffragio firmissime stabilitur.

strenuus Bellarmini vindex Gretserus in singulari de Romano Pontifice concertatione, Nicolaus Coeffeteau in evulgatis pro sacra Monarchia adversus Rempublicam Marci Antonii de Dominis libris apologeticis, Froehlich in opere, Quis est Petrus, Zallinger in Jure publico ecclesiastico, Stattler in Demonstratione Catholica, Veith de Primatu et infallibilitate Romani Pontificis, ac ne plures memorem ², ii prorsus omnes, qui in hac tuenda catholica veritate eximiam sibi eruditionis, scientiaeque famam pepererunt. Tantaе vero adhibendae contentionis haec fuit ratio, quod a se satius prodi, quam caussam defendi viri doctissimi intelligerent, nisi omni qua possent ope, Scripturarum testimonia vindicarent. Sed nonne praesto erat Traditio? suppetebat enimvero, sed talis, cuius vis non aegre infringeretur, si de praepostera ³ bibliorum interpretatione, e qua pendebat, semel constitisset.

19. Quod illi non re solum ipsa ac opere, sed perspicuis quoque verbis, repetitisque iudiciis significarunt. Etenim huc omnino pertinent, quae ex Johanne Roffensi contra Lutherum perorante Emmanuel Schelstratius ⁴ refert: „Adesto et tu Luthere cum lutheranis omnibus tuis, et omnia studia vestra in unum conflate; numquam efficietis quin vera praedixerit Christus, nempe, quod super petram, hoc est Petrum, aedificaturus esset ecclesiam: stat contra vos haec auctoritas invicta, quae etiam de vobis triumphat et triumphabit.“ Huc faciunt quae in eamdem sententiam de necessitate tuendi commendatam Traditionis suffragio bibliorum interpretationem habent Schelstratius, cuius modo meminimus, et Zaccaria in altera ex dissertationibus ⁵, quibus opus Anti-Febronii vindicati continetur. Sed insignia prae reliquis sunt quae Petrus Ballerinius animadvertit. Is enim propositionem quintam, quam propugnandam aggredditur, sic ⁶ effert: „Divinum ius, quo primatum praecipuae iurisdictionis et personalem ⁷ s. Petri constitutum diximus, *praecipua* habet *fundamenta*

²) Alios sane multos semel ac iterum superius laudavi.

³) Unde enim ea vis Traditionis repetitur, quae firmandis, statuendisque fidei decretis par est? ex promissionibus, quibus Christus unanimi pastorum, doctorumque sententiae auctoritatem conciliavit. Sed promissiones Christi ad pastores, doctoresque inprimis referuntur, dum Scripturas uno ore, unaque mente interpretantur. Si ergo tradita ab iis concordii voce interpretatio errori obnoxia ostenderetur, nihil ab iis profectum eorum numero haberi posset, quae propter testium auctoritatem creduntur.

⁴) Antiquit. illustrat. Diss. II. c. VI. art. I.

⁵) Cap. III. §. II.

⁶) De vi et ratione Primatus, cap. V.

⁷) Primatus Petri duplici, diversaque ratione esse ac dici *personalis* potest. Atque hac inprimis, ita illius fuisse proprium, ac eiusdem personae addictum, ut cum eo plane desierit. Tum hac, sic illi convenisse, ut aliis communis non fuerit. Quod priori significatione *personale* audit, *reali*, *perennique* opponitur: posteriori vero ei opponitur, quod est *commune*, et pluribus *ἀδιαόρωτος* inest.

Jamvero Montanistarum fuit adversus catholicos, quos per summam contemptiōnem psychicos appellabant, contendere, ornamenta Petri ea significatione fuisse

in iis evangelicis testimoniis, quae de s. Petro totius ecclesiae primatue passim recitantur.“ Audis, *praecipua fundamenta* peti aliunde non posse, quam ex solemnibus de Petro evangelicis testimoniis? repones fortasse, hisce praesidiis non eo usque Petri praerogativas constare, ut eae periclitentur, si illa dilabantur et corruant. Adesse praeterea Traditionem, cuius robore Petri caussa validissime stabiliatur. Omnino falleris, pergit Ballerinius ⁸: „Cum enim in ipsis Traditionis textibus eadem evangelica testimonia, tamquam primatus fundamenta, referantur; si quis haec ad primatum praecipui iuris et personalem statuendum nihil valere contenderet, ipsam quodque Traditionem iisdem testimoniis subnixam eo nihil conferre existimet necesse est: quod idem esset ac divinam institutionem omnino subvertere.“ E quibus deducendo infert: „Stet itaque in evangelicis testimoniis de s. Petro insignibus contineri debere praecipuum ac personale illius ius, quo praecipuae atque personalis iurisdictionis primatus a Christo eidem collatus constituitur.“

20. Neque protestantes secus opinantur, utpote qui, diversa licet de caussa, in eandem tamen cum orthodoxis sententiam concesserint. Sicut enim hi omnia sollicitè quaerunt, quae tuendae biblicorum interpretationi auctoritate Traditionis comprobatae inserviunt, atque adeo „omnes, ac parisienses vel maxime, uti Bossuetus testatur ⁹, adversus haereticos primatum apostolicum pro-

personalia, quam initio commemoravimus. Testis est hac de re locuples Tertullianus, qui pro cataphrygibus pugnans catholicum doctorem his verbis (de Pudicit. cap. XXI.) compellat: „De tua nunc sententia quaero, unde hoc ius (peccata quaecumque remittendi) ecclesiae usurpes. Si quia dixerit Petro Dominus, *super hanc petram aedificabo ecclesiam meam, tibi dedi claves regni coelestis, vel quaecumque alligaveris, vel solveris in terra, erunt alligata, vel soluta in coelis*, idcirco praesumis et ad te derivasse solvendi et alligandi potestatem, idest ad omnem ecclesiam Petri propinquam, qualis es evertens, atque commutans manifestam Domini intentionem *personaliter* hoc Petro conferentem? *super te*, inquit, *aedificabo ecclesiam meam, et dabo tibi claves*, non ecclesiae; et *quaecumque solveris vel obligaveris*, non quae solverint vel alligaverint.“

Sed altera acceptio, qua *personale* idem sonat ac *proprium*, unanimi Patrum

consensione statuitur, qui primatum uni Petro constantissime vindicant. Qua de re conferri prae ceteris possunt quae habet Origenes in cap. XVIII. Matth. n. 31, Firmilianus epist. LXXV. inter Cyprianicas, Cyrillus hierosolymitanus Catech. XI. n. 3, Hilarius de Trinit. lib. VI. n. 37, comm. in Matth. cap. XV. n. 17, Ambrosius in Luc. lib. VI. nn. 93 — 97, Pacianus epist. III. ad Sympronianum, Asterius homil. in ss. Principes Apostol. n. 2, Basilius seleuciensis homil. in s. Andream, et Beda homil. in die s. Matthaei.

⁸) Ibid. n. 1.

⁹) In dissert. quae defensionem Cleri Gallicani praemittitur. Ceterum de hoc opere, et an illud merito Bossueto tribuatur, lege quae disserunt Zaccaria in isagoge ad opus italicum, L'Anti-Febbronio, et Cardinalis de Bausset, Histoire de Bossuet, Tome deuxieme, Pieces justificatives du livre sixieme, n. 1.

bant ex his locis: *Tu es Petrus*, et, *Confirma fratres tuos*, et, *Pasce oves meas*; ita illi suarum esse partium censent nihil non moliri, quod huic labefactandae probationi conducere posse arbitrentur. Notissimi sunt presbyterianorum conatus, et paullo eruditiores non ignorant studia eodem pertinentia, quibus lutherani, anglicani, zwingliani, arminiani, ac sectae omnino omnes ab unitate catholica seiunctae operam dederunt, ut testimonia evangelica ad rem non facere, et aliter prorsus ac orthodoxi existiment, accipienda esse persuaderent. Abunde fuerit ¹⁰ vel ex iis nonnulla legisse, quae Chamierius, Spanhemius, Turretinus, Salmasius, Lightfootus, Episcopus, Rivetus atque Limborchius literis consignarunt: sic enim comparata sunt, ut hanc protestantibus omnibus insedissem mentem perspicue ostendant, victoriam penes eos futuram, qui suam evangelicorum textuum interpretationem aptius, validiusque confirmarint. Ut enim Marcus Antonius de Dominis auctor est ¹¹, sperari non potest, ut Traditione vincant, qui bibliorum auctoritate superentur: neque sperari potest, ut Traditionis doctrina vim suam teneat, firmitatemque tueatur, si bibliorum significatio, e qua pendet, vel dissita, vel illi opposita certis argumentis, de quibus sibi protestantes blandiuntur, conficiatur.

21. Hinc si qui catholicorum licentius sibi forte permiserint, vel Scripturarum testimonia secus ac par foret, interpretari, vel non iis potissimum fidere, atque in iis princeps caussae momentum collocare, in bonorum omnium offensionem venerunt, a qua ut semetipsos eximerent, non satis illis fuit contestari, indubitatas sibi esse Petri dotes, illasque se uberrima Traditione communire. Quod Launoii, Dupinii, Febbronii, Tamburinii, aliorumque eiusdem notae scriptorum exemplis apertissime comprobatur. Pugnant illi adversus protestantes, ius Petri singulare, ac eiusdem decora tuebantur, nullumque faciebant finem congerendi Traditionis suffragia, quibus veritatis hostes premerent atque ad

¹⁰) Incredibile dictu est, qua se facilitate a testimoniis Patrum de primatu Petri tum protestantes expediant, quum sibi demonstrasse visi sunt, nihil in bibliis contineri, quod ad eum asserendum conducatur. Notant enim quaecumque tandem de Petro insigniter dicta apud Patres reperiantur, non alio accipi sensu posse, quam qui cum bibliorum doctrina conspirat. Ad hanc Patres iugiter provocare, ad hanc semet recipere, huic insistere, atque hanc normae instar, quam sequantur, complecti. E quibus liquet, quae, quantaque sit necessitas eam tuendi bibliorum interpretationem, quae cum catholica veritate consentit.

¹¹) De Republ. Christ. lib. I. cap. VI. Et re sane vera, inquit Turretinus Loco XVIII. q. XVII. §. XXIII, si semel ea bibliorum interpretatio obtinuerit, quam unice veram, germanamque esse protestantes defendunt; id erit consequens, „testimonia Patrum, quibus interdum vocant Petrum caput et principem apostolorum, non intelligi ratione oecumenici pontificatus, vel monarchiae, sed ratione primatus ordinis et dignitatis, sive propter dotes, quibus prae caeteris eminebat, quo sensu II. Cor. XI. Apostolus vocat quosdam τοὺς ὑπὲρ ἡμῶν ἀποστόλους, et alibi Gal. II. σὺλους.“

incitas redigerent. Nihilominus una omnium vox propemodum insonuit¹², quae illos susceptae caussae non assertores et vindices, sed proditores infensissimos declaravit. Cuius acerbissimae reprehensionis haec potissima ratio extitit, quod evangelica testimonia negligerent, eorum vim, potestatemque probandi attenuarent, ac de parietibus et imponendo fastigio solliciti, fundamentum ipsum imprudentes labefactarent.

22. Atque his quidem ita obiectam dilui difficultatem puto, ut inculcandam rursus non esse pro certo habeam. Nisi illam inculcare fortassis pergant, qui licet incisos eiusdem nervos sentiant, nondum tamen enucleate vident, qui contingere possit citra ἐξηγητικῆς Traditionis periculum, ut illius probandi vis e biblicorum interpretatione¹³ dependeat. Quibus ego ut faciam satis, tria ex ordine proponam, et maiori, qua fieri brevitate poterit, explanabo.

¹²) Cf. Ballerinum, De vi et ratione Primatus, cap. V. nn. 4—6, et Zaccariam, Anti-Febbron. Vindicat. diss. II. cap. III. n. 7.

¹³) Ut quo ista spectent, cognoscatur evidentius, iuverit animadvertere: I. Traditionem *subjective*, ut loquuntur, acceptam describi aptius non posse, quam si *manifestatio* dicatur *illius conscientiae, quam de universo christianae institutionis deposito pastores, doctoresque ecclesiae praepositi non citra Numinis tutelam fovent atque custodiunt*. E qua conscientia illud prodit, ut una semper eademque fuerit ecclesiae fides, nullusque christianae professionis articulus designari possit, quem ecclesia aliquando ignorarit. Porro II. non pauca ex iis articulis, quibus summa Traditionis continetur, sancti Dei homines, supernoque afflati Spiritu litteris consignarunt. Factum propterea est, ut eiusmodi δόγματα duplici veluti e fonte Traditionis et Scripturae propagarentur. Haec autem III. cum iis collata, quae scripta numquam fuerunt, quaeque sola Traditione innotescunt, causam praebuere theologis, ut Traditionem ipsam bifariam dispescerent, illamque dicerent ἐξηγητικὴν, qua δόγματα comprehensa bibliis nitidius proponuntur, eam contra συστατικὴν, quae δόγματα re-

fert, quorum in Scripturis mentio desideratur. Huius partitionis IV. iam inde a saeculo XVI. multo est apud theologos frequentior recordatio, expolitio uberior ac plenior defensio: quod protestantium erroribus tribui debet. Ut enim V. Traditiones ἀρχαίους theologi diligentius defenderent, protestantium effecit πρώτον ψεῦδος, quo universam christianam doctrinam eorum ambitu concludebant, quae divinis litteris consignata leguntur. Ut autem ἐξηγητικαῖς Traditionibus acriori studio prospicerent, referri in acceptis debet eorundem temeritati, qua singulorum libidini enarrationem biblicorum permiserunt. Cura ergo, ne depositi integritas, sinceraque biblicorum interpretatio perverteretur, stimulos catholicis adiecit, ut omnia adhiberent, quae ad utramque Traditionis speciem tutandam conferre posse arbitrarentur.

Verum VI. si ita se res habet, consentaneum esse videtur, Traditionis ἐξηγητικῆς vim, auctoritatemque e bibliis minime pendere; refellendis vero, profligandisque praeposteris novatorum commentariis sat esse, si contra illos eiusdem Traditionis auctoritate praescribatur. Cui consequutioni VII. ne calculum adiciam, non auctoritate minus, quam perspicuis adigor rationum momentis. Nemo enim

Sit autem istud primum, quodnam ipsi de propositione iudicium ferrent, qua abrupte affirmaretur: „potiora quae e bibliis adduci testimonia consueverunt, ac ea nominatim, quae penes Matthaeum, Lucam et Johannem habentur, talia esse, ut operam manifestissime perdant, qui illorum ope ac praesidio summam, eandemque singularem Petri auctoritatem stabilire contenderint.“ Dubio procul iudicarent, his contentam verbis propositionem a nota temeritatis et perniciosi simili erroris subduci non posse. Cur enimvero? quod eiusmodi propositionis auctores non violarent modo quaecumque omnia legitimae interpretationi praeesse debent, sed praeterea, quod multo est gravius, in eam offenderent sanctionem, qua ¹⁴ tridentina synodus „ad coercenda petulantia ingenia decernit, ut nemo suae prudentiae innixus, in rebus fidei et morum, ad aedificationem doctrinae christianae pertinentium sacram scripturam ad suos sensus contorquens, contra eum sensum quem tenuit et tenet sancta mater ecclesia, cuius est iudicare de vero sensu et interpretatione scripturarum sanctarum, aut etiam contra unanimem consensum Patrum, ipsam scripturam sacram interpretari audeat“. Tum quod rei fierent spreti iuramenti, a singulis theologiae doctoribus e Pii IV. praescripto in haec verba concipiendi: „Sacram scripturam iuxta eum sensum, quem tenuit et tenet sancta mater ecclesia, cuius est iudicare de vero sensu et interpretatione sacrarum scripturarum admitto, nec eam umquam nisi iuxta unanimem consensum Patrum accipiam et interpretabor.“ Recte omnino et ad normam catholicae professionis accommodata. Sed quo pacto obviam irent repONENTI, argumenta adesse minime dubia e certis ducta hermeneuticae regulis,

a) Tertulliano validius praescriptione usus est, ac nemo pluribus contendit, ad disputationem de Scripturis ne admitti quidem haereticos oportere. Nihilominus adversus Praxeam pugnans e re esse duxit (cap. II.) adnotare: „Salva praescriptione, utique tamen propter instructionem et munitionem quorundam, dandum esse etiam retractationibus locum: vel ne videatur unaquaeque perversitas, non examinata, sed praedudicata damnari, maxime haec, quae se existimat meram veritatem possidere.“ Ad haec b) quotquot sunt reliqua Patrum opera, actaque conciliorum, tot eloquentissima habentur argumenta, quibus de officio monemur ostendendae consensionis, qua in unam eandemque sententiam Scripturae et *ἡ γραφή* Traditio concurrunt. Quare c) initio Theologicae Summae, et librorum adversus Gentiles Thomas edicit, *eiusdem*

esse unum contrariorum prosequi, et aliud refutare. Et merito d), quum permitti protestantibus nequeat, quod de demonstrato dissidio Scripturas inter Traditionemque *ἡ γραφή* iactitant, quin Traditionis ipsius auctoritas *oblique* convellatur. Aut enim *λογικῶς* eam spectas, et eodem vinculo cum bibliorum interpretatione cohaeret, quo consequens cum antecedente copulatur. Aut illam spectas *θεολογικῶς*, et fieri nullatenus potest, ut iis tuto fidas testantibus, qui dum interpretantur, a veritate discedunt. Cum itaque theologi sit ad *ἁρμοσίαν*, consensionemque redigere, quae in christiana doctrina faciem, speciemque oppositionis referre videntur; eius item erit cognationem ostendere, qua Scripturae et *ἡ γραφή* Traditio devinciuntur.

¹⁴⁾ Sess. IV. Decret. de edit. et usu sacrorum librorum.

quibus ostenditur, evangelicorum textuum interpretationem unanimi Patrum consensione receptam a sincero, germanoque Scripturarum sensu abhorrere? profecto non hominis petulantiam retunderent, sed animos illi adderent, quibus ferocius insaniret, si permissa quae obiicitur *ἀντιλογία*, nudum Traditionis nomen repetendo ingeminarent. Intelligent ergo duplici se munere obstringi, quo primum confictam *ἀντιλογίαν* exploderent, deinde vero *ἁρμονίαν*, consensionemque patefacerent, qua interpretatio ē certis hermeneuticae regulis desumpta ne hilum quidem ab ea dissidet, quae ad nos usque universali Traditione defluxit.

23. Huc autem redit quod docemus: vim Traditionis, quae ad biblica testimonia refertur, non obscure periclitari, nisi duo demonstrentur; ac initio, sententiae Traditionis oracula biblicorum non adversari, tum vero haec eadem ad certas interpretandi leges exacta unam eandemque cum Traditione sententiam referre.

Sane, ut ad alterum ex iis veniam, quae promisi, ratio ac veluti ingenium Traditionis, quae *σχέσει* ac respectu cum biblicis testimoniis cohaeret, huiusmodi est, ut ea sit, dicaturque *ἐξηγητική*. Hoc theologi monent, atque rei ipsius natura confirmat. Porro *ἐξηγήσεως* conditio haec est, ut vi careat omni, si ab instrumento discrepet, neque aliunde quam a consensione cum instrumento ¹⁵ probandi auctoritatem mutuetur. Quoties ergo de Traditione disseritur, quae cum bibliis nexa est, et ad *ἐξήγησιν* propterea revocatur, toties necesse est, cum ea refellere, quibus *ἀντιλογία* Scripturam inter Traditionemque obiicitur, tum utriusque concentum, conspiracyemque demonstrare.

24. Quod mihi videor paullo etiam aliter explanare posse atque edisserere. Itaque nonnullae ex iis definitionibus ¹⁶ memoria recolantur, quibus tridentina synodus declaravit, certum aliquod doctrinae caput auctoritate perennis Traditionis assertum indubiis pariter Scripturae testimoniis comprobari. Ac ut evidentior sit, lucidiorque tractatio, animo reputetur decretum ¹⁷, quo edicitur, *δόγμα*

¹⁵) Haec neque *ἀπλῶς*, neque ea mente dico, ut insitam, nativamque auctoritatem Traditioni *ἐξηγητικῇ* detrahā; sed *ὑποθετικῶς* affirmo, eoque animo ut significem, constare sibi Traditionis auctoritatem non posse, si eiusdem dissidium a sincera biblicorum enarratione admittatur. Profecto ad Traditionem *ἐξηγητικὴν* pertinent, quae milevitani concilii praesules ad Innocentium I. scribunt (Epist. CLXXVI. al. XCII. inter Augustin.): singularem Petri primatum *e sanctarum scripturarum auctoritate depromi*. Et ad eandem spectant Traditionem, quae his verbis Gregorius (Lib. IV. epist. XXXII.) docet: „Cunctis evangelium

scientibus liquet, quod voce Domini sancto et omnium apostolorum principi Petro totius ecclesiae cura commissa est.“ Sed haec, et quae his sunt similia vim omnem probandi amitterent, si neque sanctae scripturae, neque evangelia supremam regiminis potestatem Petro deferrent.

¹⁶) Eas puta quae habentur Sess. V. Decret. de peccat. orig. §§. 2—4. coll. Rom. V. 12: Sess. XIV. de sacram. poenit. can. III. coll. Joh. XX. 22—23: et ibid. de sacram. extrem. unct. cann. I—III—IV. coll. Jacob. V. 14—15.

¹⁷) Sess. VII. de baptismo, can. II: „Si quis dixerit, aquam veram et naturalem

Traditionis suffragio stabilitum de aqua ad baptismi ritum, uti opus est, administrandum necessaria, verbis item referri, quibus Nicodemum Christus compellavit, inquit ¹⁸: *ἐὰν μὴ τις γεννηθῇ ἐξ ὕδατος καὶ πνεύματος, οὐ δύναται εἰσελθεῖν εἰς τὴν βασιλείαν τοῦ Θεοῦ*. Ex hac oecumenici concilii declaratione duae nascuntur conclusiones, quarum prior est, auctoritatem catholicae Traditionis non sinere, ut nomen *ὕδατος*, quo Christus utitur, *ἀκύρωτος* intelligatur: posterior vero sic habet, nulla ex hermeneuticis ducta regulis proferri posse, quae propriam, nativamque τοῦ ὕδατος acceptionem oppugnent, immo quaecumque omnia ex iis apte colligantur, eo pertinere, ut obviam, propriamque significationem confirment. Sed quid propterea? illud profecto, viro theologo, ac tridentinae sanctionis vindici istud muneris incumbere, ut quod primum commemoravimus, constantissime profiteatur; alterum vero, detectis adversariorum technis, argumentisque prolatis, conficiat atque defendat. Sunt haec omnino evidētia, et quibus nemo iure refragetur. At ea item sunt, quibus nihil ad id persuadendum quod volumus, accommodatius.

25. Ecquid enim significamus quum dicimus, doctrinae caput aliquod, cuiusmodi est Petri in auctoritate primatus, unanimi Traditione, eaque cum Scripturis conserta vindicari? istud, credo, Scripturarum effatis, ad quae Traditio refertur, interpretationem subesse, qua suprema Petri auctoritas declaratur: tum, nonnisi *παράλογισμούς* texti, ac *ψευδερμηνείας* adhiberi posse, ut sincera Scripturarum expositio a doctrina Traditionis seiuncta, vel eidem contraria demonstretur. Quare duae sunt eorum partes, qui secumipsis ¹⁹ decreverint, pri-

non esse de necessitate baptismi, atque ideo verba illa Domini nostri Jesu Christi: *Nisi quis renatus fuerit ex aqua et Spiritu sancto*, ad metaphoram aliquam detorsit; anathema sit.“

¹⁸) Joh. III. 5. ubi Vulgatus legit, καὶ πνεύματος ἁγίου. Sed quid tandem de Traditione, eaque ἐξηγητικῇ, cui tridentina definitio innitur, existimandum esset, si quod cum Tellerō (im Wörterbuch des N. T. sub voce *geboren*) protestantes bene multi contendunt, demonstraretur, eam esse orationis seriem penes Johannem, ut verba ἐξ ὕδατος καὶ πνεύματος reddi debeant, *ex aqua spirituali*, seu *evangelio*? alterutrum iudicandum foret, vel Traditionem ἐξηγητικὴν esse fallacem, vel quae certa ratione comprobantur, iis adversari quae Traditio testatur. Quorum illud Traditionem ipsam pervertit; hoc vero dissidium

inducit omnium perniciosissimum, quodque divinam sapientiam secumipsam committit. Reliquum est ergo, ut *σφάλματα* detegantur, quibus a propria significatione vocabula ὕδατος καὶ πνεύματος protestantes detorquent: ostendatur deinde, nullum esse canonem legitimae interpretationis, qui obviae, propriaeque acceptioni non patrocinetur. Quamquam ergo ἐξηγητικὴ Traditio nativa polleat auctoritate, illique prae Scripturis triplex insit ἐξοχή, *temporis*, quo Scripturas antevertit, *facilitatis*, qua promptius innotescit, et *evidētia*, qua splendidius refulget; nihilominus quum de veritate agitur *πολεμικῶς* asserenda, necesse omnino est, ut illius cum Scripturis consensio valide, diligenterque comprobetur.

¹⁹) Nescio an non haec illustrari ex iis possint, quae de allegatis in N. T. an-

matum Petri suffragio Traditionis comprobare. Principio enim ostendant oportet, expositiones bibliorum a sententia Traditionis alienas eo esse indignas nomine, ac iure merito inter corruptelas haberi: tum ostendere et illud debent, interpretationem eo dignam nomine afferri aliam non posse, nisi quae cum doctrina Traditionis adamussim consentiat.

26. Qui utramque obierint partem, hi solum censi possunt Traditioni, Scripturis, fidei deposito, atque ipsi adeo veritati prospexisse: atque hi solum sibi non iniuria pollicentur, eo argumento a se causam defendi, quod omnium longe validissimum, nemine dissentiente, existimetur. Huius argumenti usus frequens est apud Patres, et quale illud sit, non uno in loco Tertullianus declarat. Huc enim ista pertinent ²⁰: „Ex ipso ordine manifestatur, id esse dominicum et verum quod sit prius traditum; id autem extraneum et falsum quod sit posterius immissum.“ Tum haec, quibus exsultantem ²¹ Marcionem compescit: „Quis inter nos determinabit, nisi temporis ratio, ei praescribens auctoritatem, quod antiquius reperiatur, et ei praeiudicans vitiationem, quod posterius revincetur?“ Unde Hieronymus ²²: „Cur post quadringentos annos docere nos niteris quod ante nescivimus?“ et Caelestinus ²³ eadem mente: „Corripiantur huiusmodi, non sit illis liberum habere pro voluntate sermonem. Desinat incessere novitas vetustatem.“ Neque aliter Sixtus ²⁴ huius nominis tertius: „Nihil ultra liceat novitati, quia nihil addi convenit vetustati.“

Quum itaque tanta sit antiquitatis dignitas, et tam valida quae ex temporum ordine praescriptio dirigitur; quinam, quaeso, ad vetustatem provocabunt confidentius, ac temporis praescriptione utentur securius, quam ii, qui certis, exploratisque rationibus patefecerint, doctrinam Traditione acceptam nihil prae-

tiqui foederis testimoniis contra socinianos, remonstrantes et rationalistas vindicantur. Profecto siqui id sibi oneris imponunt, ut *à quoriam* inter utrumque pactum, christianamque demonstrationem eruere inde possint, necesse est demonstrant: I. refelli hand aegre posse quae congeruntur, ut significatio effatis subiecta V. T. ab ea diversa ostendatur, quae adhibetur in novo: tum II. idonea praesto esse argumenta, quibus suadeatur, acceptionem in N. T. usurpatam cum ea consentire, quae obtinet in veteri. Sed nonne decretoria est, et par fidei faciendae auctoritas, qua scriptores N. T. pollent? nemo est orthodoxorum, qui ea de re litem moveat. Nihilominus quaecumque tandem existimetur, vel funditus convulsa iaceret, vel tuendae in-

terpretationi eorum, quae ex antiquo foedere allegantur, impar foret; si sociniani, remonstrantes et rationalistae merito contenderent, argumenta e legibus accuratae interpretationis desumpta, quibus utuntur, talia esse, ut eludi quidem possint, infringi et refutari non possint. Qua de re praeclare disserit Godofredus Hegelmaier in Commentatione historico-theologica de recta ratione interpretandi quae e V. T. in novo allegantur.

²⁰) De Praescriptt. cap. XXXI.

²¹) Con. Marc. lib. IV. cap. IV.

²²) Epist. ad Pammach. et Oceanum.

²³) Epist. ad episcopos Galliae.

²⁴) Epist. ad Johannem antiochenum.

terea esse, quam sinceram Scripturarum explanationem? non una ergo necessitas, sed eximia cum necessitate coniuncta utilitas mihi stimulos subiecit, ut praerogativas Petri, propriaque illius iura patrocinio et Scripturarum auctoritate comprobanda susceperem.

C A P U T IV.

De testimoniis agitur, quae ad praesentem causam rite cognoscendam, dirimendamque referuntur: — cuiusmodi ea sint, et quo modo se ad invicem habeant: — alia potiora sunt, et alia iis obnoxia, atque ita comparata, ut lucem ex illis, firmitatemque mutuentur: — Dupinü, aliorumque error notatur.

27. Videmur nobis, quantum satis est, necessitatem explicasse conferendi, expendendique ea biblicorum testimonia, quae ad Petri praerogativas, singularesque dotes asserendas, tuendasque pertinent: neque necessitatem explicasse solum, verum etiam intento ferme digito fontem aperuisse, e quo ea proficiscitur ac dimanat. Quare illud iam sequitur, ut quae sint huiusmodi testimonia, ad quae causae iudicium exigi debet, proferantur in medium, diligenterque memorentur. Quod quum fieri dupliciter possit, universim atque in summa, tum *ἐδικαῶς* atque seorsum; accuratior disserendi ratio postulare videtur, ut tum *κατὰ μέρος* et enucleate recenseantur, quum de singulis enarrandis, vindicandisque sermo habebitur, in antecessum vero per summa; ut aiunt, capita, et quodam veluti compendio repraesententur.

28. Itaque si Stagiritae obsequimur in primo Nicomachorum edicenti: *ἕκαστος κρίνει καλῶς, ἃ γινώσκει, καὶ τούτων ἐστὶν ἀγαθὸς κριτής*: putabimus, Scripturarum effata, quae ad praesentem disceptationem referuntur, non iis absolvi quae apud Matthaeum ¹, Lucam ² et Johannem ³ leguntur, sed multo patere latius, eaque omnia complecti, quae sive in evangeliiis, sive in apostolorum actis atque epistolis consignata prostant. Etenim sapientissimis hac de re arbitris, eximiaeque famae theologis, Cardinali Perronio in opere, quo Jacobo Angliae regi respondit, Bellarmino in controversia de primatu Petri, Bossueto ⁴,

1) Matth. XVI. 15 — 20.

2) Luc. XXII. 31 — 33.

3) Joh. XXI. 15 — 18.

4) Cuius ista sunt in serm. sur l'unité, 1^{re} partie: „Pierre paroît le premier en toutes manières; le premier a confesser la foi; le premier dans l'obligation d'exercer

l'amour; le premier de tous les apôtres, qui vit le Sauveur ressuscité des morts, comme il en avoit été le premier témoin devant tout le peuple; le premier quand il fallut remplir le nombre des apôtres; le premier qui confirma la foi par un miracle; le premier à convertir les Juifs; le

Petitdier in tractatione theologica de auctoritate et infallibilitate Pontificum, Mamachio in quinto de christianis antiquitatibus volumine, De Simeonis in libris, quibus supremam iudiciariam auctoritatem Petro asserit, Klee in historia dogmatum, et in theologicis praelectionibus, haec insedit non opinio, sed firma sententia⁵, Christi voluntatem de Petri dotibus, praecipuisque ornamentis e solemnibus evangeliorum oraculis ita colligi oportere, ut fas minime sit negligenti quodam silentio praeterire quae eodem spectantia sive alibi in ipsis evangeliiis, sive in gestis, litterisque apostolicis continentur. Nullum enim ius sinere, nullamque enarrandis instrumentis praefinitam legem pati, ut institutoris voluntas pluribus consignata monumentis, ac pluries, neque eodem semper modo, iisdemque formulis declarata, ex uno solum, alterove loco, insigni licet ac praeclaro deducatur: sed singula quaeque expendi oportere, neque *absolute* modo et *ex sese*, verum etiam *comparate* et *ad invicem*, ita ut omnes sentiant non prius latum iudicium, quam ea omnia fuerint examini subiecta, e quibus illius aequitas, veritasque penderet.

29. Ceterum illi ipsi, qui ne apicem quidem omittendum iubent, quique adiuncta singula consideranda praescribunt, unanimes monent, non eadem esse testimonia, quae in divinis instrumentis de propriis Petri iuribus habentur; sed esse alia aliis evidentiora ac validiora, adeo ut, ad vim quod attinet probandi,

premier à recevoir les gentils; le premier partout. Mais je ne puis tout dire; tout concourt à établir sa primauté; oui, tout.“ Quibus ad ea respicit, quae habentur Matth. IV. 18, X. 2, XIV. 28. seqq. XV. 15. seqq. XVII. 1. seqq. XVIII. 21, XIX. 27, XXVI. 37—40; Marc. III. 16, VIII. 29. seqq. IX. 1. seqq. XIV. 33—37, XVI. 7; Luc. VI. 14, VIII. 45—51, IX. 20—28—32, XII. 41, XVIII. 28, XXIV. 12; Joh. I. 42, XIII. 6, XX. 2. seqq. XXI. 2. seqq.; Act. I. 13. seqq. II. 14. seqq. III. 1. seqq. IV. 8. seqq. V. 3. seqq. VIII. 14. seqq. IX. 32. seqq. X. 2. seqq. XI. 2. seqq; Paul. ad Galat. I. 18.

⁵) Huic tamen sententiae sibi necessario adhaerendum non existimavit cl. Kempeneers in diss. dogmatico-canonica de romani pontificis primatu, eiusque attributis. Etenim cap. III. §. 12. laudatis textibus Matth. XVI. 18. seq. Luc. XXII. 32, Joh. XXI. 15. seqq. subdit: „Praeter hos

tres textus utrum alii in Scriptura sint, qui de iurisdictione conferenda aut collata ab ipsomet Christo agent, cum multis, doctisque viris sine temeritate ambigi licet.“ Sed si pugnandum auctoritate sit, multo sane plures, iisque doctissimi commemorari possunt, qui ea de re minime dubitaverint. Sin autem internis argumentis dirimi controversia debeat, ea nobis praesto esse videntur, quae neque necessariam, neque prudentissimam hanc iudicii *εποχή* ostendant. Cf. Onuphrium Panvinium, De Primatu Petri, lib. I. capp. II—III, quibus haec lemmata praefigit: „Primum in persona b. Petri apostoli in ecclesia a Christo institutum fuisse, aliquot evangeliorum testimoniis explicatis ostenditur; Primum in persona b. Petri apostoli institutum fuisse probatur XVII. evangelistarum testimoniis.“ Et cap. XII: „Quod Petrus primatus potestatem sibi a Christo traditam actu in ecclesia exercuerit, ex aliquot actuum apostolorum locis probatur.“

non *coordinata*, sed *subordinata* merito existimentur. Eminere inter ea probandi perspicuitate atque robore quae referunt Matthaeus ⁶, Lucas ⁷, et Johannes ⁸; cetera subsequi veluti astra minora, quae splendore quidem non careant, nec tamen sic luceant, ut ex iis seorsum atque divisim meridianus fulgor emicare possit: illis, ut periti iuris loquuntur, *probationes* contineri, ex his vero coniecturas, praeiudicia, exceptiones, aliaque huius generis adminicula repeti, quibus caussae defensio non mediocriter iuvatur.

30. Quum igitur talis sit mutuus textuum habitus, et *σχετική υπόταξις*, minime dubito, quin omnes concessuri sint, cavendum naviter esse, ne potiora posthabeantur infirmioribus, aut etiam penitus negligantur. Id enim citra caussae discrimen, supremamque perniciem, vix aut ne vix quidem contingere posse videtur. Etenim sin minus in se atque *ὄντως*, ad iudicium saltem quod spectat nostrum, aestimationemque legentium causa periclitatur, si argumentis solum imbecillis, vel praepostere delectis, neque apte distributis et *ἀκριβῶς* expensis ⁹ communitur. Nescio enim quo pacto accidat, quod accidere tamen certissime novi, ut de caussae qualitate ex iis vulgo arbitremur, quae ad illius tutelam promuntur; adeo ut bonam ac etiam optimam eam habeamus, quam bonis, optimisque argumentis confirmari cernimus, malam contra vel etiam pessimam illam iudicemus, quam tricis, ineptisque argumentis adprobari experimur. Unde tritum illud extitit: *causa patrocínio non bona peior erit*.

31. Quem scopulum non omnes feliciter declinasse, eorum quae legimus opera, et gravissimorum theologorum querelae abunde patefaciunt. Legatur sane quarta Dupinii de Antiqua Ecclesiae Disciplina dissertatio, et quem ipse habuerit probationum delectum, quas praetulerit, quasve neglexerit, paullo intimius consideretur. Apparebit, eum illis vix fidere, quae a Matthaeo ¹⁰, Luca ¹¹ et Johanne ¹² narrantur; sed totum in eo esse, ut testimonia inculcet, quibus vel omnium primus memoratur Petrus, vel absolute, simpliciterque *πρωτος* nuncupatur: in his consistere, atque ex his caussae iudicium repetendum confirmare. Inepte omnino ac periculose, quum ineptum sit, hasta seposita, pugnīs, baculoque congredi; periculo autem non vacet, summi ponderis veritatem, et gravissimum catholicae professionis articulum iis armis protegere, a quibus adversarii non sibi admodum timeant. Quare Petrus Ballerinius ¹³ id Dupinio vitio vertit, serioque monuit, eiusmodi *σφάλματα* multo esse periculosiora, quam prima fronte videantur. Quod ne sibi excidisse potius, quam re penitus inspecta a se affirmatum crederetur, continuo animadvertit, descriptisque Dupinii verbis demonstravit,

⁶) Matth. XVI. 15—20.

⁷) Luc. XXII. 31—33.

⁸) Joh. XXI. 15—18.

⁹) Qui enim ita se gerunt, hi sane

probam non faciunt caussam iudici, atque adeo ne probant quidem.

¹⁰) Matth. XVI. 15. seqq.

¹¹) Luc. XXII. 31. seqq.

¹²) Joh. XXI. 15. seqq.

¹³) De vi et ratione Primatus, cap. V.

nn. 4—6.

eo tandem argutando illum devenisse, ut meri, nudique honoris primatum¹⁴ Petro detulerit. Quod quum flagitium sit manifestum, et minime dubia caussae praevaricatio, ipsum praeterea Dupinium secum committit, eumque prodit, qui pugnancia et ἀσύστατα docuerit. Ex ordine enim docuit: I. propria et singularia Petri iura Scripturarum inprimis auctoritate esse stabilienda: II. harum testimoniis non alium Petri primatum valide ostendi, quam quo primus honore atque ordine aequales inter apostolos extiterit: ac III. ad catholicam fidem pertinere, ut Petrus primatu iuris, potiorisque auctoritatis divina ordinatione instructus habeatur. Quod tertium, postremumque caput a prioribus sic abhorret, ut constare sibi illius veritas non possit, quin priorum alterutrum repudietur. Sed bene habet, pugna enim, sententiarumque ἀντιλογία non postremam inter ea indicia sedem habet, quibus error manifestatur.

32. Interea liquet, neque frustra delectum praecipi, solertemque probationum dispositionem, neque eos iniuria coargui, qui eiusmodi delectum neglexerint, statamque dispositionem perturbarint. Quae quidem, si eo quo decebat loco, Febbronius, Tamburinius, Guadagninius, iique omnes habuissent, qui praeterito labente saeculo, ac eo, quod iam medium est, ineunte, rem christianam intra ipsum ecclesiae sinum commoverunt, neque ad eundem offendissent lapidem, in quem Dupinius impegit, neque Zaccariae, Muzzarellii,

¹⁴⁾ A quo ne acerbiores quidem catholicae veritatis hostes admodum abhorrent. Hinc illa Francisci Turretini, Loco XVIII. de primatu Petri, q. XVII. §. II: „Circa statum quaestionis observamus, non quaeri de primatu quocumque, vel ordinis et vocationis, vel aetatis, vel dignitatis, et donorum. Non negamus enim primum istum Petro posse competere, sive quia primus vocatus erat a Christo, ut liquet ex Matth. IV. 18, et sic ordine primus erat, ut saepe fieri solet inter eos qui potestate sunt pares ad vitandam confusionem: quo sensu dicitur *primus* Matth. X. 2; sive ratione donorum et dignitatis, quomodo Nicodemus vocatur ἀρχων τῶν Ἰουδαίων, Joh. III. 1, non quod Judaeis imperaret, sed quia magna erat illi apud Judaeos auctoritas; sic Gamaliel dicitur τίμιος παντὶ τῷ λαῷ, Act. V. 34. Cum ergo Petrus donis aliis praestaret, et potissimum illo animi fervore, quo primus

ad respondendum pro ceteris impellebatur, non abs re primum locum occupabat. Unde non semel a patribus *princeps apostolorum* dicitur, id est, primus et praecipuus, ut princeps oratorum Cicero, poetarum Virgilius, qui tamen in oratores aut poetas nullum habebant imperium, sed ratione dignitatis. Sed agi de primatu *auctoritatis* et *iurisdictionis*: an datus fuerit gradus aliquis auctoritatis et iurisdictionis in Petro supra ceteros apostolos, per quem constitutus fuerit pontifex oecumenicus, vicarius Christi, et caput ecclesiae, cum absolutissima potestate, ut singuli fideles, et apostoli ipsi cum ceteris tamquam subditi obnoxia capita ei submittere debuerint. Quod contendunt pontificii: Bellarm. lib. I. de R. P. cap. X.: *Affirmant catholici, Petrum apostolum fuisse totius ecclesiae caput et principem, loco Christi ab ipso Christo institutum.* Orthodoxi constanter negant.“

Bolgenii, Gerdilii iustos contra se clamores excitassent, eamque nominis infamiam sibi conscivissent, qua spes nulla affulget fore ut tandem aliquando purgentur.

CAPUT V.

Modus ac ratio interpretationis definitur: — aliquot eiusdem canones proponuntur et illustrantur: — ac ille inprimis, qui textuum ὁμοφωνία et ἀφωνία continetur.

33. Non admodum ad causae cognitionem, iudiciumque conferret instrumenta novisse, e quibus repeti utrumque debet, si eorum quae sit sincera interpretatio ignoraretur, vel quod deterius longe foret, ea praepostere corrumpere. Quare recensitis testimoniis, quae tam defendenda sunt quam moenia, compertoque ordine, quo se mutuo excipiunt; nihil esse theologo antiquius debet, quam de modo legitimae expositionis inquirere, regulasque praefinire, quarum directus ope ne tantillum quidem ab ea devius aberret. Eo vel magis, quod, ut verissime Arndtius ¹ monet: „ea iam est sacrarum litterarum conditio, ut ne unius quidem fere versiculi interpretatio probari possit, nisi conciliata prius fuerit supina illa et fastidiosa iudicatrix, quae criticae sublimioris nomine cathedram sacram insedit, suaeque placita (somnia potius dixeris) pro effatis divinis vendit.“ Verum si candide agimus, studioque partium seposito, unius veritatis amore tenemur, neutrum nobis vel arduum erit, vel eiusmodi quod pluribus indigeat. Liquet enim neque alium interpretandi modum recipi oportere, quam qui ad certas, ratasque leges fuerit expressus, neque alias adhibendas esse leges, quam quae ad enarrandas rite Scripturas ² unanimi eruditorum suffragio commendantur. Quas ego quum possim, ac iure etiam debeam lectoribus meis compertas, exploratasque censere; propterea earum solum aliquot compendio referam, quarum usus frequentior deinceps erit, ac opportunitas maior.

34. Itaque illa primum recolenda est, qua cavetur „ne in determinanda phrasium, vocumque significatione, ab ea animus avocetur, quam receptus loquendi usus ³ praemonstrat, subiectaque orationi materies efflagitat ⁴, vel prae

¹) De loco, qui extat apud Jesaiam cap. XXIV—XXVIII vindicando. Hamburgi. 1826.

²) De his legibus confer accurate disserentem Franciscum Xaverium Patritium, De interpret. Scriptt. sac. lib. I.

³) Quanti facienda sit ratio loquendi,

non male ab Jahn declaratum habes in Enchirid. §. VII, qui tamen nobis minime probatur quum docet: „Usus loquendi esse primum et summum hermeneuticae principium, a quo omnes regulae interpretandi pendent.“

⁴) Jahn, Enchirid. §. XX.

reliquis commendat⁴. E quibus, quod prius est nisi firmissime custodiat, nulla erit interpretandi ars, nihilque erit quod exsculpi e quopiam non possit: alterum vero tam est perspicuum, ut omnium professione comprobetur. Ecquid enim luculentius, quam *propositionis subiecto* vim, potestatemque appositorum temperari atque circumscribi? hunc canonem dialectici saepissime repetunt, exempla vero pulcherrime confirmant. Unum afferam e disputatione cum socinianis de vera Christi satisfactione ⁵ depromptum. Ad hanc asserendam, solemne catholicis erat, iis uti biblicorum oraculis, quibus Christus *propter peccata nostra*, vel *pro peccatis nostris* crucem, mortemque subiisse ⁶ perhibetur. Ne victas daret manus Socinus, excepit eiusmodi testimoniis rem minime confici, quum particula *pro* finalem exprimat causam, non efficientem: particula vero *propter* causam quidem efficientem designare possit, sed quae talis sit *καταχρηστικῶς*, atque adeo *occasione* potestate respondeat. Sic ille ⁷ non uno in loco. Quem ut plenissime refellas, nihil eo canone accommodatius, de quo loquimur. Quaecumque enim particulis *pro* et *propter* vis insit, quum nude atque seorsum adhibentur, illud est perfecta exemplorum inductione comprobatum, toties iis antecedentem, efficientemque causam efferri, quoties ad aliquem referuntur, qui *pro peccatis*, vel *propter peccata* mortem oppetiisse memoratur. Unde in Socinum de punctis atque apicibus vitiligantem apte quadrant elegantes versiculi:

Tibi, quod intristi, exedendum est: sic vetus verbum iubet,
Compedes, quas ipse fecit, ipse ut gestet faber.

35. Ad alteram venio, qua saepissime utemur, quaeque concipi his verbis non incommode potest: „Si plura de eodem subiecto legantur in biblis, *ἀναλόγως* atque *ἀρμονικῶς* accipienda sunt, neque ferri expositiones debent, quibus eorum conspiratio, concentusque perturbentur.“ Sibi enim constat Deus, eaque sunt eloquia divina, in quae, ut Paulus loquitur ⁸, non cadit *ναὶ καὶ οὐ*, sed eodem iugiter spectant, et eandem constanter mentem, sententiamque ⁹ praeferunt. Quod quum Patres et revelatae doctrinae vindices probe intellexerint, hoc propterea *ἀναλογία*s canone usi frequenter sunt, ut subnascentes quotidie errores comprimerent. Ne omnimodam gratiae necessitatem ad singulos quosque pietatis actus pelagiani confiterentur, nonnulla e biblis decerpebant, quibus insitam arbitrii libertatem contra necessitatem superni auxilii arroganter extolle-

⁵) Cf. Hugonis Grotii Defensionem fidei catholicae de satisfactione Christi adversus Faustum Socinum, cap. I.

⁶) Cf. Gerardi Johannis Vossii ad iudicium Hermanni Ravenspergeri de Grotii libro responsionem, capp. XVI—XIX.

⁷) Praelect. theologic. cap. XX. De Servatore, Part. II. capp. VII—X.

⁸) II. Cor. I. 18.

⁹) „In omni documento, scribit Wesseningius, Digest. lib. XXII. Tit. III. n. 12, ea sumetur interpretatio, ut actus valeat, non pereat. Quare quoad eius fieri potest, iudex etiam dissidentes in speciem probationes conciliare, et in unam redigere harmoniam debet. Cod. de fide instrumentorum.“

rent. Sed superbam Scripturarum corruptelam Innocentius, Zosimus, Gelasius, Hieronymus, Augustinus, Orosius, africanæ synodi inde validissime repulerunt, quod ea probata, textuum ὁμολογία subverteretur. Ut duas Christi ὑποστάσεις confirmaret Nestorius, ea congerebat, quæ non aliam Verbum inter, assumptamque carnem significare ἐνωσιν viderentur, quam quæ σχετικὴ esset, et ad honoris consortium, voluntatumque conspirationem pertineret. Sed interpretationis labem Cyrillus detexit, iisque mutuo collatis quæ de unitate Christi Scripturæ docent, patefecit, nestorianam ἐρμηνείαν reiici omnino debuisse, ne illarum ἁρμονία in dissonum strepitum converteretur. Hoc eodem innixus canone scribit ¹⁰ Jahn: „Omnia illa artificia, quibus recentiores quipiam, qui rationalistæ ¹¹ dici amant, donum linguarum extraordinarium in ordinarium mutare conati sunt, vana esse apparet, si diversa loca ¹² conferantur.“ Et mox: „Ita quoque, si omnia loca, in quibus Jesus de sua propria dignitate loquitur, conferas ¹³, miraberis esse posse, qui divinitatem eius impugnant, et loca quoque apostolorum de hac ipsa agentia pervertere student.“

36. Huic autem regulæ e re fore tertiam subiicere, quæ cum ea intime nectitur, atque efferri sic potest: „Inspiciendum sedulo esse, utrum e pluribus, quæ de eodem subiecto continentur in bibliis, unum alterumve sit, quod ceteris perspicuitate atque amplitudine antecellat, ac palmare et omnium evidentissimum merito existimetur. Id enim si contigerit, opus esse, ut illud normæ instar habeatur, ad quam reliqua quotquot sunt omnia, revocentur.“ Cuius canonis auctor est Augustinus ¹⁴, qui totius Scripturæ lectionem idcirco præcipit, „ut ad obscuriores locutiones illustrandas de manifestioribus sumantur

¹⁰) Enchirid. §. XXVII.

coll. I. 4—8, X. 44—46, XIX. 6, et I. Cor. XIV. 22.

¹¹) Videtur mihi nemo manifestius rationalistis praeluisse quam Ludovicus Meyer in Exercitatione paradoxa, quam edidit anno 1666, et cui titulum fecit: *Philosophia Scripturæ interpres*. Hanc exercitationem acerbissime insectati sunt Reinerus Vogelsang in opusculo inscripto, *Indignatio iusta contra libellum cui titulus, Philosophia s. Scripturæ interpres*; et Petrus Serarius in Responsione ad Exercitationem paradoxam, qua philosophia pro infallibili s. litteras interpretandi norma orbi christiano obtruditur.

¹³) Quod Prudentius Maranus in priori parte eruditi operis inscripti, *Divinitas Domini nostri Jesu Christi manifestata in Scripturis et Traditione* affatim præstitit. Semper enim haberi ob oculos debet canon, quem lib. I. contra Severum et Timotheum hæreticos, referente Photio, Eulogius sanxit: Μη δεῖν ἐκ μέρους τὰ συγγράμματα κρῖναι, μηδὲ ἀποσπαράγματα τινα λαμβάνοντας, διὰ τούτων τὴν ὅλην τοῦ γραφόντος ἐνδιαβάλλειν διάνοιαν· τοῖς γὰρ τοιούτοις καὶ ὁ προφήτης ἐπαφίησιν τὴν ἀράν, Οὐαὶ τοῖς προφητεύουσι, λέγων, ἀπὸ καρδίας αὐτῶν, καὶ τὸ καθόλου μὴ βλέπουσι.

¹²) Quæ plura omnino sunt et perspicua, Marc. XVI. 17, Act. II. 4—12,

¹⁴) De doctr. christ. lib. II. cap. IX.

exempla, et quaedam certarum sententiarum testimonia dubitationem incertis auferant.“

Sane ne integrum nobis esse arbitremur vel transverso digito ab hoc canone deflectere, ratio inprimis manifesta postulat, qua edocemur, e clarioribus ac plenioribus lucem iis affundi oportere, quae neque tanta claritate fulgent, neque rem undequaque repraesentant: opportunitas deinde exigit, quae omnino maxima videri debet. Quid enim in ea quae adhuc fervet cum sacramentariis controversia, hoc canone opportunius? pugnant illi, non realem Christi carnem in Eucharistia erogari, sed benedictum panem, qui caro et Christi corpus *μετῶννυμιζῶς* dicatur, quod Paulus ¹⁵ scripserit: *Panis, quem frangimus, nonne participatio corporis Domini est?* Marcus ¹⁶ vero Christum induxerit sic loquentem: *Jam non bibam de hoc genimine vitis usque in diem illum, cum illud bibam novum in regno Dei.* Non me latet plura catholicis doctoribus argumenta suppetere, quibus ductas ex hisce testimoniis difficultates infringant atque refutent ¹⁷; sed nescio an non illud sit potissimum, quod e verbis penes Matthaeum ¹⁸: *Hoc est corpus meum*, sua sponte dimanat. Sunt enim nativo lumine splendida, infusari nequeunt, strophas omnes, tergiversationesque praecidunt, invectamque a sacramentariis textuum apud Paulum et Marcum acceptionem inde manifestae falsitatis coarguunt, quod hac probata, illarum veritas neganda sit.

37. Tribus hisce legibus si ea addatur penes omnes recepta qui de canonibus disserunt ad rite interpretandum necessariis, quamque Cyrillus alexandrinus et Chrysostomus enucleate, subtiliterque enarrant; vix quidquam supererit quod in praesentia velimus summopere animadversum. Itaque eo in opere, quod Thesaurum inscripsit, haec habet ¹⁹ Cyrillus: „Primum quidem oportet, ut is qui ad investigandas scripturas sacras accedit, observet tempus, quo aliquid dicitur, et personam, a qua dicitur, propter quid, et de quo dicitur. Ita enim qui recte sentire voluerint, citra ullum errorem quae scripta sunt, intelligent.“ Et Chrysostomus Cyrillo paulo antiquior, et prae quo neminem aequius de legibus rite interpretandi praecipientem audias, scribit ²⁰: „Non hunc locum tantum excutiemus: *Non est in homine via eius*: sed et contextus omnem seriem, et pro quibus dicta sint omnia, et a quo, vel ad quem, quam ob causam, quando et quomodo. Non enim sat est dicere, aliquid in Scriptura consignatum repe-

¹⁵) I. Cor. X. 16.

¹⁶) Marc. XIV. 25.

¹⁷) Quod post Baronium et Bellarminum Cardinales, omnium praeclarissime exequuntur auctores operis inscripti, *La Perpétuité de la foi*. ... T. II. Liv. I—II.

¹⁸) Matth. XXVI. 26.

¹⁹) Assert. XX.

²⁰) Hom. de verbis Jeremiae, cap. X.

Consentit Tertullianus, dum ita pressius scribit, de Pudicit. cap. XVI: „Sed hoc est solemne perversis, et idiotis, et haeretis, iam et psychicis universis, alicuius capituli ancipitis occasione adversus exercitum sententiarum instrumenti totius armari.“

riri, neque temere avulsa ac discerpta divinitus inspiratae scripturae membra nuda, et a reliquo textu, serieque sermonis seiuncta sumere, ac nimia licentia, confidentiaque ipsis illudere. Sic enim prava dogmata nostra hac aetate invecta sunt, dum negligentioribus persuasit diabolus, ut oblique detorta Scripturae testimonia proferrent, vel additis, subtractisque nonnullis tenebras veritati offunderent.

COMMENTARI

DE

PRAEROGATIVIS

B E A T I P E T R I

APOSTOLORUM PRINCIPIS

LIBER PRIMUS

THE NEW YORK

LIBRARY

OF THE CITY OF NEW YORK

ASTOR LENOX TILDEN FOUNDATION

100 N. 4th St. New York, N.Y.

LIBER PRIMUS

CAPUT I.

De norma, ad quam caussae iudicium exigi debet: — atque adeo de vi et ratione caussae ipsius: — ea pertinet ad illarum speciem caussarum, quibus de voluntate et decreto institutoris quaeritur: — indicia ergo omnia huius voluntatis totidem sunt singulares regulae, e quibus controversiae decisio pendet: — quinam characteres hisce indiis inesse debeant: — unde existat universalis norma, cui supremum iudicium respondet: — discrimen inter universalem normam, legesque singulares: — illustratur: — animadvertitur in protestantes, quod praeposteram μέθοδον delegerint.

1. **Q**uum plura, diversaque sint testimonia ¹⁾, quae ad praesentem de Petri praerogativis tractationem referuntur, quaestio primum oboritur, quo in numero haberi illa debeant, quove pacto vel singula seorsum, vel omnia coniunctim ad totius caussae iudicium, definitionemque conducant. Quae dubitatio, si paullo inspiciatur penitius, eiusmodi apparet, ut ab ea non admodum discrepet, qua petitur, quatenam deligenda sit norma, ut ferendum de causa iudicium cum veritate conspiret, et sapientium omnium suffragium, approbationemque mereatur. Neminem vero fore puto, quem lateat, eiusmodi normam praestitui rite non posse, nisi species innotuerit, qua caussae ratio continetur. Incredibile enim dictu est, quam variae, quamque diversae pro varietate, caussarumque discrimine sint regulae: quamque ii fallantur graviter, qui caussis omnino omnibus unam, eandemque praefinitam normam arbitrantur. Profecto alia est norma, qua geometricae quaestiones, et alia qua mechanicae et astronomicae dirimuntur: neque idem est *κρίσιον*, quo de controversiis historicis, et quo de philosophicis iudicamus.

2. Jamvero perspicuum est, eam nobis prae manibus causam esse, quae illarum specie comprehenditur, quibus postulatur, cuiusmodi censi debeat institutoris voluntas authenticis instrumentis consignata de praerogativis, quas uni prae aliis ceteroqui paribus contulerit. Huc enim indaginis summa, et contro-

¹⁾ Proleg. cap. IV.

versiae τὸ *κρινόμενον* tandem redit: decreverit ne Christus, ut divinae illius missionis ac potestatis ², quam ipse a Patre accepit, omnes ex aequo participes ii forent, quos seorsum a reliquis ³ apostolos nuncupavit; an potius sanxerit, ut e duodecim unus, isque Simon Johannis filius, et appellativo Cephae nomine insignis, ceteris anteferretur, iis uti caput praeesset, atque eos inter tamquam *ἡγούμενος καὶ προστάτης* ⁴ haberetur. Deinde vero qualē eam esse auctoritatem ⁵ voluerit, qua unum prae reliquis Cepham illustrem reddidit, quemque propterea Cepham inter, ceterosque apostolos *subordinationis habitum* induxerit. Paucis: *στάσις* ac princeps quaestio est, an Christus reliquis apostolis Cepham dignitate praeposuerit: sed *κεφάλαιον εἰδικόν* et quaestio incidens est, qua dignitate ⁶, quam ampla ac fusa illum prae habuerit, atque ideo quo subordinationis modo reliquos apostolos cum Petro devinxerit.

3. Utraque igitur quaestio, tum quae princeps est, tum quae hanc excipit, ad eam pertinet caussarum speciem, quibus in controversiam adducitur, utrum institutor uni prae reliquis ornamenta aliqua, praerogativasque concesserit. Hae autem caussae tales sunt, quibus rite habendis, illa inprimis seponi debent, quae sunt *communia*: neque enim e communibus prodire discrimen potest; vel eo communia pertinent, ut statutum inter plures discrimen aperiant. Ad ea

²) Ad ea respicio quae ex ore Christi profecta Matthaeus describit cap. XXVIII. 18—20: Ἐδόθη μοι πᾶσα ἐξουσία ἐν οὐρανῷ καὶ ἐπὶ γῆς. πορευθέντες μαθητεύσατε πάντα τὰ ἔθνη, βαπτίζοντες αὐτοὺς εἰς τὸ ὄνομα τοῦ πατρὸς καὶ τοῦ υἱοῦ καὶ τοῦ ἁγίου πνεύματος, διδάσκοντες αὐτοὺς τηρεῖν πάντα ὅσα ἐντειλάμην ὑμῖν· καὶ ἰδοὺ, ἐγὼ μεθ' ὑμῶν εἰμι πάσας τὰς ἡμέρας, ἕως τῆς συντελείας τοῦ αἰῶνος.

³) Matth. X. 2. coll. Marc. III. 14, Luc. VI. 13, Act. I. 2.

⁴) Ex hisce vocabulis alterum biblicum est atque ecclesiasticum, alterum usu solum ecclesiastico receptum. Ad illud ista pertinent Hebr. XIII. 7: *μνημονεύετε τῶν ἡγουμένων ὑμῶν, οἵτινες ἐλάλησαν ὑμῖν τὸν λόγον τοῦ Θεοῦ*. Ad posterius vero spectant quum alia a Patribus crebro usurpata, tum haec Basilii seleuciensis ex orat. in Davidem, §. XVII: *Πέτρος τῶν ἀποστόλων ὁ κορυφαῖος, ὁ τῶν Χριστοῦ μαθητῶν προστάτης*.

⁵) Quum multa de voce *auctoritatis* ea mente disputet Bohemerus in Dissertt. Juris eccles. antiqui, Dissert. VII. n. III. §. XIV, ut se ab iis expediat testimoniis, quibus discrimen clericos inter atque laicos divino iure, divinaque Christi ordinatione praefinitum ostenditur; aperte profiteor, me ea voce uti, ut *ἐξουσίαν*, potestatemque regendi, gubernandique significem. Cf. Barnabam Brissonium de verb. significat. ad v. *auctoritas*.

⁶) Si utraque definiatur controversia, vix quidquam investigandum supererit, ut de *forma* constet, qua Christus voluit institutam a se ecclesiam gubernari. Eum enim noluisse, ut *δημοκρατικῶς* regeretur, omnia probant, verba institutionis, testimonia, gestaque apostolorum, disertissimae Patrum sententiae, ac universa christiani nominis historia. Voluisse autem, ut illius regimen ad unum, supremumque caput revocaretur; ea ostendent quae continenti oratione demonstrabimus.

deinde animus convertendus est, atque in iis defigendus, quae *propria*⁷ nuncupamus, et hac quidem lege, ut non unum dumtaxat alterumve *e propriis*, sed omnia et singula exploremus; quum fieri non possit, ut quae agitantur caussae, quemadmodum par est, dirimantur, nisi prius quotquot sunt omnia manifestandae voluntati institutoris utilia seorsum aestimentur, tum iuncta simul, et in quamdam veluti summam redacta ita librentur, ut quid ex iis sit consequens, tandem determinetur. Quare suis deessent partibus theologi, et ab eo quod aequum et iustum est discederent, si de Petri caussa prae apostolis reliquis acturi non singula rimarentur, quae ad aperiendam Christi de eo voluntatem, ordinationemque referuntur. Neque levius peccarent, si mentem in singula sic intenderent, ut a summa avocarent, noxioque silentio non adverterent, caussae arbitrium ita e singulis pendere, ut primum atque potissimum ex omnium summa dependeat.

4. Quod eius esse momenti puto, ut operae pretium existimem paullo id uberius, validiusque confirmare. Itaque arbitrium quod pronunciari de caussa debet, conferri potest vel cum *singulis*, quae ad illam pertinent *indiciis*, vel cum eorum *summa*, quae e singulis iunctis, coordinatisque efflorescit. Ut autem haec comparatio, e qua decisio litis petenda est, apte ineatur, duo sunt praenoscenda, quorum alterum est, cuiusmodi esse *singula* debeant, quae in comparisonem veniunt: alterum vero, quo *momento*, quoque *gradu* supremum, ultimumque caussae iudicium quum *singulis*, tum *singulorum summae* respondeat. Atqui neutrum obscurum est, vel a communi sentiendi, cogitandique ratione semotum. Quisque enim intelligit, ex omnibus quae in authenticis instrumentis leguntur, ea solum considerata esse, quae I. *propria* sint: II. ad praerogativas, singularesque dotes spectent, easque tales, quae III. eximia quadam moderandae ecclesiae auctoritate contineantur. Quarum conditionum si vel una desit, iuvare nullatenus iudicium poterit, quo decernendum est, utrum Petrus fuerit apostolis ceteris praehabitus, quamque ipse prae ceteris dignitatem, auctoritatemque obtinuerit. Singula ergo quae examini subiicienda sunt, ut iudicium de Petri caussa feratur, triplicem⁸ postulant conditionem: I. proprietatem: II. excellentiam, atque hanc III. cum potiori regendae ecclesiae potestate coniunctam. Nimirum I. *propria* esse debent: II. eximia atque praestantia, quum *ἀπλῶς* et absolute, tum *σχετικῶς* et comparate: denique III. illorum excellentia e singulari quadam, potiorique Petri auctoritate proficisci debet.

5. Porro quae hisce notis et characteribus distinguuntur, considerari ea

⁷) Id enim iis, quae *propria* dicuntur, convenit, ut distinguant ac secernant.

⁸) Si testimonia quae afferuntur, tribus hisce conditionibus sint praedita, singularis Petri dignitas, quae inde eruitur, ad primatum pertinet, quem auctoritatis et iurisdictionis appellant. Sin autem ex iis aliquot tertia careant proprietate, prima-

tum quidem ostendent aliquem, minime vero primatum singularis iuris, eximiaeque potestatis. Quae praemonenda idcirco erant, ut I. ex singulis testimoniis id deducatur unum, quod illis continetur; ac ut II. intelligatur, longe plura haberi posse, quibus primatus *universim*, quam primatus iurisdictionis nominatim comprobetur.

possunt vel *seorsum* et *singulatim*, vel *simul* atque *coniunctim*. Si illud fiat, tot de caussa existent iudicia distincta et interiecta, modo probabilia, modo ⁹ probabiliora, neque semel rata etiam et fixa, quot sunt quae per partes et articulatim expenduntur. Sin vero alterum contigerit, iudicium, quod feretur, unicum erit et singulare, ultimum et decretorium, utpote eorum summa determinatum atque expressum, quae ad animum in alterutram partem flectendum conferri poterant atque debebant. Quae quum ita sint, probe cernimus, *ultimum de caussa iudicium* non aliter ad singula *per se ac suapte natura* referri ¹⁰, quam ad antecedentes dispositiones, quae sensim et per gradus ita animum occupant, ut viam ad illud internant atque complanent. Per se enim *ad summam* refertur, et cum indiciorum summa ita nequitur atque cohaeret, ut contra rationis praescriptum aliter, quam comparate ad summam pronuncietur.

6. Profecto nemo non dabit, supremum, ultimumque iudicium cum effectu ¹¹ apte componi, qui e pluribus, iisque particularibus, coordinatisque caussis emergit. Sicut ergo huius effectus *quantitas* neque aestimatur, neque e virtute ultimato definitur, quae singulis seorsum caussis inest: sed aestimatur, atque ex ea virtute ultimato definitur, quae e summa, caussarumque omnium

⁹) Ne qui indicia spernant, quae probabilibus aut probabilioribus iudiciis causam praebent, in memoriam revocabimus partitionem penes omnes iuris peritos vulgatissimam, qua probationes dispescant in *plenas*, quae perfectam fidem iudicii de re aliqua faciunt: et *semiplenas*, quae non perfectam fidem, sed opinionem aliquam pariunt. Si imprudentis foret, probationes semiplenas penitus negligere; prudentiae sane adscribi eorum contemptus non poterit, quae quamquam certitudinem non afferant, lumine tamen aliquo probabilitatis refulgent. Nimirum ea solum facessere debent, quae iuris doctores *impertinentia* nuncupant, quaeque nec per se, nec una cum aliis adminiculis ad caussae fidem conferunt.

¹⁰) His particulis circumscribentibus propterea utor, quod accidere possit, ut unum alterumve seorsim inspectum tale sit, quod ad certum ferendum iudicium sufficiat.

¹¹) Addiderim non minus commode

cum iudicio conferri posse, quod pluribus auditis testibus, iisque consentientibus pronuncietur. Etenim quum unum, alterumve audis testem, maiori, minorive mentis propensione opinaris; at quum plures simul, eosque conspirantes audiveris, neque assensionem continere, neque anceps atque dubius haerere potes. Alia est ergo constantia iudicii, cui consensio testium prae-fulget, atque alia eorum iudiciorum firmitas, quae uno, alterove referente teste concipiuntur. Sed quae huius discriminis assignari origo potest? inde ne repetendum est, quod probabilia probabilibus cumulata certitudinem pariant? haud crediderim. Inde ergo desumendum videtur, quod probabilium conspiratione innotescat, non potuisse ea simul, acervatimque confluere, nisi veritas relationi subesset. Singula enim probabilia non male censentur totidem veluti *διακριτικά* signa, quorum singulis ea vis insit, ut rem quadamtenus aperiant, quae pleno in lumine nonnisi omnium summa et complexione collocetur.

conspiratione prodit; ita ultimi, supremique iudicii ratio et firmitas non e singulis seorsum indiciiis, sed ex eorum consensione atque summa aestimari debent atque desumi. Inde vero consecrarium fluit, quod citra piaculum praeteriri silentio non potest, quodque ego propterea *δακτυλοδείκτως* indicabo. Scilicet usuvenire potest, et *suapte natura* debet, ut alia sit ratio, et alia constantia iudicii quod ultimum profertur, quam ratio et eorum iudiciorum firmitas, quae media sunt et interiecta. Illius enim vis e momentorum, indiciorumque summa, horum vero e singulis quibusque momentis, singulisque divisim partibus dimanat. Discrimen ergo, quo summa a partibus distat, rationem quoque et constantiam iudicii ultimi ab ea quae mediis, interiectisque convenit, dividit ac secernit.

7. Quod quidem in arbitriis forensium iudicium luculentissime apparet. Fingamus enim hanc caussae speciem in litem venire: utrum nobilissimus pater familias ab aliquot iam annis vita functus voluerit, ut superstites filii ex aequo, vel inaequaliter potius haereditate potirentur. Quae erunt iudicis officia, quae partes ut sententiam dicat ad testatoris voluntatem expressam? testamentum ipsum accuratissime leget, codicillos, si qui forte adiecti fuerint, diligenter inspiciet; communia seponet; propria cum seorsum distinctis nec fixis omnino iudiciis, tum simul decretorio quodam ratoque iudicio aestimabit, sententiamque feret, quam distincta praecedentia iudicia praeparaverint, sed ultimum, supremumque praeceperit.

Ab hac autem quam finximus controversiae specie, etsi plurimum *materia*, *forma* tamen vix ea differt, quam expediendam aggredimur. In utraque contentio est de voluntate testatoris ¹²: in utraque de distributione haereditatis aequali vel inaequali: in utraque de interpretandis instrumentis, quae testatoris dispositionem continent: ac in utraque de iudicio, quod ad instrumentorum normam de decreto testantis proferendum est. Una ergo ac eadem est ratio, conditioque sententiae, qua utraque causa definiri debet. Sed caussam, quam in exemplum assumpsimus, nonnisi e summa, indiciorumque omnium conspiratione iudex dirimit, et arbitrium, quod de ea tandem profert, firmitate et constantia ab iis distinguitur, quae singula perpendens caussae momenta adhaesione animi pro illorum varietate, maiori minorive identidem pronunciavit. Ergo de ea item caussa, qua quaeritur, quid tandem sanxerit Christus: an ut apostoli ex aequo omnes missionis illius et auctoritatis participes essent, qua ipse instituit, et suis veluti oclusam seminibus ecclesiam gubernavit: vel contra, ut unus, isque Simon Petrus reliquis omnibus auctoritate praecelleret; nonnisi e summa

¹²) Est tamen quod advertatur discrimen non minimi momenti, et e varietate tabularum repetendum. Testamenta enim, quae conduntur, eo per se spectant, ut testatoris voluntatem certis, ratisque formulis declarent. At vero instrumenta biblicorum neque ea mente conscripta sunt, ut

omnia Christi consilia explicentur: neque iis formulis constant, quae lege et consuetudine fixae trahi in alienum sensum non possint. Multo est igitur gravior necessitas ita singula quaeque expendendi, ut ne apex quidem neglectus videatur.

momentorum omnium statui debet; singulis vero de ea iudiciis, quae singulis caussae momentis respondent, inhaerendum sic est, ut sententia tamen non aliunde quam e summa repetatur.

8. Quare quum tractationes omnes duplici labe maculari possint, *universali* altera, quaeque a suis primordiis tractationem inficit, ac tum contrahitur, quum praepostera μέθοδος deligitur: altera *particulari*, quaeque veritati tractationis nonnisi identidem obest, ac tum incurritur, quum μέθοδος primum rite delecta animi oscitantia et imbecillitate, vel fraude, doloque malo interdum deseritur; liquidum est, tractationem quoque de praerogativis Petri, deque eiusdem prae apostolis reliquis praestantia atque auctoritate, alterutro flagitio depravari posse atque corrumpi. Et posteriore quidem, eoque minore illorum commentarii laborant, qui praesignatam licet a nobis μέθοδον noverint, illamque sibi sequendam destinaverint; ab ea tamen plus semel devii recedunt, sive quum in singula intenti, a summa oculos avertunt, sive quum ea permiscunt quae singulis, quaeque summae conveniunt: illa enim sat est, si gradu probabilitatis aliquo¹³ animum inflectant, huic vero competit, ut iudicium ipsum, sententiamque determinet: sive quum eo prolabantur, ut iudicia quae singulis caussae adminiculis respondent, ab eo non separent, quod ultimum est, et ad summam refertur. Neque propterea quovis penitus fructu eiusmodi commentationes destituuntur: neque paleis ita scatent, ut non plurimum etiam bonae frugis contineant. Eae solum spem nullam faciunt utilitatis, quae e fallaci profectae μέθοδος numquam non exerrant, ac per devia rapiuntur. Quarum tot sunt prope modum specimina, quot legimus a protestantibus editos de Petro, eiusque auctoritate libros, in quibus, uti series orationis ostendet, nihil est sani, nihil integri, quum eorumdem auctores, ne caussae valedicerent, cui famulabantur, recto tramite neglecto, et luce veritatis repulsa, per obliqua praecipites iverint, eaque sibi videre visi sunt, quae nusquam erant, *et solem geminum, et duplices se ostendere Thebas.*

¹³) Horum veritas ex iis manifesta est, quae identidem repetivimus. At si vera ista sunt, consequitur: I. ne rationem quidem controversiae iis esse compertam, qui omnia improbant, reiiciuntque argu-

menta, quae ἀποδείκναι non sint et peremptoria: II. ea solum reiici merito posse, quae ne probabilitatis quidem specie ad asserendum Petri primatum, eiusque prae apostolis eximiam auctoritatem conducunt.

CAPUT II.

Ratio quaestionis iterum exponitur: — decretis conciliorum et Pii VI. declaratione illustratur: — opposita protestantium doctrina: — cui M. Antonius de Dominis patrocinator: — censura facultatis sorbonicae: — testimonia pro veritate catholica, quae in evangeliiis habentur: — ac illud inprimis, quo factum Simoni Cephae nomen, ac illius explicatio continetur: — vis testimonii expenditur et confirmatur.

9. Quamquam videam id e repetitionibus consequi, ut lectoribus fastidium creetur; spero tamen fore, ne in sinistram partem accipiat, si quo brevius potero, vim, rationemque quaestionis iterum exposuerim. Maximi enim refert, ut animo constanter obversetur, et qualis ea sit, accuratissime intelligatur. Huc itaque redit quod inquirimus: „utrum ex inspiratis divinitus instrumentis ¹ constet, Simonem filium Johannis, atque unum e duodecim, ita ceteris fuisse a Christo prae habitum, ut illorum caput et auctoritate principem instituerit.“ Quibus sinceram controversiae rationem explicari, neque catholicis anceps est, neque protestantes inficiantur, adeo ut partes de ea consentiant, quamquam non diversa solum, sed mutuo pugnantia teneant atque tueantur.

10. Sane de catholicorum sententia perspicue ex iis liquet, quae oecumenica concilia decreverunt, e quibus lateranense IV. habitum anno MCCXV, lugdunense II. celebratum anno MCCLXXIV, et florentinum, quo inter utramque ecclesiam, latinam et graecam, anno MCDXXXIX. pax inita fuit, et unitas restituta, in hanc fidei professionem ² conspirant: „beatum Petrum credendum esse apostolorum principem, verum Christi vicarium, ecclesiae totius caput, et christianorum omnium patrem et doctorem, qui a Domino nostro Jesu Christo plenam regendae, gubernandaeque universalis ecclesiae potestatem acceperit.“

Quam ut Pius eo nomine sextus integram, inviolatamque protegeret, publicis litteris adversus Eybelium datis ³ declaravit: „Super soliditate petrae fundatam a Christo ecclesiam, Petrumque singulari Christi munere prae ceteris electum, qui vicaria potestate apostolici chori princeps existeret, totiusque adeo

¹) Quibus verbis probationum sedem, locumque circumscribimus, et quantum satis est declaramus, controversiae solutionem e divinis unice litteris repetendam esse.

²) Ad haec ipsa conciliorum decreta provocat Pius VI. in Brevi, *Super soliditate*, quibus praemittit quae eadem omnino

mente dicta, gestaue fuerant in synodo chalcedonensi, anno CDLI, et in octava generali, anno DCCCLXIX.

³) Eybelii liber inscribatur, *Quid est Papa?* graece vero, *Τὶ ἐστὶν ὁ Πάπας*; Illum Pius damnavit editis, quas laudavimus litteris, *Super soliditate*, anno MDCCLXXXVI.

gregis pascendi, fratres confirmandi, totoque orbe ligandi ac solvendi summam curam, auctoritatemque in successores ⁴ omni aevo propagandam susciperet, *dogma catholicum esse*, quod ore Christi acceptum ⁵, perenni Patrum praedicatione traditum ac defensum, ecclesia universa omni aetate sanctissime retinuit, saepiusque adversus novatorum errores summorum pontificum, conciliorumque decretis confirmavit. In hoc apostolicae cathedrae principatu firmum voluisse Christum, constrictumque teneri unitatis vinculum, quo ecclesia per universum mundum propaganda, ex membris quantumcumque dissitis, mutua omnium in uno capite consociatione in unam corporis compagem coalesceret, fieretque adeo, ut huius vis potestatis non tantum ad primae sedis amplitudinem, sed et maxime ad corporis totius integritatem, incolumitatemque valeret. Minime proinde mirum quotquot omnibus retro saeculis extitere, quibus antiquus humani generis hostis hostile suum in ecclesiam odium infudit, in hanc primam sedem irruere consuevisse, qua unitatis firmitas continetur, ut disiecto, si fieri posset, fundamento ac dirempta ecclesiarum cum capite coniunctione, qua potissimum nituntur, vigent ac efflorescunt, ipsammet ecclesiam, fractis viribus misere afflictam ac dilaceratam, libertate spoliarent, qua Christus eam donavit, indignaeque servituti addicerent.“

11. Quod autem Pius omnibus retro saeculis factum lamentatur, numquam acerbius contigit, quam quum Lutheri vexillum rebellionis praeferente, numerosissimae septemtrionis gentes a catholica societate desciverunt. Tum enim una omnium vox extitit, atque clamor unus: nihil Petro fuisse delatum, quod Christus ceteris quoque apostolis non concesserit. Hanc vocem Lutherus edidit ⁶, atque hanc ingeminarunt unanimes, et etiamnum ingeminant, quotquot ⁷ in Gallia, Germania, Anglia, Scotia, Norvegia, Suecia, Dania, et amplissimis Americae regionibus a Lutheri, Calvini, Zwinglii, aliisque barbarum auctoribus nuncupantur. His a catholicis transfuga nomen dedit M. Antonius de Dominis, ac ut

⁴) Quae de propagando in successores primatu definiuntur, quamquam indubitata sint, et ad fidem catholicam pertinentia, ad praesentem tamen controversiam non spectant, in qua de *institutione* primatus, minime de eiusdem *propagatione* sumus solliciti.

⁵) His declarat Pontifex, primatum Petri earum veritatum numero comprehendi, quae Scripturis consignatae perenni Traditione uberius explanantur. Declarat propterea: I. defendenda esse biblicorum testimonia, quae ad Petri primatum referuntur: et II. Traditionem, qua ille asseritur, esse

ἐξήγηται.

⁶) In defensione artic. suorum con. Leonis X. bullam, art. XXV, et in Comm. ad Galat. I.

⁷) Centuriator. Magdeburg. lib. I. cap. IV; Calvin. lib. IV. Instit. cap. VI. n. 6; Johannes Gerardus, Confess. Catholic. T. II. p. 426. edit. Jenae 1661; Friedericus Spanhemius, Chamier contract. lib. XI. cap. IX; Salmasius, de primatu Rom. Pontificis; Salomon Deilingius, Ob-servatt. sacr. Exercit. VI; et Johannes Forbesius, Instruct. histor. theolog. lib. XV. cap. V.

probum se, numerisque omnibus absolutum protestantem demonstraret, defendendum sibi sumpsit⁸⁾: „Disparitatem potestatis inter apostolos esse humanum inventum, in sacris evangeliiis, et divinis novi testamenti scripturis minime subsistens.“ Atroce calumniam non tulit theologica Sorbonae facultas, sibi quae apprime decorum esse duxit, hominem crimine haereseos turpem reprimere, editoque solempni iudicio declarare, quid de apostolorum aequalitate vel inaequalitate ad praescriptum catholicae professionis existimari debeat. Itaque die XV. Decembris, anno MDCXVII. ea sententia, qua priores quatuor Spalatensis libros de Republica Christiana confixit, propositionem quam retulimus, hac censura⁹⁾ notavit: „Haec propositio est *haeretica* et *schismatica*, de iurisdictione apostolica ordinaria, quae in *solo* Petro subsistebat, intellecta.“

12. Quare tam cordi esse nobis debet Petri praerogativas, eximiamque prae apostolis reliquis dignitatem, potestatemque tueri, quam sinceritati fidei, quae haeresi corrumpitur, et ecclesiae unitati, quae haeresi et schismate violatur, prospicere. Illi nimirum unitati, quam profitemur¹⁰⁾ in symbolo, quam Scripturae¹¹⁾ praecipunt, quam Christus¹²⁾ commendat, pro qua Patrem¹³⁾ exoravit, et quam non modo institutae a se ecclesiae, verum etiam suae a Patre missionis¹⁴⁾ notam, et *σημεῖον* omnium luculentissimum fore constituit.

Dubium vero esse non potest, unde defensionis argumenta, et veritatis patrocinium repeti debeant. Argumentorum sedes praefinivit Spalatensis, neque alias ab iis proposuit, quas nos ipsi delegimus, quaeque solum a protestantibus in pretio habentur. „In disputationibus, ita Galliae calviniani¹⁵⁾, ad iudicium et decisionem doctrinae nullus erit locus antiquorum doctorum scriptis.“ Et alibi¹⁶⁾: „Omnia debent expendi, dirigi, reformari ex scriptura sacra.“ Quae a coryphaeo factionis Calvino didicerant, qui catholicos non citra arrogantem fastum his verbis compellabat¹⁷⁾: „In Petro volunt papistae ecclesiam fundari: nonnulli ex Patribus¹⁸⁾ ita exposuerunt; sed cum reclamet tota Scriptura¹⁹⁾, quid eorum adversus Deum auctoritas praetenditur?“ Stabimus ergo Scripturis, iisque solum

⁸⁾ Penes Du Plessis d'Argentré, Collect. Iudiciorum Eccl. T. I. Part. II. pag. 409.

⁹⁾ Censuram sorbonicam habes apud Franciscum Harlay, archiepiscopum rothomagensis. Apolog. Evang. pag. 215. edit. Paris. 1725.

¹⁰⁾ Symbol. nic: Πιστεύομεν εἰς μίαν ἐκκλησίαν.

¹¹⁾ I. Cor. XII. 12 — 27; Ephes. I. 22 — 23, II. 13 — 16, III. 6, IV. 4 — 12 — 16, V. 23 — 30; I. Cor. I. 9 — 13.

¹²⁾ Joh. X. 16.

¹³⁾ Joh. XVII. 20 — 23.

¹⁴⁾ Joh. XVII. 21: ἵνα ὁ κόσμος πιστεύῃ, ὅτι σὺ με ἀπέστειλας.

¹⁵⁾ Libr. de Disciplina, cap. I. art. II, cap. VI. art. IV.

¹⁶⁾ Confess. gallic. Art. V.

¹⁷⁾ Instit. lib. IV. cap. VI. n. 6.

¹⁸⁾ Ita ne vero? atqui quos tu nonnullos appellas, hi sunt prorsus omnes, adeo ut praeclarius eruditionis tuae specimen desiderari vix possit.

¹⁹⁾ Notari artificium debet protestantibus solemne, quo ita se gerunt, ut si quae veritas auctoritate bibliorum confir-

utemur, quae a Christo et apostolis dicta, gestaque in Scripturis narrantur: usurpabimus deinde Tertulliani ²⁰ verba: „Apostolos Domini habemus auctores, qui nec ipsi quidquam ex suo arbitrio, quod inducerent, elegerunt, sed acceptam a Christo disciplinam fideliter nationibus assignarunt.“ Quibus ista subiiciemus, quae habet ²¹ Irenaeus: „Non enim per alios dispositionem salutis nostrae cognovimus, quam per eos, per quos evangelium pervenit ad nos. Quod quidem tunc praeconiaverunt, postea vero ²² per Dei voluntatem in scripturis nobis tradiderunt fundamentum et columnam fidei futuram.“

13. In evangeliis autem quod primum occurrit ad rem nostram pertinens habetur penes Johannem, quo referente ²³, quum Simon Jonae filius ²⁴ studio, curisque Andreae fratris ad Jesum invisendum accessisset, non solum ab eo fuit humanissime exceptus, verum etiam his verbis magnifice recreatus: *Intuitus autem eum* ²⁵ *Jesus, dixit: tu es Simon filius Jona, σὺ κληθήσῃ Κηφᾶς, ὃ ἐρμηνεύεται Πέτρος, tu vocaberis Cephas, quod interpretatur Petrus.* Propemodum illi diceret: „sublimior est destinatio tua, quam inditum a nativitate Simonis nomen praesignet; tibi enim faciam Cephae appellationem, qua intelligatur, quae tua futura sit dignitas, quae praestantia, quasque sis in sustentanda, continendaque ecclesia, quam aedificabo, partes obiturus.“ In quo commentario nihil omnino esse, quod cum verbis Christi, eiusque mente non apprime consentiat, perspicuum erit, si *quatuor* quae subiiciemus, ex ordine considerentur.

14. Ac illud *initio*, verba quae descripsimus, eo in contextu legi, ut nonnisi ad *unum* Simonem referri possint, proindeque *unum* esse Simonem, cui Christus novum nomen, novamque appellationem promiserit. Plures erant discipuli, ac omnino duodecim apostoli, quos Jesus carissimos habuit, eximiisque donis cumulavit. Nihilominus unum delegit Simonem, quem ita novo nomine ornaret, ut recens appellatio in prioris veluti oblitteratae locum suffecta videretur.

metur, tum se ad veterum interpretationes recipiant: pugnent vero et biblicorum testimoniis obnitantur, quum Patrum suffragio eadem defenditur. Ne ergo vertigine prope abrepti vagemur iugiter, ac nuspiam consistamus, edici perspicue debet, suum esse singulis locum, neque ferri posse, ut quum e bibliis res agitur, interpositis patribus, tota controversiae ratio perturbetur.

²⁰) Praescriptt. cap. VI. Hinc veritates christianae ab Ignatio in epist. ad Magn. §. XIII. dicuntur *δόγματα Ἰησοῦ Χριστοῦ καὶ ἀποστόλων*: et apostoli ab alexandrino Clemente Stromat. lib. III. §. I. nuncupantur *οἱ προπάτορες τῶν δογμάτων*.

²¹) Con. Haeres. lib. III. cap. I.

²²) Nihil hisce praeclarius ad aperientdam originem Traditionis *ἐξηγητικῆς*.

²³) Joh. I. 40 — 42.

²⁴) Quemadmodum duo Thaddaei, alter ex apostolorum, ac alter e discipulorum numero, ita plures in N. T. Simones occurrunt, Simon Petrus, Simon Cananaeus, Simon frater Domini, Simon Cyrenaeus, Simon leprosus, Simon Iscariota, Simon coriarius, Simon niger et Simon magus. Quum ergo Simonem deinde appellabimus, non alium quam Simonem Petrum intellectum volumus.

Quod loquendi usus *ecclesiasticus* et *biblicus* ostendit. Ille quidem ²⁶, quum monumenta christiana universa, synodi, liturgiae, homiliae, epistolae, tractatus, commentarii, scholia, inscriptiones non alio ferme nomine quam Petri et Cephae Simonem Johannis filium significant. Biblicus vero, et penes scriptores *θεοπνεύστους* receptus, quum Paulus non semel ²⁷ Cephae nomine ²⁸ Simonem designet; Matthaeus autem ²⁹, reliqui evangelistae ³⁰, ac ipsemet Simon ³¹ non aliter eo utantur cognomine, ac si Simonis proprium ³² et *διακριτικὸν* extitisset.

15. Sed iam *alterum* spectari debet, et accuratius inspicere, quo pertineat oratio Christi Simonem alloquentis: *σὺ κληθήσῃ Κηφᾶς*. Idem nimirum valet, ac *tu eris Cephas*: quod *συνωνυμία* suadet in bibliis frequentissima verborum *σημαντικῶν καὶ οὐσιώδων*: et plane convincit textus ³³ huic *ἐκ παλαιολόγου* respondens, *σὺ εἶ Πέτρος, tu es*, neque solum diceris, *Petrus*. Unde Chrysostomus ³⁴ de Petro ait: *ἡ χρηστὴ τῆς ἐκκλησίας, ὁ ὄντως Πέτρος καὶ τῷ ὀνόματι καὶ τῷ πράγματι*: *basis illa ecclesiae, vere Petrus, quum nomine, tum re ipsa* atque proprietate.

16. *Tertium* succedit in eo situm, nomina divinitus promissa atque imposita taciti instar vaticinii habenda esse, quo illius, cui nomen promittitur atque tribuitur, dignitas, excellentia, officium, qualitas, eaque propria adumbrantur. Ac in bibliis profecto, e quibus ³⁵ iudicii nostri ratio sumenda est, vix contingit, ut nova promittantur et conferantur nomina ³⁶, Abrahami, Israelis, Sarae, Jesu, quin praecipua munia, singularesque illorum dotes significantur, qui eum honorem nacti sunt. Ad rem ergo pertinent quae Justinus ³⁷ notat: „Quod unum ex apostolis, mutato nomine, Petrum appellasse dicitur, atque in apostolorum commentariis id quoque refertur; quodque praeterea duos alios fratres filios

²⁵) Joh. I. 42.

²⁶) Quominus referam nominatim locos duo impediunt, rei prolixitas, eiusque evidetia.

²⁷) I. Cor. I. 12, III. 22, IX. 5, XV. 5; Gal. II. 9.

²⁸) Abnuat Marcellinus Molkenbuhr in diss. critica, *Quod Cephas, quem Paulus Gal. II. 11. redarguit, non sit Petrus apostolus*, contenditque n. 13. Petrum in libris N. T. numquam Cepham appellari.

²⁹) Matth. IV. 18, VIII. 14, X. 2, XIV. 28—29, XV. 15, XVI. 16—18—22—23, XVII. 1—4—24—26,

³⁰) Marc. III. 16, VIII. 29—32—33, IX. 1—4; Luc. V. 8, VI. 14, VIII. 45—51; Joh. I. 44, VI. 8—69, XIII. 6, XVIII. 10—11—15—16

³¹) I. Petr. I. 1; II. Petr. I. 1.

³²) Hinc numquam Petri nomen legimus aut audimus, quin de Simone cogitemus.

³³) Matth. XVI. 18.

³⁴) Homil. in h. l. Eodem ista pertinent Cyrilli alexandrini in Joh. I. 40: *Φερωνύμως δὲ ἀπὸ τῆς πέτρας μετωνόμαζε Πέτρον· ἐπ' αὐτῷ γὰρ ἐμελλε τὴν αὐτοῦ θεμελιῶν ἐκκλησίαν*.

³⁵) Unde operam perderent, qui aliunde quam e bibliis hac de re arbitrentur.

³⁶) Insequenti capite expolimus ista diligentius.

³⁷) Dialog. cum Tryph. n. 106. Cum his vero conferri utiliter possunt quae Chrysostomus scribit in Joh. Hom. XIX.

Zebedaei Boanerges, idest, tonitruī filios cognominavit³⁸; id argumento erat, ipsum illum esse, a quo Jacobus Israelis, Ausēs Jesu nomine vocatus est, per quod nomen etiam in terra patriarchis promissa introductus est populus ex his superstes, qui ex Aegypto profecti sunt.⁴⁰ Cui animadversioni hic subest sensus: unum eundemque esse Dei *Λόγον*, qui in carne apparuit, qui patriarchis adfuit, ac veterum *οἰκονομίας* administravit³⁹; inde etiam colligere licet, quod non minus in altera quam in illa priore eorum nomina mutaverit, quos apprimē insignes, ceterorumque capita ac duces⁴⁰ esse decrevit. Nomen ergo Cephac, quod Christus Simoni promisit⁴¹, indicium atque argumentum censi debet quum virtutis, supremique domini, quo ipse Christus gaudet, tum dignitatis atque excellentiae, ad quam unum prae ceteris Simonem destinavit.

17. Cuius singularis praestantiae vis atque ratio liquidius innotescet, si *quarto*, postremoque loco animadvertatur, Cephac atque *petrae* appellationem⁴² non ultimam ex iis esse, quibus propria Christi ornamenta in Scripturis efferruntur. Huc sane pertinent verba penes Isaia⁴³, quae de Christo Petrus etiam⁴⁴ ac Paulus⁴⁵ accipiunt: „Idcirco haec dicit Dominus Deus: Ecce ego mittam in fundamentis Sion lapidem, lapidem probatum, angularem, pretiosum, in fun-

³⁸) His refelli videtur quod affirmavimus, uni Simoni novum nomen promissum a Christo fuisse atque collatum, quum referente Marco cap. III. 17. Zebedaei filios Jacobum et Johannem *βοανεργές, ὁ ἔστιν, υἱὸς βοορτῆς*, ipsemet dixerit. Verum I. quum Zebedaei filii *semel tantum βοανεργές* appellentur; Simon contra non alio ferme nomine quam Petri nuncupatur. Ad haec II. appellatio *βοανεργές* neque auctoritatem praefert, neque ad ecclesiasticam administrationem refertur; Petri autem nomen et tessera est potestatis, auctoritatemque designat in ecclesia potio^{rem}, quemadmodum vel una metaphora fundamenti prae ecclesia instar templi, civitatisque considerata patefacit. Itaque III. hoc distat nomen *βοανεργές* de filiis Zebedaei semel adhibitum ab appellatione Petri Simoni indita, quod haec instar *proprii* nominis fuerit, illud non item; haec potio^{rem} significet in ecclesia regenda auctoritatem, nihil vero eiusmodi eo nomine indicetur; quod haec vera extiterit nominis impositio, illud autem manifestatio potius proprietatis

alicuius, quae in Zebedaei filiis refulgeret, quam nominis impositio censi debeat.

³⁹) Non dissimili inferendi ratione ceteri utuntur Patres, Irenaeus, Tertullianus, Origenes, ut unum eundemque foederis utriusque auctorem, mediatoremque adversus gnosticorum deliria commonstrent.

⁴⁰) Id enim exempla probant quae Justinus adhibet.

⁴¹) Cui conclusioni vix aliquod inesset robur, si quod Christus praestitit, nuda novi nominis impositione citra rem ipsam significatam contineretur.

⁴²) Sumo in praesentia veluti certum, quod opportunius demonstrabo, vocabula *κηφᾶς, πέτραν, πέτρον, λίθον*, significatione aequipollere.

⁴³) Is. XXVIII. 16: ubi verba Vulgati, *non festinet*, hebraice sunt, *non timebit*.

⁴⁴) II. Petr. II. 4. seqq.

⁴⁵) Rom. IX. 32—33: ubi duo simul testimonia coniunguntur, Is. VIII. 14, et XXVIII. 16.

damento fundatum, qui crediderit, non festinet.⁴⁶ Huc quae leguntur in Psalmis⁴⁶, quaeque Matthaeus⁴⁷, Marcus⁴⁸, Lucas⁴⁹ et Petrus⁵⁰ ad Christum, veluti *ἐκτυπον* referunt: „Lapidem quem reprobaverunt aedificantes, hic factus est in caput anguli. A Domino factum est istud, et est mirabile in oculis nostris.“ Huc verba⁵¹ Danielis: „Lapis autem, qui percusserat statuam, factus est mons magnus, et implevit universam terram.“ Huc quae habentur⁵² apud Zachariam: „Ecce enim ego adducam servum meum Orientem. Quia ecce lapis, quem dedi coram Jesu, super lapidem unum septem oculi sunt: ecce ego caelabo sculpturam eius, ait Dominus exercituum, et auferam iniquitatem terrae illius in die una.“ Huc quae scribit⁵³ Paulus: „Ergo iam non estis hospites et advenae, sed estis cives sanctorum et domestici Dei: supraedificati super fundamentum apostolorum et prophetarum, ipso summo angulari lapide Christo Jesu, in quo omnis aedificatio constructa crescit in templum sanctum in Domino, in quo et vos coaedificamini in habitaculum Dei in Spiritu.“ Dubitari ergo non potest, quin *petrae* nomine Christi decora atque ornamenta utroque in foedere significantur. Idem porro nomen Simoni pollicitus est, illique, uti mox⁵⁴ videbimus, Christus contulit. Quid ergo iam restat ut colligamus? videlicet placuisse Christo, ut unus prae reliquis Simon eius dotis, proprietatisque consors evaderet, qua ipse est et *petra* nuncupatur.

18. Sed quid enimvero si consortium, societatemque finibus nominis, appellationisque concluderit? ne ita arbitremur, postulant: I. divina Christi sapientia, cum qua minus belle consentit, ut nominibus, vocabulisque lusisse videatur: II. *ἀναλογία* Scripturarum⁵⁵, qua docemur una cum nominibus subiectas eisdem dotes tribui divinitus consuevisse: diserta tandem III. Christi verba⁵⁶, quibus significavit, Simonem dici atque *ὄντως* petram existere. Nihilominus consortium proprietatis, qua Christus *petra* nuncupatur, non citra distinctionem intelligi debet. Quae enim propria sunt Verbi incarnati, vel omnino *ἀκίνητα* sunt, vel communicari aliter non possunt, quam altero veluti gradu, ac uti loquuntur, *ἀναλόγως*. Porro ut quae *κατ' ἀναλογίαν* fiunt donorum, munerumque participationes apte determinentur, praenoscendum est, quae illis insit virtus, quum ad *subiectum princeps* referuntur, et *κυρίως καὶ ἀπλῶς* usurpantur. Constat autem⁵⁷, propterea Christum, ut Theodoriti verba⁵⁸ adhibeam; *ὑπὸ*

⁴⁶) Ps. CXVII. 22.

⁴⁷) Matth. XXI. 41.

⁴⁸) Marc. XII. 10.

⁴⁹) Luc. XX. 17; Act. IV. 11.

⁵⁰) I. Petr. II. 7: ubi verba Psalmi conseruntur cum Is. VIII. 14.

⁵¹) Daniel. II. 35.

⁵²) Zachar. III. 8—9: ubi quod Vulgatus reddit *Orientem*, hebraice est *מִצְרַיִם* *fons* enascens, coll. Is. XI. 1, LIII. 2.

⁵³) Ephes. II. 19. seqq.

⁵⁴) n. 20.

⁵⁵) n. 16.

⁵⁶) n. 15.

⁵⁷) n. 17.

⁵⁸) Comm. ad Daniel. II. 34; et ad Zach. III. 9: *Μίθον αὐτὸν ὀνομάζει διὰ τὸ στεφάνον καὶ ἀκαταγώνιστον.*

παλαιᾷ καὶ νέᾳ διαθήκῃς προσηγορευθεῖσαι λίθον, in veteri, novoque testamento fuisse lapidem appellatum, quod insita virtute, divinoque robore ⁵⁹ opus sustentet quod molitus est, templumque contineat quod extruxit.

19. Non est ergo opus pluribus ut assequamur, quid sibi velit Simonem ἀναλόγως esse, dicique petram. Idem namque notat ac eum in communionem venisse quum firmitatis illius, quae Christo principi petrae κυρίως inest, tum ad societatem illius muneris provectum esse, quo Christus, fundamentum fundamentorum ⁶⁰, domum Dei, quae est ecclesia, tuetur atque suffulcit. Apposite Origenes ⁶¹: Πέτρον δὲ αὐτὸν κληθῆσεσθαι εἶπε, παρονομασθέντα ἀπὸ τῆς πέτρας, ἣτις ἐστὶν ὁ Χριστός, ὡς ὅπερ ἐκ σοφίας σοφός, καὶ ἅγιος ἐξ ἁγιότητος· οὕτω καὶ ἐκ πέτρας Πέτρος: *Petrum autem appellandum ait (Christus), nomine desumpto a petra, quae Christus est; ut quemadmodum ⁶² a sapientia sapiens, et sanctus a sanctitate, sic etiam a petra Petrus.* Neque insigniter minus Leo, qui Christi verba Simonem alloquentis hoc commentario ⁶³ explanat: „Cum ego sim inviolabilis petra, ego lapis angularis qui facio utraque unum, ego fundamentum, praeter quod nemo potest aliud ponere; tamen tu quoque petra es, quia mea virtute solidaris, ut quae mihi sunt propria, sint tibi mecum participatione communia.“ Egrege profecto, et ad Christi mentem accuratissime, quemadmodum haec ostendunt ⁶⁴ ad eundem Simonem directa: Ὅτι σὺ εἶ Πέτρος, καὶ ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν. Vel enim nulum plane fundunt sensum, vel hunc omnino: „quum te petram effecero parti-

⁵⁹) Quibus illustrandis ista conducunt Epiphani in Ancorato, pag. 488: Christum dici petram διὰ τὸ ἀμετακίνητον: Cyrilli lib. III. Glaphyr. in Exod. pag. 314: Πέτρα παρεικάζεται διὰ τὸ ἄθραυστον καὶ ἀκλόνητον: et Basillii de Sp. sancto, cap. VIII: Πέτρα, διὰ τὸ ἰσχυρὸν καὶ ἄσβεστον, καὶ παντὸς ἐρούματος ἀρροαγέστηρον εἶναι φυλακτήριον τοῖς πιστοῖς.

⁶⁰) Cf. Mamachium T. V. Orig. et Antiquit. Christ. lib. IV. pag. 165. seqq.

⁶¹) In caten. ad Joh. I. 41.

⁶²) Quae non de grammatica nominum derivatione, sed de reali proprietatum communione intelligi debent. Unde Hieronymus ad ea capituli VII. Matthaei, *fundata erat supra petram*, inquit: „Supra hanc petram Dominus aedificavit ecclesiam, ab hac petra apostolus Petrus sortitus est nomen.“

⁶³) Serm. IV. cap. II.

⁶⁴) Matth. XVI. 18. Quibus verbis Georgius Rosenmüller hoc subiicit scholion: „Petra nec est confessio Petri, nec Christus semetipsum digito vel nutu designans (quas interpretationes nec contextus admittit), sed ipse Petrus. Dominus syriace loquens nulla usus est agnominatone, sed utrobique dixit Cephas, quemadmodum gallicum nomen *Pierre* tam de proprio, quam de appellativo dicitur. Designavit itaque digito aut nutu Petrum; id enim conveniebat proposito reddendae rationis impositi nominis. Ita de Abrahamo dictum: nomen tuum erit Abraham, quia patrem multarum gentium te constitui. Jacobo: Israel erit nomen tuum, nam ut principem te geris apud angelos et homines. Ita Christus: Petrus a me nominatus es, quia eris quasi petra. Promittit autem se aedificaturum esse ecclesiam suam super Petro.“

cipatione meae soliditatis immotam, tum super te erigam, extruamque ecclesiam, quam condendam, aedificandamque constitui.“

20. Ceterum appellationem Petri, quam primo praedicationis anno Christus Simoni promiserat, nonnisi altero illi revera contulit, quum ⁶⁵ secretis e discipulorum numero apostolis, iisque una cum iniuncto docendi munere, potestate tributa, qua morbos curarent, daemoniaque expellerent, ἐπέθηκε τῷ Σίμωνι ὄνομα Πέτρον, imposuit Simoni nomen Petrum. Hac enim impositione fidem solvit hisce obligatam verbis, σὺ κληθήσῃ Κηφᾶς: tum Simonem eo caractere a ceteris discipulis, apostolisque distinxit, quo tantum illis dignitate praeccelleret, quo unus inter omnes ad Christum propius accedebat, illamque in se Christi dotem, proprietatemque referebat, qua is petra est, ac supremum christiani operis fundamentum. Ad rem Tertullianus ⁶⁶: „Sed cur Petrum vocavit? si ob vigorem fidei, multae materiae solidaeque nomen de suo accommodarent. An quia et petra et lapis Christus? siquidem et legimus positum eum in lapidem offendiculi et petram scandali: omitto cetera. Itaque affectavit carissimo discipulorum de figuris suis peculiariter nomen communicare, puto propius, quam de non suis.“

21. Ut vero plenius etiam evidentiusque innotesceret, quo recens nomen pertineret, et cuius dignitatis vaticinium esset ac tessera, illius vim, potestatemque tertio praedicationis anno explanavit Christus, quum acceptis ⁶⁷ vulgi de se iudiciis, ad apostolos ⁶⁸ conversus, eorumque postulata sententia, Simonem audivit suam his verbis fidem profitentem ⁶⁹: Σὺ εἶ ὁ Χριστός, ὁ υἱὸς τοῦ Θεοῦ τοῦ ζῶντος: tu es Christus filius ille unigenitus non deorum mortuorum, qui nulli sunt, sed viventis Dei, quique suam vitam tum maxime ostendit, quum te ante luciferum genuit. Continuo namque subiecit ⁷⁰: Καγὼ δὲ σοὶ λέγω, ὅτι σὺ εἶ Πέτρος, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν: et ego propterea tibi dico, eo dicendi modo, qui me Unigenitum Patris, quem tu confessus es, unice decet, et quo facio quae dico, quod quum tu sis natura Simon, iam es gratia et destinatione Petrus, saxumque firmissimum, unde super hanc petram, qualem te esse volo, aedificabo ecclesiam meam. Quam expositionem obviam, perspicuam, ex ipsa orationis serie ductam, et cum verborum ⁷¹ proprietate cohaerentem, ita Hieronymus ⁷² complexus est: „Quid est, quod ait: et ego dico tibi? non sermone casso, et nullum habente opus; sed dico tibi, quia meum dixisse, fecisse est; quia tu es Petrus, et super

⁶⁵) Marc. III. 13—16.

⁶⁶) Ibid. v. 16.

⁶⁶) Con. Marcion. lib. IV. cap. XIII:

⁷⁰) Ibid. v. 18.

cum quibus ea iuverit contulisse quae habet Ambrosius de Fide lib. III. cap. V. n. 56.

⁶⁷) Matth. XVI. 13—15.

⁷¹) Quae in contrariam partem novatores disserunt, ea inferius, suoque loco diligenter excutientur.

⁶⁸) Ibid. v. 15.

⁷²) In cap. XVI. Matth. pag. 74. T. IV. P. I. edit. Martianaei.

hanc petram aedificabo ecclesiam meam. Sicut ipse lumen apostolis donavit, ut lumen mundi appellarentur ⁷³, ceteraque ex Domino sortiti sunt vocabula; ita Simoni, qui credebatur in Petram, Christus Petri largitus est nomen, ac secundum metaphoram petrae recte dicitur ei, *aedificabo ecclesiam meam super te.*“

CAPUT III.

Quae sint ex dictis consequentia: — Petri prae apostolis honor et auctoritas singularis: — eiusdem πρωτοστασία et προστασία: — quae veterum effatis, sententiisque confirmantur: — illustratio inde ducta, quod simili prorsus οικονομία Deus cum Abrahamo et Christus cum Petro egerit: — capita παράλληλα indicantur: — comparatio perpolitur: — ac ratio ostenditur, quae certis quibusdam protestantium difficultatibus cumulate satisfiat.

22. **Q**uae praemisimus antecedenti capite, ita sunt comparata, ut totidem veluti principia merito aestimentur, e quibus non pauca controversiae, quam habemus, expediendae opportunissima deducantur. Quum enim ea sint Petri ¹ *propria*, illum ab apostolis reliquis secernunt, impediuntque quominus nullo discrimine, et tamquam unus ceterorum Petrus iudicetur. Neque discrimen modo, sed vim etiam, rationemque discriminis, ac unde repeti illud debeat, luculenter aperiant. Ostendunt namque discrimen, quo ab apostolis Petrus distat, esse *duplex*, honoris alterum et excellentiae, ac alterum iuris, potiorisque auctoritatis: ostendunt deinde utriusque discriminis originem e singulari quadam cum Christo societate, Petrique coniunctione proficisci.

23. Et re sane vera promissio ² primum, tum vero collatio ³ novi nominis, eiusque excellentissimi, quodque per se ac simpliciter ⁴ Christo convenit, Simonem a reliquis separat, illumque eximia quadam honoris praerogativa divinitus coonestatum declarat. At vero subiecta eidem nomini potestas, quam

⁷³) Respicitur ad verba Christi, Matth. V. 14: Ὑμεῖς ἐστε τὸ φῶς τοῦ κόσμου. Porro Joh. I. 4—9. Christus est qui dicitur τὸ φῶς τῶν ἀνθρώπων, et τὸ φῶς τὸ ἀληθινόν: de Prae cursore vero v. 8. affirmatur, οὐκ ἦν ἐκεῖνος τὸ φῶς, ἀλλ' ἵνα μαρτυρήσῃ περὶ τοῦ φωτός. Quae ne ab invicem dissidere videantur, tenendum est: I. quae propria sunt Christi, ea cum apostolis participatione communicari: sed ita II. communicari, ut aliter Christo, aliter con-

veniant apostolis, illi plene et κατὰ φύσιν inesse, his nonnisi quadamtenus et κατὰ χάριν. Nihil propterea III. impedire, quominus ea de apostolis negentur, quemadmodum de Johanne negatur, quod esset τὸ φῶς. Videlicet si non ἀναλόγως, sed, uti dicere mos est, *univoce* usurpentur.

¹) n. 14.

²) n. 13.

³) n. 20.

⁴) n. 17.

Christus ⁵ suo ore explicavit, multo effert sublimius Petri privilegium, illumque iure atque auctoritate apostolis prae habitum ostendit. Si enim Simon petra est ecclesiae, eique ἀμέσως post Christum, et ἀναλόγως cum Christo ⁶ vis et proprietas inest fundamenti, cui ecclesiasticum aedificium incumbat; hic existet habitus, atque haec Christum inter et Simonem σχέσις prodibit: ut quemadmodum Christus ex sese, primum atque potissimum, ita Simon participatione, secundo atque ἀναλόγως ad apostolos ceteros referatur, sicut fundamentum ad ea refertur ⁷, quae super illud exstructa continet, vincit, inditaque sibi firmitate corroborat.

24. Haec autem relatio non honoris duntaxat est praecellentis, verum etiam potioris auctoritatis. Quod *compare* iuxta ac ἀπλῶς, *simpliciterque* demonstratur. Etenim eodem ἀναλόγῳ genere apostoli ad Christum et ad Simonem *petram* referebantur. Ad Christum vero eo habitu referebantur, eaque σχέσει subordinationis, qua necesse erat ut illi arctissime ⁸ adhaererent. Intra idem ergo genus, neque dissimili subordinationis habitu a Simone pendebant, quem in consortium suae firmitatis Christus adscivit. Hunc autem subordinationis habitum si qui e medio sustulerint, ipsam quoque evertent *imaginem*, qua singularem Petri dignitatem adumbratam Christus voluit, locumque praecludent participationi illius dotis, quam cum Simone communicatam, facto illi petrae nomine, Christus significavit. Etenim neque imago fundamenti ea erit, quae in Petrum apte cadat, si nulla apostolis necessitas fuerit cum eo cohaerendi: neque particeps illius dotis, qua Christus petra est et fundamentum, ipse merito existimabitur, si iure caruerit, quo ipsos etiam apostolos ad servandam secum unitatem, coniunctionemque obligare posset. Compare ergo atque absolute constat, eo nomine, eaque per nomen expressa dignitate Simonem fuisse a Christo donatum, qua unus apostolis omnibus honore et potestate antecellèret.

25. E quibus pronum est concludere, ipsi πρωτοστασίαν aequae ac πρωτοστασίαν, auctore Christo, convenisse: illam quidem quod *honore*, hanc vero quod eum apostolis reliquis *auctoritate* praetulerit. Praetulit honore, quod unum inter omnes eum sibi propius devinxit, ac eiusdem divini nominis communionem sociavit: praetulit auctoritate, quum vi impositi nominis declarata, illum ad consortium divini muneris, quo ipsemet supremum est ecclesiae fundamentum, evexit. Atqui πρωτοστασίας vocabulum eo pertinet, ut honoris principatum designet: πρωτοστασία enim per se, nativaeque virtute non alium quam honoris et loci primatum exprimit: unde πρωτοστάτης proprie est qui in primo ordine, ac primus in acie consistit, et ab Hesychio dicitur, ὁ πρῶτος παρὰ τὸ κέρασ τῆς παρατά-

⁵) n. 21.

⁶) nn. 18—19.

⁷) n. 21.

⁸) Eodem pertinet alia Christi comparatio Joh. XV. 5: Ἐγὼ εἰμι ἡ ἀμπελος, ὑμεῖς τὰ κλήματα· ὁ μένων ἐν ἐμοί, καὶ γὰρ

ἐν αὐτῷ, οὗτος φέρει καρπὸν πολὺν· ὅτι χωρὶς ἐμοῦ οὐ δύνασθε ποιεῖν οὐδέν. Et enim diversa licet imagine, similis tamen coniunctionis necessitas utraque comparatione *fundamenti et aedificii*, tum *vitis, palmitumque* significatur.

ξεως τεταγμένος, qui primus ad cornu aciei locatur. At vero προστασία, eodem Hesychio interprete, est κυβερνήσις, gubernatio, administratio: et προ-στατήν scholiastes Aristophanis describit τὸν προϊστάμενον τοῦ δήμου, τούτεστι, δημαγωγόν, praesidem populi, idest, reipublicae administratorem. Impositione igitur novi nominis, proprietatisque per nomen significatae communione effecit Christus, ut Simon ad πρωτοστασίαν καὶ προστασίαν destinatus, omnium πρω-τοστάτης καὶ προστατής redderetur.

26. Quod cum veteres christiani doctores animadvertissent, crebris, luculentisque sermonibus celebrarunt. Ac Petrum quidem ⁹, tamquam πρωτοστάτην τῶν ἀποστόλων semel ac rursum praedicat ¹⁰ Cyrillus hierosolymitanus, quo cum consentit Gregorius nysenus ¹¹, a quo Petrus dicitur, ὁ μὲν πρωτοστάτης καὶ κορυφαῖος τῆς ἀποστολικῆς χορείας. Ad eiusdem vero commendandam προστασίαν pertinent, quae Chrysostomus ¹² scribit: "Ἐκκριτος ἦν τῶν ἀποστόλων, καὶ στόμα τῶν μαθητῶν, καὶ κορυφή τοῦ χοροῦ· διὰ τοῦτο καὶ Παῦλος ἀνέβη τοτὲ αὐτὸν ἰστορῆσαι ¹³ παρὰ τοὺς ἄλλους. ἅμα δὲ δεικνὺς αὐτῷ, ὅτι χρῆ θάρσυνε λειπὸν ὡς τῆς ἀρνήσεως ἐξεληλαμένης, ἐγχειρίζεται τὴν προστασίαν τῶν ἀδελφῶν. Tum haec quae habet ¹⁴ Oecumenius: ἀνίσταται ὁ Πέτρος καὶ ὡς θερμότερος, καὶ ὡς τὴν προστασίαν τῶν μαθητῶν ἐγχεχειρισμένος: surgit Petrus et tamquam ferventior, et tamquam is, qui discipulorum praefecturam gereret.

27. Quam Petri excellentiam, auctoritatemque praecipuam confirmari rursum, et splendidius suaderi posse arbitror, si οἰκονομία qua Deus Abrahamum habuit, cum ea deextere componatur, quam Christus cum Petro adhibuit. Dextere, inquam, iisque omnibus apte, solerterque inspectis et explanatis, quae ad relegendam, manifestandamque similitudinem conferre posse videntur. Quod, uti decet, praestari nequit, nisi quaedam προληπτικῶς adnotentur, quibus iter quodammodo communiatur. Praestruī autem ante omnia debet, nihil esse cum veritate coniunctius, quam insigniora quaeque ad novum testamentum pertinentia typis, imaginibus, παραλλήλοις, disertisque vaticiniis ¹⁵ praedicta, ac in prisco

⁹) Hanc Petri appellationem antiquis Patribus usitatam pluribus exornat Mamachi Origgenus, et Antiqui. Christ. T. V. De titulis honorum b. Petri, pagg. 531. seqq.

¹⁰) Catech. IX. n. 19. et Catech. XI. n. 4.

¹¹) Laudat. s. Stephani, apud Zacagnium, pag. 339.

¹²) In Joh. hom. LXXXVIII. al. LXXXVII. n. 1.

¹³) Gal. I. 18: "Ἐπειτα μετὰ ἔτη τρία ἀνῆλθον εἰς Ἱερουσόλυμα ἰστορῆσαι Πέτρον,

ubi codices non pauci, nonnullaeque praeae versiones habent Κηφᾶν.

¹⁴) In Act. I. 15.

¹⁵) Non christianorum dumtaxat hanc esse sententiam, sed iudaeorum quoque, tum veterum, quum recentiorum perspicua ostendunt testimonia Aristae apud Eusebium Praep. Evang. lib. VIII. cap. IX, Josephi Antiquit. Prooem. §. IV, et lib. III. cap. VII, Philonis de Abraham pag. 357, de migrat. Abraham pagg. 402—404, et de Profugis pag. 466. edit. Turnebi 1691,

foedere praefigurata contineri. Huic utriusque foederis consensioni fidem sua auctoritate conciliant Christus ipse ¹⁶, evangelistae ¹⁷, apostoli ¹⁸: tum ecclesiae doctores ¹⁹, sive in iis concertationibus, quas cum gnosticis, marcionitis et manichaeis habuerunt, ut eam *ἀκουσίαν*, conspiracyemque vindicarent: sive in iis quae edidere, ut veritatem christianae institutionis ²⁰ iudaeis aequae ac gentilibus persuaderent. Demonstrationem enim evangelicam, sin minus omnium plenissimam, nulli certe secundam eam constanter censuerunt, quae ex anticipatione rerum christianarum in veteri pacto solide, graviterque colligeretur. Jam vero quae ad Petrum spectant, talia sunt, ut iis non immerito connumerentur, quae in christiana institutione doctrinaque ²¹ eminent atque excellunt. Incredibile ergo videri non debet, *σηματισμὸν* eorum aliquem priscis tabulis consignatum reperiri.

28. Quod si incredibile videri non debet, aestimari ne id poterit probabile, aut etiam certum? certum omnino foret, si auctoritate scriptorum *ῥεοπνεύστον*, vel unanimi Patrum suffragio eiusmodi praefiguratio doceretur. Facendum vero est, neutrum nobis suppetere, neque illorum auctoritatem, qua utamur, neque horum suffragium ²², quo sustentemur. Ergo ne ad coniecturas, nudasque suspiciones devenimus? multo esse potiora quae proferri possunt, ultro nobis dabitur, si animo reputetur, *axiomatis* instar haberi posse: „similitudinem consiliorum divinorum tam commode inferri ex iis posse, quae Deus *ἐξωθεν* manifestavit, quam similitudo caussarum ex effectuum similitudine colligitur.“ Sicut enim effectus totidem veluti gradus censentur, quibus ad cognoscendas, distinguendasque caussas attollimur; ita divinae manifestationes ceu totidem sunt indicia, quibus Dei consilia, aeternaque decreta reserantur. Quare si eorum series, quibus Dei cum Abrahamo *οἰκονομία* continetur, simillima illi sit, quam

doctorum gemaricorum, Berachoth cap. V, Josephi Albo, Sepher ikkarim lib. III. cap. XXI, Salomonis Jarchi ad Ps. II, et Ps. LXXI, Davidis Kimchi ad eosdem psalmos, et Abarbenelis, Zebach pesach. fo. 51.

¹⁶) Joh. V. 39—46; Luc. XXIV. 26—27—45—46; Luc. XXII. 37.

¹⁷) Matth. II. 5—6, XXI. 4—42, XXII. 42, XXVI. 56; Marc. IV. 12, XIV. 49; Luc. VIII. 10, XXIV. 26—27—45—46; Joh. XII. 40, XIX. 28—29.

¹⁸) Gal. III. 16; I. Petr. I. 10—11—12, II. 24; Hebr. I. 3; Rom. XV. 9. seqq.

¹⁹) Clemens rom. I. ad Cor. n. 12; Justinus in dialogo cum Tryph. n. 68;

Irenaeus adv. haeres. lib. IV. cap. XXV. n. 3, cap. XXVI. n. 1; Clemens alex. Stromat. lib. V. nn. 6—8.

²⁰) Tertullianus adv. Marcionem lib. III. capp. VII—XVI, lib. IV. cap. XXXV, lib. V. cap. VII; Eusebius Praeparat. Evang. et Demonstrat. Evang.

²¹) Ex iis enim iudicium pendet, quod de ratione ecclesiae administrandae a Christo instituta ferri debet.

²²) Unius enim, alteriusve testimonium tanti non est, ut dubitationem omnem praecidat. Abs re tamen non fuerit monuisse, de hac Abrahamum inter Petrumque collatione Bernardum cogitasse de Consid. lib. II. cap. IX.

cum Petro adhibitam scripturae novi testamenti declarant; sua veluti sponte duo consequentur: ac I. utramque *οικονομίαν* talem esse, quae iure ad invicem comparatur: et II. e simili *οικονομία* similitudinem consilii, statutique divini idonea conclusione deduci. Atqui hoc est quod contendimus, utramque *οικονομίαν* sibi *ἐκ παραλλήλου* respondere, neque aliter Deum cum Abrahamo ²³, quam cum Petro Christum se gessisse. Jure ergo et comparationem inimus, et similitudinem divinae destinationis ex ea comprobamus. Quae praemittenda erant, ne posset comparationis opportunitas vel utilitas in dubitationem revocari.

29. His autem praemissis, ut ad ea veniamus capita, quibus utriusque *οικονομίας* similitudo et *παραλληλισμός* constat, illud primo occurrit, quo Deus ²⁴ multifariam, multisque modis loquens patribus de eo gratiae foedere, quod cum protoparentibus ²⁵ iampridem ferierat, dixit ²⁶ Abramo: *Egredere de terra tua, et de cognatione tua, et de domo patris tui, . . . et faciam te in gentem magnam*, לְגוֹי גָדוֹל וְאַעֲשֶׂה אֶתְּךָ לְגוֹי מְאֹד. Quum vero ²⁷ novissimis diebus initum foedus implere, et per Filium loqui, suamque voluntatem aperire coepit; Simoni atque Andreae ²⁸ dixit Jesus: *Venite post me, καὶ ποιήσω ὑμᾶς γενέσθαι ἀλιεῖς ἀνθρώπων*. Et Simoni ²⁹ nominatim: *μὴ φοβοῦ· ἀπὸ τοῦ νῦν ἀνθρώπους ἔσῃ ζωογρῶν*.

Vocanti Deo morem gessit ³⁰ Abram: *Et exiit Abram, sicut locutus est Deus ad eum*. Vocanti Christo alacri, promptaque voluntate ³¹ paruit Simon: καὶ εὐθέως ἀφέντες τὰ δίκτυα αὐτῶν, ἠκολούθησαν αὐτῷ.

Obedientiam Abrami promissione novi nominis ³² remuneratus est Deus: *Et non vocabitur ultra nomen tuum אַבְרָם, sed erit nomen tuum אַבְרָהָם*. Eodem praemio Simonem Christus ³³ honestavit, inquires: σὺ εἶ Σίμων ὁ υἱὸς Ἰωνᾶ, σὺ κληθήσῃ Κηθᾶς.

Non antea Deus vel dignitatem promisso nomine adumbratam explicavit, vel illam Abrahamo contulit, quam eximium fidei, caritatisque specimen ³⁴ postulavit: *Et tentavit Dominus Abraham, et dixit ad eum, sume filium tuum יְחִידְךָ unigenitum tuum, μόνον σου, quem diligis, et offeres eum in ho-*

²³) Quibus significatum volumus, curam illi simillimam, quam in efferendo Abrahamo Deus ostendit, a Christo fuisse adhibitam, ut Petrum ornaret.

²⁴) Hebr. I. 1.

²⁵) Gen. III. 15; de quo vaticinio luculenter disserit Thomas Sherlok in opere inscripto, *De usu, deque finibus prophetiarum*.

²⁶) Gen. XII. 1—2.

²⁷) Hebr. I. 2: Ἐπ' ἐσχάτον τῶν ἡμερῶν τούτων ἐλάλησεν ἡμῖν ἐν νῷ.

²⁸) Marc. I. 16—17. coll. Matth. IV. 18, Luc. V. 10.

²⁹) Luc. V. 10.

³⁰) Gen. XII. 4.

³¹) Marc. I. 18.

³²) Gen. XVII. 5.

³³) Joh. I. 45.

³⁴) Gen. XXII. 1—2.

locustum. Specimen item fidei, praestantiorisque caritatis ³⁵ prius a Simone exegit Christus, quam vel promissi nominis excellentiam aperiret, vel ea Simonem exornaret: λέγει αὐτοῖς, ὑμεῖς δὲ τίνα με λέγετε εἶναι; — Σίμων Ἰωνᾶ ἀγαπᾷς με πλεῖον τούτων;

Verum non minus uterque animi constantiam in praestanda fide, exhibendaque caritate demonstravit, quam alacrem obedientiam in sequenda vocatione ostenderit. De Abrahamo namque ³⁶ legimus: *Et extendit Abraham manum suam, et sumpsit gladium* אֲבְרָהָם יָרַח אֶת-חֶרְבּוֹ *ad mactandum filium suum*. Ad

Petrum vero ista ³⁷ pertinent: ἀποκριθεὶς δὲ Σίμων Πέτρος εἶπε· σὺ εἶ ὁ Χριστός, ὁ υἱὸς τοῦ θεοῦ τοῦ ζῶντος. — Ναί, κύριε, σὺ οἶδας, ὅτι φιλω σε.

Quemadmodum porro obedientiae, qua Deo vocanti uterque paruit, praemium fuit ac merces promissio, novique nominis collatio; ita consequenti eximia fide, singularique caritate permotus Deus dignitatem eo contentam nomine explicavit, explicatamque concessit. Ad rationem explicandae dignitatis ista ³⁸ referuntur: *Apud memetipsum iuravi*, כִּי יַעַן אֲשֶׁר עָשִׂיתָ אֶת-הַדְּבָרִי *quoniam*

propterea quod fecisti verbum hoc. Tum ³⁹ haec: ὅτι σὰρξ καὶ αἷμα οὐκ ἀπεκάλυψε σοι, ἀλλ' ὁ πατήρ μου ὁ ἐν τοῖς οὐρανοῖς. καὶ γὰρ δὲ σοὶ λέγω.

Ad collatam vero quod pertinet dignitatem, animadverti debet eam esse divinam, ac utrique ita ἀναλόγως communicatam, ut I. Abraham propterea origo sit et parens fidelium omnium, Petrus vero eorundem basis ac fundamentum: ille auctor seminis, quod astris coeli, marisque arenis copia et numero exaequetur; hic ecclesiae petra, quae gentes omnes, tribus, linguasque contineat. *Et multiplicando multiplicabo*, ita ⁴⁰ de Abrahamo Deus, *semen tuum, sicut stellas coeli, et sicut arenam quae est in littore maris*. De Petro vero his omnino verbis ⁴¹ Christus: καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.

Alterum quod de ea dignitate considerandum est, huc redit: II. impertitam utrique coelitus benedictionem non eam fuisse, quae in illis unice consisteret, et ad eos unice pertineret ⁴², sed ex illis atque per illos ad universam posteritatem; societatemque credentium extenderetur; adeo ut quotquot ad consummationem usque saeculi futuri erant credentes, per illos benedictionem, stabilitatem, victoriamque adversus hostium impetus, infernasque portas consequerentur. De Abrahamo ⁴³ sunt ista luculenta: *Et expugnabit semen tuum*

³⁵) Matth. XVI. 15. coll. Joh. XXI.
15—16—17.

³⁶) Gen. XXII. 10.

³⁷) Matth. XVI. 16. coll. Joh. XXI. 15.

³⁸) Gen. XXII. 16.

³⁹) Matth. XVI. 17—18.

⁴⁰) Gen. XXII. 17—18, et XXVI.

4—5.

⁴¹) Matth. XVI. 18.

⁴²) Quibus, non negamus, ea ornamenta Abrahae, Petrique propria censenda esse; sed hoc unum docemus, sic illis fuisse collata, ut ex iisdem, veluti quodam ex capite in universitatem fidelium, tamquam in subiecta membra redundarent.

⁴³) Gen. XXII. 17.

את שַׁעַר אֹיְבֵי portam inimicorum suorum. Et benedicentur בִּירְעָךְ in semine tuo omnes gentes terrae. Neque ista minus splendent, quae de Petro ⁴⁴ dicuntur: καὶ πύλαι ἔδου οὐ κατισχύουσιν αὐτῆς.

Tantae vero excellentiae dignitas, ac posteritatem universam, ecclesiamque fidelium complexa, ipso impositi nominis ἐτύμῳ praesignabatur. De Abrahami namque nomine legimus ⁴⁵: Et erit nomen tuum אַבְרָהָם Abraham,

כִּי אֲבִדְמוֹן גּוֹיִם נָתַתָּךְ quoniam patrem multarum gentium dedi te. Quibus similia prorsus sunt quae de Petri appellatione ⁴⁶ dicuntur: Σὺ εἶ Πέτρος, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.

30. Haec autem quum ita se habeant, nihil mihi evidentius est, quam quae de utroque nomine dicuntur, ita posse conferri:

I. וְהָיָה שְׁמֶךָ אַבְרָהָם

I. Καὶ σὺ εἶ Πέτρος.

II. כִּי אֲבִדְמוֹן גּוֹיִם נָתַתָּךְ

II. Καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.

Ubi haec prae aliis animadverti debent. I. Quemadmodum in altero prioris columnae inciso ratio immutati nominis ⁴⁷

continetur, ac utrumque propterea in-

⁴⁴) Matth. XVI. 18.

⁴⁵) Gen. XVII. 5.

⁴⁶) Matth. XVI. 18.

⁴⁷) Nominum, quae in bibliis imposita legimus, triplex potissimum ordo ac veluti classis distingui posse videtur. Alia enim, ac omnino frequentissima, sunt *μνημονικά*, eoque spectant, ut ipso quod imponitur nomine rerum gestarum, insigniorumque facinorum recordatio posteritati commendetur. Eiusmodi sunt Gen. X. 25. פֶּלֶג, Gen. XVII. 19, XXI. 3. יִצְחָק, Gen. XXX. 18. יֵשׁוּעַ, Gen. XLI. 52. אֶפְרַיִם, Gen. XLI. 51. מְנַשֶּׁה, aliaque innumera.

Hanc classem altera excipit nomen, quae non male dici posse videntur *δεικτικά* καὶ *σημαντικά*, et quibus haec vis inest, ut ipsamet *πρόσιμα* praeferant, quo ii, quibus imposita sunt, a reliquis distinguuntur. Talia esse censentur Gen. XXV. 26, XXVII. 36. יַעֲקֹב, Gen. XXV. 25. עֵשָׂו, Gen. XXV. 30. אָדָם, Exod. II. 10. מֹשֶׁה,

I. Maccab. II. 4. μακκαβαῖος, et Marc. III. 17. βοανεργές.

Tertia sequitur classis omnium nobilissima, ad quam nomina spectant *προφητικά*, quae ab uno Deo futurorum praescio imponi, indique posse manifestum est. Haec autem non sunt uniusmodi, sed ita commode diribentur, ut eorum pars non tam illorum quibus imponuntur, quam aliorum fata, futurosque eventus praesignet: pars vero destinationem adumbret, eorumque conditionem praemonstret, qui eiusmodi nominibus exornantur. Prioris generis ista sunt Is. VII. 3. שְׁאָר יְשׁוּב, Os. I. 4. יִזְרְעֵאל, *Ἰεζραὴλ*, v. 6. לֹא רָחֵם, οὐκ ἠλεημένη, v. 9. לֹא עָמִי, οὐ λαός μου. Ad posterius autem pertinent Gen. V. 29. נֹחַ, *νοέ*, Num. XIII. 17. יְהוֹשֻׁעַ, Gen. XVII. 15. שָׂרָה, Matth. III. 1. Ἰωάννης, *ἰὼν*, ἐν ᾧ ἔστιν ἡ χάρις, et post augmentum illius nomen, qui salvum fecit populum suum a peccatis eorum, אַבְרָהָם et בִּרְפָא, quae nec *μνημονικά* sunt, utpote ad

cisum non secus cohaeret, quam explanatio et id quod explanatur; ita posterius incisum alterius columnae eodem nexu cum priore devincitur, et nominis eo contenti explicationem, declarationemque praesert. II. Non aliud Abrahamum inter atque Petrum apparere discrimen, quam quod illius dignitas *patris*, huius appellatione *petrae* significetur. Ceterum III. in eo utrumque convenire, quod sicuti benedictionis Abrahae ii solum consortes esse possunt, qui ad eum, tamquam ad parentem spectant, ac ex eo, *κατὰ πνεῦμα*, quodammodo procreantur; ita non alii in partem veniant constantiae et stabilitatis Petro divinitus concessae, nisi qui arctissime eidem adhaerescunt, et quidvis potius ferre amant, quam ab eo seiungi ac divelli. Quare IV. verborum, quae ad Petrum pertinent commentarius nullus isto commodior afferri potest: „Et ego dico tibi, quod tu es Petrus, ac petram propterea ecclesiae meae te constituam.“

31. Sed institutum *παρολληλισμόν*, et paucis interpellatum, persequamur. Quum collata Abrahamo dignitas talis foret, quae illum ad singularem quamdam cum Deo amicitiam eveheret, et consortio divinae paternitatis ⁴⁸ doctorem, praeceptoremque posteritatis efficeret; propterea illi uni prae reliquis consilia suae voluntatis ea aperire mente consuevit Deus ⁴⁹, ut per ipsum in notitiam posteritatis universae adducerentur. *Et dixit Dominus: numquid celare potero Abraham, quod ego facturum sum? quia scio, quoniam praecipiet filiis suis, et domui suae post se, ut custodiant viam Domini.* Modo plane simillimo, quum primum voluit Deus, ut evangelii lumine ipsae quoque gentes perfunderentur, id eximia revelatione ⁵⁰ uni Petro manifestavit: *ἐπέπεσεν ἐπ' αὐτὸν (Πέτρον) ἔκστασις. τοῦτο δὲ ἐγένετο ἐπὶ τοῖς.* Praehabendi autem Petri haec Deo adfuit caussa, quod decrevisset, ut per eum ceteri, ac ipsi etiam apostoli ⁵¹ edocerentur, edoctique confirmarentur. *Ἄνδρες ἀδελφοί, ὑμεῖς ἐπίστασθε, ὅτι ἀπ' ἡμερῶν ἀρχαίων ὁ Θεὸς ἐν ἡμῖν ἐξελέξατο διὰ τοῦ στόματός μου ἀκοῦσαι τὰ ῥήματα τὸν λόγον τοῦ εὐαγγελίου, καὶ πιστεῦσαι. — Καὶ σὺ ποτε ἐπιστρέψας, στήριξον τοὺς ἀδελφούς σου.*

Illud denique inter utrumque convenit, quod sicuti Deus Abrahamum, ita Christus Petrum beatum nuncupavit: neque magis Abrahamum Deus, quam Petrum Christus originem ac fontem benedictionis, firmitatisque ceterorum constituerit. Testimonia sunt omnino perspicua, tum haec ⁵² de Abrahamo: *Benedicam tibi, et magnificabo nomen tuum* בְּרַכָּה וְהִגַּדְתִּי בְּרַכָּה et esto benedictio; quum

memoriam rei antea gestae propagandam minime imposita; neque *δεικτικά*, utpote quae non ea referantur, ut ornamentum demonstrent, quo iam uterque insignis foret; sed omnino *προφητικά*, ut quae dignitatem adumbrent, ad quam utriusque foederis *ἄρχοντες* ipsa nominis impositione divinitus destinabantur.

⁴⁸) Paternitatem intellige *οὐσιώδως*, non *ὑποστατικῶς* acceptam, et propter quam oramus: *Pater noster, qui es in coelis.*

⁴⁹) Gen. XVIII. 17—19.

⁵⁰) Act. X. 10—16.

⁵¹) Act. XV. 7. coll. Luc. XXII. 32.

⁵²) Gen. XII. 2.

haec ⁵³ de Petro: μακάριος εἰ Σίμων βαρ' Ἰωνᾶ... καὶ ἐπὶ ταύτῃ τῇ πετρῇ οἰκοδομήσω μου τὴν ἐκκλησίαν.

32. Quae si uno oculorum obtutu in unam redacta summam comprehendantur, id sane efficient, ut gemina potius quam similis οἰκονομία Dei cum Abrahamo atque Petro videatur. Conveniunt enim prima, conveniunt media, conveniunt ultima. Uterque vocatus vocantem sequitur: utrique novum, idemque fatidicum nomen promittitur, promissumque confertur: eximia fidei, caritatisque specimina ab utroque postulantur: neuter sibi deest, atque adeo neuter uberiori praemio fraudatur: explicatur Abrahamo propheticum nomen, explicatur et Petro: intelligit Abraham suam in patrem omnium gentium destinationem, intelligit et Petrus, se universae ecclesiae petram praestitui: beatus dicitur Abraham, dicitur et Petrus: revelatur Abrahamo, neminem nisi ex ipso et per ipsum coelestis benedictionis fore participem, revelatur et Petro, omnes ex ipso et per ipsum firmitatem, stabilitatemque consequuturos: posteritas nequit sibi nisi per Abrahamum victoriam de hostibus polliceri, at neque ecclesia de portis inferni nisi per Petrum triumphum aget: denique si Abrahamus, utpote credentium praeceptor institutus, singulari cura divinitus edocetur, singulari item cura eruditur Petrus, quem Christus universitati fidelium magistrum, institutoremque praefecit.

33. Jamvero erunt ne, quorum animos dubitatio subeat, utrum haec sint *propria*, *eximia*, et comparate ad Petrum, cum potiori regendae ecclesiae auctoritate conserta? non putem: *propria* namque esse, evidentissima ratio demonstrat. Nihil enim evidentius quam *propria* esse, quae de alio quopiam nusquam in bibliis leguntur: quae donum ita sunt, ut vim quoque, rationemque referant praemii, quod pro singulari merito rependitur: quae tandem communia esse non possunt. Sed quae ad Abrahamum et Petrum spectantia retulimus, nusquam de alio quovis repetita legimus, neque magis rationem doni exhibent, quam naturam induant mercedis singularibus utriusque meritis tributae; ita vero comparata sunt, ut communibus accenseri nequeant. Sicut enim fieri non potest, ut Abraham credentium omnium *pater* habeatur, quin credentes quotquot erunt omnes, *fili*i prae ipso existimentur; ita fieri nequit, ut Petrus sit, dicaturque ecclesiae *petra* et *fundamentum*, quin omnes qui ad ecclesiam spectant, ac porro spectabunt, ipsi incumbant, atque ex ipso, tamquam dependentes ex eo partes, robur, constantiamque mutuentur.

34. Operam vero in re minime necessaria collocarem, si quae *propria* esse ostendi, eadem eximia, praestantiaque esse pluribus comprobarem. Illorum enim dignitas et excellentia eo splendet fulgore, qui oculos necessario perstringit. Quare satius fore arbitror, si iis rem expediam, quae licet de uno Abrahamo Chrysostomus scripserit ⁵⁴, ad utrumque tamen ex aequo referuntur:

⁵³) Matth. XVI. 17.

⁵⁴) In Genes. hom. XXII.

„Abram primum vocabatur, quod est, si ⁵⁵ interpreteris, *περάτης transitor*; postmodum vero Abraham appellatus, pater omnium gentium factus est, καὶ ἐνὸς προσηγορίας στοιχείου τοσαύτην τῷ δικαίῳ τὴν ἀρχὴν ἐνεχείρισεν, uniusque litterae additio tantum iusto illi principatum detulit.“

De quo principatu uni Petro prae apostolis reliquis tributo quum plura, eaque verissima haberem quae dicerem, iis me in praesentia continebo, quae ex inito παραλληλισμῷ insigni quadam consequutione dimanant.

35. Sicut ergo, teste Paulo ⁵⁶, credentes omnes filii sunt Abrahae, quos ipse non carne, sed spiritu et fide genuit; ita nemo pars est, vel esse pars potest ecclesiastici aedificii, qui Petro, tamquam fundamento, non innitatur. Idem namque Deus, qui Abramo ⁵⁷ dixit, *et non vocabitur ultra nomen tuum Abram, sed erit nomen tuum Abraham*; dixit et ⁵⁸ Simoni, non vocaberis Simon, sed *Cephas*: et qui illi ⁵⁹ dixit, *in te benedicentur omnes familiae terraeque*; Cephae pariter ⁶⁰ dixit, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.

Verum qui fit, ut ex Abrahamo, quodam veluti e capite, in credentium universitatem benedictio ac *υἱοθεσις* propagetur? inde fit, quod Abraham iunctus, copulatusque cum magno illo semine ex eo orituro consideratur, e quo primum atque potissimum omnium salus repeti debet: inde fit, quod Abraham illius consors dignitatis participatione redditur, quae exituro ex eo semini *φύσει* atque *οὐσιώδως* inest. Quam explicationem non ipsi comminiscimur, sed a Deo traditam, et a Paulo luculentius enarratam repetimus. Quemadmodum enim legimus ⁶¹ Abrahamo dictum, *in te benedicentur omnes gentes terrae*; ita a Deo ipso ⁶² accipimus, illud בְּךָ *in te, per te*, idem valere ac בְּיָרְעָךָ *in semine tuo, per semen tuum*. Unde ⁶³ Paulus: τῷ δὲ Ἀβραάμ ἐρρόθήθησαν αἱ ἐπαγγελίαι, καὶ τῷ σπέρματι αὐτοῦ. οὐ λέγει τοῖς σπέρμασιν, ὡς ἐπὶ πολλῶν, ἀλλ' ὡς ἐφ' ἐνός· καὶ τῷ σπέρματι· ὅς ἐστι Χριστός. Quare divina verba, *in te benedicentur omnes gentes terrae*, hunc edunt sensum: „quemadmodum tu Filio

⁵⁵) Videtur Chrysostomus ἀπὸ τοῦ דְּבָרָךְ *trans* deduxisse, quod minus commodum esse eruditi intelligunt.

⁵⁶) Gal. III. 7. Γινώσκετε ἄρα, ὅτι οἱ ἐκ πίστεως, idest, οἱ πιστεύοντες, οὗτοι εἰσιν υἱοὶ Ἀβραάμ.

⁵⁷) Gen. XVII. 5.

⁵⁸) Joh. I. 45.

⁵⁹) Gen. XII. 3.

⁶⁰) Matth. XVI. 18.

⁶¹) Gen. XVIII. 18, XXII. 18, XXVI. 4.

⁶²) Gen. XXII. 18: ubi e re fore arbitror describere, quae habet Johannes Jahn in Append. hermenent. Fasc. II.

pag. 198: „Ex collatione inter Gen. XII. 3, XVIII. 18, XXII. 18, XXVI. 4, XXVIII. 14. liquet, ultimam Gen. XXVIII. 14. Jacobo datam promissionem esse ceteris uberiorem et clariorem; nam בְּךָ *per te* diserte explicatur praeposito vau exegetico per בְּיָרְעָךָ *et*, idest, *nempe per progeniem tuam*, quae expressio etiam in tertia Abrahamo Gen. XXII. 18. facta, et demum in quarta Isaaco Gen. XXVI. 4. repetita promissione substituitur expressionibus בְּךָ *per te*, et בְּיָרְעָךָ *per eum*, quae in prima et in secunda promissione leguntur.“

⁶³) Gal. III. 16.

meo unigenito, quem in sinu foveo, carnem imperties, unde Dei simul et Abrahae filius nuncupabitur ⁶⁴; sic ille te consortem facit eius dignitatis ac excellentiae, qua sin minus fons, et origo princeps, amplissimus tamen rivus illius benedictionis habearis, quae in gentes omnes refundenda est.⁶⁴

36. Ab hac autem ratione vix ea discrepat, propter quam Petrus petra est ecclesiae, et caussa a Christo proxima illius firmitatis, qua ecclesia ad extremum usque invicta consistet. Idcirco enim petra est ac basis ecclesiae, quod in quamdam veluti unitatem ab eo secum adscitus est, de quo ⁶⁵ dicitur: ἰδοὺ τίθημι ἐν Σιών λίθον ἀκρογωνιαίον, ἐκλεκτόν, ἑντιμόν, καὶ ὁ πιστεύων ἐπ' αὐτῷ οὐ μὴ κατασχυνηθῇ: et in quo, Paulo ⁶⁶ interprete, πᾶσα οἰκοδομὴ συναρμολογουμένη αὖξει εἰς ναὸν ἅγιον ἐν κυρίῳ. Idcirco petra est ecclesiae, quod sicut ipse confessione sua ⁶⁷ divinitatem fundamenti principis manifestavit, σὺ εἶ Χριστός, ὁ υἱὸς τοῦ Θεοῦ τοῦ ζῶντος: ita ab eo, qui fundamentum est princeps et οὐσιώδες, nactus est, ut particeps unius, eiusdemque proprietatis ⁶⁸ redderetur, κἀγὼ δὲ λέγω σοί, ὅτι σὺ εἶ Πέτρος, καὶ ἐπὶ ταύτῃ τῇ πέτρῳ οἰκοδομήσω μου τὴν ἐκκλησίαν. Nimirum, *tu es Petrus*, unum nempe mecum communicatione muneris et officii, dignitatis atque excellentiae, *ut tu quoque fundamentum sis ecclesiae meae*. E quibus sane liquet, firmitatem Petri firmitatem esse Christi, sicut splendor radii splendor est solis: et dignitatem Petri dignitatem esse Christi, sicut copia rivi copia fontisque ubertas censetur. Si qui ergo minus quam par est, Petri dignitatem vereantur, hi rei violatae Christi maiestatis non immerito traducentur: et si qui hostiles in Petrum animos gerant, ab eoque seiungantur, hi Christo infensi, ab eoque divisi non iniuria videbuntur.

37. Haec autem eiusmodi sunt quae accuratius perspecta modum nobis, rationemque aperiunt expeditissimam, qua iis e protestantium numero occurramus, qui ne dignitatem et ὑπεροχὴν fundamenti Petro tributam fateantur, illud semper in ore habent, dignitatem hanc esse plane divinam, quaeque vim, caputque hominis proprium infinito ferme intervallo praetergrediatur. Quasi vero divina non foret dignitas, quae fidelium omnium paternitate continetur ⁶⁹, neque

⁶⁴) Quod ex evangeliorum lectione perspicuum est, Matth. I. 1. βίβλος γενέσεως Ἰησοῦ Χριστοῦ, υἱοῦ Δαβὶδ, υἱοῦ Ἀβραάμ.

⁶⁵) Is. XXVIII. 16.

⁶⁶) Ephes. II. 21.

⁶⁷) Matth. XVI. 16.

⁶⁸) Matth. XVI. 18.

⁶⁹) Hinc illa Christi Matth. XXIII. 9: Καὶ πατέρα μὴ καλέσητε ἐπὶ τῆς γῆς· εἰς γὰρ ἐστὶν ὁ πατὴρ ὑμῶν, ὁ ἐν τοῖς οὐρανοῖς. Nihilominus si quid est e librorum auctoritate indubitatum, istud profecto

censeri debet, divina atque superna in homines abunde conferri. Quid enim divinius Sancto-Spiritu? et tamen scriptum est Joh. XIV. 16: Καὶ ἐγὼ ἐρωτήσω τὸν πατέρα, καὶ ἄλλον παρόκλητον δώσει ὑμῖν, ἵνα μένη μεθ' ὑμῶν εἰς τὸν αἰῶνα. Quid adoptione filiorum excelsius? et tamen dicitur Rom. VIII. 15: Ἐλάβετε πνεῦμα υἱοθεσίας, ἐν ᾧ κράζομεν· ἀββᾶ, ὁ πατήρ. Quid locupletius cohaereditate cum Christo? et tamen legimus Rom. VIII. 17: Εἰ δὲ τέκνα, καὶ κληρονόμοι· κληρονόμοι μὲν

vim, captumque hominis praerogativa excederet, qua quis auctor benedictionis in gentes omnes refundendae perhibetur. Nihilominus et eam dignitatem Abrahamo concessam, et hanc ei praerogativam tributam, nemo nostrum est qui inficietur. Ad divinas ergo quod attinet dotes, secerni diligenter debet earumdem plena ac nativa possessio a participatione, quae intra certos fines et ἀναλόγως conferatur. Illa ἀκίνητος est, neque fieri potest ut supellex sit creaturae: haec κινητός est, ac prout visum Deo fuerit, adhibetur. Quid enim ab homine remotius quam θεότης? et scriptum tamen ⁷⁰ legimus: *ego dixi, dii estis*.

Neque vehementius commovere nos alterum debet, munus fundamenti sublimius esse, quam ut exspectari ab homine possit, ac rursum gravioris esse momenti, quam ut hominis curae, studiisque prudenter permittatur. Quasi vero aut minor esset praestantia, aut minor in eo difficultas, ut ex uno homine in universitatem gentium benedictio diffunderetur. Itaque spectari homo debet, sed simul cum Deo ⁷¹, non seorsum a Deo, divino sustentatus numine, non propriae imbecillitati permissus. Quis porro ambigat, utrum homo cum Deo, eiusque numine confirmatus obire vices possit fundamenti, easque explere partes, quae fundamenti propriae sunt, et quibus aedificii unitas constat? videor ergo mihi affirmare concludendo posse, inde potissimum contra Petri ὑπεροχήν, dignitatemque fundamenti difficultates ⁷² proficisci, quod non satis ad supernaturalem ordinem divinitus institutum, iugemque Christi praesentiam, qua ecclesiae prospicit, animus advertatur.

θεοῦ, συγκληρονόμοι δὲ Χριστοῦ. Quid Dei ipsius visione sublimius? et tamen testatur I. Cor. XIII. 12. Paulus: *Βλέπομεν γὰρ ἅρτι δι' ἐσόπτρου ἐν αἰνίγματι, τότε δὲ πρόσωπον πρὸς πρόσωπον*. Quid ad admirationem ciendam validius potestate remittendi peccata? et tamen haec ipsa apostolis conceditur Joh. XX. 23: *Ἄν τινων ἀφῆτε τὰς ἁμαρτίας, ἀφίενται αὐτοῖς*. Quid virtute edendi miracula ab hominum imbecillitate seiunctius? et tamen confirmat Christus Joh. XIV. 12: *Ἀμὴν ἀμὴν λέγω ὑμῖν, ὁ πιστεύων εἰς ἐμέ, τὰ ἔργα ἃ ἐγὼ ποιῶ, καὶ κείνος ποιήσει· καὶ μὲζονα τούτων ποιήσει*. Videlicet cum eo supernaturali ordine, quem Deus primum delegit, et ad quem lapsos homines per Unigenitum revocavit: cum ea Christi οἰκονομία, qua Joh. XV. 9. apostolos dilexit, sicut ipse diligebatur a Patre, qua eos v. 15. non δούλους, sed φίλους nuncupavit, et qua

cap. XVII. 22. eam δόξαν illis impertiit, quam ipsemet a Patre acceperat; participatio, superiorumque munerum communio arctissime cohaeret.

⁷⁰) Ps. LXXXII. 6. coll. Joh. X. 34: *Ἐγὼ εἶπα, θεοὶ ἐστε*.

⁷¹) Matth. XXVIII. 20: *Ἐγὼ μεθ' ὑμῶν εἰμι πάσας τὰς ἡμέρας, ἕως τῆς συντελείας τοῦ αἰῶνος*.

⁷²) Sane nihil crebrius, confidentiusve opponitur quam illud I. Cor. III. 11: *Θεμέλιον γὰρ ἄλλον οὐδεὶς δύναται θεῖναι παρὰ τὸν κείμενον, ὅς ἐστιν Ἰησοῦς Χριστός*. Quasi vero aut aliud a Christo fundamentum censi posset, quod a Christo ipso praeiacum est, ac unius Christi virtute consistit: aut inauditum esset, et a biblicorum consuetudine alienum, ut quae Christi propria sunt, eadem cum hominibus sint participatione communia.

CAPUT IV.

Cardinalis Baronii iudicium de ea veterum aliquot opinione, qui Κηφᾶν ἀπὸ τῆς κεφαλῆς inflexisse videntur: — protestantium declamationes ac tragoediae: — excutiuntur, et quantum illi ab antiquorum mente aberrarint, ostenditur: — exempla quae ad rem faciunt: — Petri ἐξοχή, et polior auctoritas confirmantur.

38. Nolim hanc de Cephae nomine tractationem prius dimittere, quam eorum inter veteres opinionem paucis expenderim, qui visi sunt existimasse, Κηφᾶν esse graecum vocabulum, ἀπὸ τῆς κεφαλῆς ductum atque inflexum. De hac opinione disserit in Annalibus¹ Baronius, deque ea sic statuit: „Sunt ex nostris scriptoribus complures, et primus omnium Optatus milevitanus², qui nomen Cephas, non a syra lingua, sed à graeca ἀπὸ τῆς κεφαλῆς, caput interpretantur; nec quidem reprehendendi: eiusmodi enim interpretandi modum ab aliis nonnullis, quorum in ecclesia Dei est memoria celebris, usurpatum scimus, dum hebraicam vocem in graecam significationem transire fecerunt. Gregorius enim nazianzenus³ hebraicum nomen Phase cum sciret in Pascha mutatum, aliam ex eo mysterio congruam dedit interpretationem: ut quod in hebraeo significat transitum, apud graecos πᾶσχειν interpretetur. Idipsum cum plures alii praestiterint, hoc etiam et de nomine Christi Justinum martyrem⁴ fecisse constat; quod et ante hos omnes saepius factitatum a septuaginta interpretibus, Origenes dum agit de prino et schino arboribus, scribens ad Africanum, testatur. Alia sunt de his exempla in divina scriptura; ut cum nomina siderum non secundum voces hebraicas, sed secundum graecam nomenclaturam⁵ sunt posita, idque ob notiores significationem. Observat hoc ipsum ex Photio in quaestionibus ad Amphilochoium episcopum Cyzici⁶ Turrianus. Unde apposite, quod apud syros petram solidam sonat nomen Cephae, apud graecos caput significat: ac sic divina quadam dispensatione factum videtur, ut una eademque voce, duabus linguis; Petri principatus exprimeretur.“

39. Sed quod reprehensione vacare Baronius censuit, quodque laude dignum existimavit, stomachum fecit protestantibus, et catholicis etiam aliquot non mediocriter displicuit. Ipsi inprimis Magdeburgenses Pseudo-Anacletum, qui in tertia ex epistolis ea vocis derivatione usus erat, turpis inscitiae verbis acerbissimis accusarunt, neque Turriani⁷ defensio tanti habita est, ut conse-

¹) Ad annum XXXI. n. XXVII.

⁴) Orat. ad Gentes.

²) Con. Parmen. lib. II. cap. II.

⁵) Job. IX, Amos V.

³) De Paschate, Orat. II.

⁶) Adver. Magdeburg. c. III.

⁷) Loco superius laudato.

quotos protestantes reddiderit modestiores. Quare Mericus Casaubonus, ne Optatum, quem subiectis notis explanabat, eidem reprehensioni obnoxium fateretur, nihil opportunius fore duxit, quam incisi ex eiusdem libris⁸ desumpti Optatum auctorem negare, illudque imperitis librariis tribuere, qui id e codicum margine in textum transtulerint. Ecquid enim evidentius, inquit, quam eiusmodi incisum Optato esse indignissimum, quum fugere neminem possit, Cepham syriacam vocem esse non graecam? Quam coniecturam ipse quoque Franciscus Balduinus⁹ recepit scribens: „Quod paulo ante legitur in Optato, Petrum, quia apostolorum caput fuerit, appellatum esse Cepham, dixi alibi soloecismum esse hominis somniantis vocem syriacam, quae significat petram, esse graecam κεφαλή quae caput significat. Sed suspicor haec verba, unde et *Cephas appellatus est*, esse ineptae alicuius glossae ad marginem temere ascriptae, et deinde abs librariis contextui insertae. Certe Optatus libro septimo¹⁰ simpliciter ait, Petrum fuisse caput apostolorum, neque praeterea quicquam adiicit.“

40. Quum vero neque codices, neque editiones huic suspicioni patrocinentur, idcirco Philippus Priorius¹¹ nodum aliter expediendum censuit, deque re tota sic statuit: „Norunt omnes vel mediocriter eruditi, nomen Cephas esse syriacum; Optatus tamen a graecis derivat, ἀπὸ τῆς κεφαλῆς, in quo a Baronio ad annum XXXI. summopere laudatur. Sed quis ei non succenseat, quis non rideat praeposterum Baronii iudicium? quicumque e Patribus et scriptoribus antiquis linguarum notitiam aliquam habuerunt, syriacum esse omnes agnoverunt. Ludere equidem videtur Optatus in nomine, laudem vero mereri nullam puto, qualis ei affingitur. Addo etiam puerile esse et nullius iudicii commentum, ac parum christianum. Christus enim Jesus Petrum vocavit Cepham, ut petram esse demonstraret, ὁ ἐρμηνεύεται Πέτρος, quod *Petrum significat*. Joh. I. 43. Hic vero repudiata veritate, falsis potius interpretationibus adhaeret, et nugatoriis, quam verbis Christi Domini. Quod etiam affert eodem in loco, ut deliria sua et aegri somnia intrudat, s. Gregorium nazianzenum pascha derivare ἀπὸ τοῦ πάσχειν, ut et quod de Justino martyre nugatur, quid aliud esse potest, quam errorem errore defendere?“

41. Quam ego controversiam vix commemoratione dignam existimassem,

⁸) Idipsum quoque negavit Marcellinus Molkenbuhr in dissertatione, *An Cephas, qui a Paulo reprehensus, sit s. Petrus*, scribens n. 33: „Si id, quod hic parenthesi interpositum est, s. Optati textui indocta manu non sit additum, dicendum foret, hunc Patrem nominis *Kephas* originem duxisse a voce graeca κεφαλή, idest, *caput*; cum tamen radix vocis *Kephas* a Christo prolatae sit vox syriaca *Kapha*, idest, *petra*. Ita auctor libri de Primatu

Romani Pontificis latine et gallice editi anno 1770. Dictae crisi subscribo.“

⁹) Annotatt. in librum secundum Optati.

¹⁰) Optati verba libro septimo ista sunt: „Potuit utique caput apostolorum ita se gubernare, ut nihil incurreret quod doleret: sed ideo in uno titulo (in uno peccato) eius multa videntur errata, ut possit ostendi bono unitatis omnia debere Deo servari.“

¹¹) In subiecta adnotatione.

nisi tantos de ea strepitus protestantes edidissent, repetitisque sententiis ¹² declarassent, persuasum sibi esse, doctrinam de ὑπεροχῇ Petri non minimum ex ea pendere, eamque propterea ab orthodoxis sollicita curā defendi. Verum, quod summopere cuperem a protestantibus animadversum, prudentiores sunt catholici, quam ipsi opinentur, et doctrina de Petri primatu penes eos maioris est momenti, quam ut putent, etymologiis, fluxisque originationibus comprobari illam oportere. Quare sepositis dictionibus, quae asperare animos possunt, iuvare veritatem non possunt, de re quaeramus ipsa, et quid sentiendum de ea sit, investigemus.

42. Quatuor autem omnino sunt, de quibus quaeri posse intelligo, quaeque ex ordine propono: I. sit nec ne Κηφᾶς syriacum nomen, graecis dumtaxat exaratum litteris, leviterque deflexum: II. possit nec ne cum graeco κεφαλῇ componi: III. an ἀμέσως eadem sit utriusque nominis, Κηφᾶς καὶ κεφαλῇ, significandi potestas: ac tandem IV. utrum spectata orationis serie ¹³ penes Matthaeum, una, eademque utriusque vocis significatio, sin minus ἀμέσως, saltem ἐμμέσως haberi possit.

E quibus quaestionibus prior ac postrema eiusmodi sunt, quae difficultatis speciem referre vix posse videntur. Quod enim ܟܦܬ nomen sit syriacum, et a Christo dialectum syriacae geminam adhibente prolatum, perspicuum est adeo, ut putidius sit id nescire, quam praeclarum et magnificum cognoscere. Neque consentaneum idcirco est, inspecta orationis serie, unam eandemque, ἐμμέσως saltem, utriusque vocis, ܟܦܬ et κεφαλῇ, significationem aestimari non posse. Quum enim Simon, qui ܟܦܬ dicitur, *persona* sit, et ܟܦܬ dicatur τῆς ἐκκλησίας, *societatis* nimirum *christianae*; manifestum est, ideo lapidem, fundamentum, petramque nuncupari, quod ecclesiam regat, sustentet, ac tueatur. Sed dotes istae sunt *capitis*, quum ad morale corpus, societatemque refertur, quae illius virtute dirigitur atque continetur. Una ergo eademque est ἰδέα, quae utroque vocabulo effertur, et discrimen, quod inter utrumque existit, ad σχήματος et metaphoricæ repræsentationis varietatem revocatur.

43. Jamvero hac utriusque nominis significandi ἰσοδυναμία summa ipsa quaestionis praeciditur, clamoresque protestantium compescuntur. Quod enim est, quod ipsi vehementius improbant, et de quo acerbius conqueruntur? quod praepostera derivatione Petro asseratur dignitas *capitis*, eiusque ὑπεροχῇ confirmetur. Sed in tuto ista sunt, licet inter ܟܦܬ et κεφαλῇ nullum ¹⁴ existat

¹²) Sicut inter ceteros declaravit Georgius Pasor in lexico graeco-latino in N. T. ad vocem Κηφᾶς, non improbane Christiano Schoettgenio.

¹³) Matth. XVI. 18. coll. Joh. I. 45.

¹⁴) Quod enim metaphora *capitis* significatur, idipsum *fundamenti* metaphora effertur. Quamquam enim utraque metaphora distare ab invicem summopere videatur; ratio tamen et notio non deest,

affinitatis vinculum. Est igitur, cur mitius agant protestantes, conviciis parcant, sibi que non res ipsas, sed rerum umbras ludibrio fuisse confiteantur. A qua confessione ne nimium abhorreant, de altera, tertiaque quaestione brevissime dicam.

44. Videor autem mihi contendere posse, ad unum stipitem, eandemque originem voces eas omnes merito redigi, quae licet terminatione, signisque vocalibus discrepent, litteris tamen, quas *radicales* vocant, plene consentiunt. De hoc canone concors est philologorum sententia, illum esse verissimum, utiliterque adhiberi, ut in tanta linguarum varietate, quantam esse novimus, *ἀρμονία*, consanguinitas, et quaedam veluti propaginis unitas ostendatur. Comparentur porro syriacum *ܕܡܬ*, graecum *κεφαλή*, latinum *caput*, sanscritum *kapālas*, gothicum *haubith*, germanicum *Haupt* vel *Kopf*, anglicum *cop*, antiquius gallicum *kef*, recens *chef*, italicum *capo*: quid, obsecro, luculentius, quam vocabula haec omnia iisdem radicalibus litteris, levissime interdum permutatis, constare? ad unum ergo, eundemque pertinent stipitem, et ex una, eademque radice sobolescunt. Quis vero ea mutuo conferri damnet, quae ex una, eademque origine ¹⁵ profisciscuntur? nemo prorsus, inquit, si tamen grammatica solum structura, non logica item significatio consideretur. Bene habet, et quando ad tertiam iam quaestionem venimus, animadverto, non in diversis solummodo linguis, sed in una pariter eademque usuvenire, ut derivatae, inflexaeque voces potestatem induant ab ea quae radice propria est, longissime remotam, adeo ut res sit curarum, laborisque plena multiplices veluti gradus designare, per quas ad illam denuo assurgamus. Stephani, Forcellinii, et Gesenii thesauri ¹⁶ ingentem exemplorum vim suppeditabunt. Insolens ergo videri non debet, vocibus *ܕܡܬ* et *κεφαλή*, quamquam ex eodem themate profectis, diversam tamen significandi potestatem ἀμείσως subesse. In id potius

in qua ambae consentiant. Est autem ratio et notio eius, e quo totum pendet, et quo totum continetur.

¹⁵) Ceterum haec ad rei summam non faciunt; ac probe intelligo non defuturos qui aliter de horum vocabulorum cognatione statuendum esse arbitrentur.

¹⁶) Unum ego, alterumve proponam. Itaque considerentur vocabula: *ܕܡܬ* = circuivit = pila, rogi; *ܕܡܬ* = aetas, saeculum; *ܕܡܬ* = exploravit; *ܕܡܬ* = recurrens series; *δαρός*, *δηρός* = diuturnus; duro; *τορέω*, *τρώω*, *τιτραίνω*, *τόρος* et *torqueo*. Profecto nemo neget, omnibus et singulis unam esse eandemque radicem.

Neque propterea expeditum est, notionem aliquam designare, e qua ceterae defluxisse non immerito videantur. Attamen si animus paullo intendatur, non alienum fortasse a veritate apparebit, eam esse notionem *rotunditatis*.

Considerentur deinde voces: *ἀνρέω*, *αἶρω*, *μαίρω*, *μαρμαίρω* = splendo; *ἀμεινρός* = non-splendidus; *αἶριος* = crastinus; *aura*, *aer*; *ἄμαρ* = dies; *ἄρον* = aurum; *αἶριος ὥρα* = aurora; *ἄρ* = lux; *ἄρ* = ignis; et latinum *uro*. De unitate originis non est cur dubitetur. Sed neque dubitandum videtur, ad notionem *splendoris* ceteras omnes non incommode re-vocari.

incumbendum est, ut ratio comperiatur aliqua, qua inter diversas significationes *ἀναλογία* tamen non penitus interiisse declaretur. Quae quidem ratio neque admodum in praesentia obscura est, neque longius arcessenda. Quae enim in re architectonica est *σχέσις fundamenti* prae aedificio, eadem in animalibus est relatio *capitis* prae membris, et in societate relatio *principis* prae iis, qui imperio reguntur. Convenit ergo inter utramque vocem, atque ita convenit, ut orthodoxis nullatenus caussa defuerit, qua utramque simul vocem *ἰσχύς* et *κραλήν* compararent.

45. Quamquam ad iustam veterum patrum defensionem haec minime necessaria esse pro certo habeo. Res enim est sexcentis comprobata testimoniis, etymologiis atque allusionibus plus semel Patres abuti, non quod ignorarent, vel illas cum sincera derivationum ratione minus belle consentire, vel ex iis sumi argumenta non posse; sed quod aliis de caussis ad eiusmodi collationes, allusionesque sectandas permoverentur. Hae autem potissimum erant: I. studium, quo nullam praeterlabi occasionem sinebant fovendae pietatis, eaque *δόγματα* inculcandi, quibus christiana professio continetur: tum II. persuasio, qua sibi in animum induxerant, biblicorum interpretem non eo usque grammaticae regulis constrictum esse oportere, ut facultate privetur, qua pro opportunitate, ad alia eaque propinqua et excolendae religioni accommodata digredietur.

Paucis, non aliae Patribus fuerunt caussae paullo licentius etymologiis et allusionibus obsequendi, quam eas venandi interpretationes, quas a grammatica significatione plus minusve discedentes, *κατὰ κόλλησιν* et *accommodatas* dicere mos est. Impudentissimos vero se ostenderent, qui harum expositionum causam levitati atque imperitiae adscriberent. Sed exemplis res fiet illustrior.

46. Sciebat profecto Hieronymus, *Pauli* nomen esse latinum, et idem sonare quod *pusillum*¹⁷ et corpore parvum. Nihilominus dum epistolam ad Philemonem commentariis explanat, Paulum interpretatur¹⁸ *admirabilem*, ac si vox esset ex hebraica *נִפְלָא* *admirabilis*, deducta. Sciebat *Romam* nomen esse graecae originis¹⁹, idemque sonare ac *ῥώμην*, *robur*, *virtutem*. Nihilominus in altero contra Jovinianum libro scribit: „Urbs apostoli voce laudata interpretare tuum nomen; *fortitudinis* est apud *graecos*, *celsitudinis* apud *hebraeos*.“ Sciebant Patres *πάσχα* vocem esse *ἄκλιτον*, originis hebraicae, idemque notare ac *חַסְדִּי* *transitum*. Justinus tamen in dialogo cum Tryphone, Tertullianus adversus Judaeos, alique nomen illud *passionem* reddunt, ac si graecum foret, et *ἀπὸ τοῦ πάσχειν* detortum. Quorum quidem omnium manifestam ex sese causam, et a nobis paullo ante commemoratam, multo reddit lucidiorem

¹⁷) Cf. Barthium in Advers. lib. VII. cap. IV.

¹⁸) Etiam Hesychius scribit: *Παῦλος* *θαναστὸς ἢ ἐκλεκτὸς σύμβουλος*.

¹⁹) Nisi forte praeferenda videatur origo, quam Livius, Dionysius halicarnassensis, Plutarchus et Plinius proponunt: Romam ab eiusdem conditore Romulo dictam fuisse.

Gregorius nazianzenus, qui ²⁰ commendandae fidelium religionis inde occasionem sumit, quod *ad fructum pietatis*, quaedam hebraica vocabula, atque haec inter *paschatis* nomen e graeco fonte exornaret. Quo pietatis amore factum item censeretur, ut Epiphanius, cui probe compertum erat, Ἰησοῦν esse ²¹ hebraicum nomen יְהוֹשֻׁעַ, σωτήρα, *salvatore*, illud tamen e graeca origine ἀπὸ τῆς ἰάσεως derivavit, et ἱατρὸν *medicum* reddiderit.

47. Haec autem, aliaque bene multa prorsus similia, quae congeri nullo negotio possent ²², argumentū esse debent protestantibus, eiusmodi apud Patres originationum, allusionumque caussam a levitate atque imperitia diversam quaeri oportere. Quam si modeste, diligenterque inquisierint, illam ipsam comperient, quam nos primum innuimus, ac suffragio deinde Nazianzeni confirmavimus: eas originationes, allusionesque usurpari a Patribus consuevisse, non ut dubia demonstrarentur, sed ut certa, rataque pro opportunitate repeterentur, et in audientium animos altius imprimerentur. Unde factum reor, ut Optatus adversus donatistas ²³, qui pro libidine *in particula Africae, et in angulo parvae regionis* ²⁴ amplitudinem ecclesiae concludebant, scripserit: „Ubi ergo proprietates catholici nominis, cum inde dicta sit *catholica*, quod sit *rationabilis* et ubique diffusa?“ Ignorabat ne Optatus distare ab invicem καθολικὸν et καταλογικόν? immo probe noverat, sed vicinitate illectus, ut acrius adversarios pungeret, ea allusione abusus est, qua ecclesia duplici dote *rationabilitatis* et *universalitatis* ab haeresi et schismate distinguitur: ab haeresi quidem, ut quae veram, rationique consonam doctrinam profiteatur: ab schismate vero, ut quae non parte finiatur aliqua, sed totum occupet.

48. Ex his interim duo consequuntur, quae censuram protestantium temeritatis convincunt, catholicorum vero caussae de primatu Petri egregie suffragantur. Exagitandi namque Patres inde illi ansam sumebant, quod dialecti syro-chaldaicae imperitia nomen Cephae e graecis rivulis deduxerint. Atqui adscribi id imperitiae non debuit, sed tribuendum omnino fuit sollicitudini, qua operam dabant, ut certa, et ad christianam fidem maxime pertinentia quo frequentius posset, in lucem proferrent, suisque lectoribus commendarent. Quod si ita se res

²⁰) De Paschate, Orat. II.

²¹) Haeres. XXIX. Quo spectant graeca glossaria penes Alberti pag. 10: Ἰησοῦ σωτήρ, ἢ σώζεις, ἢ σώζων: et pag. 199. e codice Coisliniano XXIV: τὸ Ἰησοῦς ὄνομα οὐκ ἔστιν ἑλληνικόν, ἀλλὰ τῇ ἑβραίων φωνῇ οὕτω λέγεται. ἐρμηνεύεται γὰρ Ἰησοῦ ἢ σωτήρ. Et nulla sane interpretatio ea illustrior desiderari potest, quae habetur Matth. I. 21: Ἀντὸς γὰρ σώσει τὸν λαὸν αὐτοῦ ἀπὸ τῶν ἁμαρτιῶν αὐτῶν.

²²) Passim enim in Suiceri Thesaurο recurrunt.

²³) Lusus non dissimilis exemplum extat penes Eusebium, dum ista refert H. E. lib. VII. cap. X. Dionysii alexandrini verba de Maerino orthodoxorum hoste, et generalibus fisci rationibus praeposito: Ὅς πρότερον μὲν ἐπὶ τῶν καθόλου λόγων λεγόμενος εἶναι βασιλέως, οὐδὲν εὐλογον, οὐδὲ καθολικὸν εὐφρόνησε.

²⁴) Con. Parmen. lib. II. cap. I.

habet, singulare exinde emolumentum catholicorum caussae accedit. Eccur enim audito Cephae nomine, Patribus in mentem continuo venit, ut illud cum κεφαλῇ componerent, et Simonem ideo Cepham nuncupatum docerent, quod omnium caput esset institutum? notionum²⁵, quae se mutuo ita exciperent, haec una afferri causa potest, quod vulgatissima penes omnes doctrina esset, Petrum apostolorum caput et principem, Christo auctore, fuisse, atque hanc illius nobilissimam destinationem ipso Cephae nomine praemonstrari. Allusio ergo ad nomen κεφαλῇ, quae minus dextere cessisse Patribus videri potuit, eo revera spectat, ut certa illis de praerogativis Petri, deque dignitate capitis sententia plenissimo in lumine collocetur.

49. Ac me sane fugit, an secus accipi verba possint, quibus Optatus²⁶ Parmenianum alloquitur, et e quibus praesens controversia potissimum oborta est: „Negare non potes, scire te in urbe Roma Petro primo cathedram episcopalem esse collatam, in qua sederit omnium apostolorum *caput* Petrus, unde et *Cephas* appellatus est, in qua una cathedra unitas ab omnibus servaretur²⁷, ne ceteri apostoli singulas sibi quisque defenderent, et iam schismaticus et peccator esset, qui contra singularem cathedram alteram collocaret.“ Scilicet quod doctrina esset ne donatistis quidem anceps et dubia²⁸, Petrum fuisse apostolorum *caput*, factum est, ut utramque simul ideam Cephae et capitis Optatus copularet. Illius enim non minus quam christianorum omnium animos occupave-

²⁵) Quae censi item causa debet earum interpretationum, quas *accommodatas* nuncupamus. Idcirco namque familiares erant Patribus, quod familiaria illis et trita essent δόγματα, ad quae Scripturarum effata utcumque alludere videbantur.

²⁶) Con. Parmen. lib. II. cap. II.

²⁷) Cum qua dicendi formula in libro septimo frequenter repetita, si conferantur 1) quae Hieronymus epistt. LVII—LXIII. scribit: *Ego nullum primum nisi Christum sequens, Beatitudini tuae, idest, cathedrae Petri communione consocior. Super illam petram aedificatam ecclesiam scio*; 2) quae habet Ambrosius in Ps. L. n. 30: *Ubi ergo Petrus, ibi ecclesia*; 3) quae Pacianus epist. III. docet: *Ipsa referente Matthaeo paulo superius ad Petrum locutus est Dominus, ad unum ideo, ut unitatem formaret ex uno*; 4) quae Cyprianus epistt. LXX—LXXIII. affirmat: *Super Petrum aedificavit Dominus ecclesiam suam, unde*

unitatis originem et instituit et ostendit; manifestissimum erit, verba Irenaei con. Haeres. lib. III. cap. III: *Ad hanc enim ecclesiam propter potiore principalem necessesse est omnem convenire ecclesiam, hoc est eos, qui sunt undique fideles*: usu loquendi ecclesiastico circumscripta sic esse et definita, ut de alio intelligi conventu nequeant, quam eiusdem fidei et communionis.

²⁸) Quare ne ab ecclesia avulsi separatique viderentur, Romam ea mente pseudo-episcopum miserant, ut quoties ab orthodoxis vehementius urgerentur, deque sua cum Petri successore communione interrogarentur, respondere possent, sibi communionis litteras ex Urbe redditas non deesse. Huiusce fraudis testis est Optatus lib. II. cap. IV, qui donatistis, quum catholicis responderent, haec verba tribuit: *Sed et habere vos in urbe Roma partem aliquam dicitis.*

rant quae Hieronymus ²⁹ scribit: „Propterea inter duodecim unus eligitur, ut, *capite* constituto, schismatis tollatur occasio.“ A quibus dividi non debent, quae in ephesina synodo, nemine dissentiente, Philippus romanae sedis legatus his verbis ³⁰ complexus est: „Nulli dubium, immo saeculis omnibus notum est, quod sanctus, beatissimusque Petrus, ὁ ἑξαρχος καὶ κεφαλὴ τῶν ἀποστόλων princeps et *caput* apostolorum, fidei columna, καὶ θεμέλιος τῆς καθολικῆς ἐκκλησίας et ecclesiae catholicae fundamentum a Domino nostro Jesu Christo Salvatore humani generis ac Redemptore claves regni accepit, solvendique ac ligandi peccata potestas ipsi data est, qui ad hoc usque tempus et semper in suis successoribus vivit, et iudicium exercet.“ Quum itaque mira omnium consensione nomen et dignitas *capitis* Petro deferretur, videri insolens non debet, quod de allusione Cepham inter et κεφαλὴν cogitaretur, ac utraque simul appellatio, quemadmodum e Philippi verbis eruere licet, coniungeretur. Ac tales profecto sunt, ut quoties μεταφορικῶς accipiuntur, toties in unam, eandemque significationem duplici imagine expressam manifestissime recidant. Quod enim **بَيْت** significat prae ecclesia, quae cum *templo*, *domo* et *civitate* comparatur; idipsum κεφαλὴ exprimit, si ecclesia instar *corporis*, *societatisque* consideretur. Quare *fundamenti* et *capitis* appellationes potestate aequipollent, et qui **بَيْت** interpretati sunt κεφαλὴν, locutioni metaphoricæ locutionem metaphoricam eiusdem potestatis suffecerunt. Unde illud postremo confirmatur, quod nobis propositum erat ostendere, non caussae gravitate, sed partium studio incitatos protestantes nihil non movisse, ut allusio **بَيْت** inter et κεφαλὴν merito improbata, reiectaque videretur.

CAPUT V.

Nova recensentur ornamenta, quibus Petrus a Christo auctus in evangeliiis traditur: — eo potissimum spectant, ut Petrus ad munus, dignitatemque universalis, supremique fidelium doctoris ac magistri destinatus videatur: — potiora quae huc faciunt testimonia, Matth. XVII. 1—10, XXVI. 36—40, et Marc. V. 37. expenduntur atque vindicantur.

50. Simonem, quem Christus prophetici nominis¹ promissione, eiusque² impositione e ceterorum apostolorum numero secreverat, ita ornare, quamdiu mortalem vitam degit, novisque in dies cumulare dotibus perrexit, ut

²⁹) Con. Jovin. lib. I. n. 26.

¹) n. 30.

³⁰) Act. III. pag. 1478. edit. Harduini.

²) n. 20.

non declaraverit modo sine poenitentia³ esse dona Dei, verum etiam apertissime ostenderit, ratum sibi esse, quem primum delegerat, ceterisque praetulerat, eum ad officium supremi magistri, dignitatemque universalis fidelium doctoris⁴ extollere ac provehere. De qua voluntate, susceptoque consilio nemini dubium erit, si iis erga Simonem partibus Christum perfunctum constiterit, quibus futurum universalem credentium doctorem excoli, effingique decuit. Hae autem, re diligentius inspecta, duo potissimum flagitare videntur: plenior inprimis eorum, quibus christiana disciplina constat, institutionem: singularem deinde eorum notitiam, quibus coelestis origo christianae disciplinae comprobatur. Si quis enim utraque probe tenuerit, ab iis omnibus instructus merito existimabitur, quae ad munus, dignitatemque magistri postulantur.

51. Jamvero horum nihil reliquum fecit Christus, eaque omnia erga Simonem praestitit, quibus ad officium, auctoritatemque supremi ecclesiae doctoris⁵ eum destinatum significaret. Et re sane vera quamquam innumera prope sint, quae christiana institutio propriis finibus comprehendit; ea tamen omnia comparata ita sunt, ut ad duo veluti suprema fastigia, quorum alterum *θεολογίας*, alterum *οικονομίας* nomine efferri solent, non incommode revocentur. Utuntur hac partitione⁶ veteres ecclesiae patres, eaque talis est, ut ad eam quoque nominatim doctrinam apte referatur, quam de Christi persona profitemur. Quum enim duplex in Christo⁷ *μορφή* distinguatur, altera sempiterna, quam *μορφήν Θεοῦ* Paulus dicit, altera⁸ novissimis assumpta temporibus, quam *μορφήν δούλου* idem appellat, et in qua factus obediens usque ad mortem, effusione⁹ sanguinis ecclesiam sibi acquisivit, omniaque¹⁰ pacificavit *εἴτε τὰ ἐπὶ τῆς γῆς, εἴτε τὰ ἐν τοῖς οὐρανοῖς*: perspicuum est, illam christianae institutionis partem, quae circa *μορφήν Θεοῦ* versatur, *θεολογίαν*, illam vero, quae *μορφήν δούλου* contemplatur, eaque perpendit, quae in hac assumpta forma Unigenitus Patris perfecit, *οικονομίαν* aptissime nuncupari.

52. Universae porro christianae institutionis, sive quae ad *θεολογίαν*, sive quae ad *οικονομίαν* pertinet, coelestis origo, indubitataque veritas duplici maxime argumentorum genere comprobatur; quum alia ex impletis vaticiniis, alia ex editis signis, patratique miraculis repetantur. Hanc formam christianae demonstrationis ipse primum ostendit Christus¹¹, sectati deinde

³) Rom. XI. 29.

⁴) n. 31.

⁵) Unde Chrysostomus hom. LXXXVIII. al. LXXXVII. in Joh. n. 1. Petrum dicit *τῆς οἰκουμένης διδάσκαλον*, qui ab hierosolymitano Cyrillo catech. XI. n. 3. vocatur *ὁ πρωτοστάτης τῶν ἀποστόλων*, καὶ *τῆς ἐκκλησίας κορυφαῖος κήρυξ*.

⁶) Cf. Henrici Valesii notas ad Eu-

sepii H. E. lib. I. cap. I, et Suiceri Thesaurum ad utramque vocem.

⁷) Philipp. II. 6—7.

⁸) De qua Joh. I. 14: *Καὶ ὁ λόγος σὰρξ ἐγένετο*.

⁹) Act. XX. 28.

¹⁰) Coloss. I. 20.

¹¹) Frequentissima sunt in evangeliiis testimonia, quibus constat, Christum editis

sunt¹² apostoli, et post apostolos, quicumque omnes¹³ in christiana societate nominis, eruditionisque fama claruerunt.

Quae quum ita sint, facile intelligimus, ab eo, qui doctor et magister christianae religionis futurus sit, ea probe tenenda esse, quae ad *θεολογίαν καὶ οἰκονομίαν*, quaeque ad impleta oracula, editaque signa referuntur. Atqui unum ex omnibus Petrum Christus elegit, cui singulari quodam, eximioque pacto arcana *θεολογίας καὶ οἰκονομίας* aperiret, quemque eorum faceret *αὐτόπτην*, quibus universae christiani institutioni fides atque auctoritas conciliatur.

53. Sane quum omnia sint in evangeliiis praeclarissima, vix tamen quidquam ad manifestandam *θεολογίαν* et *οἰκονομίαν*, ac utriusque veritatem comprobendam accommodatius proferri posse videtur¹⁴ ea Christi *μεταμορφώσει*, qua illius facies refulsit *ὡς ἥλιος*, cui Moises et Elias adfuerunt, qua Pater inunctum Unigenito munus patefecit, eaque edita voce, *οὗτός ἐστιν ὁ υἱός μου ὁ ἀγαπητός, ἐν ᾧ εὐδόκησα· αὐτοῦ ἀκούετε*, declaravit, eum iam advenisse prophetam, qui *ὁ προφήτης* esset¹⁵ *κατ' ἐξοχήν*, quemque in Horeb per Moysen¹⁶ praenunciaverat. Ecquid enim his non continetur? continetur pluralis divinarum hypostaseon numerus, Patre et Filio compellatis: continetur fides de vera Filii natura, qua non *θέσει* filius est, uti Moises¹⁷ et Elias, sed omnino *οὐσία*, utpote a Patre genitus, et cum Patre *ὁμοούσιος*: continetur eiusdem missio, et missionis ratio eo pertinens, ut novo sancito foedere, novaque lege instituta, complerentur inchoata, rudia vero et imperfecta expolirentur atque perficerentur: continetur legis, prophetarumque obsignatio¹⁸, e quibus illam Moises, hos Elias repraesentat: continetur miraculum omnium nobilissimum: continetur tandem solemne praeceptum, quo a Patre edicitur, ut omnes Filio morem

signis, allegatisque vaticiniis doctrinae, quam tradebat, fidem conciliasse.

¹²) Testimonia non refero, utpote notissima.

¹³) Justinus Apolog. I. n. 39, Athenagoras Legat. n. 32, Theophilus ad Autolyt. lib. III. nn. 13. seqq, Origenes con. Celsum lib. I. nn. 3—68, lib. III. nn. 25—28, Arnobius adv. Gent. lib. I. n. 43, et Chrysostomus adversus gentiles et iudaeos Demonstratio.

¹⁴) Matth. XVII. 1—9.

¹⁵) Quemadmodum *ὁ προφήτης* item nuncupatur Joh. VI. 14, VII. 40. Unde mihi vehementer ratio probatur, qua Isidorus pelusiota Epistolar. lib. III. epist. XCIV. dextere conciliat quae in evangelio de iis narrantur, qui Hierosolymis missi ad Jo-

hannem Baptistam, quum illum interrogassent, an Joh. I. 21. esset *ὁ προφήτης*, respondentem audierunt, *οὐ*, quamquam Zacharias de eo vaticinatus Luc. I. 76. cecinisset, *καὶ σύ, παιδίον, προφήτης ὑψίστου κληθήσῃ*. Nimirum, subdit Isidorus, *προφήτης μὲν γὰρ ἦν, ὁ προφήτης δὲ οὐκ ἦν*. Tanta interdum articulis vis inest.

¹⁶) Ex. XX. 1—19. coll. Deut. XVIII. 15—18.

¹⁷) Hinc Moises *servus* dicitur Hebr. III. 5—6, et prophetae omnino omnes infinito intervallo separantur a Filio, Hebr. I. 1—2.

¹⁸) Qua de re in commentario ad hunc locum praeclarissime Chrysostomus disserit.

gerant, eidemque obsequantur. Affirmari ergo non immerito potest, tot tantaque esse quae in hanc coelestem revelationem conspirarunt, ut illis summa, ac veluti ἀνακεφαλαιώσεις christianae institutionis comprehensa videatur.

54. At vero non antea ad τὸ δράμα describendum accedit Matthaeus ¹⁹, quam praemittat: „Et post dies sex assumit Jesus *Petrum* et Jacobum et Johannem fratrem eius, et ducit illos in montem excelsum κατ' ἰδίαν seorsum atque privatim.“ Ab ea ergo singulari institutione apostolis reliquis seclusis, Petrum delegit, quem plenius, accuratiusque erudiret.

Sed nonne una cum Petro Zebedaei quoque filios, Jacobum et Johannem coniunxit, eodemque honore cumulavit? quod cum Petro Zebedaei filios ²⁰ sociaverit, non nego: quod autem illos eodem cum Petro numero habuerit, affirmari non posse contendo. Etenim a) non illi, sed Petrus *primus* memoratur, neque heic dumtaxat ²¹, sed constanter ²²: παραλαμβάνει ὁ Ἰησοῦς τὸν Πέτρον καὶ Ἰάκωβον καὶ Ἰωάννην. Illi b) natali suo distincti nomine intersunt, at Simon adest ²³ fatidica *Petri* appellatione insignis, παραλαμβάνει τὸν Πέτρον, qua inter eos, tamquam futurum caput eminebat. Illi c) tacent, unus est Petrus ²⁴ qui loquitur, ἀποκριθεὶς δὲ ὁ Πέτρος. Neque d) loquitur solum, sed ²⁵ omnium nomine loquitur, καλὸν ἐστίν, ἡμῶς ὥδε εἶναι, ut qui destinatione dux esset ceterorum. Quare e) ille nominatim ²⁶, Jacobus vero et Johannes nonnisi infinite compellantur, ac veluti Petri comites, quibus ille praecleretur, ὁ δὲ Πέτρος καὶ οἱ σὺν αὐτῷ. Igitur quod tribus fuisse *commune* videri potest, ita tamen contigit, ac ita ab evangelistis narratur, ut Petrus extet, ac primas sortitus appareat.

55. Quas tum etiam sortitus est, quum id quod erat potius in suscepta οἰκονομίᾳ, multo quam antea luculentius Christus manifestavit. Eo enim ingruente tempore, quo suas mediatoris partes obiret, ac semet ostenderet ²⁷ servum illum iustum, qui multorum iniquitates aboleret, quum ²⁸ dixisset discipulis, κα-

¹⁹) Matth. XVII. 1.

²⁰) Quod propterea factum arbitror, ut praeclarissimi facinoris idoneus testium numerus haberetur. Sicut enim futura Christi gloria I. Joh. V. 7—8. tres habere debuit de coelo testes, ac de terra totidem; ita et hoc eius gloriae rudimentum tres quasi de coelo testes habuit, Deum Patrem, Moysen, Eliam: tres pariter de terra, Petrum, Johannem et Jacobum. Confer quae Chrysostomus et Damascenus scribunt in Catena Nicetae episcopi Serrarum ad Matth. XVII. 1.

²¹) Matth. XVII. 1. coll. Marc. IX. 2, Luc. IX. 28.

²²) De qua veluti lege Petrum anteferendi, paullo diligentius suo loco disputabimus.

²³) Matth. XVII. 1.

²⁴) Ibid. v. 4.

²⁵) Ibid. v. 4. Unde appellatio Patribus solemniss, qua Petrum dicunt στόμα τῶν μαθητῶν. Quod scilicet illis praepositus, eorumque destinatione caput omnes repraesentaret.

²⁶) Luc. IX. 32: Ὁ δὲ Πέτρος καὶ οἱ σὺν αὐτῷ ἦσαν βεβαρημένοι ὕπνῳ.

²⁷) Is. LIII. 11.

²⁸) Matth. XXVI. 36. coll. Joh. XVIII. 1.

θίσατε αὐτοῦ, ἕως οὗ ἀπελθὼν προσεύξωμαι ἐκεῖ, assumens²⁹ continuo τὸν Πέτρον καὶ τοὺς δύο υἱοὺς Ζεβεδαίου, ἤρξατο λυπεῖσθαι καὶ ἀδημονεῖν, coepit contristari et gravissime angi. Ubi plura necessaria esse non credo, quibus Christi studium adprobetur, quo singulari Petri institutioni consuluit, illumque ceteris apostolis, ipsisque Zebedaei filiis anteposuit. Etenim a) is est, qui primus recensetur³⁰, παραλαβὼν τὸν Πέτρον καὶ τοὺς δύο υἱοὺς Ζεβεδαίου. Is b) qui eximio Petri nomine instructus adest, παραλαβὼν τὸν Πέτρον. Ac is c) qui reliquorum praeses et caput habetur. Quum enim Christus primum orasset, inquit³¹ Matthaeus, ἔρχεται πρὸς τοὺς μαθητάς, καὶ εὗρίσκει αὐτοὺς καθεύδοντας, καὶ λέγει τῷ Πέτρῳ· οὕτως οὐκ ἰσχύσατε μίαν ὥραν γρηγορῆσαι μετ' ἐμοῦ; sed quorsum illa numeri ἐναλλαγὴ, dicit Petro, sic non potuistis? quod in Petro, tamquam designato capite, omnes continentur. Quorsum reprehensio Petri, omnium reprehensio existimatur? quod castigentur membra quum in caput animadvertitur. Liquet ergo non reliquis modo apostolis, sed ipsis quoque Zebedaei filiis tum Petrum fuisse praehabitu, quum ea evidentius declarata Christus voluit, quae ad θεολογίαν, susceptamque οἰκονομίαν pertinerent.

56. Est autem praeceptoris et magistri non ea solum probe nosse quae sit traditurus, verum etiam in numeratis argumenta habere, quibus illa persuadeat ac demonstret. Inter argumenta vero christianae demonstrationis nullis secunda sunt, quae ex editis portentis, patratisque miraculis desumuntur. Si ergo Christi consilium fuit, ut Petrus universalis, supremique fidelium doctoris munere fungeretur, ac dignitate praestaret; omnino decuit, ut quem plenius erudierat, eundem singulari, eximiaque ratione illorum testem³² redderet, quibus christianae doctrinae veritas comprobatur. Quod nullatenus praetermisit. Quum enim insigni portento filiam archisynagogi ad vitam esset³³ revocaturus, οὐκ ἀφῆκεν οὐδένα αὐτῷ συνακολουθῆσαι, εἰ μὴ Πέτρον καὶ Ἰάκωβον καὶ Ἰωάν-

²⁹) Matth. XXVI. 37.

³⁰) Matth. XXVI. 37.

³¹) Ibid. vv. 39—40. Quod autem in Petro, tamquam futuro capite, apostoli omnes continerentur, pluribus explanat Ambrosius in Lucam lib. IV: n. 70, et in Hexameron lib. V. cap. VI.

³²) Ad hanc testis proprietatem declarandam ista pertinent II. Petr. I. 16—19: Non enim doctas fabulas (σεσοφισμένους μύθοις) fabulas ad decipiendum callide excogitatas, quae est vis τοῦ σοφίζειν, sensu deteriori) secuti notam fecimus vobis Domini nostri Jesu Christi virtutem et praesentiam (δύναμιν καὶ παρουσίαν, idest,

παρουσίαν) δυνατήν, oeconomiam miraculis insignem), sed speculatores (ἐπόπται idem heic quod ἀντόπται, oculati testes) facti illius magnitudinis. Accipiens enim a Deo Patre honorem et gloriam (cuius Joh. XII. 28. ista sunt verba, ἐδόξασα, καὶ πᾶν δοξάσω), voce delapsa ad eum huiusmodi a magnifica gloria: hic est Filius meus dilectus, in quo mihi complacui, ipsum audite. Et hanc vocem nos audivimus (quibus verbis testem se declarat ἀντόπτην καὶ ἀντήκοον) de coelo allatam, cum essemus cum ipso in monte sancto.

³³) Marc. V. 35—43.

την τὸν ἀδελφὸν Ἰακώβου. En Petrus cum filiis Zebedaei apostolis reliquis antefertur, tum ipsis quoque Zebedaei filiis praehabetur. Nam et primus memoratur, et semper adest suis ornatus insignibus, proprioque nomine, propriaque destinatione secretus.

57. E quibus *quatuor* esse video, quae minime dubia ratione consequuntur. I. Non pauca in evangeliiis referri, quae Christus Petro contulit, quaeque apostolis ceteris denegavit. II. Nihil in iisdem contineri ceteris tributum apostolis, quod una cum illis Petrus non acceperit. III. Illa ipsa, quae omnibus ἀδιαφόρως apostolis tributa videntur, eximio quodam modo Petro convenire; quum ipse inter apostolos non tamquam unus e pluribus, sed ut omnium destinatione ³⁴ caput interesset. Denique IV. vel initam a Christo agendi rationem haberi non posse instar normae, qua de Petri dignitate ac destinatione statuamus; vel fatendum esse, eum ceteris fuisse antepositum, et supremum, universalemque credentium doctorem institutum.

CAPUT VI.

De iis quae habentur Matth. XVII. 24—27: — Petri ἐξοχή ostenditur: — quae uberius testimonio comprobatur penes Matthaeum, cap. XVIII. 1—4: — eodem pertinent quae narrantur Luc. XXII. 24—31: — quae in hac narratione spectari potissimum debeant: — ea ad quatuor capita revocantur: — ac tandem infertur, Petrum comparate μείζονα credi oportere, ἀπλῶς vero simpliciterque μέγαν καὶ πρῶτον, et ecclesiae caput atque ἡγούμενον.

58. Si viam prosequimur, a qua ne transversum quidem unguem discedere nobis hactenus permisimus, spes est, eo nos perventuros quo contendimus, novaque tum indicia, quum argumenta reperturos, quibus Petri ὑπεροχὴν comprobemus. Enimvero quae de exactoribus ¹ didrachmatis Matthaeus ² narrat, quaeque de iis subdit, quae Christus ea occasione et dixit et fecit, deque vectigali eius nomine et auctoritate persoluto, talia sunt, quae nisi negligentissime praetereantur, ornamenta Petri, singularemque dignitatem in aperto collocant. Primum enim exactores ³ describit, ut qui ad Petrum accesserint, illum-

³⁴) Intererat enim *Petri* appellatione insignis. Atqui scribit Chrysostomus hom. III. de Poenitentia: Πέτρον δὲ ὅταν εἶπω, τὴν πέτραν λέγω τὴν ἀρχαγῇ, τὴν κρηπίδα τὴν ἀσάλευτον, τὸν ἀπόστολον τὸν μέγαν, τὸν πρῶτον τῶν μαθητῶν.

¹) Cf. legem latam Exod. XXXVIII. 25—28, et Josephum, Antiquitt. lib. XVIII. cap. IX. n. 1.

²) Matth. XVII. 24—27.

³) Matth. XVII. 24.

que his verbis compellarint: ὁ διδάσκαλος ὑμῶν οὐ τελεῖ τὰ δίδραχμα; audis, ὑμῶν, atque adeo plurium, non autem tui, atque adeo unius? sed si plures aderant discipuli, quanam caussa exactores impulit, ut omissis reliquis, unum Petrum convenirent, eoque, tamquam nuncio ad Magistrum uterentur? quod satis innotuisset, eo in collegio Petrum eminere, et a Christo ceteris omnibus anteferri. Hanc causam ipsa rei narratio sponte suggerit: hanc viderunt Patres, e quibus Chrysostomus ⁴ ait: ἐδόκει δὲ τῶν μαθητῶν πρῶτος εἶναι ὁ Πέτρος, αὐτῷ προσέρχονται, quum primus inter discipulos Petrus videretur, illum idcirco conveniunt. Praeter hanc vero vix aut ne vix quidem aliam repperis, quae aliqua se probabilitatis specie commendet. Ea igitur erat Christi cum apostolis agendi ratio, ut vulgo appareret, principem locum Petro deferri.

59. Quod multo ex iis deprehenditur evidentius, quae narrare Matthaeus pergit. Postquam enim ⁵ exactoribus percontantibus respondit Petrus, ναί, illisque significavit, praeceptori sanctum esse statuta omnia, legesque Moisis custodire; domum repetens ⁶, ab eo qui iam omnia pro sua infinita sapientia novenerat ⁷, quum alia ad ipsius excitandam fidem ⁸ opportunissima, tum haec ⁹ audivit: ἵνα δὲ μὴ σκανδαλίσωμεν αὐτούς, πορευθεὶς εἰς τὴν θάλασσαν, βάλε ἄγκυστρον, καὶ τὸν ἀναβάντα πρῶτον ἰχθὺν ἄρον· καὶ ἀνοίξας τὸ στόμα αὐτοῦ, εὐρήσεις στατῆρα. E quibus perspicuum est, Petri fidem, uti Scripturae loquuntur, tentari, novumque de ea periculum sumi. Ecquid enim ad egregium fidei experimentum accommodatius, quam illi edicere, ut piscatum iret extracturus indubitanter piscem, in cuius ore staterem reperiret? fieri non poterat ut huic imperio adquiesceret, nisi in ea, quam ediderat ¹⁰ fidei professione, *tu es Christus Filius Dei vivi*, immotus permansisset. Ac permansit sane, obtemperavit Christo, atque ex ore piscis staterem eduxit. Quid porro? quod expectandum omnino erat, ut singularem Petri fidem et obedientiam ¹¹ singulari

⁴) In Matth. hom. LVIII. al. LIX. n. 1.

⁵) Matth. XVII. 24—25.

⁶) Ibid. v. 25.

⁷) Hanc Christi praenotionem, quam Chrysostomus perpendit, et suspicit, significat Matthaeus his verbis: Προέφθασεν αὐτὸν ὁ Ἰησοῦς.

⁸) Cuiusmodi ista sunt Matth. XVII. 25: Τί σοι δοκεῖ, Σίμων; οἱ βασιλεῖς τῆς γῆς ἀπὸ τίνων λαμβάνουσι τέλη ἢ κῆνσον; ἀπὸ τῶν νείων αὐτῶν, ἢ ἀπὸ τῶν ἀλλοτρίων; λέγει αὐτῷ ὁ Πέτρος· ἀπὸ τῶν ἀλλοτρίων. ἔφη αὐτῷ ὁ Ἰησοῦς· ἄραγε ἐλεύθεροὶ εἰσιν οἱ νιοί. ἵνα δὲ μὴ σκανδαλίσωμεν κ. τ. λ. Quibus, Chrysostomo interprete, significatum istud voluit, ἐλεύθερος μὲν εἰμι τοῦ

δοῦναι κῆνσον. Et propterea ab hoc onere solutus et liber, quod filius sim γνήσιος καὶ ἰδιος non terreni regis, sed coelestis. Interim pergit ille: Σὺ δέ μοι σκόπε καὶ κείνο, πῶς τὴν ἀποκαλυφθεῖσαν τῷ Πέτρῳ γνώσιν καὶ ἐντεῦθεν βεβαιοί.

⁹) Matth. XVII. 27.

¹⁰) Matth. XVI. 16.

¹¹) Dignum est animadversione, praeclariora quaeque in Petrum collata instar praemii rependi, quod ille eximia fide promeruerit. E quo colligimus: I. Christum ab ipsa umbra illius flagitii abhoruisse, quod *personarum acceptionem* Scripturae nominant. II. Absurde quae Petro tribuuntur, ceteris quoque *communia* exi-

praemio Christus cohonestaret. Quod quidem praemium non distulit, immo continuo exhibuit ¹² subdens: ἐκεῖνον (στατῆρα) λαβών, δὸς αὐτοῖς ἀντὶ ἐμοῦ καὶ σοῦ.

60. Sed quid est, ἀντὶ ἐμοῦ καὶ σοῦ? nimirum *mea, tuaque* ¹³ *vice*. Sibi ergo Petrum Christus associat, et quo propius associat, eo prae ceteris altius, sublimiusque extollit. Unde Chrysostomus ¹⁴ exclamat: εἶδες τὸ ὑπέρβαλλον τῆς τιμῆς, *vides honoris excellentiam*. Cuius ut originem aperiat, subdit ¹⁵: διὸ καὶ τῆς πίστεως αὐτὸν ἀμειβόμενος συνῆψεν ἑαυτοῦ κατὰ τὴν τοῦ φόρου δόσιν, *ideo in mercedem fidei, in solvendo tributo sibi illum* (Christus) *coniunxit*. Tum iubet ¹⁶ ut Petri philosophiam demiremur: τοῦτο γὰρ οὐ φαίνεται Μάρκος ὁ τοῦτου φοιτητῆς γεγραφεὶς τὸ κεφάλαιον, ἐπειδὴ πολλὴν ἐδείκνυ τὴν εἰς αὐτὸν τιμὴν· ἀλλὰ τὴν μὲν ἄρνησιν καὶ αὐτὸς ἔγραψε, τὰ δὲ ποιούντα αὐτὸν λαμπρόν, ἀπερίγησεν. *nam Marcus qui huius discipulus erat, hoc capitulum* ¹⁷ *non scripsit, quia hinc illi honor ingens accedebat. Sed negationem eius scripsit, quae vero conspicuum illum reddebant, tacuit, ἵσως τοῦ διδασκάλου παραιτουμένου τὸ μεγάλα περὶ αὐτοῦ λέγειν, fortasse instante magistro ne magna de illo diceret*. Ac tanta sane huius facti eloquentia est, ut commentario vix opus esse videatur, quo constet, Petrum omnibus anteponi, altero post se gradu a Christo collocari, familiaeque a se iam collectae, et deinceps colligendae praefici tamquam ¹⁸ πιστὸν οἰκονόμον καὶ φρόνιμον, ὃν καταστήσει ὁ κύριος ἐπὶ τῆς θεραπείας αὐτοῦ, τοῦ διδόναι ἐν καιρῷ τὸ σιτομέτριον.

61. Quorum quidem intelligentia neque Patres latuit, qui ea legerunt, neque apostolos, qui ea propriis auribus, oculisque usurparunt. De Chrysostomo non est cur quidquam addatur, prae quo tamen non minori perspicuitate loquuntur ¹⁹ Gregorius nazianzenus, Ambrosius ²⁰, Hieronymus ²¹, antiquus auctor quaestionum e veteri, novoque testamento ²², et qui his omnibus vetustate prae-

stimari. Ac III. toto eos coelo falli, qui Petri decora, dignitatemque vel in *aetatem profectionem*, vel in *vocationis primatum* refundunt.

¹²) Matth. XVII. 27.

¹³) Quae est frequentissima particulae ἀντὶ potestas, qua alexandrini hebraicum תתן reddere solent.

¹⁴) In Matth. hom. LVIII. al. LIX. n. 2.

¹⁵) Ibidem.

¹⁶) Ibidem. De Marci autem evangelio, deque Petro, qui illud probaverit, ecclesiisque legendum tradiderit, conferenda sunt quae scribit Eusebius H. E. lib. II. cap. XV, quaeque testimoniis confirmat

Clementis alexandrini, et Papiæ episcopi hieropolitani; quibus addi possunt quae habent Tertullianus con. Marcion. lib. IV. cap. V, Hieronymus de Scriptt. ecclesiast. in Marcum, et Anastasius T. II. pag. 3. edit. Blanchinii.

¹⁷) De hac acceptione vocis κεφάλαιον lege disserentem Joannem Croium, Part. I. Observatt. in N. T. cap. VI.

¹⁸) Luc. XII. 42.

¹⁹) Orat. IX. pag. 157. T. I. opp. edit. Coloniae 1690.

²⁰) In Lucam, lib. IV. n. 70.

²¹) Comm. ad h. l.

²²) Quaest. LXXV.

cellit Origenes ²³, cuius haec sunt verba: „Cum ergo maximo ab Jesu Petrum honore affectum (discipuli) existimarent, qui maiorem eum ceteris suis discipulis iudicasset; id quod suspicabantur, Jesum interrogando, responsionemque eius audiendo exploratum habere voluisse mihi videntur, an, quemadmodum coniciebant, eum seipsis maiorem iudicasset: simul etiam sperabant futurum ut causam cognoscerent, cur ceteris discipulis Petrus antelatus fuisset. Cum haec igitur significare vellet Matthaeus his verbis: *illum sumens*, staterem videlicet, *da eis pro me et te*, subiunxit: *in illo die* ²⁴ *accesserunt discipuli ad Jesum dicentes: quis putas maior est in regno coelorum?* inde autem fortasse dubitatio eorum orta est, quod tres in transfiguratione antepositi fuissent; quis autem trium illorum maior a Domino iudicatus fuisset, ea vero de re dubitabant; nam Johannes in eius pectus prae amore recubuit, et multa ante coenam singularis honoris ²⁵ in Johannem ab Jesu collati argumenta vidisse eos inde licet existimare: Petrus autem in confessione beatus appellatus est propter illud: *tu es Christus Filius Dei vivi*: rursus autem propter istud: *vade post me Satana, scandalum es mihi: quia non sapis ea quae Dei sunt, sed ea quae sunt hominum*, animo erant incerto ac dubio, an is fortasse maior non esset, sed alter e filiis Zebedaei.“

62. In quo Origenis commentario illud est verissimum, sensisse apostolos sibi omnibus unum Petrum anteferri. Descriptis enim verbis ²⁶ Christi, δὲς ἀντὶ ἐμοῦ καὶ σοῦ, pergīt ²⁷ evangelista: ἐν ἐκείνῃ τῇ ὥρᾳ προσῆλθον οἱ μαθηταὶ τῷ Ἰησοῦ, λέγοντες· τίς ἄρα μείζων ἐστὶν ἐν τῇ βασιλείᾳ τῶν οὐρανῶν; *in illa hora*, continenterque *accesserunt discipuli ad Jesum, dicentes, quinam* eos inter *maior*, idest, usitata graduum permutatione, maximus *futurus esset* in ecclesia, quae *regni coelorum* nomine adumbratur? At enimvero quaenam illis esse caussa potuit, propter quam, nulla interiecta mora, percontarentur, τίς ἄρα μείζων ἐστὶν ἐν τῇ βασιλείᾳ τῶν οὐρανῶν; si Scripturis potius et sermonum, eventuumque ἀκολουθία, quam praeconceptis obsequi opinionibus velimus, reponemus, quae tum Christus dixerat, quaeque fecerat apostolis prope aculeos subiecisse, quibus conciti inquirerent, quinam ex iis principem locum, potioreque auctoritatem esset consequuturus. Quare non possum non suffra-

²³) In Matth. T. XIII. n. 14: Δοκεῖ οὖν μοι ὅτι μεγίστην νομίσαντες ταύτην εἶναι ὑπὸ τοῦ Ἰησοῦ πρὸς τὸν Πέτρον τιμὴν, κρίναντος αὐτὸν μείζονα τῶν λοιπῶν γνωρίμων, ἐβούλοντο ὅπερ ὑπενόουν ἀκριβοῦσαι, διὰ τοῦ πνυθόμενοι τοῦ Ἰησοῦ ἀκοῦσαι περὶ αὐτοῦ, εἰ, ὡς ὑπελάμβανον, μείζονα κέκρικε τὸν Πέτρον αὐτῶν· ἅμα δὲ ἡλπίζον καὶ τὴν αἰτίαν εἰσεῖσθαι τοῦ προκεκρίσθαι τὸν Πέτρον τῶν λοιπῶν μαθητῶν. κ. τ. λ.

²⁴) Notat Origenes, κατὰ τινα τῶν ἀντιγράφων legi, ἐν ἐκείνῃ τῇ ὥρᾳ: at vero secundum alia, ἐν ἐκείνῃ τῇ ἡμέρᾳ.

²⁵) Omnia sus deque miscet Origenes, et quae consequuta deinceps sunt, veluti illorum causam refert quae antecessere.

²⁶) Matth. XVII. 27.

²⁷) Matth. XVIII. 1. coll. Marc. IX. 33 — 37, Luc. IX. 46.

gari Chrysostomo ²⁸ aienti: „Humanum quidpiam passi discipuli sunt, quod et evangelista significat dicens, *in illa hora, ὅτε πάντων αὐτὸν προετίμησε*, quando prae omnibus illum (Petrum) honore affecit. Nam cum ex Jacobo et Joanne alter primogenitus ²⁹ esset, nihil simile pro illis fecit. Hinc pudore affecti animi sui commotionem confessi sunt, neque aperte dicunt, *τινὸς ἐνεκεν τὸν Πέτρον ἡμῶν προετίμησας*; cur Petrum nobis praetulisti? num ille maior nobis est? non audebant enim, sed indefinite interrogant, *quis maior est?* nam cum tres viderunt praeferrī ceteris, nihil simile passi sunt; cum. autem unus tantum honorem tulit, tunc dolore sunt affecti. Neque hoc solum sed et alia multa congerentes accensi sunt. Nam ³⁰ dixit illi, *tibi dabo claves*, et, *beatus es Simon Bariona*, et hic, *da ipsis pro me et te*; itemque fiduciam eius et loquendi libertatem videntes pungebantur.“ Illorum ergo interrogatio sin minus ῥητῶς, certe *δυνάμει* hanc significationem praeferebat: „evidentius etiam, disertiusque edicto, utrum Petrus in ecclesia, atque adeo nos inter *μειζων* ac princeps futurus sit.“ Quapropter quod non satis animadvertisse videbantur, quum Christus propheticum nomen ³¹ Simoni promisit, promissumque contulit; id e facto Christi perspicue deduxerunt, sibi Petrum anteferrī iniquiori animo passi sunt.

63. Quid vero ad ista Christus? interrogationem ne ita repulit, ut doceret, neminem ἐν τῇ βασιλείᾳ τῶν οὐρανῶν futurum *μειζονα*, sed unam omnium eandemque conditionem, dignitatem, potestatemque exituram? nihil minus, sed ³² damnata ambitione, et necessitate animi semet demittentis inculcata, orationem ita temperavit ac inflexit, ut futurum aliquem, qui ceteris praeccelleret, non omnino obscure significaverit. Subiecit ³³ enim: *δοῖς οὖν ταπεινώσῃ ἑαυτὸν ὡς τὸ παιδίον τοῦτο, οὗτός ἐστιν* (idest, *erit*, frequenti temporum commutatione) *ὁ μείζων ἐν τῇ βασιλείᾳ τῶν οὐρανῶν*. Non exclusit ergo τὸν *μειζονα* e regno coelorum, sed qualis esse ille oporteret, declaravit atque praecepit. Quae multo erunt splendidiora, si cum iis comparentur, quae Lucas de altera apostolorum contentione litteris consignavit.

64. Refert enim ³⁴ obortam inter apostolos controversiam, *τίς αὐτῶν δοκεῖ εἶναι μείζων*, quis eorum maior esse videretur. Adeo illorum animos nondum Dei Spiritu repletos cura adurebat excellentioris gradus: atque adeo persuasum illis erat ³⁵, non penitus τὸν *μειζονα* a Christo fuisse exclusum, sed

²⁸) In Matth. hom. LVIII. al. LIX. n. 2.

³³) Ibid. v. 4.

²⁹) Quibus ad eam opinionem Chrysostomus respicit, quam paullo ante exposuerat, *διδραχμα* fuisse pro primogenitis persolvenda. De qua opinione non est cur pluribus in praesentia dicam.

³⁴) Luc. XXII. 24.

³⁰) Matth. XVI. 17—18.

³¹) Joh. I. 42. coll. Matth. XVI. 18.

³²) Matth. XVIII. 2—6.

³⁵) Neque enim hoc tempore primum, sed iam antea, uti evangeliorum collatio ostendit, de praestantia honoris, auctoritatisque disceptaverunt. Cf. Matth. XVIII. 1—5, Marc. IX. 33—37, Luc. IX. 46—48.

destinatum potius ac praefinitum. Sequitur Lucas ³⁶, et Christum inducit, qui modum contentioni his verbis imponit: *Οἱ βασιλεῖς τῶν ἐθνῶν κυριεύουσιν* ³⁷ *αὐτῶν· καὶ οἱ ἐξουσιάζοντες αὐτῶν, εὐεργέται καλοῦνται. ὑμεῖς δὲ οὐχ οὕτως· ἀλλ' ὁ μείζων ἐν ὑμῖν, γενέσθω ὡς ὁ νεώτερος· καὶ ὁ ἡγούμενος, ὡς ὁ διακονῶν. τίς γὰρ μείζων, ὁ ἀνακείμενος, ἢ ὁ διακονῶν; οὐχὶ ὁ ἀνακείμενος; ἐγὼ δὲ εἰμι ἐν μέσῳ ὑμῶν ὡς ὁ διακονῶν. ὑμεῖς δὲ ἐστε οἱ διαμεμενηκότες μετ' ἐμοῦ ἐν τοῖς πειρασμοῖς μου. καγὼ διατίθεμαι ὑμῖν, καθὼς διεθeto μοι ὁ πατήρ μου βασιλείαν, ἵνα ἐσθίητε καὶ πίνετε ἐπὶ τῆς τραπέζης μου ἐν τῇ βασιλείᾳ μου· καὶ καθίσησθε ἐπὶ θρόνων, κρίνοντες τὰς δώδεκα φυλὰς τοῦ Ἰσραὴλ.*

65. Quatuor autem sunt, quae in hac Christi oratione spectanda prae ceteris videntur. I. Quae silentio premantur, etsi dictu opportunissima censi possent: II. quae affirmantur, sin minus totidem verbis, non obscura tamen dictorum consequutione: III. quae ad illustrationem adhibeatur comparatio: et IV. quanam sint, quae Christus damnat atque reicit.

Quamquam ergo semel iterumque ³⁸ apostoli de primatu et quaesierint et

³⁶) Luc. XXII. 25—31.

³⁷) Pro verbis *κυριεύω* et *ἐξουσιάζω* in gemino Matthaei loco cap. XX. 25. occurrunt verba *κατακυριεύω* et *κατεξουσιάζω*. Quamquam vero contendere nolim, numquam *κατὰ* in compositione redundare, ac propterea numquam verbis *κατακυριεύω* et *κατεξουσιάζω* eandem subesse potestatem ac simplicibus *κυριεύω* et *ἐξουσιάζω*: nihilominus e re fuerit adnotasse, a) usitatus in deteriorem partem utrumque compositum verbum accipi, iisque dominatum significari cum fastu, iactantiaque coniunctum: b) usitatiorem potestatem non solum a praesentis orationis contextu non abhorre, sed cum eo potius praeclare consentire: quapropter c) *κατακυριεύω* et *κατεξουσιάζω* heic usurpari, quemadmodum I. Petr. V. 3: *Μηδ' ὡς κατακυριεύοντες τῶν κλήρων*.

³⁸) Video inferri exinde posse, verba Christi de Petro, eaque etiam quae habentur Matth. XVI. 18—20. non eiusmodi visa esse apostolis, quae Petrum ad singularem *προστασίαν* destinatum ostenderent. Sed 1) evangeliorum lectione constat, ne clarissima quidem et evidentissima ab illis

saepius fuisse intellecta. Evidenter sane Luc. XVIII. 31—34. suam iis passionem Christus praenunciaverat; et nihilominus, evangelista teste, v. 34, *αὐτοὶ οὐδὲν τούτων συνῆκαν*. Quod ergo apostoli non senserint quo Christi verba pertinerent, argumentum esse non potest, quod obscura illa fuerint ac perplexa. Praeterea 2) nihil proclivius, quam in oppositam partem telum reflectere. Video enim in id protestantes incumbere, ut persuaderent, Christum Matth. XVIII. 1—5, XX. 20—28, Marc. IX. 33—37, X. 35—45, Luc. IX. 46, XXII. 24—31. verbis omnino disertissimis confirmasse, neminem in ecclesia extitutum, qui reliquis omnibus auctoritate praeeset. At si apostolorum intelligentia ceu norma habeatur perspicuitatis, quae Christi verbis inesset, ea fuisse obscurissima existimari oporteret, quum illi semel atque rursum de praerogativa dignitatis contenderint. Ceterum 3) sin minus e nudis verbis, ex iisdem saltem cum factis cohaerentibus praesensisse apostolos, unum aliquem, eumque Simonem Petrum omnibus anteferri; iis ostenditur, quae hactenus exposuimus.

contenderint; numquam tamen aperte Christus declaravit, ratum sibi esse, neminem ceteris antepone, neminem tamquam *ἡγούμενον* constituere, qui ceteris honore et auctoritate praestaret. Rei autem gravitas, Christi sapientia, et profusus in discipulos et ecclesiam amor, tum agendi ratio illi consueta postulare omnino videbantur, ut siquidem nullum honore et auctoritate potiorum esse ceteris voluisset, id candide aperiret, semina contentionum exstingeret, omnemque aditum ambitioni obstrueret. Sane ³⁹ de re agebatur neque tenui, neque mediocri, sed omnino maxima, quippe quae secumipsis apostolos committeret, concordiae adversaretur, eoque pertineret, ut divinum consilium de regimine ecclesiae, deque illius administrandae forma in periculum adduceretur. Erat autem sapientis institutoris tot, tantorumque malorum causas praecidere; quod multo etiam vehementius Christum decebat, quem ⁴⁰ Patris Sapientiam esse credimus, et de cuius in apostolos, ecclesiamque amore dubitare non possumus.

66. Cuius amoris, sollicitaeque curae non minimum ex eo capi indicium potest, quod soleant evangelistae ⁴¹ Christum exhibere modo dubia, quae forte inciderint, explanantem, modo obscura, perplexaque expedientem, modo obliqua discipulorum iudicia corrigentem, ac modo quaestionum, iurgiorumque causas diligentissime amputantem. Quod ut exemplo ad rem praesentem accommodato illustrius faciam, animo preces reputentur ⁴², quibus mater filiorum Zebedaei a Christo petit, ne praecipere gravaretur, *ὡς καὶ θύσωσιν οὗτοι οἱ δύο υἱοί μου, εἰς ἐκ δεξιῶν σου, καὶ εἰς ἐξ ἐνωτέρων σου, ἐν τῇ βασιλείᾳ σου.*

Quid enim Christus? tacuit ne, an apertissimis contra verbis inanem fastum compescuit? e vestigio ⁴³ respondit: *τὸ δὲ καθίσαι ἐκ δεξιῶν μου καὶ ἐξ ἐνωτέρων μου, οὐκ ἔστιν ἐμὸν δοῦναι, ἀλλ' οἷς ἡτοίμασται ὑπὸ τοῦ πατρὸς μου.* Silentium igitur Christi in iis quae consideravimus adiunctis rerum, argumento esse debet, non eam fuisse divinam ordinationem, ut apostoli omnes aequales essent, ac nemo eos inter maiori honore atque auctoritate potiretur.

67. Cui ego silentio, quamquam eloquentissimo, non penitus fiderem, neque illud summopere urgerem, nisi a Christo adiecta, dictorumque consequitione significata intelligerem, quae futuram unius praepositi institutionem non ambigue referunt. Recolantur ⁴⁴ enim Christi ⁴⁵ verba: *οἱ βασιλεῖς τῶν ἐθνῶν*

³⁹) Putarem hanc disserendi rationem non improbandam esse lutheranis, ut qui eam usurpent adversus calvinianos, quum e Joh. VI. 48—60. veritatem carnis Christi in Eucharistia tuentur. Solent enim argumentum non ultimum inde repetere, quod si Christi verba, *ὁ τρώγων μου τὴν σάρκα, καὶ πίνων μου τὸ αἷμα, ἔχει ζωὴν αἰώνιον*, accipi μεταφορικῶς deberent, metaphoram Christus explanasset, cuius sapientia atque bonitas nullatenus pati posse viderentur,

ut offensionis occasio auditoribus praebetur.

⁴⁰) I. Cor. I. 23—24: *Κηρύσσομεν Χριστόν . . . , θεοῦ δύναμιν καὶ θεοῦ σοφίαν.*

⁴¹) Exempla sunt obvia.

⁴²) Matth. XX. 20—22.

⁴³) Ibid. v. 23.

⁴⁴) n. 64.

⁴⁵) Luc. XXII. 25—27.

κυριεύουσιν αὐτῶν· καὶ οἱ ἐξουσιάζοντες αὐτῶν εὐεργέται καλοῦνται. ὑμεῖς δὲ οὐχ οὕτως· ἀλλ' ὁ μείζων ἐν ὑμῖν, γενέσθω ὡς ὁ νεώτερος· καὶ ὁ ἡγούμενος, ὡς ὁ διακονῶν.

Quo, quaeso, postrema pertinent, qui *maximus in vobis erit, ita gerere semet debet, ac si foret auctoritate* ⁴⁶ *minor; et qui praefectus* ⁴⁷ *ceteris erit, non aliter agat ac si minister esset?* talia ista sunt, quae omnino includunt, atque hanc propositionem virtute complectuntur: *vestrum aliquem extitutum μείζονα καὶ τὸν ἡγούμενον*. Effata namque Christi, ὁ μείζων ἐν ὑμῖν, γενέσθω ὡς ὁ νεώτερος, et, ὁ ἡγούμενος ἐν ὑμῖν, γενέσθω ὡς ὁ διακονῶν: resolvi ita possunt, atque e regione disponi:

I. Ἐν ὑμῖν ἐστὶν τις, ὅς ἐστιν ὁ μείζων.

I. Ὅς ἐστὶν ὁ μείζων, γενέσθω ὡς ὁ νεώτερος.

II. Ἐν ὑμῖν ἐστὶν τις, ὅς ἐστιν ὁ ἡγούμενος.

II. Ὅς ἐστὶν ὁ ἡγούμενος, γενέσθω ὡς ὁ διακονῶν.

Sed nulla opus est deductione, artificioque nullo, ut evidentissime deprehendatur, ea Christum oratione usum esse, qua extitutum aliquem ceteris maiorem, eisdemque praepositum significaverit. Quare non *silentio* ⁴⁸ dumtaxat, verum etiam sententiarum consequutione ostendit Dominus, velle se ut unus aliquis esset, qui in ecclesia ceteris μείζων, ac omnium ἡγούμενος haberetur.

68. Hinc ambitione repressa ⁴⁹ filiorum Zebedaei, ne qui forte concluderent, neminem inter apostolos maiorem futurum, iis ad se vocatis ⁵⁰, hunc habuit sermonem: *Οἰδατε, ὅτι οἱ ἄρχοντες τῶν ἐθνῶν κατακυριεύουσιν αὐτῶν, καὶ οἱ μεγάλοι κατεξουσιάζουσιν αὐτῶν. οὐχ οὕτω δὲ ἔσται ἐν ὑμῖν· ἀλλ' ὅς ἐάν θέλῃ* ⁵¹ *ἐν ὑμῖν μέγας γενέσθαι, ἔσται ὑμῶν διάκονος· καὶ ὅς ἐάν*

⁴⁶) Talem enim vim induit hoc loco adiectivum *νεώτερος*, quemadmodum ratio oppositionis demonstrat. Haec autem significatio inde illustrari potest, quod I. Tim. V. 1—2. οἱ νεώτεροι opponuntur τοῖς πρεσβυτέροις, qui *patrum* loco censentur: et alexandrini Gen. XLII. 13—15—20—34, Judd. I. 13, III. 9. ea voce utuntur, ut expriment hebraicum *יָצַר parvum, minimum*.

⁴⁷) Licet ἡγέομαι proprie sit *duco, dux sum viae*, ac *praecedo*, usu tamen factum est, ut saepissime denotet *praesum, praeficio*. Conferri possunt testimonia Act. VII. 10, Hebr. XIII. 7—17—24, et Matth. II. 6, ubi Christus dicitur ἡγούμενος, apud Syrum *ܡܠܝܚܐ*, rex atque ecclesiae princeps.

⁴⁸) n. 66.

⁴⁹) Matth. XX. 22—25.

⁵⁰) Ibid. vv. 25—29.

⁵¹) Placet huic verbo commentarium Brugensis subiicere: „*Voluerit*, impropria loquutio est, eo quod alloquatur eos qui vellent. Non enim docet apostolos quomodo primatum sibi comparare queant: sed ex onere, quod incumbit primati, docet non ambire primatum: id quod clare intelligitur ex exemplis, antecedente gentium, et consequente Filii hominis. *Voluerit* igitur, supple, quemadmodum vos id vultis; sed accipe pro eo ac si diceretur: sed quicumque fuerit inter vos maior.“

Θελη ἐν ὑμῖν εἶναι πρῶτος, ἔσται ὑμῶν δοῦλος· ὥσπερ ὁ υἱὸς τοῦ ἀνθρώπου οὐκ ἤλθε διακονηθῆναι, ἀλλὰ διακονῆσαι, καὶ δοῦναι τὴν ψυχὴν αὐτοῦ λύτρον ἀντὶ πολλῶν. Scilicet non eam sibi mentem esse declaravit, ut nemo apostolorum μέγας esset καὶ πρῶτος: sed τύπον, formamque proposuit, quam ceteris maior, omniumque primus imitaretur.

69. Qua de re nullus supererit dubitandi locus, si animus ad eam comparisonem convertatur, qua Christus sermonem suum explanat atque concludit. Continuo namque ⁵² subdit: *Τίς γὰρ μείζων, ὁ ἀνακείμενος, ἢ ὁ διακονῶν; οὐχὶ ὁ ἀνακείμενος; ἐγὼ δὲ εἰμι ἐν μέσῳ ὑμῶν ὡς ὁ διακονῶν . . . καὶ γὰρ διατίθεμαι ὑμῖν, καθὼς διεθέτο μοι ὁ πατὴρ μου βασιλείαν.* Et alibi ⁵³: ὥσπερ ὁ υἱὸς τοῦ ἀνθρώπου οὐκ ἤλθε διακονηθῆναι, ἀλλὰ διακονῆσαι, καὶ δοῦναι τὴν ψυχὴν αὐτοῦ λύτρον ἀντὶ πολλῶν.

Quibus profecto docemur, eam regendae ecclesiae formam iugiter perduraturam, quae, Christo nobiscum degente, incoepit; ita ut quae tum erat ecclesia, *παράδειγμα* haberetur, quod eadem ecclesia ad consummationem usque saeculi explicanda et amplificanda constanter referret. Sed opera nostra abutemur, si conficiendum argumentis assumeremus, quod est testatissimum, quodque sine manifesta impietatis nota negari non potest: Christum, quamdiu mortalis vixit, partes obiisse τοῦ πρώτου καὶ τοῦ ἡγουμένου, et in regno coelorum fuisse omnium πρῶτον καὶ ἡγούμενον. Ea igitur est *comparatio*, qua suam Christus orationem explicat, absolvitque, ut fatendum sit, ex apostolis unum ad πρωτεῖαν καὶ προστασίαν fuisse propterea destinatum, ne ecclesiae ratio atque facies, eo in coelis iam recepto, a semetipsa dissidere videretur.

70. Et re sane vera postremum ex iis consideretur quae ⁵⁴ proposuimus, et quid illud sit, quod ab ecclesia sua alienum Christus pronunciat, paullo diligentius investigetur. Perspicuum est: I. regnum cum regno conferri, et coelorum regnum ⁵⁵, quod est ecclesia, cum humanis regnis comparari. Perspicuum deinde est II. *qualitatem*, secundum quam ῥήσει illa, ὑμεῖς δὲ οὐκ οὕτως, utrumque regnum mutuo *negative* componitur, non esse caput ac substantiam ipsam προστασίας καὶ ἀρχῆς, sed certum quemdam illius modum, qui auctoritati ac praefecturae sic accidit, ut ab ea possit, ac vero etiam abesse debeat.

Quod quidem a) ostendunt verba *κυριεύειν, ἐξουσιάζειν, κατακυριεύειν, κατεξουσιάζειν, εὐεργέται*, quae fastum, pompam, ambitionemque designant. Ostendit b) incisum, *εὐεργέται καλοῦνται*, depraedificantur atque efferuntur tam-

⁵²) Luc. XXII. 27 — 30.

⁵³) Matth. XX. 28.

⁵⁴) n. 65.

⁵⁵) Explanandis formulis, βασιλεία Θεοῦ, τῶν οὐρανῶν, Χριστοῦ, non medioeriter proderit oracula contulisse Pss. II — XLV — CX; Is. IX — XI — XXV. 8 — XXVIII. 5 — XLII. 1. seqq — XLIX. 6

— LII — LIII; Jerem. XXIII. 5 — 6 — XXX — XXXI — XXXIII. 15. seqq; Ezech. XVII. 22 — XIX. 21 — XXXVII. 24; Hos. III. 5; Mich. IV — V; Zach. III. 8 — IV. 12 — IX. 9 — XIV. 1. seqq; Mal. III. 1; Dan. IX. 24 — 27. De his autem oraculis lege quae habet Schoettgenius in Horis Hebr. Vol. II. pag. 143 — 266.

quam locupletes beneficiorum fontes. Ostendit c) repetita declaratio, qua Christus confirmat, velle se, ut ab ecclesia longissime absit, quod fuerat a suo ministerio alienissimum. Sed sic ille ministravit, ut reiecerit quidem fastum, humanique principatus splendorem, principatum vero ipsum, supremamque potestatem, qua ⁵⁶ leges ferret, praecepta iniungeret, ritus ⁵⁷ praeфинiret, poenas ⁵⁸ intentaret, suamque ecclesiam moderaretur, ita retinuerit, ut verissime ⁵⁹ ὁ κύριος, καὶ βασιλεὺς βασιλευόντων diceretur et esset. Ostendunt tandem d) quae penes Johannem ⁶⁰ a Christo dicta legimus: ὑμεῖς φωνεῖτέ με, ὁ διδάσκαλος καὶ ὁ κύριος· καὶ καλῶς λέγετε· εἰμὶ γάρ. εἰ οὖν ἐγὼ ἔκνησα ὑμῶν τοὺς πόδας, ὁ κύριος καὶ ὁ διδάσκαλος, καὶ ὑμεῖς ὀφείλετε ἀλλήλων νίπτειν τοὺς πόδας· ὑπόδειγμα γὰρ δέδωκα ὑμῖν, ἵνα καθὼς ἐγὼ ἐποίησα ὑμῖν, καὶ ὑμεῖς ποιῇτε. Nihil enim evidentius, quam ista ceteris ⁶¹ quae expendimus, adamus-
sim respondere; istis vero nihil praeterea vel iniungi quam animi modestiam, demissionisque studium, vel prohiberi quam mentis elationem, fumumque superbiae.

Quum itaque duo sint exploratissima: I. ecclesiam instar regni describi, et cum humano regno comparari: neque II. aliam inter utrumque similitudinem *negando* excludi, quam quae pompa, fastuque continetur; consequens omnino est, caput ipsum, substantiamque τῆς προστασίας καὶ τῆς ἀρχῆς non solum non excludi, verum etiam poni, firmiterque stabiliri.

71. Qua sane re nihil ad Petri praerogativas opportunius, nihil validius, quo illius inter apostolos ὑπεροχή, potiorque auctoritas comprobetur. Habemus enim propositum fuisse Christo, ut in regno suo, quod est ecclesia, unus aliquis esset, qui ὁ μέγας, ὁ πρῶτος καὶ ὁ ἡγούμενος aestimaretur, quique iis partibus ἀναλόγως defungeretur, quas ipsemet ad Patrem nondum reversus obierat. Superest ergo ut sollicite inquiramus, quem ipse prae ceteris delegerit, ac omnibus tamquam caput, praepositumque antetulerit. Ne si forte constitutum nobis divinitus praepositum per oscitantiam ignoraremus, neque obedientiam illi debitam deferre, neque Christi institutoris voluntatem explere possemus. Sed quo investigatio suscipitur diligentius, et veritas quaeritur candidius, eo facilius, splendidiusque apparet, unum Simonem Petrum esse, qui ἡγούμενος ecclesiae suae a Christo impositus censi debeat. Is enim est, qui nihil non accepit eorum, quae apostolis reliquis Christus adscripsit: is qui multo sortitus est plura ac excellentiora, quam reliquis delata noverimus: ac is, de quo merito reputantur, quae Leo ⁶² scribit: „Multo est dignius ad beatissimi Petri apostoli glo-

⁵⁶) Matth. XXVIII. 18. seqq.

⁵⁹) Ephes. II. 21, IV. 15; Act.

⁵⁷) Marc. XVI. 15, Matth. XXVI. 28, Luc. XXII. 19, I. Cor. X. 17.

XX. 28.

⁶⁰) Joh. XIII. 13—16.

⁶¹) nn. 63. seqq.

⁵⁸) Luc. XII. 8—9, Marc. XVI. 15.

⁶²) Serm. III. cap. III.

riam contemplandam aciem mentis attollere, . . . qui ab ipso omnium charismatum fonte tam copiosis est irrigationibus inundatus, ut *cum multa solus* acceperit, *nihil* in quemquam sine illius participatione transierit.“ Est itaque Petrus ⁶³ auctoritate ὁ μέγας, inter apostolos ὁ πρῶτος καὶ μείζων, ecclesiae vero Christi conspicuum caput, et princeps ἡγούμενος.

C A P U T VII.

*Comparatio Christum inter ac Petrum paucis indicata uberius expolitur: — duplex Christi erga ecclesiam munus, institutoris et supremi moderatoris: — quae inde ecclesiae forma atque ratio prodierit: — ea permanere iugiter debuit: — colligitur destinatio Petri ad eas obeundas conspicui, supremique rectoris partes, quas Christus adhuc mortalis explevit: — confirmatur: — iique refel-
luntur qui Petri praerogativas ad primatum nudi honoris atque ordinis revocandas esse contendunt.*

72. Quae postremo loco¹ brevissime complexi sumus, eo pertinebant ut Christi consilium aperiretur quo statuit, eas regendae, administrandaeque ecclesiae partes Petro deferre, quas ipse adhuc mortalis obierat; adeo ut non aliter ille τοῦ πρώτου καὶ τοῦ ἡγουμένου iura exerceret, quam ipsemet antea exercisset. Sed probe sentio, hoc doctrinae caput adeo invisum esse² protestantibus, ut secundis curis excoli debeat, et tractatione haud paullo pleniore confirmari. Quare *tria* mihi prae ceteris sumo, quae et exponam enucleatius, et firmius stabiliam. E quibus illud esse *primum* volo, Christum in ecclesiam, quam³ pusilli instar gregis collegerat, quaeque erat deinceps apostolorum curis

⁶³) Ex hac biblicorum loquendi ratione repetendum arbitror, Petrum mirifica quadam consensione penes nobilissimos ecclesiae patres dici: I. Τὸν κατεργὸν καὶ μέγαν τῶν ἀποστόλων: II. τὸν τῶν ἀποστόλων ἀκρότην: III. τῶν πάντων κορυφαῖον καὶ κορυφαῖότατον: IV. πρωτοστάτην: V. ἡγούμενον: ac tandem VI. ἑξάρχον. Cf. Euseb. H. E. lib. II. cap. XIV, Gregorium nyssenum in Cantic. hom. XV, Gregorium nazianzenum Orat. XXXIX, Athanasium in Ps. V. n. 8, Chrysostomum in

Joh. hom. XXIII. n. 3, Isidorum lib. I. epist. CCCLVI, Maximum in Script. q. XXVII, et Cyrillum alexandrinum Fest. Paschal. hom. VIII.

¹) n. 71.

²) Quod tamen minus eisdem invisum accidere deberet post ea, quae de communicata cum Petro eximia *petrae* praerogativa superius demonstravimus.

³) De primis ecclesiae sub Christo originibus confer quae habentur Joh. VII. 31—39—49; XII. 42.

ubivis gentium ⁴ amplificanda, *duplici munere* functum esse, *institutoris auctorisque*, tum *ducis*, *capitis*, *supremique moderatoris*.

73. Ac de priori quidem munere ⁵ res est manifestior, quam ut testimoniis, argumentisque persuaderi debeat. Ipse enim et credenda patefecit, et ritus ac sacramenta instituit, et ministerium determinavit, quo tutelae, incrementisque ecclesiae prospectum foret. Munera scilicet partesque omnes *institutoris* absolvit. Quare tum ab apostolis, quum passim ab omnibus *magister*, et *doctor* et *praeceptor* ⁶ salutabatur. Unde inter ceteras ecclesiae appellationes illa eminet, qua *ἐκκλησία Χριστοῦ*, a Christo ⁷ nimirum profecta, ab eoque instituta nuncupatur.

74. Sed non ea minus praestitit, quae *capitis* propria sunt, et ad praepositi dignitatem, auctoritatemque referuntur. Lectione namque evangeliorum edocemur, nihil eorum praetermisisse Christum, quae necessaria, opportunaque viderentur, ut obscura clarescerent, impedita explanarentur, contentiones plus semel inter discipulos abortae conquiescerent, unitas vero pacisque vinculum inter eos sanctissime custodiretur. Hinc notissima Scripturarum effata, quibus dignitas et potestas *domini*, *regis*, *supremique pastoris* illi deferuntur. Atque hinc imagines *familiae*, *domus*, *civitatis*, *ovilis*, *regni*, quibus ecclesia adumbratur, quaeque Christum illius caput, principem, moderatoremque demonstrant. Indu-

⁴) Joh. IV. 20—24, Matth. XXVIII. 19, Marc. XVI. 15. Unde Paulus Rom. I. 8: *Ἡ πίστις ὑμῶν καταγγέλλεται ἐν ὅλῳ τῷ κόσμῳ*. Quibus similia habentur Col. I. 8—23, I. Cor. I. 23, IX. 20.

⁵) Joh. IV. 21, X. 16, Matth. XVI. 18, Joh. III. 5, VI. 54, Luc. XII. 8.

⁶) Immo ut munus, partesque institutoris alteri deferri non posse significaret, dixit Christus Matth. XXIII. 8—11: *Ὑμεῖς δὲ μὴ κληθῆτε ῥαββί· εἰς γὰρ ἐστὶν ὑμῶν ὁ καθηγητής* (al. ὁ διδάσκαλος, forte e glossemate), ὁ Χριστός. (quae vox e com-mate decimo huc translata videtur, eaque carent permulti codices, versiones et patres.) πάντες δὲ ὑμεῖς ἀδελφοί ἐστε. καὶ πατέρα μὴ καλέσητε ὑμῶν (al. ὑμῶν) ἐπὶ τῆς γῆς· εἰς γὰρ ἐστὶν ὁ πατὴρ ὑμῶν, ὁ ἐν τοῖς οὐρανοῖς. μηδὲ κληθῆτε καθηγηταί· εἰς γὰρ ὑμῶν ἐστὶν ὁ καθηγητής, ὁ Χριστός. Atqui sunt in ecclesia *magistri*, *doctoresque* a Christo ipso instituti, unde Paulus I. Tim. II. 7, II. Tim. I. 11.

semet vocat διδάσκαλον ἐθνῶν, et Act. XIII. 1, I. Cor. XII. 28—29, Ephes. IV. 11. *doctores* recensentur ab apostolis, prophetisque distincti. Sunt et *patres*, ii videlicet I. Cor. IV. 15. qui nos in Christo per evangelium genuerunt.

Quo igitur pacto ista sibi constare intelligemus? facillime, dummodo animadvertamus, διδάσκαλον, καθηγητήν, πατέρα *dupliciter* accipi, ac primo ut doctrinae *auctor*, deinde ut eiusdem *legitimi propagatores* denotentur. Priori sensu unus Christus est, dicique debet καθηγητής, διδάσκαλος, πατήρ: unde ipsi quoque apostoli sunt ἀδελφοί, idest, *συμφοιτηταί, condiscipuli*: et quotquot sunt fideles, *edocti a Domino* Joh. VI. 45, I. Thess. IV. 9. perhibentur. At vero posteriori sensu alii sunt *doctores, magistri, patres*, ii videlicet omnes, quos Christus praeordinavit.

⁷) Cf. Petavium de Incarnat. lib. II. cap. X, et Toletum ad Joh. XIII. annotat. XVI.

bitatum propterea esse debet, habitu, respectuque duplici ad ecclesiam Christum referri, *institutoris*, quo illam condidit ⁸, supremique *pastoris* ⁹, quo illam visibiliter rexit atque gubernavit.

75. Succedit ex iis *alterum*, quae nobis ¹⁰ confirmanda proposuimus, quodque neque certum minus, neque minus exploratum haberi convenit: characterem esse, dotemque ecclesiae propriam, ut ea sibi semper similis sit, eandemque constanter faciem, speciemque praeferat, neque alia in suis primordiis, atque alia in consequutis incrementis videatur. Una enim eademque est christianismi et ecclesiae ratio, atque ita se ad invicem habent, ut ecclesia *χριστιανισμὸς αἰσθητός*, christianismus vero *ἐκκλησία νοητή* non incommode existimetur. Quare constantia et *ταυτότης* quae illi competunt, deesse ecclesiae nequeunt: et sicut ille a semetipso desciscere, ita haec aliam naturam, aliamque rationem ¹¹ induere non potest.

76. Jamvero, quod *tertium* est, ipsa sibi ecclesia dissimilis foret, et a semetipsa summopere dissideret, si a suis exordiis ac prope incunabulis unius nutu, imperioque visibiliter administrata, eadem deinceps vel nullius supremo iure, quod *independentibus* placet, vel summo iure aut multitudinis, quod *democratici* tuentur, aut praesulum, quod *aristocraticis* videtur, conspicue rege-retur. Cuius propositionis veritatem non pervulgatum modo Aristotelis effatum ostendit: immutata regiminis forma, ipsam quoque civitatem immutatam censi; sed ostendunt praeterea quum indita omnium hominum animis ratio, tum quae ita ecclesiae sunt propria, ut ab ea divelli nullatenus possint.

77. Ac me sane fugit, reperiantur nec ne qui sibi persuaserint, unam eandemque *οὐσιώδως societatem* permanere, quamquam illius regimen, et gubernationis ratio alia prorsus, diversaue evadat. Profecto administrationis ratio non ea est, quae societati extrinsecus accidat, sed illam contra intrinsecus afficit, atque ita pervadit, ut propterea, non citra habitum ad composita physica, eiusdem *μορφῇ* nuncupetur. Immutari autem *τὸ ὑποκείμενον*, et *οὐσιώδως* immutari, dum quae illi intestina sunt, illudque pervadunt ac determinant, mutationem subeunt; ex ipsis, quibus effertur verbis, compertum esse existimo. Praeterea quum communi eruditorum suffragio ita societates distinguuntur ¹², ut aliae *monarchicae*, aliae sint, dicanturque *aristocraticae* vel *democraticae*; unde

⁸) Cf. Bertieri Theolog. dogmat. systemat. §§. 84. seqq.

⁹) Cf. Benedicti Zimmer Theolog. christ. spec. theor. Part. III. §§. 19—82.

¹⁰) n. 72.

¹¹) Quod enim de Christo legimus Hebr. XIII. 8: *Ἰησοῦς Χριστὸς χθὲς καὶ σήμερον ὁ αὐτός, καὶ εἰς τοὺς αἰῶνας*, ad

eiusdem item corpus, quod est ecclesia, referri *ἀναλόγως* debet.

¹²) De hac distinctione lege pluribus disserentes Nicolaum Mariam Pallavicinium in opere, *Difesa del Pontificato Romano*, Michaellem Mauclerum, *De Monarchia divina, ecclesiastica et saeculari*, Hennin-gium Arnisaem, *De Republica*, et Cardina-lem Orsium, *De Rom. Pontifice, lib. VII.*

illarum discrimen repeti censendum est? ex internis credo proprietatibus, quae uni sic insint, ut aliis vicissim desint. Vocabula porro ipsa, quibus societatum distributio exprimitur, talia sunt, quae rationem discriminis e formarum varietate desumptam probant. Pertinet ergo forma ad naturam ipsam, substantiamque societatis; neque haec consistere eadem potest, si illa mutetur.

78. Ceterum finge ita immutatam post Christi obitum regiminis formam, ut destinatus nemo fuerit, qui ecclesiae tamquam supremum caput, et universalis ἡγούμενος visibiliter praeesset. Potuisset ne ecclesia sine novis revelationibus, editisque in dies miraculis eam tueri unitatem symboli, liturgiae, corporis, quam Christus veluti eiusdem propriam tesseram ¹³ determinavit? minime sane, quod et paullo sagacioribus ¹⁴ ἀμέσως compertum duco, et vel ex eo patet abunde, quod nequeat multitudo ubivis gentium, locorumque diffusa, qualis ¹⁵ est ecclesia, in unum convenire, nisi unus adsit qui varium et multiplex ad unitatem redigat, et unitatis veluti forma circumscribat. Unde illud ¹⁶ Hieronymi: „Ecclesiae salus in summi sacerdotis dignitate pendet, cui si non exsors quaedam et ab omnibus eminens tribuatur potestas, tot in ecclesia orientur schismata quot sacerdotes.“ Quum itaque citra disputationis aleam positum sit, eum providentiae ordinem fuisse a Christo delectum, ut ecclesia sine novis revelationibus ¹⁷, novisque miraculis, in sua unitate perseveraret; diffiteri non possumus, aliquem ab eo fuisse praesignatum, qui supremo iure ecclesiam regeret, illamque suimetipsius vice unitam, cohaerentemque servaret.

79. Quaeri tandem iure potest, an tempore dumtaxat Christi adhuc mortalis, vel iugiter potius inesse ecclesiae, eidemque visibiliter convenire debuerint quae in Scripturis repetita leguntur: illam esse *unum ovile, unam domum, familiam unam, unam civitatem, ac regnum unum*. Videlicet talia sunt haec symbola, quae illius statum exhibent non temporarium, sed perpetuum, et e quibus non in primordiis solum, verum etiam in suis progressionibus cognosci illa, discernique debuit. Atqui istis symbolis seorsum aequae ac simul inspectis non alia adumbratur ecclesia quam quae ad unum supremum praepositum, visibilemque principem referatur. Tamdiu ergo uno visibili rectore, eoque supremo ecclesia gubernetur oportet, quamdiu vere affirmari de ea poterit ac debebit, esse illam *unum regnum, domum unam, unam familiam, ovile unum*, et

¹³) Joh. X. 16, XIII. 34—35, XVII. 17—21, Ephes. IV. 3—6. Unde Chrysostomus hom. I. in I. ad Corinthios: *Ἡ ἐκκλησία τοῦ θεοῦ ἐστίν, ἡνῶται, καὶ μία ἐστίν, οὐκ ἐν Κορίνθῳ μόνον, ἀλλὰ καὶ ἐν πάσῃ τῇ οἰκουμένῃ. τὸ γὰρ τῆς ἐκκλησίας ὄνομα οὐ χωρισμοῦ, ἀλλὰ ἐνώσεως καὶ συμφωνίας ἐστίν ὄνομα*. Nazianzenus autem Orat. XII. ecclesiam vocat *ἁγίαν καὶ ἀμέριστον καὶ ὕψιστον δι' ὅλον χιτῶνα*.

¹⁴) Cf. Leibnitz, epist. VIII. n. 2. edit. Kortholti.

¹⁵) Quae idcirco καθολικὴ nuncupatur, διὰ τὸ κατὰ πάσης εἶναι τῆς οἰκουμένης, ἀπὸ περάτων γῆς ἕως περάτων, ut Cyrillus hierosolymitanus Catech. XVIII. loquitur.

¹⁶) Dialog. con. Lucif. n. 9.

¹⁷) Quod discrimen est non ultimum inter christianam et mosaicam institutionem,

civitatem unam. Scilicet semper illius administratio et regimen ¹⁸ ad unum supremum, visibilemque praepositum pertinebit.

80. Sed cuinam id iuris tribuamus, et quem putabimus delectum, ut ἀμέσως post Christum illius vices supremi, visibilisque capitis impleret? ipsi quoque schismatici et protestantes, nisi malint omnino desipere, sponte dabunt, longe esse facilius quemvis e medio praepositum tollere, quam eo probato, illius partes, munus ac iura alteri quam Petro deferre. Scripturae enim si quem secretum a ceteris, praerogativis ornatum, eximiisque a Christo cumulatam donis ostendunt, non alium utique quam Petrum ¹⁹ demonstrant. Unde video ipsos etiam heterodoxos alienissimos eos quidem ab ea fidei professione, qua potestatis, summique iuris primatus Petro asseritur, sed in eam sententiam vicissim ²⁰ propensos, qua docetur, unum ex omnibus Petrum honoris atque ordinis primatu excelluisse. Tenebimus ergo, certisque rationum momentis persuasi iudicabimus, Petrum esse quem Christus suimetipsius vicarium instituit, suaeque ecclesiae ducem, rectoremque praeposuit.

81. Ita ne vero, ut quovis potiori iure destitutus, honore solum atque ordine praecelleret? opinio est ista protestantium; sed ne cogitemus de nudo honoris, ordinisque primatu exigunt ²¹ frequentes sententiae, quibus vanos titulos, inanemque pompam a coelorum regno amandavit Christus atque reiecit. Postulat deinde ²² suimetipsius exemplum, quod illi prae ceteris in se exprimendum iniunxit, qui omnium μελίων καὶ ἡγούμενος futurus erat. Institutio ergo primatus, qui nudis constet honoris, ordinisque phaleris, non minus a Christi verbis, quam ab ethica evangelii doctrina, eiusdemque anima ac veluti spiritu ²³ vehementissime abhorret. Nihilominus fas haud est de primatu ambigere ²⁴ quem Christus instituerit. Dandum est igitur eius primatus fuisse auctorem, qui potiori iure, eximiaque potestate contineatur.

82. Quem ob oculos habuisse, et in ecclesia perduraturum significasse, probant *occasio* sermonis ²⁵ quem expendimus, *comparatio duplex* ad eum illustrandum adhibita, *verba ipsa* quae usurpantur, σκῶπός denique institutione primatus *consequendus*. Sane habendi sermonis occasio Christo fuit mutua apostolorum contentio ²⁶, quis eorum μελίων esse videretur. Apostolos autem de

¹⁸) Video hanc consequutionem latius patere, quam praesens de Petri primatu controversia postulare videretur. Sed non ideo aut coerceri ea debuit, aut silentio veritas premi, quae in lucem sua sponte prodibat.

¹⁹) Huc faciunt quaecumque omnia hactenus exposuimus.

²⁰) Huius rei testes laudatos habes penes Barruel in opere, *Du Pape et de ses droits*, Part. II. chap. V.

²¹) nn. 64. seqq.

²²) Luc. XXII. 27. coll. Joh. XIII. 12—17.

²³) Mirum esse debet, de nulla re minus, quam de hoc veluti evangelii characterē cogitasse protestantes, quum de primatu Petri dissererent, illumque ad nescio quam honoris pompam redigerent.

²⁴) nn. 67. seqq.

²⁵) nn. 65—66.

²⁶) Luc. XXII. 24.

praestantia disceptasse, quae auctoritate potissimum constaret, neque vanis titulis absolveretur; vix puto adduci in controversiam posse. De praestantia enim disceptabant, quam mater filiorum Zebedaei²⁷ his verbis expresserat²⁸: εἰπέ, ἵνα καθίσωσω οὗτοι οἱ δύο υἱοὶ μου, εἰς ἐκ δεξιῶν σου, καὶ εἰς ἐξ ἐκωνύμων σου, ἐν τῇ βασιλείᾳ σου. Phrasis porro, *sedere in regno ad dexteram et ad sinistram*, apud scriptores tam sacros²⁹, quam profanos³⁰ denotat, alterum, tertiumque a principe dignitatis, potestatisque gradum nancisci. Apposite³¹ Rosenmuellerus: „Dexteræ regis assidere, significat locum a rege principem³² habere. Tertius autem in regno locus consequenter describitur sessione ad *sinistrum* regis latus. Nam ut quisque in regno maior, ita regi in publicis conventibus propior sedebat.“ Ea igitur occasione locutus est Christus, ut eiusdem sermo de praestantiori auctoritate accipi debeat.

83. Praesertim quum utraque ab eo adhibita comparatio³³ acceptionem aliam non ferat. Non patitur comparatio *negans*, quam inter humanos principes et ecclesiae ἡγούμενον proponit: quidquid enim in humano principatu splendoris est ac pompae, id abesse ab ecclesiae praeposito Christus iubet, cui propterea nonnisi auctoritatem defert, qua fratrum emolumentis prospiciat. Neque commodius patitur comparatio *affirmans*, qua futurum praesidem secumipse confert: non enim titulis, magnisque nominibus, sed summi magisterii iure, supremique rectoris auctoritate et ipse excelluit, et ecclesiam gubernavit. Accedunt vocabula τοῦ πρώτου³⁴, μείζονος καὶ ἡγουμένου, quibus dignitatem extituri praepositi Christus significavit. Talia enim sunt, quae simul iuncta, et cum orationis serie cohaerentia primatum referunt non umbratilem sed solidum, non honoris specie conclusum, sed eximia inprimis auctoritate praeditum.

84. Sine qua spes omnis abiicienda foret consequendi finis, quem Christus in primatus institutione praefixum habuit. Eo namque spectavit, ut ecclesia sibi semper similis foret, faciemque constanter praeserferret, quam primum induit: tum ut ratio adesset, qua multiplex illius unitas³⁵ in tuto collocaretur. Neutrum vero tale est, quod nudi honoris, ordinisque primatu comparari possit.

²⁷) n. 68.

²⁸) Matth. XX. 21; ubi Chrysostomus hom. LXV. al. LXVI. n. 2. sic habet: Ἐβούλοντο δέ, ὡς ἔγωγε οἶμαι, ἐπειδὴ ἡμουν, ὅτι ἐπὶ δώδεκα θρόνους καθεδεῖσθε, τὴν προεδρίαν τῆς καθέδρας ταύτης λαβεῖν· καὶ ὅτι μὲν τῶν ἄλλων πλέον εἶχον, ἤδυσαν· ἐδεδόικεσαν δὲ Πέτρον, καὶ λέγουσιν· εἰπέ, ἵνα εἰς ἐκ δεξιῶν σου καθίσῃ, καὶ εἰς ἐξ ἐκωνύμων· καὶ κατεπεύγουσι λέγοντες, εἰπέ.

²⁹) I. Reg. II. 19, Ps. XLV. 9, Hebr. XII. 3.

³⁰) Horum testimonia dabunt Grotus et Kuinoel.

³¹) In scholiis ad h. I.

³²) I. Reg. II. 19.

³³) n. 69.

³⁴) Quum non raro formula, ὁ πρῶτός μου, idem valeat ac, ὁ ἄρχων μου, vel ut alexandrini reddentes hebraicum וְנָרְ loquuntur, πρῶτος ἀρχός μου: existimaverim, heic τὸν πρῶτον non male verti τὸν ἄρχοντα.

³⁵) n. 78.

Non illud, quum Christus non tam honore, quam eximia auctoritate, supremoque iure ecclesiae praefuerit, illamque adeo ita primum extruxerit, ut eiusdem regimen ad summam unius potestatem revocaretur. Non alterum, quod ea fulget evidentia, ut illustrari dicendo vix posse videatur. Evidens enim est quam quod maxime, suprema opus esse auctoritate, sive ut dissidia unitati infensa dextere praecaveantur, sive ut eadem iam oborta, ac in dies latius gliscentia refrenentur. Historia, analogia cum civili societate, praeceptaque bene consultae rationis demonstrant, seposita auctoritate ³⁶ supremi capitis temere ac prorsus *ἀλόγως* spem ali fore, ne propria ecclesiae unitas periclitetur. Quibus omnibus conficitur, auctorem fuisse Christum, ut Simon Petrus omnium *πρωτος* haberetur, inter ipsos apostolos *μειζων* esset, ac suimetipsius vice partes *τοῦ ὑγουμένου* in regno coelorum visibiliter expleret.

³⁶) Minime autem audiendi sunt protestantes dum excipiunt, propterea ad tutelam unitatis necessarium non esse supremum visibile caput, quod Christus ecclesiae suo numine adsit. Etenim a) quo pacto voluerit Christus unitati ecclesiasticae consultum, non divinando praesumi, sed certis testimoniis illius consilium praeferentibus statui debet. Testimonia porro Christi consilium praefementia ostendunt, voluisse illum, ut destinatione atque institutione visibilis, supremique capitis unitati ecclesiae prospiceretur. Ad haec b) analogia fidei, quae negligi numquam debet, in hoc potissimum quaestionum genere interroganda est. Quae si interrogetur, liquebit, ordinem divinitus delectum hunc esse, ut ecclesia *κατὰ φανόμενον* humano more gubernetur. Eiusmodi autem gubernationis ratio omnino persuadet, tutelam unitatis ecclesiasticae neque e miraculis, neque

e novis revelationibus, sed e supremo, conspicuoque praeposito expectandam esse. Postremo c) utraque comparetur institutio, legalis per Moysen, et christiana per Filium. Illa, quamquam et multo angustior, et pleniori instructa codice, et certo tempore desitura, et novis in dies revelationibus, miraculisque sustentanda, auctore tamen Deo, qui omnia fortiter, suaviterque moderatur, supremo non caruit praeside, cuius curae, officioque integritas depositi, societatisque unitas committeretur. Arbitrabimur ne ergo, praesidio supremi, visibilisque praepositi instructam non fuisse ecclesiam, licet et multo synagogā amplior, et perpetua futura sit, neque codicem habeat tanta subtilitate digestum, neque missis identidem prophetis, editisque portentis erigi, reficique debeat? profecto si qui in hanc irent sententiam, imprudentissimi non iniuria viderentur.

CAPUT VIII.

Verba Christi Luc. XXII. 31 — 33: — ad unum spectant Petrum, eiusque ὑπεροχὴν confirmant: — cuius rationem pressius declarant: — ostenduntque ad primatum maxime fidei pertinere: — quod Patres adnotarunt: — iisque collatis quae habentur Matth. XVI. 18, illustratur: — haec autem illustratio maiorem inde lucem nanciscitur, quod Petrus in societatem venerit singularis cuiusdam dotis, quae Patri, Filio ac Spiritui-sancto προηγούμεως convenit.

85. Vix dum eum sermonem Christus absolverat ¹, quo ex apostolis aliquem, eumque ² Simonem Petrum omnibus μείζονα, omniumque πρωτον καὶ ἡγούμενον fore significaverat; quum oratione ad eundem Petrum conversa, his eum verbis ³ alloquutus est: Σίμων, Σίμων, ἰδοὺ, ὁ σατανᾶς ἐξητήσατο ὑμᾶς, τοῦ σινιάσαι ὡς τὸν σίτον· ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου· καὶ σύ ποτε ἐπιστρέψας, στήριξον τοὺς ἀδελφούς σου. Constat vero quaecumque omnia hisce continentur, propria esse Petri ⁴, et ad eum unum dirigi atque referri. Quod 1) ostendit phrasis ad innuendos orationis transitus solemnus, εἶπε δὲ ὁ κύριος. Confirmat 2) natale Petri nomen non sine emphasi bis repetitum, Σίμων, Σίμων. Omnino autem 3) persuadet immutatio personae, quae collatis incisis, ἐξητήσατο ὑμᾶς, et ἐδεήθην περὶ σοῦ, evidenter apparet.

86. Jamvero quae propria sunt, si eadem ad excellentiam, dignitatemque pertineant, nequeunt non eorum numero censerī, quibus Petri ἐξοχὴ comprobatur. Inquirendum ergo est, utrum horum ambitu comprehendantur, quae Christus uni Petro vel mandat, vel confert, vel pollicetur. Sed ad hanc revera pertinere classem, multiplici ex capite assequimur. Etenim 1) eximium sit ac praestantissimum oportet, quod fructus est ac donum oratione Christi comparatum. Eiusmodi vero esse, quae Petro adscribuntur, ostendunt verba, ἐδεήθην περὶ σοῦ, pro te, tuique caussa rogavi. Quo autem 2) oratio spectaverit ad Patrem fusa, his continuo effertur: ἵνα μὴ ἐκλείπῃ ἡ πίστις σου, ne victa deficiat ⁵ fides tua. Sed nihil invicta fide praestantius, quum fides sit donum Dei maximum, et ipsius christianismi ὑπόστασις ac fundamentum. Praeterea 3) declarat Christus quid Petro iniunxerit, quodve illi officium demandaverit,

¹) Luc. XXII. 25 — 31.

²) n. 71.

³) Luc. XXII. 31 — 33.

⁴) Accuratiorem huius textus commentarium inferius exhibebimus.

⁵) Plenior interpretatio τοῦ ἐκλείπειν pro ratione contextus tum dabitur, quum secundis curis verba Christi expenduntur.

inquiens: *στήριζον τοὺς ἀδελφούς σου, robora⁶ et confirma fratres tuos*, neque sinito ut tentatione oppugnati, et ad lapsum impulsī subvertantur et concidant. Nemo autem neget stabiliendi officium esse cum dignitate atque auctoritate coniunctum, eumque, cui creditur, illis anteponi, qui ab eodem confirmandi perhibentur. Accedit 4) nexus sane perspicuus, quo haec cum iis devinciuntur, quae Matthaeus⁷ refert, quaeque nos superius⁸ expendimus. Ita namque sibi manifeste respondent:

Ὅτι σὺ εἶ Πέτρος, καὶ ἐπὶ ταύτῃ
τῇ πέτρᾳ οἰκοδομήσω μου τὴν ἐκ-
κλησίαν.

Ἐγὼ δὲ ἐδείχθην περὶ σοῦ, ἵνα
μὴ ἐκλείπῃ ἡ πίστις σου· καὶ σὺ
ποτε ἐπιστρέψας, στήριζον τοὺς
ἀδελφούς σου.

Sed ratio τῆς πέτρας, cui inaedificanda ecclesia incumbat, et a qua suam firmitatem mutuetur, excellentiam refert, singularemque praestantiam. Eodem ergo redit vis et ratio τοῦ στηρίγματος, quae heic Petro prae eiusdem fratribus asseritur.

87. Fateor tamen vix aliunde quidpiam ad ornandam Petri ὑπεροχὴν colligi accommodatius posse, quam ex iis divinarum litterarum testimoniis, quibus stabiliendi, confirmandique dignitas Patri, Filio, ac Spiritui-sancto προηγούμενως⁹ vindicatur. Ac Patri sane vindicatur, quum¹⁰ dicitur: τῷ δὲ δυναμένῳ ὑμᾶς στηρίζαι κατὰ τὸ εὐαγγέλιόν μου μόνῳ σοφῷ θεῷ διὰ Ἰησοῦ Χριστοῦ, δόξα εἰς τοὺς αἰῶνας. Item quum¹¹ additur: ὁ δὲ βεβαιῶν ὑμᾶς σὺν ἡμῖν εἰς Χριστόν, καὶ χάρις ἡμῶς, Θεός. Neque minus quum¹² subditur: ὁ δὲ Θεὸς πάσης χάριτος, ὁ καλέσας ὑμᾶς εἰς τὴν αἰώνιον αὐτοῦ δόξαν ἐν Χριστῷ Ἰησοῦ, ὀλίγον παθόντας, αὐτὸς καταρτίσει ὑμᾶς, στηρίζει, σθενώσκει, θεμελιώσκει.

Ad Christum vero ista¹³ pertinent: ὡς οὖν παραλάβετε τὸν Χριστόν Ἰησοῦν τὸν κύριον, ἐν αὐτῷ περιπατεῖτε, ἐρριζωμένοι καὶ ἐποικοδομούμενοι ἐν αὐτῷ καὶ βεβαιούμενοι ἐν τῇ πίστει. Tum¹⁴ haec: ἀπεκδεχομένους τὴν ἀποκάλυψιν τοῦ κυρίου ἡμῶν Ἰησοῦ Χριστοῦ· ὃς καὶ βεβαιώσκει ὑμᾶς ἕως τέλους ἀνεγκλήτους. Et¹⁵ rursum: αὐτὸς δὲ ὁ κύριος ἡμῶν Ἰησοῦς Χριστός παρακαλέσαι ὑμῶν τὰς καρδίας καὶ στηρίζαι ὑμᾶς ἐν παντὶ λόγῳ καὶ ἔργῳ ἀγαθῷ.

Innumera porro sunt, quibus confirmandi, stabiliendique virtus ac munus Spiritui-sancto defertur. Confirmationis enim, stabilitatisque auctor toties prae-

⁶) Complexam hanc τοῦ στηρίζειν notionem series orationis commendare videtur.

⁷) Matth. XVI. 18.

⁸) nn. 21. seqq.

⁹) Id est κυρίως καὶ προκαταρκτικῶς, ut Chrysostomus in Matth. hom. LXXII. al. LXXIII. n. 3. interpretatur.

¹⁰) Rom. XVI. 25—27.

¹¹) II. Cor. I. 21.

¹²) I. Petr. V. 10.

¹³) Coloss. II. 6—7.

¹⁴) I. Cor. I. 7—8.

¹⁵) II. Thess. II. 16—17.

dicatur, quoties illi adscribitur quod ¹⁶ doceat omnem veritatem, inducat ¹⁷ in omnem veritatem, eaque ¹⁸ in animos revocet, quae Christus tradiderat. Luculentissime vero a Paulo, qui testatur ¹⁹ flagitare se a Deo Patre, *ἵνα δώῃ ὑμῖν, κατὰ τὸν πλοῦτον τῆς δόξης αὐτοῦ, δυνάμει κραταιωθῆναι διὰ τοῦ πνεύματος αὐτοῦ εἰς τὸν ἔσω ἄνθρωπον.*

88. Igitur quod augustae Trinitatis proprium est, quodque a Patre, Filio et Spiritu-sancto exspectari *προσηγουμενως* potest; id pro ea ratione, quae cadere in hominem potest, voluit Christus, ut ipsi quoque Petro participatione conveniret. Voluit nimirum, ut quem communione ²⁰ illius dotis, qua *πέτρα* est, sibi propius coniunxerat; communione similis dotis, qua una cum Patre et Spiritu-sancto *στήριγμα* est et fidelium *στάσις*, cum divina Trinitate propius coniungeretur. Jamvero siqua norma suppetit excellentiae, dignitatisque aestimandae opportuna, ea sane est, quae e divinarum proprietatum, divinorumque munerum participatione desumitur. Quo ergo constat propius ad Deum hoc participationum genere ²¹ Petrum accessisse, eo prae ceteris sublimius evectum, ceterisque longius antepositum manifestum esse debet.

89. Eos autem inter ipsos quoque apostolos censendos esse, neque obscurum erit, neque dubium, si attendatur, illis *ἀμέσως*, nominatimque praeponi, qui appellatione ²² *τῶν ἀδελφῶν σου*, ac pronomine *ὑμῶς* significantur. Hos autem esse apostolos, antecedentia, consequentia, ac totius orationis series demonstrant. Apostolis ergo praefertur Petrus, illos in suam tutelam recipit, neque minus inter illos praestat, quam *τὸ στήριγμα πίστεως καὶ ἡ πέτρα* iis praecellit, qui constantiam, firmitatemque sortiuntur. E quibus vis ac ratio innotescit praefinitae divinitus oeconomiae, qua Christus firmitati ecclesiae, constantiaeque in fide ipsorum apostolorum ²³ prospiciendum duxit. Confirmavit primum, invictoque robore Petrum donavit, ut petra fieret immobilis, ac basis fidei inconcussa: tum illi commisit, ut quam acceperat fidei firmitatem, fratribus, idest, apostolis impertiret, per fratres vero atque apostolos cum universa qua late patet ecclesia ²⁴ communicaret.

90. Quae quum ita sint, nihil impedit quominus et rationem dignitatis, qua Petrus claruit, enucleatius exponamus, et vim illius auctoritatis, qua excelluit, pressius definiamus. Quum enim coelestium largitate donorum id Christus

¹⁶) Joh. XVI. 13. coll. XIV. 17—26.

¹⁷) Joh. XIV. 16.

¹⁸) Ibid. v. 26.

¹⁹) Ephes. III. 16.

²⁰) nn. 17. seqq.

²¹) Non possum mihi temperare, quin divinum hunc fontem ornamentorum Petri crebro commemorem, oculisque subiiciam. Pro certo namque habeo potissimam erandi caussam inde protestantibus obortam

esse, quod non uti par erat, sinceram primatus caussam animo reputaverint.

²²) Luc. XXII. 31—32.

²³) Quae nolim ita accipiantur, ac si Christus *ἐμέσως* dumtaxat per Petrum, non item *ἀμέσως* per semetipsum stabilitati apostolorum consuluerit.

²⁴) Quibus non nego universam ecclesiam a Petro *proxime* sustentari, sed hierarchicam ordinationem repraesento.

perfecerit, ut fidei constantia, et munere tuendae fratrum fidei Petrus emineret; nullo aptius nomine, quam *primatus in fide*, eiusdem *ὑπεροχῇ* efferri posse videtur. Ecquae enim, peto, ad huius primatus rationem necessaria sunt ac sufficiunt? quo rem scrutabimur intimius, eo perspicimus luculentius, postulari ac sufficere: 1) ut illius fides, qui eo primatu insignis habetur, constantia excellat: tum 2) ut propriis creditam curis fratrum fidem divinitus acceperit. Sed quid horum Petro deficit? non primum, quum ²⁵ scriptum legamus: *ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου*. Non alterum, quum Petro dicatur: *στῆριζον τοὺς ἀδελφούς σου*. Praestantia ergo et dignitas Petri verissimo quodam sensu est, dicique debet *primatus in fide*.

91. Quod sanctissimi ecclesiae patres modo disertis, ac modo significandi potestate aequipollentibus sentiis non infrequenter declararunt. Ad harum classem spectant ²⁶ Prudentii, Cyrilli ²⁷ hierosolymitani, Chrysostomi ²⁸ et ephesinae ²⁹ synodi testimonia, quibus efferendi, laudandique Petri occasionem inde desumunt, quod *summus* fuerit *Dei discipulus*, atque adeo ceterorum omnium magister, *praedicator summus*, cui propterea reliqui omnes aures praeberent, *fidei* autem *firmamentum* ³⁰ et *columna*. Ad priorem vero referri debent quae ³¹ Ambrosius, Cassianus ³² et ³³ Marcianus imperator confirmant, iis a Christo ornamentis Petrum fuisse instructum, ut *primatum fidei*, et *fidei principatum*, et *principatum in episcopatu fidei* obtinuerit. Quibus si honorem, excellentiamque significari contenderem, de ipsa luce ambigere videri non immerito possem. Hac igitur quaestione seposita, illud in medium adducatur utilius, utrum auctoritas, eaque potior iis pariter significetur. Sed in promptu est responsio, ac omnino expeditissima. Primatus enim fidei, et principatus in episcopatu fidei ne cogitari quidem mente possunt, quin simul de munere cogitetur, quo poterat ac debebat Petrus constantiae et integritati communis omnium fidei prospicere. Duo autem sunt cum hoc munere arctissime cohaerentia, *ius* inprimis, eorumque omnium *facultas*, quae eidem explendo, perficiendoque necessaria essent atque opportuna: *officium* deinde, quo reliqui ad unum omnes cum Petro consentire, et unam, eandemque cum eo fidem profiteri tenerentur. Dignitas ergo

²⁵) Luc. XXII. 32.

²⁶) Praefat. lib. II. con. Symmachum, vv. 1—2:

Simon, quem vocitant Petrum,
Summus discipulus Dei.....

²⁷) Catech. XI. n. 3: *Πέτρος ὁ πρωτοστάτης τῶν ἀποστόλων, καὶ τῆς ἐκκλησίας κορυφαῖος κήρυξ*.

²⁸) Homil. de talentorum decem milium debitore.

²⁹) Act. III.

³⁰) Quae Patrum loquendi ratio ex iis perspicue deducta est, quibus Paulus de ecclesia loquens I. Tim. III. 15. ait: *Ἦτις ἐστὶν ἐκκλησία θεοῦ ζῶντος, στέλος καὶ ἰδρυμα τῆς ἀληθείας*.

³¹) De Incarnat. cap. IV. n. 32.

³²) De Incarnat. lib. III. cap. XII.

³³) Epist. LXXIII. inter Leon. edit. Ballerin.

Petri, quae *primatus fidei*, et *principatus in episcopatu fidei* merito nuncupatur, supremo quodam iure postulandae, exigendaeque fidei consensionis potissimum continetur.

CAPUT IX.

De iis quae Christus mortis iam victor erga Petrum gessit: — ac de iis nominatim, quae habentur Marc. XVI. 6—7, Luc. XXIV. 33—35, I. Cor. XV. 3—9: — eo spectant, ut Petrum omnibus praepositum demonstrent: — ea vero cura habitum, quae universalem magistrum, et μέγιστον τῶν ἀποστόλων deceret.

92. Si quae Christus mortalem adhuc vitam vivens erga institutam a se ecclesiam adhibuit, paullo velimus diligentius considerare, facile deprehendemus, his ea capitibus maxime contineri. Scilicet I. coetum, quem coegerat, quemque ecclesiae nomine¹ ornaverat, ipsemet rexit, ac uti visibile caput suprema auctoritate² gubernavit. Tum II. ex universo discipulorum numero duodecim³ secevit, quibus et *apostoli* appellationem, et promissionem fecit⁴ potestatis, qua quaecumque solverent aut ligarent in terris, in coelis item soluta, ligataque censerentur. Quemadmodum vero III. ex omnibus discipulis seorsum duodecim, ita hos inter unum⁵ delegit Simonem, cui propheticum Petri nomen indidit, quemque factis, dictisque significavit futurum omnium *πρωτον καὶ ἡγούμενον*, auctoritate praestantiozem, primatu fidei insignem, eoque iure pollentem, quo universitatem fidelium in una eademque fidei professione contineret.

93. Porro quum peccati, inferni, mortisque iam victor eo esset Christus⁶ rediturus, uide infinita⁷ Patris benevolentia ad redimendum, sanandumque hominum genus descenderat, promissiones duodecim factas exsolvit, potestatemque⁸

¹) Id primum fecit Matth. XVI. 18, ubi simul declaravit, quinam vices conspicui fundamenti esset obiturus.

²) n. 74.

³) Luc. VI. 13. coll. I. Cor. XII. 28, Ephes. IV. 2.

⁴) Matth. XVIII. 18.

⁵) nn. 13. seqq.

⁶) Joh. XVI. 5—10—16—28.

⁷) Joh. III. 16.

⁸) Matth. XXVIII. 18. coll. Marc. XVI.

14. seqq. Ubi notari petulantia debet Marci Antonii de Dominis in priore de Republica ecclesiastica libro, cap. II. n. 20. scribentis: „Habemus itaque apostolis *nihil aliud* datum, nihil commissum, nisi purum ministerium fidei Christi, per evangelii praedicationem, ministerialiter *et non potestative* propagandae, et per baptismi usum salutarem.“ Ita ne vero? huc ergo redit apostolorum *ἐξουσία*? quam aliter Chrysostomus, qui de Pauli ordinatione Act. XIII. 2. loquens, ait hom. XXVII. in

universalis magisterii, legiferam⁹, iudiciariam¹⁰ et exequentem¹¹ solemnibus, ratisque verbis adscripsit. Neque aliter cum Petro egit, quem tot antea signis, argumentisque prae habuerat, omniumque caput, ducemque extitutum significaverat. Immo ea redivivus praestitit, eaque dixit, ut de collata eidem principe dignitate, supremoque magistratu dubitationem omnem praeciderit. Potiora quae huc pertinent, maiori, qua potero, perspicuitate explanabo.

94. Inprimis autem se cura offert, studiumque singulare, quo operam Christus dedit, ut primatus fidei Petro tributus, supremique magisterii dignitas eidem collata omnibus exploratissima redderetur. Ecquid enim ad utrumque manifestandum conducere maxime poterat? eiusmodi, credo, rerum, eventuumque dispositio, e qua pateret, electum divinitus fuisse Petrum, cui fidei, religionisque arcana prae ceteris aperirentur. Sed ea sunt evangelicis et apostolicis litteris consignata, quae non sinunt, ut de hac dispositione vel levissime dubitemus. Ut enim hinc ordiar, angelus qui mulieribus¹² apparuit de Christo sollicitis, ac illius corpus in sepulchro anxie quaeritantibus, postquam Christum e mortuis surrexisse his verbis¹³ declaravit, ἡγέρθη, οὐκ ἔστιν ὢδε: continuo¹⁴ adiecit, ἀλλ' ὑπάγετε, εἰπατε τοῖς μαθηταῖς αὐτοῦ, καὶ τῷ Πέτρῳ, sed ite, dicite discipulis eius, ac Petro.

95. Quis iamvero tardus sic est, qui coelestem non sentiat curam, ut unus prae omnibus Petrus de divino resurrectionis mysterio erudiretur? profecto quum Petrum e carcere ereptum, vinculisque expeditum his eos verbis, penes quos se primum¹⁵ receperat, alloquentem legimus¹⁶: ἀπαγγείλατε Ἰακώβῳ καὶ τοῖς ἀδελφοῖς: nemo nostrum est qui non intelligat, eximiam iis significari curam, qua Petrus unum prae ceteris Jacobum totius certiore eventus desiderabat. Sed posteriora haec prioribus illis sunt omnino simillima. Praeterea, quid ea denotat distributio, εἰπατε τοῖς μαθηταῖς αὐτοῦ, καὶ τῷ Πέτρῳ, qua Petrus e discipulorum numero secernitur? an non ipse etiam Petrus unus erat e discipulis? nemo ambigat. Cur ergo¹⁷, ac si neque ex eorum numero esset, neque communi *discipulorum* appellatione comprehenderetur, seorsum atque nominatim nuncupatur? frustra caussam ab ea diversam quaeras, quam ipsum *Petri*

Acta: Χειροτονεῖται λοιπὸν εἰς ἀποστολήν, ὥστε μετ' ἐξουσίας κηρύττειν.

⁹) Matth. XVIII. 18. coll. Joh. XX. 21, Act. XV. 28—41, XVI. 4, XX. 28, Tit. I. 5.

¹⁰) Matth. XVIII. 17. coll. Joh. XX. 23.

¹¹) I. Cor. V. 4—5, II. Cor. X. 6, I. Tim. V. 20, Tit. I. 13, II. 15.

¹²) Marc. XVI. 5.

¹³) Ibid. v. 6.

¹⁴) Ibid. v. 7.

¹⁵) Act. XII. 12.

¹⁶) Ibid. v. 17.

¹⁷) Eadem de caussa, qua Jacobus, quamquam et ipse *frater* esset, a fratribus tamen accurate distinguitur. Sic enim frater erat, ut simul fratribus praesesset, illorumque episcopus, ut fert constans apud Petavium de Ecclesiast. Hierarchia, lib. I. capp. VII—VIII. traditio, haberetur. Unde illa in apostolic. constitutt. lib. VIII. cap. XXXV: Ἐπίσκοπος δὲ ὑπ' αὐτοῦ τοῦ κυρίου, καὶ τῶν ἀποστόλων Ἱεροσολύμων χειροτονηθείς,

nomen luculentissimam praebet. Erat utique Petrus e discipulorum numero, ac eos inter censebatur, sed suo insignis prophetico nomine, et ad eam praerogativam destinatus, quam illud praemonstrabat. Erat ergo e discipulorum numero, sed non tamquam unus e ceteris, verum uti ceteris quum nomine, tum destinatione praestantior. Quare fuit cur angelus seorsum illum nuncuparet, singularemque de eo curam praeferret.

96. Quam ipse quoque Christus praetulit, illique inter apostolos primum apparuit, eiusdemque testimonio perfecit, ut ancipites ac in varia distracti ceterorum animi tandem conquiescerent. Lucas enim de discipulis ¹⁸ Emmaus euntibus, et conspecto iam Domino Hierosolymam repetentibus, sic habet ¹⁹: καὶ ἀναστάντες αὐτῇ τῇ ὥρᾳ, ὑπέστρεψαν εἰς Ἱερουσαλὴμ· καὶ εὗρον συνηθροισμένους τοὺς ἑνδεκα ²⁰ καὶ τοὺς σὺν αὐτοῖς, λέγοντας· ὅτι ἡγέρθη ὁ κύριος ὄντως, καὶ ὥφθη Σίμωνι. Quorum ego vim, potestatemque non prius declaro, quam propriam particulae καὶ significationem in incenso, ὅτι ἡγέρθη ὁ κύριος ὄντως, καὶ ὥφθη Σίμωνι, breviter explicaverim. Quum itaque particula καί, non secus ac hebraica וְ, pro contextuum discrimine omnium propemodum coniunctionum vices subeat, locumque teneat; potestatem non raro induit *caussalem*, idemque valet ac penes latinos, *nam, enim*. Exempli affatim suppetunt, quorum aliquot in subiecta adnotatione ²¹ describam. Jamvero sermonis, quem prae manibus habemus, ea est ratio, partiumque iunctura, ut καὶ nonnisi αἰτιολογικῶς accipi possit, reddique propterea debeat, *enim*, isque sensus existat: *surrexit Dominus non φανομένως* apparenter, sed ὄντως ²² *reipsa, apparuit enim Simoni*; ac eo res iam pervenit, ut non unius Magdalenae verbis, fluxisque coniecturis, sed certa Simonis testificatione comprobetur.

97. E quibus sane est consequens: a) Christum antea Simoni, quam apostolis reliquis se conspiciendum exhibuisse: b) de illius fide, divinorumque δογμάτων notitia singularem plane curam demonstrasse: per eum vero c) tamquam principem testem, ac omnino Θεοδιδάκτον effecisse, ut reliquorum fides confirmata erigeretur. Sed quid his ad ostendendas Simonis praerogativas accommodatus, quid ad persuadendum validius, eum fuisse delectum, ut ceterorum esset

¹⁸) Luc. XXIV. 13.

¹⁹) Ibid. vv. 33—35.

²⁰) Quomodo τοὺς ἑνδεκα, quum Joh. XX. 24. Thomas abesset? quod eiusmodi numerus ad collegium potius, quam ad praesentes referretur.

²¹) Cf. Luc. I. 14, Joh. III. 13, I. Cor. XIV. 32, I. Joh. III. 4, Apoc. I. 8; et e veteri testamento, Gen. XXII. 12, Judd. VI. 14, Ps. LX. 13.

²²) Cui illustrando adverbio conferunt

quae in Ignatii epistola ad Smyrnaeos, n. 3. legimus: Ὅτε πρὸς τοὺς περὶ Πέτρον ἦλθεν, ἔφη αὐτοῖς· λάβετε, ψηλαφησατέ με, καὶ ἴδετε, ὅτι οὐκ εἰμι δαιμόνιον ἀσώματον. καὶ εὐθὺς αὐτοῦ ἤψαντο, καὶ ἐπίστανσαν. Eadem repetuntur in apocrypho libro inscripto; *Doctrina Petri*. Desumta vero esse ex evangelio secundum Hebraeos, testis est locuples Hieronymus in prooemio ad librum XVIII. commentariorum super Isaiam, et in catalogo Scriptorum Ecclesiasticorum, n. 27.

πέτρα καὶ στήριγμα, eosque inter primatu fidei emereret? Quo ea pariter referenda sunt, quibus Paulus summam veluti aliquam christianae professionis complexus, ita ²³ orditur: παρέδωκα γὰρ ὑμῖν ἐν πρώτοις, ὃ καὶ παρέλαβον. Quidnam vero? ὅτι Χριστὸς ἀπέθανεν ὑπὲρ τῶν ἁμαρτιῶν ἡμῶν κατὰ τὰς γραφάς· καὶ ὅτι ἐτάφη, καὶ ὅτι ἐγήγερται τῇ τρίτῃ ἡμέρᾳ κατὰ τὰς γραφάς. Quibus praecipua religionis capita ²⁴ efferuntur, ac illud nominatim de resurrectione Christi, de quo apostolus ²⁵ subdit: εἰ δὲ Χριστὸς οὐκ ἐγήγερται, κενὸν ἄρα τὸ κήρυγμα ἡμῶν, κενὴ δὲ καὶ ἡ πίστις ὑμῶν.

Quare quum tanta esset huius articuli gravitas, ut ex eo tota veluti penderet christianae disciplinae veritas; summopere decuit, ut quoad eius fieri poterat, validissime stabiliretur. Quod Paulus non omisit, sed *instrumentis* primum, ac deinde *testibus* ²⁶ confirmavit. Ad confirmationem ex instrumentis ista pertinent: ὅτι ἐγήγερται τῇ τρίτῃ ἡμέρᾳ κατὰ τὰς γραφάς. Viden quomodo ad Scripturas provocat, iisque, tamquam authenticis instrumentis causam statuit? sed ad testes e vestigio ²⁷ progressus, subdit: καὶ ὅτι ὤφθη Κηφᾶ, εἴτα ²⁸ τοῖς δώδεκα. ἔπειτα ὤφθη ἐπάνω πεντακοσίους ²⁹ ἀδελφοῖς ἐφάπαξ, ἐξ ὧν οἱ πλείους μένουσιν ἕως ἄρτι, τινὲς δὲ καὶ ἐκοιμήθησαν. ἔπειτα ὤφθη Ἰακώβω, ἔπειτα τοῖς ἀποστόλοις πᾶσιν· ἔσχατον δὲ πάντων, ὥς περὶ τῷ ἐκτροπώματι, ὤφθη κάμοι. ἐγὼ γάρ εἰμι ὁ ἐλάχιστος ³⁰ τῶν ἀποστόλων.

98. E quo Pauli sermone nihil evidentius, quam a) Cepham adduci, ut qui ex apostolis primum Christum conspexerit: b) illum inter testes primum

²³) I. Cor. XV. 3; ubi munus christiani doctoris praeclarissime descriptum habes. Illius videlicet est primo quidem a praeordinatis testibus *accipere* quod teneat: deinde vero quod *acceperit*, non quod ipse inveniendū excogitaverit, summa fide auditoribus *tradere*.

²⁴) Quamquam non minima sit varietas symbolorum, quae in Patrum libris referuntur, quaeque Usserius et Binghamus collegerunt, et quibus addi plurima possent; nihilominus una atque eadem in omnibus *forma*, et articulorum distributio apparet, adeo ut qui unum noverit, omnia novisse non immerito censeatur. Cuius in tanta varietate consensionis inde petenda videtur ratio, quod *παράδειγμα* veluti ali-quod ab ipsis apostolis profectum omnium mentibus praeluxerit.

²⁵) I. Cor. XV. 14.

²⁶) Ibid. vv. 4—9; ubi rite Bengelius

notat, praemissa Scripturarum auctoritate, fidem humanam testimoniis hominum a Paulo iuvare.

²⁷) Inversum ordinem sequitur Petrus in altera epistola, cap. I. 18—20.

²⁸) Vulgatus legit ἑνδεκα.

²⁹) Coniectura Bezae, legendum esse πεντήκοντα, non talis est quae probari possit.

³⁰) Ad hanc vocem ita Semlerus scribit: „Ἐλάχιστος, retulerunt iam plures ad nomen latinum *Paulus*; idem certe utrumque significat.“ Sed neque antecedentia, neque comitantia, neque sequentia eiusmodi allusionem ferunt: immo omnino postulant, ut ἐλάχιστος de *minimo* accipiat ratione non *quantitatis*, sed *qualitatis*, cuiusmodi est praestantia et dignitas. Idem ferme hoc loco significat Paulus, quod Ephes. III. 8: Ἐμοὶ δὲ ἐλαχιστοτέρω, *mihi autem minimo minori, minimissimo*.

censeri, eidemque supremum locum, supremamque auctoritatem deferri: c) censeri *nominatim*, quum reliqui nonnisi *universim* commemorentur: ac tandem d) sin minus disertis verbis, tacite saltem *apostolorum maximum* nuncupari.

Sic enim orationem tribuisse Paulus videtur, ut ex ordine manifestationum praestantiam, dignitatemque eorum collegerit, quibus Christus apparuit. Unde postquam ³¹⁾ dixit: *ἔσχατον δὲ πάντων, ὡς περὶ τῷ ἐκτρώματι, ὡφθῇ καί μοι*: continuo, particula *γάρ* adhibita, inferendoque ³²⁾ subiecit: *ἐγὼ γάρ εἰμι ὁ ἐλάχιστος τῶν ἀποστόλων*. Si ergo Paulus inde se apostolorum *ἐλάχιστον* profitetur, quod omnium ultimus Christum viderit; quid, quaeso, ad veritatis speciem propius accedens, quam Cephā propterea apostolorum *μέγιστον* dici oportere, quod ipse omnium primus Christum conspexerit?

99. Quam ego consequutionem non admodum urgerem, nisi Scripturarum, Patrumque auctoritate sustentarer. Sustentor autem bibliorum auctoritate, sive quum propheticum Cephae ³³⁾ nomen, quod nomen est supremæ auctoritatis, mecum reputo: sive quum animadverto, ipsius Christi ore ³⁴⁾ Petrum apostolorum *πρῶτον, ἡγούμενον, καὶ μείζονα*, idest, *μέγιστον* fuisse praenunciatum. Patrum vero certam, ratamque sententiam ex iis ducō luculentis omnino testimoniis, quae in Euchologio ³⁵⁾, in Archieratico ³⁶⁾, et in Tropario ³⁷⁾ graecorum continentur, quaeque alexandrina, quam dicunt Basilii ³⁸⁾ liturgia, similesque syrorum libri ³⁹⁾ repraesentant. In his enim monimentis, incredibile dictu est, quam crebris, perspicuisque sententiis Petrus nuncupetur, modo *ὁ κορυφαῖος τῶν ἁγίων μαθητῶν καὶ ἀποστόλων*, modo *ἐνδοξος καὶ πρωτοκορυφαῖος τῶν ἀποστόλων*, inde eiusmodi laudum ratione desumpta, quod ipse, uti auctor est Nazianzenus in homilia ⁴⁰⁾ Archieratico inserta, sit *ὑστερον τὸ τῆς ἐκκλησίας ἔρεισμα*, alterum a Christo ecclesiae fundamentum.

³¹⁾ I. Cor. XV. 8.

³²⁾ Ibid. v. 9.

³³⁾ nn. 15. seqq.

³⁴⁾ nn. 65. seqq.

³⁵⁾ Eucholog. pagg. 545—546—557—689. edit. Goarii, 1730.

³⁶⁾ Pontific. Graec. pag. 378. edit. Paris. 1676.

³⁷⁾ Cf. Leonis Allatii dissert. de libris ecclesiasticis Graecorum.

³⁸⁾ Opp. Basilii T. II. Append. pag. 683. edit. Garnerii.

³⁹⁾ Collect. Oriental. Liturg. T. II. pagg. 145. seqq.

⁴⁰⁾ Hanc describit et illustrat Habertus in eo, quem innuimus Pontificalis loco.

C A P U T X.

Postrema Christi ad Petrum verba, Joh. XXI. 15—20: — et Petri vicissim ad Christum, vv. 20—22: — quid his contineatur: — quae, quantaque Petri dignitas atque auctoritas demonstretur: — ea est auctoritas pastoris oecumenici: — cuius vis ac ratio plenius innotescit, collatis testimoniis Matth. XVI. 18—20, Luc. XXII. 31—33: — inspectoque habitu multiplici Christum inter atque Petrum: — concluditur, Petri προστασίαν neque negari posse, neque deprimi, quin Christi dotes, ornamentaque negentur aut deprimantur.

100. **Q**uod mortalis, mortisque victor tot, tamque praeclaris dictis, factisque Christus significaverat, delectum a se Petrum, ut apostolorum coetui praeesset, universalem ecclesiam gubernaret, easque obiret conspicui capitis partes, quas ipsemet expleverat; id haud paullo ostendit luculentius, quum ad Patrem rediturus voluntatem suam, fixumque decretum postremis verbis patefecit. Refert ista ¹ Johannes, quum descripta tertia Christi φανερώσει, qua fidem discipulorum de suimetipsius resurrectione confirmavit, continuo ² subdit: Ὅτε οὖν ἠρίστησαν, λέγει τῷ Σίμων Πέτρῳ ὁ Ἰησοῦς· Σίμων Ἰωνᾶ, ἀγαπᾷς με πλεῖον τούτων; λέγει αὐτῷ· ναί κύριε, σὺ οἶδας, ὅτι φιλῶ σε. λέγει αὐτῷ· βύσκε τὰ ἄρνια μου. Λέγει αὐτῷ πάλιν δεύτερον· Σίμων Ἰωνᾶ, ἀγαπᾷς με; λέγει αὐτῷ· ναί, κύριε, σὺ οἶδας, ὅτι φιλῶ σε. λέγει αὐτῷ· ποιμαίνε τὰ πρόβατά μου. Λέγει αὐτῷ τὸ τρίτον· Σίμων Ἰωνᾶ, φιλεῖς με; ἐλυπήθη ὁ Πέτρος, ὅτι εἶπεν αὐτῷ τὸ τρίτον· φιλεῖς με; καὶ εἶπεν αὐτῷ· κύριε, σὺ πάντα οἶδας· σὺ γινώσκεις, ὅτι φιλῶ σε. λέγει αὐτῷ ὁ Ἰησοῦς· βύσκε τὰ πρόβατά μου. Sunt autem tria in hoc potissimum sermone luculenta: atque inprimis, unum Petrum a reliquis apostolis, discipulisque secretum eum esse, quem Christus affatur: eximia deinde ac omnino praestantissima esse, quae illi uni tribuuntur: horum vero excellentiam neque honoris, neque ordinis finibus circumscribi, sed latius profundi, ac excellentiam prorsus esse universalis, supremaeque auctoritatis.

101. Sane ad unum *Petrum* sermonem dirigi, Christique verba ³ referri, probant nomina *propria* et *appellativa* Simonis, Simonis filii Johannis ⁴, et Petri,


¹) Joh. XXI. 4—15.

²) Ibid. vv. 15—18.

³) Ibid.

⁴) Quod in vulgatis editionibus est,

Σίμων Ἰωνᾶ, in aliquot codicibus legitur,

Σίμων Ἰωάννα, cui lectioni favent Vulgatus, Hieronymus ad Matth. XVI, et Nonnus scribens, Ἰοάνναο. Syrus constanter habet  ⁷

quae adhibentur: probat manifestus orationis transitus, qui exprimitur verbis, *ὅτε οὖν ἡρρίστησαν, λέγει τῷ Σίμωνι Πέτρῳ ὁ Ἰησοῦς*: probat comparativa loquutio, *ἀγαπᾷς με πλεῖον τούτων*; *diligis me plus his?* neque enim huic locus esse posset, si ad omnes ex aequo Christi verba pertinerent: probant denique ⁶ sequentia, quae sicuti ad unum Petrum certissime spectant, ita cum praecedentibus arctissime devinciuntur. Itaque unus est Petrus, quem Christus alloquitur, eiusque ideo ⁶ *propria* censi debent quaecumque dicuntur.

102. Ea vero eximia praeterea esse et sublimia, colligi primum ex ea dote potest, quam *instar pretii* semel ac tertio Christus efflagitat. Vicibus enim omnino tribus postulat: *ἀγαπᾷς με πλεῖον τούτων*; *diligis me impensius* ⁷ *his?* sed quemadmodum praemium divinae caritatis nequit non esse eximium; ita *praestantissimum* sit oportet, quod caritati rependitur, quae impensior, eaque foret potior, qua apostoli, discipulique flagrarent. Ad haec, neque vulgaria, neque communia, sed exquisita et praestantia inculcari saepe, et crebrius commendari solent. Christus porro *ter* inculcat et commendat quod Petro impertit. Praeterea nemo est quem lateat, inter munera divinitus constituta illud eminere atque excellere, quod *pastorum* nuncupatur. Nam et episcopi ⁸ a Spiritu-sancto positi dicuntur, ut pascant gregem, qui in ipsis est: et de pastoribus testatur Paulus ⁹, eos institutos a Christo propterea esse, ut *occurramus omnes in unitatem fidei, et agnitionis Filii Dei, in virum perfectum, in mensuram aetatis plenitudinis Christi*. Jamvero in praesenti, quem versamus loco, Petrus instituitur non solum pastor, sed pastor κατ' ἐξοχήν et oecumenicus.

103. Instituitur pastor: illi namque dicitur, *ποιμαίνε τὰ πρόβατά μου*. Instituitur pastor κατ' ἐξοχήν: ab eo namque impensior caritas exigitur: *ἀγαπᾷς με πλεῖον τούτων*; Institui vero pastorem oecumenicum, ex ovibus patet, quae illius curae creduntur. Neque enim hae aut illae Petri studiis commendantur;

⁶) Joh. XXI. 18—23.

⁶) Hinc illa iunioris Arnobii ad Ps. CXXXVIII: „Illud ostendo, quod nullus apostolorum nomen pastoris accepit. Solus enim Dominus Jesus Christus dicebat: *Ego sum pastor bonus*. Hoc ergo nomen sanctum, et ipsius nominis potestatem post resurrectionem suam Petro poenitenti concessit.“

⁷) Etenim *πλεῖον* eandem heic vim praefert ac Luc. VII. 42: *Τίς οὖν αὐτῶν πλεῖον αὐτὸν ἀγαπήσει; uter igitur horum impensius eum amabit?*

⁸) Act. XX. 28.

⁹) Ephes. IV. 11—15. Iamvero si pastorum institutione eo Christus universim

spectavit, ut ἐνότης πίστεως custodiretur; idem ei propositum fuisse consilium, quum Petro dixit, *pasce oves meas*, tenendum est. Hoc autem interest Petrum inter ceterosque pastores, quod ille omnes omnino Christi oves in tutelam receperit: horum contra nemo sit, cuius munus tam ampliter pateat. Ex hoc porro discrimine alterum oboritur ad efferendam Petri dignitatem accommodatissimum. Est autem huiusmodi: pastores reliquos institutos a Christo esse, ut greges quique suos in fidei unitate contineant; Petro vero universas propterea oves creditas esse, ut catholicam omnium unitatem, consensionemque proprio sibi iure tueatur.

sed quotquot exprimuntur formulis, βόσκει τὰ ἀρνία μου, ποιμαίνει τὰ πρόβατά μου, βόσκει τὰ πρόβατά μου. His autem omnes ¹⁰ significantur, universumque, qua late patet, ovile comprehenditur. Officium ergo, pastorisque oecumenici auctoritas Petro defertur.

104. Cuius quidem eximia, singularisque praestantia splendidius enitescet, si quae Christus heic adhibet, cum iis componantur, quae in locis ὄντως geminis apud Matthaeum ¹¹ et Lucam ¹² reperiuntur. Eiusmodi enim comparatione liquet, ita phrases, sententiasque disponi oportere:

<p>Βόσκει τὰ ἀρνία μου, ποιμαίνει τὰ πρόβατά μου, βόσκει τὰ πρόβατά μου.</p>	<p>Καὶ σύ ποτε ἐπιστρέψας, στήριζον τοὺς ἀδελφούς σου.</p>	<p>Ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν· δώσω σοὶ τὰς κλεῖς τῆς βασιλείας τῶν οὐρανῶν· ὃ ἐὰν δήσῃς ἐπὶ τῆς γῆς, ἔσται δεδεμένον ἐν τοῖς οὐρανοῖς· καὶ ὃ ἐὰν λύσῃς ἐπὶ τῆς γῆς, ἔσται λελυμένον ἐν τοῖς οὐρανοῖς.</p>
--	--	---

At enimvero hac phraseon, formularumque dispositione intelligimus: I. multiplicem earum varietatem eo pertinere, ut dignitatis promissae primum, ac deinde Petro collatae plenior, accuratiorque notitia animo informetur. Quam enim singulae adumbrant, eandem simul omnes, cohaerentesque exprimunt ac repraesentant. Intelligimus II. Petri dignitatem amplam sic esse, ut omnino *universalis* existimari debeat. Tantum enim patet, quantum nomina *ecclesiae Christi*, eiusdemque *ovilis* ¹³ protenduntur. His autem significationem subesse universalem, nemo est qui iure diffiteatur. Intelligimus denique III. dignitatem esse cum suprema auctoritate coniunctam, quemadmodum *confirmandi*, *ligandi*, *solvendi* ¹⁴, *pascendique* vocabula ostendunt.

105. De quo postremo vocabulo ut nonnulla brevissime attingam, in memoriam revocabo, solemni, ratoque loquendi usu quum apud profanos, tum apud inspiratos, ecclesiasticosque scriptores, τὸ ποιμαίνω quoties non *proprie*, sed *metaphorice* et ad homines translatum accipitur, toties idem valere ac *rego*, *guberno*, *impero*, *aliisque iure prospicio*. Missa facio testimonia ¹⁵ τῶν ἔξω, neque ea commemoro, quae frequentia penes alexandrinis ¹⁶ occurrunt, et pauca solum e novo testamento, speciminis gratia, in medium adduco. Itaque eam, de qua loquimur, significationem τὸ ποιμαίνω manifeste refert, quum ¹⁷ dicitur:

¹⁰) Quum integrum ovile nonnisi agnis, ovibusque componatur. Sed plura inferius dabimus, invectasque expositionis corruptelas profligabimus.

¹¹) Matth. XVI. 18—20.

¹²) Luc. XXII. 32.

¹³) Nam τὰ ἀρνία μου καὶ τὰ πρόβατά μου idem manifeste sonant ac ἡ ἀνὴρ μου.

¹⁴) De potestate harum vocum infra plenius disseremus. Consuli interea poterit Danzii dissertatio ad Matth. XVIII. 18.

¹⁵) De his vide Casaubonum in Exercitt. Anti-Baronianis, Exercit. XVI. §. 133.

¹⁶) Uti II. Reg. V. 2, VII. 7, I. Paral. XI. 2, XVII. 6, Ps. XXIII. 1, XXVII. 12.

¹⁷) Matth. II. 6: Ἐκ σοῦ γὰρ ἐξελεύσεται ἡγούμενος, ὅστις ποιμανεῖ τὸν λαόν

ὅστις ποιμανεῖ τὸν λαὸν μου Ἰσραήλ. Eam, ubi legimus ¹⁸: ποιμανεῖ αὐτοὺς ἐν ῥάβδῳ σιδηρᾷ, *duro imperio illis praeerit*. Ac eam item, quum Petrus ¹⁹ scribit: ποιμάνετε τὸ ἐν ὑμῖν ποίμνιον τοῦ Θεοῦ, *gubernate qui penes vos est, gregem Dei*; ubi ποιμαίνειν per ἐπισκοπεῖν continuo explicatur. Ipsa ergo verborum certa, rataque explicatio postulat, ut oecumenici pastoris dignitas una cum suprema potestate divinitus Petro tradita existimetur.

106. Quod quum orthodoxi patres ²⁰ uno semper ore docuerint, illis tamen splendore verborum praeripuisse palmam Chrysostomus ²¹ videtur, qui relatis Christi ad Petrum dictis, βόσκε τὰ πρόβατά μου, e vestigio percontatur: καὶ τί δήποτε τοὺς ἄλλους παραδραμών, τούτῳ περὶ τούτων διαλέγεται; *et curram aliis praetermissis, de his, deque ovium cura hunc unum alloquitur?* quod, subdit, ipse ἐκκρίτος ἦν τῶν ἀποστόλων καὶ στόμα τῶν μαθητῶν, καὶ χοροφῇ τοῦ χοροῦ, *eximius erat*, prophetico nomine, et destinatione quae eo praesignabatur, *inter apostolos, et os discipulorum, et coetus illius caput*. Quarum laudum vim, rationemque uberius enarrans, pergit: διὰ τοῦτο καὶ Παῦλος ἀνέβη τοτὲ αὐτὸν ἱστορεῖν παρὰ τοὺς ἄλλους. Ἄμα δὲ καὶ δεικνὺς αὐτῷ, ὅτι χρῆ θάρσσειν λοιπόν, ὡς τῆς ἀρνήσεως ἐξεληλαμένης, ἐγχειρίζεται τὴν προστασίαν τῶν ἀδελφῶν. καὶ τὴν μὲν ἀρνήσιν οὐ προσφέρει, οὐδὲ ὀνειδίξει τὸ γεγονός· λέγει δὲ, ὅτι εἰ φιλεῖς με, προτίστασο τῶν ἀδελφῶν, καὶ τὴν θερμὴν ἀγάπην, ἣν διὰ πάντων ἐπεδείκνυσσο, καὶ ἐφ' ἣ ἡγαλλιάσω, νῦν δεῖξον, καὶ τὴν ψυχὴν, ἣν ἔλεγες θήσειν ὑπὲρ ἐμοῦ, ταύτην ὑπὲρ τῶν προβάτων ἐπίδος τῶν ἐμῶν. *Ideo quod tantis ornamentis insignis foret, eum prae aliis visurus Paulus ²² venit*. Porro ut Christus ei simul ostenderet, *fidendum deinceps esse, utpote negatione iam abolita, fratrum ei praefecturam committit ²³; negationem vero neque memorat, neque exprobrat*. Dicit autem, *si me diligis, praeesto fratribus, ferventemque illum amorem, quem in omnibus praetulisti, et de quo gestire videbaris, nunc ostende, et animam, quam te pro me positurum dicebas, pro meis iam ovis impendito*.

Tum aliquot interiectis, quaerit: πῶς οὖν ὁ Ἰάκωβος τὸν θρόνον ἔλαβε

μου, τὸν Ἰσραήλ. Alexandrini Mich. V. 2: Ἐκ σοῦ μοι ἐξελεύσεται ἡγούμενος, τοῦ εἶναι εἰς ἀρχόντα ἐν τῷ Ἰσραήλ. Hebraicus vero textus, מִיְּמִינִי לִי מֶלֶךְ, *ex te mihi egredietur ut sit dominator in Israel*. Itaque 1) Matthaeus per ἐπεξήγησιν addit, ὅστις ποιμανεῖ: vocabula vero 2) ὁ ποιμὴν, ὁ ἡγούμενος, ὁ ἀρχων, et מֶלֶךְ eiusdem sunt potestatis.

¹⁸) Apoc. II. 27.

¹⁹) I. Petr. V. 2.

²⁰) Quorum omnium expressisse mentem, sententiamque retulisse videtur Theodorus Studites, quum lib. I. epist. XXXIII. ad Leonem Pontificem scripsit: *Magno Petro Christus Deus post claves regni coelorum τῆς ποιμνιαρχίας ἀξίωμα pastoralis principatus dignitatem contulit*.

²¹) In Joh. homil. LXXXVIII. al. LXXXVII. n. 1.

²²) Gal. I. 18.

²³) Proprie, *in manus tradit*, quae est vis τοῦ ἐγχειρῆω ad potestatem significandam opportunissima.

τῶν Ἱεροσολύμων; quo igitur pacto, si Christus Petrum omnibus anteposuit, *thronum hierosolymitanum Jacobus accepit?* respondebo, inquit, ὅτι τοῦτον οὐ τοῦ θρόνου, ἀλλὰ τῆς οἰκουμένης ἐχειροτόνησε διδάσκαλον, quod Petrum non huius particularis throni, neque huius particularis sedis atque urbis, sed orbis totius doctorem, praesidemque instituerit.

107. Sed eo iam redeundum est, unde nonnihil defleximus, eaque considerata sunt quae Christus adiecit. Igitur ut Petrum ²⁴ dolentem, moerentemque reficeret, non illi solum tertio dixit, βόσκε τὰ πρόβατά μου, quibus abunde significavit, exploratissimam sibi esse caritatem, qua ab eo diligeretur; sed praeterea ²⁵ addidit: ἀμὴν ἀμὴν λέγω σοι, ὅτε ἡς νεώτερος, ἐζώννυες σεαυτὸν, καὶ περιεπάτεις, ὅπου ἡθέλεις· ὅταν δὲ γηράσῃς ²⁶, ἐκτενεῖς τὰς χεῖράς σου, καὶ ἄλλος σε ζώσσει, καὶ οἴσει ὅπου οὐ θέλεις. De quibus duo potissimum quaerenda videntur, quid ea significant, et quo nexu, quove vinculo cum praecedentibus cohaereant. Sed de significatione non est, cur admodum simus solliciti: interpretem enim habemus omni exceptione maiorem, ipsum videlicet Johannem, qui ²⁷ subdit: τοῦτο δὲ εἶπε, σημαίνων ποίῳ θανάτῳ δοξάσει τὸν Θεόν. Eo igitur spectavit Christus, ut Petro praenunciaret, quo exitu, quove mortis genere esset Dei gloriam illustraturus. Quare orationem ita temperavit, iisque verbis usus est ²⁸, quae ad innuendam crucis mortem essent accommodatissima.

108. Jamvero quam ista cum antecedentibus praeclare cohaereant, non difficile apparebit, si ad characterem, notamque attendatur veri, germanique pastoris, quam alibi Christus proposuerat. Quum enim de semetipso ²⁹ loqueretur, dixit: ἐγὼ εἰμι ὁ ποιμὴν ὁ καλός· ὁ ποιμὴν ὁ καλός τὴν ψυχὴν αὐτοῦ τίθησιν ὑπὲρ τῶν προβάτων. Et ³⁰ rursum: καθὼς γινώσκει με ὁ πατήρ, καὶ γὰρ γινώσκω τὸν πατέρα· καὶ τὴν ψυχὴν μου τίθημι ὑπὲρ τῶν προβάτων. Eius ergo, qui non sit ³¹ ὁ μισθωτός, sed expressam in semetipso imaginem referat τοῦ ποιμένος τοῦ καλοῦ, proprium est, ut si quando opus fuerit, vel expedierit, alacri, libentique animo pro ovibus vitam profundat. Quum ita vero

²⁴) Joh. XXI. 17.

²⁵) Ibid. v. 18.

²⁶) Occasione horum verborum scribit Chrysostomus: „Cur vero cum dixisset, ὅτε ἡς νεώτερος, addit, ὅταν δὲ γηράσῃς? ut significet, οὐκ ὄντα τότε νέον· οὐδὲ γὰρ ἦν· ἀλλ' οὐδὲ γεγηρακώς, ἀλλ' ἀνὴρ τέλειος.“ Quae illis opponenda sunt, qui Petri προστασίαν in provectionem aetatem refundunt.

²⁷) Joh. XXI. 19.

²⁸) Tales censeri debent phrases, ἐκ-

τενεῖς τὰς χεῖράς σου, ἄλλος σε ζώσσει, et οἴσει ὅπου οὐ θέλεις, omnino idoneae ad innuendum crucis supplicium, quo, imperante Nerone, Petrum fuisse mulctatum veteres cum Eusebio H. E. lib. II. cap. XXIV. unanimes testantur. Hinc illa Prudentii περὶ στεφάνων, hymn. XII. de Petro:

legibus Neronis

Pendere iussum praeminente ligno.

²⁹) Joh. X. 11.

³⁰) Ibid. v. 15.

³¹) Ibid. vv. 12—13.

se res habeat, nihil eo nexu evidentius, quo orationis partes a Christo adhibitae mutuo copulantur.

109. Idcirco enim post demandatum oecumenici pastoris officium, vehementi affirmatione, qualis particularum ³² ἀμὴν ἀμὴν repetitione continetur, subiecit fore ut Petrus pro ovibus, proque Dei gloria nobilissimum martyrium faceret; quod quum illi, tum apostolis, discipulisque omnibus compertum voluerit, eum ne tantillum quidem vel a praeceptoris vestigiis, vel ab iis recessurum, quae toties his verbis ³³ repetierat: τὴν ψυχὴν μου ὑπὲρ σοῦ θήσω, et ³⁴ rursum: καὶν δέξῃ με σὺν σοὶ ἀποθανεῖν, οὐ μὴ σε ἀπαρνήσομαι.

Ubi praeteriri silentio non debet eximia plane cura, quam Christus impendit, ut novis Petrum ornamentis honestaret, honestatumque e reliquorum numero secerneret. Ac multiplici omnino modo secrevit: sive quum universum ovile illi uni ³⁵ commisit: sive quum illi uni futurum martyrium praenunciavit, rationemque martyrii, quo cruci configendus erat, patefecit: sive demum quum ita omnia disposuit, ut Petrus munere, munerisque exequutione perfectissimus suimetipsius ἐκτυπος videretur. Munere inprimis: sicut enim ipse quamdiu nos inter degit, et nobiscum versatus est, nullam earum partium omisit, quae principis pastorum propriae sunt; ita ad Patrem iam rediturus, explendas illas, perficiendasque Petro commisit. Muneris deinde exequutione: sicut enim ipse pro ovibus animam posuit, mortem oppetiit, mortemque omnium ³⁶ deterrimam, cuiusmodi supplicium crucis habebatur; ita effecit, ut Petri munus eodem mortis genere coronaretur.

110. Hanc vero perfectissimam similitudinem ut brevissime, unoque verbo Christus significaret, iis, quae retulimus, praemissis, dixit ³⁷ Petro: ἀκολούθει μοι. Videlicet *sequere me*, non ea iam ratione dumtaxat, qua me sequutus es, quum a me primum ³⁸ audisti, *sequere me*: neque ea solum ratione, qua me fratres tui sequuti sunt, quum illis nominatim ³⁹ praecepi, ut *me sequerentur*; sed eo prorsus modo, qui eum decet, quem omnibus praetuli, quem totius ovilis pastorem institui, et cui meas obeundas, absolvendasque vices iniunxi. Quam brevissimae loquutionis vim quum persensisset Chrysostomus, hunc illi commentarium ⁴⁰ subiecit: ἐντεῦθεν πάλιν τὸ κηδεμονικὸν αἰνίσσεται, καὶ τὸ σφόδρα πρὸς αὐτὸν οἰκειῶς διακεῖσθαι. Atqui nihil, quod singularem Christi curam, familiaritatemque erga Petrum ostenderet, his verbis, ἀκολούθει μοι, contine-

³²) Joh. XXI. 18: Ἀμὴν ἀμὴν λέγω σοι, idest, ἀληθῶς, ὄντως, πεπιστωμένως.

³³) Joh. XIII. 37.

³⁴) Matth. XXVI. 35.

³⁵) n. 101.

³⁶) Philipp. II. 8: Ἐταπείνωσεν ἑαυτὸν, γενόμενος ὑπὸ ἡμῶν μέχρι θανάτου, θανάτου δὲ σταναροῦ.

³⁷) Joh. XXI. 19.

³⁸) Matth. IV. 19—20. coll. Marc. I. 17—18.

³⁹) Matth. IV. 21—22. coll. Marc. I. 20, II. 14.

⁴⁰) In Joh. homil. LXXXVIII. al. LXXXVII. n. 1.

retur, si communi, vulgarique significatione, non autem ea, quam proposuimus, acciperetur.

111. Interea praecipienti Christo, ἀκολουθεῖ μοι, morem gessit Petrus, et quum praeentem illum adsectaretur ⁴¹, ἐπιστραφεῖς . . . βλέπει τὸν μαθητὴν, ὃν ἡγάπα ὁ Ἰησοῦς, ἀκολουθοῦντα. Sequebatur ergo Johannes, non quod una cum Petro vocatus esset, sed quod prohibitus non esset, quominus altero post Petrum loco Christum sequeretur. Prae quibus nescio an desiderari quidpiam possit, quo princeps Petri dignitas manifestius declararetur. En, ipsum quoque Johannem, quem Christus una cum Petro toties ⁴² coniunxerat, quemque discipulorum carissimum habere videbatur, heic a Petro seiungit, seiunctumque postponit.

At vero Petrus, sive ut illi ⁴³ vicem rependeret, sive ut partem aliquam crediti sibi muneris iam tum obiret; vix eum sequentem conspexerat ⁴⁴, λέγει τῷ Ἰησοῦ· κύριε, οὗτος δὲ τίς; neque enim vel a meo adversus Johannem amore, vel ab officio confirmandi fratres, illosque pascendi, quod mihi imposuisti, alienum arbitrator novisse, quinam supremus eiusdem exitus futurus sit.

112. Cui ⁴⁵ Jesus respondit: εἰὰν αὐτὸν θελω μένειν ἕως ἔρχομαι, τί πρὸς σέ; σὺ ἀκολουθεῖ μοι. Videlicet neque ad te, neque ad tuum spectat munus futura praeoscere. De his ergo ne sis sollicitus, sed ⁴⁶ me τὸν ποιμένα τῶν προβάτων τὸν μέγαν, τὸν ποιμένα καὶ ἐπίσκοπον τῶν ψυχῶν ἡμῶν, τὸν ἀρχιποιμένα, tu alter a me pastor sequere, et παράδειγμα quod in metipso ostendi, fac in te quam accuratissime exprimas.

Quae quidem reputare mecum animo non possum, quin eos in Christum contumeliosos existimem, qui Petri primatum, supremamque eiusdem auctoritatem vel funditus negant, vel angustissimis honoris, ordinisque finibus coercent.

113. Unde enim aut ille oriri, aut haec censetur proficisci? inde omnino, quod Christus verbis illis, ποιμαίνε τὰ πρόβατά μου, suas explendas partes Petro detulerit, alterum post se pastorem ovilis illum constituerit, et consortem eius muneris, eorumque iurium effecerit, propter quae ipse est, diciturque ὁ ποιμὴν τῶν προβάτων ὁ μέγας, ὁ ποιμὴν καὶ ἐπίσκοπος τῶν ψυχῶν ἡμῶν, ὁ ἀρχιποιμήν. Quod igitur ferendum esset iudicium, si nihilominus aut nullo Petrus insignis primatu, aut nuda honoris, ordinisque praerogativa pollens credi oporteret? iudicandum esset, inanes esse divinorum munerum participationes, supremamque Christi in ecclesiam potestatem inde erui, colligique non posse,

⁴¹) Joh. XXI. 20.

⁴²) nn. 54. seqq.

⁴³) Eo enim usus erat interprete, ut a Christo audiret, quinam eum esset traditurus.

⁴⁴) Joh. XXI. 21.

⁴⁵) Ibid. v. 22. De triplici autem huius loci in latinis exemplaribus lectione:

sic eum volo manere: si sic eum volo manere: et si eum volo manere: lege quae scribunt Lucas brugensis in suis notationibus, La Haye, Nicolaus Zegerus, et Henricus de Bukentop in opere, *Lux de Luce*, lib. II. ad h. l.

⁴⁶) Hebr. XIII. 20. coll. I. Petr. II. 25, V. 4.

quod *magnus ovium pastor*, quod *pastor et episcopus animarumstrarum*, quodque *princeps pastorum* nuncupetur. Immo iudicandum esset, tanta nominum, titulorumque praestantia aut nullam penitus, aut umbratilem dumtaxat honoris, ordinisque dignitatem significari. Aequum enim est, ne aliter de fonte, ac aliter de propagato ex eo flumine statuatur: neve alia de sole, deque emissio ex eo radio sententia pronuncietur.

114. Quod quum sit suapte natura manifestum, luculentius reddi exemplo potest. Recolantur enim illa ⁴⁷ ad apostolos verba: ἐδόθη μοι πᾶσα ἐξουσία ἐν οὐρανῷ καὶ ἐπὶ γῆς· πορευθέντες ⁴⁸ μαθητεύσατε πάντα τὰ ἔθνη: ac ⁴⁹ ista rursum: καθὼς ἀπέσταλκέ με ὁ πατήρ, καὶ ἐγὼ πέμπω ὑμᾶς. Peto, si nulla apostolis fuisset praeciendi auctoritas, ius nullum, quo leges ferrent, et αὐθεντικῶς docerent: si eorum facultas omnis eo rediisset, ut praeconum instar verbum evangelii disseminarent, quid de potestate Christi a Patre accepta, deque missione, quam Patris nomine obierit, aestimandum foret? aestimari nimirum oporteret, umbram, speciemque potestatis, non potestatem ipsam ei fuisse delatam: in mundum autem eum venisse, non ut principis, regisque regum iura exerceret, sed ut nudum praeconis, legatigue officium absolveret.

Quae quum falsa sint, praepōstera, absurda, et in Christi ipsius iniuriam manifeste cedant, primum est arbitrari, non alio ea numero haberi posse, e quibus consequuntur. Inde autem consequuntur, quod Petro, quem Christus in consortium ⁵⁰ eius dignitatis adscivit, qua ipsemet est, ac *pastorum princeps* nuncupatur, primatus potioris iuris, universalisque potestatis denegetur. Si qui ergo haec Petro detrudere pergant, neque veritatem colere, neque divinam Christi maiestatem vereri, non immerito putabantur. Tanta scilicet est Christum inter ac Petrum muneris, auctoritatisque coniunctio, ut huius neque ornamenta deprimi, neque oppugnari iura possint, quin illius vicissim dotes, et summi ecclesiae principis maiestas impeti, ac in apertum discrimen adduci videantur.

⁴⁷) Matth. XXVIII. 18—19.

⁴⁸) Vulgatus legit, πορευθέντες οὖν, eunt ergo.

⁴⁹) Joh. XX. 21.

⁵⁰) Quod Petrus Chrysologus Serm. III. eleganter expressit, inquit: „Oves suas

Petro, vice sua ut pasceret, ad coelum remeaturus commendat.“ Quibus ista respondent e sacramentario gallicano ad diem festum cathedrae s. Petri, in Collecta: „Deus, qui hodierna die beatum Petrum post te dedisti caput ecclesiae ...“

C A P U T XI.

Evangelistarum de Petro scribendi ratio: — singularis ea est, ac omnino talis, qua illis potior eiusdem dignitas nota, compertaque ostenditur: — exempla quae huc pertinent, Marc. I. 36, XVI. 7; Luc. VIII. 45, IX. 32; Act. II. 14—37, V. 29: — illorum vis ac ratio intimius expenditur; — et Petri προστασία stabilitur.

115. Si haec instrumentis decidenda quaestio proponatur: an duo, pluresve eodem numero habendi sint, vel contra ex iis unus honore ac dignitate praepositus reliquis existimari debeat: nulla iniri posse commodior ratio videtur, quam si attendatur diligenter, similis ne, an dissimilis potius diversa^{que} *loquendi ratio* de iis usurpetur. Etenim norma est minime dubia, eadem de iis dici oportere, qui honore et auctoritate aequales sunt: fieri autem sine orationis fallacia nullatenus posse, ut de iis diversa adhibeantur, qui eodem honoris, auctoritatisque gradu potiuntur. Sunt enim verba idearum signa, iudiciorumque imagines, praeceptasque animo sententias quodam veluti in speculo depictas exhibent. Quapropter si unum, idemque sit de pluribus iudicium, una eademque sententia, nequeunt de iis adhibita verba non esse *communia*: quae si *alia* sint ac *diversa*, nihil opus praeterea est, ut aliud, diversumque de iis latum iudicium videatur.

116. Jamverò si in legendis, conferendisque evangeliiis hanc ob oculos obversantem regulam habuerimus, arduum nobis non erit intelligere, aliam evangeliorum scriptoribus de Petro, ac aliam de reliquis apostolis sententiam insedissee. Neque enim eodem pacto, ac similibus dicendi formulis de illo atque de hisce loquuntur; sed aliter de Petro, ac aliter de apostolis ceteris scribunt, eaque de uno Petro *constanter* habent, quae *numquam* de ceteris apostolis sive seorsum, sive coniunctim usurpant.

117. Sane eae inspiciantur dicendi formulae, quarum illis usus est concors, quum de Petro simul, ceterisque apostolis sermonem habent. Marcus ¹ scribit: *κατεδίωξαν αὐτὸν ὁ Σίμων καὶ οἱ μετ' αὐτοῦ, prosequuti sunt eum* (Jesum) *Simon, et qui cum illo*. Et ² alibi: *εἰπατε τοῖς μαθηταῖς, καὶ τῷ Πέτρῳ, dicite discipulis et Petro*. Consentit Lucas quum in Evangelio, tum in ³

¹) Marc. I. 36.

²) Ibid. XVI. 7.

³) Utrum *Acta*, vel *Actus* melius, scribit Lorinus, non moror: nunc hoc, nunc

illud usurpatur a Patribus, aliisque scriptoribus. Secundum haesit in bibliis emendationibus, eoque utitur ecclesia in divinis officiis. Budaeus etiam in Comment. Linguae graecae mavult *Actus*, quam *Acta*.

Actis. In Evangelio quidem⁴ scribens: εἶπεν ὁ Πέτρος καὶ οἱ μετ' αὐτοῦ, dixit Petrus, et qui cum illo. Rursum⁵: ὁ δὲ Πέτρος καὶ οἱ σὺν αὐτῷ ἦσαν, Petrus autem et qui cum ipso erant. In Actis vero, in quibus⁶ legimus: σταθεὶς δὲ Πέτρος σὺν τοῖς ἑνδεκά, stans autem Petrus cum undecim. Et aliquot⁷ interiectis: εἶπον δὲ πρὸς τὸν Πέτρον καὶ τοὺς λοιποὺς ἀποστόλους, dixeruntque ad Petrum, ceterosque apostolos. Ac denuo⁸: ἀποκριθεὶς δὲ ὁ Πέτρος καὶ οἱ ἀπόστολοι, εἶπον, respondens autem Petrus et apostoli, dixerunt.

118. E quibus duo sunt, quae προσεχῶς eruuntur: I. tum Petrum *nominatim* compelli, quum alii nonnisi *generatim* memorantur; sic vero Petrum *nominatim* efferri, ut reliqui appendicis instar subiici⁹ videantur: II. id fieri non semel dumtaxat ac rursum, sed *constanter*, atque adeo quoties cum reliquis censetur.

Porro huius in scribendo constantiae deesse caussa nequit, ne factum temere putetur, quod suimetipsius simile semper est, ac e certo, ratoque consilio profectum apparet. Huiusmodi ergo caussa investigari debet, eaque unice tamquam vera praeferrī, quae a) cum verbis ipsis coniuncta sit: b) clarioribus testimoniis consentiat: c) universalis sit, rationemque eorum omnium contineat, quae de Petro singulariter perhibentur: postremo d) illorum suffragio comprobetur, qui ante oborta de Petri dignitate dissidia pietatis, sapientiaeque fama claruerunt. Atqui unus est Petri primatus, eiusque potior auctoritas, cui ista convenient quae numeravimus.

119. Et re sane vera caussa *e verbis ipsis* deducta fingi alia non potest, quam quae ex adhibitis formulis suapte sponte consequitur, et e prophetico Petri nomine dimanat. Eo enim insignis nomine exhibetur Simon, vel quum nominatim compellatur, vel quum reliqui apostoli, tamquam socii, comitesque eidem subiiciuntur. Sed quemadmodum formularum ratio¹⁰ ea est, quae Petri dignitatem, excellentiamque demonstrat; ita e fatidico eiusdem nomine, cuius vim Christus explicaverat¹¹ inquit, *super hanc petram aedificabo ecclesiam*

⁴) Luc. VIII. 45.

⁵) Ibid. IX. 32.

⁶) Act. II. 14.

⁷) Ibid. v. 37.

⁸) Ibid. V. 29.

⁹) Quamquam formula, οἱ μετ' αὐτοῦ, non ea *per se* sit, quae illius praestantiam denotet, cum quo reliqui esse perhibentur; nihilominus mē plane latet, an diversa significatione in N. T. aliquando usurpetur. Haec certe significatio praestantiae vel unica est, vel quae passim dominatur, adhibeturque Luc. VI. 4: Δαβὶδ, καὶ οἱ μετ'

αὐτοῦ: Matth. XXVI. 20: Ἰησοῦς ἀνέκειτο μετὰ τῶν δώδεκα: v. 69: καὶ σὺ ἦσθα μετὰ Ἰησοῦ: Marc. III. 14: καὶ ἐποίησε δώδεκα, ἵνα ὥσι μετ' αὐτοῦ: XVI. 10: ἐκείνη πορευθεῖσα ἀπήγγειλε τοῖς μετ' αὐτοῦ γενομένοις: et Matth. XII. 3. coll. Marc. II. 25: οὐκ ἀνέγνωτε, τί ἐποίησε Δαβὶδ, ὅτε ἐπείνασεν αὐτός, καὶ οἱ μετ' αὐτοῦ;

¹⁰) n. 118.

¹¹) Matth. XVI. 18. Unde Basilii in Prooemio de Iudicio Dei, n. 7: Ὁ μακάριος Πέτρος, ὁ πάντων μὲν μαθητῶν ἀποκριθεὶς, μόνος δὲ πλεῖον τῶν ἄλλων μαρ-

meam, sumi caussa non potest, quae ab illius primatu distinguatur. Primatus ergo una est caussa, quae cum evangelistarum verbis apte conspirat.

Immo quae cum *clarioribus* quoque *testimoniis* unice consentit. Haec legi penes Matthaeum ¹², Lucam ¹³ et Johannem ¹⁴, omnes norunt, et nos ipsi ¹⁵ declaravimus. Sed his primatum Petri, supremamque eiusdem potestatem demonstrari, non uno iam argumento confecimus, ac pluribus etiam conficiemus. Consensio ergo cum evidentioribus testimoniis postulat, ut usitata evangelistis loquendi de Petro ratio, ex illius profecta primatu iudicetur.

120. Quod sin minus fieret, caussa quae *universalis* esset, rationemque eorum omnium contineret, quibus Petrus privatim honestatus describitur, nulla penitus reperiretur. Jam ex iis non pauca retulimus ¹⁶ et expendimus: neque pauciora sunt numero quae continuo referemus atque expendemus. Videmur autem nobis ¹⁷ demonstrasse, spectare illa ad primatum asserendum, ac e primatu ita pendere, ut eo praestituto, non solum explicentur facillime, verum etiam tamquam necessaria praesentiantur: eo autem sublato ¹⁸, neque utcumque intelligi, neque idonea aliqua ratione explicari possint. Si ergo ex iis statui de reliquis coniiciendo possit, posse autem ostendemus; tenendum est, nullam omnino esse, assignarive causam posse a primatu diversam, quae *universalis* sit, iisque omnibus faciat satis, quae Petro privatim tribuuntur.

121. Qua in re tot nobis *suffragantur testes*, quot ante obortas de Petri praerogativis contentiones extitere Patres non pietatis minus, quam scientiae, eruditionisque fama nobilissimi. Horum catalogum sane longum texunt ¹⁹ Panvinus, Willibaldus Heissius ²⁰ et ²¹ Mamachius; unam autem eandemque omnium fuisse sententiam demonstrant: propterea Petrum *nominalim* ac *primum*, apostolos vero reliquos *universim* dumtaxat, *alterove loco* lege constanti recenseri, quod ille *apostolorum primatum tenuerit*, *primatu inter apostolos praeminuerit*, insignis fuerit *apostolatus principatu*, *προστασίαν τῶν ἀδελφῶν* acceperit, illosque sibi, suisque curis creditos, commendatosque habuerit.

τρυφθεῖς καὶ μακαρισθεῖς, ὁ τὰς κλεῖς τῶν
οὐρανῶν πιστευθεῖς.

¹²) Matth. XVI. 18—20.

¹³) Luc. XXII. 31—33.

¹⁴) Joh. XXI. 15. seqq.

¹⁵) nn. 20. seqq.

¹⁶) nn. 22. seqq.

¹⁷) nn. 50. seqq.

¹⁸) nn. 65. seqq.

¹⁹) De Primatu Petri, lib. I. capp.
VII—XI.

²⁰) Vindiciae Summorum Pontificum,
Part. I. cap. I. sect. II.

²¹) Orig. et Antiquitt. Christian. T. V.
pagg. 130. seqq.

CAPUT XII.

De eadem evangelistarum scribendi ratione, quae novis exemplis illustratur: — de catalogo apostolorum, Matth. X. 2—5, Marc. III. 16—20, Luc. VI. 14—17, Act. I. 13: — quanto pere ii fallantur, qui caussam antepositi Petri e primatu aetatis, vocationisque desumunt: — de formula, qua Petrus, Matth. X. 2, πρῶτος simpliciter nuncupatur: — Bezae et Glassii commenta: — refelluntur: — de iis quae habentur Matth. XVII. 1; Marc. V. 37, XIII. 3, XIV. 33; Luc. VIII. 51, XXII. 8; Joh. XXI. 2: — ex his constat, tum etiam Petrum constanter anteferri, quum aliquot solum ex apostolis nominantur: — eiusdem prae apostolis excellentia, potiorque dignitas confirmatur.

122. **E**a est scribendi forma ac ratio, quae neque rite cognosci, neque apte definiri aliter potest, quam prolatis in medium exemplis, quae illam aperiant ac declarant. Quum itaque in eo simus ¹, ut singularem evangelistarum de Petro scribendi rationem adprobemus; id esse nobis antiquissimum debet, ut exemplorum numerum, quo maxime possumus, amplificemus. Et possumus sane, quum omnino sint plurima, quae suppetunt. E quibus egregium illud est, quod in evangeliis ², Actisque ³ habetur, quum omnes seorsum apostoli censentur, illorumque catalogus accurate textitur. Id enim quum *quater* fiat, Petrus omnium primus *constanter* numeratur, locusque princeps *constanter* illi defertur. Cuius in numerando, censendoque constantiae si caussam a protestantibus quaesieris, hanc ab illis ⁴ uno veluti ore redditam audies: „idcirco primum numerari Petrum, ceterisque praeferri, quod omnium esset aetate provector, omniumque primus ad munus, dignitatemque apostolicam vocatus.“

123. Audio; sed nonne divinari istud est, et inania persequi, minime vero Scripturas Scripturis explanare, et dubia ac impedita ratis, luculentisque definire? quibus enim tabulis ipsi tandem convincent, Petrum inter apostolos vel aetate fuisse seniore, vel vocatione priorem? Scripturae profecto vel hac de re tacent, vel illi opinioni contradicunt: quemadmodum veteres christiani doctores dubio procul illi repugnant.

Enimvero apud Johannem ⁵ legimus: ἦν δὲ ὁ Φίλιππος ἀπὸ Βηθσαϊδά, ἐκ τῆς πόλεως Ἀνδρέου καὶ Πέτρου: ubi plane ἀνωμάλως Andreas Petro ante-

¹) n. 116.

⁴) Confer quos citat Poli in Synopsi

²) Matth. X. 2—5. coll. Marc. III. Critic. Sacr. ad Matth. X. 2. 16—20, Luc. VI. 14—17.

³) Act. I. 13.

⁵) Joh. I. 44.

ponitur. Cuius tamen anomaliae neque obscura est ratio, neque a praesenti quaestione seiuncta. Petrus enim cum Andrea conferri *dupliciter* potuit, *aetate* primum ac *tempore*, quo Messiam uterque novit, illique semet adiunxit: *dignitate* deinde, ad quam *ipsa vocatione*⁶ destinatus uterque fuit. Cum altero modo ad invicem referuntur, non ipsi solum Andreae, sed apostolis omnino omnibus constanti lege Petrus antefertur, ut qui prophetica Cephae appellatione⁷ futurus omnium princeps praemonstraretur. At vero quum priori modo comparantur, quemadmodum heic apud Johannem aequum⁸ est existimare, tum Andreas praeponitur Petro, ut qui et maior esset aetate, et Christum antea⁹ novisset, ipsique Petro fuisset¹⁰ auctor, ut ad illum accederet. Male ergo cum Scripturis suspensiones protestantium cohaerent, idcirco Petrum ab evangelistis praeponi, quod aetate, vocationisque tempore antecelluerit.

124. Sed multo etiam ab iis longius aberrant, quae veteres christiani scriptores tradiderunt. E quibus Ambrosiaster, qui quarto saeculo Pauli epistolas commentariis editis explanavit, inquit¹¹: „Si *de tempore* praescribendum putatur, ante coepit Johannes praedicare quam Christus; et non Christus Johannem, sed Johannes Christum baptizavit. Num ergo sic iudicat Deus? denique *prior* sequutus est *Andreas* Salvatorem *quam Petrus*; et tamen *primum*¹² non accepit Andreas sed Petrus.“ Consonat Epiphanius¹³ scribens: „Post haec vocationis Petri atque Andreae initium designatur. Venit enim ad eum Andreas unus¹⁴ duorum, qui illum sequuti fuerant, quique discipuli Johannis erant. . . . , *ἐπειτα* deinde Petrus, qui *δι' αὐτοῦ* per ipsum vocatus est. . .

⁶) Quae proprie refertur Matth. IV. 18. coll. Marc. I. 17, ubi Andreas et Simon *simul* vocantur, et *simul* sequuntur. Ea autem quae narrantur Joh. I. 38—42, talia non sunt, quae vocationem proprie significant; quod Toletus ad Joh. I. annot. LXXVII. diligenter explicat.

⁷) Joh. I. 42. coll. Matth. XVI. 18; quibus illustrandis conducunt Hilarii verba de Petro, comm. in Matth. cap. VII. n. 6.: *Nam primus credidit, et apostolatus est princeps*. Videlicet ideo apostolatus est princeps, quod propter eximiam fidem, qua dixit, *tu es Christus Filius Dei vivi*, audire vicissim meruit: *et ego dico tibi, quia tu es Petrus, et super hanc petram aedificabo ecclesiam meam*.

⁸) Neque enim alia memorantur, nisi quae ad Andream et Petrum, tamquam homines, civesque pertineant.

⁹) Joh. I. 38—41.

¹⁰) Ibid. v. 41.

¹¹) In II. Cor. XII.

¹²) Hae voce explicat Ambrosiaster phrasim ter ab Johanne cap. I. 15—27—30. repetitam, *ὃς ἔμπροσθέν μου γέγονεν*, qua Praecursor dignitatem Christi confessus est, quaeque ita reddi aptissime videtur, *ὃς πρῶτός μου γέγονεν*, qui mihi antepositus est. Primatus igitur, quem Petro tribuit, illius prae apostolis excellentiam designat, neque honoris solum, sed potissimum auctoritatis. Quod 1) ostenditur verbis, *ὃς ἔμπροσθέν μου γέγονεν*, quibus *primatus* respondet: ac 2) usu apud ecclesiasticos quarti, quintique saeculi scriptores recepto, qui *primatum* de potiori auctoritate constanter usurpant.

¹³) Haeresi LI. nn. 14—17.

¹⁴) Joh. I. 40.

Nam Andreas primum occurrit Christo, μικροτέρου ὄντος τοῦ Πέτρου τῷ χρόνῳ τῆς ἡλικίας, quum Petrus esset tempore aetatis minor. Postea vero ¹⁵ quum suscepta est rerum omnium abdicatio, initium est a Petro factum. Nam et ipse proprio fratri praeivit. Accedit, quod Deus videns propensiones cordium, καὶ γινώσκων, τίς ἐν πρώτοις ἄξιος τάττεσθαι, et cognoscens qui sit dignus qui primo loco ponatur, ἐξελέξατο τὸν Πέτρον ἀρχηγὸν εἶναι τῶν αὐτοῦ μαθητῶν, Petrum elegit principem esse suorum discipulorum.“

125. Quare mihi videor repetere non immerito posse, quae in Annalibus Baronius ¹⁶ adnotavit, inquiens: „Ex his apparet, quam turpiter errent qui primatum putant Petro collatum, quod senior ceteris esset. Nam quod ad hoc spectat, etsi non alii, certe Andreas maior aetate, prior in vocatione et in perfectioris vitae electione ¹⁷ Petro praestabat. Sed si divini consilii rationem humanae menti concessum est aliquando perscrutari; illa in Petro, quam ¹⁸ diximus, caussa praecessisse videtur, ut princeps omnium constitueretur apostolorum, quod in professione fidei ¹⁹ ceteris antecelluit. Sed quod insuper consideratione dignum existimamus, hoc ipso initio ecclesiae erigendae (quae aedificatio ²⁰ Dei est) Christus Dominus tantae molis excitandae sapientissimus architectus, de primario lapide in fundamento locando statim cogitans, Simoni mox dixit: *tu vocaberis Cephas*.“

Atque haec nobis argumento esse debent, eadem providentiae ratione in suis erogandis donis usum esse Christum, quam ante assumptam humanam naturam una cum Patre et Spiritu-sancto in benedictionibus impertiendis adhibuerat. Sicut enim in priori foedere non primogenitos secundum carnem ac aetate maiores, Ismaelem, Esau, Ruben, sed iuniores Isaacum, Jacobum, Judam praepositos ceteris fuisse constat; ita in novo pacto neque primum aetate, neque primum vocatione, sed secundum reliquis praefecit Christus, omniumque ἀρχηγὸν καὶ προστάτην constituit.

126. Sed ego ultro protestantibus dabo, quod optare quidem ipsi possunt, comprobare vero non possunt: Petrum aetate iuxta ac vocatione apostolis reliquis excelluisse. Tum ab iis vicissim petam, an qui agere candide velint, causam inde, rationemque primatus, supremique gradus Petro collati depromere possint. Opinor autem futurum neminem, qui sic arbitretur. Si enim adultior aetas, et vocationis ordo causam continerent, propter quam Petrus ceteris omnibus praeponeretur; coniectura foret nullatenus spernenda, reliquis item apostolis eum locum, eamque sedem tribui, quam aetas, vocationisque tempus postularent. Sed tantum abest, hanc esse coniecturam, quae probabilitate commendetur, ut inanis contra atque fallax omnium iudicio existimanda sit. Etenim

¹⁵) Matth. IV. 18. coll. Marc. I. 17.

¹⁸) Ibid. §. XXIII.

¹⁶) Ad an. XXXI. §. XXIV.

¹⁷) Quod, teste Sophronio hierosolymitano hom. de cert. ss. Petri et Pauli, caelibem vitam Andreas ageret.

¹⁹) Matth. XVI. 16.

²⁰) I. Cor. III. Ephes. II.

Marcus ²¹ quartum locum adscribit Andreae, Jacobum vero ac Johannem Zebedaei filios, quamquam aetate iuniores, et vocatione posteriores, in altero tertioque gradu collocat. Neque aetas ergo, neque vocationis ordo ea sunt regula, quam sibi in numerandis apostolis sequendam evangelistae proposuerint. Quod eo confidentius affirmo, quo id a Chrysostomo ²² iampridem animadversum novi, qui de catalogo apud Marcum loquens ait: *ὁ μὲν οὖν Μάρκος, καὶ κατ' ἀξίαν αὐτοὺς τίθει· μετὰ γὰρ τοὺς δύο κορυφαίους τότε τὸν Ἀνδρέαν ἀριθμεῖ.* *Marcus vero (secus ac Matthaeus) pro dignitate illos disposuit; post duos enim coryphaeos Andréam numerat.*

127. Praeterea neminem puto diffiteri, in assignandis effectuum caussis attendendum sedulo esse, ne veteres physicos, peripateticosque imitati, ex praecepta potius animo sententia, quam ex observata et tentata penitus natura illas deducere videamur. Sed nonne praeposteram hanc *μέθοδον* protestantes sectari dicendi sunt? ita plane. Unde enim, quaeso, caussas petunt praehabiti constanter Petri? e collatione ne Scripturarum, quae in praesenti controversia observationi, periculisque de natura factis respondet? nihil minus. Sed nescio quae de aetate Petri, deque ordine, quo vocatus fuit, comminiscuntur, de quibus nec apex, nec vola in Scripturis, quaeque ex ea unice hypothese profecta videntur, cui semet dederunt. Quare in salebras incidunt iis omnino simillimas, quas quum veteres physici non satis declinaverint, tempus atque operam erudite perdidierunt. Ne igitur nobis etiam idipsum usuveniat, et in captandis umbris frustra desudemus; non aliunde quam ex Scripturis idoneam causam derivabimus. Quam neque raro, neque obscure, sed crebro, luculenterque exhibent. Quoties nimirum suo insignem nomine Petrum commemorant, eoque commemorato, eximiam illius destinationem, singularemque cum Christo donorum, proprietatumque societatem, quadam veluti brevissima formula repraesentant.

128. Sane primus quidem apud Marcum ²³ numeratur Simon, sed mox caussa significatur his verbis: *καὶ ἐπέθηκε τῷ Σίμωνι ὄνομα Πέτρον.* Propterea Simon est primus, quod ipse unus est *Petrus*, *petraeque* dignitate reliquis omnibus antepositus. Eandem causam refert Lucas ²⁴ inquit: *Σίμωνα, ὃν καὶ ὠνόμασε Πέτρον.* Qua pariter ex caussa repeti ordo debet, quem Marcus ²⁵ sequitur, dum Zebedaei filiis ²⁶ Andream postponit, scribens: *ἐποίησε (ὁ Ἰησοῦς) δώδεκα, ἵνα ὥσι μετ' αὐτοῦ... καὶ ἐπέθηκε τῷ Σίμωνι ὄνομα Πέτρον· καὶ Ἰάκωβον τὸν τοῦ Ζεβεδαίου, καὶ Ἰωάννην τὸν ἀδελφὸν τοῦ Ἰακώβου· καὶ ἐπέθηκεν αὐτοῖς ὀνόματα Βοανεργές, ὃ ἐστίν, υἱοὶ βροντῆς· καὶ Ἀνδρέαν, κ. τ. λ.* Propemodum diceret, quum inter duodecim tres extiterint, Simon, Jacobus et Johannes, quos Christus singulari benevolentia

²¹) Marc. III. 17 — 18.

²⁴) Luc. VI. 14.

²²) In Matth. hom. XXXII. al. XXXIII.

²⁵) Marc. III. 14 — 19.

n. 3.

²⁶) Qui neque aetate, neque vocatione

²³) Marc. III. 16.

Andrea priores censi possunt.

prosequutus est, novisque inditis nominibus honoravit; prorsus decuit, ut hi reliquis anteferrentur. Sed quoniam in Simonem benevolentiam longe maximam²⁷ ostendit, factoque illi *Petri*²⁸ nomine, eundem non reliquis modo, sed ipsis quoque Jacobo et Johanni praepositum declaravit; idcirco fuit cur ille omnium primus numeraretur.

129. Atque haec e propriis, eximiisque Petri dotibus sumpta ratio, inde etiam vehementissime commendatur, quod doctissimorum Patrum suffragio, sententiaque comprobetur. Praeclare²⁹ Chrysostomus: *πρῶτος δὲ πάντων καὶ κορυφαῖος, ὁ ἀγράμματος καὶ ἰδιώτης*. Et eo haud paullo vetustior Origenes³⁰, postquam monuit, *εἰς τὸν ἀριθμὸν τῶν δώδεκα* primum constanter Petrum referri, percontatur: quoniam huius ordinis censi caussa debeat. Reponit vero, illum idcirco constanter servari, quod Petrus esset *τῶν λοιπῶν τιμιώτερος*, neque minus propter accepta divinitus dona reliquis praestaret, quam Judas *ὑπὸ τῆς μοχθηρίας διαθέσεως* propter perversum animi habitum esset *ὁ ἀληθῶς πάντων ἔσχατος*, omnium vere ultimus, et *ἐπὶ τὰ τελευταῖα* in postremum locum proiciendus.

130. Verum eximiae Petri dignitati multo patrocinari splendidius censi Matthaeus debet, quum illum absolute, simpliciterque *πρῶτον* nuncupat. Sic autem nuncupat, quum apostolorum catalogum his verbis³¹ orditur: *Τῶν δὲ δώδεκα ἀποστόλων τὰ ὀνόματά ἐστι ταῦτα: πρῶτος, Σίμων³² ὁ λεγόμενος Πέτρος, καὶ Ἀνδρέας ὁ ἀδελφὸς αὐτοῦ· Ἰάκωβος, κ. τ. λ.* Viden quam perspicue, quamque diserte Petrus absolute *πρῶτος* dicitur? *At quid*, subdit³³ Beza, *si hoc vocabulum ab aliquo additum est, qui Petri primatum vellet stabilire? nihil enim sequitur quod cohaereat.*

Scilicet hypothesibus pro libidine confictis nescio quid adstrui, quidve destrui vicissim nequeat. Non ergo hisce armis, sed testimoniis, monumentisque pugnandum est. At suppetunt ne Bezae sive testimonia, sive monumenta, quibus suspicionem suam tueatur? en quae continuo³⁴ addit: „Reperimus tamen ita

²⁷) Unde et ab illo dilectionem postulavit ea maiorem, qua ipsemet a reliquis apostolis amaretur, inquit Joh. XXI. 15: *Ἀγαπᾷς με πλεῖον τούτων;*

²⁸) nn. 72. seqq.

²⁹) In Matth. hom. XXXII. al. XXXIII. n. 3.

³⁰) In Joh. Tom. XXXII. n. 5.

³¹) Matth. X. 2—5.

³²) Ut huius testimonii vim facilius infringant Hackspanius in Notis Philol. Theol. Part. III. pagg. 57. seqq. et Schleusner in Lexico, monent, videri hoc loco verba

transposita, et hoc ordine legenda esse: *Πέτρος, ὁ πρῶτος* (pro *πρῶτον*) *Σίμων λεγόμενος, Petrus, qui antea Simon dicebatur*. Verum quibus tabulis hanc transpositionem sin minus persuadent, saltem suadent? omnino nullis, immo omnibus refragantibus, adeo ut eiusmodi suspicio nonnisi temeritati, aut odio in Petri praerogativas adscribenda videatur.

³³) In comm. ad Matth. X. 2.

³⁴) Ibidem; unde sui immemor ad Marc. III. 16. scribit, *illa verba, πρῶτον Σίμωνα, quae in pluribus graecis codi-*

scriptum in omnibus exemplaribus.“ Sed si exemplaria prorsus omnia receptae, vulgataeque lectioni fidem conciliant; nonne dubitatio, an ea fraude irrepserit, ex odio, maloque in Petri dignitatem animo profecta videri debet?

131. Neque alicuius momenti est hermeneutica ratio inde ducta, quod retineri *πρωτος* nequeat, quin *ἀνανταπόδοτον* admittatur. Quod enim *δευτερος*, *τριτος*, reliqua, non consequantur, id unum evincit, *πρωτον* adhiberi significatione non *numerali*, sed dignitatis atque praestantiae. Quo plane sensu in bibliis iuxta, profanisque auctoribus frequenter accipitur.

Ut enim id efferant quod in suo genere praestans est ac eximium, *το πρωτον* adhibent ³⁵ Aeschines, Lysias ³⁶, Thucydides ³⁷, Plutarchus ³⁸, Josephus ³⁹, penes quem occurrunt phrases *οι της χωρας πρωτοι*, et *των ιερων οι πρωτοι*. Adhibent interpretes alexandrini ⁴⁰, penes quos legimus, *πρωτος φιλος του βασιλεως*, *πρωτος των αιδοντων*, et *ιερευσ ο πρωτος*, idest, *αρχιερευσ*. Adhibent scriptores novi testamenti ⁴¹, Matthaeus ⁴²: *και ος εαν θελη εν υμιν ειναι πρωτος*: Lucas ⁴³: *εξενεγκατε την στολην την πρωτην*: Paulus ⁴⁴: *ων πρωτος ειμι εγω*. Hinc formulae ⁴⁵, *ο πρωτος*, princeps, praefectus, et ⁴⁶ *οι πρωτοι*, primores, primates. Atque hinc latinorum ⁴⁷ usus, ut *primum* dicant, quem *primarium*, *principemque* significare volunt.

132. Itaque Matthaei verba, *πρωτος*, *Σιμων*, *ο λεγόμενος Πέτρος*, hunc reddunt sensum: *Simon, dictus Petrus, princeps ac praecipuus*.

Non abnuo, inquit ⁴⁸ Glassius, sed illud moneo cavendum esse, ne praepostere eiusmodi verba accipiantur. Accipiuntur autem praepostere a *pontificiis*, qui maiorem Petri auctoritatem ex iis argutando deducunt. Atqui Petrus non alio nomine *πρωτος* dicitur, nisi quod esset *πρωτόκλητος*. Quod protestantes plerique omnes ⁴⁹ repetunt, e quorum numero Suicerus ⁵⁰ inquit: „Petrus ideo

cibus non extant, addenda esse ad textum: carpitque Erasmus, quod hanc lectionem non probaverit, de qua subdit: *ego vero non dubito, quin haec sit germana lectio*.

³⁵) Socr. Dial. III. 20.

³⁶) Orat. XIII. pag. 250.

³⁷) Lib. VIII. c. 89.

³⁸) Lucull. pag. 515.

³⁹) Antiquitt. Jud. lib. VII. c. IX. n. 8, c. XI. n. 5, lib. X. c. IV. n. 5.

⁴⁰) I. Paral. XXVII. 33, II. Paral. XXVI. 20, Nehem. XII. 45.

⁴¹) Cf. Wetestenii N. T. tom. II. pag. 554.

⁴²) Matth. XX. 27.

⁴³) Luc. XIII. 30, XV. 22.

⁴⁴) I. Tim. I. 15.

⁴⁵) Act. XXVIII. 7: *Τῷ πρώτῳ τῆς νήσου, praefecto insulae*.

⁴⁶) Marc. VI. 21, Luc. XIX. 47, Act. XIII. 50: *Τὸνς πρώτους τῆς πόλεως, promeres civitatis*.

⁴⁷) Sallustii, Catilin. c. 36. et Jugurth. c. 76; Horatii I. Sat. VI. 83.

⁴⁸) De textus graeci in N. T. puritate, pag. 254. edit. Buddei, an. 1725.

⁴⁹) Cf. Criticos sacros, quibus adversatur Rosenmuellerus inquires ad Matth. X. 2: „Non habita fuit ratio aetatis aut vocationis, imo nec eodem ordine a reliquis evangelistis recensentur; Judas tamen Iscariotes ubique ultimum, Petrus vero ubique primum, et Johannes cum fratre Jacobo tertium et quartum, vel quartum,

πρῶτος, *primus* dicitur, quia πρωτόκλητος, ante omnes scilicet vocatus, quod primatum temporis et ordinationis respicit. Unde vetus glossarium, *priorem, pristinum, primarium et originalem* interpretatur; quae omnes voces temporis antecessionem ⁵¹ designant. Eiusdem omnes apostoli ordinis fuere, vocationis, officii, meriti. Primus in eo ordine Petrus, ut inter pares, vocationis tempore prior. Theophylactus ad Matth. X. 2: Προτίθησι δὲ Πέτρον καὶ Ἀνδρέαν, διότι καὶ πρωτόκλητοι· εἶτα τοὺς τοῦ Ζεβεδαίου, προτάττει δὲ τὸν Ἰάκωβον τοῦ Ἰωάννου· οὐ γὰρ κατὰ τὴν ἀξίαν, ἀλλ' ἀπλῶς κατὰ τὸ παραπεσὸν καταλέγει τούτους. Praeponit autem Petrum et Andream, quoniam et primo erant vocati. Deinde ponens filios Zebedaei, praeponit Jacobum Johanni, non iuxta dignitatem ⁵², sed simpliciter ut acciderat, hos enumerans. Et sane hoc interest inter primatum temporis, προγενέσιαν graeci vocant, et primatum ἀρχοντικόν, quod temporis primatus nullam primo potestatem confert, sed primum tantum locum, vel standi, vel sedendi in ordine, πρωτοστασίαν nempe, ac πρωτοκλησίαν vel προεδρίαν.⁵³

133. Sed ne rursum ingeminem, quae contra vocationis primatum superius ⁵³ adhibui: ne repetam fieri nullo modo posse, ut e vocationis tempore

quintumque locum tenent; quia maior erat horum dignitas.⁵⁴

⁵⁰) Thesaur. Ecclesiast. ad v. Πέτρος.

⁵¹) Non per se ac suapte natura, ut arbitror, sed quum eum intellectum adiuncta orationis postulant.

⁵²) Haec a Chrysostomo Theophylactus accepit, qui in Matth. hom. XXXII. n. 3. scribit: Ὅρῃς πῶς οὐ κατὰ τὴν ἀξίαν τίθησιν; ἐμοὶ γὰρ δοκεῖ ὁ Ἰωάννης οὐχὶ τῶν ἄλλων μόνον, ἀλλὰ καὶ τοῦ ἀδελφοῦ μεῖζων εἶναι.

Duo autem sunt, quae praeterea animadvertenda censeo: ac 1) non illud propositum esse Theophylacto ut doceat, cur Petrus simpliciter πρῶτος dicatur, sed cur priori loco nominetur: tum vero 2) ab eo mentionem propterea iniici πρωτοκλησίας, eiusque ordinis, quo Christum apostoli sequuti sunt, quod afferri in medium aliquid deberet non unius Petri *proprium*, sed quum ipsi, tum Andreae ac Zebedaei filiis *commune*, quodque causam rationemque contineret, cur hi ante apostolos re-

liquos recenserentur. Ceterum quae de Petro habet in commentario ad Joh. XXI. 15, inquit: Οὗτος καὶ τὴν πρωτοστασίαν πάντων ἐγχειρίζεται: luculenter ostendunt, non minus illi vocationis praerogativam πρωτοκλησίας nomine expressam, quam praerogativam dignitatis ac iuris a Theophylacto vindicari.

⁵³) nn. 123. seqq; ubi ostendimus, neque ῥητῶς, neque δυνάμει Petri πρωτοκλησίαν in bibliis contineri. Praeclare Augustinus, qui, de Consensu Evang. lib. II. cap. XVII. n. 39, hanc quaestionem, quam diligenter expendemat, his tandem verbis dirimit: „Quo ordine vocati sint omnes duodecim apostoli, in evangelistarum narrationibus non apparet, quandoquidem non tantum ordo vocationis, sed nec ipsa vocatio commemorata est omnium, sed tantum Philippi (cui, ut ex evangelis coniiicere licet, omnium primo Christus dixit Joh. I. 43: Ἀκολούθει μοι, quique adeo πρωτόκλητος censendus videtur), et Petri, et Andreae, et filiorum Zebedaei, et Matthaei publicani, qui etiam Levi vocabatur.

idonea ornamentorum Petri caussa ⁵⁴ desumatur; illud constituam quod nemo prudens negaverit: eam τοῦ πρώτου significationem heic esse necessario prae-habendam, quam orationis subiectum, loci paralleli, Scripturarum harmonia ⁵⁵, et christianae antiquitatis consensio non ferunt modo, verum etiam prorsus efflagitant. Horum porro capitum nullum est, quod non exigat, ut Simon idcirco πρώτος dictus iudicetur, quod insigni quadam auctoritate inter apostolos emeretur.

Enimvero subiectum consideretur. Cuiusmodi illud sit, declarat Matthaeus his verbis: ὁ λεγόμενος Πέτρος. Sed nonne iam pluries ostendimus ⁵⁶, Πέτρον esse nomen dignitatis, potestatisque inter apostolos supremæ? ita plane. Ad auctoritatem ergo, eamque supremam referri debet ὁ πρώτος, utpote qui Petro, tamquam subiecto, adiungatur.

134. De qua supremæ potestatis significatione loci huius simillimi non minori evidentia testantur. Quod enim heic est πρώτος, alibi ⁵⁷ quum πρώτος, tum μείζων καὶ ἡγούμενος effertur. Vocabula autem μείζων καὶ ἡγούμενος et suapte natura, et pro eo, in quo adhibentur contextu, maiorem, potioreque Petri auctoritatem designant. Quum ergo apposita, πρώτος, μείζων, ἡγούμενος sibi adamussim respondeant, necesse est, ut una illis, eademque supremæ potestatis significatio tribuatur.

Quam si qui respuant, hi funditus harmoniam perturbabunt, qua diversa Scripturarum effata secumipsis concinere debent. Petrus enim, quem πρώτον Matthaeus appellat, alibi ⁵⁸ exhibetur, ut qui πέτρα sit ecclesiae, στήριγμα fratrum, στερέωμα τῆς πίστεως, τῆς οὐρανῶν βασιλείας κλειδοῦχος, καθολικὸς ποιμὴν, διδάσκαλος ἀπάσης τῆς τοῦ Θεοῦ ἐκκλησίας, et alter a Christo familiae moderator et rector. Sed quid, obsecro, haec inter, et προγενέσιαν ⁵⁹, πρωτοκλησίαν vel προεδρίαν, harmoniae atque concentus? nihil penitus, quum tamen iisdem egregie respondeant προστασία, et singularis ἐξουσία, qua Petrus

Singillatim tamen ab eo nomen et primus, et solus Petrus accepit.“

⁵⁷) nn. 65. seqq.

⁵⁸) nn. 13. seqq.

⁵⁴) Ecquae enim ista foret consequutio: Petrus prior tempore vocatus fuit. Ergo idem fuit petra ecclesiae, supremus claviger, fratrum confirmator, omnibus maior, pastor oecumenicus,? inepta prorsus ac ridicula.

⁵⁵) Consentient nobiscum protestantes, quibus illud est antiquissimum, ut Scripturarum interpretationem commendent, quae Rom. XII. 6. κατὰ τὴν ἀναλογίαν τῆς πίστεως habeatur. Cf. Buddei praefationem ad Philologiam Salomonis Glassii.

⁵⁶) n. 128. seqq.

⁵⁹) Putares non aliter de primatu Petri vulgo protestantes disserere, ac Blondellus, Salmasius, Dalleus, et puritanorum turba de ἐπεροχῇ episcoporum disputent. Christiana monumenta omnino omnia episcopis deferunt eximiam quamdam auctoritatem, illosque presbyteris longo intervallo antepositos ostendunt. Quid ad ista puritani? scilicet negant aliud quidpiam iis significari, quam ius πρωτοκλησίας καὶ πρωτοχειροτονίας. At vero nonne hisce sunt gemina, quae contra potiore Petri auctoritatem protestantes passim usurpant?

prae reliquis ornaretur. Appellatio ergo τοῦ πρώτου eo spectat, ut illius auctoritas propria capitis, supremique moderatoris significetur.

135. Quod ecclesiae doctores, patresque gravissimi ea perspicuitate declararunt, ut omnes dubitandi caussas funditus praeciderint. Vocant illi quidem, ac passim Petrum ⁶⁰ vocant τὸν πρῶτον ἐν τῇ ἐκκλησίᾳ, τὸν πρῶτον τῶν μαθητῶν, τοῦ χοροῦ πρῶτον, ἀρχηγὸν τῶν ἀποστόλων καὶ ἑξαρχον. Sed quamnam hisce laudum encomiis significationem adnectunt? eam ne, quae in προγενέσιαν, πρωτοστυσίαν, πρωτοκλησίαν ac προεδρίαν tandem refundatur? ita sane existimari posset, si ab iis sedulo abstinerent, quibus maior dignitas, potiorque auctoritas exprimitur. Sed non abstinent, quin iisdem contra saepissime utuntur, quum Petrum saepissime ⁶¹ dicant προστάτην τῶν ἀδελφῶν, τὸν τῆς οἰκουμένης ἀπάσης προστάτην, πρῶτον τοῦ πράγματος αὐθέντην, τὴν κεφαλὴν τῆς φρατρίας ἐκείνης, τὸν θεμέλιον τῆς ἐκκλησίας, omnes principaliter regentem, apostolorum omnium caput, maiorem ceteris, omnibusque praepositum, ut schismatis tolleretur occasio. Certum igitur esse debet, appellatione τοῦ πρώτου eximiam, singularemque Petri auctoritatem contineri.

136. Ad quam tum etiam respexisse evangelistae videntur, quum aliquot ex apostolis commemoraturi, illis constanti lege Petrum anteponunt. Ex uberima exemplorum copia, paucissima solum delibabo. Audiatur itaque ⁶² Matthaeus: Παραλαμβάνει ὁ Ἰησοῦς τὸν Πέτρον, καὶ Ἰάκωβον, καὶ Ἰωάννην τὸν ἀδελφὸν αὐτοῦ. Audiatur deinde Marcus, sive quum ⁶³ scribit, καὶ οὐκ ἀρῆκεν οὐδένα αὐτῷ συνακολουθεῖν, εἰ μὴ Πέτρον, καὶ Ἰάκωβον, καὶ Ἰωάννην τὸν ἀδελφὸν Ἰακώβου: sive quum ⁶⁴ addit, ἐπρωτῶν αὐτὸν κατ' ἰδίαν Πέτρος καὶ Ἰάκωβος καὶ Ἰωάννης καὶ Ἀνδρέας: sive quum ⁶⁵ subdit, καὶ παραλαμβάνει τὸν Πέτρον καὶ Ἰάκωβον καὶ Ἰωάννην μεθ' ἑαυτοῦ. Neque aliter ⁶⁶ Lucas, οὐκ ἀρῆκεν εἰσελθεῖν οὐδένα, εἰ μὴ Πέτρον καὶ Ἰωάννην καὶ Ἰάκωβον καὶ τὸν πατέρα τῆς παιδὸς καὶ τὴν μητέρα. Et ⁶⁷ rursum, ἀπέστειλε Πέτρον καὶ Ἰωάννην. Consentit Johannes ⁶⁸ his verbis, ἦσαν ὁμοῦ Σίμων Πέτρος, καὶ Θωμᾶς ὁ λεγόμενος Δίδυμος, καὶ Ναθαναὴλ ὁ ἀπὸ Κανᾶ τῆς Γαλιλαίας, καὶ οἱ τοῦ Ζεβεδαίου, καὶ ἄλλοι ἐκ τῶν μαθητῶν αὐτοῦ δύο. Jamvero quo hanc violatam numquam loquendi formam pertinere existimabimus, aut quid ex ea aptum, nexumque esse censebimus? censebimus nimirum, idcirco Petrum constanti lege ab evangelistis praeponi, quod non ut unus e multis, sed ut eximiis instructus praerogativis ab iisdem haberetur. Quibusnam vero? iis dubio procul, quas a Christo dictis, factisque Petro collatas noverant, quasque ipsimet litteris consignaverant. Iis, quas saepe ⁶⁹ inculcavimus, quas denuo

⁶⁰) Cf. Suicerum ad v. Πέτρος.

⁶⁴) Ibid. XIII. 3.

⁶¹) Cf. Mamachium Orig. et Anti-quitt. Christ. T. V. pagg. 531. seqq.

⁶⁵) Ibid. XIV. 33.

⁶⁶) Luc. VIII. 51.

⁶⁷) Ibid. XXII. 8.

⁶²) Matth. XVII. 1.

⁶⁸) Joh. XXI. 2.

⁶³) Marc. V. 37.

⁶⁹) nn. 50. seqq.

paullo ante ⁷⁰ recensuimus, quasque sin minus omnes, nobiliores certe complexus ⁷¹ est Cassianus, inquit: „Interrogemus summum illum et inter discipulos discipulum, et inter magistros magistrum, qui romanae ecclesiae gubernaculum regens, sicut fidei habuit, ita et sacerdotii principatum. Dic nobis ergo, dic nobis quaesumus, princeps apostolorum Petre, dic quemadmodum credere ecclesiae debeant? aequum est enim, ut doceas nos doctus a Domino, et aperias nobis ianuam, cuius clavem accepisti. Exclude omnes suffodientes coelestem domum, et eos, qui per adulterinas cavernas et illicitos intrare aditus moliuntur, averte; quia certum est, quod nullus ostium regni intrare poterit, nisi cui clavis a te in ecclesia collocata reserarit: dic ergo, quemadmodum credere Jesum Christum et confiteri communem Dominum debeamus.“

C A P U T XIII.

Protestantium iudicium de eo, quod antecedenti capite instituimus argumento: — expenditur ac refutatur: — quid eo argumento ἀμέσως, quid ἐμμέσως conficiatur: — abusus locorum similium reprehenditur: — aliaque protestantium oppugnatione retunditur: — ἐνστάσις ex iis desumpta locis, quibus Petrus melius aut ultimus numeratur: — retorquetur: — et argumentum novis indiciis communitur.

137. **Q**uamquam veritas, quae semel constituta rite fuerit, propria firmitate perstet, suoque se lumine tueatur; nihilo tamen minus et usu receptum est, et ratione praescriptum, ut si quae in contrariam partem forte disputentur, ea et examini diligenter subiiciantur, ac uti decet, perspicue refutentur. Neque enim dubitari de iis potest, quae Phoebadius aginnensis eruditus quarti saeculi scriptor his verbis ¹ affirmat: „Destruenda sunt aliena, ut nostris credatur; nostris autem, nisi ea fuerint destructa, ut solis credi debeat, nonnisi credendum video.“ Quod et doctissimi quique ² usu semper suo comprobarunt, et faciendum esse inde Aristoteles collegit ³, quod et *contrariorum probationes de con-*

⁷⁰) nn. 133 — 136.

⁷¹) De Incarnat. lib. III. cap. XII.

¹) Cf. Petavium de Trinitate, lib. II. Prooem. §. II.

²) Non ii solum, qui Scholastici vocari solent, sed Patres imprimis, quorum opera ostendunt, quanta cura refellendis adversantium obiectionibus incubuerint.

³) De Coelo, lib. I. cap. X: Αἱ γὰρ τῶν ἐναντίων ἀποδείξεις, ἀπορίας περὶ τῶν ἐναντίων εἰσιν. ἅμα δὲ καὶ μᾶλλον ἂν εἴη πιστὰ τὰ μέλλοντα δεχθῆσθαι, προακηκοόσι τὰ τῶν ἀμυσιβητούντων λόγων δικαιώματα. τὸ γὰρ ἐρήμην καταδικάζεσθαι δοκεῖν, ἥττον ἂν ἡμῖν ὑπάρχοι. Quae dices ob oculos Tertulliano fuisse, dum in

trariis dubitationes sint. Simul etiam magis erunt illa probabilia, quae dicuntur, si adversantium rationum momenta prius audierimus. Ita enim minus indicta causa condemnasse videbimur. Ne cui itaque nostri muneris parti defuisse videamur, referemus primum, tum ea excutiemus, quibus argumentum pro primatu Petri antecedenti capite expositum protestantes oppugnant.

138. Principio autem illud subridendo excipiunt, et a nobis non sine contemptione percontantur, quidnam tandem de hac colligendi, inferendique ratione iudicemus: „Petrus in evangelii primus nominatur, ceteris in recensione anteponitur, ac *πρῶτος* simpliciter dicitur. Ergo unus ipse est, qui suprema pollet auctoritate, potiorique iure inter ipsos apostolos praecellit.“ Nonne, inquit, *ἄστοχα* ista sunt, disiuncta, nulloque vinculo cohaerentia? nonne et speciem praeferunt, rationemque ipsam parallogismi revera induunt? Quibus respondebimus, haud inscios nos esse ⁴ praecepti, *οὐ κλέψεις*, proindeque nolle nos procusum ab ipsis enthymema, ipsorumque proprium inter nostra vendicare. Illud ergo sibi habeant, ac vero intelligant, a gravitate catholica alienissimum esse in re seria pueriliter ludere, et fidei articulos nugis, parallogismisque asserere. Ratio enim disserendi catholicorum, ac forma illationis, qua utuntur, talis est: „Evangelistarum de Petro scribendi, loquendi modus singularis est ac prorsus eximius: illum enim *πρῶτον* simpliciter dicunt, primum constanter recensent, sive plenum apostolorum catalogum texant, sive aliquot solum ex apostolis cum eo commemorent; quum autem reliquos nonnisi universim nuncupant, Petrum contra sic appellant, ut iisdem tamquam caput eum praepōnere non immerito videantur. Atqui talis de Petro scribendi, loquendique modus, non semel, iterumque adhibitus, sed constanti lege servatus, manifestum praebet indicium ⁵, aliter de Petro, et aliter de apostolis reliquis evangelistas iudicasse, illumque his potiolem, nobilioremque credidisse. E singulari ergo, eximioque modo, quo evangelistae de Petro scribentes, loquentesque utuntur, argumentum non iniuria ducitur, quo illi ex evangelistarum sententia primatus inter apostolos deferatur.“

139. Quid iamvero est in hac concludendi forma praeposterum, quid fallax, *ἄστοχον*, divulgum, quodque sua sponte, ac prorsus necessario non consequatur? omnia nexa sunt, penitusque conserta, eaque evidentia fulgent, ut protestantes bene multi ⁶ cum Chamierio ⁷ concedant, ac vero etiam confirment,

libello adversus Praxeam, cap. II. scripsit: „Propter instructionem et munitionem quorundam dandus est etiam retractatibus locus: vel ne videatur unaquaeque per-versitas, non examinata, sed praeiudicata damnari, maxime haec, quae se existimat meram veritatem possidere.“

⁴) Matth. XIX. 18.

⁵) nn. 115 — 116.

⁶) Hos inter Salmasius in praefatione operis, *De primatu Papae*, scribit: „Ut in omni ordine primatus est, quia et primus semper aliquis datur ordinis, ut secundus et tertius; ita in ordine episcoporum.“ Et de recepta apud protestantes sententia addit: „Reformatos primatum tantum ordinis in Papa (atque adeo in Petro) agnoscere, idque unum aegre ferre,

nullam sibi cum catholicis contentionem fore reliquam, si huc quaestionis caput, summaque revocetur: Petrum in bibliis tamquam apostolorum *κορυφαῖον*, omniumque primum describi, atque adeo a ceteris in numeratione seiungi. Haec enim manifesta esse putant, et quae citra illatam Scripturis vim negari non possint. Quare Marcus Antonius de Dominis, licet omni qua potuit arte, primum maioris auctoritatis impugnaverit, de primatu tamen universim accepto, quique Petro deferri debeat, affirmandum, statuendumque⁸ censuit: *Plurima Scripturae et Patrum testimonia primum Petri⁹ convincere, quem si quis pertinaciter neget, haeticum eum esse, atque seipsum ad inferna demergere.*

140. Praesentio tamen quid ii excepturi sint, qui dissident. Excipient de primatu controversiam esse non *γενικῶς καὶ καθόλου*, sed *ειδικῶς καὶ ἐν ἀτόμῳ*, atque adeo de primatu maioris auctoritatis, quo Petrus potiretur. Hunc autem non eum esse, qui evangelistarum scribendi ratione comprobatur.

Sed erat profecto, cur qui sic disputant, animadverterent: I. neque testimonia omnia, neque ductas ex iis praerogativas eiusmodi esse, quibus utraque controversia ex aequo¹⁰ dirimatur: „utrum Petrus a Christo primum acceperit; ac utrum primum acceperit potioris iuris, auctoritatisque supremae.“

Erat II. cur considerarent, fas non esse argumentum aliquod propterea irridendo aspernari, quod iis expediendis omnibus, quae in controversiam adducuntur, impar videatur.

Erat III. cur attenderent, qua mente, quove consilio argumentum *proxime* adhibuerimus, quod evangelistarum scribendi ratio suppeditat. Vidissent enim illud *proxime* adhibitum, ut Petri *ἐξοχή* universim assereretur.

Erat denique IV. cur secumipsis reputarent non infrequenter contingere, ut *duplex* argumentis *vis* insit, *immediata* altera, atque altera *mediata*, pro duplici ratione, qua vel *seorsum*, vel *una cum reliquis causae adminiculis* spectantur. Hoc enim animadverso discrimine, intellexissent profecto, novam oboriri quaestionem, illamque talem: „utrum primatus maioris auctoritatis, qui evangelistarum scribendi ratione statui *ἀμέσως* non posset, *ἐμμέσως* saltem eodem e fonte deduceretur.“ Atqui nonnisi aiendo hanc decidi quaestionem posse, ii, credo, non inviti dabunt, qui ad eam, quam subiiciemus concludendi formam, animum adverterint.

141. Iis verbis, eoque pacto de Petro scribunt evangelistae, ut de pri-

quod Papae potestas non primas in ordine partes, aut sedes tenere contenta, suprema omnium, qui in aliqua sunt potestate aut dignitate, haberi vult.“ Similia repetit in Apparatu eiusdem operis.

⁷⁾ De quo confer Spanhemium in *Chamierio contracto*, lib. XI. capp. IX. seqq.

⁸⁾ De Repub. Ecclesiast. lib. I. cap. V. n. 9, et cap. X. n. 32.

⁹⁾ Quem, quaeso, primum? aetatis ne, vocationis, honoris, merique ordinis? atqui horum ne vestigium quidem in Scripturis comparet. Videant ergo protestantes, an non aliunde, quam e divinis litteris argumenta mutuentur, quibus Petrum primatu maioris auctoritatis exspolient.

¹⁰⁾ nn. 1. seqq.

matu illi universim delato nefas sit dubitare. Aliis autem, iisdemque luculentis Scripturarum testimoniis constat, primatum Petri eximia quadam, praestantiorique auctoritate contineri. Eo igitur ἐμμέσως pertinet evangelistarum scribendi modus, ut Petrus primatu insignis potioris auctoritatis declaretur. Quod quidem paullo secus, neque minori tamen perspicuitate persuaderi sic potest. Vix quidpiam reperire licet Scripturarum testimoniis plenius confirmatum, quam titulorum, inanisque pompae ¹¹ praerogativas, et a Christi institutis, et *ab eo veluti spiritu* longissime abhorrere, qui evangelium pervadit ac propemodum informat. Sed Petro tribuendum esse ὑπεροχήν, qua inter ceteros apostolos eminuerit, sua scribendi, loquendique ratione evangelistae significant. Quum ergo ὑπεροχή censeretur nequeat titulorum, nudique honoris, reliquum est, ut ὑπεροχή muneris, officii, potiorisque auctoritatis existimetur. Quo etiam spectat τοῦ πρώτου appellatio Petro facta. Ea enim accipiat oportet, vel significatione *ordinali*, vel significatione *honoris*, vel significatione *maioris auctoritatis*, *insigniorisque ἐξουσίας*. Sed prior atque altera significatio improbari ¹² debet. Tertia ergo restat, quae probetur, et qua Petrus dictus idcirco πρώτος censeatur, quod apostolis ceteris auctoritate et ἐξουσίᾳ praeccelleret.

142. Abnuunt ¹³ protestantes, confirmationemque primatus ex evangelistarum scribendi ratione deductam, inde vehementius oppugnant, quod talis ea sit, e qua nullum Petri ornamentum, ὑπεροχή nulla apte colligatur. Etenim, inquit, apud Paulum ¹⁴ legimus: Ἀσπάσασθε Ἀσύγκριτον, Φλέγοντα, Ἑρμᾶν, Πατρόβαν, Ἑρμῆν, καὶ τοὺς σὺν αὐτοῖς ἀδελφούς. ἀσπάσασθε Φιλόλογον καὶ Ἰουλίαν, Νηρέα καὶ τὴν ἀδελφὴν αὐτοῦ, καὶ Ὀλυμπᾶν, καὶ τοὺς σὺν αὐτοῖς πάντας ἁγίους. Legimus apud Lucam ¹⁵: ἦσαν δὲ ἡ Μαγδαλενὴ Μαρία, καὶ Ἰωάννα, καὶ Μαρία Ἰακώβου, καὶ αἱ λοιπαὶ σὺν αὐταῖς. Et ¹⁶ in Actis: εἰ μὲν οὖν Δημήτριος καὶ οἱ σὺν αὐτῷ τεχνῖται. Quis porro non cernit, phrases has esse, formulasque dicendi iis plane geminas, quibus ¹⁷ Petri primatum statuere adlaboravimus? sicut ergo, inferunt, ineptum esset ex his deducere, *Asyncritum*, *Phlegontem*, *Hermam*, *Patrobam*, *Demetrium*, ceteris primatu antecelluisse, qui generatim solum nominati posthaberi videntur; ita inanis haberi conclusio debet, qua e similibus loquendi formulis Petri ὑπεροχή stabilitur.

¹¹) nn. 58. seqq. Ubi e re fore censeo, quae Salmasius secumipse pugnans tradit epistolarum lib. I. epist. XXVII: „De penser aussi que cette primauté ne soit autre chose qu'une préséance et l'honneur d'aller devant, c'est se mécompter. La pratique de la primitive Eglise est contraire, qu'il luy a tousyours donné d'avantage, et ce mot *primatus* en toute la Hierarchie ecclesiastique n'a jamais esté

sans quelque fonction superieure, ou jurisdiction avec l'honneur.“

¹²) nn. 130. seqq.

¹³) Cf. prae ceteris Salomonem Deilingium, Observatt. sacrarum, Exercit. VI. Observat. I.

¹⁴) Rom. XVI. 14—16.

¹⁵) Luc. XXIV. 10.

¹⁶) Act. XIX. 38.

¹⁷) nn. 117. seqq.

Ac inanis item, pergunt, haberi conclusio debet, qua inde Petri primatus eruitur, quod *πρῶτος* nuncupatur. Etenim apud Lucam ¹⁸ de iis, qui *ἀδιαφρόως* invitati fuerant, scribitur, *ὁ πρῶτος εἶπεν αὐτῷ*: de oeconomio, a quo dominus rationem administrationis postulaverat, dicitur ¹⁹, *ἔλεγε τῷ πρῶτῳ*: et de servis fidelibus additur ²⁰, *παρεγένετο δὲ ὁ πρῶτος*. At vero quis propterea statuatur, eos ceteris praecelluisse, qui *primi* compellantur? nemo plane qui ineptire nolit. Ad ineptiarum ergo genus referenda est conclusio, qua Petri primatus appellatione τοῦ πρώτου comprobatur.

Praesertim quum plus semel non primus, sed vel ultimus, vel medius, interiectusque nominetur. Quo sane ista ²¹ pertinent: *ἐγὼ μὲν εἰμι Παύλου, ἐγὼ δὲ Ἀπολλῶ, ἐγὼ δὲ Κηρᾶ, ἐγὼ δὲ Χριστοῦ*. Et ²²: *πάντα γὰρ ὑμῶν ἐστίν, εἴτε Παῦλος, εἴτε Ἀπολλῶς, εἴτε Κηρᾶς, εἴτε κόσμος, εἴτε ζωή, εἴτε θάνατος, εἴτε ἐνεστώτα, εἴτε μέλλοντα· πάντα ὑμῶν ἐστίν· ὑμεῖς δέ, Χριστοῦ· Χριστὸς δέ, Θεοῦ*. Ac ²³ rursum: *μὴ οὐκ ἔχομεν ἐξουσίαν ἀδελφὴν γυναῖκα περιάγειν, ὡς καὶ οἱ λοιποὶ ἀπόστολοι, καὶ οἱ ἀδελφοὶ τοῦ κυρίου, καὶ Κηρᾶς;*

143. Quibus ego ut occurrā, eaque omnia levia esse, imbecillaque demonstrem; nonnulla primum universim monebo, tum singula ita excutiam, ut nihil non expensum, nihil non penitus refutatum videatur. Itaque quum e praesidiis ad enarrandas rite Scripturas comparatis, nulli secundum illud sit, quod comparatione constat locorum sibi *ἐκ παραλλήλου* respondentium; non una tamen de caussa fit, ut detrimenta potius quam emolumenta ex eo saepissime percipiantur, indeque interpretandi perniciēs existat, unde sanitas opperienda videbatur. Inter has vero caussas, nescio, an non ea censi frequentior debeat, qua tamquam loci *significatione* paralleli ii habentur, qui tales non sunt nisi *sono*, et *litterarum, dictionumque structura*. Si qui enim in hasce syrtes impeerint, ibique *ὁμολογίαν*, vel significationis *ἀναλογία* commenti fuerint, ubi *ὁμολογία* et *ἀναλογία* nudo verborum, phrasiumque cortice absolvitur; quo congerendis parallelis locis student impensius, eo a sincera interpretatione longius exerrant.

144. Confidenter porro dixerim, pleraque ex iis omnia, quae a protestantibus cumulata ²⁴ retulimus, totidem esse veluti specimina illius vitii quod insectamur, quodque parallelismi usum in exitium convertit. Sane locos, quos censent similes, propterea recitant, ut *e significandi potestate* eisdem subiecta significationem eorum determinent, quos ad tuendum Petri primatum ipsi primum ²⁵ usurpavimus. Sed cogitarunt ne, an ea similitudo *verbalis* dumtaxat sit, an etiam *realis*? cogitarunt ne, an simile sit utrinque *subiectum*, vel diversum? an adiuncta *ὁμολογία* sint et *ἀνάλογα*, vel dissita potius et aliena

¹⁸) Luc. XIV. 18.

²²) Ibid. III. 22.

¹⁹) Ibid. XVI. 5.

²³) Ibid. IX. 5.

²⁰) Ibid. XIX. 16.

²⁴) n. 142.

²¹) I. Cor. I. 12.

²⁵) nn. 114. seqq.

de his nulla eos tetigisse sollicitudo videtur, et tamen manifesta ratio, luculentaque exempla demonstrant, ea inprimis fuisse spectanda, ne locorum comparatio praepostera esset, ac fallax inde ducta interpretatio.

145. Sane manifesta ratio ostendit, vocabula propemodum omnia, quum sint *πολύσημα*, non unam semper eandemque referre notionem, sed pro subiecti, adiunctorumque discrimine varias, diversasque potestates induere. Vocabula *obumbrandi*, *procedendi* ac *mittendi* proprias, singularesque apud Lucam ²⁶ et Johannem ²⁷ significationes subeunt: ac singularis item est notio, qua in evangelio ²⁸, in priore epistola ²⁹, et in apocalypsi ³⁰ τὸν λόγον Johannes usurpat. Hebraeis vox עֲלִיזָה non unius ubique est significationis; sed in altero

Regum libro ³¹, et in psalmo octogesimo-octavo ³² iis circumvestitur adiunctis, ut *aeternitatem* necessario designet. Denique neque latinis *virtus*, neque graecis *δύναμις*, ea sunt vocabula, quae eodem semper accipiantur sensu, vel ubi vis *rem ipsam*, idest, τὴν οὐσίαν demonstrant. Nihilominus neque *virtus* alium exhibet sensum apud Paschasium ³³, dum scribit: *Potior quippe virtus rerum, quam species et fucatus color. Idcirco virtus magis est considerata quam color seu sapor exterior, quia qui universis virtutem naturae dedit, hic huic sacramento* (Eucharistiae) *divinitus indulsit, ut sit caro et sanguis* ³⁴ *ipsius*. Neque aliud *δύναμις* denotat apud Theophylactum ³⁵, quum in commentario ad Marci evangelium docet, Christum, iis integris, quae in Eucharistia ³⁶ ad τὸ εἶδος spectant, panem ipsum, vinumque εἰς δύναμιν τοῦ σώματος καὶ τοῦ αἵματος convertisse.

146. Inanes ergo existimari debent protestantium curae, et opera inanis, quam corrogandis parallelis locis impenderunt. Similitudo enim *grammatica* mirum quantopere a *logica* distet, quamque sit praeposterum hanc ex illa definire. Quod ut evidentius innotescat, iam *singula* considerabimus.

Ac ea primum considerabimus, quibus ³⁷ ita nonnulli *nominatim*, ac alii

²⁶) Luc. I. 35.

²⁷) Joh. XV. 26.

²⁸) Ibid. I. 1 — 14.

²⁹) I. Joh. I. 1, V. 7.

³⁰) Apoc. XIX. 14.

³¹) I. Reg. VII. 16.

³²) Ps. LXXXVIII. 35 — 38.

³³) De corpore et sanguine Domini, cap. XIV.

³⁴) Quare de pane, quem erat exhibiturus, dixit Christus Joh. VI. 51: *Ἐγώ εἰμι ὁ ἄρτος ὁ ζῶν*, *ego sum panis ille vivens*, non vero ut in bibliis genevensibus redditur, *je suis le pain vivifiant*, ac si ζωοποιὸς legeretur, non ζῶν.

³⁵) Immo et apud Paulum II. Tim.

III. 5: *Ἔχοντες μόρφωσιν εὐσεβείας, τὴν δὲ δύναμιν ἀντὶς ἡρνημένοι*. Ubi *δύναμις* opposita *μορφώσει*, speciei vanae et inani, idem valet ac *εἰκὼν* prae *σκιᾷ*, corpus prae umbra, ac res ipsa et *οὐσία* prae eiusdem imagine.

³⁶) Quae tamen ipsa, licet ad *modos*, *qualitatesque* referantur, Theodoritus *οὐσίαν καὶ φύσιν* dicit, quemadmodum pluribus, diligenterque ostenditur T. III. operis inscripti, *La Perpetuité de la Foi de l'Eglise Catholique touchant l'Eucharistie*, lib. V. capp. VIII — IX.

³⁷) n. 142.

universim appellantur, ut nulla tamen illis prae hisce dignitas, ἐξοχή nulla tributa videatur. Peto enim an id *saepius* de iisdem fiat; immo peto an fiat *constanter*; tum postulo, adsint nec ne alia, eaque praeclarissima, quibus eorum comprobetur ὑπεροχή, qui seorsum nominantur. Si protestantes affirmaverint, contendam, eas dicendi formulas ita ex sese comparatas esse, ut aliorum prae aliis dignitatem significant. Sin vero negaverint, reponam, eos textus, ad *significandi potestatem* quod spectat, cum illis absurde componi, quos ad asserendum Petri primatum retulimus. Quocumque ergo se verterint, nulla iis rima patet, qua elabantur, ac ita tenentur adstricti, ut ne movere quidem pedem possint.

Praesertim quum ego plane non videam, quam ob rem ceteris, qui solum generatim innuuntur, haberi praestantiores non debeant, qui nominatim compellantur. Profecto si ex ea scribendi ratione ferendum sit iudicium, ad verum quam proxime accessisse videbimur, si affirmemus, honore ac dignitate non penitus fuisse pares, qui diversis adeo dicendi formulis memorantur.

147. Haec autem si illorum occasione textuum repetantur, qui altero obiiuntur loco ³⁸, et quibus argumentum impetitur ab appellatione τοῦ πρώτου Petro facta desumptum, vix plura desiderari posse arbitror, ut difficultas radicitus convulsa videatur. Quamquam aliud habeo quod moneam, quoque opposcentes pressius urgeam. Mihi ergo declarent, velim, utrum *ordinalis* τοῦ πρώτου *significatio* ab iis locis necessario absit, quos ipsi uti similes laudant, et tamquam parallelos inculcant. Nisi enim absit, nihil ea comparatione absurdius fingi potest, qua universa ipsorum ratio continetur. Atqui non abest, quum in obiectis locis ³⁹ continenter legatur, ὁ πρῶτος, καὶ ἕτερος: τῷ πρώτῳ, καὶ τῷ ἑτέρῳ: et ὁ πρῶτος, ὁ δεύτερος, ὁ ἕτερος. Ergo hos inter, adductaque a nobis ⁴⁰ testimonia non modo nulla existit ὁμολογία *realis*, sed ne *verbalis* quidem; eaque propterea nonnisi ἀτόπως ad invicem conferuntur.

148. Erat autem cur ab iis describendis protestantes abstinerent, quibus ⁴¹ Petrus *postremo*, vel interiecto loco numeratur. Pro discrimine enim orationis usuvenit, ut non medius minus, postremusque, quam primus in numeratione locus ad dignitatem pertineat. Pertinet ad dignitatem primus locus, quum oratio *decrescit*; sed si oratio *crescat*, *intendaturque*, eo sunt nobiliores loci ⁴², quo a primo longius abscesserint. At vero in tribus e priori ad Corinthios epistola depromptis testimoniis, manifesta est sermonis ἀΰξησις; adeo ut Petri dignitas inde rite colligatur, quod medius, postremusque censetur.

³⁸) n. 142.

³⁹) Luc. XIV. 18—21, XVI. 5—8, XIX. 16—21.

⁴⁰) n. 130.

⁴¹) n. 142.

⁴²) Ratione non admodum dissimili viri eruditi, Fogginius Exercit. XX. de romano

b. Petri itinere, Mamachius Orig. et Antiquitt. Christian. lib. IV. pagg. 515. seqq., alique demonstrarunt, *laevam partem* Petro prae Paulo interdum adtributam, argumentum esse debere, quo illius potior dignitas, celsiorque auctoritas significata existimetur.

Manifesta est in priore ⁴³, ubi Paulus usitata formula, λέγω δὲ τοῦτο, *nimirum dico*, interpellatam nonnihil orationem adnectens, pergit: *ὅτι ἕκαστος ὑμῶν λέγει· ἐγὼ μὲν εἰμι Παύλου· ἐγὼ δέ, Ἀπολλῶ· ἐγὼ δέ, Κηρᾶ· ἐγὼ δέ, Χριστοῦ* ⁴⁴. Quid porro evidentius, quam sermonem *intendi*, et in Christum, tamquam in supremum apicem desinere? Quod nemo melius Chrysostomo expressit, cuius ⁴⁵ haec sunt verba: οὐ προτιμῶν ἑαυτὸν τοῦ Πέτρου τέθεικεν ἐσχάτον ἐκείνον, ἀλλὰ καὶ σφόδρα τὸν Πέτρον ἑαυτοῦ προτιθεῖς. κατὰ γὰρ αὐξήσιν προήγαγε τὸν λόγον.

Manifesta est in altero ⁴⁶, ubi Paulus enucleatius expoliens, quod praemiseraat, πάντα ὑμῶν ἐστίν, subdit: *vestra sunt omnino omnia*, εἴτε Παῦλος, εἴτε Ἀπολλῶς, εἴτε Κηρᾶς, εἴτε κόσμος, *sive Paulus, sive Apollo, sive Cephas*, et si satis ista non sunt, *ipsemet mundus*, quem in aliquot veluti partes tribuens, singulari animi concitatione, verborumque ⁴⁷ cumulo, pergit, εἴτε ζωή, εἴτε θάνατος, εἴτε ἐνεστῶτα, εἴτε μέλλοντα· confirmo quod dixi, πάντα ὑμῶν ἐστίν. Quamquam vero tot, tantaque sint, quae ad vos spectant, vos tamen vestri non estis, sed ὑμεῖς δὲ Χριστοῦ, *estis Christi sors et peculium*, Χριστὸς δέ, Θεοῦ, *Christus autem est Dei*, utpote υἱὸς τοῦ Θεοῦ, cui ⁴⁸ ὁ πατήρ πάντα δείκνυσιν, qui ⁴⁹ οὐκ ἄρ' ἑαυτοῦ λαλεῖ, sed ⁵⁰ ῥήματα τοῦ Θεοῦ λαλεῖ. Quare vestrae omnes divitiae eo redeunt, ut non hominum sitis discipuli, sed per Christum Θεοδίδακτοι habeamini. E quibus nihil luculentius quam

⁴³) I. Cor. I. 12.

⁴⁴) Censet Bowyer, *Konjekturen über das N. T.* pag. 399, loco Χριστοῦ legendum esse Κρίσπον, quo nomine significari putat synagogae iudaicae praefectum, quem Paulus Act. XVIII. 8. coll. I. Cor. I. 14. ad christiana sacra perduxerat. Verum, subdit Julius Pott in Prolegomenis ad commentarium, quo Pauli epistolam explanavit, „eiusmodi coniectura in tanto codicum, versionumque, lectionem Χριστοῦ tenentium, consensu iusto audacior apparet; praecipue cum non in promptu sit ratio, cur lectio expeditior Κρίσπον cum impenitiori Χριστοῦ commutata fuerit.“

⁴⁵) In I. Cor. hom. III. n. 2: „Non se Petro praeferens, posuit illum ultimum; imo vero Petrum sibi valde praeponens, per amplificationem loquutus est.“ Quae postrema Montfauconii verba non minimum a sententia Chrysostomi abscedunt. In-

terim ipse quoque Theodoritus de Petri dignitate sollicitus, scribit: *Προστέθεικα δὲ καὶ τὸ τοῦ κορυφαίου τῶν ἀποστόλων*. Quae Patrum cura, ne biblicorum testimonia in alienum sensum raperentur, perspicue declarat, quam alte illorum animis fides de potiori Petri dignitate insideret.

⁴⁶) I. Cor. III. 22 — 23.

⁴⁷) Quae singulis hisce verbis distincta notio subiicienda sit, neque definiri facile potest, neque veteres, recentioresque interpretes consentiunt. Theodoritus sic habet: Ὑμῖν δέδοται καὶ ἡ παρούσα καὶ ἡ προσδοκώμενη ζωή. καὶ αὐτὸς δὲ ὁ θάνατος τῆς ὑμετέρας ἐνεκεν ὠφελείας ἐπηρέχθη τῇ γνώσει· καὶ τὰ ὀρώμενα πάντα εἰς ὑμετέραν δεδημιούργηται χάριν, καὶ τὰ προσδοκώμενα ὑμῶν χάριν ὑπέρβυσται.

⁴⁸) Joh. V. 20.

⁴⁹) Ibid. VII. 17.

⁵⁰) Ibid. III. 34.

ita per gradus orationem crescere, ut ex humanis magistris, qui plantant et rigant, ad Deum verum, supremumque magistrum tandem assurgat.

149. Restat tertium, postremumque testimonium, quo Paulus, quum⁵¹ in eo esset, ut suum apostolatam meritis laudibus efferret, inquit: μή οὐκ ἔχομεν ἐξουσίαν ἀδελφὴν γυναῖκα⁵² περιάγειν, ὡς καὶ οἱ λοιποὶ ἀπόστολοι, καὶ οἱ ἀδελφοὶ τοῦ κυρίου, καὶ Κηρᾶς; Sed quos dicit τοὺς λοιποὺς ἀποστόλους, *apostolos reliquos*? duodecim ne, qui κατ' ἐξοχὴν apostoli vocabantur? eiusmodi significatio videri necessaria non debet, quum τοῦ ἀποστόλου nomen non infrequenter latius pateat, eosque designet omnes, qui munus apostoli, idest⁵³, τοῦ ἀπεσταλμένου gererent. Unde non legimus⁵⁴ solum, ὑμῶν (Philippensium) ἀπόστολον, et⁵⁵ ἐκκλησιῶν ἀποστόλους, verum etiam⁵⁶ ἐπισήμους ἐν τοῖς ἀποστόλοις.

Porro si haec accipiat haud paulo laxior significatio, αὔξῃς in oculos incurrit, verbaque Pauli hunc sensum reddunt: *an potestas nobis non est mulierem sororem circumducendi, quemadmodum et apostolis reliquis, atque adeo fratribus Domini, et potissimum Cephae?*

Fac tamen τοῖς λοιποῖς ἀποστόλοις ipsos duodecim significari: Petri ὑπεροχὴ non minori evidentia refulget. Ecce enim a reliquis nominatim ille secernitur? cur ille seorsum prophetico nomine compellatur? quod e reliquis quidem esset, sed non tamquam unus e reliquis, verum inter reliquos maior ac sublimior. Quod Chrysostomus⁵⁷, alio licet ex capite, luculentissime tamen expressit, inquires: *Vide Pauli sapientiam, τὸν κορυφαῖον ὕστερον τέθεικε, coryphaeum ultimum posuit. τὸ γὰρ ἰσχυρότερον τῶν κεφαλαίων τότε τίθεται. Fortissimum enim eos inter qui capita erant, tunc ponit. Οὐδὲ γὰρ οὕτω θανυμαστὸν ἦν δεῖξαι τοὺς ἄλλους τοῦτο ποιοῦντας, ὡς τὸν πρωτοστάτην, καὶ τὰς κλεῖς ἐμπιστευθέντα τῶν οὐρανῶν. Neque enim adeo mirum erat, alios ita se vulgo gerere demonstrasse, quam idipsum de eo ostendisse, qui princeps erat, quique claves regni coelorum in fidem receperat. Ceterum non eum solum ponit, sed omnes, ac si diceret: ἂν τε καταδεστέρους ζητῆς, ἂν τε ὑπερέχοντας, ἀπάντων κεῖται τὰ ὑποδείγματα, sive inferiores quaeras, sive superiores, omnium prostant exempla. Etenim fratres Domini a priori incredulitate⁵⁸ soluti, inter clariores erant, quamquam ad culmen aposto-*

⁵¹) I. Cor. IX. 5.

⁵²) Pro ἀδελφὴν γυναῖκα codices non pauci, itemque versiones ac Patres habent modo ἀδελφὰς γυναῖκας, modo γυναῖκας, et modo simpliciter ἀδελφὰς. Semleri suspiciones de harum varietatum origine, absurdae sunt, et homine catholicis institutionibus infensissimo dignae.

⁵³) Thomas M. ἀπόστολος· ὁ ἀπεσταλμένος.

⁵⁴) Philipp. II. 25.

⁵⁵) II. Cor. VIII. 23.

⁵⁶) Rom. XVI. 7.

⁵⁷) In I. Cor. hom. XXI. n. 2.

⁵⁸) Joh. VII. 5: Οὐδὲ γὰρ οἱ ἀδελφοὶ αὐτοῦ ἐπίστεον εἰς αὐτόν.

lorum ⁵⁹ non pervenissent; ideoque μέσους αὐτοὺς τέθεικεν, ἐκατέρωθεν τοὺς ἄκρους θείς, *medios illos collocavit, summis utrinque positis*. Quae eo sane pertinent ut intelligamus, eodem ferme pacto inter apostolos excelluisse Petrum, quo inter discipulos, fratresque Domini apostoli eminebant.

CAPUT XIV.

Quid e Pauli verbis ad Gal. II. 9. consequens esse protestantes affirmant: — quaestio critica de genuina lectione: — quae suadere videantur, Petrum priori loco esse collocandum: — permittitur vulgata lectio: — protestantium vero ex ea ductum πόρισμα refellitur: — demonstratio primatus, quam evangelistarum de Petro scribendi ratio praebet, confirmatur atque absolvitur.

150. Quod altero ecclesiae saeculo Tertullianus ¹ animadvertit, non alio frequentius nomine errorum vindices, sectarumque auctores rebus suis patrociniari, quam bibliorum relatis, obiectisque testimoniis; id verissimum esse in praesentia experimur, quum primatus osiores illius oppugnandi inde ansam arripere videmus, quod Paulus medio, interiectoque loco Petrum his verbis ² collocaverit: Γνόντες τὴν χάριν τὴν δοθεῖσάν μοι, Ἰάκωβος καὶ Κηφᾶς καὶ Ἰωάννης, οἱ δοκοῦντες ³ στύλοι εἶναι, δεξιὰς ἔδωκαν ἐμοὶ καὶ Βαρνάβᾳ κοινωνίας, ἵνα ⁴ ἡμεῖς εἰς τὰ ἔθνη, αὐτοὶ δὲ εἰς τὴν περιτομήν. Etenim, inquirunt ⁵, si nota Paulo, compertaque fuisset celsior Petri dignitas, supremaque

⁵⁹) Ephes. IV. 11 — 12. coll. Rom. XII. 3 — 6, I. Cor. XII. 11.

¹) De Praescriptt. cap. XV: „Sed ipsi (profanorum δογμάτων auctores) de Scripturis agunt, et de Scripturis suadent. Aliunde scilicet loqui possent de rebus fidei, nisi ex litteris fidei?“ Quibus consona habent Epiphanius in litteris ad Johannem praesulem hierosolymitanum, Vincentius in Commonitorio, et Hieronymus in dialogo adver. Lucifer. inquit: „Nec sibi blandiantur haeretici, si de Scripturarum capitulis videntur sibi affirmare quod dicunt, quum et diabolus de Scripturis sit aliqua loquutus, et Scripturae non in legendo consistant, sed in intelligendo.“

²) Gal. II. 9.

³) Οἱ δοκοῦντες στύλοι εἶναι, idem quod, οἱ ὄντες στύλοι.

⁴) Similia ellipticae orationis exempla habes apud Paulum non infrequenter, ut cap. V. 13, et Rom. IV. 16.

⁵) Plures occurrerent quos nominarem, sed placet ea repetere, quae martyr Ignatius ad smyrnenses scripsit: Τὰ δὲ ὀνόματα αὐτῶν ὅντα ἄπιστα οὐκ ἔδοξε μοι ἐγγράψαι· ἀλλὰ μηδὲ γένοιτό μοι αὐτῶν μνημονεύειν μέχρις οὗ μετανοήσωσιν. Quae vetus interpres sic reddidit: „Nomina autem ipsorum (haeticorum) existentia infidelia non visum est mihi inscribere; sed neque fiat mihi ipsorum recordari usque quo poeniteant.“

inter apostolos auctoritas; neque illum ἀδιαφύρατος nominasset, ac longe etiam minus altero post Jacobum⁶ loco recensuisset. Fecit autem utrumque. Quid igitur superest, nisi ut, Paulo gravissimo sane auctore, concludatur, nulla prae reliquis dignitate Petrum eminuisse?

151. Quae dum ego refero, mirari satis non possum miseram humanarum mentium conditionem, e qua illud existit sane lamentabile, ut levissimas ob causas in transversum abreptae, de maximis etiam quaestionum capitibus praeiudicio potius, quam cauta, librataque sententia decernere videantur. Nemo enim non intelligit omnino decuisse, ne prius de oppugnando Petri primatu cogitaretur, quam duo essent diligenter expensa, certisque rationibus definita: utrum videlicet sibi probe constant, quibus totum illationis opus incumbit; deinde vero ea ne sit illatio, quae e suis principiis rite deducta merito existimetur. Neque enim eo summa redit, ut biblicorum testimonia recitentur, divinarumque litterarum auctoritas⁷ praetendatur; sed in id conferri opera potissimum debet, ut quae sit genuina illarum lectio⁸, sinceraque interpretatio⁹ demonstretur.

152. Porro, ut ab eo ordiar, quod primum commemoravi, indubitatum ne est, Cephā non primo, sed medio, interiectoque loco legendum esse? me sane non fugit, codices adhuc dum reliquos esse graecos et latinos, illosque vetustissimos, qui priorem locum Cephae, alterum Jacobo deferunt. Eiusmodi sunt codices alexandrinus, et barnerianus graeco-latinus, qui non Κηφᾶν, sed Πέτρον habent, ac Petrum Jacobo anteponunt. Eiusmodi codices praeae versionis latinae, qui, Sabatiero teste, hanc lectionem exhibent: *et cum cognovissent gratiam, quae data est mihi, Petrus et Jacobus et Johannes*. Eiusmodi codices, quibus Tertullianus¹⁰, Chrysostomus¹¹, Ambrosiaster¹², genuinus Ambrosius¹³, Augustinus¹⁴ et Theodoritus¹⁵ usi sunt. Neque aliter Hieronymus¹⁶ legit, vel legi ab aliis consuevisse in commentario meminit.

⁶) Gal. II. 9.

⁷) Siquidem, ut in altera adversus arianos oratione Athanasius monet, haeretici, κατόνα ἐπὶ καρδίαν ἀσέβειαν θήμενοι, πρὸς τοῦτον πάντα τὰ θεῖα λόγια διαστρέφονσι, postquam impietatem in corde suo pro canone constituerunt, ad eum divina omnia corrumpunt oracula.

⁸) Nisi enim haec rata sit, constare cetera non poterunt.

⁹) E qua tandem quaestionis explicatio dependet.

¹⁰) Con. Marc. lib. III. cap. III. His autem codicibus addi debent alii sane non pauci, quos Augustinus Scholz recenset et laudat.

¹¹) In cap. II. epist. ad Galatas, n. 3, non quidem quum textum primum citat, sed quum illum repetit et commentario explanat.

¹²) In comm. ad h. I.

¹³) De interpellat. Jobi, lib. I. cap. V.

¹⁴) In cap. II. epist. ad Galat. n. 13.

¹⁵) Ad Ps. LXXXVI. 1, ad Cant. III. 10, ad Rom. XV. 26, et ad II. Cor. VIII. 18. Verum semel in ὑποθέσει in epist. ad Hebraeos legit, Ἰάκωβος καὶ Κηφᾶς καὶ Ἰωάννης.

¹⁶) Non minus in textu, quam in commentario habet, *Petrus et Jacobus et Joannes*. His vero, quos laudavimus testibus, referente Scholzio, addendi sunt

153. Constat autem ¹⁷ ex prooemio ad Eustochium, non antea infinitae eruditionis virum ad explanandam Pauli ad Galatas epistolam accessisse, quam ¹⁸ Caii Marii Victorini commentarios, Origenis tractatus, excerptaque, et Didymi, Laodicensi, Alexandri, Eusebii emeseni et Theodori heracleotis *ἐξηγήσεις* diligenter pervolutasset. Suspiciari ergo licet eam ipsam apud hosce omnes lectionem reperisse Hieronymum, quam ipsemet sequutus ita est, ut alterius ne minimam quidem mentionem iniecerit. Quis vero non plurimi ducat ¹⁹ lectionem tanta auctoritate comprobata? aut quis contra ratam eam, fixamque putet, cui tot, tantique testes refragantur? cui et *ἀναλογία* refragatur, quae ubivis in evangelis ²⁰, ac in ipsis Pauli epistolis ²¹ se prodit? lectio igitur, *Ἰάκωβος καὶ Κηφᾶς καὶ Ἰωάννης*, e qua illationis moles tota dependet, talis non est, quae inspecta penitus, et ad critices exacta leges certa, indubiaeque haberi posse videatur.

154. Quibus ego detractam illi probabilitatem nolo, qua gaudet, quamque eidem et codices bene multi, et antiquae ²² versiones, praeclarique testes conciliant. Immo non invitus permittam, ut alteri prae habeatur, ac ex ea de mente, sententiaque Pauli iudicium pronuncietur. Quodnam vero? illud ne quod editum a protestantibus ²³ retulimus? minime profecto, quemadmodum certis rationum momentis primum est demonstrare.

Irenaeus, Gregorius nyssenus, Cassiodorius et Haymo.

¹⁷) Quod legitur initio commentariorum in epist. ad Galatas.

¹⁸) Laudatis Caii Marii Victorini commentariis in Apostolum, de ipso Victorino subdit: „Quod occupatus ille eruditione saecularium litterarum, scripturas omnino sanctas ignoraverit, et nemo possit quamvis eloquens de eo bene disputare quod nesciat.“ Tum pergit: „Quid igitur, ego stultus aut temerarius qui id polliceor quod ille non potuit? minime. Quin potius in eo mihi videor cautior atque timidior, quod imbecillitatem virum mearum sentiens, Origenis commentarios sum sequutus. Scripsit enim vir ille in epistolam Pauli ad Galatas quinque propria volumina, et decimum Stromatum suorum librum commentico super explanatione eius sermone complevit; tractatus quoque varios et excerpta, quae vel sola possunt sufficere, composuit. Praetermitto Didymum videntem meum, et Laodicenum de ecclesia

nuper egressum, et Alexandrum veterem haereticum: Eusebium quoque emesenum, et Theodorum heracleoten, qui et ipsi nonnullos super hac re commentarios reliquerunt. E quibus si vel pauca decernerem, fieret aliquid quod non penitus contemneretur. Itaque ut simpliciter fatear, legi haec omnia.“

¹⁹) De qua ita Grotius in commentario decernit: „In ms. illo antiquissimo non est interpositum inter *Jacobi* et *Joannis* nomen *Cephae*; quod rectius arbitror. Satis enim fuit praecessisse *Petri* sive *Cephae* nomen. Neque moris est eum qui princeps sit collegii, medio loco nominari; sed aut primo, ut Matth. X. 2, aut postremo, ut Marc. XVI. 7. Praeterea scriptores veteres de hoc loco agentes, Petrum primo loco nominant.“

²⁰) nn. 116. seqq.

²¹) n. 137. seqq.

²²) Quas inter Vulgata, et Syriaca simplex eminent.

²³) n. 150.

Sane qui in theologicorum studiorum genere vel mediocriter sunt versati, hī probe norunt: I. solemnī lege receptum esse, ut si quando vel omnes simul divinae trinitatis hypostases, vel ex his duae, Pater, Filiusque memorantur, ille huic anteponatur²⁴, atque adeo Filius altero gradu collocetur. Norunt deinde II. priscis iuxta recentibusque theologis²⁵ hanc ratam, fixamque loquendi legem occasionem praeuisse docendi, idcirco Patri constanter primas deferri, quod illi prae Filio consubstantiali ἀξίωμα insit, quo fit, ut eiusdem μεῖζων²⁶ nuncupetur. Maior utique non *natura*, quae una eademque²⁷ utrique inest, *sed personali caractere*, quo Pater αἰτιον est, πηγή et ῥίζα Filii, qui ex eo tamquam αἰτιατός, et tamquam e fonte fluvius, ac e radice frutex sobolescit. Norunt postremo III. hanc numerationis legem, solemnem licet et constantem, minime tamen impediisse, quominus semel ac iterum Filius Patri praeponeretur. Illi namque praeponitur, quum²⁸ dicitur, διὰ Ἰησοῦ Χριστοῦ καὶ θεοῦ πατρὸς: ac rursum quum²⁹ additur, ὑμεῖς ἐν τῷ υἱῷ καὶ ἐν τῷ πατρὶ μενεῖτε. Ergo ne integrum propterea erit, vel compertam, exploratamque legem, qua Pater Filio praeponitur, negare; vel ἀξίωμα Patris hac lege constitutum in controversiam adducere, aut etiam penitus repudiare? consecraria ista forent praepostera et absurda, et ab iis, quae in Scripturis habentur, alienissima. E quibus hoc unum colligi rite potest, vestigandas caussas esse, propter quas uno, alterove loco solemnī usus negligatur, et novus ac plane ἀνώμαλος compareat.

155. Jamvero sunt haec non simillima modo, sed iis plane gemina, quibus distinemur. Constat enim de lege, qua Petrus recepto, vulgatoque usu apostolis reliquis anteponitur: constat, eum simpliciter πρῶτον dici: constat neque illius legis, neque huius appellationis aliunde caussam repeti posse, quam e singulari Petri dignitate; at simul constat, eum semel non praeponi, sed medium inter Jacobum et Johannem a Paulo collocari. Quid igitur erui ex his debet, si omnia rite, ac uti decet, aestimentur? nullam ne legem esse in recensendis apostolis constanter servatam? vel adesse eam quidem, non eiusmodi tamen, qua Petri ὑπεροχή comprobetur? qui secum ita statuerent, non apte disserere, sed turpiter praevaricari dicendi forent. Reliquum est ergo, ut iis

²⁴) Ad omnem paginam testimonia recurrit, quibus hic usus comprobatur.

²⁵) Cf. Georgium Bullum, Defensionis Fidei Nicaenae Sect. IV.

²⁶) Joh. XIV. 28: Προεῖμαι πρὸς τὸν πατέρα· ὅτι ὁ πατήρ μου μεῖζων μου ἐστι. Quae postrema verba Epiphanius Haeres. LXIX. n. 53. sic legit, ὁ ἀποστείλας με πατήρ, μεῖζων μου ἐστι: Athanasius vero et alexandrinus Cyrillus apud Petavium de Trinit. lib. II. cap. II. §. I. sic citant: ὁ πέμψας με πατήρ, μεῖζων μου ἐστι.

²⁷) Hinc illud sardicensium patrum in epistola synodica apud Theodorum H. E. lib. II. cap. VIII: Οὐδέ τις ἀρνεῖται ποτε τὸν πατέρα τοῦ υἱοῦ μεῖζονα, οὐδ' ἄλλην ὑπόστασιν (idest, οὐσίαν), οὐδ' ἄλλην διαφορὰν (φυσικὴν), ἀλλ' ὅτι αὐτὸ τὸ ὄνομα τοῦ πατρὸς μεῖζόν ἐστι τοῦ υἱοῦ. Ut enim Gregorius nazianzenus Orat. XXXVI. pag. 582. scribit: Τὸ μεῖζον μὲν ἐστὶ τῆς αἰτίας, τὸ δὲ ἴσον τῆς φύσεως.

²⁸) Gal. I. 1.

²⁹) I. Joh. II. 24.

concessis, quae certa sunt, *propriae, peculiaresque caussae* exquirantur, quibus permotus Paulus Petrum alteri semel postposuerit. Et hac quidem *conditione* exquirantur, ut eorum, quae indubia sunt, certitudo, sive comperta illa fuerint, sive incomperta manserint, nullatenus periclitetur.

156. Cuius quidem conditionis aequitas nequit non manifestissima videri. Nulla enim est disciplina, scientia nulla, quae anomaliis penitus vacet. Suis obnoxia est anomaliis grammatica, suis philologia, chronologia, archaeologia; neque ab iis soluta sunt ac libera ea quoque physicorum systemata, quae pleniori consensione laudantur. An propterea vel suas regulas grammatici, vel suos canones philologi, chronologi, archaeologi, vel sua systemata physici negligunt et aspernantur? immo suam singuli suppellectilem tuentur, caussasque eorum, quae abnormia sunt, ita venantur, ut si illas reppererint, in medium promant, sin autem minus, profiteantur, quod profitendum crebro esse, quo sunt doctiores, eo vehementius inculcant: non pauca esse, quae nostram industriam fugiunt, lucemque veritatis ita nobis splendescere, ut umbris, nebulisque non careat, quibus infusceatur.

157. Haec autem, si ad rem praesentem, quemadmodum fieri debet, traducantur; perspicuum erit, obiectum Pauli testimonium eo suapte natura pertinere, ut caussae, siquae inveniri possint, postpositi semel Petri referantur, iisque relatis ostendatur, ne ipsam quidem loquendi *ἀνωμαλίαν* sua funditus ratione destitui. Et adsunt sane eiusmodi caussae; eaeque sin minus certae et evidentes, probabiles ³⁰ tamen, quaeque ad veritatem proxime accedere videntur. Harum aliquot his verbis complexus est ³¹ Guillelmus Estius: „Jacobum primo loco nominat ad honorem Domini, cuius erat ³² frater; et quia Jerosolymorum episcopus erat, ubi haec gerebantur, idemque maximi nominis apud iudaeos ³³ ob sanctitatis opinionem; ut liquet ex Josepho et Hegesippo.“ Haec ille, quibus sane non desunt quae addas. Ac inprimis nihil impedit, quominus arbitremur, Jacobum, Cepham et Johannem eo ordine a Paulo numerari, quem *ratio temporis* postulabat, quo illi primum occurrerunt, illique ³⁴ *δεξιῶς κοινωνίας* praebuisse dicuntur. Cum rei autem veritate omnino consonat, ut Paulus

³⁰) Quae omnino sufficere debent, quum non de veritate demonstranda, sed de expedienda difficultate, et anomalia concilianda disputetur.

³¹) In comm. ad Gal. II. 9.

³²) Idest *consanguineus, consobrinus*. Sicut enim hebraeis בן idem crebro valet ac *consanguineus*, ut Gen. XIII. 8, XX. 12, XXIX. 10, XXXI. 23; ita graecis *ἀδελφός*, apud quos *τὰ ἀδελφὰ* universim dicuntur *τὰ ὅμοια*. Unde Theophylactus: *Εἶπθεν ἡ γραφή τοὺς συγγενεῖς ἀδελφούς ὁρό-*

μαίειν. Et Olympiodorus: *Ἀδελφούς καὶ ἀδελφάς, πάντας τοὺς συγγενεῖς, εἶπθεν ἡ θεία προσαγορεύειν γραφή*.

³³) Qua de re vide quae scribit Josephus Antiquitt. Jud. lib. XX. cap. VIII. al. IX; Hegesippus apud Eusebium H. E. lib. II. cap. XXIII; Clemens alexandrinus apud eundem lib. II. cap. I; et Hieronymus de Viris Illustribus.

³⁴) In pignus amicitiae, et necessitudinis coniunctissimae in praedicando evangelio.

Hierosolymam veniens Jacobum omnium primum obviam habuerit, cum eo contulerit, societatemque iniverit. Reliqui enim, ut impositum sibi propagandae evangelicae lucis munus obirent, ab urbe frequenter aberant, in qua Jacobus, utpote proprius ³⁵ eiusdem pastor, stabilis permanebat. Coniectura est igitur minime negligenda, primum idcirco Jacobum numerari, quod ipse *tempore primus* suam cum Paulo consensionem declaraverit. Quare neque ille praepositur; quod esset dignior; neque Cephas postponitur, quod reliquis dignitate non antecelleret.

158. Ceterum non aliunde numerationis ratio desumi commodius potest, quam *e consilio*, quo Jacobum, Cepham et Johannem Paulus laudavit. Propositum enim, consiliumque scriptoris ³⁶ instar legis haberi debet, ad quam singula referantur. Quo igitur spectavit Paulus, quum in medium illos adduxit? orationis series, et gravissima Chrysostomi ³⁷ auctoritas dubitare nos non sinunt, eos idcirco allegari, ut ad Legis ³⁸ praescriptum, duorum, triumve testificatione controversia omnis dirimeretur, doctrinaque de abrogata mosaicorum rituum necessitate, quam Paulus tuebatur, in tuto collocaretur. Neminem porro latet, eo ad faciendam fidem aptiores, paratioresque, sin minus κατ' οὐσίαν, certe ἐκ τοῦ συμβεβηκότος, testes censi, quo ab ea sententia alieni magis videri poterant, cui tamen suo testimonio patrocinantur. Quis autem prae Jacobo videri potuit aut debuit doctrinae Pauli infensior? prae Jacobo, inquam, episcopo hierosolymitano, quique aliis non praeerat, quam e circumcissione fratribus, iisque ³⁹ legalium observationi addictissimis? fuit ergo cur Paulus neminem Jacobo praeferret, illumque, utpote testem ἐκ τοῦ συμβεβηκότος maximum, omnium primum nominaret.

159. Ac fuit item, cur neque Cepham anteponeret, neque potioris auctoritatis, qua praeditus ille erat, meminisset. Universae enim epistolae ratio ⁴⁰ luculenter ostendit, in id Paulum incubuisse, ut reiectis ψευδοδιδασκάλων calumniis, suam apud galatas caussam assereret, eisdemque demonstraret, neque sibi, ad apostolatum quod attinet, quidquam eorum defuisse, quibus ceteri apostoli, iique ipsi potirentur, qui στίλοι esse ⁴¹ videbantur: neque sibi fraudi fuisse, quod Christum propriis non conspexerit oculis, propriisque auribus lo-

³⁵) Quod veteres omnes uno ore confirmant, ut pluribus Petavius, De Ecclesiast. Hierarch. I. L. capp. VII—VIII, ostendit.

³⁶) Ac instar legis revera habent qui legitimae interpretationis canones assignant.

³⁷) In cap. II. epist. ad Galatas, n. 3.

³⁸) Deut. XIX. 15. coll. Matth. XVIII. 16: ἵνα ἐπὶ στόματος δύο μαρτύρων ἢ τριῶν σταθῇ πᾶν ῥήμα.

³⁹) De quo studio lege quae scribuntur Act. XX. 21, et Gal. II. 12.

⁴⁰) Uti liquet ex capitibus I—II—III. 1. seqq. IV. 11—14—16—21, et V. 2.

⁴¹) Gal. II. 9. Ad quae verba Chrysostomus: Καὶ οὐ τὸ εἶναι ἀναρῶν, τοὺς δοκοῦντάς φησιν, ἀλλὰ καὶ τὴν τῶν ἄλλων παραλαμβάνων γνώμην, καὶ λέγων, ὅτι οἱ μεγάλοι καὶ ἐξαίρετοι, καὶ οὗς πάντες πανταχοῦ περιφέρονσιν, οὗτοι μάρτυρές εἰσι τῶν λεγομένων.

quentem audiverit; ita namque divina revelatione sibi omnia innotuisse, ut non habuerint apostoli ⁴² quod eum edocerent.

Nemo autem non videt quam male cum hoc controversiae capite cohaereret, vel disertis verbis Cephae tamquam potioris mentionem iniicere, vel ea utcumque interserere, quae apostolorum inaequalitatem significarent. Quod ut plenius intelligatur, reputari animo debet, sermonem Paulo esse de ipso apostolatus munere, deque origine apostolicae doctrinae, eoque suapte natura referri, ut galatis ostendatur, neque ipsi minus quam apostolis ceteris tributam divinitus apostolatus dignitatem convenire, neque aliam esse originem doctrinae, quam ipse, quamque apostoli reliqui praedicarent: unam enim eandemque esse doctrinam, ac ex uno eodemque divinae revelationis fonte profectam. Porro ad utrumque caput quod pertinet, *apostolatus, acceptaeque divinitus doctrinae*, pares omnino erant apostoli, nullo inaequalitatis discrimine secernebantur, nec quidquam inerat Cephae, quod omnibus ex aequo apostolis non competeret. Materies ergo orationi subiecta postulabat, ut de illis Paulus ἀρχίως loqueretur, omnes uno, eodemque numero haberet, nihilque uni deferret, quod aliis item non tribueret.

160. Quare ex eo quem sequitur numerationis ordine istud erui dumtaxat potest, comparate ad apostolatam, et originem, fontemque apostolicae doctrinae apostolos omnes pares esse, ac nullum Cephae, nullamque alteri cuivis ex apostolis praerogativam convenire, quae communis reliquis omnibus non extiterit. Quis autem sinat, ut inde ulterius inferendo concludatur, *nullo ex capite* Cepham inter reliquosque apostolos sumi discrimen posse? ut concludatur, pares fuisse apostolos comparate ad apostolatam, coelestemque originem doctrinae quam praedicabant; ergo *undequaque* fuisse pares? an quia homines sunt pares comparate ad naturam, qua ὁμοούσιοι dicuntur; propterea *universim* pares existimari debent? adeo ut inaequalitas, quae e communi natura non oritur, eadem proficisci aliunde nequeat? παροράματα ista sunt indigna quae refutentur, quaeque semel detecta, eorum quidem ἀβλεψίαν aperiunt, qui in ea offendant, sed causam non iuvant, cuius illi se vindices, tutoresque profitentur.

161. Quam causam iam abunde profligatam, sua loquendi, scribendique ratione denuo evangelistae subvertere dicendi sunt, quum quae ad Petrum spe-

⁴²) Gal. II. 6: Ἐμοὶ γὰρ οἱ δοξοῦν-
τες οὐδὲν προσηθέμεντο. Idest, interprete Hieronymo: „Ipse superius cum illis contulit, et multa ad eos retulit, quae in gentibus perpetrarat; illi nihil contulerunt ei, sed tantummodo quae ab eo dicta sunt comprobantes; dexteram dederunt consortii, et unum suum, Paulique evangelium firmaverunt. Rursum notandum, quod προσηθέμεντο, idest, con-

tulerunt, verbum ipsum sit in graeco, de quo ante tractavimus.“ Tractaverat autem ad v. 2. his verbis: „Ut verius dicam, sermo graecus ἀνεθέμην, aliud quiddam quam apud nos intelligitur, cum scilicet ea quae novimus, conferimus cum amico, et quasi in sinum eius et conscientiam reponimus, ut pari consilio vel probanda sint, vel improbanda quae novimus.“

ctant tam sedulo, tamque diligenter narrando persequuntur. Evolvantur enim illorum commentarii: quid est quod mentem continuo subit? singulare videlicet studium quo ea describunt, quae ad repraesentandam Petri vitam faciunt; adeo ut res, gestaque Petri alterum ab iis locum teneant, quae ad Christum, princeps evangelii *subiectum*, referuntur. Hinc ea cura, qua non illustria solum illius facinora, verum etiam vulgaria atque communia litteris consignant: hinc dictorum eius enucleata recensio: atque hinc Petri nomen toties ingeminatum, ut nullum ab Christi et Jesu appellatione frequentius repetatur. Sane in universo novo testamento Johannes, qui tamen crebrius ceteris ⁴³ memoratur, nonnisi *octo supra triginta* vicibus recurrit. Atqui Petrus, ut de evangeliiis solum dicam, missaque faciam Acta, litterasque apostolorum, vicibus *viginti tribus* a Matthaeo, *octodecim* a Marco, *viginti* a Luca, et a Johanne *triginta* laudatur. Temere ne atque inconsulto? nemo id in animum induxerit, quum effectus suis neque careant, neque carere caussis possint. Adfuit ergo caussa, quae in iis quae ad Petrum attinent recensendis, exquisitam adeo operam ab evangelistis postulavit. Quanam vero? illi nempe simillima, quae eos permovit, ut dicta, gestaque Christi diligentissime conscriberent. Similium namque effectuum par est caussas minime dissimiles assignare. Sed summa Christi dignitas effecit, ut ipse, gestaque eius principe in loco haberentur. Potior ergo Petri dignitas, qua reliquis praecelebat apostolis, quaeque erat evangelistis exploratissima, caussa iisdem fuit, ut ipsa scribendi ratione Petrum a ceteris distinguerent, distinctumque demonstrarent.

162. Cui distinctioni demonstrandae illud etiam confert evangelistis usitatissimum, ut si quando ea narrant, quae ab omnibus simul apostolis dicenda, agendave essent, vix non constanter Petrum exhibeant, qui communes partes unus explet, omnium personam induit, ac unus omnium vicibus perfungitur. Omnes ex aequo apostolos Christus ⁴⁴ interrogaverat: *ὅμοις δὲ τίνα με λέγετε εἶναι*; at unus est Petrus, qui ⁴⁵ respondet: *ἀποκριθεὶς δὲ Σίμων Πέτρος εἶπε*. Omnibus ex aequo apostolis significaverat ⁴⁶, *ὅτι δυσκόλως πλούσιος εἰσελεύσεται εἰς τὴν βασιλείαν τῶν οὐρανῶν*. At unus omnium nomine subiecit ⁴⁷ Petrus: *ὁ Πέτρος εἶπεν αὐτῷ· ἰδοὺ, ἡμεῖς ἀρρήκαμεν πάντα, καὶ ἠκολονθήσαμεν σοι· τί ἄρα ἔσται ἡμῖν*; Coram omnibus ⁴⁸ parabolam de servo vigilante exposuerat; at unus Petrus pro omnibus ⁴⁹ sciscitatur: *κύριε, πρὸς ἡμᾶς τὴν παραβολήν*.

⁴³) De Paulo non loquor, quum de eo neque loquuti sint, neque loqui evangelistae potuerint. Ceterum licet quatuordecim eiusdem epistolas habeamus, et Lucas maxima Actorum parte de eo uno scripserit; nihilominus quum Petrus in N. T. vicibus *centum octoginta* memoretur, Paulus nonnisi vicibus *centum quinquaginta octo* laudatur.

⁴⁴) Matth. XVI. 15.

⁴⁵) Ibid. v. 16.

⁴⁶) Matth. XIX. 23.

⁴⁷) Ibid. v. 27.

⁴⁸) Luc. XII. 37 — 40.

⁴⁹) Ibid. v. 41.

ταύτην λέγεις, ἢ καὶ πρὸς πάντας; Et quum duodecim⁵⁰ interrogasset: μὴ καὶ ὑμεῖς θελετε ὑπάγειν; nulla interiecta mora⁵¹, ἀπεκρίθη αὐτῷ Σίμων Πέτρος· κύριε, πρὸς τίνα ἀπελευσόμεθα; ῥήματα ζωῆς αἰωνίου ἔχεις.

Sed quid hac ratione scribendi accommodatius, ne Petrus veluti unus e pluribus habitus existimetur? non est profecto eius, qui aequalis sit, sed qui sit maior, praeire ceteris, communem induere personam, omniumque nomine agere ac loqui. Quod Chrysostomum non latuit, qui propterea⁵² scripsit: Τὶ οὖν τὸ στόμα τῶν ἀποστόλων ὁ Πέτρος; ὁ πανταχοῦ θερμός, ὁ τοῦ χοροῦ⁵³ τῶν ἀποστόλων κορυφαῖος, πάντων ἐρωτηθέντων, αὐτὸς ἀποκρίνεται. Unus ergo pro omnibus respondebat Petrus, quod apostolorum esset κορυφαῖος, quodque, ut alibi⁵⁴ notat, τὸ πρωτεῖον principatum, primasque partes inter apostolos obtineret.

C A P U T XV.

Quo proprie spectent duodecim priora Actuum capita: — veterum ea de re opiniones: — eo proprie spectare dicenda sunt, ut orientis ecclesiae, atque in dies latius auctae historiam repraesentent: — de nexu, quo haec historia cum Petri praerogativis cohaeret: — is est arctissimus, quod enucleate ostenditur: — sex universim commemorantur, quibus potior dignitas Petro asseritur.

163. Quum nullibi consilium suum in conscribendo Actuum libro disertis verbis¹ Lucas² aperuerit; duplex potissimum via reliqua nobis est, qua de eo

⁵⁰) Joh. VI. 67. al. 68.

⁵¹) Ibid. v. 68. al. 69.

⁵²) In Matth. hom. LIV. al. LV. n. 1.

⁵³) Unus codex apud Montfauconium habet, τῶν μαθητῶν κορυφαῖος.

⁵⁴) In Matth. hom. L. al. LI. n. 2.

¹) Quod Johannes his verbis praestitit cap. XX. 31: „Ταῦτα δὲ γέγραπται, ἵνα πιστεύσητε, ὅτι Ἰησοῦς ἐστὶν ὁ Χριστός, ὁ υἱὸς τοῦ θεοῦ, καὶ ἵνα πιστεύοντες ζωὴν ἔχητε ἐν τῷ ὀνόματι αὐτοῦ. Quibus et οἰκονομία et θεολογία, et necessitas utriusque credendae significatur.

²) In genuina parte homiliae inscriptae,

De ascensione Domini nostri Jesu Christi, et de principio Actorum, sic habet Chrysostomus T. III. pag. 764. edit. Montfauconii: „Quaerimus ergo, quis hunc Actorum librum adornaverit: πολλοὶ γὰρ εἰς πολλὰς καὶ διάφορους ἐμερίσθησαν ἐννοίας, varii enim in varias divisi sunt sententias. Alii dicunt eius auctorem esse Clementem romanum, alii Barnabam, alii Lucam evangelistam. Quoniam igitur illi in varias abeunt sententias, ipsum scriptorem pro interprete accipiamus; quisnam ille sit, quid agat, et num de seipso quidpiam significet.“ Tum pergit, argumentisque internis demonstrat, non alium quam Lu-

sive coniectura, sive certo etiam ratoque iudicio arbitremur. Ac inprimis ipsa libri *ἐπιγραφή*, quum, auctore³ Chrysostomo, fas haud sit titulos temere praeferre, illatisque propemodum manibus ad opus ipsum accedere. „Nam quemadmodum in nobis ex capite reliquum corpus fit notius, et superne imminens illi facies manifestum illud reddit; οὕτω καὶ ἡ ἐπιγραφή ἀνωθεν πρὸ τῆς ὑφ' ἡς ἐπιχειμένη ἐπὶ τοῦ μετώπου καταφανέστερον ἡμῖν ποιεῖ τὸ λοιπὸν τῆς γραφῆς, sic a superiori parte impositus textui titulus in fronte reliquam scripturam efficit notio- rem. Nonne hoc videtis in regiis etiam imaginibus, ut sursum quidem posita sit imago, quae regis nomen inscriptum habet; inferius in basi triumphos regis, victorias et praeclara facinora inscripta habet? οὕτω δὲ καὶ ἐπὶ τῶν γραφῶν ἐστὶν ἰδεῖν, idem in scripturis licet cernere. Sursum quidem depicta est imago regia: inferius autem victoria inscripta est, et tropaea et res omnes praeclare gestae. Ita facimus etiam, cum epistolam acceperimus: non continuo vinculum solvimus, neque continuo, quae intus latent, legimus: sed exterius positam inscriptionem prius percurrimus, et ex illa discimus, et qui miserit, et a quo recipi debeat. Καὶ πῶς οὖν οὐκ ἄτοπον, ἐν μὲν τοῖς βιοτικοῖς τοσαύτη κεχρησθαι σπουδῇ, καὶ μὴ θορυβεῖσθαι, μηδὲ ταράττεσθαι, ἀλλὰ κατὰ τάξιν ἕκαστον ἐπιέναι· ἐνταῦθα δὲ ἀσχάλλειν, καὶ εὐθέως ἐπιπηδᾶν τῇ ἀρχῇ; an non igitur absurdum est, ut in rebus quidem saecularibus tantum studii adhibeamus, neque commoveamur, aut perturbemur, sed ordine singula percurramus; hoc vero loco aegre feramus, et confestim initium aggrediamur?“

164. Mirum est autem, scribit⁴ Daniel Heinsius, quot modis liber ipse ab antiquis adducatur: „Interdum enim graecam vocem etiam latini servant. Hilarius ad Matthaeum, *nam sicut libro Praeaeon continetur*. Interdum *Acta*, et passim *Actus* dicunt. Et quidem ἐνζῶς, seu singulariter, nonnumquam. Ut apud Prosperum⁵, De praedict. parte III, *ut testatur Actus apostolorum: nubes eum suscepit, et sublatus est a discipulis*. Alias, ut graece, multitudinis plerumque numero, quod minus novum. Item, *Liber, quem de Actibus apostolorum Lucas conscripsit*, Fulgentio, lib. II. De veritate praedestinationis. Item, *Liber, qui apostolorum Actibus ascribitur*. Maximus taurinensis, *Legimus in libro, qui apostolorum Actibus ascribitur*. Item, *Liber, qui apostolica continet gesta*. B. Hieronymus⁶, ad Jobi XXIII. *Super qua re nos*

cam auctorem libri censi posse. Quae est omnium suffragio comprobata sententia.

³) Hom. de inscriptione altaris, quae erat, ἀγνῶστω θεῷ, deque principio Acto- rum, n. 3. His autem similia scribit in homilia, quam praecedenti adnotatione lau- davimus: Καὶ ἀντὶ ἡ ἐπιγραφή πᾶσαν ἐμφαίνει τῶν πραγμάτων τὴν δύναμιν, καὶ ἐστὶ προοίμιον ὅλης τῆς πραγματείας τὸ ἐπάγγελμα.

⁴) Exercitt. Sacr. ad Acta apostolo- rum, lib. V. cap. I.

⁵) De Promissionibus et Praedictionibus Dei librum in tres partes tributum abiudicant Prospero Usserius, Quesnellus, et critici plerique omnes. Cassiodorus tamen Divin. Lectt. cap. I. Prosperum il- lius auctorem existimasse videtur.

⁶) Hosce commentarios inter *spuria* recenset Guilielmus Cave, inquit: „Com-

canonicus liber novi testamenti, qui apostolica continet gesta, sufficienter instruxit. Nec minus varie graeci. Quibus non modo βιβλος τῶν πράξεων, sed et alibi βιβλοι numero plurium dicitur. Nec aliter XVI. canone sexti concilii⁷ in Trullo. Etiam ἡ τῶν πράξεων ἱστορία adversus Eunomium Nysseno, qui κατήπερ ἐκ τῆς τῶν πράξεων ἱστορίας ἐμάθουμεν. Item in Psalmos. Interdum, τὸ περὶ τῶν ἀποστόλων σύνταγμα. Scriptor vitae s. Theclae.“

165. At vero eiusmodi varietas syllabarum potius verborumque, quam rerum et significationis existimari debet; omnes namque tituli istud tandem ostendunt, propositum fuisse Lucae, edito commentario complecti quae praeclare, insigniterque apostoli gesserant. Non enim, ut Chrysostomus⁸ monet, dixit θαύματα ἀποστόλων, σημεῖα ἀποστόλων, ἢ δυνάμεις καὶ τέρατα ἀποστόλων· ἀλλὰ πράξεις ἀποστόλων. Atqui non idem sunt πράξεις καὶ σημεῖα, οὐ τὸ αὐτὸ πράξεις καὶ θαύματα, οὐ τὸ αὐτὸ ἐστι πράξεις καὶ τέρατα καὶ δυνάμεις· ἀλλὰ πολλὴ ἡ διαφορὰ τούτων ἐκατέρων.

Quod discrimen uberrime continuo explanat, inquires: „Est enim actum opus propriae cuiusque diligentiae, miraculum vero divini muneris est beneficium. Vides quanta sit inter actum et miraculum differentia? actum est humanorum sudorum effectus, miraculum divinae liberalitatis est specimen: actum a nostra voluntate⁹ ducit initium, miraculum a gratia divina trahit originem, et hoc coelestis est auxilii, illud humani est arbitrii. πράξις ἐξ ἀμφοτέρων ὑφαίνεται, καὶ ἐξ ἡμετέρας σπουδῆς, καὶ ἐκ θείας χάριτος· τὸ δὲ θαῦμα γυνήν ἐπιδείκνυται τὴν ἄνωθεν χάριν, οὐδὲν τῶν ἡμετέρων ἰδρώτων δεόμενον. Actum ex utroque contextitur, ex nostra diligentia et ex gratia divina: miraculum solam exhibet coelestem gratiam, neque sudoribus nostris indiget.“ Ac nonnullis in-

mentarii in Job et Proverbia Salomonis, qui Bedae vulgo tribuuntur, Philippi autem presbyteri potius esse videntur, ex Hieronymi tamen lucubrationibus plurima decerpta habent; nam, ut alia mittam, Faustus, qui circa annum CCCXXX. scripsit, lib. de Creat. testimonium ex Hieronymo citat, quod in fine Explanat. cap. XXV. Job ad verbum habetur.“

⁷) De qua synodo, quam etiam *Quini-Sextam* dicunt, quid existimandum sit, eruditos non latet.

⁸) Hom. II. in Inscript. Actorum, n. 2.

⁹) Πράξις ἐστὶν ἐκ τῆς ἡμετέρας προαρέσεως τὴν ἀρχὴν ἔχουσα, θαῦμά ἐστιν ἐκ τῆς τοῦ θεοῦ χάριτος τὰ προοίμια

λαμβάνον, καὶ τὸ μὲν τῆς ἀνωθεν ῥοπῆς, τὸ δὲ τῆς κάτωθεν γνώμης. Sed nonne pelagiana haec sunt vel semipelagiana? nonne bonā etiam opera suum e divina gratia nanciscuntur exordium? nonne ita nos gratia iuvat, et nobiscum cooperatur, ut nos quoque praeparet ac praeveniat? sunt ista certissima, neque tamen Chrysostomi doctrinae contraria. Etenim neque infinite principium ipse considerat, neque de principio loquitur, quod in nobis sit sine nobis; sed de principio agit humanorum actuum, de principio deliberato, ac e libera electione profecto. Nemo autem neget, voluntatem, libetamque electionem huius principii originem esse, causamque determinantem.

teriectis, mox ¹⁰ pergit: „Τὸ θαῦμα μείζον μὲν ἐστὶ, καὶ φορικωδέστερον, καὶ τὴν ἡμετέραν ὑπερβαίνειν φύσιν· ἡ δὲ πρᾶξις καὶ ἡ πολιτεία ἔλαττον μὲν τῶν σημείων, χρησιμώτερον ¹¹ δὲ καὶ κερδαλεώτερον. πόνων γὰρ ἐστὶν ἀμοιβὴ καὶ σπουδῆς μισθός. Καὶ ἵνα μάθῃς ὅτι ἡ πρᾶξις τοῦ σημείου κερδαλεωτέρα καὶ χρησιμωτέρα, πρᾶξις μὲν ἀγαθὴ καὶ χωρὶς σημείων εἰς τὸν οὐρανὸν τοὺς κατορθωκότας εἰσήγαγε· θαῦμα δὲ καὶ σημεία χωρὶς πολιτείας οὐκ ἴσχυσε πρὸς τὰ πρόθυρα χειραγωγῆσαι ἐκεῖνα. Maius quidem est miraculum ac formidabilius, nostramque naturam praetergressum: actio vero et conversatio est quidem signis minor, sed utilior et fructuosior. Est quidem laborum praemium, et diligentiae merces. Atque ut intelligas fructuosiore esse et utiliore signo actionem, actio quidem bona etiam sine signis eos a quibus peracta fuerit, introducit in coelum: miraculum autem et signum absque conversatione deducere ad vestibula illa non possunt.“

166. Praemissa itaque inscriptione edocemur, id consilii fuisse Lucae, ut illorum historiam complecteretur, quae in condenda, propagandaque ecclesia agendo, patiendoque apostoli praestiterunt. Quod Barthius ¹² non male illustravit his verbis: „Apostolorum *acta* inscribuntur velut olim apud gentiles *acta* publica appellabantur, quibus ratio, fidesque imperii gesti, et reipublicae administratae constabat. Vix enim ullus nostrae religionis liber est, qui veritatis doctrinam irrefutabilibus exemplis, et eam sequutae historiae fide tam luculenter explanet. Et certe praeter epistolas apostolorum, quae haec duo miscent, nullus est. Talia commentaria romanis erant, quae *Acta Urbis* inscribebantur, quibus videlicet posterii maiorum fide velut publice deposita instituerentur, quid gestum esset. Lampridius in Commodō: *Habuit praeterea morem, ut ea omnia, quae turpiter, quae impure, quae crudeliter, quae gladiatorie ageret, actis urbis indi iuberet, ut Marius Maximus testatur*. Stante autem republica singuli principes talia brevia rerum abs se gestarum constituebant; ut *acta Pompeii magni* memorantur apud Plinium. Licet vero et *actus* interpretari res memoratu dignas. Capitolinus in Maximo et Balbino: *Sed priusquam de actibus eorum loquar, placet aliqua dicere de moribus atque genere*.“

Propositum, quod ἐπιγραφή ostendit, *subiecta orationi materies* confirmat, quae tota de curis est, operibus, exhaustisque laboribus, quibus apostoli obtinuerunt, ut ecclesia Hierosolymae primum orta, ad universam deinde Iudaeam, Samariam, ipsasque Gentes propagaretur.

167. Sed apostolorum ne omnium? distinctione opus est, pro duplici parte, qua liber manifeste absolvitur. A capite enim tertio-decimo ad calcem usque ¹³, ea solum Lucas exsequitur, quae vas electionis Paulus, idemque Gentium apostolus et gessit, et tulit, ut salutiferum evangelii lumen, depulsis su-

¹⁰) Ibid. n. 3.

¹²) Adversar. lib. III. cap. XIII.

¹¹) In codice colbertino legitur, *χρησιμωτέρα* δὲ καὶ κερδαλεωτέρα.

¹³) Scilicet integris sexdecim capitibus, si paucissima quaedam exceperis.

perstitutionum tenebris, ubivis terrarum diffunderetur. At vero quae duodecim primis capitibus narrat, *communem apostolis historiam* referunt, originemque ecclesiae apud iudaeos, eiusdemque ad samaritanos, gentilesque propagationem repraesentant.

Quare hoc inter utramque libri partem discrimen existit, quod posterior ea continet, quae *ad singulares ecclesias* unius Pauli curis, studiisque institutas pertinent; prior vero historiam exhibet *universalis ecclesiae*, ad quam instituentdam, amplificandamque suam apostoli omnes ¹⁴ operam contulerint. Quod mihi videor efferre brevius ita posse: altera parte *historiam particularem*, priore vero *universalem* ecclesiae, apostolorumque *historiam* comprehendere.

168. Haec autem quum ex ipsa libri lectione explorata, certaue sint, normae instar adhiberi debent, qua veterum sententiae de σκοπῷ, consilioque Lucae iudicentur. Jamvero sulcensis Euthalius in προλόγῳ τῶν πράξεων hac de re ¹⁵ scribit: Ἔστιν οὖν ὁ πᾶς λόγος τοῦδε τοῦ τεύχους περὶ τε τῆς μετὰ τὴν ἀνάστασιν εἰς τοὺς οὐρανοὺς ἀνάδου τοῦ Χριστοῦ, καὶ περὶ τῆς τοῦ ἁγίου πνεύματος εἰς τοὺς ἁγίους ἀποστόλους ἐπιφοιτήσεως, ὅπως τε, καὶ ὅποι· τὴν εἰς Χριστὸν εὐσεβειαν κατήγγειλαν οἱ μαθηταί, καὶ ὅσα διὰ προρρηχῆς, καὶ τῆς εἰς αὐτὸν πίστεως ἐθανυματούργησαν, καὶ περὶ τῆς οὐρανόθεν θείας κλήσεως τοῦ Παύλου, ἀποστολῆς τε αὐτοῦ, καὶ κηρύγματος εὐθυαλοῦς, καὶ συλλήβδην εἰπεῖν, περὶ ὧν ἠθλησαν οἱ ἀπόστολοι διὰ Χριστὸν πολλῶν τε, καὶ μεγίστων κινδύνων. Idest e paullo liberiore Zaccagnii versione: „In quo (Actuum libro) quidem auctor Christi ad caelos ascensum, et divini Spiritus super sanctos apostolos adventum describit. Narrat praeterea quot et quales discipuli christianam fidem praedicaverint, quantaque miracula per orationem et fidem in Christum patraverint. Denique de caelesti ac divina Pauli vocatione agit, deque eius apostolatu, atque fructuosissima praedicatione, et ut uno verbo dicam, de multis, maximisque periculis, quae propter Christum apostoli subierunt.“ In ὑποθέσει vero ¹⁶ τοῦ βιβλίου τῶν πράξεων τῶν ἀποστόλων, inquit: πράξεις ἀποστόλων τὸ βιβλίον καλεῖται, ἐπειδὴ τὰς πράξεις ὁμοῦ τῶν ἀπο-

¹⁴) Antequam ab invicem discederent, et per universum orbem evangelium praedicaturi diffunderentur. Quae dum scribo, animo succurrunt quae Clemens alexandrinus e *Doctrina Petri* in sexto Stromatum recitat: Διὰ τοῦτό· φησιν ὁ Πέτρος, εἰρηκέναι τὸν κύριον τοῖς ἀποστόλοις· ἐὰν μὲν οὖν τις θελήσῃ τοῦ Ἰσραὴλ μετανοήσας διὰ τοῦ ὀνόματος μου πιστεύειν ἐπὶ τὸν θεόν, ἀφελήσονται αὐτῷ αἱ ἁμαρτίαι. Μετὰ δώδεκα ἔτη ἐξέλθετε εἰς τὸν κόσμον, μή τις εἴπῃ· οὐκ ἠκούσαμεν. Post duodecim annos egredimini in mundum, ne

quis dicat: non audivimus. Quibus adamussim respondent, quae ex Apollonio vetustissimo scriptore, ab eoque ὡς ἐκ παραδόσεως scripta Eusebius refert H. E. lib. V. cap. XVIII: Τὸν Σωτῆρα προστεταχέναι τοῖς αὐτοῦ ἀποστόλοις, ἐπὶ δώδεκα ἔτεσιν μὴ χωρισθῆναι τῆς Ἱερουσαλήμ, Salvatorem apostolis suis praecepisse, ne intra duodecim annos Hierosolymis excederent.

¹⁵) In collectaneis monumentorum veterum, edente Alexandro Zaccagnio, pag. 410.

¹⁶) Ibid. pagg. 421. seqq.

στόλων περιέχει. *Acta apostolorum hic liber vocatur, quoniam gesta omnium simul apostolorum continet.*

169. Sunt ista verissima, minus tamen quam par foret, enucleata et circumscripta, atque adeo huiusmodi, quae vim ipsam libri, ac prope οἰκονομίαν non penitus declarant. Quod de iis etiam repetendum arbitror, quae Chrysostomus ¹⁷ affirmat, dum caussam aperiens quae priscos ecclesiae antistites permovit, ut publicam Actorum lectionem diebus adsignarent, quae Christi τὸν σταυρὸν καὶ τὴν ἀνάστασιν consequuntur, inquit: „Cur igitur non illa tum (post sancti Spiritus adventum) legamus, sed statim post crucem et resurrectionem, caussam omnem diligenter attendite. Statim post crucem, resurrectionem Christi annunciamus, τῆς δὲ ἀναστάσεως ἀπόδειξις ἐστὶ τὰ σημεῖα τὰ ἀποστολικά, τῶν δὲ σημείων ἀποστολικῶν διδασκαλεῖόν ἐστι τοῦτο τὸ βιβλίον. ὁ τοίνυν μάλιστα πιστοῦται τὴν ἀνάστασιν τὴν δεσποτικὴν, τοῦτο μετὰ τὸν σταυρὸν καὶ τὴν ζωηφόρον ἀνάστασιν εὐθέως οἱ πατέρες ἐνομοθέτησαν ἀναγνώσκεσθαι: porro demonstratio resurrectionis miracula sunt apostolica; *atqui nihil aliud est liber iste, quam apostolicorum schola miraculorum.* Quod igitur dominicae resurrectionis maxime fidem facit, hoc statim post crucem et vitae largitricem resurrectionem patres legi statuerunt.“ A quibus vix ista differunt quae alibi ¹⁸ scribit: „Καὶ γὰρ τοῦτο μάλιστα ἐστὶ τοῦτὶ τὸ βιβλίον, ἀπόδειξις ἀναστάσεως. τούτου πιστευθέντος, ὁδῶ καὶ τὰ ἄλλα προύβαινεν. Ἡ μὲν οὖν ὑπόθεσις, καὶ ὁ τοῦ βιβλίου σκοπὸς ἅπας, ὥς ἂν τις παχυμερῶς συλλαβὼν εἴποι, οὗτος μάλιστα ἐστίν. Hic quippe liber inprimis est resurrectionis demonstratio: qua credita, cetera facile succedunt. Argumentum ergo et scopus huius libri, ut summatim dicam, hic potissimum est.“

170. Sed neque σκοπὸς demonstrandae resurrectionis e libri lectioneprehenditur: neque liber ipse censeri potest miraculorum συλλογὴ, quum miracula pars sint, neque omnino maxima eorum, quibus liber componitur. Ergo ne vitio vertemus Chrysostomo, quod in definiendo Actorum scopo a veritate deflexerit? accusationem minus aequam ille a se deprecatur, dum scribit: ὥς ἂν τις παχυμερῶς ¹⁹ συλλαβὼν εἴποι: quae negligentius Montfauconius vertit, *ut summatim dicam*; reddenda namque sunt, *si qui rei summam pinguiori minerva complectatur.*

Quare multa sunt nostris similiora, et propius ad veritatem accedunt, quae Chrysostomus ²⁰ de eodem libro paullo antea subtilius monuerat inquires: „Καὶ γὰρ τὰς προρρήσεις, ἃς ἐν τοῖς εὐαγγελίοις ὁ Χριστὸς προαναφώνεῖ, ταύτας εἰς ἔργον ἐξεληθούσας ἐνταῦθά ἐστιν ἰδεῖν, καὶ ἀπ' αὐτῶν τῶν πραγμάτων διαλάμπουσιν τὴν ἀλήθειαν, καὶ πολλὴν τῶν μαθητῶν τὴν ἐπὶ τὸ βιβλίον μεταβολὴν τὴν ἀπὸ τοῦ πνεύματος αὐτοῖς ἐγγενομένην. Quae enim

¹⁷) Homil. cur in Pentecoste Acta legantur, n. 6.

¹⁹) Vel παχυτερῶς, ut eadem significatione alii codices legunt.

¹⁸) In Acta Apostol. hom. I. n. 2.

²⁰) In Acta Apostol. hom. I. n. 1.

Christus in evangeliiis praedixit, heic opere completa videre est; veritatem ex rebus ipsis splendentem, discipulosque post acceptum Spiritum-sanctum in melius longe commutatos. Nam quae a Christo audierant ²¹ dicente: *Omnis qui crediderit in me, signa quae ego facio, et ipse faciet, et his maiora faciet*; et ea quae praedixit ²² discipulis, quod ante praesides et reges ducendi essent, quod in synagogis flagellandi, quod intollerabilia passuri, et his omnibus superiores futuri essent, quod item evangelium praedicandum foret in universo mundo; ταῦτα πάντα μετὰ ἀκριβείας ἀπάσης ἐκβεβηκότα ἐν τῷ βιβλίῳ τούτῳ ἐστὶν ἰδεῖν, καὶ πλείονα τούτων ἕτερα ἅπερ εἶρηκεν αὐτοῖς συνών: haec omnia accuratissime completa in hoc libro cernere licet, nec non his plura quae cum discipulis versans Dominus dixerat. Videbis heic apostolos ceu volucres per terram et maria discurrentes: illosque olim timidos et rudes, in alios homines repente mutatos, divitiarum contemtores, gloria, ira, concupiscentia, ceterisque omnibus superiores effectos: multam videbis inter ipsos concordiam, nullam invidiam, ut olim, nullam ob primatus desiderium contentionem..... Quin et dogmata quaedam in hoc libro reperire licet, quae nisi scriptus ille fuisset, nulli ita perspicua et plana fuissent.“

171. Quibus nihil dici profecto potuit ad libri commendationem opportunius, nihil quod illius utilitatem splendidius manifestaret. Sane evangeliiis, Actisque mutuo collatis, nemo, opinor, a nobis dissentiet, si dixerimus: evangeliiis *historiam capitis*, Actis *historiam mystici corporis* describi; evangeliiis *historiam Christi*, Actis *ecclesiae historiam* referri. Hinc unum, idemque est evangeliorum, Actorumque initium, ac ex uno, eodemque fonte divina capitis, eiusque corporis historia repetitur.

Incipit ²³ historia capitis ex illapsu Spiritus-sancti, quo factus est Christus, et ²⁴ „γένος ἐγένετο ἐν Θεοῦ καὶ ἀνθρώπων, genus unum factum est Dei atque hominum. Quemadmodum enim separatas partes iungit cognatio, et is qui quempiam non novit, ex unius viri cum muliere coniunctione, duas familias totas copulat, ita ut ille consobrinus, ille avunculus constituatur; οὕτως ἀναλαβόντος σάρκα Χριστοῦ, διὰ τῆς σαρκὸς ἐγένετο πᾶσα ἡ ἐκκλησία συγγενῆς Χριστοῦ, Παῦλος Χριστοῦ συγγενῆς, Πέτρος, πᾶς πιστός, πάντες ἡμεῖς, πᾶς εὐσεβής. διὰ τοῦτο λέγει Παῦλος: γένος οὖν Θεοῦ ὑπάρχοντες, sic Christo carnem assumente, per carnem tota ecclesia Christi cognata effecta est: Paulus est Christi cognatus, Petrus item, omnisque fidelis, nos omnes, quivis pius. Ideo dicit ²⁵ Paulus, *genus ergo cum simus Dei*..... Et alibi rur-

²¹) Joh. XIV. 12.

²²) Matth. X. 18.

²³) Luc. I. 35. coll. Matth. I. 18.

²⁴) Chrysostomus in Ascens. D. N. J. Ch. et in princip. Act. hom. II. n. 16.

Neque aliter Athanasius sive in libro de Incarnat. Verbi: *ipse Filius naturam as-*

sumpsit humanam, ἵνα ἡμεῖς θεοποιηθῶμεν, ut nos deificaremur; sive in epistola ad Adelphium: *Γέγονεν ἄνθρωπος, ἵνα ἡμᾶς ἐν ἑαυτῷ θεοποιήσῃ, homo factus est, ut nos in seipso deificaret.*

²⁵) Act. XVII. 28—29: Ὡς καὶ τινες τῶν καθ' ἡμᾶς ποιητῶν εἰρήκασιν τοῦ

sum²⁶, *nos sumus corpus Christi, et membra ex parte, ex carne eius; ἀντὶ τοῦ διὰ τὴν σάρκα, ἣν ἀνέλαβεν, συγγενεῖς αὐτοῦ ἐσμεν*: scilicet propter carnem, quam assumsit, cognati eius sumus.“

Non aliunde incipit historia corporis, sed ex eodem profecta fonte divinum exhibet Spiritum, qui²⁷ in magistros primum, ac in discipulos postea illapsus, omnes provehit, elevatque, suique facta veluti copia, τὴν ἡμῶν ἀνάλογον θέωσω²⁸ impertit. Quod Nazianzenus his verbis praeclarissime²⁹ significavit: „Trifariam apostolis datus est Spiritus, prout ipsorum captus ferebat, tribusque temporibus: nempe antequam Christus per passionem glorificaretur: postquam resurrectione glorificatus est: post eius in caelum adscensum..... Hoc autem perspicue ostendit, tum prima illa morborum, spirituumque depulsio, quae scilicet non absque Spiritu fiebat; tum illa post confectum salutis nostrae negotium insufflatio, quae diviniore procul dubio inspirationis specimen habebat; tum postremo praesens haec ignearum linguarum divisio, quam etiam solempni festo celebramus. Ἀλλὰ τὸ μὲν πρῶτον ἀμυδρῶς· τὸ δὲ δεύτερον ἐκτυπώτερον· τὸ δὲ νῦν τελεώτερον, οὐκ ἔτι ἐνεργεῖα παρὸν ὡς πρότερον· οὐσιώδως δέ, ὡς ἂν εἴποι τις, συγγινόμενόν τε, καὶ συμπολιτευόμενον. Ἐπρεπε γὰρ υἱοῦ σωματικῶς ἡμῖν ὁμιλήσαντος, καὶ αὐτὸ φανῆναι σωματικῶς, καὶ Χριστοῦ πρὸς ἑαυτὸν ἐπανελθόντος, ἐκεῖνο πρὸς ἡμᾶς κατελθεῖν, ἐρχόμενον μὲν ὡς κύριον, πεμπόμενον δέ, ὡς οὐκ ἀντίθεον. Verum primo quidem obscure, secundo expressius, nunc vero perfectius: ut qui non iam operatione sola praesens sit, ut antea, sed *substantiali*, ut sic loquar, *modo* adsit, ac simul versetur. Decebat enim ut, quum Filius corpoream nobiscum consuetudinem habuisset, Spiritus quoque corporeo nobiscum modo versaretur: et quum Christus ad sese reversus esset, ille ad nos descenderet; ita quidem, ut et tamquam Dominus veniret, et tamquam Deo nequaquam oppositus, mitteretur.“ Qua missione, spiritali potissimum³⁰ ac interna, ipsemet nos sui participatione sanctificaret. Ut enim Cyrillus³¹ loquitur: „Αὐτουργὸν³² ἄρα τὸ πνεῦμα ἐν ἡμῖν, ἀληθῶς ἀγιάζον,

γὰρ καὶ γένος ἐσμέν. γένος οὖν ὑπάρχοντες τοῦ Θεοῦ, κ. τ. λ. Quae in subiectis annotationibus Johannes Pricaeus pluribus illustrat.

²⁶) I. Cor. XII. 12—17. coll. Ephes. IV. 16.

²⁷) Act. II. 1—5.

²⁸) Qua phrasi utitur Pseudo-Dionysius de caelesti Hierarchia, cap. I. §. III; qui de ecclesiast. Hierarchia, cap. I. §. II. memorat ἱερὰν θέωσιν, et §. III. quid sit θέωσις, his verbis explanat: Θέωσις ἐστὶν ἡ πρὸς Θεόν, ὡς ἐκκρίνον, ἀφομοίωσις τε

καὶ ἔνωσις. *Deificatio est cum Deo, quoad eius fieri potest, assimilatio et coniunctio.*

²⁹) Orat. in Pentecosten, pag. 712.

³⁰) De hac Spiritus missione lege disserentem Petavium, de Trinit. lib. VIII. capp. IV. seqq.

³¹) Thesaurorum, lib. XXXIV. pag. 352.

³²) Proprie αὐτουργεῖν est *per se, suaeque substantiae communicatione sanctificare*. Quod ibidem Cyrillus negando declarat, inquit: Καὶ περιττόν, ὡς φαίνεται, τὸ διὰ μέσον τινὸς ἀγιάζεσθαι τὴν κτίσιν, οὐκ ἀπαξιούσης τῆς τοῦ Θεοῦ φιλ-

καὶ ἐνοῦν ἡμᾶς ἐαυτῶ διατὴς πρὸς αὐτὸ συναφείας, θείας τε φύσεως ἀποτελοῦν κοινωνοῖς. Spiritus-sanctus per seipsum in nobis operatur, vere sanctificans et uniens nos sibi metipsi, dum nos secum copulat, ac divinae naturae participes reddit.“

172. Jamvero si duodecim priora Actuum capita historiam continent orientis ecclesiae; gesta que complectuntur, quibus eiusdem initiis, incrementis, structurae, gubernationisque formae apostoli prospexerunt; dubitari non potest, quin ea cum quaestione de Petri praerogativis arctissime copulentur. Historicae enim Actuum narrationes, quibus *exequutio* promissionum, consiliorumque Christi refertur, eo suapte natura pertinent, ut si quae de ecclesia administranda, eiusque regendae forma minus fortasse luculenter in evangeliiis *praenunciata* legerentur, eadem, historiae face veluti accedente, plane clarescant, novoque lumine perfundantur. Proprium namque est *exequutionis*, ut *institutionem* declaret, rationemque suppeditet, qua verba ipsa *institutionis* et tutius determinentur, et facilius intelligantur. Quae quidem, si ad praesentem quam versamus quaestionem, traducantur, prorsus innotescet, evangeliorum effata³³, quae de instituto divinitus primatu exponenda esse docuimus, accipi aliter non posse, ne *exequutio* in Actis contenta ab iis quae evangelia referunt, dissidere videatur.

173. Sane habeatur veluti ὑπόθεσις anceps adhuc atque incerta, utrum in evangeliiis testimonia extent, quibus Petrus apostolorum caput atque princeps *institutus* significetur. Quid facto opus esset, ut ea ὑπόθεσις non iam dubia et anceps, sed certa, explorataque *θέσις* censeretur? quid exspectari a Petro merito deberet, si in apostolos ceteros ἡγεμονίαν a Christo revera accepisset? omnes, puto, ab eo exspectarent, ut ipse nulli secundus, reliquis praeiret, dissidia tolleret, controversias expenderet, expensasque dirimeret, flagitia, si quae contraherentur, puniret, communi disciplinae advigilaret, omnibus consilio et auctoritate praesto esset, nullamque earum partium omitteret, quae praepositum decent, munusque capitis, universalisque rectoris comitantur. Quod iudicium ipsius rei perspicuitate, evidentiaque expressum demonstrat, duplicem patere viam, *absolutam* alteram, atque alteram *hypotheticam*³⁴, qua ex Actorum historia de instituto in evangeliiis Petri primatu certissime statuatur.

ανθρωπίας καὶ μέχρι τῶν ἐλαχίστων δι-
 ἰκνεῖσθαι, καὶ ἀγιάζειν αὐτὰ διὰ τοῦ ἁγίου
 πνεύματος. Et superfluum videtur, per
 medium aliquod creaturam sanctificari;
 nam ipse Deus pro sua in homines be-
 nevolentia, ad minima usque pervenit, et
 sanctificat per sanctum Spiritum. Decla-
 rat vero affirmando, quum lib. IX. in Joh.
 pag. 810. tradit, participatione Spiritus
 homines sanctificari, ποιότης ὥσπερ τις
 θεότητος ἐν ἡμῖν γινόμενον, καὶ ἐν τοῖς

ἁγίοις κατοικοῦν, καὶ ἀπομένον διὰ παντός,
 veluti si qualitas quaedam divinitatis in
 nobis insit, et in sanctis habet, iugiter-
 que maneat.

³³) nn. 14. seqq.

³⁴) Duplici hac via critici passim ac philosophi utuntur. Critici, quum ita dis-
 serunt: „Si opus aliquod, Ignatii episto-
 lae, germanum est, hos praeferat caracte-
 res oportet. Praefert autem. Est ergo
 germanum.“ Et vicissim: „Opus aliquod,

174. Et via quidem *hypothetica* haec est: „Si Christus in evangeliiis eam ecclesiae administrandae formam, rationemque praefinivit, quae ad Petrum, tamquam principem, caputque conspicuum revocaretur; huius institutionis *usus, exercitium, ἀποτέλεσμα* extare in Actis debet. Extat autem. Eam igitur Christus ecclesiae formam in evangeliiis instituit, quae ad Petrum, veluti ad principem, conspicuumque caput rediret.“

Succedit altera via, eaque *absoluta*, quaeque proponi sic potest: „Quae nemo exspectaret a Petro, nisi apostolorum omnium caput esset: quaeque sibi a Petro iure omnes pollicerentur, si eum a Christo omnibus praepositum agnoscerent; illa ipsa sunt, quae in apostolorum Actis non seorsum ac divisim, sed simul ac coniunctim de Petro narrantur. Ea igitur est orientis ecclesiae historia primae Actorum parti consignata, quae Petri primatum postulat, eoque negato, iisque aliter acceptis, quae de eiusdem institutione in evangeliiis habentur, explicari, intelligi non potest.“

Utraque concludendi via atque ratio perspicua est, decretoria, omnemque e medio controversiam tollit, dummodo tamen ea in Actis revera narrentur, quae comprehensa iisdem affirmamus. Comprehendi vero, effici dupliciter potest, *universim* primum atque *infinite, per partes* deinde ac *seorsum*. Ab eo auspicabimur demonstrationis modo, quem *infinitum, universalemque* diximus.

175. Igitur quod ex evangeliiis ³⁵ adnotavimus, id transferri ad Actus debet; crebrius unum Petrum, quam reliquos simul apostolos in iis commemorari. Sane Petrus plus quam *quingages*, alii vero rarissime occurrunt; et qui saepius laudantur, Johannes et Jacobus, ille *septies* vel *octies*, hic *ter, quaterve* nominatur. At nonne omnium textitur historia? nonne refert Lucas, quae communi studio, coniunctisque laboribus in extruenda ecclesia apostoli omnes praestiterunt? dubio procul, quum inde etiam non ultimum inter primam, alteramve libri partem discrimen repetatur. Qui ergo fit, ut Petrus *tam crebro*, reliqui sive simul, sive seorsum *tam raro* laudentur? inde fit, quod post gloriosam ascensionem Petrus *prae undecim ἀναλόγως* fuerit, quod *prae universo collegio* Christus adhuc visibilis extiterat: quod Petrus *caput* esset, reliqui, tamquam *membra*, eidem subiicerentur.

176. Quam apostolorum *ἐπὶ ταξίν*, Petrique vicissim *ἐπεροχὴν* clarius, evidentiusque Lucas in Actis ostendit, quum quoties una cum reliquis Petrum recensuit, illi toties ³⁶ primas detulit, illumque principe loco commemoravit.

Ignatii epistolae, ea omnia et sola continet, quae genuino, sinceroque operi conveniunt. Est ergo genuinum opus atque sincerum.“ Philosophi vero dum ita colligunt: „Si corpora gravitate impellerentur, hac neque alia lege sibi permissa spatium decurrerent. Decurrunt autem. Impelluntur ergo gravitate.“ Et vicissim: „Cor-

pora sibi permissa ea lege spatium absolvent, qua illud decurrerent, si gravitate urgerentur. Urgentur ergo.“

³⁵) n. 161.

³⁶) Argumentum huic simillimum ex evangeliiis depromptum superius adhibuimus.

Non raro ac infrequenter, sed omnino pluries Lucae usuvenit³⁷, ut de Petro simul, ceterisque apostolis verba faceret. Atqui ne semel quidem alias illi partes tribuit quam primas, neque alterum ei locum quam principem adsignavit. Modo plane ab eo non dissimili, qui tum evangelistis solemniter est, quum de Christo, eiusque apostolis, discipulisque loquuntur. Sicut enim hi numquam Christum non praeferunt, ita Petrum Lucas semper anteponit. Ut significaret, opinor, non unam, eandemque Petri, ceterorumque apostolorum dignitatem existimari posse.

177. In qua sententia tum etiam lectores suos confirmasse Lucas dicendus est, quum ita sermonem, scriptionisque formam temperavit, ut de Petro *in recto*, de apostolis vero ceteris *in obliquo*, ut aiunt, loqueretur. Speciminis ergo ista sint³⁸: ἀναστὰς Πέτρος ἐν μέσῳ τῶν μαθητῶν, εἶπεν: σταθεῖς δὲ Πέτρος σὺν τοῖς ἑνδεκά: εἶπόν τε πρὸς τὸν Πέτρον καὶ τοὺς λοιποὺς ἀποστόλους: ἀτενίσας δὲ Πέτρος εἰς αὐτὸν σὺν τῷ Ἰωάννῃ: et ἀποκριθεὶς δὲ Πέτρος καὶ οἱ ἀπόστολοι, εἶπον. Sed quam, quaeso, scriptionis formam deligere Lucas debebat, ut opinionem de omnimoda inter apostolos *ισοτιμίᾳ* refutaret? ut Petrum omnibus praepositum ostenderet, iisque etiam, qui morosiores sunt, satisfaceret? vel ea, quam delegit, huic rei par est, vel nullā, quae par sit, reperiri posse videtur.

178. Praesertim quum et illud accedat, unum Petrum loquentem, respondentemque describi, quum res ferret, ut omnes ex aequo apostoli suam mentem, sententiamque aperirent. Non unum Petrum, sed omnes simul apostolos convicia appetebant, quae³⁹ in illos ab incredulis iudaeis iactabantur; nihilominus⁴⁰ ille unus stetit, unus extulit vocem, proluxaque oratione ad saniolem mentem populum revocavit. Non unum Petrum percussa dolore concio interrogavit,

³⁷) Act. I. 13, II. 14, III. 1—3, IV. 19, VIII. 14.

³⁸) Act. I. 15, II. 14, II. 37, III. 4, V. 29. Est autem, uti opinor, animadversione non indignum, in vetustissimis quoque apocryphis monumentis, et evangeliorum, actuum, apocalypseon titulis insignibus, eandem de Petro loquendi formam servari, eademque perspicuitate Petrum ab apostolis reliquis distingui, iisque praeponi. Exemplorum segetem dabunt quae Ernestus Grabijs Tom. I. Spicilegii, et Albertus Fabricius in Codice apocrypho N. T. collegerunt. In evangelio secundum Hebraeos, referente Ignatio ad Smyrnaeos n. 3, et explanante Hieronymo in Catalogo Scriptt. ecclesiast. n. 27; Pe-

trus significatur, adsignificantur reliqui his verbis: Ὅτε πρὸς τοὺς περὶ Πέτρον ἤλθεν, ἔφη αὐτοῖς. Idem occurrit in antiquissimo additamento ad Marc. XVI. 8, cuius meminere Beza, et Richardus Simonius H. Crit. N. T. lib. I. cap. XI, et Diss. de Mss. N. T. pag. 28: Πάντα δὲ τὰ παραγγελμένα τοῖς περὶ τὸν Πέτρον συντόμως ἐξηγγεῖλαν. Clementina vero Epitome de gestis s. Petri hanc praefert inscriptionem: Κλήμεντος ἐπισκόπου Ῥώμης περὶ πράξεων, ἐπιδημιῶν τε, καὶ κηρυγμάτων τοῦ ἁγίου καὶ κορυφαίου τῶν ἀποστόλων Πέτρον ἐπιτομή.

³⁹) Act. II. 13.

⁴⁰) Ibid. v. 14.

sed ⁴¹ ad Petrum, ceterosque apostolos conversa petiit, *τί ποιήσωμεν, ἄνδρες ἀδελφοί;* nihilominus e vestigio subditur ⁴², *Πέτρος δὲ ἔφη πρὸς αὐτούς.* Editio miraculo, quo ⁴³ claudus ἐκ κοιλίας μητρὸς αὐτοῦ sanatus fuit, ad Petrum iuxta ac Johannem ⁴⁴ populus confluit, *συνέδραμε πρὸς αὐτοὺς πᾶς ὁ λαός.* Nihilominus ⁴⁵ unus est Petrus, qui populum alloquitur, communemque causam in se recipit, *ἰδὼν δὲ Πέτρος ἀπεκρίνατο πρὸς τὸν λαόν.*

A ceteris particulatim commemorandis abstineo, illa indicasse ⁴⁶ contentus, idque infero quod est ex antecedentibus consequens: exhiberi iugiter Petrum, ut qui *στόμα τῶν μαθητῶν* fuerit, primas semper partes occuparit, sententiamque suam ita protulerit, ut communem esse apostolis reliquis significaverit.

179. Quo autem iure, quove potissimum nomine illum ita se gessisse arbitramur? iactantia ne, insitoque naturae fervore? sed non aliam rudis adhuc, imperfectusque, ac aliam plenus cum esset Spiritu-sancto rationem inivit. Neque iactantiae igitur, neque ingenio ardentiori ea potest adscribi. An ideo vel aetati, vel etiam *πρωτοκλήσει* tribuetur? sed commenta haec esse, iam pridem comprobavimus, et rursum comprobabimus, spemque alimus, futurum neminem paullo cordatiorem, qui hisce admodum fidat.

Quid igitur est reliquum? superest institutio primatus, quam evangelia continent, Actorumque historia confirmat.

180. Ad quam confirmationem et illud referendum est, quod Lucas, quum ea subtiliter persequatur, ampliterque describat, quae propria sunt Petri; ea contra, quae ad ceteros spectant apostolos, innuit potius quam narrat. Innuit dumtaxat a) reliquorum conciones; at vero Petri sermones integros refert, illosque uti principem historiae materiam delegisse videtur. Innuit dumtaxat b) edita a ceteris portenta; at vero singulatim ⁴⁷ recenset, quae Petrus ad tuendam, stabiliendamque fidem perpetravit. De iis c) qui aliorum opera ad christiana instituta accesserint, nonnisi paucissima habet; sed pluribus notat quos Petri magisterium fructus pepererit, et quantopere ad ecclesiae incrementa contulerit. Postremo d) si memoria reputentur, quae in *ὑποθήσει τοῦ βιβλίου τῶν πράξεων τῶν ἀποστόλων* Euthalius ⁴⁸ enumerat, et quibus duodecim priora Actorum capita constare docet; mirum nisi pleraque omnia ad unum spectare Petrum videantur.

181. E quibus perspicue similitudo apparet, quae inter Actorum, evangeliorumque historiam existit. Sicut enim haec merito *historia Christi*; sic illa *Petri historia* merito ⁴⁹ nuncupatur. Quemadmodum enim utramque evange-

⁴¹) Ibid. v. 37.

⁴²) Ibid. v. 38.

⁴³) Act. III. 2.

⁴⁴) Ibid. v. 11.

⁴⁵) Ibid. v. 12.

⁴⁶) Cf. Act. IV. 6—7, V. 2—3,

⁴⁷) Habes ista diligenter ab Oecumenio recensita.

⁴⁸) Apud Zaccagnium, pagg. 421—424.

⁴⁹) Hinc ea quoque apocrypha Acta, quae Varadatus, saeculi V. monachus, in epistola ad Leonem imperatorem dicit *Acta*

liorum paginam Christus, ita utramque Actorum paginam occupat Petrus. De quo sunt ista Chrysostomi ⁵⁰ sane praeclarissima: „Ὅρα πανταχοῦ αὐτὸν περιτρέχοντα, καὶ πρῶτον εὐρισκόμενον· ὅτε ἐλθεῖναι ἔδει τὸν ἀπόστολον, οὗτος πρῶτος· ὅτε διαλεχθῆναι τοῖς ἰουδαίοις περὶ τοῦ μὴ μεθύειν· ὅτε θεραπεῦσαι τὸν χωλόν· ὅτε δημηγορῆσαι, οὗτος πρὸ τῶν ἄλλων ἐστίν· ὅτε πρὸς τοὺς ἄρχοντας, οὗτος· ὅτε πρὸς Ἀνανίαν, ὅτε ἀπὸ τῆς σκιάς ἰάσεις ἐγίνοντο, οὗτος ἦν. καὶ ἔνθα μὲν ἦν κίνδυνος, οὗτος· καὶ ἔνθα οἰκονομία. ἔνθα δὲ γαλήνης τὰ πράγματα γέμει, κοινῇ πάντες· οὗτος οὐκ ἀπῆτει τιμὴν μείζονα. πάλιν ὅτε θαυματουργῆσαι ἔδει, αὐτὸς προσηδῆ. Vide illum ubique circumcursantem, et primum inventum; ubi eligendus erat apostolus, hic primus fuit; quum dicendum erat iudaeis non ebrios esse apostolos, quum claudus sanandus fuit, quando erat concionandum, hic ante alios erat; quando agendum cum praefectis, quando cum Anania, et quum umbra sanationes fierent. Ubi periculum imminet, hic adest, et ubi quaedam dispensanda sunt. Ubi vero tranquillae res sunt, in communi omnes; hic maiorem non appetit honorem. Rursum quum miracula edere oportebat, ille prosiliebat.“ Quae nisi Petrum praecelluisse ceteris ostendant, quid ad probandum faciat, me ignorare profiteor.

182. Neque tamen omittam, quae Chrysostomus alibi ⁵¹ notat, quaeque rei illustrandae conferre non minimum possunt. Actorum enim inscriptione memorata, quae ⁵² communem apostolorum historiam polliceri videbatur, subdit: „Ἀλλ’ εἰ τις ἀκριβῶς ζητήσκειν, τὰ μὲν πρῶτα τῆς βίβλου Πέτρου ἐκφαίνει θαύματα καὶ διδασκαλίαν, ὀλίγην δὲ καὶ τῶν λοιπῶν ἀποστόλων· καὶ μετὰ ταῦτα εἰς Παῦλον κενοῦται πᾶσα ἡ πραγματεία. Sed si quis rem accurate scrutetur, quae prima feruntur in libro, Petri miracula et doctrinam exhibent, pauca de reliquis apostolis; post haec vero de Paulo totus liber absolvitur.“ Verum pergit, si res ita se habet, πῶς πάντων τῶν ἀποστόλων αἱ πράξεις; quo pacto omnium apostolorum sunt acta? ac reponit: „Ἐπειδὴ κατὰ τὸν Παῦλον δοξαζομένον μέλους ἐνός, συνδοξάζεται πάντα τὰ μέλη, οὐκ ἐπεγράψεν ὁ ἱστοριογράφος πράξεις Πέτρου καὶ Παύλου, ἀλλὰ πράξεις τῶν ἀποστόλων, κοινὸν ⁵³ τὸ ἐπάγγελμα. Quoniam, auctore Paulo, quum gloria afficitur unum membrum, gloria item afficiuntur omnia membra; ideo non inscripsit historio-graphus *Acta Petri et Pauli*, sed *Acta Apostolorum*: communis est pollicitatio.“

Eorum itaque historia, quae Petrus docuit, quaeque gessit, ut ecclesiam exstrueret, exstructamque amplificaret, communis apostolorum historia censetur, apteque πράξεις τῶν ἀποστόλων inscribitur. Sed eiusmodi ne ista sunt, quae

Apostolorum, Isidorus pelusiota, Varadato coaevus, lib. II. epist. XCIX. ad Aprodium, *Acta Petri* nominat, inquires: Οἱ μὲν οὖν ἀπόστολοι, αἱ ἐχώρησαν, ἔγραψαν, καθὼς Πέτρος, ὁ κορυφαῖος τοῦ χοροῦ, ἐν ταῖς ἐκκλησίαις πράξεσι σαφῶς ἀπεφῆκατο.

⁵⁰) In Acta Apost. hom. XXI. n. 2.

⁵¹) Hom. in Ascens. D. N. J. C. et in Principio Act. n. 8.

⁵²) Est enim universalis: Πράξεις τῶν ἀποστόλων.

⁵³) In ms. regio: Κοινὸν γὰρ τὸ ἐγκώμιον, κοινὸν τὸ ἐπάγγελμα.

ἀκριβῶς dicta existimari possent, nisi Petrus ⁵⁴ inter apostolos, tamquam caput eminuisset? prorsus intelligo, quae capitis sunt, ea propria totius corporis merito haberi, ac omnino video, iure collegio adscribi, quae praeses gerit, civitati autem, regnoque quae princeps adgreditur. Sed neque video, neque intelligo repeti ista posse, si qui operis auctor perhibetur, unus e multis sit, ac socios inter neque honore neque dignitate praecellat. Eo igitur dumtaxat nomine *Acta Petri* inscribi universim potuerunt *πράξεις τῶν ἀποστόλων*, quod acta, gestaque capitis, praepositique haberentur.

C A P U T XVI.

Examen per partes instituitur: — ac eorum imprimis, quae habentur Act. I. 15 — 26, II. 14 — 35 — 37 — 41, III. 12 — 26, IV. 8 — 13 — 19 — 21: — ex his potior Petri dignitas, capitis auctoritas, et ὑπεροχή principis post Christum architecti, supremique magistri comprobatur.

183. **I**n ecclesiae primordiis negotium sane maximum expediendum erat, sarciri nec ne, novoque adiecto apostolo impleri deberet numerus τῶν δώδεκα, qui Juda praevaricante fuerat deminutus. Summa negotii gravitas non uno ex capite apparebat: nam et de voluntate Christi quaerendum erat, decrevisset nec ne, ut alter in proditoris locum sufficeretur: et testis erat designandus, qui ¹ particeps missionis Christi lumen evangelii ubique terrarum diffunderet: et deligendus erat, qui ad unam eandemque cum reliquis apostolis ² honoris, auctoritatisque dignitatem proveheretur. Gravissimum ergo erat negotium, ac omnino tale, quod nemo aggrediretur, nisi qui vicarias Christi partes obeundas suscepisset, quique inter apostolos dignitate capitis emereret. Jamvero Actorum historia edocemur, unum Petrum de sufficiendo apostolo sermonem habuisse, unum e divinis oraculis necessitatem novae electionis comprobasse, condiciones praefinisse, quibus insignis is foret qui eligeretur, modum, rationemque electionis decrevisse, eoque praeunte, ac rem totam administrante electionem fuisse perfectam.

⁵⁴) Cf. Thomae Bozii Eugubini, De signis ecclesiae Dei, lib. XVIII. cap. II. Desiderandum omnino foret, ut insigne hoc opus in theologorum manibus frequentius versaretur.

¹) Joh. XX. 21: Καθὼς ἀπέσταλκέ με ὁ πατήρ, καὶ γὰρ πέμπω ὑμᾶς.

²) Quibus in praefinita divinitus hierarchia principem dignitatis, auctoritatisque gradum convenire, auctor est Paulus I. Cor. XII. 28. coll. Eph. IV. 11. inquires: Καὶ οὗς μὲν ἔθετο ὁ θεὸς ἐν τῇ ἐκκλησίᾳ πρώτον ἀποστόλους, δεύτερον κ. τ. λ.

184. Sic enim Lucas ³ orditur: 'Εν ταῖς ἡμέραις ταύταις ἀναστὰς Πέτρος ἐν μέσῳ τῶν μαθητῶν ⁴ εἶπεν· eo interiecto tempore, quod inter Ascensionem et Pentecosten fluxit, exsurgens Petrus in medio discipulorum dixit. Quibus et *praerogativa suffragii* propria Petri ostenditur, et phrasi, ἐν μέσῳ τῶν μαθητῶν, quae de Christo prae apostolis saepe ⁵ recurrit, eiusdem inter discipulos praestantia declaratur.

Pergit historiographus, Petrumque his loquentem verbis ⁶ inducit: Ἄνδρες ἀδελφοί, ἔδει πληρωθῆναι τὴν γραφὴν ταύτην, ἣν προεῖπε τὸ πνεῦμα τὸ ἅγιον διὰ στόματος Δαυὶδ περὶ Ἰούδα τοῦ γενομένου ὁδηγοῦ τοῖς συλλαβοῦσι τὸν Ἰησοῦν· ὅτι κατηριθιμμένος ἦν σὺν ἡμῖν, καὶ ἔλαχε τὸν κλῆρον τῆς διακονίας ταύτης. Viri fratres, oportebat ⁷ ut id impleretur, quod Spiritus-sanctus ore Davidis de Juda praedixit, qui dux eorum extitit qui comprehenderunt Jesum, quique nobiscum connumeratus fuerat, eandemque nobiscum ministerii partem sortitus erat, partem non omnibus communem, non ⁸ κλῆρον ἀγίων, sed ⁹ κλῆρον τῆς διακονίας ταύτης, idest, *apostolatam*.

Tum miserrimo praevericatoris ¹⁰ exitu commemorato, editum de eo vaticinium ¹¹ proferens, inquit: Γέγραπται γὰρ ἐν βίβλῳ ψαλμῶν· γενηθήτω ἡ ἔπαυλις αὐτοῦ ¹² ἔρημος, καὶ μὴ ἔστω ὁ κατοικῶν ἐν αὐτῇ. Scriptum namque est in psalmorum ¹³ libro: fiat domicilium eius desertum, et nemo sit qui illud incolat.

Cui alterum e vestigio oraculum ¹⁴ subdens, ait: τὴν ἐπισκοπὴν αὐτοῦ λάβοι ἕτερος, praefecturam eius alter accipiat. E quo ¹⁵ infert: Δεῖ οὖν τῶν συνελθόντων ἡμῖν ἀνδρῶν ἐν παντὶ χρόνῳ, ἐν ᾧ εἰσῆλθε, καὶ ἐξῆλθεν ἐφ' ἡμᾶς ὁ κύριος Ἰησοῦς, ἀρξάμενος ἀπὸ τοῦ βαπτίσματος Ἰωάννου ἕως τῆς

³) Act. I. 15.

⁴) In aliquot codicibus, ἀδελφῶν, quam lectionem Vulgatus sequutus est.

⁵) Luc. XXII. 27, XXIV. 36, Joh. XX. 19—26.

⁶) Act. I. 16—17.

⁷) Vulgatus, oportet. Atqui graece est, ἔδει, oportebat. Quam lectionem praehabendam esse, inde etiam liquet, quod Davidis oraculum, quod Petrus primum inquit, deinde recitat, ad ea spectet, quae iam contigerant. Jam enim Judas Christum prodiderat, prodictionisque suae debitas poenas persolverat.

⁸) Coloss. I. 12, I. Petr. V. 3.

⁹) Quam ministerii sortem communem non esse, docet Paulus inquit I. Cor. XII. 29: μὴ πάντες, ἀπόστολοι; scilicet

interrogatione, quae vim habet negationis: non omnes sunt apostoli.

¹⁰) Act. I. 18—20.

¹¹) Ibid. v. 20.

¹²) Vulgatus, eorum, sicut et alexandrini, αὐτῶν.

¹³) Ps. LXIX. 26.

¹⁴) Ps. CIX. 8. Animadverti debet, duplex vaticinium e duplici, diversoque psalmo depromptum, et de duplici, diversoque eventu editum, ita coniungi per particulam καί, ut ellipsis hoc, similive pacto suppleri debeat, καὶ πάλιν γέγραπται ἐν βίβλῳ ψαλμῶν.

¹⁵) Act. I. 21—22. En, quum de re iam facta loqueretur, dixit v. 16, ἔδει, oportebat; quum autem de re nunc facienda loquitur, ait, δεῖ, oportet.

ἡμέρας ἣς ἀνελήφθη ἀπ' ἡμῶν, μάρτυρα τῆς ἀναστάσεως αὐτοῦ γενέσθαι σὺν ἡμῖν ἕνα τούτων. Oportet ergo ut testis resurrectionis Domini Jesu unus nobiscum constituatur ex hisce viris, quibuscum toto eo tempore fuimus, quo cum illo familiariter ¹⁶ degimus, a baptisate scilicet Johannis ad eam usque diem quo is a nobis assumptus est.

185. Quibus Petrus manifeste definit rei, qua de agitur, *necessitatem*: biblicorum oraculis, tamquam summus illorum interpres, omniumque magister institutus eam confirmat: deliberationi vero sic locum relinquit, ut consensionem exposcat. Phrasis enim, δεῖ οὖν, talem illius verbis subesse potestatem ostendit: „non id propono quod fieri ex aequo, omittive possit, sed quid facto opus sit ¹⁷, declaro ac praescribo.“ Unde et ea praescribit, quibus insignis is esset, qui eligeretur, formamque ipsam habendae electionis determinat.

Quid vero ad haec audientium concio, quae ¹⁸ erat ὄχλος ὀνομάτων ἐπὶ τὸ αὐτὸ ὡς ἑκατὸν εἰκοσιν, multitudo capitum ¹⁹ coniunctissimorum ²⁰ quasi centum viginti? nulla interiecta mora, quotquot aderant, in Petri sententiam unanimes ierunt, praefinitas ab eo leges sequuti sunt, propositamque electionem perfecerunt.

Quae profecto talia sunt, ut reputari animo nequeant, quin statuatur: cogitari nihil posse, quod magis Petrum, magisque discipulos decuerit, si Petrus ipsis uti caput praeerat, ipsisque auctoritate praepositi divinitus electi antecellebat; et nihil cogitari vicissim posse, quod minus Petrum, minusque discipulos decuerit, si Petrus non erat nisi unus ²¹ e pluribus, nullamque a Christo praestantior ministerii partem acceperat. Inferri igitur debet, stetisse Petrum in medio discipulorum, tamquam maiorem in minorum coetu, non tamquam parem in coetu parium, sibi quoque ideo opus de sufficiendo apostolo, sarciendoque collegio potissimum creditum existimasse, quod se omnium caput, familiae quoque dominicae praepositum et ipse sciret, et reliqui omnes non ignorarent.

186. Atque haec quum sint ex ipsa historiae narratione perspicua, inde tamen lucis, splendorisque accessionem mutuari videntur, quod ea iam pridem

¹⁶) Haec enim vis est formulae, *intrare et exire*, Deut. XXXI. 2, II. Paral. I. 10, Zach. VIII. 10.

¹⁷) Scilicet coram ipsis apostolis ἀνθετικῶς declarat verbum Dei, facto quoque ipso ostendit, supremum sibi creditum esse magisterium.

¹⁸) Act. I. 15.

¹⁹) Vulgatus habet, *turba hominum*. Consentit Syrus. Neque mirum, quum ὄνομα pro capite atque homine non raro adhibeatur, ut Apoc. III. 4, XI. 13. Hinc *romanum nomen* pro romanis, et τὸ θη-

βαίων ὄνομα pro thebanis. Ceterum Arabs reddit, *viros nominis*, celebres nimirum insignesque, quod respexerit, opinor, ad Gen. VI. 4: שְׂרָפִים = οἱ ἀνθρωποι ὀνομαστοί = *viri famosi*.

²⁰) Vulgatus, *simul*, quod et de loco, et de voluntatum consensione intelligi potest. Praetulerim posteriorem significationem, quae item obtinet Act. II. 1, I. Cor. XI. 20.

²¹) Praesertim quum Spiritus - sancti dona nondum receperisset.

Chrysostomus ²² animadverterit, litterisque consignaverit. Ecce enim *unus* surrexit Petrus, ac *primus*, immo *solus* loquutus est? καὶ ὡς θερμός, καὶ ὡς ἐμπιστευθεὶς παρὰ τοῦ Χριστοῦ τὴν ποίμνην, καὶ ὡς τοῦ χοροῦ πρώτος, ἀεὶ πρότερος ἄρχεται τοῦ λόγου. utpote fervens ²³, utpote cui grex a Christo creditus erat, atque ut primus in choro, primus semper sermonem orditur. Cur prophetarum oracula allegat? primo quidem ne videretur humano consilio *μεγάλῳ* πράγματι ἐπιχειρεῖν, καὶ τοιοῦτῳ οἷῳ ὁ Χριστός, magnam rem aggredi, et qualem Christus ipse fecisset; deinde vero ut τὸν διδάσκαλον magistrum suum imitaretur, propterea *πανταχοῦ ἀπὸ τῶν γραφῶν* ubique ex Scripturis disserit. Cur non solus a Christo petiit, ut sibi aliquem daret Judae sufficiens? quod iam *βελτίων* esset ὁ Πέτρος αὐτὸς ἑαυτοῦ, neque ingenio obsequeretur. Cur propria auctoritate vacuum Judae locum non implevit? ideo ne, quod integrum ipsi non foret? immo πάννυγε licebat, ἀλλ' ἵνα μὴ δόξῃ χαρίζεσθαι, τοῦτο οὐ ποιεῖ, sed ne videretur ad gratiam facere, abstinet. Cur cum omnibus qui aderant, rem communicat? ἵνα μὴ περιμάχητον τὸ πρᾶγμα γένηται, καὶ εἰς φιλονεικίαν ἐμπέσωσιν· εἰ γὰρ αὐτοὶ τοῦτο ἔπαθον, πολλὰ μᾶλλον ἐκείνοι. ne contentio de ea oriretur, et ne mutuo digladiarentur: si enim apostolis accidit, ut de primatu contenderent, multo magis accidere poterat ²⁴, ut qui Judae sufficiens erant, inter se contenderent. Dignissimum propterea est quod admiremur, quodque imitemur: quo pacto Petrus μετὰ κοινῆς πάντα γνώμης omnia e communi sententia faciat, οὐδὲν ἀνθεντικῶς, οὐδὲ ἀρχικῶς, nihil ut qui ²⁵ dominatur ac imperat. Quibus fastus quidem excluditur, gubernationisque forma ²⁶ proponitur, potior autem Petri auctoritas nullatenus denegatur. Etenim πρώτος τοῦ πράματος ἀνθεντεῖ· ἅτε οὗτος ²⁷ πάντας ἐγχειρισθείς· πρὸς γὰρ τοῦτον εἶπεν ὁ Χριστός· καὶ σύ ποτε ἐπιστρέψας στηρίξον τοὺς ἀδελφούς σου.

²²) In Acta Apost. hom. III. nn. 1—2—3.

²³) Cur sibi Petrus primas constanter vindicabat? quod, reponunt protestantes, ferventior esset. At Chrysostomus: quod ferventior esset, ceterisque praepositus. Divellunt illi quae sunt copulanda, neque advertunt, fervorem in Petro, non secus ac iuris peritiam in magistratu, dotem quidem esse quae exigitur, minime vero caussam, e qua ius sibi primas vindicandi proficisci possit.

²⁴) Nolim mihi vitio vertatur, quod latius exposuerim, quae pressius et paullo obscurius Chrysostomus complexus est.

²⁵) nn. 82. seqq.

²⁶) De qua item accipi verba debent, quibus Petrus epist. I. c. V. 3. comprehyteros adhortatur, μὴ κατακυριεύειν τῶν κλήρων. Notetur autem, inquit Henricus Dodwellus Diss. I. Cyprianica, §. VII. „quod prohibetur ab apostolo, non esse κυριεύειν, sed κατακυριεύειν, non ipsum dominium, sed vero iusti domini *abusum*.... Nec enim ab alio metuendus erat potestatis *abusus*, nisi qui potestate illa fuisset instructus; nec contentus fuisset apostolus *abusum* dumtaxat reprehendere, si iniusta fuisset ipsius *potestatis usurpatio*.“

²⁷) In editt. Savil. et Morel: ἅτε γὰρ αὐτός.

ipse primus in negotio auctoritatem habet, utpote qui omnes in curam receperit. Ipsi enim Christus ²⁸ dixit, *et tu aliquando conversus confirma fratres tuos.*

187. Reparatis collegii detrimentis, id proxime consequatur, ut *caput*, si quod tamen ²⁹ fuit, illi sedulo consuleret, necessariamque nominis famam, si quando forte periclitaretur, omnium primus protegeret. Jamvero narrato ³⁰ miraculo advenientis Spiritus, ac semet in eos uberrime diffundentis, qui una cum apostolis convenerant: memoratoque linguarum ³¹ charismate, quo insignes iidem apparuere; describit ³² Lucas multiplices, diversasque multitudinis opiniones, quas inter et illam ³³ refert, non defuisse, qui *χλευάζοντες* ³⁴ sannis eos, ludibriisque excipientes dicerent, *ὅτι χλευάζοντες μεμεστωμένοι εἰσὶ*, quod farti, confertique ³⁵ vino ³⁶ essent. Scilicet blasphemi erant in opera Spiritus, omnemque apostolis auctoritatem immani calumnia detrahebant. Quid porro? *Σταθεῖς δὲ Πέτρος σὺν τοῖς ἑνδεκα*, pergit ³⁷ Lucas, *ἐπῆρε τὴν φωνὴν αὐτοῦ, καὶ ἀπεφθέγγετο αὐτοῖς ἄνδρες ἰουδαῖοι, καὶ οἱ κατοικοῦντες Ἱερουσαλὴμ ἅπαντες, τοῦτο ὑμῖν γνωστὸν ἔστω, καὶ ἐνωτίσασθε* ³⁸ *τὰ ῥήματά μου. Οὐ γάρ, ὡς ὑμεῖς ὑπολαμβάνετε, οὗτοι μεθύουσιν· ἔστι γὰρ ὥρα τρίτη τῆς ἡμέρας· ἀλλὰ τοῦτο ἔστι τὸ εἰρημένον* ³⁹ *διὰ τοῦ προφήτου Ἰωήλ.* Stans autem Petrus una cum undecim extulit vocem suam, ac his eos verbis alloquutus ⁴⁰ est: viri iudaei, et quotquot Jerusalem incolitis, hoc vobis compertum sit, ac in aures vestras mea verba influant. Non sunt isti ebrii, uti vos opinamini; est enim hora

²⁸) Luc. XXII. 32.

²⁹) Sic autem loquimur, ne quod demonstratum volumus, praesumere videamur.

³⁰) Act. II. 1—5.

³¹) Ibid. vv. 4—8—11.

³²) Ibid. vv. 6—13.

³³) Ibid. v. 13.

³⁴) Al. *διαχλευάζοντες*. In Onomastico *χλεύη* redditur *sanna*, et in Cyrilli lexico graeco-latino, *ludibrium*.

³⁵) In Cyrilli lexico: *μεμεστωμένος· fartus, confertus: μεστόν· cumulatam: μεστός· onustus.*

³⁶) Quid heic sit *χλευός*, multis apud Danielelem Heinsium in Exercitationibus sacris explicatum reperies.

³⁷) Act. II. 14—17. Opportune Johannes Pricaeus ad verba, *Πέτρος σὺν τοῖς ἑνδεκα*, subiicit: „Sic infra V. 29, ὁ

Πέτρος καὶ οἱ ἀπόστολοι· et v. 37. huius capitis, *τὸν Πέτρον καὶ τοὺς λοιποὺς ἀποστόλους*. Sic in Evangelio V. 9, VIII. 45, IX. 32, et Marc. XVI. 17, ubi Petrus seorsim a reliquis *ob eminentiam* nominatur. Sic Petronius, *Pindarus novemque lyri.* Aristophanes, *ὦ Ζεῦ καὶ θεοί·* et Cicero Catil. I, *magna diis immortalibus habenda gratia est, atque huic ipsi Jovi...* Vide et Hebr. XI. 32. Servius ad Aeneid. XI, *est haec consuetudo apud poetas, ut a plebe segregent duces.*“

³⁸) *Ἐνωτίζομαι* hoc dumtaxat loco in N. T. occurrit, numquam apud classicos Graeciae scriptores, haud raro penes alexandrinis, qui Gen. IV. 23, Is. I. 2, Hos. V. 1. eo reddunt hebraicum *וַיְהַוֶּה* ab *וַיִּשְׁמַע* auris. *audire*.

³⁹) Joël III. 1—5.

⁴⁰) Ludere videtur Lightfootus, quum omnes simul apostolos loquutos contendit.

diei ⁴¹ tertia: sed hoc quod vos movet, illud ipsum est quod per Joël prophetam dictum fuit.

188. In qua oratione non facile dixeris, verba ne, an ipsae potius res primatum Petri, maioremque dignitatem evidentius confirmant. Utraque certe ita conspirant, ut nihil accommodatius expeti posse videatur. Conspirant *verba*, quum phrasis, *σταθεὶς δὲ Πέτρος σὺν τοῖς ἑνδεκα, ἐπῆρε τὴν φωνὴν αὐτοῦ, καὶ ἀπεφθέγγετο αὐτοῖς*, Petrum repraesentet tamquam chori ducem, familiaeque praepositum. Unde ⁴² Chrysostomus: „Τὶ δέ ἐστι, σὺν τοῖς ἑνδεκα; κοινὴν προεβάλλοντο φωνήν· καὶ πάντων αὐτὸς ἦν τὸ στόμα. παρεστήκασι δὲ οἱ ἑνδεκα μαρτυροῦντες τοῖς λεγομένοις. Quid sibi vult illud, *cum undecim*? communem emittebant vocem, et ipse os omnium erat. Adstant vero undecim, dicta testimonio suo confirmantes.“

Conspirant *res*; nam unus est Petrus, qui biblicorum interpretatione magistri partes explet, ac utriusque foederis *ὁμολογίαν* declarat: unus qui communem omnibus caussam tuetur: ac denique unus qui omnium personam induens, omnium nomine multitudinem alloquitur. *Σκόπει δὲ καὶ τῶν ἀποστόλων τὴν ὁμονοιαν*, inquit ⁴³ Chrysostomus, *αὐτοὶ παραχωροῦσιν αὐτῷ τῆς δημογορίας*. Perpende autem et apostolorum consensionem: quomodo ipsi Petro cesserint concionandi officio. Illi nimirum cessere, qui caput erat, quique, ut ⁴⁴ idem adnotat, *τὴν ἀνδρείαν* fortitudinem capitis modo exhibet, sicut in explendo apostolorum numero *τὴν κηδεμονίαν* providentiam capitis ostenderat.

189. Repulsa, uti par erat calumnia, non tacuit Petrus, sed praeclara oratione, quam Lucas ⁴⁵ describit, edita a prophetis ⁴⁶ vaticinia explanavit; tum ad Jesum, eiusque *οἰκονομίαν* ⁴⁷ progressus, illius e mortuis resurrectionem ⁴⁸, exaltationemque ad dexteram Patris validissime confirmavit; ac tandem peroraturus summa auctoritate conclusit ⁴⁹: *Ἀσφαλῶς οὖν γνωσκέτω πᾶς οἶκος Ἰσραὴλ, ὅτι καὶ κύριον καὶ Χριστὸν αὐτὸν ὁ θεὸς ἐποίησε τοῦτον τὸν Ἰησοῦν, ὃν ὑμεῖς ἐσταυρώσατε*. Indubitanter ergo sciat universus Israelis populus, quod ⁵⁰ hunc ipsum Jesum, quem vos cruci affixistis, Deus ⁵¹ constituit, ordinavitque Dominum et ⁵² Christum.

Quid iamvero ex his ad rem nostram? quod Lucas de iis solum, quae

⁴¹) Argumentatur Petrus ab eo quod consuetum, honestumque est.

⁴²) In Acta Apost. hom. IV. n. 3.

⁴³) Ibidem.

⁴⁴) Ibidem.

⁴⁵) Act. II. 16—37.

⁴⁶) Ibid. vv. 17—21, 25—29, 34—36.

⁴⁷) Ibid. vv. 22—25.

⁴⁸) Ibid. vv. 32—34.

⁴⁹) Ibid. v. 36.

⁵⁰) Simplex verborum ordo hic est:

Ὅτι τοῦτον τὸν Ἰησοῦν, ὃν ὑμεῖς ἐσταυρώσατε, ὁ θεὸς ἐποίησεν αὐτὸν (redundat hebraeorum more) κύριον καὶ Χριστόν.

⁵¹) Ἐποίησεν idem quod κατέταξεν, vel κατέστησεν, ut Marc. III. 14, ac alibi plus semel.

⁵²) Recte Lactantius, Div. Instit. lib. IV. cap. VII, de appellativo Christi nomine: „Christus non proprium nomen est, sed nuncupatio potestatis et regni; sic enim iudaei reges suos appellabant.“

ad Petrum spectant, curam gerere videatur. Quod Petrus omnium primus, atque omnium nomine ⁵³, iniuncto sibi, ceterisque ⁵⁴ testandi munere perfunctus sit: τοῦτον τὸν Ἰησοῦν ἀνέστησεν ὁ θεός, οὗ πάντες ἡμεῖς ἐσμεν μαρτυρες. Quod omnium primus publice solemniterque magisterii partes obiverit. Quod omnium primus expleverit, quod apostolis universis Christus ⁵⁵ praeceperat, μαθητεύσατε διδάσκοντες, *discipulos facite docentes*. Denique quod omnium primus necessitatem fidei in Jesum, tamquam Dominum et Christum divinitus constitutum promulgaverit.

Sed cuiusmodi ista sunt? talia ne quae nullum Petrum inter ceterosque apostolos dignitatis, auctoritatisque discrimen praeseferant? immo ostendunt non aliter Petrum inter apostolos eminuisse, quam caput inter obnoxia membra praecellat.

190. Quod quum auditores ex eiusdem agendi ratione perspicerent, compuncti ⁵⁶ iam corde, quod non iustum dumtaxat hominem, verum ipsum Ἰησοῦν crucifixissent; εἶπον πρὸς τὸν Πέτρον καὶ τοὺς λοιποὺς ἀποστόλους, dixerunt Petro, ceterisque apostolis. Viden quomodo unus extet Petrus, ac ipse unus nominatim compelletur? sed quid dixerunt? ab omnibus simul apostolis sciscitati sunt: τί ποιήσωμεν, ἄνδρες ἀδελφοί; quid faciemus, viri fratres? atqui, notat ⁵⁷ Chrysostomus, πάλιν ἐνταῦθα ὁ Πέτρος πάντων ἐρωτηθέντων, ἐκεῖνος ἀποκρίνεται, rursus heic Petrus, quum omnes interrogarentur, ipse unus respondet. Sane pergit ⁵⁸ Lucas: Πέτρος δὲ ἔφη πρὸς αὐτούς. Unus itaque est, qui tamquam ἡγούμενος communia peragit: unus qui Christi leges ⁵⁹ edicit, μετανοήσατε, καὶ βαπτισθῆτω ἕκαστος ὑμῶν ἐπὶ τῷ ὀνόματι Ἰησοῦ Χριστοῦ ⁶⁰, εἰς ἄφεσιν ἁμαρτιῶν: unus qui promissis ⁶¹ Spiritus-sancti donis spem erigit, καὶ λήψεσθε τὴν δωρεὰν τοῦ ἁγίου πνεύματος: unus qui pluribus ⁶² susceptam audientium institutionem persequitur, ἐτέροις τε λόγοις πλείοσι διεμαρτύρετο καὶ παρεκάλει: unus qui fructus christianae professionis ⁶³ declarat, σώθητε ἀπὸ τῆς γενεᾶς τῆς σκολιάς ταύτης: ac unus, cuius ministerio debentur quae Lucas ⁶⁴ subnectit, οἱ μὲν οὖν ἀσμένως ⁶⁵ ἀποδεξάμενοι τὸν λόγον αὐτοῦ, ἐβαπτίσθησαν.

⁵³) n. 187.

⁵⁴) Act. I. 8: Ἔσσεσθέ μοι μαρτυρες, coll. Luc. XXIV. 48, Joh. XV. 26—27.

⁵⁵) Matth. XXVIII. 19—20. Est autem heic μαθητεύειν, significatione transitiua, idem quod Joh. IV. 1. μαθητὰς ποιεῖν, *discipulos facere*. Qui reddunt *docete*, neque satis consulunt concinnitati orationis, neque *ταυτολογίαν* prorsus evitant, quum mox sequatur, διδάσκοντες.

⁵⁶) Act. II. 37.

⁵⁷) In Acta Apostol. hom. VII. n. 1.

⁵⁸) Act. II. 38.

⁵⁹) Matth. III. 2. Luc. XXIV. 47.

⁶⁰) Haec verba ad baptismi *formam* referenda non esse, certis argumentis viri docti comprobantur.

⁶¹) Act. II. 38.

⁶²) Ibid. v. 40.

⁶³) Ibid. v. 40. Cur autem dicatur γενεὰ σκολιά, habes Deut. XXXII. 20.

⁶⁴) Ibid. v. 41.

⁶⁵) Vulgatus non legit adverbium ἀσμένως, quod Hesychius interpretatur, μετὰ χαρᾶς, ἡδῶς, εὐκταίως, προθύμως, ἐκονσίως.

καὶ προσετέθησαν τῇ ἡμέρᾳ ἐκεῖνῃ ψυχαὶ ὡσεὶ τρισχίλια, qui ergo ex auditoribus libenter atque ex animo sermoni eius morem ⁶⁶ gesserunt, baptizati sunt, et ter circiter hominum millia eo die ad Jesu discipulos ⁶⁷ accesserunt.

191. E quibus illud aptum nexumque est, Petrum, quem Christus ⁶⁸ ecclesiae fundamentum ac πέτραν constituerat, omnem dedisse operam, ut inchoatum a Christo aedificium, tamquam princeps secundum eum architectus ⁶⁹ latius, magnificentiusque amplificaret. Sed quid reliqui interea apostoli? nonne et ipsis architecti officium demandatum fuerat? dubio procul, sed quod cum Petro et sub Petro exercerent, cui propterea adsunt, illumque praeuntem, tamquam συνεργοί, adsectantur. Quod consequuta ecclesiastici aedificii incrementa, et constans ratio, qua se Petrus gessit, maiori etiam perspicuitate confirmant. De novis enim ecclesiae accessionibus Lucas ⁷⁰ scribit: Πολλοὶ δὲ τῶν ἀκουσάντων τὸν λόγον ἐπίστευσαν· καὶ ἐγενήθη ὁ ἀριθμὸς τῶν ἀνδρῶν ὡσεὶ χιλιάδες πέντε. Multi autem eorum qui sermonem audierant ⁷¹, crediderunt; ac ita virorum numerus qui apostolis adhaesere, quinque prope ⁷² millia factus est.

Sed quis tantae accessionis princeps architectus haberi debet? ille ipse, qui tertiae ⁷³, quartaetaeque concionis auctor extitit, quum eiusmodi concionibus ea incrementa tribuantur. Atqui summa utriusque sermonis capita sic Lucas refert, ut illorum auctorem Petrum demonstret.

192. Ad tertium enim quod attinet, memoratis simul ⁷⁴ Petro et Johanne, unum inducit Petrum ⁷⁵, qui filios Abrahae ad amplectendam Christi fidem movet, illisque persuadet ⁷⁶, Jesum esse eximium illum, singularemque prophetam, quem Deus per Moysen in ⁷⁷ Deuteronomio promiserat. De quarto vero ⁷⁸ scribit: τότε Πέτρος πλησθεὶς πνεύματος ἁγίου, εἶπε πρὸς αὐτούς, tunc Petrus Spiritu-sancto plenus dixit illis. Ideo ne quod ipse unus adesset? nullatenus quum Lucas praemiserit ⁷⁹, καὶ στήσαντες αὐτούς (non αὐτὸν) ἐν μέσῳ, ἐπυνθάνοντο: universaeque historiae series ostendat, una cum Petro ipsum quoque Johannem interfuisse. Unde ⁸⁰ Chrysostomus: Ὅρα δέ, πῶς ὁ Ἰωάννης πανταχοῦ σιγᾷ, ὁ δὲ Πέτρος καὶ ὑπὲρ αὐτοῦ ἀπολογεῖται. Perpende quomodo Johannes ubique sileat, Petrus vero etiam pro illo rationem reddat. Silebat nimirum Johannes, quod primas partes proprias Petri esse cognosceret;

⁶⁶) Formula, ἀσμένως ἀποδέχεσθαι τὸν λόγον, aptius reddi nequit quam, libenter amplecti sermonem.

⁶⁷) Etenim, προστίθεσθαι τινι, notat ad alicuius partes accedere.

⁶⁸) Matth. XVI. 18.

⁶⁹) I. Cor. III. 11.

⁷⁰) Act. IV. 4.

⁷¹) Rom. X. 17: Ἄρα ἡ πίστις ἐξ ἀκοῆς· ἡ δὲ ἀκοὴ διὰ ῥήματος Θεοῦ.

⁷²) Deest apud Vulgatum particula ὡσεὶ.

⁷³) Act. III. 12—26, IV. 8—19.

⁷⁴) Act. III. 11.

⁷⁵) Ibid. v. 12.

⁷⁶) Ibid. vv. 13—24.

⁷⁷) Deut. XVIII. 15.

⁷⁸) Act. IV. 8.

⁷⁹) Ibid. v. 7.

⁸⁰) In Acta Apostol. homil. VIII. n. 2, et rursum ad v. 12. subdit: Πάλιν αὐτὸς καὶ ἐργάζεται καὶ δημηγορεῖ, ipse denique et agit et concionatur.

Petrus autem pro illo etiam loquebatur, quod capitis sit, non a seipso tantum, sed et a ceteris, quibus praeest membris imminentem perniciem propulsare.

193. His autem expositis, velim mihi percontanti respondeatur, quidpiam ne sit, quod praeter *ipsa nomina capitis, supremi inter apostolos magistri, et principis secundum Christum architecti* aut postulari iure, aut merito expeti posse videatur. Quid enim egisset Petrus, si auctoritate capitis inter apostolos eminisset? collegium impleisset, sollicitam de eo curam gessisset, membrisque singulis, ne ea detrimentum caperent, providisset. Atqui haec ipsa sunt quae praestitit, haec quibus incubuit. Quid egisset, si eum Christus supremum omnium magistrum, doctoremque instituisset? ipsis primum apostolis et discipulis arcana divinae voluntatis sacris consignata litteris reserasset: tum consensione patefacta, qua oraculis veteris testamenti *οἰκονομία* respondit, quam Jesus absolverat, hunc esse Christum demonstrasset. Sed quid horum praetermisit, quidve non cumulatissime perfecit? Quid denique egisset, si principem inter evangelicos architectos gradum sortitus esset? omnium primus manum ad opus admovisset, novis, electisque lapidibus aedificium amplificasset, architectos reliquos, tamquam sibi obnoxios ac *συνεργούς* habuisset, et ut aedificium Christo dignum, atque ad eius promissa expressum appareret, omni qua ope poterat contendisset. Sed nonne contendit? nonne perfecit? nonne horum omnium historia testis est? nonne *ἀρχετύπω* a Christo praefinito ecclesia adamussim respondit, quam Petrus extruxit, et de qua ⁸¹ legimus, *πάντες δὲ οἱ* ⁸² *πιστεύσαντες ἦσαν ἐπὶ τὸ αὐτό, καὶ εἶχον ἅπαντα κοινά*, omnes autem qui crediderant, erant ⁸³ coniunctissimi, communiaque omnia habebant. Ac denuo ⁸⁴, *τοῦ δὲ πλήθους τῶν πιστευσάντων ἦν ἡ καρδιά καὶ ἡ ψυχὴ μία· καὶ οὐδὲ εἰς τι τῶν ὑπαρχόντων αὐτῷ ἔλεγεν ἴδιον εἶναι, ἀλλ' ἦν αὐτοῖς ἅπαντα κοινά*, multitudinis autem credentium unum erat cor ⁸⁵ atque anima una, eorumque nemo quae possidebat, propria sibi esse ⁸⁶ dicebat, sed erant illis omnia communia.

194. Tanta sane, tamque mira visa Aratori ⁸⁷ est haec perfectio, ut inde sibi natam occasionem existimaverit, qua ineffabile Trinitatis mysterium persuaderet:

Quis dubitare queat mysteria dogmatis, unum
Personas tres esse Deum, cum millia vulgi
Convenient sub mente pari, Numenque sequentes
Sint animis velut unus homo?

Profecto si opere ipso exprimi potuit ac debuit, quod a Patre Christus ⁸⁸ postu-

⁸¹) Act. II. 44.

⁸²) Al. *πιστεύοντες*.

⁸³) Saepe ab alexandrinis, *ἐπὶ τὸ αὐτό*, de animorum consensione usurpatur.

⁸⁴) Act. IV. 32.

⁸⁵) Huc facit illud Aristotelis apud Diogenem Laertium lib. V. cap. I. n. 11:

Ερωτηθεὶς, τί ἐστι φίλος; ἔφη, μία ψυχὴ δύο σώμασιν ἐνοικοῦσα.

⁸⁶) Paullo secus legisse videtur Cyprianus in lib. III. Testim. cap. III.

⁸⁷) In Acta, lib. I.

⁸⁸) Joh. XVII. 21 — 24.

lavit, et quo ecclesiam suam distinctam, insignemque voluit, ἵνα πάντες ἐν ᾧ σοι· καθὼς σύ, πάτερ, ἐν ἐμοί, καὶ ἐγὼ ἐν σοί, ἵνα καὶ αὐτοὶ ἐν ἡμῖν ἐν ᾧ σὺν· ἵνα ὁ κόσμος πιστεύσῃ, ὅτι σύ με ἀπέστειλας: et, ἐγὼ ἐν αὐτοῖς, καὶ σὺ ἐν ἐμοί· ἵνα ᾧ τετελειωμένοι εἰς ἐν, καὶ ἵνα γινώσκῃ ὁ κόσμος, ὅτι σύ με ἀπέστειλας, καὶ ἡγάπησας αὐτούς, καθὼς ἐμὲ ἡγάπησας: tum omnino impletum, perfectumque credendum est, quum Petri ministerio ecclesia extitit, de qua vere affirmaretur, multis illam corporibus, sed non multis, ut Augustinus ⁸⁹ loquitur, animis constitisse.

Quare si nobis res potius cordi sint quam verba, dabimus non inviti, eam esse Actorum historiam, qua singularis Petri ὑπεροχή, et capitis, supremique magistri, principisque architecti eximia dignitas luculentissime comprobatur.

CAPUT XVII.

Quo nexu cum dignitate supremi magisterii edita miracula devinciantur: — quid facto opus esset, sive ut Petrus supremi doctoris munus obüsse, sive ut Lucas eo spectasse videretur, ut Petrum, tamquam supremum magistrum repraesentaret: — neutrum defuisse ostenditur: — comparatio proponitur Christum inter et Petrum: ac denuo inter Lucam Actorum scriptorem, et Johannem Evangelii auctorem: — expolitur comparatio, et Petri praeogaticae confirmantur.

195. Quae fuerit ratio apostolici magisterii, quae forma primitivae institutionis docet Paulus ¹ ad Corinthios scribens: Καὶ ὁ λόγος μου καὶ τὸ κήρυγμά μου οὐκ ἐν πειθοῖς ² ἀνθρώπινης ³ σοφίας λόγοις, ἀλλ' ἐν ἀποδείξει πνεύματος καὶ δυνάμεως· ἵνα ἡ πίστις ὑμῶν μὴ ᾖ ἐν σοφίᾳ ἀνθρώπων, ἀλλ' ἐν δυνάμει Θεοῦ. Et sermo meus, et praedicatio mea, universaque institutio ⁴, qua apostolici legati munere functus sum, non sermonibus constabat qui suam ex humana sapientia persuadendi vim mutuarentur, sed demonstrationi innitebatur, quae pondus suum e charismatis Spiritus, editisque ⁵ miraculis hauriebat. Quo

⁸⁹) In Ps. CXXXII.

¹) I. Cor. II. 4 — 6.

²) De farragine variarum lectionum pro vulgari, πειθοῖς, consuli possunt Griesbachius, et in commentario Julius Pott.

³) Quum plurimi codices, ac aliquot antiquae versiones careant apposito, ἀνθρώπινης, sunt qui coniiciant, translatum

huc esse ex v. 13, ne Paulus omnem omnino sapientiam repudiare videretur.

⁴) Haec esse videtur significatio illius distributionis, καὶ ὁ λόγος μου, καὶ τὸ κήρυγμά μου.

⁵) Passim veteres interpretes, ac omnino ex analogia N. T., nomina, πνεῦμα et

factum⁶ est, ut fides vestra, mentisque assensio quam meis sermonibus prae-
buis, non humana sapientia, sed manifestatione divinae virtutis sustentaretur.
Quod necessarium omnino fuit, ut⁷ λόγον ἀκοῆς τοῦ Θεοῦ a nobis reciperetis,
οὐ λόγον ἀνθρώπων, ἀλλὰ, καθὼς ἐστὶν ἀληθῶς, λόγον Θεοῦ, non tam-
quam hominum verbum, sed quemadmodum vere est, tamquam verbum Dei.
Sicut ergo interior animi fides cum exteriori praedicatione veluti cum *instrumen-
tali causa* cohaeret, unde fides⁸ per auditum illabi dicitur; ita magisterii
auctoritas, et virtus apostolicae praedicationis e donis Spiritus, patratique signis
oriebatur.

196. Quod Petrus luculenter⁹ significavit, inquit: divinam virtutem¹⁰
omnia in nos contulisse quae ad vitam, pietatemque spectant, διὰ τῆς ἐπιγνώ-
σεως τοῦ καλέσαντος ἡμᾶς διὰ δόξης καὶ ἀρετῆς, δι' ὧν τὰ τίμια ἡμῖν καὶ
μέγιστα ἐπαγγέλματα δεδώρηται, ἵνα διὰ τούτων¹¹ γένησθε θείας κοινωνοὶ
φύσεως, per cognitionem, fidemque in eum qui vocavit nos per gloriam po-
tentiae suae, quam charismatis et miraculis illustrem reddidit, et per quam¹² in-
signia, maximaque promissa donata nobis sunt, ut eorundem¹³ consequutione
consortes divinae naturae evadamus. E quibus sane liquet, eodem intimo nexu

δύναμιν, de divinis charismatis, patratique
miraculis accipiunt.

⁶) Reddidi particulam ἵνα, ac si *even-
tum* significaret; sed ea potest quoque
Pauli *consilium* significare. Unde Theodo-
ritus: Τούτου γὰρ χάριν οὐκ εἶασεν ἡμᾶς
ἐν γλωττίᾳ χρῆσασθαι ὁ Λεσπότης, ἵνα
ὑμῶν ἡ πίστις ἀνύποπτος φαίνεται, οὐ
δυνάμει λόγων ὑπαχθεῖσα, ἀλλὰ τῇ δυ-
νάμει ποδηγηθεῖσα τοῦ πνεύματος.

⁷) I. Thess. II. 13.

⁸) Rom. X. 17; ubi ἀκοή per metony-
miam illud idem est quod auribus perci-
pitur, τὸ ἀκουσμα.

⁹) II. Petr. I. 3—5.

¹⁰) Active sumo participium δεδορη-
μένης, ne id desit, quo vox πάντα re-
gatur.

¹¹) Quod Petrus ait, διὰ τούτων, sci-
licet, τῶν ἐπαγγελμάτων, intelligi duplici-
ter potest, vel ut *hisc exciti promissis*,
vel ut *horum promissorum consequutione*.
Posterior acceptio commodior est, aptius-
que cum orationis serie cohaeret.

¹²) Dictio *per quam*, graece δι' ὧν,
non δι' ὧν, refertur ad δόξην καὶ ἀρετήν.

¹³) Absurde Clericus Artis Criticae
P. II. S. I. c. III. n. 6. docet, verba Petri,
κοινωνοὺς γενέσθαι θείας φύσεως, expo-
nenda ex iis esse quae habent Sextus
Empiricus, Epictetus et Hierocles, qui ad
aureum versum:

Ἔσσεαι ἀθάνατος θεὸς ἀμβροτος, οὐκ
ἐν ὕμνῳ :

subdit, his *moralem cum Deo similitudi-
nem* efferri, propter quam de Polemone et
Cratete scribit, eos fuisse θεοὺς τινας, ἧ
λείψανα τοῦ χρυσοῦ γένους. Etenim tum
gentilium effata ad *realem illustrationem*
non inutiliter adhibentur, quum sermo de
iis est, quae gentilibus iuxta atque chris-
tianis fuere *communia*. Atqui doctrina
de consortio cum Deo *propria* omnino est
christianorum. Sed de huiusmodi abusu
confer quae tradit Laurentius Moshemius
in dissertatione inscripta: „Cogitationes de
eo quod iustum est circa sacrarum litte-
rarum ex profanis scriptoribus interpreta-
tionem et emendationem.“

spem, eorumque consequutionem quae promissa sunt, cum fide, salutarique cognitione devinciri, quo fides ipsa, salutarisque cognitio cum *gloriosa Dei potentia* signis, portentisque declarata cohaeret.

Quare Christus qui de iudaeis ¹⁴ dixerat, *εἰ μὴ ἦλθον, καὶ ἐλάλησα αὐτοῖς, ἁμαρτίαν οὐκ εἶχον· νῦν δὲ πρόφασιν οὐκ ἔχουσι περὶ τῆς ἁμαρτίας αὐτῶν*, nisi venissem in mundum, eosque auctorem mei adventus edocuissem, non peccarent si me reiicerent; nunc autem nihil habent quod praetexant ¹⁵, ut a suo se peccato purgent: mox ¹⁶ subiecit, *εἰ τὰ ἔργα μὴ ἐποίησα ἐν αὐτοῖς, ἃ οὐδεὶς ἄλλος πεποίηκεν, ἁμαρτίαν οὐκ εἶχον· νῦν δὲ καὶ ἑωράκασι, καὶ μεμυσήκασι καὶ ἐμὲ καὶ τὸν πατέρα μου*, nisi prodigia ¹⁷ coram eis ¹⁸ fecissem, quae nemo alius edidit, non peccarent; nunc autem et ea viderunt, suisque oculis usurparunt, et me tamen, Patremque meum oderunt. Nullus ergo eis est tergiversandi locus, quum non ignorantia, sed animi pervicacia illis fraudi sit. Quae idcirco subiecit, ut ostenderet, fidem e praedicatione atque magisterio ita pendere, ut praedicatio ipsa ac magisterium *operibus* indigeat, quae illi pretium, auctoritatemque concilient.

Hinc quum duodecim quos elegerat, primum ad praedicandum misit, non praescripsit modo ¹⁹ quod annuntiarent, inquiens: *πορευόμενοι δὲ κηρύσσετε, λέγοντες· ὅτι ἤγγικεν ἡ βασιλεία τῶν οὐρανῶν*, euntes autem praedicate dicentes, quod appropinquavit ²⁰ regnum coelorum; sed amplissimam praeterea signorum potestatem ²¹ contulit, subdens: *ἀσθενοῦντας θεραπεύετε ²², λεπροὺς καθαρίζετε, δαιμόνια ἐκβάλλετε*, infirmos curate, leprosos mundate, daemones eiicite. Et quum eosdem solemnitus misit non ad unum Israelis populum, sed ad gentes universas, dixit ²³ quidem: *πορευθέντες εἰς τὸν κόσμον ἅπαντα, κηρύξατε τὸ εὐαγγέλιον πάσῃ τῇ κτίσει*, euntes in mundum universum praedicate evangelium omni creaturae; sed continuo etiam ²⁴ adiecit: *σημεῖα δὲ τοῖς πιστεύουσαι ταῦτα παρακολουθήσει· ἐν τῷ ὀνόματί μου δαιμόνια ἐκβαλοῦσι· γλώσσαις λαλήσουσι καινὰς· ὄφεις ἀροῦσι· κ. τ. λ.* Unde his verbis ²⁵ evangelista narrationem absolvit: *ἐκεῖνοι δὲ ἐξεληθόντες ἐκήρυξαν πανταχοῦ, τοῦ κυρίου συνεργοῦντος, καὶ τὸν λόγον βεβαιοῦντος διὰ τῶν ἐπακολουθούντων σημείων.*

¹⁴) Joh. XV. 22.

¹⁹) Matth. X. 7.

¹⁵) Est enim saepe πρόφασις excusatio, praetextus, caussa quam quis affert, sive vera, sive falsa sit. Hesychius, πρόφασις· αἰτία.

²⁰) Quod iam imminet novi foederis institutio.

²¹) Matth. X. 8.

¹⁶) Joh. XV. 24.

¹⁷) Hoc sensu τὸ ἔργον, ut hebraicum פְּסָקִים, frequenter accipitur, Matth. XI. 2, Joh. V. 36, IX. 3—4, Luc. XXIV. 19: δυνατὸς ἐν ἔργῳ.

²²) Vulgatus interserit, *mortuos suscite*, atque adeo ante, *λεπρούς καθαρίζετε*, legit, *νεκρούς ἐγείρετε*. Sed haec additio idonea auctoritate destituta videri potest.

²³) Marc. XVI. 15.

²⁴) Ibid. v. 17.

¹⁸) Ita Syrus reddit graeca ἐν αὐτοῖς.

²⁵) Ibid. v. 20.

197. Quae si probe teneantur, ac numquam ex animo excidat arctissimus ille nexus, quo auctoritas apostolici magisterii cum signorum facultate copulatur; videri impeditum non poterit *ζωήριον* praefinire, quo *exercitium supremi magisterii* cognoscatur. Fac enim apostolorum aliquem in ecclesiae primordiis extitisse, qui iura, officiaque supremi omnium magistri expleverit. Quo, quaeso, pacto id deprehendes? credo, si quem repereris, qui constanter, omniumque primus et verbum veritatis annunciarit, annunciatumque omnium primus signis, editisque portentis confirmarit. Fac rursus id consilii fuisse Lucae, ut aliquem ex apostolis, tamquam supremum omnium magistrum repraesentaret. Unde, amabo, id tuto colligas? non aliunde, puto, quam ex ipsa narrationis forma, modoque scribendi, quo unum prae ceteris Lucas constanter exhibuerit, qui et in praedicando evangelio, signisque confirmando omnibus antecelluerit. Sunt ista perspicua, neque ad arbitrium excogitata, sed ex ipsis rerum naturis hausta ac deprompta.

Sed horum quidnam est, quod in unum Petrum non aptissime cadat? non sane primum, quum ex historia Actorum ²⁶ is sit, qui primus, immo unus propemodum et evangelium praedicat, praedicationemque suam ac magisterium signis, miraculisque tuetur. Non alterum, quum Lucas non secus in signis, quam in concionibus referendis versetur: atque adeo vix alterius ²⁷ quam unius Petri sermones, editaque signa commemoret, diligenterque describat.

198. Quare in eam venio cogitationem, idem consilium fuisse Lucae in referendis Petri miraculis, quod fuit Johanni in iis enarrandis quae ad Christum pertinerent. Existimo non minus Lucam eo spectasse, ut rei summam ad Petrum delatam ostenderet, quam eo Johannes spectaverit, ut Christum apostolici collegii ducem, magistrumque demonstraret. Puto tandem non minus voluisse Lucam editis a Petro miraculis fidem ecclesiae conciliare, quam miraculis Christi ²⁸ voluerit Johannes fidem in eum, tamquam in verum Dei Filium stabilire.

199. Enimvero adiuncta utriusque narrationis ea sunt, quae hanc consilii, susceptique propositi similitudinem non obscure persuadent. Ex iis aliqua consideremus. Sicut Johannes miracula Christi potissimum refert; ita Lucas vix alterius quam unius Petri miracula narrat. Sicut Johannes in id incumbit, ut Christus dictis gestisque inter apostolos emineat, ac uti illorum caput praecellat; ita Lucas, ceteris levissime adumbratis, in iis recensendis totus est, quae ad

²⁶) Recole praecedentia, illisque adde quae Baronius in Annalibus, ad an. XXXIV. §. CCXLII. his verbis scribit: „Cur autem Petrus prae ceteris, tam ad suorum defensionem, quam aliorum ad fidem conversionem, verbi praedicationem exorditur, nisi quia primatum tenet inter apostolos? unde (homil. III. ad populum antioch.) Chrysostomus: Petrus, inquit, agit caussam

omnium, primus verbum Dei praedicat, quia primus est omnium.“

²⁷) Quod ex Actorum lectione perspicuum est.

²⁸) Joh. XX. 31: Ταῦτα δὲ γέγραπται, ἵνα πιστεύσητε, ὅτι Ἰησοῦς ἐστὶν ὁ Χριστός, ὁ υἱὸς τοῦ Θεοῦ, καὶ ἵνα πιστεύοντες ζωὴν ἔχητε ἐν τῷ ὀνόματι αὐτοῦ.

Petrum pertinent, illumque reliquis antepositum significant. Sicut Johannes in referendis Christi miraculis ea persequitur diligenter, quae edita ab eo fuisse probant, ut suam ipse missionem, divinamque e Patre originem manifestaret; ita Lucas narrationem sic dirigit, ut ecclesiae primordia, accessiones, auctoritatemque Petri miraculis tribuenda esse demonstret.

Quemadmodum igitur evangelii Johannis lectio accommodatissima censetur, ut quis primum credat, narrationem dictorum, signorumque Christi *primo ac per se* evangelistae fuisse propositam, reliquorum vero ad discipulos spectantium nonnisi *ὡς ἐν παρόδῳ*, alterove gradu: deinde vero ut sibi persuadeat, in iis quae Christi propria sunt colligendis tantum propterea operis impendisse Johannem, quod Christum omnium caput demonstratum vellet, eiusque temporariam e Patre missionem, sempiternamque originem patefactam; ita Actorum lectio quae animo a praeiudiciis vacuo instituitur, comparata sic est, ut fidem luculenter faciat: I. Lucam, quum dicta gesta ceterorum apostolorum in secundis habuerit, *per se ac potissimum* ad ea respexisse, quae ad Petrum referebantur: haec autem II. ea cura litteris consignasse, ut fugere neminem posset, Petrum non fuisse inter apostolos veluti unum e reliquis, sed illis praefuisse, et versatum non aliter cum iis esse ac Christus cum iisdem, quum adhuc mortalem degeret vitam, versaretur.

200. Quae similitudo duplici praeterea ex capite et illustrari plenius, et expoliri enucleatius potest. Si enim quae Lucas narrat Petri miracula cum iis componantur, quae de Christi miraculis evangelistae scribunt, ad unum expressa typum non immerito videbuntur. Sane quod priore loco ²⁹ de Petro refertur, simillimum illi est quod de Christo Johannes ³⁰ describit: quae vero sequuntur ³¹ duo, ab iis vix discrepant quae inter praestantiora Christi signa ³² recensentur. Quod ut usurpari propemodum oculis possit, unius alteriusve narrationem e regione collocabo.

Joh. V. 5—10. Ἦν δέ τις ἄνθρωπος ἐκεῖ, τριάκοντα ὀκτὼ ἔτη ἔχων ἐν τῇ ἀσθενείᾳ. Τοῦτον ἰδὼν ὁ Ἰησοῦς κατακείμενον...., λέγει αὐτῷ· θέλεις ὑγιῆς γενέσθαι; ἀπεκριθὴ αὐτῷ ὁ ἀσθενῶν· κύριε, ἄνθρωπον οὐκ ἔχω, ἵνα, ὅταν ταραχθῇ τὸ ὕδωρ, βάλῃ με εἰς τὴν κολυμβήθραν· ἐν ᾧ δὲ ἔρχομαι ἐγώ, ἄλλος πρὸ ἐμοῦ καταβαίνει. Λέγει αὐτῷ ὁ Ἰησοῦς· ἔγειραι, ἄρρον τὸν κράββατόν σου, καὶ περι-

Act. III. 2—8. Καὶ τις ἀνὴρ χωλὸς ἐκ κοιλίας μητρὸς αὐτοῦ ὑπάρχων, ἐβαστάζετο. Ὃς ἰδὼν Πέτρον καὶ Ἰωάννην μέλλοντας εἰσεῖναι εἰς τὸ ἱερόν, ἠρώτα ἐλεημοσύνην. Ἀτεινῶς δὲ Πέτρος εἰς αὐτὸν σὺν τῷ Ἰωάννῃ, εἶπε· βλέπον εἰς ἡμᾶς. ὁ δὲ ἐπεῖχεν αὐτοῖς, προσδοκῶν τι παρ' αὐτῶν λαβεῖν. Εἶπε δὲ Πέτρος· ἀργύριον καὶ χρυσίον οὐκ ὑπάρχει μοι· ὃ δὲ ἔχω, τοῦτό σοι δίδωμι· ἐν τῷ ὀνόματι

²⁹) Act. III. 6—9.

³⁰) Joh. V. 6—10.

³¹) Act. IX. 33—35, 37—42.

³²) Matth. IX. 6—7, Marc. II. 3—13, V. 41—43, Luc. V. 18—26.

πάτει. Καὶ εὐθέως ἐγένετο ὕγιης ὁ ἄνθρωπος· καὶ ἦρε τὸν κράββατον αὐτοῦ, καὶ περιεπάτει.

Luc. IV. 40. Δύνοντος δὲ τοῦ ἡλίου, πάντες ὅσοι εἶχον ἀσθενοῦντας νόσοις ποικίλαις, ἤγαγον αὐτοὺς πρὸς αὐτόν· ὁ δὲ ἐνὶ ἐκάστῳ αὐτῶν τὰς χεῖρας ἐπιθείς, ἐθεράπευσεν αὐτούς.

Ἰησοῦ Χριστοῦ τοῦ Ναζωραίου ἐγείραι καὶ περιπάτει. Καὶ πιάσας ³³ αὐτὸν τῆς δεξιᾶς χειρὸς ἤγειρε. παρὰ χροῖμα δὲ ἐστερεώθησαν ³⁴ αὐτοῦ αἱ βάσεις καὶ τὰ σφυρά, καὶ ἐξαλλόμενος ἔστη, καὶ περιεπάτει.

Act. V. 15—17. Ὡστε κατὰ τὰς πλατείας ἐκφέρειν τοὺς ἀσθενεῖς, καὶ τιθέναι ἐπὶ κλινῶν καὶ κραββάτων, ἵνα ἐρχομένου Πέτρου καὶ ἡ σκιὰ ἐπισκιάσῃ τινὲς αὐτῶν. Συνήρχετο δὲ καὶ τὸ πλῆθος τῶν περὶ πόλεων εἰς Ἱερουσαλὴμ, φέροντες ἀσθενεῖς καὶ ὀχλουμένους ὑπὸ πνευμάτων ἀκαθάρτων· οἵτινες ἐθεραπεύοντο ἅπαντες.

201. Alterum accedit similitudinis caput, quod praetermissum nolim, quodque inde repeti debet, populos ac turbas non aliter Petrum inter apostolos considerasse, quam antea Christum inter eosdem spectaverint. Sicut enim unice vel potissimum ad Christum se recipiebant, atque ad eum confluebant ut benefacta omnigena consequerentur; ita reliquis apostolis secundo loco habitis, unum quaerebant Petrum, ad eum convolabant, illumque, ut praesto sibi esset, deprecabantur. Quapropter Lucas indicatis ³⁵ brevissime miraculis, quae Deus per apostolos patrabat, ad Petrum mox progreditur, editisque ab eo signis ³⁶ incrementa fidelium nominatim adscribit, eaque narrat ³⁷ mira prorsus et inaudita quae antecedente paragrafo posteriore loco retulimus.

³³) Christus etiam, inquit Lorinus ad Act. III. 7, puellae a se suscitatae manum (Matth. VIII. 23—25.) tenuit: et oculos coecorum (Matth. IX. 29, Joh. IX. 6.) tetigit, et Petrum naufragantem apprehendit (Matth. XIV. 31.) manu extensa: et leprosum sanans (Matth. VIII. 3.) tetigit: et manum (Matth. VIII. 15.) socrus Petri febricitantis: et aurículas ac linguam (Marc. VII. 33.) surdi et muti: et virtutes per manus eius (Marc. VI. 2.) efficiebantur: et infirmos impositis manibus (Marc. VI. 5, Luc. IV. 40, XIII. 13.) curabat: promittens (Marc. VI. 18.) discipulos eodem modo esse curaturos.

³⁴) Huc faciunt Ambrosii verba, quibus huius occasione miraculi Serm. LXVIII.

scribit: „Petrus petra est, super quam (Matth. XVI. 18.) aedificatur ecclesia; ideoque sicut in ecclesia fidei fundamentum continet, ita et in homine membrorum fundamenta confirmat.“

³⁵) Act. V. 12: Διὰ δὲ τῶν χειρῶν τῶν ἀποστόλων ἐγένετο σημεῖα καὶ τέρατα ἐν τῷ λαῷ πολλὰ.

³⁶) Ibid. vv. 14. seqq.

³⁷) Cum vero, inquit Baronius ad an. XXXIV. §. CCLXIX, non Petrus tantum, sed et ceteri apostoli Jerosolymis essent; quidnam est quod oculi omnium convertuntur in Petrum? quid ista in plateis aegrotantium exhibitio, ut veniente Petro, umbra saltem illius obumbraret quemquam illorum, et liberarentur omnes

Cum quibus ea insuper componi debent, quae de turbis ad Christum accedentibus Matthaeus ³⁸ tradit: *Καὶ προσῆλθον αὐτῷ ὄχλοι πολλοί, ἔχοντες μεθ' αὐτῶν χωλούς, τυφλούς, κωφούς, κυλλούς, καὶ ἑτέρους πολλούς· καὶ ἔβριψαν αὐτοὺς παρὰ τοὺς πόδας τοῦ Ἰησοῦ· καὶ ἐθεράπευσεν αὐτούς.* Vel nihil alteri simile est, vel haec similia iis sunt quae de Petro perhibentur; et quo manifestius ostendunt Petrum ad pleniorum cum Christo similitudinem pro-
 vectum, eo demonstrant evidentius, Petri ministerium illius continuationem censi-
 eri oportere, quod Christus inchoaverat.

CAPUT XVIII.

*Consilium Christi de ratione propagandae ecclesiae: — Petrus delectus, ut qui illud potissimum exequeretur: — eiusdem gesta Samariae: — talia sunt quae unice caput decebant: — haereticorum principem princeps ipse apostolorum detegit atque dam-
 nat: — difficultas incidens: — protestantium de ea opiniones: — examini subiiciuntur et refutantur.*

202. Qui de semetipso ¹ testabatur, οὐκ ἀπεστάλην εἰ μὴ εἰς τὰ πρό-
 βατα τὰ ἀπολωλῶτα οἴκου Ἰσραὴλ, etsi omnium redemptor, a Patre tamen,
 uti apostolus ² missus non sum, nisi ad ³ oves deperditas ⁴ domus israeliticae:

non ab uno vel altero, sed ab omnibus quibus tenerentur morbis? certe quidem non per Petrum tantum, sed per ceteros etiam apostolos fieri solita signa et prodigia testatur Lucas. Verum sicut inter omnes apostolos Petrus a Christo primatu in omnes est auctus, ita etiam praeclariora quaedam et insigniora ab eo miracula edi concessit. Hinc solius Petri fuisse curare languentes umbra corporis transeuntis, satis evangelista declarat: nam si id apostolorum ceterorum umbra prae-
 stitisset, quid tanta compressio in exponendis infirmis, quos Petri transeuntis umbra curaret? Unde Arator diaconus, qui heroico carmine eadem cecinit Acta apostolorum, dum de his agit, haec egre-
 gie:

Excute Petre gradus: tecum medicina salutis
 Ambulat: adde viam: pes is est ad gaudia velox,
 In pedibus non esse moram: tua semita vita est.
 Si properas, iam nemo iacet: tu motibus umbrae
 Corpora cuncta levas; atque hoc simul inscia voti
 Sumit turba tacens, quod cum rogat accipit unus.
 Quaerite quos agitat tanti reverentia facti,
 Quid typicum res ista ferat: librisque volutis
 Noscite quod soli concessa est gloria Petro.

³⁸) Matth. XV. 30—32.

¹) Matth. XV. 24.

²) Quo nomine Christus appellatur
 Hebr. III. 1.

³) Usu rariore εἰς pro πρός.

⁴) Quibus et prophetarum vaticiniis promissus fuerat, unde Rom. XV. 8. *mi-
 nister circumcisionis*, idest, *circumcisorum*
 dicitur.

qui apostolis, quum illis primum annunciandi evangelii⁵ munus credidit, praeceperat, εἰς ὁδὸν ἐθνῶν μὴ ἀπέλθῃτε, καὶ εἰς πόλιν σαμαρειτῶν μὴ εἰσελθῃτε· πορεύεσθε δὲ μᾶλλον πρὸς τὰ πρόβατα τὰ ἀπολωλότα οἴκου Ἰσραὴλ, in viam gentium ne abieritis, et in⁶ civitatem samaritanorum⁷ ne intraveritis; sed potius ite ad devias oves⁸ populi Israelis; idem iam mortis victor, relatoque triumpho ad dexteram Patris ascensurus his verbis apostolos⁹ compellavit λήψεσθε δύναμιν ἐπελθόντος τοῦ ἁγίου πνεύματος ἐφ' ὑμᾶς, καὶ ἔσεσθέ μοι μάρτυρες ἐν τῇ Ἱερουσαλὴμ καὶ ἐν πάσῃ τῇ Ἰουδαίᾳ καὶ Σαμαρείᾳ, καὶ ἕως ἐσχάτου τῆς γῆς. Quibus haec omnino sententia subest: accepta virtute supervenientis in vos Spiritus-sancti, testimonio vestro, vestraque praedicatione in Jerusalem primum universaque Judaea, in Samaria deinde, ac postremo ubivis terrarum¹⁰ meam ecclesiam aedificabitis, regnumque meum instituetis.

203. Quod adamussim perfectum, absolutumque Actorum historia demonstrat, e qua novimus non antea samaritanis quam iudaeis, neque antea gentilibus quam utrisque evangelii lucem affulsisse, verbumque veritatis fuisse propositum. Immo et alterum demonstrat, quod est cum praesenti tractatione coniunctissimum: unum videlicet eundemque Simonem Petrum caussam fuisse principem, qua usus est Christus, ut suum de ratione diffundendae ecclesiae consilium exqueretur.

Et de ecclésiis sane apud iudaeos collectis dubitari non potest, quin ea in controversiam adducantur quae certis hactenus luculentisque testimoniis comprobavimus. Reliquum est igitur, ut de ecclesiis gentium postremo dicturi, nunc ostendamus, ministerio potissimum Petri ad mysticum Christi corpus, regnumque quod universum hominum genus erat complexurum, samaritanos accessisse.

204. Itaque ea saeviente¹¹ contra hierosolymitanam ecclesiam persecutione, qua Stephanus¹² martyrium fecit, fusoque sanguine veritatem evangelii sancivit, Christo omnia moderante, factum est, ut apostolis Hierosolymae manentibus, ex iis¹³ qui διασπαρέντες disseminati vagabantur et annunciabant τὸν

⁵) Matth. X. 5 — 6.

⁶) Vulgatus, in civitates: recte, singularis enim numerus collective usurpatur.

⁷) Quamquam samaritani, Joh. IV. 12, se dicerent *Jacobi filios*, non minus tamen ab iudaeis separantur quam gentiles, utpote qui Joh. IV. 22. nescirent quid adorarent.

⁸) Vult Christus integra iudaeorum privilegia; erant enim illi Matth. VIII. 12. *fili regni*, illi receperant promissiones, atque adeo, Act. XIII. 46, illis praedicari primum oportebat verbum Dei.

⁹) Act. I. 8. coll. Rom. X. 18.

¹⁰) Phrasid, ἕως ἐσχάτου (πέρατος)

τῆς γῆς, respondet alteri, Marc. XVI. 15, εἰς τὸν κόσμον ἅπαντα.

¹¹) Act. VIII. 1 — 4.

¹²) Ibid. VII. 56 — 59.

¹³) In libello optimae frugis, quem Beda inscripsit, *Retractatio in Acta Apostolorum*, legimus: „Pro *dispersis*, in graeco habetur *disseminatos*. Nam ipsi erant de quibus dixit Esaias: omnes qui viderint eos, cognoscent illos, quia isti sunt semen, cui benedixit Dominus; et de quibus Dominus in parabola evangelii: *semen autem bonum*, hi sunt filii regni. Disseminatum est ergo hoc semen per re-

λόγον, *verbum*, quod *εμφατικῶς* et *κατ' ἐξοχήν* ὁ λόγος ¹⁴ dicitur, Philippus ¹⁵ veniret *εἰς πόλιν τῆς Σαμαρείας*, Samariam ¹⁶, eiusque civibus τὸν Χριστὸν Messiam praedicaret. Aduit Deus sanctissimis Philippi studiis, suoque numine plantantis, riganisque curas fovens effecit, ut quamplurimi ¹⁷ fidem illi adiungerent annuncianti τὰ περὶ τῆς βασιλείας τοῦ Θεοῦ καὶ τοῦ ὀνόματος Ἰησοῦ Χριστοῦ, quae ad regnum Dei, nomenque Christi Jesu pertinebant, credentes vero *ἄνδρες τε καὶ γυναῖκες* homines iuxta ac mulieres baptizarentur.

205. Verum inchoata diaconi praedicatione ecclesia citra spem omnem progressionis necessario exaruisset, nisi operam contulissent suam, qui a Christo dignitate patrum ¹⁸ ornati, eam perficere, manibusque impositis divini Spiritus donis cumulare poterant. Est enim, uti ex unanimi christianorum ¹⁹ sententia Cyprianus ²⁰ loquitur, ecclesia in episcopo, ita ut *si quis cum episcopo non sit, in ecclesia non sit*: est *plebs sacerdoti coadunata, et pastori suo grex adhaerens*: est ²¹ *portio gregis singulis pastoribus adscripta*. Unde Hieronymus ²² de luciferianorum factione, quae diaconum habuerat auctorem, inquit: „Cum homine pariter interiit et secta, quia post se nullum clericum diaconus potuit ordinare. Ecclesia autem non est quae non habet sacerdotem.“ Neque sane mirum: ecquid enim est ecclesia quaevis? corpus Christi mysticum atque visibile. Suo ergo visibili capite minor esse non potest. Est autem uniuscuiusque ecclesiae visibile caput episcopus, qui Christum exprimit, praesentemque sistit. Apposite ²³ Ignatius: „Hortor ut hoc sit vestrum studium, in Dei concordia omnia agere, *προκαθήμενον τοῦ ἐπισκόπου εἰς τόπον Θεοῦ, καὶ τῶν πρεσβυτέρων εἰς τόπον συνεδρίου τῶν ἀποστόλων, καὶ τῶν διακόνων, τῶν ἐμοὶ γλυκυτάτων, πεπιστευμένων διακονίαν Ἰησοῦ Χριστοῦ*, episcopo praesi-

giones, ut messis fidei quae in Hierosolymis coepta est, primo Judaeam et Samariam, deinde totum orbem impletet.“

¹⁴) Eodem pacto quo Galat. VI. 6.

¹⁵) Act. VIII. 5: „Et hic, inquit Beda in libello superius indicato, ex numero disseminatorum erat, qui primus Samariae Christum praedicabat, coeptumque *per diaconum*, quod ait apostolis Christus: *et eritis mihi testes in Hierusalem, et in omni Judaea et Samaria*.“ Enimvero Philippum non fuisse unum *e duodecim*, inde patet, quod Act. VIII. 1. duodecim Hierosolymae constitisse perhibentur, et quod Act. VIII. 16. potestate caruerit, qua manuum impositione Spiritum-sanctum impertiretur. Fuisse vero unum *e septem diaconis*, consensione totius christianae an-

tiquitatis ostenditur, tum Philippi nomine, quod in recensendis diaconis Act. VI. 5. occurrit.

¹⁶) Quum Samaria nomen esset regionis et urbis, et de regione saepissime adhiberetur, heic *πόλις τῆς Σαμαρείας* est ipsa metropolis.

¹⁷) Act. VIII. 12. Vulgatus paullo aliter legit.

¹⁸) Joh. XX. 21—22: *Δάδετε πνεῦμα ἄγιον*.

¹⁹) De qua confer Beveregium in annotationibus ad canonem primum et secundum apostolicum.

²⁰) Epist. LXIX.

²¹) Epist. LV.

²²) Dialog. con. Luciferianos.

²³) Epist. ad Magnes. §. VI.

dente Dei loco, et presbyteris loco senatus apostolici, et diaconis mihi suavis-
simis, quibus commissum est ministerium Jesu Christi.“ Et ²⁴ alibi: „Οτ' ἂν
γὰρ τῷ ἐπισκόπῳ ὑποτάσσεσθε ὡς Ἰησοῦ Χριστῷ, φαίνεσθί μοι οὐ κατὰ
ἄνθρωπον ζῶντες, ἀλλὰ κατὰ Ἰησοῦν Χριστόν..... Ἀναγκαῖον οὖν ἐστίν.....
ἄνευ τοῦ ἐπισκόπου μηδὲν πράσσειν ὑμᾶς· ἀλλὰ ὑποτάσσεσθε καὶ τῷ πρεσ-
βυτέρῳ, ὡς τοῖς ἀποστόλοις Ἰησοῦ Χριστοῦ τῆς ἐλπίδος ἡμῶν.“ Quibus
mox ²⁵ addit: „Ὁμοίως πάντες ἐντρεπέσθωσαν τοὺς διακόνους ὡς ἐντολὴν
Ἰησοῦ Χριστοῦ, καὶ ἐπίσκοπον ὡς ὄντα τύπον τοῦ πατρὸς· τοὺς δὲ πρεσβυ-
τέρους ὡς συνέδριον θεοῦ, καὶ ὡς σύνδεσμον ἀποστόλων. χωρὶς τούτων ἐκ-
κλησία οὐ καλεῖται. Cuncti similiter reveantur diaconos ut mandatum Jesu
Christi: et episcopum ut eum qui est figura Patris: presbyteros autem ut cons-
sensum Dei, et ut coniunctionem apostolorum. Sine his ecclesia non vocatur.“

206. Itaque ad apostolos qui Jerosolymis constiterant, delata quam pri-
mum res fuit, qui ²⁶ quum audissent, ὅτι δεδεκται ἡ Σαμάρεια τὸν λόγον τοῦ
θεοῦ, non paucos e Samariae civibus Christi fidem ²⁷ amplexos esse, ἀπέστει-
λαν πρὸς αὐτοὺς τὸν Πέτρον καὶ Ἰωάννην, miserunt ad eos Petrum et Johan-
nem, qui ²⁸ orantes pro ipsis ut Spiritum-sanctum acciperent, ἐπετίθουν τὰς
χεῖρας ἐπ' αὐτούς, καὶ ἐλάμβανον πνεῦμα ἅγιον, imponebant super illos ma-
nus, illique Spiritum-sanctum accipiebant. Divina igitur Christi providentia ita
regni sui propagationi consuluit, ut Petrum, Johannemque delegerit, qui insti-
tutam apud samaritanos ecclesiam numeris omnibus perficerent. Sed ~~ἡ~~ ne, ut
nullum inter utrumque discrimen interesset? nullaue Petri prae Johanne excel-
lentior dignitas, potiorque auctoritas appareret? nemo id dixerit, qui ad Lucae
verba, seriemque gestorum animum adverterit.

207. Etenim memorantur quidem Petrus et Johannes, sed ille ²⁹ huic
praeponitur: ἀπέστειλαν τὸν Πέτρον καὶ Ἰωάννην. Dum vero ea narrantur
quae Simoni contigere, Johannes secundas agit partes, ac unus est Petrus qui
eminet, quique instar capitis, supremique magistri ἀύθεντικῶς docet, praeci-
pit, iudicat, damnat.

Viderat ³⁰ Simon, cognomento ³¹ μαγεύων, apostolica manuum impositione
donari Spiritus charismata, tantamque demiratus potestatem, προσήνεγκεν αὐτοῖς
χορήματα, λέγων· obtulit Petro ac Johanni pecuniam, dicens. Quid iam? licet
uterque interrogetur, utrique pecunia offeratur, Johannes nihilominus tacet,

²⁴) Epist. ad Trallianos. §. II.

²⁵) Ibid. §. III.

²⁶) Act. VIII. 14.

²⁷) Multa graecorum verborum prae-
terita passiva accipi active, extra dubita-
tionem positum est. Non aliter heic sumi
debet δέδεκται.

²⁸) Act. VIII. 15 — 18.

²⁹) Act. v. 14.

³⁰) Ibid. v. 18.

³¹) Ibid. v. 9. Glossarium, *circulo*,
μαγεύω. Scholiastes antiquus Horatii ad
lib. II. epistolam ultimam: „Magos dici-
mus, quasi magnos, a magnis rebus quas
se perficere posse iactant.“ Quibus ista
consentiunt quae Lucas de Simone mox
subdit dicente, εἶναι τινα ἐκ τῶν μέγαν.

solusque Petrus ³² respondet: Πέτρος δὲ εἶπε πρὸς αὐτόν. Neque respondet solum, sed profanum hominem coarguit, gravitatem criminis exaggerat, solemniterque edicit ³³, non ea esse dona Dei quae pecunia comparentur: τὸ ἀργυρίον σου σὺν σοὶ εἴη εἰς ἀπώλειαν, ὅτι τὴν δωρεὰν τοῦ Θεοῦ ἐνόμισας διὰ χρημάτων ³⁴ πᾶσθαι. Detegit ³⁵ quae intus in animo Simon celabat: ἡ γὰρ καρδία σου οὐκ ἔστιν εὐθεία ³⁶ ἐνώπιον ³⁷ τοῦ Θεοῦ. Illum ³⁸ excommunicatione plectit: οὐκ ἔστι σοι μερίς οὐδὲ κληρος ἐν τῷ λόγῳ τούτῳ: ac poenitentiae cohortationem postremo subiicit ³⁹, inquiens: μετανόησον οὖν ἀπὸ τῆς κακίας σου ταύτης, καὶ δεήσῃτι τοῦ Θεοῦ, εἰ ἄρα ⁴⁰ ἀφεθήσεται σοι ἡ ἐπίνοια τῆς καρδίας σου. fac igitur te huius pravitatis poeniteat, Deumque exorato, si forte tibi improbum animi consilium ⁴¹ condonetur.

208. Quid iamvero hac factorum serie accommodatius ad singularem Petri ὑπεροχὴν commendandam? adest cum ipso Johannes, unus e coryphaeis, atque inter apostolos nobilissimus. Nihilominus non ipse est qui loquitur, qui docet, qui praecipit; sed haec omnia solus Petrus exequitur. Is enim interroganti Simoni respondet: is intestinum ulcus, quo ille laborabat, pungit atque in lucem protrahit: is rationem divinorum charismatum declarat: simoniacam labem ab ecclesia proscribit: poenitentiam indicit: et graviter, publiceque peccantem excommunicatione mulctat. Sunt enim verba excommunicationem et ἀφορισμὸν ⁴² significantia quae adhibet, inquiens: οὐκ ἔστι σοι μερίς οὐδὲ κληρος ἐν τῷ λόγῳ τούτῳ. Idem enim notant ac esto ἀκωνώνητος. Unde canon inter apostolicos vigesimus-secundus sic habet: Ἐὶ τις ἐπίσκοπος διὰ χρημάτων τῆς ἀξίας ταύτης ἐγκρατὴς γένηται, ἢ πρεσβύτερος, ἢ διάκονος, καθαιρείσθω

³²) Act. VIII. 20. al. 19.

³³) Ibid. v. 20.

³⁴) Neque enim pretio, inquit in Apologetico Tertullianus, ulla res Dei constat. Hinc lata a Christo lex, Matth. X. 8: Δωρεὰν ἐλάβετε, δωρεὰν δότε.

³⁵) Act. VIII. 21.

³⁶) Eodem sensu Jerem. XXII. 17: Οὐκ εἰσιν οἱ ὀφθαλμοί σου ὀρθοί, οὐδὲ ἡ καρδία σου καλή.

³⁷) Al. ἐναντι, ἐναντίον.

³⁸) Act. VIII. 21: Non est tibi in hoc divinorum charismatum opere neque pars quam emas, neque sors quam superna largitate nanciscaris. Nisi forte reddi simplicius verba debeant, eodemque accipi sensu μερίς καὶ κληρος.

³⁹) Act. VIII. 22.

⁴⁰) „Omnino, inquit in Scholiis Ro-

senmüllerus, εἰ ἄρα reddendum est ut, non, ut vulgo, an forte, si forte, quod ab oratione et cohortatione Petri plane alienum est.“ Confidentius quam par foret. Etenim a) εἰ ἄρα, quibus alexandrini reddunt hebraicum יִשָּׁא , efferrī aptius nequeunt quam forte, fortasse. Praeterea b) haec loquendi ratio est in bibliis usitatissima. Rursum c) forte, fortassis, εἰ ἄρα, יִשָּׁא , ita dubitationem referunt, ut spem eventus non praecedant, Marc. XI. 13, Num. XXII. 6—11. Quare d) praestat inhaerere verbis, et graecorum iuxta ac latinorum interpretum vestigia sequi.

⁴¹) Non semel ἐπινοέω, ἐπίνοια, quae per se omnem cogitationem denotant, in malam partem adhibentur. Ceterum hac unica vice in N. T. ἐπίνοια occurrit.

⁴²) Cf. Suicerum ad v. ἀφορίζω.

καὶ αὐτός, καὶ ὁ χειροτονήσας, καὶ ἐκκοπέσθω παντάπασιν καὶ τῆς κοινωνίας, ὡς Σίμων ὁ μάγος ὑπὸ τοῦ Πέτρου. Idest e Dionysii exigui versione: „Si quis episcopus, aut presbyter, aut diaconus, per pecunias hanc obtinuerit dignitatem; deiciatur et ipse et ordinator eius, e a communione modis omnibus abscindatur; sicut Simon magus a Petro.“ Quae postrema verba ⁴³ in aliis codicibus, editionibusque sunt huiusmodi: ὡς Σίμων ὁ μάγος ὑπ’ ἐμοῦ Πέτρου, sicut Simon magus a me Petro.

209. Sed probabilis ne horum narratio haberi posset, nisi Petrus prae Johanne excellisset? „Probabilis erit narratio,“ inquit ⁴⁴ Tullius, „si in ea videbuntur inesse, quae solent apparere in veritate: si personarum dignitates servabuntur: si caussae factorum exstabunt.“ Atqui si eadem fuisset excellentia, eadem Petri et Johannis auctoritas, neque narrationi inessent quae comitari veritatem solent, neque dignitati personarum consultum videretur, neque factorum caussae apparent. Quid igitur superest? istud unum, Petrum Johanni antecelluisse. Sed si Johanni antecelluit, fieri ne potuit, ut reliqui apostoli eadem cum Petro auctoritate potirentur? sunt haec ἀσύστατα et mutuo pugnancia. Eminuit ergo inter apostolos Petrus, ac maiorem prae illis dignitatem, auctoritatemque sortitus est.

210. Quam illius excellentiam eo etiam mihi, quantum satis esset, significasse Deus videtur, quod effecerit, ut adversus Simonem magum Simon Petrus consisteret. Ecquis enim Simon magus? videlicet ⁴⁵ πρωτότοκος διαβόλου υἱός, haereticorum ⁴⁶ coryphaeus, et in quem ista Polycarpi ⁴⁷ aptissime quadrant:

⁴³) De hac varia lectione scribit Beveregius: „Antiquitus ita legebatur, ὡς Σίμων μάγος ὑπὸ τοῦ Πέτρου. Unde Dionysius exiguus vertit, sicut Simon magus a Petro; et ex eo Egbertus eboracensis in Excerpt. At postea, a nescio quo canonum horum interpolatore, nova haec lectio introducta est, ὑπ’ ἐμοῦ Πέτρου. Quomodo legit et Johannes antiochenus Collect. can. tit. XI, ut et concilium nicaenum secundum can. V, et omnes graecorum tam impressi quam mss. codices, quibus adhuc gāvisi sumus: et Josephus aegyptius qui sic interpretatur: Quomodo ego Petrus devitavi societatem Simonis incantatoris, eumque Spiritus-sancti iussu ecclesia Dei expuli. Haec autem corruptio ab aliquo videtur excogitata, cui persuasum fuit, hos canones vere apostolicos esse, quod ut alii

quoque crederent, pro ὑπὸ τοῦ substituit ὑπ’ ἐμοῦ.“

⁴⁴) De Invent. lib. I. §. XXI.

⁴⁵) In epist. interpolat. Ignatii ad Trallianos, §. XI.

⁴⁶) Uti testes sunt Irenaeus, Epiphanius, alique veteres, recentioresque haereseon enarratores.

⁴⁷) Epist. Polycarpi, §. VII. Quum vero Irenaeus adver. Haeres. lib. III. cap. III. scribat: Αὐτὸς δὲ ὁ Πολύκαρπος Μαρκίωνι ποτε εἰς ὅψιν αὐτῶ ἐλθόντι, καὶ γήσαντι, ἐπὶ γινώσκει ἡμᾶς, ἀπεκρίθη· ἐπὶ γινώσκω τὸν πρωτότοκον τοῦ σατανᾶ: dubitatio oboritur, an quae ex eiusdem ad Philippenses epistola retulimus, ad Marcionem potius quam ad Simonem pertineant. Sed dubitationem praecidit Grabius in notis ad T. I. Spicilegii, pag. 375, argumento ducto e tempore, quo epistola ad Philip-

„Omnis qui non confessus fuerit, Jesum Christum in carne venisse, antichristus est; et qui non confessus fuerit martyrium crucis, ex diabolo est; et qui eloquia Domini traduxerit ad desideria sua, dixeritque, neque resurrectionem neque iudicium esse, hic primogenitus est satanae.“

Quid porro cum Dei providentia, qua ad aequissimas leges omnia fortiter suaviterque moderatur, consonum magis, quam ut primogenito diaboli primogenitus Christi, principi haereticorum princeps doctorum, ac primo inter architectos regni satanae primus inter architectos regni Christi opponeretur? Atque ad hunc providentiae ordinem respexisse veteres visi sunt, quum Petrum ⁴⁸ adversus Simonem decertantem induxerunt, quum illi ⁴⁹ tribuerunt quod Romam idcirco venerit, ut Simoni obsisteret, eius fraudes, dolosque malos detegeret, editoque ⁵⁰ insigni miraculo patefaceret, illum non ⁵¹ fuisse *sermonem Dei, speciosum, paracletum, omnipotentem*, atque *omnia Dei*, sed spurcissimum circulatorum. Hac ipsa Petri dignitate eosdem incitatos arbitror, ut ⁵² illius cum Apione alexandrino, disputatore ⁵³ omnium celeberrimo, et christianis pariter iudaicisque ⁵⁴ institutis infensissimo, pugnam, duellumque comminiscerentur. Neque aliunde repetendum existimo, quod antiquissimus auctor, quisquis tandem ⁵⁵

penses data fuit, inquires: „Vivo adhuc, saltem ex opinione Polycarpi, s. Ignatio, reapse autem eodem anno, quo is Romam ad martyrium deductus erat, idest CVIII. aut CX. aerae christianae, exaratam esse clausula eius docet. At vero tunc Marcion nondum ab ecclesia separatus erat, utpote qui primum ob fractum castitatis votum, non ob haeresim, a proprio patre, pio episcopo, excommunicatus, Romam venit anno CXXVII, ac ibi demum sectam condere coepit, atque *invaluit sub Aniceto, decimum locum episcopatus* (Romae) *continente*, ut iterum ab Irenaeo lib. III. cap. IV. memoriae proditum est. Ex quibus conficitur, non Marcionem, sed eius praedecessorem Simonem per *πρωτότοκον* diaboli intelligendum esse.“

⁴⁸) Constit. Apostolic. lib. VI. cap. VIII.

⁴⁹) Ibid. cap. IX, Eusebius H. E. lib. II. cap. XIV, Hieronymus in Catalogo, Ado in Chronicis, alii.

⁵⁰) Cf. Cotelarii notas ad cap. IX, lib. VI. Constitut. Apostolicarum.

⁵¹) Hieronymus in comm. ad Matth. XXIV. 5: „Quorum (pseudoprophetarum) unus est Simon samaritanus, quem in Actibus Apostolorum legimus, qui se magnam dicebat esse Dei virtutem, haec quoque inter cetera in suis voluminibus scripta dimittens: *ego sum sermo Dei, ego sum speciosus, ego paracletus, ego omnipotens, ego omnia Dei*.“

⁵²) Eusebius H. E. lib. III. cap. XXXVIII, Photius cod. CXIII.

⁵³) De quo Plinius Hist. Nat. lib. I. scribit: „Apion grammaticus, quem Tiberius Caesar cymbalum mundi vocabat, quum publicae famae tympanum potius videri posset.“

⁵⁴) Josephus Antiquitt. Judaic. lib. XVIII. cap. X, et in opere contra eundem; adversus quem Romae disputasse Philonem illius antagonistam, narrant Eusebius H. E. lib. II. cap. XVII, et Hieronymus in Catalogo, *de Philone*.

⁵⁵) Vide Cotelarii iudicium de Clementinis.

ille fuerit, epistolae Clementis ad Jacobum, his eam verbis ⁵⁶ inchoaverit: „Γνώριμον ἔσται σοι, κύριέ μου, ὅτι Σίμων, ὁ διὰ τὴν ἀληθινὴν πίστιν, καὶ τὴν ἀσφαλεστάτην αὐτοῦ τῆς διδασκαλίας ὑπόθεσιν, τῆς ἐκκλησίας θεμέλιος ⁵⁷ εἶναι ὀρισθῆναι, καὶ δι’ αὐτὸ τοῦτο ὑπ’ αὐτοῦ τοῦ Ἰησοῦ ἀρπενδεῖ στόματι μετονομασθῆναι Πέτρος· ἡ ἀπαρχὴ τοῦ κυρίου ἡμῶν· ὁ τῶν ἀποστόλων ⁵⁸ πρῶτος, ὃς πρῶτον ὁ πατὴρ τὸν υἱὸν ἀπεκάλυψεν· ὃν ὁ Χριστὸς εὐλόγως ἐμακάρισεν· ὁ κλητὸς καὶ ἐκλεκτός, καὶ συνέστιος, καὶ συνοδοιπὸρος· ὁ καλὸς καὶ δόκιμος μαθητής· ὁ τῆς δύσεως τὸ σκοτεινότερον τοῦ κόσμου μέρος, ὡς πάντων ἱκανώτερος, φωτίζει κελευσθεῖς, καὶ κατορθῶσαι δυνηθεῖς. Notum tibi sit, Domine mi, quod Simon, qui propter veram fidem et firmissimam doctrinae suae basim, ecclesiae fundamentum esse definitus est; atque ob id ab ipso Jesu, ore non fallaci, transnominatus est Petrus; primitiae Domini nostri; apostolorum primus; cui primo Pater Filium revelavit; quem Christus merito beatum praedicavit; vocatus et electus; et convictor et comes, bonus ac probatus discipulus; qui Occidentis obscuriorem mundi plagam, ut omnium magis idoneus, illustrare praeceptus est; nec non instaurare potuit.“

211. Heic autem suspicio est non defuturos, qui nos imprudentiae accusent, nobisque vitio vertant, quod inde Petri praerogativas statuere ac illustrare contenderimus, unde eadem impeti, ac, si protestantibus credimus, funditus labefactari posse videntur. Ecquid enim est, aiunt Lutherus ⁵⁹, Calvinus ⁶⁰ et Theodosius Gibellinus ⁶¹, quod Acta referunt? nimirum ⁶² quod apostoli Petrum miserint Samariam. Sed qui contingere potuit, ut Petrus ab apostolis mitteretur, si his auctoritate praestitisset, immo nisi minor universo collegio fuisset? Quam consequutionem subtilius, uberiusque confirmare studet Franciscus Turretinus ⁶³ his verbis: „Petrus ab aliis apostolis mittitur ad samaritanos. Ergo non potuit esse oecumenicus pontifex, quia illi repugnabat ab aliis delegari. Imo hinc clare colligitur auctoritatem fuisse totius corporis, non privati alicuius, nec Petri in specie, qui toti collegio subiicitur. An Pontifex facile ferret se mitti aliquo ad evangelii praedicationem ⁶⁴ a cardinalibus vel episcopis? Nec dici potest cum Perronio, missionem istam factam fuisse rogatu apostolorum, non vero ex auctoritate. Quia nihil tale extat ⁶⁵ in textu, sed tantum hoc factum communi et concordi consilio, eodem modo, quo alibi ⁶⁶ Paulus et Barnabas dicuntur missi, et ⁶⁷ Silas et Judas. Licet autem aequalis mittatur ab aequali,

⁵⁶) n. I.

⁵⁷) Matth. XVI. 18.

⁵⁸) Unde Arnobio in Ps. CXXXVIII. Petrus est *episcopus episcoporum*.

⁵⁹) De potestate Papae.

⁶⁰) Institutt. lib. IV. cap. VI. n. 7.

⁶¹) Caesareo-Papiae, Par. I. cap. II.

⁶²) Act. VIII. 14.

⁶³) Locus XVIII. q. XVII. §. V.

⁶⁴) Atqui non ad praedicandum evangelium missus dicitur Petrus, sed ut expleret ac Spiritus communicatione absolveret quod Philippus inchoaverat.

⁶⁵) Quasi vero in textu legeretur, pro imperio missum fuisse Petrum.

⁶⁶) Act. XI. 22.

⁶⁷) Act. XV. 17. Sed nonne quum de interpretandis agitur verbis amplissimae

non sequitur superiorem mitti ab inferiori, quod est auctoritatis; vel eum qui mittitur, posse imperium obtinere in eos a quibus mittitur.“ Hactenus ille plura congerens, quibus nihil sani subest, nihil quod excogitatum prudenter, graviterque dictum videatur.

212. Ut enim reliqua tacitus praeteream, a Turretino quaeram, unde putet adversus Petri praerogativas propter creditam illi missionem periculum creari. E *verbis* ne, quibus Lucas utitur; an *e re ipsa*, *negotioque* quod narrat? e verbis non censuerim, quum ἀποστέλλω pariter ac πέμπω tam de maioribus prae minoribus, quam de aequalibus, ac de minoribus etiam prae maioribus adhiberi possint, et plus semel adhibita reperiantur. Sed neque e re ipsa, negotioque quod Petro commissum fertur. Missio enim effectus est, quem Schola *aequivocum* diceret, quique non ab unica causa necessario profluit; sed quemadmodum ex imperio, nutuque maioris, ita ex aequalis minorisve consilio, precibus, adhortatione dimanare potest. Quae nisi essent omnibus compertissima, mei esse muneris arbitrarer, fidem illis, evidentiamque conciliare. Nunc quum sint explorata, relinquitur, neutro ex capite potiorum Petri dignitatem in periculum vocari.

213. Sed nonne contingere *potuit*, ut apostolorum auctoritate ac praecepto Petrus et Johannes Samariam mitterentur? satius fuerit percontari, *probabile* ne videri debeat factum id esse, aut fieri etiam potuisse. Jamvero et ratio eorum qui mittere, quive mitti perhibentur, et Scripturarum analogia, et quae missionem comitata sunt, omnem eiusmodi opinioni speciem veri, probabilitatisque detrahunt.

Qui enim mittunt, sunt ⁶⁵ apostoli: ἀκούσαντες δὲ οἱ ἐν Ἱεροσολύμοις

significationis, ratio inprimis personarum habenda est? ita plane. Cur ergo *mittendi* verbum de Petro, Sila et Juda adhibitum eodem accipitur sensu, quum Petrus ab illis maximo intervallo seiungeretur?

⁶⁵) Act. VIII. 14. Huc pertinent quae T. I. Spicilegii, pagg. 282—283. Grabius adnotat. Collatis enim quae habentur Recognitionum lib. I. §. XVII—LXXII, atque his descriptis: *Dicebat Petrus mandatum se accepisse abs te Jacobo, ut per singulos annos, siqua essent a se dicta, gestaue, ad te transcripta transmitteret*: pergit: „Colligi hinc potest, scriptores tunc Jacobo, ecclesiae hierosolymitanae, omnium matris, episcopo, *primatum atque praerogativam prae ipso Petro*, reliquorum coryphaeo, attribuisse.“

Sed quaenam viro ceteroqui erudito ac prudenti huius inferendae conclusionis ratio adfuit? omnino duplex, altera e nomine *mandati* desumpta, ac altera, eaque multo vehementior, et sine qua prior hominem non commovisset, praecepta opinio quod Petrus dignitate capitis inter apostolos non eminuerit.

Verum quem latet *mandandi*, *praeciendi*, et his respondentia verba *parendi*, *obtemperandi* modo pressius, modo laxius et ἀκρόως usurpari? neminem latet, ac omnium minime Grabium latuit. Nonne ergo inquirendum erat, quo sensu *mandandi* vocem auctor Recognitionum accepit? omnino. Sed eiusmodi instituta indagine, luce clarior impropria, laxiorque acceptio enituisset. In omnibus enim tam

ἀπόστολοι.... ἀπέστειλαν τὸν Πέτρον καὶ Ἰωάννην. Erant autem apostoli iure et dignitate ⁶⁹ pares, commentumque duci debet, plus auctoritatis universis quam singulis fuisse tributum. Nullo enim bibliorum testimonio constat, immo certis bibliorum oraculis refragatur, potestatem quam a Patre acceperat, ita Christum apostolis contulisse, ut *singulis particula, summa* ac eiusdem *plenitudo collegio* inesset. Si quid enim omnes simul poterant, idipsum singuli quique sibi non iniuria vindicabant; quum non magis omnibus quam singulis dictum fuerit ⁷⁰: *sicut misit me Pater, et ego mitto vos*. Quum igitur pares essent apostoli, neque Christus eam instituerit gubernationis formam, quae ἀριστοκρατικὴ nuncupatur; ab omni probabilitatis specie videri alienissimum debet, quod nutu, imperioque Petrum et Johannem miserint.

Praesertim quum negari minime possit, sin minus gradu et iure, eximiis certe donis, ornamentisque utrumque prae reliquis enituisse. Johannes apostolus erat κατ' ἐξοχήν dilectus, et βοανεργὲς titulo nominatim insignitus; Petrus vero quantopere excelluerit, non est cur pluribus comprobetur. Admitti ergo non potest, utrumque ad aliorum nutum missione perfunctum esse.

Eo vel magis quod eiusmodi sententia ab analogia Scripturarum penitus dissideat. Recolantur enim quaecumque omnia sive in evangeliiis, sive in Actis referuntur: aut perspicuum nihil est, aut plane evidens existimari debet, Petrum in iis quae ad omnes ex aequo apostolos pertinerent, primas sibi sumpsisse partes, et in communibus deliberationibus instar ἡγουμένου praeivisse. Quare si religioni nobis sit a certissima analogiae regula discedere, iudicabimus, ita omnium consensione Petri, Johannisque missionem fuisse constitutam, ut ille huius consilii, deliberationisque princeps auctor extiterit. Quod iis confirmatur quae deinceps subsequuta legimus, et quibus edocemur, Petrum in obeunda, perficiendaque missione capitis, ducisque personam induisse.

214. His autem compendio explanatis, sermonem concludam Baronii verbis, quae non minus sententiarum pondere, quam apertissima veritate commendantur. Sic ergo ille in Annalibus ⁷¹: „Hinc videas quantopere hallucinentur novatores, qui caeco furore in Petrum insanientes, illius primatui detrachere non erubescunt,

sinceris, quam apocryphis secundi, tertii-que saeculi monimentis Petrus excellit ac sublimior apparet; unde *omnium potentior*, e Rufini interpretatione, dicitur in litteris Clementis ad Jacobum; et in Clementina Epitome §. XIV. Barnabas τὸν Πέτρον ὑποδεικνύς, ostendens Petrum, ita Clementem alloquitur: Οὗτός ἐστιν Πέτρος, ὃν μέγιστον ἐπὶ τῇ τοῦ Θεοῦ σοφίᾳ ἐπηγγελλόμεν σοι, Κλήμη. hic est Petrus, quem maximum in Dei sapientia tibi denunciebam, o Clementis. Sed nihil perspicuum iis est, qui

praesumptis serviunt opinionibus; et qui sunt in ceteris oculatissimi, in his coecutire prorsus videntur. Quod exemplis virorum doctissimorum, Pearsonii, Bulli, Beveregii, Binghami, Cave, Hornii affatim comprobarem, si locus id ferret.

⁶⁹) Sic loquor, ne Petri primatum de quo quaerimus, praestruere videar.

⁷⁰) Joh. XX. 21. coll. Matth. XXVIII. 18—20.

⁷¹) Ad an. XXXV. §. XI.

eo quod a ceteris mittatur apostolis: quasi inferioris numeri sit habendus is qui mittitur, ab eis qui miserunt illum. Sapiant ipsi hac ratione, et idem dicant quod Arius: Filium, quod a Patre sit missus, esse Patre minorem. Ignorare insuper convincuntur complura in scriptura divina, et innumera quae sunt de his in profanis scriptis exempla: quibus satis superque perspicuum redditur, ad ea quae maximi omnium visa sunt esse momenti peragenda, qui inter ceteros primatum gererent, legatos missos: cum ipsi non sic quidem mitti dicerentur, quasi a maiore minores, et ut a domino subditi, sed quod rogarentur ob salutem omnium eam suscipere functionem. Subiiciam de his alterum ex veteri, alterum vero ex novo testamento exemplum; addam et tertium ex auctore profano, ut res omni scripturarum genere testata reddatur. Legitur in primis in libro Josue ⁷², filios Israel, ut de re magna, ad investigandum de altari quod trans Jordanem erexerant filii Ruben et Gad et media tribus Manasses in terra Galaad, misisse Phineen, qui habebatur omnium princeps, et decem alios, qui in singulis decem tribubus primatum gerebant. Rursum simili huic urgente caussa, ad perquirendum quid de gentilibus, qui Christo crederent, agendum esset, num circumcidi deberent: tunc qui erant Antiochiae fideles, Paulum et Barnabam miserunt ad consulendum apostolos Jerosolymam; quod s. Lucas ⁷³ testatur in Actis. Sed quid profanus auctor, etiam in his quae sunt iudaeorum, Josephus iudaeus in hanc sententiam ⁷⁴ scribat, adducamus in medium. Judaeos nempe, qui erant Jerosolymis, quum adversus Agrippam suum ipsorum regem, nec non adversus Festum praesidem caussam haberent, misisse Romam ad Neronem imperatorem non solum ex primoribus iudaeorum decem legatos, sed et cum eis Ismaelem suum pontificem, et qui huic secundus ordine videbatur, Chelciam sacri custodem aerarii. Ecce quam invalidis et plane inefficacibus rationibus illi obnitantur in primatum Petri, cum omnium principem eadem haec ipsa ⁷⁵ declarare videantur.“

⁷²) Jos. XXII.

⁷³) Act. XV.

⁷⁴) Antiquitt. Hebr. lib. X. cap. VII.

⁷⁵) Praesertim si et illud attendatur, inimicitias omnino acerbissimas iudaeos inter samaritanosque extitisse, summaque

propterea Petri auctoritate opus fuisse, ut ab iis ex iudaeorum gente qui ad Christum accesserant, in unum idemque societatis corpus reciperentur. Cf. Archaeologiam biblicam, auctore Johanne Jahn, §. 326.

CAPUT XIX.

Gentes adiunguntur ecclesiae: — visio Cornelii ἐκατοντάρχου: — imperium illi coelitus factum ut Petrum arcesseret: — Petri ἐξουσίαις, qua de abrogatis institutis legalibus, deque gentibus iam recipiendis primus eruditur: — eiusdem concio, sollemnique declaratio, subversum parietem esse quo ab iudaeis gentes separabantur: — praerogativae supremi magisterii ac principis inter apostolos architecti novo lumine perfunduntur.

215. **M**ulieri samaritanae ¹ affirmanti: οἱ πατέρες ἡμῶν ἐν τῷ ὄρει τοῦτῳ προσεκύνησαν· καὶ ὑμεῖς λέγετε, ὅτι ἐν Ἱεροσολύμοις ἐστὶν ὁ τόπος ὅπου δεῖ προσκυνεῖν: patres nostri ac gentis totius patriarchae sacrificia hoc ipso in monte ² quem cernis, obtulerunt; vos autem iudaei dicitis, non alibi ³ quam Hierosolymae litari oportere; respondit ⁴ Jesus: *Γύναι, πίστευσόν μοι, ὅτι ἔρχεται ὥρα, ὅτε οὔτε ἐν τῷ ὄρει τούτῳ, οὔτε ἐν Ἱεροσολύμοις προσκυνήσετε τῷ πατρὶ..... ἀλλ' ἔρχεται ὥρα, καὶ νῦν ἐστίν, ὅτε οἱ ἀληθινοὶ ⁵ προσκυνηταὶ προσκυνήσουσι τῷ πατρὶ ἐν πνεύματι ⁶ καὶ ⁷ ἀληθείᾳ.* mulier, ne te ad patres recipias, sed mihi, quem ⁸ προφήτην esse cognosti, fidem adhibeto: appetet ⁹ tempus, quo neque hoc in monte quem mihi ostendis, neque Hierosolymae Deo Patri ¹⁰, abiecto spiritu timoris, receptoque Spiritu adoptionis, sacrificabitis.... sed veniet tempus, ac iam adest, quo adoratores hoc nomine digni offerent Patri sacrificium spirituale carnalibus iudaeorum hostiis praemonstratum,

¹) Joh. IV. 20.

²) Indicat montem Garizim, in quo Sanballat, impetrata a Dario Notho facultate, samaritanis templum extruxit.

³) Ex praescripto legis quae habetur Deut. XII. 14—26.

⁴) Joh. IV. 21—24.

⁵) Sicuti ἀλήθεια idem non raro est ac perfectio, integritas; ita ἀληθινὸς idem ac genuinus, et qui id reipsa est quod dicitur. Nisi praeferas heic ἀληθινὸν idem valere ac reale; non typicum, ut Hebr. VIII. 2. coll. IX. 25.

⁶) Metonymia abstracti pro con-

creto, atque adeo πνεύματος ἀντὶ τοῦ πνευματικοῦ, infrequens non est.

⁷) Interdum τῇ ἀληθείᾳ opponitur ἀδικία, unde notat aequitatem, iustitiam. Alexandrini hebraicum מִצְדָּק modo per δικαιοσύνην, modo per ἀλήθειαν reddunt. Hinc Gloss. Vett. apud Labbaeum, ἀλήθεια, iustitia.

⁸) Joh. IV. 19: Κύριε, θεωρῶ, ὅτι προσφύτης εἰ σύ.

⁹) Vulgatus ad litteram venit. Sed est manifesta temporum enallage.

¹⁰) Interposito Patris nomine ratio propria novi testamenti, et adoptio filiorum adumbratur.

et sacrificium iustum ad normam veritatis expressum, secus ac vos samaritani praestatis.

216. Quibus non obscure significavit, quod mox¹¹ luculentius exposuit, inquiens: Messias, cui tu iure defers, quod omnia sit annuntiaturus, atque adeo hanc ipsam de iusto sacrificii loco controversiam diremturus, ἐγὼ ἐμὶ, ὁ λαλῶν σοι, ego ipse sum qui te alloquor. Piissimo enim Messiae adventu futurum¹² erat, ut Dei nomen ab ortu solis usque ad occasum magnum esset inter gentes, neque amplius intra Hierosolymae fines, montisque Garizim, sed ἐν παντὶ τόπῳ ubique locorum מְקַדֵּשׁ, θυσία adoleretur, et מִנְחָה מְהֵרָה, θυσία καθάρᾳ eius nomini litaretur. Futurum erat, ut¹³ omnes terraquei gentes in partem vocarentur illius benedictionis, quam Deus protoparentibus primum, ac patriarchis deinde solemniter, iteratoque promisit. Futurum denique erat, ut Messias, quem appellatione¹⁴ שִׁלְהֵ Deus adumbraverat, inde comprobaretur, quod illi obedientia populorum עַמִּים יִקְרֶה deferretur.

217. Sed quo primum ista tempore, quove modo contingere deberent, neque per prophetas Deus, neque per Filium quem postremum misit, definite, distincteque aperuerat. Aperuit autem quum facta illa sunt, quae decimo Actorum capite Lucas complectitur.

Degebat¹⁵ Caesareae vir ὀνόματι Κορνήλιος, ἑκατοντάρχης ἐκ¹⁶ σπείρης τῆς καλουμένης ἰταλικῆς, εὐσεβὴς καὶ φοβούμενος¹⁷ τὸν θεὸν σὺν παντὶ τῷ οἴκῳ αὐτοῦ, ποιῶν τε ἐλεημοσύνας πολλὰς τῷ λαῷ¹⁸, καὶ δεόμενος τοῦ θεοῦ διαπαντός¹⁹, Cornelius nomine, centurio cohortis quae italica²⁰ dicitur, pius et qui cum universa familia sua Deum verebatur, multasque in populum eleemosynas conferebat, ac in Deo exorando erat assiduus.

Huic viro tot laudum encomiis exornato²¹ ἐν ὁράματι φανερώς²² per visionem quum vigilaret, apparuit angelus Domini, eique quum alia significavit,

¹¹) Joh. IV. 25—27.

¹²) Malach. I. 11.

¹³) Gen. XII. 4, XVIII. 18, XXII. 18, XXVI. 4, XXVIII. 14.....

¹⁴) Gen. XLIX. 10.

¹⁵) Act. X. 1.

¹⁶) Glossarium, σπείρα· τάξις στρατιωτική. Hesychius, ἐκ σπείρας· ἐκ τάγματος, ἐκ νομέρου.

¹⁷) Sunt haec apposita quae in divinis litteris crebro coniunguntur.

¹⁸) Unde v. 22. Cornelius dicitur μακροθύμους τε ὑπὸ ὄλον τοῦ ἔθνους τῶν ἰουδαίων. Vulgatus pro λαῷ habet plebem.

¹⁹) Assidue, statisque diebus ac horis, ut hebraicum יְרַמֵּךְ Ps. XXXIV. 2, et Luc. XXIV. 53: Καὶ ἦσαν διαπαντός ἐν τῷ ἱερῷ.

²⁰) Eximia Dei in Italiam benevolentia, e qua gentium primitias delegit, a nobis qui itali sūmus, postulat, ne sinamus ut φόβος καὶ εὐσέβεια, quae in Cornelio tantopere efferuntur, apud nos aliquando lanquescant.

²¹) Act. X. 3.

²²) Quod adverbium additum puto, ut interdiu ac vigilantī ὄραμα accidisse significaretur.

tum haec nominatim ²³ praecepit: Πέμπων εἰς Ἰόππην ἄνδρας, καὶ μετὰπεμψαι Σίμωνά τινα ²⁴ ὃς ἐπικαλεῖται Πέτρος..... ²⁵ αὐτὸς λαλήσει σοι, τί σε δεῖ ποιεῖν· mitte in Joppen viros, et accerse certum quemdam Simonem, qui Petrus cognominatur..... hic tibi edicet quid facto sit opus.

218. In quo angeli praecepto duo potissimum considerari debent. Ac mira inprimis *ratio*, quam Deus selegit, ut sempiternum consilium de adducendis ad Christum gentibus exequeretur; *instrumentum* deinde, quo usus est, ut gentium primitias mystico Christi corpori copularet.

Illud fuit Simon cognomento Petrus: μετὰπεμψαι Σίμωνά τινα, ὃς ἐπικαλεῖται Πέτρος. At nonne alii quoque aderant apostoli, quibus dictum ²⁶ indiscriminatim fuerat, πορευθέντες εἰς τὸν κόσμον ἅπαντα κηρύξατε τὸ εὐαγγέλιον πάσῃ τῇ κτίσει, et ²⁷ ἔσεσθέ μοι μάρτυρες ἐν τε Ἱερουσαλὴμ καὶ ἐν πάσῃ τῇ Ἰουδαίᾳ καὶ Σαμαρείᾳ, καὶ ἕως ἐσχάτου τῆς γῆς? Sunt ista clariora, quam ut artificio ullo obscurari possint.

Nihilominus ceteris sepositis, praefertur Petrus, ac ideo praefertur, quod illi dictum ²⁸ separatim esset, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, ac ²⁹ rursum, βόσκει τὰ ἀρνία μου, ποιμαίνει τὰ πρόβατά μου. Decebat enim, ut sublato iudaeorum, gentiliumque discrimine, illius maxime opera in unum omnes colligerentur, cui, tamquam posito divinitus fundamento, omnes inniti, omnes debebant incumbere. Decebat ut Christi oraculum ³⁰, ἄλλα πρόβατα ἔχω, ἃ οὐκ ἔστιν ἐκ τῆς αὐλῆς ταύτης· κἀκεῖνά με δεῖ ἀγαγεῖν· καὶ τῆς φωνῆς μου ἀκούσουσι, καὶ γενήσεται μία ποίμνη, εἷς ποιμήν, alias oves habeo mihi a Patre ³¹ donatas et iamdudum ³² devias quae non sunt ex hoc iudaeorum ovili; illas quoque congregem ³³ oportet, ac mihi sane morigerae erunt, unumque existet ovile ³⁴, pastor unus: illius maxime ministerio impleretur, cui vices suas oecumenici, visibilisque pastoris Christus commiserat. Hoc enim pacto *γένεσις* ipsaque ratio colligendae ecclesiae praeferebant, tam illi *universitatem* quam *unitatem* οὐσιώδως convenire; neque ad eam intimius pertinere ut cuiuscumque nominis gentes suo sinu complecteretur, quam ut ad unitatis formam unius praesidis, pastorisque administratione revocaretur. Quare eximia omnino videri consensio debet, qua sibi mutuo *institutio*, *exequutioque* primatus respondent: haec enim illam confirmat, ac ex illa vicissim praedici haec potuit, et antea stabiliri quam historiae monumentis consignata legeretur.

²³) Act. X. 5—7.

²⁴) In codicibus non paucis desideratur τινά, quem tamen Vulgatus legit.

²⁵) Hoc incisum in vulgatis graecis editionibus deest.

²⁶) Marc. XVI. 15.

²⁷) Act. I. 8.

²⁸) Matth. XVI. 18.

²⁹) Joh. XXI. 15—18.

³⁰) Ibid. X. 16.

³¹) Ps. II. 8.

³²) I. Petr. II. 25.

³³) Simplex ἀγαγεῖν adhiberi pro composito συναγαγεῖν, et vidit in paraphrasi Nonus, et liquet ex cap. XI. 52.

³⁴) Vulgatus interserit copulam.

219. Missis interea ³⁵ a Cornelio nuntiis, iisque ad domum, in qua Petrus hospitabatur, accedentibus, ἐπέπεσεν ἐπ' αὐτὸν ἔκστασις, incidit in eum ecstasis, et ad oblivionem praesentium externalus, θεωρεῖ τὸν οὐρανὸν ἀνεωγμένον, καὶ καταβαῖνον ἐπ' αὐτὸν ³⁶ σκεῦός τι ὡς οὐθύνην μεγάλην, τέσσαρσιν ἀρχαῖς ³⁷ δεδεμένον, καὶ καθιέμενον ἐπὶ τῆς γῆς· ἐν ᾧ ὑπῆρχε πάντα τὰ τετραπόδα τῆς γῆς, καὶ τὰ ³⁸ θηρία καὶ τὰ ἐρπετὰ καὶ τὰ πετεινὰ τοῦ οὐρανοῦ, vidit apertum caelum, et vas ³⁹ quoddam, magni instar lintei, extremis quatuor partibus alligatum ad sese usque demitti, et supra terram deferri, in quo omnigenae ⁴⁰ continebantur animantes quadrupedes et ferae, et quae super terram repunt, quaeque per aëra volant.

Quum in his contemplandis Petrus defixus ⁴¹ haereret, ἐγένετο φωνὴ πρὸς αὐτόν· ἀναστάς, Πέτρε, θῦσον ⁴² καὶ φάγε, vox ad eum delata est huiusmodi: erecto esto ⁴³ animo, Petre, macta et manduca. At vero ⁴⁴ ille: μηδ᾽ ὡς, κύριε· ὅτι οὐδέποτε ἔφαγον πᾶν κοινὸν ⁴⁵ ἢ ἀκαθάarton: ne mihi id contingat, Domine; numquam enim quidquam edi quod pollutum esset ac lege ⁴⁶ interdictum. Quibus vix prolatis, eandem caelestem vocem his se iterum com-

³⁵) Act. X. 8—13.

³⁶) Verba ἐπ' αὐτόν non agnoscit vulgatus interpres. Ipsa loquutio videtur contracta, pro καταβαῖνον καὶ ἐρχόμενον ἐπ' αὐτόν, ut plene occurrit Matth. III. 16.

³⁷) Cuiusvis rei extremitates satis graece dixeris ἀρχάς. Unde in Glossario, ἀρχὴ ξίφους, mucro.

³⁸) Absunt a Vulgato.

³⁹) Latissime patet hoc nomen, non secus ac hebraicum יָבֵץ, denotatque vas quodvis, in quo aliquid recipi potest. Quod autem heic σκεῦος, Matthaeo cap. XIII. 48. est σαγήνη.

⁴⁰) Universale πάντα indefinite ponitur. Ex lege autem dicta Lev. XI. multa haec inter immunda censebantur.

⁴¹) Act. X. 13.

⁴²) Beda in Retractationibus ad hunc locum: „Quod latine dicitur occide, hoc graece hoc in loco dicitur, θῦσον, quod non generale occisionis verbum est, sed illius occisionis proprium, qua hostiae Deo immolantur. Nam et hostia sive sacrifici-

cium graece θυσία, et altare θυσιαστήριον vocatur.... Juxta hanc ergo significationem dicitur Petro, θῦσον et manduca: quod noster interpres transtulit, occide et manduca. Aequae autem interpretari poterat, immola et manduca, ut intelligeret ad hoc sibi oblata caelitus diversi generis animantia, ut eos qui per huiusmodi animantia designabantur, praedicando hostiam Domini faceret: erutos videlicet de noxia vita paternae traditionis, atque in novam vitam divinae servitutis per sacramenta dominicae passionis translatis.“

⁴³) In eiusmodi formulis ἀνίστημι ferme pleonastice adhibetur, ut ἔγερ apud hebraeos, aptiusque reddi non potest quam confestim, illico.

⁴⁴) Act. X. 14.

⁴⁵) Haec vocum κοινῶ ἢ ἀκαθάρτον significatio prorsus biblica est, ac e propriis mosaicae legis praeceptionibus oborta.

⁴⁶) Eiusmodi adiectivorum coniunctionem ad eam loquendi formam facile revocarem, quam dicunt ἐν διὰ δοῦν.

monentem verbis audivit ⁴⁷: ἃ ὁ Θεὸς ἐκαθάρισε, σὺ μὴ κοῖνον: quae ⁴⁸ Deus emundavit, tu polluta neque habeto ⁴⁹ neque dicito. Quod quum ⁵⁰ tertio repetiit, πάλιν ⁵¹ ἀνελήφθη τὸ σκεῦος εἰς τὸν οὐρανόν, vas in caelum reductum fuit.

220. Jamvero quae protinus ⁵² consequuntur, ratio exhibitae imaginis, vox e caelo emissa, similesque Scripturarum ⁵³ loci tria luculenter demonstrant. E quibus illud primum est, futurum ut nullus populus, gens nulla ab ecclesiae finibus repelleretur. Sicut enim caelesti linteo omnigenae animantes concludebantur: et sicut in arca Noe ⁵⁴ mundis aequae immundisque locus fuit; ita Christi ovile e iudaeis pariter, graecis ac barbaris cogi et in unum colligi debebat. Illud deinde quod est cum priore artissime iunctum, beneficia per Christum parta ad eos pertinere omnes, qui oblatam divinitus gratiam non aspernarentur. Unde Petri ⁵⁵ sententia: Ἐπ' ἀληθείας καταλαμβάνομαι, ὅτι οὐκ ἔστι προσωπολήπτης ⁵⁶ ὁ Θεός: ipsa rei veritate, neque κατ' ὄψιν solum deprehendo, Deum in suis erogandis donis neque ad personam, neque ad genus, nationemque respicere. Illud postremo, abrogata iam esse, quae Deus per Moysen tam enodate subtiliterque ⁵⁷ de discernendis cibis, institutisque caeremonialibus praescripserat: iacere parietem quo ab iudaeis gentiles separabantur: et advenisse iam tempus, quo in unam familiam, unamque domum Deo sacram coniungerentur. Unde ⁵⁸ Petrus: Ὑμεῖς ἐπίστασθε ὡς ἀθέμιτόν ⁵⁹ ἐστὶν ἀνδρὶ ἰουδαίῳ, κολλᾶσθαι ἢ προσέχεσθαι ⁶⁰ ἄλλοφύλῳ. καὶ ἐμοὶ ὁ Θεὸς ἔδειξε, μηδὲνα κοινὸν ἢ ἀκάθαρτον λέγειν ἀνθρώπων. Vos scitis quomodo viro iudaeo nefas sit familiariter ⁶¹ uti alienae gentis homine, vel eum adire; sed declaravit mihi Deus, hominum neminem dicendum, habendumve profanum ac immundum.

221. Cuinam vero haec, quibus universa colligendae ecclesiae οἰκονομία constat, primum atque ἀμέσως reserantur? non alteri quam Petro, καὶ ἐμοὶ ὁ Θεὸς ἔδειξε, et mihi Deus ostendit. Atqui horum certa, indubitataque cognitio maximi omnino momenti videri debet, sive in se spectetur, sive iudaeorum,

⁴⁷) Act. X. 15.

⁴⁸) Vulgatus singulari numero habet, quod.

⁴⁹) Voces enim reales pro verbalibus crebro adhibentur: idque heic fieri tum rei natura, tum comma 28. demonstrat.

⁵⁰) Act. X. 16.

⁵¹) Vulgatus, statim, εὐθέως.

⁵²) Act. X. 17. seqq.

⁵³) Apoc. VII. 9, XXI. 10.

⁵⁴) Gen. VI. 19. coll. I. Petr. III.

20—21.

⁵⁵) Act. X. 34.

⁵⁶) Pro hac voce hebraico-graeca, quae semel heic legitur, Paulus Rom.

II. 11, Ephes. VI. 9... προσωποληπίαν adhibet.

⁵⁷) Huc pertinent quae in Levitico passim occurrunt.

⁵⁸) Act. X. 28.

⁵⁹) Vulgatus, abominatum. Proprie nefarium, legibusque, maxime divinis vetitum. Phavorinus, ἀθέμιτον· ἄδικον, ἄνομον.

⁶⁰) Hesychius, ἄλλοφύλος· ἐξ ἄλλον γένους, μὴ ἔχων φυλὴν. Heic gentilem exprimit. Constat vero gentilibus iudaeos fuisse viles, verpas, recutitos, apellas; atque his vicissim gentes impias, exleges, immundas.

⁶¹) Quod explicatur Act. XI. 3.

quibus primitiva ecclesia coaluerat, sive apostolorum, quorum ministerio extendenda, amplificandaque erat, ratio habeatur.

Sane quid ea continetur? verissime praemonuimus, eiusmodi notitia *οικονομίαν*, modumque exhiberi, quo Christi voluntas de annuntiando ubique terrarum evangelio compleretur. Sed levia ne ista, an contra censi gravissima debent? Ad iudaeos autem quod pertinet, neminem fugit, quam iidem essent caeremonialium legum tenaces, quantopere a gentilium convictu abhorrerent, tum quales, quantasque turbas eam ob causam in ipsa ecclesia conciverint. Quid vero de apostolis dicam? haud arbitror opus esse monere, cognitionem divini consilii illis prorsus fuisse necessariam, ut iniuncto sibi muneri evangelicae lucis ubivis inferendae rite satisfacerent.

222. Nihilominus ea providentia, qua suae semper adest ecclesiae, ita rebus omnibus moderatus est Christus, ut nonnisi per Petrum *θεοδίδακτον* apostoli edocerentur, quando primum se ad gentes conferrent, officioque testandi coram omnibus indiscriminatum populis fungerentur. Quod scilicet illum omnium *ηγούμενον* creasset, quod suas illi vices demandasset, quod supremum omnium magistrum his verbis ⁶² instituisset: *στήριξον τοὺς ἀδελφούς σου*, confirma fratres tuos. Unde Epiphanius ⁶³ universis quidem apostolis, *μάλιστα δὲ τῷ ἁγίῳ Πέτρῳ* praesertim vero beato Petro operam de adducendis ad ecclesiam gentibus impositam fuisse concludit. Sed cur Petro *praecepit*? quod ad illum pertinerent tum communi nomine, quo una cum reliquis ex ipsius Christi ore audivit, *μεθῃτεύσατε πάντα τὰ ἔθνη*: quum singulari sibique proprio, quo universum ovile, ipsosque apostolos in tutelam recepit.

223. Erectus visione Petrus, nuntiis recreatus, ac nova edoctus Spiritus voce, quae his eum verbis ⁶⁴ alloquebatur, *ἀλλὰ ἀναστὰς κατὰβηθι, καὶ πορεύου σὺν αὐτοῖς μηδὲν διακρινόμενος· διότι ἐγὼ ἀπέσταλκα αὐτούς*, agendum ne moreris, descende, et cum illis ito, omni haesitatione ⁶⁵ deposita; ego enim auctor fui ut mitterentur: ad Cornelium ⁶⁶ et τοὺς ⁶⁷ συγγενεῖς αὐτοῦ καὶ τοὺς ἀναγκαίους φίλους venit, postulataque ⁶⁸ caussa ob quam eum vocasset: singula illi ex ordine Cornelius ⁶⁹ retulit, narrationemque suam absolvit ⁷⁰, inquit: *Νῦν οὖν πάντες ἡμεῖς ἐνώπιον* ⁷¹ τοῦ θεοῦ πάρεσμεν, ἀκοῦσαι πάντα τὰ προσηταγμένα σοι ὑπὸ ⁷² τοῦ θεοῦ. nunc ergo nos omnes adsumus, inspectante Deo, ut omnia audiamus, quae tibi a Deo ⁷³ praecepta sunt.

⁶²) Luc. XXII. 32.

⁶³) Haeres. XXVIII. §. III.

⁶⁴) Act. X. 20.

⁶⁵) Quod heic est, *μηδὲν διακρινόμενος*, v. 29. dicitur, *ἀναντιρρόητως*.

⁶⁶) Act. X. 29.

⁶⁷) Ibid. v. 24.

⁶⁸) Ibid. v. 29.

⁶⁹) Ibid. vv. 30 — 33.

⁷⁰) Act. X. 33.

⁷¹) Vulgatus et cum eo Syrus legerunt *ἐνώπιόν σου, coram te*. Non desunt codices qui habeant *ἐνώπιον τοῦ κυρίου*.

⁷²) Vulgatus, *a Domino*, ὑπὸ τοῦ κυρίου.

⁷³) Quibus respondent Christi verba Matth. XXVIII. 20: *Διδάσκοντες αὐτοὺς τηρεῖν πάντα ὅσα ἐνετείλάμην ὑμῖν*.

Non abnuit Petrus, iustitiamque esurientibus lautissimam instruxit mensam, et ⁷⁴ os suum aperiens insignem habuit concionem, qua ⁷⁵ summa capita christianae religionis exponens, quum eo progressus esset, ut de Christo ⁷⁶ affirmaret, *τούτῳ πάντες οἱ προφηταὶ μαρτυροῦσιν, ἅφεςιν ἁμαρτιῶν λαβεῖν διὰ τοῦ ὀνόματος αὐτοῦ πάντα* ⁷⁷ πιστεύοντα εἰς αὐτόν, omnes de eo prophetae testantur, omnem qui credit in illum consequi per eius nomen remissionem peccatorum; continuo ⁷⁸ ἐπέπεσε τὸ πνεῦμα τὸ ἅγιον ἐπὶ πάντας τοὺς ἀκούοντας τὸν λόγον, decidit Spiritus-sanctus in eos omnes, qui verbum κατ' ἐξοχήν, verbum vitae et veritatis e Petri ore excipiebant.

Quod quum ⁷⁹ vidissent οἱ ἐκ περιτομῆς πιστοὶ ὅσοι συνῆλθον τῷ Πέτρῳ, circumcisi ⁸⁰ fideles qui cum Petro venerant, illosque audissent ⁸¹ variis loquentes linguis, Deique magnitudinem efferentes; ἐξέστησαν obstupere, ὅτι καὶ ἐπὶ τὰ ἔθνη ἡ δωρεὰ τοῦ ἁγίου πνεύματος ἐκκέχνηται, quod et in gentes Spiritus-sancti donum effunderetur.

224. At vero Petrus infinitam Dei, qui omnium est pater, largitatem demiratus, praeclaram sibi natam inde occasionem existimavit ⁸² subiiciendi: *Μήτι τὸ ὕδωρ κολῦσαι δύναται τις τοῦ μὴ βαπτισθῆναι τούτους, οἵτινες τὸ πνεῦμα τὸ ἅγιον ἔλαβον καθὼς καὶ ἡμεῖς;* quisquam ne est qui aquam ⁸³ regenerationis prohibere possit, quominus hi qui non secus ac nos Spiritum-sanctum acceperunt, baptizentur? Quibus verbis et quid fieri iam oporteret, perspicue declaravit, immeritumque stuporem, fallacemque circumcisorum fidelium sententiam de Spiritus donis cum gentibus non communicandis tacite perstrinxit. Unde ⁸⁴ Chrysostomus: *Σχεδὸν γὰρ ὥσπερ ἐπεμβαίνοντός ἐστι τοῖς κολύουσιν καὶ λέγουσιν ὅτι οὐ χρὴ τοῦτο γενέσθαι. τὸ πᾶν γέγονε, φησί, τὸ ἀναγκαῖον γέγονε, τὸ βάπτισμα ὃ καὶ ἡμεῖς ἐβαπτίσθημεν.* Hoc fere est insurgentis in eos qui prohiberent ac dicerent, non oportere istud fieri. Totum factum est, inquit, quod magis necessarium erat factum est, baptisma ⁸⁵ videlicet quo et nos baptizati sumus.

Petrus igitur sequutus Deum, qui suis praeiverat donis ⁸⁶, προσέταξε τε

⁷⁴) Act. X. 34.

⁷⁵) Ibid. vv. 34—43.

⁷⁶) Ibid. v. 43.

⁷⁷) Vulgatus plurali numero utitur.

⁷⁸) Act. X. 44.

⁷⁹) Ibid. v. 45.

⁸⁰) Idest fideles ex iudaeis, adhibito abstracto pro concreto, et signo pro re denominanda. Unde Paulus Rom. II. 26, III. 30. gentes ἀκροβυστίαν, praeputium, praeputiatos, incircumcisos; iudaeos vocat περιτομήν, circumcisionem, circumcisos.

⁸¹) Act. X. 46.

⁸²) Ibid. v. 47.

⁸³) Joh. III. 5.

⁸⁴) In Acta Apostol. hom. XXIV. n. 1.

⁸⁵) Act. XI. 16. coll. I. 5.

⁸⁶) Act. X. 48. Ubi animadvertere iuvat praeclaram Christum inter et Petrum similitudinem, ut hic non aliter ac ille, Joh. IV. 2, per se praedicaverit, per discipulos baptizavit.

αὐτοὺς βαπτισθῆναι ἐν τῷ ὀνόματι τοῦ κυρίου Ἰησοῦ, mandavit ut illi in nomine Domini Jesu baptizarentur.

225. Quae quum ita sint, interrogabo, nihil ne narrationi quam per partes hactenus explanavimus, insit, nihil in ea extet, quo Petri praerogativae, ornamentaque comprobentur. Mihi enim certissimum est, non pauca, quae huc faciant, eadem contineri. Ac illud principio, quod inter ceteros apostolos unus delectus fuerit Petrus, qui Deo primitias gentium consecraret. Illud deinde, quod effecerit Deus ut per Petrum tamquam omnium magistrum, ipsis quoque apostolis innotesceret, quando primum evangelii ostium aperiri gentibus oporteret. Illud tertio quod ceteris inconsultis se ad gentes converterit, ac ex iis ovile Christi, cuius explebat vices, amplificaverit. Illud quarto quod unus ipse fuerit, ad quem summa aedificandae ecclesiae referretur. Illud quinto quod ecclesiam ex iudaeis, samaritanis, gentibusque collectam ipse unus in se potissimum receperit, et tamquam universale totius aedificii fundamentum sustentarit, unitamque continuerit. Illud tandem quod Lucas, qui nullum ab apostolis reliquis habitum sermonem descripsit, quintam retulerit Petri concionem, factoque ipso ostenderit, dicta gestaque ceterorum altero loco et gradu, dicta vero gestaque Petri primum ac maxime ad historiam orientis et adolescentis ecclesiae pertinere. Cuius discriminis si a me caussa petatur, iterare cogor quod saepius inculcavi, quodque cum sit verissimum, summique momenti numquam satis ingeminari posse videtur: quod nimirum dum *historia capitis* conscribitur, *ipsa totius corporis historia* consignata litteris videatur.

C A P U T XX.

Narratio Lucae Act. XI. 1—4: — quid ex ea protestantes inferant: — quam inepte: — de argumento quod ex factis ducitur: — expenduntur consequentia Act. XI. 4—19: — quibus celsior Petri auctoritas confirmatur.

226. **I**is enarratis, de quibus praecedenti capite actum est, et quibus singularem Petri ἐξουσίαν ac prae ceteris ἡγεμονίαν comprobavimus, subdit¹ Lucas: Ἦκουσαν δὲ οἱ ἀπόστολοι καὶ οἱ ἀδελφοὶ οἱ ὄντες κατὰ τὴν Ἰουδαίαν, ὅτι καὶ τὰ ἔθνη ἐδέξαντο τὸν λόγον τοῦ θεοῦ. καὶ ὅτε ἀνέβη Πέτρος εἰς Ἱεροσόλυμα, διεκρίνοντο πρὸς αὐτὸν οἱ ἐκ περιτομῆς, λέγοντες· ὅτι πρὸς ἄνδρας ἀκροβυστίαν ἔχοντας εἰσῆλθες, καὶ συνέφαγες αὐτοῖς. audierunt autem apostoli et fratres qui in Iudaea erant, quod ipsae etiam gentes² receperissent

¹) Act. XI. 1—4.

quae hac de re Tillemontius scribit, Notes

²) Quibus confirmatur, Cornelium primum omnium inter gentes credidisse. Cf.

sur saint Pierre, note XXIII.

verbum Dei. Quare quum Petrus Jerosolymam venisset, qui erant ex circumcissione, cum eo altercabantur³ dicentes: quod⁴ homines praepuliatos adieris, et cum illis manducaveris. De qua querela praeclare⁵ Chrysostomus: „Quid est illud διακρίνοντο disceptabant? ἐσκανδαλίζοντο, φησίν, οὐ μικρῶς. non parum, inquit, offendeabantur. Vide porro quid obiiciant. Non dicunt, διατί κατήγγειλας; ἀλλὰ, διατί συνέραγες; cur annuisti? sed, cur simul cōmedisti? Petrus autem non in hoc frigidum dicto moratur: nam frigidum vere erat; sed in magno illo dicens: si Spiritum illi acceperant, quomodo hoc concedendum illis non erat?“ Reprehensores videlicet Petri non illi vitio vertebant, quod aut gentibus evangelium annuntiasset, aut illas baptismate abluisset: utrumque enim a Christo praeceptum⁶ noverant; sed quod contra mosaicae legis statuta gentes adiisset, et quae iudaeis κοινὰ erant, cum gentibus manducasset. Uno verbo, quod illud fecisset, quod ipsemet⁷ ἀθέμιτον dixerat, κολλᾶσθαι ἢ προσέρχεσθαι ἄλλοφύλῳ.

227. Jamvero non paucos inter protestantes reperire licet, qui ex ea contentione hoc ferme pacto cum Calvino⁸ inferunt: „Si prisci fideles et ab ipsis eruditi apostolis cognovissent, potiorumque Petri auctoritatem fuissent reveriti; numquam sibi integrum existimassent illi refragari, illius gesta carpere, in examen adducere, rationemque eorum quae fecisset, postulare. Sed quid horum omisere? ne hilum quidem. Disceptarunt enim contra Petrum, et in ipsum offensi caussam, rationemque postularunt, ob quam, mosaicis praescriptionibus insuper habitis, ad gentes accesserit, et cum iis profana communiaque manducaverit. Quum igitur non aliunde melius quam ex factis de fide primitivae ecclesiae statui posse videatur; perspicuum censi debet, primam illam ex iudaeis collectam ecclesiam in ea sententia minime fuisse, quam nos de primatu Petri, eiusque celsiore auctoritate vindicamus.“

228. Sed quid si totum concesserim quod assumitur, complexionem vero ipsam, illationemque negaverim? nemo profecto ea de causa me iure reprehenderit. Totum enim argumentum *e facto* pendet, vimque suam omnem inde mutuatur, quod in primitiva ecclesia non defuerint qui Petro obniterentur. Sed omnia ne quae ex factis deducuntur, aut certa aut etiam probabilia haberi debent? si facta essent uniusmodi, si omnia essent legitima; sumpta ex iis conclusio repudiari non posset. Atqui facta triplici omnino in genere versantur, et alia *iusta*, *iniusta* alia, alia *dubia* et *in ancipiti posita* censentur. Non ergo sufficit ad facta provocare, neque licet e factis ad nexas cum iis conclusiones antea progredi, quam quae illorum natura fuerit, quaeve ratio, clare evidenterque innotuerit. Secus enim periculum imminet, ne factis innixi vel dubiis, vel

³) Verbum διακρίνομαι constructum cum πρὸς, vel dativo personae, valet, *contendo*, *discepto*, *litigo*. Hesychius, διακρινόμενων· μαχομένων.

⁴) Vulgatus legit *interrogando*.

⁵) In Acta Apost. hom. XXIV. n. 1.

⁶) Matth. XXVIII. 19.

⁷) Act. X. 28.

⁸) In comm. ad Act. XI, et Institutt. lib. IV. cap. IX. n. 13.

iniustus operam tempusque ludamus; et quo contendimus vehementius, eo a veritate longius abscedamus.

229. Quibus indicatis, interrogabo, adverterint nec ne protestantes, cuiusmodi sit factum quod adducunt; et quo illud genere comprehendi debeat: legitimum ne fuerit an iniustum: certum ne an ambiguum et dubium. Respondent dubio procul, et certum illud sibi esse, et legitimum, eiusque naturae, quod cum suprema Petri auctoritate componi nullatenus possit. Sed nonne conditio omnium prima, quae legitimis factis inesse debet, huc redit, ut ab his proficiscantur, qui iure agendi sint praediti? nihil manifestius, quum iniqua, inania, irritaque habeantur quaecumque omnia sine iure peraguntur. Hac igitur dumtaxat lege factum quod obicitur, legitimum aestimabitur, si eos habuisse auctores comprobetur, qui suo iure Petro refragarentur. Quinam vero illi erant, quem locum, quemve gradum in ecclesia obtinebant? pastoribus ne an ovibus, magistris ne an discipulis, praesidibus ne an subditis, obnoxiiisque connumerabantur?

230. Quinam fuerint, his omnino verbis Lucas⁹ declarat: *διεκρίνοντο πρὸς αὐτὸν οἱ ἐκ περιτομῆς*, disceptabant cum¹⁰ eo qui erant ex circumcisione. Quaerendum igitur est, quinam formula, *οἱ ἐκ περιτομῆς*, significantur. Ea autem non significari apostolos, quibus Christus¹¹ dixit, *qui vos audit, me audit, et qui vos spernit, me spernit*, ac¹² rursum, *amen dico vobis, quaecumque alligaveritis super terram, erunt ligata et in caelo: et quaecumque solveritis super terram, erunt soluta et in caelo*; indubitatum esse debet. Numquam enim in universa Scriptura verbis, *οἱ ἐκ περιτομῆς*, apostoli exprimuntur.

At ii etiam quum essent, *fideles circumcisi* nuncupari poterant. Utique eodem pacto, quo principes, regesque quum *cives* sint, hac simplici nudaque appellatione efferuntur. Nullo scilicet pacto. Quod erit evidentius, si ea recolantur quibus¹³ Lucas orditur: *ἤκουσαν δὲ οἱ ἀπόστολοι καὶ οἱ ἀδελφοί*. Atqui etiam apostoli erant *fratres*, et tamen a fratribus secernuntur.

Accedit orationis¹⁴ series, e qua patet, *τοὺς ἐκ περιτομῆς* eosdem esse, qui proxime nominantur. Proxime autem nominantur *οἱ ἀδελφοί*, iidemque ab apostolis nominatim separantur. Unde¹⁵ Chrysostomus: „*Μετὰ τοιαῦτα διεκρίνοντο οἱ ἐκ περιτομῆς, οὐχ οἱ ἀπόστολοι*. post haec disceptabant qui ex circumcisione, non apostoli.“ Longius progreditur Epiphanius¹⁶, inquit: „Idem ille (Cerinthus) fuit, qui apostolorum tempore tumultum illum excitavit, cum Jacobus, ceterique apostoli literas Antiochiam scripserunt his verbis¹⁷:

⁹) Act. XI. 2.

¹²) Matth. XVIII. 18.

¹⁰) Acrius interpret vulgatus, qui redit *contra*. Sed necesse non est; praepositio enim *πρὸς* in hac constructione apte vertitur *cum*.

¹³) Act. XI. 1.

¹⁴) Ibid. vv. 1 — 3.

¹⁵) In Acta Apost. hom. XXIV. n. 1.

¹⁶) Haeres. XXVIII. §. II.

¹¹) Luc. X. 16.

¹⁷) Act. XV. 24.

Quoniam cognorimus quosdam a nobis ad vos esse profectos, suisque vos perturbasse sermonibus, quibus non mandavimus. Idem quoque eorum unus est, qui se Petro opposuerant, cum ad sanctum Cornelium ivisset, a quo post oblatum per visum angelum erat arcessitus Igitur Cerinthus circumcisorum gregem adversus Petrum revertentem commovit Hierosolymis, dicens: ingressus est ad viros praeputium habentes."

231. Quum igitur oves fuerint non pastores, discipuli non magistri, obnoxii subiectique non praesides, qui Petro restitisse feruntur; *ex tribus* alterum deligatur oportet: vel nullam eos in Petrum auctoritatem exercuisse: vel pares, immo apostolis etiam maiores in primitiva ecclesia singulos quosque fideles extitisse: vel non alia instructos auctoritate adversus Petrum stetisse, quam quod sibi iniuria usurpaverint.

Sed *primum* adversariorum causam perdit, nostrae ne tantillum quidem officit: *alterum* tam est explore falsum ut refelli non debeat: *tertium* denique eo rem adducit, ut summa Petri auctoritas idcirco periclitari iudicetur, quod non defuerint qui illi iniuria ac praepostere adversarentur. Quod nemo ferat, aequove animo patiatur. Id enim si probatum semel fuerit, nulla iam erit auctoritas tam sancta, ius nullum tam ratum quod constare sibi possit, suamque dignitatem retinere.

232. Historia namque universa, divina, ecclesiastica, profana factis exemplisque referta est, quibus sanctissima iura a malis perversisque hominibus oppugnata demonstrantur. Quid sanctius supremi sacerdotii iure, quo Deus Aaronem honestavit? fuere tamen ¹⁸, qui cum Core, Dathan et Abiron obsisterent, negatamque sibi dignitatem per summum nefas ambirent. Quid apostolico Johannis iure manifestius? et tamen haec sunt ¹⁹ eiusdem verba: *Ἐγραψα τῇ ἐκκλησίᾳ· ἀλλ' ὁ φιλοπρωτεύων αὐτῶν Διοτρεφῆς οὐκ ἐπιδέχεται ἡμῶς*: scripsi ²⁰ ecclesiae, sed qui inter eos sibi primas arrogat ²¹ Diotrophes, nos, nostraque non ²² admittit. Fluxum ergo videri argumentum debet, quod ex *nudis factis*, ipsorum natura ac aequitate minime inspecta, desumitur.

233. Atque utinam rarius in hoc perniciosissimum argumentationis vitium offenderetur. Sed omnino frequentius quam quod credi possit, offenditur. Sit enim determinanda quaestio de necessitate servandae communionis cum cathedra Petri, ut eiusmodi vinculo unitas schismati opposita in tuto collocetur. Quamquam praeclarissima ²³ et decretoria prorsus sint, quae eam necessitatem divi-

¹⁸) Num. XVI.

¹⁹) Epist. III. v. 9.

²⁰) Vulgatus, *scripsissem forsitan*, proindeque legit, *ἔγραψα ἃν*: solent enim graeci praeteritum indicativi pro praeterito subiectivi ponere, addita expletiva coniunctione *ἃν*.

²¹) Hoc tantum loco adhibetur φιλο-

πρωτεύω, *primus esse cupio, primatum ambio, primasque partes affecto*.

²²) Commate sequenti pressius Johannes accipit *ἐπιδέχουμαι*, eoque designat, *hospitio aliquem excipio*. Heic paullo latius *ἐπιδέχεται* notat, *suscipit, admittit*.

²³) Cf. Bossueti expositionem doctrinae catholicae, cap. XXI.

nitus inductam ostendunt, nihilominus qui aliter opinantur, triumphasse sibi videntur, quum quae historia refert ²⁴ de dissidiis meletiano et acaciano congessere. Fac de iure agatur, quo *principalis ecclesia* ²⁵ appellationes ex universo christiano orbe recipit, caussasque vel primum iudicat, vel iudicatas retractat. Innumera ²⁶ sunt quae divinam istius iuris originem patefaciunt. Nihilominus quibus alia insedit opinio, hi rem penitus confectam existimant, si litigia orientalium cum Julio, et carthaginensis synodi cum Zosimo retulerint. In controversiam veniat plenissima auctoritas, qua Petri successores decretis editis, legibusque latis unitati religionis, disciplinaeque integritati prospiciunt. Quisque cernit facilius esse ipsorum primatum subvertere, quam hanc illis auctoritatem, eo concesso, denegare. Attamen non paucos reperiēs, quibus ut aliter decernant, abunde est, quod Polycrates Victori, Firmilianus et Cyprianus Stephano non adqueverint.

234. Imprudenter omnino, ne acerbius loquar. Ecquid enim *per se* facta probant? nihil plane, nisi iusta fuerint ac legitima. Justitia ergo et factorum aequitas demonstranda primum ²⁷ erat; tum quid ex iis esset consequens, investigandum.

Sed ea praesumi legitima non immerito potuerunt, quod profecta ab iis sint, qui eximia pietatis, sapientiaeque laude floruerint. Quasi vero omnes, quos commemoravimus, his ornamentis insigniter claruerint: quasi vero et de iis qui claruere, inquirendum non superesset, an *eo nomine* sancti, an *eo nomine* habiti sapientes fuerint, quod illa egerint, quae ex historiae monumentis obiciebantur. An idcirco Firmilianus sanctus, quod Stephano repugnaret? an idcirco Meletius orientalium episcoporum decus, quod communionis literas a Damaso non acceperit? talia haec sunt quae *ἀγέλαστον* maxime hominem ad risum moveant. Concludendum igitur est, tum solum inter adiumenta caussae facta rite censerī, quum ea vel legitima esse per se constat, vel duci legitima oportere idoneis rationibus comprobatur.

235. Ut autem eo sermonem revocemus unde tantisper defleximus, facti, cuius Lucas ²⁸ meminit, aliam, eamque commodiorem interpretationem exhibebimus. Itaque lex nulla vetat, nulla consuetudo prohibet, quominus *intra certos fines*, aequales, minoresve ab iis qui praesunt, eorum quae gesserint, caussam,

²⁴) Cf. Petri Ballerinii appendicem ad §. I. capitis XI. operis inscripti: De vi et ratione Primatus.

²⁵) Hoc titulo romana ecclesia a Cypriano frequenter insignitur.

²⁶) Cf. Christiani Lupi opus, De Appellationibus.

²⁷) Ea enim dumtaxat facta, quorum Deus est auctor, quaeve Dei suffragio

comprobantur; per se, citraque examen legitima habentur. Ad horum classem facta pertinent, quae merito ecclesiae catholicae tribuuntur. Illis enim Dei auctoritas patrocinator, quum neque frustra scriptum sit, *ecce ego vobiscum sum omnibus diebus usque ad consummationem saeculi*; neque frustra in symbolo profiteamur, *credo sanctam ecclesiam*.

²⁸) Act. XI. 2—3.

rationemque efflagitent. In eo tota sita est difficultas, ne praescripti limites transiliantur. Nullatenus vero transilientur, si *haec tria* conspirent: ut eorum petatur ratio quae ad omnes communiter spectant: ut petatur eo quo decet modo, integroque quod praesidibus debetur obsequio: proindeque ne *imperiose* petatur.

Jamvero liceret nec ne ²⁹ ἀνδρὶ ἰουδαίῳ κολλᾶσθαι ἢ προσέρχεσθαι ἄλλοφύλῳ, ita ut Legis praeceptiones antiquatae censendae essent; ad omnes, et ad circumcisos inprimis fideles pertinebat. His ergo iure nullo ³⁰ interdicebatur, quominus a Petro rationem gestorum exposcerent. Sed postularunt ἀνθεντικῶς atque ex imperio. Id Lucas neque apertis neque obscuris verbis significat. Si quid ergo peccatum ab iis fuit, eo totum redit, quod vehementius cum Petro disceptarint. Hic autem modi, iustaeque rationis defectus ³¹ neque Petri auctoritatem laedit, neque illis ignosci gravate debet; quum inolita consuetudine, et zelo pro paternis traditionibus, Legisque custodia in transversum agi facillime potuerint.

236. In quam sententiam nobiscum ultro concedent, qui sibi ea minime negligenda putaverint, quibus Lucas exitum contentionis enarrat. Relato enim ³² Petri sermone, quo fratribus e circumcissione respondit, visionemque caelitus immissam, editaque miracula complexus est; his verbis ³³ absolvit: Ἀκούσαντες δὲ ταῦτα, ἡσύχασαν, καὶ ἐδύξαζον τὸν Θεόν, λέγοντες· ἄραγε καὶ τοῖς ἔθνεσιν ὁ Θεὸς τὴν μετάνοιαν ἔδωκεν εἰς ζωὴν. talia quum audissint, acquievere ³⁴, et Deum glorificarunt dicentes: ergo et gentibus poenitentiam largitus est Deus ut vitam consequantur.

E quibus nihil evidentius, quam priscos illos christianos Petro fidem adiunxisse, tantumque penes eos illius auctoritatem valuisse, ut non acquieverint modo, verum etiam et Deo gratias persolverint, quaeque Petrus gesserat, immense probaverint. Scilicet illorum nemini in mentem venit, aut de veritate eorum quae Petrus affirmaverat, ambigere, aut etiam significare, oportuisse ne convertendis gentibus suam ipse operam prius conferret, quam apostolorum sen-

²⁹) Act. X. 28.

³⁰) Praesertim si consideretur, quantumtopere Christus mutuam caritatem inculcarit, ipsamque fastus umbram ecclesiae praesulibus interdixerit. Unde Gregorius lib. IX. epist. XXXIX: „Omnes fratres sumus, unius imperatoris potestate conditi, et sanguine redempti; et ideo fratres nostros, quantumlibet pauperes et abiectos, in nullo despiciere debemus.“ Et lib. III. epist. XLI: „Nos licet in omnibus causis, in iis tamen praecipue quae Dei sunt, ratione magis stringere homines quam pote-

state festinamus. Si contempsisti, ait Job, subire iudicium cum servo meo et ancilla mea, cum disceptarent adversum me.“

³¹) De quo modo scribit in Oratore Tullius: „In omnibus rebus videndum est quatenus: etsi enim suus cuique modus est, tamen magis offendit nimium quam parum.“

³²) Act. XI. 4—17.

³³) Ibid. v. 18.

³⁴) Vulgatus, *tacuerunt*; sed ἡσυχάζω notat etiam *acquiescere*, et *in alterius sententiam ire*.“

tentias, voluntatesque explorasset. Noverant enim neque ea lege summam apostolis factam a Christo potestatem, ut illa numquam nisi collegio sociisque consultis uterentur: neque eum fuisse Petrum, cui principes in administranda ecclesia partes impune detraherentur.

237. Quam illius singularem praestantiam demirantur Patres, et eorum quae retulimus occasione, Chrysostomus et Gregorius summis laudibus extollunt. Chrysostomus primum, cui³⁵ satis non est Petri ἀξίωμα celebrare, universamque³⁶ ἀπολογία benevolentissimae oeconomiae tribuere; sed praeterea ad auditorem conversus³⁷ subdit: „Ὅρα πῶς ἀπολογεῖται, καὶ οὐκ ἀξιοῖ τῷ τοῦ διδασκάλου ἀξιώματι κεχρησθῆναι. ἤδει γὰρ ὅτι ὁσῶν ἐπιεικέστερον φθέγγεται, τοσούτῳ μᾶλλον αὐτοῦς χειροῦται. Vide quomodo sese purget, nolens doctoris auctoritate uti. Sciebat enim quanto modestius loqueretur, tanto magis se illos esse capturum.“ Gregorius vero³⁸ commemoratis Petri ornamentis, quod unus³⁹ claves acceperit, super aquas⁴⁰ ambulaverit, umbra⁴¹ sanaverit, verbo⁴² occiderit, et mortuos⁴³ oratione suscitaverit, pergit: „Et quia ex admonitione Spiritus ad Cornelium gentilem fuerat ingressus, contra eum quaestio a fidelibus facta est: cur ad gentiles intrasset et comedisset cum eis, cur⁴⁴ eos in baptismo suscepisset. Et tamen idem *apostolorum primus* tanta donorum gratia repletus, tanta miraculorum potestate suffultus, querelae fidelium *non ex potestate*, sed ex ratione respondit.... Si enim cum a fidelibus culparetur, *auctoritatem* quam in sancta ecclesia acceperat, attendisset, respondere poterat, ut pastorem suum oves quae ei⁴⁵ commissae fuerant, reprehendere non auderent. Sed si in querela fidelium aliquid de sua potestate diceret, profecto *doctor mansuetudinis* non fuisset. Humili ergo eos ratione placavit, atque in causa reprehensionis suae etiam testes exhibuit. Si ergo *pastor ecclesiae, apostolorum princeps*, signa et miracula *singulariter* faciens, non dedignatus est in causa reprehensionis suae rationem humiliter reddere; quanto magis nos peccatores, cum de re aliqua reprehendimur, reprehensores nostros ratione humili placare debemus?“

Quae dum considero, impetrare a me nullatenus possum quin animadvertam: aliam prorsus de Petri dignitate sententiam Patrum animis insedissee, ac aliam insequentis saeculis protestantium mentes occupasse. Unde enim hi occasionem sibi oblatam arbitrantur, qua illius auctoritatem deprimant, dignitatemque pessumdent; inde Patribus argumenta suppetunt, quibus una cum potiori auctoritate modestiam Petri, demissumque animum depraedicent.

³⁵) In Acta Apostol. hom. XXIV. n. 2.

⁴¹) Act. V. 15.

³⁶) Ibid. n. 1.

⁴²) Ibid. v. 5.

³⁷) Ibid.

⁴³) Ibid. IX. 40.

³⁸) Lib. IX. epist. XXXIX.

⁴⁴) De hoc querelae capite Lucas ni-

³⁹) Matth. XVI. 19.

hil habet.

⁴⁰) Ibid. XIV. 29.

⁴⁵) Joh. XXI. 15. seqq.

CAPUT XXI.

Petrus ecclesiasticae disciplinae vindex supremus: — latum ab eo iudicium: — quod Deus ratum habet, editoque signo confirmat: — iure oecumenici episcopi universas ecclesias invisit: — primus utitur potestate legifera: — et in synodis praerogativa magisterii, suffragiique excellit.

238. Verissime dictum accepimus, eorundem esse initiis rerum consulere, illarumque incrementa, amplificationes, incolumitatemque protegere ac tueri. Quum igitur ecclesiae incunabula, primasque origines tribuenda Petro esse ostenderimus; videri mirum non debet, si suarum ipsemet partium esse duxerit, ut quod inchoaverat opus, foveret, defenderet et ad quamdam veluti maturitatem perduceret. Ecclesiae autem incolumitas ac perfectio inde maxime pendebat, ut compressis vitiis, dissidiisque compositis, illius sanctitas, unitas, membrorumque coniunctio partim *iudiciis*, diligentique *inspectione*, partim *latis legibus* inviolata assererentur. Neque enim tum solum integra est, floretque societas, quum nullis inficitur naevis, nullisque turbis commovetur; sed tum etiam recte valet, spemque sui praeclaram facit, quum neque vitia nimia sunt, et quae irrepunt, severitate iudicii, ac disciplinae aequitate notantur: neque turbae eo usque crescunt, ut vim imperii infringant, et saluberrimum legum vinculum dissolvant. Quare si eum in ecclesia gradum Petrus reipsa obtinuit, quem illi hactenus vindicavimus; fieri vix aut ne vix quidem potuit, quin eo se insignem pronuntiatis iudiciis, inflictis poenis, sublatiis controversiis, rogatisque legibus plus semel demonstraverit.

239. Et re sane vera actuum quos enumeravimus, ne unum quidem assignare licet quem Petrus non exercuerit, eoque pacto exercuerit, quod illum omnibus praepositum significaret. Ut enim exordium ab iis sumam, quae ad *iudiciariam potestatem* referuntur, Petrum audio ¹ ex auctoritate interrogantem, εἰπέ μοι, εἰ τοσούτου τὸ χωρίον ἀπέδοσθαι; mihi dicito, si tanti agrum ² vendidistis? illum audio mendacii convictos severissime ³ obiurgantem: Ἀνανία, διατί ἐπλήρωσεν ὁ σατανᾶς τὴν καρδίαν σου, ψεύσασθαι σε τὸ πνεῦμα τὸ ἅγιον, καὶ νοσφίσασθαι ἀπὸ τῆς τιμῆς τοῦ χωρίου; οὐχὶ μένον, σοὶ ἔμμενε, καὶ πρᾶθ' ἐν τῇ σῇ ἐξουσίᾳ ὑπῆρχε; τί ὅτι ἔθου ἐν τῇ καρδίᾳ σου τὸ πρᾶγμα τοῦτο; οὐκ ἐψεύσω ἀνθρώποις, ἀλλὰ τῷ θεῷ. Anania, cur sivistis ⁴

¹) Act. V. 8; ubi Vulgatus addit, *mulier*.

²) Quanti a vobis fuisse divenditum Ananias v. 2. confirmavit.

³) Act. V. 3—5.

⁴) Verba enim actionem designantia de occasione non raro intelligenda esse, exemplis constat. Unde illud: *Blanda patrum segnes facit indulgentia natos*.

ut satanas impleret cor tuum, illudque sibi subiiceret, ut mentireris ⁵ Spiritui-sancto ac de pretio agri interverteres? nonne dum maneret ⁶ non divenditus, tibi manebat, ac eo divendito, illius pretium in tua erat potestate? qui factum est ⁷ ut hanc fallaciam in animum induceres tuum? non hominibus dumtaxat ⁸ sed Deo inprimis mentitus es. Et ⁹ mox: τί ὅτι συνεφωνήθη ὑμῖν πειράσαι τὸ πνεῦμα κυρίου; qui conspirastis, ut Domini Spiritum ¹⁰ tentaretis? Tandem Petrum audio ita ferre sententiam, ut eam ¹¹ in caelis comprobata ipsi ferme oculis usurpem: ἰδοὺ οἱ πόδες τῶν θαυμάτων τὸν ἄνδρα σου, ἐπὶ τῇ θύρᾳ, καὶ ἐξοίσουσί σε. ἔπεσε δὲ παρὰ χορῆμα παρὰ τοὺς πόδας αὐτοῦ, καὶ ἐξέψυξεν. ecce pedes ¹² eorum qui sepelierunt maritum tuum, prope ostium; ipsimet te quoque efferent. Illa autem extemplo cecidit ad pedes eius, ac exspiravit.

240. Quibus et iudicis munere functum Petrum, et severitate poenae flagitiis aditum praeclusisse, ecclesiaeque disciplinam roborasse; luculentissime demonstratur. Unde ¹³ Chrysostomus: „Καὶ γὰρ ὁ Πέτρος ἦν λοιπὸν φοβερός, κολάζων καὶ τὰ εἰς νοῦν ἐξελέγχων· ὃ καὶ μᾶλλον προσέκειντο διὰ τε τὸ σημεῖον, καὶ τὴν πρώτην δημηγορίαν, καὶ τὴν δευτέραν, καὶ τὴν τρίτην. αὐτὸς γὰρ καὶ τὸ σημεῖον εἰργάσατο τὸ πρῶτον, καὶ τὸ δεύτερον, καὶ τὸ νῦν· ὅπερ ἐμοὶ καὶ διπλοῦν, ἀλλ’ οὐχ ἁπλῶς ἐν τι καὶ μόνον εἶναι δοκεῖ· ἐν μὲν, τὸ κατὰ διάνοιαν ἐλέγχει· δεύτερον δέ, τὸ ἀνελεῖν προστάγματι. Etenim Petrus iam terribilis erat, puniens, et quae sola mente continebantur, redarguens. Cui *magis* haerebant ¹⁴, et propter signum, et propter priorem concionem, ac secundam, tertiamque. Ipse namque et primum signum fecerat, et secundum et praesens, quod videtur mihi non unum sed duplex esse; alterum quidem ea quae in animo latebant, coarguere: alterum vero nutu occidere.“ Hinc dum quaerit, cur nemo Saphirae annunciasset quod marito acciderat, scribit ¹⁵: τοῦτο φόβος διδασκάλου· τοῦτο τιμὴ μαθητῶν· τοῦτο ὑπακοή. hoc magistri

⁵) Syrus legit non sine addita particula *eis*, quam et aliquot graeci codices praeferunt. Ceterum *ψεύδομαι* non minus cum dativo, quam cum simplici accusandi casu constructum reperies.

⁶) Sunt qui phrasim, *μένον ἔμνε*, non aliter accipiant ac alteram, Act. VII. 34. coll. Exod. III. 7, *ἰδὼν εἶδον*, putentque ad vehementiorem significationem adhiberi. Sed consequens et oppositum τὸ *πραθὲν* demonstrat antecedens τὸ *μένον* ad *subiectum propositionis* referri oportere.

⁷) Manifesta est ellipsis verbi *γέγονεν* post *τί*, quae expletur Joh. XIV. 22.

⁸) Negans particula *οὐκ* saepe adhibetur *ἐλλειπτικῶς* pro *non solum*, ut Matth.

X. 20, XVIII. 22, Marc. XIII. 11, Ephes. VI. 12.

⁹) Act. V. 9.

¹⁰) Syrus *affirmando* reddidit, omissa vocula, *τί*.

¹¹) Act. V. 9.

¹²) Monuit Ernestius in Prolus. de vestigiis linguae hebraicae in lingua graeca, hebraeis in more esse positum, ut hominem designent per eam corporis partem, quae cum re eidem tributa coniungitur.

¹³) In Acta Apost. hom. XII. n. 1.

¹⁴) Quae comparativa loquendi ratio accommodatissima videri debet ad Petri *ὑπεροχὴν* demonstrandam.

¹⁵) In Acta Apost. hom. XII. n. 2.

timor effecit: hoc honor discipulorum: hoc obedientia. Ubi perspicua est *τιμός* της, qua Petrus simpliciter *διδάσκαλος* nuncupatur, idest, primus, supremusque magister ac doctor.

241. Sed quidnam Petrus egit, quod reliqui apostoli agere pari iure non potuerint? ac si mihi animus umquam fuisset inficari ad omnes pariter apostolos pertinere verba ¹⁶ Salvatoris: quodcumque solveritis super terram, erit solutum et in caelis; et quodcumque ligaveritis super terram, erit ligatum et in caelis. Erant et ipsi iudices, et iudiciaria auctoritate potiebantur. Attamen non ipsi, sed Petrus ¹⁷ Ananiae et Saphirae caussam examini subiecit, sententiam tulit, poenamque sontibus irrogavit. An ideo quod ipse unus adesset, abessent ceteri? immo adfuisse omnes testatissimum est e verbis ¹⁸ Lucae scribentis: *καὶ ἐνέγκας (Ἀνανίας) μέρος τι, παρὰ τοὺς πόδας τῶν ἀποστόλων ἔθηκεν* et afferens Ananias partem aliquam, ad apostolorum pedes illam posuit. Cernis, *παρὰ τοὺς πόδας τῶν ἀποστόλων*, ad pedes non unius Petri, sed omnium universim apostolorum? unde ergo factum arbitrabimur, solum Petrum de caussa pronunciasse, quae ad commune apostolorum tribunal delata fuerat? inde e rei natura, bibliorumque analogia, quod Petrus praeire in omnibus deberet, quod ex eo iudiciorum ecclesiasticorum exemplar petendum esset, quod ipsi, utpote capiti, supremoque rectori cura tuendae ecclesiasticae disciplinae inprimis competeret. Hoc autem feliciter Baronius ¹⁹ expressit, inquit: „Videas ex his Petrum, sicut in ceteris, ita etiam iudiciaria potestate praeferre primatum: primus quippe omnium ac solus inter ceteros de perpetrato peccato reos interrogat; quos convictos, mox a Deo dira poena immissa consequitur.“

242. Cuius prae ceteris primatus signum non minus luculentum ex iis desumitur, quae de Petro extractas ubivis ecclesias invisente, illisque iure oecumenici pastoris consulente, Lucas scribit. Ait ²⁰ namque: *Αἱ μὲν οὖν ἐκκλησίαι καθ' ὅλης τῆς Ἰουδαίας καὶ Γαλιλαίας καὶ Σαμαρείας εἶχον εἰρήνην, οἰκοδομοῦμεναι καὶ πορευόμεναι τῷ φόβῳ τοῦ κυρίου, καὶ τῇ παρακλήσει τοῦ ἁγίου πνεύματος ἐπληθύνοντο. Ἐγένετο δὲ Πέτρον διερχόμενον διὰ πάντων, κατελθεῖν καὶ πρὸς τοὺς ἁγίους τοὺς κατοικοῦντας Ἀνδδαν*. Ecclesiae quidem per universam Iudaeam et Galilaeam et Samariam pace fruebantur, et ²¹ auctae proficientesque in timore Domini et consolatione sancti Spiritus amplificabantur. Quum factum est, ut Petrus per eas omnes transiens veniret ad sanctos qui Lyddae morabantur.

Haec autem cum iis primum componenda existimo quae Tito Paulus ²² mandat: *Τούτου χάριν κατέλιπόν σε ἐν Κρήτῃ, ἵνα τὰ λείποντα ἐπιδιορ-*

¹⁶) Matth. XVIII. 18.

¹⁷) Act. V. 3—8—9: *Εἶπε δὲ Πέτρος*.

¹⁸) Ibid. v. 2.

¹⁹) Ad annum XXXIV. n. CCLXIV.

²⁰) Act. IX. 31—33.

²¹) Si qui cum Vulgato malint verba,

καὶ τῇ παρακλήσει τοῦ ἁγίου πνεύματος, non ad antecedentia participia, *οἰκοδομοῦμεναι καὶ πορευόμεναι*, sed ad subsequens verbum, *ἐπληθύνοντο* referre, non admodum repugnabimus.

²²) Ad Tit. I. 5.

θώσῃ, καὶ καταστήσῃς κατὰ πόλιν ²³ πρεσβυτέρους, ὡς ἐγὼ σοὶ διαταξάμην. Idcirco te Cretae reliqui ut quae supersunt in ordinem redigas, et oppidatim presbyteros constituas, quemadmodum ego tibi mandavi.

Cum iis deinde quae de Paulo ac Barnaba Lucas ²⁴ scribit: Μετὰ δέ τινος ἡμέρας εἶπε Παῦλος πρὸς Βαρνάβαν· ἐπιστρέψαντες δὴ ἐπισκευώμεθα τοὺς ἀδελφοὺς ἡμῶν κατὰ πᾶσαν πόλιν, ἐν αἷς κατηγγείλαμεν τὸν λόγον τοῦ κυρίου, πῶς ἔχουσι. Post aliquot vero dies dixit Paulus Barnabae: revertentes visitemus fratres nostros per omnes civitates ²⁵ in quibus annuntiavimus verbum Domini, cognituri quomodo se habeant.

Cum iis postremo quae ex alexandrino Clemente Eusebius ²⁶ refert, in more fuisse Johanni, ut Asiae ecclesias quas ipse extruxerat, vel unus maxime excoluerat, pro potestate visitaret.

243. Hac enim comparatione intelligimus, quae de Petro narrantur, ad pascendi auctoritatem referri: ipsumque nihil ex iis fecisse reliquum, quae ad oecumenici pastoris officium, iuraque pertinent. Enimvero non ipse unus Jerosolymis erat, neque ipse unus ecclesias omnes Judaeae, Galilaeae et Samariae aedificaverat; nihilominus ipse unus e Jerosolymis profectus non unam alteramve invisit ecclesiam, neque iis dumtaxat consuluit quas ipse erexisset, sed omnibus et singulis sua cura adfuit, operamque impendit.

Cuius oeconomiae si causam quaeras non conflictam, neque ad arbitrium excogitatum, sed obviam, cum re ipsa cohaerentem et Scripturarum consensione probatam, non aliam comperies quam quae e propria eximiaque Petri dignitate depromitur. Omnes sane apostoli erant pastores, sed unus Petrus ²⁷ universum ovile regendum administrandumque susceperat: omnes erant pastores, sed Christus princeps pastorum unum delegerat Petrum, cui suas vices committeret.

244. Unde animadversione dignum est, aliter de Petro, ac aliter de Paulo et Barnaba ecclesias invisentibus Lucam scribere. Testimonia e regione collocabo, ut quod intelligo, oculorum fide teneatur.

Act. IX. 32: Ἐγένετο δὲ Πέτρον διερχόμενον διὰ πάντων, κατελθεῖν καὶ πρὸς τοὺς ἀγίους τοὺς κατοικοῦντας Λύδαν.

Id itaque intererat Petrum inter, Paulum et Barnabam, quod interest inter διὰ πάντων, et κατὰ πᾶσαν πόλιν, ἐν αἷς κατηγγείλαμεν κ. τ. λ. Haec autem

Act. XV. 36: Ἐπιστρέψαντες δὴ ἐπισκευώμεθα τοὺς ἀδελφοὺς ἡμῶν κατὰ πᾶσαν πόλιν, ἐν αἷς κατηγγείλαμεν τὸν λόγον τοῦ κυρίου, πῶς ἔχουσι.

²³) His consonant quae de apostolis habet Clemens in priore ad Corinthios, §. XLII: Κατὰ χώρας οὖν καὶ πόλεις κηρύσσοντες, καθίστανον τὰς ἀπαρχὰς αὐτῶν, δοκιμάσαντες τῷ πνεύματι, εἰς ἐπισκόπους καὶ διακόνους τῶν μελλόντων πιστεύειν.

²⁴) Act. XV. 36.

²⁵) Proprie, per unamquamque civitatem, in quibus: qua constructione collectiva acceptio declaratur.

²⁶) H. E. lib. III. cap. XXIII. ex libro Clementis inscripto: Τίς ὁ σωζόμενος πλούσιος.

²⁷) Joh. XXI. 15. seqq.

duo non minus ab invicem distant, quam a particulari et definito universale infinitumque distat. Quid porro? istud nimirum, Paulum et Barnabam ita fuisse pastores, ut oecumenicus omnium episcopus et pastor unus Petrus extiterit. Quod nobilissima imagine Chrysostomus ²⁸ depinxit, inquires: *Καθάπερ τις στρατηγὸς περιήκει τὰς τάξεις τὰς ἐπισκοπῶν, ποῖον ἔη συγκεκροτημένον μέρος, ποῖον ἐν κόσμῳ, ποῖον τῆς αὐτοῦ δέοιτο παρουσίας.* Quasi dux circuibat, ordines considerans; quae pars esset coadunata, quae ornata, quae sua praesentia egeret.

245. Atque hanc supremi ducis auctoritatem tum etiam apostolos, senioresque Petro detulisse constat, quum gravissimum dissidium ecclesiasticae unitati infensum exarsit, summaque animorum contentione vocatum in quaestionem fuit, an qui e gentilibus ad fidem accederent, mosaicarum legum custodiae essent subiiciendi.

Etenim e circumcisis fidelibus non pauci, iique potissimum ²⁹ qui phariseorum haeresi ³⁰ studuerant, et tenebant ipsi, et alios edocebant ³¹: *ὅτι ἐὰν μὴ περιτέμνησθε τῷ ἔθει Μωϋσέως, οὐ δύνασθε σωθῆναι*: quod nisi mosaico ritu ³² circumcidamini ³³, salutem consequi ³⁴ non potestis.

Repugnabant ³⁵ Paulus et Barnabas, et res ad *στάσιν* usque devenerat. Cui ut obviam iretur, expedire ³⁶ visum est, ut aliquot ex utriusque sententiae patronis, et Paulus potissimum ac Barnabas ad apostolos et hierosolymitanos presbyteros mitterentur. Qui ut primum Hierosolymam venere, quamquam ³⁷ ab ecclesia, apostolis, presbyterisque benevole reciperentur, continuo tamen intellexerunt, ex iis plures qui *ἀπὸ τῆς αἰρέσεως τῶν φαρισαίων* crediderant, hanc ³⁸ profiteri doctrinam: *ὅτι δεῖ περιτέμνειν αὐτούς, παραγγέλλειν τε τηρεῖν τὸν νόμον Μωϋσέως*: quod oportet gentes Christum amplexas circumcidere, tum illis praecipere ut Moisis legem custodiant.

²⁸) In Acta Apost. hom. XXI. n. 2.

²⁹) Act. XV. 1—5.

³⁰) De hac iudaeorum secta, deque placitis quibus distinguebatur, plura habet Josephus, Archaeolog. lib. XIII. capp. V—VI—IX—X, lib. XVII. cap. II, lib. XVIII. cap. I; de Bello Jud. lib. II. cap. VIII: plura in evangeliiis occurrunt, Matth. IV. 18, X. 6; Luc. X. 33,.... quorum pleraque Johannes Jahn, Archaeolog. §§. 318. seqq. diligenter collegit.

³¹) Act. XV. 1.

³²) Generale nomen *ἔθος* de ritibus, deque legibus caeremonialibus, quibus iu-

dae ab aliis populis discernebantur, κατ' ἐξοχήν usurpatur.

³³) Et per circumcisionem vos universae legi obnoxios profiteamini.

³⁴) A qua rigidissima sententia ii abhorrebant, qui non solum proselytis *בְּרִית* iustitiae et circumcisis, verum etiam proselytis *גֵּרִים* portae et incircumcisis spem salutis faciebant. Cf. Seldenum de Jure nat. et gent. lib. II.

³⁵) Act. XV. 2.

³⁶) Ibid. v. 3.

³⁷) Ibid. v. 4.

³⁸) Ibid. v. 5.

246. Itaque ³⁹ ad synodum τῶν ἀποστόλων καὶ τῶν πρεσβυτέρων relata caussa, quum in eam ⁴⁰ sollicitè inquireretur, ἀναστὰς Πέτρος εἶπε πρὸς αὐτούς, surgens Petrus, his eos verbis alloquutus est. Sed quid est, quod primus surgit Petrus, caussamque praefinit? quod primus esset apostolorum, quod propria illius esset praerogativa suffragii, quod supremus esset magister, ac princeps adeo controversiarum arbiter, unitatisque assertor.

Sic autem exorsus est: Ἄνδρες ἀδελφοί, ὑμεῖς ἐπίστασθε, ὅτι ἀφ' ἡμερῶν ἀρχαίων ὁ θεὸς ἐν ἡμῖν ⁴¹ ἐξελέξατο διὰ τοῦ στόματός μου ἀκοῦσαι τὰ ἔθνη τὸν λόγον τοῦ εὐαγγελίου, καὶ πιστεῦσαι. Viri fratres, vos scitis, Deum ⁴² iampridem me ⁴³ selegisse, ut per os meum, meamque praedicationem audirent gentes verbum evangelii, auditoque fidem adhiberent.

Verum unde Petro ea conveniebat ὑπεροχή, quae effertur verbis, διὰ τοῦ στόματός μου, per os meum? unde tanta illi inerat auctoritas, qua omnium sibi fidem conciliaret? horum caussa obscura esse non potest, quum illam omnibus fuisse exploratissimam Petrus significet, inquires: ὑμεῖς ἐπίστασθε, ὅτι ἀφ' ἡμερῶν ἀρχαίων ὁ θεὸς ἐν ἡμῖν ἐξελέξατο: vos scitis quod me iampridem Deus selegerit, seligendoque praetulerit. Electioni igitur Dei, cuius tot in Scripturis occurrunt indicia, immo etiam disertissima testimonia, quamque apostoli et presbyteri compertam plenissime habebant, tribui debet, quod Petrus praerogativa suffragii, ac iure supremi controversiarum arbitri potiretur.

247. Hoc autem instructus iure, sententiam ⁴⁴ promit, argumentisque confirmat, et ratam esse iubet fidem, qua διὰ τῆς χάριτος Ἰησοῦ Χριστοῦ πιστεύομεν σωθῆναι, καθ' ὃν τρόπον κἀκεῖνοι, credimus salutem consequi per gratiam ⁴⁵ Jesu Christi, quemadmodum ⁴⁶ et illi. Qua vero auctoritate

³⁹) Act. XV. 6.

⁴⁰) Ibid. v. 7.

⁴¹) Chrysostomus legit ἐν ὑμῖν, unde hom. XXXII. sic habet: Τί ἐστίν, ἐν ὑμῖν; ἦτοι ἐν Παλαιστίνῃ, φησὶν, ἣ παρόντων ὑμῶν.

⁴²) Hesychius, ἀρχαῖον· παλαιόν, πρωτόν. Unde quidquid superioribus temporibus contigerit, sive remotiora ea fuerint, sive propiora, τὸ ἀρχαῖον non male dicitur.

⁴³) Daniel Heinsius in Exercitt. sacris ad h. l. scribit: „Mirum, cur tantopere in postremis sese verbis torqueant interpretes. Quid enim magis usitatum, quam ut hebraeorum exprimatur constructio? ut sit, ἐξελέξατο ἐν ἡμῖν, ἐξελέξατο ἡμᾶς. Et quis nescit illud, ὅτι ἐξελέξατο κύριος ἐν Σιών, בְּצִיּוֹן בְּרַחֲמֵי? quale est, ἐξελέξατο ἐν

σοί בְּרַחֲמֵי. Ita heic ἐξελέξατο ἐν ἡμῖν, ἐξελέξατο ἐν ἐμοί: quae enallage in primis usitata.“

⁴⁴) Act. XV. 8—12.

⁴⁵) Haec expendens Chrysostomus hom. XXXII. n. 1. exclamat: „Πόσης δυνάμεως γέμει ταῦτα τὰ ῥήματα; ἅπερ ὁ Παῦλος διὰ πολλῶν, ἐν τῇ πρὸς Ῥωμαίους εἶπε, ταῦτα καὶ οὗτος. Quanta virtute plena sunt haec verba? quae Paulus multis in epistola ad Romanos dixit, eadem et hic dicit.“ Et mox de capitibus doctrinae Pauli rursum loquens, addit, πάντων τούτων τὰ σπέρματα ἐν τῇ Πέτρου δημηγορίᾳ κεῖται. horum omnium semina in Petri concione habentur. Quibus nihil ad efferendum Petri magisterium opportunius.

⁴⁶) Quum duo, idest, discipuli et pa-

sententiam tulerit, triplici potissimum ex capite desumi potest. Ac e dignitate primum quae illi erat una cum apostolis reliquis communis, quamque summam fuisse et decretoriam patres concilii oecumenici quinti declaraverunt ⁴⁷. E verbis ⁴⁸ deinde, *νῦν οὖν τί πειράζετε τὸν θεόν*; nunc ergo quid Deum tentatis? quae ad synodum direxit, quaeque cum hisce prorsus respondeant, quibus Ananiae et Saphirae ⁴⁹ flagitium reprehendit: *τί ὅτι συνεφωνήθη ὑμῶν πειράσαι τὸ πνεῦμα κυρίου*; ab eo adhiberi dumtaxat poterant, qui omnibus iure, celsiorique auctoritate praeesset. Tandem e consequuta concionis adprobatione, quam Lucas significat ⁵⁰ inquit: *ἐσίγησε δὲ τὸ πλῆθος ἅπαν*, tacuit autem universa multitudo, annuendoque acquievit. In hac igitur capitali omnino quaestione ⁵¹, atque in concilio omnium celeberrimo orientis ecclesiae eam Petrus personam gessit, quae principem coetus, supremumque controversiarum arbitrum unice decebat; adeo ut si de illius gradu locoque ex hac una narratione ferri iudicium oporteret, statuendum necessario foret, culmen illi fastigiumque potestatis prae ceteris omnibus convenisse.

248. Ita plane, nisi Paulus et Barnabas ⁵² suam ipsi quoque sententiam dixissent: nisi Jacobus ⁵³ multo adiecisset plura quam Petrus praemonuerat: et nisi supremum iudicium non *communi suffragio* ⁵⁴, sed *unius Petri nutu* editum fuisset atque conclusum.

At ego vero candide fateor nescire me quo ista pertineant, licet probe noverim et plurimi a protestantibus ⁵⁵ fieri, et in suis commentariis passim inculcari. Etenim idem ne valent *caput* esse, et esse *totum*? *praesidere* ceteris, atque his *ius* esse *nullum*, *nullamque deliberandi*, *decernendique potestatem*? distingui haec ab invicem, et infinito propemodum intervallo distare, quum rerum ipsarum naturis, tum exemplis, historiisque docemur. Ecquid enim capitis, praesidisque ratio proprie complectitur? istud ne ut omnia sibi arroget, omnia

tres, antecedant, ad quos demonstrativum *καταίνοι* referri potest; nobis certum est ad *patres* referri.

⁴⁷) Collat. VIII. pag. 188. edit. Harduini: „Licet sancti Spiritus gratia et circa singulos apostolos abundaret, ut non indigerent alieno consilio ad ea quae agenda erant; non tamen aliter voluerunt de eo quod movebatur, si oporteret gentes circumcidi, definire, priusquam communiter congregati divinarum scripturarum testimoniis unusquisque sua dicta confirmaret.“

⁴⁸) Act. XV. 10.

⁴⁹) Ibid. V.9.

⁵⁰) Ibid. XV. 12.

⁵¹) Quod in epistola ad Galatas Paulus plenissime ostendit.

⁵²) Act. XV. 12.

⁵³) Ibid. vv. 14—22.

⁵⁴) Ibid. vv. 22—30. Hoc autem commune suffragium indicant verba v. 25: *Ἐδοξε ἡμῖν γενομένοις ὁμοθυμαδόν*: et v. 28: *Ἐδοξε γὰρ τῷ ἁγίῳ πνεύματι καὶ ἡμῖν*.

⁵⁵) E quibus Franciscus Turretinus, Loco XVIII. q. XVII. §. VII, tertium contra Petri primatum argumentum e concilio hierosolymitano desumit.

vindicet, tyrannidem ⁵⁶ exerceat, nihilque ceteris membris reliquum faciat? ἀτοπα ista sunt et incredibiliter absurda. Eo igitur ratio praesidis et capitis revera spectat, ut qui eiusmodi dotibus praefulget, is antecedit, viam praemonstret, et quid facto aut creditu opus sit, primus edicat, potiorique iure determinet.

249. Quid horum iamvero non praestitit Petrus? quid omisit? facem prae-tulit, primus de quaestione deliberavit, eamque tulit sententiam, quam apostoli, ceterique pastores improbare quidem non possent, possent vero ac etiam deberent expendere et confirmare.

Hoc enim distant oves a pastoribus, discipuli a magistris, quibus Christus ecclesiam suam administrandam credidit: quod illis obsequii, obedientiaeque officium *unice* incumbit, his officium *praeterea* inquisitionis ac examinis. Quum enim sint doctores ⁵⁷, et cathedrae ⁵⁸ praerogativa insignes; quemadmodum ius habent cognoscendae causae in controversiam adductae, ita officio obstringuntur expendendi maiori qua possunt cura, quid sit ad divinas litteras expressum, quid doctrina Salvatoris postulet, quid fidei concentus, partiumque omnium conspiratio exigant.

Quare non eadem est σχέσις, qua oves et discipuli, et qua pastores, doctoresque ad summum omnium praepositum, et principis cathedrae moderatorem referuntur. Oves namque ac discipuli nonnisi habitu obedientiae, docilisque assensionis ad eum referuntur; at vero pastores, doctoresque *proprio* ad eum referuntur *iudicum habitu*: iudicum, inquam, qui licet eiusdem imperio ac regimini obnoxii, veri tamen sunt iudices, vere arbitrantur, ac pro insita sibi auctoritate decernunt. Neque enim existimandum est, vel iudicem esse non posse qui sit ὑπόνομος, vel iudicem omnem esse a superioris lege solutum atque αὐτόνομον. Ratio haec est non iudicis καθόλου, sed εἰδικῶς summi supremique legislatoris. Quae igitur nobis opponebantur, eiusmodi fuisse apparet, quae non detraherent Petro vim primatus, rationemque capitis; sed Paulo, Barnabae, Jacobo, apostolisque reliquis auctoritatem, officiumque iudicis assererent.

250. Nisi illud fortasse gravius videri debeat, quod non *solus Petrus*, sed *omnes communiter* sententiam tulerint, legesque ab ecclesia servandas sanciverint. Unde et bis ⁵⁹ repetitur, ἔδοξεν ἡμῖν: et Paulo ac Timotheo ⁶⁰ adscribitur quod observanda promulgarint τὰ δόγματα τὰ κεκριμένα ὑπὸ τῶν ἀποστόλων καὶ τῶν πρεσβυτέρων τῶν ἐν Ἱερουσαλὴμ.

Omnes enim, etiam me non monente, intelligunt, aliud prorsus esse quid-

⁵⁶) Quam sint haec ab omni specie veritatis aliena, quamque ecclesiae institutis contraria, pluribus explanat Chrysostomus hom. XXXIII.

⁵⁷) Eph. IV. 11.

⁵⁸) Unde *cathedrae* nomen in ecclesiasticis monumentis frequentissimum, quo

et divina τῶν διδασκάλων institutio, et facta divinitus docendi auctoritas significatur. Cf. Melch. Canum, Loc. Theolog. lib. VI. cap. III, et Cardinalem Orsi, De auctoritate Rom. Pontif. lib. I. cap. VI. art. II.

⁵⁹) Act. XV. 25 — 28.

⁶⁰) Act. XVI. 4.

quam *κοινῶς* statui, ac idipsum aequo iure ab omnibus definiri. Decretum enim, quod pluribus *commune* fuerit, non iurium aequalitatem, sed singulis competentem decernendi auctoritatem demonstrat. Hinc communia decreta non ex aequalibus solum, verum etiam ex inaequalibus coetibus proficiscuntur. Quod ergo et quaestio communi iudicio diremta, legesque communi suffragio fuerint constitutae, ostendit quidem deliberandi, decernendique potestatem iis omnibus fuisse communem, qui in synodum convenere; nullatenus vero ostendit aut ostendere potest, vel eodem iure ⁶¹ omnes et singulos iudicasse, vel legum latores nulla fuisse iuris inaequalitate secretos.

Haec aliunde colligi ⁶², ac e facti totius serie deduci nominatim debent. Qua deductione instituta, perspicuum erit, commune decretum ad Petrum inprimis referendum esse, latasque communiter leges ad eum, tamquam caput, potissimum pertinere.

251. Quod antiqui ecclesiae doctores et viderunt ipsi, et memoriae posteritatis commendarunt. E quibus altero saeculo Tertullianus ⁶³ de singularibus Petri dotibus verba faciens, inquit: „In ipso ecclesia exstructa est, idest, per ipsum, ipse clavem ⁶⁴ imbuat; vide quam: Viri Israelitae, auribus mandate quae dico, Jesum Nazarenum virum a Deo vobis destinatum, et reliqua. Ipse denique primus in Christi baptismo reservavit aditum caelestis regni, quo solvuntur alligata retro delicta, et alligantur quae non fuerint soluta, secundum veram salutem; et Ananiam vinxit vinculo mortis, et debilem pedibus absolvit vitio valetudinis. Sed et in illa disceptatione custodiendae nec ne Legis, *primus omnium Petrus Spiritu instinctus*, et de nationum vocatione praefatus: Et nunc, inquit, cur tentastis Dominum de imponendo iugo fratribus, quod neque nos neque patres nostri sufferre valuerunt? sed enim per gratiam Jesu credimus nos salutem consecuturos sicut et illi. *Haec sententia et solvit quae omissa sunt Legis, et alligavit quae reservata sunt.*“

Eadem perspicuitate saeculo quarto Hieronymus ⁶⁵, qui Petrum scribit *solita libertate usum, atque in eius sententiam Jacobum visse apostolum, et omnes simul presbyteros transivisse, et principem huius fuisse decreti*. Quare saeculo quinto Theodoritus ⁶⁶ litteras ad Leonem cognomento magnum his omnino verbis exorsus est: „Εἰ Παῦλος, τῆς ἀληθείας ὁ κήρυξ, ἡ τοῦ ἁγίου πνεύματος σάλπιγξ, πρὸς τὸν μέγαν ἔδραμε Πέτρον, ὥστε τοῖς ἐν Ἀντιοχείᾳ περὶ τῆς κατὰ νόμον πολιτείας ἀμφισβητοῦσι παρ' αὐτοῦ κομιῶσαι τὴν λύσιν, πολλῶ μᾶλλον ἡμεῖς οἱ εὐτελεῖς καὶ σμικροί, πρὸς τὸν ἀποστολικὸν ὕμῶν τρέ-

⁶¹) Nisi et illud contendas, eodem iure apostolos et presbyteros fuisse instructos.

⁶²) Neque enim licet in uno testimonio sic animum defigere, ut alia negligantur.

⁶³) De Pudicit. cap. XXI.

⁶⁴) Idest, adnotante Rigaltio, primus serae clavem inseruit: clave a Deo concessa uti coepit. Sic libro de Jeuniis: *ubi iam restitutio hominis imbuti potuit.*

⁶⁵) Epist. LXXV. al. XI. inter Augustinianas.

⁶⁶) Epist. XCIII. edit. Schulze.

χομεν θρόνον, ὥστε παρ' ὑμῶν λαβεῖν τοῖς τῶν ἐκκλησιῶν ἑλκεσι θεραπείαν. Si Paulus, praeco veritatis, tuba Spiritus - sancti, ad magnum Petrum se contulit, ut iis qui Antiochiae de legali conversatione ambigebant, explicationem ab illo referret; multo magis nos humiles et pusilli ad apostolicam sedem vestram accurrimus, ut ecclesiarum ulceribus remedium a vobis accipiamus.“

Sed quo pertinet appositum *magni* tributum Petro? quid sibi vult, Paulum ad magnum Petrum se contulisse, ut ab eo solutionem gravissimae contentionis obtineret? nonne ad omnes apostolos se Paulus contulit? indubitanter: ad Petrum tamen se nominatim contulisse dicitur, quod Petrus inter illos caput esset, sua magnitudine excelleret, et prae ceteris ligandi, solvendique auctoritate potiretur.

CAPUT XXII.

Singularis ecclesiae apostolicae in Petrum cura: — eiusque capitis auctoritas inde deducta: — de norma qua statui debet, an Petrus munia primatus obierit, iuraque exercuerit: — praepostera Chamierii opinio: — sincera norma exhibetur, Petrique gestis cum ea collatis, efficitur, exercitium primatus negari non posse: — colligitur inde institutio, eaque cum executione comparatur: — quam sibi apte respondeant: — suffragioque apostolicae ecclesiae comprobentur: — similitudo inter Christum supremum ecclesiae caput, et Petrum vicaria potestate eidem praepositum.

252. Sapientissima naturae lege provisum est, ut numquam corpus, numquam corporis membra industriam acuant vehementius, viresque suas acrius intendunt, quam dum caput periclitatur, graviorque illi perniciēs impendat. Eodem enim insito pondere, quo natura conservatrix sui est, caput etiam tuetur ac protegit, et quae illi damna imminēt, omni qua potest ope, repellit. Et merito, quum aliter neque consistere ipsa possit, neque suam incolumitatem retinere.

Hac autem naturae lege si normae instar utamur, qua gradum, Petrique in ecclesia apostolica dignitatem aestimemus; impeditum nobis haud erit intelligere, eo loco in ecclesia Petrum fuisse, qui patrisfamilias in domo, ducis in exercitu, et in corpore capitis proprius habetur.

253. Enimvero interfecto Jacobo ¹ Johannis fratre, ut plenius Herodes iudaeis obsequeretur, eorumque odium in christianum nomen exsatiaret, decrevit ² συλλαβεῖν καὶ Πέτρον apprehendere et Petrum, apprehensumque morti addicere.

¹) Act. XII. 2.

²) Ibid. vv. 3—4.

Sed quum primum innotuit ³ Petrum comprehensum, carceribusque detentum; *προσευχῇ δὲ ἣν ἐκτενὲς γινομένη ὑπὸ τῆς ἐκκλησίας πρὸς τὸν θεὸν περὶ αὐτοῦ*, nullum ecclesiae modum ⁴ posuit precibus, quibus Deum pro illius incolunitate ac libertate exoraret. Sunt haec apostolicis actis consignata, neque fas de his est dubitare.

Fas vero est, ac omnino decet rimari penitus, unde tanta ecclesiae sollicitudo, quidve Lucam moverit, ut de precibus pro Petro fuis, editoque miraculo ⁵ quo ille in libertatem assereretur, enucleatam adeo narrationem conscriberet.

254. Sane nonne Jacobus inter apostolos nobilissimus comprehensus ante fuerat, constrictus vinculis, gladioque percussus? omnino: neque tantas propterea fuisse ecclesiae curas legimus; neque Lucas de oblati pro eo precibus vel levissime monuit. Nonne ipse quoque Paulus ⁶ in eadem hierosolymitana urbe et raptus in vincula fuit, et in apertissimum venit vitae discrimen? certissime, quin tamen orationes pro eo ab ecclesia factae memorentur.

Inde nimirum repeti discrimen debet, quod summa quidem esset Jacobi, Paulique auctoritas, summa existimatio; sed quae tamen ab ea longe distaret, qua Petrus in ecclesia potiebatur. Inerat illis auctoritas summa, summoque in pretio iidem habebantur: erant tamen *membra*, quum contra Petrus iure et dignitate *capitis* praecelleret. Unde ⁷ Chrysostomus: *Φιλοστοργίας δείγμα ἡ προσευχή. πατέρα πάντες ἐζήτουν, πατέρα ἡμερον*. Amoris indicium erat oratio. *Patrem* omnes quaerebant, patrem mansuetum.

255. Profecto quae ex Actorum libro per partes hactenus retulimus, relataque expendimus, talia mihi esse videntur quae duo pariter demonstrent: ac Petrum inprimis capitis, patrisque munere functum esse: tum vero iura, partesque capitis sic illi ecclesiam detulisse, ut compertam sibi exploratamque primatus institutionem a Christo profectam luculentissime significaverit.

Ecquid enim agere, quidve maxime aggredi Petrus debuisset, si illum reliquis praeposuisset Christus, omniumque caput designasset primum, deinde vero instituisset? omnia ne sibi adsciscere et non sine supercilio vindicare, *κυριεύειν* ⁸ *ἀδελφῶν καὶ ἐξουσιάζειν αὐτῶν*, dominari in fratres, atque suam in illos ostentare potentiam? vocari *ἐνεργέτην*, magnosque sibi sumere titulos? ceteros a ministerio arcere, illorum operam aspernari, neque ferre, ut quam acceperant potestatem unanimes exercerent? non inania solum ista sunt, ac falsa, sed manifestissime absurda, et e quibus nemo non plane nescius evangelii, illiusque spiritus, qui christianismi proprius est, de primatus exercitio iudicandum esse arbitretur.

³) Act. XII. 5.

⁴) Haec enim est vis adiectivi *ἐκτενής*. Unde Gloss. Vet. *ἐκτενής, prolixius*; et Suidas, *ἐκτενῶς· ὀλοφύχως καὶ προθύμως*.

⁵) Act. XII. 6—11. Cuius occasione miraculi Arator cecinit:

Ferrea quid mirum si cedunt ostia Petro?

Quem Deus aetherae custodem deputat aulae,
Ecclesiaeque suae faciens retinere cacumen,
Infernum superare iubet?

⁶) Act. XXI—XXIII.

⁷) In Acta Apostol. hom. XXVI. n. 2.

⁸) Luc. XXII. 25.

Jam enim Christus⁹ sententiam tulerat, ὁ μείζων ἐν ὑμῖν, γενέσθω ὡς ὁ νεώτερος, καὶ ὁ ἡγούμενος, ὡς ὁ διακονῶν: qui vos inter maior erit, semetipse gerat tamquam minor; et qui antecellet ac praeerit, non aliter se exhibeat ac si subesset et ministraret. Licet enim ego¹⁰ vester fuerim διδάσκαλος καὶ κύριος magister et dominus, nihilominus ἐν μέσῳ ὑμῶν inter vos degi ὡς ὁ διακονῶν ut qui ministrat ac servit.

256. Quae si secum reputasset Chamierius¹¹, column¹² illud calvinianorum, numquam in eam mentem venisset, ut necessaria ad ostendendum ex Actis primatus exercitium postularet: „Quod fuerit ab apostolis ad Petrum appellatum, quod mandata miserit ad reliquos apostolos, quod solus sua auctoritate controversias fidei definiverit, quod concilia indixerit, quod habuerit casus reservatos.“

Nescio autem cur non item adiecerit: Quod legatos a latere miserit, quod indulgentias plenarias unus ipse erogaverit, quod canonicam episcoporum institutionem sibi tribuerit, quod limites dioecesium posuerit, quod reliqua effecerit quae iuris canonici interpretes de romanis praesulibus disserentes uberrime exponunt.

257. Sed iocis sepositis, non facile dixerim, quid in his notari potissimum, quid acerbius coargui mereatur. An illud, quod *universalis* de primatu *quaestio* cum *particulari* perturbetur: cuiusmodi nimirum ille sit, quam late pateat, quosque singulatim actus complectatur. An alterum, quod ea *nominatim* praefiniantur, e quibus exercitium primatus colligi debeat; adeo ut si haec facta defuerint, reliqua quaecumque omnia imparia existimentur. An tertium, quod inter primatus functiones eae censeantur, quae sunt ab eiusdem genio alienissimae. Eiusmodi profecto est controversiarum fidei decisio, quae, ceteris exclusis, quibus *subordinatum* ius est, *illi uni* asseratur, qui omnium *προστάτης* extiterit. Neque enim idem valet, *primatu fidei ac magisterii* insignem esse, ac eundem *unicum* esse magistrum atque doctorem. An quartum, quod propria ratio aetatis apostolicae funditus negligatur. Hanc enim nisi Chamierius neglexisset, numquam postulasset, vel ut appellationes ab apostolis ad Petrum interpositae, vel ut reservati casus ex Actorum historia ostenderentur. Infallibilis enim universalisque ligandi, solvendique potestas, qua divinitus aucti erant apostoli, neque appellationibus, neque casuum reservationibus locum ullum permittebat. An postremo quod insuper habeatur summi momenti discrimen inter

⁹) Luc. XXII. 26.

¹⁰) Ibid. v. 27. coll. Joh. XIII. 12—17.

¹¹) Panstrat. lib. XII. cap. IV.

¹²) De quo Guillelmus Rivetus in epistola apologetica adversus Amyraldum scribit: „Reverendissimus et doctissimus Josephus Hallus Exoniensis in Anglia episcopus cum Chamierii meminisset, subiungebat:

Deus bone! qualis! quantus! fuit ille unus tota davidicorum procerum cohors: totum davidicae turris armamentarium: totus exercitus Israelis. Ita admirari soleo igneum viri ingenium, multiugem scientiam, acumen singulare. Nullo deinceps athleta opus habebit ecclesia Dei, quamdiu supererit (supererit autem aeternum) vester ille stupor mundi Chamierius.“

substantiam ipsam, rationemque primatus, quae sibi semper constant, novasque numquam induunt facies; et modum quo exercetur, qui suapte conditione varius est ac multiplex, et pro adiunctorum varietate modo protenditur latius, ac modo angustiori ambitu coercetur.

258. Hisce ergo reiectis, quae imperitia solum vel fraude ad comprobandum primatus exercitium flagitarentur; percontemur rursum, sed prudenter ac sincere, quae ad illud stabiliendum desiderari legitime possint. Ac ne errore decepti, aliter aestimemus ac veritas exigit, normam aliquam praefigamus, ad quam arbitrium nostrum exprimi debeat. Puto autem loco normae praestitui posse: *exercitium primatus inter certa explorataque habendum esse, si constiterit, in aedificanda ecclesia, in disciplina tuenda, in componendis dissidiis, in re communi administranda, prima sibi constanter propriaque capitis Petrum vindicasse.*

Duo enim sedulo animadverti debent, ac illud primum, adscribi Petro sine iniuria non posse, quod ea sibi veluti propria usurpaverit quae omnibus ex aequo apostolis convenirent: iam enim ¹³ virtute indutus ex alto, veteres animos deposuerat, et ad praescriptum spiritus non carnis ambulabat, sibi quae maxime id officii iniunctum noverat, quod ceteris ¹⁴ praescribebat: *Πρεσβυτέρους τοὺς ἐν ὑμῖν παρακαλῶ, ὁ ¹⁵ συμπρεσβύτερος καὶ μάρτυς ¹⁶ τῶν τοῦ Χριστοῦ παθημάτων, ὁ καὶ τῆς μελλούσης ἀποκαλύπτεσθαι δόξης κοινωνός· ποιμάνετε τὸ ἐν ὑμῖν ποίμνιον τοῦ Θεοῦ, ἐπισκοποῦντες μὴ ἀναγκαστῶς, ἀλλ' ἐκουσίως ¹⁷· μηδὲ αἰσχροκερδῶς, ἀλλὰ προθύμως· μηδ' ὡς κατακυριεύοντες τῶν κλήρων ¹⁸,*

¹³) Act. I. 8.

¹⁴) I. Petr. V. 1—4.

¹⁵) Al. ὢς.

¹⁶) Quum videam 1) μαρτύριον et μαρτυρεῖν de praedicatione et evangelii praedicatoribus in N. T. frequenter usurpari: quum videam 2) testium nomen, officiumque apostolis κατ' ἐξοχὴν adscribi: quumque videam 3) summam evangelicae praedicationis I. Cor. I. 23. ad passiones, mortemque Christi revocari; non invitus phrasim, μάρτυς τῶν τοῦ Χριστοῦ παθημάτων, redderem, *praeco et doctor passionum Christi.*

¹⁷) Post adverbium ἐκουσίως plures codices, versiones ac patres legunt κατὰ θεόν.

¹⁸) De significatione huius vocis in praesenti contextu incredibilis est interpretum dissensio. Plures cum Grotio *chri-*

stianos coetus intelligunt, eosque, utpote peculiarem Dei sortem, dictos κλήρους existimant. Sed huic acceptioni Dodwellus repugnat, eamque in prima Cyprianica dissertatione argumentis refellere satagit. Is porro una cum Spanhemio, aliisque quos in Curis Wolfius citat, opinatur, κλήρους aptissime reddi *possessiones* ac *fundos*. Obnititur Julius Pott, et eiusmodi interpretationem non minus a contextu, quam ab usu loquendi in N. T. alienam esse contendit.

Est et tertia expositio, quam Oecumenius brevissime indicavit his verbis: Κλήρον τὸ ἱερὸν σύστημα καλεῖ, ὡς περὶ καὶ νῦν ἡμεῖς. Et Suidas, λέγεται κλήρος καὶ τὸ σύστημα τῶν διακόνων καὶ πρεσβυτέρων. Mihi enimvero insipienti consequens incisum, quo οἱ κλήροι collectivo τοῦ ποιμνίου nomine efferuntur, probabile omnino

ἀλλὰ τύποι γινόμενοι τοῦ ποιμνίου. Presbyteros ¹⁹ vestros ego compresbyter ac testis passionum Christi, idemque revelandae gloriae particeps adhortor: pascite commissum vobis ²⁰ gregem Dei, illi prospicite ²¹ non ingratiis sed sponte, non lucri cupiditate adducti sed ex animo, ne tyrannidem exerceatis in cleros, sed exemplaria estote quae ovile imitetur.

Animadverti deinde debet primatum, eiusque functiones ad *triplicem* potissimum *auctoritatem* referri, *legiferam*, *iudiciariam* et *magisterii*; adeo ut de illius exercitio dubitari minime possit, si in ea triplici adhibenda potestate eum modum, eamque rationem Petrus tenuerit, qua nemo, nisi qui dux caputque foret, legitime uteretur.

259. Jamvero consulantur Acta, unoque veluti mentis adspectu considerentur quae in iis ad exercitium triplicis potestatis spectantia comprehenduntur.

Primo occurrit *magisterii* auctoritas. Atqui Petrus ²² constanter praecedit, os est ac lingua apostolorum, ecclesias ipse solus vel primus docendo aedificat, vel inchoatas solus aut princeps absolvit: rationem divinae oeconomiae ipse Θεοδιδάκτος ceteris aperit, et quid alii in synodum coacti sequi debeant, gravissimis verbis edicit.

Succedit potestas *iudiciaria*. Atqui ²³ non alia in Actis instituta perhibentur iudicia, nisi quorum Petrus vel *solus* vel *princeps* auctor extiterit. Ipse *solus* Ananiae et Saphirae caussam cognovit, cognitamque diremit: ac ipse *potissimum* de Simone iudicavit, et in eum excommunicatione animadvertit.

Sequitur tertio postremoque loco potestas *legifera*. Atqui ²⁴ *solus* Petrus legem promulgavit de gentibus iam recipiendis: *solus* praefinivit legem de abrogatis mosaicis institutis: ac ipse *prae ceteris* auctor fuit decreti quo fidelibus usus sanguinis et suffocati οἰκονομικῶς interdiceretur.

Quid igitur efficere praeterea debuit, ut ex *actibus*, tamquam *certis indicibus*, omnium caput, omnibusque praepositus agnosceretur? ut ex *effectis* vis ipsa, ratioque primatus, tamquam *caussa* revelaretur?

260. Atque heic e re futurum arbitror cum testimoniis quae ad *primatus institutionem* pertinere docuimus, facta, gestaue componere, quibus *eiusdem exercitium* comprobari ostendimus. Illa ad hanc summam redeunt. I. Petrum, Christo auctore, designatum fuisse ²⁵ ecclesiae fundamentum, cum quo ecclesiae

est, τοῖς κλήροις christianos universim coetus significari; praesertim quum Paulus ad Col. I. 12. meminerit κλήρον τῶν ἁγίων, et qui ad ecclesiam accederent, iidem Act. XVII. 4. προσκληροῦσθαι dicerentur.

¹⁹⁾ Phrasis, πρεσβυτέρους τοὺς ἐν ὑμῖν, scilicet ὄντας, aequivalet alteri, πρεσβυτέρους ὑμῶν.

²⁰⁾ Sunt qui τὸ ἐν ὑμῖν vertant, *quantum in vobis est*. Male, quum non sit τὸ

καθ' ὑμᾶς, vel τὸ ἐξ ὑμῶν: et dictio, ποιμαίνετε τὸ ἐν ὑμῖν ποιμνιον, supple ὄν, conferri debeat cum verbis Act. XX. 28.

²¹⁾ Participium ἐπισκοποῦντες est pro ἐπισκοπεῖτε, quod et de sequentibus repetendum est.

²²⁾ nn. 183. seqq.

²³⁾ nn. 238. seqq.

²⁴⁾ nn. 215. seqq.

²⁵⁾ nn. 13. seqq.

aedificium arctissime cohaereret, et e quo conspicuam unitatem, invictumque robur mutuaretur. II. Collatam illi fuisse ²⁶ oecumenici pastoris auctoritatem, officiumque impositum universi ovilis regendi. Adeoque III. ad eum spectasse fratrum confirmationem, talemque clavium potestatem ²⁷, cui omnes subiicerentur. Age iam et quam praeclare istis dotibus gesta responderint, paullo diligentius expende.

Erat Petrus *fundamentum* ecclesiae; et propterea coetus e iudaeis, samaritanis, gentibusque conflatos in se recepit.

Erat *oecumenicus pastor*; et propterea ex iudaeis, samaritanis atque gentilibus oves collegit, collectas aluit, ne detrimentum caperent, vigilando invisendoque prospexit; effecitque ut pastorum numerus unius praevaricatione deminutus compleretur.

Illius erat *fratres confirmare*; et propterea caelestem illis patefecit visionem, qua universalis ad ecclesiam gentium vocatio significabatur: tum declaravit, nullam iam esse mosaicae legis obligationem, neque illius custodiam ad consequendam salutem postulari.

Ipse potissimum, eaque ratione quae caput deceret, *clavibus* potiebatur; et propterea in familia Domini versatus sic est, ut praeundo, defendendo partes omnes fidelis, prudentisque oeconomi obiverit.

Ipse eximio proprioque nomine *ligandi solvendiue potestatem* acceperat; et propterea Ananiae et Saphirae caussam ad suum tribunal vocavit, profanumque Simonem sententia lata punivit.

261. Sic ergo institutio primatus, gestaque Petri se mutuo excipiunt, sibi bique respondent, ut ea semel posita, *praedici* ista potuerint, his vero compertis, ea manifestissime *deducatur*. Quae autem tam arctis cohaerent vinculis, fidem sibi mutuo, auctoritatemque conciliant, impediuntque quominus alterutrum in dubitationem vocetur. Conspirant enim *caussa* et *effectus*, et utraque inferendi ratio sive quam *a priori*, sive quam *a posteriori* nuncupant; adeo ut ne effectum neges, *caussa* postulet, ne vero de *caussa* dubites, *effectus* exigat. Eodem prorsus modo, quo si e *subducta temporis ratione* solem obortum nosces, et omnia lumine colorari *sensu* perciperes; illius ortum e diffuso ubivis lumine, lumenque ubivis diffusum ex eiusdem ortu colligeres. Quemadmodum igitur *primatus institutio* iis stabilitur, quae illius *usum*, *exercitiumque* demonstrant: usus vero ac exercitium ex eiusdem *institutione* praesentitur; ita utriusque coniunctione veritas quam tuemur, longe evidentius refulget.

262. Ac sane eo usque refulsit, ut apostolica ecclesia illam perspicue viderit, et eo quo par erat obsequio comprobaverit. Ne enim singula persequar, omniumque oculos in Petrum conversos, deque eo maxime sollicitos rursus ²⁸ commemorem; contigit ne vel semel ut novus aliquis Abiron ²⁹ contra Petrum

²⁶) nn. 100. seqq.

²⁸) nn. 252. seqq.

²⁷) Matth. XVI. 19; de quo testimonio

²⁹) Num. XVI. 3.

usurpaverit, quae ille contra Moysen effudit: *sufficiat tibi, quia omnis multitudo sanctorum est, et in ipsis est Dominus. Cur elevaris supra populum Domini?* contigit ne ut Petro opponeretur quod ipsemet severissime ³⁰ notaverat: ne *domineris in cleris?* an saltem contigit, ut novus Aaron ³¹ repeteret quae illi imprudenter exciderant: *num per solum Moysen loquutus est Dominus? nonne et nobis similiter est loquutus?*

Nihil eiusmodi in Actis comparet, sed oves iuxta pastoresque se Petro morigeros praebent, illique praeecunti dociles obsequuntur.

263. Sed ideo ne quod Petrus unius instar e multis semet gereret, quod reclamandi occasio deesset, vel omnes sic essent animo comparati, ut mallent gravissima quaeque perferre, quam fratris licentius agentis ambitionem compescere? immo Petrus nemini umquam erat secundus, primas sibi constanter arrogabat, clementiae ita studebat ut severitati non parceret, ac inter fideles non deerant qui iusta quoque ac legitima iniquius ferre viderentur.

Ac severitatis quidem specimina existimari merito debent quum sententia ³² in Ananiam et Saphiram pronunciata, tum iudicium quo Simonem divinatorum charismatum exsortem declaravit. Neque illa admodum ad lenitatem inflexa, quibus synodum alloquutus est ³³: *ἄν οὖν τί πειράζετε τὸν Θεόν; quid iam ergo Deum tentatis?*

Etsi vero negari minime debeat, omnigenis virtutibus ³⁴ apostolicam ecclesiam floruisse; dissimulari item non potest fuisse nonnullos qui a tanto perfectionis culmine abessent. Erant ³⁵ qui murmurarent, qui ³⁶ seditiones cierent, qui contra ipsummet Petrum ³⁷ animos sibi sumerent, audentiusque disceptarent.

Restitissent ergo Petro, neque facile sivissent ut ipse veluti ceterorum dux et caput plurima *solus*, omnia *primus* capesseret et exequeretur, nisi liquido nossent, firmiterque credidissent, illi prae ceteris fuisse a Christo commissam ecclesiam, eum supra ceteros claves accepisse, iure officioque confirmandi fratres fuisse donatum, remque christianam in suam tutelam, uti Christi vicarium, recepissee.

264. Immo affirmare non dubitaverim, quo quisquis esset sanctior et in christiana perfectione provecior, eo diligentior daturus operam, ne se Petrus ceteris praeferret, nisi pro certo habuisset, eximiis illum donis, singularique auctoritate fuisse divinitus auctum. Quod quum obscurum suapte sponte ³⁸ non sit, iis redditur evidentius quae sacrae litterae de Paulo referunt.

³⁰) I. Petr. V. 3.

³⁵) Ibid. VI. 1.

³¹) Num. XII. 2.

³⁶) Ibid. XV. 2.

³²) E qua Porphyrius natam sibi occasionem existimavit, qua Petri crudelitatem insectaretur. Cf. Baronium ad an. XXXIV. §. CCLXIV.

³⁷) Ibid. XI. 2.

³³) Act. XV. 10.

³⁸) Summi enim momenti erat cavere, ne ratio administrandae ecclesiae a Christo instituta cuiuspiam temeritate subverteretur.

³⁴) Ibid. IV. 32. seqq.

Censuerat Petrus indulgendum nonnihil esse circumcisis fidelibus, ac in eorum gratiam de christiana libertate nonnihil remittendum. Sensit id Paulus, sed quum una perspiceret, Petri οἰκονομίαν e caritate illam quidem profectam, eiusmodi tamen esse quae fraudi non paucis foret; impetrare a se nullatenus potuit ³⁹ quominus κατὰ πρόσωπον, aperte, **נִפְלָה**, ἐνώπιον ei obsisteret, ac ⁴⁰ ἐμπροσθεν πάντων his eum verbis compellaret: εἰ σύ, Ἰουδαῖος ὑπάρχων, ἐθνικῶς ⁴¹ ζῆς καὶ οὐκ Ἰουδαϊκῶς, τί ⁴² τὰ ἔθνη ἀναγκάζεις Ἰουδαΐζειν; id est παραφραστικῶς: si tu, quamquam iudaeus sis, non e legum iudaicarum severitate, sed ea libertate qua ethnici fruuntur tum vivebas quum solus inter eos versareris; quid tu nunc cogis ethnicos iudaicis ritibus obsequi?

265. Quid igitur, amabo, Paulus, quid ceteri egissent apostoli, si Petrum, quem semper praeuentem, iuraque capitis exercentem animadvertabant, veluti unum e reliquis, ac apostolis omnino parem habuissent? illi κατὰ πρόσωπον restitissent, illumque ἐμπροσθεν πάντων monuissent, nulla apostolos iurium inaequalitate secerni, neminem inter eos ἡγουμένου dignitate potiri, atque adeo intollerabile videri, ut qui instar ceterorum foret, personam ducis ostentaret, et auctoritatem, partesque capitis sibi sumeret.

Sed horum ne vestigium quidem extat in Actis, e quibus tamen innumera petuntur indicia, quae Petrum veluti caput egisse, illique apostolos, universamque fidelium concionem τὸ πρωτεῖον detulisse, insigniter demonstrant. Concludi igitur debet, apostolis et apostolicae ecclesiae tributum Petro primatum ea perspicuitate innotuisse, ut sui esse officii existimaverint, illi tamquam fundamento adhaerere, tamquam primum inter pastores lilum sequi, eoque excipere honore, qui sine flagitio denegari illi non posset qui explendas Christi vices divinitus accepisset.

266. Quas sane Petrus accepit, cuius similitudo cum Christo capite iis coloribus in Scriptura depingitur, ut neque negari possit, neque in controversiam prudenter adduci. Non me latet infinitum esse discrimen, quo a Christo Petrus secernitur; neque me latet dignitatem capitisque appellationem *iis nominibus* ⁴³ Christo convenire, quae nequeunt esse Petro communia.

Enimvero inter ea nomina quibus dignitas appellatioque capitis Christo asseritur, ista eminent: quod auctor ipse fuerit atque ecclesiae institutor: quod supremo iure leges illi dixerit: quod hierarchiae rationem determinaverit: quod sacramenta constituerit: quod sibi illam tam arcte coniunxerit, ut eam intus alat, foveat, mundet atque sanctificet. Quó testimonia pertinent a Paulo ⁴⁴ saepius repetita: καὶ πάντα ὑπέταξεν ὑπὸ τοῦς πόδας αὐτοῦ, καὶ αὐτὸν ἔδωκε κεφαλὴν

³⁹) Gal. II. 11.

⁴⁰) Ibid. v. 14.

⁴¹) Est enallage temporum, ζῆς pro ἔλῃς: adverbium autem, ἐθνικῶς καὶ Ἰουδαϊκῶς, ad mores, ritusque externos, et ad delectum nominatim ciborum, Act. X. 28. seqq., referuntur.

⁴²) Pro τί codices plures, versiones, patresque legunt πῶς.

⁴³) Disserit hac de re praeclare, suo nempe more, Petavius de Incarnat. lib. XII. cap. XVII.

⁴⁴) Ephes. I. 22—23.

ὑπὲρ πάντα τῇ ἐκκλησίᾳ, ἣτις ἐστὶ τὸ σῶμα αὐτοῦ, τὸ ⁴⁵ πλήρωμα τοῦ τὰ πάντα ἐν πᾶσι πληρουμένου. Et ⁴⁶ infra: ἀληθεύοντες δὲ ἐν ἀγάπῃ, αὐξήσωμεν εἰς αὐτὸν τὰ πάντα, ὅς ἐστιν ἡ κεφαλὴ, ὁ Χριστός, ἐξ οὗ πᾶν τὸ σῶμα συναρμολογούμενον καὶ συμβιβαζόμενον διὰ πάσης ἀφῆς τῆς ἐπιχορηγίας, κατ' ἐνέργειαν ἐν μέτρῳ ἐνὸς ἐκάστου ⁴⁷ μέρους, τὴν αὕξιν τοῦ σώματος ποιεῖται εἰς οἰκοδομὴν ἑαυτοῦ ἐν ἀγάπῃ. Ac ⁴⁸ rursum: ὅτι ἀνὴρ ἐστὶ κεφαλὴ τῆς γυναικός, ὡς καὶ ὁ Χριστός κεφαλὴ τῆς ἐκκλησίας· καὶ ⁴⁹ αὐτός ἐστι σωτὴρ τοῦ ⁵⁰ σώματος. ἀλλ' ὥσπερ ἡ ἐκκλησία ὑποτάσσεται τῷ Χριστῷ, οὕτω καὶ αἱ γυναῖκες τοῖς ἰδίοις ἀνδράσιν ἐν παντί. Idcirco vero Christus sibi subiecit ⁵¹ ecclesiam, ἵνα αὐτὴν ἀγιάσῃ, καθαρίσας τῷ λουτρῷ τοῦ ὕδατος ἐν ⁵² ῥήματι, ἵνα παραστήσῃ αὐτὴν ⁵³ ἑαυτῷ ἑνδοξον τὴν ἐκκλησίαν, μὴ ἔχουσαν σπῖλον ἢ ῥυτίδα ἢ τι τῶν τοιούτων, ἀλλ' ἵνα ᾖ ἁγία καὶ ἄμωμος. Quibus ea consentiunt quae alibi ⁵⁴ habet, atque ista ⁵⁵ nominatim: καὶ οὐ κρατῶν τὴν κεφαλὴν, ἐξ οὗ πᾶν τὸ σῶμα, διὰ τῶν ἀρῶν καὶ συνδέσμων ἐπιχορηγούμενον καὶ συμβιβαζόμενον, αὖξει τὴν αὕξιν τοῦ Θεοῦ.

267. Dignitas igitur atque appellatio capitis quae ex his nominibus sumitur, non πρῶτως solum καὶ μάλιστα, sed omnino ἀποφατικῶς Christo competit. Sed et aliud est nomen quo ecclesiae caput Christus dicitur, indeque petitur, quod ipsemet ecclesiam ἔξωθεν regat, illiusque conspicuae unitati prospiciat. Hoc nomine caput quidem est πρῶτως καὶ μάλιστα, non item ἀποφατικῶς: atque hoc nomine ad eum spectat Pauli ⁵⁶ effatum: καὶ αὐτός ἐστι κεφαλὴ τοῦ σώματος, τῆς ἐκκλησίας· ὅς ἐστιν ⁵⁷ ἀρχή, πρωτότοκος ἐκ τῶν νεκρῶν, ἵνα γένῃται ἐν πᾶσιν αὐτός πρωτεύων.

Primatum obtinet, ac ut ⁵⁸ eum decebat in quo πᾶν τὸ πλήρωμα inhabitat, prorsus excellit; neque tamen Petrum, cui speciatim ⁵⁹ dixit, *pasce oves meas, tu me sequere*, a consortio huius dignitatis funditus excludit.

268. Similitudo enim, qua Christus adhuc mortalis, et qua Petrus, Christo ad Patris dexteram iam sedente, cum apostolis egisse in Scripturis perhibentur, talis est, ut hic illius *imago*, ille autem huius *exemplar* extitisse videatur. Comparatione enitescet quod dicimus.

⁴⁵) Vulgatus addit καὶ, et plenitudo.

⁴⁶) Ephes. IV. 15 — 16.

⁴⁷) Grotius, Bengel et Griesbachius praeferunt μέλους, cui sane lectioni plurima sunt quae suffragantur.

⁴⁸) Ephes. V. 23 — 24.

⁴⁹) Omissionem καὶ ante αὐτὸς probant Millius et Bengelius, qui cum Griesbachio omittendum item putat ἐστὶ post αὐτός, addendum contra articulum ante σωτήρ.

⁵⁰) Vulgatus addit, eius.

⁵¹) Ephes. V. 26 — 28.

⁵²) Semlerus expungit, ἐν ῥήματι, sed prorsus temere. Additio Vulgati reddentis, in verbo vitae, ad explanationem pertinet.

⁵³) Lectio αὐτὸς pro αὐτὴν criticis adiumentis defendi potest.

⁵⁴) Coloss. II. 10 — 14.

⁵⁵) Ibid. v. 19.

⁵⁶) Ibid. I. 18.

⁵⁷) Aliter, praemisso articulo, ἡ ἀρχή.

⁵⁸) Coloss. I. 19.

⁵⁹) Joh. XXI. 15. seqq.

Christus quum adhuc inter apostolos mortalis degeret, uti dux praeibat, solus docebat ⁶⁰, ad turbas, ad sacerdotes, ad principes concionabatur, discipulos defendebat, quid facto quidve dicto opus esset praemonstrabat, miraculis sibi apostolisque fidem auctoritatemque conciliabat, sibique rem communem in primis creditam modis omnibus significabat. Atqui, Christo redivivo, iamque in caelis glorioso, eandem Petrus viam iniit, eumque agendi modum suscepit, qui ad Christi exemplar omnino expressus appareret. Omnibus enim constanter praeivit, solus ad populum, ad principes, ad gentes sermonem habuit, solus communi caussae patrocinator est, solus circumspexit ne inchoata dilaberentur, solus severitate iudiciorum providit ne disciplina infringeretur, solus quae tenenda quaeve reiicienda essent praefinivit, ac solus apostolorum collegio, exstructisque ubivis ecclesiis ita consuluit, ut sibi summam rerum delatam non obscure declaraverit.

Mirum propterea esse non debet, si scriptores θεόπνευστοι geminas omnino dicendi formas de Christo, deque Petro comparate ad apostolos adhibuerint. De Christo comparate ad apostolos ⁶¹ scribunt: *Jesus et discipuli eius; ibant cum eo discipuli eius; ibi morabatur cum discipulis suis*. De Petro vero ⁶² sic habent: *stans Petrus et undecim; dixerunt ad Petrum et reliquos apostolos; Petrus et apostoli dixerunt*. Nihil autem hisce omnibus opportunius, nihil accommodatius, ut Christo ac Petro *similis* prae apostolis ceteris *relatio*, capitisque auctoritas tribuatur.

C A P U T XXIII.

Testimonia Pauli e I. Cor. I. 12, IX. 5, et XV. 5: — quae cum his sint nexa et quo pacto ad statuendum Petri primatum conferant: — de iis quae scribit ad Gal. I. 18, et II. 7 — 8 — 11: — deque multiplici inde ducto argumento, quo et maior Petri auctoritas et necessitas eiusdem fidei cum eo profitendae comprobatur: — e qua necessitate et illud colligitur, auctum propterea summo iure fuisse Petrum, ut auctor ipse foret efficiensque conspicuae unitatis principium.

269. Si qui plurimum impendit operae, ut apostolatus dignitatem, ordinemque inter Christi legatos divinitus praestitutum sancte tueretur; is certe fuit ¹ Paulus, in cuius epistolis et de utroque capite agitur frequenter, et minus

⁶⁰) Neque ut scribis et pharisaeis mos

erat, sed ut qui, Marc. I. 22. coll. Luc. Joh. XI. 54.

IV. 32, ex potestate loqueretur.

⁶¹) Joh. II. 2. coll. Luc. VII. 11. et

⁶²) Act. II. 14.—37. coll. V. 29.

¹) Uti colligere praesertim licet ex

veritati consona validissime profligantur. Quare sicuti oriri suspicio nequit, ne forte ea verba, dicendique formulas Paulus selegerit, quae occasionem credendae *inaequalitatis* praeberent, si Christi lege *omnimoda inter apostolos aequalitas* fuisset constituta; ita si quae apud eum occurrerint, quae discrimen dignitatis innuere, inaequalitatemque significare videantur, et adnotari accurate et expendi diligenter debent. Collatis porro testimoniis quae in eiusdem continentur epistolis, talia esse deprehenduntur, ut non dignitatem modo, sed potius etiam Petri auctoritatem demonstrent.

270. E quibus ea iuverit initio recolere quae superius² attulimus, quaeque in priori ad Corinthios epistola leguntur. Scribit³ enim: *Ἀέγω δὲ τοῦτο, ὅτι ἕκαστος ὑμῶν λέγει· ἐγὼ μὲν εἰμι Παύλου· ἐγὼ δέ, Ἀπολλώ· ἐγὼ δέ, Κηφᾶ· ἐγὼ δέ, Χριστοῦ.* Et⁴ rursum: *μὴ οὐκ ἔχομεν ἐξουσίαν ἀδελφὴν γυναῖκα περιάγειν, ὡς καὶ οἱ λοιποὶ ἀπόστολοι, καὶ οἱ ἀδελφοὶ τοῦ κυρίου, καὶ Κηφᾶς;* Ac⁵ praeterea: *καὶ ὅτι ὥφθη Κηφᾶ, εἴτα τοῖς δώδεκα.*

In his autem duo sunt quae prae ceteris extant ac veluti in oculos incurunt: illud primum, *nobiliorem semper locum* Cephae deferri; illud deinde, *seorsum ac distincte* Cepham compelli, dum reliqui apostoli *universim* solum *infiniteque* memorantur.

Atqui ratio est ista loquendi ad efferendam Petri dignitatem opportunissima, et de iis solum in Scripturis usitata qui ceteris antecellerent. Unde⁶ illud: *Defuerunt de pueris David decem et novem viri, דָּוִד וְעָשָׂר, καὶ Ἀσάηλ, et Asael:* idest, et inprimis Asael propter egregiam virtutem dignus qui *proprio nomine* a reliquorum turba secerneretur. Quod ut Vulgatus exprimeret, vertit *excepto Asael*. Alibi⁷ vero: Rex autem Salomon adamavit mulieres alienigenas multas, *וְאֶת-בָּת-פַּרְעֹה, καὶ τὴν θυγατέρα Φαραώ, et filiam Pharaonis,* illam videlicet prae reliquis ac multo maxime. Et in novo⁸ Testamento: *Οὗτοι (ἀπόστολοι) πάντες ἦσαν προσκαρτεροῦντες ὁμοθυμαδὸν τῇ προσευχῇ καὶ τῇ δεήσει, σὺν γυναῖξι καὶ Μαρίᾳ τῇ μητρὶ τοῦ Ἰησοῦ: cum mulieribus et cum Maria matre Jesu,* quae inter illas solis instar emicabat.

271. Jamvero qui nobis modus suppetit, quo illius mentem sententiamque assequamur, de cuius interpretandis scriptis curam gerimus? non alius quam quem signa praebeant quae ille adhibet, ac formulae offerunt quas usurpat. Ea autem signa adhibuit Paulus, iisque formulis usus est, quae vi sibi insita, receptaque significatione illius excellentiam, dignitatemque praeferunt, cui tribuuntur.

priori ad Corinthios epistola, ac ex ea quam ad Galatas dedit.

²) Ibid. XV. 5.

⁶) II. Reg. II. 30.

⁷) III. Reg. XI. 1.

⁸) Act. I. 14.

²) nn. 148. seqq.

³) I. Cor. I. 12.

⁴) Ibid. IX. 5.

⁹) Vulgatus non legit καὶ τῇ δεήσει.

Credidit ergo Petrum antecellere, ac inter apostolos reliquos eximia quadam dignitate eminere.

272. De qua Pauli persuasione multo sunt his illustriora quae in epistola ad Galatas scribit. Postquam enim negavit ¹⁰, continuo a divina revelatione se Hierosolymam venisse, ut electos ante se apostolos conscios illius redderet, subdit ¹¹: "Ἐπειτα μετὰ ἑτῆ τρία ἀνῆλθον εἰς Ἱεροσόλυμα, ἰστορῆσαι ¹² Πέτρον, καὶ ἐπέμεινα πρὸς αὐτὸν ἡμέρας δεκαπέντε· ἕτερον δὲ τῶν ἀποστόλων οὐκ εἶδον, εἰ μὴ ¹³ Ἰάκωβον τὸν ἀδελφὸν ¹⁴ τοῦ κυρίου. Deinde tribus ¹⁵ elapsis annis Hierosolymam veni Petrum invisendi ¹⁶ gratia, et apud eum diebus

¹⁰) Gal. I. 17.

¹¹) Ibid. vv. 18—20.

¹²) Heinsius in Exercitt. Sacris occasione huius phraseos scribit: „Nemo nescit eos, qui videndi studio vel cognoscendi, loca adeunt lustrantque, ἰστορεῖν τοὺς τόπους: atque ita graecos loqui. Ut vero ἰστορεῖν ἄνδρα dicatur qui, visendi eius causa aut videndi, eum adit, graecis auribus et novum est et absonum. Licet magnus Chrysostomus, quum ἰδεῖν interpretatus esset, satisfacere sibi non potuit quin adderet, ἰστορεῖσαι γὰρ, φησί, Πέτρον· καὶ οὐκ εἶπεν, ἰδεῖν Πέτρον, ἀλλ' ἰστορεῖσαι Πέτρον, ὅπερ οἱ τὰς μεγάλας πόλεις καὶ λαμπρὰς καταμαρθάνοντες λέγουσι. Ait, ἰστορεῖσαι Petrum, non autem vidisse se Petrum, quomodo qui magnas splendidasque lustrant urbes, loqui solent. Ubi distinctionem habes quam dixi. Si non venit autem aliquid ut disceret; certe ut de quibusdam eum consuleret (id autem ἰστορεῖν dicitur), ut de profectu suo in ecclesiis conferret cum eo ageretque, venire potuit. Quod et idem, quem iam dixi, auctor praeclare confirmat, quum ad Petrum venisse eum ait, ut Act. XXI. 18. idem Paulus ad Jacobum aliosque venit: ubi singula quae apud gentes, ut minister Dei, feliciter et cum successu gesserat, exponit. Neque hoc modo, sed ut recte idem Chrysostomus observat, συμβουλευτικός ἀνέχεται αὐτοῦ, consilium Jacobi minime aspernatur, imo paret et exequitur.

Nec videre possum, cur minori fuerit auctoritate Petrus (qui autem vir quantusque!), ut cum eo agere et interrogare de quibusdam erubuerit Apostolus.... Ergo ἰστορεῖσαι Πέτρον, ut interrogarem de quibusdam Petrum: aut, ut agerem cum Petro. Optime Hesychius, ἰστορεῖν· πυνθάνειν, ἐρωτᾶν, ἀνακρίνειν, exponit. Nam pro ὁρᾶν eo modo usurpatur quo iam dixi, quum de urbibus agitur videlicet aut locis.“

Jamvero sin minus reliqua, illud certe quod de phrasi, ἰστορεῖσαι Πέτρον, Heinsius adnotavit, probant laudantque Bossuetus in meditationibus evangelicis, et Balzerinus, De vi et ratione Primatus, cap. XII. §. I. n. 50. Sed ne ego accipiam quod ille docet, apud me obtinent quae Fischerus de verbo ἰστορεῖν multo accuratius disputavit, et Josephi auctoritas scribentis Archaeolog. lib. VIII. cap. II. n. 5: ἰστόρησα γὰρ τινα Ἑλεάζαρον τῶν ὁμογύλων.

¹³) Si εἰ μὴ pro nativa significatione *exceptive*, non *adversative* sumatur, palam est, Jacobum fratrem Domini et hierosolymitanum antistitem inter apostolos censendum esse.

¹⁴) De Jacobo fratre Domini legesit Constitt. Apostolic. lib. VI. cap. XIV.

¹⁵) Definire nolim, unde trium annorum desumi initium debeat, an e Pauli ab Hierosolyma discessu, vel e reditu ex Arabia Damascus.

¹⁶) Beniaminus Koppe ad hunc locum notat: „Petrum apostolorum principem

quindecim permansi. Apostolorum autem neminem praeterea vidi quam Jacobum fratrem Domini.

Tandem igitur petiit Hierosolimam Paulus, ac certo destinatoque consilio petiit: ἀνῆλθον εἰς Ἱεροσόλυμα, ἱστορῆσαι Πέτρον: ut videlicet Petrum inviseret.

273. Sed cur ut unum inviseret Petrum, ac non item ut reliquos apostolos, fratresque Domini videret? cur de apostolis ceteris, et Domini fratribus, ipsoque Jacobo sic loquitur, ut sibi illos videndi non nimiam insedissem curam significet? Eiusmodi interrogationes et inculcari pluribus, et urgeri vehementius possunt; sed idonea iis enodandis expediendisque ratio reperiri alia nequit quam quae *prophético Petri nomine* adumbratur, ac illius explicatione a Christo his verbis, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, edita ¹⁷ continetur.

274. Quod graeci iuxta latinique Patres et intellexerunt ipsi praeclare, et disertis apertisque sententiis explicarunt. Praetermitto quae tradit ¹⁸ Oecumenius, et Theodoriti inprimis verba ¹⁹ refero de Paulo scribentis: „Quum humana doctrina non indigeret, ut qui ab universorum Deo illam acceperat, τὴν πρέπουσαν ἀπονέμει τῷ κορυφαίῳ τιμὴν, apostolorum principi convenientem honorem tribuit.“ Praeiverat Chrysostomus ²⁰, e quo sua mutuatum esse Theodoritum, haec illius verba demonstrant: „Post tanta tamque praeclare gesta, μηδὲν Πέτρου δεόμενος, μηδὲ τῆς ἐκείνου φωνῆς, ἀλλ’ ἰσότιμος ὢν αὐτῷ· πλέον γὰρ οὐδὲν ἐρῶ τῷ· ὁμῶς ἀνέρεται, ὡς πρὸς μείζονα καὶ πρεσβύτερον, quum neque Petro opus haberet, neque illius egeret institutione, sed honore par ²¹ illi esset: nihil enim heic dicam amplius; tamen ascendit velut ad maiorem et seniore.“ Et ²² mox: „Profectus est, ἀλλὰ διὰ τοῦτο μόνον, ὥστε ἰδεῖν αὐτόν, καὶ τιμῆσαι τῇ παρουσίᾳ, sed tantum ut videret eum, suaeque praesentia ²³ honoraret. *Ut viderem, inquit, Petrum ascendi. Οὐκ εἶπεν*

esse, Paulus quum adhuc Hierosolymis esset, fama acceperat.“ Et Rosenmüller in Scholiis: „Celebritas nominis, ait, quam Petrus inter apostolos erat consequutus, impulit Paulum, ut operae pretium putaret venire in aliquam eius consuetudinem.“

¹⁷) Matth. XVI. 18.

¹⁸) Ad h. l.

¹⁹) Comm. ad Galat. I. 18.

²⁰) Comm. in cap. I. epist. ad Galatas, n. 11.

²¹) Quae invicem comparantur, non magis *paria* quam *imparia* dici verissime possunt, pro aspectus discrimine quo conferuntur. Quod igitur Chrysostomus Paulum dicat ἰσότιμον Πέτρω, mirum esse non debet: erat enim ἰσότιμος dignitate apo-

stolica, et accepto divinitus evangelio: sed idem erat auctoritate pascendi minor, ac propterea ad Petrum, ὡς πρὸς μείζονα, se contulit.

²²) Comm. in cap. I. epist. ad Galatas, n. 11.

²³) Verbum τιμάω, inflexumque ex eo τιμή nomen, numquam in Scripturis, numquam in ecclesiasticis monumentis de *honore* sumuntur, qui inani constet umbra, quique iustis meritis, celsiorique dignitati non rependatur. Quare idem saepissime valent ac *officium debitum praesto, officii exequutio*. Hinc illud Matth. XV. 4: Τίμα τὸν πατέρα καὶ τὴν μητέρα σου. Hinc apud Alexandrinos, Levit. XIX. 32: Καὶ τιμῆσθις πρόσωπον πρεσβυτέρου. Hinc in

ιδεῖν Πέτρον, ἀλλ' ἱστορεῖσαι Πέτρον, ὅπερ οἱ τὰς μεγάλας πόλεις καὶ λαμπρὰς καταμανθάνοντες λέγουσιν. οὕτω πολλῆς ἄξιον ἡγεῖτο σπουδῆς εἶναι καὶ τὸ μόνον ιδεῖν τὸν ἄνδρα. Non dixit ιδεῖν Πέτρον, sed ἱστορεῖσαι Πέτρον, quomodo loqui solent qui magnas splendidasque urbes invisunt cognoscendi gratia. Adeo iudicabat operae pretium esse etiam virum dumtaxat videre.²⁴ Concludit vero: „Haec et dico frequenter, et horum vos memores esse volo, ne si quae audieritis quae dicta contra Petrum videantur, propterea Apostolum suspectum habeatis. Διὰ γὰρ τοῦτο καὶ αὐτὸς τοῦτο προδιαρθρούμενος ταῦτά φησιν, ἵνα ὅταν λέγῃ, ὅτι ἀντίστην Πέτρῳ, μηδεὶς ἐχθρὰς καὶ φιλονεικίας ταῦτα εἶναι νομίσῃ τὰ ῥήματα. καὶ γὰρ τιμᾷ τὸν ἄνδρα, καὶ φιλεῖ μᾶλλον πάντων. Δι' οὐδένα γὰρ τῶν ἀποστόλων ἀνεληλυθέναι φησίν, ἀλλ' ἢ δι' αὐτὸν μόνον. Etenim hanc ob causam et ipse ista loquitur, ut eiusmodi suspicionem²⁵ praecoccupet, et ne quis, quum dixerit, *restiti Petro*, haec propter similitudinem contentionemque dicta arbitretur. Nam et virum honore prosequitur, et prae omnibus diligit. Neque enim propter alium quemvis ex apostolis, sed propter ipsum solum se venisse scribit.“

275. E latinis antiquissimus omnium Tertullianus²⁶ ait: „Dehinc sicut ipse narrat, ascendit Hierosolymam cognoscendi Petri causa, ex officio et iure scilicet²⁷ eiusdem fidei et praedicationis.“ Consentunt Marius Victorinus, Ambrosiaster, Hieronymus, et ne sim nimius, sanctissimus martyr Thomas Cantuariensis episcopus. Et Victorinus quidem sic²⁸ habet: „Post tres, inquit, annos Hierosolymam veni; deinde subiungit causam, *videre Petrum*. Etenim si in Petro fundamentum ecclesiae²⁹ positum est, ut in evangelio dictum; cui revelata erant omnia, Paulus scivit, videre se *debere* Petrum, quasi eum cui *tanta auctoritas* a Christo data esset, non ut ab eo aliquid disceret.“ Ambrosiaster vero³⁰ qui tum claruit, quum romanae cathedrae Damasus moderaretur, inquit: „Dignum fuit ut cuperet videre Petrum, quia primus erat³¹ inter apostolos, cui

ecclesiasticis canonibus *honorare et honor* pro officiis quae alteri debentur. Atque hinc usitata graecis loquendi ratio, qua *πρωτοκλήτους* dicunt *proceres* et *duces*.

²⁴) I. c.

²⁵) Hoc exquisitum Patrum studium quo cavent, ne Petri ornamentis detractum videatur; mihi quidem argumentum est, quam illi de Petro praeclare sentirent, eiusque supremam auctoritatem vererentur.

²⁶) De Praescriptt. cap. XXIII.

²⁷) Ex *officio*, quo Paulus obstringebatur, ac ex *iure*, quo Petrus pollebat.

²⁸) Comm. ad Galat. I. 18. apud Em. Mai, Scriptt. Vett. Nov. Collect. T. III.

²⁹) Matth. XVI. 18.

³⁰) Comm. ad Galat. I. 18.

³¹) Si appellatio *primi* referatur ad subiectam causam, cui *delegerat Salvator curam ecclesiarum*; liquet *primum* dici Petrum non aetate, ordine, vocatione, sed officio, iure, ministerio. Sane in ecclesiasticis monumentis qui deinceps *metropolitae*, et *capita*, *ducesque* reliquorum dici coeperunt, *primi episcopi* nuncupabantur. Cf. Guilielmi Beveregii opus inscriptum, *Codices canonum ecclesiae primitivae vindicati ac illustrati*, lib. I. cap. IV.

delegaverat Salvator curam ecclesiarum.³² Prolixius Hieronymus³², qui adductis verbis, *deinde post annos tres veni Hierosolymam videre Petrum*, pergit: „Non ut oculos, genas, vultumque eius aspiceret, utrum macilentus an pinguis, adunco naso esset an recto, et utrum frontem vestiret coma, an, ut Clemens in Periodis eius refert, calvicem haberet in capite. Nec puto apostolicae fuisse gravitatis, ut post tantam triennii praeparationem, aliquid humanum in Petro voluerit aspicere. Sed his oculis aspexit eum, quibus et modo in epistolis suis videtur. His oculis Paulus vidit Cepham, quibus nunc a prudentibus, quibusque Paulus ipse conspicitur. Quod si cui non videtur, cum superiori sensu iungat haec omnia, quod nihil sibi apostoli contulerint. Nam et quod visus sit ire Hierosolymam, ad hoc ivisse ut videret Apostolum, non discendi studio, qui et ipse eundem praedicationis haberet auctorem, *sed honoris priori apostolo deferendi*.“ Unde Thomas cantuariensis³³ monet: „Doctor gentium, qui gloriatur, se non ab homine nec per hominem evangelium didicisse, sed instructum a Christo, ascendit Hierosolymam, cum *ecclesiarum principe* de fide contulit, ne forte in vacuum curreret vel cucurrisset.“

276. Quae postrema verba occasionem nobis praebent, ut quae Paulus narrare pergit, non minori cura perpendamus. Quum igitur astu eorumque malevolentia qui³⁴ praepostero in Legem zelo ferebantur, malus increbresceret rumor, Pauli evangelium ab eo dissidere quod *duodecim* praedicabant; vidit ille quo calumnia pertineret, et quae quantaque ex ea proficisci detrimenta possent. Quamquam igitur minime dubitaret³⁵ non aliam a se doctrinam tradi nisi quam revelatione ab ipsomet Deo didicerat: et quamquam pro certo haberet praedicationem suam cum ea adamussim consentire, quae *duodecim* communis erat; nihilominus³⁶ post quatuordecim annos³⁷ Hierosolymam, quae sedes erat usitata apostolorum, *ἄλιν δenuo* et omnino *κατὰ ἀποκάλυψιν*, divino instinctu venit. Sed qua potissimum ratione inductus? *occasionem, internumque Numinis afflatum* aperuimus, *finale* vero *causam* ipsemet exponens³⁸ inquit: *Ἀνεθέρην αὐτοῖς τὸ εὐαγγέλιον, ὃ κηρύσσω ἐν τοῖς ἔθνεσι, κατ' ἰδίαν δέ, τοῖς δοκοῦσι, μή πως εἰς κενὸν τρέχω ἢ ἔδραμον*. Exposui iis qui Hierosolymae erant evangelium³⁹ quod gentibus annuncio; seorsum⁴⁰ vero idem evangelium exposui

³²) In comm. ad h. l.

³³) Epistt. lib. I. epist. XCVII.

³⁴) Act. XV. 20 — 21. coll. XXI. 20 — 28.

³⁵) II. Tim. IV. 7. coll. Galat. I. 11 — 13.

³⁶) Galat. II. 1 — 2.

³⁷) De hoc Pauli itinere confer quae scribunt Baronius ad an. LI, et Pagius in criticis adnotationibus.

³⁸) Galat. II. 2.

³⁹) Haec *εὐαγγέλιον* ipsa est Christi doctrina, quam Paulus Rom. I. 1 — 3. dicit *εὐαγγέλιον θεοῦ περὶ τοῦ υἱοῦ αὐτοῦ*, et Rom. I. 9. *τὸ εὐαγγέλιον τῆς βασιλείας τοῦ θεοῦ*. Venit ergo Hierosolymam, ut de fidei doctrina cum apostolis conferret. Unde Schleusner ad verbum *ἀνατίθηναι* sententiam Pauli sic reddit: *examinandam ipsi proposui doctrinam, quam inter paganos tradere soleo*.

⁴⁰) Dictio est elliptica, de qua Lam-

τοῖς δοκοῦσι, idest ⁴¹ τοῖς ἐπισήμοις, insignibus et qui prae ceteris eminebant: hoc autem praestiti, ne si de mea ⁴² cum iis consensione ambigeretur, viderer frustra ⁴³ meam operam impendere ac iampridem impendisse.

277. Sed inter δοκοῦντας quem potissimum nominat? inter στυλοὺς quem maxime memorat? ac unde suae cum apostolis consensionis decretorium sumit argumentum? non alium primum nominat ⁴⁴ quam Petrum, et quum reliquos universim ⁴⁵ designet, eos vocans τοὺς δοκοῦντας εἶναι τι, Petrum contra distincte, insigniteque compellat. Unde ⁴⁶ Chrysostomus: „Καὶ ὅπου μὲν συγκρίναι ἑαυτὸν ἔδει, Πέτρου μέμνηται μόνου· ὅπου δὲ μαρτυρίαν καλέσαι, τῶν τριῶν ὁμοῦ, καὶ μετ' ἐγκωμίου, Κηφᾶς, λέγων, καὶ Ἰάκωβος, καὶ Ἰωάννης οἱ δοκοῦντες στυλοὶ εἶναι· Ac Petri quidem solius meminit, ubi cogitur se cum illis conferre; sed ubi citandum est testimonium, trium pariter mentionem facit, idque non sine laude: Cephas, inquit, Jacobus et Johannes, qui columnae esse videbantur.“ Hieronymus ⁴⁷ vero collata simul utraque ⁴⁸ phrasi, scribit: „Sollicitus requirebam quidnam esset quod diceret, *qui videbantur*; sed nunc me omni scrupulo liberavit adiiciens, *qui videbantur columnae esse*. Columnae igitur sunt ecclesiae apostoli, et maxime Petrus.“

278. Ceterum ad Petri dignitatem commendandam illud etiam videri accommodatissimum debet, quod ita Paulus loquatur, ut non aliter Jacobum et Johannem cum Cepha, quam Barnabam et Titum secum contendat. Quae comparatio ut percipi facilius possit, e regione testimonia ⁴⁹ collocabo:

Ἰδόντες, ὅτι πεπίστευμαι τὸ εὐαγγέλιον τῆς ἀκροβυστίας,

Ὁ γὰρ ἐνεργήσας Πέτρω εἰς ἀποστολὴν τῆς περιτομῆς,

Καθὼς Πέτρος περιτομῆς·

Ἐνήργησε καὶ ἐμοὶ εἰς τὰ ἔθνη·

bertus Bos, Ellips. Gr. pag. 241; supple-
rique debet, *χώραν*, unde *κατ' ἰδίαν* =
κατ' ἰδίαν χώραν = *ἰδίαι* = *ἰδίαι χώρα*
= privatim, seorsum.

⁴¹) Sicut enim verba, quae τὸ εἶναι significant, accipi plus semel φαινομένως debent, ut Gen. XLII. 30, Prov. III. 7, Matth. X. 39, XIII. 12, coll. Luc. VIII. 18, Joh. V. 31. coll. VIII. 16, Rom. II. 25, VII. 9, et Philipp. III. 7; ita quae opinionem dumtaxat existimationemque praeferunt, *realiter* non raro intelligenda sunt, ut Philipp. II. 6, I. Thess. V. 13, Hebr. X. 29, et Marc. X. 42: Οἱ δοκοῦντες ἄρχειν, qui videntur regnare, idest, regnant.

⁴²) Ad aliorum opinionem ac iudicium referri ista oportere, et graeci interpretes vere adnotarunt, et orationis series, ipsaque rei natura demonstrant.

⁴³) Formula εἰς κενόν = κενῶς = *ματαίως* = פֶּתַל = frustra, incassum.

⁴⁴) Galat. II. 7.

⁴⁵) Ibid. v. 6.

⁴⁶) Comm. in cap. II. epist. ad Galatas, n. 3.

⁴⁷) Comm. ad h. l.

⁴⁸) Galat. II. 6. coll. v. 9: Οἱ δοκοῦντες εἶναι τι, et οἱ δοκοῦντες στυλοὶ εἶναι.

⁴⁹) Galat. II. 7 — 9.

Ἰάκωβος καὶ Κηρᾶς ⁵⁰ καὶ Ἰωάννης, Δεξιὰς ἔδωκαν ἐμοὶ καὶ Βαρνάβη ⁵¹
οἱ δοκοῦντες στυλοὶ εἶναι, ζωνωνίας.

En se cum Cepha Paulus confert, neque secus Jacobum et Johannem cum Cepha, quam Barnabam et Titum secum comparat. Illud vidit, adnotavitque Chrysostomus ⁵², inquit: „Καὶ δείκνυσιν αὐτοῖς ὁμότιμον ὄντα λοιπόν, καὶ οὐ τοῖς ἄλλοις ἐαυτόν, ἀλλὰ τῷ κορυφαίῳ συγκρίνει, δεικνὺς ὅτι τῆς αὐτῆς ἐκείνου ἀπέλαυσεν ἀξίας. Jamque se ceteris honore parem ostendit, nec se reliquis illis, *sed ipsi coryphaeo comparat*, declarans quod horum unusquisque parem ⁵³ sortitus sit dignitatem.“ De posteriori vero egregia sunt quae Ambrosiaster ⁵⁴ animadvertit: „Petrum solum nominat Paulus, et *sibi comparat*, quia *primum* ipse acceperat ad *fundandam ecclesiam*, se quoque pari modo electum ut *primum* habeat in *fundandis gentium* ⁵⁵ *ecclesiis*; ita tamen ut et Petrus ⁵⁶ gentibus praedicaret si causa fuisset, et Paulus iudaeis. Nam uterque invenitur utrumque fecisse.“ Et aliquot interiectis ⁵⁷: „Ab apostolis, pergit, qui clariores inter ceteros erant, quos et firmitatis causa columnas appellat, quique cum Domino semper in secretis fuerant, gloriam eius digni in monte ⁵⁸ conspicere, ab his probatum dicit donum quod accepit a Deo, ut dignus esset habere *primum in praedicatione gentium*, sicut et habebat Petrus in *praedicatione* ⁵⁹ *circumcisionis*. Et sicut dat Petro *socios viros egregios inter apo-*

⁵⁰) Collatio appareret evidentius, si Κηρᾶς praeponeretur.

⁵¹) Ab eorum opinione alienus non sum, qui e commate primo, ductuque sermonis supplendum censent Titum.

⁵²) Comm. in cap. II. epist. ad Galat., n. 3.

⁵³) Apostolicam intellige, et ex divina cooperatione profectam, quum tam Deus Petro adfuerit praedicanti iudaeis, quam Paulo evangelium gentibus annuncianti. Quod sane non impedit, quominus Petrus dignitate et iure τοῦ κορυφαίου emereret.

⁵⁴) Comment. ad Galat. II. 7—8.

⁵⁵) Comparatis phrasibus, *ad fundandam ecclesiam*, et, *in fundandis gentium ecclesiis*, quibus Petri, Paulique primatum Ambrosiaster declarat; non difficile intelletur, tantum inter utrumque extitisse discriminis, quantum primatus *absolute simpliciterque oecumenicus* ab eo secernitur, qui talis non est.

⁵⁶) Similia habent ceteri ecclesiae scriptores, et nominatim Hieronymus in commentario.

⁵⁷) Comment. ad Galat. II. 9—10.

⁵⁸) Similitudine nominis deceptus Ambrosiaster Jacobum Johannis fratrem cum Jacobo fratre Domini confundit.

⁵⁹) Postquam Baronius ad an. LI. §§. XXVI—XXVIII. demonstravit, Pauli verba de *iurisdictionis divisione* intelligi non posse; verissime adnotat §. XXIX, eximiam quamdam Petri dignitatem iisdem significari. „Nam, inquit, prae excellentia ipse Christus qui venit omnes homines salvos facere, apud quem non est distinctio iudaei et graeci, dictus est tamen *minister circumcisionis*, sic dicente (Rom. XV.) Paulo: *dico Christum ministrum fuisse circumcisionis*. Augustior plane titulus, nam ut idem ait (Rom. IX.) Paulus: *horum erat adoptio filiorum, gloria, testamentum, et legislatio, et obsequium, et promissa; gentes autem super misericor-*

stolos, ita et sibi iungit Barnabam, qui divino iudicio ei adiunctus est; gratiam tamen primatus sibi soli vindicat concessam a Deo, sicut et soli Petro concessa est inter apostolos."

Praeclare enimvero ac unde inferri hoc pacto liceat: Quemadmodum prae Barnaba ac Tito Paulus excellebat, illique eiusdem erant *συνεργοί*, alteroque gradu censebantur; ita prae apostolis exstabat Petrus, qui capitis, ducisque iure potiebatur.

279. Quod descripta ⁶⁰ verba, et iam intimius considerata non suadent modo, verum etiam persuadent. Ecquid enim est quod dicitur, *ὁ ἐνεργήσας Πέτρω εἰς ἀποστολὴν τῆς περιτομῆς*, qui Petrum constituit circumcisorum apostolum, eique adfuit? an uni Petro circumcisionis apostolatus creditus fuit? immo creditum fuisse et Jacobo et Johanni et reliquis res est manifestior quam ut demonstrari debeat, et Paulus declarat ⁶¹ de iisdem subdens: *Δεξιὰς ἔδωκαν ἔμοι καὶ Βαρνάβη κοινωνίας, ἵνα ἡμεῖς εἰς τὰ ἔθνη, αὐτοὶ δὲ εἰς τὴν περιτομήν.* Cernis? *αὐτοὶ, ipsi omnes* evangelium circumcisis praedicandum acceperant.

Unde ergo profectum existimabimus, quod evangelium circumcisionis uni tributum Petro Paulus significaverit? ex eodem omnino fonte quo ⁶² dixit, creditum sibi *τὸ εὐαγγέλιον τῆς ἀκροβυστίας*, ac mox adiecit ⁶³, *ἐνήργησε καὶ ἔμοι εἰς τὰ ἔθνη.* Atqui etiam Barnabas ⁶⁴ segregatus fuerat in evangelium gentium, et Barnabas item ac Titus pro Christo apud gentes legatione fungebantur: *ἵνα ἡμεῖς εἰς τὰ ἔθνη: nos, inquit, non ego.* Formulae igitur a Paulo adhibitae non *excludunt* ceteros, sed illius *praestantiam* exprimunt, qui unus prae ceteris nominatur, ac si solus iure, officioque potiretur. Quare sic illae reddi commodissime possunt: Viderunt apostoli non aliter mihi evangelium praeputii *prae ceteris* adscriptum, quam Petro *prae ceteris* evangelium circumcisionis tributum fuerit. Qui enim cum Petro *prae ceteris* operatus est in evangelio circumcisionis, idem mecum *prae ceteris* operatus est in evangelio praeputii.

Quid autem exinde illustrius, quam simili excellentiae, dignitatisque gradu inter apostolos Petrum, ac inter Barnabam ⁶⁵, Titum, aliosque cooperatores et

dia honorare Deum. Sed sicut Christus Dominus noster sic dictus est minister circumcisionis, ut tamen esset pastor omnium atque salvator; eodem modo et Petrus sic circumcisionis minister est appellatus, ut tamen a Domino (Act. IX.) constitutus universi gregis pastor esset ac moderator. Unde et s. Leo (Serm. III. — de sua assumpt.): *De toto mundo Petrus eligitur, qui et universarum gentium vocationi, et omnibus apostolis, cunctisque*

ecclesiae patribus praeponatur: ut quavis in populo Dei multi sacerdotes sint, multique pastores, omnes tamen proprie regat Petrus, quos principaliter regit et Christus."

⁶⁰) n. 278.

⁶¹) Galat. II. 9.

⁶²) Ibid. v. 7.

⁶³) Ibid. v. 8.

⁶⁴) Act. XIII. 2.

⁶⁵) Ipsum quoque Barnabam inter apo-

secundi ordinis apostolos Paulum eminuisse? docet ergo Paulus Petri *πρωτεύον*, eiusdem *ὑπεροχὴν* declarat, et *προστασίαν* confirmat.

280. Qua de re ne dubitari possit, argumentum praeterea efficit, quo impositas sibi calumnias, suamque cum apostolis consensionem demonstrat. Provocat sane Paulus ad illos *generatim*, et de societate cum iis inita *universim* loquitur; sed causam tacitus non praeterit quae societatem conciliavit.

„Sed e contra, inquit ⁶⁶, cum vidissent quod creditum est mihi evangelium praeputii, sicut et Petro circumcisionis (qui enim operatus est Petro in apostolatam circumcisionis, operatus est et mihi inter gentes): et cum cognovissent gratiam, quae data est mihi, Jacobus et Cephas et Johannes, qui videbantur columnae esse, dexteram dederunt mihi et Barnabae societatis: ut nos in gentes, ipsi autem ⁶⁷ in circumcisionem.“

Conserendi igitur dexteram causa fuit consensio cum Petro, missioque illi simillima qua Petrus delectus fuerat. Jungunt apostoli dexteram, sed quia primus iungit Petrus: probant apostolatam Pauli, sed quia illum expressum vident ad apostolatam Petri. Quae nisi idonea ad probandam Petri *ὑπεροχὴν* videantur, non diffitebor me nescire quid maxime idoneum censi debeat.

281. Praesertim quum ea Paulus addat, quae non minus aperiunt unde sua potissimum causa penderet, ac unde potissimum calumniandi ansam malevoli arriperent; quam unde singulares Petri dotes orirentur. Ita namque ⁶⁸ pergit: *Ὅτε δὲ ἦλθε Πέτρος* ⁶⁹ *εἰς Ἀντιόχειαν, κατὰ πρόσωπον αὐτῷ ἀνέστην, ὅτι κατεγνωσμένος* ⁷⁰ *ἦν*: cum autem venisset Petrus Antiochiam, in faciem ⁷¹

stolos *ordinis secundi* habendum esse, scriptores ecclesiastici testantur, et cl. Moehler in *Patrologia*, ubi de epistola disserit eidem tributa, ita breviter confirmat. Dignitatem proprii et *κατ' ἐξοχὴν* dicti apostolatus a Deo solum ac *ἀμέσως* obtineri potuisse probant ratio (Act. I. 24. seqq.) eligendi Matthiae, et extraordinaria missio (Galat. I. 1—12—20, II. 1. seqq., II. Cor. X. 13, Ephes. III. 1. seqq.) qua Paulus vocatus eamdem cum duodecim *ἐξουσίαν* sortitus est. Huic enim extraordinariae, immediataeque missioni, minime vero antiochenae (Act. XIII.) ordinationi referri in acceptis debet apostolica Pauli auctoritas. Quum igitur Barnabas eiusmodi charismate auctus a Deo non fuerit; consequens est, neque inter apostolos *κατ' ἐξοχὴν* censi posse, neque apostolum aliter dici ac Epaphrodi-

tus (Philipp. II. 25.) apostolus nuncupetur.

⁶⁶) Galat. II. 7—10.

⁶⁷) Sermo est ellipticus, ac ex antecedentibus suppleri ita debet, *ut apostolico munere fungeremur*.

⁶⁸) Galat. II. 11.

⁶⁹) Bengelius et Griesbachius praeferunt, *Κηῶς*, quam lectionem etiam Pearsonius Diss. I. de successione prim. rom. episcop. cap. VII. praetulerat.

⁷⁰) Commune est participiis *activis*, *passivisque*, ut *nominali significatione* frequenter accipiantur. Sic I. Cor. IX. 24. *ἀγωνιζόμενος* = *ἀγωνιστής*: Hebr. XII. 18. *ψηλαφώμενος* = *contrectabilis*, qui palpari potest: et *κατεγνωσμένος* = *καταγνωστός*, reprehensione dignus.

⁷¹) Singularis est Chrysostomi com-

ei restiti, quia reprehensibilis erat. Et ⁷² infra: Ἄλλ' ὅτε εἶδον, ὅτι οὐκ ὀρθοποδοῦσι πρὸς τὴν ἀλήθειαν ⁷³ τοῦ εὐαγγελίου, εἶπον τῷ Πέτρῳ ἐμπροσθεν πάντων· εἰ σὺ ἰουδαῖος ὑπάρχων, ἐθνικῶς ζῆς καὶ οὐκ ἰουδαϊκῶς, τί ⁷⁴ τὰ ἐθνη ἀναγκάζεις ἰουδαΐζειν; sed quum vidissem quod rationem agendi sequerentur ab evangelii veritate dissonam, dixi Petro ⁷⁵ coram omnibus: si tu, iudaeus quum sis, libertate gentium vivis et non ritu iudaico, quid est quod gentes cogis ⁷⁶ iudaizare?

Ubi ne omnia persequar, neve singula intimius explorem, dumtaxat quae-ram, qui factum fuerit, ut in unum Petrum Paulus animadverteret. Ipso enim referente ⁷⁷, non unus Petrus, sed et cum eo reliqui, ac ipsemet Barnabas divinitus segregatus ut gentibus evangelium annunciarer, haud rectis incedebant gressibus, neque christianam libertatem, uti par erat, tuebantur. Cur ergo *omnibus devius*, unum adgreditur Petrum, illi in faciem publice resistit, omnesque in eo summa verborum gravitate castigat? dicam aperte, quod Petri ὑποκρίσει legalium rituum assertores periculosius abuterentur: quod ad conflandam in Paulum invidiam dissensionem a Petro animosius urgerent: quod in vacuum eum cucurrisset ac porro currere ex oeconomia, cui Petrus obsequebatur, fidentissime concluderent: quod tanta apud omnes Petri auctoritas foret, ut oves simul pastoresque in alterutram partem suo exemplo flecteret: quod denique in capite obnoxia eiusdem membra ⁷⁸ corrigantur. Primatus ⁷⁹ ergo Petri, ac ex eo oborta consensendi necessitas effecerunt, ut Paulus illi publice obsisteret, eum unum commonefaceret, ceterisque propemodum neglectis, de eo se maxime sollicitum ostenderet.

mentarius n. 5: Καὶ τό, κατὰ πρόσωπον. δὲ ἀντίστην, σχῆμα ἦν.

⁷²) Galat. II. 14.

⁷³) Haec metaphorica loquutio in Scripturis frequentissima reddi sic debet: *quod suam agendi rationem non exigent ad veritatem doctrinae evangelicae*, tamquam ad praelucentem normam.

⁷⁴) Quum Vulgatus interpretetur *quomodo*, legit idcirco non τί, sed πῶς, cui lectioni auctoritate criticorum adiumento- rum Millius patrocinator.

⁷⁵) Vulgatus, dixi Cephae.

⁷⁶) Non modo graecis ἀναγκάζω, sed et latinis cogo, saepe potius est *vehementer persuadeo*, ac *incito*, quam *necessitatem* pressius acceptam *inicio*.

⁷⁷) Galat. II. 13.

⁷⁸) Huc pertinent Ambrosiastri verba

ad Galat. II. 14: „Ideo in solum Petrum invehitur, ut in eo *qui primus est*, disce- rent ceteri.“

⁷⁹) Cuius vim primatus ita Hieronymus explicat epistola inter Augustin. LXXV. n. 8: „Denique tantae Petrus auctoritatis fuit, ut Paulus in epistola sua (Galat. I. 18.) scripserit: *Deinde post annos tres veni Jerosolymam videre Petrum et mansi apud eum diebus quindecim*. Rursumque (cap. II. 1.) in consequentibus: *Post annos quatuordecim ascendi iterum Jerosolymam cum Barnaba assumpto et Tito. Ascendi autem secundum revelationem, et exposui eis evangelium quod praedico inter gentes*: ostendens se non habuisse securitatem evangelii praedicandi, nisi Petri et qui cum eo erant, fuisset sententia roboratum.“

CAPUT XXIV.

De reprehensione Petri, Gal. II. 11—15: — gnosticorum, marcionitarum, Porphyrii, Julianique calumniae: — protestantium opinio: — cuiusmodi videri debeat: — abhorret illa vehementer a sententia orthodoxorum qui ad Augustini usque aetatem clarruere: — neque minus a doctrina abhorret ipsius Augustini, aliorumque qui eam deinceps complexi sunt: — praeiudicium inde obortum: — quod Pauli verbis intimius exploratis confirmatur: — ostenditurque ne coniecturam quidem peti ex iis posse, qua Petri primatus, celsiorque auctoritas oppugnetur.

282. Quum mecum dotes, proprietatesque reputarem, quibus utrumque Verbum ὑποστατικὸν et θεόπνευστον exornantur; multiplex animum subiit similitudinis ratio qua referuntur ad invicem, sibiue praeclare respondent. Neque enim appellatione tantum, litterarumque sono ¹ conveniunt, sed multo sunt plura, eaque intimiora quibus conspirant. Quemadmodum enim ὁ λόγος ὑποστατικὸς quum ante ², tum post assumptam carnem ³ divina hominibus arcana patefecit, atque scriptum adeo ⁴ est, θεὸν οὐδείς εἶδρακε πώποτε· ὁ μονογενὴς υἱός, ὁ ὢν εἰς τὸν κόλπον τοῦ πατρὸς, ἐκεῖνος ἐξηγήσατο, Deum, divinaque nemo umquam hominum penitus comperta, explorataque ⁵ habuit: unigenitus Filius, qui proles est ⁶ germana Patris, ac in eius conquiescens sinu omnia quae Genitoris sunt complectitur, is ⁷ tandem ⁸ ea reseravit; sic ὁ λόγος θεόπνευστος

¹) Quum utrumque verbum ὁ λόγος θεὸν οὐδείς εἶδρακε πώποτε, ἀντὶ τοῦ ἔγνω τοῦ θεοῦ dicatur.

²) In qua sententia Patres plerosque omnes fuisse Petavium, Bullum, Maranum, alique demonstrarunt.

³) Hebr. I. 1.

⁴) Joh. I. 18.

⁵) Heic enim ὁράω non proprio sed metaphorico sensu accipiendum esse, quum Deus visionis obiectum, tum respondens ἐξηγήσασθαι demonstrant. Immo et insita τῷ ὁράω potestas, et Scripturarum ἀναλογία, et consequentia efficiunt, ut illud de perfecta, omnibusque absoluta numeris cognitione adhibitum censeatur. Unde Suidas, ὁρασις· γινῶσις· καὶ ὁ εὐαγγελιστής·

θεὸν οὐδείς εἶδρακε πώποτε, ἀντὶ τοῦ ἔγνω τρανῶς.

⁶) Imago his exhibita verbis, ὁ ὢν εἰς τὸν κόλπον τοῦ πατρὸς tria complectitur, Filii a Patre tamquam genitore originem, eiusdem cum Patre arctissimam, suavissimamque coniunctionem, et omnimodam eorum quae Patris sunt comprehensionem.

⁷) Sermo est ellipticus, ac ex membro antecedente expleri ita debet: Filius qui est in sinu Patris, ipse solus Deum vidit, ac ipse quem vidit, enarravit.

⁸) Interseui adverbium tandem ex analogia Scripturarum, quae manifestationem per Filium ultimis temporibus adscribunt.

epistolae instar est ad nos caelitus demissae, qua divinam voluntatem ⁹, sempiternaque consilia edoceamur. Quemadmodum ὁ λόγος ὑποστατικὸς sincerum est divinumque germen paternae mentis, quam uti imago perfectissima ¹⁰ repraesentat; sic ὁ λόγος θεόπνευστος species est ac nobilissimum ¹¹ divinarum idearum simulacrum. Quemadmodum ὁ λόγος ὑποστατικὸς fons est ac inexhausta purissimae lucis origo qua ¹² universum hominum genus illuminatur; sic ¹³ ὁ προφητικὸς λόγος simillimus est λύχνῳ φαίνοντι ἐν ἀνυχμῇ τύπῳ, lucernae quae in tenebricoso splendet loco, viamque praemonstrat quae teneatur. Quibus similitudinis capitibus et quartum accedit, perspicuum illud quidem, sed quod amarissimas lacrimas merito exprimat. Sicut enim de Verbo ὑποστατικῷ ac in similitudinem ¹⁴ hominum facto sanctissimus vates ¹⁵ praedixit: ἰδοὺ, οὗτος κείται εἰς πτωσὶν καὶ ἀνάστασιν πολλῶν ἐν τῷ Ἰσραήλ, καὶ εἰς σημεῖον ἀντιλεγόμενον, ecce, lamentabile dictu! positus hic est ut israelitarum multis occasio sit ruinae ac salutis, signumque cui plures contradicant; ita ὁ λόγος θεόπνευστος qui omnibus esse deberet arrha salutis, quemque Deus hominibus contulit, ut utilis eisdem ¹⁶ esset πρὸς διδασκαλίαν, πρὸς ἔλεγχον, πρὸς ἐπανόρθωσιν, πρὸς παιδείαν τὴν ἐν δικαιοσύνῃ· ἵνα ἄρτιος ᾦ ὁ τοῦ θεοῦ ἄνθρωπος ¹⁷, πρὸς πᾶν ἔργον ἀγαθὸν ἐξηρισμένος: vix credi potest quam multis in perniciem, supremumque exitium convertatur. Iis nimirum omnibus qui in Scriptura ¹⁸ dicuntur οἱ ἀμαθεῖς καὶ ἀστήριχοι, indociles, et στηριγμῷ carentes, instabilesque, quique divina oracula στρεβλοῦσιν πρὸς τὴν ἰδίαν αὐτῶν ἀπώλειαν, in alienum detorta sensum adulterant, et in suam ipsorum perditionem prolabuntur.

283. Cuius flagitii quum tot prostent exempla quot umquam extitere haereses vel adhuc existunt; illud videri non ultimum debet, quo iam inde a christiani nominis primordiis homines perversi, proprioque iudicio condemnati in alienissimum sensum distraxere, quae Paulus in litteris ad Galatas ¹⁹ his verbis exposuit: Ὅτε δὲ ἦλθε ²⁰ Πέτρος εἰς Ἀντιόχειαν, κατὰ πρόσωπον αὐτῷ ἀντέστην, ὅτι κατεγνωσμένος ἦν. Πρὸ τοῦ γὰρ ἐλθεῖν τινὰς ἀπὸ Ἰακώβου, μετὰ τῶν ἐθνῶν συνήσθιεν· ὅτε δὲ ἦλθον, ὑπέστελλε καὶ ἀφώριζεν ἑαυτόν,

⁹) Joh. V. 39, Act. XVII. 11.

¹⁰) Coloss. I. 15: Ὁς ἐστὶν εἰκὼν τοῦ θεοῦ τοῦ ἀοράτου: et Hebr. I. 3: Ὁς ὦν ἀπαύγασμα τῆς δόξης καὶ χαρακτὴρ τῆς ὑποστάσεως αὐτοῦ.

¹¹) Unde Rom. III. 2. coll. Hebr. V. 12. dicuntur τὰ λόγια τοῦ θεοῦ, et Act. VII. 38. λόγια ζῶντα.

¹²) Joh. I. 9. coll. VIII. 12.

¹³) II. Petr. I. 19.

¹⁴) Philipp. II. 7.

¹⁵) Luc. II. 34. coll. Rom. IX. 33, I. Cor. I. 23, Matth. XXI. 42—44.

¹⁶) II. Tim. III. 16—17.

¹⁷) Si bene memini, numquam in Scripturis formula, ὁ τοῦ θεοῦ ἄνθρωπος, eum designat qui nudus sit simplexque fidelis, sed vel prophetam, vel Deo, divinoque ministerio singulariter addictum. Quod secum recolere protestantes deberent, qui hoc testimonio abutuntur, ut singulis fidelibus consultum abunde esse lectione Scripturarum persuadeant.

¹⁸) II. Petr. III. 16.

¹⁹) Galat. II. 11—15.

²⁰) Vulgatus, *Cephas*.

φροβούμενος τοὺς ἐκ περιτομῆς. καὶ συνυπεκρίθησαν αὐτῷ καὶ οἱ λοιποὶ ἰουδαῖοι· ὥστε ²¹ Βαρνάβας συναπήχθη αὐτῶν τῇ ὑποκρισει. Ἀλλ' ὅτε εἶδον, ὅτι οὐκ ὀρθοποδοῦσι πρὸς τὴν ἀλήθειαν τοῦ εὐαγγελίου, εἶπον ²² τῷ Πέτρῳ ἔμ-προσθεν πάντων· εἰ σὺ ἰουδαῖος ὑπάρχων, ἐθνικῶς ζῇς καὶ οὐκ ἰουδαϊκῶς, τί τὰ ἔθνη ἀναγκάζεις ἰουδαΐζειν;

284. Enimvero gnostici primum ac deinde marcionitae, quibus nihil fuit adeo sanctum quod non polluerint, nihil adeo fixum quod non commoverint; Pauli verbis, quodam veluti clypeo abusi sunt, ut quae de apostolorum imperitia ac vero etiam ignorantia, deque pleniore veritatis luce, cuius ipsi nuncii essent atque magistri, comminiscebantur, si quo tandem modo possent, non sine Scripturarum auctoritate a se tradi, defendique persuaderent. En, inquiebant, Petrus erat *κατεγνωσμένος*, dignus qui reprehenderetur, vitamque, moresque non ad puram evangelii veritatem, sed commixtam et iudaico fermento corruptam exigebat. Quis ergo nos idcirco reprehendat, quod apostolorum sapientiae diffidamus? quis nobis idcirco succenseat, quod uberiores, sincerioresque *γνώσω* polliceamur? De qua illorum sive temeritate, sive insania testis est locuples Tertullianus quum in opere ²³ contra Marcionem, tum in libro de Praescriptionibus ²⁴, inquiens: „Proponunt ergo ad suggillandam ignorantiam aliquam apostolorum, quod Petrus et qui cum eo, reprehensi sunt a Paulo. Adeo, inquiunt, aliquid eis deficit. Ut ex hoc etiam illud struant, potuisse postea pleniorē scientiam supervenire, qualis obvenerit Paulo reprehendenti antecessores.“ Et ²⁵ infra: „Non mihi tam bene est, immo non mihi tam male est, ut apostolos committam. Sed quoniam perversissimi isti illam reprehensionem ad hoc obtendunt, ut suspectam faciant doctrinam ²⁶ superiorem, respondebo quasi pro Petro.“

285. Alia quidem mente, neque tamen meliore ²⁷ Porphyrius, quem *rabidum adversus Christum canem* Hieronymus ²⁸ vocat, reprehensione Petri usus

²¹) Vulgatus, *ita ut et, ὥστε καὶ*.

²²) Apud Vulgatum, *dixi Cephae*.

²³) Adversus Marcionem, lib. I. cap. XX, lib. IV. cap. III, et lib. V. cap. III.

²⁴) De Praescriptt. cap. XXIII.

²⁵) Ibid. cap. XXIV.

²⁶) In subiectis adnotationibus scribit Alaspinaeus: „Plerique cum interpretibus existimant, hisce verbis, *doctrinam superiorem*, ea intelligi debere, quae apostoli ante Pauli adventum praedicarant. Verum si animadverterent eiusmodi haereticos non solum Petri, verum etiam Pauli, ceterorumque apostolorum doctrinam suspectam habuisse, concederent mihi, haec de omni

ea doctrina accipi debere, qua dicebant pleniorē postea supervenire posse.“ Atqui contextus communi interpretationi luculenter suffragatur, quam et illud germanam esse demonstrat, quod Tertulliano cum iis haereticis res sit, qui solas Pauli epistolas verebantur.

²⁷) Nicephorus testimonio Eusebii innixus tradit lib. X. cap. XXXVI, Porphyrium antea fuisse christianum, quam eiurato sacramento bellum Christo, eiusque religioni indiceret.

²⁸) Praefat. ad lib. de Scriptt. Ecclesiasticis. Similia habet Eusebius, Praeparat. Evangelic. lib. X. cap. IX. Omnia

est, ut apostolos auctoritate exspoliaret, Paulum vero ambitionis, temeritatisque convinceret. Ecquis enim iis admodum deferre velit, qui secumipsis digladiantur? quis uti testes *ἀξιόπιστους* eos audiat, qui in diversa contrariaque rapiuntur? quis Pauli ferat insolentem fastum, quo apostolorum primum et chori ducem non seorsum ac tacite, sed *κατὰ πρόσωπον* et *ἐμπροσθέν πάντων* coarguit, ac propemodum traduxit? Sic ille, uti Chrysostomus ²⁹ et Hieronymus ³⁰ confirmant, qui Pauli consilio in epistola ad Galatas exposito, subdit: „Quod nequaquam intelligens Bataneotes et sceleratus ille Porphyrius, in primo operis sui ³¹ adversum nos libro, Petrum a Paulo obiecit esse reprehensum, quod non recto pede incederet ad evangelizandum, volens et *illi maculam erroris* inurere, et *huic procacitatis*, et in commune ficti dogmatis accusare mendacium, dum inter se ecclesiarum principes ³² discrepant.“

286. Successit Julianus ³³ cognomento apostata, qui in tribus adversus christianam fidem conscriptis libris e re sua fore existimavit, si contentionem Pauli cum Petro, atque huius reprehensionem in dedecus ipsius religionis converteret. Neque enim fieri posse contendebat, ut in pretio ea haberetur religio, cuius principes magistri, doctoresque hypocrisi, ignorantia, ambitionisque morbo aegrotarent. Refert ista ³⁴ Cyrillus, qui Juliani libros refellendos sibi profligandosque suscepit, operique suo, dicteriis solum conviciisque praetermissis, totos propemodum intexit.

287. Quid vero protestantes, quique postremis hisce saeculis in id sibi incumbendum maxime esse arbitrati sunt, ut ornamenta Petri, eximiamque auctoritatem, quibus auctum divinitus fuisse constat, e medio tollerent, neque repudiarent modo, verum etiam invisa, exosaque redderent? Minime mentiar si dixerim, nullum legi commentarium, nullum de ecclesiastica hierarchia ab iisdem profectum opus, in quo reprehensio Petri non memoretur, exaggeretur, ac nefarie detorta ad oppugnandam eiusdem *ὑπεροχὴν* non adhibeatur. „Romanae sedis hostes, inquit ³⁵ Philippus Priorius, reprehensionem illam b. Petri mirifice extollunt; inde enim confectum putant, summum Pontificem reprehensioni esse

Porphyrii scripta Theodosius lege lata igne aboleri iussit. Cf. de summa Trinitate l. 3.

²⁹) Comm. in cap. II. epist. ad Galatas, n. 4, et singulari homilia in ea verba, *κατὰ πρόσωπον αὐτῷ ἀντίστην*, quae habetur opp. T. III. pagg. 362. seqq.

³⁰) Prooem. in epist. ad Galatas.

³¹) Quod inscriptum erat, *contra Christianos*, et quindecim libris constabat.

³²) Simili loquendi forma Chrysostomus utitur in ea quam memoravimus homilia, n. 2. inquit: *Ὅτι οἱ σὺνλοι τῆς*

ἐκκλησίας συγκρούονται καὶ ἀλλήλοις προσπίπτουσι. Nihilominus n. 8. Petrum prae ipso Paulo, ceterisque apostolis *κορυφαῖον* dicit, et n. 5. *τὴν γλῶτταν τῶν ἀποστόλων*. Quod nimirum eiusmodi phrases non *simpliciter* sed *quadamtenus* aequalitatem referant.

³³) Cf. Sozomenum, H. E. lib. V. cap. XVIII.

³⁴) Con. Julian. lib. IX.

³⁵) In notis ad cap. XXIII. libri de Praescriptionibus.

vere obnoxium.“ Heic, subdit ³⁶ Baronius, „plane est lapis offensionis, heic petra scandali, in quam complures impegisce noscuntur: qui enim historiam captu difficilem, nulla alia adhibita diligentioris studii consideratione, cursim legentes sunt interpretati, eo insaniae progressi sunt, ut vel Paulum temeritatis arguerent, quod in Petrum non tam libere quam procaciter sit invectus; vel hypocrisis nomine sugillant Petrum, quod ageret simulate; vel utrumque condemnent, quod non in eandem fidei regulam consentirent.“

Quae quidem non temere, leviterque, sed consulto ac graviter a viris doctissimis affirmari, ex his perspicuum esse debet quae Calvinus ³⁷ scribit: „Ista reprehensio signum est aequalitatis. Fateor quidem summos ab infimis iure reprehendi. Itaque non sequitur, eos qui quempiam reprehendunt, protinus esse pares. Nam libertas haec minoribus erga maiores permittitur a Deo. Sed *qualitas reprehensionis* heic notanda est. Neque enim simpliciter Paulus reprehendebat Petrum ut christianus christianum, sed id faciebat *ex officio*, ut loquuntur, hoc est, pro iure apostolicae personae quam ³⁸ sustinebat. Atque heic altero fulmine prosternitur romanus papatus. Praesertim vero coarguitur illa impudentia, quod romanus Anti-Christus immunem se iactat a reddenda ratione, et quod universae ecclesiae iudicio se eximit. Hic unus homo non temere, non illicita audacia, sed concessa sibi a Deo potestate Petrum coram tota ecclesia castigat. Et Petrus *obedienter* ³⁹ correctioni se submittit. Immo tota disputatio duorum istorum capitum nihil aliud fuit ⁴⁰ quam aperta eversio tyrannici illius primatus, quem iure divino fundatum garriunt romanenses.“ Subscribit Franciscus Turretinus ⁴¹ minori quidem petulantia verborum, sed non minori confidentia inquit: „Oecumenicus pontifex est *ἀντιπύθνης*, qui omnes iudicare, et a nemine iudicari vel reprehendi ⁴² debet. Sed Petrus a Paulo iudicatus et repre-

³⁶) Ad an. LI. §. XXXII.

³⁷) Comm. in cap. II. epist. ad Galatas.

³⁸) Seposita tantisper de principatu controversia, libenter a Calvino peterem, an ius apostolicae personae quam Paulus sustinebat, auctoritatem in ipsos quoque apostolos, atque adeo Petrum illi contulerit. Ne sibi repugnet, doctrinamque quam deperit de omnimoda apostolorum aequalitate imprudens reiiciat, respondeat necesse est: nullum Paulo ius, auctoritatem nullam in apostolos, Petrumque fuisse. Reprehendit tamen Petrum. Utique, sed eo iure quum naturali, tum divino, quo cuique licet, apostolo autem maxime, fratrem sibi aequalem, eundemque devium ex obliquo calle revocare.

³⁹) Obedivit sane Petrus, sed legi illi naturali, divinaeque quae maximis, mediis, infimis praecipit, ut fratrem vera iustaque monentem audiant, ac verum iustumque complectantur.

⁴⁰) Et illa credo, quibus Paulus testatur, se propterea Hierosolymam venisse, ut Petrum videret, ac ex officio eiusdem praedicationis evangelium cum eo conferret, ne frustra currere ac iampridem cucurrisse videretur. Sed quid ab homine exspectes, qui odio occaecatus ne lucem quidem cernit?

⁴¹) Locus XVIII. q. XVII. §. IX.

⁴²) Falsa ista sunt, et quae negari debent, nisi de iudicio et reprehensione

hensus⁴³ legitur Galat. II. 11, *cum autem Petrus venisset Antiochiam, coram omnibus illi obstiti, quia reprehensibilis erat*, quod non notat tantum ἐγκλημα, sed et ἐπίπληξιν et ἐπιτίμησιν σφοδρότεραν.⁴⁴ Ac mox⁴⁵ Cardinalis Perronii sententiam expendens, subdit: „Non melius Perronius vult fuisse *reprehensionem caritatis, non auctoritatis*. Quia licet fuerit reprehensio *caritatis*, et non auctoritatis superioris ad inferiorem, fuit tamen *iustae severitatis*, quae sine aequalitate⁴⁵ Petri et Pauli non potest licita esse. Nam si Petrus caput et princeps fuisset ecclesiae, quomodo Paulus sine violatione obsequii illi debiti potuisset tam libere coram omnibus eum carpere?“ Hinc Marcus Antonius de Dominis, qui non sine foenore in suo opere *De Republica Ecclesiastica* omnia congegessit, quae fuerant ab antecessoribus absurde excogitata, impudenterque dicta, sic gessit ac triumphat⁴⁶, ut una Petri reprehensione et eiusdem primatum, et supremi magisterii⁴⁷ auctoritatem convelli funditus arbitretur.

288. In quibus quum plurima sint, quae et notari acriter, graviterque refelli mereantur, illud tamen praeponendum ceteris videtur, nihil esse hac opinandi, iudicandique apud protestantes usitata ratione, quod ab unanimi orthodoxorum patrum sententia manifestius dissideat. Quum autem orthodoxos patres appello, non eos intelligo solum qui post quartum quintumque saeculum floruerunt; sed eos inprimis ac potissimum ob oculos habeo, quorum studiis res christiana altero, tertio, quartoque nondum elapso saeculo maxime enituit. His omnibus, atque adeo sententiae iudicioque nondum corruptae⁴⁸, deflorataeque ecclesiae adversa fronte repugnare affirmo quae de Petri reprehensione coniiciunt, quaeque ex ea contra supremam illius auctoritatem protestantes deducunt.

289. Sane non vulgatus solum Martialis⁴⁹, Pseudo-Dorotheus⁵⁰, auctor

intelligantur, quibus maior ac superior in minorem obnoxiumque animadvertat.

⁴³) Legitur utique iudicatus et reprehensus, sed non ut minor a maiore, neque ut obnoxius a superiore. Sunt ergo *ἀνίστατα* quae Turretinus copulat, et universa illatio pura putaque est *ὁμωνυμία*.

⁴⁴) Ibid. §. X.

⁴⁵) Unde haec *iusta severitas*? inde, opinor, quod Paulus non seorsum sed publice et coram omnibus Petro restiterit. Sed quid haec ad *aequalitatem* comprobendam? qua iuris regula cautum est, ne minor et inferior, si caussa postulet, maiori superiorive publice adversetur? hanc regulam Turretinus comminiscitur, non leges statuunt.

⁴⁶) Lib. I. cap. XI—XXI.

⁴⁷) Docet enim Petrum a recta fide defecisse, idque probat Pauli verbis, *ἀλλ' ὅτε εἶδον, ὅτι οὐκ ὀρθοποδοῦσι πρὸς τὴν ἀλήθειαν τοῦ εὐαγγελίου*. Sed quis umquam vel e protestantium numero dubitavit, utrum apostoli in edocenda fide, promulgandoque evangelio essent *infallibiles*? quis ad asserendam illis *ἀσφαλείας* dotem non adhibuit verba Salvatoris, *ἐγὼ μεθ' ὑμῶν εἰμι πάσας τὰς ἡμέρας*? Sunt ista certissima ac omnibus explorata, quae tamen ne Spalatensis videret, odium effecit quo in Petri primatum furebat.

⁴⁸) Sunt haec ad normam cogitandi, loquendique protestantium expressa.

⁴⁹) Tom. II. Biblioth. Patrum, edit. Lugdun. pag. 110.

⁵⁰) In Synopsis, T. III. Biblioth. Pa-

Chronici alexandrini ⁵¹ et Oecumenius ⁵²: neque ii solum quorum meminere Chrysostomus ⁵³, Hieronymus ⁵⁴, Gregorius ⁵⁵ et Hervaeus ⁵⁶; sed ipse etiam alexandrinus Clemens, secundi saeculi doctor, vir ⁵⁷ ἐνάρετος καὶ δόκιμος, qui- que magistros ⁵⁸ nactus erat ἄνδρας μακαρίους καὶ τῷ ὄντι ἀξιολόγους, verbis minime obscuris significarunt, illam sibi probari sententiam, qua reprehensus a Paulo Cephass alius a Petro apostolorum principe existimatur. Clementis sententiam e quinto τῶν ὑποτυπώσεων libro refert, neque improbat ⁵⁹ Eusebius, quum de Servatoris nostri discipulis loquens ait: „In quo (Clementis libro) etiam Cepham illum cui Antiochiam ingresso Paulus se palam restitisse dicit, traditur ἓνα γεγονέναι τῶν ἐβδομήκοντα μαθητῶν, ὁμώνυμον Πέτρῳ τηγχάνοντα τῷ ἀποστόλῳ, unum fuisse e septuaginta discipulis Petro apostolo cognominem.“

290. Jam mihi facultas permittatur velim scitandi, unde tam antiquis, eruditisque scriptoribus haec opinio videri *probabilis* potuerit. E contextu ne ductuque sermonis? dicam, quod sentio, quodque plerisque omnibus ⁶⁰ placere intelligo, contextum epistolae ad Galatas talem esse, qui vix ac ne vix quidem sinat, ut Cephae nomine alter a Petro significatus credatur. Apposite ⁶¹ Hieronymus: „Sunt qui Cepham, cui hic in faciem Paulus restitisse se scribit, non putent apostolum Petrum, sed alium de septuaginta discipulis isto vocabulo nuncupatum, et dicunt nequaquam Petrum a convictu gentium se potuisse subtrahere, qui et centurionem Cornelium baptizarat, et cum ascendisset Hierosolymam, disceptantibus adversus se qui erant ex circumcisione, et dicentibus: *quare introisti ad viros praeputium habentes, et manducasti cum illis?* post narrationem visionis, tali responsionem suam fine concluderit: *si ergo eandem gratiam dedit illis Deus sicut et nobis qui credimus in Dominum Jesum Christum, ego quis eram qui possem prohibere Deum?* quibus auditis tacuerunt et glorificaverunt Deum, dicentes: *ergo et gentibus Deus poenitentiam ad vitam*

trum, edit. Lugdun. pag. 429. Huic adde Pseudo-Hippolytum Thebanum in libro *de duodecim apostolis*, T. II. opp. Hippolyti, pag. 39. edit. Fabricii; tum corrige Christiani Lupi errorem in Scholiis ad cap. XXIII. libri de Praescriptionibus affirmantis: „Primus istius vanae opinionis auctor videtur fuisse in Synopsi de septuaginta duobus Domini discipulis sanctus Dorotheus.“

⁵¹) Ad annum Christi XXX, apud Radierum, pag. 213. edit. Paris. 1688.

⁵²) In comm. ad Galat. II.

⁵³) Hom. in illud, *In faciem Petro restitit*, n. 15.

⁵⁴) In comm. ad Galat. II.

⁵⁵) In Ezechiel. hom. XVIII.

⁵⁶) Qui vulgo Anselmus dicitur, in comm. ad Galat. II.

⁵⁷) Quibus titulis ornatur in epistola Alexandri hierosolymitani ad Origenem, apud Eusebium H. E. lib. VI. cap. XI.

⁵⁸) Apud Eusebium, H. E. lib. V. capp. XI—XIII.

⁵⁹) H. E. lib. I. cap. XII.

⁶⁰) Paucissimi enim sunt, qui cum Harduino in dissertatione qua ostendere conatur, *Cepham a Paulo reprehensum Petrum non esse*, aliter existimaverint.

⁶¹) Lib. I. in epist. ad Galatas, cap. II.

dedit. Maxime cum Lucas scriptor historiae nullam huius dissensionis faciat mentionem, nec dicat umquam Petrum Antiochiae fuisse cum Paulo, et locum dari Porphyrio blasphemanti, si aut *Petrus errasse*, aut Paulus procaciter *apostolorum principem* confutasse credatur.⁶² Mox enim subdit: „Quibus primum respondendum, alterius nescio cuius Cephae nescire nos nomen, nisi eius qui et in evangelio, et in aliis Pauli epistolis, et in hac quoque ipsa modo Cephas⁶² modo Petrus scribitur: non quod aliud significet Petrus, aliud Cephas, sed quod quam nos latine et graece petram vocemus, hanc hebraei et syri propter linguae inter se viciniam, cepham nuncupent. Deinde totum argumentum epistolae quod oblique de Petro, Jacobo et Joanne dicitur, huic intelligentiae repugnare. Nec mirum esse si Lucas hanc rem tacuerit, quum et alia multa quae Paulus sustinuisse se replicat, historiographi licentia praetermiserit, et non statim esse contrarium, si quod alius ob causam dignum putavit relatu, alius inter cetera dereliquit. Denique primum episcopum antiochenae ecclesiae Petrum fuisse accepimus, et Romam inde translatum, quod Lucas penitus omisit. Ad extremum si propter Porphyrii blasphemiam, alius nobis fingendus est Cephas, ne Petrus putetur errasse, infinita de scripturis erunt radenda divinis, quae ille, quia non intelligit, criminatur.“

291. Illis igitur argumenta deerant *insita* et hermeneutica, quibus Cepham a Petro distinguerent: neque minus deerant *historica*, quaeque e primaeva traditione desumerentur. Irenaeus⁶³ enim ὁ ἐγγὺς τῶν ἀποστόλων γενόμενος, idemque⁶⁴ Polycarpi discipulus iampridem⁶⁵ scripserat: „Hi qui circa Jacobum apostoli gentibus quidem libere agere permittebant, concedentes nos Spiritui Dei. Ipsi vero eundem scientes Deum perseverabant in pristinis observationibus, ita ut et *Petrus quoque timens ne culparetur ab ipsis, ante manducans cum gentibus*, propter visionem et propter Spiritum qui requieverat super eos, quum tamen advenissent quidam ab Jacobo, separavit se, et non manducavit cum eis. Hoc ipsum autem dixit Paulus et Barnabam fecisse.“ E quibus perspicue apparet quod de primaeva traditione contendimus, eundem omnino fuisse, qui Petrus quique Cephas in epistola ad Galatas nuncupatur.

292. Quare rursum interrogabo, quum Cepham a Petro distinguendi nulla sive *insita* et hermeneutica, sive *adscita* et *historica* suppeterent argumenta;

⁶²) Quod apostolorum princeps modo אֲפִיכָה, *Kηγᾶς*, modo Πέτρος: quod Thomas modo תאומא, *Θωμᾶς*, modo Ἀδύμοος: quod mulier quam ad vitam Petrus revocavit, modo Ἰδὲλ, צִיִּי, *Ταβιθά*; modo Λορᾶς nuncupentur: quod alia item nomina hebraice, syro-chaldaice et graece ἀδιαφόρως adhibeantur; indicium esse posset, utramque linguam Christo et apostolis

usitam fuisse ac propemodum vernaculam. Ceterum hac de re vide Simon, De Rossi, Pfankuchen, Diodati, Arigler, Hug, Binterim, Maltby, alios.

⁶³) Apud Basilium, *De Spiritu-sancto*, cap. XXIX.

⁶⁴) Apud Eusebium, H. E. lib. V. cap. XX.

⁶⁵) Con. Haeres. lib. III. cap. XII.

quidnam tandem tot, tantosque veteres scriptores commovere potuit, ut de huiusmodi discrimine cogitarent primum, excogitatumque defenderent? manifestum est nullam adduci caussam posse, nisi earum numero comprehensam, quas vulgo *dogmaticas* dicere solemus. Quod de iis, qui post editos a Porphyrio libros contra christianam religionem, huius in se defensionem susceperunt, disertis ab Hieronymo ⁶⁶ confirmari verbis demonstravimus. Sed quid de Clemente arbitramur, qui antea claruit, opusque *ὑποτυπώσεις* conscripsit, quam sceleratum Porphyrii nomen resonaret? non admodum a veritate discesserimus, si illud ipsum arbitremur, quod Chrysostomus de iis testatur ⁶⁷, qui quarto etiam saeculo Clementis opinionem tuebantur. Sic enim illos disserentes inducit: „Non erat hic Petrus, inquit, ὁ τῶν ἀποστόλων πρῶτος, ὁ παρὰ τοῦ κυρίου τὰ πρόβατα πιστευθεὶς, ἀλλ' ἕτερός τις εὐτέλης καὶ ἀπεθρόνιμνος, καὶ τῶν πολλῶν εἷς, ille primus apostolorum, cui fuerunt oves a Christo creditae, sed alius quispiam vilis et abiectus, et unus e multis. Unde id constat? cum ceteros iudaeos abductos fuisse cum illo dixisset Paulus, adiecit, *ita ut et Barnabas duceretur cum eis in illam simulationem*. Τὸ δὲ εἰπεῖν, ὥστε καὶ Βαρνάβας, δηλοῦντός ἐστιν, ὅτι πολὺ τοῦτο θαυμαστότερον ἦν τοῦ Πέτρου ἀπαχθῆναι. ὡς γὰρ μεῖζονα αὐτὸν τιθεῖς, οὕτως εἶπεν, ὅτι οὐ μόνον Πέτρος, ἀλλὰ καὶ Βαρνάβας. Πέτρου δὲ ἐκείνου μεῖζον Βαρνάβας οὐκ ἦν. Quod autem dixit, *ita ut etiam Barnabas*, indicat multo fuisse mirabilius illud, quam Petrum abductum esse. Sic enim loquutus est, ut maiorem illum censere videatur: non modo Petrus, inquit, sed et Barnabas. Atqui Barnabas Petro illo maior non erat.“

293. Hactenus illi, quorum improbaturus sententiam Chrysostomus ⁶⁸ subdit: „Verumtamen non ita se res habet, plane ita se non habet. Οὐ γάρ, ἐπειδὴ μεῖζον ἦν ὁ Βαρνάβας, διὰ τοῦτο ἐπὶ τοῦτ' ἀναμάζει μᾶλλον, ἀλλὰ τίνος ἕνεκεν; neque enim eo quod Barnabas maior esset, ideo vehementius miratur: quam igitur ob caussam? quod nimirum ille quidem in circumcisionem missus esset, at Barnabas cum Paulo gentibus praedicaret, et ubique cum Paulo copularetur. Quemadmodum igitur alibi ⁶⁹ dicit, *aut ego solus et Barnabas non habemus potestatem hoc operandi?* et ⁷⁰ rursus, *ascendi Jerosolymam cum Barnaba*: et ubique vides illum cum Paulo docere. Non ergo quod Petro maior esset, idcirco eum quoque abductum esse miratur; sed quod is qui secum semper praedicabat, cuique nihil erat commune cum iudaeis, verum inter gentes docebat, ipse quoque esset abductus. Ceterum Petrum illum esse, de quo haec omnia dicit, cum ex iis quae praecesserunt, tum ex iis quae sequuntur, manifestum est. Τὸ γὰρ εἶπεν, ὅτι κατὰ πρόσωπον αὐτῷ ἀντέστην, καὶ ὡς μέγα θεῖγμα τοῦτο, οὐδὲν ἕτερον δηλοῦντος ἦν, ἀλλ' ἢ ὅτι οὐκ ἠδέσθη τοῦ προσώπου τοῦ ἀξίωμα· οὐκ ἂν δὲ περὶ ἑτέρου λέγων, ὅτι κατὰ πρόσωπον αὐτῷ

⁶⁶) n. 290.⁶⁸) Ibidem.⁶⁷) Hom. in illud, *In faciem Petro restiti*, n. 15.⁶⁹) I. Cor. IX. 6.⁷⁰) Galat. II. 1.

ἀντέστην, ὡς μέγα τι τοῦτο ἀν' ἔθηκε. Πάλιν, εἰ ἄλλος ἦν ὁ Πέτρος, οὐκ ἂν μετὰστασις αὐτοῦ τοσοῦτον ἴσχυσεν, ὥστε καὶ τοὺς λοιποὺς ἐφελκύνασθαι ἰουδαίους. οὔτε γὰρ παρήνεσέ τι, οὔτε συνεβούλευσεν, ἀλλὰ μόνον ὑπέστελλε, καὶ ἀφώρριζεν ἐαυτὸν· καὶ ἴσχυσεν ἡ ὑποστολή καὶ ὁ ἀφορισμὸς πάντας ἐπιστάσασθαι τοὺς μαθητὰς διὰ τὸ τοῦ προσώπου ἀξίωμα. Quod enim se in faciem restitisse illi dicit, ac pro magno illud habet, nihil aliud indicat nisi se dignitatem minime reveritum esse personae: porro de altero quopiam si dixisset, se in faciem illi restitisse, nequaquam hoc pro magno habuisset. Praeterea si quispiam alius Petrus fuisset, non tantum valuisset eius mutatio, ut ceteros etiam iudaeos attraheret. Neque enim adhortatus est, neque consuluit, sed tantum subtrahebat et segregabat se: atque illa subtractio et segregatio ceteros omnes discipulos attrahere potuit propter personae dignitatem.“

294. Praeclara sane dissensio, et quae protestantibus stupori merito sit. Negabant illi eundem esse Cepham et Petrum, ne si concederent, non omnium maximus, coetusque apostolici *ηγούμενος* Petrus videretur. Repugnabat Chrysostomus, quod ea Cephae tribui, eaque a Paulo de illo referri animadverteret, quae non alteri quam apostolorum principi, supremoque doctori rite adscriberentur. Videlicet suprema Petri dignitas, quae omnium animos, mentesque occupabat, norma utrisque fuit, qua unum eundemque Cepham ac Petrum esse vel contenderent vel negarent. Quae quidem norma apud eos, quorum Chrysostomus opinionem refellit, tantas vires habuit, ut satius duxerint, quae in epistola ad Galatas legebantur, minus commode accipere quam pati ut de summo Petri iure quidpiam detractum crederetur.

295. Praevaluit tamen sententia argumentis insitis, historicisque comprobata, et graeci latinique Patres unanimi prope consensione docuerunt, memoratum a Paulo Cepham non alium ab eo esse, cui Servator ⁷¹ dixit: *σὺ εἶ Σίμων, ὁ υἱὸς Ἰωνᾶ· σὺ κληθήσῃ Κηφᾶς*. Incredibile autem dictu est quam sollicita ac anxia veluti cura iidem caverint, ne quid propterea a Paulo scriptum censeretur, quod cum eximia Petri dignitate minus apte consentiret. Tria potissimum erant quae scrupulum iniicerent: reprehensio primum, caussa deinde reprehensionis, ac illud postremo quo Petrus in transversum actus videri poterat. Quid igitur Patres? si de graecis loquimur, omnium haec fuit concors sententia: et reprehensionem fuisse oeconomicam, et causam reprehensionis innoxiam, et id cuius gratia a convictu gentium se Petrus subduxit, ad illius laudes pertinere. Quae ne videar temere affirmasse, gravissimo Hieronymi testimonio demonstrabo.

296. Is enim et in commentario, et in proluxa quam hac super re ad Augustinum dedit epistola, de reprehensione Petri ita ⁷² statuit: „Ex eo quod Petrus antequam quidam de Hierosolymis Antiochiam venirent, edebat cum gentibus, ostenditur, non eum oblitum fuisse praecepti, nullum hominem communem et immundum dicere. Sed quia propter eos qui adhuc legem observandam

⁷¹) Joh. I. 43.

⁷²) Lib. I. in epist. ad Galat. II. 12.

putabant, paululum se a convictu subtraxerat gentium, ita ut etiam ceteri qui ex iudaeis erant, similiter facerent, et Barnabas qui cum Paulo in gentibus evangelium praedicabat, hoc facere cogeretur; hi qui Antiochiae crediderant ex gentibus, nec fuerant circumcisi, compellebantur ad legis onera transcendere, non intelligentes ⁷³ dispensationem Petri, qua iudaeos salvari cuperet, sed putantes ita se evangelii habere rationem. Cum itaque vidisset apostolus Paulus periclitari gratiam Christi, nova bellator eius usus est arte pugnandi, ut dispensationem Petri qua iudaeos salvari cupiebat, *nova ipse contradictionis dispensatione* ⁷⁴ corrigeret, et resisteret ei in faciem, non arguens propositum, sed quasi in publico contradicens, ut ex eo quod Paulus eum arguens resistebat, hi qui crediderant ex gentibus servarentur. Quod si putat aliquis vere Paulum Petro apostolo restitisse, et pro veritate evangelii intrepide fecisse iniuriam praecessori; non ei stabit illud ⁷⁵ quod et ipse Paulus iudaeis iudaeus factus est ut iudaeos lucrifaceret, et eiusdem simulationis ⁷⁶ tenebitur reus, quando caput totondit in Conchreis, et facto calvitio, oblationem obtulit in Hierusalem, et Timotheum circumcidit, et nudipedalia exercuit, quae utique manifestissime de caeremoniis iudaeorum sunt.“ Et ⁷⁷ infra: „Sicut hi

⁷³) Simili loquutione utitur epistola LXXV. inter Augustinianas, n. 4.

⁷⁴) In epistola quam citavimus, n. 11. scribit: „Didicimus, quod propter metum iudaeorum, et Petrus et Paulus aequaliter finxerint se Legis praecepta servare. Qua igitur fronte, qua audacia Paulus in altero reprehendat quod ipse commisit? ego, immo alii ante me exposuerunt caussam quam putaverunt, non *officiosum mendacium* defendentes, sicut tu (Augustinum alloquitur) scribis, sed docentes *honestam dispensationem*; ut et apostolorum prudentiam demonstrarent, et blasphemantis Porphyrii impudentiam coercerent, qui Petrum et Paulum puerili dicit inter se pugnasse certamine; immo exarsisse Paulum in invidiam virtutum Petri, et ea scripsisse iactanter, quae vel non fecerit, vel si fecerit, procaciter fecerit, id in alio reprehendens quod ipse commiserit. Interpretati sunt illi ut potuerunt: tu quomodo istum locum edisseres? utique meliora dicturus, qui veterum sententiam reprobasti.“

⁷⁵) I. Cor. IX. 20; de quibus Pauli verbis accurate disserit Augustinus epist. XL.

⁷⁶) Durius hoc vocabulum sic accipi debet, ut *οἰζοροπία* exprimat, qua Paulus ita se gessit, ac si liber non esset, et iugo mosaicorum rituum premeretur.

⁷⁷) Lib. I. in epist. ad Galat. II. 14. Idipsum paullo superius hac imagine adumbraverat: „Aliquoties quum adolescentulus Romae controversias declamarem, et ad vera certamina fictis me litibus exercerem, currebam ad tribunalia iudicum, et disertissimos oratorum tanta inter se videbam acerbitate contendere, ut omissis saepe negotiis in proprias contumelias verterentur, et ioculari se invicem dente morderent. Si hoc illi faciunt, ut apud reos nullam suspicionem praevaricationis incurrant, et fallunt populum circumstantem; quid putamus tantas ecclesiae columnas, Petrum et Paulum, tanta vasa sapientiae inter dissidentes iudaeos atque gentiles facere debuisse? nisi ut eorum simulata contentio, pax credentium fieret, et ecclesiae fides, sancto inter eos iurgio concordaret.“ Similitudine eodem pertinente, eaque elegantiore utitur Chrysostomus in ea quam citavimus homilia, nn. 16 — 17.

qui sanis gressibus claudicare se simulant, non vitium habent in pedibus, sed est aliqua caussa cur claudicent; ita et Petrus sciens circumcisionem et praeputium nihil esse, sed observationem mandatorum Dei, edebat quidem ante cum gentibus, sed pro tempore ab eis se, ne iudaeos a fide Christi perderet, subtrahebat. Unde et Paulus eadem arte qua simulabat, ei restitit in faciem, et loquitur coram omnibus, non tam ut Petrum arguat, quam ut hi quorum causa Petrus simulaverat corrigantur. Quod si cui iste non placet sensus, quo nec Petrus peccasse, nec Paulus procaciter ostenditur arguisse *maiores*, debet exponere qua consequentia hoc Paulus in altero reprehendat quod ipse commisit. Quare ⁷⁸ verbis, κατὰ πρόσωπον αὐτῷ ἀντίστην, hunc subiicit commentarium: „Ut ante iam diximus, restitit secundum faciem publicam Petro et ceteris, ut hypocrisis observandae legis, quae nocebat eis qui ex gentibus crediderant, correptionis hypocrisi ⁷⁹ emendaretur, et uterque populus salvus fieret, dum et qui circumcisionem laudant, Petrum sequuntur, et qui circumcidi nolunt, Pauli praedicant libertatem.“ De iis autem quae sequuntur ⁸⁰, ὅτι κατεγνωσμένος ἦν, ait: „Propterea medie temperavit, ut intelligamus non tam a Paulo eum fuisse reprehensibilem, quam his fratribus cum quibus antea edens se ab eis postea separabat.“

297. Quod autem Hieronymus probe sciret aliter Augustino videri, interpretationi a se editae fidem auctoritatemque patrocinio veterum conciliavit. Illius propterea ⁸¹ auctores, testesque adduxit Origenem in decimo Stromatum libro, Alexandrum, Apollinarem laodicenum, Didymum, Eusebium emisenum, et Theodorum heracleotem; tum his verbis Augustinum compellavit: „Si quid igitur reprehensione dignum putaveras in explanatione nostra, eruditionis tuae fuerat quaerere, utrum ea quae scripsimus, haberentur in graecis, ut si illi non dixissent, tunc meam proprie sententiam condemnares.“ Sed nonne hi sunt plerique omnes, qui tertio quartoque saeculo explanandis Scripturis suam operam impenderunt? certissime. Et nihilominus addere iis Hieronymus poterat Clementem alexandrinum ⁸², cuius mentem sententiamque Adamantius expressit; nos vero addere praeterea possumus et alexandrinum Cyrillum ⁸³, et quotquot apud graecos consequitis aetatibus Pauli epistolas enarrarunt. Numquam enim apud eos

⁷⁸) Galat. II. 11.

⁷⁹) Correptione nimirum κατὰ ὄργανον τὰ βασιν adhibita, de qua pluribus agit Chrysostomus in homilia quam memoravi-
mus, nn. 17—18.

⁸⁰) Galat. II. 11.

⁸¹) Epistola LXXV. al. XI. inter Augustin. n. 4. Quibus Chrysostomum addit n. 6. inquires: „Quid autem dicam de Joanne, qui dudum in pontificali gradu constantinopolitanam rexit ecclesiam, et

proprie super hoc capitulo latissimum exaravit librum (ea est homilia, cuius saepe meminimus), in quo Origenis et veterum sententiam est sequutus? si igitur me reprehendis errantem, patere me, quaeso, errare cum talibus: et cum me erroris mei multos socios habere perspexeris, tu veritatis tuae saltem unum adstipulatorem proferre debebis.“

⁸²) Stromat. lib. VII. pag. 730.

⁸³) Ad calcem libri IX. con. Julianum.

alia interpretationis ratio obtinuit quam quae vetustioribus Patribus arriserat, quamque prae reliquis Chrysostomus splendidissime adornaverat.

298. Quae quum ita sint, non minimum iuverit momenta rationum cognovisse quibus effectum est, ut nobilissimi quique, iidemque antiquissimi graeci scriptores hanc prae ceteris interpretationem deligerent, delectamque tuerentur. Mihi enim eos falli certissimum est, qui caussam inde arcessendam existimant, quod ea interpretatio omnium maxime obvia esset, prona, ac e verbis ipsis sua sponte profecta. An illud obvium, quodque ultro se offerret, initis amice consiliis ⁸⁴, Petrum a convictu se gentium subduxisse, ut Paulo reprehensionis, libertatisque evangelicae asserendae copiam faceret? quidnam est in tota orationis serie, quod umbram vestigiumque huius conspirationis praeseferat? immo quid deest, quo ⁸⁵ omnia non οἰκονομικῶς sed ἀληθῶς contigisse videantur? interpretationes autem phrascon, κατὰ πρόσωπον αὐτῷ ἀντέστην, et, ὅτι κατεγνωσμένος ἦν, non exquisitae modo sunt, longiusque deductae, sed plane dixerim incommodae ac detortae.

Quod enim Paulus ⁸⁶ scribit: κατὰ πρόσωπον αὐτῷ ἀντέστην, hunc ex sese fundit sensum: *ipsi palam restiti*. Talis namque est vulgatissima potestas loquutionis κατὰ πρόσωπον, cui ⁸⁷ respondent hebraicum וְפָנָיו, et graecum ἐνώπιον, illamque confirmant quae mox sequuntur, ἐμπροσθεν πάντων. At graeci interpretes ut Petri reprehensionem referre ad οἰκονομίαν et συγκατάβασιν possint, κατὰ πρόσωπον reddunt κατὰ σχῆμα, specie ac larva ⁸⁸ tenus.

Alterum vero, ὅτι κατεγνωσμένος ἦν, sive ad praecedentia referas, *ipsi palam restiti*, sive cum insequentibus compares, εἶπον τῷ Πέτρῳ ἐμπροσθεν πάντων, dixi Petro coram omnibus, non aliter commode accipias, quam si de Petro interpreteris, qui Paulo κατεγνωσμένος, idest ⁸⁹, καταγνώσεως ἄξιος vi-

⁸⁴) E qua amica consiliorum conspiratione interpretatio tota dependet.

⁸⁵) Quod prae ceteris Augustinus epist. LXXXII. al. XIX. ostendit, iisque omnino argumentis quae ipsum quoque Hieronymum a pristina tandem sententia revocarint. Cuius rei idem testis est Augustinus epist. CLXXX. al. CCLX. ad Oceanum, n. 5. inquires: „Sed quid hinc diutius? cum de hac quaestione inter nos, ego et praedictus venerabilis frater Hieronymus satis litteris egerimus; et in hoc opere recentissimo, quod sub nomine Critobuli adversus Pelagium modo edidit, eandem de ista re gesta dictisque apostolicis sententiam tenuit, quam beatissimi Cypriani etiam nos secuti sumus.“

⁸⁶) Galat. II. 11.

⁸⁷) I. Regg. I. 23, Ps. L. 21. Cf. Raphelium in Observatt. Polyb. pag. 513, et Elsnerum Observatt. Sacr. T. II. pag. 179.

⁸⁸) Significatione etymologica, quum πρόσωπον sit πᾶν πρὸς τὸν ὤπα, quod oculis et faciei admovetur, larva.

⁸⁹) Alexander Morus in notis ad Galat. II. 11: ὅτι κατεγνωσμένος ἦν, scribit: „Reddo, quia condemnatus erat, quae propria est potestas huius vocis. Hesychius, κατεγνωσμένος· κατακεκριμένος, condemnatus. Notum illud Juliani, ἐγνων, ἀνέγνων, κατέγνων· et argute responsum, ἀνέγνως, ἀλλ' οὐκ ἔγνως, εἰ γὰρ ἔγνως, οὐκ ἂν κατέγνως. Quamquam vero vox haec simplicem increpationem interdum

deretur. Atqui in alia prorsus graeci abeunt, et illa de Petro exponunt, qui ab iis reprehenderetur, a quorum se convictu separaverat.

299. Haec autem, aliaque his similia quae animadverti facile⁹⁰ possent, quid tandem probant? istud profecto, neglectis obviis, pronis, expeditisque ad ea se graecos interpretes recepissee quae impedita forent, salebrosa, ac vix aliqua probabilitatis specie commendarentur. Neminem autem futurum arbitror, qui neget, tot tantisque viris citra maximas causas id accidere non potuisse. Quas illi ita memorant, ut crebro etiam inculcent, ampliterque declarent. Quid igitur eos impulit, ut⁹¹ Petri, Paulique dissidium non verum sed apparens et *οικονομικόν* crederent? quid ut usurpatas a Paulo sententias⁹² alieno prope sensu interpretarentur? Eos primum reverentia movit qua utrumque apostolum prosequabantur, quaque ferre non poterant, ut⁹³ columnae ecclesiae inter se collidi, ac in se invicem incurere putarentur. „Fortasse, inquit⁹⁴ Chrysostomus, Paulum ob loquendi libertatem laudastis, quod personae dignitatem non reveritus, propter evangelii veritatem praesentes non erubuerit. At licet ea sit laus Pauli, *ἡμετέρα δὲ αἰσχύνῃ γίνεται*, in nostrum tamen dedecus cedit. *Τὶ γάρ, εἰ Παῦλος καλῶς ἐποίησεν; ἀλλ' ὁ Πέτρος κακῶς, εἶγε οὐκ ὠρθοπόδει. τί οὖν ἐμοὶ τὸ ὄφελος, ὅταν τῆς ξυνωρίδος θάτερος ἵππος χωλεύῃ; οὐ γὰρ πρὸς Παῦλόν μοι νῦν ὁ λόγος, ἀλλὰ πρὸς τοὺς ἔξωθεν*. Quid enim, si Paulus praeclare egerit? at male se gessit Petrus, siquidem non recte ambulabat.

significat, heic tamen cum bona omnium venia reddere liceat, *condemnatus erat*. Sed a quo? ab hierosolymitana synodo, Act. XV., et a seipso. Quam enim sententiam in ea synodo ipse dixerat, ei nunc ipso facto repugnabat. Praecessisse autem illam synodum hanc apostolorum principum concertationem, non mea modo, sed praestantissimorum theologorum opinio est. At omisisse prorsus Paulum id quod erat praecipuum in causa sua, et nullatenus attigisse decretum illius synodi quod adeo diserte Petro adversabatur, cui tandem fiet verisimile? *Κατεγνωσμένος* positum volunt pro *καταγνωστός*, quod admitti non posse reor in his libris absque catachresi dura et rariori.“

Sed neque *philologica*, neque *realia* argumenta, quibus suam Morus sententiam tuetur, alicuius ponderis videri debent. Non illud inprimis quod e nativa τοῦ καταγνωσκόμαι potestate repetit; quum eius-

modi verbum pro *reprehendor* saepissime adhibeatur, et alexandrini, Deut. XXV. 1, ac Symmachus, Job. XLII. 3, eo utantur in reprehendendi notionē pro hebraico עָרַךְ. Non alterum e nominali participii significatione desumptum, ac si eiusmodi usus et durior esset et rarior; canon namque est loquendi a Glassio lib. III. tract. IV. can. II. his verbis propositus: „Participia crebro pro nominibus usurpantur, seu in nomina degenerant.“ Non denique tertium, quum manifestum sit, decretum hierosolymitanum ad praesentis casus speciem traduci non posse.

⁹⁰) Quaeque post Augustinum Thomas, Estius, aliiue animadverterunt.

⁹¹) nn. 295. seqq.

⁹²) n. 298.

⁹³) Ita Chrysostomus loquitur in memorata saepius homilia, n. 2.

⁹⁴) Ibid.

Quae ergo mihi utilitas, quando alter ex biga equus claudicat? neque enim mihi cum Paulo res est, sed cum profanis.“ Et infra, eorum interpretatione ⁹⁵ relata, qui Petrum a Paulo *καλῶς* reprehensum docebant, quod ille *πέρα τοῦ μέτρου τῇ συγκαταβάσει ἐχορήσατο* ultra modum indulgentia uteretur, subdit: „*Ἀλλὰ τοῦτο οὐκ ἔστι λύσις, ἀλλ' ἐπίτασις τοῦ ζητήματος*. At enim hoc non iam solutio est, sed amplificatio quaestionis. Quod enim in exordio dixi orationis, non id nobis propositum est ut ostendamus recte reprehendisse Paulum; sic enim adhuc reliqua erit quaestio. Petrus enim obnoxius criminationi videbitur; sed id potissimum quaerimus, quo pacto et hunc et illum reprehensione liberemus.“ Quod quum perfecit, quasi obligatam fidem praestitisset, concludendo ⁹⁶ scribit: „*Οὕτως ἡμῖν ἐκάτερος τῶν ἀποστόλων ἐγκλημάτων μὲν ἀπὴλλακται, μυρίων δέ ἐστιν ἐγκωμίων ἄξιος, πρὸς τὴν τῶν λοιπῶν σωτηρίαν ἅπαντα καὶ ἀκούειν καὶ λέγειν σπουδάζων*. Ita nos utrumque apostolorum crimine liberavimus, utrique vero laudes debentur innumerae, quod ad aliorum salutem omnia audire studuerint simul ac dicere.“

300. Movit deinde illos eximia Petri dignitas, quam vera ac ex animo profecta reprehensione non minimum laedi existimabant. Quare Chrysostomus descriptis testimoniis ⁹⁷, quibus modestissimus Pauli animus ad vivum depingitur, pergit ⁹⁸: „Vides ut se omnium sanctorum minimum statuatur, non apostolorum tantum? ὁ δὲ οὕτω περὶ πάντας διακείμενος, ἤδει καὶ πόσης τὸν Πέτρον προεδρίας ἀπολαύειν ἔχρην, καὶ ἡδεῖτο μάλιστα πάντων ἀνθρώπων τοῦτον, καὶ ὡς ἄξιος ἦν, οὕτω περὶ αὐτὸν διέκειτο. Porro qui sic erga omnes affectus erat, sciebat et quanta honoris praerogativa Petro deberetur, eumque prae ceteris omnibus colebat hominibus, ac ut dignus erat, erga illum afficiebatur.“ Quod ut confirmet, argumentum ducit e Pauli itinere, quo licet innumeris dissententis curis, ecclesiarumque sollicitudine fatigatus Hierosolymam venit, ut Petrum inviseret et cum eo quindecim solidis diebus permaneret. Hoc autem epiphonemate ⁹⁹ concludit: *οὕτως αὐτὸν ἐτίμα, καὶ πρὸ πάντων ἤγε, sic ipsum honorabat, ac omnibus praeferibat*.

Accessit suspicio, ne qui forte e verbis Pauli sinistre acceptis occasionem arriperent de invicta Petri fide dubitandi. Quapropter Chrysostomus Paulum de Petro narrantem, quod semet a convictu gentium seiungeret, *φοβούμενος τοὺς ἐκ περιτομῆς, timens eos qui ex circumcisione erant*, his omnino verbis ¹⁰⁰ alloquitur: „*Τί λέγεις; δειλὸς ὁ Πέτρος καὶ ἄνανδρος; οὐ διὰ τοῦτο Πέτρος*

⁹⁵) Ibid. n. 16.

⁹⁶) Ibid. n. 20. Alia via, eaque expeditiore utrumque apostolum a quavis vel tenuissima labe immunem demonstrare studuerunt Baronius ad an. LI. §. XXXII. seqq., et Johannes Gisbert in priore dissertatione theologica inscripta, *Petrus Paulo*

concors, seu discordia inter Petrum et Paulum, salvo utriusque iure et honore, composita.

⁹⁷) I. Cor. XV. 9. coll. Ephes. III. 8.

⁹⁸) Homil. citat. n. 8.

⁹⁹) Ibid. n. 8.

¹⁰⁰) Ibid. n. 4.

ἐκλήθη, ἐπειδὴ ἄσειστος ἦν κατὰ τὴν πίστιν; τί πρὸς, ἄνθρωπε; αἰδέσθητι τὴν προσηγορίαν τοῦ δεσπότου, ἣν ἔθηκε τῷ μαθητῇ. δειλὸς ὁ Πέτρος καὶ ἄνδρως; καὶ τίς σου ταῦτα ἀνέξεται λέγοντος; Quid ais? timidus Petrus et parum strenuus? an non idcirco *Petrus* est appellatus, quod immobilem haberet fidem? quid agis, mi homo? reverere nomen quod discipulo imposuit Dominus. Timidus Petrus et parum strenuus? et quis hoc ab ullo sinat affirmari?“

301. Denique ne singula¹⁰¹ persequar, id eos commovit, de quo testis est locuples¹⁰² Hieronymus, inquires: „Hanc autem explanationem, quam primus¹⁰³ Origenes in decimo Stromatum libro, ubi epistolam Pauli ad Galatas interpretatur, et ceteri deinceps interpretes sunt sequuti, illa vel maxime causa subintroducunt, ut Porphyrio respondeant blasphemanti, qui Pauli arguit procacitatem, quod *principem apostolorum* Petrum ausus est reprehendere, et arguere in faciem, ac ratione constringere, quod male fecerit, idest, in eo errore fuerit, in quo fuit ipse qui alium arguit delinquentem.“

Verum unde Porphyrio venire in mentem potuit, ut de Petro apostolorum principe, deque Pauli procacitate, qua contumeliosus in illum fuerit, cogitaret? inde profecto, quod pervulgatissima esset Petri celebritas, compertaque illius inter apostolos praestantia. Quo factum etiam est ut Phlegon Adriani¹⁰⁴ libertus illum cum Christo, maximo sane errore, neque aliunde tamen oborto, praepostere commutarit. De quo errore sic habet¹⁰⁵ Origenes: „Verumtamen Phlegon in decimo-tertio, aut, ni fallor, in decimo-quarto Chronicorum, καὶ τὴν περὶ τῶν μελλόντων πρόγνωσιν ἔδωκε τῷ Χριστῷ, συγχυθεὶς ἐν τοῖς περὶ Πέτρου ὡς περὶ τοῦ Ἰησοῦ, rerum quarumdam futurarum praescientiam Christo tribuit, quamvis erret in nomine, Petrum pro Jesu appellans.“

302. Age iam, rationemque interpretandi a Clemente alexandrino ad Chrysostomum usque in graeca ecclesia unice obtinentem cum ea composito, quam a saeculo sexto-decimo praehabendam, defendendamque protestantes existimarunt. Cuiusmodi tibi utraque videtur? consona ne an dissona? similis an diversa? ad eandem an ad dissimilem potius contrariamque normam exacta? neque anceps potest esse iudicium, neque difficilis et impedita responsio. Etenim I. nullus est graecorum patrum, qui e primo alteroque epistolae ad Galatas capite singularem Petri auctoritatem non colligat ac demonstret. Atqui nemo est protestantium qui ex eodem fonte ea se haurire posse diffidat, quibus Petri primatum quatiat, funditusque convellat. Ad haec II. graeci patres singula quaeque diligenter venantur, quae efferendis Petri laudibus conducere. Atqui protestantes haec omnia silentio ita premunt, ut ne advertisse quidem videantur.

¹⁰¹) Quae magno numero Patres collegerunt.

¹⁰²) Epist. inter Augustin. LXXV. n. 6.

¹⁰³) Praevisse Clementem alexandrinum suo loco (n. 297.) monuimus.

¹⁰⁴) De Phlegontis Chronico quod se-

decim constabat libris, et in quartum Antonini Pii annum desinebat, non pauca habent Photius Cod. XCVII., Suidas in *Φλέγων*, Vossius de Historic. Graecis lib. II. cap. XI. et Salmasius in Spartianum.

¹⁰⁵) Con. Celsum, lib. II. n. 14.

Praeterea III. si quae in Pauli narratione occurrerent, quae prima saltem fronte ab eximia Petri dignitate dissidere viderentur, ea et amoliri sollicitae, et maiori qua possent industria complanare graeci patres contenderunt. Atqui protestantes hoc sibi maxime cordi esse significarunt, ut quam plurima corraderent, quibus Petri *ὑπεροχή* in discrimen vocaretur. Tandem IV. graeci patres longe satius censuerunt obvias pronasque verborum significationes nonnihil inflectere, et a commentario qui primus mentem occuparet, tantisper discedere, quam vel apostolos secumipsis committere, vel Petrum apostolorum caput non eo quo par erat obsequio habitum confiteri. Atqui protestantes omnia in immensum augment, in deteriorem partem rapiunt, eoque praeclarius suo se interpretum munere functos autumant, quo in Petrum acerbius invehuntur.

303. Quid iamvero hac sententiarum oppositione manifestius? aut quid hisce studiis dissimilius? sed frugibus sua sunt semina, suaeque effectis principia, nec erumpere illa ac prodire possunt, quin haec antecesserint. Causae ergo antecesserunt dissimiles et contrariae, e quibus tanta doctrinarum oppositio, tantaeque interpretationum diversitas oborta est. Quenam vero illae? *amor* et *odium*, *πίστις* et *ἀπιστία*. Credebant graeci patres Petri primatum, eoque in illum amore ferebantur, qui divinis institutionibus debetur. Negabant et negant Petri primatum protestantes, eoque in illum odio et ferebantur olim et modo feruntur, quo tyrannidem, invisamque supremi iuris usurpationem et verbis proscindere et exsecrari animo solemus.

In hoc autem dissidio quam partem praeferemus, cui dabimus nomen? et quae hucusque disputavimus, et examen quod de Pauli doctrina nominatim habuimus, ipsaque christiana pietas summo a nobis iure postulant, ut factione protestantium deserta, choro nos graecorum patrum coniungamus. Praesertim quum ab illorum mente sententiaque ne transverso quidem digito *latini* discesserint. Quorum antiquissimus Tertullianus non simillimam modo interpretationem adhibuit, sed Petri auctoritatem luculentius adstruxit, ac ulterius quam decebat progressus, sic illum defendit, ut ab accusando Paulo non penitus abstinuerit.

304. Et ad interpretationem quod attinet, sunt ista ¹⁰⁶ praeclara: „Ceterum si reprehensus est Petrus, quod cum convixisset ethnicis, postea se a convictu eorum separabat personarum respectu: utique *conversationis* ¹⁰⁷ fuit

¹⁰⁶) De Praescriptt. cap. XXIV.

¹⁰⁷) Quo id unum effici potest, ne ipsos quidem apostolos a quavis vel minima labecula penitus fuisse exemptos. Unde Thomas in commentario: „Dicendum quod post gratiam Spiritus-sancti nullo modo peccarunt *mortaliter* apostoli, et hoc donum habuerunt per potentiam divinam quae eos confirmaverat. Peccaverunt autem *venialiter*, et hoc fuit eis

ex fragilitate humana, I. Joh. 1: *si dixerimus, quia peccatum non habemus*, scilicet veniale, *ipsi nos seducimus*. Ex praedictis ergo habemus exemplum: praelati quidem humilitatis, ut non dedignentur a minoribus et subditis corrigi: subditi vero exemplum zeli et libertatis, ut non vereantur praelatos corrigere, praesertim si crimen est publicum, et in periculum multitudinis vergat.“

vitium, non praedicationis. Non enim ex hoc alius Deus quam Creator, et alius Christus quam ex Maria, et alia spes quam resurrectio annuntiabatur. Non mihi tam bene est, immo non mihi tam male, *ut apostolos committam.* Sed quoniam perversissimi isti illam reprehensionem ad hoc obtendunt, ut suspectam faciant doctrinam superiorem, *respondebo quasi pro Petro:* ipsum Paulum dixisse, factum se esse omnibus omnia, iudaeis iudaeum, non iudaeis non iudaeum, ut omnes lucrificeret. Adeo pro temporibus et personis et causis quaedam reprehendebant, in quae et ipsi aequae pro temporibus et personis et causis committebant: quemadmodum si et Petrus reprehenderet Paulum, quod prohibens circumcisionem, circumciderit ipse Timotheum. Viderint qui de apostolis iudicant. Bene quod Petrus Paulo et in martyrio ¹⁰⁸ adaequatur. Quae et alibi ¹⁰⁹ repetens, ait: „Sed enim Marcion nactus epistolam Pauli ad Galatas etiam ipsos apostolos sugillantis, ut non recto pede incedentes ad veritatem evangelii, simul et accusantis pseudo-apostolos quosdam pervertentes evangelium Christi, committitur ad destruendum statum eorum evangeliorum quae propria, et sub apostolorum nomine eduntur, vel etiam apostolicorum; ut scilicet fidem quam illis adimit, suo conferat. Porro etsi reprehensus est Petrus et Joannes et Jacobus, qui existimabantur columnae, *manifesta causa est. Personarum enim respectu videbantur variare convictum.* Et tamen cum ipse Paulus omnibus omnia fieret, ut omnes lucraretur, *potuit et Petro hoc in consilio fuisse, aliquid aliter agendi quam docebat.*“ Et ¹¹⁰ denuo: „Sed reprehendit Petrum non recto pede incedentem ad evangelii veritatem. Plane reprehendit, *non ob aliud tamen quam ob inconstantiam victus,* quem pro personarum qualitate variabat, timens eos qui erant ex circumcisione; non ob aliquam divinitatis perversitatem, de qua et aliis in faciem restitisset, qui de minore causa conversationis ambiguae *Petro ipsi* ¹¹¹ non pepercit.“ Sed nonne sunt haec iis gemina quae e graecis patribus adduximus? nonne illis adamussim concinunt, eademque formam praeseferunt?

305. Quid autem de Petri dignitate Tertullianus senserit, quamque de ea magnifice existimarit tum sane aperuit quum scripsit ¹¹²: „Latuit aliquid Petrum

¹⁰⁸) Scite et ad mentem omnino Tertulliani monet Priorius in notis: „Ne putet haec *directe* proferri ab erudito viro; id enim quasi *per concessionem* dicere videtur, quod solus evincit contextus, quasi diceret: concedatur, quod tamen concedendum non est, Petrum et Paulum pares non fuisse, sive dispari extitisse sententia. Tamen aequales omnino fuisse fatendum in martyrio, quod pro Christo passi sunt.“

¹⁰⁹) Con. Marcion. lib. IV. cap. III.

¹¹⁰) Ibid. lib. V. cap. III.

¹¹¹) Cuius formulae manifesta est emphasis, qua singularis Petri dignitas significatur.

¹¹²) De Praescript. cap. XXII. Quum vero ἀπέσως subdat: „Latuit et Joannem aliquid, dilectissimum Domino, pectori eius incubantem, cui soli Dominus Judam traditorem praemonstravit, quem loco suo filium Mariae demandavit?“ apparet, tam *proprium* Petri fuisse, ut *ecclesiae fundamentum, supremusque claviger*, quam *proprium* Johannis fuit, ut dilectus κατ’

aedificandae ecclesiae petram dictum, claves regni caelorum consecutum, et solvendi et alligandi in caelis et in terris potestatem?¹¹³ Neque minus luculenter aperuit, quum de caussa loquens suscepti a Paulo itineris ut Petrum inviseret, illam ex officio repetiit quo ad unam eandemque cum Petro fidem praedicationem ipsemet Paulus obligabatur. Ait ¹¹³ enim: „Dehinc, sicut ipse enarrat, ascendit in Hierosolyma cognoscendi Petri causa, ex officio et iure scilicet eiusdem fidei et praedicationis.“ Viden qua confidentia, quave animi securitate necessitatem cum Petro consentiendi inculcat et effert?

306. His tamen non se continuit, sed ea adiecit quae licet abnormia, dignaque plane quae repudientur, ostendunt nihilominus quantopere aetas martyrum ab aetate protestantium dissenserit, et quam altas ab exordiis usque christiani nominis fides de primatu Petri radices egerit. Sic enim ¹¹⁴ marcionitarum impetus repellit: „Nam et ipsum Petrum ¹¹⁵, ceterosque, columnas apostolatus, a Paulo reprehensos opponunt, quod non recto pede incederent ad evangelii veritatem; ab illo certe Paulo, qui adhuc in gratia rudis, trepidans denique ne in vacuum cucurrisset aut curreret, tunc primum cum antecessoribus apostolis conferebat. Igitur si ferventer, ut adhuc neophytus, adversus iudaismum aliquid in conversatione reprehendendum existimavit, passivum scilicet convictum, postmodum et ipse usu omnibus omnia futurus ut omnes lucraretur, iudaeis quasi iudaeus, et eis qui sub lege, tamquam sub lege: tu illum solius conversationis, placiturae postea accusatori suo, reprehensionem, suspectam vis haberi etiam de praedicationis erga Deum praevaricatione. Atquin de praedicationis unitate, quod supra legimus, dexteris iunxerant, et ipsa officii distributione, de evangelii societate condixerant: sicut et alibi ¹¹⁶, *sive ego, inquit, sive illi sic praedicamus*.“ Non probo quae de Paulo adhuc rudi, et nescio quo neophyti fervore percito comminiscitur: improbo quae de Paulo *παλινωδιαν* canente affirmat; sed probo, vehementerque studium commendo quo unitatem evangelicae praedicationis tuetur, Petrique auctoritatem integram inviolatamque custodit.

307. Nollem vero reperirentur qui et ipsi crederent, et aliis dicendo persuaderent, longe visum esse aliter consequutis latinae ecclesiae doctoribus, ac inprimis Augustino ¹¹⁷, qui Pauli factum, universamque agendi rationem ita probaverit, ut *veram Petri reprehensionem, ipsum autem Petrum devium,*

ἐξοχὴν discipulus haberetur. Quod mirum quantopere a protestantium opinionibus abhorreat, qui nihil deferunt Petro quod aliis commune fuisse non contendat.

¹¹³) Ibid. cap. XXXI.

¹¹⁴) Con. Marcion. lib. I. cap. XX.

¹¹⁵) Qua distinctione ostendit, ita apostolos reliquos fuisse columnas, ut haec

ipsa proprietas eximio quodam modo uni Petro conveniret.

¹¹⁶) I. Cor. XV. 11; ubi in multis Vulgatae codicibus, ac aliquot item editionibus est, *praedicavimus*. Sed cum Tertulliano consentiunt Ambrosiaster, Augustinus, emendatiores latini mss. codices, itemque graeci, qui habent *κηρύσσομεν*.

¹¹⁷) Comm. in epist. ad Galatas, et in litteris quas ad Hieronymum dedit.

eaque dignum censuerit. Nihil enim Augustinus docuit quod ab antiquioribus patribus non acceperit: et nihil omnino scripsit quod a suprema Petri dignitate alienum merito videretur.

Pressus namque Hieronymi verbis ¹¹⁸ instanter flagitantis, ut si quos suae interpretationis testes auctoresque haberet, in lucem promeret, nominatimque compellaret; ad extremum quidem ita ¹¹⁹ respondit: „Ipse mihi pro his omnibus (quos Hieronymus citaverat), immo supra hos omnes apostolus Paulus occurrit. Ad ipsum confugio: ad ipsum ab omnibus, qui aliud sentiunt, litterarum eius tractatoribus provoco: ipsum interrogans interpello et requiro in eo, quod scripsit ¹²⁰ ad Galatas, vidisse se Petrum non recte ingredientem ad veritatem evangelii, eique in faciem propterea restitisse, quod illa simulatione gentes iudaizare cogeat, utrum verum scripserit, an forte nescio qua dispensativa ¹²¹ falsitate mentitus sit. Et audio eum paulo superius in eiusdem narrationis exordio religiosa voce mihi clamantem, *quae autem scribo vobis, ecce coram Deo quia non mentior*. Dent veniam quilibet aliud opinantes: ego magis credo tanto apostolo in suis et pro suis litteris iuranti quam cuiquam doctissimo de alienis litteris disputanti.“ Praemiserat ¹²² tamen: „Porro si quaeras vel recolas quid hinc senserit noster ¹²³ Ambrosius, quid noster itidem Cyprianus, in-

¹¹⁸) Epist. LXXXII. al. XIX. n. 23: „Flagitas a me, ut aliquem saltem unum ostendam, cuius in hac re sententiam sim sequutus, cum tu tam plures nominatim commemoraveris, qui te in eo quod adstruis, praecesserunt; petens ut in eo si te reprehendo errantem, patiar te errare cum talibus; quorum ego fateor neminem legi.“

¹¹⁹) Ibid. n. 24.

¹²⁰) Galat. II. 14.

¹²¹) Ex Augustini et Hieronymi litteris mutuo redditis, iterum atque iterum a nobis lectis, cognitis et accurate perspectis, inquit Baronius ad an. LI. §§. XXXVII—XXXVIII, numquam satis exploratam habuisse Hieronymi sententiam nobis visus est Augustinus; quippe qui in eo semper versetur, Apostolum non esse mentitum, sed eadem epistola quae vera essent scripsisse ad Galatas. At Hieronymus non haec dicebat, Paulum esse mentitum, et ad Galatas scripsisse mendacia: quod tum

contigisset, si quae minime facta essent, ea perinde ac facta scripsisset, vel aliter quam gesta fuissent: quorum neutrum Hieronymus impingit Apostolo: sed ipsum, quae vere facta, et ut facta essent, scripsisse, nullatenus dubitavit. At longe aliud est, a Paulo vera esse narrata; aliud ea quae sunt vere narrata, per simulationem ex composito facta; quod Hieronymus ac citati omnes auctores affirmabant. ... Non igitur inter se pugnant, ut simul vera esse non possint, Paulum vera scripsisse, eorum scilicet quae facta essent, puram sinceramque historiam enarrasse; et ea ipsa quae scripsit atque recensuit, non serio sed simulate esse peracta. Illud affirmabat Augustinus, hoc contendebat Hieronymus: sed quamdiu alterius sensum alter minus est assecutus, tamdiu mutuis altercati sunt litteris.

¹²²) Epist. LXXXII. n. 24.

¹²³) Ambrosius, notant maurini editores, vel quisquis est auctor commentariorum in epist. ad Galatas, de quo Scipio

venies fortasse nec nobis defuisse quos in eo quod asserimus, sequeremur.“ Vestigiis ergo Cypriani Augustinus institit, eaque repetiit ornavitque quae Ambrosius supremis lineis adumbraverat.

308. Sed quid uterque statuit, quid affirmavit Cyprianus, quid tradidit Ambrosius? mentem sententiamque Cypriani ex iis novimus, quae in acerrima de haereticorum baptismo contentione his plane verbis ¹²⁴ ad Quintum fratrem scripsit: „Quia nihil potest esse commune mendacio et veritati, tenebris et luci, morti et immortalitati, antichristo et Christo; per omnia debemus ecclesiae catholicae unitatem tenere, nec in aliquo fidei et veritatis hostibus cedere. Non est autem de consuetudine ¹²⁵ praescribendum, sed ratione vincendum. Nam nec Petrus quem primum ¹²⁶ Dominus elegit, et super quem aedificavit ecclesiam suam, cum secum Paulus de circumcisione postmodum disceptaret, vindicavit sibi aliquid ¹²⁷ insolenter, aut arroganter assumsit; ut diceret se primum ¹²⁸ tenere; et obtemperari a novellis et posteris ¹²⁹ sibi potius oportere.

Maffei in Historia Theologica, *De Gratia*, ea habet quae utiliter conferantur.

¹²⁴) Epist. LXXI.

¹²⁵) Quid si consuetudo sit legitima, a sincero fonte dimanans, quaeque apostolicae traditioni aequipolleat? ne tum quidem erit de consuetudine praescribendum? nemo hoc dixerit, et omnium minime Cyprianus, qui Tertullianum magistrum verebatur. Atqui consuetudo, qua pugnabat Stephanus, erat apostolica, ipsosque apostolos auctores habebat. Unde, testibus Hieronymo adversus Luciferianos, Augustino con. Cresconium, et Vincentio in Commonitorio, tandem vicit, et Cypriani ratio profligata iacuit. Sed beatus martyr aestu disputationis nonnihil abreptus, laxius et *καταχρηστικῶς* loquutus est.

¹²⁶) Matth. X. 2; ad quem locum ita Grotius: „Princeps haud dubie collegii a Christo designatus ad retinendam corporis compagem.“ Praeiverat Optatus lib. VII. scribens: „Stant tot innocentes, et peccator accipit claves, ut *unitatis negotium* formaretur; provisum est ut peccator aperiret innocentibus, ne innocentes clauderent contra peccatores, et quae necessaria est unitas, esse non posset.“

¹²⁷) Id enim erat quemadmodum ceteris apostolis, ita et Petro lege Christi interdictum.

¹²⁸) Similia notat Facundus hermianensis libro IX. et X. pro defensione trium Capitulorum.

¹²⁹) Rigaltius in notis subdit: „Primatui opponit novellitatem et posteritatem; Petro apostolorum primo, Paulum novellum et postremum. Nam se ipse dicit, *ἐλάχιστον* et *ἐκτρώμα*.“ Quid propterea? hoc nimirum, pergit ille, *non imperium, non dominatum, non potentatum, sed primum locum* Petro adscribi. Quae Fellus repetens, inquit: „*Πρῶτος ὁ Πέτρος*, non autem *πρωτεύων*, prioritatem, aut si libet primatum, at non principatum habuit.“

Verum sepositis verborum litigiis, candide respondeatur quaestioni: *an Petrus propter primatum potiori quodam regendi, praecipiendaque iure emeretur*. Si conceditur, nihil manifestius quam illius primatum ad excellentiorem auctoritatem pertinere, neque intra inanes *primi loci* fines adstringi posse. Sin autem negatur, explicari debet, quo auctoritas recidat, quam Cyprianus Petro facit, quaque Petrus suo iure obedientiam a Paulo postulare.

Nec despexit Paulum quod ecclesiae prius persecutor fuisset, sed consilium veritatis admisit, et rationi legitimae quam Paulus vindicabat, facile consensit; documentum scilicet nobis et concordiae et patientiae tribuens, ut non pertinaciter nostra amemus, sed quae aliquando a fratribus et collegis nostris utiliter et salubriter suggeruntur, si sint vera et legitima, ipsa ¹³⁰ potius nostra ducamus.“

309. In quibus duo sunt omnino secernenda, ne dum innoxia recipimus, ea item quae noxia, falsaue sunt amplecti videamur. Igitur quod Cyprianus scribit, suam cum Stephano in controversia de baptismo contentionem esse illi simillimam, quae Paulum cum Petro commisit, verum est si γενικῶς, falsum si ειδικῶς intelligatur. Verum est γενικῶς, quia contentio utrinque fuit, ac inferior et obnoxius maiori praepositoque obnitendum esse utrinque existimavit. Sed falsum est ¹³¹ ειδικῶς, quia quum nihil doceret Stephanus quod ad evangelii regulam non esset perfectissime exactum; Cyprianus contra bona quidem mente, pioque consilio, miserrime tamen et agendo et docendo a veritate christiana ambiguo *consuetudinis* vocabulo dissimulata, non minimum abscessit.

Alterum sequitur quod idem addit, quodque nos ultro concedimus, asserendaeque caussae quam tuemur, opportunissimum arbitramur. Ecquid enim addit? principio effert Petri dignitatem, illum primum, idest, apostolorum principem a Christo constitutum docet, primatum cui ab ipso Paulo obedientia deberetur, illi tribuit, originemque tantae auctoritatis inde ducit quod Christus ecclesiam suam super illum aedificaverit, vel, ut in epistola synodica ¹³² ad Numidiae episcopos loquitur, quod Christus unicam a se conditam ecclesiam *super Petrum origine unitatis et ratione fundaverit*. Encomiis deinde prosequitur tam Pauli libertatem, quam Petri modestiam, animumque ad humilitatem compositum, utpote qui non illi silentium indixerit, sed meliora suadenti obsecundarit. Verum quid hisce aut cum nostra de Petri primatu doctrina consonum magis, aut ab haeresi protestantium de omnimoda apostolorum aequalitate disiunctius? quid quod vehementius protestantibus adversetur, quam inde Cypriano commendandi Petri primatum occasionem fuisse, unde ipsi arma sibi suppetere quibus illum oppugnent, confidentissime gloriantur?

310. Neque vero aliud de Ambrosio ferri iudicium debet, qui alter ex iis est quos Augustinus praeceuntes habuit ac veluti duces sectatus est. Non iterabo quae superius ¹³³ ex eo retuli, et quibus catholicam causam vindicavi: sed id addam quod vel solum sufficere debet, ut Ambrosium sibi protestantes hostilem infensumque confiteantur. Sane inciso ¹³⁴, *quia reprehensus erat*, hunc adnectit commentarium: „Reprehensibilis utique ab evangelica veritate, cui hoc factum adversabatur. Nam quis eorum auderet *Petro primo apostolo, cui*

¹³⁰) Sunt qui legant, *ipsa potius amplectamur*.

¹³²) Epist. LXX.

¹³³) n. 278.

¹³¹) Cf. Christianum Lupum in Scholiis ad cap. XXIII. de Praescriptionibus.

¹³⁴) Galat. II. 11.

claves regni caelorum Dominus dedit, resistere; nisi alius talis, qui fiducia electionis suae sciens se non ¹³⁵ imparem, constanter improbaret quod ille sine consilio fecerat? Et post verba ¹³⁶, *dixi Petro coram omnibus*, subdit: „Ideo in solum Petrum invehitur, ut in eo qui *primus* est, discerent ceteri.“ Adiuncta igitur narrationis argumentum Ambrosio praebent, quo Petri primatum extollat: eum videlicet primatum, cuius fides, ipsomet testante ¹³⁷, pervulgata sic erat, ut *propterea subversi sint galatae a iudaeis quod dicerent, quia aliud tradebat Petrus quam Paulus: quo etiam factum est, ut admonitus revelatione Domini ascenderet Hierosolimam cum testibus praedicationis suae, id est, Barnaba et Tito, uno ex iudaeo, altero ex gentili, ut si qui de eo haberent scandalum, horum testimonio tolleretur, adaperiens illis sensum praedicationis suae.*

311. Ex his autem pronum est colligere quid Augustinus crediderit, quamque de primatu Petri sententiam foverit. Credidit quod Cyprianus, Ambrosiusque docuerant, et quemadmodum hi *vere* a Paulo Petrum reprehensum ita tradiderant, ut simul singularem eius modestiam, nobilissimamque primatus dignitatem summis laudibus celebrarent; sic ille ¹³⁸ et veritatem reprehensionis defendit, et nihil omisit eorum quae ad efferenda Petri ornamenta conducerent.

Ac huiusmodi profecto sunt quae ad Hieronymum ¹³⁹ respondens, scribit: „Ipse vero Petrus, quod a Paulo fiebat utiliter libertate caritatis, sanctae ac benignae pietate humilitatis accepit: atque ita rarius et sanctius exemplum posteris praebuit, quo non dedignarentur, sicubi forte recti tramitem reliquissent, etiam *a posterioribus* corrigi; quam Paulus, quo confidenter auderent etiam *minores maioribus* pro defendenda evangelica veritate salva fraterna caritate, resistere. Nam cum satius sit, a tenendo itinere in nullo quam in aliquo declinare; multo est tamen mirabilius et laudabilius libenter accipere corrigentem, quam audacter corrigere deviantem. Est laus itaque iustae libertatis in Paulo, et sanctae humilitatis in Petro: quae, quantum mihi pro modulo meo videtur, magis fuerat adversus calumniantem Porphyrium defendenda, quam ut ei daretur obtrectandi maior occasio; qua multo mordacius criminaretur christianos fallaciter vel suas litteras scribere, vel Dei sui sacramenta portare.“

Neque haec minus luculenta, quibus adducto Cypriani ex epistola ad Quintum testimonio ¹⁴⁰, pergit: „Commemoratur Cyprianus quod etiam nos in scripturis sanctis didicimus, apostolum Petrum, *in quo primatus apostolorum tam excellenti gratia praeeminet*, aliter quam veritas postulabat de circumcisione

¹³⁵) *Se non imparem* immediata divina electione, et ad apostolatam vocatione. Auctoritate enim ac iure Paulum fuisse Petro imparem, non semel Ambrosiaster inculcat.

¹³⁶) Galat. II. 14.

¹³⁷) Comm. ad Galat. II. 1.

¹³⁸) In commentario et in epistolis.

¹³⁹) Epist. LXXXII. n. 22.

¹⁴⁰) De Baptismo con. Donatist. lib. II. cap. I.

agere solitum, a *posteriore* apostolo Paulo esse correctum. Si ergo potuit Petrus non recte in aliquo ¹⁴¹ ingredi ad veritatem evangelii, ita ut gentes cogeret iudaizare: si potuit Petrus contra veritatis regulam ¹⁴² quam postea ecclesia tenuit, cogere gentes iudaizare; cur non potuit Cyprianus contra regulam veritatis, quam postea tota ecclesia tenuit, cogere haereticos vel schismaticos denuo baptizari? Unde in septimo eiusdem operis libro *de baptismo contra Donatistas*, his omnino verbis concludit: „Sicut ergo nazaraei, Petro in *primatu apostolorum* martyrii gloria coronati, in sua perversitate praecisi ab ecclesia remanserunt; ita donatistae, Cypriano per abundantiam caritatis in sortem sanctorum passionis caritate suscepto, seipsos agnoscunt exules veritatis.“

312. Porro si quae a graecis latinisque patribus hucusque retulimus, ea qua par est ratione intelligantur; de pugna, deque multiplici oppositione eos inter reformataeque religionis assertores nulla oriri poterit dubitatio. Quamquam enim non una illis eademque sententia fuerit, sed in *tres* omnino *opiniones* discesserint, aliis negantibus reprehensum a Paulo Cephama ipsum fuisse apostolorum principem Petrum, aliis id quidem aientibus, sed universam narrationem ad prudentem quamdam *οἰκονομίαν*, piamque utriusque apostoli *συγκατάβασιν* revocantibus, ac aliis demum ita narrationem defendentibus, ut oeconomia reiecta, reprehensionis veritatem asserendam esse censuerint; nihilominus commune omnibus fuit, ut I. quo possent evidentius, cum Petri reprehensione, principem illius dignitatem componerent: ut II. multo extollerent magis impensiusque mirarentur Petri modestiam quam Pauli libertatem: ac III. ut singula narrationis adiuncta ad commendandum Petri primatum spectantia diligentissime persequerentur. Atqui protestantibus nihil magis cordi fuisse videtur, quam ut I. reprehensione Petri, quodam veluti acutissimo gladio ad potioem eiusdem auctoritatem infringendam abuterentur: quam ut II. eo Petri auctoritatem profundius deprimerent quo Pauli libertatem magnificentius celebrarent: quam ut III. apices etiam litterulasque venarentur, quas auctoritati Petri obesse posse existimarent, taciti contra ea omnia praeterirent quae ad illam stabiliendam accommodata reperirentur.

313. Quae tanta, tamque perspicua oppositio sententiarumque diversitas et nobis et prudenti cuiquam argumentum esse debet concludendi: I. ab ea fide de primatu Petri descivisse protestantes, quae primis quatuor saeculis in universa ecclesia dominabatur: II. conflictum interpretationum e diversitate fidei quam patres profitebantur, quamque protestantes delegerunt, repeti oportere: III. horum commentarios et ductas ex iis opiniones probari non posse, quin fides et sapientia totius christianae antiquitatis repudietur: tandem IV. merito praesumi ne

¹⁴¹) Hoc est quod ad Galat. II. 14. Paulus dicit, *ὅτι ὁρθοδοπεῖν*, idest, *ὁρθῶς περιπατεῖν πρὸς τὴν ἀλήθειαν τοῦ εὐαγγελίου*.

¹⁴²) Sunt haec paullo duriora, atque ideo a Baronio, Lupo, aliisque reprehensa, quae tamen nihil impedit, quominus in mitiorem partem accipiantur.

apicem quidem eorum Pauli narratione comprehendi quae protestantes iactitant, quaeque nemo patrum vidit, ac iis contraria esse demonstravimus ¹⁴³ quae Paulus certissime scripsit.

314. Et re sane vera Pauli narratio ad quatuor commode capita redigitur, ad *causam* quam proponit, ad eiusdem *declarationem confirmationemque*, ad *consilium quod iniit*, et ad *modum quo illud exequutus est*. Et causae quidem τὸ κρινόμενον his verbis ¹⁴⁴ exponit: Ὅτε δὲ ἦλθε Πέτρος εἰς Ἀντιόχειαν, κατὰ πρόσωπον αὐτοῦ ἀνέστην, ὅτι κατεγνωσμένος ἦν. Sed quae Paulo ratio fuit, propter quam Petrum κατεγνωσμένον ¹⁴⁵, idest, καταγνωσέως ἄξιον diceret? an quod ille falsa et ab evangelii veritate dissona doceret? ne id suspicemur, facit Actuum historia quae Petrum exhibet ut qui omnium primus libertatem gentium declaraverit, defenderit, constituerit. Facit apostolatus χάρισμα, quo qui insignes essent, iidem ab errore immunes in praedicando evangelio reddebantur. Facit contextus in quo de doctrina ne levissimum quidem vestigium apparet. Faciunt diserta verba, quibus Petri defectum ad πολιτείαν, institutumque vivendi spectasse ostenditur; unde Paulus ¹⁴⁶ eum dicit ὑπόκρισιν, simulationem qua quis se alium externa specie praebet quam vere est.

315. Quare ad declarandam confirmandamque causam progrediens apostolus, inquit ¹⁴⁷: Πρὸ τοῦ γὰρ ἐλθεῖν τινὰς ἀπὸ Ἰακώβου, μετὰ τῶν ἐθνῶν συνήσθιεν· ὅτε δὲ ἦλθον, ὑπέστειλε καὶ ἀφώριζεν ἐαυτόν, φοβούμενος τοὺς ἐκ περιτομῆς· καὶ συνυπεκριθίσαν αὐτῷ καὶ οἱ λοιποὶ Ἰουδαῖοι, ὥστε καὶ Βαρνάβας συναπήχθη αὐτῶν τῇ ὑπόκρισει. Idcirco (sic enim nectendas esse orationis partes, particula γὰρ ostendit) Petrus καταγνωστός erat, quod I. liberam solutamque a legalibus caeremoniis vivendi rationem commutarit, suoque

¹⁴³) nn. 272. seqq.

¹⁴⁴) Galat. II. 11.

¹⁴⁵) Placet quod notat Koppe, participium passivum κατεγνωσμένος adhiberi pro adiectivo καταγνωστός, ex hebraeorum scriptorum imitatione, qui ut omnino vocabulis adiectivis, ita maxime iis, quibus dignitas hominis exprimitur, fere destituuntur.

¹⁴⁶) Galat. II. 13.

¹⁴⁷) Ibid. vv. 12—14. Non male in notis advertit Morus, συνυπεκριθῆναι verbum esse polybianum, cui συνυπόκρισις propemodum idem quod οἰκονομία. Mox addit: „Patribus graecis, non recta et aperta, sed circumspecta et dextre sagax agendi ratio, κατὰ τὴν ὑπόθεσιν, ut Aristoteles loqueretur, quod latini vocant si-

nus obliquare, graeci ταμιεύειν τὴν ἀλήθειαν. Qua simulatione prudenti volunt heic usos esse Petrum et Paulum apostolos Chrysostomus et Hieronymus Origenem secuti; quasi nulla fuerit inter apostolos vera contentio, sed consulto consilio atque de industria res ita fuerit ab apostolis administrata, ut per hoc fictum certamen utriusque populi saluti consuleretur. κατ' οἰκονομίαν, quae vox proprie idem sonat apud graecos theologos quod apud Polybium συνυπόκρισις πολιτική, quam ἀπὸ τοῦ κακουργήματος late distinguit: nam simulationem fraudulentam, dolumque malum κακουργημα vocat; sed cata consilia ex usu et in tempore adhibita, quod artis est et prudentiae, συνυπόκρισιν πολιτικὴν appellat.“

exemplo II. tantum valuerit, ut reliquos iudaeos ac ipsum quoque Barnabam gentium apostolum ad suimetipsius imitationem pertraxerit. Immutandae autem πολιτείας duplex illi ratio adfuit, adventus primum quorundam iudaeorum ex ecclesia hierosolymitana fidelium, qui gentium libertatem aegerrime ¹⁴⁸ ferebant; timor deinde quo fuit illorum caussa correptus. Quod postremum Paulus effert, inquires: φοβούμενος τοὺς ἐκ περιτομῆς. Sed quid haec proprie sibi volunt? istud ne quod Petrus sibi a iudaeis timuerit? huiusmodi interpretatio et ab iis est alienissima ¹⁴⁹ quae de Petri constantia novimus, et a Patribus ¹⁵⁰ relictur, et cum potestate verborum nullo necessario nexu cohaeret. Nihil enim impedit quominus phrasim, φοβούμενος τοὺς ἐκ περιτομῆς, reddamus, *timens iis*, iisque prospiciens qui ex iudaismo ad christianismum accesserant. Hoc profecto sensu idem Paulus in eadem epistola ¹⁵¹ de semetipso scribit: φοβοῦμαι ὑμᾶς. An sibi Paulus a galatis timebat? immo *propter galatas* timebat, et φοβοῦμαι ὑμᾶς idem plane valet ac φοβοῦμαι δι' ὑμᾶς, vestrum caussa in timore versor. Non male ¹⁵² Koppe, *metuens, ne ab iis desertae religionis mosaicae nomine obtrectaretur*; et ¹⁵³ Rosenmüller, *metuens ne christianos ex iudaeis offenderet, et ad prorsus deserendam religionem christianam sollicitaret*. Caritate igitur actus Petrus a convictu se gentilium subduxit, et libertate qua uti poterat, quaque usus antea fuerat, se privavit, ne fratres adhuc infirmos, molliusque habendos offenderet. Id nimirum gessit quod sibi fixum esse Paulus declaravit ¹⁵⁴ his verbis: Διόπερ εἰ βρωμα σκανδαλίζει τὸν ἀδελφόν μου, οὐ μὴ φάγω κρέα εἰς τὸν αἰῶνα, ἵνα μὴ τὸν ἀδελφόν μου σκανδαλίσω. Quae si ad animi *propositum, intentionemque* referantur, laudari omnino debent, carpi reprehendique non possunt.

316. Pergit tamen Paulus, et quid consilii ceperit declarat ¹⁵⁵, subdens: Ἀλλ' ὅτε εἶδον, ὅτι οὐκ ὀρθοποδοῦσι πρὸς τὴν ἀλήθειαν τοῦ εὐαγγελίου, εἶπον τῷ Πέτρῳ ἔμπροσθεν πάντων. Quid est quod audio, obliquo pede una cum reliquis Petrum incessisse, et a norma evangelicae veritatis aberrasse? quid illud, quod Petrum coram omnibus Paulus commonefecerit? an doctrina quam traderet a recto evangelii tramite Petrus discessit? atqui nihil docebat. An proposito animique intentione? sed haec laudem merebantur, et quaecumque tandem forent, neque noverat illa Paulus neque videbat. Scribit autem se Petrum iudicasse devium, et illi eorum caussa restitisse quae videbat, ἀλλ' ὅτε εἶδον.

Duo autem vidit, ac inprimis vidit Petrum a pristina vivendi libertate ideo abstinenterem, ut fratrum infirmitati prospiceret: tum vidit reliquos iudaeos, ipsum-

¹⁴⁸) Act. XXI. 17. seqq.

¹⁵¹) Galat. IV. 11.

¹⁴⁹) Quod Chrysostomus quodam veluti eloquentiae flumine demonstrat in ea quam saepe memoravimus homilia, nn. 4. seqq.

¹⁵²) Ad Galat. II. 12.

¹⁵³) In scholiis ad h. l.

¹⁵⁴) I. Cor. VIII. 13.

¹⁵⁰) Ut illorum quae retulimus testimonia, praeclare ostendunt.

¹⁵⁵) Galat. II. 14.

que Barnabam Petri *συγκατάβασι*n, libertatisque dissimulationem imitantes. Sed nonne fas erat Petro sive *εθνικῶς* sive *ιουδαϊκῶς* pro optione vivere? nonne inter eius laudes recenseri debuit, quod *ιουδαϊκῶς* potius quam *εθνικῶς* viveret, ne iis qui *ἐκ περιτομῆς* erant, offensionis ansam praeberet? sunt haec adeo luculenta ut concedi ab omnibus necessario debeant.

317. Atqui non minus concedi ab omnibus debet, Petrum et qui eius imitabantur *ὑπόκρισιν*, haud *ὀρθῶς* ambulasse *πρὸς τὴν ἀλήθειαν τοῦ εὐαγγελίου*. Quum igitur defectus, reprehensionisque caussa *neque ex animi proposito, neque ex ipso opere* ¹⁵⁶ desumi possit, reliquum est ut unde ea repeti debeat, investigetur. Nihil autem praeterea superest quam propositi, operisque *eventus*, qui alius ab eo fuerit quem sibi Petrus praestituerat, quique in damnum evangelicae libertatis cedere posse videretur. Scilicet hoc unum ob oculos habuerat Petrus, ut honesta suapte natura oeconomia circumcisos fideles leniret, illisque paterna benevolentia satisfaceret. Sed aliter ac ipse animo designasset, susceptam *οἰκονομίαν*, paternamque *συγκατάβασι*n interpretati sunt cum reliqui iudaei, tum ipsemet Barnabas, qui ex ea deduxisse visi sunt, nefas esse *εθνικῶς* vivere, ipsasque gentes iudaicis institutis subiici oportere. Hoc est quod nexus paulinae orationis demonstrat, hoc quod antecedentia, comitantia et sequentia persuadent. Quare Petri culpa, si quae ¹⁵⁷ fuit, quantaque illa fuit, huc redit: quod quum rectissima mente id egerit quod nullo iure interdicebatur, *non satis providerit*, quid alii, secus ac ipse vellet, et praeter *οἰκονομίαν* cui obsequendum esse crediderat, *essent inde deducturi*. Verum culpa ne haec est, siqua tamen est, propter quam Petrus aut *dogmatici erroris* merito accusetur, aut suprema caruisse auctoritate censeatur? iniurius in lectores essem, si puram putamque calumniam argumentando refellerem.

318. At Paulus illum reprehendit, et *ἐμπροσθεν πάντων* commonefecit. Quasi vero id ego negem, aut quasi *eventus* a mente quidem et *οἰκονομίᾳ* Petri alienissimus, *per se tamen noxius*, quique in evangelicae libertatis *perniciem trahi posset*, par non fuisset ut Paulus consilium iniret commonendi Petri, initumque exsequeretur. Illud miror non advertisse protestantes quo pacto, quave ratione Paulus restiterit Petro, illumque commonefecerit. An illi *dogmaticum errorem, fallacemque praedicationem* obiecit? an illum sua auctoritate ad officium revocavit? accipiantur ipsissima Pauli ¹⁵⁸ verba: *Εἰ σύ, ἰουδαῖος ὑπάρχων, εθνικῶς ζῆς καὶ οὐκ ἰουδαϊκῶς, τί τὰ ἔθνη ἀναγκάζεις ἰουδαΐζειν; si tu ipse, qui iudaeus licet sis, non ex legum iudaicarum severitate, sed libertate ea qua ethnici fruuntur, vivebas* ¹⁵⁹; *quid est quod tu ipse* ¹⁶⁰

¹⁵⁶) Custodia enim legalium etsi antiquata, nondum tamen noxia evaserat.

¹⁵⁸) Galat. II. 14.

¹⁵⁹) Enallage temporum, et usus praesentis, ζῆς, pro imperfecto, ἔζης, per se patet.

¹⁵⁷) Nullam enim fuisse, et olim contenderunt plures, et in praesentia non desunt qui affirmant.

¹⁶⁰) Vel si pro τί legas πῶς, quoniam pacto tu ipse.

exemplo factoque auctor es ut ipsi etiam ethnici iudaicis ritibus subiiciantur? Quis autem hisce auditis non suspiciat tantam libertatem *cum tanta reverentia* coniunctam? reprehendit sane Paulus Petrum, *sed ipsius Petri nomine atque auctoritate*: opponit Petrum Petro, factum antecedens facto consequenti, factum liberum facto oeconomico, paternaeque dispensationis, idque assequitur quo spectabat, ut Petri imitatores intelligerent, vel neminem esse, vel Petrum maxime esse qui sua auctoritate, agendique ratione libertatem gentium tueretur.

Unde nihil succurrit opportunius quam prolixiori disputationi commentario Hieronymi ¹⁶¹ modum ponere. „Indissolubili, inquit, argumento constringit Petrum, imo *per Petrum eos* qui pugnancia illum inter se facere cogeant. Si, inquit, o Petre tu natura iudaeus es, circumcisis a parva aetate, et universa legis praecepta custodiens, nunc ob gratiam Christi scis ea nihil per se habere utilitatis, sed exemplaria esse et imagines futurorum, et cum his qui ex gentibus sunt, cibum capis, nequaquam ut ante superstitiose, sed libere et indifferenter victitans; quomodo ¹⁶² eos qui ex gentibus crediderunt, nunc recedens ab eis, et quasi a contaminatis te separans et secernens, compellis iudaizare? si enim immundi sunt a quibus recedis, idcirco autem recedis quia non habent circumcisionem, compellis eos circumcidi et iudaeos fieri, quum tu ipse natus iudaeus gentiliter vixeris. Et latenter ostendit causam quare adversus eum disputaverit, quia scilicet gentes simulatione sua ¹⁶³ iudaizare compelleret, dum eum cupiunt aemulari.“

¹⁶¹) In comm. ad h. l. Suffragatur Chrysostomus in hom. toties citata, n. 17. inquit: „Animadverte prudentiam. Non dixit illi, male agis dum iudaice vivis, sed priorem eius arguit conversationem: *Ἵνα μὴ ἐκ τῆς Παύλου γνώμης ἡ παρα- νείσεις καὶ ἡ συμβουλή, ἀλλ' ἐκ τῆς Πέτρον κρίσεως τῆς ἤδη γεγενημένης εἰσενήχθαι δοκῇ*, ut non iam ex sententia Pauli admonitio et consilium, sed ex Petri iudicio iam expresso videatur inferri. Nam siquidem dixisset, male agis dum legem observas, reprehendissent Petri discipuli: *Νυνὶ δὲ ἀκούσαντες, ὅτι οὐ τῆς Παύλου*

γνώμης ἡ παρανεύσεις ἦν καὶ ἡ διόρθωσις αὐτῇ, ἀλλ' αὐτὸς ὁ Πέτρος οὕτως ἔζη, καὶ ταῦτα εἶχεν ἐν τῇ ψυχῇ τὰ δόγματα, καὶ ἐκόντες καὶ ἄκοντες ἡσύχαζον, iamvero quum audiunt, non esse e sententia Pauli admonitionem illam, correctionemve, sed ipsum Petrum ita vivere solitum, et haec dogmata in animo habuisse, vellent nolent, quiescere debuerunt.“

¹⁶²) Legit itaque Hieronymus non *τί*, sed *πῶς*.

¹⁶³) Qua cum iis qui sub lege erant, non aliter semet gerebat ac si onere legis ipse quoque premeretur.

CAPUT XXV.

De hierarchia quam Paulus describit I. Cor. XII. 28. et Ephes. IV. 11: — ea abutuntur protestantes ut e principe auctoritatis gradu Petrum deiciant: — quam praepostere, quamque id infeliciter contendunt: — obiecta difficultas in suos auctores convertitur: — inde primatus adstruitur, unde subverti illum posse protestantes censuerunt: — quae eius sit ratio, penitus consideratur, atque sita in eo esse ostenditur, ut per supremum omnium caput pastoremque ad unitatem conspicui corporis ecclesiae revocetur.

319. Ne quis nostrum credat, Petri primatum testimoniis suffragioque ¹ Pauli comprobari, eo protestantes argumento pugnant, quod et plurimi se facere declarant, et catholicis molestissimum esse arbitrantur. Inde autem illud promunt, quod Paulus nullam primatus mentionem iniecerit sive in duodecimo prioris epistolae ad Corinthios ² capite, sive in capite quarto litterarum ³ quas ad Ephesios dedit. Iniecisset autem dubio procul, si in ea fuisset sententia, quam nos profitemur, ac Petri primatum credidisset; quum utroque in loco munera, gradus, iura omnia diligentissime recensuerit, quibus Christus initiis, progressionibus, conservationi ac tutelae ecclesiae suae divina prorsus benevolentia consuluit.

Dignus est Franciscus Turretinus, qui communem perorans causam audiatur. Sic igitur ⁴ ille: „Si Christus in ecclesia monarcham aliquem et oecumenicum pontificem constituisset, Paulus eius mentionem aliquam facere debuisset in iis locis, ubi ordines et munera ecclesiastica a Christo instituta enarrat, quia hoc plurimum intererat ⁵ ecclesiam rescire, ut obsequium illi eo promptius exhiberet; alias si hoc reticuisset, vel hoc factum fuisset *ex ignorantia*, quia hoc nesciebat, quod quis dixerit de apostolis *θεοπνεύστοις*? vel *ex negligentia* aut *malitia* ⁶, quod noluerit. Sed hoc esset malae fidei ⁷ eum arguere et

¹) nn. 269. seqq.

²) I. Cor. XII. 28.

³) Ephes. IV. 11.

⁴) Institut. Theolog. Loc. XVIII. q. XVI.

§. IX.

⁵) Sed rescire id ecclesia potuit ex evangeliorum testimoniis, ex Actibus apostolicis, ac interpellata numquam christiani nominis traditione.

⁶) Vel ideo omissa primatus mentio censi posset, quod a) esset vulgatissima, quod b) ad Pauli σκοπὸν non conducere, et quod c) eam alibi non obscure apostolus expressisset.

⁷) Quam accusationem a se Paulus abunde repulit, quum opere ipso, factisque luculentis in epistola ad Galatas relatis Petri primatum reveritus est.

παρὰπροσβείας, ob non expletum suum munus. Sed Paulum penitus de eo siluisse constat ex illustri loco Ephes. IV. 11, ubi varios ordines munerum ecclesiasticorum recensens tum ordinarios tum extraordinarios, quoad istos meminit quidem *apostolorum*, *evangelistarum* et *prophetarum*, quoad illos vero *pastorum* et *doctorem*; sed de monarcha et oecumenico pontifice ecclesiæ altum apud ipsum silentium; ut et I. Cor. XII. ubi eadem fit enumeratio. Nec elabetur qui dixerit cum Bellarmino lib. I. cap. IX, Paulum eius mentionem facere, quum ait, *Christum dedisse alios apostolos, siquidem summa potestas non solum data sit Petro, sed etiam reliquis apostolis; Petro vero ut ordinario pastori, cui succederetur; aliis vero ut delegatis, quibus non succederetur*. Nam quum de oecumenico pontifice disputatur, non simpliciter agitur de infallibili auctoritate in ecclesia⁸, quam in omnibus et singulis apostolis fuisse nemo negare potest; sed de uno dumtaxat, qui auctoritatem istam sic obtineat, ut collegam nullum admittat, et qui sit, ut illi loquuntur, *centrum*, *principium* et *radix unitatis*. At apostolus de omnibus in plurali loquitur, quum ait dedisse *apostolos*, non de uno aliquo individuo, in quo pluralitas reducatur ad unitatem visibilem. Adde, quod munus apostolatus temporale⁹ fuit et extraordinarium, quod cessare debuit, non ordinarium et perpetuum.“

320. Ego autem sic existimo, ne moderatissimos quidem a semetipsis impetraturos, quo minus exclament, quis risum teneat? quis fallacissimas strophas non aspernetur? Ut enim hinc auspicem, qua lege, quove canone praeceptum est, ut omnia ubivis dicantur: ut si quae alicubi fuerint praetermissa, eadem etiam alibi indicta censeantur? an quia Petrus in prima¹⁰ ad populum concione de Christo verba faciens non eum dixit *λόγον τοῦ Θεοῦ, Θεόν, ἀπαύγασμα τῆς δόξης τοῦ πατρὸς*, immo nude simpliciterque dixit *ἄνδρα ἀπὸ τοῦ Θεοῦ ἀποδεδειγμένον εἰς ὑμᾶς δυνάμει καὶ τέρασι καὶ σημείοις*: fas propterea erit inani conclusionem deducere, neque alibi in divinis litteris *τὴν Θεότητα* Christo deferri, illumque *τὸν ἐπὶ πάντων Θεὸν εὐλογητὸν εἰς τοὺς αἰῶνας* praedicari? hoc semel admissa canone nullus erit reliquus christianae professionis articulus, qui sibi constet, quique non manifestissime periclitetur.

321. Sed erat, inquirunt, cur Paulus, siquidem novisset, Petri primatum commemoraret. Quid si reponam, non minorem fuisse causam, ob quam Petrus divinam Christi naturam audientium concioni credendam exhiberet? aegre, nisi totus fallor,

⁸) Nullo plane vinculo haec responsio cum Bellarmini exceptione cohaeret.

⁹) In omnibus ne apostolis ac in ipso etiam Petro *quoad regendi pascendique auctoritatem*? qui ergo fit, ut orthodoxi patres unanimi consensione testentur, et in suis successoribus Petrum vivere, et in sua cathedra iugiter praesidere, et ovilis administrationem, quam semel suscepit,

neque dimisisse neque porro esse dimisurum? qui fit, ut iidem doceant, ecclesiam non ideo solum esse dicique apostolicam, quod exstructa ab apostolis fuerit, quod apostolorum fidem custodiat, quod pastores habeat legitima ordinationum serie ad apostolos usque assurgentes; sed praeterea quod apostolica auctoritate gubernetur? sed haec innuisse sufficiat.

¹⁰) Act. II. 22.

idoneum discrimen protestantes reperiant. Sed ut haec similiaque contemniam, illud a me obtinet, quod nemini ignotum esse arbitror, vix quidpiam inanius, quidpiam esse periculosius, quam *necessitatis causas* sine certis tabulis comminisci aut vicissim negare. Quod ut omnes experimento sentiant, interrogabo, quanam potissimum causa ad inculcandum Petri primatum impellere Paulum debuerit. An quod propositum illi esset *οἰκονομίαν* *distincte* referre, institutionemque *enucleate* patefacere, qua voluit Christus ut ecclesia gubernaretur? atqui de hoc apostoli consilio neque verba diserta, nec quae his virtute aequipolleant, alterutro in textu leguntur. An quod in eo esset, ut *doctrinae caput* explicaret cum institutione primatus devinctum atque cohaerens? Sed si animo repetantur quae in utraque epistola antecedunt, quaeque sequuntur, continuo innotescet, eo Paulum spectasse ¹¹, ut ex imagine humani corporis in quo cum multiplici quadam membrorum distinctione, functionumque varietate singularis unitas, miraue *totius* consensio harmoniaque copulatur, discrimen munerum officiorumque illustraret, quo *mysticum Christi corpus* non minus varietate splendet quam perfectissima unitatis forma commendatur. Quis porro non ludens sed serio contendat, eiusmodi veritatem neque rite exponi, neque illustrari apte potuisse, quin Petri primatus nominatim censeretur? immo, quis non intelligat ad eam declarandam explicandamque abunde fuisse, si munerum distinctio a Christo profecta universim aperiretur? nulla igitur fuit commemorandi primatus necessitas, nisi quam sibi confingendam protestantes existimarunt.

322. Cuius commenti error atque fallacia inde etiam deprehenditur, quod deductae e Pauli silentio consequutioni hac solum lege species aliqua veritatis tribui possit, si constet, ne unum quidem eorum munerum ab eo fuisse praetermissum, quae ad pulcritudinem, decus constantiamque ecclesiae Christus instituerit. At vero comparatio utriusque textus ad invicem et cum aliis Scripturarum locis demonstrat, neutro in textu gradus omnes, omniaque divinitus instituta munera recenseri. Sane conferantur mutuo textus, qui sic habent:

I. Cor. XII. 28. *Καὶ οὗς μὲν ἔθετο ὁ θεὸς ἐν τῇ ἐκκλησίᾳ πρῶτον ἀποστόλους, δεύτερον προφήτας, τρίτον διδασκάλους, ἔπειτα δυνάμεις, εἴτα χαρίσματα ἰαμάτων, ἀντιλήψεις, κυβερνήσεις, γένη γλωσσῶν.*

Ephes. IV. 11. *Καὶ αὐτὸς ¹² ἔδωκε τοὺς μὲν ἀποστόλους, τοὺς δὲ προφήτας, τοὺς δὲ εὐαγγελιστάς, τοὺς δὲ ποιμένας καὶ διδασκάλους.*

Enimvero si alter textus omnes complectitur gradus, prior redundat, in quo praeterea censentur *δυνάμεις, χαρίσματα ἰαμάτων, ἀντιλήψεις, κυβερνή-*

¹¹) I. Cor. XII. 12. seqq. coll. v. 29.

¹²) Verba *διδόναι* et *τιθέναι* promiscue adhibentur, et potestate respondent hebraico *יָדָן*, quod alexandrini modo uno, modo altero verbo interpretantur. Ceterum hier-

archiae institutio, quae I. Cor. XII. 28. ascribitur Patri, et Ephes. IV. 11. asseritur Filio, eadem Act. XX. 28. tribuitur Spiritui-Sancto: quo sicut unitas *operationis* divinae Trinitatis, ita arctissime cum ea cohaerens *naturae* unitas comprobatur.

σεις, γένη γλωσσῶν: sin autem ille nihil omittit, posterior deficit, in quo desunt δυνάμεις, χαρίσματα ἰαμάτων, ἀντιλήψεις, κυβερνήσεις, γένη γλωσσῶν. Unde liquet, neutrum adhiberi tuto posse, ut ordines omnes, gradusque divinitus instituti certa rataque sententia definiantur. Praesertim quum in aliis bibliorum ¹³ locis, aliisque eiusdem Pauli ¹⁴ epistolis alii memorentur gradus episcoporum, presbyterorum, diaconorumque, quorum heic vel altum est silentium, vel mentio adeo obscura ¹⁵, ut luce ξξωθεν hausta illuminari debeat.

323. Ad haec, quum Paulus scribit omnium primos in ecclesia positos esse apostolos, una ne docet, eos *undequaque* ¹⁶ fuisse pares, nullaue a Christo inaequalitate secretos? illud quidem affirmat, inquiens: καὶ οὐς μὲν ἔθετο ὁ θεὸς ἐν τῇ ἐκκλησίᾳ πρῶτον ἀποστόλους, et gemina ¹⁷ plane formula, καὶ Χριστὸς ἔδωκε τοὺς μὲν ἀποστόλους: alterum vero non negat, aut siquidem negat, ne graventur protestantes nobis ostendere, quibus id tandem verbis efficiat. Porro simplex nudaque Pauli *affirmatio*, principem christianae hierarchiae locum apostolis convenire, Petri ὑπεροχήν, altioremq; auctoritatem neque opugnat neque tollit. An quia ecclesiastica hierarchia ¹⁸ dicitur crediturque *episcopis, presbyteris, ministrisque* constare, nullo propterea episcopi, qui principatum prae subiectis gradibus obtinent, dignitatis, auctoritatisque discrimine separantur? sunt illi sane primi prae ministris, presbyterisque: sunt etiam *simpliciter* primi, quod nullus existat gradus *episcopatu* potior; sed inquirendum restat, an iuribus, eiusque principis gradus ¹⁹ dignitate omnes et singuli ex aequo potiantur. Sint igitur apostoli primi, nullaue sit τάξις apostolica dignior; an ideo inter ipsos apostolos nullum admitti poterit honoris auctoritatisque discrimen? Ut id eruant protestantes, necesse est affirmantem Pauli propositionem in negantem convertant, illamque hoc, similive commentario explanent: ἔθετο ὁ θεὸς ἐν τῇ ἐκκλησίᾳ πρῶτον ἀποστόλους, id est, sic apo-

¹³) Act. XIV. 22, XV. 2, XX. 28, Jacob. V. 14.

¹⁴) Philipp. I. 1, I. Tim. III. 2—8—12, Tit. I. 5—7.

¹⁵) Cuius obscuritatis inde promi argumentum potest, quod interpretes tam veteres quam recentiores in definiendis singulis gradibus summopere discrepent. Quo factum arbitror, ut Semlerus in notis ad I. Cor. XII. 28. scribere non dubitaverit, *incerta sunt pleraque, nihil enim historiae antiquioris superest.*

¹⁶) Qua particula idcirco utor, ne confusione duarum quaestionum veritas amittatur. Aliud enim est interrogare, utrum

duodecim, prout erant apostoli et comparate ad apostolatium pares fuerint, quod nemo negat; ac aliud percontari, utrum *undequaque* fuerint pares, quod catholici omnes negamus, et falsum esse hucusque comprobavimus.

¹⁷) Ephes. IV. 11.

¹⁸) Concil. Trident. Sess. XXIII. can. 6.

¹⁹) Quod ne credamus, exigunt vetustissimi canones qui de episcopis loquentes τὸν ἐν αὐτοῖς πρῶτον saepissime memorant, tum metropolitanorum institutio, quae ad ἄξῳμα auctoritatemque quod attinet, ad ipsos apostolos referenda est. Cf. Beveregium in Codice canonum ecclesiae primitivae illustrato, lib. II. cap. V.

stoli simpliciter, praeque obnoxiis gradibus primi sunt, ut nullus inter eos maiori auctoritate praecellat; id est, sic apostoli sunt primi, ut sint etiam undequaque pares. Sed eiusmodi additiones, conversionesque propositionum haeresim quidem protestantium continent, Pauli vero doctrinam nullatenus referunt.

324. Immo ab ea sic abhorrent, ut nihil inter utrumque hostilius cogitari posse videatur. Tradit enimvero repetitque Paulus eminere apostolos, omniumque primos in ecclesia esse constitutos: sed mutuum eorum respectum ac veluti *habitum* neque explicat neque definit. Non explicat utrum *aequales penitus* fuerint, neque definit *num unus forte alterve* honore atque auctoritate ceteris antecelluerit. Quare ut de his, quibus tota constat praesentis controversiae ratio, apte iudicetur, necesse omnino est cum obiectis testimoniis alia componere quae Scripturis consignata ad mutuam inter apostolos *σχέσιν* referuntur. Necesse est evangelia consulere, primitivae ecclesiae historiam expendere, et si quae in aliis epistolis aut diserte Paulus scripserit, aut opportune indicarit, diligenter considerare. Quum enim ipsemet testetur, principem in ecclesia locum, Christo auctore, apostolis convenire, neque id uti par est intelligi, neque exponi accurate potest, nisi prius Christi ordinatio, institutioque clare evidenterque innotuerit.

Quid porro est quod vel in evangeliiis cernimus, vel in Actis legimus, vel in Pauli litteris reperimus? omnes ne apostolos fuisse prorsus aequales, an contra unum ex illis, eumque Simonem Petrum omnibus et singulis praerogativa auctoritatis excelluisse? quae hucusque non perfunctorie leviterque, sed data opera, diligentiaque qua potuimus maiori in medium protulimus, expendimus, vindicavimus, ita se habent ut Petrum propriis eximiisque auctum donis, potiorique auctoritate donatum luculenter ostendant. Quod enim Matthaeus in texendo apostolorum catalogo ²⁰ scribit, *πρῶτος, Σίμων ὁ λεγόμενος Πέτρος, primus, Simon qui dicitur Petrus*, idest, princeps, ceterorumque iure et auctoritate caput, id Christi gestis dictisque, id evangelistarum scribendi ratione, id historia nascentis ecclesiae, atque id Pauli suffragio tanta perspicuitate confirmatur, ut integra Scripturarum fide negari haud possit, fuisse Petrum, ut Eusebius ²¹ notat, *τὸν κράτερον καὶ μέγαν τῶν ἀποστόλων, τὸν ἀρετῆς ἐνεκα τῶν λοιπῶν ἀπάντων προήγορον*, vel ut vulgatus Dionysius ²² subdit, *τὴν κορυφαίαν καὶ πρεσβυτάτην τῶν θεολόγων ἀκρότητα*.

Quo igitur pacto non probabili coniectura, neque tenui suspicione, sed certo libratoque iudicio interpretabimur quod dicitur, *ἔθετο ὁ θεὸς ἐν τῇ ἐκκλησίᾳ πρῶτον ἀποστόλους?* videlicet necessario ita interpretabimur: *Deus omnium primos prae prophetis, evangelistis, pastoribus et doctoribus posuit in ecclesia apostolos, ipsos autem apostolos ita mutuo devinxit copulavitque, ut eos inter auctoritate, capitisque honore Petrus antecelleret*. Sicut enim reli-

²⁰) Matth. X. 2.

²²) De divinis nominibus, cap. III.

²¹) H. E. lib. II. cap. XIII.

quos gradus apostolis subiecit, ita apostolorum collegio Petrum praeposuit: et quemadmodum obnoxios ordines ad apostolos, tamquam ad centrum quoddam principiumque unitatis revocavit, ita apostolos ipsos per Petrum, tamquam per caput, supremumque rectorem ad eam unitatis nobilissimam speciem provexit, qua ecclesia perfectissimus ectypus divini archetypi qui in augusta Trinitate refulget, et quo *ὑποστάσεων οἰκονομία* ad *μοναρχίαν* adducitur unius supremae originis, omnium oculis appareret.

325. Quam ecclesiae suae praestantissimam unitatem et ad divinum expressam archetypum non obscure Christus adumbravit ²³ his ad apostolos directis verbis: *Ἀμὴν λέγω ὑμῖν, ὅτι ὑμεῖς οἱ ἀκολουθήσαντες μοι, ἐν τῇ παλιγγενεσίᾳ, ὅταν καθίσῃ ὁ υἱὸς τοῦ ἀνθρώπου ἐπὶ θρόνου δόξης αὐτοῦ, καθίσεσθε καὶ ὑμεῖς ἐπὶ δώδεκα θρόνους, κρίνοντες τὰς δώδεκα φυλὰς τοῦ Ἰσραὴλ. Sancte vobis dico, quod vos, qui omnibus posthabitis, me sectati estis, in* ²⁴ *novo meo regno, in quo omnia nova erunt, regenitique homines inter Dei filios censebuntur, quum sederit* ²⁵ *filius hominis in throno maiestatis suae, sedebitis et vos mecum σύνθρονοι super sedes duodecim iudicaturi* ²⁶ *duodecim tribus Israel. Et* ²⁷ *rursum: Καγὼ διατίθεμαι ὑμῖν, καθὼς διέθετό μοι ὁ πατήρ μου βασιλείαν, ἵνα ἐσθίητε καὶ πίνητε ἐπὶ τῆς τραπέζης μου ἐν τῇ βασιλείᾳ μου· καὶ καθίσησθε ἐπὶ θρόνων, κρίνοντες τὰς δώδεκα φυλὰς τοῦ Ἰσραὴλ. Quemadmodum Pater* ²⁸ *mihi regnum, supremamque in ecclesiam* ²⁹ *potestatem addixit, ego pariter vobis regnum et auctoritatem* ³⁰ *regiae maiestati proximam addico, ut* ³¹ *edatis et bibatis super mensam meam in regno meo, et sedeatis super thronos iudicantes duodecim tribus Israel.*

His enim non obscura impeditaque deductione, sed aperta planaue con-

²³) Matth. XIX. 28.

²⁴) Quum *παλιγγενεσία* metaphorice dicatur quaevis magna insignisque pristini status instauratio, contextus postulat, ut heic de absoluto consummatoque prisco foedere per institutionem novi ampliorisque pacti intelligatur. Sane 1) ad novum foedus Paulus refert II. Cor. V. 17, quod apud Isaiam LXV. 17. legimus, *ecce creo ... novum caelum*; idem 2) ad Tit. III. 5. baptismum vocat *λουτρὸν παλιγγενεσίας*, et 3) interpres syrus quod graece est, *ἐν τῇ παλιγγενεσίᾳ*, vertit, *in seculo novo*, qua phrasi nulla solemnior ad tempus novi foederis indicandum.

²⁵) Quod tum primum contigit quum redivivus ascendit ad dexteram Patris.

²⁶) Judicare idem heic *μεταληπτικῶς*

valet ac *praeesse*. Qua praesidendi amplissima significatione adhibetur nomen *ἡγεῖν* Jos. XVI. 31, Is. XI. 4, I. Reg. III. 9.

²⁷) Luc. XXII. 29 — 31. Vix puto monendum esse, *οἰκονομίαν*, rationemque novi regni coloribus depingi e priori eo-que typico Israelis regno desumptis.

²⁸) Sic enim ordinanda sunt verba: *Καθὼς διέθετό μοι ὁ πατήρ μου βασιλείαν, καγὼ διατίθεμαι ὑμῖν κ. τ. λ.*

²⁹) Matth. XXVIII. 18. coll. Rom. XIV. 9, I. Cor. XV. 27, Ephes. I. 10, I. Petr. III. 22.

³⁰) Matth. XXVIII. 19. coll. Act. II. 38.

³¹) His verbis *duplex* continetur *signum*, quo eximia apostolorum dignitas, et simillima potestati Christi auctoritas declaratur.

ficitur, *οικονομίαν* rationemque novi regni, novique Israelis ³² ad eam formam, speciem ac prope imaginem exprimendam esse, quae in prisco regno, priscoque Israele *ὡς ἐν τύπῳ* praecessit: apostolos vero dignitatem illi persimilem consequuturos, quam in duodecim tribus totidem *φυλάρχαι* obtinuerunt.

326. Porro neque tribus erant aequales, neque illarum capita, etsi communi appellatione *נְשִׂאֵי יִשְׂרָאֵל*, *נְשִׂאֵי שְׁבֵטֵי יִשְׂרָאֵל*, et *רָאשֵׁי שְׁבֵטִים* dice-
rentur, eodem honoris, dignitatisque gradu excellabant. Tribus enim ab Juda nuncupata mirum quantopere prae undecim reliquis eminuerit. Illius erat ³³ praeire: illa promissionem divinitus acceperat ³⁴ *αὐθεντίας* non antea desiturae quam vetus pactum in novum longeque praestantius commutaretur: ex illa opperendum semen erat ³⁵, quo in gentes omnes duodecim tribubus praesignatas benedictio refunderetur: et cum illa cohaerere, illiusque reliquae tribus profiteri religionem debebant, ne schismatica ³⁶ et a divino foedere extorres haberentur. Unde Jacobus fatidico numine plenus Judam ³⁷ illius caput, stipitemque his omnino verbis ³⁸ alloquutus est:

³²) Hunc similitudinis respectum inter *οικονομίαν* utriusque regni pluribus Tertullianus explanat in quarto adversus Marcionem libro, ubi capite XIII. nominatim quaerens, *cur duodecim apostolos elegit Christus, et non alium quemlibet numerum?* reponit: *nae et ex hoc meum Christum interpretari possem, non tantum vocibus prophetarum, sed et argumentis rerum praedicatum?*

Quare Moshemius, etsi lutheranae ad-
dictus factioni, obsequendum tamen per-
spicuae veritati censuit, scribens Institutt.
H. E. saec. I. Par. I. cap. III. §. VI:
„Quaerunt viri docti, quanam Christum
caussa commoverit, ut duodecim, non plu-
res nec pauciores apostolos, atque septua-
ginta discipulos crearet, variisque con-
iecturis hanc quaestionem dirimere student.
At quum manifestum sit, ipsis Christi ver-
bis Matth. XIX. 28, Luc. XXII. 30. duo-
denarium apostolorum numerum ad duode-
cim populi hebraeorum tribus respicere;
vix dubitari potest, ipsum per eum iu-
daeis significare voluisse, se supremum
Dominum, Pontificemque totius gentis he-
braicae in duodecim tribus divisae, esse.“

³³) Num. II. 3—9, X. 14, Jud. I.
1—3, XX. 18.

³⁴) Gen. XLIX. 10.

³⁵) Ibid. Quo ea pertinent Christi,
Joh. IV. 22: *Ὅτι ἡ σωτηρία ἐκ τῶν ἰου-
δαίων ἐστίν.*

³⁶) I. Reg. XII.

³⁷) XLIX. 8.

³⁸) Apposite Jahn in exercit. exeget.
ad h. locum: „Ut hic locus intelligatur,
meminisse oportet, duas (praeter sacerdo-
tium familiae, Exod. XXIV. 5, Num. XVIII.
15—16.) fuisse primogeniti praerogativas:
I. duplicem haereditatis portionem, Deut.
XXI. 17. et II. eminentiam et quasi pa-
triam potestatem inter fratres, cf. Gen.
XXVII. 29—36. cum XXV. 30—34. Has
praerogativas Jacobus primogenito suo Ru-
beni, ob nefarium incestum Gen. XXXV. 22,
ademit Gen. XLIX. 3—4, ac ius duplicis
ex haereditate portionis Gen. XLVIII. 1—7.
transtulit in Josephum, cuius duos filios,
Manasse et Ephraim, adoptavit, quorum
dein posterii ex hac caussa duas tribus
constituebant, et duas quoque sortes re-
gionis obtinuerunt. Alterum autem primo-
geniti ius, scilicet eminentiam et quasi

יהודה אֶתֶּה יְרוּדָה אֶתֶּיךָ
 יְרֵךְ בְּעֶרְףְּ אֵיבֶיךָ
 יִשְׁתַּחֲוֶה לְךָ בְּנֵי אֶבְיָךְ:

Tu vere es *Juda*, laus ³⁹ nimirum, planeque dignissimus, qui lauderis, *te* enim *laudabunt fratres tui: manus tua in cervice hostium tuorum*, quos vinces debellabisque: *adorabunt te* ⁴⁰, teque honore prosequentur *filii patris tui*.

327. Quibus sane accommodatius nihil, nihilque validius, quo *Judae prae undecim fratribus, tribuumque principibus* singularis dignitas, eximiaque auctoritas commendetur. Igitur ne a typo antitypus dissideret, ne imago a supremis lineis discreparet, ne ab umbra ⁴¹ corpus discederet, necessarium fuit unum e duodecim apostolis deligi, qui propriis auctus promissionibus, propriisque donis cumulatus ceteris omnibus praestaret, et ab undecim veluti primogenitus, dux atque caput observaretur. Hunc autem quemnam fuisse putabimus? non alterum profecto ab eo, quem Scripturae a reliquis tanta cura secernunt, illisque anteponunt: quem uti omnium *χορυφαῖον* constanter describunt: cui Christus ⁴² dixit, *μακάριος εἶ, Σίμων βᾶρ Ἰωνᾶ*: super quem ⁴³ ecclesiam suam aedificavit, quemque ⁴⁴ τὸ τῆς ἐκκλησίας ἔρεισμα constituit: cui aeternam firmitatem, certissimamque de hostibus victoriam ⁴⁵ spondit, inquit, *καὶ πύλαι ἔδου οὐ κατισχύσουσιν αὐτῆς*: quem ⁴⁶ universo ovili praeposuit, eoque *apostolatus* ⁴⁷ *principatu* locupletavit, qui *cuiuslibet episcopatu praeferrī debet*. Quare non eo pertinet suprema apostolorum dignitas iustissimis a Paulo encomiis celebrata, ut Petri primatus, eiusque *προστασία* denegetur, sed ut illius excellentia, vis ac ratio uberius penitusque cognoscatur.

328. Quo ea item pertinere censenda sunt, quae in utriusque epistolae contextu *de unitate* ecclesiae, deque eiusdem *typis, archetypis, variisque*

patriam inter fratres potestatem, Jacobus Gen. XLIX. 8—10. transfert in Judam; et quia tum Abrahamo Gen. XVII. 6—16, tum ipsi Jacobo Gen. XXXV. 11. promissi erant reges ex posteris descensuri, Jacob etiam hanc promissionem Judae assignat, quae aliunde cum eminentia primogeniti cohaerebat; ipsam quoque debellationem hostium Abrahamo Gen. XXII. 17. et Jacobo Gen. XXVIII. 14. promissam, inprimis huic eminenti inter fratres, Judae attribuit.

³⁹) Insignis est allusio ac respectus inter nomen יְרוּדָה, quod *laus* est, dotesque illi tributas. Cf. Gen. XXIX. 35.

⁴⁰) Respondent haec priori ex tribus incisis, seque mutuo illustrent.

⁴¹) Typi enim ac umbrae non sunt nisi *σχέσει ἀντιτύπων, σώματος, ἀληθείας*.

⁴²) Matth. XVI. 17.

⁴³) Ibid. v. 18. Unde Origenes in Ps. I: *Ἐπὶ Πέτρῳ οἰκοδομεῖται ἡ Χριστοῦ ἐκκλησία, ἣς πύλαι ἔδου οὐ κατισχύσουσιν*.

⁴⁴) Verba sunt quibus Nazianzenus Orat. VII. Petrum ornat.

⁴⁵) Matth. XVI. 18.

⁴⁶) Joh. XXI. 15. seqq.

⁴⁷) Ut Augustinus de Petro loquitur lib. I. de Baptismo con. Donatist. cap. I.

quibus continetur principiis, Paulus tradit, luculenterque declarat. Ad ephesios enim conversus illos quo vehementius potest, cohortatur, ut ⁴⁸ velint impensa cura τηρεῖν τὴν ἐνότητα τοῦ πνεύματος ἐν τῷ συνδέσμῳ τῆς ειρήνης *tueri unitatem* spiritus, qua ⁴⁹ idem dicant et sentiant, perfecti sint ἐν τῷ αὐτῷ νοῦ καὶ ἐν τῇ αὐτῇ γνώμῃ, et e qua ⁵⁰ pax prodeat, cuius vinculo nihil adeo seiunctum est ac diversum quod non in unum colligetur. Tum multiplices subiicit adhortationis causas ⁵¹, inquiens: Ἐν σῶμα καὶ ἐν πνεῦμα, καθὼς καὶ ἐκλήθητε ἐν μιᾷ ἐλπίδι τῆς κλήσεως ὑμῶν· εἰς κύριος, μία πίστις, ἐν βάπτισμα, εἰς θεὸς καὶ πατὴρ πάντων· ὁ ἐπὶ πάντων καὶ διὰ πάντων καὶ ἐν πᾶσι ⁵² ὑμῖν. Quibus haec inest sententia: contendendum idcirco a vobis est ut τὴν ἐνότητα τοῦ πνεύματος sanctè custodiat, quia nihil est quod hanc a vobis unitatem non postulet, nihil quod illius necessitatem non demonstret. Demonstrat *unitas corporis mystici* (ἐν σῶμα) quod est ecclesia, et cuius vos pars, membraque estis: demonstrat *unitas Spiritus*, (ἐν πνεῦμα), quo totum corpus, singulaque membra intus aluntur, penitusque informantur: demonstrat *unitas bonorum quae omnes sperant, qui supernam vocationem* (μία ἐλπίς τῆς κλήσεως ὑμῶν) sequuti sunt: demonstrat *unitas Domini* (εἰς κύριος) cui omnes paremus, *unitas* ⁵³ *fidei* (μία πίστις) omnibus propositae, *unitas ritus* quo per baptismum (ἐν βάπτισμα) in unum corpus copulamur, ac *unitas Dei et Patris omnium* (εἰς θεὸς καὶ πατὴρ πάντων), quae non sinit ut cohaeredes, fratresque in oppositas pugnantisque partes discedant.

329. Jamvero quum tot sint nomina, quibus necessitatem servandae unitatis Paulus confirmat, illud tamen omnium primum ⁵⁴ recenset, quod ecclesia unum sit corpus, ἐν σῶμα, atque adeo suapte natura ita comparata, ut partibus dissidentibus manifestissime periclitetur. Sed quodnam significat corpus? visibile ne et αἰσθητόν, an invisibile et ἀόρατον? plenum ne, integrum, suisque partibus absolutum, an mancum, mutilum, ἀκέφαλον et capite deminutum? persuadere mihi non possum fore aliquos, qui opinentur, esse quidem ecclesiam et a Paulo ἐν σῶμα nuncupari, sed invisibile et ἀόρατον, non conspicuum et αἰσθητόν, mancum et ἀκέφαλον, non plenum suoque capite instructum. Quod enim ἀόρατον est, nonnisi absurde τοῦ σώματος nomine exprimitur: et quod ἀκέφαλον est, monstrum quidem ac portentum, corpus vero censi non potest. Ac longe minus censi potest ἐν σῶμα, quum distincta diversaque membra unitate solum capitis, veluti efficiente quodam principio, ad unitatem corporis redigantur.

⁴⁸) Ephes. IV. 3.

⁴⁹) I. Cor. I. 10.

⁵⁰) Nobis igitur σύνδεσμος τῆς ειρήνης est effectus, cuius causa ἐνότης τοῦ πνεύματος. Aliis est causa, particulamque ἐν reddunt per.

⁵¹) Ephes. IV. 4—7.

⁵²) Al. ἡμῖν, sed utrumque omittendum putant Millius, Bengelius, Griesbachius.

⁵³) Nomina πίστις et ἐλπίς utramque significationem subiectivam, obiectivamque commode retinent.

⁵⁴) Omnino opportune, quum reliqua mente solum et fide teneantur, istud vero ipsis quoque oculis usurpetur.

Quare numquam in Scripturis ⁵⁵ ad repraesentandam ecclesiam imago corporis adhibetur, quin ea visibilis ostendatur: ac numquam cum corpore, quasi cum typo confertur, quin illud integrum, suoque praeditum capite exhibeatur. Neque ut secus fieret, arctissimus sinebat nexus, quo *mysticum corpus* cum *naturali corpore* cohaeret, quod sibi Verbum *ὑποστατικῶς* copulavit. Hoc enim illius est *ἀρχέτυπον*, illud autem huius est *ἔκτυπον*. Sed docetarum fuit invisibile comminisci corpus, quod Verbum *ὑποστατικῶς* assumpsit: et delirium est hucusque inauditum, fuisse illud quidem visibile sed mancum et *ἀκέφαλον*. Ut igitur *ἔκτυπον* respondeat *ἀρχετύπῳ*, et mysticum corpus sincera sit naturalis corporis imago, fateamur oportet, ecclesiam esse *ἐν σῶμα*, *corpus unum*, idemque conspicuum, membrisque omnibus et capite inprimis absolutum.

330. Heic autem quaestio oboritur ex se quidem plana ac perspicua, sed quam protestantes ⁵⁶ asperam obscuramque reddiderunt. Quum enim quaeretur, cuinam partes iuraque adscribi debeant *capitis*, prae quo mysticum et visibile ecclesiae corpus *ἐν σῶμα* nuncupatur et creditur, reponunt illi concordēs, deferri alteri non posse quam Christo, cui disertis Scripturarum verbis asse-

⁵⁵) Huc faciunt solemnes imagines unius domus, regni, civitatis, ovilis, templi Deo sacri. Atque huc illud etiam facit quod eorum unitas quae distincta per se sunt ac diversa non aliunde in Scripturis quam e capitis unitate depromitur. In matrimonio (Ephes. V. 31.) *unum* dicuntur *vir* et *uxor*, et ea quidem unitate, quae *μυστήριον* (v. 32.) referat, quo Christus cum ecclesia *unus* dicitur. Sed cur? quod (v. 23.) *ἀνὴρ ἐστὶ κεφαλὴ τῆς ἑκκλησίας*. Unus dicitur cum fidelibus Christus, sed quia (I. Cor. XI. 3.) *παντὸς ἀνδρὸς ἡ κεφαλὴ ὁ Χριστός ἐστι*. Unus cum Christo Deus, sed quia *κεφαλὴ Χριστοῦ ὁ Θεός*. Si ergo ecclesia unum est corpus, suam hanc dotem non aliunde quam e capitis unitate mutuatur: et vix quidpiam fingi absurdius potest quam ecclesiam esse *ἐν σῶμα*, illudque *ἀκέφαλον*.

⁵⁶) E quibus Franciscus Turretinus Loco XVIII. q. XVI. §. X. scribit: „Christus solus est monarcha, *caput* et sponsus ecclesiae, cui se profitetur semper affuturum usque ad consummationem seculi, Matth. XXVIII. 20. Sed hoc est *ἀσύνστατον* cum

vicario, qui absentis tantum aut impotentis vices supplet; alias *monarcha* non esset *μόνος*, et *corpus* esset *biceps*, et sponsus admitteret thori socium, quod non est ferendum. Confirmatur ex eo quod Paulus qualitatem *capitis* quam Christus obtinet respectu ecclesiae, fundat in relatione Servatoris, quum ait Ephes. V. 23. *Christum esse caput ecclesiae, servatorem corporis sui*, ut nemo possit esse caput, qui non sit etiam servator. Unde addit, *viros diligere debere uxores, sicut Christus dilexit ecclesiam, et se ipsum pro illa dedit*. Sic I. Cor. I. 12. damnat eos omnes, qui factionibus inter se divisi vel Petrum vel Paulum vel Apollo in *caput* sibi ascisciebant. Et sane ut unum est corpus et unus spiritus, ita unicum tantum caput dari debet, maxime cum eodem modo Christus sit caput ecclesiae, quo vir uxoris, qui in maritali officio vicarium non admittit: *Ἡ μὲν καὶ μόνη ἀληθινῶς κεφαλὴ, unum et solum vere caput*, ait Basilius in Asceticis, et Gregorius epist. XXXVI. lib. IV. *unus rex, unus monarcha, unum solum caput*.”

runtur. Illi namque asseruntur ubi ⁵⁷ dicitur, *ἀνὴρ ἐστὶ κεφαλὴ τῆς γυναικός, ὡς καὶ ὁ Χριστὸς κεφαλὴ τῆς ἐκκλησίας· καὶ αὐτός* ⁵⁸ *ἐστὶ σωτὴρ τοῦ σώματος*: itemque ubi ⁵⁹ repetitur, *καὶ αὐτὸν ἔδωκε κεφαλὴν ὑπὲρ πάντα* ⁶⁰ *τῇ ἐκκλησίᾳ, ἣτις ἐστὶ τὸ σῶμα αὐτοῦ*, et ⁶¹ *καὶ αὐτός ἐστὶ κεφαλὴ τοῦ σώματος τῆς ἐκκλησίας*.

Sed mihi liceat animadvertere, quidnam proprie in controversiam veniat, quidve sit a praesenti contentione remotissimum. Itaque in controversiam nullatenus venit, utrum Christus sit supremum ecclesiae caput, illique suprema auctoritate dominetur, neque in controversiam venit, utrum quamdiu inter homines mortalis vixit, *conspicuum* fuerit illius coetus *caput*, qui instar fecundissimi seminis universum deinde orbem occupavit. Utrumque enim indubium est, ac utrumque non protestantibus magis quam catholicis certum ac exploratum. Quod igitur in controversiam *proprie* adducitur, hoc est: utrum militanti in terris ecclesiae, et spe ad supernam patriam anhelanti, praeter Christum invisibile caput, *αὐτοκεφαλὴν*, eumque iam gloriosum, alterum credi debeat praepositum visibile caput, invisibili obnoxium, ab eoque institutum, et cum quo apta nexaque ecclesia habitum ac speciem unius conspicui integrique corporis praeseferat; utrum Paulus ecclesiam dicat *ἐν σῶμα*, illique unitatem conspicui corporis propterea adscribat, quod cum Christo invisibili capite devinciatur. Quibus circumscripta finibus disputatio neque difficilem habebit exitum neque reconditum.

331. Ecquis enim dixerit *ιδεῖν* formamque unius visibilis corporis integram incolumemque manere, si illud visibili capite destituatur? quis vel imaginando corpus fingat, quod unum sit et visibile, idemque non alio praeditum capite quam invisibili? nisi monstra haec sint ac ludibria, plane nescio quae debeant hisce appellationibus designari. Quum igitur Paulus ecclesiam vocat *ἐν σῶμα*, caput illi tribuit visibile, sine quo *ἐν σῶμα* esse non potest. Quum autem Christum ecclesiae caput affirmat, caput intelligit ⁶² invisibile, cui *ἡ ἐκκλησία ὑποτάσσεται*: caput ⁶³ intelligit quod ecclesiam sanctificat et mundat; minime vero caput e quo illa unitatem visibilis corporis *ἀμέσως* mutuetur. Hinc licet legamus ⁶⁴ in bibliis Christum esse *unum* ecclesiae *Dominum*, *unum mediatorem*, numquam tamen in iisdem

⁵⁷) Ephes. V. 23. Dicitur autem *vir mulieris caput*, vel quia is est *γεννήτωρ αὐτῆς καὶ προβολεύς*: vel *διὰ τὸ κατέρχειν καὶ ἐξουσιάζειν αὐτῆς*. Ita apud Oecumenium Photius ad I. Cor. XI. 3.

⁵⁸) Voces *καί, ἐστὶ* cum vulgato interprete omittunt versiones aliae, pluresque codices. Hanc omissionem probant Millius, Bengel et Griesbachius.

⁵⁹) Ephes. I. 22.

⁶⁰) Vulgatus aliter legit. Ceterum *κεφαλὴ ὑπὲρ πάντα* idem est ac *κεφαλὴ ὑπερτατος*.

⁶¹) Coloss. I. 18. Si simul textus comparentur, quibus Christus *κεφαλὴ τῆς ἐκκλησίας* nuncupatur, perspicuum erit, hanc illi dignitatem eximia prorsus ratione adscribi, *ἵνα γένηται ἐν πᾶσιν αὐτὸς πρωτεύων*. Qua praestituta significatione nihil eo verius quod Orat. XXXI. pag. 501. Gregorius nazianzenus scribit: *Εἰς Χριστός, μία κεφαλὴ τῆς ἐκκλησίας*.

⁶²) Ephes. V. 24.

⁶³) Ibid. vv. 26—27.

⁶⁴) Ibid. IV. 5, I. Tim. II. 5.

legimus, eum esse *unum* ecclesiae *caput*. Idcirco autem hoc non legimus, quod praeter Christum summum ac invisibile caput necessario ecclesiae insit caput visibile, quo unum in se corpus ostenditur atque constituitur.

332. Quae quidem tanti esse momenti Henrico Dodwello anglicanae sectae erudito theologo visa sunt, ut operae pretium duxerit ⁶⁵ expolire illa diligentius, certisque argumentorum momentis stabilire. Principio itaque ⁶⁶ notat, „*externam* ecclesiae unitatem eo esse consilio a Deo institutam, ut per illam fiamus *spiritualis* atque *invisibilis*, cum Deo Christoque eius, *unitatis* participes. Erat enim id mysteriorum omnium ethnicorum consilium, unde mysteriorum ipsum ad christianos manavit ⁶⁷ exemplum, ut *visibilium invisibiliumque* quoddam institueretur quasi commercium, ut per symbola quaedam atque ectypa sensibus obnoxia ad νοητὰ et ιδέας, atque ipsa adeo rerum illarum exemplaria archetypa aditus patefieret. Ergo mystica illa ecclesiae ἐνωσις ad intellectualem illam λόγου ἐνωσιν, de qua tam multa ⁶⁸ platonici, aspirabat. Ut igitur κοινωνία cum orthodoxis ⁶⁹ apud s. Johannem viam parabat ad κοινωνίαν cum Patre Filioque; ita de ἐνώσει erat similiter statuendum, qui illam externam cum ecclesia communem haberent, eos de intellectuali quoque cum Patre Filioque ἐνώσει participes futuros.“

333. Notat ⁷⁰ deinde, „ita intellectualia rerum exemplaria per symbola fuisse communicata, quod symbola eo ipso consilio a Deo instituta intelligerentur, ut innueret ea se spiritualia beneficia praestitutum quae per symbola repraesentasset, ut proinde sollicite cavendum esset de vera symboli ⁷¹ repraesentatione, cum alioqui spem omnem beneficiorum intellectualium alioqui repraesentandorum, falsa esset repraesentatio praecisura. Id solemne erat prophetis, quorum haec sunt idiomate concepta. Joasum ⁷² reprehendit Elisaeus quod terram *ter* dumtaxat percussisset, fore dicens propterea ut *trinam* a syris victoriam reportaret, si saepius ictum repetiisset, penitus profligaturus. Et vero ipso unitatis procurandae consilio instituta videntur a Deo sacramenta. *Baptizamur* ⁷³ scilicet *in unum corpus*. *Multi etiam* ⁷⁴ *unus sumus panis et unum corpus*,

⁶⁵) Dissert. Cyprianic. VII. De episcopo unitatis principio, et s. Petri in apostolos primatu unitatis exemplari.

⁶⁶) Ibid. §. XIX.

⁶⁷) Longe castius huius exempli origo e mosaica οἰκονομία desumeretur.

⁶⁸) Satius omnino fuerat, platoniciis omissis, ad ea animum convertere, quae habentur Joh. XVII. 21—23.

⁶⁹) I. Epist. I. 3.

⁷⁰) Dissert. cit. §. XX.

⁷¹) Cuius rei insigne occurrit exem-

plum Hebr. VI. 4—7. Ecce enim ἀδύνατον est, τοὺς ἀπαξ φωτισθέντας, καὶ μετόχους γεννηθέντας πνεύματος ἁγίου, denuo ἀνακαλῆσαι εἰς μετάνοιαν, renovari ea poenitentia, quae prima est quaeque regenerationem parit? quod baptisma sit repraesentatio mortis et resurrectionis Christi, ac iterari ideo nequeat quin secundo ac tertio Christus mori et resurgere videatur.

⁷²) II. Reg. XIII. 18—19.

⁷³) I. Cor. XII. 13.

⁷⁴) Ibid. X. 17.

quia de uno pane participamus. Ita igitur unitas ecclesiae externa internam illam intellectualemque praestitura est, si eam quam accuratissime et ad verum expresserit, idest, si unitas ectypa respondeat archetypae. Aliter fiet ut ne Deus ipse obstringatur ad praestandam intellectualem illam, quae maximi facienda est, unitatem. Praesertim cum haec sacramentorum symbola ideo instituta sint ut *pacti* vicem obtinerent. Jam enim sequetur, ut eam praestare unitatem, si non repraesentetur, ne pactus quidem Deus intelligatur.“

334. Ad haec ⁷⁵ subdit, „ut haec intellectualis unitas ad vivum repraesentetur, eiusdem generis unitatem esse debere in ecclesia ectypa, qualis fuerat in archetypa. Cum igitur in intellectuali illa unitate a capite arcessatur omnis unitas (est enim *Christi caput Deus*, ut ipse *Christus est caput ecclesiae*), sequitur ut in ecclesia unitas a capite sit similiter inchoanda. Cum a capite illo ad membra deriventur unitatis influentiae, a Deo ad Christum, a Christo ad ecclesiam; sequitur in ecclesia idem esse agnoscendum, ut quaecumque unitatis beneficia participant membra, ea non sint alteri quam capiti tribuenda. Utque omnis corporis, membrorumque unitas a capitis unitate profluit, idem in ecclesia valebit, a capitis eius unitate ecclesiae membrorumque eius omnem unitatem profluere debere. Christus unus est, quia unum habet caput, Deum Patrem; ecclesia similiter una est, quia unum habet caput, ipsum Christum.“

335. Verum ⁷⁶ concludit, indubitatum existimari debet, „non sufficere ad ecclesiae unitatem caput Christum, sed vero in ecclesia visibili de visibili haec esse capite intelligenda. Jam enim ostendimus nihil esse invisibilium expectandum a Deo nisi quod a visibilibus externisque symbolis repraesentetur atque significetur. Proinde nisi in ecclesia visibili ⁷⁷ sit etiam unitas visibilis in eius constitutione repraesentata, unitatem illam invisibilem ecclesiae membra a Deo frustra expectabimus. Ni adsit in ecclesia visibile etiam caput, nec visibilem unitatem habere possumus a visibili, ut dixi, capite repetendam, nec etiam cum Christo invisibili capite coniungemur. Ni deriventur in ecclesia visibiles illi gratiae canales a visibili eius capite ⁷⁸ per sacramenta, nec erit quod a Christo invisibili capite invisibilem sacramentorum gratiam speremus. Ni unum praeterea sit visibile caput, non erit unitatis visibilis primordium, nec invisibilis capitis ipsius Christi ἀρχαῖον. Quid quod ipsa etiam sacramenta visibilis unitatis instrumenta atque pignora, probant omnino eorum omnium necessitatem quae sunt ad visibilem unitatem necessaria, nec esse aliter de invisibili quoque unitate participandum.“

⁷⁵) Dissert. cit. §. XXI.

⁷⁶) Dissert. cit. §. XXII.

⁷⁷) Utrumque enim iunctum connexumque Christus voluit, qui non aliam quam ecclesiam visibilem, eandemque unam suis promissionibus, donisque locupletavit.

⁷⁸) Etenim Ephes. IV. 12. ὁ κατασκευάζων τοὺς ἁγίους καὶ ἡ οἰκοδομὴ τοῦ σώματος τοῦ Χριστοῦ ab iis proficisci visibiliter debent, quibus ἐργον διακονίας commissum est. Atqui hos inter is eminet, qui oecumenici capitis dignitate donatus a Christo audivit, *pasce oves meas.*

336. Quum itaque insita ecclesiae ratio, qua est diciturque ἐν σῶμα, *unum ac visibile corpus*, universaque οἰκονομία, quaabilia invisibilibus tamquam ἀρχετύποις respondere debent, unum postulent visibile caput; definiendum restat, cuinam Christus tam insignem, tamque praeclaram supremi visibilisque capitis dignitatem contulerit. At dubitabimus ne hanc illi tributam affirmare, quem omnibus Christus anteposuit, quem ceteris maiorem renunciavit, quem universi gregis pastorem constituit, cui fratres confirmandos tradidit, qui primas sibi semper assumpsit, cui principem gradum apostoli constanter detulerunt, quemque christiani iam inde ab ecclesiae primordiis appellatione titulisque ⁷⁹ *capitis, centri, fontis, radice, principique* ecclesiasticae unitatis exornarunt? si qui sint adeo morosi ut hac etiam de re ambigere fas sibi esse opinentur, hi quidem neque sibi nefas existimabunt dubitare, niteat nec ne sol dum omnia lumine colorantur. Atqui Petrus est cui ea conveniunt omnia, quae pluribus antea a nobis demonstrata, angusto verborum ambitu in praesentia comprehendimus. Quibus ergo verbis de ecclesia Paulus testatur, esse illam ἐν σῶμα, unum conspicuumque corpus, iisdem δυνάμει et ex analogia fidei, Scripturarumque docet, Petrum illi tamquam visibile caput, unitatisque originem fuisse prae-positum.

337. Non sum autem nescius quae ex verbis a Paulo mox adiectis sumi difficultas possit, et adversus ea quae deduximus, intorqueri. Etenim ne sibi in animum ephesii inducerent, tantam ecclesiae ⁸⁰ unitatem, quantam celebraverat, impedire quominus in uno eodemque conspicuo corpore membra haberentur officiis distincta, secreta donis, ac alia aliis auctoritate iuribusque praestantia, continuo ⁸¹ subiecit: Ἐνὶ δὲ ἐκάστῳ ἡμῶν ἐδόθη ἡ χάρις κατὰ τὸ μέτρον τῆς δωρεᾶς τοῦ Χριστοῦ διὸ λέγει· ἀναβὰς ⁸² εἰς ὕψος ἡχμαλώτευσεν αἰχμαλωσίαν, καὶ ἔδωκε δόματα τοῖς ἀνθρώποις... καὶ αὐτοὺς ἔδωκε τοὺς μὲν ἀποστόλους, τοὺς δὲ προφήτας, ... πρὸς τὸν καταρτισμὸν τῶν ἁγίων εἰς ἔργον διακονίας, εἰς οἰκοδομὴν τοῦ σώματος τοῦ Χριστοῦ. E quibus hoc, vel huic certe non dissimile argumentum colligi posse videtur: „Non negabimus, immo sponte dabimus, dotem proprietatemque ecclesiae, qua est ἐν σῶμα, *unum ac visibile corpus*, postulasse ut unum ac visibile caput unitatis conspi-

⁷⁹) Hieronymus in priore adversus Jovinianum libro, Optatus adversus Parmen. lib. II. cap. II, et Philippus apostolicae sedis legatus in ephes. concilio, Act. III. nulli dubium, immo seculis omnibus notum est, quod sanctus beatissimusque Petrus ὁ ἑξάρχος καὶ κεφαλὴ τῶν ἀποστόλων clavēs regni accepit.

⁸⁰) Ephes. IV. 3—7.

⁸¹) Ibid. vv. 7—13.

⁸²) Prompsit ista Paulus ex Ps. LXVIII. 19, sed a) personam secundam in tertiam mutavit, ἡχμαλώτευσεν, ἔδωκε: alexandrini, ἡχμαλώτευσας, ἔλαβες: textus, תְּיָצַחַתְּ, תְּיָצַחַתְּ: b) inseruit particulam καὶ ante ἔδωκε: c) notionem adsignificatam significatae praetulit, ἔδωκας pro ἔλαβες, תְּיָצַחַתְּ: et d) omisit praefixum כ, quod reddunt alexandrini, ἐν ἀνθρώποις, quodque textus praefert, כְּתָרָא.

cuae origo et caussa eidem praeponeretur. Unum autem conspicuumque caput intelligi *dupliciter* potest, unum inprimis *unitate personae*, quae propria est *monarchiae*, unum deinde *unitate collegii*, cuiusmodi in *aristocratia* reperitur. Quare investigandum est, quem unitatis modum Paulus docuerit. Atqui sunt ista perspicua, καὶ αὐτὸς ἔδωκε τοὺς μὲν ἀποστόλους ... πρὸς τὸν καταρτισμὸν τῶν ἁγίων εἰς ἔργον διακονίας, εἰς οἰκοδομὴν τοῦ σώματος τοῦ Χριστοῦ: planeque ostendunt, unum quidem visibile caput, sed unum *unitate multitudinis* et *aristocratiae propria*, non unum *unitate personae* et *propria monarchiae*, esse ecclesiae praepositum, eiusque propterea conspicuam unitatem non ex uno Petro, sed ex universo apostolorum collegio repeti oportere.“

338. Quod qui inferunt, citius quam eis liceat, gressus figunt, nec id omne colligendo eruunt quod est cum antecedentibus copulatum. Quare auctor illis sum ut porro pergant, totamque sententiam explicant, concludantque, unitatis perficiendae opus sic esse apostolis creditum, ut ad prophetas quoque, evangelistas, pastores doctoresque pertinere existimandum sit. Quemadmodum enim de apostolis scribitur, eos esse divinitus datos πρὸς τὸν καταρτισμὸν τῶν ἁγίων, εἰς ἔργον διακονίας, εἰς οἰκοδομὴν τοῦ σώματος τοῦ Χριστοῦ: ita de prophetis, evangelistis, pastoribus doctoribusque idipsum confirmatur. Sed num propterea hierarchicum subvertitur discrimen inter descriptos ordines, quod ad unum eundemque σκοπὸν efficiendae, tuendaeque unitatis conspirent? num propterea a summo hierarchiae gradu ac veluti culmine apostoli deiiciuntur? minime sane, quum neque plurium ad eundem σκοπὸν conspiratio hierarchiae adversetur; neque solvi Scriptura⁸³ possit quae docet, ἔθετο ὁ θεὸς ἐν τῇ ἐκκλησίᾳ πρῶτον ἀποστόλους. Qui ergo fit, ut protestantes concludant, idcirco Petrum propria capitis dignitate spoliari, quod apostoli prae ceteris ad opus quod dicitur καταρτισμὸς τῶν ἁγίων καὶ οἰκοδομὴ τοῦ σώματος τοῦ Χριστοῦ, electi fuerint? an id *e rei ipsius natura* deducunt? sed ea talis non est, quae hierarchiam funditus tollat, eximiamque unius Petri dignitatem excludat. An forte *e silentio* id eruunt Scripturarum, quod nihil Petro tributum narrent, quod non fuerit apostolis reliquis commune? atqui innumera sunt in Scripturis quae verissimum esse demonstrant quod Cyprianus⁸⁴ scripsit: *una est ecclesia a Christo Domino super Petrum origine unitatis et ratione fundata*. Sicut ergo Scriptura quae docet, ἔθετο ὁ θεὸς ἐν τῇ ἐκκλησίᾳ πρῶτον ἀποστόλους, non sin- nit, ut unus idemque apostolis, prophetis, evangelistis, pastoribus doctoribusque tributis gradus iudicetur; ita Scriptura quae docet fuisse Petrum inter apostolos

⁸³) I. Cor. XII. 28.

⁸⁴) Ad episcopos Numidia, epist. LXX. pag. 302. edit. Felli, qui e Rigaltio ita subiicit: „Versio graeca tantum habet, ἐπάνω Πέτρον τοῦ ἀποστόλου ἀρχῆθεν ἐνότητος τεθεμελιωμένης. Ipse Cyprianus libro de unit. eccles., super unum aedi-

ficat ecclesiam. Et paulo post, ut unitatem manifestaret, unitatis eiusdem originem ab uno incipientem sua auctoritate disposuit. Pacianus epist. III: ad Petrum loquutus est Dominus, ad unum ideo ut unitatem fundaret ex uno. Mox idipsum in commune praecipiens.“

πρώτον, μείζονα, ἡγούμενον, inter fratres primogenitum, in universo aedificio fundamentum, ac in ovili oecumenicum pastorem, non patitur ut eidem honos capitisque *maiestas*⁸⁵ detrahatur.

339. Ac nemo sane, inquit⁸⁶ Dodwellus, adducere in controversiam potest, utrum conspicua *visibilis capitis* unitas „de *personae* sit unitate, non *multitudinis*, qua commune confletur caput, intelligenda. Id enim ea primum ratione efficitur apud Cyprianum⁸⁷ solemni, indeque prompta, quod *unus* est Christus, et *unus* item Deus. In utroque enim *archetypo* non est multitudinis, sed vero personae, unitas. Et quidem tanti semper fecit ecclesia hanc unitatem, ut pro haereticis haberet si qui hanc personarum unitatem quovis modo labefactandam censerent. *Oi*⁸⁸ καταλύοντες Ἰησοῦν, sive plures Christos introduxissent, sive etiam Jesum a Christo distinguendum censuissent, ab ipsis etiam apostolorum usque temporibus in haereticorum censum relati sunt; ne iam recentioris ecclesiae decreta commemorem adversus Nestorium. Nec aliam existimo fuisse causam cur etiam in *trinitate unitatem* tantopere depraedicarent apostoli, cur eam ipsam, in trinitate etiam, unitatem a capitis unitate deduxerint, nisi ut omnibus modis ostenderent, ad capitis unitatem ne tres quidem personas esse adhibendas, sed in unam dumtaxat esse referendam. Si itaque plus quam una esset in ecclesiae visibilis capite persona, iam coelestem illam unitatem minime referret, cum illa nihil commune habitura. Etiam haeretica esset illa repraesentatio. Cum enim christiani ita unum esse debemus, ut est unus cum Christo suo Pater: innueretur plures esse in Christo aut Patre personas, si ad Christi Patrisve repraesentationem plures personas adhiberemus. Nec enim est quod in *verbis* magis quam in *factis*⁸⁹ haeresim constituamus,

⁸⁵) Opportunissimum hoc vocabulum existimavi, quo ἐξουσίαν, ἀρχήν, αὐθεντίαν, δυνάστειαν, ἡγεμονίαν uni Deo Christo-que eius obnoxiam significarem.

Neque sint qui opponant, aut cum ecclesiae modestia minus apte illud convenire, aut ab usu loquendi ecclesiastico abhorre. Etenim a) *maiestatis* nomine usi sunt Augustinus et Cyprianus, ille dum in libro de utilitate credendi, cap. XIII. *maiestatem catholicae disciplinae* laudavit: hic dum epistola LIX. ad Cornelium, et epistola LXVIII. ad Stephanum *maiestatem* extulit ac *dignitatem ecclesiae*. Petri autem b) eiusque successorum *maiestatem* memorant, encomiisque laudum extollunt Bernardus in epistola CCLXI. ad Eugenium, concilium vienne in epist. synodica ad Paschalem II. et

Carolus Calvus in epist. ad Nicolaum primum, quae Actis tricassinae synodi continentur.

⁸⁶) Dissert. cit. §. XXIII.

⁸⁷) De unit. ecclesiae, pagg. 78—79.

⁸⁸) I. Joh. IV. 3.

⁸⁹) Hinc damnatos ab ecclesia scimus qui mysticam baptismalis ritus repraesentationem nullatenus reveriti, trinae meritioni *ad plenam et adunatam trinitatem* exprimendam adhibitae, unicam qua ostenderent vel unum esse Deum tam *γνώσει* quam *ὑποστάσει*, vel eum ritum *εἰς τὸν θάνατον τοῦ κυρίου*, non autem *εἰς τὸ ὄνομα τοῦ πατρὸς καὶ τοῦ υἱοῦ καὶ τοῦ ἁγίου πνεύματος* conferri, suffecerunt.

Consuli possunt Socrates H. E. lib. V. cap. XXIV, Sozomenus H. E. lib. VI.

cum certa esse debet facti repraesentatio. Quo magis Deum irritari oporteat ne ratam habeat in coelo falsam illam unitatem, non modo quia coelestem illam unitatem falso vitioseque repraesentaret capitis illa terrestris multitudo, ut non illam sed plane aliam exprimeret; sed vero 'quia in eo ipso male repraesentaret, in quo alioqui accuratissime fuisset cautum, ne, quam esset, aliter repraesentaretur."

340. Atque haec omnino ratio fuit, quae ⁹⁰ Maximum, Urbanum, Sidonium et Macarium gloria confessionis insignes, et a Novatiani schismate ad pacem unitatemque ecclesiae redeuntibus permovit, ut suam his verbis fidem profiterentur: „Nos Cornelium *episcopum sanctissimae catholicae ecclesiae* electum a Deo omnipotente et Christo Domino nostro scimus. Nos errorem nostrum confitemur: nos imposturam passi sumus. Circumventi sumus perfidia et loquacitate captiosa; nam etsi videbamur quasi quamdam communicationem cum schismatico et haeretico homine habuisse, sincera tamen mens nostra semper in ecclesia fuit. *Nec enim ignoramus unum Deum esse, unum Christum esse Dominum, quem confessi sumus, unum Spiritum Sanctum, unum episcopum in catholica ecclesia esse debere.*“ Eadem ratio Cornelio persuasit, ut in litteris ad Fabium antiochenum datis ⁹¹ hac sententia, brevi illa quidem, gravissima tamen, Novatiani scelus demonstraret: *Ὁ ἐκδικητὴς οὖν τοῦ εὐαγγελίου, οὐκ ἠπίσταντο ἓνα ἐπίσκοπον δεῖν εἶναι ἐν καθολικῇ ἐκκλησίᾳ, ergo ille evangelii vindex ignorabat unum episcopum esse oportere in ecclesia catholica.*

Neque alia de caussa factum videri debet, ut Dionysius alexandrinus ⁹² his verbis Novatianum perstringeret: *Ἐδεῖ μὲν γὰρ πᾶν ὁποῖον παθεῖν ὑπὲρ τοῦ μὴ διακόμει τὴν ἐκκλησίαν τοῦ Θεοῦ· καὶ ἦν οὐκ ἀδοξότερα τῆς ἐνεκεν τοῦ μὴ ⁹³ θῦσαι μαρτυρία, κατ' ἐμὲ δὲ καὶ μείζων· ἐκεῖ μὲν γὰρ ὑπὲρ μιᾶς*

cap. XXVI, Theodoritus Haeretic. Fabul. lib. IV. cap. III, canon quinquagesimus ex apostolicis, et Tertullianus qui contra Praxeam disputans sic habet cap. XXVI: „Et post resurrectionem spondens Christus misurum se discipulis promissionem Patris, et novissime mandans ut tingerent in Patrem et Filium et Spiritum Sanctum, *non in unum.* Nam *nec semel sed ter*; ad singula nomina in singulas personas tingimur."

⁹⁰) Narrat ista Cornelius in epistola XLIX. al. XLVI. pag. 235. ad Cyprianum.

⁹¹) Apud Eusebium H. E. lib. VI. cap. XLIII. Monet autem in subiecta annotatione Valesius, eadem verba legi in

epistola Cornelii Papae ad Cyprianum; tum addit: „Ecclesiam catholicam specialiter appellari romanam; eo quod radix sit et matrix ecclesiae catholicae, ut ait Cyprianus in epistola ad Cornelium. Sic catholicam ecclesiam idem Cyprianus in epistola ad Antonianum initio vocat romanam: *ut iam sciret te secum, hoc est, cum catholica ecclesia communicare.*“

⁹²) Apud Eusebium H. E. lib. VI. cap. XLV.

⁹³) In vulgatis editionibus ac in ipsa quoque valesiana legitur, *τοῦ μὴ σχίσαι*, sed legendum esse *τοῦ μὴ θῦσαι* felici coniectura Pearsonius in Annalibus Cyprianicis ad an. CCLI. §. X. vidit, et latina Ruffini versione confirmavit.

τις τῆς ἑαυτοῦ ψυχῆς, ἐνταῦθα δὲ ὑπὲρ ὅλης τῆς ἐκκλησίας μαρτυρεῖ. *Satius quidem fuerat quidvis pati ne ecclesia Dei discinderetur. Nec minus gloriosum fuisset quam martyrium subire ne idolis sacrificares. Immo illud meo quidem iudicio illustrius fuisset. Heic enim pro sua unius anima: illic pro universa ecclesia martyrium quis sustinet.*

Sicut enim inter duodecim apostolos unus omnium caput eminuit Petrus; ita inter episcopos multo plures, qui ad consummationem usque saeculi vicaria ordinatione erant apostolis successuri, necessarium fuit unum Petri vicarium ceteris omnibus antecellere, ut eandem semper formam conspicuum ecclesiae corpus exhiberet, et unitate conspicui capitis unum esse Christum, unumque Deum Patrem constanter referret.

Porro simillimum est discrimen quod existit inter *caput* et *membra*, quodque dirimit sive *necessitatem* cohaerendi cum capite et cum membris, sive *schisma* quo quis a capite vel a membrorum aliquo separatur. Illa enim necessitas est omnimoda, princeps, absoluta: haec nonnisi altero in loco haberi potest; illud schisma est plenum, *δυνάμει* universale ⁹⁴, et quo seiunctae partes motu vitaeque privantur: hoc per se ac suapte natura ⁹⁵ *particulare* dumtaxat est, idque efficit unum ut particula penitioris societatis inter pugnancia membra ⁹⁶ desideretur.

341. Verum haec quae nobis sunt luculentissima, non Rigaltio ⁹⁷ solum ac ⁹⁸ Fello, sed ipsi quoque Henrico Dodwello ⁹⁹, quem consentientem hactenus experti sumus, adeo displicent, ut primum exclamet: *mirum sane viros alioquin eruditissimos ita posse argutari!* subdat deinde: „Quasi vero *ecclesiae catholicae* nomen non esset *ecclesiis* etiam *particularibus* commune. Quis nescit

⁹⁴) Quae enim est separatio *a capite*, eadem separatio ab universo corpore merito censetur. Hinc illud Ambrosii in Ps. L. n. 30: *ubi ergo Petrus, ibi ecclesia*, quia ut idem docet, scriptum est: *super hanc petram aedificabo ecclesiam meam.*

⁹⁵) Per se, inquam, et suapte natura; contingere enim *ex accidenti* potest, ut unio ac societas cum particulari aliquo episcopo necessaria penitus habeatur. Cuius rei exempla extant in Cod. Theodos. lib. VI. Tit. de his qui super religione contendunt, lib. XVI. Tit. I. LL. 1 — 3, et in Synodico adversus Traged. Irenaei cap. XLIII. pag. 845. edit. Balutii, ubi uterque Theodosius et Arcadius communionem cum Petro alexandrino, Johanne antiocheno, Theo-

philo, Arsacio et Porphyrio tamquam necessariam praescribunt. Quod ea scilicet essent *rerum adiuncta*, ut dissidium a memoratis episcopis dissensio ab orthodoxa fide iure praesumeretur, non quod iis vis ac dignitas *per se* inesset, quae omnium communionem postulare.

⁹⁶) Cf. Petri Ballerinii appendicem ad §. I. capitis XI. operis inscripti, *De vi ac ratione primatus Romanorum Pontificum.*

⁹⁷) In notis ad epist. XLIX. inter Cyprianas.

⁹⁸) Fellus Rigaltii verba adducit et probat, in Pamelium contra irascitur qui dixerit, *unum episcopum simpliciter pro romano episcopo accipi.*

⁹⁹) Dissert. cit. §. VIII.

ecclesiam quoque *smyrnensem*, in antiquissima forte ¹⁰⁰ huius vocis mentione, catholicam appellari? ita scribunt ipsi ¹⁰¹ de Polycarpo suo episcopo: *γενόμενος ἐπίσκοπος τῆς ἐν Σμύρνῃ καθολικῆς ἐκκλησίας*. Quis Cyprianum ¹⁰² ipsum de suo quoque schismatico Felicissimo, eiusque pseudo-episcopo Fortunato idem scribere, fuisse illos *sacerdotum hostes, et contra ecclesiam catholicam* rebelles, idque vacillante adhuc Cornelio? De Meletio episcopo schismatico decrevit ¹⁰³ synodus nicaena, nihil illum tentare debere *χωρὶς γνώμης τοῦ τῆς καθολικῆς ἐκκλησίας ἐπισκόπου τῶν ὑπὸ Ἀλεξάνδρον*, idest, episcoporum ecclesiae alexandrinae subditorum. Idem concilium canone VIII. de haereticis catharis sive novatianis: *εἰ δὲ τοῦ τῆς καθολικῆς ἐκκλησίας ἐπισκόπου ἢ πρεσβυτέρου ὄντος*. Rursus ecclesiae alexandrinae ita scribit ¹⁰⁴ Constantinus: *Κωνσταντίνος Σεβαστὸς τῇ καθολικῇ Ἀλεξανδρέων ἐκκλησίᾳ*. Eundem etiam suae quoque Ptolemaidis ecclesiae titulum adhibet Synesius. Et si id fuisset apud eruditos minus in confesso, vel haec ipsa loca quae de ecclesia romana loquuntur, satis ipsa probarent, neutiquam de alia quam de particulari ecclesia romana esse intelligendum. Cum enim *unus* dumtaxat *episcopus in ecclesia catholica* agnoscitur, id ne verum quidem erat nisi de particulari ecclesia romana. Quod enim commentus est de *ecclesia catholica virtuali* Cardinalis Perronius, novum est omnino, nec ullis saeculis auditum.“

342. Tribus igitur argumentis Dodwellus pugnat, eaque labefactare contendit quibus oecumenici capitis dignitatem inde Petro asserendam existimavimus, quod unus in ecclesia catholica antistes, unusque episcopus esse debeat. E quibus primum illud est, *catholicae* appositum ita ecclesiarum *συλλογῇ* ac veluti summae proprium esse, ut singulis quibusque orthodoxis ecclesiis aequali iure tribuatur. Quod aliquot adductis exemplis continuo illustrat. Addit non posse quod de Petri vicario ¹⁰⁵ romanoque antistite dicitur, *unum in ecclesia catholica epi-*

¹⁰⁰) Quae adeo invaluit, ut in ipsa quoque symbola referretur, quorum vetustissimum ab apostolis nuncupatum sic habet: *Πιστεύω τὴν ἀγίαν ἐκκλησίαν καθολικὴν*.

¹⁰¹) Apud Eusebium H. E. lib. IV. cap. XV.

¹⁰²) Epist. LV. al. LIX. pag. 261.

¹⁰³) Apud Socratem H. E. lib. I. ex cap. VI. eiusdem concilii.

¹⁰⁴) Apud Socratem H. E. ubi supra.

¹⁰⁵) Etsi *vicarii*, *successorisque* nomina significandi potestate proprie discrepent; in monimentis tamen ecclesiasticis non raro *ἀδιαφόρως* usurpantur. Atque ita Gregorius lib. I. epist. IV. electum me-

diolanensis cathedrae antistitem dicit *vicarium s. Ambrosii*, Thato eiusdem sedis episcopus se *vicarium Ambrosii* appellat apud Puricellum in Ambros. Basilicae Monumentis pag. 200, et in Diplomate Ottonis apud Ughellum Italiae Sacr. T. V. pag. 66. Hildericus episcopus veronensis *vicarius s. Zenonis* nuncupatur.

Quum autem sermo est de romanis praesulibus, qui ut Cyprianus ait epist. LV. pag. 243, *locum Petri et gradum cathedrae sacerdotalis* tenent, ea appellatio est longe frequentissima. Ea utuntur Leo Serm. III. in Natali ipsius cap. IV, Symmachus epist. I. apud Labbé, Ivo carnotensis epist. CCXXXVI, Leo VII. epist. ad

scopum esse oportere, de universo orthodoxorum nomine intelligi, quin singulis gregibus praefecti pastores suo iure, suisque cathedris expolientur. Subdit postremo nihil Confessores, nihil Cornelium de romana ecclesia, romanoque episcopo Petri vicario tradidisse, quod Cyprianus de episcopo, deque carthaginiensi ecclesia non affirmaverit.

343. His autem ut eodem respondeam ordine quo a Dodwello proponuntur, principio interrogabo, quid illud sibi velit, *catholicae* appositum et universo orthodoxorum nomini, et singulis quibusque orthodoxis coetibus *aequo iure* convenire. Istud ne, ex origine, usuque loquendi ecclesiastico *per se* ac *primum* de diffuso ubivis Christi regno non usurpari? nemo qui vel mediocriter in ecclesiasticis sit monumentis versatus, aut ipse teneat, aut aliis hanc persuadendam opinionem arbitretur. Sicut enim *πίστις καθολική* ea est ¹⁰⁶ diciturque quae *καταγγέλλεται ἐν ὅλῳ τῷ κόσμῳ*, quaeque ¹⁰⁷ praedicatur *in universa creatura quae sub caelo est*; ita *primum* ac *per se* ecclesia catholica nuncupatur ¹⁰⁸ quae *ab oriente usque in occidentem diffunditur*, quae ¹⁰⁹ *καθ' ὅλης τῆς οἰκουμένης ἕως περάτων τῆς γῆς διεσπαρμένη*, quae ¹¹⁰ *πανταχοῦ κρατεῖ, πανταχοῦ ἔστηκε*, quae ¹¹¹ *plenum est corpus et solidum, et toto iam orbe propagatum*.

Unde singulares quique orthodoxi coetus ea sermonis lege *catholici* dicuntur, qua partes seorsum acceptae titulis appellationibusque *totius* nuncupantur. Apposite Chrysostomus ¹¹², qui in commentario ad Pauli ¹¹³ verba, *ὑμεῖς δὲ ἐστε σῶμα Χριστοῦ, καὶ* ¹¹⁴ *μέλη ἐκ μέρους*, petit: *Τί δὲ ἐστὶ, τὸ ἐκ μέρους*; ac reponit: *Τόγε εἰς ὑμᾶς ἦκον, καὶ ὅσον εἰκὸς ἐξ ὑμῶν οἰκοδομηθῆναι μέρος. ἐπειδὴ γὰρ εἶπε, σῶμα, τὸ δὲ πᾶν σῶμα ἦν, οὐχὶ ἡ παρὰ κορινθίους ἐκκλησία, ἀλλ' ἡ πανταχοῦ τῆς οἰκουμένης, διὰ τοῦτο ἔφησεν, ἐκ μέρους· τούτεστιν, ὅτι ἡ ἐκκλησία ἡ παρ' ὑμῶν μέρος ἐστὶ τῆς πανταχοῦ κειμένης ἐκ-*

Gallos et Germanos apud Labbé, Walafri-
dus Strabo in lib. de rebus ecclesiast.
cap. XXXI, Bonifacius II. apud Labbé,
T. VI. col. 1438, et Bernardus epist. CXC.
ad Innocentium II.

Unde autem orta illa sit, explicant
Petrus Chrysologus et Leo, ille in epist.
ad Eutychem n. 2. inquires, *s. Petrus qui
in propria sede et vivit et praesidet*; hic
dum Serm. II. al. I. in Assumptione sua
ad Pontificat. cap. III. ait, *cuius Petri in
sua sede vivit potestas et excellit aucto-
ritas*, et cap. IV. *cuius dignitas etiam in
indigno herede non deficit*.

¹⁰⁶) Rom. I. 8.

¹⁰⁷) Coloss. I. 23. coll. I. Cor. I. 23,
IX. 20.

¹⁰⁸) In Actis s. Fructuosi, qui mar-
tyrium fecit anno CCLIX. n. 3.

¹⁰⁹) Irenaeus adv. Haeres. lib. I.
cap. X. n. 1.

¹¹⁰) Chrysostomus in epist. ad Coloss.
Hom. I. n. 2.

¹¹¹) Pacianus ad Sympron. epist. III.
n. 4.

¹¹²) In epist. I. ad Cor. Hom. XXXII.
n. 1.

¹¹³) I. Cor. XII. 27.

¹¹⁴) Quum Vulgatus interpretetur, *et
membra de membro*, omnino legit, *καὶ
μέλη ἐκ μέλους*.

κλησίας, καὶ τοῦ σώματος τοῦ διὰ πασῶν συνισταμένου τῶν ἐκκλησιῶν. *Quantum ad vos attinet et quantum consentaneum est, esse partem ex vobis aedificatam. Quia enim dixit, corpus, totum autem erat corpus, non corinthiorum ecclesia, sed quae ubique terrarum erat; ideo dixit, ex parte: idest, quia ecclesia vestra pars est eius quae ubique terrarum est ecclesiae, et corporis quod omnibus ecclesiis coalescit.*

Igitur quod tanta constantia affirmatum vidimus, unum esse *catholicae ecclesiae* episcopum, neque esse plures posse, quemadmodum plures neque sunt neque esse possunt Christi, si vim proprietatemque verborum tenemus, ita interpretemur oportet: non minus singulis gregibus suos praeesse pastores, quam universo gregi, universisque pastoribus oecumenicum caput antecellere.

344. Quod quidem prolata a Dodwello in medium exempla tantum abest ut infirmant, ut contra praeclare evidenterque stabiliant. Recolantur enim et cum iis quae nos adduximus, comparentur. Idem ne valent sive κατὰ λέξιν, sive κατὰ διάνοιαν *ecclesia catholica*, et *ecclesia catholica* quae est ἐν Σμύρνῃ, vel τῶν Ἀλεξανδρέων? distant hae formulae verbis, distant significandi potestate: prior enim *universalis* est, posteriores *definitae* sunt, *circumscriptae, particulares*.

Atqui illa tum adhibetur ¹¹⁵, quum de Petro, eiusque in romana cathedra successoribus sermo est: hae in iis apparent ¹¹⁶ testimoniis quae tamquam gemina ac prioribus ἐκ παραλλήλου respondentia Dodwellus citavit. Contulit ergo dissimilia ac diversa, eaque comparatione caussam non firmavit sed perdidit.

Ecquae enim afferri ratio potest, ut quod de aliis episcopis usurpatum numquam cernimus, idipsum tanta solemnitate de Petri successoribus inculcetur? non alia sane nisi quae a dignitate oecumenici capitis ¹¹⁷ sumitur, quae primum

¹¹⁵) n. 340.

¹¹⁶) n. 341.

¹¹⁷) De qua dignitate Thomas in IV. con. Gentes, cap. LXXVI. scribit: „Ecclesia militans ex triumphanti ecclesia per similitudinem derivatur. In triumphanti autem ecclesia unus praesidet, qui etiam praesidet in toto universo, scilicet Deus. Ergo et in ecclesia militante unus est, qui praesidet universis. Si quis autem dicat quod unum caput et unus pastor est Christus, qui est unus unius ecclesiae sponsus, non sufficienter respondet. Manifestum est enim, quod omnia ecclesiastica sacramenta ipse Christus perficit, ipse etiam est qui baptizat, ipse est verus

sacerdos, qui se obtulit in ara crucis, et cuius virtute corpus eius in altari consecratur; et tamen quia corporaliter non cum omnibus fidelibus praesentialiter erat futurus, elegit ministros per quos praedicta fidelibus dispensaret, ut supra dictum est. Eadem igitur ratione, quia praesentiam erat ecclesiae subtracturus, oportuit ut alteri committeret qui loco sui universalis ecclesiae gereret curam. Hinc est quod Petro dixit ante ascensionem, *pasce oves meas*; et ante passionem, *tu iterum conversus confirma fratres tuos*; et ei soli promisit, *tibi dabo claves*, ut ostenderetur potestas clavium per eum ad alios derivanda ad conservandam ecclesiae unitatem.“

tributa Petro, in eiusdem deinde successores continua serie permanavit. Quare vel ab omni abstinendum comparatione arbitror, vel hanc utpote omnium accommodatissimam usurpandam, quam verba smyrnensis ecclesiae in epistola ¹¹⁸ de martyrio s. Polycarpi exhibent: „Per tolerantiam devicto iniusto praeside, sicque immortalitatis corona recepta, cum apostolis, omnibusque iustis (Polycarpus) exsultans Deum ac Patrem glorificat, καὶ εὐλογεῖ ¹¹⁹ τὸν κύριον ἡμῶν καὶ κυβερνήτην ¹²⁰ τῶν σωμάτων ἡμῶν, καὶ ποιμένα τῆς κατὰ τὴν οἰκουμένην καθολικῆς ἐκκλησίας, atque benedicit Dominum nostrum, gubernatorem ¹²¹ animorum et corporum nostrorum, nec non pastorem oecumenicae et catholicae ecclesiae.“ Est enim Petrus ¹²² non alterius, sed eiusdem omnino ovilis conspicuum caput et praeses, cuius Christus invisibilis ¹²³ ποιμὴν καὶ ἐπίσκοπος, immo ¹²⁴ ἀρχιποιμὴν. Quis autem fidelium a superno Christi regimine subducitur? ne unus quidem, sive maximus ille sit, sive medius, sive infimus, unde ὁ ποιμὴν τῆς κατὰ τὴν οἰκουμένην καθολικῆς ἐκκλησίας appellatur.

345. Jam ¹²⁵ alterum, si propriis efferendum vocabulis est, inane prorsus nugatoriumque declarari debet. Sane num quia caput corpori praeest, aliis idcirco membris nullus est locus? num quia metropolitae maiori iure potiuntur, suo idcirco a gradu obnoxii illis praesules excidunt? num idem est auctoritate gaudere eaque frui soluta penitus, ac nemini subiecta? quisque cernit ἄτοπα haec esse et prorsus ἀσύστατα. Praesunt igitur singulis gregibus successores apostolorum, sed universo ovili, universisque pastoribus is vicissim praeest qui Petrum refert, qui Petri locum occupat, ac e Petri cathedra docet et regit. Sicut enim unaquaeque ecclesia ¹²⁶ grege continetur qui suo adhaeret pastori, ita universa ecclesia ovile est quod supremo pastore gubernatur: et sicut unaquaeque ecclesia suam ἀμέσως unitatem nanciscitur ex unico cui subest praeside, atque ex eo habet ut sit ἐν σῶμα, ita catholica ecclesia ¹²⁷ quae in multitudinem latius incremento fecunditatis extenditur, una est, unumque Christum sua unitate repraesentat, quia unius supremi capitis auctoritate continetur. Animadverti namque debet, unitatem corporis non dotem magis esse singularum seorsum ecclesiarum, quam dos et proprietas sit ¹²⁸ ecclesiae totius atque catholicae. Sane quum Paulus ecclesiam docet ¹²⁹ esse ἐν σῶμα, ecclesiam spectat quam Christus instituit, redemit, sanctificavit, ac porro sanctificat. Instituit

¹¹⁸) §. XIX.

¹¹⁹) Latinus interpres praeterea legit, Ἰησοῦν Χριστόν, σωτήρα τῆς ψυχῆς ἡμῶν.

¹²⁰) Deest τῶν ψυχῶν καί.

¹²¹) Haec ex veteri latino interprete suppleta sunt.

¹²²) Joh. XXI. 15. seqq.

¹²³) I. Petr. II. 25.

¹²⁴) Ibid. V. 4.

¹²⁵) n. 341.

¹²⁶) Quod nobiscum anglicani tuentur.

¹²⁷) Cyprianus de Unit. Ecclesiae, pag. 78.

¹²⁸) Praeclare Theodoritus in Ps. XLVII. 4: Μία μὲν ὄν ἐστι κατὰ πᾶσαν γῆν καὶ θάλασσαν ἐκκλησία· διὸ προσερχόμενοι λέγομεν· ὑπὲρ ἀγίας καὶ μόνης καθολικῆς ἐκκλησίας τῆς ἀπὸ περάτων ἔως περάτων τῆς οἰκουμένης.

¹²⁹) Ephes. IV. 4, et V. 23. seqq.

autem Christus ¹³⁰, redemit, sanctificavit et sanctificat ecclesiam catholicam. De ecclesia igitur catholica illud inprimis ac vero maxime accipi debet, eam esse ἐν σῶμα. Hinc Cypriani ¹³¹ effatum, *una est ecclesia per totum mundum in multa membra divisa*, et ¹³² *per omnia debemus ecclesiae catholicae unitatem tenere*: hinc simillima Origenis ¹³³ sententia, ἐν σῶμά ἐσμεν καὶ ἐν πρόβατον: cui altera respondet ¹³⁴ Alexandri alexandrini, ἐν σῶμα ὃν τῆς καθολικῆς ἐκκλησίας. Quare in symbolis ¹³⁵ profitemur, πιστεύω εἰς μίαν καθολικὴν ἐκκλησίαν.

Sed unde corporis unitas e tanta partium membrorumque varietate prodit ac exstat? quo principio efficitur? qua caussa, quave forma determinatur? ipsemet Dodwellus ¹³⁶ auctor est, neque illam aliunde repeti, neque proficisci aliunde posse, quam e capitis omnia complectentis unitate. Quod insigni imagine Cyprianus ¹³⁷ depingit, inquires: „Ecclesia quoque una est, quae in multitudinem latius incremento fecunditatis extenditur: quo modo solis multi radii, sed lumen unum: et rami arboris multi, sed robur unum tenaci radice ¹³⁸ fundatum: et cum de fonte uno rivi plurimi defluunt, numerositas licet diffusa videatur exundantis copiae largitate, unitas tamen servatur in ¹³⁹ origine. Avelle radium solis a corpore, divisionem lucis unitas non capit: ab arbore frange ramum, fractus germinare non poterit: a fonte praecide rivum, praecisus arescet. Sic ecclesia Domini luce perfusa per orbem totum radios suos porrigit, unum tamen lumen est quod ubique diffunditur, nec unitas corporis separatur: ramos suos in universam terram copia ubertatis extendit, profluentes largiter rivos latius expandit: *unum tamen caput est, et origo una; et una mater fecunditatis successibus copiosa*.“ Tam certum igitur haberi debet, Petrum esse oecumenicum ecclesiae catholicae caput, quam certum est quod Paulus tradit, eam esse ἐν σῶμα, quodque symbola his verbis referunt: πιστεύω εἰς μίαν καθολικὴν ἐκκλησίαν.

346. Noluisssem vero mentionem Cypriani a Dodwello ¹⁴⁰ iniectam: noluissem Cypriani suffragio defendi, eodem pacto romanam et carthaginiensem ecclesiam vocari catholicam, neque plus Petro eiusque vicariis, quam apostolis

¹³⁰) Marc. XVI. 20, Act. II. 6—12, XI. 19—20, Rom. I. 8, X. 18. coll. Ps. XIX. 5.

¹³¹) Epist. LII; cum qua conferri ista debent ex epist. XL: „Deus unus est, et Christus unus, et una ecclesia, et cathedra una super Petrum Domini voce fundata.“ Quae cathedrae unitas ab Optato in altero libro de schismate Donatistarum dicitur *prima de dotibus*, quibus ecclesia refulget.

¹³²) Epist. LXXI.

¹³³) Select. in Jerem. L. 17.

¹³⁴) Apud Athanasium T. I. Part. II. pag. 313. edit. Montfauconii.

¹³⁵) Cf. Symboli expositionem apud Cyrillum hierosolym. Catech. XVIII. n. 26.

¹³⁶) n. 339.

¹³⁷) De unit. eccles. pag. 78.

¹³⁸) Hanc autem radicis proprietatem Petro, atque institutae ab eo ecclesiae Cyprianus frequenter adscribit.

¹³⁹) Quam unitatis originem a Petro saepissime ducit.

¹⁴⁰) n. 341.

reliquis eorumque successoribus tribui oportere. An umquam Cyprianus de carthaginensi ecclesia dixit, radicem illam esse matricemque catholicae ecclesiae? numquam. At de romana ¹⁴¹ scripsit: *nos enim singulis navigantibus, ne cum scandalo ullo navigarent, rationem reddentes, scimus nos hortatos eos esse, ut ecclesiae catholicae radicem et matricem agnoscerent ac tenerent; ac alibi* ¹⁴² *repetiit: post ista adhuc insuper pseudoepiscopo sibi ab haereticis constituto, navigare audent; et ad Petri cathedram, atque ad ecclesiam principalem, unde unitas sacerdotalis exorta est, a schismaticis et profanis literas ferre, nec cogitare eos esse romanos, quorum fides apostolo praedicante* ¹⁴³ *laudata est, ad quos perfidia non possit habere accessum.* An umquam docuit idem esse cum carthaginensi et cum catholica ecclesia communicare? numquam. Id tamen semel ac rursum de romana affirmavit, sive quum Cornelium alloquens ¹⁴⁴ operam se dedisse significavit, *ut te collegae nostri et communionem tuam, idest, catholicae ecclesiae unitatem pariter et caritatem probarent firmiter ac tenerent;* sive quum ad Antonianum ¹⁴⁵ scribens tamquam synonyma habuit, *communicare cum Cornelio, hoc est, cum catholica ecclesia communicare.* An umquam de aliquo ex apostolis testatus est, vel super eum fundatam esse ecclesiam, vel ex eo catholicae unitatis originem proficisci? numquam, quum tamen utrumque praeclarissimis sententiis de Petro declararit. Ac tales profecto videri istae ¹⁴⁶ debent: *loquitur illic Petrus, super quem aedificata fuerat ecclesia:* et ¹⁴⁷ *Petrus, quem primum Dominus elegit, et super quem aedificavit ecclesiam suam:* tum ¹⁴⁸ *quando et baptisma unum sit, et Spiritus Sanctus unus, et una ecclesia a Christo Domino super Petrum origine unitatis et ratione fundata:* ac ¹⁴⁹ postremo: „Loquitur Dominus ad Petrum, *ego dico tibi, inquit, quia tu es Petrus, et super istam petram aedificabo ecclesiam meam, et portae inferorum non vincent eam. Et tibi dabo claves regni coelorum, et quae ligaveris super terram, erunt ligata et in coelis: et quaecumque solveris super terram, erunt soluta et in coelis.* Et iterum eidem post resurrectionem suam dicit: *pasce oves meas.* Super unum aedificat ecclesiam suam. Et quamvis apostolis omnibus parem potestatem tribuat et dicat, *sicut misit me Pater, et ego mitto vos, accipite Spiritum Sanctum, si cui remiseritis peccata, remittuntur illi, si cui tenueritis, tenebuntur;* tamen ut unitatem manifestaret, unitatis eiusdem originem ¹⁵⁰ ab uno incipientem sua

¹⁴¹) Epist. XLVIII. al. XLV. pag. 234; quae adeo perspicua ipsi quoque Rigaltio visa sunt, ut scribere non dubitaverit: *haec fuere tunc monarchiae christianae crepundia.*

¹⁴²) Epist. LIX. al. LV. pag. 266. Et Hieronymus adversus Rufinum: „Scito romanam fidem, apostolica voce laudatam, istiusmodi praestigia non recipere.“

¹⁴³) Rom. I. 8.

¹⁴⁴) Epist. XLVIII. al. XLV. pag. 234.

¹⁴⁵) Epist. LV. al. LII.

¹⁴⁶) Epist. LXVI. al. LXIX. pag. 286.

¹⁴⁷) Epist. LXXI. pagg. 303 — 304.

¹⁴⁸) Epist. LXX. pag. 302.

¹⁴⁹) De unit. eccles. pagg. 76 — 78.

¹⁵⁰) Vis igitur ratioque primatus huc redit, ut qui eo pollet Petrus, idem origo

auctoritate disposuit. Hoc erant utique et ceteri apostoli quod fuit Petrus, pari consortio praediti ¹⁵¹ et honoris et potestatis, sed ¹⁵² exordium ab unitate proficiscitur, ut ecclesia una monstretur; quam unam ecclesiam etiam in Cantico Canticorum Spiritus Sanctus ex persona Domini designat et dicit: *una est columba mea, perfecta mea, una est matri suae, electa genitrici suae.*¹⁵³

347. Itaque quum in priori ad Corinthios ¹⁵³ epistola Paulus repetit, *ὃν δὲ πολλὰ μὲν μέλη, ἐν δὲ σῶμα*, id confirmat quod de Petro conspicuo ecclesiae capite defendimus. In tanta enim tamque diffusa membrorum varietate ac multitudine unum idcirco corpus est, quod unum est vinculum quo omnia adstringuntur, unumque visibile caput cui subsunt, et cuius nutu temperantur. Neque obest quod ¹⁵⁴ additur: *Καὶ οὗς μὲν ἔθετο ὁ θεὸς ἐν τῇ ἐκκλησίᾳ πρῶτον ἀποστόλους, δεύτερον προφήτας, τρίτον διδασκάλους, ἔπειτα δυνάμεις, εἴτα χαρίσματα ἰαμάτων, ἀντιλήψεις, κυβερνήσεις, γένη γλωσσῶν.* Quamquam

sit, et *efficiens conspicuae unitatis principium*. Dos autem haec est propria capitis, quaeque intelligi nullatenus potest, si a potiori iure seiungatur, cui membra singula subsint, quoque ad unitatem revocentur. Dignitate ergo capitis, potiorique iure ad unitatem constituendam, tuendamque accommodato vis tota, ratioque primatus absolvitur.

¹⁵¹) Sed unde, quaeso, Cyprianus eruit fuisse apostolos ceteros quod fuit Petrus, pari consortio praeditos honoris et potestatis? non aliunde quam e praemissis biblicorum testimoniis. Tria vero praemiserat, quorum primum e Matth. XVI. 18—19, alterum e Joh. XXI. 15. seqq. ac tertium e Joh. XX. 22—23. desumpsit. Sed duo priora a) ad unum pertinent Petrum, et quid illius fuerit *proprium* ita declarant, ut quod reliquis *commune* censerī debeat, nullatenus significant. Quare b) Cyprianus ex iis proprium colligit Petri *ἀξίωμα*, quo initium est et unitatis origo.

Superest ergo tertium testimonium, prae quo apostoli omnes Petro pares affirmantur. Sed quum ita se res habeat, duo consequuntur: ac 1) nonnisi *quadamtenus*, et *compare* ad eam auctoritatem quam Christus Joh. XX. 22—23. apostolorum col-

legio tribuit, *pares* illos nuncupari: tum 2) eiusmodi aequalitate nullatenus discrimen subverti, quod testimoniis Matth. XVI. 18—19, et Joh. XXI. 15. seqq. stabilitur.

¹⁵²) Verbis, *sed exordium ab unitate proficiscitur*, in editionibus manutiana, pameliana, baluziana, aliisque subditur: *et primatus Petro datur, ut una Christi ecclesia, et cathedra una monstretur.*

De quo inciso monendum arbitror: 1) illud, utpote *γνήσιον*, auctoritate veterum codicum, quantum satis est, comprobari: 2) comprobari auctoritate testium, ac inprimis Pelagii II. qui in litteris ad Istriae episcopos illud retulit: 3) comprobari gemino Hieronymi loco ex lib. I. con. Jovinianum n. 26, qui ad Cypriani verba omnino expressus videtur: 4) comprobari Cypriani sentiis plane simillimis, quas Maranus in praefat. ad Cypriani opera collegit: comprobari tandem 5) serie ipsa ductuque sermonis, quum institutio primatus e testimoniis Matth. XVI. 18—19, et Joh. XXI. 15. seqq. arctissime dependeat. Cf. Schelstratium in Antiquitt. Illustrat. T. II. Diss. II. cap. V, et Mamachium, Origg. et Antiquitt. Christ. T. V. pagg. 71. seqq.

¹⁵³) I. Cor. XII. 20.

¹⁵⁴) Ibid. v. 28.

enim apostoli excellenter, principesque inter eos forent quibus opus formandae tuendaeque unitatis concreditum erat; ad unum tamen Petrum, tamquam ad praepositum omnibus caput, unitatis origo redigebatur. Quam *σύνθεσιν* plura sane erant, quae omnino postulabant: ac fidei primum analogia, qua Petrus apostolorum princeps et *ἡγούμενος* perhibetur: ratio deinde unius conspicui corporis ita ecclesiae insita ut ab ea divelli ne cogitando quidem possit: *δεικτικὴ* tandem repraesentatio, qua ecclesia unum referre Deum unumque Christum debet.

348. Atque heic duo se mihi offerunt quae nolim praetermissa, et quibus praesenti capiti modum ponam. Est autem illud primum quod passim, triumphumque veluti agentes protestantes inculcant: ad unitatem ecclesiastici corporis opus propterea non esse conspicuo et oecumenico capite, quod huius expleat munera, partesque obeat Christus qui ecclesiae caput *κατ' ἐξοχήν* nominatur.

Ne enim repetam *ἄτοπον* esse visibili corpori invisibile dumtaxat caput praeesse: ne repetam ab analogia fidei, Scripturarumque *ἀρμονία* id vehemētissime abhorre: ne repetam id dici de catholica ecclesia non ¹⁵⁵ posse, quin de singulis seorsum coetibus affirmetur, quod tamen affirmari posse anglicani negant, negandumque ¹⁵⁶ demonstrant; solum adnotabo, eiusmodi argumento, si quid illi ponderis concedatur, non magis oecumenicum caput, quam gradus omnes hierarchicos excludi, funditusque convelli.

Eccur enim dedit Deus primum apostolos, deinde prophetas, ac ceteros rursum quos Paulus recenset ¹⁵⁷ ministrorum ordines? ut ecclesia unum esset corpus, unumque appareret, ut eiusdem unitati prospiceretur, ut omnia membra ad unitatem perducta in unitate continerentur. Idcirco, inquit ¹⁵⁸ Paulus, constituti sunt apostoli, prophetae, evangelistae, pastores doctoresque, ut ipsorum ministerio, ipsisque aedificantibus Christi corpus, *καταντήσωμεν οἱ πάντες εἰς τὴν ἐνότητα τῆς πίστεως καὶ τῆς ἐπιγνώσεως τοῦ υἱοῦ τοῦ Θεοῦ, εἰς ἄνδρα τέλειον, εἰς μέτρον ἡλικίας τοῦ πληρώματος τοῦ Χριστοῦ· ἵνα μηκέτι ὦμεν νήπιοι, κλυδωνιζόμενοι καὶ περιφερόμενοι παντὶ ἀνέμῳ τῆς διδασκαλίας, ἐν τῇ κυβείᾳ τῶν ἀνθρώπων, ἐν πανουργίᾳ πρὸς τὴν μεθοδεῖαν τῆς πλάνης, ἀ-*
ducamur omnes ¹⁵⁹ *per unitatem fidei cognitionisque filii Dei ad eum per-*

¹⁵⁵) Mihi enim ii semper visi sunt *παράδοξως* agere, qui quum necessitatem unius praesidis pro singulis coetibus affirment, necessitatem contra unius praesidis, cui totum subsit corpus, pugnacissime inficiantur.

¹⁵⁶) Vulgatissimae sunt anglicanorum cum presbyterianis contentiones, quibus divinam episcoporum originem tuentur.

¹⁵⁷) I. Cor. XII. 28, Ephes. IV. 11.

¹⁵⁸) Ephes. IV. 13—15.

¹⁵⁹) Quod plures censent, *εἰς τὴν ἐνότητα*, adhiberi pro *ἐν τῇ ἐνότητι*, minus nobis arridet, opinamurque propterea hanc esse Pauli mentem, per hanc ipsam *ἐνότητα τῆς πίστεως καὶ τῆς ἐπιγνώσεως τοῦ υἱοῦ τοῦ Θεοῦ*, eam nos esse perfectionem consequuturos, quae formulis *εἰς ἄνδρα τέλειον, εἰς μέτρον ἡλικίας τοῦ πληρώματος τοῦ Χριστοῦ*, exprimitur.

fectionis gradum, qui virum maturum¹⁶⁰ decet, quemque virilis ecclesiae¹⁶¹ aetas postulat; ne simus amplius in fide et cognitione¹⁶² pueri, fluctuantes animo et circumlati quacumque doctrinae¹⁶³ vanitate, pro hominum versutia¹⁶⁴, dolisque malis, quibus nos fallunt ac in transversum¹⁶⁵ abripiunt.

349. Sed quorsum haec, si Christus suo numine ecclesiae sic adest, ut quae ad conspicuam illius unitatem spectant, ipse solus atque ἀμέσως efficiat? quorsum haec, si Christus corpori suo, quod est ecclesia, tamquam supremum et invisibile caput sic praeest, ut ipse solus ac ἀμέσως illius membra iungat, iunctaque conservet? Hisce geminisque interrogationibus nemo apte prudenterque respondeat, cui ratum haud sit, providentiam qua divinitus ecclesia regitur, esse illi simillimam, qua haec rerum universitas administratur, ac principes nobilioresque partes ita Deo asseruntur, ut secundae ac obnoxiae hominibus non denegentur. Quis sane neget verissimum esse, quod in Scripturis¹⁶⁶ toties repetitur, *cor novum, novumque spiritum* Deo maxime referri in acceptis oportere? neque tamen falsum est quod Ezechiel¹⁶⁷ scribit: *abiiçite a vobis omnes praevaricationes vestras quibus praevaricati estis, לְכֶם וְעִזְבֵּתֶם* et facile vobis *cor novum et spiritum novum*; quodque Paulus et Johannes affirmant, ille dum¹⁶⁸ inquit, *καθαρίσωμεν ἑαυτοὺς ἀπὸ παντὸς μολυσμοῦ σαρκὸς καὶ πνεύματος, ἐπιτελοῦντες ἀγίωσύνην ἐν φόβῳ Θεοῦ*: hic dum¹⁶⁹ ait, *πᾶς ὁ ἔχων τὴν ἐλπίδα ταύτην ἐπ’ αὐτῷ, ἀγνίξει ἑαυτόν, καθὼς ἐκεῖνος ἀγνός ἐστι*. Quis neget Deum esse principem caussam quae¹⁷⁰ in nobis operatur καὶ τὸ θάλειν καὶ τὸ ἐνεργεῖν, ὑπὲρ τῆς εὐδοκίας? neque tamen falsum est id etiam verbo revelato convenire¹⁷¹, quod propterea δύναμις Θεοῦ εἰς σωτηρίαν παντὶ τῷ πιστεύοντι nuncupatur. Quid magis Christi proprium quam nomen et opus¹⁷² Salvatoris? neque tamen falsum est quod Jacobus¹⁷³ scribit, *γνωσκέτω, ὅτι ὁ ἐπιστρέψας ἁμαρτωλὸν ἐκ πλάνης ὁδοῦ αὐτοῦ, σώσει ψυχὴν ἐκ θανάτου*:

¹⁶⁰) Graecis ἀνὴρ τέλειος, cui opponitur ἀνὴρ νήπιος, est vir maturae aetatis.

¹⁶¹) Heic, non secus ac alibi, et nominatim cap. I. 23. πλήρωμα Χριστοῦ est ecclesia.

¹⁶²) Carnales nimirum, et quibus adhuc lacte opus sit.

¹⁶³) Vanitatis, levitatisque notio continetur voce ἀνέμω.

¹⁶⁴) Vocabulum κνβεία, quod heic occurrit, est in N. T. ἀπαξ λεγόμενον, et quum proprie designet talorum ludum, ad fraudem exprimendam metaphorice transfertur.

¹⁶⁵) Μεθοδεία est vocabulum μέσον,

quod heic in deteriore partem accipitur, adeo ut μεθοδεία τῆς πλάνης sit ars subdole excogitata alios decipiendi.

¹⁶⁶) Ps. L. 12—13, Ezech. XXXVI. 26, Jerem. XXXI. 33.

¹⁶⁷) Ezech. XVIII. 31.

¹⁶⁸) II. Cor. VII. 1.

¹⁶⁹) I. Joh. III. 3.

¹⁷⁰) Philipp. II. 13.

¹⁷¹) Rom. I. 16.

¹⁷²) A quo opere nomen ipsi factum est, dictusque Ἰησοῦς, ὡς ἔστιν, *Salvator*, quia Matth. I. 21. αὐτὸς σώσει τὸν λαὸν αὐτοῦ ἀπὸ τῶν ἁμαρτιῶν αὐτῶν.

¹⁷³) Jacob. V. 20.

quodque Paulus de semetipso loquens ¹⁷⁴ habet, *εἰπὼς παραζηλώσω μου τὴν σάρκα, καὶ σώσω τινὰς ἐξ αὐτῶν.*

350. Itaque praefinita divinitus providentiae ratio haec est, ut vis, supremique capitis dignitas quae Christo inprimis et *ἐξαιρέτως* convenit, non magis *διακονίαν* tollat conspicui capitis, cui opus efficiendae tuendaeque unitatis creditum sit, quam *διακονίαν* impediatur apostolorum, prophetarum, evangelistarum, pastorum doctorumque, quibus propterea Christus ecclesiam donavit, ut illorum opera ad sanctitatem perfectionemque adduceretur.

Hinc vetusti Patres quamquam probe nossent, Christum esse atque ecclesiae caput in Scripturis appellari; numquam tamen in eam venere sententiam quae protestantibus communis est, quaque capitis titulo exornari Petrum posse inficiantur. Immo, quod multo illi mirentur magis, et capitis nomen ¹⁷⁵ Petro frequentissime deferunt, et aliis eum honestant titulis significandi potestate similis. En quibus verbis Ignatius constantinopolitanus episcopus Nicolaum Pontificem ¹⁷⁶ alloqueretur: „Ad artus humani corporis plagis, vulneribusque saucios curandos, medendi ars magnam medicorum copiam suppeditavit; in membris autem Christi Salvatoris omnium capitis ac sponsi catholicae et apostolicae ecclesiae, unum tantum ac solum delectum et universalissimum medicum, tuam nempe fraternam, paternamque sanctitatem supremum et fortissimum Dei Verbum constituit, quum Petro *τῷ τιμιωτάτῳ καὶ κορυφαιοτάτῳ τῶν ἀποστόλων* dixit, *tu es Petrus, et super hanc petram aedificabo ecclesiam meam.*“ Ac rursum en quibus verbis Johannes hoc nomine octavus Basilium, Constantinum et Alexandrum imperatores ¹⁷⁷ compellaret: „Ad auctorem romanae ecclesiae, hoc

¹⁷⁴) Rom. XI. 14. coll. I. Tim. IV. 16.

¹⁷⁵) Deferunt sardicensis patres in epist. synod. ad Julium Pontificem, n. 2: *ad caput, idest, ad Petri apostoli sedem*: defert Marcellus ancyranus in epist. ad eundem Pontificem: deferunt patres constantinopolitani, qui in litteris ad Damasum datis n. 3. seipsos quidem *membra*, Petri autem vicarium *caput* appellant: deferunt patres chalcedonenses qui in synodica ad Leonem relatione de semetipsis aiunt, *quibus tu quidem sicut membris caput praeeras, cui vineae custodia a Salvatore commissa est*: deferunt archimandritae et monachi Syriae his verbis Hormisdam Pontificem alloquentes, *Christus Deus noster principem pastorum et doctorem et medicum constituit vos, vos caput estis omnium*: deferunt Fulgentius

et Avitus, quorum ille de Incarnat. et Grat. cap. III. ait, *romana, quae mundi caput est, ecclesia*; hic autem epist. ad Hormisdam christianos esse docet *gregem per tota Petro universalis ecclesiae membra commissum*: defert postremo Bruno astensis qui in Tract. de Sacrificio azymo sic habet, *absit hoc a catholica atque apostolica et romana ecclesia, quae caput et fundamentum ac speculum dicitur, et probatur esse omnium ecclesiarum, quam Deus et Dominus noster Jesus Christus per semetipsum aedificare dignatus est.*

¹⁷⁶) Apud Labbé T. VIII. coll. 1009. seq.

¹⁷⁷) Scripta fuit haec epistola annò DCCCLXX. Cum qua conferri debent quae ad Leonem IV. Pontificem Lotharius im-

est, apostolorum omnium principem, Domino loquente, praeceptum est, *pasce oves meas; quem esse vere omnium ecclesiarum Dei caput*, et beatorum patrum praecipuae regulae, et orthodoxorum principum statuta declarant, et pietatis vestrae reverentissimi apices attestantur.“

351. His autem sane perspicuis alterum addi iam debet quod sumus ¹⁷⁸ polliciti, quodque neque levioris momenti est, neque minus luculentum: tres nimirum de ecclesia distinctas formulas a Paulo adhiberi, illamque seorsum dici *ἐν σῶμα, σῶμα τοῦ Χριστοῦ*, ac simpliciter *Χριστόν*. E quibus quum duo priora extra controversiam sint, antea quod tertium est, confirmari debet, quam ad consequutiones, illationesque progrediamur.

Itaque de ecclesia loquens ¹⁷⁹ apostolus, eiusque multiplicem varietatem cum eximia quadam unitate concertam comparatione illustrans ex humano corpore desumpta, ait: *Καθάπερ γὰρ τὸ σῶμα ἐν ἐστὶ, καὶ μέλη ἔχει πολλά, πάντα* ¹⁸⁰ *δὲ τὰ μέλη τοῦ σώματος τοῦ* ¹⁸¹ *ἐνός, πολλά ὄντα, ἐν ἐστὶ σῶμα· οὕτω καὶ ὁ Χριστός.* *Quemadmodum enim corpus nostrum est unum, et habet* tamen *membra multa, atque omnia ista unius corporis membra, quae sunt multa, unum sunt corpus; ita etiam Christus.* Ubi *Christi* appellatione mysticum eiusdem corpus, ecclesiamque significari evidenter ostendunt series ipsa, ductusque sermonis, tum quae illico ¹⁸² sequuntur, graeci ¹⁸³ deinde latinique ¹⁸⁴ interpretes quorum haec est concors sententia: Christi nomine eiusdem corpus ecclesiamque insigniri. Unde Semler, qui verba, *οὕτω καὶ ὁ Χριστός*, suppleverat ¹⁸⁵ atque ita *παράφραστικῶς* reddiderat, *ita etiam Christus suum corpus illud informavit e multis membris et ministeriis*, in subiecta adnotatione adiecit: *nec male alii, ecclesiam christianorum societatem, volunt Christi, capitis, mariti* ¹⁸⁶ *quasi, nomine venire.*

Quisquis sane eo in contextu legit, *οὕτω καὶ ὁ Χριστός*, illico cogitet

perator scripsit, apud Labbé T. VIII. col. 32:

„Sedem apostolicam, quae per beatissimum apostolorum principem in universo orbe, quaquaversus religio christiana diffunditur, *caput* et fundamentum est sanctitatis, idcirco superna dispositio *primum* obtinere voluit *ecclesiarum*, ut in quibuscumque causis, quaestionibus sive negotiis ecclesiastica suaderet necessitas, omnes quasi ad matrem religionis, fontemque recurrebant aequitatis.“

¹⁷⁸) n. 348.

¹⁷⁹) I. Cor. XII. 12.

¹⁸⁰) Interpres armenius legit, *πάντα δὲ τὰ πολλά μέλη τοῦ σώματος ἐν σῶμά ἐστι.*

¹⁸¹) Voces, *τοῦ ἐνός*, non vulgatus modo, sed alii quoque veteres interpretes, itemque codices, patresque omittunt.

¹⁸²) I. Cor. XII. 13.

¹⁸³) Chrysostomus in epist. I. ad Cor. hom. XXX. n. 1, et Theodoritus qui in commentario ad h. l. scribit: *Χριστόν ἐν ταῦθα τὸ κοινὸν σῶμα τῆς ἐκκλησίας ἐκάλεσεν, ἐπειδὴ κεφαλὴ τοῦδε τοῦ σώματος ἐστὶν ὁ δεσπότης Χριστός.*

¹⁸⁴) Pseudo-Hieronymus ad h. l.: *notandum quod Christus per corpus suum dicatur ecclesia.*

¹⁸⁵) In Paraphrasi ad h. l.

¹⁸⁶) Ephes. V. 23. coll. vv. 31—33.

necesse est vel *de metaphora* ¹⁸⁷, quae quae sunt Christi ad eiusdem πλήρωμα traducuntur, vel *de metonymia* ¹⁸⁸, quae possessor pro re possessa usurpatur, quae Christus accipitur pro ecclesia quae est ¹⁸⁹ *populus eius* περὸνόςιος, *genus* ¹⁹⁰ *electum*, *regale sacerdotium*, *gens sancta*, *populus acquisitionis*, *quam* ¹⁹¹ *sibi Christus acquisivit*, *suoque sanguine propriam fecit*, quae ¹⁹² *est haereditas eius iucunda et speciosa*, et cum qua ¹⁹³ propter μυστικὴν ἑνώσιν illi simillimam de qua scriptum est, καὶ ἔσονται δύο εἰς σάρκα μίαν, unum censetur.

352. Jamvero commemoratae formulae neque eundem fundunt sensum, neque tales sunt quae vel mutuo confundi, vel divelli ab invicem possint. Non reddunt eundem sensum, quum ex illis duae, quibus ecclesia dicitur σῶμα Χριστοῦ, et simpliciter Χριστός, sint *relativae*; tertia vero, quae ἐν σῶμα nuncupatur, *absoluta* sit, et ad ipsam *in se* spectatam ecclesiam referatur. Unde confundi non debent, quum *ab absolutis relativa* distent, diversasque rerum facies exhibeant. Sed neque ab invicem divelli possunt, quum singulae ad repraesentandam ecclesiae rationem conspirent, eaque non ex una alterave, sed ex omnibus simul collectisque haurienda sit. Profecto percontanti cuiusmodi ecclesiae ratio censi debet, nullatenus uti par est occurrere, si reponas, *vel μυστικῶς* eam esse dicique Χριστόν, *vel σῶμα Χριστοῦ* appellari, *vel* tamquam ἐν σῶμα proponi, sed simul atque coniunctim reponendum tibi erit, eam *et σχετικῶς* esse dicique Χριστόν καὶ σῶμα Χριστοῦ, et *absolute ἐν σῶμα* nuncupari.

Porro id exstat inter *relativas* formulas, *absolutamque* discriminis, quod illae nonnisi *comparate ad Christum* unam esse ecclesiam ostendunt; hac vero una *in se*, *simpliciterque* demonstratur. Sicut enim ecclesia est diciturque Χριστός et σῶμα Χριστοῦ, quia μυστικῇ ἐνώσει una cum Christo est, unitatenque suam a Christo vivifico capite mutuatur; ita est diciturque ἐν σῶμα, quia in ea qua constat membrorum partiumque varietate desideratur nihil, quo *unum in se sit corpus*, *unumque videatur*. Sed neque in se unum esset corpus, neque unum appareret, si visibili careret capite, quod insitae visibilisque unitatis origo foret ac principium. Qua igitur formula ecclesia dicitur ἐν σῶμα, eadem visibile illius caput demonstratur.

De quo visibili ecclesiae capite praeclarissima sunt quae subiicimus Valentiniani imperatoris ¹⁹⁴ verba: „Cum igitur sedis apostolicae primatum s. Petri

¹⁸⁷) Quemadmodum enim nonnulla e personis typicis desumpta de Christo usurpantur, Jerem. XXX. 9, Ezech. XXXIV. 23—24, Hos. III. 5; ita nonnulla quae sunt Christi propria, ad ecclesiam transferuntur, Ephes. IV. 13—14. coll. Luc. II. 40. 52, Rom. VI. 4—6, Galat. II. 20, Coloss. II. 12.

¹⁸⁸) Cf. Glassii Rhetoricam Sacrae lib. V. tract. I. cap. III. §. III.

¹⁸⁹) Tit. II. 14.

¹⁹⁰) I. Petr. II. 9.

¹⁹¹) Act. XX. 28.

¹⁹²) Ps. XVI. 6.

¹⁹³) Ephes. V. 31—32.

¹⁹⁴) In celeberrima lege, quam instantia Leonis Pontificis edidit, et de qua mira comminiscitur Samuel Basnagius in Anna-

meritum, qui princeps est episcopalis coronae, et romanae dignitas civitatis, sacrae etiam synodi¹⁹⁵ firmavit auctoritas: ne quid praeter auctoritatem sedis istius¹⁹⁶ illicitum praesumptio attentare nitatur: tunc enim demum ecclesiarum pax ubique servabitur, *si rectorem suum agnoscat universitas.*"

CAPUT XXVI.

De corinthiorum dissidiis, I. Cor. I. 12. coll. III. 3—4: — ductum ex iis a Francisco Turretino argumentum, quo visibilis capitis ἐξουσίαν Petro assertam impetit: — cuiusmodi illud sit: — refellitur, et oppugnata Petri dignitas in tuto collocatur: — duplex incidens quaestio: — utrum catholica ecclesia romanae appposito rite distinguatur: — ac utrum ecclesia esse dicique possit Petri corpus: — utraque expeditur: — ac prior quidem affirmatione, negatione posterior: — cuius intimior caussa aperitur.

353. **P**ostquam ea praemisit¹ quae ad conciliandos sibi corinthiorum animos accommodata viderentur, pergit apostolus, ac rem aggressus ipsam quaestionis caput his omnino verbis² exponit: Παρακαλῶ δὲ ὑμᾶς, ἀδελφοί, διὰ τοῦ ὀνόματος³ τοῦ κυρίου ἡμῶν Ἰησοῦ Χριστοῦ, ἵνα τὸ αὐτὸ λέγητε⁴ πάντες, καὶ μὴ ᾗ ἐν ὑμῖν σχίσματα⁵, ἥτε δὲ κατηρτισμένοι⁶ ἐν τῷ αὐτῷ νοῦ καὶ ἐν

libus Politico-Eccles. ad annum CDXLV. nn. 5. seqq.

¹⁹⁵) Respicit ad sardicense concilium habitum anno CCCXLVII, in cuius canonicis diserta est mentio *primatus*, quo Petrus excelluit.

¹⁹⁶) Unde Julius apud Athanasium in Apolog. con. Arianos, n. 35. his illos verbis notabat: *an ignoratis hanc esse consuetudinem, ut primum nobis scribatur, et hinc quod iustum est decernatur?* Et Socrates H. E. lib. II. cap. XVII, atque Sozomenus H. E. lib. III. cap. X. testantur, *ecclesiastica regula interdictum esse, ne praeter sententiam romani pontificis quidquam ab ecclesiis decernatur.*

¹) I. Cor. I. 1—10.

²) Ibid. v. 10.

³) Hac formula quum obtestatio con-

tinetur omnium gravissima, tum obtestantis auctoritas significatur.

⁴) Phrasis τὸ αὐτὸ λέγειν exprimit unitatem *externam*, neque confundi debet cum phrasibus τὸ αὐτὸ φροεῖν et ὁμοφροεῖν, Philipp. II. 2, I. Petr. III. 8, quibus unitas *interior*, ac prioris origo et caussa declaratur.

⁵) Idem vitium, eodemque nomine insectatur Paulus cap. XI. 18, et XII. 25. Porro notat Theodorus: Οὐ δογματῶν αὐτοῖς διαφορὰν ἐπιμέμμεται, ἀλλὰ τὴν περὶ τῶν προσετώτων ἔχειν τε καὶ φιλονεκίαν. Non eos reprehendit quod de fidei dogmatibus diversa sentirent, sed quod de praesidentibus litigarent et contenderent.

⁶) Licet in Alberti Glossario κατηρτισμένοι dicantur τετελειωμένοι, perfecti,

τῇ αὐτῇ γνώμῃ. *Obtestor autem vos, fratres, per Dominum nostrum Jesum Christum*, eaque quam ab ipso auctoritate accepi, *ut idipsum dicatis omnes, et ne sint in vobis schismata, sitis autem mutuo iuncti cohaerentesque in eadem mente, eademque sententia.* Hanc autem verborum, sententiarum, voluntatumque concordiam, quam ipsum *fratrum*⁷ nomen expostulat, quaeque schismati e diametro adversatur, propterea vobis et inculco et praecipio, quod⁸ a testibus fide dignis, ὑπὸ τῶν Χλόης, a domesticis⁹ Chloes acceperim vos inter *ἐριδες contentiones* fervere. Quasnam vero? idonea transitione continuo explanat¹⁰, inquit: *Λέγω δὲ τοῦτο, ὅτι ἕκαστος*¹¹ *ὑμῶν λέγει· ἐγὼ μὲν εἰμι Παύλου, ἐγὼ δὲ Ἀπολλώ, ἐγὼ δὲ Κηρᾶ, ἐγὼ δὲ Χριστοῦ.* *Quod scilicet e vobis alii* non¹² *sine fastu, ceterorumque contemptione dicant, ego quidem sum pars*¹³ *Pauli, ego autem Apollonii, ego vero Cephae, ego autem Christi.* Quibus plane respondent quae deinceps¹⁴ subdit: *Ἐτι γὰρ σαρκικοί ἐστε· ὅπου γὰρ ἐν ὑμῖν ζῆλος καὶ ἔρις καὶ*¹⁵ *διχοστασίαι, οὐχὶ σαρκικοί ἐστε, καὶ κατὰ ἄνθρωπον περιπατεῖτε; ὅταν γὰρ λέγῃ τις· ἐγὼ μὲν εἰμι Παύλου· ἕτερος δέ· ἐγὼ, Ἀπολλώ· οὐχὶ σαρκικοί*¹⁶ *ἐστε; Etiamnum profecto carnales estis et imbecilli. Quum enim vos inter sint livor et contentio factionesque contrariae, nonne manifestum est vos esse carnales et secundum hominem ambulare? quum enim alter dicat, ego quidem sum Pauli, et alter, ego vero Apollonii, nonne carnales vos esse probatis?*

354. Ex his autem Franciscus Turretinus, qui illustrem sibi nominis

quam significationem Vulgatus amplexus est; nihilominus et continuatio metaphorae, et propria verbi *καταρτίζειν* potestas exigunt, ut illi subiiciatur notio *reficiendi abrupta*, et *diremta inter se conciliandi*.

⁷) Dicuntur enim ἀδελφὰ quae maxime coniuncta sunt, mutuoque devincta.

⁸) I. Cor. I. 11.

⁹) Lambertus Bos de Ellips. Graec. ad v. οἰκεῖτοι, supplendum putat, δούλων sive οἰκείων, ad Grotius, τέκνων vel υἱῶν.

¹⁰) I. Cor. I. 12; ubi formula, λέγω δὲ τοῦτο, aequivalet particulae latinorum *scilicet*, eoque spectat, ut quod antea fuerat latius dictum, pressius deinde explicetur. Cf. Galat. III. 17, Rom. XV. 8.

¹¹) Ne repeteret formulas, οὗτος μὲν, ἄλλος δέ, semel apostolus scribit, ἕκαστος.

¹²) Collatio cum cap. III. 21. ostendit, λέγει idem heic esse ac *καυχᾶται*, *gloriat* *ur alios despiciens*.

¹³) Explendas esse formulas, ἐγὼ μὲν εἰμι Παύλου, ἐγὼ, liquet; quum autem expleri possint, intersertis nominibus *μαθητῆς* vel *μέρος*, quod sequitur v. 13. verbum, *μεμέρισται*, suadet alterum suppleendi modum esse praefendum.

¹⁴) I. Cor. III. 3 — 5.

¹⁵) Incisum, καὶ διχοστασίαι, quod plures codices, versiones, patresque omittunt, Millius in Proleg. n. 986. subditicium esse arbitratur, a cuius opinione non admodum Griesbachius abludit.

¹⁶) Semlerus nullo iure inter glossas reiecit verba, οὐχὶ σαρκικοί ἐστε. Alii non sine gravi codicum, versionum, patrumque suffragio, ἄνθρωποι pro σαρκικοί legendum putant.

famam inter calvinianos theologos comparavit, sine ulla dubitatione ¹⁷ concludit: „Dannari a Paulo eos omnes, qui factionibus inter se divisi, vel Petrum, vel Paulum, vel Apollo *in caput* sibi adsciscabant, dicentes, *ego sum Pauli, et ego Apollo, et ego Cephae; numquid divisus est Christus? an Paulus crucifixus est pro vobis, et an baptizati estis in nomine Pauli?* Quasi diceret, ut Christus unus est, non divisus in plures; ita membra ecclesiae non debent in partes scindi sub hoc vel illo ministro, sed in unum coalescere sub Christo, qui solus pro fidelibus est crucifixus, et in cuius nomine sumus baptizati; ut innuat illum solum pro capite cui adhaereamus agnoscendum esse, qui pro nobis mortuus est, et in cuius nomine baptizati sumus. Et sane ut unum est corpus et unus spiritus; ita unicum tantum caput dari debet.“ Hactenus ille, in cuius disputatione nescio quid primum, quidve secundo ac tertio notem atque reprehendam.

355. Neque enim principio assequor, quam de caussa in allegandis Pauli verbis incisum, *ἐγὼ δὲ Χριστοῦ*, tacitus praeterierit, nisi forte quod molestum illud experiretur, ac celatum propterea lectoribus vellet, ne eo prope excitati aliam esse Pauli mentem suspicarentur. Neque deinde intelligo, quo nexu, quove glutine ista duo cohaereant, quibus eiusdem oratio continetur: *damnat Paulus exsecraturque schismatis flagitium; sua igitur conspicui capitis dignitate Petrum exspoliatur*. Videtur mihi eiusmodi illatio huic esse simillima: *divisiones factionesque civium omni ope studioque exstinguendae sunt; ferri ergo non debet ut quis in civitate illustris auctoritate capitis credatur*. Nonne sunt ista *ἀνούστατα*, ac vero etiam talia e quibus opposita sententia non sine maxima veritatis specie deducatur? profecto quo deterius habetur schismatis malum, et ab ecclesiae indole naturaque alienius, eo consultum illi fuisse diligentius nemo non existimet. Jamvero quemadmodum certo rationis iudicio, experientiaeque suffragio illud esse indubitatum ostenditur quod Hieronymus ¹⁸ scribit, *ecclesiae salus in summi sacerdotis dignitate pendet, cui si non exsors quaedam et ab omnibus eminens tribuatur potestas, tot in ecclesia efficientur schismata quot sacerdotes*; ita ratione simul experientiaeque docemur, neque unitatem totius corporis obtineri posse, neque partium membrorumque schismata impediri, nisi conspicuum praesit caput, quod et partes iungat, et divisionum semina praefocet, factionumque incitamenta imperio et auctoritate compescat. Unde illud eiusdem Hieronymi ¹⁹ tritum quidem, sed tamen repetendum, *propterea inter duodecim unus eligitur, ut capite constituto, schismatis tollatur occasio*.

356. Quibus verbis admoneor ut a Turretino flagitem, quid tandem ipse de corinthiorum ecclesia censuerit. Carere ne illam proprio antistite, proprioque visibili capite idcirco debuisse, ne in Pauli reprehensionem offenderet, et in partes scissa divisaque videretur? si in hac ipse mente foret, quum Paulo,

¹⁷) Institutt. Theologg. Elenctic. Loco XVIII. q. XVI. §. X.

¹⁸) Dialog. con. Lucifer. n. 9.

¹⁹) Con. Jovin. lib. I. n. 26.

tum apostolis universis, historiaeque originum ecclesiasticarum adversa fronte repugnaret. Ac Paulo inprimis, utpote qui et ecclesiis ²⁰ capita praeposuerit, et praeposenda esse ²¹ mandarit. Apostolis deinde reliquis, de quibus Clemens fide sane dignissimus ²² testatur: „Apostoli nobis evangelizarunt a Domino Jesu Christo, Jesus Christus a Deo. Missus igitur est Christus a Deo, et apostoli a Christo, et factum est utrumque ordinatim ex voluntate Dei. Itaque acceptis mandatis, et certo persuasi per resurrectionem Domini nostri Jesu Christi, et in fide confirmati per verbum Dei cum sancti Spiritus plenitudine ac securitate, egressi sunt, annunciantes adventurum esse regnum Dei. Κατὰ χώρας οὖν καὶ πόλεις κηρύσσοντες, καθίστανον τὰς ἀπαρχὰς ²³ αὐτῶν, δοκιμάσαντες τῷ πνεύματι, εἰς ἐπισκόπους καὶ διακόνους τῶν μελλόντων πιστεύειν. Praedicantes igitur per regiones ac urbes, primitias earum, spiritu cum probassent, in episcopos et diaconos eorum qui credituri erant, constituerunt.“ Tum historiae repugnaret originum ecclesiasticarum, quam idem Clemens ²⁴ his verbis enarrat: „Καὶ οἱ ἀπόστολοι ἡμῶν ἔγνωσαν διὰ τοῦ κυρίου ἡμῶν Ἰησοῦ Χριστοῦ, ὅτι ἔρις ἔσται ἐπὶ τοῦ ὀνόματος τῆς ἐπισκοπῆς· διὰ ταύτην οὖν τὴν αἰτίαν πρόβνωσην εἰληφόρες τελείαν, κατέστησαν τοὺς προειρημένους, καὶ μεταξὺ ἐπινομήν ²⁵ δεδώκασιν, ὅπως ἐὰν κοιμηθῶσιν, διαδεξῶνται ἕτεροι δεδοκιμασμένοι ἄνδρες τὴν λειτουργίαν αὐτῶν. Et apostoli nostri cognoverunt per Dominum nostrum Jesum Christum, quod futura esset contentio de nomine episcopatus: ob eam ergo causam, accepta perfecta praecognitione, constituerunt supra dictos, et deinceps futurae successionis regulam tradiderunt; ut cum illi decederent, publicum eorum munus alii probati viri exciperent.“ Reprehensio igitur Pauli, usurpataque ab eo verba non eo pertinent, ut vel singulae ecclesiae suis destitutae capitibus, vel universalis ecclesia suo privata oecumenico, conspicuoque capite censeantur.

357. Quo igitur pertinent? si mihi id esset unice propositum ut quae adversus Petri dignitatem obiiiciuntur, repellerem; possem illico breviterque respondere: non hanc esse quaestionem, neque de eo in praesentia agi, quaenam Pauli verbis germana insit sententia, sed utrum conspicui, supremique capitis auctoritas Petro asserta iisdem denegetur. Quoniam vero mihi inprimis destinatum est, veritati quo aptius possim consulere, sinceramque Scripturarum doctrinam suo in lumine collocare: tum etiam opportunis exemplis ostendere, in

²⁰) I. Tim. IV. 14.

²¹) Tit. I. 5.

²²) Epist. ad Corinth. §. XLII.

²³) Sicut proprie ἀπαρχή = יְרֵחַ

respondet יְרֵחַ adīpi, et metaphoricę, rei optimae.

²⁴) Epist. ad Corinth. §. XLIV.

apud alexandrinus Levit. XXIII. 10 — 17, et Deut. XXVI. 2. denotat *frugum primitias*; ita metaphoricę exprimit quidquid est in suo genere praestantissimum. Unde Num. XVIII. 12 — 29 — 30 — 32. ἀπαρχή

²⁵) De propria ἐπινομήs significatione pluribus egerunt Junius, Salmasius, Usse-rius, De Marca, Hammondus, Fellus, quorum coniecturas refert Clericus in amstelodamensi Apostolicorum Patrum editione.

mutuis catholicorum protestantiumque dissidiis usuvenire, ut hi utraque laborent caecitate; quam his verbis Tertullianus ²⁶ depingit, *caecitatis duae species facile concurrunt, ut qui non vident quae sunt, videre videantur quae non sunt*; dabo idcirco operam, ut de vera sinceraque Pauli interpretatione neque prudenter ambigi, neque iure dubitari possit.

Quem in finem duas esse *προληπτικῶς* explanandas quaestiones intelligo, quarum prior haec est: *utrum Pauli, Apollonii, Cephae, Christique nomina* ²⁷ *speciminis solum gratiā et κατὰ μετασχηματισμόν, an contra propria obviaque significatione adhibeantur.* De qua quidem ita Chrysostomus ²⁸ statuit: „Καίτοιγε οὐδὲ περὶ ἑαυτοῦ, οὐδὲ περὶ Πέτρου, οὐδὲ περὶ Ἀπολλῶ ἔλεγον, ἀλλὰ δείκνυσιν, ὅτι εἰ τούτοις ἐπερείδεσθαι οὐ χρῆ, πολλῷ μᾶλλον ἑτέροις. ὅτι γὰρ οὔτε περὶ αὐτῶν ἔλεγον, προῖόν φησι· ταῦτα δὲ μετεσχημάτισα εἰς ἑμαυτὸν καὶ Ἀπολλῶ, ἵνα ἐν ἡμῖν μάθῃτε τὸ μὴ ὑπὲρ ὃ γέγραπται, φρονεῖν. Εἰ γὰρ Παύλου καὶ Ἀπολλῶ καὶ Κηφᾶ οὐκ ἔχρη ἐπιφρημίζειν ἑαυτοῖς τὰ ὀνόματα, πολλῷ μᾶλλον ἑτέρων. εἰ τὸν διδάσκαλον, καὶ πρῶτον τῶν ἀποστόλων, καὶ τοσοῦτον κατηχήσαντα δῆμον, οὐκ ἔχρη ἐπιγράφεσθαι, πολλῷ μᾶλλον τοὺς οὐδὲν ὄντας. Μεθ' ὑπερβολῆς τοίνυν ἀπαγαγὼν αὐτοὺς τοῦ νοσήματος, σπεύδων ταῦτα τίθῃσι τὰ ὀνόματα· ἄλλως δέ, καὶ ἀνεπαχθέστερον ποιεῖ τὸν λόγον, οὐκ ὀνομαστὶ μεμνημένος τῶν διατεμνόντων τὴν ἐκκλησίαν, ἀλλ' ὥσπερ τισὶ προσώποις ²⁹ ταῖς τῶν ἀποστόλων προσηγορίαις κρύπτων αὐτούς. Atqui nec de seipso, nec de Petro, nec de Apollo dicebant; sed ostendit, quod si his innitendum non est, multo minus aliis. Quod autem non de his dicerent, infra ³⁰ significat: *haec autem transfiguravi in me et Apollo, ut in nobis discatis non supra id quod scriptum sapere.* Quod si Pauli, Apollo et Cephae non oportebat sibi nomina adscribere, multo minus aliorum. Si doctorem et primum apostolorum, qui tantum instituerat populum, non oportebat sibi adscribere, multo minus eos qui nihil erant. Cum hyperbole itaque illos a morbo abducens, festinans haec nomina ponit. Alioquin vero minus molestam orationem reddit, non nominatim recensens eos qui scindebant ecclesiam, sed quasi larvis quibusdam apostolorum nominibus ipsos obtegens.“

358. Sed pluribus impediōr quominus hanc interpretationem amplectar.

²⁶) Apologet. cap. X.

²⁷) „Sunt, iique sat multi, scribit Julius Pott in Proleg. ad epist. I. ad Corinthios, §. IV, qui Paulum nomina illa tantum usurpasse existiment ad denotandos homines alios, unde factiones Corinthi nomina vere traxissent. Argumento inprimis utuntur, quod Paulus cap. IV. 6. subiecerit haec: *Ταῦτα μετεσχημάτισα εἰς ἑμαυτὸν, καὶ εἰς Ἀπολλῶ*, ita ut Paulus priori loco (I. 12.) enuntiando nil aliud significare

voluerit, quam esse Corinthi sectas, quae a coryphaeis nomina gerant, *perinde ac si corinthiorum alius magistri alius, ex. gr. Pauli, Apollo, Kephae, et vel ipsius Christi, spretis reliquis, discipulum se profiteri velit.*“

²⁸) In epist. I. ad Corinth. hom. III. n. 1.

²⁹) Ita quidem legit Montfauconius, sed Savilius legendum censuit *προσωπεύεις*.

³⁰) I. Cor. IV. 6.

Etenim verba ipsa, seriesque orationis nihil continent, quo coniectura suspicio-
que de figurata nominum acceptione confirmetur. Immo quae Paulus continuo ³¹
addit, *μη Παῦλος ἐσταυρώθη ὑπὲρ ὑμῶν; ἢ εἰς τὸ ὄνομα Παύλου ἐβαπτί-
σθητε*; comparata sic sunt, ut Pauli nomen proprie acceptum demonstrent. Quod
autem de acceptione nominis Pauli dicitur, id de nominibus Apollonii, Cephae
atque Christi repetendum est. Praeterea ³² quis sibi persuadeat, ipsum *Christi*
nomen, divinum plane ac sanctissimum, a Paulo usurpatum, ut vera sectae fa-
ctionisque appellatio tegeretur? Neque illud verisimilius, nonnisi capite quarto,
prolixaque disputatione interiecta declarasse Paulum, producta in medium nomina
non proprie sed figurate intelligi oportere.

Quid quod ea ipsa collatione locorum, qua figuratam nominum acceptionem
probare alii contendunt, eadem proprie adhibita demonstrantur? atqui sic omnino
se res habet. „Etenim, inquit ³³ Pott, si *Paulus proprie et Apollo* cap. IV. 6.
certorum hominum imago esse debebant, cur cap. III. 22. praeter illa duo etiam
Kephae nomen appellatur? sin hoc quoque capite, quemadmodum capite I. 12.
non suo tantum et Apollo, sed *Kephae* etiam nomine figurate uti voluit, cur
verbis cap. IV. 6, *ταῦτα μετεσχημάτισα εἰς ἑμαυτὸν καὶ εἰς Ἀπολλῶ*, neglexit
addere, *καὶ εἰς Κηφᾶν*? Quae cum ita sint, statuendum esse videtur: locum
illum cap. IV. 6. *τοῦ μετασχηματισμοῦ εἰς Παῦλον καὶ εἰς Ἀπολλῶ* mentionem
iniicientem, non tam proxime pertinere ad caput primum, principumque sectarum
quaternionem ³⁴ ibi commemoratum, quam ³⁵ ad locum III. 4—IV. 5, apo-
stolumque cap. I. 12. sectarum tantum nomina, principesque enumerasse, id
quod alicubi, et rectissime in initio totius de sectis disputationis, fieri debebat;
capitibus vero III. 4. et IV. 5. id egisse ut demonstraret, quam vanum esset
gloriolae insigne a celebri principis alicuius sectae nomine in se translato mu-
tuatum, quam tamen demonstrationem apostolus, licet ad omnes sectas, sectarumque
coryphaeos omnino pertineret, pro urbanitate sua ad se atque Apollo
solos transtulisse, ideoque per *μετασχηματισμὸν* quemdam, qui ex dictis latens
aliquid erui vult (sic), ita enuntiasse putandus est, ut et *Kephae* et *Christi* ³⁶
sectae facile perducerentur ad inveniendum, quod non diserte enuntiare, sed
ab ipsis per ratiocinationem accipi, et ad semetipsos transferri voluit apostolus.“

Denique propriam nominum acceptionem sua firmat auctoritate Clemens in

³¹) I. Cor. I. 13. seqq. Hoc argumento
utitur Pareus, monetque nullam fingi causam
posse, quamobrem Paulus sibi gratularetur,
paucissimos dumtaxat a se fuisse
baptismate ablutos, si nemo ipsum cupi-
dius sectaretur, sed alium nescio quem
larva proprii nominis celatum.

³²) Cf. Vitrinae Observatt. Sacr. lib. III.
cap. XXI. §. II.

³³) Proleg. in epist. I. ad Corinth.
§. IV.

³⁴) Dicendum esse *ternionem* ex iis
constabit quae mox addentur.

³⁵) Sane cap. III. 4. non minus quam
cap. IV. 6. de Paulo dumtaxat ac Apollo-
nio sermo est.

³⁶) Nihil hac denominatione durius,
sed nihil etiam falsum magis, uti mox in-
notescet.

litteris ad eosdem corinthios datis ³⁷, inquires: „*Ἀναλάβετε τὴν ἐπιστολὴν τοῦ μακαρίου Παύλου τοῦ ἀποστόλου. Τί πρῶτον ὑμῖν ἐν ἀρχῇ τοῦ ³⁸ εὐαγγελίου ἔγραψεν; ἐπ' ἀληθείας πνευματικῶς ἐπέστειλεν ὑμῖν, περὶ αὐτοῦ τε, καὶ Κηφᾶ, καὶ Ἀπολλῶ, διὰ τὸ καὶ τότε προσκλίσεις ὑμᾶς πεποιῆσθαι. Ἄλλ' ἢ προσκλίσεις ἐκείνη ἦττον ἁμαρτιᾷ ὑμῖν προσήνεγκεν. προσελίθητε γὰρ ἀποστόλοις ³⁹ μεμαρτυρημένοις, καὶ ἀνδρὶ δεδοκιμασμένῳ παρ' αὐτοῖς. Νυνὶ δὲ κατανοήσατε, τίνες ὑμᾶς διέστρεψαν, καὶ τὸ σεμνὸν τῆς περιβοήτου φιλαδελφίας ὑμῶν ἐμείωσαν.* Sumite epistolam beati Pauli apostoli. Quid primum vobis in principio evangelii scripsit? profecto in Spiritu ad vos litteras dedit, de seipso, et Cepha, et Apollo, quia etiam tum diversa in studia scissi eratis. Sed varia illa animorum inclinatio minus peccatum vobis intulit: propendebatis enim in apostolos testatae sanctitatis, et in virum ab illis probatum. Nunc vero quoniam sint qui vos perverterint, et nominatissimi vestri fraterni amoris imminuerint decus, animadvertite.“

359. Hoc expedito nodo, alter, isque non multo implexior solvendus antea est, quam ipsa interpretatio proponatur. Quum enim Paulus ⁴⁰ universum corinthiorum coetum *in quatuor veluti classes* diribeat, e quibus tres priores designantur verbis, *ἐγὼ μὲν εἰμι Παύλου, ἐγὼ δὲ Ἀπολλῶ, ἐγὼ δὲ Κηφᾶ*: quarta vero et postrema eos complectebatur, quibus solemnis erat formula, *ἐγὼ δὲ Χριστοῦ*: merito quis petat, *an omnes ex aequo classes eodem numero haberi debeant, eaeque censi, quae indiscriminatim ab apostolo reprehendantur.*

Ac mihi sane certum est, tres priores classes secerni a quarta oportere, et illas quidem a Paulo notari ac reprehendi, hanc vero commendari ⁴¹ et veluti exemplar proponi quod omnes imitarentur. Enimvero quis putet notari eos potuisse, aut schismatis accusari, qui hanc tesseram praeserferrent, *ἐγὼ δὲ Χριστοῦ*? quid hac professione sanctius? quid vel ab umbra schismatis remotius? An ii schismatici, qui primum ⁴² Antiochiae *christianorum* nomen assumpsere? immo coniunctissimi, planeque digni qui eximiis laudibus celebrarentur. Atqui nullum hos inter illosque discrimen, quibus apud Paulum ⁴³ haec erat tessera,

³⁷) Epist. ad Corinth. §. XLVII.

³⁸) Videtur Clemens τοῦ εὐαγγελίου nomine ipsam Pauli epistolam designare. Sane Origenes ad Matth. XXI. 45. locum ex I. Cor. XII. 15, et Gregorius nyssenus ad Theophilum alexandrinum con. Apollinarem, textum ex I. Joh. V. 19. evangelii nomine appellant. Idem vero Origenes praefat. comm. in Johannem, et auctor Constitutt. Apostolic. lib. I. cap. V. evangelii titulo libros omnes N. T. complectuntur.

³⁹) Hoc Clementis testimonio videtur extra controversiam poni, Cepham a Paulo memoratum ipsum esse apostolorum principem Petrum.

⁴⁰) I. Cor. I. 12.

⁴¹) Idem quoque censuit Eichhornius, quem e recentioribus non pauci sectati sunt.

⁴²) Act. XI. 26.

⁴³) I. Cor. I. 12.

ἐγὼ δὲ Χριστοῦ. Praeterea quibus rationum momentis aut accusationem munit Paulus, aut obiurgationem amplificat? legantur quae pluribus exsequitur, et perspicue apparebit, inde ab eo argumenta peti; quod qui in partes factionesque discindebantur, hi ⁴⁴ Christum dividerent, cum fonte ⁴⁵ rivis confunderent, ministrisque deferrent quod sine piaculo alteri quam institutori adscribi non potest. Sed quid horum in illos cadit quibus haec erat publica solemnisque professio, ἐγὼ δὲ Χριστοῦ? et vicissim quid horum in eos adamussim non quadrat qui dictitabant, ἐγὼ μὲν εἰμι Παῦλον, ἐγὼ δὲ Ἀπολλώ, ἐγὼ δὲ Κηφᾶ? quamvis igitur illi cum his ⁴⁶ numerentur, haud tamen cum his similiter vituperantur.

Qua de re plenior etiam nobis persuasio erit si animadverterimus, non ultimum accusationis momentum inde ab apostolo repeti, quod factiosi corinthii ⁴⁷ non *in Domino, quemadmodum scriptum est, sed ἐν ἀνθρώποις gloriarentur*, ac ⁴⁸ εἰς ὑπὲρ τοῦ ἐνὸς alter adversus alterum κατὰ τοῦ ἐτέρου propter sectae suae principem superbiret. Quis porro haec, hisque similia ad eos transferre ausit, qui hoc veluti symbolo distinguebantur, ἐγὼ δὲ Χριστοῦ? an ii

⁴⁴) I. Cor. I. 13.

⁴⁵) Ibid. vv. 18—31, III. 5—15, IV. 1—7.

⁴⁶) Ne similis loquendi ratio, quae I. Cor. I. 12. adhibetur, ἐγὼ μὲν εἰμι Παῦλον, ἐγὼ δὲ Ἀπολλώ, ἐγὼ δὲ Κηφᾶ, ἐγὼ δὲ Χριστοῦ, difficultatem creet, animadverteri debet, aliud prorsus esse plures simul connumerari, ac aliud, omnes et singulos eodem numero censi. Profecto si dolendum esse scriberem, urbem Romam in factiones tam turpiter distrahi, quum alii e civibus dicant, *ego sum sterbinianus*, alii, *ego autem mazzinianus*, ac alii, *ego vero pianus*; miserrimam quidem urbis faciem depingerem, nullatenus vero *pianos* cum reliquis confunderem, aut reprehensione dignos, divisionisque reos significarem. Ab his autem licet *materia* discrepent quae scribit Paulus, cum iisdem tamen *forma, loquendique modo* consentiunt.

Paullo aliter nodum expedit Julius Pott in Proleg. §. IV. inquit: „Ex eo quod in proxime praecedentibus per idem illud, ἐγὼ δέ, ter adhibitum, sectae atque factiones significantur, nullo modo cogimur, ut

verba, ἐγὼ δὲ Χριστοῦ, (in quae insuper abit sectarum recensensus), et ipsa *ad sectam* referamus, cum quia Paulo forsitan vel corripiendae orationis causa veros Christi discipulos sic designare libuit, ne ipsi opus esset verborum plurium copia atque circuitu fere hoc: *superesse tamen iuxta sectas commemoratas, qui ab omni sectarum studio alieni, ex cuiusvis doctoris vere christiani institutione proficere studeant, quo pleniori iure ad solum Christum pertinere videantur*: quo quidem circuitu apostolus eo magis supersedere potuit, cum eos, ad quos scriberet, satis cognitum habere sciret, quomodo illud τοῦ Χριστοῦ εἶναι intelligi vellet; tum quia interrogati, cum quonam doctore facerent, se τοῦ Χριστοῦ εἶναι ingenue profiterentur ipsi, quia nec verius nec paucioribus verbis respondere poterant; tum quia fortassis ob id ipsum, vel augendi factionum numeri causa ab aliis male sedulis, οἱ Χριστοῦ vocari soliti erant, ut et ipsi sectae speciem praeserferrent.“

⁴⁷) I. Cor. III. 21.

⁴⁸) Ibid. IV. 6; ubi εἰς ὑπὲρ τοῦ ἐνὸς idem est ac, ἄλλος ὑπὲρ τοῦ ἄλλου, nimium ὑπὲρ ἀλλήλων.

gloriam *ex hominibus* captabant? an ab reliquis propter hominem, ducemque factionis dissidebant? Pauli igitur reprehensio ad eos non pertinet, qui quum illud in ore haberent, *ἐγὼ δὲ Χριστοῦ*, se a Christo christianos nuncupabant.

Quare quum denuo ⁴⁹ apostolus accusationem instaurat, eorum quidem meminit qui iactabant, *ἐγὼ μὲν εἰμι Παύλου*, *ἐγὼ δὲ Ἀπολλώ*: sed de iis prorsus silet qui se Christi assecclas profitebantur. Immo quum normam praefinit schismati oppositam, quamque omnes sequerentur, illorum caussam luculentissime statuit, quibus ratum id erat ut se a Christo nuncuparent. Principio ⁵⁰ repetit: *ὥστε μηδεὶς καυχόσθω ἐν ἀνθρώποις*, *nemo igitur in hominibus gloriatur*. Tum his verbis ⁵¹ rationem subiecit: *Πάντα γὰρ ὑμῶν ἐστιν, εἴτε Παῦλος, εἴτε Ἀπολλώ, εἴτε Κηρῶς . . . , πάντα ὑμῶν ἐστιν· ὑμεῖς δέ, Χριστοῦ. omnia enim vestra sunt, sive Paulus, sive Apollo, sive Cephas . . . , omnia omnino vestra sunt; vos autem estis Christi*. Qui ergo se Christi dicerent, qui hanc tesseram praesearerent, *ἐγὼ δὲ Χριστοῦ*, hi probi germanique erant discipuli, neque veritati minus quam Pauli praecepto obsequabantur.

360. Jamvero his, uti decebat, in antecessum constitutis, arduum non erit quae habet Paulus rite interpretari, idoneamque reperire caussam, qua factum est, ut nulla primatus, quo Cephas insignis erat, *diserta* ⁵² mentio iniiceretur. Sane ut ab interpretatione ordiar eorum quae Paulus scribit, is, accusatione ⁵³ proposita, eiusdem gravitatem, insitumque schismati flagitium continuo patefacit ⁵⁴, inquit: *Μεμέρισται* ⁵⁵ *ὁ Χριστός; μὴ Παῦλος ἐσταυρώθη ὑπὲρ ὑμῶν; ἢ εἰς τὸ ὄνομα Παύλου ἐβαπτίσθητε; an Christus* ⁵⁶ *divisus est*, ac prope multiplicatus ⁵⁷, adeo ut plures sint eius imperii, dignitatisque consortes? *μὴ κοινωνοὺς*, ita scholion apud Matthaei ⁵⁸, *ἔχει τῆς δεσποτείας καὶ τῆς ἐξου-*

⁴⁹) I. Cor. III. 3—4.

⁵⁰) Ibid. v. 21.

⁵¹) Ibid. v. 22—23. In hanc autem sententiam graeci latinique interpretes, Chrysostomus, Theodoritus, Ambrosiaster, Pelagius, aliique unanimes conveniunt.

⁵²) Mentionem enim aliquam factam esse, superius n. 148. comprobavimus.

⁵³) I. Cor. I. 12.

⁵⁴) Ibid. v. 13.

⁵⁵) Sunt, inquit Theodoritus, qui hoc incisum ἀποφαντικῶς enuntiative legendum esse arbitrantur; ego vero positum illud esse κατ' ἐρώτησιν per interrogationem existimo. Quod ex iis confirmat quae mox sequuntur, et confirmari denuo potest ex ea lectione, quam plures codices, pluresque versiones referunt, quaque particula

μὴ ad interrogationem evidentius significandam praemittitur verbo μεμέρισται.

⁵⁶) Meminit Theodoritus interpretum, qui Χριστὸν pro ἐκκλησίᾳ acciperent, verbaque Pauli sic redderent: *an ecclesia Christi, quae unicum est ac esse corpus debet, in partes scissa est?* Sed neque necessaria est huiusmodi interpretatio, neque satis cum contextu cohaeret.

⁵⁷) Quamquam μερίζειν proprie sit secare, dividere, adsignificat tamen πολλαπλασιάζειν, multiplicare.

⁵⁸) Hoc scholion e Theodorito desumptum est, qui scribit: Ὁ δὲ λέγει τοιοῦτόν ἐστι· μὴ κοινωνοὺς ἔχει τῆς δεσποτείας καὶ τῆς ἐξουσίας ὁ Χριστός, καὶ διὰ τοῦτο διήρηται, καὶ οἱ μὲν ἐξ αὐτοῦ καλεῖσθαι, οἱ δὲ ἐκ τοῦ δέιγος καὶ τοῦ δειγος; Quod

σίας ὁ Χριστός; *an pro vobis crucifixus est Paulus*, adeo ut illius morti salutem vestram debeatis? *an in Pauli nomine baptizati estis*, adeo ut illi per regenerationis sacramentum ⁵⁹ nomen adiunxeritis? Quae profecto omnia, ceu totidem absurda consecraria ex eo deducta, quod digladiantes inter se corinthii dicerent, ἐγὼ μὲν εἰμι Παύλου, ἐγὼ δὲ Ἀπολλώ, ἐγὼ δὲ Κηφᾶ, ostendunt, in eo totum esse Paulum, ut supremi Domini, Redemptoris, Auctorisque christianae religionis ἐξουσίαν Christo integram, nullaue sui parte imminutam asserat: tum vero inde schisma dimanasse, quod quae *Christi propria* sunt, eadem corinthii hominibus, Christique ministris adscriberent.

361. Utrumque porro ⁶⁰ confirmare pergit, atque eam esse docet ⁶¹ selectam divinitus οἰκονομίαν, qua ad salutem christianamque iustitiam perducere homines debent, ὅπως μὴ καυχῆσθαι πᾶσα σὰρξ ἐνώπιον ⁶² τοῦ Θεοῦ, *e qua existit* ⁶³ *ut nemo gloriatur in conspectu Dei*, sibiue, humanisque dotibus vindicare possit, quod uni Deo referri in acceptis debet. Etenim ⁶⁴ subdit: Ἐξ αὐτοῦ δὲ ὑμεῖς ἐστε ἐν Χριστῷ Ἰησοῦ, ὃς ἐγενήθη ἡμῖν σοφία ⁶⁵ ἀπὸ Θεοῦ, δικαιοσύνη τε καὶ ἁγιασμός καὶ ἀπολύτρωσις· ἵνα, καθὼς γέγραπται· ὁ καυχώμενος, ἐν κυρίῳ καυχάσθω. *Ex ipso Deo, et non ex hominibus vos estis in Christo Jesu*, adoptionem ⁶⁶ filiorum percepistis, membraue eius evasistis, *qui Deo sic omnia moderante, factus nobis est sapientia non humana et terrestris, sed divina et caelestis, et iustitia, et sanctificatio, et redemptio, adeo ut ratum sit quod scriptum* ⁶⁷ *est, qui gloriatur, in Domino* ⁶⁸ *gloriatur*, suamque

autem Paulus dicit, tale est: numquid domini et potestatis socios habet Christus, et propterea divisus est, atque alii quidem ab ipso, alii vero ab hoc et illo denominamini?

⁵⁹) Neque enim dubium est, quod pluribus Vitringa, Observatt. Sac. lib. III. cap. XXII, ostendit: formula, βαπτίζεσθαι εἰς τὸ ὄνομα τινος, significari, *initiatione per baptismum profiteri se discipulum aliquius.*

⁶⁰) I. Cor. I. 14—29.

⁶¹) Ibid. v. 29.

⁶²) Vulgatus pro τοῦ Θεοῦ legit αὐτοῦ, quae lectio neque codicum, neque patrum, neque aliarum versionum auctoritate destituitur.

⁶³) Particula enim ὅπως, ut Suidas ait, non est αἰτίας δηλωτική, ἀλλ' ἐκβάσεως, notatque, *adeo ut, διὰ τούτου.*

⁶⁴) I. Cor. I. 30—31.

⁶⁵) Formula σοφία ἀπὸ Θεοῦ, reddi potest, quum σοφία ἀπὸ Θεοῦ δοθεῖσα, sapientia non humana, sed caelestis et a Deo donata, tum σοφία θεία, idest, divina, utpote a Deo Patre genita.

⁶⁶) Scite Theodoritus: „*Ex ipso dicit, οὐ κατὰ τὸν δημιουργίας λόγον, ἀλλὰ κατὰ τὸν τῆς σωτηρίας, non ratione creationis, sed ratione datae salutis. Quicumque enim, inquit Joh. I. 12, eum receperunt, dedit eis ἐξουσίαν τέκνα Θεοῦ γενέσθαι. Generationis autem modum etiam ostendit, cum dicit, in Christo Jesu. Non enim ab hoc vel illo denominati estis, sed per Christum regeneratione digni estis habiti.*“

⁶⁷) Sunt haec ex iis *compendio* quoddam decerpta quae habentur Jerem. IX. 23—24, et quoddam veluti *generale axioma* praeseferunt.

⁶⁸) Non iis admodum obstiterim, qui κυρίου nomine non Χριστὸν Ἰησοῦν, sed τὸν Θεὸν intelligent.

gloriam collocet non in Paulo, Apollonio, Cepha, sed in uno Christo Jesu, e quo bona omnia nostra proficiscuntur.

362. Quibus ea rursus confirmantur quae monuimus, eo spectare Paulum, ut inanem fidelibus interdicat gloriationem quam ex hominibus mutuabatur; illos ad Christum supremum Dominum, Redemptorem, Auctorem christianae oeconomiae, fontemque totius sapientiae, sanctitatisque revocet; caussamque aperiat conflati schismatis sane deterrimam, neque aliunde arcessendam, quam e praepostera eorum confusione, quae domino, quaeque servis, ministrisque tribui debent.

Quam confusionem ut e suis radicibus convellat, interrogando ⁶⁹ petit: *Τίς οὖν ἐστὶ Παῦλος, τίς* ⁷⁰ *Ἀπολλῶς; quis igitur est Paulus, quis Apollonius?* ac e vestigio ⁷¹ reponit, *ἀλλ' ἡ* ⁷² *διάκονοι, δι' ὧν ἐπιστεύσατε; nisi ministri, per quos credidistis*, et quorum studiis christianam religionem amplexi estis? Neque sint qui opponant, inter ipsos evangelii doctores, veritatisque magistros alios aliis sapientia, eloquentia, ac eorum quae tradunt sublimitate praestare. Etenim neque idcirco *e ministrorum classe* eximuntur, neque tam illis tribuendum id est, quam Domino cui famulantur, quum singuli eam obeant ministerii partem, quam *ἐκάστῳ ὁ κύριος ἔδωκεν, unicuique Dominus dedit*, explendamque commisit. En ⁷³, *ἐγὼ ἐφύτευσα, Ἀπολλῶς ἐπότισεν, ἀλλ' ὁ θεὸς ἠῤῥξανε, ego plantavi*, semina ieci, vosque christianae institutionis elementis imbui, *Apollonius irrigavit*, iactumque a me semen excoluit, elementaque uberiori explicatione cumulavit, *sed Deus incrementum largitus est*, effecitque ne utriusque curae in irritum cederent. Quare ⁷⁴ *οὔτε ὁ φυτεύων ἐστὶ τι, οὔτε ὁ ποτίζων, ἀλλ' ὁ ἀυξάνων θεός, neque* ⁷⁵ *magni aliquid est qui plantat*, institutionemque orditur, *neque qui rigat*, inchoatamque institutionem promovet, *sed magnus est Deus qui incrementum largitur*; unde neque in eo gloriandum est qui opus auspicatur, neque in eo qui inceptum iuvat, sed in Deo qui utriusque curas fortunat.

363. Quantopere autem a praescripto rationis ea gloriatio abhorreat, quae

⁶⁹) I. Cor. III. 5. al. 4.

⁷⁰) Utroque in loco plures codices habent τί pro τίς.

⁷¹) I. Cor. III. 5.

⁷²) Hae particulae videntur subditiuae, ac revera desunt in pluribus codicibus, et versionibus, ipsaque Vulgata, quae post vocem, διάκονοι, interserit eius, idest, Dei.

⁷³) I. Cor. III. 6; ad quem locum sic habet Theodorus: Ἐγὼ ἐφύτευσα. πρῶτος γὰρ ὑμῖν ἐκήρυξα. Ἀπολλῶς ἐπότισεν. μετ' ἐμὲ τὴν ἐμὴν διδασκαλίαν ἐκράτουν.

Ἀλλ' ὁ θεὸς ἠῤῥξανε. τῆς γὰρ αὐτοῦ χάριτος τὸ κατόρθωμα. Ego plantavi. Primus enim vobis praedicavi. Apollo rigavit. Post me doctrinam confirmavit. Sed Deus incrementum dedit. Est enim eius gratiae quod res feliciter successit.

⁷⁴) I. Cor. III. 7.

⁷⁵) Quae heic adhibetur formula, οὔτε εἶναι τι, respondet praecedenti v. 5, τίς ἐστι; et non aliter accipi debet ac si diceretur, οὔτε εἶναι μέγα τι. Cf. Luc. VII. 49, Galat. II. 6, et Vigerum de Idiotismis Linguae Graecae, pag. 144. edit. Zeune.

humanis institutorum ornamentis innititur, inde etiam, addit Paulus ⁷⁶, erui potest, quod *ὁ φυτεύων δὲ καὶ ὁ ποτίζων ἐν εἰσιν· ἕκαστος δὲ τὸν ἴδιον μισθὸν λήπεται κατὰ τὸν ἴδιον κόπον*, et qui plantat et qui rigat, et qui incipit et qui progreditur, *unum sunt*, uni eidemque operi vacant, ac unum idemque ministerium implent, ea tamen lege, *ut quisque pro impenso labore*, pro pietate qua operi studuit, *propriam mercedem accipiat*, atque adeo dignitas quidem ministerii sit communis, merces vero cuiusque propria.

Utrumque deinde illustrat, ac alterum quidem a commate duodecimo usque ad sextum-decimum, primum vero continuo ⁷⁷ subdens: *Θεοῦ γὰρ ἐσμεν συνεργοί· Θεοῦ γεώργιον, Θεοῦ οἰκοδομὴ ἐστέ. Dei enim sumus cooperatores*, sive qui elementa tradimus, sive qui celsiora docemus. *Vos autem estis Dei ager*, quem omnes quotquot sumus ministri, sub Deo excolimus, *estis Dei aedificium*, ad quod exstruendum, expoliendumque operam nostram omnes conferimus. Sed quum quisquis ea perfungi debeat ministerii parte, quam ab agri aedificiique domino sortitus ⁷⁸ est ⁷⁹: *κατὰ τὴν χάριν τοῦ Θεοῦ τὴν δοθεῖσάν μοι, ὡς σοφὸς ἀρχιτέκτων, θεμελιὸν τέθεικα· ἄλλος δὲ ἐποικοδομεῖ*, ego *pro concessa mihi Dei gratia*, proque demandato mihi ⁸⁰ gentium apostolatu, *tamquam sapiens architectus*, peritusque christianae institutionis doctor, *fundamentum posui* illius aedificii, quod Dei οἰκοδομὴ est, *alter vero superaedificat*, quaeque ego delineavi, excitat atque perficit.

Sed quod nominat christianae doctrinae fundamentum? ac unde christianam institutionem inchoavit? Id primum ex ipsa rei natura coniici potest; fundamentum enim christianae institutionis idem plane est ac princeps caput, quo christiana doctrina distinguitur, et ad quod universa revocatur. Hoc vero est, Jesum esse Christum, Messiam Domini, per quem iudaei pariter gentilesque salute potirentur. Ex iis deinde statui potest, quae apostolus praemisit, et quibus declaravit, quidnam potissimum corinthiis praedicaverit. Jamvero haec omnino sunt quae ⁸¹ praemisit: *Οὐ ... ἔκρινά ⁸² τι εἶδέναι ἐν ὑμῖν, εἰ μὴ Ἰησοῦν Χριστόν, καὶ τοῦτον ἐσταυρωμένον. decrevi nullius ⁸³ apud vos rei cognitionem profiteri, quam Jesu Christi, et huius crucifixi.*

⁷⁶) I. Cor. III. 8—9.

⁷⁷) Ibid. v. 9.

⁷⁸) Ibid. v. 6.

⁷⁹) Ibid. v. 10.

⁸⁰) Gratia, cuius heic meminit, est Rom. XII. 3—6, Gal. II. 9, Ephes. III. 2. *ἀποστολὴ ἐκ χάριτος τοῦ Θεοῦ δοθεῖσά μοι.*

⁸¹) I. Cor. II. 2.

⁸²) In vulgatis editionibus legimus, *οὐ ἔκρινά τοῦ εἶδέναι τι* Sed legendum esse, *οὐ ... ἔκρινά τι εἶδέναι ...*,

Griesbachius et Vaterus demonstrasse videntur.

⁸³) Particula *οὐ* potest iungi vel cum *ἔκρινά*, ut sensus sit, *non iudicavi, operae pretium non putavi*; vel cum pronomine *τι*, ac si scriptum esset, *ἔκρινά γὰρ οὐ τι εἶδέναι*, *mihi proposui et apud me ratum habui nullam profiteri notitiam.* Quanam vero *σχέσις* praeferenda sit, Pauli *σκοπὸς* ostendit, cum quo posterior longe praeclarius consentit.

Quamquam vix opus his esse videtur, quum Paulus illico tradat ⁸⁴ quod iecerit christianae institutionis fundamentum, inquit: *Θεμέλιον γὰρ ἄλλον οὐδεὶς δύναται θεῖναι παρὰ τὸν κείμενον, ὃς ἐστίν· Ἰησοῦς Χριστός· fundamentum namque aliud, neque aliud christianae doctrinae supremum caput ponere ac veluti praestruere quispiam ⁸⁵ potest, praeter illud quod a me tamquam perito architecto positum est, et super quod aedificari debet, quod fundamentum, princepsque doctrinae caput est, contineturque hac fidei professione: *Jesus Messia*, nimirum, Jesus est semen illud benedictum, quod promissum patribus, in mundum tandem venit, ac nobiscum versatum morte quam pertulit universo hominum generi vitam, salutemque comparavit.*

364. Cui interpretationi ⁸⁶, ut mihi quidem videtur, perspicue suffragantur series, ductusque sermonis: ratio apostolicae institutionis quam in suis commentariis Lucas describit, quaeque eo redibat, ut Jesus licet cruci affixus, Messias tamen, divinusque Deum inter ac homines mediator crederetur: tum quae Johannes ⁸⁷ prorsus gemina tradit, ὃς ἂν ὁμολογήσῃ, ὅτι Ἰησοῦς ἐστίν ὁ υἱὸς τοῦ θεοῦ ⁸⁸, ὁ θεὸς ἐν αὐτῷ μένει, καὶ αὐτὸς ἐν τῷ θεῷ, et ⁸⁹ rursum, πᾶς ὁ πιστεύων, ὅτι Ἰησοῦς ἐστίν ὁ Χριστός, ἐκ τοῦ θεοῦ γεγέννηται: ac postremo veterum commentarii, Ambrosiastri inprimis, Pelagii, Chrysostomi ac Theodoriti, cuius ista sunt verba: „Ἐποικοδομεῖν δεῖ, οὐ θεμέλια καταβάλλειν. ἄλλον γὰρ θεμέλιον καταβάλλειν ἀδύνατον τὸν ἐπιστημόνως οἰκοδομῆσαι βουλόμενον. Τοῦτον καὶ ὁ μακάριος Πέτρος τέθεικε τὸν θεμέλιον, μᾶλλον δὲ αὐτὸς ὁ δεσπότης. Πέτρου γὰρ εἰρηκότος, σὺ εἶ ὁ Χριστὸς ὁ υἱὸς τοῦ θεοῦ τοῦ ζῶντος, ὁ κύριος εἶπεν, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν. Μὴ τοίνυν ἐξ ἀνθρώπων ἐαντοὺς ὀνομάζετε· Χριστὸς γάρ ἐστιν ὁ θεμέλιος.

⁸⁴) I. Cor. III. 11. Non desunt codices, in quibus articulus ὁ ante Χριστὸς praemittitur: neque desunt codices, patresque qui ad augendam sententiae vim terminos invertunt, *praedicatumque subiecto* antepponentes legunt, Χριστὸς Ἰησοῦς. Porro nomen Ἰησοῦς non ad verbum ἐστίν referri, sed ad Χριστὸν pertinere, mihi est omnino persuasissimum, atque adeo arbitrator, formulam, Ἰησοῦς Χριστός, huic aequipollere, Ἰησοῦν εἶναι Χριστόν.

⁸⁵) Jure scilicet, adeo ut οὐδεὶς δύναται idem valeat ac, οὐδενὶ ἔξεστι, *fas nemini est*.

⁸⁶) Qua semel probata, nihil evidentius quam inania esse quaecumque omnia adversus Petri dignitatem, qua est, dicunturque πέτρα τῆς ἐκκλησίας, eo nomine

opponuntur, quod Paulus hanc ἐξουσίαν uni Christo vindicaverit. Etenim a) Petrus est πέτρα, ecclesiaeque fundamentum *iure ac potestate regendi, tuendaeque unitatis*; at vero b) Christus a Paulo θεμέλιος dicitur christianae institutionis, quia princeps fidei nostrae articulus, cui reliqui innituntur, et e quo christiana professio nomen, formamque mutuatur, hac propositione continetur, Ἰησοῦς ἐστίν ὁ Χριστός.

⁸⁷) I. Joh. IV. 15.

⁸⁸) His verbis contineri periphrasin τοῦ Χριστοῦ, patet ex altero quod subiicimus testimonio, itemque ex insigni Petri confessione, Matth. XVI. 16: Σὺ εἶ ὁ Χριστὸς, ὁ υἱὸς τοῦ θεοῦ τοῦ ζῶντος.

⁸⁹) I. Joh. V. 1.

Oportet supraedificare, non fundamenta iacere. Neque enim aliud potest iacere fundamentum, qui vult sapienter aedificare. Hoc fundamentum iecit beatus Petrus, vel potius ipse Dominus. Cum enim dixisset Petrus, *tū es Christus filius Dei vivi*, dixit Dominus, *super*⁹⁰ *hanc petram aedificabo ecclesiam meam*. Ne vos ergo denominate ab hominibus: Christus enim est fundamentum.“

365. Quibus innuitur vinculum, quo haec cum capite totius disputationis cohaerent. Si enim Christus est unicus Dominus, Redemptor, auctorque religionis: si universa doctrina ad ipsum, tamquam ad supremum verticem redigitur: si omnes tam qui plantant quam qui rigant, tam qui fundamentum iaciunt quam qui supraedificant, sunt *διάκονοι, δι' ὧν ἐπιστεύσατε*, illiusque *συνεργοὶ* qui est *τοῦ γεωργίου καὶ τῆς οἰκοδομῆς* unicus dominus; manifestum est neque ab iis sumi nomen posse, neque eos veluti duces, principesque factionum haberi.

Quod postremo⁹¹ inculcans atque confirmans, ait: *Itaque μηδεὶς καυχάσθω ἐν ἀνθρώποις, nemo in hominibus gloriatur*, vanaque ex iis nomina caplet. Cur nam vero? quod *πάντα ὑμῶν ἐστίν, omnia vestra sunt*, tam homines ac ministri a Deo propterea electi ut vestris utilitatibus consulant, quam quaecumque sunt reliqua, quum⁹² *omnia τοῖς ἀγαπῶσι τὸν Θεὸν συνεργεῖ εἰς τὸ ἀγαθόν*. Proindeque vestra sunt et ad vos⁹³ pertinent *εἴτε Παῦλος, εἴτε Ἀπολλῶς, εἴτε Κηφᾶς, εἴτε κόσμος, εἴτε ζωή, εἴτε θάνατος, εἴτε ἐνεστῶτα, εἴτε μέλλοντα*. In summa, *πάντα ὑμῶν ἐστίν*, et⁹⁴ *πρὸς τὸν καταρτισμὸν τῶν ἀγίων*, Christo ordinante referuntur. Neque existimare idcirco debetis, sic omnia ad vos, vestramque utilitatem spectare, ut in vobis tandem consistant, et non altius sublimiusque conscendant. Etenim sic omnia vestra sunt, ut vos vicissim sitis *Χριστοῦ*. *Χριστὸς δέ, Θεοῦ, Christi, Christus autem, Dei*. Quo fit ut catena ad Deum postremo assurgat, profectique ex eo annuli in eum rursum necessario veluti reditu colligantur. Quemadmodum enim a Deo, tamquam inexhausto quodam fonte per Christum mediatorem, perque datos ab eo ministros omnia ad vos bona, omnisque iustitia, sapientiaque permanarunt, adeo ut communione bonitatis, iustitiae, sapientiaeque divinae boni, iusti, sapientesque merito videamini; ita rivuli tandem omnes suam repetunt originem, insitoque motu ad suum caput, principiumque referuntur.

366. Quae profecto eiusmodi sunt, ut intelligere quisque debeat, cur Paulus neque eximiam Cephae dignitatem diserte memoraverit, neque verò tulerit, ut suum a Cepha nomen corinthii mutuarentur. Dignitatem enim auctoritatemque contemplabatur, quae propria est *Domini*, quae *institutori religionis* convenit, quae *Redemptori* debetur, quaeque illi tribuenda est, qui una cum Deo Patre non minus *principium* sit bonorum omnium, quibus fideles locupletantur, quam *finis*, propter quem omnia, ipsique fideles et sunt, et ad subli-

⁹⁰) Sunt haec eo sensu adhibita, quem *accommodatum* nominant, ac propterea ab orationis serie, ductuque avulsa considerantur.

⁹¹) I. Cor. III. 21.

⁹²) Rom. VIII. 28.

⁹³) I. Cor. III. 22 — 23.

⁹⁴) Ephes. IV. 12.

miorem perfectionis gradum in dies provehuntur. Paucis, dignitatem auctoritatemque contemplabatur illius, qui ⁹⁵ ἐγενήθη ἡμῶν σοφία ἀπὸ Θεοῦ, δικαιοσύνη τε καὶ ἀγιασμός καὶ ἀπολύτρωσις, qui ⁹⁶ incrementum largitur, qui ⁹⁷ est τοῦ γεωργίου καὶ τῆς οἰκοδομῆς dominus, in quo ⁹⁸ solum fas est gloriari, quique unus affirmare ⁹⁹ de semetipso vere potest, ἐγὼ εἰμι τὸ Α καὶ τὸ Ω. Quibus, Tertulliano ¹⁰⁰ interprete, sic duas Graeciae litteras summam et ultimam sibi induit Dominus, initii et finis concurrentium in se figuras; uti quemadmodum Α ad Ω usque evoluitur, et rursus Ω ad Α replicatur, ita ostenderet, in se esse et initii decursum ad finem, et finis recursum ad initium; ut omnis dispositio in eum desinens per quem coepta est, per Sermonem scilicet Dei, qui caro factus est, proinde desit quemadmodum et coepit.

Jamvero quaecumque foret Cephae dignitas, quaecumque auctoritas, ea ministri dignitas erat non domini, et auctoritas legati non institutoris ac regis: deque ipso repeti debuit quod de omnibus omnino συνεργοῖς Paulus ¹⁰¹ proclamavit: Οὕτως ἡμᾶς λογιζέσθω ἄνθρωπος, ὡς ὑπηρέτας ¹⁰² Χριστοῦ καὶ οἰκονόμους ¹⁰³ μυστηρίων Θεοῦ. sic nos existimet homo, atque hoc potius ¹⁰⁴ modo de nobis quisque iudicet, rationesque ¹⁰⁵ subducatur, ut nos habeat veluti ministros Christi, et dispensatores mysteriorum Dei, quae quum hactenus impervia ¹⁰⁶ hominibus fuerint, per Christum lumen Patris, nostroque ministerio eisdem innotuere.

⁹⁵) I. Cor. I. 30.

⁹⁶) Ibid. III. 7.

⁹⁷) Ibid. v. 12.

⁹⁸) Ibid. I. 31.

⁹⁹) Apoc. I. 8—11, XXI. 6, XXII. 13.

¹⁰⁰) De Monogam. cap. V.

¹⁰¹) I. Cor. IV. 1. Quibus verbis hunc Theodoritus commentarium subiicit: Ὁ τιμῆσαι βουλόμενος ἡμᾶς, ὡς ὑπηρέτας Χριστοῦ τιμάτω, ὡς οἰκονόμους αἰδεῖσθω, μετρίτω τῇ φύσει τὸ γέρας. Qui vult nos honorare, honoret ut Christi ministros, revereatur ut dispensatores, honorem naturae metiatur.

¹⁰²) Quamquam ὑπηρέται Χριστοῦ ex usu loquendi idem plane sint ac δοῦλοι Χριστοῦ, Jacob. I. 1, ὑπηρέται τοῦ λόγου, Luc. I. 2, διάκονοι, δι' ὧν πιστεύομεν, I. Cor. III. 5, et ὑπηρέται τῆς βασιλείας τοῦ Θεοῦ, Sap. VI. 4; proprie tamen ac ἀμέσως significant subremiges, ἀπὸ τοῦ

ἔρω, ἐρέω, ἐρέσσω, remigo, ecclesiamque solemniter apud christianos scriptores navis imagine repraesentant, cuius princeps ναύκληρος est Christus, reliqui autem omnes per gradus discreti ὑπηρέται atque subremiges.

¹⁰³) Alia heic eaque frequentissima imagine ecclesia instar domus exhibetur, cuius paterfamilias Christus, quamque reliqui omnes, veluti οἰκονόμοι maiori minorive auctoritate praediti administrant.

¹⁰⁴) Hanc subintelligendam esse comparisonem, correctionemve antecedentia ostendunt.

¹⁰⁵) His nativam reddimus potestatem τοῦ λογίζεσθαι, quod de iis proprie usurpatur, qui subducto calculo rationes conficiunt.

¹⁰⁶) De notione rei, doctrinaeve sacrae, imperviae, seclusae, quae τοῦ μυστηρίου nomini subest, pluribus egit Casaubonus in Exercit. Anti-Baronian. XVI.

367. Ex his autem duae oboriuntur quaestiones, quae quum enodari facile possint, praeteriri silentio non debent; praesertim quum utraque ad rem totam illustrandam non minimum conducatur, et posteriori non leviter protestantes abutantur. Primum vero de quo ambigitur, istud est: *an fides christiana, fides catholica esse dicique debeat fides Petri, fidesque romana*. Si enim, teste Paulo, integrum fidelibus non est suum a Cepha nomen desumere, videri consequens posset, neque fas esse, christianam catholicamque fidem *appositis fidei Petri, fideique romanae distinguere*. Sed quod consequens videri posset, id ipsum paullo inspectum intimius, plane falsum, et a veritate alienissimum deprehenditur. Quum enim christiana fides atque catholica, Petri fides romanaque nuncupatur, id intelligi duplici modo potest, quorum alter huc redit: fidem, qua christiani sumus, censemurque catholici *a Petro auctore* proficisci, ac e romana Petri cathedra *tamquam principe fonte* dimanare; alter vero est: eandem fidem ad Deum per Christum, eiusque Spiritum revolvi, illius autem *sincерum, authenticumque παράδειγμα* fide Petri, romanaque praedicatione contineri.

368. Jamvero quum prior acceptio praepostera sit, absurda, cum ipsa fidei ratione pugnans, et a Paulo luculentissime proscripta; posterior contra vera est, indubitata, et cum fidei analogia tam arcte connexa, ut nuda simplicique expositione comprobetur. Equis enim est Petrus, aut quae fides e romana Petri cathedra praedicata? nisi penitus ex animo exciderint quae hucusque ¹⁰⁷ demonstrata dedimus, Petrus est universalis ecclesiae magister ac doctor, totius dominicae familiae princeps oeconomus, qui officium confirmandi fratres accepit, auctoritatemque obtinuit, qua Christi ovile salutari doctrina et oecumenici pastoris nomine aleret atque gubernaret. Sed fieri ne potest, ut ecclesiae fides ab ea dissideat, quam universalis illius magister profitetur? ut dominica familia aliud credat quam quod princeps eiusdem oeconomus tradit? ut fratres aliud sentiant quam quod ab eo accipiunt qui illis confirmandis praepositus est? ut ovile denique alia sibi permissa pascua existimet, quam quae illi ab oecumenico pastore suggeruntur? Talia haec sunt quae nemini vera, nemini probabilia, nemini non apertissime falsa videantur. Ratio igitur et *authentici* sincerique paradigmatis virtus *per se* inest fidei Petri, quam omnes habere propositam debent, normaeque instar sequi, qua christianam catholicamque professionem ab hominum commentis, haereticorumque deliriis tuto secernant.

369. Et de hac quidem *normae* praestantia, quae fidei Petri, romanaeque cathedrae tribuenda sit, numquam orthodoxos patres dubitasse, luculentis eorundem suffragiis comprobatur. Non repetam quae superius ¹⁰⁸ e Cypriano descripsi, et e quibus constat phrases illi fuisse synonymas, *cum romana ecclesia* et *cum ecclesia catholica communicare*: neque repetam omnium ore celebratum

§. 43, eaque inductione locorum N. T. stabilitur, Ephes. I. 9, III. 3, IV. 9, VI. 19, Coloss. I. 26—27, II. 2, IV. 3, et I. Tim. III. 9.

¹⁰⁷) nn. 30. seqq., 49. seqq., 85. seqq., et 104. seqq.

¹⁰⁸) n. 346.

Ambrosii ¹⁰⁹ dictum, *ubi Petrus, ibi ecclesia*, e quo consequitur, ecclesiam non esse quae a Petri fide desciverit: tacitus item praeteribo quae de Satyro fratre idem narrat ¹¹⁰ Ambrosius, *advocasse illum ad se episcopum* regionis ad quam naufragio facto appulerat, *nec ullam veram putasse nisi verae fidei gratiam, percunctatumque ex eo esse, utrum cum episcopis catholicis, hoc est, cum romana sede* ¹¹¹ *conveniret*; sed initio *ἁγίον* memorabo auctore Hieronymo adhibendum, ut sincera fides atque catholica certissime dignoscatur. Sic ergo ille de Rufino ¹¹² scribit: „Fidem suam quam vocat? eamne qua *romana* pollet ecclesia, an illam quae in Origenis voluminibus continetur? *si romanam responderit, ergo catholici sumus.*“ Appositum ergo *romanae* tessera est atque *ἁγίον* fidei *catholicae*, adeo ut quae romana sit fides, eadem sit catholica, catholica vero esse non possit, quae vicissim non sit romana. Quare Theodosius iunior eodem habuit ¹¹³ numero *catholicam, romanamque religionem*; Fulgentius ¹¹⁴ vero ac ¹¹⁵ Hormisda *romanam fidem* per *ἐπεξήγῃσιν fidem apostolicam et catholicam* interpretati sunt.

370. Et quoniam Hormisdae memini, viderer mihi caussam prodere, nisi *formulam* in medium proferrem, quam Orientis episcopis antea probandam, subscribendamque praecepit, quam in consortium unius eiusdemque communionis, e qua propter acacianum schisma exciderant, Justino imperante reciperentur. Ea porro his omnino verbis ¹¹⁶ inchoabatur: „Prima salus est rectae fidei regulam custodire, et a patrum traditione nullatenus deviare; quia non potest Domini nostri Jesu Christi praetermitti sententia dicentis: *tu es Petrus, et super hanc petram aedificabo ecclesiam meam.* Haec quae dicta sunt, rerum probantur effectibus, quia in sede apostolica inviolabilis semper catholica custoditur religio. De hac igitur fide non cadere cupientes, et patrum sequentes in omnibus constituta, anathematizamus omnes haereses.“

¹⁰⁹) In Ps. L. n. 30.

¹¹⁰) In Orat. de ipsius obitu, n. 47.

¹¹¹) Formula est ista dicendi illi prorsus gemina, qua usus antea fuerat Irenaeus, scribens con. Haeres. lib. III. cap. III: *ad hanc enim ecclesiam propter potio-rem (al. potentio-rem) principalitatem necesse est omnem convenire ecclesiam, hoc est, eos qui sunt undique fideles.* Quot vero, quamque praepostera et absurda de subiecta illi significatione protestantes confinxerint, omnium uberrime patefecit Johannes Jacobus Griesbach in *Commentatione de potentiore ecclesiae romanae principalitate*, edita Jenae 1779.

¹¹²) Con. Rufinum, lib. I. n. 4.

¹¹³) In epist. ad Acacium, aliosque episcopos et anachoretas, recitata in ephe-sino concilio.

¹¹⁴) In epist. ad Joannem et Venerium, quam nomine episcoporum Africae in Sardinia exsulum conscripsit.

¹¹⁵) Epist. X. ad Avitum viennensem, et epist. LXX. ad Possessorem.

¹¹⁶) Refertur in epist. Johannis constantinopolitani ad Hormisdam, et habetur in T. V. Conciliorum. Eadem formula proposita fuit ab Hadriano I, et subscriptione episcoporum omnium concilii oecumenici VIII. comprobata. Cf. Muzzarelli opus, *De auctoritate Romani Pontificis*, T. II. pagg. 265. seqq. edit. Gandavi.

Statum videlicet erat Hormisdæ, statum Orientis episcopis, rectæ fidei regulam ab eo peti oportere, qui a Domino audierit, *tu es Petrus, et super hanc petram ædificabo ecclesiam meam*. Et merito sane quum neque sincera fides alia esse possit quam fides ecclesiæ veræ, neque alia ecclesia vera quam quæ Petro, super quem a Domino ædificata est, incumbat, et cum eo fidei professione conspiret. Praesertim quum divinam promissionem de invicta Petri stabilitate atque constantia sequuti effectus illustriorem reddiderint, historiaeque monimenta patefecerint, numquam aliam ex apostolica Petri cathedra profectam esse doctrinam, nisi quam caelestis Pater revelaverit.

Unde subditur: „Quapropter sequentes in omnibus sedem apostolicam, et *praedicamus* omnia quæ ab ipsa decreta sunt, et propterea spero in una communione vobiscum, quam apostolica sedes praedicat, me futurum, in qua est *integra religionis et perfecta soliditas*: promittentes in sequenti tempore sequestratos a communione ecclesiæ catholicae, *idest in omnibus non consentientes sedi apostolicae*, eorum nomina inter sacra non recitanda esse mysteria.“ Una igitur eademque censebatur esse *communio cum catholica ecclesia et cum apostolica Petri sede*, ad quam consequendam *ea erat omnibus*¹¹⁷ *præfinita conditio*, ut eandem sibi tenendam esse fidem scirent quam e sua cathedra Petrus praedicaret. Sed qui potuit eiusmodi conditio præfiniri, nisi traditæ a Petro fidei *vis ac regulæ potestas* unanimi orthodoxorum suffragio deferretur? deferretur igitur, et eo quidem modo quo nullus solemnior merito desiderari posse videatur.

In ipsis enim sanctissimis liturgiæ precibus hanc suam animi certissimam persuasionem manifestabant his Deum verbis¹¹⁸ exorantes: „Deus qui secundum

¹¹⁷) Cuius præfinitæ conditionis plura etque insignia in ecclesiastica historia occurrunt exempla. Non antea Hormisdas (epistt. VIII—IX.) Epiri praesules ad communionem admisit quam illi propositam fidei formulam receperant. Tandiu magnus Leo communionis litteras (epistt. LXIX—LXX—LXXI—CXI. edit. Ballerin.) Anatolio non reddidit, quamdiu ille in unam eandemque fidei regulam non consensit.

Quum autem Antiochiæ ex imperatoris lege adscribendæ illi ecclesiæ essent, qui suam cum Damaso societatem probaret, et hanc sibi societatem Paulinus et Apollinarius (apud Theodorum H. E. lib. V. cap. III.) contra Meletium assererent; Paulinum quidem his verbis alloquutus est Flavianus: *Εἰ τὴν Λαμιάσον, ὃ φιλότης,*

κοινωνίαν ἀσπάζῃ, ἐπίδειξον ἡμῖν σαφῶς τὴν τῶν δογμάτων συγγένειαν. Si Damasi communionem amplecteris, o amice, tuæ nobis et illius doctrinae cognitionem aperte demonstra. Tum ad Apollinarium conversus, sic eum compellavit: *demiror te, o amice, tam impudenter repugnare veritati, idque quum exploratum habeas, Damasum, perfectam a Deo Verbo adsumptam esse naturam nostram, profiteri*; *σὺ δὲ τὸναντίον λέγων διατελεῖς, tu vero contraria docere non desinis*. Cf. appendicem Garnerii ad notas Diurni ecclesiæ romanæ, cap. II. n. 24.

¹¹⁸) Habentur haec in vetustissimo sacramentario romanæ ecclesiæ edito a Blanchinio, recuso a Muratorio, et uberius a

promissionis tuae inviolabile constitutum apostolicae confessioni superna dignatione largiris, ut in veritatis tuae fundamine solidatae nulla mortiferae falsitatis iura praevaleant . . . , ipsaque sit sacri corporis ubique vera compago, *quae te dispensante devota subsequitur quidquid sedes illa censuerit, quam tenere voluisti totius ecclesiae principatum.*“ De qua fidei necessaria unitate accipi quoque ista ¹¹⁹ debent: „Deus qui ut hanc sedem regimen ecclesiae totius efficeret, et quod haec praedicasset, ostenderet ubique servandum.“ A quibus ne minimum quidem ea distant, quae de apostolica Petri cathedra *iure apostolici principatus* profitentur ¹²⁰, ut quae ex illa fides, quaeve traditio permanasset, *eam christianae devotionis sequeretur universitas, salubrique compendio* ¹²¹ *et hi, qui ab illorum tramite deviassent, haberentur* ¹²² *externi, et tantummodo filii veritatis existerent, qui a principali* ¹²³ *nullatenus traditione discederent.*

371. Expedita priori quaestione, alteram non meis, sed theologi calviniani verbis exponam, ut quisque evidentius perspiciat, quid de illa protestantes opinentur, et quantum illi inesse momenti sibi persuasisse videantur. Itaque ubi controversiam habet ¹²⁴ *de regimine ecclesiae*, atque hoc nominatim doctrinae caput expendit, *an regimen ecclesiae debeat esse monarchicum*, scribit Turretinus: „Si praeter Christum daretur aliquod aliud caput ecclesiae; ergo ecclesia *diceretur alterius corpus quam Christi*, ex perpetua relatione capitis et corporis. Sed hoc inauditum est in Scriptura, quae passim dicit ecclesiam esse *corpus Christi*, ut Christum vocat eius caput, Ephes. I. 20, et IV. 11—12, et V. 23. et Col. I. 18. Sed nusquam vocat ecclesiam corpus ¹²⁵ papae. Nec distinctio capitis principalis et ministerialis huic incommodo potest mederi. Quia praeterquam quod est falsa et ἀδύνατος, ut iam dictum, repugnans scilicet ana-

Balleriniis illustrato, in praefat. Missae XIV. pro die natali apostolorum Petri et Pauli.

¹¹⁹) Ibid. in praefat. Missae XX.

¹²⁰) Ibid. in praefat. Missae X.

¹²¹) Eadem mente Cyprianus in libro de unitate ecclesiae, pag. 76: „Hoc eo fit, fratres dilectissimi, dum ad veritatis originem non reditur, nec caput quaeritur, nec magistri caelestis doctrina servatur. Quae si quis consideret et examinet, tractatu longo atque argumentis opus non est. Probatio est ad fidem facilis *compendio veritatis.* Loquitur Dominus ad Petrum: *Ego dico tibi, quia tu es Petrus*“

¹²²) Tamquam ethnici scilicet et publicani; ethnici enim a Paulo I. Cor. V. 12. dicuntur οἱ ἔξω, opponunturque τοῖς ἔσω,

idest, τοῖς οἰκείοις τῆς πίστεως, Galat. VI. 10.

¹²³) Traditio *principalis* dicitur traditio cathedrae Petri, quia, ut Innocentius docet in litteris de caussa pelagiana ad carthaginiensem synodum datis, *ex ea, veluti de natali suo fonte aquae cunctae procedunt, et per diversas totius mundi regiones puri latices capitis incorrupti dimanant.*

¹²⁴) Institt. Theolog. Elenct. Loco XVIII. q. XVI. §. XII.

¹²⁵) Sed quorsum heic mentio *papae*, et incivilis illa ac rustica phrasis, *corpus papae*? an eadem ἀμέσως est quae de Petro, quaeque de romano praesule quaestio initur? sed necessarium Turretino fuit omnia turbare, ne lux splenderet.

logiae corporis humani, a quo metaphora desumpta est, est etiam inutilis: nam non obstat principalis et non principalis differentia, quominus in suo cuiusque rei genere agnoscatur reciprocatio. Quomodo vero posset dici caput ecclesiae ille qui potest esse ¹²⁶ reprobis et haereticus, atque adeo nec ipsius ecclesiae membrum? Quae interrogatione innuit, rem sibi adeo exploratam manifestamque videri, ut neque illam pluribus ornare verbis, neque validioribus stabilire argumentis, operae pretium esse censuerit. Ego vero efficiam ut omnes intellegant, quam male quae diversissima sunt Turretinus commiscuerit, fucum ea confusione lectoribus fecerit, sincerumque veritatis candorem obscurarit.

372. Igitur quae *simplex* prima fronte videtur quaestio, ea revera *multiplex* est, neque perducere ad liquidum potest, nisi quod *ex sese* ad formam spectat, rationemque loquendi in antecessum explanetur. Est autem huiusmodi: *an ecclesia, si praepositus illi* ¹²⁷ *Petrus credatur, possit aut debeat eiusdem Petri corpus nuncupari.* Ad quam enodandam quaestionem duplex nobis *ὑπόθεσις* suppetit, *externum* alterum, ac e divinis litteris, monumentisque christianis desumptum, alterum *internum* ac e rei ipsius qua de agitur natura profectum. Jamvero neutrum permittit, *sive ut ecclesia Petri corpus dicatur, sive ut haec dicendi forma cum doctrina de Petro conspicuo ecclesiae capite apta nexaque iudicetur.*

Sane integrum nobis non est pro arbitrio loqui, verborumque sanitas non tam nobis commendatur, quam ¹²⁸ serio graviterque praecipitur. Merito autem huius violatores legis haberemur, si ea qua de agimus formula, temere imprudenterque abuteremur. Ecquando enim vel in divinis litteris, vel in christianis monumentis, quae nobis instar normae sentiendi, loquendique praelucent, ecclesia dicitur *Petri corpus*? ne semel quidem. Interea neque in Scripturis desunt quae videri necessaria, opportunave possunt, ut Petrus universae ecclesiae praepositus, eiusque ¹²⁹ caput credatur: neque in christianis monumentis appellatio capitis Petro facta desideratur. Hoc enim titulo quum a patribus seorsum, tum a synodis ¹³⁰, iisque particularibus et oecumenicis non infrequenter ornatur. Quid igitur ex his iunctis simul copulatisque consequens esse arbitrabimur? illud principio, interdictam nobis esse formulam, qua ecclesia corpus Petri appellatur: illud deinde, Scripturarum auctoritate, patrum dictis, effatisque synodorum

¹²⁶) Videor mihi audire donatistam aliquem, et hominem certe audio ecclesiae quae invisibilis sit, vindicem et assertorem.

¹²⁷) Quamquam res sit certissima et hucusque demonstrata, compellor tamen *hypothetica* abuti loquutione, ne quid videar praesumpsisse.

¹²⁸) I. Tim. VI. 13, II. Tim. I. 13, et ad Tit. II. 1.

¹²⁹) nn. 38. seqq.

¹³⁰) n. 350. Hinc Act. II. ephesini concilii de patribus Caelestini iudicium adversus Nestorii haeresim comprobantibus dicitur, quod *sancta membra sancto se capiti adiunxerint*; factumque propterea sit quod Leo epist. XIV. al. XII. ad Anastasium thessalonicensem scribit, cap. X, *ut nihil usquam a suo capite dissideret.*

comprobari, nullo prorsus nexu cum doctrina, qua Petrus conspicuum ecclesiae caput creditur, formulam cohaerere qua ecclesia eiusdem corpus dicatur.

373. Quod multo apparebit evidentius, si ad *externum* quo usi sumus *κρητήριον*, *internum*, quaeque ex eo sua sponte dimanant, adiecerimus. Ut enim a vocabulis auspicer, quibus formula constat, quid, peto, venit *ecclesiae* nomine? corpus ne *ἀκέφαλον*, an satius corpus visibile, suoque visibili capite instructum? hanc superius ¹³¹ controversiam absolvimus, ostendimusque, ecclesiae appellatione significari ¹³² *ἐν σῶμα*, atque adeo corpus partibus omnibus, conspicuoque inprimis capite, quo ad unitatem redigitur, perfectum. Quem igitur sensum redderet formula, qua ecclesia *corpus Petri* diceretur? hunc omnino, *corpus visibile iunctum devinctumque cum suo visibili capite, eoque Petro corpus esse Petri*. Verum quid hac loquendi ratione absurdius, quodque maiori aurium convicio excipiat? res ergo subiecta formulae verbis non sinit, ut ecclesia corpus Petri nuncupetur.

Quod longe etiam minus significatio patitur, quae huic metaphoricæ loquutioni ex usu biblico, ecclesiasticoque dicendi subiecta est. Sane testimonia recolantur, quae ipsemet innuit ¹³³ Turretinus, quaeque ea mente citat, ut lectoribus persuadeat, ecclesiam ne semel quidem Petri, constanter vero Christi corpus appellari. Quid ex iis eruitur, quidve infertur? infertur ea mystica dicendi formula multiplicem *σχέσιν* significari, qua ¹³⁴ Christus *supremus est ecclesiae Dominus*, *ἐν πᾶσιν πρωτεύει*, omniaque sibi, utpote *πρωτότοκος*, *obnoxia*, subiectaque habet: qua ¹³⁵ in ecclesiam, singulaque eius membra, utpote *supremum caelestis vitae principium, operatur ac influit*, qua ¹³⁶ eiusdem *redemptor est ac salvator*, illamque ¹³⁷ sibi *divino coniugio artissime devinxit, ut iam sancta et immaculata capitis sui, suiue sponsi gloria repleretur*. Sed quum talis sit eius formulae potestas, talesque illi e loquendi biblicorum usu notiones subiiciantur, erunt ne qui flagitare pergant, cur numquam de Petro, ac de uno constanter Christo adhibeatur? an habuit, habetque Christus cum quibus supremum in ecclesiam dominium ¹³⁸ partiatur? an alteri cuiquam una cum Christo tribui potest, quod ecclesiam suo sanguine redemerit, quod aspersione sui sanguinis mundarit et mundet, quod illi perenniter vitam indat, suaque gloria perfundat? sunt haec unius Christi propria, neque alteri quam *θεανθρώπων* convenire possunt aut tribui. Quum igitur huc redeat sententia formulae, qua ecclesia dicitur corpus Christi, necessarium fuit ne de alio quopiam usurparetur.

374. Cuius necessitatis argumentum sane non levius e significatione petitur *usu ecclesiastico* eidem formulae attributa. Interrogentur enim Patres quid

¹³¹) nn. 319. seqq. ¹³⁶) Ibid. V. 23.

¹³²) Ephes. IV. 4. ¹³⁷) Ibid. vv. 26—33.

¹³³) n. 371.

¹³⁸) Nemo id dixerit, cui nota sit

¹³⁴) Coloss. I. 18. coll. Ephes. I. 22—23.

Pauli sententia Ephes. IV. 6: *Εἰς κύριος*,

¹³⁵) Ephes. IV. 15—16.

non secus ac *εἰς θεός*.

expressum declaratumque vellent, quum ecclesiam corpus Christi nuncuparent. Respondebunt cum Theodorito ¹³⁹, ea se propterea usos esse appellatione, quod Christus *ecclesiam impleverit donis omnigenis, καὶ οἰκεῖ ἐν αὐτῇ καὶ ἐμπεριπατεῖ κατὰ τὴν προφητικὴν φωνήν, et in ea habitat et obambulat iuxta vocem* ¹⁴⁰ *propheticam*. Respondebunt cum ¹⁴¹ eodem, ea formula significari, *quod sicuti ἡ κεφαλὴ πᾶσι τοῖς μορίοις τοῦ σώματος χορηγεῖ τῆς αἰσθήσεως τὴν ἐνέργειαν· πηγὴ γὰρ τῆς αἰσθητικῆς δυνάμεως ὁ ἐγκέφαλος· οὕτως ὁ δεσπότης Χριστὸς κεφαλῆς τάξιν ἐπέχων, τὰ τοῦ πνεύματος διανέμει χαρίσματα, εἰς μίαν ἁρμονίαν συνάπτων τὰ μέλη τοῦ σώματος, caput omnibus membris corporis suppeditat vim sentiendi: sentiendi enim facultatis fons est cerebrum: ita etiam Christus Dominus obtinens locum capitis, dispertit dona Spiritus, in unam compagem connectens* ¹⁴² *membra corporis*. Respondebunt tandem cum ¹⁴³ Origene, idcirco ecclesiam esse, et Christi corpus vocari, quia *e divinis scripturis discimus, τὴν πᾶσαν τοῦ Θεοῦ ἐκκλησίαν totam Dei ecclesiam esse σῶμα Χριστοῦ ὑπὸ τοῦ υἱοῦ τοῦ Θεοῦ ψυχούμενον, Christi corpus a Dei filio animatum: μέλη δὲ τούτου τοῦ σώματος εἶναι ὡς ὅλου τοὺςδε τινὰς τοὺς πιστεύοντας, membra autem illius corporis, ut totius, eos esse omnes qui credunt. Ἐπεὶ περ ὥς περ ψυχὴ ζωοποιεῖ καὶ κινεῖ τὸ σῶμα, οὐ περφυκὸς ἀρ' ἑαυτοῦ κινεῖσθαι ζωτικῶς· οὕτως ὁ λόγος, κινῶν ἐπὶ τὰ δέοντα, καὶ ἐνεργῶν τὸ ὅλον σῶμα τὴν ἐκκλησίαν, κινεῖ καὶ ἕκαστον μέρος τῶν ἀπὸ τῆς ἐκκλησίας, οὐδὲν χωρὶς λόγου πράττοντα. Quoniam sicut anima vitam et motum impertit corpori, quod a seipso natura moveri vitaliter non potest; ita Verbum totum corpus, idest ecclesiam, ad ea quae opus sunt, movens et agens, etiam singula membra eorum qui ad ecclesiam pertinent, movet, ita ut nihil sine Verbo faciant.*

Sed hac semel potestate formulae praestituta, fieri ne potuit ut ad alium quam ad Christum eadem transferretur? quamdiu igitur externa ecclesiae administratio ab eius interiori sanctificatione, vita, donisque Spiritus distinguetur: quamdiu externa unitas, eiusque caussae ab interiori unitate eiusque principio secernentur: quamdiu nefas existimabitur quod est in ecclesia αἰσθητὸν cum

¹³⁹) Ad Ephes. I. 23.

¹⁴⁰) Levit. XXVI. 11—12.

¹⁴¹) Ad Ephes. IV. 16.

¹⁴²) Unitate interiori, cuius externa unitas non minus *typus* est quam *necessaria conditio*. Cf. Campegii Vitringa Observatt. Sacr. lib. V. cap. VII. *De communionem christianorum externa*; ubi non pauca habet, quibus discrimen interioris exteriorisque unitatis, mutuusque earum habitus illustretur.

¹⁴³) Con. Celsum, lib. VI. n. 48. Fue-

rit autem pretium operae adnotasse, in id Origenem incumbere, ut contra Celsum efficiat, τὴν τοῦ Ἰησοῦ ψυχὴν *animam Jesu τῷ τηλικούτῳ νῶν τοῦ Θεοῦ. tanto Dei filio τῇ ἀκρᾷ μετοχῇ ἠνώσθαι intima participatione unitam sic esse, ut numquam ab eo separari debeat*. Quam singularem eximiamque ἔνωσιν ut imagine aliqua repraesentet, ad eam se recipit societatem qua Christus cum mystico suo corpore, quod est ecclesia, iungitur, quamque eisdem depictam verbis retulimus.

eo confundere quod est in eadem νοητὸν et sola fide ¹⁴⁴ intelligitur; tamdiu Petrus quidem conspicuum ecclesiae caput dicetur, at ecclesia *nonnisi Christi corpus* appellabitur.

375. Praesertim quum hac phrasi tam *ex sese*, quam *ex recepto loquendi usu* significetur, eum cuius ecclesia dicitur corpus, et ipsius ecclesiae *dominum* esse, et *finem* eidem ecclesiae praestitutum. Utrumque sane mentem continuo subit vel quum ipsam efferimus phrasim, vel quum eidem subiectam in divinis litteris, christianisque monimentis potestatem animo reputamus. Quis porro est in christiana disciplina hospes adeo ac novus quem lateat, neque Petrum, neque hominem quempiam esse, dicere posse ecclesiae *dominum*, *finemque* ad quem ipsa ecclesia referatur? unus est illius dominus, Christus θεάνθρωπος: ac unus eidem propositus finis, Christus et Pater. Omnia, inquit ¹⁴⁵ Paulus, ὑμῶν ἐστίν, *vestra sunt*, et in vestram, ecclesiaeque totius utilitatem instituta, ὑμεῖς δέ, Χριστοῦ. Χριστὸς δέ, θεοῦ. Quare, dispari licet gradu, omnibus tamen sive apostolis, sive prophetis, sive evangelistis, sive pastoribus magistrisque ¹⁴⁶ commissum est ἔργον διακονίας εἰς οἰκοδομὴν τοῦ σώματος τοῦ Χριστοῦ. Ac omnes, quamquam inaequali insignes ¹⁴⁷ auctoritate, δίδασκονοι sunt, quorum cura studiisque credamus, et credentes hereditate potiamur. Erunt ne igitur quibus incredibile videatur, Petrum quidem praeesse ecclesiae, illius tamen corpus neque esse, neque dici ecclesiam posse? illius, qui ¹⁴⁸ instar solidissimae petrae in tutelam recepit ecclesiam *non suam, sed Christi*? ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν: illius, qui institutus ¹⁴⁹ pastor est ovilis *non sui, sed Christi*? βόσκει τὰ ἀρνία μου, ποιμαίνει τὰ πρόβατά μου. Exploratum itaque esse debet, ἐξουσίαν conspicui ecclesiae capitis, qua donatus certissime Petrus fuit, eiusmodi non esse, propter quam ecclesia illius corpus dici, credere debeat.

¹⁴⁴) Huc facit celebrata potissimum post Augustinum distinctio inter *corpus* atque *animam* ecclesiae, quam nemo melius clarissimo Moehler in sua Symbolica, cap. V. §. XXXVI. expolivit, ac in meridia propemodum luce collocavit.

¹⁴⁵) I. Cor. III. 22 — 23.

¹⁴⁶) Ephes. IV. 12.

¹⁴⁷) I. Cor. IV. 1.

¹⁴⁸) Matth. XVI. 18.

¹⁴⁹) Joh. XXI. 15. seqq.

C A P U T XXVII.

Argumentorum, quibus usi hactenus sumus, ἀνακεφαλαιώσις: — potiora recensentur: — quo ea spectent, quidve iis conficiatur: — efficitur apostolorum collegium fuisse inaequale: — omnibus antecelluisse Petrum: — neque honore solum ac ordine, sed iure potissimum atque auctoritate: — quo consilio Christus potiori auctoritate Petrum ornarit: — multiplex illud fuisse ostenditur: — inprimis vero ut conspicuae unitati ecclesiae uno, conspicuoque capite, doctore, supremoque praeside consuleretur.

376. Omnibus exploratum esse arbitror, eam esse de primatu Petri controversiam, quae ad quaestionem de inaequali apostolorum collegio *universim* revocetur, *speciatim* vero ac *proxime* ad hanc indaginem, utrum Christus ecclesiae auctor atque institutor aliquem ex apostolis, et quem ex iis *nominatim* ceteris omnibus anteposuerit. Quemadmodum enim nullus esse potuisset locus potiori primatus dignitati, si omnes ex aequo pares¹ fuissent apostoli, nulloque ab invicem honoris auctoritatisque gradu secreti; ita eiusmodi est primatus ratio, indoles ac natura, ut *sine certo definitoque cui insit subiecto*, ne percipi quidem cogitando posse videatur.

Ad dirimendas autem quaestiones, *aequales ne omnino fuerint an inaequales apostoli, ac utrum ex iis aliquis honore et dignitate reliquis praestiterit*; quatuor potissimum examini subiicienda videbantur: dicta primum gestaque Christi ad apostolos pertinentia: eiusdem deinde effata quae singularem praeferre institutionem viderentur: tum constans et usitata evangelistis, ceterisque divinitus afflatis auctoribus dicendi scribendique forma ac ratio: historia postremo orientis ecclesiae, e qua coniecturae, vel certa etiam indicia peterentur potestatis, quam aut omnes pariter apostoli exercuerint, aut unus sibi prae ceteris vindicavit. Si enim ex hisce capitibus in unam veluti sententiam conspirantibus liquido evidenterque innotesceret, certum quemdam ex apostolis, eumque Simonem Petrum, factis, dictisque fuisse a Christo e reliquorum numero secretum, apostolisque

¹) Quod enim nonnulli theologi rem pinguius expendentes opinantur, ad asserendum tuendumque primatum *sat esse*, si una eademque potestas apostolis omnibus communis, Petro quidem *iure* quod vocant *ordinario*, ceteris vero nonnisi *extraordinario* tributa concessaque existimetur; id neque admodum ad rem pertinet, neque

probari ullo modo potest. Ad rem non pertinet, quum eiusmodi *extrinsecum* discrimen omnimodam inter apostolos auctoritatis aequalitatem non tollat; improbari autem debet, quia certissime constat, Petrum maiori ampliorique auctoritate, quam non inepte *maiestatem* appellabimus, fuisse divinitus auctum.

praepositum: ab auctoribus *θεοπνεύστοις* tamquam omnium caput atque verticem constanti lege descriptum: et in historia nascentis ecclesiae non aliis expressum coloribus, quam qui supremi omnium moderatoris, ducisque imaginem repraesentent; neque ulla reliqua foret difficultas, et affatim argumenta suppeterent, quibus Christus tam auctor inaequalitatis inter apostolos, quam primatus, quo Petrus excelleret, institutor ostenderetur.

377. Videmur autem nobis comprobasse *ab omni* esse *conditione* soluta, quae veluti *conditione affecta* proposuimus. Ostendimus² enim Christum universa agendi ratione, solemnibusque dictis factisque declarasse, non esse sibi Petrum *instar unius e reliquis*, sed illum a se haberi veluti reliquorum ducem, principem atque caput.

Ostendimus³ voluisse Christum, ut uni Petro ea ornamenta convenirent, quibus ipsemet uti supremus ecclesiae rector excellit. Eiusmodi enim censi debent proprietates, dotesque *fundamenti, clavigeri, omnimodae auctoritatis, assertoris et statoris* ac postremo *pastorum principis*. Nulla porro ex iis est, quam *non uni Petro* promiserit, promissamque contulerit: nulla ad cuius consortium societatemque *non unum Petrum* evexerit, quem et *fundamentum* ecclesiae suae praestituit, *clavibus* auxit, *omnimoda solvendi ligandique potestate* donavit, fratribus uti *confirmatorem* dedit, suoque ovili tamquam *oecumenicum pastorem* praefecit.

Ostendimus⁴ idem propemodum ab evangelistis discrimen poni apostolos inter ac Petrum, quod Petrum inter atque Christum nobiscum adhuc versantem extitisse significant. Sicut enim⁵ alterum a Christo Petrum exhibent, ita Petro apostolos subiiciunt: sicut facta dictaque Christi factis dictisque Petri anteponunt, ita huius facta dictaque factis dictisque apostolorum praehabent: sicut Christus in ipsorum commentariis prae Petro eminet, ita Petrus prae apostolis excellit: et sicut legi evangelia non possunt, quin descriptus in iis *πρωτότυπος* Christus esse videatur, ita legi eadem nequeunt quin proxime ad Christum accedere Petrum iudicetur.

Ostendimus⁶ non aliter de Petro loquutum esse Paulum, ac verba de eo fecerint evangelistae: neque minus in Pauli epistolis quam in evangeliorum libris Petri *ὑπεροχὴν* eminere.

Ostendimus⁷ denique comparatam sic esse ecclesiae nascentis historiam, ut in ea Petrus maioris instar astri resplendeat. Fulgor enim quo Petrus in Actis emicat, est illi simillimus quo in evangeliiis Christus perfunditur. Christus omnium frequentissime nominatur in evangeliiis; nullius saepius nomen in Actis quam Petri repetitur. Christi sermones, gesta, patrataque signa utramque ferme evangeliorum paginam implent; in Actis⁸ vix quidpiam reperitur quod ad ser-

²) nn. 13. seqq.

⁵) nn. 198. seqq.

³) nn. 60. seqq., nn. 87. seqq.

⁶) nn. 272. seqq.

⁷) nn. 163. seqq.

⁴) nn. 115. seqq.

⁸) Non puto monendum esse, de ea

mones, gesta, editaque a Petro miracula non referatur. Christus in evangeliiis praeit, sequuntur apostoli; antecedit Petrus in Actis, illumque apostoli comitantur. Christus in evangeliiis docet, illique tacendo apostoli consentiunt; in Actis unus concionatur Petrus, salutaremque doctrinam explanat, eique apostoli silentio suffragantur. Christus curam in evangeliiis gerit apostolici collegii, saggit ne quid illud detrimenti capiat, oppugnatumque defendit; Petrus in Actis sollicite curat ut collegium Judae interitu deminutum expleatur, electionis conditiones praefinit, electionem ipsam iubet, apostolorumque vindicias coram plebe, coram principibus et sacerdotibus iure officioque capitis adgreditur.

Is praeterea est ⁹, qui in triplici potestate exercenda *magisterii*, *iudicis* ac *legislatoris* unus praecellit. Praecellit *auctoritate magisterii*, neque solum erga utrumque populum iudaeorum et gentilium, quem ipse primus Christo adiungit, adeo ut ¹⁰ qui *petra* erat ecclesiaeque *fundamentum*, idem *princeps* quoque illius aedificandae *architectus* extiterit; verum etiam erga apostolos, qui illius ministerio ¹¹ edocentur, advenisse iam tempus quo redemptionis beneficium non minus ad gentes quam ad iudaeos protenderetur, non posse autem sine crimine tentati Numinis fideles ex gentibus sarcina legalium institutorum onerari. Praecellit ¹² *iudicis auctoritate*, quum apostolis tacentibus, primus ipse fidelium causas agnoscit, tribunal erigit, reos examinat, sententiam dicit, dictamque inflicta excommunicationis poena munit atque sancit. Praecellit denique *auctoritate capitis*, *supremique legislatoris*, sive quum ipse unus christianos coetus ¹³ undique institutos lustrat, circumspicit, studioque capitis fovet ac perficit; sive quum ipse unus ¹⁴ praerogativa suffragii utitur, legemque unanimi deinde reliquorum suffragio comprobendam ἀποθεντιζὼς praeformat.

378. Ex his autem brevi quodam compendio recensitis, multiplex prodit argumentum, quo et *apostolici collegii inaequalitas*, et Petri ὑπεροχή, eiusque πρωτοστασία ac προστασία perspicue adprobentur. Etenim I. aequale illorum collegium duci non potest, e quorum numero *unum aliquem*, eumque Simonem Petrum Christus delegerit, quem dictis factisque praepositum omnibus significaret. Universa autem ¹⁵ loquendi, agendique ratio, quam Christus inivit, quaeque in evangeliiis descripta cernitur, eo spectavit, ut Petrus e ceterorum choro electus, illique praepositus ostenderetur. Igitur neque apostolorum collegium aequale, neque Petrus uti unus e reliquis haberi potest.

Praeterea II. e communi reliquorum numero videri exemptus is debet, qui quum nihil non acceperit eorum, quae omnibus fuerunt *communia*, plura *suo nomine*, *eaque eximia ac propria* sortitus est. Jamvero nihil apostolis reliquis concessit Christus quod Petro negaverit, plura autem eaeque nobilissima ¹⁶ Petro

me loqui Actorum parte, quae totius ecclesiae historiam complectitur.

⁹) nn. 259. seqq.

¹⁰) nn. 215. seqq.

¹¹) nn. 222. seqq.

¹²) nn. 238. seqq.

¹³) nn. 242. seqq.

¹⁴) nn. 245. seqq.

¹⁵) nn. 13. seqq.

¹⁶) nn. 17—20—36. seqq.

tribuit, quae ceteris non impertit. E reliquorum igitur apostolorum numero eximatur Petrus necesse est.

379. Sane III. facile assequimur non posse uno eodemque dignitatis praestantiaeque ordine comprehendere *fundamentum* et *quae inniti fundamento debent*, *clavigerum* ac *eos qui ad domum civitatemque spectant*, cuius ille *clavibus* potitur, *confirmatorem* ac *eos qui confirmandi sunt*, *universalem* denique *pastorem*, *ovesque illius curis potestatique commissas*. Atqui comparate ad ipsos apostolos, praeque ipsis apostolis ¹⁷ *insignia* sunt, *decora*, *propriaque unius Petri ornamenta*, quae nominibus *fundamenti*, *clavigeri*, *confirmatoris*, *universalisque pastoris* expressimus. Manifestum est ergo discrimen, quo a reliquis apostolis Petrus secernitur, et apostolici collegii inaequalitas comprobatur.

Quod mihi videor paullo secus, luculentiusque declarare posse, lectoribusque persuadere.

380. Itaque IV. velim initio animadvertatur quod est suapte natura luculentum, *excellantiae discrimen e discrimine perfectionis*, *donorumque pendere*, adeo ut *nullum illud sit si haec sint paria*, sit contra *maius minusve*, quo *donorum maior est minorve inaequalitas*. Velim deinde consideretur quod et ratione intelligimus et fide ¹⁸ tenemus, *πᾶσαν δόσιν* ¹⁹ *ἀγαθὴν καὶ πᾶν δώρημα τέλειον* ad nos *ἀνωθεν* defluere *ἀπὸ τοῦ πατρὸς* ²⁰ *τῶν φώτων*, Deumque esse bonorum omnium fontem, atque ex eo dona quaecumque omnia in creaturas redundare. Ex utroque enim capite consequens est, modulum normamque dignitatis perfectionisque quam creaturae possident, participatione bonorum divinorum contineri, esseque illam maiorem minoremve pro maiori minorive divinorum bonorum participatione atque consortio.

Quare quae de primatu Petri, deque apostolici collegii inaequalitate agitur controversia in hanc postremo recidit: *effecerit nec ne Christus Θεάνθρωπος*, ut *unus prae omnibus Petrus in earum proprietatum consortium societatemque vocaretur*, propter quas ipsemet ad ecclesiam tamquam *supremus eiusdem rector*, princepsque moderator refertur. Hoc enim si semel a Christo effectum constiterit, una etiam necessario constabit, quum omnibus Petrum fuisse praehabitu, tum quid illud fuerit quod Petrus omnium coryphaeus caputque extiterit. Jamvero eiusmodi suscepta indagine, testimonia abunde suppetunt ad probandum opportunissima, effecisse revera Christum ut unus prae

¹⁷) nn. 24. seqq., nn. 35. seqq., nn. 48. seqq., nn. 85. seqq., et nn. 92. seqq.

¹⁸) Jacob. I. 17.

¹⁹) Licet inter *δόσιν* et *δώρημα* idipsum intersit, quod inter *largitionem*, *munusque donatum*; usu tamen receptum est, ut veluti synonyma habeantur.

²⁰) De significatione appellationis, qua Deus dicitur *πατὴρ τῶν φώτων*, quatuor

sunt vulgatissimae interpretum sententiae: Bensoni, qui illam accipit de Deo *rationis revelationisque fonte*: Grotii qui illam ad Deum refert *spiritalium charismatum largitorem*: Michaelis, cui idem sonat ac *Deus omnis perfectionis, prosperitatis, laetitiaeque origo*: ac Julii Pott, qui *πατέρα τῶν φώτων* habet tamquam creatoris periphrasim, redditque *siderum auctorem*.

omnibus Petrus *consors fieret quinque omnino proprietatum*, quae quum illi *primum* ac *maxime* insint, *propinquam* continent caussam, ob quam ecclesiae princeps, supremumque caput habetur.

Sane ²¹ dotibus ornamentisque *fundamenti, clavigeri, statoris, pastorum principis, dominique* qui omnem a Patre acceperit potestatem, *proxime nominatimque* debetur, ut ecclesia a Christo penitus dependeat, obnoxia illi sit, ac ipse prae ecclesia iure atque ἐξουσίᾳ summi domini, supremique rectoris potiat. Sed quanam ex hisce dotibus est, quas sibi, prout rerum natura sinebat, noluerit esse una cum Petro communes? quas illi uni prae ceteris omnibus non detulerit? singulas ²² impertiit, omnesque ita adscripsit, ut appellationibus ex iis ductis Petrus quoque *fundamentum, claviger, confirmator, universalis pastor, totiusque ecclesiae ἡγούμενος* nuncuparetur. Singularis igitur propriaque horum ornamentorum participatio argumentum praebet insigne, quo Petrus a ceteris distinctus apostolis, illisque praepositus intelligatur.

381. Quo ea rursum V. pertinet divinae sapientiae dispositio, qua provisum est ²³ ut Petrus in ecclesia ac inter apostolos gradum dignitatis illi similimum nancisceretur, quem Abraham inter patriarchas, et Judas inter fratres divinitus obtinuerunt. Hanc ego σχέσιν suis opportune locis ²⁴ expolivi, illamque non licenter confictam, sed idoneis subnixam rationibus ostendi. Quis porro vel suam Abrahamo ὑπεροχὴν impune neget, qua pater, omniumque credentium doctor fuit institutus, vel Judam sua exspoliet dignitate, qua fratribus praefuit, iisque multiplici nomine antecelluit? igitur neque fas quispiam sibi ducat auctoritate supremi magisterii Petrum exuere, illique singulares dotes detrahare, quae eum fratribus, iisdemque apostolis maiorem, potiolemque demonstrant.

Praesertim quum VI. solemnī evangelistis scribendi ratione haec Petri ἐξουσία luculenter confirmetur. Absonum namque est ac omnino praeposterum cum reliquis eum confundere, quem evangelistae constanter distinxerint, distinctumque omnibus praetulerint. Sed quid reliqui fecerunt evangelistae, ut sibi propositum esse significarent Petrum distinguere, a reliquis illum secernere, ac omnibus omnino apostolis praeponere? ausim affirmare ²⁵ nihil ab iis fuisse praetermissum quod huc pertineret. Absonum igitur est de Petri praerogativis ambigere, illumque eodem quo ceteros numero comprehendere.

382. Ac nemo profecto VII. eum ferret, qui ex usitata evangelistis scribendi forma consequens esse inficiaretur, Christum veluti supremum caput inter apostolos praecellere, infinitoque dignitatis intervallo ab apostolico collegio separari. Sed quamquam neque omnia, neque eodem gradu, plura tamen, eaque

²¹) nn. 17 — 20 — 36, nn. 87 — 88, et nn. 113 — 114.

²²) nn. 20 — 22, nn. 60. seqq., nn. 100 — 119.

²³) Qui hoc argumenti genus fastidiunt et aspernantur, hi legent non inutiliter quae

Campegius Vitringa Observatt. Sacr. lib. VI. cap. XX. disputat, *De studio verbi divini allegorice interpretandi.*

²⁴) nn. 27 — 33, nn. 326. seqq.

²⁵) nn. 115. seqq.

gradu non dissimili evangelistae ²⁶ usurpant, quae Petrum a reliquis secernunt, et quo illum Christo propinquiorem ostendunt, eo supra apostolos reliquos altius evectum demonstrant.

Quae demonstratio VIII. vim inde haurit persuadendi maiorem, quod unam eandemque cum evangelistis formam dicendi loquendique Paulus tenuerit. Quum enim Petri plus semel ²⁷ in epistolis meminerit, semper illi nobiliorem detulit locum, et quam fieri arctissime poterat, cum Christo coniunxit. Erunt ne igitur qui ambigant, utrum Petrus maiori quodam dignitatis excellentiaeque gradu praestiterit?

Eo vel magis IX. quod Actorum lectio, et primitivae historiae quae iis refertur consideratio, eodem spectent, eodemque animo consignata litteris videantur. Simul namque Actis, evangelisque ²⁸ collatis, illud mentem continuo subit, vim rationemque *prototypi* quam in evangeliiis Christus obtinet, in Actis Petro convenire, neque minus Petrum in Actis prae apostolis reliquis insignem videri, quam Christus in evangeliiis splendidissime prae omnibus emineat. Quid autem hac minime dubia similitudine efficitur? quidve aequum est, ut ex hoc evangelicae apostolicaeque historiae habitu deducatur? Si qui rationi morem gerant, praelucentemque Scripturarum facem sequantur, hi nobiscum fatebuntur, hoc utriusque historiae, atque adeo Christi Petrique *παράλληλισμῶ* indicium, signumque contineri, quo Petrus alter a Christo dignitatis auctoritatisque praestantia demonstratur.

Auctoritatis, inquam, X. atque idcirco eo praestantiae genere, quod honoris, ordinisque fines longissime praetergrediatur. Unde enim vel eminere Petrum ex Actis intelligimus, vel similitudinem inter Acta ac evangelia de Petro, deque Christo scribentia deprehendimus? inde potissimum ²⁹, quod unus prae omnibus Petrus usu exercitioque potestatis triplicis, *iudiciariae, legiferae, magisterii atque cathedrae* insignis repraesentetur. Atqui asserta hoc nomine excellentia non modo a reliquis Petrum distinguit, verum etiam maiorem illi prae reliquis *ἐξουσίαν* auctoritatemque conciliat.

383. Ac re sane vera XI. si quae *ὑπόθεσις* comparata ita sit, ut nonnisi ea posita, multiplex eaque indubia factorum series explicari possit; nemo abnuet, eiusmodi *ὑπόθεσιν* vice *θέσεως* habendam esse. Talis certe est philosophorum doctrina, a qua ne recedamus consulta uti decet ratio praescribit. Jamvero Petri *ὑπεροχή* atque *προστασία* eiusmodi sunt *ὑποθέσις*, quam si neges, nullam ³⁰ factorum, quae duodecim prioribus Actuum capitibus narrantur, idoneam paremque causam afferre valeas. Dignitas igitur Petrique *προστασία* inter ratas certasque theses numerari debet.

Quod XII. inflexa nonnihil argumentationis forma illustrari rursum hoc modo potest. Quemadmodum a *posteriori*, ut aiunt, ac ex effectibus existentia

²⁶) nn. 131. seqq.

²⁹) nn. 259. seqq.

²⁷) nn. 269. seqq.

²⁸) nn. 198. seqq.

³⁰) nn. 260. seqq.

deducitur caussarum; ita *a priori*, ut loquuntur, ea toties firmissime stabilitur, quoties series summaque effectuum, qui sensibus obversantur, ex ea apte, necessarioque praedicatur. Eam caussam, quam *gravitatem*, *vimque gravitatis* nominamus, ex effectibus et *a posteriori* certa deductione colligimus: sed eamdem non minori iudicii constantia *a priori* quoque determinamus, quum talis sit, e qua obnoxios sensibus effectus non divinando coniecimus, sed intuendo praesentimus. Porro sublimior Petri dignitas, potiorque auctoritas cum hac ipsa caussa, quam gravitatem diximus, non inepte componitur. Utrique enim convenit, ut in suo quaeque ordine origo principiumque sit, quo praecontinentur effectus, qui deinde in hac physica rerum universitate, vel in *ὑπερφυσικῇ* ecclesiae caelo conspicui apparent.

Et sane fac Petrum ea fuisse dignitate auctum, quam illi vindicamus: quid in historia consignata Actibus occurrit, quod non potuerit ac vero etiam deberit praesensione affirmari? Illud ne quod ³¹ prae omnibus memoretur, omnium nomine loquatur, constanter praecedat, ac instar capitis emineat? atqui fieri secus non potuit, si is prae omnibus unus maiorem a Christo dignitatis gradum obtinuit. An illud ³² quod supremi iudicis, legislatoris, magistri doctorisque partes obierit? sed nonne ab eo exspectanda haec erant, qui dignitate praesidis, universalisque pastoris omnibus antecelleret? Primatus igitur Petri, ampliorque auctoritas, singularisque maiestas ad eam pertinet veritatum classem, quibus *empirica deductio, rationalisque praesensio* indubitata fidem conciliant.

384. Commemoratis sin minus omnibus, plerisque saltem ex iis argumentis quibus caussam hactenus confirmavimus; ad eam quaestionem aditus patet, quam altero nobis loco ³³ enucleandam proposuimus: *cuiusmodi sit vis, quaeve illius primatus ratio*, qui Petro tribuendus asserendusque iisdem ostenditur. Neque enim sum nescius, hanc protestantibus omnino omnibus mentem insidere, ut non aliam Petro *ὑπεροχὴν* e suffragio Scripturarumque auctoritate deferendam esse arbitrentur, quam quae praestantiori quodam honoris, ordinisque gradu concludatur. Non inviti concedunt tribui Petro *πρωτοστασίαν* oportere, sed *προστασίαν*, celsioremque auctoritatem neque debere, neque deferri posse propugnant. De qua quidem illorum opinione sic statuo, longe fore expeditius quavis funditus praerogativa Petrum exuere, quam adscripta eidem in Scripturis ornamenta ad nescio quam honoris umbram, ordinisque antecessionem detrudere. Statuo nihil tam esse a veritate, Scripturisque alienum, quam ex harum quidem testimonio reliquis insigniorem apostolis Petrum confiteri, eiusdem nihilominus praestantiam intra honoris ordinisque angustos sane fines seipere.

385. Et re sane vera I. unde evidentius ac potissimum maior ea dignitas eruitur, qua reliquis excelluisse Petrum constat? e dotibus seorsum illi

³¹) nn. 163. seqq.

³²) n. 376.

³³) nn. 183. seqq., nn. 202. seqq.,
nn. 222. seqq., et nn. 238. seqq.

collatis, quibus *ecclesiae fundamentum* extitit, *supremus claviger, fratrum confirmator, pastorique universalis*. Sed vocabula ne ista sunt, imagines, signa, quae nudam honoris ordinisque *ἐξοχήν* referant, an quae iuris satius potestatisque *ἐξουσίαν* designent? affirmare ³⁴ non dubitaverim, aut modos, formulasque deesse quibus eximia exprimatur auctoritas, aut has omnium esse accommodatissimas. Eo namque II. redeunt, ut rerum summam ³⁵ Petro adscriptam, illumque omnium caput, ducemque institutum demonstrent. Quis autem ista audiens, nisi insitam vocabulis potestatem dolo malo perverterit, legesque interpretandi insuper habuerit, aut de nudo cogitet honore, aut sibi Petrum repraesentet, qui nonnisi gradu ordinis antecesserit?

Praesertim quum III. non *πρωτος* solum ³⁶ in Scripturis, sed et comparate *μεϊζων* et absolute *ἡγούμενος* nuncupetur. Quae profecto et suapte natura, et longe etiam validius, spectata ³⁷ orationis serie in qua adhibentur, exsortem, potioreque auctoritatem praeseferunt. Auctoritatem nimirum IV. illi affinem cognatamque, qua Christus mortalem adhuc vitam vivens, apostolorum collegio praefuit, coetumque a se collectum iure supremi capitis administravit. Numquam enim inculcari satis potest, quod quum sit *in se* verissimum, *per se* quoque abunde sufficit ut praesens controversia explicata penitus videatur. Scilicet ³⁸ primatum Petri e singulari quodam eorum ornamentorum consortio proficisci, quibus Christus et caput et princeps et supremus ecclesiae rector censetur. Unde quo illius primatus magis deprimitur, eo praerogativae Christique dignitas magis deiiciuntur: neque intra honoris ordinis fines adstringi ille potest, quin eisdem prope cancellis Christi *ὑπεροχή* concludatur.

386. Praeterea V. desunt ne in Scripturis signa, quibus primatus Petro adscripti ratio aperiat? desunt ne effectus qui vim naturamque retegant caussae, e qua permanarunt? immo et signa affatim suppetunt, et multiplices effectus describuntur. Signa enim effectusque sunt cura ³⁹ qua apostolorum collegio Petrus consuluit: auctoritas qua ⁴⁰ christianos coetus ubivis diffusos lustravit: singulare ⁴¹ potestatis iudiciariae exercitium, quo ecclesiae disciplinam sanxit, illiusque integritati prospexit: actus ⁴² supremi magisterii quos edidit: praeformatio-⁴³ earum legum, quibus ecclesia universa regeretur: et ne plura cumulem, incredibile omnino eiusdem ecclesiae ⁴⁴ studium, quo Petrum tamquam praepositum sibi caput, et totius dominicae familiae ⁴⁵ *οικονόμον* prosequuta est. Haec porro signa quem primatum ostendunt? hi effectus quam caussam demonstrant? eam ne cuius vis tota honoris, ordinisque *ὑπεροχήν* non supergrediatur? an eam

³⁴) nn. 42. seqq., nn. 85. seqq., nn. 100. seqq.

³⁵) nn. 60. seqq., nn. 79. seqq.

³⁶) nn. 62. seqq., nn. 98. seqq.

³⁷) nn. 62—72.

³⁸) nn. 60. seqq., nn. 87. seqq., nn. 113. seqq., nn. 198. seqq.

³⁹) nn. 163. seqq.

⁴⁰) nn. 242. seqq.

⁴¹) nn. 238. seqq.

⁴²) nn. 222. seqq.

⁴³) nn. 245. seqq.

⁴⁴) nn. 252. seqq.

⁴⁵) nn. 60. seqq.

contra, quae maiori sibi insito iure, ampliorique auctoritate praeceat? non puto id esse ⁴⁶ pluribus explanandum. Si qui enim sint quorum animos candida sinceraque rerum expositio non percellat, his persuasionem argumentis facere inaniter contenderis.

Nisi forte VI. ab imbuta semel opinione se propterea dimoveri sinant, quod talem Scripturae referant ⁴⁷ primatum Petri, quo reliqui plane omnes ad unam eandemque profitendam cum eo fidem, societatemque custodiendam obstringerentur. Hoc enim obligationis pondus neque ex honoris titulis, neque ex ordinis gradu proficisci potuit. Caussam omnino postulavit valentior, illamque non diversam a suprema auctoritate, qua Petrus omnium praeses, omniumque caput efficeretur.

387. Cuius deductionis veritas multo erit nobis exploratior, si in causas rationesque selecti inter ceteros Petri, institutique primatus ⁴⁸ paullo penitius inquiramus. Finis enim operisque propositum hanc habet vim, ut *negantis* instar sit *regulae* qua certo iudicetur, quid fieri debuerit, quidve non potuerit omitti. Probe intelligo non esse consequens, si quid *alicuius gratia* factum institutumve fuerit, iis dumtaxat augeri dotibus proprietatibusque debuisse, quae ad assequendum finem necessaria viderentur: potuit enim et longe haberi magnificentius, et multo ac opus absolute foret locupletius ornari. Sed pariter intelligo neque eum esse, neque videri prudentem sapientemque posse, qui aliquod propterea opus molitus, ut certum destinatumque finem eius virtute nancisceretur, non illud ab iis omnibus apte instruxerit quae *necessaria* putarentur. Quare *consilii propositique cognitio* aequipollet *regulae sin minus positivae*, qua omnia et singula rei factae institutaeve collata determinentur, *negativae* profecto qua certissime statuatur, quid tribui illi debuerit, quidve non potuerit denegari.

Porro latet ne, an contra compertissimum dici consilium debet, quo Christus primatum instituit, eiusque dignitate Petrum honestavit? latet ne, an contra perspicue finis apparet qui Christum permovit, ut inaequale esse apostolorum collegium decerneret, illique Petrum, ceu caput praeponeret? *Tres* omnino suppetunt *rationum classes*, e quibus consilium finemque Christi primatum instituentis non divinando solum coniciamus, verum etiam certo evidenterque assequamur. Suppetunt *rationes typicae*, quaeque ex adumbrationibus eruuntur: suppetunt *analogicae*, quaeque e similitudinis *σχεσεῖ*, habituque derivantur: et suppetunt *reales*, quaeque testimoniis ipsis, ecclesiaeque dotibus insunt. Has breviter atque ex ordine enarrandas, expoliendasque suscipimus.

388. Eo igitur praeclarissimo concentu, quo utraque oeconomia vetus

⁴⁶) nn. 81—85. seqq.

⁴⁷) nn. 24. seqq., nn. 35. seqq., nn. 49. seqq., nn. 81. seqq., nn. 85. seqq., nn. 140. seqq., nn. 272. seqq.

⁴⁸) Dum ista simul coniungo, animus

mihī non est distinctas toto caelo quaestiones permiscere: *cur praehabitus fuerit Petrus*, et *cur Christus primatum instituerit*. Sed Petrum idcirco commemorō, quod constet, eum fuisse delectum cui primatus conferretur.

ac nova, delineata et expressa, inchoata perfectaue sibi mutuo respondent, perspicue ⁴⁹ edocemur, propositum fuisse Christo, ut in nova oeconomia personam referret Petrus, cuius in Abrahamo adumbratio praecesserat, eaque inter apostolos praerogativa ille emerit, qua inter patriarchas Abrahamus excelluerat. Haec autem fuit propria Abrahami praerogativa, haec eiusdem *ὑπεροχή*, ut nemo ⁵⁰ alterutrius promissionis sive *carnalis*, sive *spiritualis*, quae *benedictionis* nomine efferi in Scripturis solet, consors fieri potuerit ac particeps, qui duplici vinculo *carnali* et *spirituali*, *physico moralique* cum Abrahamo non coniungeretur. Ipsi enim eiusque semini factae fuerant promissiones, eaque lex dicta, ut nonnisi coniunctione cum ipso eiusque semine in ceteros redundarent. Quum igitur in nova oeconomia eam referre Petrus personam debuerit, quam in veteri Abrahamus gesserat: quumque Unigenitus Patris ⁵¹ forma ⁵² servi indutus eam Petro praerogativam impertierit, quam futurae dispensationi praeludens Abrahamo concesserat; manifestum est, delectum propterea fuisse Simonem, Cephae nomine insignitum, omnibusque praehabitu, ut ex eo tamquam supremo Christi ministro, et coniunctione cum eo tamquam conspicuo capite membra omnia ecclesiastici corporis bonis fructibusque christianae institutionis potirentur.

Quae autem ex his apta nexaque sint, quisque facile intelligit. Duo enim maxime consequuntur, quae et vim rationemque primatus egregie declarant, eoque illum pertinere ostendunt, ut caussa sit, efficiensque eius unitatis principium, qua Christi ecclesia unum est conspicuumque corpus. Sane *officium* in primis consequitur fidelibus iniunctum omnibus cohaerendi cum Petro, ni ab iis Christi promissionibus velint excidere, quibus mysticum suum corpus largissime ditavit, quodque aliud ab eo non est quod Petrum visibile caput veretur. Consequitur deinde *Petri ius*, quo ille auctus exornatusque et omnium secum communionem societatemque imperat, imperatamque efficit, effectamque custodit atque tuetur. Nihil autem desiderari potest hac Christi ordinatione validius, sive ut *primatus potioris iurisdictionis* demonstretur, sive ut *praefixus illi scopus efficiendae tuendaeque unitatis* aperiat.

⁴⁹) nn. 29. seqq.

⁵⁰) Gen. XII. 13, XIII. 16, XVII. 5—7—20, XXII. 18. coll. Rom. IV. 13, et ad Galat. III. 16, IV. 22—29.

⁵¹) Unus enim idemque Dei Filius is est, qui nominibus insignis יְהוָה, יֵשׁוּעַ, מְלִאֲכָה et מְלִאֲכָה הַבְּרִית veterem oeconomiam administravit, quique carne indutus ac eis τὰ ἴδια veniens novum testamentum suo sanguine, suaeque morte sancivit. Cf. Jo-

hannis Jahn Appendicem hermeneuticam ad Malach. II. 17, III. 6. et 13—24.

⁵²) Quam Paulus ad Philipp. II. 7. dicit μορφήν δούλον, idest, ex usitata graecis latinisque patribus interpretatione, τὴν οὐσίαν τοῦ δούλου. Si enim, inquit Cyrillus alexandrinus in Capitulis de Incarnat. Domini, cap. I. apud em. Mai, Scriptt. Vett. Nov. Collect. Tom. VIII, ἡ τοῦ θεοῦ μορφή τὴν οὐσίαν δηλοῖ τοῦ θεοῦ, εὐδὴλον ὡς καὶ ἡ τοῦ δούλου, τῆς οὐσίας ἐστὶ τοῦ δούλου σηματικῇ.

389. Quo et *alter* refertur *typus* neque minus splendidus, neque ad rem totam explanandam minus accommodatus. Quemadmodum ⁵³ enim Israel ⁵⁴ *secundum carnem* οὐκ αὐτὸς fuit Israelis ⁵⁵ *Dei* et *secundum promissionem*: et quemadmodum Israelis regnum τύπος fuit ac ὑπόδειγμα regni caelorum quod iam adesse Christus his verbis ⁵⁶ edixit, πεπλήρωται ὁ καιρὸς, καὶ ἤγγικεν ἡ βασιλεία τοῦ Θεοῦ, *exactum est tempus* quod de adventu Messiae edita oracula praeфинierunt, *regnumque Dei appropinquavit*; ita duodecim Israelis filii, gentisque israeliticae capita figuram imaginemque praesetulerunt eorum, quos numero *duodecim* Christus elegit, principes in sua ecclesia ⁵⁷ posuit, supremaque potestate auxit, qua ecclesiam ipsam exstruerent, novisque in dies accessionibus ⁵⁸ spirituali generatione amplificarent.

Quamquam vero singuli Israelis filii in priori typicoque regno נְשִׂאִים essent et רִאשֵׁי שְׁבָטִים, ex iis tamen unus, isque nominatim Judas praerogativa dignitatis eminuit. Sed quamam? ea ipsa quam Scripturae exhibent, quaeque *primogeniti* ⁵⁹ iure censebatur. Propria namque fuerunt Judae hinc quidem ut ipse ⁶⁰ esset habereturque *fratrum dominus*, quemque fratres ceu totius familiae parentem vererentur: inde vero ut nonnisi coniunctione cum ipso, cumque extituro ex eo semine reliqui principes divinam sibi benedictionem pollicerentur. Inquirendum igitur superest, quinam Judae personam referre in novo

⁵³) nn. 326. seqq.

⁵⁴) I. Cor. X. 18.

⁵⁵) Galat. VI. 16.

⁵⁶) Marc. I. 15.

⁵⁷) I. Cor. XII. 28. coll. Ephes. IV. 11.

⁵⁸) Unde illa Pauli I. Cor. IV. 15: Ἐν γὰρ Χριστῷ Ἰησοῦ διὰ τοῦ εὐαγγελίου ἐγὼ ὑμᾶς ἐγέννησα. Cf. Galat. IV. 19, ad Philem. v. 10, et I. Petr. I. 12.

⁵⁹) Primogeniti iura hoc ordine refert Jahn in Archaeolog. Biblic. §. 165: „Capiebat I. duas portiones hereditatis, quas Jacob a primogenito Ruben, ob incestum Gen. XXXV. 22, in Joseph, filios eius duos adoptando, transtulit, Gen. XLVIII. 5—8. Deut. XXI. 17. Primogenitus II. erat sacerdos familiae, quod Moses jussu Dei a tribu Ruben in tribum Levi transtulit, Num. III. 12—18, VIII. 18. Hinc primogeniti a sacerdotio redimendi erant, Num. XVIII. 15—16, conf. Luc. II. 22. Primo-

genitus III. gaudebat insigni inter fratres auctoritate et quasi patria potestate, Gen. XXV. 23—27—29, Exod. XII. 29, II. Paral. XXI. 3, quam Jacob a Rubene in Judam transtulit, Gen. XLIX. 8—10. Quare haec tribus, etiam antequam reges israelitis dabat, ubique a ceteris distinguitur. Hinc demum primogenitus erat quoque successor in regno, excepto Salomone, quem, etsi iunior, David singulari Dei nutu successorem designavit.“

Verum quod altero loco ius recensetur, illud primogenitis detrahit Campegius Vitranga, Sac. Observatt. lib. II. cap. II, cuius capitis hoc est lemma: „Vulgata sententia doctorum, quae fert, *sacerdotium olim fuisse inter praerogativas primogenitorum*, modesto subiicitur examini ac refellitur: et quae pro ea facere creduntur testimonia ex Scripturis divinis petita, explicantur.“

⁶⁰) Gen. XLIX. 8.

regno debuerit, et quemnam Christus ea praerogativa donarit, cuius imago typusque in Juda antecessit. Est autem omnino perspicuum, hunc fuisse Simonem Petrum, cui propterea duplex asseri praerogativa debet: altera *fontis* et *originis*, a qua seiungi nemo possit quin a Christi regno, promissionibusque separetur: altera ⁶¹ *primogeniti*, qua inter fratres ipsosque apostolos eximio proprioque iure antecelluerit.

Et priorem quidem praerogativam suis depinxere coloribus aquileienses patres, quum eam esse Petri cathedram, Ambrosio ⁶² interprete, professi sunt, *e qua in omnes venerandae communionis iura dimanant*. Posteriori vero confirmandae expoliendaeque conducunt solemnes formulae et in christianis monimentis frequentatae, quibus Petrus dicitur ⁶³ *episcopus episcoporum, pastor* ⁶⁴ *pastorum, antistes* ⁶⁵ *apostolorum, universi orbis terrae* ⁶⁶ *patriarcha, universalis* ⁶⁷ *praesul, pater* ⁶⁸ *patrum, pastoralis principatus dignitate* ⁶⁹ *insignis, ac divinissimum tandem* ⁷⁰ *omnium caput, divinoque auctum pastoralis principatu*.

390. His autem rationibus, quas *typicas* dici posse existimavimus, *analogicae* succedunt, quae pari evidentia finem instituti primatus, insitamque eidem vim facultatemque demonstrant. Inquiratur enim cuiusmodi illae fuerint, et quo eadem spectaverint, interrogetur. Haec una esse responsio poterit, quae specie veritatis aliqua commendetur: institutum propterea ⁷¹ fuisse primatum, ut Christi ecclesia ad formam *unius humani corporis, unius domus, unius regni, unius civitatis* ac *unius ovilis* expressa *ἀναλόγως* videretur. Quid autem facto opus fuit, ut institutione primatus tam praeclara, tamque insignis *ἀναλογία* obtineretur? opus dubio procul fuit, ut primatus *instar principii* crearetur, cuius virtute efficientiaque *multiplex* ac *varium in summam unitatemque* colligeretur: opus fuit ut ex primatu, veluti *e quodam capite*, coniunctionis unitatisque *forma* in distincta

⁶¹) Ea translata significatione, qua in bibliis כֶּכֶר dicitur quidquid excellit ac praestat.

⁶²) Epistola enim inter ambrosianas undecima, n. 4. principio negant, sibi ullam esse posse societatem cum Ursino romani schismatis auctore, quod infectus ariana lue videretur; tum interrogando subdunt, *quid etiam si deforet?* ac reponunt: *tamen totius orbis romani caput romanam ecclesiam, atque illam sacrosanctam apostolorum fidem, ne turbari sineret, obscuranda fuit clementia vestra; inde enim in omnes venerandae communionis iura dimanant.*

⁶³) Arnobius iunior in Ps. CXXXVIII.

⁶⁴) Eucherus lugdunensis hom. in Vigil. s. Petri.

⁶⁵) Proclus episcopus constantinop. orat. in Transfigur. Domini.

⁶⁶) Cf. Bolgeni, De Episcopatu, cap. II. n. 12, et Part. II. cap. V. n. 224.

⁶⁷) Bernardus de Considerat. lib. II. cap. VIII.

⁶⁸) Cf. Mamachi, Origg. et Antiquitt. Christian. lib. IV. Part. II. cap. III.

⁶⁹) Cf. De Maistre, Du Pape, liv. I. chap. VI.

⁷⁰) Cf. s. Francisci de Sales, Controverses, Disc. XL.

⁷¹) Cf. Card. Orsi, De Romani Pontificis auctoritate, lib. II. art. I,

diversaque ecclesiastici corporis membra refunderetur: opus fuit ut id esset in ecclesia primatus quod *in circulo centrum*, neque ad illum minus omnes ecclesiae partes convergerent, quam in hoc omnes omnino radii coalescunt.

Rationes igitur *ex analogia* ductae patefaciunt, unitatem ecclesiae habendam esse veluti proprium finem instituti primatus, ipsumque primatum non aliter spectari oportere quam uti principium ab iis omnibus instructum adornatumque, quibus praestantissimum unitatis bonum et primum effici, et effectum deinde custodiri ac protegi valide possit.

391. Quod altera confirmatur analogia plane dignissima, quae animo diligentius reputetur. Ea autem *e duplici respectu* ac *mutuo prope habitu* prodit, quo et *universalis ecclesia* ad particulares *coetus*, et institutio *primatis* ad institutionem refertur *episcoporum*, qui particulares coetus, Christo ⁷² auctore, moderantur. Quemadmodum enim uno eodemque τῆς ἐκκλησίας nomine in divinis ⁷³ litteris, christianisque ⁷⁴ monumentis tam universalis orthodoxorum societas, quam particulares coetus, quibus illa constat, designantur; ita arctissima est analogia, qua diffusa ubivis orthodoxorum ecclesia cum singulis eiusdem partibus devincitur.

Et sane quemadmodum de hisce omnibus verissime affirmatur, quod sint *una domus, una civitas, unumque ovile*; ita de universa orthodoxorum concione idipsum repeti debet, quum neque aliis imaginibus in Scripturis repraesentetur, neque minori iure dotem proprietatemque unitatis sibi vindicet. Unde aureum Chrysostomi ⁷⁵ effatum: *Εἰ ἐκκλησία Θεοῦ ἐστίν, ἦνωται καὶ μία ἐστίν, οὐκ ἐν Κορίνθῳ μόνον, ἀλλὰ καὶ ἐν πάσῃ τῇ οἰκουμένῃ. τὸ γὰρ τῆς ἐκκλησίας ὄνομα οὐ χωρισμοῦ, ἀλλὰ ἐνώσεως καὶ συμφωνίας ἐστίν ὄνομα. Si ecclesia Dei est, unita et una est, non solum Corinthi verum etiam in universo terrarum orbe. Ecclesiae namque nomen non divisionis sed unionis atque consensus nomen est.*

Jamvero quae fuit ratio instituendi singulares praesules qui singulares regerent coetus, illosque in unitate continerent; eadem Christo persuasit ut universalem crearet primatem, universoque ovili praeficeret. Non alia videlicet mente singulares instituendos praecepit antistites, qui suis quique coetibus supremo iure praessent,

⁷²) Hoc argumento anglicani potissimum moveri debent, qui divinam episcoporum institutionem, eorumque supra presbyteros auctoritatem tuentur.

⁷³) I. Cor. VI. 4, X. 32, XI. 22, XII. 28, Ephes. I. 22, Act. VIII. 1, IX. 31, I. Cor. I. 2, Coloss. IV. 16, et Apoc. I. 4—11—20.

⁷⁴) Chrysostomus in Genesim, hom. XXXII, in I. ad Cor. hom. XXXVI; Isidorus pelusiota, lib. II. epist. CCXLVI; Jo-

bis monachus apud Photium, cod. CXXII; Cyrillus alexandrinus in cap. XLII. Isaiae; Theodoritus in Ps. XL; Oecumenius ad I. Thess. I. 1; et synodus chalcedonensis, can. XVII.

⁷⁵) In I. Cor. hom. I. n. 1; unde Gregorius nazianzenus orat. XII. pag. 190. ecclesiam dicit ἄμικτον καὶ ἀμέριστον καὶ ὁμῶς δι' ὅλον χιτῶνα, tunicam intactam, divisionisque expertem ac per totum contextam.

illos ad unitatem redigerent, efficerentque ut descriptio cuiusque ecclesiae omnium optima haec foret ⁷⁶, *plebs sacerdoti coadunata, et pastori suo grex adhaerens*; quam universalem ipsemet creavit primatem, qui universalem regeret ecclesiam, illamque *unitatis forma* veluti imbueret, cunctisque tam ovibus quam pastoribus necessitatem cum Hieronymo ⁷⁷ exclamandi imponeret, *ego nullum primum nisi Christum sequens, beatitudini tuae, idest, cathedrae* ⁷⁸ *Petri communione consocior. Super illam petram aedificatam ecclesiam scio. Quicumque extra hanc domum agnum comederit, profanus est. Si quis in Noe arca non fuerit* ⁷⁹, *peribit Non novi Vitalem, Meletium respuo, ignoro Paulinum. Quicumque tecum non colligit, spargit; hoc est qui Christi non est, Antichristi est.*

392. Ad haec autem accessio, uti arbitrator, evidētia plane maxima fiet, si rationes ex iis eductae testimoniis quibus institutio primatus effertur, tum eae quae ex insitis ecclesiae dotibus proficiscuntur, non omnino perfunctorie considerentur. Ut enim de testimoniis primum dicam, vel nulla illis significatio sub-

⁷⁶) Cyprianus epist. LXIX. ad Florentium Pupianum, ubi concludit, *ecclesiam esse in episcopo*, vel ut loquitur epist. XXVII, *super episcopum constitui*. Consonat Hieronymus adver. Luciferianos n. 21. inquires: *ecclesia autem non est, quae non habet sacerdotem*; consonat et Chrysostomus epist. III. ad Olympiadem his verbis: *non enim esse ecclesia sine episcopo potest*. Quod gravissimum doctrinae caput iampridem tradiderat Ignatius in epist. ad Magnesianos scribens: *Σπουδάξετε πάντα πράσσειν, προκαθημένον τοῦ ἐπισκόπου εἰς τόπον θεοῦ, καὶ τῶν πρεσβυτέρων εἰς τόπον συνεδρίου τῶν ἀποστόλων, καὶ* (quod incisum deest in editione syriaca, quam William Cureton publicavit Londini, an. 1845. Ceterum de hac editione confer quae habet cl. Henricus Denzinger, *Ueber die Aechtheit des bisherigen Textes der Ignatianischen Briefe*, Wuerzburg, 1849.) *τῶν διακόνων, τῶν ἐμοὶ γληκνιάτων, πιστευμένων διακονίαν Ἰησοῦ Χριστοῦ.*

⁷⁷) Epist. LVII. al. XV.

⁷⁸) Quid *cathedrae* nomine veniat, obscurum non erit, si ad usum loquendi ecclesiasticum, originemque translati voca-

buli attenderimus. Etenim usitata graecis latinisque patribus loquendi forma, cuius testes sunt Rufinus in epist. ad Gaudentium praefixa Clementis Recognitionibus, Hieronymus ad Matth. XXIII. 2, et epist. XCVII. al. LXXVIII. ad Pammachium, Augustinus epist. CV. n. 16, Bacharius in Apologia a Muratorio edita Tom. II. Anecdotorum, Fulgentius in lib. de Trinit. ad Felicem nolanum, Gregorius turonensis Hist. lib. III. cap. I, Sidonius Epist. lib. IX. epist. XVI, graeci interpretes ad Matth. XXIII. 2, nomina καθέδρα, θρόνος, *cathedra, thronus, sedes*, potestatem designant magisterii, doctrinamque ἀνθεντικῶς traditam. Nec mirum, quum haec sit ipsissima potestas, Matth. XXIII. 2, ἐπὶ τῆς Μωσέως καθέδρας ἐκάθισαν οἱ γραμματεῖς, qua *cathedrae* nomen accipitur, et e qua ecclesiastica significatio defluxit.

⁷⁹) Crederes Hieronymum ista scribentem ob oculos habuisse Cypriani verba ex libro de Trinitate: „Hanc ecclesiae unitatem qui non tenet, tenere se fidem credit? qui ecclesiae renititur et resistit, qui *cathedram Petri, super quem fundata est ecclesia, deserit, in ecclesia se esse confidit*?”

est, vel hoc certe illa demonstrant, institutione primatus eo Christum spectasse, ut universae ecclesiae ⁸⁰ usitata solemnique *domus aedificii*que imagine exhibitae *fundamentum* supponeretur, quo et ipsa esset invicta, et iuncta copulataque permaneret: ut fidelibus ⁸¹ prorsus omnibus *confirmator* adesset, qui singulari Dei charismate in professione orthodoxae fidei stabilitus eandem ceteris constantiam immotamque firmitatem ⁸² impertiretur: ut collectum ⁸³ ex omnibus gentibus ovile unitate visibilis supremique pastoris unum redderetur: ut in dominica ⁸⁴ familia multiplici quadam iurium officiorumque varietate distincta unus aliquis emineret, qui omnium *ἡγούμενος* ac omnibus *μειζων* haberetur.

Verum talia ne censi ista possunt aut debent, e quibus finis instituti primatus, insitaque eidem vis ratioque innotuisse existimentur? indubitanter, quum *ἀμέσως* omnique semota ambage demonstrent, et institutum fuisse primatum *efficientis instar principii*, quo visibilis ecclesiae unitas formaretur, et ea fuisse illum auctoritate cumulatam, *sine qua* neque formari unitas, neque servari formata posset.

393. Cui sententiae eo firmius adhaerebimus, quo dotes penitus investigabimus, quibus privari ecclesia nequit, quin formam speciemque ab ea diversam induat quam a Christo recepit. Inter quas illa se primum ⁸⁵ offert, quae dici *ταυτότης* potest, et qua ecclesia sui semper similis esse debet, neque alia *οὐσιώδως* quum incoepit, alia quum incrementis aucta profecit, alia quum a Christo visibili capite regeretur, et alia quum factum id est quod ⁸⁶ Christus praedixerat: *μικρόν, καὶ οὐ θεωρεῖτέ με . . . ὅτι ὑπάγω πρὸς τὸν πατέρα*. Porro in suis *primordiis* ac ferme incunabulis, et quamdiu mortalem Christus vitam degit, eius coetus formam ecclesia praesetulit, qui supremo unius nutu gubernaretur, quique ex uno supremo conspicuoque capite unitatem conspicuam sortiretur. Ne igitur a semetipsa deinceps dissideret, ne aliam induisse naturam videretur, electus fuit primas, qui conspicuae unitatis principium esset, supremique capitis iure in universum corpus potiretur.

394. Quod necessarium sane fuit, ut duplici caractere atque tessera *unitatis* et *catholicitatis*, quibus in Scripturis ⁸⁷, monimentisque christianis ⁸⁸ ecclesia distinguitur, insignis emineret. Et *de unitate* quidem non disertissima

⁸⁰) Matth. XVI. 18.

⁸¹) Luc. XXII. 31—32.

⁸²) Placuit enim Christo, ut coniunctione cum Petro omnia ecclesiae membra invictam constantiam nanciscerentur.

⁸³) Joh. XXI. 15. seqq.

⁸⁴) Luc. XXII. 26.

⁸⁵) nn. 72—79 et nn. 268. seqq.

⁸⁶) Joh. XVI. 16—17.

⁸⁷) Joh. X. 16, XVII. 20—23, I. Cor. XII. 12. seqq., Ephes. II. 14—22, IV. 5. coll. I. Cor. I. 10, Luc. XXIV. 47, Marc.

XVI. 20, Act. I. 8, IX. 15, Rom. X. 18, Coloss. I. 8—23.

⁸⁸) Clemens romanus in I. ad Corinth. §. XLVI, Ignatius ad Philad. §. III, ad Smyrn. §§. I—VII, ad Ephes. §. IV; Clemens alexandrinus Paedag. lib. I. n. 6, Stromat. lib. VII. n. 17; Tertullianus de Praescriptt. cap. XX, Irenaeus adv. Haeres. lib. IV. cap. XXVI. n. 2, Origenes in Levit. hom. IV. n. 8, Eusebius in Ps. LXXXVI. 4, Cyrillus hierosolymit. Catech. XVIII. n. 26, et Pacianus ad Sympron. epist. I. n. 4.

solum sunt quae habentur in symbolis ⁸⁹, quaeque in patrum operibus ⁹⁰ uberius explanantur, verum etiam quae ad *finem* spectantia conditae a Christo ecclesiae biblia complectuntur. Apparuit enim ⁹¹ gratia Salvatoris nostri omnibus hominibus erudiens eos, ut qui ⁹² veritatem in mendacium mutaverant, nec probaverant Deum habere in notitia, iam ⁹³ haec omnia abnegantes fierent populus acceptabilis, et per Christum illuminati ⁹⁴ ac in veritate sanctificati per unius fidei professionem unum essent ⁹⁵ corpus, unusque spiritus, eo modo ⁹⁶ quo Pater et Filius unum sunt, nullis ⁹⁷ dividerentur sectis factionibusque, quae ⁹⁸ sunt manifesta carnis opera non Dei, qui ⁹⁹ non est dissensionum Deus sed pacis. Idcirco enim ¹⁰⁰ Christus unigenitus Patris suum tradidit sanguinem, ut gloriosam sibi exhiberet ecclesiam, non habentem maculam aut rugam aut aliquid huiusmodi, quod pacem violet, consensionemque fidei pervertat, sed ut sit sancta et immaculata, immota ¹⁰¹ immobilitate petrae cui incumbit, quamque ne portae quidem inferi superare possunt: sapienter ordinata ¹⁰² ut domus Dei, in qua omnes ¹⁰³ vocem audiunt illius, qui ¹⁰⁴ uti *ἡγούμενος* praepositus est, fratrūque ¹⁰⁵ tutelam, universique coetus curam ¹⁰⁶ suscepit, praedita ¹⁰⁷ virtute ex alto, et Spiritu ¹⁰⁸ veritatis, qui a Patre procedit, confirmata: insignis ¹⁰⁹ denique potestate authentici magisterii, cui si qui ¹¹⁰ fidem non adiunxerint neque morem gesserint, hi tamquam ethnici et publicani iudicio in caelis rato fixoque pronuncientur. Sunt ne vero qui non cernant, *hac descriptione*, qua praefixus ecclesiae finis, nativaeque eius indoles ac prope facies exprimuntur, et ipsum comprehendere primatum, illumque uti principem exhiberi caussam, qua totius corporis unitas efficiatur? haud puto, quum perspicuum adeo sit vinculum, quo ista mutuo colligantur.

⁸⁹) Cf. Antonii Jos. Binterim epistolam catholicam secundam de vi rectoque usu probationis in rebus theologicis per symbola et antiquos fidei libellos.

⁹⁰) Omnibus namque patribus communis est doctrina, quam pictaviensis Hilarius in Ps. CXXI. n. 5. his verbis complectitur: „Unum ecclesia corpus est, non quadam corporum confusione permixtum, neque singulis in indiscretum acervum et informem cumulum adunatis, sed per fidei unitatem, per caritatis societatem, per operum voluntatisque concordiam, per sacramenti unum in omnibus donum, unum omnes sumus.“

⁹¹) Tit. II. 11.

⁹²) Rom. I. 25.

⁹³) Tit. II. 14. coll. I. Petr. II. 25.

⁹⁴) Joh. XVII. 17.

⁹⁵) Ephes. IV. 4.

⁹⁶) Joh. XVII. 21.

⁹⁷) Galat. V. 20.

⁹⁸) Ibid. v. 19.

⁹⁹) I. Cor. XIV. 33.

¹⁰⁰) Ephes. V. 27.

¹⁰¹) Matth. XVI. 18.

¹⁰²) I. Tim. III. 15.

¹⁰³) Matth. XVIII. 17.

¹⁰⁴) Luc. XXII. 26.

¹⁰⁵) Ibid. vv. 31—32.

¹⁰⁶) Joh. XXI. 15. seqq.

¹⁰⁷) Act. I. 4—8.

¹⁰⁸) Joh. XV. 26.

¹⁰⁹) Matth. XXVIII. 20.

¹¹⁰) Ibid. XVIII. 18.

395. Nescio tamen an reddi illustrius nequeat, si vulgatae apud protestantes *de ecclesiae unitate* opiniones brevissime enumerentur. Iis namque omissis, quibus vera Christi ecclesia est *invisibilis* ¹¹¹, quique propterea e censu dotum, quibus insigniri ea debet, *conspicuum unitatem* expungunt; ceterorum omnium sententiae ad tres commode classes revocantur.

Anglicani enim, quorum *δόγμα* praeter Pearsonium in Symboli enarratione, reliquis accuratius Henricus Dodwellus ¹¹² expolivit, principio notant, quaestionem *de visibili unitate* non eodem dirimi modo posse, *sive ad universam ecclesiam, sive ad singulos quosque christianorum coetus* referatur. Sed quam potissimum ob causam? quod, aiunt, voluerit sane Christus, ut *singulares coetus* unitate duplici interna externaque ornarentur; at non item voluerit, ut eadem nota eademque tessera *universalis ecclesia, omniumque coetuum summa* insignis emeretur: quod voluerit utramque unitatem characterem esse notamque singularium coetuum, si quemadmodum loqui in scholis solemus, *seorsum et distributive* considerentur; at non item voluerit characterem esse notamque corporis totius, omniumque coetuum, si *simul et collective* spectentur. E quibus inferendo concludunt, nutu imperioque Christi electos creatosque fuisse *episcopos*, qui *singulis* praeesent *ecclesiis*, et in ecclesiis singulis *origo* essent, *externaeque unitatis* ¹¹³ *principium*: non autem electum creatumque fuisse primatem, cui *universalis* subesset *ecclesia*, et *e quo externa eiusdem unitas* penderet.

396. Quae dum audio, vehementissime miror, qui potuerint doctorum hominum mentes animosque subire, ac ab iis fidem assensionemque impetrare. Ecquid enim in promptu illis fuit, quo alterutrum confirmarent, quove sibi, aliisque persuaderent, aut externam unitatem singulis quidem necessariam esse ecclesiis, non autem ecclesiae universali: aut a Christo institutionem quidem profectam esse episcoporum, quibus singulares crederentur ecclesiae, non autem primatis qui universam ecclesiam regendam, administrandam atque in unitate continendam suscepit? Habuerunt ne oracula Scripturarum quibus fiderent? sed quoties in bibliis de ecclesiae unitate disseritur, toties ¹¹⁴ de ecclesia sermo est quae *βασιλεία τοῦ Θεοῦ, βασιλεία τοῦ Χριστοῦ*, et *βασιλεία* ¹¹⁵ *τῶν*

¹¹¹) In quem gravissimum errorem primi reformationis architecti idcirco offenderunt, quod non alia iis pateret ratio qua conflatum schisma defenderent. Eo autem tutius in praesentia negliguntur, quo in plerisque etiam protestantium confessionibus *visibilitas* inter ecclesiae dotes numeratur.

¹¹²) In dissert. Cyprianica cap. VII. de episcopo unitatis principio, et s. Petri in apostolos primatu unitatis exemplari,

¹¹³) Dodwellus in dissert. cit. §§. VII. seqq.

¹¹⁴) Matth. XI. 11—12, XIII. 41, XVI. 19, Marc. X. 23—24—25, Luc. VII. 28.

¹¹⁵) Dubitari non potest, apud scriptores novi testamenti, Matth. XI. 11. coll. Luc. VII. 28, Matth. XVI. 19. coll. v. 18. Matth. XIX. 14. coll. Marc. X. 15, immo et I. Maccab. III. 60. voce *τοῦ οὐρανοῦ* et *τῶν οὐρανῶν* *Deum* plus semel significari,

οὐρανῶν dicitur, quae *gentium haereditas* nuncupatur, quaeque *ubique terrarum extensa universum hominum genus* suo sinu fovet, maternaque benevolentia complectitur. An forte habuerunt symbola quae citarent? atqui in symbolis non alteri ecclesiae tribuitur unitas, nisi quae *ἐπλωῶς* simpliciterque ecclesia dicitur, quaeque *catholicae* appposito saepissime ornatur.

Praeterea est ne ecclesiae vocabulum quum *infinite* accipitur, significatione anceps et potestate ambiguum? immo definitum prorsus est ac omnino circumscriptum. Definitum in divinis litteris, in quibus suapte sponte universam exhibet ¹¹⁶ fidelium societatem. Definitum apud Patres, Irenaeum ¹¹⁷, Tertullianum ¹¹⁸, Clementem ¹¹⁹ alexandrinum, Origenem ¹²⁰, Hilarium ¹²¹, Hieronymum ¹²², ac reliquos omnino ¹²³ omnes, qui dum eo utuntur, universum christianum nomen una eademque communione iunctum copulatumque repraesentant. Definitum in monimentis conciliorum, in canonibus ¹²⁴ laodicaenis, carthaginiensibus ¹²⁵ et ¹²⁶ constantinopolitanis, in quibus ecclesiae nomen diffusum ubivis orthodoxorum coetum, et ab haereticorum, schismaticorumque factionibus secretum demonstrat. Definitum in vetustissimis symbolorum ¹²⁷ enarrationibus, quarum unanimem concordemque sententiam retulisse Tertullianus ¹²⁸ videtur, inquit: „Itaque tot et tantae ecclesiae, una est illa ab apostolis prima, ex qua omnes. Sic omnes primae, et omnes apostolicae, dum unam omnes probant unitatem, dum est illis communicatio pacis et appellatio fraternitatis et contesseratio hospitalitatis, quae iura non alia ratio regit, quam eiusdem sacramenti una traditio.“ Definitum postremo apud ipsos ¹²⁹ haereticos, qui ut intelligerentur, non alio adhibere sensu ecclesiae nomen potuerunt, quam ut eo universalem τῶν πιστῶν σύλλογον significarent.

Post quae minime necessarium fore arbitror ab anglicanis denuo percon-

ea omnino de caussa quod Daniel. IV. 23, et in recentioribus hebraeorum libris, דְּבָרַיִם de Deo adhibitum legatur. Unde formulae βασιλεία τοῦ θεοῦ, et βασιλεία τῶν οὐρανῶν significandi potestate consentiunt.

¹¹⁶) I. Cor. VI. 4, X. 32, XI. 22, XII. 28, Ephes. I. 22, III. 10—21, V. 23—24—25—27—29—32, Coloss. I. 18—24, I. Tim. III. 15: Ἐν οἴκῳ ἧς ἐστὶν ἡ ἐκκλησία.

¹¹⁷) Adv. Haeres. lib. I. cap. III, et lib. III. cap. IV.

¹¹⁸) De Praescriptt. cap. IV.

¹¹⁹) Stromat. lib. VII. §. XVII.

¹²⁰) In Cantic. hom. III.

¹²¹) De Trinit. lib. VII. cap. XII.

¹²²) Dialog. adv. Luciferianos, in quo et ista leguntur: *Poteram omnes propositionis rivulos uno ecclesiae sole siccare.*

¹²³) Cf. Nicole, De l'unité de l'Eglise, liv. I. ch. V.

¹²⁴) Concil. laodic. cann. IX—X.

¹²⁵) Concil. carthag. IV. can. LXXI. coll. Cod. l. 1. c. 5. de Haeret.

¹²⁶) Concil. constantinop. II. Act. III.

¹²⁷) Apud Rufinum, Cyrillum hierosolymitanum, Augustinum, aliosque.

¹²⁸) De Praescriptt. cap. XX.

¹²⁹) Cf. quae Act. VI. concilii nicaeni II. adducuntur ex constantinopolitana iconoclastarum synodo, et refutantur.

tari, num forte priscos habuerint ¹³⁰ patres, quos suae sententiae duces auctoresque sequerentur. Quid enim illi de unitate ecclesiae censuerint, quidve crederint, abunde ostendunt quae innuimus, quaeque Irenaeus praeclarissime ¹³¹ tradit, inquit: „Ecclesia quamvis per universum orbem dispersa, diligenter tamen quasi eadem domo contineretur, fidei regulam conservat, eamque tenet perinde ac si anima eius esset una et cor idem, immo et docet summo consensu, quasi uno ore loqueretur. Nempe etsi linguae mundum occupaverint diversae, traditionis tamen vis una est atque eadem, nec Germaniae ecclesiae, nec Hispaniae, Galliaeque, Orientis, Aegypti, Lybiaeque, et medii orbis aliam fidem amplectuntur. Sed ut unus est idemque universo terrarum orbe lucens sol; sic et veritatis praeconium fulget ubique, omnesque homines, qui eius cognitionem appetant, illuminat.“

Quid igitur eos permovit, ut unitatem singularum ecclesiarum, episcoporumque institutionem cum ea cohaerentem necessaria esse defenderent, negarent contra vel unitatem ecclesiae universalis haberi necessariam oportere, vel institui debuisse primatem, cuius auctoritate universalis unitas efficeretur? quid eos impulit, ut pugnantia affirmarent, ac veluti palladium quoddam tuerentur? evidentia Scripturarum, indubitataque totius christiani nominis doctrina fidesque ab iis extorsit, ut ecclesiae dotibus unitatem connumerarent, episcoporumque institutionem utpote efficiendae continendaeque unitatis necessariam Christo assererent. At fixum defendendi schismatis propositum, consiliumque reiiciendi primatus susceptum eosdem impulit, ut indictam a Christo ordinatamque universalis ecclesiae unitatem inficiarentur. Quibus affirmatis negatisque eiusmodi prodiit doctrinae monstrum ¹³², quo nullum turpius, nullum ab utroque lumine supernaturali et naturali, revelationis et rationis magis abhorrens, quodque facilius profligetur.

¹³⁰) Incredibile omnino videri debet, potuisse Dodwellum testimoniis abuti e Cypriani libello *de unitate* desumptis, ut beati martyris suffragio unitatem dumtaxat singularium ecclesiarum necessariam esse defenderet. Nihil enim exploratius quam in id Cyprianum incumbere, ut unitatem cum ea ecclesia necessariam depraedicet, quae in multitudinem latius incremento foecunditatis extenditur, quae Domini luce perfusa per orbem totum radios suos porrigit, quaeque universum episcopatum, eundemque unum complectitur. Unde in epist. LI. al. LIV. ad romanos confessores data scribit: *Sed et catholicae ecclesiae unitatem, quantum potuit, expressit nostra*

mediocritas. Quem libellum (de unitate) magis ac magis nunc vobis placere confido, quando eum iam sic legitis, ut et probetis et ametis: siquidem quod nos verbis conscripsimus, vos factis impletis, quando ad ecclesiam caritatis ac pacis unitate remeatis.

¹³¹) Adv. Haeres. lib. I. cap. III.

¹³²) Hoc monstrum vidit, exagitavitque Cartuvrightus in defensione Wirgisti, inquit: *Si necessarium est ad unitatem in ecclesia tuendam unum archiepiscopum aliis praeesse; cur non pari ratione toti ecclesiae Dei unus praeerit archiepiscopus?*

397. Ea sequitur protestantium opinio, quam Campegius Vitringa¹³³ pluribus exposuit, et quo potuit diligentius, confirmavit. Hi duplicem secernunt¹³⁴ ecclesiae unitatem, *interiorem* alteram, *spiritalem, e coniunctione perfectam cum uno eodemque invisibili capite Christo Jesu, et inhabitatione sancti Spiritus, caelestiumque charismatum largitione cumulatam atque perfectam*: alteram *exteriorem, conspicuam, quaeque ex eadem fidei professione, eorumdem sacramentorum consortio, obedientiaque iisdem delata praepositis* tota dependeat. Quo constituto discrimine, ita subducere rationes pergunt, ut priorem unitatem esse doceant *universalem* et ἀπλῶς *necessariam*¹³⁵; posteriorem vero neque esse universalem neque necessariam *nisi hypothetice*¹³⁶,

¹³³) Sac. Observatt. lib. V. capp. VII. seqq. *de communione christianorum externa hypothetica.*

¹³⁴) Huic illustrandae distinctioni conducunt quae scribit Claudius tom. II. Defens. Reformat. part. III. cap. I: „Ecclesia potest considerari, aut cum ὁχλοῦ ad statum suum interiorem, quatenus est corpus Christi mysticum, societas solorum vere credentium et electorum Dei, absque permixtione hypocritarum et mundanorum hominum, tota pura, ut Deo obversatur; aut cum respectu ad statum suum exteriorem, quatenus est societas, quae unam professam religionem complectitur magnum satis numerum mundanorum et hypocritarum, qui nequaquam pertinent ad mysticum Christi Jesu corpus, nec ecclesiae nomine insigniuntur nisi secundum externam speciem. Haec distinctio nimis est evidens, quam ut prolixè probari debeat; nec ipsi etiam adversarii nostri nobis de ea controversiam movent. Et tamen ita instituunt, ut in omni sua disputatione hos duos ecclesiae respectus passim confundant. Nam quando de promissis Dei agitur, quae Deus ecclesiae facit de perpetuitate ecclesiae, quae referenda ab ipsis essent ad ecclesiam internam, sive mysticum Christi Jesu corpus, referunt ea ad ecclesiam externam, hypocritis et mundanis permixtam: et quando quaestio instituitur de officiis, ad quae christiani per mutuam communio-

nem obligantur: loco quo ea referre deberent ad ecclesiam externam sive permixtam, referunt ad ecclesiam internam, ut pura absque labe mortifera Deo obversatur. Et vere dicimus, *hanc confusionem fontem esse omnium errorum, et fundamentum omnium schismatum, quae in disputatione de ecclesia committunt.*“

Atqui non confundunt catholici distinctos respectus, neque huic confusioni in maximis de ecclesia quaestionibus inniuntur. Unde ergo illorum a protestantibus divortium? quod hi *dividant et separent*, quod illi *distingui* dumtaxat posse contendunt: quod protestantes interiorem ecclesiam ab exteriori *sejungant*, *coniungant* catholici, quemadmodum Verbum coniunctum est cum carne quam assumpsit, et anima cum corpore quod informat: quod protestantes opinentur, divinas Christi promissiones ad interiorem invisibilemque ecclesiam pertinere, teneant contra catholici ad unam pertinere ecclesiam, quae corpore animaque componitur: quod protestantes in lucem revocent donatistarum ὑπόθεσιν, illamque catholici repellant. Sed haec innuisse sufficiat.

¹³⁵) Est enim perspicuum, cum electis sanctisque omnibus unitatem esse servandam.

¹³⁶) Cuiusmodi autem sit haec hypothesis, Vitringa nusquam declarat.

atque adeo quum *latius patere*, tum *adstringi angustius* posse. Paucis, *necessitatem, universitatemque simplicem absolutamque* dotes esse putant *unitatis spiritualis ac invisibilis*, nullatenus vero *externae atque conspicuae*.

Verum quibus haec tabulis confirmant, quibus probant auctoribus? Patribus ne iisque vetustissimis, quique interpellata numquam serie apostolis successerint? immo candide aperteque fatentur, *externam visibilemque unitatem* visam esse patribus *penitus, simpliciterque necessariam*, neque iis duntaxat qui quarto quintoque saeculo floruerint, sed iis etiam qui altero tertiove ecclesiam illustrarint. Audiat quem laudavimus Campegius Vitringa ¹³⁷: „Si veteris ecclesiae christianae doctores, ait, hic consulamus, videntur passim hanc amplexi esse sententiam, *communione* credentium in sacris publicis, coena Domini, et mutuis fraterni amoris officiis, non celebrari *sub hypothesis*, sed *ἀπλῶς, absolute*. Supposebant illi, et persuasum sibi habuisse videntur, omnes qui baptismali aqua post antecedaneam praeparationem rite tincti ecclesiae christianae adiungerentur, per gratiam Spiritus sancti vere *regenerari*, atque adeo ecclesiam christianam ¹³⁸ esse coetum hominum, qui secundum potissimam sui partem (hypocritis nimirum, qui pauci numero in ea latere poterant, exceptis) *gratiam* Spiritus sancti *renovantem* et *sanctificantem* participabant; proinde *ecclesiae* adscriptum esse, fere tantumdem esse ac *caelesti* adscriptum esse *civitati*. Nomen suum in diptychis ecclesiae habere, idem fere esse ¹³⁹ quod nomen suum inscriptum habere ipsi albo electorum Dei. *Ecclesiae* contra *communione secludi* ¹⁴⁰, sive sa-

¹³⁷) Sac. Observatt. lib. V. cap. VIII.
§. IV.

¹³⁸) Nimirum de visibili Christi ecclesia loquebantur et sentiebant, quemadmodum de ea loquutos esse ac sensisse auctores *θεοπνεύστους*, Rom. I. 7, I. Cor. I. 2, Ephes. I. 3—13, V. 27. noverant. Quo autem pacto eiusmodi dicendi formulae intelligendae sint, Chrysostomus et Augustinus declararunt. Ille quum in I. ad Corinthios hom. II, expressas esse docuit ad vulgatissimam legem, *qua potiorrem partem pro toto accipimus*; hic quum epist. LIX. q. VI. adnotavit, *Scripturae morem esse ita loqui de parte tamquam de toto. Sicut corinthios in primis epistolae suae partibus ita Paulus laudat, tamquam omnes tales sint, cum essent laudabiles quidam eorum: et postea in nonnullis epistolae ipsius locis ita reprehendit tamquam omnes culpabiles essent,*

propter quosdam qui tales erant. Istam divinarum scripturarum consuetudinem per omne corpus litterarum eius creberrime sparsam quisquis diligenter adverterit, nulla dissolvit, quae inter se videntur esse contraria.

¹³⁹) Utique destinatione et scopo.

¹⁴⁰) Ita sane, si eorum fieret vitio qui ecclesiae communione secludebantur. Aliter enim si contingeret, nemo erat cui non probaretur Augustini doctrina in lib. de vera relig. n. 11: „Saepe etiam sinit divina providentia per nonnullas nimium turbulentas carnalium hominum seditiones expelli de congregatione christiana etiam bonos viros. Quam contumeliam vel iniuriam suam cum patientissime pro ecclesiae pace tulerint, neque ullas novitates vel schismatis vel haeresis moliti fuerint; docebunt homines, quam vero affectu et quanta sinceritate caritatis Deo serviendum

cramento corporis et sanguinis Domini exauctorari, et arceri ab omni communione fraternitatis, Tertulliani ¹⁴¹ rursus dictione, dubiam facere spem salutis et ¹⁴² aeterni exitii metum incutere: quippe supponebant extra *communio- nem ecclesiae externam*, quam cum *communione sanctorum mystica et spirituali* confundebant, neminem servari. Tum praeterea, quae his affinia sunt, et ex eodem fonte hausta, episcopos in ecclesia christiana ipsius Christi Jesu vices ¹⁴³ et personam sustinere; ab iis rite et ordine electis qui se separabant, se simul separare a communione ipsius Christi; qui ab episcopis post poenitentiam publice secundum disciplinae ecclesiasticae canones actam *absolvebantur*, et dignitati suae restituti *osculo pacis* honorabantur; ab ipso Deo et Christo iudice *absolvi* in foro caelesti: denique quae omnium eiusmodi hypothesium *audacissima* ¹⁴⁴ erat, actum esse de salute omnium illorum, qui se in *schismate* secernebant ab *externa* ecclesiae et sacrorum *communione*: etiamsi hactenus ¹⁴⁵ nec haeresi infecti, nec criminibus professionem christianam destruentibus, obstricti essent. Quae singula *facile* mihi foret *ex sententiis et disciplina doctorum ecclesiae primitivae* prolixè adstruere, si peritioribus ignota essent, aut ratio instituti nostri id permetteret. Nunc solummodo provoco ad epistolam ¹⁴⁶ Cypriani ad Magnum, qua tota has ipsas, quas modo recensebam, hypothesen supponit et urget: et vero inter alia de Novatiani schismate disserens, in haec verba diserte scribit: *Quod si una est ecclesia, quae a Christo diligitur, et lavacro*

sit. Talium ergo virorum propositum est, aut sedatis remeare turbinibus, aut si id non sinantur, vel eadem tempestate perseverante, vel ne suo reditu talis aut saevior oriatur, tenent voluntatem consulendi etiam eis ipsis, quorum motibus perturbationibusque cesserunt, sine ulla conventiculorum congregatione usque ad mortem defendentes et testimonio iuvantes eam fidem, quam in ecclesia catholica praedicari sciunt. Hos *coronat* in occulto Pater, in occulto videns. Rarum hoc videtur genus; sed tamen exempla non desunt, immo plura sunt quam credi potest. De quo raro hominum genere finitima scribit lib. I. de Baptis. cap. XVII, deque eo accipi debent quae habet epist. LXXXVIII. n. 4: „Quid enim obest homini, quod ex illa tabula (e diptychis) non vult eum recitare humana ignorantia, si de libro viventium non eum delet iniqua conscientia?“

¹⁴¹) Ad uxorem, lib. II. cap. III.

¹⁴²) Ut enim idem scribit Tertullianus Apolog. cap. XXXIX: „Summum futuri iudicii praeiudicium est, si quis ita deliquerit, ut a communicatione orationis et conventus et omnis sancti commercii relegendur.“

¹⁴³) De hoc doctrinae capite frequentissima sunt eaque illustria in sinceris Ignatii epistolis testimonia.

¹⁴⁴) Quis suspicaretur dici *audacissimam* potuisse sententiam, quam patres ab ipsis christianae religionis exordiis tradiderint, et unanimes confirmarint? quis non vehementissime hac dissensione permoveatur, qua ab apostolicis viris, patrumque choro protestantes separantur?

¹⁴⁵) Quod nimirum patribus crimen esset flagitiumque immane in partes discindere mysticum Christi corpus, eamque subvertere unitatem, pro qua Patrem tam impense exoraverat.

¹⁴⁶) Epist. LXIX.

eius sola purgatur; quomodo qui in ecclesia (hoc est in communione coetus externi particularis, qui partem facit ¹⁴⁷ ecclesiae catholicae externae) *non est, aut diligi a Christo, aut abluī et purgari lavacro eius potest? propter quod cum sola ecclesia habeat aquam vitalem, et baptizandi atque abluendi hominis potestatem, qui dicit apud Novatianum baptizari et sanctificari aliquem posse, prius ostendat et doceat Novatianum in ecclesia esse, aut ecclesiae* ¹⁴⁸ *praesidere. Ecclesia enim una est, quae una et intus esse et foris non potest. Si enim apud Novatianum est, apud Cornelium non fuit. Si autem apud Cornelium fuit, qui episcopo Fabiano legitima ordinatione successit, et quem praeter sacerdotii honorem* ¹⁴⁹ *martyrio quoque Dominus glorificavit, Novatianus in ecclesia non est. Id ipsum est quod nos modo anticipabamus.*“

398. Sed unde Vitrīnga, unde eiusdem doctrinae vindices sibi tantos

¹⁴⁷) Non externae solum, verum etiam internae, quae ab illa distingui quidem mente potest, separari autem re ipsa non potest.

¹⁴⁸) Haec infinita loquutio, *ecclesiae praesidere*, quam Cyprianus de Novatiano usurpat qui se Petri successorem venditabat, indicium continet non obscurum, ovile creditum Petro tantum patere, quantum ipsa pretenditur ecclesia.

¹⁴⁹) Quanti fieret *sacerdotii honor*, quo Petri successores praefulgebant, quemque Cyprianus epist. LV. al. LII. ad Antonianum, *gradum* (haec vox Rigaltio, Felloque displicuit, qui illam propterea expunctam voluissent) *cathedrae sacerdotalis* appellat; colligere ex iis licet, quibus in eadem epistola Cornelium extollit, „quod sederit intrepidus Romae in sacerdotali cathedra eo tempore, cum tyrannus (Decius Augustus) infestus sacerdotibus, fanda atque infanda comminaretur, *cum multo patientius et tolerabilius audiret levāri adversus se aemulum principem, quam constitui Romae aemulum* (ita in editt. Erasmi, Manutii, Pamelii, frustra obnitentibus Rigaltio et Fello, qui substituunt, *quam constitui Romae Dei*) *sacerdotem.*“

Etenim, subdit Gabriel Albaspinæus

Observatt. lib. I. observat. XXIII, quid praeclarius aut magis insigne reperiri potest, quam romani praesulis dignitatem illis temporibus eo devenisse potentiae, ut ethnicis principibus, qui rerum potiebantur, non solum invisā et suspecta esset, sed etiam aemulationem pareret? qua enim ratione aemuli esse potuissent, nisi de summa auctoritate inter eos aliqua fuisset contentio? vel saltem nisi existimassent Caesares tantum sibi detrahi, quantum ab omnibus christianis obsequii et obedientiae summis pontificibus praestaretur? Accedebat quod ab Augusto omnes imperatores pontificatus maximi, atque tribunatus plebis potestatem et nomen una cum imperio retinuerant. Non poterant ergo non gravissime ferre, quod romani episcopi, qui teste Tertulliano in libro de Pudicitia, *pontifices maximi* appellabantur, honores et titulos sibi debitos adsumerent, et de eadem quasi dignitate contenderent. Quam supremam apud christianos illorum dignitatem compertam fuisse imperatoribus, eo etiam comprobatur iudicio, cuius meminit H. E. lib. VII. cap. XXX. Eusebius, et quo, mutuo contendentibus Domno et Paulo antiochenis episcopis, Aurelianus Augustus decrevit, ut episcopales aedes illius forent, cui *romanus antistes* adiudicasset.

sumpsere animos, ut patribus universis, sententiaeque constanter traditae repugnarent? Ab iis profecto argumenta exspectares decretoria, eaque biblicorum effata quae *non aliam conspicuae externaue unitatis necessitatem quam hypotheticam* disertissime proponerent. Atqui frustra evangelia, frustra epistolas, et frustra Actus in omnes partes verses, ut eiusmodi effata reperiatis. In iis enim non solum mentio iniicitur nulla discriminis, quo *necessitas unitatis invisibilis absoluta, unitatis autem conspicuae externaue hypothetica dumtaxat* statuatur; sed iugiter luculenterque ipsa visibilis unitas praecipitur, ac uti character effertur, quo mysticum Christi corpus, veraque ecclesia carere ¹⁵⁰ nequit, et cuius violatio iis accensetur operibus, quae carnis opera dicuntur, quaeque a regno Christi et Dei extorres reddunt.

Praeterea videri ne potest *hypothetice* solum necessarium, quod nisi ¹⁵¹ teneas sancteque custodias, ab ipso temet bonorum fonte praecidas, ordinemque divinitus praefinitum consequendae salutis transgrediaris ac subvertas? nemo sui compos haec, hisque finitima contendere ausit. Quid iamvero moluntur, quid efficiunt, qui externam conspicuamque unitatem violant, seque ab externo conspicuoque ecclesiae corpore seiungunt? fontem bonorum omnium sibi penitus obstruunt, callemque ineunt quo numquam pro statuto divinae providentiae ordine ad salutem, filiorumque hereditatem ¹⁵² perveniant.

Sane est quidem Christus Salvator, sed ¹⁵³ mystici sui corporis quod est ecclesia, quam suo ¹⁵⁴ propterea sanguine redemit, sibi arctissimo ¹⁵⁵ sponsae vinculo copulavit, promissionibus ¹⁵⁶ auxit, gratiis omnigenis ¹⁵⁷ instruxit, nobi-

¹⁵⁰) Egregia sunt quae scribit Melancthon in Loc. comm. de Eccles. pag. 488: „Quotiescumque de ecclesia cogitamus, intueamur coetum vocatorum, qui est ecclesia visibilis, nec alibi electos ullos esse somniemus, nisi in hoc ipso coetu visibili. Nam neque invocari, neque agnoscere Deus aliter vult, quam ut se patefecit. Nec alibi se patefecit, nisi in ecclesia visibili, in qua sola sonat vox evangelii. Nec aliam fingamus ecclesiam invisibilem et mutam hominum, in hac vita tamen viventium; sed oculi et mens coetum vocatorum, idest, profitentium evangelium Dei intueantur, et sciamus oportere inter homines publice sonare evangelii vocem, sicut scriptum est: *in omnem terram exivit sonus eorum*.“ A quibus ne hilum quidem dissident quae tradunt Molinaeus,

Nouveauté, Liv. I. chapp. II—IV, Ursinus in Proleg. Catech. §. I, et auctores Catechismi Remonstrant. q. CX.

¹⁵¹) In plerisque protestantium confessionibus, helvetica art. XIV, gallica art. XVI, scotica art. XXVII, belgica art. XXVIII, saxonica art. XII, bohémica art. VIII, et remonstrantium cap. XXII. instar theorematismis indubitati habetur, *non alibi esse heredes vitae aeternae, nisi in visibili coetu vocatorum*.

¹⁵²) Cf. Augustinum de Baptismo con. Donatistas lib. I. cap. IX.

¹⁵³) Ephes. V. 23.

¹⁵⁴) Act. XX. 28.

¹⁵⁵) Ephes. V. 25. seqq.

¹⁵⁶) Matth. XVI. 18—19, XVIII. 18, et XXVIII. 20.

¹⁵⁷) Ephes. IV. 15—17.

lissimaque dote ¹⁵⁶ veritatis, caritatis, sanctique Spiritus donavit, ut illam denique salvaret, aeternoque ¹⁵⁹ gloriae pondere muneraretur. Verum cuiusmodi est ecclesia, ad quam ista referuntur? conspicua ne an invisibilis? discissa ne ac in partes factionesque divisa, an unica et cohaerens? illa ipsa est quam Christus condidit, splendore solis ¹⁶⁰ illustrem reddidit, multiplici ¹⁶¹ externo nexu devinxit, unam esse ¹⁶² decrevit unitate domus, familiae, civitatis, regni, ea unitate qua Pater et Filius unum sunt, in qua ¹⁶³ posuit pastores et doctores qui solverent et ligarent, partiumque omnium unitati consensionique prospicerent, quam ¹⁶⁴ super Petrum fundavit, ac Petro potissimum regendam credidit, pascendamque commisit. Si qui ergo ab unica visibilique ecclesia dissideant, hi ad eorum spectant numerum de quibus apostoli Domini ¹⁶⁵ praedixere, *ὅτι ἐν ἑσχάτῳ χρόνῳ ἔσονται ἑμπαῖχται, κατὰ τὰς ἐπιθυμίας ἑαυτῶν πορευόμενοι τῶν ἀσεβειῶν*: hi ¹⁶⁶ sunt οἱ ἀποδιορίζοντες ¹⁶⁷, ψυχικοί, πνεῦμα μὴ ἔχοντες: hi a Christo Salvatore semetipsos divellunt, iacturam fructus eius sanguine parti faciunt, et ab hereditate excidunt quam Christus caput suo corpori, suisque membris comparavit.

Quare necessitas coniunctionis *cum unica eademque visibili ecclesia* tanta est, quanta necessitas coniunctionis cum Christo capite, quanta necessitas remissionis peccatorum, *quippe* ¹⁶⁸ *extra eam non remittuntur; ipsa namque proprie Spiritum sanctum pignus accepit, sine quo non remittuntur ulla peccata*: quanta necessitas caritatis, *ipsa enim* ¹⁶⁹ *est caritas quam non habent qui ab ecclesiae catholicae communione praecisi sunt*, unde ¹⁷⁰ *quodlibet haeretici et schismatici* ¹⁷¹ *accipiant, caritas quae operit multitudinem peccatorum*,

¹⁵⁸) Joh. XIV. 16—26, XV. 26, XVI. 7.

¹⁵⁹) II. Cor. IV. 17.

¹⁶⁰) Matth. V. 14.

¹⁶¹) Luc. XII. 8—9. coll. Matth. X. 32, Marc. VIII. 38, Rom. X. 10; Marc. XVI. 15. coll. Matth. XXVIII. 19, Act. II. 41, VIII. 36, XIX. 5, I. Cor. XII. 13; Matth. XXVI. 28. coll. Luc. XXII. 19, I. Cor. X. 17, XI. 21; Ephes. IV. 11. coll. Act. XX. 28. Tit. I. 5.

¹⁶²) Joh. X. 16, I. Cor. I. 9, X. 17.

¹⁶³) Ephes. IV. 11. seqq. coll. I. Cor. XII. 4. seqq.; Matth. XVIII. 18. coll. Joh. XX. 21, Act. XV. 41, XVI. 4, II. Cor. X. 6, I. Tim. V. 20, Tit. I. 13 et II. 15.

¹⁶⁴) Matth. XVI. 18. coll. Joh. XXI. 15. seqq.

¹⁶⁵) Judae v. 18. coll. II. Petr. III. 2—3.

¹⁶⁶) Ibid. v. 19.

¹⁶⁷) Vulgatus post ἀποδιορίζοντες legit ἑαυτούς, quam lectionem Griesbachius recepit.

¹⁶⁸) Augustinus in Enchirid. cap. LXIII.

¹⁶⁹) Augustinus in Tractat. de Symb. cap. XI.

¹⁷⁰) Augustinus de Baptismo con. Donatist. lib. III. cap. XVI.

¹⁷¹) De discrimine haeresim inter atque schisma sic habet Hieronymus in epist. ad Tit. cap. III: „Propterea vero a semetipso dicitur haeticus esse damnatus, quia fornicator, adulter, homicida, et cetera vitia per sacerdotes de ecclesia propelluntur.

*donum est catholicae unitatis et pacis: quanta demum necessitas ne quis*¹⁷²
*se obstringat immani crimine, immani sacrilegio, summo*¹⁷³ *malo, malo*¹⁷⁴
*quo evacuatur passio Christi, eiusque corpus distrahitur, quo peccatum*¹⁷⁵
*admittitur de quo Christus*¹⁷⁶ *dixit, non remittetur neque in hoc saeculo neque*
*in futuro, et quo alienus*¹⁷⁷ *quis evadit a sola catholica ecclesia, quae verum*
cultum retinet, in qua est fons veritatis, domicilium fidei, templum Dei, quo
si quis non intraverit, vel a quo si quis exiverit, a spe vitae ac salutis ae-
ternae alienus est. Neminem sibi oportet pertinaci contentione blandiri, agitur
enim de vita et salute, cui nisi caute et diligenter consulatur, amissa et ex-
stincta erit. Quae porro necessitas aut ista maior; aut longius a quavis con-
ditione seiuncta? quid hoc doctrinae capite evidentius, quo necessitas visibilis
unitatis, externaque communionis simplex absolutaue declaratur?

Unde igitur *causam* repetemus, quae tot e protestantium numero erudi-
 tos viros, subactique ingenii impulit, ut *de discrimine* primum cogitarent *inter*
necessitatem internae externaque communionis ac unitatis, tum vero hac
 ludificatione semet aliosque deceperint? inde, ut opinor, verissime causam re-
 petemus, quod institutione primatus, eique indita efficiendae continendaeque uni-
 tatis auctoritate *negata, criterio argumentoque* caruerint, quo tot inter christianas
 societates a seipsis divisas, seque mutuo damnantes, eam tuto secernerent, cum
 qua communionis, externaque officiorum obedientiaeque unitate coniungerentur.
 Pronum namque illis fuit deducendo concludere, unitatem in Scripturis toties
 commendatam, tantaque verborum sententiarumque gravitate praeceptam, *ex-*
ternam esse non posse, quum Deus qui *impossibilia*¹⁷⁸ non iubet, nullum in-

Haeretici autem in semetipsos sententiam
 ferunt, suo arbitrio de ecclesia recedentes:
 quae recessio propriae conscientiae videtur
 esse damnatio. Inter haeresim et schisma
 hoc interesse arbitramur, quod haeresis
 perversum dogma habeat, schisma propter
 episcopalem dissensionem ab ecclesia pari-
 ter separet: quod quidem in principio aliqua
 ex parte intelligi potest diversum. Cete-
 rum nullum schisma non sibi aliquam con-
 fingit haeresim, ut recte ab ecclesia reces-
 sisse videatur. Similia habes apud Au-
 gustinum de Fide et Symbolo, cap. X, et
 in sexto ex iis canonibus, qui synodo
 constantinopolitanae primae tribuuntur.

¹⁷²) Augustinus con. Litteras Petiliani,
 lib. I. capp. XXI—XXII, lib. II. capp. XIII
 —XXIII, et lib. III. cap. LII.

¹⁷³) Optatus milevit. de schismat. Do-
 natist. lib. I: *schisma summum malum*
esse et vos negare minime poteritis.

¹⁷⁴) Ambrosius de obitu Satyri fra-
 tris, lib. I. n. 47.

¹⁷⁵) Idem, de Poenit. lib. II. cap. IV.

¹⁷⁶) Matth. XII. 32: de quo testimo-
 nio praeclare agunt Augustinus de Civ. Dei
 lib. XXI. cap. XXIV, Gregorius Dialog.
 lib. IV. cap. XXXIX, Beda ad Marc. III,
 et Bernardus in Cantic. Serm. LXVI.

¹⁷⁷) Lactantius Div. Institutt. lib. III.
 cap. XXX.

¹⁷⁸) Qua sane difficultate ii necesse
 est premantur ac opprimantur, qui *huma-*
nam connituntur facere *ecclesiam*, illamque
 sibi ab ea diversissimam comminiscuntur

stituerit *conspicuum signum*, quo is christianorum coetus insignis appareret, qui *unus* prae reliquis omnibus illius ecclesiae progressio esset et continuata explicatio quam Christus condidit, quamque apostoli amplificaverunt.

399. E quo pariter fonte duci origo debet alterius doctrinae, quae supremis lineis a Casaubono ¹⁷⁹, Claudio ¹⁸⁰, et Mestrezat ¹⁸¹ adumbrata, a Petro autem Jurieu ¹⁸² plenius expressa ac veluti illuminata, tam late deinceps invaluit, ut non plerosque modo ¹⁸³ e protestantibus suo infecerit habitu, verum etiam e catholicis quosdam, utique ἀσθηαίσις, miserrime afflaverit. Ea vero talis est: necessariam omnino credi unitatem oportere *tam* internam et spiritalem, *quam* conspicuam et externam; de hac enim necessitate et biblia diserte, et christianam traditionem apertissime loqui, adeo ut nulla sit veritas aut splendidior aut maiori auctoritate confirmata: illam tamen neque admodum amplam esse lateque diffusam, sed angustam contra ¹⁸⁴, eorumque articulorum gyro comprehensam, quos *fundamentales* ¹⁸⁵ appellant. Satis namque esse, ne in eiusmodi profitendis articulis christiani dissideant, ut unius eiusdemque ecclesiae membra merito existimentur. E quibus colligunt, unam eandemque veram ecclesiam christianis societatibus ferme omnibus conflari, romana, graeca, nestoriana, euty-chiana, waldensi, lutherana, anglicana, calviniana; illarum enim dissidia, licet gravissima, eam nihilominus unitatem minime impedire, quam Christus praecepit, apostoli praedicarunt, symbola referunt, universaque Traditio poscit ac vero etiam efflagitat.

400. Hanc ego opinionem, nisi malis eam dicere opinionis monstrum, neque argumentis refellam, neque operose profligabo, quum id et alterius sit loci, et viri doctissimi Bossuetus ¹⁸⁶, fratres Wallemburgici ¹⁸⁷, Nicolius ¹⁸⁸, et aliquot etiam ¹⁸⁹ e protestantibus cumulatissime perfecerint. Interrogationem

quam Christus instituit, et super Petrum aedificavit.

¹⁷⁹) In responsione ad Cardinalem Perronium, quam nomine Jacobi Angliae regis scripsit, et Perronius amplissime refutavit.

¹⁸⁰) In opere, cui titulum fecit, Défens. de la Réform. pag. 200.

¹⁸¹) Trait. de l'Eglise. pag. 286.

¹⁸²) Le vrai système de l'Eglise.

¹⁸³) Cf. Binterim in Exercitat. de authentica et vera notione vocis, Ecclesia.

¹⁸⁴) Cf. Matthaei Pfaffii, akademische Reden, Sect. I. cap. II.

¹⁸⁵) In quibus definiendis tot prope modum numerantur sententiae, quot sunt quotque fuerunt huius systematis propugnatores.

¹⁸⁶) In iis quae edidit contra Petrum Jurieu.

¹⁸⁷) In Tractat. de articulis necessariis, fundamentalibus, seu essentialibus, eorumdemque oppositis erroribus.

¹⁸⁸) In opere inscripto, De l'Unité de l'Eglise, ou Réfutation du nouveau système de M. Jurieu.

¹⁸⁹) Consuli potest Anonymi liber Amstelodami editus anno 1692, inscriptus-

potius repetam a me iam semel ac iterum adhibitam, *quae occasio* protestantibus fuerit, ut inauditum *παράδοξον*, absurdumque *σύστημα* comminiscerentur. Duplex autem se continuo occasio exhibet, quarum prior *θεωρητική*, altera appellari *πρακτική* potest.

Et illa quidem haec fuit, *haereseos crimen* atris adeo coloribus in Scripturis, christianisque monumentis ¹⁹⁰ expressum, suam apud protestantes, quibusdam veluti gradibus, turpitudinem, insitamque gravitatem amisisse, eoque tandem illos esse progressos, ut non minus *theologicam* quam *civilem libertatem* inter indubitata hominis iura numeraverint. Quasi vero quum ¹⁹¹ reliqui hominum actus legi subiiciantur, ii solum qui ab intellectu emanant, exleges essent: quasi vero sanctum honesti turpisque discrimen, quod totam occupat hominum vitam, ad nobilissimam eiusdem partem, quae intellectus rationisque actibus absolvitur, non referretur: quasi vero dicta quidem divinitus fuerit lex iustitiae, caritatis, fortitudinis, prudentiae, *lex* autem *fidei* ¹⁹² funditus praetermissa: quasi vero *lex* quidem *boni* praesit voluntati, intellectus autem *lege veri* nullatenus regatur: quasi vero de *ramis foliisque* curam gesserit Deus, ipsam vero *radicem* ¹⁹³ penitus neglexerit. Sed quo se converterent protestantes? facta omnibus arbitrandi licentia, subversa auctoritate qua animi mentesque regerentur, necesse fuit, ut servato *haereseos nomine*, *rem* eodem *significatam*, effectusque ex ea oborientes amitterent: necesse fuit ut quam maxime possent, haereseos vitium attenuarent, et perpauca ¹⁹⁴ omnino articulos eius esse ponderis crederent, quorum fidem, utpote necessariam, ab omnibus postularent: necesse fuit ut ecclesiae fines praeter omnem modum ¹⁹⁵ extenderent, ambitum vero necessariae unitatis praeter omnem modum ¹⁹⁶ corripere.

que, *Janua coelorum reserata cunctis religionibus a celebri admodum viro D. P. Jurieu.*

¹⁹⁰) Non pauca huc facientia collegit Suicerus in Thesauro ad vv. *αἵρεσις* et *αἰρετικός*.

¹⁹¹) Hac de re habet nonnulla Jacobus Balmes in opere, *Protestantismus cum Catholicismo comparatus*, Tom. II. cap. XXXV, quae utiliter leguntur.

¹⁹²) Marc. XVI. coll. Matth. XXVIII. 18—20, Luc. XII. 8—9. Rom. X. 10.

¹⁹³) Huic appellationi, qua *fidem* latini patres saepissime exornant, respondent usitata graecis patribus nomina *ἀρχή* καὶ *θεμέλιος, μεγίστη ἀρετῶν μήτηρ, σωτηρίας*

ἀρχή, ἀθανασίας προοίμιον, θεογνωσίας καθαρὸς ὁρθαλμός, et *πάσης σοφίας πηγὴ*. Cf. Suiceri Thesaurum ad v. *πίστις*.

¹⁹⁴) Omnino plures recenseri protestantes possent, quibus articulorum necessariorum numerus eo *minor* est, qui symbolo ab apostolis nuncupato continetur.

¹⁹⁵) Ac extenderunt sane, quum unius eiusdemque ecclesiae membra habuerint ac porro habeant romanos, anglicanos, graecos schismaticos, lutheranos, calvinianos, unoque verbo omnes, qui suprema christianae doctrinae capita profitentur.

¹⁹⁶) Neque sibi defuere, quum sint parcissimi in assignandis articulis, quorum fidem necessariam *opinantur*.

401. Accessit occasio *practica*, eaque ex schismatibus profecta, quae non postrema solum aetate aut media, sed primis quoque saeculis christianam societatem dilacerarunt. Ad haec provocat Petrus Jurieu, ad haec Matthaeus Pfaffius¹⁹⁷, et ambitiose schismata numerant sub Victore, Cornelio, Stephano, Urbano VI. et Clemente VII. conflata; his addunt quae a Donato, Meletio et Acacio nomen¹⁹⁸ sortita sunt; tum vero postulant, censi ne possit *unica societate*, eaque *penitus consentiente* veram Christi ecclesiam comprehendere. Quod neque censi posse neque debere, quum aliis statuere coniecturis adnituntur, tum hoc inprimis argumento: *externo conspicuoque criterio deficiente*, affirmari id nullatenus posse quin omnibus impositum *onus plane intollerabile* iudicetur *investigandae verae doctrinae, legitimaeque in ministerio*¹⁹⁹ *successionis*, ut

¹⁹⁷) In libro quem superius citavimus.

¹⁹⁸) Cf. Nicole, De l'unité de l'Eglise, liv. II. chap. X.

¹⁹⁹) Legitimam enim successionem non minus verae ecclesiae necessariam esse, quam necessaria eidem sit doctrinae orthodoxia; quum ratio ostendit qua instituta ecclesia est, tum Patres, Irenaeus lib. III. cap. III, et lib. IV. cap. XLIII, Tertullianus de Praescriptt. cap. XX, Optatus de Schismat. Donatist. lib. II, s. Ephrem apud Assemanum, Biblioth. Orient. Tom. I. pag. 129. Epiphanius Haeres. XXVII. §. VI, Augustinus con. Crescon. lib. III. cap. XXXIV, in Ps. con. Partem Donati, epist. XLIII. n. 7, et epist. LIII. n. 2, Auctor qq. in N. et V. T., unanimi consensione testantur.

Reddam unius Irenaei verba ex lib. IV. cap. XLIII, quae sic habent: „Eis qui in ecclesia sunt presbyteris obaudire oportet, his qui successionem habent ab apostolis, sicut ostendimus, *qui cum episcopatus successione charisma veritatis certum*, secundum placitum Patris acceperunt. Reliquos vero qui absistunt *a principali successione* et quocumque loco colliguntur, suspectos habere, vel quasi haereticos et malae sententiae, vel quasi scindentes et

elatos et sibi placentes, aut rursus ut hypocritas, quaestus gratia et vanae gloriae hoc optantes. Omnes autem decidunt a veritate. Et haeretici quidem alienum ignem afferentes ad altare Dei, idest, alienas doctrinas, a caelesti igne comburentur, quemadmodum Nadab et Abin. Qui vero exsurgunt contra veritatem, et alteros adhortantur adversus ecclesiam Dei, remanent apud inferos, voragine terrae absorpti, quemadmodum qui circa Core, Dathan et Abiron. Qui autem scindunt et separant unitatem ecclesiae, eandem quam Hieroboam poenam percipiunt a Deo.“

Sed quam Irenaeus nominat *principalem successionem*? illam dubio procul, quae ab apostolis profecta ad consummationem usque saeculi propagari debet. At nullo ne discrimine, ac prorsus *ἀδιαφόρως*? immo hoc maxime inprimis discrimine, quod ea dumtaxat sit habeaturque *principalis successio*, quae a Petri cathedra non dissidet, unitatisque vinculo cum ea copulatur.

Quod sane ostenditur 1) parallelo eiusdem Irenaei testimonio ex lib. III. cap. III, quo Petri cathedram exhibet *potentiori principalitate* instructam, eoque praeditam iure, quo omnium secum coniunctionem societatemque exigit.

his compertis exploratisque, ea tandem *unica societas* cognoscatur, cum qua, *utpote unica vera ecclesia, communionis unitas* servetur.

Ostenditur 2) repetitis a Cypriano phrasibus, quibus cathedram Petri dicit *cathedram principalem*, et *radicem, matricemque* catholicae unitatis.

Ostenditur 3) insigni Optati disputatione, qua *ornamenta*, veraeque ecclesiae *dotes* commemoraturus, primam omnium recenset *cathedram*, ac mox subdit lib. II: „Videndum est, qui et ubi prior cathedra sederit: si ignoras disce: si nosti erubescere. ... Igitur negare non potes, scire te in urbe Roma Petro primo cathedram episcopalem esse collatam: in qua sederit omnium apostolorum caput Petrus, in qua una cathedra unitas ab omnibus servaretur, ne ceteri apostoli singulas sibi quisque defenderent (sed *in solidum*, id est, coniunctim, ut Cyprianus loquitur, tenerent): ut iam schismaticus et peccator esset, qui contra *singularem cathedram* alteram collocaret. Ergo *cathedra unica*, quae est prima de dotibus, sedit prior Petrus, cui successit Linus, Lino successit Clemens, Damaso Siricius hodie, qui noster est socius, cum quo nobis totus orbis commercio formatarum, in una communionis societate concordat.“

Ostenditur 4) Augustini suffragio, qui epist. XLIII. n. 7. e coniunctione cum romana ecclesia, *in qua semper apostolicae cathedrae viguit principatus*, unitatem societatemque cum principali successione deducit.

Ostenditur 5) solemnibus apud Patres usu commemorandi *successores in cathedra Petri*, atque e coniunctione cum iisdem statuendi, quinam ad principalem successionem pertinerent. Compellat Augustinus

donatistas his verbis in Ps. con. Partem Donati: *Venite fratres, si vultis, ut inseramini in vite. Dolor est, cum vos videmus praecisos ita iacere.* Tum illis ob oculos ponit romanam successionem, subdens: *Numerate sacerdotes vel ab ipsa Petri sede, et in ordine illo patrum quis cui successit videte. Ipsa est petra, quam non vincunt superbae inferorum portae.*

Ostenditur 6) disertis antiqui scriptoris verbis, cui quaestiones in V. et N. T. debemus, quique q. CX. ait: „Quoniam cathedram pestilentiae non esse de Dei ordinatione asseruimus, etiam eorum qui *extra ecclesiam vel contra ecclesiam* sedes sibi instituerunt, cathedram pestilentiae dicimus. Qui enim inconcessa praesumit, reus est; quanto magis si et corrumpat traditionem eius, cuius sedem usurpat? Nam et *ordinem ab apostolo Petro coeptum, et usque ad hoc tempus* (ad saeculum V.) *per traducem succedentium episcoporum servatum* perturbant, ordinem sibi *sine origine* (quae est in Petro) vendicantes, hoc est, *corpus sine capite* (quod est Petrus) profitentes, unde congruit etiam eorum sedem cathedram pestilentiae appellare.“

Ostenditur denique 7) ipso donatistarum facinore, qui ut sibi, suaeque parti dotes verae ecclesiae vindicarent, Romam submiserant pseudoepiscopos, ut datis ad eos litteris, et ab eis vicissim acceptis suam cum Petri cathedra communionem, societatemque venditarent. Inauditae imposturae testes sunt locupletes Acta collationis carthaginiensis, itemque Optatus lib. II, et Augustinus epist. LIII. ad Generosum.

Quibus sane quomodo occurri apte possit, si primatus institutio, eidemque tributum officium formandae vindicandaeque unitatis repudientur, me prorsus non videre candide testor. Ecquo enim *perspicuo signo*, si illud quod e primatu petitur, reieceris, tot inter christianos coetus intestinis pugnis dissidentes, seque mutuo damnantes *secerni* ille poterit, cui *verae ecclesiae ratio* insit, et cum quo communionis unitas custodiri debeat? nullum omnino suppetet, atque adeo *vel* spes omnis reperiendae verae ecclesiae erit deponenda, *vel* examen de sinceritate doctrinae, legitimaque ministerii successionem ineundum, quo perfecto, ipsa tandem unica vera ecclesia deprehendatur. Quod posterius quum sit plerisque omnibus *ἀδύνατον*, omnino omnibus periculosum, et ab indole ²⁰⁰ christianae institutionis alienissimum, concludendum superest, electionem primatus, virtutemque unitatis effectricem eidem inditam *intimis nexibus cum visibilitate verae ecclesiae, eiusque unitate* consertam esse atque devinctam.

402. Immo iisdem nexibus cum ea quoque *dote* ac ²⁰¹ *tessera* cohaerere, qua ecclesia est diciturque *catholica*. De qua dote ac tessera audiendi minime sunt Vossius ²⁰² et Kingius ²⁰³ existimantes, *quarto primum saeculo* adhiberi illam coepisse, ut germanus orthodoxorum coetus, verumque Christi corpus ab haereticis schismaticisque factionibus dirimeretur. Eo namque *catholicae appposito* distinctam insignitamque reperimus ecclesiam non in monumentis tantum ²⁰⁴ *quarti, quintique* ²⁰⁵ *saeculi*, verum etiam ²⁰⁶ *tertii* ac ²⁰⁷ *secundi*, quo ineunte his omnino verbis scribebat ²⁰⁸ Ignatius: „Omnes episcopum ²⁰⁹ sequimini, ut

²⁰⁰) Quam funditus protestantes subvertunt, dum *primum* quaerunt quid tenendum credendumve sit; ac *altero solum loco*, quinam debeant, utpote instituti divinitus doctores, pastoresque audiri. Perspicuum namque est, posteriorem indaginem priori esse anteponendam; ac inventis compertisque legitimis doctoribus, discendum ab iis esse quid credere, quidve agere sit opus.

²⁰¹) Ita loquimur ut significemus, ecclesiae *notas* ab iis non differre eiusdem *proprietatibus*, quae ad *illustre conspiciendumque factum* revocantur.

²⁰²) De Symb. Diss. I. §. XXXIX.

²⁰³) Hist. Symb. Apostol. cap. VI. §. XVI.

²⁰⁴) Pacianus epist. I. n. 4, Cyrillus hierosolymit. Catech. XVIII. n. 23, Euse-

bius in Is. XXXII. 18, Chrysostomus in epist. ad Coloss. hom. I. n. 2, in I. Cor. hom. XXXII. n. 1, et Hieronymus ad Matth. XXIV. 26.

²⁰⁵) Augustinus in Ps. XLVII. n. 7, epist. XLIX. n. 3. epist. LII. n. 1, et in ceteris operibus passim.

²⁰⁶) Concil. antioch. in epist. synod. apud Euseb. H. E. lib. VII. cap. XXX, Origenes in epist. ad Rom. lib. VIII. n. 1, Cyprianus epist. LII, Acta s. Fructuosi n. 3, et s. Pionii n. 9.

²⁰⁷) Irenaeus adv. Haeres. lib. III. cap. XVII. n. 2, et epist. de martyrio s. Polycarpi, n. 19.

²⁰⁸) Ad Smyrnaeos, n. 8.

²⁰⁹) Eodem modo Polycarpus in epist. ad Philippenses: Ὑποτασσόμενοι τοῖς πρεσβυτέροις καὶ διακόνοις, ὡς θεῷ καὶ Χριστῷ.

Jesus Christus Patrem; et presbyterium, ut apostolos. Diaconos autem reverimini, ut Dei mandatum. Sine episcopo nemo quidquam faciat eorum, quae ad ecclesiam spectant. Rata Eucharistia habeatur illa, quae sub episcopo fuerit, vel cui ipse concesserit. Ubi comparuerit ²¹⁰ episcopus, ibi et multitudo sit: ὡς περ θρου ἂν ἡ Χριστὸς Ἰησοῦς, ἐκεῖ ἡ καθολικὴ ἐκκλησία, quemadmodum ubi fuerit Christus Jesus, ibi catholica est ecclesia.“ Quum igitur ecclesia Christi esse non possit, quae eadem non sit *catholica*, investigari potestas debet huic vocabulo orthodoxorum omnium consensione subiecta.

403. Constat autem eo fuisse *duo* significata, quorum alterum *materiae instar*, alterum *instar formae* se habeat. Et materiam quidem censendam esse *geographicam verae ecclesiae extensionem* in eo sitam, ut vera ecclesia coetus sit ²¹¹ *moraliter universalis*, *absolute magnus eminenterque conspicuus*, *comparate* vero haereticis quibusque schismaticisque factionibus *amplior et numerosior*. De hac notione, quae *apposito catholicae veluti materia* subiici debeat, testes sunt locupletes orthodoxi omnes ²¹² qui ecclesiae causam *adversus donatistas* propugnarunt: qui pro eadem causa ²¹³ *adversus luciferianos*, *novatianosque* steterunt: qui *symbola* ²¹⁴ explanarunt, quique ²¹⁵ *occasione* data, vim catholicae appellationis attigerunt. At *sufficit* ne *universalis diffusio*, an *aliud praeterea veluti elementum* postulatur? ad vim rationemque *catholicitatis* aliud praeterea requiri elementum, quo coetus ubique diffusus *informetur* et *ad unitatem* perducatur; iidem affirmant testes quos modo citavimus.

404. Duo enim in christianis monumentis testatissima occurrunt, quorum alterum *negans*, *aiens* alterum nuncupabimus. Et illud quidem huc redit, *ab ambitu verae ecclesiae eiusdemque catholicae sectas haereticorum omnes schismaticorumque exulare*. Posterioris vero haec est summa, *veram ecclesiam eandemque catholicam unica communione atque unica societate, cuius membra hierarchicae subordinationis vinculo cohaereant, absolvi penitusque compleri*.

²¹⁰) Citat hunc locum Antiochus Serm. CXXIV, sed paullo aliter.

²¹¹) Augustinus epist. LII. n. 1: „Καθολικὴ graece dicitur, quia per totum orbem terrarum diffunditur.“ Et Serm. CCXXXVIII. n. 3: „Nemo tibi fabulas vendat, non latret rabies haereticorum de angulo. Toto orbe terrarum diffusa est ecclesia, omnes gentes habet ecclesia.“

²¹²) Optatus lib. II, Augustinus de Unit. Ecclesiae, cap. II. seqq., con. Crescon. lib. II. cap. LXIII, con. Petilian. lib. II.

capp. XII—LV—LVIII—LXXIII, in Pss. XXI—XLVII—CXLVII, et in I. epist. Joh. Tract. I—II.

²¹³) Pacianus epist. III, et Hieronymus in dialog. con. Luciferianos.

²¹⁴) Cyrillus, hierosolymitanus Catech. XVIII.

²¹⁵) Irenaeus adv. Haeres. lib. I. cap. X. n. 1, lib. IV. cap. XIX. n. 1, Tertullianus adv. Iudaeos cap. VII, Maximus Mystagog. cap. I: et Bernardus in Cantic. Serm. LXV. n. 8.

Sed verum ne est, tanta utrumque perspicuitate, tantaque constantia proponi? ne dubium esse possit, testes auctoresque indicabimus, qui tam primum quam alterum caput luculentissime affirmant. Et primum quidem affirmant Clemens alexandrinus ²¹⁶, Tertullianus ²¹⁷, Alexander alexandrinus ²¹⁸, Caelestinus ²¹⁹, Leander ²²⁰, Justinianus ²²¹ Augustus: affirmant concilia, nicaenum ²²², sardicense ²²³, et tertium ²²⁴ e synodis carthaginiensibus: ac ipsi quoque affirmant haeretici ²²⁵; quum concors horum omnium sententia fuerit, *μόνην εἶναι τὴν ἀρχαίαν καὶ καθολικὴν ἐκκλησίαν*, extra quam *haereses, veluti spinas*, divina patientia tolerat ac sustentat. Unde nihil ex *ecclesiastico christianoque loquendi usu* exploratius videri debet, quam *catholicae* appositum esse *διακριτικόν*, eoque communionem ostendi, quae e suo sinu, suoque corpore haereses omnes, omniaque schismata abiiciat. Quare iure optimo Pacianus ²²⁶ scripsit, quod hierosolymitanus Cyrillus ²²⁷ et saepissime Augustinus ²²⁸ repetierunt: „Ab haeretico nomine noster populus hac appellatione *dividitur*, cum *catholicus* nuncupatur.“

405. Haec porro unitas, quam dici *negantem* posse animadvertimus, necessaria sane est ut ecclesia *catholica* intelligatur; sed minime sufficit, neque vim rationemque catholicitatis absolvit atque complet. Cumuletur oportet *unitate affirmante*, qua non ab haeticis solum schismaticisque *dividatur*, verum etiam *in seipsa* cohaerens, et iunctum copulatumque corpus existat. Ad hanc asserendam tuendamque unitatem, quae *forma veluti est catholicitatis a qua ne cogitatione quidem divelli potest*, referuntur et spectant quae de *necessitate communionis* ²²⁹ inter ecclesiae membra, deque eiusdem ²³⁰ *signis, mediis-*

²¹⁶) Stromat. lib. VII. §§. XV—XVII.

²¹⁷) De Praescriptt. cap. XXX.

²¹⁸) Apud Theodorum, H. E. lib. I. cap. IV.

²¹⁹) Homil. in Laud. Eccles.

²²⁰) Con. Origenistas in Actis synodi V.

²²¹) Epist. ad Mennam episcopum constantinopolitanum.

²²²) In symbolo et can. VIII.

²²³) In epist. ad omnes episcopos, apud Athanasium, Apolog. II.

²²⁴) Cod. Afr. can. XXII, qui est canon LIII. synodi III. carthaginiensis.

²²⁵) Cf. nestorianam fidei professionem Act. V. ephesini concilii.

²²⁶) Epist. I.

²²⁷) Catech. XVIII.

²²⁸) De vera relig. cap. VI. et de utilit. credendi, cap. VII.

²²⁹) Pacianus ad Sympron. epist. III. n. 4: „Ecclesia plenum est corpus et solidum, et toto iam orbe diffusum. Sicut civitas, inquam, cuius partes *in unum*; non ut vos estis novatiani, quaedam insolens partiuncula tuberque collectum, et reliquo corpore segregatum.“

²³⁰) Media erant *γράμματα κοινωνικά*, apud Eusebium H. E. lib. VII. cap. XXX; *ἐπιστολαὶ κοινωνικά*, apud Basilium epist. CXC. n. 8; *ἐπιστολαὶ κανονικά*, apud eundem epist. CCXXIV. n. 2, et can. VIII. synodi antiochenae; *ἐπιστολαὶ ἀπολυτικά*, *εἰρηνικά* *γραφά*, *ἐπιστόλια εἰρηνικά*, *ἐκκλησιαστικά*, *γράμματα συστατικά*, *epistolae, litterae commendatitiae, commendatoriae, communicatoriae, formatae*, can.

que²³¹ in antiquitatis monimentis saepissime legimus: ad hanc innumera pertinent veterum Patrum disertissima²³² testimonia, quae et illius *necessitatem* declarant, *modumque* aperiunt, quo ea componitur et coalescit.

Ad hunc enim aperiendum *modum* perspicue faciunt quae Irenaeus²³³ ecclesiarum apostolicarum traditione²³⁴ haereticos confutaturus scribit his verbis: „Sed quoniam valde longum est in hoc tali volumine omnium ecclesiarum enumerare²³⁵ successiones; maximae et antiquissimae et omnibus cognitae²³⁶, a gloriosissimis duobus apostolis Petro et Paulo Romae fundatae et constitutae ecclesiae, eam quam habet ab apostolis traditionem et annuntiatam hominibus fidem, per successiones episcoporum pervenientem usque ad nos, indicantes, confundimus²³⁷ omnes eos, qui quoquo modo vel per sibi placentia, vel vanam gloriam, vel per caecitatem et malam sententiam, praeter quam oportet²³⁸ colligunt. Ad hanc *enim* ecclesiam propter potio-rem (al. potentio-rem) principalitatem necesse est omnem convenire²³⁹ ecclesiam, hoc est qui sunt undique fideles, in qua semper ab his qui sunt undique, conservata est ea quae est ab apostolis tra-

XXV. concil. eliberitani, can. XLII. concil. laodicensi, cann. VII—VIII. concil. antiocheni, can. XIII. concil. chalcedonensis, can. IX. concil. arelat. primi, can. I. concil. andegavensis, can. VI. concil. epaonensis, Optat. lib. II. n. 3, et Augustin. conlitt. Petiliani, lib. I. cap. I; denique *μυστικὰὶ δέλτοι*, et *ἱερὰὶ δέλτοι*, in epist. Attici ad Cyrillum, et Cyrilli ad Atticum, quae sunt epistt. LV—LVI. ex cyrillianis.

²³¹) De mediis iuxta signisque prolixè agit Alaspinaeus, Observatt. lib. I.

²³²) Legi prae reliquis dignus est Chrysostomus hom. XXX. in I. ad Corinthios.

²³³) Con. Haeres. lib. III. cap. III.

²³⁴) Illos enim adgreditur ea *traditione*, quae est ab apostolis, quaeque per *successiones presbyterorum in ecclesiis custoditur*. Quo argumento nullum facile reperias vel saepius, vel confidentius a Patribus adhibitum.

²³⁵) Quae propterea diligentissime custodiebantur, ut argumentum essent luculentum *illius missionis*, e qua pendet legitimum ministerium, et quae ab apostolis profecta abruptum numquam debebat.

²³⁶) Eximia sunt ac prorsus singularia haec epitheta, quibus Petri cathedram Irenaeus exornat, quaeque cum iis aptissime conferuntur, quibus Ignatius datam ad romanos epistolam auspicatur.

²³⁷) Hoc *confundendi* verbo designat Irenaeus *evidentiam* argumenti e traditione apostolicae, romanaeque cathedrae desumpti.

²³⁸) Quibus consentiunt Hieronymi ad Damasum verba epist. XV. n. 2: *Quicumque tecum non colligit, spargit; hoc est, qui Christi non est, antichristi est.*

²³⁹) Quamquam perspicua sit potestas verbi *convenire*, abs re tamen haud fuerit illustriorem illam reddere, simili adducta phrasi ex lib. III. cap. XL: „In ecclesia posuit Deus apostolos, prophetas, doctores, et universam reliquam operationem Spiritus, cuius non sunt participes omnes, *qui non concurrunt ad ecclesiam*, sed semetipsos fraudant a vita per sententiam malam et operationem pessimam. Ubi enim ecclesia, ibi Spiritus, et ubi Spiritus Dei, ibi ecclesia et omnis gratia.“

ditio. Hac ordinatione et successione, ea quae est ab apostolis in ecclesia traditio et veritatis praeconatio pervenit ²⁴⁰ usque ad nos. Et est plenissima haec ostensio, unam et eandem vivificatricem fidem esse, quae in ecclesia ab apostolis usque nunc sit conservata, et tradita in veritate.“

Ecclesiae igitur ubivis diffusae vim rationemque *partium*, e quibus *totum* existit *ecclesiae catholicae corpus*, inde sumunt ac derivant, quod *cum ecclesia Petri*, quae ecclesia est *maxima, princeps ac potentior unitate fidei praedicationisque* conspirant. Quare primatus Petri, eidemque insita efficiendae unitatis auctoritas *principium illud* est quod Christus selegit, ut instituta a se ecclesia foret *catholica*, et *catholicitatis nota* splenderet.

406. Ad eundem declarandum *modum* spectant quae Cyprianus ²⁴¹ tradit de *glutine sacerdotum*, quo et *catholicus episcopatus unus*, ac *una* efficitur *catholica ecclesia*. Quemadmodum enim ²⁴² *singulares plebes ex unitate praesulum* quibus subsunt, *unitatem corporis* mutantur; ita praesules omnes, plebesque eisdem obnoxiae *unum catholicum episcopatum*, *unamque* constituunt *catholicam ecclesiam*, quod ²⁴³ cum ecclesia cohaerent *principali, radice* ac *matrice*, quae est ecclesia Petri, *super quem Dominus* ²⁴⁴ aedificium unum fundavit, *quemque fontem originemque catholicae unitatis* instituit.

²⁴⁰) Cf. Fenelonium, De Summi Pontificis auctoritate, cap. X.

²⁴¹) Epist. LXIX. al. LXVI. ad Florentium Pupianum: „Loquitur illic (Joh. VI. 68.) Petrus, super quem aedificata fuerat ecclesia: ecclesiae nomine docens et ostendens, quia etsi contumax ac superba obaudire nolentium multitudo discedat, ecclesia tamen a Christo non recedit, et illi sunt ecclesia *plebs sacerdoti adunata, et pastori suo grex adhaerens*. Unde scire debes episcopum in ecclesia esse, et ecclesiam in episcopo; et si qui cum episcopo non sint, in ecclesia non esse; et frustra sibi blandiri eos, qui pacem cum sacerdotibus Dei non habentes obrepunt, et latenter apud quosdam communicare se credunt; *quando ecclesia quae catholica una est, scissa non sit, neque divisa; sed sit utique connexa, et cohaerentium sibi invicem sacerdotum glutino copulata*.“ Quae diceret ad eorum expressa formam, quae in epistolis ab Ignatio Θεολόγος saepissime repetuntur.

²⁴²) Epist. LV. al. LIX. ad Cornelium.

²⁴³) Epist. XLV — LV — LXX — LXXIII.

²⁴⁴) Epist. XL. al. XLIII. ad Plebem universam: „Deus unus est, et Christus unus, et una ecclesia, et *cathedra una super Petrum* (al. *super petram*) *Domini voce fundata*. ... Quisquis alibi collegerit, spargit. Adulterum est, impium est, sacrilegum est, quodcumque humano furore instituitur, *ut dispositio divina violetur*.“ Et epist. LV. al. LIX: „Petrus tamen, super quem aedificata a Domino fuerat ecclesia, unus pro omnibus loquens, et *ecclesiae voce* respondens, ait: *Domine, ad quem ibimus?*“ Quorum occasione verborum subdit Fenelonius de Summi Pontif. auctorit. cap. XII: „Quid igitur mirum, si pontifex Hormisdas, alique veteres patres dixerint: *romana, hoc est, catholica ecclesia*, quandoquidem Petrus *ecclesiae voce* respondere consuevit? quid mirum si corpus ecclesiae ore sui capitis loquatur?“

E quibus pronum est intelligere quid significatum ²⁴⁵ Tertullianus voluerit, quum ad montanistas iam delapsus, catholicam ecclesiam, cuius *disciplinam* ²⁴⁶ insectabatur, *ecclesiam* dixit *Petri propinquam*, scribens: „De tua nunc sententia quaero unde hoc ius ecclesiae usurpes. Si quia dixerit Petro Dominus, *super hanc petram aedificabo ecclesiam meam, tibi dabo claves regni caelestis*, vel, *quaecumque alligaveris vel solveris in terra, erunt alligata vel soluta in caelis*; idcirco praesumis et ad te derivasse solvendi et alligandi potestatem, idest, *ad omnem ecclesiam* ²⁴⁷ *Petri propinquam*; qualis es evertens atque commutans manifestam Domini intentionem *personaliter* ²⁴⁸ hoc Petro conferentem, *super te*, inquit, *aedificabo ecclesiam meam*: et, *dabo tibi claves*, non ecclesiae: et, *quaecumque solveris vel alligaveris*, non quae solve-rint, vel alligaverint.“ Hanc idcirco loquendi formam adhibuit, quod ea esset usitata catholicis, qui *propinquitatem cum Petro* *χαρακτηρισμὸν* efferre solerent ecclesiae, conditionemque necessariam, ut quis illius fieret potestatis consors, cuius plenitudinem nativumque fontem in Petro Christus collocavit.

Quam catholicorum certam indubitatamque sententiam ipsemet Tertullianus nondum devius in libro de Scorpiace ²⁴⁹ luculenter expressit, inquiens: „Nam et si adhuc clausum putas caelum, memento *claves* eius hic ²⁵⁰ Dominum Petro, et *per eum* ²⁵¹ ecclesiae reliquisse.“ Propinquitatem igitur cum Petro, et inde profecta ²⁵² *doctrinae consanguinitas* non minus necessaria ecclesiae est, ut ea

²⁴⁵) De Pudicit. cap. XXI.

²⁴⁶) De omnimoda enim potestate ecclesiae facta condonandi peccata, nullum videtur fuisse dissidium, uti haec ἀμέσως antecedentia ostendunt: „Sed habet, inquis, *potestatem* ecclesia delicta donandi. Hoc ego magis et agnosco et dispono, qui ipsum Paracletum in prophetis novis habeo dicentem: *potest ecclesia donare delictum, sed non faciam, ne et alia delinquant*.“

²⁴⁷) Nullatenus dubito, ecclesiam dici *Petri propinquam*, non tam *propinquitatem originis et propagationis*, quam *contesse-rationis, communionis et auctoritatis*.

²⁴⁸) Haec montanistarum corruptela, in quam ipsos quoque offendisse novatianos, testes sunt Ambrosius in Ps. XXXVIII. n. 37, et in tribus ad Sympronianum epistolis Pacianus, nonnullos permovit Patres,

et inprimis Augustinum, Enarrat. in Ps. CVIII. n. 1, Tract. CXVIII. in Ev. Joh. n. 4, et Tract. ult. n. 7, ut *claves* docerent collatas Petro, quatenus *propter primatum*, quo insignis erat, *ecclesiae personam* gerebat. Qua loquendi forma hoc unum significatum voluere, potestatem clavium, utpote ecclesiae necessariam, ac in eiusdem commodum institutam, cum Petro quidem coepisse, eique *proprie* fuisse tributam; nullatenus vero cum eo interiusse aut interire cum eo potuisse.

²⁴⁹) De Scorpiace, cap. X.

²⁵⁰) Matth. XVI. 19.

²⁵¹) Diligentius in potestatem huius formulae alibi inquiram: nunc id unum monebo, ea certissime significari *necessitatem communionis cum Petro*.

²⁵²) De Praescriptt. cap. XXXII.

sit catholica ecclesia quam Christus condidit et *super Petrum inaedificavit*, quam ut eorum particeps sit charismatum, quae nonnisi *unitati in Petro ac per Petrum effectae* idem ipse impertivit.

407. Ceterum non antiquissimi solum Patres, Irenaeus, Tertullianus et Cyprianus, sed plerique omnes eandem e Petro ductam originem assignant, ut ea coniunctionis, societatis, unitatisque *forma* habeatur, sine qua neque *in se* esse, neque *animo* intelligi *ecclesia catholica* potest. Ac illam enimvero assignant Pacianus ²⁵³, Ambrosius ²⁵⁴, aquileienses patres ²⁵⁵, Optatus ²⁵⁶, Gregorius nazianzenus ²⁵⁷, Hieronymus ²⁵⁸, Augustinus ²⁵⁹, Gelasius ²⁶⁰, Hormisda ²⁶¹, Agatho ²⁶², Maximus martyr ²⁶³, et ne plures recensendo commemorem, Leo magnus ²⁶⁴, qui de unitate disserens catholici episcopatus haec habet plane

²⁵³) Ad Sympron. epist. III. §. XI.

²⁵⁴) Qui de Poenit. lib. I. cap. VII. n. 33. scribit: „Quod quidem recte de se fatentur, non habent enim Petri hereditatem, *qui Petri fidem* (maurini hanc praefecerunt lectionem, *Petri sedem*) *non habent*, quam impia divisione discerpunt: sed hoc improbe, quod etiam in ecclesia donari peccata negant posse, cum Petro dictum sit, *tibi dabo claves*.“

²⁵⁵) In synodica epistola data *imp̄ratoribus clementissimis, et principibus christianis, gloriosissimis ac beatissimis Gratiano, Valentiniano et Theodosio*, quae est inter Ambrosianas, Class. I. epist. XI. n. 4.

²⁵⁶) De Schismat. Donatist. lib. II. cap. II. et lib. VII. cap. III.

²⁵⁷) De vita sua, Opp. T. II. pag. 9.

²⁵⁸) Adv. Jovin. lib. I. n. 14.

²⁵⁹) In Ps. con. Partem Donati, con. epist. Fundam. cap. IV, de utilit. credendi, cap. XVII, et epist. XLIII. al. CLXII.

²⁶⁰) Epist. XIV, in qua recitatis Christi verbis, Matth. XVI. 18, Luc. XXII. 31—32, Joh. XXI. 15. subdit: „Quare igitur ad Petrum tam frequens Domini sermo dirigitur? numquid nam reliqui

sancti et beati apostoli non erant simili virtute succincti? quis hoc audeat affirmare? sed *ut capite constituto schismatis tolleretur occasio, et una monstraretur compago corporis Christi, quae ad unum caput gloriosissima dilectionis* (quae schismati opponitur) *societate concurreret, et una esset ecclesia, cui fideliter crederetur*.“ Hinc epist. XII. Petri *gub̄nationem* docet esse *principalem, universoque gregi in orbe terrarum debitam*; Felix vero epist. XIII. ad Flavitam constantinopolitanum affirmat, auctoritate Petri, qui *summus est apostolorum, petra fidei, caelestisque dispensator mysterii, omnium solidari dignitatem sacerdotum*.

²⁶¹) In libello ad ecclesias orientales misso, et ab earundem praesulibus sub-signato.

²⁶²) In epist. data ad patres concilii oecumenici VI, in quarta eiusdem actione recitata, et omnium consensione recepta.

²⁶³) In Biblioth. PP. Tom. XI. pag. 76, de quo testimonio consulenda sunt quae habet Marchetti in Critic. Fleury, T. I. cap. II.

²⁶⁴) Epist. X. al. LXXXIX. ad episcopos provin. viennensis, cap. I.

dignissima, quae numquam e christianorum mentibus excident: „Nec enim poterit unitatis nostrae firma esse compago, nisi nos ad inseparabilem soliditatem vinculum caritatis adstrinxerit; quia sicut in uno corpore multa membra habemus, omnia autem membra non eundem actum habent, ita multi unum corpus sumus in Christo, singuli autem alter alterius membra. Connexio totius corporis unam sanitatem, unam pulchritudinem efficit. Et haec quidem connexio totius quidem corporis unanimatem requirit, sed praecipue exigit *concordiam sacerdotum*. Quibus etsi dignitas non sit communis, est tamen ordo generalis: quoniam et inter beatissimos apostolos in similitudine honoris ²⁶⁵ fuit quaedam discretio potestatis; et cum omnium par esset electio, *uni* tamen datum est ut ceteris praeemineret. *De qua forma* episcoporum quoque est orta distinctio, et magna dispositione provisum est, ne omnes sibi omnia vindicarent: sed essent in singulis provinciis ²⁶⁶ singuli, quorum inter fratres haberetur prima sententia: et rursus quidam in maioribus urbibus ²⁶⁷ constituti, sollicitudinem susciperent ampliorem, per quos *ad unam Petri sedem universalis ecclesiae cura conflueret, et nihil usquam a suo capite dissideret*.“

408. Quibus, si quid cerno, nihil ad eam quaestionem dirimendam accommodatius, qua petitur: *utrum doctrina de primatu Petri, deque indita eadem virtute unitatis catholicitatisque effectrice, in ea omnium solemnissima profitendae fidei norma traderetur, quae symboli nomine appellatur*. Quamquam enim certissimis constet ²⁶⁸ testimoniis, non eo consilio edita fuisse symbola, catechumenisque explanata, ut ex iis plena, suisque absoluta numeris christiana institutio hauriretur: immo constet ²⁶⁹, priscis ecclesiae magistris fuisse destinatum, ut plura in symbolis omitterent, quae deinde *initiat* opportunius

²⁶⁵) Haberi ista possunt egregii instar commentarii, quo Cypriani verba in libello de Unitate rite explanentur: „Hoc erant utique et ceteri apostoli, quod fuit Petrus, pari consortio praediti et honoris et potestatis, sed exordium ab unitate proficiscitur, ut ecclesia una monstretur.“

²⁶⁶) De metropolitaram institutione ab ipsis apostolis repetenda, vide quae disserit Beveregius in opere, *Codex canonum ecclesiae primitivae illustratus*, lib. II. cap. V.

²⁶⁷) Huc pertinet canon VI. nicaenus, de quo praeclare agunt Sirmondus in Censura coniecturae anonymi de suburbicariis regionibus et ecclesiis, Valesius in notis

ad Socrat. lib. I. cap. XI, et Sozom. lib. I. cap. XXIII, Schelstratus in Dissert. de auctoritate patriarchica et metropolitana, ac Antonius Bianchi, De externa ecclesiae politia.

²⁶⁸) Origenes in prooemio *περὶ ἀρχαῶν*, Athanasius de Synodis, Epiphanius in Ancorato, Ambrosius in lib. de his qui mysteriis initiantur, cap. I, et Augustinus de Fide et Symb. cap. I.

²⁶⁹) Clemens alexandrinus Stromat. lib. I. §. XXII, Gregorius nazianzenus Orat. XL. in s. baptismum, Cyrillus hierosolymitanus Catech. XVIII. n. 33, Ambrosius (si is est auctor) de Sacramentis, lib. I. cap. I, et Gaudentius Sermm. II—V.

proponerentur; nihilominus haud inepte quis dixerit, vulgatissimos symboli articulos ceu totidem spectari posse *fecundissima semina*, e quibus reliquarum doctrinarum surculi sua sponte propagentur.

Et re sane vera, ut intra fines praesentis indaginis orationem concludam, quid evidentius quam summam doctrinae de primatu Petri contentam in bibliis, illustratam a patribus, et conciliorum sanctionibus definitam, in eo symboli articulo oclusam veluti implicatamque delitescere, quo *ecclesiam unam* esse *catholicamque* testamur? utique nuspiam Petri, nuspiam primatus eidem collati, nuspiam hierarchicae subordinationis mentio *totidem expressa verbis* in symbolis occurrit; at in iisdem *unam* esse eamque *catholicam ecclesiam* apertis luculentisque sententiis declaratur. Quam porro fideles *iis appositis* subiicere *notionem* poterant? quid animo complecti quum dicerent, *credo unam ecclesiam catholicam*? quid, quaeso, nisi quod verba ipsa praeferunt, quodque ab ecclesiae magistris una cum symbolis accipiebant? Sed neque animo *unam* eamque *catholicam* apprehendere *ecclesiam* poterant, quin *de uno eoque catholico ecclesiae principio* cogitarent: neque hanc *unici catholique principii* dignitatem auctoritatemque alteri deferre *quam Petro*, quem unum omnibus praepositum constantissime audiebant. Quod enim aetate media Bernardus scripsit ²⁷⁰, *ad hoc illi uni sedi apostolicae incumbit sollicitudo omnium ecclesiarum, ut omnes sub illa et in illa uniantur, et ipsa pro omnibus sollicita sit servare unitatem spiritus in vinculo pacis*; nonnisi eius repetitio fidei videri debet, quae ab ipsis christianae religionis primordiis ubique terrarum resonuit.

Quare nisi forte sint qui affirmare malint, *aut numquam* intellexisse orthodoxos quid crederent, quum *ecclesiam unam* eamque *catholicam* profitebantur; *aut id aliter* intellexisse ac ubivis et ab omnibus ecclesiae magistris explicaretur; compertum esse debet, fidem de primatu Petri, deque collata eidem potestate, qua visibile Christi regnum unum efficeretur atque catholicum, *coaequam* esse symbolorum professioni qua *ecclesia una* eademque *catholica* significatur.

²⁷⁰) Epist. CCCLVIII. ad Caelestinum Papam.


C O M M E N T A R I I

D E

PRAEROGATIVIS BEATI PETRI

APOSTOLORUM PRINCIPIS

LIBER SECUNDUS



LIBER SECUNDUS

CAPUT I.

Multiplex probationum ratio: — cuiusmodi ea sit quam hactenus adhibuimus: — eiusdem forma a vi et potestate gignendae persuasionis distinguitur: — quoad formam ea proprie inartificialis est, theologica atque ex instrumentis ducta: — quod tamen non impedit, quominus etiam artificialis ex parte atque deprompta e testibus existimetur: — quae cum his connectantur: — quoad vim, potestatemque persuadendi plena est ac decretoria: — ostenditur, ac absolute primum, et in se, simpliciterque probatione spectata: — comparate deinde ad probationem triplicem, qua anglicani, lutherani, calviniani seorsum nominatimque defendunt I. ὑπεροχὴν et ἐξουσίαν episcoporum, II. veritatem dominici corporis in Eucharistia, et III. Christi θεότητα, eandemque cum Patre naturam, qua illi ὁμοούσιος creditur.

1. **Q**uam probatio quaevis suapte natura eo spectet, ut ¹ fidem faciat; id probationibus omnino omnibus commune est, ut media sint habeanturque ad flectendos inclinandosque animos accommodata. Neque propterea omnes eiusdem sunt generis, sed in multiplici quadam differentia versantur. Ad locos enim sedesque relatae e quibus depromuntur, aliae ² insitae sunt et artificiales, inartificiales aliae atque ἐξωθεν adscitae: aliae ³ philosophicae, aliae theologorum ⁴ propriae: tum aliae quae ⁵ testibus, ac aliae quae instrumentis inniuntur. Sin autem quod inest illis pondus, momentumque quo valent ad comovendos persuadendosque animos attendatur; duplici rursum genere non in-

¹) Unde latinis probare significat, fidem alicui aliqua de re facere.

²) Celeberrima haec est distributio ab Aristotele et Cicerone in Topicis frequentata, quaque, uti ego arbitror, commode theologi in ea tractatione uterentur, quam de Locis Theologicis habent.

³) Ex iis nimirum collectae, quae hominibus natura pervia sunt.

⁴) Cuiusmodi illae omnes censentur, quae e fontibus divinae revelationis permanant.

⁵) Perinde enim est, sive per testes sive per instrumenta causam quis adprobet, l. 15. C. de fid. instrumentorum: et controversiae aequo iure testibus instrumentisque dirimuntur, l. 5. ff. de fid. instrum.

commode concluduntur, *probabilium* et *certarum*, quas *plenas decretoriasque* ⁶ iurisperiti, philosophi ⁷ ἀποδείξεις appellant.

2. Jamvero si de eius probationis ratione quaeratur, qua usi hactenus sumus, quamque pro facultate expolvimus, *distinctione* opus erit: vel enim de *probatione* quaeritur *principe*, quaeque una dominatur; et nihil sane manifestius, quam *inartificialem* ⁸ eam esse, *theologicam*, ac *e divino* ⁹ *Scripturarum instrumento* deductam: vel sermo de iis est quae *identidem interseruimus*, et quibus probationem principem confirmavimus; et latere neminem potest, ex his alia *artificialia* ¹⁰ esse ac *insita*, alia vero *e testium* ¹¹ auctoritate suffragioque profecta. Quare si qua *latissime* patet, probatio spectetur, *formas* ea omnes, *modosque* probationum induit ac praefert; et tam artificialis quam inartificialis, tam ex instrumentis quam e testibus hausta videri debet. E qua varia, mixtaque forma duo consequuntur, quae quum alicuius momenti esse videantur, praeteriri silentio non possunt.

3. Est autem primum, *normam* inde *criteriumque* haberi ab iis minime negligendum, qui eam forte probationem aggredi ac impetere moliantur. Quum enim ¹² tot ea constet elementis, ac summa, partiumque conspirantium consensione firmetur; ea solum probari oppugnatio poterit, quae *singulis* ita occurrat, ut *omnibus* satisfaciatur. Nihil enim proficerent, qui unum forte alterumve caput non sine aliqua veri specie in alienum detorquere sensum possent; si rerum, argumentorumque summa constans immotaque permaneret. Ea tantum oppugnandi ratio non immerito opportuna censeretur, e qua existeret: *negato reiectoque supremæ auctoritatis primatu, idoneam eorum omnium causam suppetere, quibus probatio coalescit*. Quamdiu enim primatus institutio necessaria est, *ne horum sufficiens causa desit*; tamdiu et vis probationis invicta manet, et illius institutio indubitata. Hanc igitur iis, qui a nobis professione dissident, praeфинire legem possumus: vel ut probationi adquiescant, vel ut ὑπόθεσιν, se-

⁶) Cf. Alciatum de Praesumpt. Part. III.

⁷) Aristoteli in I. Post. Anal. ἀπόδειξις est συλλογισμὸς ἐπιστημονικός, scientiae efficiens; τὴν πᾶσα δειξις ἀληθείας καὶ ἐξ ἀληθῶν προτάσεων. Semel hoc vocabulo utitur Paulus I. Cor. II. 4: Ἄλλ' ἐν ἀποδείξει πνεύματος καὶ δυνάμεως.

⁸) Vocabula ista sunt, quae probationis formam designant.

⁹) Ac necessarium sane fuit, quum 1) de eo doctrinae capite ageremus, quod e divina solum revelatione innotescere certo poterat: quumque 2) destinatum nobis esset, Petri praerogativas biblicorum testimoniis demonstrare.

¹⁰) Eiusmodi sunt quae ex analogia et harmonia dogmatum deduximus, quaeque ex unitate et catholicitate ecclesiae, episcoporumque, qui singulis praeesent gregibus, institutione derivavimus.

¹¹) Testium nomine vetustos significo ecclesiae patres, quorum sententias commentariosque non infrequenter adduxi, et quibus vim dignitatemque testium nemo prudens abiudicet.

¹²) Praeclare hac de re disseritur in opere, La Perpetuité de la Foi de l'Eglise catholique touchant l'Eucharistie, T. II. Liv. VII. chap. II.

posito primatu, reperiant, repertamque confirmet iis explicandis parem, quae argumentis inartificialibus et artificialibus, quaeque instrumentis, testiumque relatione continentur.

Alterum succedit, quod omnes nobiscum fatebuntur: eam esse adhibitam probationem, qua, nisi fallax illa sit, non tantum *vera*, sed etiam *revelata*, non *tenenda* solum, sed etiam *credenda* primatus institutio demonstratur. Unde enim *proprie* illam deprompsimus? e testibus¹³ ne, artificiosisque argumentis? atqui ista quidem omnia usurpavimus, sed ut demonstrata confirmaremus, pleniorique luce iam illustra affunderemus. *Proprie* igitur illam hausimus e divinis Scripturarum instrumentis. Quod autem ex eiusmodi fontibus ducitur, revelatum id est, eorumque numero venit quae ad revelationem quum pertineant, fide creduntur.

4. Et haec quidem expedita sunt, illud vero nonnihil impeditius, quod uno prope ore non pauci postulabunt: quae tandem *ris* insit probationi, *quantum* illa ad creandam persuasionem valeat, et *certa* ne sit ac *plena*, an contra fallax et deminuta. Quibus respondebimus, eam nobis esse non probabilem modo sed *omnino indubitata*, *talemque*, cui nihil desit sive idoneum sive necessarium ad fidem *plenissime* faciendam. Quod propterea expendendum et seorsum investigandum censui, quod et mihi ipsi, et lectoribus, et caussae hanc me debere curam existimaverim. Neque enim tam sumus felices, ut uno veluti mentis aspectu exploratam, liquidamque veritatem assequamur. Repetitis opus est¹⁴ actibus, secundo, tertioque tentandum idem est, ac tum solum examini ponendus est modus, quum quod nobis reperissè videmur, semel ac rursum limae, *reflexionique* subiecimus. Iteratis namque curis splendidius veritas enitescit, e mentita deteguntur, dubia separantur a certis, et singulis quibusque suae sedes, sui que loci adscribuntur. Debebam ergo mihi, debebam lectoribus hoc quod de probatione ipsa periculum sumo; debebam et caussae, quae quum maxima sit, et gravissimorum origo¹⁵ dissidiorum, maximam postulat diligentiam.

5. Ad quam accessisse proxime videbimur, si nativam probationis vim

¹³) Scio testibus non minus quam instrumentis, Traditione aequae ac Scripturis quae ad revelationem, fidemque spectant, comprobari. In praesentia tamen constitutum mihi est, non aliter ad testes, quam ad humanum, gravissimumque caussae praesidium provocare.

¹⁴) Quod non recentiores modo philosophi inculcant, sed pluribus iampridem explanarant Basilii, eiusque frater Gregorius nyssenus, uterque in priore adversus Eunomium libro, ubi a primis animi perceptionibus acute subtiliterque distinguunt

ἐπερθύμησιν, ἐπίνοιαν καὶ ἐπιλογισμόν, quibus vocabulis id significant, quod nos sin minus latino, usitato certe nomine *reflexionem* vocamus. Cf. Petavium de Deo, lib. I. cap. VII.

¹⁵) Neque enim inepte quis diceret, ad hanc de primatu doctrinam sive receptam sive negatam fontem causamque eorum omnium factionum revocari, quibus christianum nomen in partes discerptum et videmus et lamentamur. Cf. de Maistre, Du Pape, Discours Prélimin.

in se primum, *absolute*, *simpliciterque* expenderimus, tum vero ad ea argumenta *comparate*, quibus nobilissimae protestantium sectae *plenam evidentemque demonstrandi virtutem* adscribunt. Quae igitur *in se* atque *absolute* vis illi subest, momentumque probandi? obscura non erit responsio, si mente reputetur, ductam ex instrumentis probationem tum suis absolutam numeris censi, quum I. et instrumentum quod adhibetur, *authenticum* ¹⁶ est: et II. quae ex illo promuntur testimonia vel evidētia ἀμείωως sunt et citra controversiam posita, vel sane eiusmodi, quorum significatio certis argumentis definitur. Utrumque enim si conspiret, nihil iam esse reliquum potest quod ad faciendam fidem necessarium videatur. Jamvero e quo nos instrumento probationem desumpsimus? ex iis Scripturarum libris, iisque partibus, quorum ἀνθεντία christianorum nemini anceps dubiaque est. Instrumento igitur usi sumus authentico. Quae nam vero testimonia ex eo protulimus? quae ad duplex genus manifestissime pertinent, quorum alterum ¹⁷ iis constat quibus tanta inest evidētia, ut in disceptationem adduci nullatenus potuerint; alterum vero iis ¹⁸ absolvitur quae licet non minus *ex sese* conspicua illustriaque sint, defendi tamen vindicarique debuerunt, ut ab absurdis interpretationum corruptelis eximerentur. Neutrum igitur adhibitae probationi deest, ut non modo gravis, verum etiam peremptoria iudicetur.

6. Praeterea unum ne alterumve, an numero omnino plurima e biblicorum instrumento retulimus, quae causam iuvarent, assererent, evincerent? retulimus ne quae *nudam primatus institutionem*, an quae *multiplices quoque eiusdem adumbrationes, promissiones, usum, vulgatissimamque famam* ostenderent? videlicet ea nobis praesto fuerunt, quae tam illius ¹⁹ *institutionem*, quam *prima* ²⁰ *vestigia, eaque in dies* ²¹ *luculentius expressa, promissiones* ²², *exercitium* ²³, *notitiamque in primitiva ecclesia ubique* ²⁴ *diffusam* patefacerent, oculisque subiicerent. Est ne vero quod ulterius expeti merito possit, ut dubitatio omnis de praerogativa primatus Petro collata praecidatur? si quid video,

¹⁶) Auctoritate nimirum ad pariendam fidem instructum, quo sensu fieri ἀνθεντικῶς dicitur quod *ex auctoritate* fit, et ἀνθεντίας patres, scriptoresque ecclesiastici *auctoritatem* interpretantur. Immo ipsi quoque iuris magistri, e quorum numero Andreas Alciatus lib. II. *παρόρων*, cap. XLVI. scribit: „Ανθεντικὸν graece, latine *autoratum* possis interpretari, hoc est, id, cui vel ipsi fides habeatur, quasi accersitis aliunde probationibus haud quamquam indigeat; vel quod a seipso, non ab alio dependeat, quasi dicas *originale*: quemadmodum et *autor* is dicitur, qui ipse

facit, non ab alio accipit, et in quo ius est, potestas ac dignitas, nec ab alio pendet.“

¹⁷) Lib. I. nn. 13 — 20 — 22 — 115 — 163 — 269.

¹⁸) Lib. I. nn. 42 — 62 — 72 — 81 — 100 — 259 — 272.

¹⁹) Lib. I. nn. 100. seqq.

²⁰) Ibid. nn. 13. seqq.

²¹) Ibid. nn. 62. seqq.

²²) Ibid. nn. 42. seqq.

²³) Ibid. nn. 163. seqq.

²⁴) Ibid. nn. 259. seqq., nn. 269. seqq.

omnino nihil, quum ad dirimendam de privilegiis quaestionem abunde sit, si eorumdem *collatio* instrumentis consignata demonstretur. Atqui in praesentia non *collationem* modo in instrumentis legimus, sed in iisdem quoque reperimus quae *antecessere*, quaeque *consequuta sunt*: reperimus *exordia*, *progressiones*, *explicationesque multiplices*, quae ceu totidem *signa* ad institutionem primatus, veluti ad *rem signatam* referuntur. Eam igitur dedimus instituti primatus demonstrationem, cui *in se*, *simpliciterque* spectatae nihil deest eorum, quae ad promerendam assensionem exiguntur.

7. Et re sane vera fac in disputationem veniat, utrum Caesar honore ac potestate ceteris romanis senatoribus antecelluerit. Si monumentis minime dubiis ostenderetur, ita se gessisse Caesarem, ut primum sibi ad supremum principatum viam sensim complanarit, obtinuerit deinde ut a senatu, populoque romano imperator et princeps renunciaretur, tum iura principatus domi forisque exercuerit, ac omnium tandem testimonia de acquisita dignitate retulerit; ne tardiores quidem morosioresque tergiversarentur, sed una omnium vox foret ac sententia, Caesarem inter romanos patres, tamquam imperatorem et caput eminuisse. Atqui, mutatis dextere nominibus, si Caesari Petrum, romanis patribus apostolos, senatui populoque quiritem Christum, evangelistas, Lucam in Actis, Paulumque suffeceris; perspicue cernes, quae de Caesare speciminis gratia confinximus, in Petrum adamussim quadrare. De eo namque, Scripturis praeaeuntibus, novimus, *quibus prope gressibus* ad primatus dignitatem pervenerit, *quando* illam fuerit consequutus, *quomodo* exercuerit, *quasve* Christi, evangelistarum, apostolicae ecclesiae, Paulique *luculentissimas testificationes* acceperit. Illius ergo primatus ac princeps inter apostolos auctoritas eo probationis genere adstruitur, quod fidem perspicue facit, assensionemque deposcit. Est enim *consequentis* instar, quod *non una sed multiplici illatione* deducitur, quod *non ex effectis tantum* eruitur sed *in suis quoque caussis* praevidetur, quod *non verbis dumtaxat institutionis* sed *ipsis quoque usus exercitiique operibus* declaratur, quod *non aliquot modo textibus* sed *conspirantium nube textuum* stabilitur, quod tandem *non obscuris longeque petitis commentariis* sed *perspicuis obviisque* comprobatur. Quidquid autem eiusmodi est, neque impune negari, neque in dubium adduci sine temeritate potest.

8. Cuius temeritatis quanta sit gravitas multo etiam apparebit manifestius, si *artificialia* quoque argumenta, quaeque *e testibus* desumpsimus, cogitatione recolantur. His enim una inspectis consideratisque probatio emergit, ad quam efficiendam componendamque *ἀγωνισμός* concurrunt: I. *instrumenta authentica*, quaeque primatus promissiones, collationem, usum, notitiamque ubique diffusam luculenter repraesentant: II. *testes* aetate vetustissimi, ipsisque propemodum apostolis *σύγχρονοι*, numero plurimi, sanctimonia, factoque martyrio celebres, eruditione praestantes, locorum regionumque intervallis seiuncti, apostolicae praedicationis tenacissimi, in profitendo autem primatu unius oris, eiusdemque sententiae: III. *analogia dogmatum*, quum ecclesia, quam unam esse catholi-

camque profitemur, neque talis sit, neque intelligi *sine primatu* possit: facta demum IV. *historiae christianae*, quae cum primatus institutione conserta ita sunt, ut ab ea ne animo quidem divelli posse videantur. Primatus enim institutionem postulat *historia* ²⁵ *haereseon*, postulant quae de *conflatis* in ecclesia ²⁶ *schismatibus* narrantur, postulat *historia* ²⁷ *liturgiae*, postulant quae de *indictis* ²⁸, *habilis, confirmatisque oecumenicis synodis* consignata litteris reperimus; postulat *historia* ²⁹ *legum ecclesiasticarum*, quibus disciplina statuitur ac temperatur; postulat *historia* ³⁰ *iudiciorum*, ac illorum maxime quae in ecclesiae

²⁵) Perspicua sunt quae in caussis Pauli samosateni, Dionysii alexandrini, Aarii, Apollinarii, Pelagii, Nestorii, Eutychetis gesta statutaque narrantur a Dionysio romano, Silvestro, Julio, Damaso, Innocentio, Zosimo, Caelestino atque Leone. Hinc illa Ferrandi diaconi carthaginensis in epist. ad Severum: *Interroga igitur, si quid veritatis cupis audire, principaliter sedis apostolicae antistitem, cuius sana doctrina constat iudicio veritatis et fulcitur munimine auctoritatis.*

²⁶) Juerit animo reputasse quae indubitatis consignata monumentis legimus de schismate Novatiani, Fortunati et Felicissimi, donatistarum et Acacii constantinopolitanorum. Ex his namque omnibus liquet, *universos per orbem credentes intellexisse*, quod ad Matth. XVI. 19. venerabilis Beda adnotavit: *quia quicumque ab unitate fidei, vel societate illius (Petri) quolibet modo semetipsos segregant, tales nec vinculis peccatorum absolvi, nec ianuam possint regni caelestis ingredi.*

²⁷) Huc pertinent quae de Victore in controversia de rato celebrandi paschatis die, Eusebius memorat H. E. lib. V. capp. XXII—XXV.

²⁸) Acta namque synodorum, epistolae Pontificum, Patrumque libri ostendunt, verissimum esse quod Socrates H. E. lib. II. capp. VIII—XVII, et Sozomenus H. E. lib. III. cap. X. testantur, *ἐκκλησιαστικὸν* semper viguisse *κανόνα*, cuius haec foret sanctio, *μη δειν παρὰ τὴν γνώμην τοῦ*

ἐπισκόπου Πόλης τὰς ἐκκλησίας κανονίζειν. Quod Pelagius II. in fragm. epist. apud Baluzium, Miscell. lib. V. pag. 467. his verbis expressit: „Synodorum congregandarum auctoritas apostolicae sedi privata commissa est potestate, nec synodum generalem ratam esse legimus, quae eius non fuerit auctoritate congregata vel fulta. Haec auctoritas testatur *canonica*, haec ecclesiastica historia roborat, haec sancti patres confirmant.“ Unde Ferrandus in litteris ad Pelagium: „Universalia concilia, *praecipue* illa, quibus romanae ecclesiae consensus accessit, secundae auctoritatis locum post canonicos libros tenent.“

²⁹) Hanc diligenter expolivit Zaccaria in Antifebronio, Tom. II. pagg. 425. seqq., ac rursus in Antifebronio Vindicato, Diss. VI. cap. I, ubi *συλλογὴν* retulit legum, quas Petri successores a Victore I. ad Gregorium II. constituerunt.

³⁰) De quibus, si historiae credimus, repeti debet, quod epist. XIII. ad Dardan. episcopos Gelasius scripsit: „Sed nec illa praeterimus, quod apostolica sedes frequenter, ut dictum est, *more maiorum*, etiam sine ulla synodo praecedente, et absolventi quos synodus inique damnaverant, et damnandi, nulla existente synodo, quos oportuit, habuerit facultatem.“ Ut enim inquit epist. VIII. ad Anastasium imperatorem: „Apostolicae sedis auctoritas, quod cunctis seculis christianis ecclesiae praehlata sit universae, et canonum serie patrum, et multiplice traditione firmatur.“

societate fuere reliquis insigniora; postulat *historia*³¹ *relationum*, quibus in maioribus fidei caussis et ad unitatem catholicam pertinentibus Petri cathedra adiri consuevit; postulat *historia*³² *appellationum*, quarum numero plurimae, eaeque luculentissimae prostant; postulat *historia*³³ *ecclesiasticae hierarchiae*, eorumque iurium, quibus aliquot prae reliquis episcopales sedes excelluerunt; postulat *historia*³⁴ *propagatae ubivis christianae religionis*, postulat *historia*³⁵ *eorum signorum*, quibus catholica unitas formabatur atque constabat; postulat *historia christianae*³⁶ *archaeologiae*, inscriptionum, picturarum, ceterorumque monumentorum; postulat *historia*³⁷ *imperatorum*, et, ne infinita sit oratio, po-

³¹) Ut enim Avitus viennensium praesul epist. XXXVI. monuit: „Synodalibus legibus cautum est, ut in rebus quae ad ecclesiae statum pertinent, si quid dubitationis fuerit exortum, ad romanae ecclesiae *maximum* sacerdotem, quasi *ad caput nostrum*, *membra sequentia* recurramus.“ Eadem habent Innocentius in litteris ad Victricium rothomagensis, africani patres in epistola ad Theodorum, quae in concilio lateranensi sub Martino I. lecta fuit, et Bernardus in epist. CXC. ad Innocentium II. con. errores Abaelardi, inquit: „Oportet ad vestrum referre apostolatum pericula quaeque et scandala emergentia in regno Dei, ea praesertim quae *de fide* contingunt; dignum namque arbitror ibi potissimum resarciri *damna fidei*, ubi non possit fides sentire defectum. Haec quippe huius *praerogativa* sedis.“

³²) De hoc iure, deque factis illud comprobantibus legatur Petri et Hieronymi Ballerini dissertatio, *De Leonis iure in causa Celidonii*. Nobis sat erit verba in primis referre Gelasii ex epist. IV. ad Faustum legat. CP.: „Ipsi sunt canones, qui appellationes totius ecclesiae ad huius sedis examen voluere deferri. Ab ipsa vero nusquam prorsus appellari debere sanxerunt, ac per hoc illam de tota ecclesia iudicare, ipsam ad nullius commeari iudicium, nec de eius umquam praeceperunt iudicio iudicari, sententiamque illius con-

stituerunt non oportere dissolvi, cuius potius decreta sequenda mandarunt.“ Quae deinde in romana synodo pronunciavit Agatho, ad quem Wilfridus eboracensis antistes sua sede pulsus appellaverat: „Non mediocriter satisfecit audientibus petitionis series, quam Wilfridus Deo amabilis episcopus obtulit in hoc, quum se indigne de episcopali sede deiectum agnovit; non contumaciter per vim secularem obstitit, sed humiliter sentiens *auctoris nostri beati Petri apostolorum principis canonicum expetivit subsidium*; et supplici praestatione, quae super eo censenda sunt, se suscepturum perhibens, quod *ex ore nostro beatus Petrus auctor noster*, cuius ministerio fungimur, praeviderit statuendum.“

³³) Cf. Petri Ballerini librum, *de potestate ecclesiastica*, cap. I. §§. I—VI.

³⁴) Cf. Mamachium, Origg. et Antiq. Christ. T. II.

³⁵) Vide quae de *formatis epistolis* habet Alphonsus Muzzarelli in opere inscripto, *De auctoritate Rom. Pontificis in Conciliis Generalibus*, cap. V. §. IX.

³⁶) Cf. Mamachium, Op. cit. T. V. Part. I. cap. II. §§. I. seqq.

³⁷) Insignia sunt quae de Constantio refert Ammianus Marcellinus lib. XV. cap. VII, quaeque testantur Marcianus in epist. ad Leonem, quae est inter Leoninas CX, Galla Placidia apud Cotelierum, T. I. Monum. Eccles. Graec. pag. 63, Justinianus Nov,

stulat tandem *historia*³⁸ *codicum*, quibus christianorum regnorum νομοθεσία continetur.

9. Quid porro ex his quae adumbravimus satius quam expressimus, sua sponte consequitur? illud profecto, institutionem primatus ad eorum genus pertinere, quae *certissima* sunt, quaeque *plena*, *suisque absoluta numeris probatione* demonstrantur. Et re sane vera fieri ne potuit, ut tot, tamque varia concurrerent, et ad ostendendum, persuadendumque primatum conspirarent, si numquam ille fuisset institutus? fieri ne potuit, ut *tot, tamque varii eius causae* haberentur *effectus*, quae numquam extitisset? ut *tot, tamque varia eius rei signa* apparerent, quae commentis adnumeranda foret? tam fieri ista potuere, quam probabile est, ut iactis casu litteris pulcherrima habeatur oratio, fusis temere coloribus venustissima species, et praepostera incogniti alphabeti determinatione ratio modusque, quo non una modo ac altera ῥῆσις, sed universi sermonis ἀκολουθία apte eleganterque reddatur. Sunt autem non improbabilia solum, sed ἄτοπα penitus et ἀδύνατα. Utique ἀδύνατον haud est, ut aliquae litterae, etsi temere iactae, syllabam, vocabulumque praebant: neque ἀδύνατον est, ut fallaci alphabeto unum alterumve incisum dextere interpreteris; sed quod fusae casu litterae orationem referant, alphabetumque fallax ad interpretandum integrum librum conducatur, non minus ἀδύνατον est, quam ἀδύνατον sit, ut effectus sine causâ, sine luce splendor, ac sine sonis harmonia concentusque habeantur. Probatio igitur instituti primatus, quae tot elementorum consensione perficitur, iis merito accensetur, quae assensionem rapiunt, quaeque *proposito* quidem *voluntatis* negligi possunt, *iudicio* autem *bene consultae rationis* neque negligi possunt neque refelli.

10. Qua de re novum ac aequè perspicuum existet argumentum, si probatio *in se* hactenus *absoluteque* spectata, σχητικῶς et *compare* examinetur. Velim itaque mecum lectores ab anglicanis, lutheranis, calvinianisque percontentur, ut illam ex ordine cum iis conferant probationibus, quibus ipsi, pro sua quique secta, tuentur vel *episcoporum ἐξουσίαν*, *eorumdemque a presbyteris discrimen* *suprema Christi lege constitutum*, vel *dominici corporis in Eucharistia veram realemque praesentiam*, vel *naturam* denique *Christi divinam*, *eiusque cum Patre substantiae ταυτότητα*. Quid ex hac collatione deprehendunt? *plura ne numero esse consignata divinis Scripturarum instrumentis testimonia*, quae pro posterioribus doctrinae articulis, quam quae pro Petri primatu in iisdem occurrunt? de articulis praesentiae realis, ac discriminis prae-

CXXX, et Valentinianus III. in Const. de Epp. ordin: „Cum sedis apostolicae primatum sancti Petri meritum, qui princeps est episcopalis coronae, et romanae dignitas civitatis, sacrae etiam synodi firmitas auctoritas, ne quid praeter auctoritatem sedis istius illicitum praesumptio attentare

nitatur. Tunc enim demum *ecclesiarum pax* ubique servabitur, si *rectorem suum agnoscat universitas*.”

³⁸) Huius rei argumentum esse possunt quae habentur in Capitularibus Francorum, et in Legibus Longobardorum.

stantiaeque episcoporum, nulla id veri specie³⁹ affirmaretur. Quod si plurima sunt, quae pro divinitate Christi biblia continent, haud multo censi minora possunt, quae pro Petri primatu iisdem comprehenduntur. Quare si *e textuum numero* vis probationum iudicari debeat, vel quae pro primatu pugnat, reliquis antefereatur, vel nulli certe posthabebitur.

11. Verum non me fugit quid sint protestantes responsuri: respondebunt non de *numero textuum* litem esse, sed de *illorum perspicuitate atque evidentia*, e quibus pondus et gravitas enascuntur. Respondebunt non esse *supputandos* textus sed *aestimandos*, eamque causam comprobendam, non quae *simpliciter* textibus, sed quae *commodis luculentisque* asseratur. Quam ego *ἐνστάσις* non meis dispungam verbis, sed contra efficiam, ut cum anglicanis lutherani, cum lutheranis calviniani, et cum his sociniani, remonstrantesque decertent. Quid igitur lutherani de *perspicuitate* putant *eorum textuum*, quibus susceptae causae de discrimine, potiorique episcoporum auctoritate anglicani patrocinantur? una omnium vox est, illos esse non obscurissimos modo, sed ab ea prorsus doctrina alienissimos, ad quam firmandam, stabiliendamque ab anglicanis usurpantur. His simillima calviniani lutheranis *pro praesentia reali* contententibus, et sociniani calvinianis *divinitatem Christi* propugnantis opponunt, negantque praefracte singuli afferri quidquam quod causae statuendae conducatur. Quae quidem ego descriptis recitatisque suffragiis ostenderem, nisi essent vulgatissima, ac leviter etiam eruditis ex historia theologiarum controversiarum explorata. Videor ergo mihi inferre non iniuria posse, nihil admodum protestantibus suppetere, quo perspicuitatem evidentiamque textuum, quibus singuli utuntur, gloriose extollant.

12. Ita sit, fidenter subdent, sed quis coecus adeo est qui non cernat, primatus causam quam nos tuemur, longe esse deteriorem? expositionibus namque quibus innititur, non una solum vel altera factio, sed omnes globo veluti facto refragantur. Refragantur anglicani, refragantur lutherani et calviniani, omnesque refragantur *quotquot catholico nomine non censentur*. Probe additum illud est, *quotquot catholico nomine non censentur*. Revera enim *eos omnes ac solos*, qui neque sunt, neque dicuntur *catholici*, adversarios experimur. Sed quales adversarios? qui nomine⁴⁰ ipso suo gravissimum sibi metipsis praeiudicium creant, seque indignos ostendunt quibus aures praebeantur. Si enim appellatio *catholici* nota est veritatis, huius negatio *cognominis*⁴¹ tessera est erroris atque

³⁹) Constat enim pro utroque articulo pauciora *numero* esse quae allegari testimonia possunt.

⁴⁰) Apposite Augustinus de utilit. credendi, cap. VII. n. 19: „Una est *catholica*, cui haereses aliae diversa nomina imponunt, cum ipsae singulae *propriis vocabulis*, quae negare non audeant, ap-

pellantur. Ex quo intelligi datur iudicantibus arbitris, quos nulla impedit gratia, cui sit catholicum nomen, ad quod omnes ambiunt,tribuendum.“ Quibus gemina scribit *de vera religione* cap. XII. n. 12.

⁴¹) Pacianus ad Sympronianum epist. I. §. IV: „Christianus mihi nomen, *catholicus* vero *cognomen*.“ Quae quidem ad

haeresis. Quis autem putet de doctrina Christi, deque apostolicis institutis audiendos esse haereticos, hostes nimirum Christi et apostolorum? Scite ⁴² Tertullianus: „Nobis etsi quaerendum ⁴³ esset adhuc et semper, ubi tamen quaeri oportet? *apud haereticos*? ubi omnia extranea et adversaria nostrae veritati; ad quos vetamur ⁴⁴ accedere. Quis servus cibaria ab extraneo, ne dicam ab inimico domini sui sperat? quis miles ab infoederatis, ne dicam ab hostibus regibus, donativum et stipendium captat? nisi plane desertor et transfuga et rebellis. Etiam anus illa intra tectum suum ⁴⁵ drachmam requirebat; etiam pulsator ille ⁴⁶ vicini ianuam tundebat; etiam vidua illa non inimicum illum, licet durum, iudicem interpellabat. Nemo inde instrui potest, unde destruitur. Nemo ab eo illuminari, a quo contenebratur. Quaeramus ergo in nostro, et a nostris et de nostro; idque dumtaxat quod salva regula fidei potest in quaestionem devenire.“

13. Sed rem ipsam paullo propius inspicimus. Verum ne est, protestantes secumipsis ita consentire, et a nobis dissidere, ut nullos habeamus nisi contrarios? ne ita existimemus efficiunt viri inter protestantes litteratissimi, Camero, Grotius, Hammondus, Clericus, Dodwellus, Michaelis, Rosenmüller, Kuinoel, alique, qui tam a suis discrepant quam nobiscum de interpretatione ⁴⁷ consentiunt subiicienda verbis ⁴⁸: *et super hanc petram aedificabo ecclesiam meam*. Neminem porro latet, non minimum hisce verbis momentum contineri illius de primatu contentionis quam versamus. Non excidit ergo nobis quod affirmavimus, neque secumipsis protestantes penitus consentire, neque penitus a nobis, nostrisque commentariis abhorrere.

Quid vero si daremus, in contrariam omnes partem, oppositamque et concessisse et concedere? nemo propterea commoveri admodum deberet. Etenim I. vix aut ne vix quidem accidere aliter potuisse intelligimus. Hac enim una

ea expressa crederes, quae in Passione s. Pionii §. IX. leguntur.

⁴²) De Praescriptt. cap. XII.

⁴³) Sic habent editiones Pamelii et Rigaltii; sed Christianus Lupus praefert lectionem impeditiorem, *nobis etsi quaerendum esset, adhuc est semper, ubi tamen quaeri oportet?*

⁴⁴) Quod cap. VI. probat Pauli verbis ex epist. ad Tit. III. 10, quae ita citat, *hominem haereticum post primam correptionem recusandum*. Neque aliter citat cap. XVI, habetque consonos Irenaei interpretem *semel*, Cyprianum in epistolis et in tertio ad Quirinum, Luciferum calaritanum, Ambrosium, Augustinum, Faustinum, concilium aquilense, et Ambrosia-

strum, quorum testimonia refert Petrus Sabatier. At graeci codices habent, *μετὰ μίαν καὶ δευτέραν νοθεσίαν*, quibus graeci patres suffragantur, tum latini non pauci, Hieronymus, Gelasius, Leo, Maximus taurinensis, ac postremo versiones, e quibus Itala legit: *haereticum hominem post unam correptionem et duo* (idest, *μετὰ μίαν νοθεσίαν καὶ δύο*, quemadmodum et aliquot graeci codices apud Griesbachium referunt) *devita*.

⁴⁵) Luc. XV. 9.

⁴⁶) Luc. XI. 5. seqq.

⁴⁷) Cf. Christophori Wolfii Curas ad Matth. XVI. 18, et Koecheri Analecta ad eundem locum.

⁴⁸) Matth. XVI. 18.

de primatu caussa rei summa continetur, e qua si excidisse se protestantes fate-
rentur, sententiam in seipsos eamque acerbissimam conflati schismatis pronun-
ciarent. Ea igitur necessitate nobis resistunt, qua sibiipsis, propriaeque vitae
prospectum consultumque desiderant. Praeterea II. sicuti a nobis protestantes
dissent, ita devii ab ea doctrina recedunt, quam ante saeculum sextumdecimum
in oecumenicis synodis, florentina ⁴⁹, lateranensi IV. ⁵⁰, et lugdunensi II. ⁵¹ uni-
versum christianum nomen tenendam, profitendamque solemniter definierat.
Quare nos inter ac illos id existit discriminis, quod nos *antiquitatem* sequamur,
illi *nova* sibi delegerint quae amplecterentur. E quo discrimine et alterum ori-
tur, nobis quidem adversari protestantes, sed antiquiores ⁵² christianos patroci-
nari; illis autem tam praesentes catholicos, quam eos quorum hi nepotes sunt,
doctrinamque servarunt, refragari atque obsistere. Unde hostium copia longe
numerosior illos, quam nos, nostramque fidem oppugnat. Ad haec III. eius nos
doctrinae assertores sumus vindicesque, quae aliquot saeculis nullos experta est
adversarios dignos qui memorentur, quaeque sibi communem fidem, assensio-
nemque comparavit. At vero protestantes non antea in lucem suum *δόγμα* pro-

⁴⁹) Habita anno MCDXXXIX.

⁵⁰) Celebrata anno MCCXV.

⁵¹) In qua anno MCCLXXIV. latino-
rum, graecorumque dissidia composita sunt.

⁵²) Quorum fidem iis expressam lucu-
lentissime habemus, quae in epistola ad
Heraclium imperatorem, lecta in concilio
CP. III. Act. IV. Agatho romanus episco-
pus de Petri praerogativis scripsit, et
synodus comprobavit: „Eius (Petri) vera
confessio a Patre de caelis est revelata,
pro qua a Domino omnium beatus esse
pronunciatus est Petrus; qui et spirituales
oves ecclesiae ab ipso Re emptore omnium
terna commendatione pascendas suscepit;
cuius annitente praesidio haec apostolica
eius ecclesia numquam a via veritatis in
qualibet erroris parte deflexa est, *cuius*
auctoritatem, utpote apostolorum omnium
principis, semper omnis catholica Christi
ecclesia, et universales synodi fideliter
amplectentes, in cunctis sequitae sunt,
omnesque venerabiles patres apostolicam
eius doctrinam amplexi, per quam et pro-
batissima ecclesiae lumina claruerunt, et
sancti quidem doctores orthodoxi venerati
atque sequuti sunt, haeretici autem falsis

criminationibus ac derogationum odiis in-
sequuti. ... Haec est apostolorum Christi
*viva traditio, quam ubique eius tenet ec-
clesia.*“

Quae crederes animo Thomae Mori ob-
versata in responsione ad Lutherum, cap. X.
inquentis: „Cui sedi, ut obedenter ob-
temperem, quum illa movent omnia, quae
docti sanctique in eam rem collegerunt,
tum illud profecto non movet minime quod
toties sumus experti, non modo neminem
inimicum fuisse christianae fidei, qui non
illi sedi bellum simul indixerit, sed etiam
neminem umquam extitisse, qui se pro-
fessus sit eius sedis inimicum, quin idem
paulo post se declaraverit insigniter Chri-
sti et religionis nostrae capitaliter hostem
et proditorem esse. Valde me movet et
illud, quod si ad istum modum hominum
vitia imputentur officiis, omnis ma-
gistratus corruet, et erit populus absque
rectore, sine lege et ordine. Quae res,
si aliquando contingat, id quod aliquot
Germaniae locis videtur imminere, tum
demum magno cum damno sentient, quanto
magis intersit mortalium, vel malos ha-
bere rectores quam nullos.“

tulerunt, quam in se universam catholicam ecclesiam concitarint. Et quamnam ecclesiam? illam ipsam IV. a qua protestantes rebellaverant, in qua fuerant lavacro regenerationis abluti, cuius maternis curis nomen Christo adiunxerant, a qua biblia, ceteraque christianorum bona acceperant, quae ante fatale schisma faciem vultumque verae ecclesiae *unice* referebat, iisque ornabatur insignibus, quae ad faciendam fidem, auctoritatemque conciliandam mirifice conferunt. Ornabatur enim *antiquitate, hierarchia, unitate, membrorum consensione, universalitate*: ornabatur *splendore sanctitatis et doctrinae*: ornabatur quum *studio tuendae custodiendaeque primaevae traditionis*, tum *odio in profanas novitates*: eorum denique *supernorum charismatum fama* inclarescebat, quae quum abesse a vera Christi ecclesia non possint, nulli tamen alteri coetui adscribebantur.

Opportunissimum insuper fuerit V. ecclesiam catholicam secumipsam contendere, eiusque statum conditionemque saeculo XIX. cum eo statu, eaque conditione comparare, in qua saeculis IV. V. et VI. versatam fuisse cognovimus. Quinam, quaeso, saeculo IV. *trinitatem consubstantialem* profitebantur? soli *propemodum* catholici, quum innumerae haereticorum sectae eidem doctrinae adversarentur. Illi enim supremum indixerant bellum praxeani, noetiani, sabeliani, paulianistae, ariani, arianorum pessimi, anomoei, macedoniani, et qui iam proserpere videbantur, tritheitae. Saeculis autem V. et VI. quinam veram sinceramque fidem de Christo *θεανθρώπου*, eiusque in suscepta carne *οικονομίᾳ* retinuerent? eadem responsio est, sinceritatem fidei apud solos ferme catholicos remansisse, quam coniunctis viribus acerbissime impetebant asseclae Theodori mopsuesteni, et Diodori tarsensis, tum Nestorius et nestoriani, Eutyches, eutychianorumque divisae inter se digladiantesque factiones, monothelitae tandem, monothelitarumque sectae tam sibi invicem, quam catholicis infensissimae. Sunt ne iamvero e protestantibus, qui ex hostilium sectarum turba colligere ausint, quarto consequutisque saeculis ecclesiae catholicae causam minus fuisse certam, minusque exploratam? viderer mihi iniurius in eos esse, si hanc illis mentem cogitationemque tribuerem. Quare sinant, ut quod cum his aptum nexumque est, inferendo deducam: videri iniquum non debere, si iudicium idem vel simile de ea causa pronuncietur, quam catholici *pro primatu* ab aliquot iam saeculis adversus protestantes defendunt.

Denique VI. ut lutheranos, anglicanosque nominatim compellem, norunt ne ipsi vel ignorant, sectas plerasque omnes non magis Petri *προστασίαν*, quam episcoporum *ἐπεροχήν*, veritatemque dominici corporis in Eucharistia adgredi, et quo vehementius possunt, impetere? doctiores sunt quam ut ea ignorent, quae in vulgatissimis controversiarum libris circumferuntur. An propterea vel hostium numero deterrentur, vel de bonitate causae diffidunt, vel de perspicuitate dubitant instrumentorum, quibus pugnant, sibiue victoriam pollicentur? immo ingenuo liberalique fastidio technas strophasque⁵³ adversariorum irrident,

⁵³) Neque mollius excipi debent ca- serio refellendos existimet antitrinitarios, villatores. Ut enim exemplo utar, quis qui verba Stephani, Act. VII. 59: *Κῆρις*

impetus vero aggressionesque viriliter retundunt. Necesse igitur est nobiscum statuam, de bonitate caussae, instrumentorumque perspicuitate neque debere, neque iudicari ex iis posse, quae digladiantes mutuo partes vel affirmant vel inficiantur.

14. Bene, inquis, habet, sed ad quam tandem normam iudicium nostrum dirigemus? ad eas omnino regulas, eaque *κρίτηρια*, quae iustae exceptioni non subiacent, probarique ab omnibus debent qui veritatem quaerunt, praescriptoque rationis obsequuntur. Quatuor autem potissimum *κρίτηρια* assignari posse arbitror, quorum *duo priora propinqua* sunt et *interna*, *tertium internum* illud quidem sed *nonnihil remotius*, *postremum* vero *externum*, non minimi tamen momenti, neque eiusmodi quod prudenter negligatur. Ut autem de prioribus initio dicam, illorum alterum ⁵⁴ *verbale* est, et ad vocabula, phrasesque refertur, quibus textus constant: alterum *reale*, idque respicit quod oratione significatur. Fontes sane *obscuritatis* et *evidentiae* fingi alii non possunt, quam aut *vocabula ipsa* quibus *res* effertur, aut *res* quae vocabulis designatur. Si vocabula et res perspicuitate niteant, evidens erit oratio et sermo praeclarus; sin vero aut haec vim ⁵⁵ rationis excedat, aut illa sint impedita, aut utrumque conspiret, evidentia sermonis plus minusve periclitabitur.

Ἰησοῦ, δέξαι τὸ πνεῦμά μου! ad demonstrandam Christi invocationem validissima ita detorquent, ut contendant, *duo substantiva*, *κύριε Ἰησοῦ* non *appositione* coniungi, sed ea syntaxi quam *regiminis* nominant, ac si sensus foret, *tu Pater qui es Dominus tui Jesu, accipe spiritum meum*, atque adeo non Christus, sed Christi Pater ac Dominus invocaretur? Scio reponi posse, a) non legi *κύριε τοῦ Ἰησοῦ*, sed *κύριε Ἰησοῦ*: b) numquam alibi occurrere formulam *κύριε Ἰησοῦ* in regimine, occurrere vero in appositione, ut Apoc. XXII. 20: *καὶ ἔρχου κύριε Ἰησοῦ*: c) ad eum dirigi Stephani invocationem, quem ipsemet vidit stantem a dextris Dei, hunc autem, Act. VII. 55—56, fuisse Christum: postremo d) interpretem syrum reddidisse, מְרִיָּה דִּי־יֵשׁוּ, *Domine noster Jesu*. Nihilominus ea est textus evidentia, et tam perspicua expositionis antitrinitariae corruptela, ut si cui satis ista non sunt, vix aliud quidpiam satis esse posse videatur.

⁵⁴) Sicut *vocabulis significatio*, ita compositae e vocabulis *orationi* respondet *sensus*, qui *obscurus* esse nequit, si vo-

cabulorum significatio *perspicua* sit. Quod *ἀμείως* de *sensu simpliciter dicto*, *quemque continuo verba referunt*, *ἐμείως* autem de *sensu vero*, *quemque auctor intendit*, accipiendum est. Animadversum namque velim, 1) fieri posse, ut sensus qui *obvius* est, idem non sit *verus*: toties autem 2) sensum *obvium* censeri etiam *verum*, quoties oppositum neque certis neque probabilibus rationum momentis suadet.

⁵⁵) Quum vocabula sint proxime *idearum* signa, ac mediate *rerum*, nemo non perspicit, quantopere rerum indoles ac ratio perspicuitatem vocabulorum ac sermonis aut iuvet aut impediat. Certe ex indole potissimum rerum factum arbitror, quod Petrus in altera epistola, cap. III. 16, de Pauli litteris scripserit, aliqua in iis contineri quae sunt *δυσνόητα*. Atque hinc repetendum existimo quod viri docti annotarunt, *grammaticam* bibliorum interpretationem, quae *historica* simul non sit ac *theologica*, neque gravissimis vacare periculis, neque ad debitam sibi perfectionem accedere.

15. Jamvero ut initium *a vocabulis* petam, non ero morosior, et anglicanis, lutheranis, calvinianisque ⁵⁶ concedam, *textus* quos pro sua quique caussa allegant, iis constare vocabulis, quae aut ἀμέσως sint perspicua, aut ἐμμέσως

⁵⁶) Non omittam tamen animadvertere, vix unum esse vocabulum, cuius potestatem contrariae sententiae vindices in quaestionem non adduxerint. Urgent, ac merito lutherani, verba institutionis, Matth. XXVI. 26: Τοῦτό ἐστι τὸ σῶμά μου. Sed quod horum intentatum reliquere calviniani? non pronomen, non copulam, non praedicatum. Immo non defuere, qui hac praestructa regula, *nomen illud, cui articulus praepositur, vice subiecti fungi*, ita inverterint propositionem Christi, τὸ σῶμά μου ἐστι τοῦτο, illamque ita reddiderint: *corpus meum est hoc*, nimirum panis, quoniam nutrit animos reficitque, sicut panis corpora nutrit et reficit.

Urgent anglicani eos Scripturarum textus, in quibus diserta est mentio *episcoporum*, eorumque ὑπεροχὴ declaratur. Sed obnituntur calviniani, et partim locorum *parallelismo*, partim suffragio veterum, Chrysostomi, Theodoriti, Hieronymi, Ambrosiastri, Isidori, Bedae, atque ex ecclesia syriaca, Johannis darenensis et Maronis, conficere se posse existimant, non sacerdotes primi ordinis a presbyteris distinctos, sed ipsos presbyteros qui solum a diaconis secernerentur, episcoporum appellatione in Scripturis demonstrari.

Urgent demum calviniani tum alia, quum ea potissimum Scripturae effata, quibus Christus dicitur *Deus*; ac ut eorum amplificent numerum, initio statuunt hunc canonem: *Quum duo, plurave nomina personalia eiusdem generis, numeri et casus nectuntur copulativa καί, si illorum primum articulum habeat ὀριστικόν, quo reliqua careant, omnia ad idem nomen referuntur*. Tum pergunt, nihil esse

manifestius quam *Dei* titulo honestari Christum his quos subiicimus locis: Ephes. V. 5: Ἐν τῇ βασιλείᾳ τοῦ Χριστοῦ καὶ θεοῦ: II. Thess. I. 12: Κατὰ χάριν τοῦ θεοῦ ἡμῶν καὶ κυρίου Ἰησοῦ Χριστοῦ: I. Tim. V. 21: Ἐνώπιον τοῦ θεοῦ καὶ κυρίου Ἰησοῦ Χριστοῦ: Tit. II. 13: Ἐπιφάνειαν τῆς δόξης τοῦ μεγάλου θεοῦ καὶ σωτῆρος ἡμῶν Ἰησοῦ Χριστοῦ: II. Petr. I. 1: Ἐν δικαιοσύνῃ τοῦ θεοῦ ἡμῶν καὶ σωτῆρος Ἰησοῦ Χριστοῦ: et Judae v. 4: Καὶ τὸν μόνον δεσπότην θεὸν καὶ κύριον ἡμῶν Ἰησοῦν Χριστὸν ἀρνούμενοι.

Sed quas propterea tragoedias non excitant unitarii? repetunt quae iam saeculo IV. opposuerat Asterius, nullum adduci Scripturae oraculum, quo manifeste ostendatur, Christum ὄντως καὶ κύριος *Deum* nominari, proindeque θεὸν quidem dici, sed omisso articulo. Repetunt huic propriae acceptioni συνάφειαν Scripturarum refragari. Ipsum postremo canonem negant, textusque corradunt, quibus illum fallacem esse confirment. Qua in re ὁμοψήφους habent viros ab unitaria perfidia alienissimos, quos inter Augustinus Dathius, Philolog. Sacr. lib. I. tract. II. can. I. scribit: „Addendum tamen, non esse καθόλου hanc observationem, quod si duo coniungantur, quorum prius cum articulo, posterius sine articulo ponitur, de eodem subiecto illa loquantur. Contrarium enim ex Matth. XXI. 12, Marc. XI. 15, Luc. XIX. 45. apparet, ubi οἱ πωλοῦντες καὶ ἀγοράζοντες coniunguntur, quorum illud articulum habet, hoc vero non: et tamen alii vendentes, alii ementes intelliguntur. Ex quo patet, dubia et infirma saepe esse, quae ex articulorum emphasi desumuntur argumenta pro articulis fidei comprobandis.“

certa ratione clarescant. Sed ab iis vicissim postulabo, ut etiam atque etiam considerent, an eiusmodi perspicuitas detrahi vocabulis possit, quibus adducti pro primatu Petri textus coalescunt. Sunt illa *trita, vulgaria, passim in bibliis repetita, ita vero nexa copulataque, ut illorum certa potestas vel illico pateat, vel opere levissimo definiatur*. At nonne, aiunt, pleraque sunt *metaphorica*, ut *petra, aedificare, claves, ligare, solvere, agni, oves, pascere*? utique nonnulla sunt *tropica*, verum non ita I. ut *propria* desint, quemadmodum illa sunt quibus Petrus *πρῶτος, μεῖζων, ἡγούμενος* nuncupatur: item illa, quibus munus *confirmandi fratres* eidem creditur: ac ea postremo quae ex apostolorum Actis, Pauli litteris, scribendique forma evangelistarum collegimus. Non ita II. ut e sermonis *συναφείᾳ* non constet, quae fixa rataque significatio tropicis iis loquutionibus subnecti debeat. Non ita III. ut usu exercitioque non demonstretur, quam eae formulae potestatem referant. Non ita IV. ut detracta imagine, verbis propriis ⁵⁷ efferri nequeat quod metaphoricis adumbratur. Non ita V. ac si propterea *sensus litteralis immediatusque* desideraretur; nihil enim ⁵⁸ notius, quam tropicum quoque sensum litteralem esse ac immediatum. Denique VI. videri ne *ἰσοδύναμα* possunt *metaphorica loquutio eaque obscura*? nullatenus, tum quia alienissimum id est ab ipsa metaphoricae loquutionis natura ⁵⁹ ingenioque, tum quia actum omnino esset de perspicuitate humani sermonis, si eiusmodi canon semel sanciretur. Nulla enim est lingua sive antiquior sive recentior, sive rudis sive expolita, sive semitica sive chamitica sive iaphetica, cuius non multo sit copiosior *metaphorica* quam *propria* supellex.

16. Distant igitur admodum *tropica, obscuraque* loquutio, nihilque impedit quominus *metaphorica* loquutio sensum fundat splendidissimum. Toties enim sensus splendet, quoties et *fundamentum* quod nominant *translationis* innouerit, et orationis series *respectum similitudinis* ostenderit, et loquendi usus *vim potestatemque tropi* patefecerit. Haec autem omnia, quae metaphoris *perspicuitatem evidentiamque* conciliant, in promptu sunt, quum de iis agitur interpretandis metaphoris, quibus singularia Petri ornamenta continentur. Sicut enim liquido constat, unde voces *fundamenti, aedificii, clavium, ligandi, solvendi, ovium, agnorum, pastoris*, translatae sint; ita orationis contextus respectum similitudinis circumscribit, usus vero loquendi non patitur, ut vis eiusmodi metaphorarum ignoretur. Quare textus de primatu Petri *ea pollent verbali perspi-*

⁵⁷) Quod suis opportune locis fecimus, ac denuo enucleatus etiam faciemus.

⁵⁸) Sensus, inquit Jahn in Enchirid. cap. I. §. 6, est nexus seu relatio mutua notionum, quas author verbis designavit; vel quod aliis placet, et idem est, conceptus animi, quem auctor verbis expressit, et in lectoribus excitare voluit. Hic

sensus, sive ex propria, sive ex *impropria et tropica* vocum significatione aut allegorica oratione oriatur, est *immediatus, grammaticus, historicus, literalis*, et dicitur etiam sensus literae.

⁵⁹) Quae propterea non tenebrae, sed orationis *lumina* nuncupantur.

cuitate ⁶⁰, quae merito cum ea componitur, qua textus nitent quibus anglicani, lutherani, et calviniani suam quique causam defendunt.

17. Sequitur *evidentia realis*, quam assertis a protestantibus caussis longe inesse *minorem, tenuioremque* contendo, quam illi insit, cui catholici patrocinantur. Sane utrique caussae *de praesentia reali, deque Christi divinitate* obiectum subest *ὑπερόνητον*, insitamque rationis vim adeo excedens, ut informari quidem animo *ἀναλόγως* possit, *distinctis* vero *propriisque notitiis* ⁶¹ non possit. In caussa autem *de primatu* nihil occurrit, quod non sit *admensum rationi* ⁶², quodque *propriis distinctisque notionibus* non praecipitur. Multo igitur potior est *realis evidentia*, quae *huic caussae*, quam quae *illis* respondet atque competit. Sed *plane eadem* adscribi caussae debet, qua episcoporum *ἐξουσίαν*, eorumque a presbyteris discrimen anglicani tuentur? esto quod sumunt, verissimum tamen manet, causam de primatu *evidentia reali* fulgere ea omnino *illustriore*, quae causam de praesentia reali, deque Christo *θεανθρώπῳ* comitatur. Praeterea anglicanorum placitum spectari *dupliciter* potest, vel *seiunctum* a catholico dogmate de primatu Petri, vel cum eo *copulatum atque cohaerens*. Si posteriori modo consideretur, non is ego sum qui diffiteri velim, sic illud cum ratione consentire, ut ab ipsa ratione fidei lumine ⁶³ collustrata postulari videatur. Sed hoc ne pacto anglicani illud considerant, vindicandumque suscipiunt? immo et a dogmate de primatu illud plane divellunt, et quo studio episcoporum *ὑπεροχὴν* defendunt, eodem Petri *προστασίαν* insectantur. Quae quum ita sint, impetrare a me nullatenus possum quominus concludam, *placitum de discrimine praestantiaque episcoporum tam parum rationi consentire, ut ab ea perspicue luculenterque dissideat*.

18. Percontor enim ab anglicanis, unde ipsi consensionem cum ratione maxime educant. Audio Hammondum ⁶⁴, Pearsonium, Beveregium, Binghamum,

⁶⁰) Ac omnes sane difficultates, quibus excogitandis suam industriam ostenderunt protestantes, *illatae* sunt, non ex ipsis *eductae* verbis, quorum contra perspicuitate osiores primatus diceres commoveri.

⁶¹) Haec enim propria ratio est mysteriorum, e qua consequitur neque singulis vocabulis *distinctas notiones*, neque integrae propositioni *distinctum sensum* respondere.

⁶²) Quum e veritatibus revelatis aliae *rationales* sint, *prater-rationales* aliae, ac aliae *super-rationales*, character proprius earum, quae praeter-rationales dicuntur, hic est, ut *si* revelatae semel fu-

erint, vim facultatemque rationis non superent. Ad hunc porro veritatum ordinem pertinet institutio primatus.

⁶³) Quo nimirum ratio noverit, consilium fuisse Christi, ut singulae ecclesiae formam faciemque unitae cohaerentisque familiae referrent.

⁶⁴) Cuius insignes extant dissertationes, quibus *episcopatus iura adstruuntur*. A quibus seiungi non debent quae in Vindiciis Ignatii Pearsonius, in Codice Ecclesiae primitivae illustrato Beveregius, et in primo Origg. Ecclesiast. tomo Bingham praeclarissime disputarunt. Quae tamen doctrinae, eruditionisque praestantia impetrare a presbyterianis non potuit, quominus

aliosque maiorum gentium anglicanos theologos respondere, inde manifestissime educi, quod constet Christum *de unitate singularum ecclesiarum vehementer fuisse sollicitum*, eam vero talem esse, quae, negata distinctione praestantiaque episcoporum, nullatenus obtineri posse videatur. Prudenter, sed minorem ne *de unitate totius ecclesiae*, quam *ecclesiarum singularum* curam sollicitudinemque Christus ostendit? persuadere mihi non possum fore aliquos, qui id serio affirmant atque contendunt. Ecquae enim unitas nisi *ecclesiae totius* illa est, quam Christus commendat⁶⁵ et praecipit, quamque apostoli tantopere inculcant? et dum in symbolo *unam* profiteamur ecclesiam, *particularem* ne ecclesiam, an *ubique diffusam* significamus? illam ipsam significamus, quam eadem professione testamur esse *catholicam*, atque *unitatem* ideo *ecclesiae catholicae* profiteamur. Fuit igitur consilium, fuit certa Christi voluntas, ut *unitatis dote ac tessera tam singuli coetus quam universum ecclesiae corpus praefulgerent*.

19. Porro si ad efficiendam tuendamque *in singulis christianis coetibus* unitatem necessarium fuit, ut illis singuli praeficerentur antistites a presbyteris distincti, ac presbyteris auctoritate potiores: si ratio flagitat, ut Christus qui singulares christianos coetus voluit unitate cohaerentes, idem auctor institutorque discriminis praestantiaeque episcoporum habeatur; arbitrabimur ne vel ad efficiendam custodiendamque *unitatem catholicae ecclesiae* non fuisse necessarium, ut illius regimen *universali praeposito*, cui omnes subessent, committeretur: vel rationem *non ex aequo* postulare, ut Christus qui *unitatem* praecepit *catholicae ecclesiae*, auctor institutorque *pastoris universalis* existimetur? Sicuti enim *necessitas* non utrinque modo *par* est, sed eo *compare ad unitatem catholicae ecclesiae* validior, quo difficilius est *innumeros* quam *paucos*, *ubique diffusos* quam *brevibus adstrictos finibus*, et *dissitos ingenio*, *moribus*, *legibus* quam *sibi similes* in unitate continere; ita *ratio* quae *pro singularibus ecclesiis singulares* poscit *antistites*, multo *exigit validius institutionem praepositi universalis*, ne finis absque mediis intentus, et ne divinum Christi opus a *praescripto sapientiae* devium, alienumque videatur. Quid ergo moliantur anglicani, dum utrumque dogma *discerpunt*, ac pro institutione episcoporum ita certant, ut *primatus institutionem* pugnaciter negent? auctoritatem detrahunt veritati quam defendunt, iisque *seiuunctis* quae nequeunt *nisi copulata* consistere, arma praebent presbyterianis, quibus placitum a quo ipsi *episcopalium* nomen habent, impetant primum, tum vero etiam labefactent. Quare *realis evidentia* multo iis textibus splendidior inest, qui *ad stabiliendum Petri primatum* afferuntur, quam

agmine facto, Salmasius, Blondellus, Rivetus, Dallaeus et illis obsisterent, et episcoporum *ὑπεροχὴν* divinitus institutam oppugnarent, ac eo quidem concertationis exitu, ut illis eruditione forte non impares, sed sanitate iudicii, ac bonitate inprimis caussae longissime inferiores viderentur.

⁶⁵) Lib. I. nn. 394. seqq. Mihi sane anglicanorum opinio, qua de *ecclesia universali* negant, quod de *particularibus ecclesiis* affirmant, imaginem quidem seiuunctae avulsaque insulae refert, at imaginem regni Christi non refert.

illis conveniat, quibus ὑπεροχή *episcoporum, realis praesentia, divinaque Christi persona* comprobantur.

20. Vis autem demonstrationis quae *ex instrumentis* desumitur, *evidentiae respondet quum verbali, tum reali, qua textus pollent*, adeo ut maior sit minorve, quo intensior haec est vel dilutior. Aliis verbis, demonstrationis vis ac potestas ad eam evidentiae rationem exigitur, quam *directam* mathematici appellant. Atqui utraque evidentia *eodem aut pleniori etiam gradu* iis textibus inest, qui ad Petri primatum spectant, eiusque divinam institutionem patefaciunt. Reliquum est igitur, ut vis demonstrationis pro Petri primatu *eadem*, vel etiam *illa potior* iudicetur, quae argumentis competit, quibus episcoporum ἐξουσία, realis praesentia, divinaque Christi hypostasis comprobantur. Atqui insita hisce argumentis virtus talis est, ut articuli iisdem comprobati, sine gravissimo haereseos scelere, anglicanis, lutheranis, calvinianisque suffragantibus, vocari in dubitationem nequeant. Eodem ergo iure, ne dicam potiore, affirmandum est, sine flagitio atque haeresi negari non posse primatum Petri, qui eadem aut maiori etiam evidentia *revelatus* ostenditur.

Quam quidem consequutionem vellem ut sedulo anglicani expenderent, ac animo secum lutherani calvinianique diligenter reputarent: tum candide edicerent, videantur ne sibi consentanea et loqui et profiteri. Certissimam namque spem alo, futurum ut sibi ipsis utiliter displiceant, seque ipsos notent atque reprehendant, utpote qui in deligendis quos teneant articulis, *non revelationis perspicuitatem, sed partium studia, factionumque praecudicia* sectentur. Profecto neque satis umquam catholico facient sciscitanti, cur primatum eadem vel maiore evidentia propositum negent, qui episcoporum ὑπεροχήν simili vel minori evidentia suffultam tuentur: cur primatum oppugnent qui realem praesentiam, Christi quae divinitatem argumentis haud evidentioribus innixam defendunt; neque reperient quo sibimetipsis faciant satis, si quando in hanc cogitationem inciderint, quam de causa eidem revelationis evidentiae nunc quidem morem gerant, nunc vero obnitantur atque resistent. Itaque ne secumipsis pugnent, candoremque lucis repellere videantur, opus est, ut qua singuli fide episcoporum divinam ordinationem, realem praesentiam et Christi ὁμοουσιότητα credunt, eadem Petri primatum confiteantur.

21. Praesertim quum et *tertium* accedat *χρησίμιον*, quo evidentia revelati primatus non minimum augetur. Etenim commune est catholicis⁶⁶ et protestantibus⁶⁷ *doctrinae analogiam* praestantissimis hermeneuticae adminiculis accensere, illique vim dignitatemque loci *realiter paralleli*⁶⁸ tribuere. Ne

⁶⁶) Testantur eorundem opera, in quibus ducta ex analogia fidei doctrinaeque argumenta passim occurrunt.

⁶⁷) Horum sententiam exponit Franciscus Buddeus in praefat. ad Philologiam

Glassii, in qua de genuino interpretandi Scripturam principio disseritur.

⁶⁸) Cuius placiti inde causa desumenda est, quod nequeant Scripturae partes, iisque comprehensa doctrinae capita non ἀφρονικῶς conspirare.

autem huius praesidii usus suo effectu fraudetur, utrique monent, *duo ex aequo extrema vitia* fugienda esse, quorum alterum, scribit ⁶⁹ Jahn, huc redit, *ne locis Scripturae sensus subiiciatur analogiae oppositus*; alterum vero tale est, *ne contra Scripturarum verbis, ut ea analogiae conformentur, vis inferatur, quod esset sacris libris inferre sensum, qui ex ipsis efferendus fuisset*. Haec si sedulo diligenterque vitaveris, nihil analogia doctrinae opportunius, nihil ad iuvandam illuminandamque interpretationem accommodatius.

Verum suppetit ne talis doctrinae summa in omnibus novi testamenti libris eminens ac diffusa, ad cuius analogiam, tamquam ad lydium lapidem, eorum textuum enarratio exprimatur, qui ad Petri dotes praerogativasque referuntur? suppetit profecto, eaque insignis, et *tribus omnino capitibus* comprehensa. E quibus primum iis componitur textibus ⁷⁰, qui *ad divinam pertinent episcoporum institutionem*; reliqua vero duo iis absolvuntur, qui *ecclesiam unam* ⁷¹, *catholicamque* ⁷² demonstrant. Ecquid enim cum hisce doctrinae articulis coniunctius, quam *supremum* constitutum esse *praepositum*, qui eas *in universam ecclesiam* partes obeat, quibus in suos quique coetus, assignatamque sibi gregis portionem minores antistites defunguntur? quid rursus ab iisdem remotius, quam *partibus* quidem *institutione episcoporum* esse consultum, *universo autem corpori*, quod *unum* esse debet atque *catholicum*, *institutione supremae pastoris* non esse provisum? Expositio igitur textuum, qui de Petro in bibliis leguntur, eo pertinens, ut is universae ecclesiae praepositus, et visibilis auctor eiusdem catholicae unitatis creatus iudicetur, *cum analogia doctrinae tam belle cohaeret, ut censeri indubitata debeat, nisi ii forte sint textus qui illam repudient*. Atqui tantum abest, ut spectati *absolute* textus illam repudient, ut *ex sese* contra ἀμείωτος referant, neque ab ea reddenda detorqueri possint, quin omnes interpretandi leges violentur. Ea igitur textuum ad Petrum spectantium acceptio, qua eiusdem primatus stabilitur, analogia doctrinae, concentuque eorum quae de instituta a Christo ecclesia Scripturae referunt, mirifice confirmatur.

22. Cui confirmationi nihil plane deerit ad fidem plenissime faciendam necessarium, si *quartum* etiam illudque *externum ζουήγιον* adhibeatur. Quodnam vero? quod *e testium consensione* desumitur. Non ego in praesentia vim divinam, auctoritatemque falli nesciam christianae traditionis urgebo, neque me hoc clypeo muniam, vel inde caussae patrocinator: ea solum ponam quae nemo prudens vel negare ausit, vel adducere in dubium possit. Ponam I. suffragium antiquissimorum testium in eo quod versamus quaestionis genere *negligi impune non posse*: tum II. ponam, ex eiusmodi suffragio *vehementissimum pro ea interpretatione praeiudicium* haberi, quacum illud conspirat.

⁶⁹) Enchirid. cap. III. §. 32.

⁷⁰) Act. XIV. 22, XX. 28, I. Tim. V. 19—22, II. Tim. IV. 2—5, Tit. I. 5, I. Petr. V. 2—3.

⁷¹) Matth. XVI. 18, XVIII. 18, Joh.

X. 16, Ephes. V. 25, I. Cor. XII. seqq., Joh. XVII. 20. seqq.

⁷²) Luc. XXIV. 47, Act. I. 8, IX. 15, Coloss. I. 8, I. Cor. I. 23, IX. 20, Rom. X. 18.

Sane qua de re agitur? agitur primum de serie *textuum dogmaticorum* interpretanda: agitur deinde *de eo doctrinae capite*, quod quum maximi esset momenti, ignorari a nemine poterat. At vero talia ne ista sunt, de quibus antiqui testes, christiani patres, scriptoresque ecclesiastici *tuto inauditi* praetereantur? si sermo de rebus foret *geographicis, chronologicis, archaeologicis*, etsi invitatus, utcumque tamen permitterem; sed quum de textibus sermo sit *dogmaticis*, iisque ad gravissimum doctrinae caput pertinentibus, neque ego permiserim, neque quisquam sibi permittendum merito postularit. Quem enim latet quo studio tum servandis, quum rite enarrandis dogmaticis Scripturarum textibus antiqui patres vacaverint? qua cura sategerint, ne novae fallacesque interpretationes, et ex iis profectae novae fallacesque doctrinae inveherentur? quem latet una cum Scripturis germanam earundem potestatem ad eos ex apostolicae praedicationis fonte ⁷³ defluxisse?

Praeterea videri ne tutum potest viam inire ab ea diversissimam, quam apostoli signarint, quamque christianum nomen constanter tenuerit? atqui et Paulus ⁷⁴ docuit audiendos esse testes, et christianum nomen sive in synodos coactum, sive ubique terrarum diffusum nihil habuit antiquius quam ut e testibus penderet. Disertissima sunt quae de patribus ⁷⁵ nicaenis, quaeque de ephesinis ⁷⁶ narrantur; neque minus diserta quae litteris consignarunt Leontius ⁷⁷ byzantinus, Johannes ⁷⁸ Cassianus, Theodoritus ⁷⁹, Augustinus ⁸⁰, Hieronymus ⁸¹, Epiphanius ⁸², Basilius ⁸³, Origenes ⁸⁴, Tertullianus ⁸⁵, Clemens ⁸⁶ alexandrinus, ac his omnibus vetustior Irenaeus, ⁸⁷ inquit: „Agnitio vera est apostolorum doctrina, et antiquus ecclesiae status in universo mundo, et character corporis Christi, secundum successiones ⁸⁸ episcoporum, quibus illi eam quae in unoquoque loco est

⁷³) Quod Origenem permovit, ut in praefat. ad opus *περὶ ἀρχῶν*, n. 2. scriberet: „Itaque cum multi sint, qui se putant sentire quae Christi sunt, et nonnulli eorum diversa a prioribus sentiant, servetur vero ecclesiastica praedictio per successionis ordinem ab apostolis tradita, et usque ad praesens in ecclesia permanens; illa sola credenda est veritas, quae in nullo ab ecclesiastica et apostolica discordat traditione.“

⁷⁴) II. Tim. II. 2.

⁷⁵) Apud Athanasium de Decretis Nic. Synodi, et Auctorem Hist. Tripart. lib. II. capp. II—III.

⁷⁶) Apud Vincentium Ierinens., Comm. cap. XLII—XLIII.

⁷⁷) Con. Nestorium, lib. I.

⁷⁸) De Incarnat. lib. I.

⁷⁹) In tribus dialogis frequenter.

⁸⁰) Con. Cresconium, lib. I. capp. XXXII—XXXIII.

⁸¹) Epist. CXXXVI. ad Evagrium, et luculentissime in dialogo adv. Luciferianos.

⁸²) Haeress. LXI—LXXV—LXXVIII.

⁸³) In primo con. Eunomium, et de Spiritu-sancto, cap. XXIX. Recoli autem debent quae de eo, deque Gregorio nazianzeno Scripturas interpretantibus Rufinus narrat H. E. lib. II. cap. IX.

⁸⁴) In Matth. Tract. XXIX.

⁸⁵) Ad omnem paginam in libro de Praescriptionibus.

⁸⁶) In VII. Stromatum.

⁸⁷) Adv. Haeres. lib. IV. cap. LXIII.

⁸⁸) Inter quas successiones eam esse

ecclesiam tradiderunt, quae pervenit usque ad nos, custodita sine fictione, *Scripturarum tractatione plenissima*, neque additamentum neque ablationem recipiens; et *lectio sine falsatione* ⁸⁹, et *secundum Scripturas expositio legitima et diligens*, et *sine periculo*, et *sine blasphemia*, et praecipuum dilectionis ⁹⁰ munus, quod est pretiosius quam agnitio, gloriosius autem quam prophetia, omnibus autem charismatibus eminentius.“ Ut enim idem ⁹¹ addit: „Ubi charismata Domini posita sunt, ibi discere oportet veritatem, apud quos est ea, quae est ab apostolis ecclesiae successio, et id quod est sanum et irreprobabile conversationis, et inadulteratum et incorruptibile sermonis constat. Hi enim et eam, quae est in unum Deum qui omnia fecit, fidem nostram custodiunt: et eam quae est in Filium, Dei dilectionem adaugent, qui tantas dispositiones propter nos fecit: *et Scripturas sine periculo nobis exponunt*.“

Quis tandem e protestantibus non meritis cumulat laudibus Hebraicas Lightfooti Horas, Schoettgenii in texendis Hebraicis Thalmudicisque Horis diligentiam, et Meuschenii curas in adornanda interpretatione N. T. ex Thalmude, hebraeorumque antiquitatibus? quis in enarrandis hebraicis Scripturis non sibi indictum putat sin minus iurare in eorum verba, plurimi certe facere Aben Ezrae, Mosis ben Maimon, Davidis Kimchii, Jarchi, Levi ben Gerson, Mosis ben Nachman, R. Bechai, Isaaci Abarbanel, et Aben ben Melech commentarios, annotationes, scholia? ne unus quidem, quum quisque cernat, boni esse sagacisque interpretis eos fontes adire, aquasque ex iis in rem suam dextere sollerterque corrivare. At negabimus ne patribus, priscisque ecclesiae doctoribus, quod rabbinis deferimus, et thalmudistarum commentationibus largimur? id esset non illiberale solum, sed omnino iniquissimum. Consulantur ergo patres oportet, eorumque testimonium audiatur.

23. Neque audiatur solum, verum si *concors sit, universale, constans* ⁹², eo habeatur in pretio, quo illi consona bibliorum expositio impensissime commendetur. Qua de re unam eandemque esse mentem novi tum catholicorum ⁹³ omnino omnium, quum illorum e protestantibus ⁹⁴, qui prudentiae eruditionisque

principem quae a Petro orditur, declarat lib. III. cap. III.

⁸⁹) Cuius criminis reos fuisse haereticos, et Patres testantur unanimes, et singulari opere inscripto, *De veteribus haereticis ecclesiasticorum codicum corruptoribus*, Bartholomaeus Germonius demonstravit.

⁹⁰) I. Cor. XIII. 13.

⁹¹) Lib. IV. cap. XLV.

⁹²) Unde illud Vincentii Ierinensis in Comm. cap. III: „Magnopere curandum est, ut id teneamus quod ubique, quod

semper, quod ab omnibus creditum est; hoc est enim vere proprieque catholicum, quod ipsa vis nominis ratioque declarat, quae omnia fere universaliter comprehendit; sed hoc ita demum fiet, si sequamur universitatem, antiquitatem, consensionem.“

⁹³) Concil. trident. Sess. IV. Decret. de edit. et usu sacrorum librorum.

⁹⁴) Lege horum nomine disserentem Gulielmum Beveregium in prooemio ad Cod. canonum Ecclesiae primitivae, itemque Ernestum Grabium in praefat. ad lectorem praemissa tomo primo Spicilegii

fama prae ceteris inclaruere. Et incredibile sane videri debet, inanem esse fallacemque interpretationem biblicorum, quam patres, ecclesiasticique scriptores *quavis aetate, ubique terrarum, summo consensu, ac nemine refragante* adoptarint. Neque minus incredibile videri debet reperiri quempiam posse, qui sibi eousque blandiatur, assenteturque, ut testimonio et consensione christianae antiquitatis non vehementer commoveatur.

Inquirendum igitur superest, an de Petro, deque Scripturarum textibus qui ad eum referuntur, suam prompserint sententiam Patres, illamque *unanimis* declararint. Sed ea praemisimus, eaque identidem interseruimus quae funditus controversiam dirimunt, luculenterque demonstrant, iis omnibus placuisse, quod magnus Gregorius ⁹⁵ his plane verbis complexus est: „Cunctis evangelium scientibus liquet, quod voce dominica sancto et *omnium apostolorum principi Petro apostolo totius ecclesiae cura commissa est*. Ipsi quippe dicitur, *Petre amas me? pasce oves meas*. Ipsi dicitur, *ecce satanas expetiit cribrare vos sicut triticum; et ego pro te rogavi Petre, ut non deficiat fides tua, et tu aliquando conversus confirma fratres tuos*. Ipsi dicitur, *tu es Petrus, et super hanc petram aedificabo ecclesiam meam*. Ecce claves regni coelestis accepit, potestas ei ligandi atque solvendi tribuitur, cura ei totius ecclesiae, et principatus committitur.“

ss. Patrum ut et Haereticorum seculi post Christum natum, I. II. et III.

⁹⁵) Lib. V. epist. XX. al. lib. IV. epist. XXXII. Qui hom. VI. in Ezechiel. n. 9. de Petro comparet ad Paulum scribit: „Se minori fratri ad consensum dedit, atque in eadem re factus est sectator minoris sui, ut etiam in hoc praeiret, quatenus qui primus erat in apostolatus culmine, esset primus et in humilitate. Non ad memoriam revocat, quod primus in apostolatum vocatus sit, non quod claves regni caelestis acceperit.“ Neque aliter in decimo libro de *Trium Capitulorum* defensione Facundus hermiensis, inquires:

„Aliquando Petrus apostolorum primus, sicut iam diximus, reprehensus a Paulo minime apostolorum, non indigne tulit, nec pro sui primatus gloria resistantem sibi despexit.“

Quid autem sibi velit formula, *apostolorum primus*, et contextus ostendunt, et luculentius declarat Gregorius lib. XIII. epist. XXXVII. ad Johannem panormitanum scribens: „Illud admonemus, ut apostolicae sedis reverentia nullius praesumptione turbetur; tunc enim *status membrorum* integer manet, si *caput fidei* nulla pulsatur iniuria.“

CAPUT II.

Evidentiae ratio duplex, internae externaeque: — cuiusmodi illa sit, qua instituta probatio fulget: — ea proprie est externa: — quae tamen et interna dici quadamtenus potest: — declaratur: — triplex obscuritas: — quae obsit necessariae evidentiae, quaeque apte cum illa componatur: — immo fidem auctoritatemque probationibus conciliet, quibus capita christianae doctrinae vindicantur: — an omnia ex instrumentis pro primatu adducta eiusdem sint generis, efficiendaeque probationi similiter conferant: — negatur, ostenditurque subordinata ea esse, non coordinata: — quae emineant: — triplex $\chi\rho\iota\tau\acute{\iota}\sigma\mu\circ\varsigma$, quo iudicium dirigatur: — transitus ad insequentem tractationem.

24. Nihil nobis est *certum*, quod idem nobis non sit *evidens*; ac *evidentia* vel ipsa est *certitudo*, vel certitudinem *individua societate* comitatur. Porro certitudo, quae est *sibi similis* ac *uniusmodi*, si ad animum mentemque referatur, cuius est *modus quidam* ac *habitus*, vel ut nonnullis loqui placet, si *psychologice* spectetur; eadem *dissimilis* sibi est, ac *duplici comprehensa ordine*, si eorum habeatur ratio quibus gignitur sustentaturque, vel ut dicere etiam mos est, si *ontologice* consideretur. Indicia sane argumentaque, e quibus *veluti e totidem efficientibus caussis* prodit, alia comparata sic sunt, ut rem nobis certam, *nonnisi esse* demonstrent, alia vero ut eam *esse debere praeterea* persuadeant. Profecto iudicia argumentaque quibus certus sum, novemdecim abhinc saeculis extitisse Jesum nazarenum, illumque miraculis et incredibili quadam ac omnino divina sanctitate sapientiaque claruisse; nullam quidem potestatem mihi reliquam faciunt dubitandi, an revera tantus vir, idemque Deus in Iudaea apparuerit, sed non propterea mihi quoque *necessitatem* pandunt, qua apparere illum *debuisset* cognoscam. At contra iudicia argumentaque quibus certus sum, hanc rerum conspicuam universitatem, quam *mundum* nominamus, temporariam esse et creatione productam, non tantum rem ita se habuisse, verum etiam *necessitatem*, ob quam ita se habere *debuerit*, liquido patefaciunt. Atque hinc ea existit *certitudinis partitio*, qua in *internam externamque* diribetur, adeo ut *externa* dicatur et sit quae argumentis respondet, quibus *rei existentia, factumque ipsum* ostenditur: *interna* vero quae argumentis gignitur, quibus *tam rei existentia factumque ipsum, quam eiusdem necessitas e rei natura profecta* demonstratur.

25. Jamvero pro duplici certitudine *duplex* quoque secernitur *evidentia, interna, externaque*, ac huius discriminis *eadem* est *caussa*, cui gemina partitio certitudinis debetur.

Ad hanc autem evidentiae distributionem tum etiam philosophi, theologicque respiciunt, quum auctores nobis sunt, ne *evidentiam credibilitatis* cum *evidentia veritatis* confundamus. Illam enim *externam* esse, hanc *internam*: illam argumentis gigni quae factum probant, eiusque necessitatem non probant; hanc argumentis deberi quae rem, eiusque necessitatem ostendunt: illam ex iis pendere quae *rem circumstant*, hanc ex iis oriri quae rei *intestina* sunt, illiusque *οὐσίαν* naturamque constituunt: illam *contingentibus* legibus inniti, hanc necessariis: illi denique rem subesse *in se obscuram* et nonnisi *ἐξωθεν* luculentam, huic vero rem obversari *claris distinctisque notionibus comprehensam*.

26. Quibus leviter adumbratis, neque enim praesentis erat loci vel ea persequi uberius, vel enucleatius expolire, ut ad rem nostram continuo accedamus, interrogationi respondebimus, quae sua se sponte offert: *cuiusmodi evidentia, interna ne an externa, probatio fulgeat primatus, de cuius certitudine antecedenti capite disseruimus*. Est autem, uti ego quidem intelligo, perspicuum, *eam evidentiam per sese ac proprie externam esse, atque dici externam oportere: evidentiam esse credibilitatis non veritatis*. Sane ex instrumentis, testibusque pendet, quae quum factum instituti primatus, Petroque collati indubium reddant, nullam tamen illius absolutam necessitatem, ac ex ipsis haustam rebus suapte natura praeseferebant. Utcumque enim sive *primatum*, sive primatus cum *Petro*, qui eiusdem *subiectum* est, *coniunctionem* consideres, omnemque in partem animo verses; reperies omnino nihil, quod horum aliquid *ex sese, simpliciterque* postularit. Neque mirum, quum haec, quaeque hisce cognata sunt, ad *liberam Christi institutoris voluntatem* tandem aliquando revocentur; proindeque *externa* quidem *credibilitatis evidentia e testibus instrumentisque oborta* fulgere possint, *interna* autem ac *ex ipsis profecta rebus* enitere *suapte natura* non possint.

27. Quod tamen non impedit, quominus haec ipsa paullo inspecta secus *interna evidentia* perfundi *quadamtenus* videantur. Quonam vero pacto? ut id lectores intelligant, secum animo reputent, praescriptas a Christo institutiones sic illi fuisse liberas, ut non potuerint non esse *sapientes*, immo ad ipsum sapientiae *ἀρχέτυπον* accuratissime expressae. Est enim Christus quemadmodum ¹ *θεοῦ δύναμις*, ita et *θεοῦ σοφία*, ac nullius operis auctor extitit, quod sui auctoris insculptam formam, impressamque imaginem non referret. Si quae igitur ab eo constituta noverimus, quae cum primatu cohaereant, illum exigant, neque ab eo divelli posse videantur, hac ipsa rerum consensione, mutuoque

¹) I. Cor. I. 24. E quo testimonio Asterius apud Athanasium in tertia adversus arianos oratione ansam arripuit negandi divinam Christi naturam, utpote qui *δύναμις θεοῦ*, non item *ἡ δύναμις θεοῦ* nuncupetur. Ita nimirum perditii homines de rebus maximis ludebant, et e fluxa articularum potestate de summa fidei statu-

ebant. Quid porro si dictum invenissent Christum *τὴν δύναμιν θεοῦ*, vel quod perinde est, *τὴν σοφίαν θεοῦ*? an victas dedissent manus? si ita est, dent igitur, quum non modo Matth. XI. 19. *ἡ σοφία*, verum etiam *λενεάδι φωνῇ* Luc. XI. 49. *ἡ σοφία τοῦ θεοῦ* dicatur.

nexu² utemur, ut non illius modo institutionem, verum etiam *institutionis necessitatem* comprobemus.

Cui explanandae doctrinae ea insigniter conferunt, quibus Thomas³ evincit, *Deum velle aliquid aliud a se necessitate suppositionis*, inquires: „Quicumque vult aliquid, necessario vult ea quae necessario requiruntur ad illud, nisi sit ex parte eius defectus vel propter ignorantiam, vel quia a recta electione eius quod est ad finem, interdum abducitur per aliquam passionem, quae de Deo dici non possunt. Si igitur Deus volendo se, vult aliquid aliud a se, necessarium est eum velle omne illud, quod ad volitum ab eo de necessitate requiritur: sicut necessarium est Deum velle animam rationalem esse, supposito quod velit hominem esse.“ Eodem pertinent quae de ea quaestione⁴ disputat, *utrum divinae voluntatis possit ratio assignari*, scribens: „Sicut supra ostensum est, supposito quod Deus aliquid velit, sequitur ex necessitate quod velit ea, quae ad illud requiruntur. Quod autem aliis necessitatem imponit, est ratio quare illud sit. Ratio igitur quare Deus vult ea quae requiruntur ad unumquodque, est ut sit illud ad quod requiritur.“

28. Jam igitur eo summa redit, adsint nec ne quae probent, eorum fuisse auctorem Christum, quae neque sibi constare, neque animo concipi sine primatu possint: quae probent a Christo ea prodiisse, quae non minus primatum exigant, quam sol obortus lucem, effectusque causam postulent. At vero adesse quae talia sint, iis suadetur abunde, quae de unitate ecclesiae, deque eiusdem catholicitate superius⁵ disseruimus. Quae ego non repetam, sed ut causae lectoribusque commodius prospiciam, dabo operam, ut perspicua uberiori luce niteant, et quae firma ex sese sunt, validius etiam stabiliantur.

Quem in finem animadverto, certis Scripturarum testimoniis innotescere, ratum decretumque fuisse Christo, ut unitas qua insignem ecclesiam voluit, ad quadruplex expressa *σχῆμα*, *morale*, *civile*, *physicum*, *divinumque* videretur. Et de *moralis* sane schemate ea accipi debent bene multa, quibus⁶ vel *ἀποφατιζαὶς* haereses et schismata vetantur, vel *καταφατιζαὶς* voluntatum⁷ concordia, ac

²) Patet iste locus amplissime, et dici potest fons praecipuus illius theologiae, quae *scholastica* appellatur, et cuius egregia specimina non in libris solum Anselmi et Damasceni, sed vetustissimorum quoque patrum reperiuntur. Ex hoc sane fonte repeti debent usitatae apud illos con-
sequutiones: hominum genus originali infectum labe in lucem venire, quia pro omnibus mortuus est Christus, ut omnes in libertatem assereret: Christum credi Deum oportere, quia nonnisi *θεῶν-ἰσὺς* eam obire potuit *οἰκονομίαν*, quam illi

Scripturae tribuunt: necessariam esse gratiam, quia homines ad eum evecti sunt ordinem, qui ambitum, facultatemque naturae longissime supergreditur: et beatam Virginem esse *θεοτόκον*, quia Christus quem genuit, verus est Deus *ἐνλογητὸς εἰς τοὺς αἰῶνας*.

³) Cont. Gent. lib. I. cap. LXXXIII. n. 4.

⁴) Ibid. cap. LXXXVI. n. 3.

⁵) Lib. I. nn. 393. seqq.

⁶) I. Cor. XI. 19, Tit. III. 10, I. Cor. I. 10, et XII. 15, Judae v. 19.

⁷) Act. I. 14, II. 42—46, IV. 23—32;

mentium animorumque conspiratio praecipiuntur. Neque pauciora sunt, minusque diserta, quae unitatem ecclesiae *civili* simillimam⁸ ostendunt. Huc enim faciunt solemnes *civitatis*⁹ *regni*que imagines, huc *praepositorum*¹⁰ institutio, atque huc inculcatum crebro¹¹ discrimen eos inter qui *ἀνθρακῶς* docent quique docentur, qui pascunt quique pascuntur, qui iubent quique morem gerunt. Ad *physicum* vero unitatis *σχῆμα* quod attinet, me plane fugit, an iis quidpiam desiderari possit illustrius, quibus Paulus frequenter¹² tradit, non aliter ecclesiam esse unam, ac in tanta membrorum functionumque varietate unicum sit humanum corpus, arctissimeque cohaerens.

Reliquum est postremum *σχῆμα*, illudque perfectius ac omnino *divinum*, et de quo nemo nostrum ne suspicatus quidem esset, nisi Christus *θεάνθρωπος* divinis plane verbis illud¹³ praemonstrasset, inquiens: *Non pro eis* (apostolis) *autem rogo tantum, sed et pro eis qui credituri sunt* (pro fidelibus nimirum omnibus) *per verbum eorum in me: ut omnes unum sint* (est enim Christus, inquit in Gnom. Bengelius, Sapientia קהלת congregatrix); *sicut tu, Pater, in me, et ego in te, ut et ipsi in nobis* (ἐν ἡμῖν, quibus suprema origo illius unitatis aperitur, qua unum inter se esse fideles debent. Unitas nimirum atque coniunctio cum Patre et Filio principium est unitatis, qua mutuo fideles devinciuntur: unde haec unitas divina est, quemadmodum divinum est principium quo determinatur.) *unum sint: ut credat mundus* (ὅτι ὁ κόσμος πιστεύσῃ: unitas igitur fidelium divinum referens *ἀρχέτυπον*, et ex divino profecta fonte coniunctionis cum Deo, tessera esse debuit argumentumque, quo ὁ κόσμος, hominum universitas, ad amplectendam Christi fidem excitaretur.), *quia tu me misisti. Et*

Ephes. I. 22—23, II. 13—16, III. 6, IV. 4—12—15—16, V. 23—30; Coloss. I. 19—24, III. 15.

⁸) Haec cum civitate ecclesiae comparatio post Samuelem a Pufendorf in libello *De habitu religionis christianae ad vitam civilem*, protestantibus plerisque omnibus vehementer displicuit, quod illam suis rationibus minus commodam experirentur. Ea tamen et perspicuis bibliorum testimoniis stabilitur, et frequentissime usurpatur a Patribus, Clemente alexandrino in IV. Stromat., Eusebio in Ps. LXXXVI, Dem. Evang. lib. I. cap. VI, et lib. V. cap. IV, Athanasio in Ps. XLVII, Hilario in Matth. cap. IV. n. 24, Basilio epist. LXI. n. 1, et in Ps. XLV. n. 4, Cyrillo hierosolymitano, Catech. XVIII. n. 26, Ambrosio in Ps. CXVIII. n. 35, Chrysostomo in Ps. XLV. nn. 1—2,

et Augustino in opere de Civitate Dei. Immo, inquit Mamachius epist. II. ad Justinum Febronium, §. VII. n. 21: „aio, Patrum esse omnino nullum, quin, cum psalmos, prophetias, Isaiae praesertim, evangelia interpretetur, *civitatis* vocabulo in Scripturis haud perraro ecclesiam indicari, animadvertat.“

⁹) Matth. V. 14, XIV. 47—50, Marc. IV. 26—30, Luc. XIII. 18—20, Ephes. V. 5, II. Petr. I. 11, Apoc. XXI. 2.

¹⁰) Act. XX. 28, II. Cor. III. 10, I. Thess. V. 12.

¹¹) Act. XV. 41. coll. XVI. 4, I. Cor. XII. 18, Hebr. XIII. 17.

¹²) I. Cor. XII. 12. seqq. coll. Rom. XII. 4—5, Ephes. IV. 15—16.

¹³) Joh. XVII. 20—24.

ego claritatem ¹⁴ *quam dedisti mihi, dedi eis, ut sint unum, sicut* (καθώς: quod adverbium iam bis repetitum, quum de ὁμοιότητι, non ἰσότητι intelligendum sit, luculenter παράδειγμα sistit, quod in ecclesiae unitate refulgere debet.) *nos unum sumus, ego in eis* (ἐγὼ ἐν αὐτοῖς: habes rursum divinum principium externae conspicuaeque unitatis.), *et tu in me, ut sint consummati in unum* (ἵνα ὡς τετελειωμένοι εἰς ἓν, ut sint perfecte concordēs et unanimes, quasi sibi mutuo inexistērent, unusque forent essentia homo, unica praeditus anima, mente, corde), *et ut cognoscat* (praemiserať, ἵνα ὁ κόσμος πιστεύσῃ, subdit quod perfectius est, καὶ ἵνα γινώσκῃ ὁ κόσμος, gradatione illi gemina, qua v. 8. usus erat. Videant porro protestantes, an tales sint illorum coetus, e quorum conspicua unitate hanc fidem, atque istam cognitionem haurire ὁ κόσμος possit.) *mundus quia tu me misisti, et dilexisti eos* (καὶ ἠγάπησας αὐτούς: ita ut non minus fidelium unitas *signum* sit unitatis Filii cum Patre, quam mutua eorumdem caritas *signum* sit dilectionis, qua Filium Pater complectitur.), *sicut me dilexisti.*

29. Haec porro tam insignis, tamque divina unitas, qua militans ecclesia quoddam veluti ¹⁵ μίμημα sit ἀγγελικῆς δόξης, immo adumbratio quaedam et ἔκτυπος illius unitatis, qua augustae trinitatis hypostases *unum* sunt; talis ne censi potest, ad quam efficiendam conservandamque necessarium haud sit *conspicuum principium*, e quo extet, origo, e qua dimanet, centrumque ad quod omnia convergant? In eiusmodi opinionem iis solum fas est concedere, qui neque *rerum naturis*, neque *analogia*, neque *ipsa experientia* commoventur. Haec namque omnia ¹⁶ ad evidentiam usque demonstrant, non magis sine *efficiente conspicua*

¹⁴) Quam πῇ δόξαν Christus nominat, Ammonius in Catena, Theophylactus in Commentario, et Gregorius nyssenus hom. XV. in Cant. Canticorum, interpretantur de Spiritu-sancto, quem Christus donarit. At mihi longe est probabilius per δόξαν intelligi νιοθεσίαν, de qua sermo est Joh. I. 12, I. Joh. III. 2, et Rom. VIII. 17. Cf. Heinsium in Aristarcho sacro, cap. XXVI, et Suicerum ad v. δόξα.

¹⁵) Desumpta ista sunt a Clemente alexandrino, qui in VI. Stromat. §. XIII. scribit, videri sibi progressionēs ἐπισκόπων, πρεσβυτέρων καὶ διακόνων esse μῆματα ἀγγελικῆς δόξης.

¹⁶) Sic omnino visum esse antiquissimis patribus, Ignatio, Irenaeo, Tertuliano, Cypriano, aliisque non affirmat solum, verum etiam eorum allegatis testimo-

niis confirmat Laurentius Moshemius in Diss. theologico-historica, *De Gallorum appellationibus ad concilium universae ecclesiae, unitatem ecclesiae spectabilem tollentibus*. At quomodo se inde expedit? ea ratione, quam aegre divinaveris. Ait enim, latuisse patres, quo constituta ab ipsis principia spectarent, quamque ex iis pronum esset, supremam unius primatis auctoritatem stabilire. Sed ipsissima eius verba accipiantur ex §. XIII: „Nesciverit Cyprianus et reliqui consecraria, quae cum eorum coniuncta sunt praeceptis de ecclesia. Id vero quin sentiat, nemo unus tam habes esse potest, inter unitatem quamdam universae ecclesiae in romano pontifice desinentem, talemque qualem ex Irenaeo et Cypriano descripsimus, communitatem, vix tantum esse spatii, quantum inter

caussa obtineri posse descriptam in bibliis ecclesiae unitatem, quam esse possit sine fundamento domus, sine lege concentus, ac in multiplici varietate ordo et pulchritudo sine principio, quo multiplex ac varium in unum redigatur. „Utinam, utinam, verba sunt ¹⁷ Melanchthonis in literis ad Camerarium datis anno MDXXX, possem non quidem *dominationem* (hoc spectro terrebantur, aut terreri se protestantes simulabant) confirmare, sed *administrationem* (credo non quovis vacuum iure) restituere episcoporum. Video enim qualem simus habituri ecclesiam, dissoluta *πολιτεία* ecclesiastica: video postea multo intolerabiliorem futuram tyrannidem, quam antea umquam fuit.“ Sed erat etiam cur praeterea videret quod Grotium non latuit, quique propterea ¹⁸ scripsit: „Gradus praepositorum in ecclesia esse debere, et per illos gradus compaginari ecclesiam, docuit nos Paulus, Ephes. IV. 11. Ordo sive in partibus sive in toto continetur principatu quodam, sive praepositi unitate. . . . Hic ordo semper in ecclesia manere debet, quia semper manet causa, idest, periculum schismatis.“ Et ¹⁹ alibi: „Sicut exercitus, sicut navis regi non potest nisi per gradus praefectorum, qui gradus in unum desinant; ita nec ecclesia. Etiam si omnes qui sunt in ecclesia, essent dilectione summa praediti, tamen tali ordine esset opus. Deus non amat facere semper miracula, sed ad res optimas etiam optimas monstrat vias, qualis est ad unitatem ecclesiae certus ordo.“ A quibus ne lato quidem ungue discedens ²⁰ Leibnitiū, scribit: „Quum Deus sit Deus ordinis, et corpus unius ecclesiae catholicae et apostolicae uno regimine hierarchiaque universali continendum, iuris divini sit; consequens est, ut eiusdem sit iuris supremus in eo spiritualis magistratus, terminis se iustis continens (haec verba nunc addo), directoria potestate ad explendum munus, pro salute ecclesiae agendi facultate instructus, tametsi locus ac sedes huius potestatis in metropoli christiani orbis Roma ex humanis considerationibus ²¹ placuerit.“

atrium et cubiculum, aut inter manum et digitos. Si primorum saeculorum *innocentia* obstitit, quominus cogitando praesentirent insidias, quas sacrae libertati nescii et inviti struebant, posterius certe acutiores fuerunt, neque diu Pontificibus obscurum fuit, quantum illa placita virtutis haberent, ad potentiam et auctoritatem suam stabiliendam.“

Sed quam vocat *innocentiam* Mosheimius? innocentia ne, an potius ἀβλῆψια, eaque incredibilis existimari debet, qua quis non cernit *propinqua*, *contigua*, *cohaerentia*, ut digitis manus cohaerent? Quod non cernantur *remota*, *seiumctaque*, id et intelligi et concedi potest; sed quod neque ea videantur, quae in oculos incur-

runt; id si alteri quam coeco adscripseris, contumeliosus habebis. Verum quo se Moshemius verteret? neque inficiari poterat doctrinam patrum de unitate ecclesiae cum dogmate de instituto primatu arctissime copulari: neque lutherano theologo integrum erat profiteri, dogma de institutione primatus antiquissimorum patrum suffragio muniri. Quid ergo consilii coepit? ipse *oculatissimus* patres fuisse *coecos* commentus est.

¹⁷) Epistt. lib. IV. epist. CIV.

¹⁸) Votum pro Pace, ad art. VII.

¹⁹) Animad. in animadvers. Riveti, ad art. VII.

²⁰) Epist. VIII. edit. Kortholti.

²¹) Dicuntur haec a viro maximo ne-

30. Post quae nemo irascetur pontifici omnino maximo, Pio II, quod in mantuano conventu affirmare ²² non dubitaverit: „Non principes, non reges, non imperatores, non potentes populi, non patrum et conciliorum decreta romanam et apostolicam sedem fixerunt et erexerunt, nec ullis synodicis constitutis omnibus ecclesiis per orbem praelata est; sed omnes ecclesias per orbem sparsas universum *unam ecclesiam* esse, *unum sibi thalamum*, et ipsius praesidem fore beatum Petrum voluit Christus, verus homo qui regnat in trinitate verus Deus. Haec sedes est una perfecta matris suae, una electa genitricis suae, haec est apostolica ²³ sedes, quam Verbum illud, per quod caelum et terra creata sunt, non hominum mortalitas fluxa instruxit. Haec, quam prophetarum praesagio constituit Deus super gentes et regna, quam apostolorum testimonio, martyrum sanguine, imperialis sedis adeptione munivit. Huius ordinationi quisquis resistit, utique potestati Dei resistit.“ De qua divina ordinatione episcopi tarraconensis provinciae ad Hilarum pontificem scribentes, verissime ²⁴ monuerunt: „Etiam si nulla esset *necessitas* ecclesiasticae disciplinae, *expetendum* revera nobis fuerat illud privilegium sedis vestrae, quo susceptis regni clavibus post resurrectionem Salvatoris per totum orbem beatissimi Petri singularis praedicatio universorum illuminationi prospexit, cuius vicarii principatus ²⁵ sicut eminet, ita metuendus est ab omnibus et amandus.“

Et quis sane eum non amet principatum, quis non illud expetat privilegium, quo uno comparari ea unitas potest, qua nihil in ecclesia augustius, nihil sanctius, nihil divinius? quo uno fieri satis tam *rationi* quam *fidei* potest? Rationi quidem, cui hoc insitum est, ut varium diversumque ad perfectiorem, quae obtineri potest, unitatem adductum velit. Fidei vero, cuius *ὁυστηα*, si primatum detraxeris, neque secum consentit, neque imaginem exhibet sapientiae. Tecum namque *theoremata* recale quae e fide nosti, de una eaque catholica ecclesia, deque episcoporum institutione eo spectante, ut singulis christianis coetibus provideatur. Quo haec omnia recidunt, si a primatu seiungantur? *ἀόυστata* sunt, pugnancia, et si *ἔβρηα* humanum videri possunt, divinum certe non possunt. Immo ausim dicere, qui haec ab invicem discerpta tueri pergant, illis multo peccare gravius, quos Tertullianus ²⁶ insectatur, scribens: „Viderint qui stoicum, et platicum

gligentius, de quibus tamen non est cur simus in praesentia solliciti.

²²) Apud d'Achery, Spicileg. T. III. pag. 308. edit. de la Barre.

²³) Apostolica tum *origine*, quam ab apostolorum principe sortita est, quum *apostolicae auctoritatis plenitudine*, quam illi suus institutor legavit.

²⁴) Epist. I. ad Hilarum R. Pontificem.

²⁵) Huic *principatui* fidem praeterea

faciunt episcopi *Macedoniae* in litteris ad Gelasium, episcopi *Orientis* in epistola ad Symmachum, episcopi *Syriae* in libello recitato Act. V. synodi CP. habitae sub Menna, anno DXXXVI, archimandritae *Syriae secundae* in epistola ad Hormisdam, et *armeni* scriptores apud Eduardum Hurmuz, in Annalibus Scient. Relig., Romae, anno MDCCCXXXVIII.

²⁶) De Praescriptt. cap. VII.

et *dialecticum* christianismum protulerunt.“ Ipsi enim non divino solum splendore, verum etiam dialectica concinnitate christianismum exuunt.

31. Ceterum haec *de evidentia* institutae probationis controversia haberi absoluta non potest, nisi alteri responsum fuerit interrogationi, cuiusmodi illam esse tueamur. Talem ne quae *nulla vel tenuissima laedatur nubecula*, an talem satius, quae licet *non obsita tenebris, non undequaque tamen clarescat*? talem ne, quae *in media luce* sit posita, an talem satius, quae *ab umbris non penitus* eximatur? quo enim spissior, tenuiorve erit *obscuritas* quocumque profecta ex capite, eo dilutior liquidiorve erit *evidentia*, quae *maxima* censebitur, si a quacumque fuerit obscuritate seiuncta. Quibus ut occurram, necessarium arbitror *triplicem obscuritatis rationem* distinguere, quid quaeque *valeat* ostendere, ac *propriam* tandem illius evidentiae *vim*, quam defendimus, stabilire.

32. Itaque ea primum obscuritatis ratio animum subit, quae *illata, adscita* ac *πολεμικῇ* nuncupari potest, ac inde existit, quod *seposito sensu*, quem verba ad usitatas interpretandi leges expensa *ἀμέσως* fundunt, nihil eorum praetermittitur, quae speciem fidemque insolitis, remotis, obliquisque commentariis conciliare posse videntur. Huius obscuritatis tot numerantur exempla, quotquot olim extitere, ac nunc etiam existunt de dogmatibus controversiae. Iis referta est haereseon historia, e qua quum alia utiliter ²⁷ discas, tum istud inprimis, nullum esse Scripturae testimonium adeo evidens, ac solis propemodum radiis exaratum, quod homines callidi, iidemque experrecti ingenii ²⁸, variaeque eruditionis non sibi sumpserint obscurandum.

Ecquid enim exordio evangelii Johannis illustrius? quidve ²⁹ eo validius,

²⁷) Ac illud utilissime, nihil esse apud haereticos fixum ratumque, quod iis opponunt Irenaeus adv. Haeres. lib. I. cap. IX. n. 5, lib. III. cap. XII. n. 7, et lib. V. cap. XX. nn. 1—2; Hegesippus apud Eusebium H. E. lib. IV. cap. XXII, Origenes in Ezech. hom. II. n. 4, Tertullianus con. Valentin. cap. IV, Eusebius in Ps. I. 1, et Hieronymus in Is. V; tum illud, nihil esse eisdem antiquius quam insectari clerum, dicterisque proscindere. „Quis haereticorum, scribit Hieronymus in Abdiae cap. I, non despicit ecclesiasticos? quis non exultat in malis eorum, si quando propter peccata populi persecutioni traditi fuerint? et multi si vel infirma fide, vel supra petrosa seminati in negationem corruerint, videas illos exultare, gaudere, nostram ruinam suam putare victoriam.“

²⁸) „Non enim, ait Augustinus in Ps. CXXIV. n. 5, putetis, fratres, quia potuerunt fieri haereses per aliquas parvas animas. Non fecerunt haereses nisi magni homines, sed quantum magni tantum mali montes. Non enim montes erant tales qui susceperent pacem.“ Et Hieronymus in Osee cap. X: „Nullus enim potest haeresin struere, nisi qui ardentis ingenii est, et habet dona naturae, quae a Deo artifice sunt creata. Talis fuit Valentinus, talis Marcion, quos doctissimos legimus. Talis Bardesanes, cuius etiam philosophi admiranter ingenium.“ Unde illud Bernardi in Cantic. Serm. LXV. n. 2: „Omnibus una intentio haereticis semper fuit, captare gloriam de *singularitate scientiae*.“

²⁹) Joh. I. 1. seqq.

ut ὑπόστασις τοῦ λόγου, eiusdem ὑπαρξίς ante incarnationem, immo natura divina ac sempiterna, virtusque omnipotens demonstretur? utique nihil praeclarius, enucleatius nihil, dummodo receptas *criticae* atque *hermeneuticae* regulas sequaris. Ab his enim si discesseris, neque tibi religioni duxeris insolita persequi, fluxa ³⁰ complecti, anomalias sermonis ³¹ comminisci, et παραλλήλων loco habere, quae vix umbram aliquam similitudinis referunt; omnia erunt obscura, implexa, et e quibus non quidvis maxime ³² libuerit, extundas. Quod utinam susceptae cum antiquis recentioribusque photinianis disputationes non tam perspicue ³³ ostenderent. Neque tam perspicue confirmarent quae etiamnum cum sacramentariis vigent et fervent. Splendida profecto sunt verba ³⁴ institutae Eucharistiae, τοῦτό ἐστι τὸ σῶμά μου, τοῦτό ἐστι τὸ αἷμά μου: ac mentem animumque nativo fulgore percellunt. Sed si tibi permiseris et vim pronomini demonstrativi ³⁵ tentare, et insitam verbi substantivi potestatem ³⁶ subvertere, et quae sunt diversissima similibus connumerare, et omnia potius moliri quam proprio literalique sensui adquiescere; facile existimabis, receptam a catholicis, lutheranisque interpretationem non obscuram modo esse, arduam, durissimam, sed prorsus dignam de qua repetantur quae a Chamierio ³⁷ olim scripta, nostro hoc saeculo Clarkius ³⁸ iteravit: nonnisi ab iis probari posse, qui ipsius rationis iacturam fecerint. Longe verius, opportuniusque arbitraberis cum Hornio ³⁹ contendere, verba Salvatoris τοῦτό ἐστι τὸ σῶμά μου, talia esse quae his respondeant, τοῦτό ἐστιν ὁ ἄρτος τοῦ σώματός μου: haec vero istis aequipollere, τοῦτό ἐστιν ὁ ἄρτος τῆς διαθήκης διὰ τοῦ ἐμοῦ θανάτου ἐγκαινισθησομένης: atque adeo ex *algebristarum* regulis nihil impedire, quominus *insequens aequatio* substi-

³⁰) Cuiusmodi est lectio, Θεοῦ ἦν ὁ λόγος, a Samuele Crellio in libro, *Initium evangelii Johannis ex antiquitate ecclesiastica restitutum*, defensa, quamquam omnia criticae instrumenta legendum esse persuadeant, Θεὸς ἦν ὁ λόγος.

³¹) De his vide Oederum in annotatt. ad Catechesin Racoviensem.

³²) Cuius maleficii reos haereticos universim omnes traducunt patres, Irenaeus adv. Haeres. lib. I. cap. IX. n. 3, lib. V. capp. XIII—XXI, Dionysius corinthius apud Eusebium H. E. lib. IV. cap. XXIII, Clemens alexandrinus Stromat. VII. §. 16, Origenes in Num. hom. IX. n. 1, et saepissime Tertullianus, qui adv. Hermog. cap. XXVII. scribit: *Hae sunt argutiae et subtilitates haeticorum simplicitatem*

communium verborum torquentes in quae-stionem.

³³) Cf. Marani opus inscriptum, *Divinitas Domini nostri Jesu Christi manifesta in Scripturis et Traditione*, lib. I. capp. VII—VIII.

³⁴) Matth. XXVI. 26—28. coll. Marc. XIV. 22—24, Luc. XXII. 19—20, I. Cor. XI. 23—25.

³⁵) Cf. opus, *La Perpétuité de la Foi*, Liv. II. chapp. III. seqq. Tom. II.

³⁶) Cf. Wiseman, *De la présence réelle*, Diss. VI—VII.

³⁷) De Eucharist. lib. X. cap. XV. §. 70.

³⁸) Sermon. de natura, institutione ac fine s. Eucharistiae, pag. 51. Londini 1814.

³⁹) Introduct. Tom. II. pag. 414. edit. septimae.

tuatur, τοῦτό ἐστι τὸ σῶμά μου = τοῦτό ἐστιν ὁ ἄρτος τῆς διαθήκης διὰ τοῦ
ἐμοῦ θανάτου ἐγκαινισθησομένης.

33. Jamvero de hoc *illatae*, *adscitae* atque *polemicae obscuritatis* genere *tria* brevissime monenda habeo, quae quum alicuius esse momenti videantur, neque a nobis praeteriri, neque ingrata accidere lectoribus debent. Sit autem illud primum, non esse cur ab eo sinceræ necessariaeque evidentiæ detrimentum periculumve timeamus. Est enim non instrumentorum, probationisque defectus, sed *interpretum, eorumque vitium* qui aut caussae favent, aut illi refragantur. Praeterea si quid inesse ponderis ad causam iuvandam, laedendamve huic obscuritati concederetur; nihil in theologia foret, nihil in philosophia, nihil in historia non dubium ac praeceptum. Nullum enim harum disciplinarum caput assignare licet, quod inanibus coniecturis, absurdis suspicionibus, praeposterisque commentariis mali, deceptivae homines aut in dubitationem non adduxerint, aut non etiam expungendum, reiiciendumque contenderint. Quo illorum artificio, doloque malo factum puto, ut veteres patres ⁴⁰ in disputatricem artem fuerint plus semel acerbiores, et cum haereticis ⁴¹ e Scripturarum auctoritate, testimoniisque decertandum esse negarint. Inde certe factum est, ut Prudentius ⁴² non ineleganter scripserit:

Quid non libido mentis humanae struat?

Quid non malorum pruriat?

Statum lacessunt omnipotentis Dei

Calumniosis litibus.

Fidem minutis dissecant ambagibus

Ut quisque lingua est nequior.

Solvunt ligantque quaestionum vincula

Per syllogismos plectiles.

34. Venio ad alterum e tribus, et quin diffitear, candide sincereque prae me fero, exhibitam de primatu e divinis litteris probationem ab hoc obscuritatis genere neque integram esse neque solutam. Et qui fieri id poterat, quum tribus continenter saeculis homines a catholica communione divisi, numero innumeri, ingenio sagaces, eruditione illustres nullum non moverint lapidem, ut Petri praerogativas subverterent, textusque biblicorum iis statuendis opportunos in suam sententiam pertraherent? portentum hoc fuisset, cuius nullum neque olim simile extitit, neque spes est ut aliquando videatur. Repeto igitur quod ultro professus sum, mihi nullatenus insidere mentem, ut talem probationis evidentiæ defendam, quae ab obscuritate illata, adscita et polemica ⁴³ immunis exemptaque sit. Neque propterea opus fore arbitror prolixius ostendere, nullam inde perniciem, detrimentum nullum in necessariam veramque evidentiæ permanere. Manifestum namque esse omnibus debet, eiusmodi obscuritate neque

⁴⁰) Cf. Tertullianum de Praescriptt. cap. VII.

⁴¹) Ibid. cap. XV.

⁴²) Praefat. in Apotheos. vv. 17. seqq.

⁴³) n. 32.

vim probationis infringi, neque illius germanam sinceramque evidentiam aut imminui aut violari; sed defectum dumtaxat hominum vitiumque patefieri.

35. Quare satius multo fuerit, aliqua tertio loco *signa* proponere, quibus *certo, probabilive iudicio* decernatur, *quaenam interpretationis obscuritas ad hoc quod contemnimus genus revocari debeat*. Et principio quidem *signum* nobis esse poterit, si animadverterimus, non tranquille ac pacate, sed contentiose, neque sine iurgiis ⁴⁴ dicteriisque interpretationem haberi. Ab hoc enim strepitu, atque ab hac animorum concitatione mirum quantopere abhorreat hermeneutica disciplina, dum candide, ac ex amore veritatis excolitur. Nihil enim est ea sedatius, tranquillius nihil, ac nihil quod magis animum intentum postulet, perturbationibusque solutum.

Huic cognatum habebimus *signum*, si forte noverimus, multo esse sollicitiores interpretes *ut opposita eludant refellantque*, quam ut propria statuant ac demonstrent. Nescio enim quo pacto usuveniat, quod tamen usuvenire omnes fatemur, ut in alienis refutandis non tam quaeratur quod verum est, quam quod prodesse caussae utcumque potest: non tam quaeratur veritatis consequutio, quam laus profligati hostis et palma ⁴⁵ victoriae.

Accedit et *tertium*, quod tum nobis praesto erit quum intellexerimus, eo spectare interpretes, ut ad praeceptum animo dogma interpretationem ipsam flectant ac temperent. Haec enim enarrandi ratio ⁴⁶ periculosissima est, eoque suo fertur pondere, ut non e bibliis profitenda fides educatur, sed fides iam animo informata bibliis ipsis adscribatur.

Tum esse *signum* poterit, si non quaecumque omnia ad causam faciunt, eaque dextere sollerterque in unam collecta summam, sed singula seorsum, ac discerpta veluti membra interpretes expendat atque consideret. Qui enim hoc pacto interpretationi student, hi se splendidissimo harmoniae conspiracyque lumine privant, illosque imitari videntur, qui de specie formaque hominis iudicaturi non mutuo cohaerentes partes inspicerent, sed capillos, ungues, digitos, latera divisim contemplantur.

Neque illud levius sane *indicium*, si quot ad causam pertinent textus, tot diversis, dissitisque commentariis explanandi sint. Sibi namque veritas constat,

⁴⁴) Nisi totus fallor, discrimen non ultimum eos inter qui veritati, quique errori patrocinantur, hoc est, quod illi rarissime incalescunt, sibi que duriora permittunt, hi contra et aestuant frequenter, et frequentius etiam conviciantur. Indoles scilicet ingeniumque caussae quae defenditur, in ipsa defensione apparet ac extat. Cf. De Maistre, Du Pape, Liv. I. chap. IV.

⁴⁵) Hinc illud a viris prudentibus animadversum, ipsam quoque periclitari veri-

tatem, dum ardentius adstruitur, contentionemque impedire, quominus quod medium est ac rectum, constanter teneatur.

⁴⁶) Cuius periculi tot prostant exempla, quot novimus commentarios haereticorum, qui ut Hilarius loquitur de Trinit. lib. VI. n. 37, *vim afferunt dictis gloriosis*, ac ut Irenaeus subdit con. Haeres. lib. V. cap. XIII. n. 5, *coguntur haec tanta male interpretari, qui unum nolunt bene intelligere*.

unaque veluti luce fulget, argumentumque haberi debet non obscurum erroris ac fallaciae, si nihil menti nisi avulsum, dissipatumque obversetur. Quid vero si ad interpretationem texendam *necessarium sit* potiora alterius oppositaeque momenta aut silentio premere, aut supremis dumtaxat adumbrare lineis, ne insito splendore assensum rapiant? quid si usurpari canones debeant, quos in similibus caussis merito repudies ac damnes? quid si obvia, plana, compertaque seponi videas, eaque contra inculcari quae remota sunt, obliqua, ac vix aut ne vix quidem usu recepta? quid si omnes anomaliae sermonis corradendae sint? quid si sensus emergat exquisitus, quique numquam nisi eruditissimis venire in mentem ⁴⁷ potuerit, ac iis ipsis nonnisi post multiplices iteratasque commentationes? quid tandem si talis prodeat commentarius, de quo per plura omnino saecula ⁴⁸ ne unus quidem cogitarit, et cuius neque vola neque vestigium in libris appareat ante obortam contentionem scriptis, et ab iis quidem scriptis, quorum neque pietatem pius ipse contemnas, neque eruditionem eruditus ipse ⁴⁹ asperneris neque ingenium ingeniosus ipse non plurimi ducas? Profecto si haec, hisque affinia innotuerint, neque de corruptela interpretationis poterit esse dubitatio, neque exorta inde obscuritas alia censi quam *illata, adscita*, atque *polemica*.

36. A qua *aliud obscuritatis genus* secerni debet, quod quum *insitum* dici possit ac *reale*, eo suapte natura spectat, ut necessariam probationis evidentiam plus minusve in discrimen adducat. Duplici autem ex fonte *vocabulorum* et *phraseon* enascitur, quum haec *divisim* aut *coniunctim* ita se habent, ut nullo studio, nullaque arte definire certo possis, sive quas illis *notiones*, sive quas istis *sententias* instrumenti, librique auctor subiecerit. Non deesse eiusmodi

⁴⁷) Fallax censendus erit, quum verus sensus ab eo alius esse nequeat quem offerre Christus voluit; noluerit autem certissime Christus aliud significare quam quod apostoli, qui eruditissimi non erant, facile assequerentur. Cf. Keilii opuscula academica, pagg. 85. seqq. edit. Lipsiae 1821.

⁴⁸) Talis commentarius, utpote ab eo sensu alienus, qui primus mentem occupat, quemque verba sponte referunt, non poterit in suspicionem non venire.

⁴⁹) Ad ecclesiae patres respicio, de quorum hermeneutica peritia non me fugit quam sinistre Rosenmüllerus iudicavit in opere inscripto, *Historia interpretationis Librorum Ss. in Ecclesia christiana*. Sed neque me fugit, quantopere ab ea iudicii temeritate abhorruerint non Ernesti solum

in Interpret. N. T. pag. 342. Lipsiae 1809, verum etiam Henricus Clausen in opusculo, *Aurelius Augustinus Hipponensis sacrae Scripturae interpres*, Haunaei 1827, et Benedictus Winer in *Pauli ad Galat. epist. graece perpetua annotat. illustrat.* Lipsiae 1828: Referam quae de Chrysostomo scribit pag. 15: „In iis, quas ad singulos ss. libros confecit homilias, nihil antiquius habet, nisi sensum et singulorum verborum et integrorum commatum, e loquendi usu, ex historiis, e scriptorum denique sacrorum consiliis explicare, eaque in re idoneam probavit solertiam, ita ut si quae parum recte, nihil tamen temere dictum reperiat.“ Insequente vero pagina decima-sexta simillimis plane laudibus Theodoritum honestat.

exempla norunt eruditi, et theologi ac interpretes non tam fatentur⁵⁰, quam passim lamentantur. Porro quum id contingit, duo ἀμέσως consequuntur: ac inprimis obscuritatem ex ipsis instrumentis textibusque prodire, atque *insitam* idcirco esse et *realem*: tum vero ductas ex hisce locis *probationes fluxas* esse, *incertas, finesque probabilitatis* rarissime praetergredi. Confidimus autem, immo certissime tenemus ea nos praemisisse, eaque esse addituros quae non sinant, ut primatus probatio, cuius vim gravitatemque tuemur, huic obscuritatis generi obnoxia existimetur.

37. Venimus ad *tertiam postremamque obscuritatis speciem*, quae tessera eorumque character videtur quae divina christianaque revelatione proponuntur. Hanc ego dicam *obscuritatem fidei*⁵¹, illius *originem* aperiam, *consensionemque* cum necessaria probationis evidentia demonstrabo. Et de obscuritate quidem fidei nemo est theologorum, sive catholicorum, sive protestantium, qui non crebro loquatur, quique illam tesseris non adnumeret christianae revelationis, de quibus multiplici nomine certissimi reddimur.

Ac certissimi sane de ea reddimur *plena* inprimis *inductione*, quum nullus sit apostolici symboli articulus, cuius evidens revelatio a quavis umbra immunis sit atque expedita. Accedunt solemnes Patrum⁵² sententiae, revelationis splendorem umbris veluti interiectis nonnihil temperari. Eodem pertinet πολυθρόνλητον Petri effatum⁵³: Καὶ ἔχομεν βεβαίωτερον τὸν προφητικὸν λόγον, ᾧ καλῶς ποιεῖτε προσέχοντες, ὡς λύχνῳ φαίνοντι ἐν ἀνυχμῳ τόπῳ, ἕως οὗ ἡμέρα διαυγάσῃ, καὶ φωσφόρος ἀνατελῇ ἐν ταῖς καρδίαις ὑμῶν. Et praeterea⁵⁴ habemus firmissimum⁵⁵ propheticum sermonem, ad quem, praecclare vos geritis, dum animum advertitis, tamquam ad lucernam in tenebricoso⁵⁶ splendentem loco, donec dies elucescat, atque lucifer⁵⁷ in cordibus vestris exoriatur.

⁵⁰) „Quae hucusque enumeravimus, verba sunt Jahn in Enchiridio §. 12, praecipuae sunt caussae obscuritatis s. scripturae, de qua olim protestantes inter et reliquos christianos omnes magna vigeat contentio, nunc sopita; protestantes enim iam a tribus decenniis obscuritatem Scripturae confitentur.“

⁵¹) Loquutio haec est usitata apprimae theologis, qui de fidei obscuritate (quam Paulus innuit Hebr. XI. 1, dum fidem vocat ἔλεγχον οὐ βλέπομένων) pluribus disputant. Omnium nomine confer Johannem De Lugo, *De virtute fidei divinae*, Disput. II.

⁵²) Chrysostomi, Theodoriti, Theophylacti ad Hebr. XI. 1, itemque Gregorii nys-

seni con. Eunomium Orat. XII. pag. 746. Aliorum testimonia eodem spectantia dabit Rittershusius Lectt. Sacr. lib. V. cap. III.

⁵³) II. Petr. I. 19.

⁵⁴) Hanc vim inesse particulae καί, nexus cum antecedentibus probat.

⁵⁵) Manifesta est enallage gradus, quae comparativum βεβαίωτερον pro superlativo, vel simplici positivo, ut Syro placuit, usurpatur.

⁵⁶) Graeci opponunt τὸ στίλβον καὶ λαμπρὸν τῷ ἀνυχμῳ καὶ ἀλαμπεί. Unde Hesychius: ἀνυχμῳν· ξηρόν, σκοτώδες.

⁵⁷) Bengelius in Gnomone, et Pott in annotationibus principio monent, vocabula φαίνοντι, διαυγάσῃ et ἀνατελῇ pro imperfectis habenda esse; tum subdunt, τῷ

Si enim ὁ προφητικὸς λόγος splendet ille quidem, verum non splendore solis sed lucernae, ac splendet in loco squalido; qui contingere potest ut desumpta ex eo argumenta non βεβαιώτερα modo sint, sed nulla quoque caligine inumbrentur?

Quaedam igitur obscuritas, quae neque evidentiam revelationis, neque constantiam assensionis impedit, proprietas est, eorumque argumentorum character, quae e divinis eruta litteris ad fidem persuadendam adhibentur. Quod Paulus ⁵⁸ expressit, inquiens: *Βλέπομεν γὰρ* ⁵⁹ ἄρτι δι' ἐσόπτρου ἐν αἰνίγματι, τότε δὲ πρόσωπον πρὸς πρόσωπον. *Videmus enim nunc* ⁶⁰, quod ad firmitatem, immotamque persuasionis certitudinem ⁶¹ requiritur, sed videmus *per speculum atque in aenigmate*, quod nequit ab umbris esse seiunctum, quae tum evanescent quum videbimus *facie ad faciem* פָּנֵי אֶל-פָּנֵי, quod plus valet quam פָּנֵי אֶל-פָּנֵי, στόμα πρὸς στόμα, designatque visionem non *mediatam*, sed *immediatam*, quam alibi ⁶² dicit εἶδος, Johannes ⁶³ vero visionem Dei, καθώς ἐστι.

38. Huius autem obscuritatis, ne omnia persequi videar, *duos* eosque potissimos innuam *fontes*, *obiectivum* alterum, ac alterum *subiectivum*, quique situs in nobis est, et a nobis repetendus. Et sane decebat, ut quae est Dei auctoris ratio, eadem in profecta ab ipso revelatione emerret. Est porro Deus non magis ὁ φανερώτατος quam ὁ ἀφανής, ac propterea ⁶⁴ φῶς ἀπρόσιτον inhabitare perhibetur. Decebat supernaturalem ἀποκάλυψιν naturali et cosmologicae ⁶⁵ quadamtenus respondere, ut unus idemque Deus utriusque auctor

φωσφόρος lucem adventu Christi uberrime diffusam significari. Quae interpretatio idcirco mihi non probatur, quod cum *orationis subiecto* minus apte consentiat. Petrus enim christianos alloquitur, quibus iam pridem lux dominici adventus affulserat.

⁵⁸) I. Cor. XIII. 12.

⁵⁹) Particulam γὰρ omittunt non plures solum codices et Patres, verum etiam vulgatus et armenius interpretes.

⁶⁰) Nunc quum manent v. 13: πίστις, ἐλπίς, ἀγάπη: nunc dum cognoscimus ἐκ μέρους: nunc dum nobis quidem adest γνῶσις, non autem ἐπίγνωσις, quae notitiam multo plenior exprimit, quia, ut Eustathius monet, ἡ ἐπὶ πρόθεσις καὶ ἀκριβειάν τινα σημαίνει καὶ ἐπίτασιν ἐν σοφείας.

⁶¹) Est enim fides, ut apud Clementem alexandrinum in altero Stromatum definitur, ἀφανὺς πράγματος ἐνωπικὴ συγ-

κατάθεσις, rei non apparentis uniens assensio: est, ut auctor Orationis de Fide apud Basilium loquitur, συγκατάθεσις ἀδιάκριτος τῶν ἀκουσθέντων, ἐν πληροφορίᾳ τῆς ἀληθείας τῶν κηρυχθέντων θεοῦ χάριτι, eorum quae audita sunt assentiens approbatio sine ulla haesitatione, cum plena persuasione de veritate eorum, quae Dei munere sunt praedicata.

Itaque fidei opponitur ἐποχὴ et academicorum ἀρρόρησία, et a Paulo propterea dicitur ad Coloss. II. 5. τὸ στερέωμα, et Hebr. VI. 19. cum ἀγκύρα comparatur.

⁶²) II. Cor. V. 7.

⁶³) I. Joh. III. 2.

⁶⁴) I. Tim. VI. 16.

⁶⁵) Cosmologicam revelationem dico, quae conspicuae universitatis rerum creatione continetur, quamque Paulus Rom. I. 19—20. φανέρωσιν vocat, qua ἀπὸ κτίσεως κόσμου ab ipso condito mundo, τοῖς

principiumque videretur. Quamquam vero haec adeo sit perspicua, ut ii merito ⁶⁶ ἀναπολόγητοι iudicentur, qui quum intellexerint τὸ γνωστὸν τοῦ Θεοῦ, τὰ ἀόρατα αὐτοῦ, idest, αἰδίων αὐτοῦ δυνάμιν καὶ Θεϊότητα, ipsum tamen Deum, non uti par erat, glorificarunt; nihilominus neque omnibus vacat umbris, neque ita lucet ⁶⁷ ut nihil nisi pervium splendidumque praeseferat. Decebat ⁶⁸ Christum inter revelationemque christianam talem existere σχέσιν, ut quemadmodum assumpta servi forma assumentis Verbi formam velavit, incredibilemque divinitatis splendorem interceptit; ita inspersae umbrae fulgentissimam revelationis lucem temperarent. Decebat nonnisi per gradus ⁶⁹ ad divinorum γνῶσιν, immo ἐπίγνωσιν

ποιήμασι per creaturas, veluti per totidem vestigia, τὰ ἀόρατα Θεοῦ intelliguntur.

⁶⁶) Rom. I. 20.

⁶⁷) Seite Tertullianus Apologetici cap. XVII: „Quod colimus nos, Deus unus est, qui totam molem istam cum omni instrumento elementorum, corporum, spirituum, verbo quo iussit, ratione qua disposuit, virtute qua potuit, de nihilo expressit in ornamentum maiestatis suae: unde et graeci nomen mundo κόσμον accommodarunt. Invisibilis est, etsi videatur: incomprehensibilis, etsi per gratiam repraesentetur: inaestimabilis, etsi humanis sensibus aestimetur, adeo verus et tantus est. Ceterum quod videri communiter, quod comprehendere, quod aestimari potest, minus est et oculis quibus occupatur, et manibus quibus contrectatur, et sensibus quibus invenitur. Quod vero immensum est, soli sibi notum est. Hoc quod est, Deum aestimari facit, dum aestimari non capit. Ita cum vis magnitudinis et notum hominibus obiecit, et ignotum.“ His simillima habent Gregorius nazianzenus Orat. XXXIV, et R. Moses in Summa sua Talmudica, Tract. de fundamentis Legis, cap. I.

⁶⁸) Philipp. II. 6 — 9. Cum quibus conferri debent quae scribit romanus Clemens in I. ad Corinth. cap. XVI: Τὸ σκῆπτρον τῆς μεγαλοσύνης τοῦ Θεοῦ, ὃ κύριος ἡμῶν Χριστὸς Ἰησοῦς, οὐκ ἦλθεν ἐν κόμπῳ ἀλαζονείας, οὐδὲ ὑπερηφανίας, καίπερ δυνάμενος· ἀλλὰ ταπεινοφρονῶν.

⁶⁹) I. Cor. XIII. 12. Unde vulgatissima apud Patres doctrina, γνῶσιν fructum esse ac fidei coronam. Διὰ πίστεως, ait Chrysostomus in epist. ad Philipp. hom. XI, ἡ γνῶσις: et Theodorus in primo de curandis graec. affect. sermone, ἡγείται τῆς γνώσεως ἡ πίστις: Cyrillus vero alexandrinus ad Joh. VI, μετὰ τὴν πίστιν ἡ γνῶσις, καὶ οὐ πρὸ τῆς πίστεως: et Theophylactus in epist. ad Tit. I. 1, πρῶτον ἡ πίστις, εἶτα ἀπὸ ταύτης ἡ ἐπίγνωσις.

Quibus, aliisque eadem mente dictis summopere abutuntur, qui propterea statuunt, nullam nobis esse certam cognitionem, quae non e fide pendeat, ac fide sustentetur. Etenim vocabulo γνώσεως non quamvis certam notitiam, sed illud nominatim cognitionum genus Patres significant, quod circa obiecta divinitus revelata versatur, quodque scholae dicere solent intelligentiam dogmatum.

Hinc apud eosdem Patres reperias necesse esse, ut γνῶσις fidem antevertat. Theodorus in sermone quem citavimus, inquit: Αἰτῶν ἡ πίστις τῆς γνώσεως ..., οὐτε γὰρ πίστις ἀνεν γνώσεως. Eadem docet Marcus eremita de Lege spirituali, scribens: Ὁ μὴ γινώσκων τὴν ἀλήθειαν, οὐτε ἀληθῶς πιστεύειν δύναται· ἡ γὰρ γνῶσις κατὰ τὴν προηγείται τῆς πίστεως. Neque aliter Hesychius presbyter Cent. I. n. LX, et anctor Constitut. Apostol. lib. VII. cap. XXXIV.

Quare germana Patrum sententia his

homines adduci. Decebat ea⁷⁰ hominibus a Deo manifestari, quae attingere illi quidem possent, inspicere penitus ac undequaque pervadere non possent.

Et re sane vera cuiusmodi sunt quae divina revelatione continentur? pleraque omnia⁷¹ vim facultatemque rationis aut *praetergrediuntur* aut etiam *supergrediuntur*. Quae vero talia sunt, ea nequeunt ita luce splendescere, ut nullis omnino tenebris infuscentur. Praeterea quibus divina revelatio limitibus finitur? ea patet amplissime, suoque ambitu *θεολογίαν, οἰκονομίαν, πνευματολογίαν, ἀνθρωπολογίαν, κοσμολογίαν* et *τεολογίαν* comprehendit. At fieri ne potest, ut in tanta maximarum rerum varietate humanae mentes numquam haereant, numquam ambigant, numquam penitus coecutiant?

39. Quae mihi commodam insternunt viam *ad alterum eumque subiectivum obscuritatis fontem* aperiendum. Duo namque sunt quae in humanis mentibus facillime quisque deprehendat, *intuendi angustissima virtus, deducendi vero inferendique facultas* non paullo quidem illa amplior, sed et laboriosior, et minori splendida lumine, et periculis erroribusque frequentius obnoxia. Numquam profecto semetipsum excussit, numquam pertentavit, qui haec in compertis exploratisque non habeat. Conscientia enim ac intimus quidam animi sensus ignorare nos non sinunt, et quam parum *intuendo*, et quam *deducendo* non admodum valeamus. E quibus quum alia colliguntur, tum ista nominatim, paucissima omnino esse quae nobis *directo immediatoque lumine* innotescunt: pleraque omnia *nonnisi reflexo obliquoque lumine* a nobis apprehendi: huius autem luminis claritatem *ea ferme lege* decrescere, qua deductionum illationumque *numerus* augetur. An igitur videri insolens potest, si summa revelationis evidentia nobis non affulgeat nisi attenuata ac repressa? si iubar divinae veritatis nobis quidem luceat, sed ex umbris non penitus nos eximat? si⁷² ex parte videamus, ac ex parte ad liquidius lumen aspiremus? Tamdiu ista usuvenient, quamdiu obnoxiam mortalitati naturam non funditus exuerimus.

40. Quin tamen inde *ullum immineat periculum evidentiae*, quam fides postulat, et qua destitui divina revelatio nequit. Ecquae enim evidentia necessaria est? *insita ac realis*, quaeque dubitationem praecidat omnem quum de

continetur Clementis alexandrini verbis in V. Stromatum: *Ὅντε ἡ γνώσις ἀνεν πίστεως, οὐδ' ἡ πίστις ἀνεν γνώσεως, neque cognitio, dogmatum videlicet intelligentia, sine fide, neque fides sine cognitione*, idest, sine multiplici certaue notitia, qua ad fidem ipsam via complanetur. Sed lege Eusebium Praeparat. Evang. lib. I. capp. II—IV.

possunt, convenienter fide tenenda proponuntur.

⁷¹) Ea namque omnia, quibus divina revelatio constat, ita commode dispescuntur, ut alia sint *iuxta rationem*, *praeter rationem* alia, ac alia *supra rationem*. E qua partitione liquet, *fieri non posse*, ut quae ad divinam revelationem pertinent, *uno eodemque tractationis modo* proponantur, adprobentur ac expoliantur.

⁷⁰) Id Thomas con. Gentiles lib. I. cap. V. insigniter ostendit, dum probat: *Quod ea, quae ratione investigari non*

⁷²) I. Cor. XIII. 9—12.

ipsa revelatione, tum de sensu iis subiiciendo instrumentis, quibus capita revelationis distincte efferuntur. Huic autem evidentiæ neque obest, neque obesse *fidei obscuritas* potest, utpote quæ et ex alio prodeat fonte, et propriam instrumentorum perspicuitatem ne levissime quidem attingat. Quod si qui negarent hi neque satis sibi compertam utriusque obscuritatis rationem ostenderent, neque contendere possent, vel unum a nobis credi articulum, cuius revelatio evidens sit, quum horum omnino nullus existat, quem fidei obscuritas non comitetur.

De qua obscuritate *tria* postremo habeo quæ velim animadversa: ac I. illius umbra nonnihil evidentiæ restingui probationis, qua institutio primatus demonstratur: II. talem eam esse, cui bene consultata ratio adversari non possit: immo talem, pro qua III. singulares Deo gratias persolvat.

41. Et probatio sane primatus non secus ac primatus ipse considerari *duplíciter* potest, *in se* primum ac *absolute*, *σχετικῶς* deinde et *compare* quum ad potestatem apostolis omnibus adscriptam, tum ad testimonia quibus ea significatur. Si *priori modo* primatus, eiusque probatio spectentur, mihi dubium non est, illius institutionem probationemque esse omnino *evidentissimam*, et cui difficilior resistas quam acquiescas. At vero si *comparisonem* in eas, si uno eodemque mentis adpectu et primatum eiusque probationem, et communem apostolorum auctoritatem textusque quibus ea effertur, complectaris; nescio quæ erumpunt nebulae, non illæ quidem spissæ, quæque evidentiæ fulgorem retundant, eiusmodi tamen quæ nonnihil obscuritatis gignere videantur. Etenim neque pronum omnino est cum summa singulorum auctoritate unius principem gradum honoris, ordinis, potestatisque componere: neque omnino expeditum, quum dictum singulis ⁷³ legamus, ἀμὴν λέγω ὑμῖν, ὅσα ἐὰν δήσητε ἐπὶ τῆς γῆς, ἔσται δεδεμένα ἐν τῷ οὐρανῷ· καὶ ὅσα ἐὰν λύσητε ἐπὶ τῆς γῆς, ἔσται λελυμένα ἐν τῷ οὐρανῷ· ac ⁷⁴ rursum, καθὼς ἀπέσταλκέ με ὁ πατήρ, κἀγὼ πέμπω ὑμᾶς, unum nihilominus Petrum amplitudine excellentiaque iuris omnibus antepositum profiteri.

Quod non latuit protestantes, quorum propterea eo conversa studia ⁷⁵ novimus, ut nihil non corrogarint, quod ad augendam exaggerandamque obscuritatem conferre posse arbitrarentur. Erat tamen cur etiam attenderent, non omnem obscuritatem aut obesse evidentiæ revelationis, aut robur probationum subvertere. Cur expendere, necessariam evidentiæ, virtutemque probationum nihil detrimenti capere, si illa absit obscuritas, quam *insitam realemque* nuncupavimus. Cur considerarent, obscuritatem in hac de primatu controversia longe esse ea tenuiorem, quæ christianæ doctrinæ capita alioqui indubitata de trinitate consubstantiali, de unitate personæ Christi, de propagata originis culpa, deque poenarum aeternitate circumdat et ambit. Cur denique animadverterent, non deesse quamdam fidei propriam obscuritatem, quæ e mutua articulorum comparisonem fre-

⁷³) Matth. XVIII. 18.

⁷⁴) Joh. XX. 21.

⁷⁵) Argumento esse possunt quæ re-

ferunt Pfaffius in Origin. Juris Ecclesiast. cap. I. art. II, et Walchius H. E. sect. I. cap. III. §. 4.

quenter exoritur, et qua christianorum dogmatum probatio non laeditur, sed novo potius veritatis indicio collustratur.

42. Quod indicium etsi minus *rationi* consonum prima fronte appareat, cum ea tamen egregie consentire penitiori consideratione intelligimus. Ut enim missa faciam quae superius ⁷⁶ adnotavi, hoc unum petam, an abrupta alpium displiceant, et opaca silvarum offendant. Immo et illa placent summopere, et hisce oculi non mediocriter delectantur. Atqui non magis vel alpinis saltibus congruit ut sint abrupti, vel silvis ut sint opacae, quam sacra quaedam obscuritas ⁷⁷ supremi numinis revelationi conveniat. Quae enim divina sunt, ac supernaturali ordine contenta, *utpote infinito contigua*, nequeunt esse *nobis* undequaque luculenta, et nulla mysterii prope caligine velata. Ea tamen caligine, eaque mystica umbra, cuius *non defectus*, sed *lucis copia* inexhaustus fons est ac principium. Unde immensum cernitur discrimen, quod *obscuritatem erroris*, a qua mens refugit, et *obscuritatem fidei* quam animus veretur, seiungit ac disterminat. Illa a defectu lucis, ementitoque veritatis splendore dimanat, haec inde suam ducit originem, quod oculi nobis sint imbecilliores, quam tantam radiorum vim, tantamque veritatis plenitudinem ferre possint atque complecti.

43. Quare haec ipsa fidei obscuritas, mea quidem sententia, talis est, quam *uis merito beneficiis* accenseamus, quibus omnium donorum auctor Deus suam in filios hominum benevolentiam, effusamque caritatem demonstrat. Quod ne cui incredibile, minusve probabile videatur, reputet secum quae apta cum illa sint atque connexa. Inveniet illi primum referri in acceptis oportere, ut quisque nostrum de Deo, divinaque sapientia et multo ⁷⁸ sentiat magnificentius, et mirabilius loquatur. Vix enim ea mirari solemus quae prostant, quaeque ita sunt exposita, ut ea plene perfecteque teneamus. Inveniet nihil esse hac mystica obscuritate validius, sive ad instillandam modestiam, fastumque animi cohibendum, sive ad inflammanda desideria, quibus in Deum totius lucis veritatisque fontem rapiamur. Inveniet pulcherrimam inde occasionem existere prudentiae constantiaeque exercendae: prudentiae quidem qua *erroris obscuritatem* ab *obscuritate fidei* diligenter secernimus; constantiae vero qua non sinimus ut a profitenda fide, quam nobis iniunctam divinitus novimus, fidei ipsius obscuritate ⁷⁹ dimoveamur.

⁷⁶) nn. 37—38.

⁷⁷) Hinc τοῦ μυστηρίου nomen in divinis litteris et ecclesiasticis monumentis tam crebro repetitum. Est autem μυστήριον, interprete Chrysostomo in I. Cor. hom. VII, τὸ ἀπόρρητον: et in epist. ad Rom. homil. XIX, τὸ ἀγνωσμένον καὶ ἀπόρρητον, καὶ πολὺ μὲν τὸ θαῦμα, πολὺ δὲ τὸ παράδοξον ἔχον. Cf. Casaubonum

de Satyra, lib. I. cap. II, et Vossium in Etymologico.

⁷⁸) Hoc ipso argumento utuntur Patres, ut Scripturarum obscuritatem nobis esse opportunissimam confirment.

⁷⁹) Hac etiam obscuritate fieri arbitror, ut a Paulo Rom. I. 5. ὑπακοὴ πίστεως memoretur. Nam, docente Chrysostomo in epist. ad Rom. hom. XXVII, ὑπακοῆς ἢ πίστεως δέχεται, οὐ πολυπραγμο-

Neque illud levioris momenti, hac lucis umbrarumque societate amplissimam nobis potestatem fieri ostendendi obsequii quo Deum reveremur. Si enim lux omnia occuparet, evidentiaque radiis omnia perfunderentur, vix aut ne vix quidem homines possent *obsequium intellectus* omnium nobilissimum Deo deferre, illique tacitas renitentis animi cogitationes litare. Sed quum evidentia et obscuritas, splendor ac umbrae apte simul permiscentur, copia nobis fit, ut *propter evidentiam* prudenter firmissimeque credamus, *propter obscuritatem* vero ac *umbras* mentem animumque Deo subiiciamus.

44. Hisce expeditis quae de pondere evidentiaque adductae probationis disserenda succurrerunt, id videtur esse reliquum ut pressius enucleatiusque definiatur, quo se habitu, mutuoque respectu *elementa* excipiant, quibus probatio ipsa coalescit. Sint ne uniusmodi an diversa, eodem ne habenda loco an alio eoque distincto, *coordinata* ne sint an potius *subordinata*. Verum et de hoc quaestionis capite superius egimus⁸⁰, et quid iudicari de eo debeat, quum universa tractationis series ostendit, tum *ceterarum probationum analogia* non obscure significat. Puto enim vix aliquod assignari dogma posse *pluribus diversisque biblicorum effatis* comprobatum, quod *ex uno alterove maxime testimonio* non pendeat. Hoc si qui certum exploratumque non habent, animo probationes recolant quibus regenerationis per baptismum necessitas, gratuita iustificatio, veritas dominici corporis in Eucharistia, divinarumque personarum consubstantialis trinitas statuuntur et vindicantur; profecto sentient ad unum illas alterumve revocari testimonium, e quo splendorem, firmitatemque inprimis mutantur. Hinc quod Glassius⁸¹ et cum eo viri docti monuere, eorum praecipue textuum literalem propriumque sensum, sive τὸ ῥητὸν urgendum esse, *quibus aliquis fidei articulus ex professo traditur, quia omnis*⁸² *fidei articulus in Scripturis alicubi ex professo propriis et perspicuis verbis est expositus, quae illius articuli propria quasi sedes sunt et domicilium*. Quo pertinent Augustini⁸³ verba: „Nihil est obscure dictum in Scripturis, quod spectat ad fidem vel mores, quod non planissime dictum sit in aliis locis.“ Igitur concludit Glassius: „Si in tali Scripturae textu versemur, in quo fidei articulus aliquis ex professo traditur, ibi ut ne latum unguem a verborum proprietate divelli nos patiamur, conveniens est. Usus autem huius canonis contra calvinianos est, verba sacrae coenae substantialia variis troporum nebulis obfuscare conantes, quibus iure

σύνης· καὶ ὅταν θεὸς ἐπιτόπῃ, πειθέσθαι οὐ περιεργάζεσθαι, *obedientia fides eget, non curiosa scrutatione; et si quid Deus praeceperit, obtemperandum, non curiose scrutandum.*

⁸⁰) In Prolegomenis ad hunc Commentarium cap. IV. nn. 27. seqq.

⁸¹) Philolog. lib. II. Part. I. Tract. II. sect. I. cann. I—II.

⁸²) Falsum id est, neque tamen in homine mirandum qui lutherana placita sequeretur.

⁸³) De Doctr. Christ. lib. II. capp. VI—IX; ubi tamen neque haec ipsa verba, neque eodem plane dicta sensu reperiuntur.

meritoque opponitur hoc, verba institutionis, Matth. XXVI, Marc. XIV, Luc. XXII, I. Cor. X. et XI. *esse propriam huius articuli sedem*, in qua is ex professo tractatur. Ergo verba articuli istius substantialia κατὰ ἑαυτόν et proprie sunt accipienda.“

Porro quod in controversia de praesentia reali Glassius, lutheranique testimoniis adscribunt quae Eucharistiae institutionem referunt; id a nobis in hac de primatu disceptatione iis tribuatur oportet, quae Matth. XVI. 16—20, Luc. XXII. 31—33, et Joh. XXI. 15—18. narrantur. Sicut enim illa sedes sunt domiciliumque doctrinae de veritate corporis Christi in Eucharistia, ita haec sedes domiciliumque aestimari debent illius fidei, qua Petri primatum profitemur. In quo sane iudicio *triplici eoque perspicuo criterio* confirmamur.

45. Et *criterio primum interno*, quod res investigationi subiecta, ipsaque textuum ratio sua sponte suppeditant. De *facto* enim quaeritur *divino*, quo uni prae omnibus Petro eximiae praerogativae collatae fuerint, et *προστασία* in ceteros omnino omnes attributa. Atqui id quaestionum genus, si dirimendum *instrumentis* suscipiatur, ex iis testimoniis *per se* pendet, *quae promissiones referunt, collationemque repraesentant*. Quamquam igitur nullum adhibuerimus testimonium, quod probationi inchoandae, expoliendae, illustrandae, confirmandaeque non conduceret; inter ea tamen excellunt ac fastigium prope occupant, quae promissa eorumque praestationem complectuntur. Eiusmodi autem sunt quae nuper memoravimus, et in quibus nihil admodum desideres, quo Petrum eximiis honestatum promissionibus, ac iis deinde auctum locupletatumque cognoscas.

Quod *altero eoque externo criterio* non minus luculenter suadetur. Evolve enim patrum ⁸⁴ opuscula, versa synodorum ⁸⁵ gesta, et litteras auctoritatesque ⁸⁶ veterum romanorum praesulum considera: quid est quod ubivis repetitum legis, quodque crebrius audis inculcatum? istud profecto, Petri decora, supremamque auctoritatem iis potissimum constare testimoniis, quae ex tribus evangelistis

⁸⁴) Tertulliani con. Marc. lib. IV. cap. XIII, de Praescriptt. cap. XXI, de Monog. cap. VIII, Scorpiae. cap. X; Hippolyti in s. Theophan. n. IX, Origenis in Exod. hom. I. n. 4, Cypriani epist. LXXI, Hilarii pictaviensis in Matth. cap. XVI. n. 7, Victorini in comm. ad Galat. I. 15, Epiphani Haeres. LIX. n. VII, Ancor. n. IX; Ephraemi de Sacerd. pag. 3. Tom. III. Basilli de Iudicio Dei, Prooem. n. 7, Ambrosii in Luc. Lib. X. nn. 175—176, et ne sim nimius, Zenonis veronensis, Lib. I. Tract. XIII. de circumcissione.

⁸⁵) Quae in his ad rem praesentem spectantia continentur, omnium diligentis-

sime complexus est Alphonsus Muzzarelli in opere, *De auctoritate Romani Pontificis in Conciliis Generalibus*.

⁸⁶) Litteras romanorum praesulum dici *auctoritates* consuevisse, demonstrat Petrus Coustantius in praefatione qua illarum editionem instruxit. Ex iis autem consuli prae ceteris debent epistolae Iulii ad Eusebianos n. 21, Damasi ad Orientales adversus apollinaristas, Siricii ad Himerium n. 20, Zosimi ad Concilium carthaginense, Caelestini ad ephesinam Synodum post damnatum Nestorium, et Leonis epist. V. cap. II. edit. Balleriniorum,

indicavimus. Tanta igitur, tantorumque *testium* conspiratio *signum* nobis esse debet, firmissimum caussae praesidium his omnino textibus contineri.

Quod et *tertio indicio*, *criterioque* confirmatur. Fac enim partes interrogas quae se hostiliter appetunt, fac interrogas catholicos, interrogas protestantes, et ab utrisque seisciteris, vel quibus maxime adiumentis fidant, vel quae acrius oppugnanda evertendaque arbitrentur. Catholici sane respondebunt, adiumenta omnium optima ex eo repeti triplici testimonio ⁸⁷, de quo loquimur. Protestantium vero unam item audies consonamque vocem, eo nudatis praesidio catholicis vix quidpiam suppetere, quo susceptam primatus defensionem aliqua veri specie ⁸⁸ persequantur. Ne autem de insita huic consensioni auctoritate dubitemus, *duo* prae ceteris faciunt, *et quod* probabile nullatenus sit, praeclarissima ingenia societatum omnium christianarum per aliquot saecula in maxima causa, quamque summis studiis expenderint, a veritate aberrasse: *et quod* multo etiam longius a probabilitate discedat, contrarias infensasque partes in unam eandemque concessisse sententiam, quam non habuerint exploratissimam.

Constat igitur et *subordinata* esse *elementa* quibus primatus demonstratio componitur, et *principem locum evangelicis testimoniis* convenire, et nostrum esse *haec ipsa testimonia secundis plenioribusque curis retractare*. Natura namque duce ac magistra edocemur, quae cariora sunt, quaeque pretiosiora et amantius fovere, et diligentius communire.

⁸⁷) De qua catholicorum persuasione liquet I. e disertis illorum verbis: II. ex modo quaestionis dirimendae, quum nihil sibi antiquius esse ostendant, quam sinceram horum textuum interpretationem tueri: et III. e censuris, quibus eos veluti causae proditores notant, qui non hisce maxime textibus insistent.

⁸⁸) Latine reddam quae recentissimus interpres N. T. Dr. Bloomfield anglice scribit ad Matth. XVI. 18: „Ad eum, inquit, Scripturae textum pervenimus, quo romana ecclesia inprimis utitur, ut sua placita de Pontificis primatu, deque eiusdem infallibilitate defendat. Opus igitur est, ut singula quaeque ad eum spectantia singulari cura persequamur.“

CAPUT III.

Occasio promissi primatus, Matth. XVI. 13: — prior Christi interrogatio ad omnes apostolos, v. 13: — illorum responsio, v. 14: — altera interrogatio ad eosdem directa, v. 15: — responsio Petri, v. 16: — an illius propria censeri debeat: — protestantium opinio: — ea nullis munitur rationibus: — immo certis refellitur argumentis, quibus Bengelius subscribit.

46. Narrationem, qua occasio promissi primatus, ipsaque promissio continentur, his omnino verbis ¹ Matthaeus orditur: Ἐλθὼν δὲ ὁ Ἰησοῦς εἰς τὰ μέρη Καισαρείας τῆς Φιλίππου ἠρώτα τοὺς μαθητὰς αὐτοῦ λέγων. Non unum alterumve sed omnes ἀδιαφόρως discipulos Jesus interrogavit, et ab iis ² petiit: Τίνα με ³ λέγουσιν οἱ ἄνθρωποι εἶναι τὸν υἱὸν τοῦ ἀνθρώπου; quem me dicunt homines esse filium hominis? idest, quid de me homine meaque dignitate homines arbitrantur? quam mihi homini qualitatem conditionemque homines adscribunt? est enim υἱὸς ἀνθρώπου idem ac ἄνθρωπος, ex eo ⁴ loquendi usu hebraeis, chaldaeisque vulgari, quo et hominem ⁵ dicunt בֶּן-אָדָם, בֶּן-אָנָשׁ, et nomen ⁶ υἱὸν sic aliis quum nominibus, tum praepositionibus addunt, ut significatione redundet. Quare Glassius, ut canonem his conceptum verbis, duobus substantivis in regiminis statu positus, significatio posterioris vel unice, vel cumprimis attenditur, et prius ⁷ πλεονάζει, confirmet ⁸ exemplis, non ea solum adhibet in quibus redundant nomina פֶּנִּים, פֶּה, שֵׁם, יָד, aliaque, sed ea quoque in quibus abundat nomen בֶּן, atque ex hoc hebraismo factum esse ⁹ docet, ut Christus saepissime υἱὸς τοῦ ἀνθρώπου nuncupetur.

¹) Matth. XVI. 13.

²) Ibidem.

³) Mira est instrumentorum et testium varietas de pronomine μέ, quum iis quae illud omittunt, haud pauciora sint quae retinent. Et retinendum omnino esse existimant Millius in Proleg. n. 1194, et Bengelius in notis criticis ad N. T.

⁴) Marc. III. 28: Ἀμὴν λέγω ὑμῖν, ὅτι πάντα ἀφεθήσεται τὰ ἁμαρτήματα τοῖς υἱοῖς τῶν ἀνθρώπων, idest, τοῖς ἀνθρώποις, uti etiam Matth. XII. 31.

⁵) Gen. XI. 5, Deut. XXXII. 8, Eccles. III. 19. Ezech. III. 17, VI. 2, et Daniel. VII. 13.

⁶) Cf. Gatakerum, de Stylo N. T. cap. XVI.

⁷) Non in ipso hebraismo, in quo ad elegantiam, loquendique proprietatem pertinet, sed in aliis linguis, quibus hebraica redduntur.

⁸) Philolog. Sacr. Lib. I. Tract. I. de nomine, can. XXXVIII.

⁹) „Hoc hebraismo Christus saepissime

47. Ex hac autem interrogatione liquet, id unum ab apostolis Christum postulasse, ut *munere historici* qui cum fide aliorum sententias refert, fungerentur. Postulavit enim ut edicerent quas noverant apud populum disseminatas de *filio hominis* opiniones; qua formula nolim penitus negatum, ita semetipsum declarasse Christum ex patribus¹⁰ genitum κατὰ σάρκα, ut simul tacite innu-

dicatur υἱὸς τοῦ ἀνθρώπου *filius hominis*, Matth. X. 23, XVI. 13, XX. 28, Marc. II. 18, Luc. VI. 5, Joh. III. 14; Apoc. I. 13. dicitur ὁμοιος υἱῷ ἀνθρώπου, *similis filio hominis*, uti propheta Ezechiel saepe a Deo dicitur בְּרִיךְ ה' *filius hominis*, cap. II. 1—11. ...“

Aliter de hac formula Bengelius in Gnomone statuit, sribens: „Frequens apud evangelistas et diligentissime observanda est haec nomenclatura, qua nemo nisi solus Christus, a nemine, dum ipse in terris ambularet, nisi a semetipso appellatus est *filius hominis*. Primum Joh. I. 52. ut primum reperti fuere, qui eum Messiam et Filium Dei, ib. v. 50, agnoscerent; et deinceps saepissime, ante praedictionem passionis et post, Nam ab iis, qui fidem in ipsum suscipiebant, dictus est *filius David*. Recte suspicati sunt iudaei, ea designari Messiam. Nam ut *Adam primus* cum tota progenie dicitur *homo*, sic *Adam secundus*, I. Cor. XV. 45, dicitur *filius hominis*: non ea ratione, qua *filii hominis*, idest, tenues opponuntur *filii viri*, idest, potentibus, Ps. XLIX. 5, quave homines communiter dicuntur *filii hominum*, Marc. III. 28, Ephes. III. 5, Ezech. II. 1. et passim; sed cum articulo, ὁ υἱὸς τοῦ ἀνθρώπου. Videtur articulus respicere prophetiam Dan. VII. 13. Unus hic nempe homo est, quem Adamus post lapsum ex promissione expectavit pro tota sua progenie: ὁ δεύτερος, *secundus*, I. Cor. XV. 47, quem omnis prophetia V. T. indigitavit, qui totius generis humani iura et primogenituram sustinet, Luc. III. 23—38, et cui uni, quod humani nominis nos non poeniteat, Ps. XLIX. 21, debemus, Rom. V. 15.

Porro hac appellatione Christus inter homines ambulans et expressit, et pro oeconomia illius temporis occultavit (Matth. XXII. 45.) inter homines, et satanam celavit, se esse τὸν υἱὸν *Filium* absolute dictum, idest, *Filium Dei* promissum, datumque homini, Gen. III. 15, Es. IX. 6, ortumque ex homine Hebr. II. 11. (perinde uti uno *exaltationis* vocabulo et crucem et glorificationem suam insignivit, Joh. XII. 32.), et simul seipsum praesentis suae conditionis quasi admonuit, Matth. XX. 28, Philipp. II. 7—8.“

Ad haec respexisse crederes L. G. Pareau et P. Hofstede de Groot theologiae professores in Academia Groningana, quum in *Lineamentis Theologiae christianae universae*, editis Groningae 1848, de Christo scribunt, Part. I. Sect. I. §. 29: „Qui homo erat, humanitate cum reliquis hominibus omnibus iunctus, idem ab his omnibus eo distinctus erat, quod perfectus erat homo, merito κατ' ἐξοχὴν dictus ὁ υἱὸς τοῦ ἀνθρώπου.“ Et mox: „Quia Jesus novus quasi surculus erat, merito dicitur a Paulo *alter Adam*, I. Cor. XV. 45.“

¹⁰) Rom. I. 3. coll. Philipp. II. 6—8. Praeclare Theodoritus in commentario ad priorem locum: Ἡ γὰρ τοῦ κατὰ σάρκα προσθήκη, ἀντίκειται ὡς τοῦ θεοῦ καὶ πατρὸς υἱὸς ἐστὶν ἀληθῶς κατὰ τὴν θεότητα. οὐδὲ γὰρ ἐπὶ τῶν τοῦτο μόνον ὄντων ὅπερ ὁρῶνται, ἐστὶν εὑρεῖν τὸ κατὰ σάρκα προσκείμενον. Illa enim adiectio, *secundum carnem*, innuit quod Dei et Patris vere est *Filius secundum divinitatem*. Neque enim in iis, qui id sunt solum quod vi-

erit, aliamque *formam* adsignificaverit, qua erat aequalis Deo, quamque velo humanitatis obtexit, ut *οικονομίαν* exinanitionis impleret.

Audita praeceptoris interrogatione morem gessere discipuli; *οἱ δὲ εἶπον*, subdit ¹¹ evangelista; et sicuti interrogati *omnes* fuerant, ita *omnes* responderunt, et quae quisque audiverat, candide renunciavit. Responsionum vero summa talis ¹² fuit: *Οἱ μὲν Ἰωάννην τὸν βαπτιστὴν, ἄλλοι ¹³ δὲ Ἠλίαν, ἕτεροι δὲ Ἱερεμίαν ἢ ἓνα τῶν προφητῶν*. Minime autem vel huius loci, vel necessarium esse existimo sollicite inquirere, qui contigerit ut in tantam opinionum varietatem israelitarum vulgus concesserit. Errorum enim fontes ¹⁴ sunt innumeri, et tum solum investigantur utiliter, quum periculum est ne aliis item fraudi esse pergant.

48. Cognitis populi commentis, institit ¹⁵ Jesus, et *λέγει αὐτοῖς· ὑμεῖς δὲ τίνα με λέγετε εἶναι*; Quemadmodum *primam interrogationem ad omnes* direxerat, ita *ad omnes*, qui significantur pronomine *ὑμεῖς*, et forma plurali *λέγετε*, *posteriorem* dirigit; et quemadmodum *priori interrogatione* vulgatas opiniones ab ipsis postulaverat, ita *posteriori*, non sine tacita eorum quae acceperat reprehensione, ab iisdem flagitat ut quod ipsi prae ceteris electi ac plenius edocti institutisque mente crederent, ore pariter verbisque profiterentur.

Nondum interrogationem Jesus absolverat, quum ¹⁶ *ἀποκριθεὶς Σίμων Πέτρος εἶπε· respondens Simon Petrus dixit*. Omnibus scilicet ex aequo interrogatis sed tacentibus, unus fuit Simon Petrus qui responderet. Utique unus ipse respondit, subdit e protestantium opinione ¹⁷ Kuinoel, sed refert novisse, et *cur unus, quove pacto, quave morali persona unus* responderit? idcirco autem unus respondit, quod foret *reliquis ¹⁸ indole ingenioque ferventior*: et quum unus respondit, *omnium personam gessit, communemque apostolis sententiam, non sibi propriam declaravit*.

49. Verum quis protestantes docuit, unum *propterea* respondisse Petrum, quod ingenii esset fervidioris? *rei ne natura, editaque a Petro confessio*? sed talia ista sunt, tamque divina, ut adscribi naturali ingenio nonnisi absurdissime possint. An *Matthaei narratio*, qua id vel tradatur diserte, vel obscure saltem innuatur? atqui ne syllaba quidem huc pertinens evangelica narratione continetur. Immo ea continentur quae falsam absonamque ostendunt protestantium suspicionem. Continuo ¹⁹ namque singulari Patris beneficio, supernaeque reve-

dentur, est invenire adiectum illud, secundum carnem.

¹¹) Matth. XVI. 14.

¹²) Ibidem.

¹³) Pro, *ἄλλοι δέ*, non desunt codices qui legant, *οἱ δέ*.

¹⁴) De hisce errorum fontibus agit Wetstenius in subiecto commentario.

¹⁵) Matth. XVI. 15.

¹⁶) Ibid. v. 16.

¹⁷) In comm. ad h. l.

¹⁸) Cui suspicioni ut fidem conciliet, Chrysostomum laudat, qui tamen addit, idcirco prae ceteris Petrum respondisse, quod esset *τὸ στόμα τῶν ἀποστόλων, ὁ τοῦ χοροῦ τῶν ἀποστόλων κορυφαῖος*.

¹⁹) Matth. XVI. 17. coll. XI. 27, et Joh. VI. 44: *Οὐδεὶς δύναται εἰσεῖν πρὸς*

lationi tribuitur, quod unus prae omnibus Petrus nobilissimam confessionem ediderit. Quare non ingenio fervidiori, de quo non esset cur tanta protestantes²⁰ comminiscerentur, sed divino charismati adscribendum est quod unus Petrus responderit.

Respondit tamen, aiunt, *communi nomine, communique persona*. At unde probant? inde ne quod ab evangelista ὁπῶς affirmetur? atqui Matthaeus de ceteris penitus silet, et ne levissimo quidem indicio significat, aut communes partes Petrum obiisse, aut illi fuisse concreditas. An inde quod saltem δυνάμει, contextuque sermonis innuatur? sed non minus *antecedentia* quam *consequentia* repugnant. Repugnant *antecedentia*: quum enim Christus omnes indiscriminatim interrogavit, omnes item indiscriminatim respondisse e verbis²¹ constat, οἱ δὲ εἶπον. Mos igitur apostolis non erat, ut in communi causa suas Petro partes committerent. Repugnant *consequentia*: quum Christus accepta Petri responsione *non omnes apostolos*, sed ipsum unum²² μακάριον felicem fortunatumque prae-dicarit. Omnes vero μακαρίους dixisset, si Petri responsio non eius propria, sed omnibus communis extitisset.

50. Quorsum vero illa, *beatum*²³ propterea celebrari Simonem, quod *non carnem et sanguinem, sed caelestis Patris revelationem* eius fidei magistram habuerit, quam professus est? an *proprie*, an *vere* in caelestis Patris revelationem Petro factam refunderetur, quod ipse ab apostolis in unam eandemque respon-sionem conspirantibus accepisset, ut communi omnium nomine referret? nisi haec praepostera absurdaque videantur, me plane fugit quo signo, quove criterio absurda ac praepostera iudicentur.

Quare videmus nemini nisi e protestantium factione haec aut his similia in mentem venisse: immo, quod multo est pluris aestimandum, videmus anti-quos ecclesiae patres, eosque testes spectatissimos in eam ipsam ivisse sententiam quam defendimus, quam textus Scripturae unice refert, quamque argumenta praeclarissima confirmant. Huius profecto sententiae patronus fuit hierosolymitanus Cyrillus²⁴, inquires: „Omnibus autem reticentibus, humanas enim vires excedebat huiusmodi documentum, Petrus apostolorum princeps et supremus ecclesiae praeco dicit ad ipsum, *tu es Christus*.“ Hanc docuit pictaviensis Hilar-ius²⁵, scribens: „Petrus in cunctorum apostolorum silentio Dei Filium reve-

μέ, εὖν μὴ ὁ πατὴρ ὁ πέμψας με ἐλκύσει αὐτόν.

²⁰⁾ Eiusmodi commentorum specimen habes in Potti prolegomenis ad epistolas catholicas.

²¹⁾ Matth. XVI. 14.

²²⁾ Ibid. v. 17.

²³⁾ Ibidem. Ad rem Theophylactus: Μακαρίζει τὸν Πέτρον ὡς ἐκ θείας χάρι-

τος λαβόντα τὴν γνῶσιν. ἀποδεχόμενος δὲ αὐτόν, δεικνύσι λοιπὸν τὰς τῶν ἄλλων ἀνθρώπων ὑπολήψεις ψευδεῖς. *Beatum dicit Petrum, utpote qui e divina gratia cognitionem acceperit. Quum autem Petrum probat, consequenter ostendit aliorum hominum opiniones falsas.*

²⁴⁾ Catech. XI. n. 3.

²⁵⁾ De Trinit. lib. VI. n. 37.

latione Patris intelligens gloriam beatae fidei suae confessione promeruit.“ Et ²⁶ alibi: „Hoc in Petro considerandum est, fide eum caeteros anteisse. Nam ignorantibus caeteris primus respondit, *tu es Christus Filius Dei vivi*.“ Hanc tradidit his verbis ²⁷ Ambrosius: „Petrus non exspectavit populi sententiam, sed suam promisit dicens, *tu es Christus Filius Dei vivi*.“ Et ²⁸ rursum: „Cum Petrus dixisset, *tu es Christus Filius Dei vivi*, hunc solum non immerito laudavit.“ Quid vero Optatus, amasenus Asterius et seleuciensis Basilius? ille relatis verbis, *tu es Christus Filius Dei vivi*, subdit ²⁹: „Ecce ceteris non agnoscantibus Filium Dei, solus Petrus agnovit.“ Asterius vero ³⁰ sic habet: „Percontante quandoque Domino ex duodecim quem eum dicerent, quum omnes reliqui tacerent et cunctarentur, statim Petrus aperiens os beatam illam ac plane perspicuam edidit confessionem.“ Cui Basilius consentiens ³¹ ait: „Petrus sciscitanti Domino statim respondit, silentiumque discipulorum tum erubescientium ille solvit.“

51. Si quid igitur consequi interpretando possumus, exploratissimum censeri debet, fuisse Petrum non communis fidei praeconem sed propriae interpretem; neque omnium nomine, communique ³² persona, sed suo nomine, suaque persona interroganti Jesu respondisse.

Quod Albertus Bengelius sacris quidem protestantium addictus, sed in paucis eruditus atque candidus semel ac iterum testatus est. Ac inprimis, quum ³³ verbis, *Σίμων Πέτρος*, hunc subiecit commentarium: „Hoc solempni loco nomen et cognomen iungitur. Apparet, Simonem citius et uberius agnosce Filium Dei, et condiscipulis praeluxisse.“ Deinde quum de ³⁴ phrasi, *σὰρξ καὶ αἷμα*, adno-

²⁶) In Matth. cap. XV. n. 17.

²⁷) In Luc. lib. VI. n. 97.

²⁸) Ibid. n. 93, et lib. X. n. 175: *Quia solus profitetur ex omnibus, omnibus antefertur*. Hinc Maximus taurinensis serm. V. in Nat. Apost.: „Tu, Petre, me confessus es primum in terris, ego te in caelo regnoque meo perpetuum faciam habere primatum. Et quid iustius, fratres, quam ut supra eum fundaretur ecclesia, qui tantum dedit ecclesiae fundamentum? quid fieri potuit sanctius, quam ut ille acciperet claves regni caelorum, qui caelestis regni Dominum revelavit?“

²⁹) Con. Parmen. lib. I. cap. X, et lib. VII. cap. III.

³⁰) Homil. in ss. Principes Apost. n. 2.

³¹) Serm. in s. Andream Apostolum.

³²) Quod si permitti debeat, alterutro dumtaxat modo accipi potest: I. quod communi nomine responderit *consequenter*, quum eam ediderit confessionem, quam auditam apostoli probarent: vel II. quod communi nomine responderit *iuridice*, quum inter apostolos versaretur prophetica *Petri* appellatione insignis, atque adeo non uti unus e multis, sed veluti *ὁ πάντων ἀποστόλων προκεκριμένος* (apud Eusebium H. E. lib. III. cap. V.), et sin minus *collatione*, *destinatione* saltem *ὁ κορυφαῖότατος καὶ προστάτης τῶν ἀποστόλων*, ut Cyrillus hierosolymitanus Catech. II. n. 19. de eo loquitur. Est autem principis et capitis proprium ceteros *iuridice* repraesentare.

³³) In Gnom. ad Matth. XVI. 16.

³⁴) Ibid. ad v. 17.

tavit: „Homo quicumque; *caro et sanguis*, metonymice, corpus et anima, Ephes. VI. 12. Gal. I. 16. Nemo mortalium ante Petrum tum hoc ipsum sciebat.“

Sed quid scivit Petrus, aut quam edidit tam insignem confessionem quae a Patre revelante expectanda esset? narrat Matthaeus, dum illum his respondentem ³⁵ verbis inducit: *Σὺ εἶ ὁ Χριστός, ὁ υἱὸς τοῦ Θεοῦ τοῦ ζῶντος*. *Tu es Christus*, quo appellativo nomine significavit, Jesum esse ³⁷ *מָשִׁיחַ יְהוָה*, regem κατ' ἐξοχήν a Deo promissum, *Χριστὸν βασιλέα*, qui gentes universas suo imperio gubernaret. Addens vero, *Filius Dei viventis*, fontem reseravit ³⁸ tantae dignitatis, quod nimirum esset Filius non κατὰ θεόν, quomodo filii quoque fuerant Elias, Jeremias ac prophetae, sed κατὰ φύσιν, ac Filius adeo germanus *Dei viventis*. Ubi nomen *Dei*, propter σχέσιν ad *Filium*, adhibetur ὑποστατικῶς, idemque notat ³⁹ ac ὁ πατήρ μου ἐν τοῖς οὐρανοῖς: appositum vero τοῦ ζῶντος non tam discrimen ⁴⁰ ab idolis, mortuisque diis, quam γεννητικὴν Patris ἐνέργειαν referre videtur. Petri igitur confessio duplici membro continetur, quorum altero dignitas Jesu appellativo τοῦ Χριστοῦ nomine exprimitur, altero intima eiusdem origo adiectis verbis, ὁ υἱὸς τοῦ Θεοῦ τοῦ ζῶντος, declaratur.

³⁵) Matth. XVI. 16.

³⁶) Pro participio τοῦ ζῶντος, unus alterve codex habet σῶζοντος.

³⁷) Ps. II. 2. coll. Act. IV. 26.

³⁸) Patrocinator arianis Kuinoel, dum in commentario refert ac probat ista Koppii verba: „Omnium maxime improbabilem eorum interpretum et theologorum rationem videri non diffiteor, qui naturam vere summoque gradu divinam hac ipsa formula significari arbitrantur; cum huic interpretationi non tantum ne unus quidem locus, si singuli accurate tractentur, faveat, verum etiam ipsius formulae υἱὸς propria

significatio, locusque I. Cor. XV. 27. seqq., quo υἱὸς expresse dicitur ὑποτάσσεσθαι τῷ πατρί, aperte repugnet.“

³⁹) Matth. XVI. 17. Porro Filius prae Patre non modo dicitur ὁ υἱὸς τοῦ Θεοῦ, verum etiam ὁ μονογενής, ὁ μονογενής παρὰ πατρός, et ὁ ἴδιος υἱὸς τοῦ Θεοῦ.

⁴⁰) In libris utriusque testamenti verus Deus a commentitiis diis secernitur, quum ille dicitur Jos. III. 10, I. Sam. XVII. 26—36, Jerem. X. 9—10, Act. XIV. 15, I. Thess. I. 9. *יהוה יְהוָה*, θεὸς ζῶν: hi vero nuncupantur *εἰδωλα ἄψυχα* Sap. XIV. 29, *מַלְאָכִים*, νεκροὶ Ps. CVI. 28, Sap. XIII. 10, et *μάταια*, *אֱלִילִים* Zach. XI. 17.

CAPUT IV.

Christi ad Petrum responsio, Matth. XVI. 17—18: — eiusdem cum antecedentibus nexus: — illustratur: — de vocibus πέτρος καὶ πέτρα: — an eae συνωνύμως adhibeantur: — protestantium dissidia: — quid illorum plures, ac recentiores plerique omnes arbitrentur: — gravissima Michaelis censura: — argumentis confirmatur: — et συνωνυμία plena in luce ponitur: — Glassii et Reineccii coniectura ex pronominum discrimine apud syrum interpretem: — quam levis ea sit ac prorsus inanis: — Heinsii sententia, et quid veri illi subsit et cum catholica doctrina consonum: — aliorum de particula καί, deque pronomine ταύτη suspensiones: — reüciuntur: — ostenditurque adoptatam a protestantibus hermeneuticam exegem esse, et ad Scripturas pervertendas unice accommodatam: — animadvertitur in graecos schismaticos.

52. **C**onfessionem Simonis iis simillimam, quae divinus Pater pridem ¹ significaverat, inquires: Οὗτός ἐστιν ὁ υἱός μου ὁ ἀγαπητός, ἐν ᾧ εὐδόκησα: probavit Jesus ², καὶ ἀποκριθεὶς εἶπεν αὐτῷ, atque ita ³ illi respondit, αὐτῷ non αὐτοῖς, ut paullo ⁴ superius, quum omnes alloqueretur. Dixit autem: Μακάριος εἶ, Σίμων βάρ' Ἰωνᾶ· ὅτι σὰρξ καὶ αἷμα οὐκ ἀπεκάλυψέ σοι, ἀλλ' ὁ πατήρ μου ὁ ἐν τοῖς οὐρανοῖς: *beatus es*, planeque dignus ⁵ qui beatus praediceris, *Simon Jonae* ⁶ *filius*, qua patronymica appositione hebraeis usitata a reliquis omnino

¹) Matth. III. 17. coll. Ps. II. 7, Matth. XVII. 5, Marc. IX. 6, Luc. IX. 35.

²) Matth. XVI. 17.

³) Inductione exemplorum, Gen. XVIII. 27, Jos. I. 16, II. Reg. I. 12, Joh. I. 49, Matth. XI. 4—25, XII. 38, XVII. 4, XXI. 24, XXV. 9—37—40—45, Marc. VII. 28, constat, sacris scriptoribus esse in more positum, ut ostensuri quid aliquis dixerit, responderitve, non solum utantur promiscue verbis ἀποκριθεῖσθαι, εἰπεῖν, λέγειν, εἶρεν, verum etiam illa coniungant. Quod dum fit, alterutrum ex verbis significationem referre videtur particulae ὥδε, vel pro-

nominis τάδε, ut reddi latine possit, *ita, sic, hunc in modum, haec.*

⁴) Matth. XVI. 15.

⁵) Eodem sensu, quo Luc. XI. 27.

⁶) In Alberti Glossario, βάρ' Ἰωνᾶ red-
ditur υἱὸς περισσευῶς, *filius columbae*, ac
si componeretur ex בָּרַ *filius*, et יוֹנָה
columba. Sed Epiphanius, Hieronymus,
Drusius, Grotius, alii, monuere, syro-
hebraicum nomen βάρ' Ἰωνᾶ, idemque πα-
τρωνυμικόν, per syncopem, ac extrita lit-
tera י, factum esse ex βάρ' Ἰωάννα, *flio
Johannis.*

secernitur, *quia non caro et sanguis*, imbecillaque ⁷ humana natura *revelavit tibi* quod confessus es, *sed Pater meus qui in caelis est*. Apposite ⁸ Juvencus:

Tum Dominus forti respondet talia Petro:
Petre, beatus eris: nam talia pandere certe
Humanus sanguis, vel terrae portio corpus
Haud umquam poterit: Genitoris munera sola
Possunt tam validum fidei concedere robur.

Quibus caussa effertur *μακαρισμοῦ* Petri, eaque e singulari Patris ⁹ benevolentia, qua illum prae ceteris superna revelatione illustravit, profecta declaratur.

53. Pergit ¹⁰ Jesus, et oratione arctissime nexa subdit: *Κἀγὼ* ¹¹ δὲ σοὶ λέγω, *et ego vero dico tibi*, vel quod in idem redit, *ego vero etiam dico tibi*. Quae si ad ea referantur quae *ἀμείσως* praecedunt, hunc reddunt sensum: *quemadmodum Pater meus revelatione superna auctor tibi fuit beatitudinis; ego quoque non tibi deero, novisque illam donis cumulabo*. Sin autem cum responsione Petri paullo remotiore coniungantur, hanc dabunt sententiam: *tu paternae revelationi obsequutus me confessus es Christum Filium Dei viventis, meamque dignitatem declarasti, et ego tibi tuam vicissim* ¹² *dignitatem patefacio atque dico*. Porro sive prior, qui Leoni ¹³ placuit, sive alter relationis, coniunctionisque

⁷) De formula, *σὰρξ καὶ αἷμα*, *רִשְׁתָּא בְּרִיתָא*, confer Lightfootum ad h. l.

⁸) Hist. Evangelic. lib. III.

⁹) Unde peti argumentum potest, quo in numero eorum coniecturae haberi debeant, qui Petrum idcirco reliquis praepositum arbitrantur, quod esset aut *aetate provecior*, aut *vocatione prior*, aut *ingenio ferventior*.

¹⁰) Matth. XVI. 18.

¹¹) Utraque vulgata editio, antiqua et nova, omittit particulam *δὲ*, redditque: *et ego dico tibi*. Cantabrigiensis vero codex presse adhaerens graecae lectioni, habet: *et ego autem dico tibi*.

¹²) *Mercedem accepit*, ait in comm. Hieronymus, *vera confessio*. Ut enim Petrus Coton monet in opere inscripto, *Geneve Plagiaire*, Depravation XXIX: „Particula *et*, quae heic apponitur, non habet vim copulandi, ut patet; nihil enim copulandum praecessit: sed *ἀντιμισθία*, idest,

redditionem et retributionem mercedis significat, ut sit idem quod *vicissim*.” Eodem sensu quo Paulus de Christo scribit ad Philipp. II. 9: *Ἀπὸ καὶ ὁ θεὸς αὐτὸν ὑπερέωψεν*, *propterea vicissim Deus illum superexaltavit*.

¹³) Serm. IV. de anniversario die assumptionis suae ad Pontificatum: „Ideo beatus es, quia te Pater meus docuit, nec terrena opinio te fefellit, sed inspiratio caelestis instruxit: et non caro et sanguis, sed ille me tibi, cuius sum unigenitus Filius, indicavit. *Et ego*, inquit, *dico tibi*: hoc est, sicut Pater meus tibi manifestavit divinitatem meam, ita ego tibi notam facio excellentiam tuam. *Quia tu es Petrus*: idest, quum ego sim inviolabilis petra, ego lapis angularis, qui facio utraque unum, ego fundamentum, praeter quod nemo potest aliud ponere; tamen tu quoque petra es, quia mea virtute solidaris, ut quae mihi potestate sunt propria, sint tibi mecum participatione communia.”

modus deligatur, manifestum est: I. verba Salvatoris et quae eisdem significantur, ad *unum* Simonem Petrum pertinere: II. eo spectare Christum, ut novis donis Petrum exornet: III. his vim rationemque inesse τῆς ἀντιδώσεως pro ea quam ille edidit confessione: ac propterea IV. quae heic commemorantur, *propria* esse Petri, *excellendae* genere comprehendi, ac *idonea* inprimis esse ad *quaversionem* de illius praerogativis *dirimendam*.

54. Sed ipsam iam Christi responsionem proferamus. Continuo ¹⁴ subiecit: Ὅτι σὺ εἶ Πέτρος, καὶ ἐπὶ ¹⁵ ταύτῃ τῇ πέτρῃ οἰκοδομήσω μου τὴν ἐκκλησίαν. Idest Juvenco ¹⁶ interprete:

Tu nomen Petri digna virtute tueris,

Hac in mole mihi saxique in robore ponam

Semper mansuras aeternis moenibus aedes.

De hac autem divina Christi responsione istud video a protestantibus maxime quaeri, utrum vocabula πέτρος ac πέτρα sint συνώνυμα, ac de uno eodemque subiecto adhibeantur: utrum idem sit qui πέτρος quique πέτρα dicitur: ac utrum de Petro affirmetur fore, ut ecclesia super illum aedificetur.

Et quamquam ¹⁷ mihi, ac uti opinor prudenti cuivis, neque caussa obscura sit neque dubia, quum ita nectantur verba, partesque copulentur, ut si qui contenderint alium vocari πέτρον, πέτραν alium, neque Πέτρον esse, cui fundamenti dignitas promittitur, hi videri debeant non interpretari orationem sed corrumpere, non impedita enodare, sed expedita implicare; nihilominus ne quid praetermittam ad eam rite statuendam idoneum, studia exigunt protestantium, quae nulla forte in re alia aut eminuere magis, aut se manifestius prodiderunt. Referam igitur describamque sincere quae Christophorus Wolfius, eiusdemque nominis Koecherus pro suo instituto, proque caussa cuius vindicias susceperant, collegere; efficiamque ut fateri quisque debeat, non nobis verum ipsis adscribendum protestantibus si meliora non adduxerimus.

55. Wolfius itaque in curis philologicis et criticis ad hunc locum scribit: „Quis per *petram* hic intelligendus sit, et veteres ecclesiae doctores ¹⁸ et recen-

¹⁴) Matth. XVI. 18.

¹⁵) Codices latini cum uno alterove graeco exhibent lectionem, ἐπὶ ταύτην τὴν πέτραν.

¹⁶) Hist. Evangelic. lib. III.

¹⁷) Lib. I. nn. 42. seqq.

¹⁸) De antiquis ecclesiae doctoribus mox addit: „Ex Patribus alii petram de Christo ipso, de Petro alii, alii de confessione Petri, alii de apostolis accipiunt. Loca singulorum vide apud Jo. Launoium in epistolis Part. V. epist. VII. pagg.

419. seqq., M. Ant. de Dominis lib. I. cap. VI. de Republ. Ecclesiastica, Casaubonum Exercit. Anti-Baron. XV, et in Casaubonian. pag. 83. cum notis meis pag. 285, Forbesium in Instruct. Theolog. lib. XV. toto, et inprimis cap. VI, Suicerum T. II. Thesauri, pagg. 698. seqq., Dupinium de antiqua Ecclesiae disciplina, Part. IV. cap. I, et Natalem Alexandrum in H. E. Sec. I. diss. IV. Pontificii itaque non habent, cur ad auctoritatem Patrum se recipiant.“ Quod utrum graviter, prudenterque dictum sit, inferius patebit.

tiores disputarunt; nobis autem in hanc disputationem ingredi per brevitatem non licet.“ At sin minus ingreditur, ad eam tamen, aliquot interiectis, accedit, subdens: „Nostrates et qui nobiscum hac in parte faciunt, alii vel de *Christo* ipso vel de *confessione* Petri paulo ante edita *petram* explicant. Ac posteriores quidem in argumentum afferunt ¹⁹ similem Pauli phrasin, qua Ephes. II. 20. doctrinam apostolorum et prophetarum fundamentum esse ait, cui superstructa sit ecclesia. Priores vero se recipiunt ad loca Scripturae varia, in quibus ²⁰ Christus *petra*

¹⁹) Similis profecto non est similitudine *verbali*; restat ergo ut similis sit similitudine *reali*. At similitudo *realis* pendet ex orationis contextu, qui utroque in loco est *diversissimus*. Fingitur ergo similitudo. Sed, per me licet, existat, an inquirendum propterea non erit, eodem ne an dissimili modo super Petrum, apostolos reliquos ac prophetas ecclesia aedificetur? hoc nemo dixerit. Eo igitur quaestio redit, ut quid Matth. XVI. 18. promissum Petro fuerit, accurate determinetur.

²⁰) Qui hoc pacto disserunt, ne ludere iidem videantur, necesse est *duplicem hypothesis* praestituant, ac I. metaphoricas Christi appellationes, cuiusmodi *petrae* et *fundamenti* nominibus I. Cor. III. 11. coll. I. Petr. II. 6. exprimuntur, tales esse quae cum altero communicatae censi nequeant: tum II. analogiae biblicorum sic esse inhaerendum, ut quod *alicubi* assertum Christo legitur, idipsum *ubivis*tribuendum illi esse iudicetur. Sed utraque hypothesis absurda est, certisque argumentis refellitur.

Ac de priore quidem sic habet Grotius ad Matth. XVI. 18: „Non obstat (quominus *πέτρα* ad Petrum referatur) quod alibi Deus *petra* dicatur, et Christus *unicum fundamentum*; quum novum non sit easdem similitudines ad diversas res diverso modo significandas adhiberi. Alibi Paulus I. Cor. III. se *architectum* vocat, quod officium heic Christus sibi vindicat; neque aliter *petrae* et *fundamenti* nomen apostolis tribuitur, quam Rom. XI. 14. coll.

I. Tim. IV. 16. *salvum facere*. Tum ut Matth. XVI. 19. *solvere et ligare*, utrumque proprie Ephes. IV. 32, Coloss. III. 13, Matth. IX. 6, Marc. II. 10, Luc. V. 24. tribuitur Deo Patri et Christo, ut quoque *peccata dimittere*; sic omnia II. Cor. V. 18. apostolis etiam communicantur ut ministris delegatis ob eam qua funguntur legationem per ministerium reconciliationis.“ Et ad Ephes. II. 20. subdit: „Voces per translationem usurpatae aliis aliter aptantur. Jesus I. Cor. III. 11. *fundamentum*, et Apoc. XXI. 14. apostoli *fundamenta*.“

Ad alteram vero refellendam abunde sufficit id animo reputare, quod cap. I. 4—5—7. scribit, repetitque Johannes, τὸν λόγον esse τὸ φῶς, quodque v. 8. de Prae cursore addit, οὐκ ἦν ἐκεῖνος τὸ φῶς, ἀλλ' ἵνα μαρτυρήσῃ περὶ τοῦ φωτός. Quamquam enim verissima ista sint, non minus tamen indubitata sunt verba ipsius Christi apostolos alloquentis Matth. V. 14: Ὑμεῖς ἐστε τὸ φῶς τοῦ κόσμου, quae cum his conferri debent quae de semetipso Jesus affirmat Joh. VIII. 12: Ἐγὼ εἰμι τὸ φῶς τοῦ κόσμου, et cap. IX. 5: Φῶς εἰμι τοῦ κόσμου, quibus vaticinium consentit de eo editum Luc. II. 32: Φῶς εἰς ἀποκάλυψιν ἐθνῶν.

Utraque igitur hypothesis falsa est, ac de iis ne cogitassent quidem protestantes, si ad utrumque ordinem *naturalem* et *supernaturalem* tantisper animum advertissent. Nihil enim ex utroque ordine evidentius, quam homines divina largitate in consortium divinarum proprietatum adscisci.

vel *lapis* appellatur, v. gr. I. Cor. X. 4, et Ephes. II. 20, ubi λίθος ἀκρογωνιαίος audit. Prae ceteris B. Olearius, in Obs. Sacris pag. 451, Petrum ipsum interpretem verborum suorum²¹ esse ostendit in epistolae suae prioris II. 4, ubi affirmat, πρὸς Χριστὸν προσερχομένους λίθον ζῶντα καὶ αὐτοὺς (τοὺς πιστοὺς) ὡς λίθους ζῶντας οἰκοδομεῖσθαι οἶκον πνευματικόν. Quae verba tam affinia his Christi ipsi esse iudicantur, ut pro repetitione et illustratione verborum Christi haberi debeant. Mentem itaque Domini hanc esse arbitratur: *agnoristi me Christum lapidem illum rivum a prophetis promissum, καὶ γὰρ δὲ σοὶ λέγω, ὅτι σὺ εἶ Πέτρος, vicissim agnosco te Petrum, hoc est, nomini a me tibi imposito fidem respondere video, te igitur ecce lapidem etiam rivum. Super hac Petra vero, quam agnoristi, tales lapides vivos exstruam, ut inde existat aedificium ecclesiae meae, Hierosolyma nova, civitas caelestis.*"

Refert deinde tertium illorum commentarium, „qui a pontificiorum castris et persuasione alioquin alieni, πέτραν de Petro interpretati sunt, ideo inprimis, quod paronomasiam talem hic in verbis, σὺ εἶ Πέτρος, καὶ ἐπὶ ταύτῃ τῇ πέτρᾳ, esse censent, qualis occurrit Gen. XLIX. 8. Ita Clericus ad Hammondum, qui Cameronem in Praelectionibus suis ad hunc locum, et in Myrothecio interpretationem hanc extra dubium collocasse existimat."

Negat continuo Wolfius tantam sibi huius interpretationis perspicuitatem videri, suamque promens opinionem, ait: „Mihi quidem sententia de Christo ipso tamquam *petra* mirifice placet, et videtur omnino sanctissimus Servator *exsertis et directis in se digitis* Petro manifestum fecisse de quo loquatur. Adde Casaubonum, Exercit. Anti-Baron. XV. Allixius *ὁμολογητός* in Considerationibus super libros prophet. V. T. pag. 185. Christum putat speciatim respicere ad Danielis II. 35, ubi vaticinium exstat de lapide (idest Christo) qui imagine percussa in magnum evaserit montem, et totum orbem impleverit."

56. Prolixior est ac in recensendis auctorum nominibus diligentior²² Koecherus, qui sic habet: „Quid voce πέτρα Servator optimus significaverit, *mire variant* doctorum virorum veteris ac recentioris aevi sententiae, quarum silvam aliquam exhibent Ludovicus²³ Dupinius, Justinus²⁴ Febronius, Johannes²⁵

Neque mirum, quum universa erga homines Dei οἰκονομία ex amore profecta (qui amor ipse est Deus, de quo scriptum est I. Joh. IV. 7—13: Ὅτι ὁ θεὸς ἀγάπη ἐστὶ) ad coniunctionem, qui fructus est amoris, suo pondere adspiret. Unde aureum illud Athanasii in aureo libello de incarnatione Verbi: Ὁ τοῦ θεοῦ λόγος ἐνθρωπώπησεν, ἵνα ἡμεῖς θεοποιηθῶμεν.

Christi, atque adeo pronomen *suorum* Oleario aut Wolfio negligenter excidit.

²²) Analect. Philolog. et Exeget. ad Matth. XVI. 18.

²³) De antiqua Eccles. disciplina, Dissert. IV. cap. I. §. 1.

²⁴) De statu Ecclesiae, et legit. Pontif. Romani potestate, cap. I. §. 2.

²⁵) Confess. Catholic. Lib. I. Part. II. cap. II.

²¹) Non sunt illa verba Petri, sed

Gerhardus, Leighius ²⁶, Huthius ²⁷, Isaac ²⁸ Barrow, et Augustus ²⁹ Tittel. — Christum, quum verba ἐπὶ ταύτῃ τῇ πέτρᾳ recitaret, *digilum in se intendisse*, et *semetipsum* illis designasse, Witsius ³⁰, Schoettgenius ³¹, Schultzius ³², Bodius ³³, Georgius ³⁴, Chrysander ³⁵, Huthius ³⁶ arbitrantur. — Illum in mente habuisse *confessionem*, quam de ipso Petrus religiose ediderat, Erasmus ³⁷, Centuriatores ³⁸ Magdeburgenses, Pasor ³⁹, Hedinger ⁴⁰ statuunt. — Utrumque, et *Jesum Christum*, et apostoli de eodem *confessionem memorabilem*, coniungendum intelligendumque esse, putant ⁴¹ Meisnerus et ⁴² Glassius. — Petram denotare *Petrum apostolum*, alio tamen sensu ac scopo, quam pontificii, opinantur Werenfelsius ⁴³, Beausobre ⁴⁴, Pfaffius ⁴⁵, Bengelius ⁴⁶, Palairer ⁴⁷, Crusius ⁴⁸, Stackhouse ⁴⁹, Collier ⁵⁰, et ⁵¹ Moldenhaver.“

Quasi vero nondum ista sufficerent, pergit: „Supersunt quaedam aliae et diversae loci nostri explanationes. Interpretantur nempe illum Flacius ⁵² *de Christo eiusque doctrina et religione*; Basnage ⁵³ *de Petri confessione tam passive quam active sumpta*, idest, de Christo ecclesiae fundamento et eius praedicatione; Hardtius ⁵⁴ *de fide sic comparata, ut fides in Petro prodita*, quae sit solida, firma, ac divina; Verpoortennius ⁵⁵ *de revelatione Patris caelestis de Filio suo eiusque persona, officio opereque salutari, et divinitus proposita, et fide per hanc revelationem accensa, recepta et effectibus verae fidei prodita*; Pistophilus ⁵⁶ et ⁵⁷ Frisch *de gravissima et maxime fundamentali doctrina de*

²⁶) Annotatt. pag. 87.

²⁷) Dissert. memor.

²⁸) Tract. von des Pabsts vermeynter obersten Kirchen-Gewalt, pag. 112.

²⁹) In praefat. ad librum Barrow.

³⁰) De oeconom. foeder. lib. III. cap. XIII. §. 21.

³¹) In Horis Hebraic. ad Matth. XVI. 18.

³²) Manipul. observatt. pag. 206.

³³) Annotatt. ad version. evang. Matthaee aethiop. pag. 116.

³⁴) In notis ad N. T.

³⁵) Dissert. de repraesent. actionis, §. XLVII.

³⁶) Dissert. cit. cap. II.

³⁷) In annotatt.

³⁸) Centur. I. lib. I. cap. IV.

³⁹) Lexic. Graec. pag. 762.

⁴⁰) Anmerkungen zum N. Test.

⁴¹) Philosoph. sobria, Part. II. sect. I. cap. II. q. IV.

⁴²) Philolog. lib. V. tract. I. cap. VIII, et tract. II. cap. II.

⁴³) Opusc. Theolog. T. I. pag. 262.

⁴⁴) Remarques pag. 55.

⁴⁵) Origines Juris eccles. cap. I. art. III.

⁴⁶) In Gnom. ad h. I.

⁴⁷) In Observatt. pag. 55.

⁴⁸) Hypomnem. ad Theolog. prophet.

⁴⁹) Vertheidigung der biblischen Geschichte, Part. VI.

⁵⁰) Einleitung zum richtigen Verstand der h. Schrift, §. 202.

⁵¹) Erlaenterung, pag. 77.

⁵²) In Clave, pag. 913.

⁵³) Annal. ad an. Domini XXXII. §. XXVIII.

⁵⁴) Apud Winklerum in Tempe anec. p. 496.

⁵⁵) Fascicul. dissertt. pag. 19.

⁵⁶) Erlaenterung schwerer Stellen der h. Schrift, Vol. I. pag. 560.

⁵⁷) Kritik über die Heumann. Uebersetzung. pag. 93.

Jesu Christo. Brünings ⁵⁸ existimat, vocem πέτρα idem esse quod πνύξ, locus quidam petrosus apud athenienses, quo populum convocabant. Hinc verba Christi sic illustrat: *in hac petra* (petroso loco attico simili) *aedificabo ecclesiam* sive concionem *meam*.⁶⁰ Post quae, ne quam ipse foveret sententiam, ignoraremus, subdit: „Longius haec petita esse, parumque illis lucis afferre, plures haud dubie mecum sentient. Fabricius ⁵⁹ nullam meliorem se legisse interpretationem proficitur, quam Augustini, qui, ut uno verbo eam referam, petram de Christo hominum salvatore exponit.

57. Haec illi, ad quae si animum nonnihil adverterimus, protinus intelligemus, in summo opinionum sententiarumque discrimine protestantes versari, nihil admodum habere explorati atque comperti, faciliusque invenire quae improbent quaeque damnent, quam quae statuunt, sibi quae aliisque argumentis idoneis persuadeant. Quum enim de *subiecto* quaeretur, ad quod nomina πέτρος καὶ πέτρα referenda sint: quumque responsio peteretur fixa atque rata; operam illi quidem dedere ut responderent, sed *neque sibi neque aliis* facere satis potuerunt. Non sibi, quum quae alteri probabatur responsio, alteri displiceret; non aliis, ac praesertim catholicis, qui in tanta dissensione indicium minime dubium erroris, ignorataeque veritatis sibi deprehendere videbantur. Illorum namque mentibus insidebat, quod sapientissimi patres, Irenaeus ⁶⁰, Tertullianus ⁶¹ ac Athanasius ⁶² monuere, postremum haud esse erroris argumentum, quod e varietate dissidiisque interpretationum, doctrinaeque repetitur.

Ne autem morosior existimer, hoc interea *praeiudicium* seponam, illudque potius considerabo, quidnam tandem protestantes impedierit, quominus, etsi vehementissime cuperent, in unam eandemque interpretationem convenirent. Cuius quidem impedimenti *duas* reperio *caussas*, e quibus ipsimet alterutram admittant necesse est. Neque enim video quid reponi huic argumento possit: „Interpretationum dissidia vel *ipsis* tribuenda sunt *interpretibus* qui suo male fungantur munere; vel *ex obscuritate textus* repetenda, qui enarrandus explanandusque proponatur. Si enim et textus sit conspicuus, et interpretes legibus obsequantur artis quam profitentur; una omnium necessario erit sententia, unus idemque commentarius. Jamvero dubitari non potest, in enarrandis Christi verbis, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, plurimum inter se discrepasse ac porro discrepare protestantes, quum brevissimi incisi *decem* saltem ⁶³ ab iis profectae expositiones numerentur. Concludendum igitur superest, vel protestantes ad interpretandum accedentes non iis paruisse legibus, quibus sincera exponendi ratio dirigitur, atque adeo suo muneri in causa minime levi non leviter

⁵⁸) Compend. Antiquitt. Graec. cap. XIII.

§. 3.

⁵⁹) Salut. Lux Evangelii, cap. I.

⁶⁰) Con. Haeres. lib. I. cap. III, lib. III. cap. II, et lib. V. cap. XX.

⁶¹) De Praescriptt. cap. XXVIII.

⁶²) De Decret. Nic. Synodi.

⁶³) Ita ut non melius sibi in enarrandis his verbis protestantes constiterint, quam in definienda illorum potestate, quibus divinae Eucharistiae institutio continetur.

defuisse; vel textum explanandum obscurum esse, iisque obductum tenebris quae non facile depellantur.⁶⁴

58. Nihil est profecto in hac deductione contortum, obliquum nihil, nihil quod plantum apertumque existimari non debeat. Seligant igitur alterutrum protestantes, fateanturque vel secus ac opus foret suam se operam in interpretando collocasse, vel in textum offendisse obscurum et salebrosum, quemque neque intentis curis adducere ad liquidum potuerint. Non instabo ut unum prae altero concedant, neque indicia urgebo sane non pauca quae *interpretum vitium, neglectasque ab iis hermeneuticas leges* demonstrare videntur. Non urgebo quod obvia plana-que neglexerint, quod nullam contextus rationem habuerint, quod ad ementitos parallelos locos se receperint, quod suppleverint quae in textu nusquam comparent, quod gestus in praesidium vocarint, quod nativum immediatae significationis splendorem⁶⁴ conquisitis impedimentis retulerint, et quod infensum concitatum-que ostenderint animum, ac minus ideo parem ad sincerum veritatis lumen hauriendum.

Ut enim exemplo utar, haud opinor videri admodum pacata posse, quae huius occasione textus in Lexico ad N. T., in opere scilicet a turbis contentionibusque alienissimo, Georgius Pasor⁶⁵ his verbis complexus est: „Sophistae (quo convicio quotquot sumus catholici oneramus) qui abutuntur hoc loco ad stabiliendam suam *ἰσραρχίαν* et *tyrannidem*, non attendunt in dicto loco Matth. XVI. 18. *ἐντανάκλασιν*, quae talis est *figura*, ubi eadem quidem vox iteratur, sed in alia significatione, cuius generis exempla afferri possunt permulta, Matth. VIII. 22, Luc. IX. 26, Joh. II. 23—24, et III. 6.“

Haec, inquam, licet gravia, et ad detegendum interpretum vitium opportuna, non urgebo, potestatemque protestantibus faciam, ut dissidia quibus in partes ivere, neque secum commodius quam cum catholicis conspirant, *aut* in vitium interpretum, *aut* in difficultatem interpretationis, obscuritatemque textus refundant.

59. Novi quid optabunt, ac probe sentio eos numquam esse concessuros, ut ipsimet interpretes, violataeque hermeneuticae leges dissidiorum causa habeantur. Quod etsi non admodum sit probabile, et a catholicis constantissime denegetur, permittam tamen, sinamque, ut varias ideo fuisse ac porro esse interpretationes affirmant, quod implexus sit textus, diversisque commentariis obnoxius. At, quaeso, advertant quae ego inde concludam.

Concludo I. iustam illis defuisse causam conflandi fatalis schismatis, quod a tribus iam saeculis christianam societatem dilacerat. Ecquae enim fuit miserimae divisionis potior ratio, vera origo, supremumque principium? quod de instituta divinitus hierarchia, deque Petri praerogativis aliter illi decreverint ac

⁶⁴) Eodem ferme pacto quo osoros alicuius veritatis luculentissime comprobatae nullum ponunt modum excogitandis, tivam demonstrationis evidentiam obscurant.

proferendisque difficultatibus, quibus na- ⁶⁵) In Lexico Graeco-latin. ad N. T. v. Κηφᾶς.

communis receptaque fides postularet: quod eum Petro primum detraxerint, quem dum schisma primum saeviit, christiani omnes eidem ⁶⁶ deferebant. At ignorabant ne huius decisionem litis e sincera maxime interpretatione pendere verborum Christi, καὶ ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν? immo et noverant, et profitebantur, tantasque idcirco adhibuere curas, ut illa secus ac catholici tenerent, accipienda esse comprobarent. Bene habet. Sed eo ne pervenire ut quod sibi efficiendum sumpserant, perficerent? ut indubitatis argumentis catholicorum expositionem refellerent, novam, suamque stabilirent? domesticae dissensiones ac ex iis expressa confessio de obscuritate textus, planum apertumque reddunt, iis forte *probabilia* adfuisse quae opponerent, sed *certa explorataque necessario* defuisse. *Probabilibus* igitur innixi *coniecturis* integrum sibi esse arbitrati sunt conflare schisma, unitatem abrumpere, pacis vinculum dissolvere, ecclesiam catholicam haereseos ac *tyrannidis* ⁶⁷ accusare, accusatamque proscribere, constitutis pastoribus diem dicere, obedientiam negare, novum erigere ministerium, altare altari opponere, auctoresque esse ut *humana* audirentur nomina lutheranorum, calvinistarum, zwinglianorum, episcopalium, methodistarum, fratresque eodem lavacro regeniti, eundem invocantes Patrem, eadem matre nutriti, eandem profitentes fidem, eadem alti spe, et ad eandem adspirantes hereditatem acerbissimis inimicitiis dissiderent.

Verum quibus moribus, quibusve legibus aut id olim licuit, aut modo licet, aut aliquando licebit? patribus nostris, viris sanctissimis ac sapientissimis ⁶⁸ una semper vox fuit, una sententia: tantam esse schismatis turpitudinem, tantum scelus, tantumque flagitium, ut nulla esse ratio tam gravis, tamque perspicua possit, quae par ad illud excusandum, honestandumque videatur. Quid igitur de iis iudicassent, qui *dubiiis incertisque de causis* unitatem scindere, caritatem violare, hierarchiam subvertere, omniaque perturbare aggredierentur? iudicassent profecto agi illos inflammarique non spiritu Christi, qui spiritus est unitatis atque concordiae, sed spiritu eorum quos Judas ⁶⁹ primum dicit τοὺς ἀποδιορίζοντες, ac mox, ψυχικούς, πνεῦμα οὐκ ἔχοντες.

Quamquam auctoritate Patrum opus non est, quum et ipsa se res prodatur, et ne ab ipsis quidem protestantibus, dum candidius agunt, in discrimen vocetur.

⁶⁶) Quod Henricus VIII, princeps deinde conflati in Anglia schismatis, adversus Lutherum in opere de Sacramentis et verissime monuit, et gravissime confirmavit.

⁶⁷) Qua tyrannidis accusatione nulla apud protestantes frequentior, sicut et nulla iniquior, quum solemnina catholicae professionis instrumenta doctrinam referant ab

ipsa tyrannidis specie alienissimam. Sed opus erat, ut potestatem quam subversam protestantes volebant, invisam primum horrifico tyrannidis nomine redderent.

⁶⁸) Lege alteram epistolam Paciani barcinonensis antistitis ad Sympronianum novatiani schismatis asseclam.

⁶⁹) Jnd. v. 19.

Calvinus ⁷⁰ enim, Beccanus ⁷¹, Marloratus ⁷², Crocius ⁷³, Sadeel ⁷⁴, Zanchius ⁷⁵, Davenantius ⁷⁶, Pastores ecclesiae gallicanae ⁷⁷, aliique ⁷⁸ sexcenti unanimes docent, ne separatio ab externa ecclesiae catholicae communione vitio verti, iisque adnumerari possit, quae Paulus peccata carnis appellat, *duo* omnino postulari, ac *errorem* inprimis, illumque *fundamentalem*, quem catholica communio profiteatur, defendat, aliisque profitendum, defendendumque praecipiat: *certam* deinde *plenamque erroris probationem*. Si alterutrum desit, neque separationem licere, neque inductam purgari a summa impietate posse. Jamvero ut *priorem* conditionem tacitus praeteream, quid de *altera* arbitrabimur? arbitrabimur ne adfuisse illam protestantibus, adfuisse argumenta certa, plenasque probationes, quibus et deceptos ostenderent catholicos verba Christi, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, interpretantes, suumque commentarium *tam varium*, *tamque multiplex* adstruerent? haec omnia defuisse illis affirmemus oportet, ac adeo defuisse et etiam num iustam deesse causam, qua conflatum schisma tueantur.

60. Ad alterum venio, ac ex eadem interpretationum varietate concludo II., non antea debuisse protestantes de verbis Christi quidpiam decernere, quam sententiam christianae antiquitatis explorassent, neque ab ea potuisse discedere, quin impudentiae, temeritatisque notam incurrerent. Non illud in praesentia mihi definiendum universim propono, quae quantaque ⁷⁹ christianae antiquitati tribuenda sit auctoritas, neque illud, Scripturae ne verbis, an hominum iudicio arbitrioque, ut loqui ipsi amant, adquiescendum sit; sed hoc peto ac vero etiam postulo, quid fieri et deceat et debeat quum de eo Scripturarum textu explanando disputatur, cuius vim significationemque *incipitem sibi dubiamque* ipsimet testantur. Si verum numquam non est quod Philippus Melanchthon ad Fridericum Myconium ⁸⁰ scripsit, *videri tutum non posse a communi sententia veteris ecclesiae discedere*: et rursum ⁸¹, *magnam esse temeritatem, dogmata ferre, inconsulta ecclesia veteri, cuius iudicium contemni non potest*; id profecto longe verissimum creditum debet, quum reliqua nobis adiumenta vel deesse penitus experimur, vel non eiusmodi suppetere, quibus ad *certam veritatis consequutionem* provehamur.

At quo pertinent diversi protestantium commentarii, vel quid diversae eorumdem interpretationes significant? nimirum propinquis, insitisque hermeneuticae adiumentis neque certam obtineri interpretationem posse, neque litem

⁷⁰) Institutt. lib. IV. cap. I. §§. XII—XIV—XVII.

⁷¹) De Locis, loco XLI. de Ecclesia §. XXII.

⁷²) In I. Cor. III. 12.

⁷³) In Controversiis, Controv. III. cap. VII.

⁷⁴) Respons. ad artic. Burdeg. art. LXI.

⁷⁵) De Ecclesia, cap. VII.

⁷⁶) Epist. ad Duraeum.

⁷⁷) Apud Davenantium in epist. cit.

⁷⁸) Magno numero citantur ab Adriano et Petro De Walemburch, *De unitate Ecclesiae*, lib. II. capp. VII. seqq.

⁷⁹) De quo doctrinae capite conferri possunt quae Dionysius Petavius disputat in Prolegomenis ad Dogmata Theologica.

⁸⁰) Apud Hospinianum, pag. 114.

⁸¹) Ibid. pag. 172.

praecidi. Decuit ergo necessariumque fuit, ut sententiam christianae antiquitatis antea protestantes consulerent, quam de sincera verborum Christi interpretatione arbitrarentur.

61. Immo necessarium fuit, ut sibi religioni ducerent a recepta communi antiquitatis suffragio interpretatione divertere. Missa faciam, quae splendidissima ecclesiae lumina ⁸², institutique divinitus pastores doctoresque uno ore testantur, nefas esse haereticorumque proprium ab ea linea in enarrandis Scripturarum oraculis secedere, quam maiores sua auctoritate signarint; ac id unum monebo quod obtinere fidem apud omnes debet: non posse novos recentesque interpretes sine nota impudentis temeritatis eam *vetustissimi instrumenti* expositionem deserere, quam ii unanimes tradiderint qui primi instrumentum ipsum acceperunt, qui auctoribus propinquiores omnia multo noverant accuratius, quorum pluribus instrumenti idioma erat vernaculum, quique sese de retinenda propagandaque accepta ab auctoribus significatione sollicitos demonstrarint.

Nisi eiusmodi canon interpretibus sit sanctus, nescio an sibi constare possit hermeneutica disciplina: nescio an medium futurum sit reliquum, quo iis occurratur, quos Tertullianus ⁸³ vocat *ingenia de spiritalibus nequitiae, cum quibus luctatio est nobis*, „et qui habent vim, et in excogitandis instruendisque erroribus *felicitem non adeo mirandam*, quasi difficilem et inexplicabilem, quum de saecularibus quoque scripturis exemplum sit eiusmodi facilitatis. Vides hodie ex Virgilio fabulam in totum aliam componi, materia secundum versus, versibus secundum materiam concinnatis. Denique Hosidius ⁸⁴ Geta Medaeam tragoediam ex Virgilio plenissime exsuxit. Meus quidam propinquus ex eodem poeta inter cetera stili sui otia Pinacem Cebetis explicuit. Homero-centones etiam vocari solent, qui de carminibus Homeri propria opera more centonario ex multis hinc inde compositis in unum sarcium corpus. Et utique *fecundior divina literatura* ad facultatem cuiusque materiae. *Nec periclitor dicere, ipsas quoque Scripturas sic esse ex Dei voluntate dispositas, ut haereticis materiam subministrarent*, quum legam oportere haereses esse, quae sine Scripturis esse non possunt.“

Jamvero non aliis meliori iure tribuas, quod omnium primi Scripturae instrumentum acceperint, quod fuerint auctoribus viciniore, quod instrumenti linguam habuerint vernaculam, quodque semet expositionis semel traditae tenaces ostenderint quam iis per quos sententia christianae antiquitatis ad nos usque pervenit. Necessarium igitur protestantibus fuit, sententiam iudiciumque christianae antiquitatis explorare, illudque complecti, ne secus vitium impudentis temeritatis contraxisse viderentur.

⁸²) Horum sententias, constantemque doctrinam expendit, illustratque Ludovicus Thomassinus, T. III. Dogmat. Theologic. Tract. I. de Prolegomenis Theologiae, capp. XVIII. seqq.

⁸³) De Praescriptt. cap. XXXIX.

⁸⁴) De hoc nomine aliter ab aliis lecto vide Rigaltii adnotationem.

62. Sed, quod omnium pace dictum velim, certum mihi compertumque est, antea protestantes de textus interpretatione iudicasse quam antiquitatis sententiam expendissent, et ab hac, quam non cognoverant, penitus aberrasse. Utrumque, quo potero brevius, expediám.

Praesto adhuc sunt opera *saeculo sexto-decimo* ab illis edita, et in quibus quum alia exstant miserrimae illius aetatis *propria*, tum maxime eminet incredibilis quaedam et ad stomachum usque creandum facta ⁸⁵ christianae antiquitatis, traditionisque contemptio. Haec in iis ad omnem paginam, neque sine fastidio legas: solis inhaerendum esse Scripturis, seponendos esse Patres, pontificiosque exagitandos, qui solam habeant Traditionem quam crepent, solosque Patres, quorum humana auctoritate suas corruptelas vendibiles reddant. A primis iam saeculis, ipsaque martyrum aetate sordes inhaesisse ecclesiae, neque venam traditae doctrinae illimem defluxisse. Quid iamvero censes? verisimile ne putas, qui hosce in Patres, Traditionemque animos gererent, impensam eos dedisse operam, ut christianae antiquitatis monimenta excuterent, sententias cognoscerent, cognitaeque vererentur? fructus sunt isti aestimationis et obsequii, non contemptus et odii. Est igitur *omnino probabile*, antea secum statuuisse protestantes quid de verbis Christi affirmarent ⁸⁶ negarentve, quam de cognoscenda christianae antiquitatis interpretatione sedulo cogitarint.

Cui probabilitati *vis* additur *certitudinis*, si libri ab iis contra Petri prae-rogativas eodem saeculo evulgati aliqua cura inspiciantur. Horum ego ob oculos habeo numerum non exiguum, meque admiratione percelli profiteor dum considero, hinc quidem inauditam affirmandi negandique confidentiam, inde vero totius christianae antiquitatis inscitiam singularem. Vix enim aliquot in iis reperiás veterum lacinias, et Augustinum si exceperis semel iterumque citatum, reliqui Patres omnes, graeci latinique, Pontifices, synodi, historia penitus conticescunt. Dubitari igitur non potest, de interpretatione verborum Christi prius decrevisse protestantes, quam sua studia ad exquirendam christianae antiquitatis sententiam converterint. At quo exitu? illo ipso qui erat non exspectandus, sed prudentissime metuendus. Ab interpretatione scilicet totius christianae antiquitatis pondere stabilita longissime discesserunt.

At enim ista forte audentius dicimus quam par foret, aut nobis certe pensum imponimus nonnisi proluxa tractatione complendum? aliter orationem inflexissem, viamque iniissem aliam, si mihi alterutrum necessarium existimassem. Putavi enim ac etiam num puto, neque audacia opus esse ut accusentur, neque prolixiori disputatione ut protestantes convincantur, quod unanimem antiquitatis traditionem neglexerint ac damnarint.

⁸⁵) Quod habes praeclare demonstratum in opere, *La Perpetuité de la Foi*. T. II. Liv. I. chap. I.

tigisse in controversia de propria significatione verborum, quibus Eucharistiae institutio effertur, laudato in opere, capp. II. seqq., perspicuis argumentis demonstratur.

⁸⁶) Id zwinglianis, calvinianisque con-

63. Enimvero quum plurimae⁸⁷ sint loquendi formulae de Petri praerogativis adhibitae, atque in Patrum libris, gestis synodorum, Pontificum litteris, monumentisque liturgicis usurpatae; prae reliquis tamen frequentiori usu, pleniorique consensione eae celebrantur, quibus ipsemet dicitur *petra*⁸⁸ *ecclesiae, aedificandae ecclesiae*⁸⁹ *petra, aedificationi ecclesiae*⁹⁰ *subiacens, aedificationem ecclesiae in se ipsum*⁹¹ *recipiens, στερεά*⁹² *πέτρα, petra quam non vincunt*⁹³ *superbae inferorum portae, petra*⁹⁴ *solidissima, cui*⁹⁵ *Dominus sui nominis, quo petra nuncupatur, communionem indulsit, secundum*⁹⁶ *a Christo fundamentum, magnum*⁹⁷ *ecclesiae fundamentum, fundamentum*⁹⁸ *simpliciter ac θεμελίον, fundans*⁹⁹ *ecclesiam sua firmitate, firmamentum*¹⁰⁰ *ecclesiae, apostolus in quo est*¹⁰¹ *ecclesiae firmamentum, firmamentum*¹⁰² *fidei, columna*¹⁰³ *ecclesiae, eiusque*¹⁰⁴ *crepido. E quibus liquet appellationes fundamenti ecclesiae,*

⁸⁷) Harum bene multas collegit Franciscus Harlay archiepiscopus rothomagensis, Apolog. Evang. lib. II. pag. 235, edit. Paris. MDCXXV.

⁸⁸) Ab Hilario pictaviensi in Matth. XV. n. 6, in Ps. CXXXI. n. 4, et de Trinitate lib. VI. n. 20; Gregorio nazianzeno, Orat. XXVI. pag. 453, Ambrosio in primo ex hymnis, cuius meminit etiam Augustinus, Retract. lib. I. cap. XXI, et Epiphonio in Ancor. n. 9.

⁸⁹) A Tertulliano de Monogam. cap. VIII, Origene in Ps. I. apud Eusebium, H. E. lib. VI. cap. XXV, Cypriano epist. LXXI. ad Quintum, et Firmiliano epist. ad Cyprianum, quae est LXXV. inter Cyprianicas.

⁹⁰) A Basilio con. Eunomium lib. II. n. 4, et Zenone lib. II. tract. XIII. n. 2.

⁹¹) Ab iisdem.

⁹²) Ab Epiphonio, Haeresi LIX. n. 7.

⁹³) Ab Augustino in Ps. con. partem Donati, et Leone in Serm. XCVIII. al. XCIV. cap. I, ubi Petrum *apostolici ordinis principem* vocat, qui *beatitudinis felicitate donatus, sacram inviolabilis petrae acciperet firmitatem, super quam fundata ecclesia portis inferi et mortis legibus praevaleret.*

⁹⁴) A Theodorito epist. LXXVII.

⁹⁵) En verba Maximi taurinensis in

Serm. pro Natali Petri et Pauli: „Hic est Petrus, cui Christus Dominus communionem sui nominis libenter indulsit; ut enim sicut Paulus apostolus edocuit, *petra erat Christus*, ita per Christum Petrus factus est petra, dicente ei Domino: *tu es Petrus, et super hanc petram aedificabo ecclesiam meam.*“

⁹⁶) A nazianzeno Gregorio in homilia Archieratico inserta.

⁹⁷) Ab Origene in Exod. hom. V. n. 4.

⁹⁸) In Sacramentario Gallicano edito a Mabillonio T. I. Musei Italici, pag. 343; in Missali Mozarabo apud Josephum Blanchinium T. I. collect. opp. Cardinalis Thomasii, pag. 124; in synodo ephesina, Act. III; et in epist. I. Pseudo-Clementis ad Jacobum fratrem Domini, n. 1.

⁹⁹) A Petro Chrysologo, Serm. CLIV.

¹⁰⁰) Ab Ambrosio de Virginit. cap. XVI.

¹⁰¹) Ab eodem in Lucam, lib. IV. n. LXX.

¹⁰²) A Chrysostomo in homilia de talentorum decem millium debitore, T. III. pag. 4.

¹⁰³) A Philippo apostolicae sedis legato, Act. III. ephesini concilii.

¹⁰⁴) A chalcedonensi synodo, Act. III: „Sanctissimus et beatissimus episcopus magnae senioris Romae Leo, per nos et per praesentem sanctam synodum, una

ac eius super quem fundata est ecclesia, non minus in christianis monimentis proprias esse Petri, quam in romanis monimentis appellationibus *africani* et *cretici* Scipio, Metellusque distinguantur.

Porro hae formulae tanta consensione receptae, omniumque usu frequentatae eiusmodi sunt, ut suam demonstrent *originem, communemque fidem* patefaciant. Suam demonstrant originem, illamque non aliam a Christi verbis, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν: communem vero fidem patefaciunt, quum nihil sit vulgato constantique loquendi usu ad fidem ostendendam sive accommodatius, sive validius. Igitur *ubivis, ab omnibus, semper* creditum est, Christi verba ad Petrum spectare, iisque Petrum ecclesiae fundamentum destinari. Atqui haec est illa fides, illa ipsa Scripturae interpretatio, quam antiquiores maxime protestantes oppugnandam, convellendamque credidere, et propter quam tantas turbas, tantosque tumultus adversus catholicos conviciis *papistarum, romanensium, sophistarumque* notatos concitarunt. Triti omnium manibus controversiarum libri, criticorumque sacrorum συλλογὴ me ab onere levant testimonia recitandi, potestatemque faciunt concludendi, neque consuluisset, uti debebant, protestantes christianae antiquitatis sententiam, neque illi adquievisse, sed ab ea devios non sine nota impudentis temeritatis discessisse.

64. Verum iam telam retexo, ὑπόθεσιν ad limam revoco, sciscitorque iure an iniuria praesens de quo disserimus textus *obscurus* habeatur. Haberi autem obscurum non posse contendo, argumentisque confirmo. E quibus primum sit *negans*, ac omnino huiusmodi: obscuritas textus si qua sit, ea dimanet oportet sive ex lectione, sive ex vocabulis seorsum acceptis, sive ex phrasibus, sive ex orationis structura, sive ex materia eidem subiecta. Si enim et lectio sit certa, et vocabula trita, et phrases compertae, et σύνταξις usitata, et materia conspicua, nullus esse locus obscuritati potest. Nihil autem horum in verbis Christi desideratur: non lectionis certitudo, quum ea sit indubitata: non vocabulorum et phrasium evidentia, quum ea sit splendidissima, nullumque occurat vocabulum insolens, nullaque phrasis impedita: non structura ad leges expressa, quum ea sit simplicissima: non denique materia conspicua, quum ea sit obvia atque plana. Nequit ergo textus censi obscurus, neque ex eiusdem obscuritate repeti commentariorum ¹⁰⁵ varietas, qua secum ipsis et cum catholicis protestantes confligit.

Et de *evidentia* quidem textus praeclarum est iudicium, quod non pauci ex antiquioribus protestantibus tulere, quodque recentiores plerique omnes sequuntur. Negarunt illi videri dubium posse, an *unum idemque subiectum* duplici nomine *Petri* ac *petrae* significetur: negant idipsum quotquot recentiori aetate scripserunt. Eorum nominibus, quos Wolfius ¹⁰⁶ et Koecherus ¹⁰⁷ laudarunt, addi

cum ter beatissimo et omni laude digno b. Petro apostolo, qui est πέτρα καὶ κορυφὴ τῆς καθολικῆς ἐκκλησίας, καὶ τῆς ὁρθοδόξου πίστεως ὁ θεμέλιος, nudavit Dioscorum episcopatus dignitate.

¹⁰⁵) nn. 55 — 56.

¹⁰⁶) n. 55.

¹⁰⁷) n. 56.

plura ¹⁰⁸ facile possent; sed multo fore utilius arbitror referre, quae duumviri eruditissimi Bengelius et Dodwellus affirmant et probant.

65. Ille igitur in Gnomone ¹⁰⁹ his plane verbis utitur: „Πέτρος alias denotat *lapidem*; sed in Simone *petram*. Enimvero talem virum non conveniebat ¹¹⁰ appellitari *Petram* foeminina terminatione: vicissim Matthaeus (satius graecus Matthaei interpret) libenter scripsisset, ἐπὶ τούτῳ τῷ πέτρῳ, si sermonis ratio tulisset. Quare haec duo, πέτρα et πέτρος stant pro uno nomine, sicut unum utrinque nomen *kepha* legitur in syriaco. *Petrus* heic ponitur ut proprium, dicitur enim, *tu es*, non, *tu eris*; et tamen connotatur aperte vis appellativi, ut *petram* denotet.“ Tum aliquot commemoratis Petri ornamentis subdit: „Praeterea hic potissimum *fratres suos confirmare, ovesque et agnos Domini pascere* iussus est. Atque illustre cognomen, alias ipsi Christo tribui ¹¹¹ solitum, qui item *petra* dicitur, haud sine maximae rei significatione inditum Petro esse oportet, qui etiam in catalogo apostolorum *primus* dicitur, et primo semper loco ponitur, Matth. X. 2, vide etiam I. Petr. II. 4—7.“

Plenius eamdem sententiam confirmat ¹¹² Dodwellus, ac *petrae* nomine intelligi *Petrum* oportere demonstrat: „1°. Quod *nomina* (hominibus a Deo facta) ut plurimum de ipsa *persona* agnominata, pro usitatissimo Scripturarum more, intelligenda sint. Quod probant orthodoxi de nomine *Emmanuel* adversus socinianos. 2°. Quod nomen illud *Cephae*, cui respondet illud *Petri graecum*, diu ante confessionem illam, a prima usque eius conversione inditum ei fuerit a Domino. 3°. Quod *emphatica* sint illa, *dico tibi, quia tu es Petrus, et super hanc petram*, quasi *de eodem* dicta essent omnia. Praesertim 4°. quia in

¹⁰⁸) Cf. Poli Critic. Sacr. Synopsis ad Matth. XVI. 18.

¹⁰⁹) Gnom. ad Matth. XVI. 18.

¹¹⁰) Quamquam πέτρος καὶ πέτρα significatione non distent, nihilominus I. ad rupem exprimendam, lapidemque denotandum multo est usitatius nomen πέτρα, pro quo nonnisi rarissime (II. Macc. I. 16, IV. 41, in fragm. Aquilae, Ex. IV. 21, Ps. LXXVIII. 15, apud Homerum Iliad. ζ'. v. 270, Euripidem, Med. v. 28, et Xenophontem, Anab. lib. IV. 5—8.) πέτρος adhibetur. Fuit autem II. cur graecus interpret in priori inciso πέτρον, in altero πέτραν diceret. Ne scilicet vel rariori uteretur vocabulo, vel nomine feminae terminationis hominem appellaret, quod sine contemptus indicio fieri vix posse videbatur.

Quibus III. refellitur Lightfooti coniectura, idcirco duo incisa seiungi oportere, quod in altero legamus, καὶ ἐπὶ ταύτῃ τῇ πέτρῃ, non autem, καὶ ἐπὶ τούτῳ τῷ πέτρῳ. Multo est verior accuratioque IV. Theodori Bezae animadversio scribentis: „Dominus syriace loquens nulla usus est agnominatone, sed utrobique dixit *Cepha*; quemadmodum et vernaculum nomen *Pierre* tam de proprio, quam de appellativo dicitur. In graeco quoque sermone πέτρος et πέτρα non re sed terminatione tantum differunt.“

¹¹¹) Similia habet Hieronymus in Jerem. lib. III. cap. XVI: „Non solum enim Christus *petra*, sed et apostolo Petro donavit, ut vocaretur *petra*.“

¹¹²) Dissertt. Cyprianic. Diss. VII. §. XXXI.

idiomate *syriaco*, quo *loquutus* est Dominus, quo *scripsit* etiam evangelista, periret illa omnis *paronomasia*, ex qua illas (de petra, quae sit Christus vel fides de Christo), quas diximus, eliciunt interpretationes, nec plus quam *una* utrobique vox occurreret, nimirum illa *Cephae*; et quidem 5°. *paronomasiam* illam propterea induxisse videtur *graecus* evangelistae *interpres*, tum quod *Petri* nomen *masculinum viro* esset magis congruum, tum quod eo dumtaxat nomine apud *graecos* appellari solitus esset, tum maxime quod *πέτρον* nomen licet *saxis* commune apud *graecos*, at certe *cantibus* designandis, quae quidem solidissima essent aedificii construendi *fundamenta*, est quidem *πέτρας* illud longe usitatius. Unde constat *graecis* auribus quam fuerit *paronomasia* non *elegans* modo sed plane necessaria. Quae tamen non vidisse *latinos*, non est mirum, *graecae* linguae atque *syriacae* pariter ut plurimum imperitos.“

66. In hac autem interpretatione statuenda unanimes sunt recentiores protestantes, e quibus duos commemorabo, Rosenmüllerum patrem, testem ceteroqui minime bonum, et Theophilum Kuinoel haud paullo eruditorem. Prior ¹¹³ ad verba, *σὺ εἶ Πέτρος*, scribit: „*Πέτρος* respondet nomini syriaco *κηφᾶς*, quod antea erat ipsius nomen, a *כֶּפֶן*, *petra*. *Πέτρον* autem *ὄρος*, *montem* sive *rupem* etiam apud Homerum interpretantur critici. Et Christus imponit ipsi nomen *Petri* non *Petrae*, quia terminatio foemina non videbatur esse conveniens viro; quamquam et hoc notandum est, atticos scriptores, Sophoclem et Aeschinem etiam *πέτρον* dixisse, quorum loca indicavit Jo. Alberti Obs. Philolog.“

Ad ea vero progressus quae sequuntur, *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*, ait: „*Petra* nec est confessio Petri, nec Christus semetipsum digito vel nutu designans (quas interpretationes nec contextus admittit), sed ipse Petrus. Dominus syriace loquens nulla usus est agnominatione, sed utrobique dixit *Cephas*, quemadmodum gallicum nomen *Pierre* tam de proprio quam de appellativo dicitur. Designavit itaque digito aut nutu *Petrum*; id enim conveniebat proposito reddendae rationis impositi nominis. Ita de *Abrahamo* dictum: nomen tuum erit Abraham, quia patrem multarum gentium te constitui. *Jacobo*: Israel erit nomen tuum, nam ut principem te geris apud angelos et homines. Ita Christus: Petrus a me nominatus es, quia eris quasi petra.“

Neque secus Kuinoel, qui verba Salvatoris hoc commentario ¹¹⁴ explanat:

¹¹³) In Scholiis ad Matth. XVI. 18.

¹¹⁴) Comm. ad Matth. XVI. 18. Constatit Schleusner, qui in Lexico N. T. ad vocem *πέτρα* scribit: „Matth. XVI. 18: *Ἐπὶ ταύτῃ τῇ πέτρᾳ οἰκοδομήσω μὲν τὴν ἐκκλησίαν*, tibi, velut fundamento, saxo solido constanti, superstruam ecclesiam christianam.“

Neque aliter D. Bloomfield in anglico ad hunc locum commentario, qui I. notat, sententiam esse recentioribus interpretibus communem, unum idemque subiectum duplici nomine *πέτρον* καὶ *πέτρας* significari: et merito, pergit II. ut enim episcopus Marsh scite monuit, *ἀδύνατα* tentant, qui *πέτρον* a *πέτρᾳ* seiungere moliantur. Ca-

„Ego vero vicissim (ἀλλά, ut X. 22.) tibi dicam, quis tu sis, et quid a te expectandum sit. *Σὺ εἶ Πέτρος*, tu vere nominaris Petrus, idest, rupes, saxum, nomen et omen habes. Sic Gen. XLIX. 8. *יְהוֹנָדָה אֶתָּה*, tu recte nominaris *Juda*, nam *יְהוּדָה*, quod sequitur, alludit ad nomen *יְהוֹנָדָה*, add. Gen. XXVII. 36. Nomen *Πέτρος*, sive potius *בִּיפֶה*, hoc est, *πέτρος*, rupes, Jesus imposuerat Petro; usus autem est Jesus syro-chaldaice loquens vocabulo *בִּיפֶה*, et Matthaeus eadem dialecto scribens illud ipsum quoque vocabulum adhibuit. Sed Matthaei graecus interpres primo loco scripsit *πέτρος*, et altero *πέτρα*, quia proprium apostoli nomen graecum non erat *πέτρα* sed *πέτρος*. Nullum autem discrimen his vocabulis inest; imo graeci promiscue dicunt *πέτρος* et *πέτρα* ad significandum *saxum*, *rupem*. Sic *πέτρος* legitur Herodot. IX. 55, Callim. h. Apoll. 22, Sophocl. Oed. Tyr. 342. vid. Fischeri index Aeschin. s. v. *πέτρος*, et Albertius ad h. l.“

Alterum vero incisum sic reddit: „*Et super hac rupe ecclesiam meam exstruam*, quae verba edisserens Jesus Petrum manu vel digito tetigisse putandus est. *Male* enim plures interpretes per *πέτρῳ* intellexerunt vel Christum ipsum, vel professionem Petri paulo ante editam. Neque vero *ad has contortas interpretationes* confugissent interpretes, si non *pontificii* ¹¹⁵ e verbis, *καὶ ἐπὶ ταύτῃ τῇ πέτρᾳ*, ad Petrum relatis, male ac perperam vindicare voluissent Petri successoribus, hoc est, pontificibus romanis auctoritatem et praerogativam singularem ac divinam.“

67. Ceterum quo erat utroque et doctior et sagacior, eo protestantium *ψευδοδοξίαν* multo refutavit validius Henricus ¹¹⁶ Michaelis, cuius verba fide qua

nones namque omnes III. legitimae interpretationis utriusque coniunctionem evidentissime postulant. Quam ultro IV. vetustiores protestantes concessissent, nisi sibi, suaeque causae a pontificiis timuissent; et nisi ab analogia fidei alienum existimassent, eam dotem adscribere Petro, quae Is. XXVIII. 16, I. Cor. III. 11, et I. Petr. II. 6—7—8. Christo tribuitur. Sed V. non magis pontificii urgent verba, *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*, quam insequentia, *καὶ δώσω σοὶ τὰς κλεῖς*: neque illis magis quam his Petri praerogativas tuentur. Quemadmodum igitur protestantium nemo sibi idcirco proposuit, ut verba, *καὶ δώσω σοὶ τὰς κλεῖς*, a Petro averteret; ita non fuit, quod

etiam episcopus Middleton vidit, cur eadem de causa praecedentia verba referri ad Petrum posse negarent. Studium vero VI. servandae analogiae inconsultum videri debet, quum omnino aliter Christus et Petrus ecclesiae petra, fundamentumque dicantur.

¹¹⁵) Qua confessione nescio quid considerari possit pontificiis honestius. Ex ea enim sequitur, propositam ab iis defensamque interpretationem adeo fuisse perspicuam, ut dogmaticis quidem coniecturis obscurari, impeti vero argumentis grammaticis, philologicis et hermenenticis nullatenus potuerit.

¹¹⁶) Introd. in libros N. T. Par. I. §. XIV. Gottingae 1788.

maiori potero, latine reddam: „Illud, inquit, huic testimonio sinistrum accidit, quod in manus venerit polemicorum, ac ex iis obscuritatem contraxerit. Quemadmodum catholicis non concedo ad romanos pontifices pertinere quae de Petro dicuntur; ita fidem adiungere nequeo protestantibus, verba ἐπὶ ταύτῃ τῇ πέτρᾳ ad Christum referri, qui digitum in semetipsum intenderit quum ea pronuntiavit. Quod illi utique dicunt, minime vero evangelista.“

„Sane quum praecedat, σὺ εἶ Πέτρος, et continuo sequatur, καὶ ἐπὶ ταύτῃ τῇ πέτρᾳ, quis studio partium non abreptus diffiteatur, *Petrum* esse *petram*? quamquam graece loquutus esset Christus, de eo dubitari non posset, quum nomen πέτρα, etsi terminatione diversum, manifestam ad Πέτρον allusionem praeferat. At Christus loquutus est chaldaice, vel potius syriace quum in Galilaea versaretur; in utraque autem lingua nullo ab invicem discrimine vocabula ܡܦܬܪܐ, πέτρα, et ܡܦܬܪܐ, πέτρος, ܡܦܬܪܐ seiunguntur. Quare interpretes syrus eadem voce, iisdem-

que litteris usus est: ܡܦܬܪܐ ܝܫܝ ܘܥܝ ܡܦܬܪܐ ܥܣ ܕܡܬܐ. His vero responsio continetur, qua illorum castigari incititia debet, qui nomina πέτρον καὶ πέτραν non solum *distincta* sed etiam *opposita* arbitrantur. Accedit pronomen ταύτῃ, quo is demonstratur qui ἀμέσως antecedit, diciturque Πέτρος, petra, πετροανήρ. Quae de digito finguntur, quem Jesus in semetipsum converterit, polemico interpreti adscribi debent, illi non possunt. Ecqui enim foret nexus inter propositiones, σὺ εἶ Πέτρος, et, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, si πέτρας nomine non Petrus, sed Christus exprimeretur? quod praemium retulisset Petrus? illi simillimum quod vir nobilis referret, quem ita imperator alloqueretur: *ego dico tibi, esse te virum nobilem, et hunc* (alium, diversumque digito monstrans) *nobilem faciam, praediisque locupletabo, quibus exspoliari non possit.*“

68. Nimirum sic omnia comparata sunt, ut nisi hoc sit certum, unum eundemque dici et πέτρον et πέτραν, et *super Petrum* aedificandam ecclesiam promitti, nihil quod sit certum, proferri posse videatur. Inspiciantur enim *antecedentia*, et quo ea pertineant, attendatur. Orditur ¹¹⁷ Jesus, μακάριος εἶ, Σίμων βάρ Ἰωνᾶ, ὅτι σὰρξ καὶ αἷμα οὐκ ἀπεκάλυψέ σοι, ἀλλ' ὁ πατήρ μου ὁ ἐν τοῖς οὐρανοῖς: tum ¹¹⁸ subdit, καὶ γὰρ δὲ σοὶ λέγω. Sed quid haec ostendunt, quid mutuo quo vincuntur nexu probant, nisi Jesum in eo esse, ut promissis collatisve donis Petrum honestet? nullum vero illi conferret donum, nullum polliceretur, nisi verba, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, ad eum pertinerent. Ecquod enim? an Petri nomen? sed illud iampridem acceperat. Praeterea quid magnifici, quid praeclari, et ad cumulandam beatitudinem idonei in nudo nomine ac re, quam significat, destituto? *Antecedentia* igitur postulant, ut verba, ἐπὶ ταύτῃ τῇ πέτρᾳ, de Petro ipso intelligantur.

Quod rursus σχέσις evincit, qua se mutuo Christi, Petrique responsiones excipiunt. Nihil enim hac conspatione evidentius:

¹¹⁷) Matth. XVI, 17.

¹¹⁸) Ibid. v. 18.

I. Σὺ εἶ ὁ Χριστός. I. Σὺ εἶ Πέτρος.

II. Ὁ υἱὸς τοῦ Θεοῦ τοῦ ζῶντος.

II. Καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.

Sicut enim utroque priore inciso *appellativum dignitatis nomen*, ita utroque posteriore *explicatio* effertur *dignitatis* appellativis nominibus adumbratae. Deperit autem, penitusque cessat haec partium harmonia atque conspiratio, si eae ab invicem divellantur. Quemadmodum igitur fas non est, verba ὁ υἱὸς τοῦ Θεοῦ τοῦ ζῶντος, a praecedentibus, σὺ εἶ ὁ Χριστός, seiungere; ita incisum, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, cum praecedente, σὺ εἶ Πέτρος, copulandum est.

Cuius coniunctionis, relationisque necessitatem *singula* quoque *verba* demonstrant, quibus testimonium ipsum continetur. Ac demonstrat imprimis verbum εἶ, *es*. Si enim Simon non *dicitur* tantum, sed ἀληθῶς est qui dicitur, ac revera πέτρος est, plane consequitur dotem illi proprietatemque convenire, ut tamquam solidissima petra ecclesiae supponatur. Si qui ergo ab eo incisum averterint, ἐπὶ ταύτῃ τῇ πέτρᾳ, hi et connexa divellere, et veritatem sermonis Christi dicentis, σὺ εἶ Πέτρος, in discrimen adducere videbuntur.

Quod et paullo aliter efferri sic potest. Non dicit Christus, *tu vocaris Petrus*, sed, *ego vero etiam dico tibi, ὅτι σὺ εἶ Πέτρος, quod tu es Petrus*, tibi quoque dos ac proprietas inest, quae metaphora ac imagine petrae significatur. Sed ea dos non illi *ex sese* inerat, quum *ex sese* mobilis esset, fragilis et inconstans. Dicendo igitur effecit Jesus quod dixit, ostenditque se illud idem esse Dei Verbum, per quod omnia facta sunt. Quorsum vero omnipotenti virtute is qui est ¹¹⁹ Patris virtus, et ¹²⁰ τὸ σκῆπτρον τῆς μεγαλωσύνης τοῦ Θεοῦ, Simonem petram reddidit, effecitque ut petrae firmitate constantiaque potiretur? erit hoc tibi perspicuum, si ad eum verba retuleris, ἐπὶ ταύτῃ τῇ πέτρᾳ, quae si ab eo seiunxeris, nihil admodum reperies quod divinam commendet Christi providentiam et maiestatem. Liquet igitur non aliud iis designari subiectum quam Petrum.

Quod iterum suadent et particula καὶ, et pronomen τοῦτο. Illa enim *suapte natura* iungit copulatque sermonem, istud vero subiectum demonstrat quod proxime antecedit. At si verba ἐπὶ ταύτῃ τῇ πέτρᾳ, a Petro separes, neque particula καὶ vim copulandi, neque pronomen τοῦτο vim retinebit demonstrandi subiecti, quod ἀμέσως praecedit: opus erit obliquas illis significationes adnectas, principesque vires hermeneuticas leges. Quae violatio eo videri in praesentia gravior debet, quo manifestius est, incisum consequens, media particula καὶ, cum antecedente coniungi, tamquam *effectum cum causa*, vel *signum cum re quam denotat*. Et hanc sane copulandi rationem ¹²¹ mutuus

¹¹⁹) I. Cor. I. 24. coll. Joh. I. 3. Hebr.

I. 2.

¹²⁰) Hac periphrasi Christus a Cle-

mente designatur in priore ad Corinthios epistola, §. XVI.

¹²¹) Quum duo plurave copulari mul-

probat incisorum respectus, e quo talis prodit sensus: *tu es Petrus*, lapisque firmissimus, *et ideo* (significatione *effectus*), vel *quoniam* (potestate *signi*) *super hanc petram*, immotumque lapidem *aedificabo ecclesiam meam*.

Quid vero illud, *οικοδομήσω*? si de seipso Jesus, non de Petro verba ἐπὶ ταύτῃ τῇ πέτρᾳ, pronunciasset, numquam *οικοδομήσω*, sed prorsus *οικοδομῶ* dixisset; nam et ecclesiae aedificium sibi incumbens iampridem inchoaverat, inchoatumque etiam tum promovebat. Ea igitur de Petro pronunciavit. Quod adhibita *imago*, orationisque *decorum* pari evidentia confirmant. Utitur namque Jesus emblemate *principis architecti*, atque huius sibi *personam*, *munusque* asserit, inquires, *οικοδομήσω μου τὴν ἐκκλησίαν*. Nemo autem non cernit αἰτοπον esse, ut unus idemque eadem imagine, eodemque emblemate¹²² veluti *princeps aedificii architectus*, ac *illius fundamentum* repraesentetur. Selecta igitur imago, orationisque *decorum* non sinunt, ut verba, ἐπὶ ταύτῃ τῇ πέτρᾳ, de Jesu intelligantur. Unus autem reliquus est Petrus, de quo accipi possint. De Petro igitur accipienda sunt, in quem Jesus, uti sapiens architectus, idcirco primas sollicitioresque curas ostendit, ne secus extruendum deinde aedificium inconstantia fundamenti nutaret.

Quid? quod ne oriri quidem suspicio possit, an alius diversusque sit, qui primum πέτρος, quique postea πέτρα nuncupatur? atqui ita omnino se res habet. Fac enim legeres, *κἀγὼ δὲ σοὶ λέγω, ὅτι σὺ εἶ πέτρα, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*. Etiamsi maxime cuperes, de alio tamen diversoque subiecto pro alterutro inciso cogitare non posses. Sed ita plane loquutus est Jesus, ita Matthaeus scripsit, quum uterque utroque in membro idem *ἰσθ* nomen adhibuerit. Ipsa igitur suspicio praeciditur, ne de alio forte quam de Petro dictum arbitremur, *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*.

Sane, ut nonnihil secus idem explanem, commentarius, *ὁ ἐρμηνεύεται*

tipliciter possint, inter alios modos particula *καὶ* expressos hi saepe recurrunt, quibus coniunctio designatur vel *effectus cum caussa*, et *rei signatae cum signo*, vel *caussae cum effectu*, et *signi cum re signata*. Prioris usus exempla, in quibus *καὶ* reddi debet *ideo*, *idcirco*, *igitur*, *itaque*, *unde*, *propterea*, esse possunt Act. VII. 43, Luc. XII. 29. coll. Matth. VI. 31; Matth. X. 1. coll. IX. 37—38; Marc. IX. 5, I. Cor. V. 13, Galat. II. 16. Posterioris vero, in quibus idem valet ac *nam*, *enim*, habentur Luc. I. 14, Joh. III. 13, I. Cor. XIV. 32, I. Joh. III. 4, Apoc. I. 18.

Etiam apud hebraeos particula *ἡ* utram-

que saepe significationem refert, Deut. IV. 39, X. 19, Jos. I. 2, Gen. XXII. 12, Judd. VI. 14, Ps. LX. 13, illique alexandrini substituunt modo *οὖν*, modo *καὶ*, qua item Jerem. XLIV. 23, Is. V. 25. vertunt *ὅψω* *כִּי־לָכָה* *propterea*.

Jamvero in locis nostro plane geminis, et quibus impositio nominum, earumque declaratio continetur, cuiusmodi sunt Gen. XVII. 5—15, XXXII. 28, II. Sam. XII. 24—25...., particula *καὶ* alterutram significationem constanter exhibet.

¹²²) Qui sentiunt *decorum* rhetoricum, a nobis, opinor, non dissidebunt.

Πέτρος, quem Johannes ¹²³ subiicit Christi verbis, *σὺ εἶ Σίμων, ὁ υἱὸς Ἰωνᾶ*· *σὺ κληθήσῃ Κηφᾶς*, luculenter ostendit, *πέτρον* esse vocabulum *ἐρμηνείας*, ac nomen Simoni revera promissum, et deinde collatum fuisse *Κηφᾶν*. Porro syriacum *κηφᾶς* quum *πέτρος* tum *πέτρα* graece effertur, et duo vocabula ita terminatione differunt, ut significandi potestate ¹²⁴ consentiant. Quod igitur graece legimus, *σὺ εἶ Πέτρος, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*, idem *significatione* valet ac si legeremus, *σὺ εἶ πέτρα, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*. Sed si hoc alterum legeremus, ne possemus quidem de *πέτρᾳ* a *πέτρῳ* divellenda suspicari. Necesse igitur est, ut unum eundemque Simonem duplici nomine *πέτρον καὶ πέτρας* expressum demonstratumque credamus.

Accedunt ¹²⁵ *consequentia* particula *καὶ* tam arcte cum antecedentibus nexa, ut *idem utrorumque subiectum* significari evidentius non possit. Subiectum autem consequentium exprimitur pronomine *σοί, τibi*, qui est Petrus. Idem igitur est subiectum, de quo dicitur, *σὺ εἶ Πέτρος*, ac mox, *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*.

69. Ea hactenus persequuti sumus argumenta, quae *propinqua, insitaeque* nominantur; his duo adiciamus *externa* ac *paullo remotiora*, neque propterea vel ad faciendam fidem, vel ad animos commovendos minus accommodata. Mihi enim persuadere non possum homines reperiri, qui sibi tantopere fidant, eosque spiritus alant, ut aspernentur, nulloque in numero habeant veterum Scripturae interpretum unanimem consensionem. Haec enim consensio duplici maxime nomine se nobis vehementer commendat, *eruditione* inprimis ac ipsorummet interpretum *peritia*: *illarum* deinde *ecclesiarum suffragio*, in quarum gratiam suas ipsi interpretationes edebant. Neque enim opinari possumus, quidquam iis fuisse antiquius, quam ut interpretationes praeferrent, quas communi, pleniorive ecclesiarum consensione probatas agnoscerent.

Age iam, ac oculos in polyglotta Waltonii biblia converte, interpretationesque *syriacam, arabicam* ¹²⁶, *persicamque* considera. Videntur ne tibi interpretes suspicati, alium forte esse qui *πέτρος*, ac alium qui mox *πέτρα* nuncupatur? fuisse illos ab eiusmodi suspitione alienissimos inde liquido constat, quod una eademque voce pro sua quisque lingua, distincta terminatione nomina *πέτρον καὶ πέτρας* reddiderit. His adde *armenium* interpretem, quem Griesbachius ¹²⁷

¹²³) Joh. I. 43. Hunc commentarium omittit Syrus.

¹²⁴) Ad rem Hieronymus in epist. ad Galat. II: „Non quod aliud significet *Petrus*, aliud *Cephas*; sed quod quam nos latine et graece *petram* vocamus, hebraei et syri propter linguae inter se viciniam *Cephā* nuncupant.“

¹²⁵) Matth. XVI. 19.

¹²⁶) Dolo ne malo, an casu factum sit, nescio, illud scio in arabicis Scripturis cura Biblicae Societatis editis Londini anno 1825, et Calcuttae anno 1826, non idem vocabulum in utroque inciso, sed in priore بطرس, in altero vero الحجر adhiberi.

¹²⁷) Ad Matth. XVI. 18. not. n.

allegat, tum tecum reputa, an levi auctoritatis pondere stabiliatur, Petrum esse de quo Jesus dixit, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν. Gravissimum scilicet est hoc pondus auctoritatis, neque eo tamen maius, quod e suffragio eorum omnium existit, qui a primordiis christianae religionis ad nicaena usque tempora ¹²⁸ floruerunt, suamque de Christi verbis sententiam litteris consignarunt.

Hos ego novi esse omnino *sex*, Tertullianum et Cyprianum in Africa, Origenem Alexandriae, Caesareae Firmilianum, Stephanum et Hippolytum Romae. Atqui nemo horum est qui a protestantibus non dissideat, qui nobiscum non consentiat, apertisque verbis non declaret, Petrum esse quem Dominus futurum ecclesiae fundamentum destinaverit. Adducantur testes, ac testimonia recitentur. Testimonium ¹²⁹ Tertulliani: „Latuit aliquid Petrum aedificandae ecclesiae petram dictum, claves regni caelorum consequutum, et solvendi et alligandi in caelis et in terris potestatem?“ Item ¹³⁰: „Super te, inquit, aedificabo ecclesiam meam, et tibi dabo claves non ecclesiae, et quaecumque solveris vel ligaveris, non quae solverint vel alligaverint. Sic enim et exitus docet, in ipso ecclesia exstructa est.“ Rursum ¹³¹: „Quae ecclesia super illum (Petrum) aedificata est.“ Testimonium Cypriani ¹³²: „Petrus, quem primum Dominus elegit, et super quem aedificavit ecclesiam suam.“ Denuo ¹³³: „Petrus cui oves suas Dominus pascendas tuendasque commendat, super quem posuit et fundavit ecclesiam.“ Testimonium Origenis ¹³⁴: „Vide magno illi ecclesiae fundamento et petrae solidissimae, super quam Christus fundavit ecclesiam, quid dicatur a Domino: modicae, inquit, fidei, quid dubitasti?“ Rursum ¹³⁵: „Petro quum summa rerum de pascendis ovibus traderetur, et super illum veluti super petram fundaretur ecclesia, nullius alterius ab eo virtutis confessio nisi caritatis exigitur.“ Testimonium ¹³⁶ Firmiliani: „Qualis vero error sit, et quanta sit caecitas eius qui remissionem peccatorum dicit apud synagogas haeticorum dari posse, nec permanet in fundamento unius ecclesiae quae semel a Christo supra petram solidata est; hinc intelligi potest, quod soli Petro Christus dixerit: quaecumque ligaveris super terram, erunt ligata et in caelis: et quaecumque solveris super terram, erunt soluta et in caelis.“ Testimonium Stephani ¹³⁷ apud Firmilianum: „Atque ego hac in parte iuste indignor ad hanc tam apertam et manifestam Stephani

¹²⁸) His me limitibus circumscribo, I. quod haec vetustissima traditio apud omnes maximum auctoritatis pondus obtineat: deinde vero II. ne prolixius excurrat oratio: ac III. ne varietate interpretationum, quae apud consequutos patres occurrunt, sibi aliisque protestantes negotium creent.

¹²⁹) De Praescriptt. cap. XXII.

¹³⁰) De Pudicit. cap. XXI.

¹³¹) De Monogam. cap. VIII.

¹³²) Epist. LXXI.

¹³³) De habit. virg.

¹³⁴) In Exod. hom. I. n. 4.

¹³⁵) In epist. ad Rom. lib. V. n. 10.

¹³⁶) In epist. ad Cyprianum, quae est inter cyprianicas epist. LXXV.

¹³⁷) Apud Firmilianum in laudata ad Cyprianum epistola.

stultitiam ¹³⁸, quod qui sic de episcopatus sui loco gloriatur, et se successionem Petri tenere contendit, super quem fundamenta ecclesiae collacata sunt, multas alias petras inducat, et ecclesiarum multarum nova aedificia constituat, dum esse illic baptisma sua auctoritate defendit. “ Testimonium ¹³⁹ Hippolyti: „Διὰ τούτου τοῦ πνεύματος Πέτρος ἐφ' ἐξέτατο τὴν μακαρίαν ἐκείνην φωνήν· σὺ εἶ ὁ Χριστός, ὁ υἱὸς τοῦ Θεοῦ ζῶντος· διὰ τούτου τοῦ πνεύματος ἐστρεώθη ἡ πέτρα τῆς ἐκκλησίας. Hoc actus Spiritu Petrus extulit beatam illam vocem, *tu es Christus filius Dei viventis*: huius virtute Spiritus petra ecclesiae consolidatus est.”

En argumenta *externa internis, insitisque* consentiunt: cum *Scripturis Traditio* conspirat: et quod *instrumentorum* verbis ostenditur, suffragio *testium* confirmatur. Vel igitur nihil est quod planum fieri instrumentis ac testibus possit, vel hoc utique est, Petrum dici πέτραν, eumque ecclesiae fundamentum designari.

70. In tanta probationum copia illam sibi prae reliquis excutiendam profligandamque Salomon Glassius delegit, quam ex ἰσοδυναμία nominum πέτρον καὶ πέτρας desumpsimus. Quare ubi ¹⁴⁰ de παρωνομασίᾳ loquitur, quam Quintilianus προσηγορίαν, Hermogenes παρήχησιν, et hebraeorum magistri לשון נופל על הלשון, *vocabulum cadens super vocabulum alterum*, appellant; sic omnino habet: „Evidens cumprimis paronomasiae huiusmodi exemplum est Matth. XVI. 18, ubi Christus post editam de se confessionem, quae a Petro ¹⁴¹ nomine omnium facta erat, ita ad nomen eius (quod ei indiderat Joh. I. 41.) alludens loquitur: *Tu es Πέτρος et super hac Πέτρᾳ aedificabo ecclesiam meam*. Ad Petri, inquam, nomen fit allusio, de se autem Christus loquitur, prout in confessione Petri celebratus pro Christo filio Dei viventis fuerat, ipso Petro interprete I. epist. cap. II. 4—5—6.”

Sed quae ista est ratio, sermonis membra paronomasia iungi, ab eo propterea qui πέτρος dicitur, distinctum esse diversumque qui πέτρα nuncupatur? cur non potius arbitrabimur, incisa apud Matthaeum eo fere modo coniungi, quo ¹⁴² haec, *vocavit nomen eius* שֵׁת Seth, כִּי שֵׁת quia posuit mihi Dominus semen aliud: tum ¹⁴³ ista, יִפַּת אֱלֹהִים לִיפַת dilatet Deus Japheto: ac ¹⁴⁴ denuo וְשָׁלוֹם וְשִׁקָּט אֲתָן, *Salomo erit nomen eius*, וְשָׁלוֹם וְשִׁקָּט אֲתָן על־יִשְׂרָאֵל nam pacem et tranquillitatem ponam in Israele diebus eius?

¹³⁸) Indignantis prorsus sunt verba, qui quum erraret ipse gravissime, et Stephanus catholicam fidem tueretur, ibi stultitiam eamque apertam manifestamque vidit, ubi universum christianum nomen liquidam veritatem contemplatur.

¹³⁹) In s. Theophan. n. 9.

¹⁴⁰) Philolog. sacr. lib. V. tract. II. cap. II.

¹⁴¹) Falsum istud esse, vel dextere omnino interpretandum, superius evicimus.

¹⁴²) Gen. IV. 25.

¹⁴³) Ibid. IX. 27.

¹⁴⁴) I. Paral. XXII. 9.

An paronomasiae non sunt nisi *negantes*, quaeque *allusionis subiectum* ea ostendant proprietate *nudatum*, quae mox commemoratur? immò pleraeque omnes sunt *affirmantes*, subiectoque allusionis tribuendum esse monent quod deinde expolitur. Quam vim *affirmantem* heic accipi oportere, omnia probant quae disputavimus, tum istud praeterea, quod *acceptio negans* ab orationis contextu summopere abhorreat. Hunc enim sensum redderet: *tu es Petrus* firmitate insignis, *et super hanc petram*, cuiusmodi tu non es, et qualis ego sum, *aedificabo ecclesiam meam*. Verum quid I. hoc sermone abruptius, et ab audientium expectatione remotius? quid II. a voluntate referendae gratiae significanda alienius? quid contra III. ad notandum Petrum accommodatius? Huc profecto redirent Christi verba: *tu quidem Petrus es stabilis ac firmus, non ea tamen stabilitate et constantia, ut super te aedificare possim ecclesiam meam, quam propterea non super te, sed super meipsum, qui immota sum petra, aedificabo*. An haec ad laudem pertinent, ad beatitudinem cumulandam faciunt, et eximiam praemii speciem praeseferunt? nihil minus. Igitur IV. si admitti paronomasia debet, ea *affirmans* non *negans* existimanda est.

Quamquam V. res est in tuto, quum in graeca versione paronomasia habeatur *grammatica* non *logica*; nulla autem penitus sit, si ad verba quae Christus protulit, quaeque Matthaeus scripsit, attendatur. Habetur in graeca versione *grammatica paronomasia*, quia *πέτρος* et *πέτρα* ita allusione conveniunt, ut *genere* ac *terminatione* distinguantur: abest vero *paronomasia logica*, quia eadem est utrique voci subiecta idea, eadem utriusque vocis significandi potestas. In verbis autem quae Christus adhibuit, quaeque Matthaeus retulit, nullum est *παρονομασίας* vestigium; quum utroque in membro unum idemque nomen *ἰσχυρ* usurparint. Quare *ταυτότητι* non *παρονομασία* orationis partes cohaerent. Quod Glassius minime diffitetur, inquiens: „In syriaco vero (qua lingua Christus fuit loquutus) eadem vox est *ܢܦܬ*, quae et *Petrum* nomine proprio, et *petram* appellativo nomine significat.“

71. Verum ea mox subdit, quae hominis ostendunt infensum animum, nihilque non molientem, ut adversariis suis negotium creet. Scribit enim: „Habemus igitur quod volumus, *clamat pontificius*, Petrum scilicet esse petram illam, de qua Christus loquitur. Si Augustinus¹⁴⁵ advertisset, in-

¹⁴⁵) Non unius Augustini in I. Re-tractat. cap. XXI, in Joh. Tract. CXXIV. n. 5, et Sermon. LXXV. al. XIII. de verbis Domini n. 1. sententia fuit, sed Origenis quoque in Matth. T. XII. n. 10, Eusebii in Ps. XVI, et comm. in Isaiam n. 16, Ambrosii in Lucam lib. VI. n. 97, Hieronymi in cap. VII. Matthaei, Theodoriti in I. Cor. III. 11, Cyrilli alexandrini in Joh. I. 40, Auctoris homiliae de Natali Petri

Eucherio inscriptae, Laurentii mediolanensis in primo de Muliere Chananaea libro apud Mabillonium pag. 55. veter. Analectorum, Isidori Origg. lib. VII. cap. IX, Bedae in homil. de s. Petro, et Hadriani I. in litteris ad Hispaniae episcopos datis, *Petrum a petra* esse dictum, petram vero esse Christum, super quem ecclesia aedificatur.

At vero I. a petra dictum esse Pe-

quit¹⁴⁶ Bellarminus, Cephā nihil aliud significare quam *petram*, et Dominum dixisse, *tu es petra, et super hanc petram aedificabo ecclesiam meam*, nihil dubitasset de veritate nostrae sententiae.“ Sed quid ad ista Glassius? e vestigio reponit: „Nihil ex hoc *iesuita* lucratur. Nil quicquam enim ex eo τῇ παροχήσει et

trum, intelligi dupliciter potest, *derivatione* inprimis *grammatica*, *derivatione* deinde *ontologica*, ac illius participatione qualitatis, *qua* Christus *in se est* petra, et *cuius consortio* Simon *factus est* petra. Illud inane est, hoc alterum verissimum. Atqui Patres posteriori sensu loquuntur. Ambrosius l. c.: „Ideo Petrus non expectavit populi sententiam, sed suam promisit dicens, *tu es Christus filius Dei vivi*, qui et semper est, nec caepit ut esset, et esse non deficit. Magna autem Christi gratia, qui omnia prope vocabula sua discipulis suis donavit. *Ego sum*, inquit, *lux mundi*, et id tamen quo ipse gloriatur, discipulis nomen indulsit dicens: *vos estis lux mundi* *Petra est Christus*, sed etiam discipulo suo huius vocabuli *gratiam* non negavit, ut ipse sit *Petrus*, quod de *petra* habeat *soliditatem constantiae*, fidei firmitatem.“ Hieronymus l. c.: „Supra hanc petram (cuius mentio est Matth. VII. non autem XVI.) Dominus aedificavit ecclesiam, ab hac petra apostolus Petrus sortitus est nomen... Fundamentum, quod apostolus architectus posuit, unus est Dominus noster Jesus Christus. Super hoc fundamentum *stabile* et *per se* (non communicatione, qua apostolus Petrus a petra sortitus est nomen) robusta mole fundatum aedificatur ecclesia.“ Augustinus in tertio ex locis indicatis: „*Petra principale* nomen est. Ideo Petrus (uti effectus) a petra (tamquam principio et causa), non petra (quae est principium et causa) a Petro (qui est effectus); quomodo non a christiano Christus, sed a Christo christianus vocatur.“ Et Serm. LXXVI. cap. II: „Petrus a petra cogno-

minatus beatus, ecclesiae figuram portans, apostolatus *principatum* tenens.“ Consonat Beda l. c.: „Petra autem erat Christus, et super hanc petram, idest, super Dominum Salvatorem, qui fideli suo cognitori, amatori, confessori *participium sui nominis* donavit, ut videlicet a petra Petrus vocaretur, supra quam aedificatur ecclesia.“

Ad haec II. aliud est quaerere, quinam ex *sese* ac *simpliciter* credi debeat ecclesiae fundamentum, ac aliud quinam *proxime* futurum ecclesiae fundamentum Matth. XVI. 18. significetur. Atqui priorem controversiam habent Patres, non posteriorem, dum Christum esse ecclesiae fundamentum confirmant.

Postremo III. quod iidem docent, super Christum, tamquam super petram, aedificari ecclesiam; accipi tripliciter potest, *coordinate*, ut loquuntur, *subordinate* et *exclusive*. Jamvero nemo est qui contendat sive Petrum, sive alium quempiam esse cum Christo *coordinatam ecclesiae petram*, quia nemo est qui diffiteatur, infinitum esse intervallum quo dignitas Christi Dei a dignitate Petri ac alterius cuiuscumque hominis separatur. Sub Christo autem et post Christum Petrum esse petram ecclesiae, atque adeo petram esse *subordinatam*, Scripturae tradunt, Patresque uno ore testantur. Quare si de *coordinata ecclesiae petra* sermo sit, unus Christus ac omnino *exclusive* ecclesiae petra credendus est; sin autem de *petra subordinata*, etiam Petrus *post* Christum, et *ante* reliquos omnes ecclesiae petra existimari debet.

¹⁴⁶) De Rom. Pontif. lib. I. cap. X.

allusioni perit: כִּיפָא ut nomen proprium est, aliud sine dubio significat, quam ut nomen est appellativum. Sicut *Abel, Debora, Rachel, Jona* aliud significant, quum nomina propria sunt, quam dum appellativa sunt, licet in ipsa denominatione nihil mutetur. Ut igitur denominativa haec sunt a suis primitivis dicta; ita denominativum *Cepha* est, qua personam Petri designat, et non petram ipsam significat, sed qui ad petram, a qua denominatur, certa ratione attinet. Attendit hoc ipsum syrus interpres, qui כִּיפָא priori masculinum הוּ ipse, praeponit: כִּיפָא autem posteriori, foemininum הוּא haec (et foeminini generis esse, quando *lapidem* significat, ex I. Cor. X. 4, Matth. XXIII. 42, Marc. XVI. 4. patet.). Qua ratione procul dubio etiam Christus fuit loquutus.“ Postremam hanc animadversionem amplexus est, probavitque ¹⁴⁷ Christianus Reineccius, inquires: „Syrus per pronomina, unum masculini generis, et alterum foeminini generis, *Petrum a petra* sufficienter distinguit.“

At I. quo pacto cum aientibus Christi verbis, *tu es כִּיפָא*, illud componas, Simonem *non esse Cepham*, sed *ad Cepham pertinere*? Praeterea II. pertinere quis ad alium *dupliciter* potest, externa *σχέσει*, ac interna eiusdem proprietatis communicatione. Quo igitur sensu dicitur Simon non esse petra, sed pertinere ad petram? si priore, nihil inanius, nihilque a verborum proprietate remotius. Sin autem posteriore, id habemus quod tuemur, Simonem esse petram, *non suapte quidem natura, vera tamen illius dotis participatione*, qua Christus est, petraque princeps nuncupatur.

Ad haec III, unde Simoni nomen *Cephae* factum est? partim *ex praesenti eventu*, ac partim, et multo etiam *ex eo* magis *qui erat futurus*. Illud ostendunt verba, σὺ εἶ Πέτρος: hoc insequentia declarant, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν. Igitur si *ratio* impositi nominis habeatur, censeretur illud debet quum *historicum*, tum maxime *propheticum*. Historicum in primis et simillimum ¹⁴⁸ nomini *Israelis*, quod componitur ex שָׂרָה *instar principis se gessit*, et אֱלֹהִים *Deus fortis*, inditumque Jacobo idcirco traditur, quia שָׂרָה *ut principem te gessisti cum Deo et cum hominibus*. Propheticum deinde, quodque conferri debet cum nomine ¹⁴⁹ *Abrahami*, ex אָבִי pater, רַם excelsus, et הָמוֹן multitudo, cuius potestatem aperit Deus, subdens: כִּי אֲבִי-הָמוֹן גִּוִּים נָתַתִּיךָ quia *patrem multitudinis gentium posui te*; itemque cum nomine ¹⁵⁰ *Sara*, de quo Hieronymus ¹⁵¹ scribit: „Causa nominis ita immutati haec est, quod antea dicebatur (Sarai) *princeps mea*, unius tantum domus mater familias: postea vero (addita eadem littera ה, quae Abrami nomini accessit)

¹⁴⁷) In notis ad Biblia sacra quadri-
lingua edita Lipsiae MDCCXLVII.

¹⁴⁸) Gen. XXXII. 28.

¹⁴⁹) Ibid. XVII. 5.

¹⁵⁰) Ibid. v. 15.

¹⁵¹) Quaestt. Hebraic. in Genesim.

dicitur absolute *princeps*, idest, ἀρχοντα. Sequitur enim, *dabo tibi ex ea filium, et benedicam ei, et erit in gentes; et reges populorum erunt ex ea.*“ Jam si neges Simonem esse *Cephā*, *historicam vim* nominis labefactas: sin autem super eum aedificandam ecclesiam abnuas, *propheticam* eiusdem significationem evertis. Igitur et de Simone dicitur quod sit Cephā, et super Simonem, tamquam super Cephā aedificanda ecclesia praedicatur.

Sed quid IV. de syro interprete, quidve de pronominum apud eum discrimine? nisi aliunde Glassii et Reineccii eruditionem compertam haberem, omnino suspicarer, fraudi illis fuisse linguarum orientalium imperitiam. Ecquid enim vulgatus, quam nomen **ܥܕܐ** terminatione et usu ¹⁵² generis esse foeminini, atque hoc genere in utroque inciso adhiberi? At in priore inciso iungitur cum pronomine **ܐܢܝ**, quod generis est masculini? Non reponam, enallagen generum haud esse insolentem, neque me ad figuram intelligentiae recipiam; duo solum ¹⁵³ adnotabo, quae sunt philologis omnibus exploratissima.

Ac illud inprimis, characterem esse linguarum semiticarum, ut *verbum substantivum demonstrativis pronominibus* efferatur. Pronomen igitur **ܐܢܝ** verbo substantivo **ܥܕܐ** aequipollet. — In hoc autem pronominum usu lex est, ut *genere* quidem ac *numero* cum *subiecto*, *persona* vero cum *praedicato* conspirent. Prostant huius constructionis ¹⁵⁴ exempla, inter quae istud ¹⁵⁵ insigne: **ܐܢܝ ܥܕܐ ܕܬܪܐ**, *vos illi* (nimirum *estis*) *terrae sal*; ubi quum subiectum sit in plurali masculino secundae personae, et praedicatum in singulari foeminino tertiae; pronomen **ܐܢܝ** *illi*, persona cum praedicato, et genere et numero cum subiecto consentit. Quod igitur apud Matthaeum in priori inciso adhibetur pronomen masculinum **ܐܢܝ**, non inde repeti debet, quod masculina significatione **ܥܕܐ** accipiatur, sed quod ratio linguae postulet, ut pronomen partes implens verbi substantivi genere et numero cum subiecto conveniat. Eodem prorsus modo, ad grammaticam quod pertinet constructionem, quo ¹⁵⁶ legimus: *bibebant de petra* **ܥܕܐ ܕܥܝܢ ܗܝ** *spiritali*, *quae cum ipsis veniebat*, **ܥܕܐ ܐܝܠܐ ܕܥܝܢ ܗܝ** *petra autem illa* (**ܐܝܠܐ** generis foeminini) *ipse* (generis masculini) *erat Christus*. Quae adeo sunt perspicua, ut Augustinus Dathius ¹⁵⁷ sui esse muneris existimarit, e glassiani operis editione, quam ipsemet

¹⁵²) Marc. III. 16, Luc. VI. 14, Joh. I. 43, I. Cor. X. 4.

¹⁵³) Paulo etiam secus praecidi haec difficultas poterit, dummodo animadvertatur, syriacum pronomen **ܐܢܝ** aequae ac hebraicum **אני**, non raro utroque genere masculino ac foeminino usurpari.

¹⁵⁴) Matth. V. 14, XI. 3, et Daniel II. 38.

¹⁵⁵) Matth. V. 13.

¹⁵⁶) I. Cor. X. 4.

¹⁵⁷) Philolog. Sacr. lib. II. tract. II. cap. II. edit. Lipsiae 1776.

novis perfectam curis adornavit, penitus expungere, quae Glassius ἀγωνιστικῶς agens, et hypothesi seductus, ex interprete syro infelicissime animadverterat.

72. A quibus animadversionibus seiuncta nolim quae tradit Daniel Heinsius, magni inter criticos nominis, et eximiae apud protestantes celebritatis. Dum hunc expendit locum, adductis verbis, *κἀγὼ δὲ σοὶ λέγω, ὅτι σὺ εἶ Πέτρος*, negat *tantum illis inesse difficultatis, quantum nonnulli existimarunt*; quamquam, subdit ¹⁵⁸, „circumspectione et eruditione ¹⁵⁹ opus sit. Neque enim cuiquam auctor sim, *ut non consulta antiquitate prius, sententiam de eo ferat*; quod et sine studio partium, quae christianos maxime disiungunt, fieri hic velim. Nomina propria in sacris, aut ἀτελῇ plerumque sunt, aut ἐντελῇ: plena, inquam, aut defectiva, sive quae sic dicuntur, ut aliquid intelligatur. Quod vel ex patriarcharum nominibus planum. Abraham est nomen ἐντελής, quod compositione impletur. Isaac, ἀτελής, risus, Sarae nempe. Ut et Jacobi, qui supplantator, fratris nempe. Ita Sara, princeps, fidelium videlicet. Ita Petrus, sive proprie, sive aliter sumas, ἀτελής. Petrus, fidei videlicet. Nam de Petro dici potest, quod de suo *λᾶας*, eiusdem significationis, notant graeci, *ὅτι σημαίνει τὸ προσηγορικὸν ὄνομα καὶ τὸ κύριον, appellative sumi aut proprie*. Est igitur nomen

¹⁵⁸) Exercitt. Sacr. in Matth. XVI. 18.

¹⁵⁹) Mihi probabile nullatenus videtur opus esse eruditione, ut germana verborum Christi sententia teneatur. Ecquos enim Christus alloquebatur? eruditos ne subactique ingenii viros? immo apostolos, homines rudes, et ex ipsis apostolis nominatim Petrum haud reliquis multo eruditorem. Nemo igitur sibi facile persuaserit, iis Christum usum esse verbis, quorum vera sententia deprehendi sine eruditione non posset. Eruditione utique opus est, ut illatae ab eruditis tenebrae depellantur; sed communis sanitas mentis, animique candor sufficiunt, ut quo spectent verba Christi, certo intelligatur.

Qua sanitate, quove candore caruisse dixerim Christianum Stock in Clavi linguae sanctae N. T. ad vocem Πέτρος scribentem: „Πέτρος, lapis qui proiici vel provolvi vel quacumque ratione e loco in locum moveri potest. (Atqui addendum erat, quod Albertius et Palairetus in Observationibus philologicis adnotarunt, πέτρον et πέτραν in graecorum libris saepe

indiscriminatim adhiberi.) Ex hoc nomine appellativo Simon Jonae filius sortitus est cognomen proprium, quia, ut Erasmus Schmidius ait, officio suo futurus erat lapis in omnes mundi partes proiciendus, in quas eius confessio una cum ipsius obiecto, nempe Christo Jesu Salvatore mundi, divulganda erat. (Quid hac imagine absurdius? aut quid a Christi verbis remotius? tolerabile ne est, ut immotum ecclesiae aedificium super Petrum fundatum repraesentetur tamquam in omnes mundi partes proiciendum, ac per omnes orbis plagas discurrens et volitans? haec tamen monstra sibi fingunt protestantes, quibus propterea aegre concesseris, ut rationalistis indignentur, quod commentariis commenta substituant. Neque enim puto aliquam ab iis invectam interpretationem, quae ab omni veritatis specie longius abscedat.) Quamquam non erraveris, si cum B. Maio dixeris, Petrum dictum a petra Christo (quasi hoc proprie quaereretur, et non illud potius, ad quem pertineant verba Salvatoris, ἐπὶ ταύτῃ τῇ πέτρᾳ), quem confessus erat.“

simul et *ἐπώνυμον*, sive significativum et *ἀτελές*, sive quod ad aliud refertur. Neque hoc s. Chrysostomus non vidit, qui hom. II. in Ps. L. ita dictum ait, *ἐπειδὴ τῇ πίστει πεπετρωμένος ἦν*. Procopius ad lib. Judicum: *ἡ δὲ πέτρα τὸ στερόν τῆς πίστεως, δι' ἣν ὁ Πέτρος ὠνόμασται, petra firmitudinem designat fidei, unde Petrus est dictus*. Hoc est, *Petrus a petra*, ut Augustinus loquitur, *quae est fides in veram petram*. Optime, ne confundatur petra, sive lapis preciosus (quod et Leo Papa sollicite adnotavit), qui caput anguli tot locis dicitur. Petro igitur dictum est, *σὺ εἶ Πέτρος*, ut Abrahamo dicitur, *ut sis benedictio, καὶ ἔσῃ εὐλογία*, ad verbum, vulgo, *erisque benedictus*, graeci, *καὶ ἔσῃ εὐλογημένος*. Igitur, *σὺ εἶ πέτρος*, quod Chrysostomus eodem modo interpretatur, *σὺ πεπετρωμένος εἶ*. Et addit, *fide*. Petro igitur dicitur, *tu es Petrus*: Abrahamo, *tu es benedictio*. Vere es quod diceris. Petrus nempe in domo Dei, *qui in petra fundatus es*, ut cum Augustino sic loquamur.¹⁶⁰

In quibus quum *duo* sint quae probem, cetera improbem necesse est. Probo Abrahami cum Petro comparisonem, ac discrimen probo inter nomina institutum, ut alia *absoluta* sint, ac alia *relativa*, quae etiam *μετουσιαστικὰ* grammatici appellant. Sed vicissim improbo, quod male duo ista confundantur, aliquid *proprie* possideri, ac illud ipsum *ex sese*, *summoque gradu* possideri: improbo quod *apertus* negligatur *relationis terminus*, prae quo Simon est, diciturque *πέτρα*: improbo quod *relatio ad terminos dumtaxat assignificatos*, non uti par est, exponatur: ac tandem improbo quod aliquot, iisque decisis avulsisque Patrum sentiis abuti Heinsius non obscure videatur.

73. Sane nemo neget, quemque nostrum *proprie* esse, vivere, cogitare, loqui: nemo neget Paulum *proprie* fuisse gentium doctorem, ac apostolos et prophetas *proprie* esse¹⁶⁰ ecclesiae fundamenta. Atqui neque nobis illa *ex nobismetipsis* insunt, neque haec Paulo, apostolis et prophetis *ex sese* competunt, sed omnia, pro duplici rerum ordine naturali et supernaturali, a Deo bonorum omnium origine dimanarunt ac dimanant. Infinito scilicet significationis intervallo seiunguntur formulae *proprie* atque *ex sese*; immo posterior uni convenit Deo, qui quod est, *ex sese* est, quia est *ὁ ὢν*. Quare quum de Petro, eiusque praerogativis disputamus, neque venit neque venire in controversiam potest, utrum ipse *ex sese* sit *πέτρα*, sed utrum *proprie* sit *πέτρα*, quamquam dotem hoc nomine significatam ab eo mutuam acceperit, qui quum Filius sit Dei viventis, ac vivens ipsemet Deus, *ex sese* et *κατ' ἐξοχήν* petra est, et firmitatis, qua Simon denominatur *πέτρα*, origo est et caussa. Hoc autem sensu Simonem esse *πέτραν*, dubitari¹⁶¹ non potest, quia in aeternum manent verba Christi,

¹⁶⁰) Ephes. II. 20.

¹⁶¹) Dubitavit tamēn, immo inter ceteros aperte negavit Christianus Schoettgenius in Horis Hebr. et Talmud. ad Matth. XVI. 18. inquit: „Quum verba haec, καὶ ἐπὶ ταύτῃ τῇ πέτρᾳ, mirum quantum

negotii facessiverint interpretibus; lumen aliquod ipsi ex hebraismo accendimus. Ubi primo loco praesupponimus, *petram*, cui ecclesia imposita est, neminem alium esse nisi Christum: nemo enim aliud fundamentum ponere potest. I. Cor. III. 11.

καὶ γὰρ δὲ σοὶ λέγω, ὅτι σὺ εἶ Πέτρος. Dubitavit tamen Heinsius, scribens: *Ita Petrus, sive proprie, sive aliter sumas*: ac ideo dubitavit, quod non satis ad eiusmodi discrimen adverterit.

Qui multo etiam minus ad eum advertit *relationis terminum*, prae quo Simon apertissimis verbis πέτρα nuncupatur. Est Simon proprie πέτρα, sed *cui et prae quo termino?* non est opus coniecturis, quum Christi prostet interpretatio

Hinc illud fluit (quod sane non fluet, si hypothesis vel falsa sit, vel ambigua et anceps. Quo autem sensu falsa sit, quove item ambigua et anceps, iam saepe declaravimus.), Christum, quum verba illa, ἐπὶ ταύτῃ τῇ πέτρᾳ, pronuncicaret, digitum in semetipsum intendisse, seque ostendisse, cuius rei alia quoque exempla prostant. Ps. XXXIV. 7: אֶרְרֵי עָנִי הָיִי *hic pauper Deum invocavit* (sed quo argumento ostenditur, digitum a Davide in seipsum fuisse intentum? plane nullo.).

„Ipse Christus Joh. II. 19: Λύσατε τὸν ναὸν τοῦτον, solvite templum hoc, nimirum corporis, quod Christus tunc indice digito ipsis ostendit. (Sed cur non monet Schoettgenius illico v. 21. addi, ἐκεῖνος δὲ ἔλεγε περὶ τοῦ ναοῦ τοῦ σώματος αὐτοῦ? cur non profert similem ex Matthaeo commentarium, quo significetur, verba, ἐπὶ ταύτῃ τῇ πέτρᾳ, de Christo accipi oportere? Praeterea unde probat intenti digiti usum? ex Johannis ne narratione? atqui Johannes de eo signo a Christo usurpato penitus tacet. Neque tacet solum, sed ea adiicit, quibus huius signi commentum profligatur. Pergit enim v. 22: Ὅτε οὖν ἠγέρθη ἐκ τῶν νεκρῶν, ἐμνήσθησαν οἱ μαθηταὶ αὐτοῦ, ὅτι τοῦτο ἔλεγεν αὐτοῖς· καὶ ἐπίστευσαν τῇ γραφῇ, καὶ τῷ λόγῳ ᾧ εἶπεν ὁ Ἰησοῦς. Itaque non ex intenti digiti signo, sed *ex eventu* didicerunt apostoli, quo pertinerent Jesu verba, λύσατε τὸν ναὸν τοῦτον, καὶ ἐν τρισὶν ἡμέραις ἐγερῶ αὐτόν. Consulatur igitur Schoettgenius *eventum*, legat *Actorum*

librum, atque ex his de verbis, καὶ ἐπὶ ταύτῃ τῇ πέτρᾳ, iudicium pronunciet. Quid evenisse cernit? quid legit? nimirum partes eas omnes sibi Petrum constanter vindicasse, illique apostolos unanimes detulisse, quae nonnisi omnium capiti convenirent, neque alteri merito tribuerentur quam illi, super quem ecclesiae aedificium exsurgeret.)

„Sic cap. VI. 50: *hic est panis* (nulla neque iniecta, neque necessaria intenti digiti mentione), *qui de caelo descendit*.

„Porro vox καὶ vertenda est per *verum*, sed, prout exempla quamplurima apud Noldium in Concordantiis ostendunt. (Quid, quaeso, ostendunt? an particulam καὶ per se esse non *copulativam* sed *adversativam*? aut saepius adversativa quam copulativa significatione adhiberi? neutrum nisi inepte dixeris. Ostendunt igitur, particulam καὶ vim identidem adversativam referre, ac tum solum dum contextus eam notionem postulat. Atqui praesens contextus quin eam postulet, evidentissime reiicit.)

„Sic ergo sensus erit talis: *Tu sane es Petrus, vir nominis tui, et hac edita confessione ostendisti, te non aliam esse sed petram: verum in hac petra (seipsum vero indigebat) aedificabo ecclesiam, non in te, qui tantum petra es petrae meae superstruenda.*“ Quae dum lego, videtur mihi neque satis intellexisse Schoettgenius quae diceret, neque in promptu habuisse vocabula, quibus paullo nitidius mentem suam patefaceret.

dicentis, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν. Est igitur Simon *petra ecclesiae*, et *comparate ad ecclesiam*, cui supponitur, quamque firmitate divinitus accepta constabilire debet. Quid vero de hoc potissimo interpretationis capite Heinsius? quid de hoc relationis termino, quem Christus tanta perspicuitate declaravit? mutus omnino est, licet plura de iis habeat relationis terminis, qui non *significantur*, sed solum *assignificantur*, qui *non exstant*, sed *in lucem subtiliter proferendi sunt*.

Ne autem haec ipsa accipiantur praepostere, et in perniciem exploratissimae veritatis convertantur, operae pretium fuerit animadvertisse, referri Simonem posse I. *ad formalem causam*, qua in se πέτρα est: II. *ad causam efficientem*, cuius virtute obtinuit, ut πέτρα diceretur ac esset: III. *ad causam meritoriam*, quae nobilissimam τῆς πέτρας praerogativam illi conciliavit: et IV. *ad causam instrumentalem*, qua ecclesiae πέτρα est, ecclesiamque continet ac sustentat.

74. Jamvero quaestio *de formali causa* nequit esse expeditior, quum Simon *formaliter* sit petra eximio quodam consortio, singularique μετουσίᾳ illius proprietatis, ob quam Christum *ex sese*, *summoque gradu* petram principem profiteamur.

Neque altera minus expedita *de efficiente causa*, quae verbis effertur, καὶ γὰρ δὲ σοὶ λέγω, ὅτι σὺ εἶ Ἰησοῦς, ac ipsemet est Christus, qui ea potentia qua omnia potest in caelo et in terra, effecit, ut Simon nomen, invictamque petrae firmitatem consequeretur. Ex hac autem Petri ad efficientem causam relatione consequitur: I. nihil impedire quominus, sin minus *grammaticae, ontologicæ* ¹⁶² dicamus, *Petrum esse a Christo petra*, non secus ac radius est a sole, a fonte rivus, et ramus a radice: II. Petrum sic esse ecclesiae πέτραν, ut primum ac potissimum πέτρα ecclesiae sit ¹⁶³ Christus, a quo ipsemet Petrus habuit ut πέτρα redderetur: et III. cogitari de Petro non posse tamquam de petra ecclesiae, quin simul ac multo etiam magis de Christo cogitetur; *ea nimirum lege, qua simul relativa intelliguntur, ac illud primum quod est* ¹⁶⁴ *relationis principium*.

De *caussa* porro *meritoria*, propter quam Christus Simonem discipulis

¹⁶²) De hac ontologica derivatione cogitasse Patres, dum a Christo *petra* Simonem dictum *Petrum* tradidere, aliquot eorundem testimoniis nuper ostendimus.

¹⁶³) Quum id animadvertissent Patres, super Christum aedificari ecclesiam docuere. Non quod crederent I. nomine πέτρας Matth. XVI. 18. proxime significari Christum: non quod negarent II. petram de Petro proxime dici; sed quod III. intelligerent eum esse nexum inter Christum petram et Petrum petram, ut quo textu

Petrus petra ecclesiae ostenditur, eodem, ac multo etiam magis Christus ecclesiae petra ostendatur.

¹⁶⁴) E quibus duo sequuntur: I. utramque interpretationem *petrae* de Christo ac de Petro esse *immediatam*, quia *relativa* menti simul obversantur: id autem II. inter utramque discriminis existere, quod interpretatio petrae de Christo est *realis*, ac ex ipsis hausta rebus, interpretatio vero de Petro est *verbalis*, ipsisque vocibus ἀμέσως significata.

praetulit, ac nomine et dignitate *petrae* locupletavit, manifestum est contineri illam beata fidei confessione, quam Simon edidit, inquiring, *σὺ εἶ ὁ Χριστός, ὁ υἱὸς τοῦ Θεοῦ τοῦ ζῶντος*. Ut enim eam protulit, Christus, gratiam propemodum relaturus, continuo subiecit: *κἀγὼ δὲ σοὶ λέγω, ὅτι σὺ εἶ Πέτρος*. E *qua factorum serie* intelligimus, dignitatem *petrae*, rationemque fundamenti ecclesiae *eo nexu* cum sincera fide, illique consona professione *cohaerere*, *quo morales effectus cum suis caussis devinciuntur*. Igitur I. obversari animo nequit *designatio* Christi *de futura ecclesiae petra*, quin simul *vera fides*, *eiusque vera professio* ¹⁶⁵ menti animoque succurrant. Igitur II. designata a Christo ecclesiae *petra* non est Simon *seorsum* ac *absolute*, sed Simon *σχετικῶς* et *compare* ad veram fidem, cui animo adhaeret, quamque ore profitetur. Igitur III. tam Simon, quam vera eius fides, orthodoxaque fidei professio *ad rationem* pertinent fundamenti ecclesiae, quae super Simonem vera credentem, veraque confitentem aedificanda praedicatur. Non ita tamen IV. ut *discrimen* penitus tollatur, *quo* Simon, eiusque vera fides, orthodoxaque professio, ut futurum ecclesiae fundamentum proponuntur. Etenim Simonem futurum ecclesiae *πέτρον significatur*, at id de fide, eiusque confessione solummodo *assignificatur*: illud *totidem verbis* edicitur, *καὶ ἐπὶ ταύτῃ τῇ πέτρᾳ οἰκοδομήσω μὲν τὴν ἐκκλησίαν*, hoc *ductu serieque rerum continetur*: illud *legitur*, hoc *eruitur*: illud *directum* est, hoc *obliquum*: illud *explicitum* ac *apertum*, hoc *rebus ipsis* ¹⁶⁶ *inclusum* atque *velatum*.

Superest relatio ad *instrumentalem causam*, modumque quo Petrus *πέτρος* est, eaque obiturus praedicatur, quae *fundamenti imagine* significantur. Nemo autem qui rem accuratius inspexerit, ab Ambrosio dissentiat docente ¹⁶⁷ *non de carne Petri, sed de fide dictum esse, et super hanc petram aedificabo*

¹⁶⁵) Alterutrum enim non sufficit, tum quia scriptum est Rom. X. 10: *Καρδίᾳ γὰρ πιστεύεται εἰς δικαιοσύνην· στόματι δὲ ὁμολογεῖται εἰς σωτηρίαν*: tum quia ecclesia Christi, utpote visibilis, non solum veram internamque fidem exigit, sed externam quoque orthodoxamque fidei confessionem efflagitat.

¹⁶⁶) Repeti debent de hac interpretatione, deque eiusdem apud Patres usu quae de interpretatione *petrae* pro Christo animadvertimus. Non sunt istae interpretationes *verbales* sed *reales*, non *significantur* sed *assignificantur*; non pendent *e grammaticis tricis*, sed *e rebus ipsis*, *relativorumque lege* deducuntur; non *se excludunt* sed *cohaerent*, atque iis *simil-*

limae videntur quibus sensus *typicus* et *anti-typicus* effertur.

Hinc Patribus solemne est, modo unam alteramve interpretationem sequi, modo duas tresve simul proponere. Ideo ne quod I. vel multiplicem litteralem sensum admitterent; vel II. in una eademque *πέτρας* voce interpretanda non sibi constarent; vel III. accommodationibus obsequerentur? primum ac postremum *necessarium* non est, alterum vero omnino *falsum*. Nexus enim rerum, assignificationesque relativae effecere, ut quamquam Patres nomine *petrae* proxime designari Petrum intelligerent; nihilominus ecclesiam super Christum, fideique confessionem aedificandam docerent.

¹⁶⁷) De Incarnat. cap. V. n. 34.

ecclesiam meam; quum fides sit ecclesiae fundamentum. Nemo non subscribat alexandrino Cyrillo, qui rationem ¹⁶⁸ explanans, qua Petrus futurus erat ecclesiae petra, *petram*, ait, *opinor, nihil aliud quam inconcussam et firmissimam discipuli fidem vocavit, in qua ecclesia Christi ita fundata et firmata esset, ut non laberetur, et esset inexpugnabilis inferorum portis.* Nemo non probet quae in Patrum ¹⁶⁹ scriptis, monumentisque liturgicis ¹⁷⁰ saepissime repetuntur: sincera fide, eiusque orthodoxa confessione Petrum esse ecclesiae πέτραν, illique ceu quoddam immotum fundamentum substerni. His enim etsi non *separentur*, quod fieri nequit, apte tamen sollerterque *distinguuntur duo fundamenti respectus, materialis* alter, ac alter *instrumentalis*; et tam *proprie* Petrus ostenditur tamquam *subiectum*, cui fundamenti dignitas promittitur, quam *ratio* *modusque* aperitur, quo ipse esset fundamenti munus partesque expleturus.

Quare si verba Salvatoris, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, ad instrumentalem caussam referantur, hunc fundent ¹⁷¹ sensum: *et super hanc petram orthodoxae confessionis, cuius tu, revelante Patre, es auctor, aedificabo ecclesiam meam.* Qua interpretatione nihil verius, nihil ad intelligendam Salvatoris οἰκονομίαν accommodatius, nihilque opportunius ut fundamentum respondere aedificio, partesque omnes caelestis Hierusalem sibi mutuo consensu videantur. Quum enim ¹⁷² ἡ ἄνω Ἱερουσαλήμ, eademque mater πάντων ἡμῶν, congregatio ¹⁷³ sit, quae in unum connexum corpus atque compactum unitate fidei et caritatis assurgit; quid congruentius, quam Petrum *immota fidei confessione* illius vinculum, fundamentumque existimari?

Porro haec omnia, quae erant sedulo distinguenda, vel silentio premit, vel male commiscet Heinsius, eoque quod damnaverat *studio partium* imprudens seductus in id incumbit, ut decisio aliquot avulsisque Patrum sententiis ¹⁷⁴ verba

¹⁶⁸) De Trinit. lib. IV.

¹⁶⁹) Testimonia Patrum diligenter collegit Petrus Ballerinius, De vi et ratione Primatus, cap. XII. §. I.

¹⁷⁰) Cuiusmodi sunt Sacramentarium Gallicanum a Mabillonio editum, Missale Gothicum a Cardinali Thomasio evulgatum, Benedictionale Lambecianum et Gregorii Sacramentarium quod Menardo debemus.

¹⁷¹) Quem Felix III. in quinta ad Zenonem imperatorem epistola his verbis expressit: „Cum ipse Petrus dixisset ad Dominum, *tu es Christus filius Dei vivi*, ab ipso audire meruit: *Beatus es Simon Bariona, quia caro et sanguis non revelavit tibi, sed Pater meus qui in caelis est*, καὶ ἐπὶ ταύτῃ σου τῇ ὁμολογίᾳ οἰκο-

δομήσω μου τὴν ἐκκλησίαν, et super istam tuam confessionem aedificabo ecclesiam meam.“ Hinc Gregorius lib. IV. epist. XXXVIII. ad Theodolindam reginam: „In vera fide persistite, ait, et vitam vestram *in petra ecclesiae*, hoc est, *in confessione beati Petri apostolorum principis* solidate.“

¹⁷²) Gal. IV. 26.

¹⁷³) Sunt verba Ambrosii de Officiis, lib. III. cap. III. p. 19.

¹⁷⁴) Licet ea praemisimus, quae ad Patrum sententias interpretationesque rite intelligendas sufficere debent; ne tamen vel umbra difficultatis supersit, haec praeterea exploratissima theoremata teneantur. I. Orthodoxorum patrum nullus Petri prae-

Christi detorqueat, ac fundamenti dignitate Petrum exspoliet. Et detorsio sane verborum Christi censi commentarius debet, quo membrum, *ὃν εἶ Πέτρος*, ita reddit: *tu es Petrus, nempe, in domo Dei, qui in petra fundatus es*. Est enim eiusmodi interpretatio *obscura, obliqua, manca* et qua veram Christi mentem assequi non possis.

Quid vero illud quod Augustinum, Leonem, Chrysostomum huius enarrationis *testes* adducit? Augustinum? qui donatistas alloquens suam, communemque fidem his verbis ¹⁷⁵ expressit:

Numerate sacerdotes vel ab ipsa Petri sede,

Et in ordine illo patrum quis cui successit, videte.

Ipsa est petra, quam non vincunt superbae inferorum portae.

Leonem, quo nemo illustrius Petri praerogativas exornavit? ac illustria sane ista sunt, quibus subiectam promissioni Christi significationem ¹⁷⁶ edisserit: „Manet ergo dispositio veritatis, et beatus Petrus in accepta fortitudine *petrae* perseverans, suscepta ecclesiae gubernacula non reliquit. Sic enim prae ceteris

rogativas, eiusque inter apostolos *προστασιν* aut negavit, aut in dubitationem adduxit. II. Omnium haec fuit certissima fides, dictis factisque perspicue manifestata, Petrum inter apostolos iure ac dignitate excelluisse. III. Quotquot ab instituta ecclesia ad nicaenam usque synodum verba Christi Matth. XVI. 18. interpretati sunt, nomen *πέτρος* de Petro accipiendum esse docuere. IV. Post arianas turbas celebrata a patribus fuit interpretatio, qua *πέτρον* ad Christum, editamque a Petro orthodoxam, ac arianæ perfidiae contrariam confessionem referebant. V. Huius interpretationis auctores neque primam vetustioreque negarunt, neque ab ea rependa et pro opportunitate inculcanda abstinerunt. VI. Eiusmodi interpretationes censi debent coordinatae non oppositae, conspirantes non se mutuo excludentes.

Interpretatio VII. *petrae* de Petro duplici potissimum nomine ab aliis differt: ac 1^o. differt *tempore*, quum illa vetustior sit ac primitiva, hae sint recentiores: differt 2^o. *forma*, quum illa sit verbalis, istae sint reales; illa significetur, istae assignificantur; illam suapte sponte voces praeferant, istae relativorum lege comprobentur.

In eo tamen conveniunt VIII., quod omnes sunt *immediatae*, quia relativa simul intelliguntur ac exhibentur.

Ex his porro IX. colligitur, 1^o. varietatem interpretationum apud patres cum unitate fidei sententiarumque consentire, quae varietate interpretationum apud protestantes funditus subvertitur: 2^o. ex alio plane fonte *dogmatico* atque *hermeneutico* discrimen interpretationum apud patres et apud protestantes repeti oportere. Ab his enim si petas, cur negent *πέτρον* ad Petrum referri, talem accipies responsionem: quod Petro nulla primatis auctoritas tribui possit aut debeat; et quod grammaticae rationes aliud relationis subiectum ostendant. At contra patres *ἐπεροχὴν* Petri unanimes confitentur, suasque interpretationes stabiliunt non proxima verborum particularumque significatione, sed rationibus ontologicis, ac e lege relationum depromptis. Juerit contulisse quae habet Cardinalis Orsi, De Rom. Pontif. auctoritate, lib. IV. cap. II. art. I. §§. 1. seqq.

¹⁷⁵) In Ps. con. Partem Donati.

¹⁷⁶) Serm. II. in anniv. die assumpt. suae.

est ordinatus, ut dum petra dicitur, dum fundamentum pronuntiatur, dum regni caelorum ianitor constituitur, dum ligandorum, solvendorumque arbiter, mansura etiam in caelis iudiciorum suorum definitione, praeficitur; *qualis ipsi cum Christo esset societas*, per ipsa appellationum eius mysteria nosceremus.¹⁷⁷

Chrysostomum postremo, qui non solum Petro asserit fundamenti dignitatem, sed detrahi non posse sine Christi iniuria contendit? Anomoeos namque¹⁷⁷ refellens: „Viden, inquit, quomodo ad sublimiorem de se opinionem Petrum erigat, et seipsum revelet, καὶ δείκνυσιν υἱὸν ὄντα τοῦ Θεοῦ διὰ τῶν ὑποσχέσεων τῶν δύο τούτων; ac per hasce duas promissiones se Filium Dei esse ostendat? Nam quae unius Dei sunt propria, nempe peccata solvere, καὶ τὸ ἀπερίτρεπτον τὴν ἐκκλησίαν ποιῆσαι ἐν τῷ αὐτῇ κυμάτων ἐμβολῇ, καὶ ἀνθρώπον ἀλιέα πέτρας πάσης ἀπορῆναι στερότερον, τῆς οἰκουμένης πολεμουσῆς ἀπάσης, ταῦτα αὐτῇ ἐπαγγέλεται δώσειν, ecclesiam in tanto fluctuum concursu immolam reddere, hominemque piscatorem toto impugnante orbe petra firmiorem reddere; haec se illi daturum pollicetur. Eodem modo quo Pater Jeremiam¹⁷⁸ alloquens dicebat, se posuisse illum sicut columnam aeream et sicut murum. ἀλλ' ἐκεῖνον μὲν ἐνὶ ξῖναι, τοῦτον δὲ πανταχοῦ τῆς οἰκουμένης. sed illum uni genti, hunc autem in universo terrarum orbe. Libenter quaererem ab iis qui imminutam Filii dignitatem volunt, ποῖα μείζονα δῶρα, ἅπερ ἔδωκεν ὁ πατὴρ τῷ Πέτρῳ, ἢ ἅπερ ἔδωκεν ὁ υἱός; quae maiora sint dona, ea ne quae Pater, an quae Filius Petro dedit? nam Pater revelationem Filii Petro dedit; ὁ δὲ υἱὸς τὴν τοῦ πατρὸς καὶ τὴν αὐτοῦ πανταχοῦ τῆς οἰκουμένης ἐσπείρε, καὶ ἀνθρώπων θνητῶ πάντων τῶν ἐν τῷ οὐρανῷ τὴν ἐξουσίαν ἐνεχείρισε, τὰς κλεῖς αὐτῷ δούς· ὅς τὴν ἐκκλησίαν πανταχοῦ τῆς οἰκουμένης ἐξέτεινε, καὶ τοῦ οὐρανοῦ ἰσχυροτέραν ἀπερῆεν. Filius vero et Patris et suam revelationem per totum orbem disseminavit, ac mortali homini omnem in coelo potestatem dedit, dum claves illi tradidit, qui ecclesiam per totum orbem terrarum extendit, et coelis firmiorem monstravit. Ait¹⁷⁹ enim, coelum et terra transibunt, verba autem mea non transibunt. Πῶς οὖν ἐλάττων, ὁ τοιαῦτα δούς, ὁ τοιαῦτα κατωρθώκως; quomodo ergo minor is, qui talia dedit, qui talia fecit?“

75. Ne quid intentatum omitterent, ingeniumque polemicae concertationis evidentius exprimerent, inquirere ulterius protestantes¹⁸⁰ quum in vim potestatemque particulae καί, qua alterum incisum orditur, tum pronominis demonstrativi ταύτη: ac de illa quidem principio adnotarunt, particulam esse respondentem hebraeorum ו; plus semel, Matth. XII. 35, XV. 14, I. Joh. II. 20, non esse συνθετικὴν sed ἀντιθετικὴν, idemque valere ac ἀλλὰ sed, et non compositionem coniunctarum, sed pugnantium rerum oppositionem significare. Jamvero quid impedit, subiecere¹⁸¹, quominus adversativa potestas heic praeferatur? nihil

¹⁷⁷) In Matth. hom. LIV. al. LV. n. 2.

¹⁸⁰) Apud Matthaeum Poli in Synopsi

¹⁷⁸) Jerem. I. 18.

Critic. Sac. ad Matth. XVI. 18.

¹⁷⁹) Matth. XXIV. 35.

¹⁸¹) Atque ita Koecherus in Analectis

prorsus. Praeferatur igitur, ac eiusmodi existet sensus: *Et ego vicissim dico tibi, quod tu es Petrus, sed ego super hanc petram, qualis ipse sum, aedificabo ecclesiam meam.*

Sed quid proprie in quaestionem adducitur? illud ne quomodo *possit* accipi particula καί, an illud potius quomodo e certis immotisque hermeneuticae legibus accipi *debeat*? illud ne quam vim referre *absolute possit*, an potius quam vim *comparate* ad praesentem contextum, cuius omnia spectentur adiuncta, *revera praeferat*? quisque sentit, non illud prius quaeri, quod tum fit quum lexica ¹⁸² conscribuntur; sed hoc posterius, quod fieri toties debet, quoties de interpretatione disputatur. Eo igitur quaestionis caput summaque redit, ut inspectis antecedentibus et consequentibus, totaque orationis serie diligenter perlustrata definiatur, *obvia* ne, *propria* ac *usu trita*, an *remotior*, *rariorque* potestas particulae καί deligenda sit. Atqui talis est universa sermonis facies, quae obviam, propriam, communem, eamque copulativam et συνθετικὴν particulae καί significationem postulat.

Quod quibus comprobetur argumentis, iam saepius ostendimus. Sane nequit incisum, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, a praecedente divelli, quin I. ἀρμονία et concentus inter responsionem Christi ac Petri funditus perturbetur: quin II. oratio Christi reddatur fracta, salebrosa, et nonnisi per parentheses utcumque complananda: quin III. continui et ne levissime quidem adumbrati ¹⁸³ orationis transitus in brevissimo sermone confingantur: quin IV. sensus qui mentem sua sponte occupat, nulla impellente caussa, deseratur: et quin V. abruptatur vinculum quo Christi verba cum eiusdem consilio cohaerere debent.

Manifestum namque est propositum fuisse Christo vicem rependere Petro, illumque pro edita confessione eximiis praemiis cumulare. Hoc ductus sermonis evincit: hoc exordium, καὶ γὰρ δὲ σοὶ λέγω, persuadet: hoc veteres ecclesiae patres unanimes adnotarunt. Unde media quoque aetate Theophylactus ¹⁸⁴ scripsit: Ἀμείβεται τὸν Πέτρον ὁ κύριος, μισθὸν αὐτῷ διδοὺς μέγαν, τὸ ἐπ' αὐτῷ

ad Matth. XVI. 18, particulam καί, inquit, reddendam esse per *verum, sed*, bene monuerunt Michaelis in Notis crit. pag. 10, et Schoettgenius in Horis hebr. pag. 143, item in Lexico N. T. pag. 477. edit. noviss. pag. 510. Hanc notionem illius voculae multis scriptorum sacrorum profanorumque locis confirmat Eckardus in Ob-servatt. philolog. pag. 52.

¹⁸²) Lexicorum autem scriptores diceres ex interpretibus non paucos, qui tum sibi omne tulisse punctum videntur,

quum ad singulas voces particulasque far-raginem silvamque notionum, quas illae induere *absolute* possunt, collegere.

¹⁸³) Nam sequentia illico verba, καὶ δώσω σοὶ τὰς κλεῖς, ad Petrum certissime spectant; unde minimo intervallo triplex haberetur transitus a Petro ad Christum, et a Christo iterum ad Petrum, quum tamen verba non praeferant nisi artissimam continuationem.

¹⁸⁴) Comm. ad Matth. XVI. 18.

οικοδομηθῆναι τὴν ἐκκλησίαν. *remunerat Petrum Dominus, mercedem illi dans magnam, quod supra eum aedificavit ecclesiam.* At si verba, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν, seiungantur a praecedentibus, καὶ γὰρ δὲ σοὶ λέγω, ὅτι σὺ εἶ Πέτρος: si particula καὶ reddatur ἀλλά, et adversativa significatione sumatur; quodnam praemium Christus Petro contulit, quamve illi vicem rependit dignam edita confessione, dignam beatitate quam de eo praedicaverat, dignam solemnem exordio, καὶ γὰρ δὲ λέγω σοὶ, dignam persona loquentis? nihil plane contulisset, quum *Petri* nomen *destinatione* ac vero etiam *impositione* iampridem Simon accepisset. Quare vix unum alterumve e recentioribus interpretibus invenes, cui particula καὶ non sit copulativa, quique incisum, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν, ad Petrum non referat.

76. Sed iam alterum videamus corruptelae quam reieciimus finitimum, et quo se tandem protestantes recipiunt. Inficiari ipsi neque volunt neque possunt, hanc esse *demonstrativorum pronominum* rationem, ut subiectum quod *proxime* antecedit, suapte natura designent. Quid igitur moliantur, ut incisum ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν a Petro removeant? Principio monent quod est verissimum, tam *demonstrativa* quam *relativa* pronomina ad subiectum identidem referri non propinquum, sed mediatum ac remotius. Quod ut exemplis confirmarunt, cum Glassio, Dathioque¹⁸⁵ subdunt: „Huc pertinet Matth. XVI. 18: καὶ ἐπὶ ταύτῃ τῇ πέτρῃ *et super hac petra aedificabo ecclesiam meam.* Non super Petro, cuius mentio immediate praecedat, sed super Christo Jesu, quem Petrus v. 16. confessus est, *tu es Christus filius Dei viventis.*“

Quibus ut respondeam, opportunissimum arbitror describere quae Glassius, suffragante Dathio, continuo adiicit: „Abutuntur autem hac observatione¹⁸⁶ photiniani, dum I. Joh. V. 20. verba, οὗτός ἐστιν ὁ ἀληθινὸς Θεός, καὶ ἡ ζωὴ αἰώνιος, non ad *proxime praecedens*, filium scilicet Dei Jesum Christum, sed ad *remotius*, Deum scilicet Patrem referenda esse dicunt; quo veram Jesu Christi deitatem subvertant, ut ex Socino contra Bellarmin. et Wieck. cap. V. clas. III. argument. XII, et in comment. I. epist. Joh. cap. V. pag. 516. videre est. Sed, quod regula etiam praecipit, *nonnumquam* hoc fieri debet, contexto nempe sermone ita iubente. Usus vero pronominum relativorum et demonstrativorum *regularis* est, ut ad proxime praecedentia referantur. Et de demonstrativo οὗτος in ipso Johanne exempla in promptu sunt, Joh. I. 2—7—30, I. Joh. I. 2, cap. V. 6, II. Joh. v. 9. Cum igitur *necessitas* nos *nulla cogat*, ut naturalem hunc demonstrativi usum in explicatione verborum I. Joh. V. 20. deseramus: *scopus* praeterea apostoli sit Christi Salvatoris veram descriptionem tradere; et *collatio* insuper ostendat, ei praedicatum τοῦ ἀληθινοῦ Θεοῦ καὶ τῆς ζωῆς αἰωνίου vere competere,

¹⁸⁵) Philolog. Sacr. lib. I. tract. II. de Pronomine, can. XI.

¹⁸⁶) Quod pronomina demonstrativa ad remotius nonnumquam subiectum referantur.

confer cap. I. 1—2, cap. V. 11—12, et Joh. I. 1—2—4; recte a nobis defenditur, οὗτος ad *proxime praecedentem* Ἰησοῦν Χριστόν, non ad *remotio- rem* Deum ἀληθινόν referendum esse.“

At quid horum est quod de textu Matth. XVI. 18. non possit ac debeat iisdem verbis ingeminari? an quoad hunc textum *regula* desiit qua docemur, pronomina demonstrativa ex sese ad subiectum proximum revocari? an *canon* cessavit quo interdicitur, ne pronomina demonstrativa ad subiectum remotius *citra necessitatem* referantur? an *exempla* apud Matthaeum desiderantur, quibus communis regula servata comprobetur? an latet Christi *scopus* eo manifestissime spectantis, ut Petrum promissionibus locupletet? an desunt *loci paralleli*, quibus Petrus omnibus praepositus significetur? immo omnia adsunt et conspirant, ostenduntque non alium quam Petrum pronomine ταύτῃ designari.

77. In qua sententia validissime confirmabimur, si et *subiectam orationi materiam*, et *personarum temporisque adiuncta* nonnihil expenderimus. Lex namque est, cui boni omnes prudentesque obsequuntur, ut quo sermonis materia est gravior, eo verba deligantur aptiora, dicendique forma usurpetur, quae errandi aditum praecludat. Gravissimum porro summique momenti id esse, de quo in praesentia agitur, ex sese patet, quum ad modum rationemque instituendae regendaeque ecclesiae pertineat, tum dissidiis ostenditur diutinis ac acerbissimis, quae huius loci occasione extitere ac etiamnum existunt. Putabimus igitur et verba selecta fuisse diligenter, et eam dicendi formam usurpatam, quae sua perspicuitate dubitationem omnem de mente sententiae loquentis e medio tolleret. Quid vero aut a delectu alienius, aut a perspicuitate remotius ea oratione, in qua *sensus obrius a sensu vero* ¹⁸⁷ longissime distet, et *cuius partes, pronomina, particulae*, aliter sumantur, ac *nativa illarum potestas* exigat, *dictorumque series* suadeat? Negligunt igitur protestantes *loquendi legem materiae gravitate praescriptam*, dum particulam καὶ et pronomen ταύτῃ secus interpretantur, ac utriusque tritus vulgatusque usus efflagitet.

Neque minus *adiuncta* negligunt *personarum et temporis*. Equis enim est *qui loquitur*? Jesus, Dei Patris Verbum, divinusque hominum institutor atque doctor. Qui vero sunt *qui audiunt*? *omnes universim apostoli*, quos prae ceteris dilexit ¹⁸⁸, suaeque doctrinae testes, praeconesque ordinavit: tum *nominatim Petrus*, quem ob eximiam fidei confessionem ornabat laudibus, praemiisque cumulabat. Quo autem *tempore* ista dixit? quum primum ¹⁸⁹ suo ore eccle-

¹⁸⁷) Jam huius discriminis superius memini, quod eo pertinet, ut sensus ob- vii nomine veniat *sensus simpliciter ita dictus, quemque verba praeseferunt*; no- mine autem sensus veri *is exprimat* *quem auctor intendit*.

¹⁸⁸) Et quibus propterea, utpote iis quibus datum esset nosse mysteria regni

Dei, seorsum enucleabat, si quae coram promiscua multitudine obscurius implica- tiusque dixisset.

¹⁸⁹) Hoc enim primum tempore ex- tituram fidelium societatem *ecclesiae* no- mine designavit; neque antea *ecclesiae* meminit, quam *Petri* tamquam proprii eius- dem fundamenti meminere, ut omnes qui

siae nomen protulit, quum quod alibi ¹⁹⁰ adumbraverat, enucleatius expressit, rationemque significavit, qua suum ipse opus ¹⁹¹ erat perfecturus. Quis iamvero ista secum reputans arbitretur, Jesum *coram apostolis loquentem, cum Petro* quem laudibus praemiisque ornat *colloquentem, tum primum ecclesiam memorantem*, cuius speciem proponebat, oratione usum esse quae aliud exprimeret ac verba praesearerent, et in qua *coniuncta* essent *seiuungenda*, ac nihil *proprio*, nihil *obvio sensu*, nihil *pro ductu ipso adiunctisque* sermonis accipi oporteret? Videant igitur protestantes quam interpretationem sequantur. Omnino intelligent neque *grammaticam* illam esse, neque *historicam*, esse propterea *exlegem*, eoque spectantem, ut nihil sit reliquum, quod Scripturarum auctoritate statui, quodque eadem subverti vicissim non possit.

78. Quae in eos etiam graecae factionis schismaticos animadvertenda sunt, qui simili interpretandi licentia Christi verba depravarunt. Horum autem numero maxime veniunt schismaticus auctor ¹⁹² a Salmasio editus, Barlaam in opere ¹⁹³ de Primatu Papae, cuius verba recitat, laudatque ¹⁹⁴ Suicerus, et Nilus thessalonicensis archiepiscopus, qui ¹⁹⁵ sic habet: Ὁικοδόμησε μὲν τὴν ἐκκλησίαν ὁ Χριστός, ὁικοδόμησε δὲ αὐτὴν ἐπὶ τῇ θεολογίᾳ τοῦ Πέτρου, καὶ ἐπὶ πᾶσιν οἱ τῆς τοιαύτης ὁμολογίας φύλακες ἔσονται. *Aedificavit quidem ecclesiam Christus, aedificavit vero eam super sermone quem de divina Christi natura Petrus habuerat, et super omnibus qui eiusmodi confessionis* ¹⁹⁶ *custodes erunt.*

evangelium legimus intelligeremus, ecclesiam esse non posse quae Petro non ininitatur.

¹⁹⁰) Matth. VII. 24—25. coll. Luc. VII. 48.

¹⁹¹) Opus namque Christi merito dicitur ecclesiae aedificatio, Joh. X. 16, XI. 52.

¹⁹²) Cuius verba citat Huetius in notis ad Tom. XII. Origenis in Matthaeum, n. 10.

¹⁹³) De Primatu Papae, lib. II.

¹⁹⁴) In Thesouro Ecclesiast. ad v. Πέτρος, §. I. n. 3.

¹⁹⁵) De Primatu Papae, lib. II.

¹⁹⁶) Ad vocem πέτρα inquit Suicerus, una ne an multiplex fuerit veterum Patrum de Christi verbis interpretatio; ac primo statim loco scribit: *quidam voluerunt unumquemque fidelium petrae nomine designari.* Quod mox confirmare

pergit testimoniis Origenis in cap. XVI. Matthaei, et hom. XVI. in Jeremiam, Basilii, ut ipse censet, in cap. II. Isaiae, Gregorii nysseni de perfecta Christiani forma, et Ambrosii lib. VI. in Lucam.

Sed I. quam gerunt in his testimoniis *personam? interpretum* ne qui ἀκριβῶς verba Salvatoris expendant, subiectamque illis potestatem pro contexta oratione declarent? neutrum manifestissime agunt. Quo igitur pacto illos adducit Suicerus, ac si munere interpretum functi verba Christi de singulis fidelibus accepissent?

At nonne II. unicuique fidelium adscribunt, ut sit *petra*, ac *pro viribus*, ut Nyssenus ait, ἐν τῇ τρεπτῇ γνώσει τὸ ἀπομιμεῖται τοῦ δεσπότου καὶ ἀμετάθετον imitetur? Utique, sed quum docent non *cui* dicatur, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, verum *quibus virtutibus* tantam Petrus constantiam, tantamque

At unde haec Nilus, unde hisce affinia reliqui schismatici hausere? e Scriptura ne verbisque Salvatoris? nihil profecto minus, quum quidvis facilius sit, quam eum commentarium e Scripturae textu deducere. Num e Patrum doctrina atque sententiis? sed quantopere Patres ab eo corruptelae genere abhorruerint, nequit iis qui legunt non esse notissimum. Integrum igitur schismaticis non est repugnare catholicis, quin uno eodemque opere et Scripturis et christianae Traditioni refragentur. Immo quin pugnent *cum rerum naturis, iisque testibus* qui fidem penes illos obtinere debent. Si enim fideles singuli ¹⁹⁷ propter *στερότητα καὶ βάρος λογισμοῦ*, constantemque orthodoxae fidei professionem illa sunt *πέτρα*, de qua Christus loquens affirmat, *ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν*: ecclesia ipsa quae tandem erit, quibusve partibus, ceu vivis lapidibus coalescet? tota ne erit *fundamentum*, aut *aedificium* nonnisi haereticis, fideique proditoribus componetur? alterutrum foret consequens, si schismaticorum commentarius probaretur. Sed nihil utroque absurdus, ac nihil propterea eo commentario perversius.

Quod iis etiam innotuit, qui schismati licet addicti, prudentiam tamen humanitatemque non penitus exuerant. Innotuit Photio, qui de uno Petro ¹⁹⁸ scribit: *Πέτρος, ἐφ' ᾧ τὰ τῆς πίστεως κεῖται θεμέλια*, *Petrus, in quo reposita sunt fidei fundamenta*. Non latuit Theophylactum, qui ¹⁹⁹ Petrum vocat *τὴν μετὰ Χριστὸν πέτραν καὶ στήριγμα*, *post Christum petram et firmamentum*. Neque fugit canonum peritissimum Balsamonem, quo interprete ²⁰⁰ *ecclesia dicitur οἰκοδομηθεῖσα παρὰ Κυρίου ἐπὶ τῷ θεοκλήρῳ Πέτρῳ, a Domino aedificata super divinum praeconem Petrum*. Quem Menologium appellat *τὴν κρηπίδα τῆς ἐκκλησίας, τὴν πέτραν τῆς πίστεως, θεμέλιον τῆς πίστεως, καὶ δογματῶν βάσιν ἀσειστον, basim ecclesiae, petram fidei, fundamentum fidei, et inconcussam dogmatum basim*.

dignitatem promeruerit. Quam quum ille eximia potissimum fidei confessione promeruerit, idcirco *ἀναλόγως* inferunt, quemque nostrum posse ac vero etiam debere ad similem perfectionem, stabilitatemque adspirare. Unde Ambrosius: *enitere ergo, ut et tu petra sis*. Et paullo ante: *qui carnem vicerit, ecclesiae fundamentum*

est; et si aequari Petro non potest, imitari potest.

¹⁹⁷) Verba sunt Gregorii nazianzeni, Orat. XXVIII.

¹⁹⁸) Epist. CCXLIII.

¹⁹⁹) In Luc. XXII.

²⁰⁰) Ad can. XVI. carthaginiensem.

CAPUT V.

Quae sit extensio subiecta vocibus Matth. XVI. 18. ἐκκλησίαν μου: — eae patent latissime, omnesque complectuntur qui nomen Christo darent: — Dodwelli opinio contententis certum iis singularemque coetum designari: — expenditur eamque a vero longissime abhorreere demonstratur: — quod et protestantes fatentur: — qui propterea fateri et illud debent, praepostera esse quae de archetypo Petri primatu Dodwellus comminiscitur.

79. Sincera verborum Christi ¹, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, intelligentia, ac vis dignitatis promissae Petro qui πέτρα dicitur, non minimum ex ea pendet significatione, quae vocibus, μου τὴν ἐκκλησίαν, subiiciatur. Quemadmodum enim de honore ac potestate alicui facta aliter necessario arbitreris, si *civitas*, *provincia* aut *regnum* credita illi commissave fuerint; ita eadem existimari neque debet neque potest vis ac ratio *petrae* promissa Petro, sive illarum significatio corripitur angustius, sive latius protendatur. Decet igitur ac necessarium etiam est, ut qui sint fines illius loquutionis, qui ambitus, perspicue accurateque definiatur. Quod operosum haud erit, si hanc nobis legem dixerimus, ut eam solum interpretationem sequamur, eamque vocibus tribuamus potestatem, quae *loquendi usu biblico et ecclesiastico* ostenditur, *contextu orationis* suggeritur, *locisque parallelis* suppeditatur. Haec enim legitimae interpretationis principia quum *seorsum*, tum, et multo quidem evidentius, spectata *coniunctim* demonstrant, appellatione *ecclesiae* qua Christus utitur, eos comprehendi omnes, qui ad sacrum religiosumque coetum ab eo institutum pertinerent.

80. Et in Scripturis sane quum *ecclesiae* vocabulum de christianorum coetu ² adhibetur, neque appositis ³ adstringitur, ἀορίστως patet, omnesque fideles ubique diffusos *sua extensione* comprehendit. Perspicuum id est *inductione* ⁴ *locorum*, qui hanc extensionis universalitatem indubitata faciant. Atqui in eo quem prae manibus habemus textu, *ecclesiae* nomen de christianorum coetu sumitur, nullisque appositis coercetur. Illius ergo significatio universalis est, eundemque fundit sensum ac quum Christus ⁵ dicitur, κεφαλὴ τῆς ἐκκλησίας,

¹) Matth. XVI. 18.

²) Interdum enim de quovis hominum coetu usurpatur, idemque valet ac συναγωγή, πανήγυρις, σύνοδος, ut Act. VII. 38, XIX. 32—39, Hebr. II. 12.

³) Sicuti adstringitur Act. VIII. 1,

IX. 31, I. Cor. I. 2, I. Thess. I. 1, Coloss. IV. 16, Apoc. I. 4.

⁴) I. Cor. X. 32, XI. 16, XII. 28, Ephes. III. 10—21, V. 24—25—27—29—32, Coloss. I. 24.

⁵) Ephes. I. 22, III. 10—21, V. 23—24—25—27—29—32, Coloss. I. 18—24.

et Paulus ⁶ Timotheo praecipit quo se pacto gerat ἐν οἴκῳ Θεοῦ, ἥτις ἐστὶν ἐκκλησία. Quare quum varias ecclesiae significationes Schleusner ⁷ recenset, illamque tertio gradu ponit qua denotat *universum coetum doctrinam christianam profitentium, per orbem terrarum dispersorum*; mox subdit: sic legitur in *N. T. Matth. XVI. 18*: ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.

Neque his opponas construi τὴν ἐκκλησίαν cum pronomine μου, atque adeo neque adhiberi *simpliciter*, neque de universali eiusdem extensione constare. Etenim pronomen μου refertur ⁸ ad Christum, unde ἐκκλησία μου idem notat ac *ecclesia Christi*, ecclesia a Christo aedificanda, ecclesia qua latissime patet, quum neque pateat neque patere latius possit quam profecta a Christo aedificatio. Quod enim Paulus ⁹ de Corinthiis affirmat, Θεοῦ οἰκοδομή ἐστε, *Dei aedificatio estis*, de christianis omnino omnibus intelligi debet; quum nemo sit, nemo esse christianus possit, qui a Christo Deo in templum sanctum non aedificetur. Constructio igitur cum pronomine μου universalem significationis potestatem egregie confirmat.

81. Quae eadem perspicuitate ac evidentia recepto apud christianos loquendi usu stabilitur. Disserunt de eo pluribus Suicerus ¹⁰ et Tobias Eckhardus ¹¹, e quibus, aliisque sat nobis erit animadvertisse: I. infinitam prostare exemplorum silvam, in quibus ecclesiae nomine ¹² simpliciter accepto universitas fidelium designatur: II. nullum adduci exemplum posse, in quo *ex sese* ac *citra orationis adiuncta*, angustius usurpetur: III. universalem eiusdem extensionem *definitionibus* comprobari, quibus subiectam ecclesiae notionem Patres explicant, cuiusmodi haec est apud ¹³ Isidorum pelusiotam, τὸ ἄθροισμα τῶν ἀγίων, τὸ ἐξ ὁρθῆς πίστεως καὶ πολιτείας ἀρίστης συγκεκοτημένον, ἐκκλησία ἐστὶ, *coetus sanctorum* ¹⁴ *ex recta fide atque optima vivendi ratione collectus, ecclesia est*: IV. eodem pertinere quae tradunt *de partibus*, quibus ecclesiae aedificium constat, *membrisque* quibus corpus absolvitur. Docent enim ¹⁵ τοὺς ἐν πάσῃ τῇ οἰκουμένῃ

⁶) I. Tim. III. 15.

⁷) Lexic. in N. T. ad v. ἐκκλησία.

⁸) Quare haec formula cum iis conferenda est, quibus I. Cor. X. 32, mentio fit ἐκκλησίας τοῦ Θεοῦ, neque illa minus quam hae universales existimari debent.

⁹) I. Cor. III. 9.

¹⁰) In Thesauro Eccles. ad v. ἐκκλησία.

¹¹) In Technica Sacra, pagg. 70. seqq.

¹²) Hoc data opera Nicolius ostendit in Tract. *De l'unité de l'Eglise*, liv. I. chap. V.

¹³) Epist. lib. II. epist. CCXLVI.

¹⁴) Eo sensu quo in Scripturis ἅγιος, ὁ ἅγιος is passim dicitur, qui non est κοινός, sed a communi et promiscuo usu segregatus ad peculiare usus consecratus est. Hoc sensu fideles universim omnes dicebantur ἅγιοι et κλητοὶ ἅγιοι, opponebantur τοῖς ἀδελφαῖς et τῷ κόσμῳ, infidelibus et a christiana professione alienis. Unde Chrysostomus hom. I. in epist. ad Rom. I. 7. de usitata apud Paulum loquendi ratione ait: Ἀγίους δὲ τοὺς πιστοὺς καλεῖ πάντας.

¹⁵) Origenes contr. Celsum lib. VI, Chrysostomus in epist. ad Ephes. hom. X, et Theophylactus ad I. Cor. XII. 27.

πιστοὺς illius esse partes, et ¹⁶ Christum sic obtinere κεφαλῆς τάξιν, ut οἱ πιστεύοντες εἰς αὐτὸν τὴν τοῦ σώματος credentes in ipsum corporis locum sortiantur. Neque aliud V. ex iis proprietatibus apparere, quas unanimes ecclesiae adscribunt, et inter quas ea eminet qua catholica ¹⁷ dicitur, διότι καθόλου τοῦ κόσμου κεχυμένη ὑπάρχει, quia per universum orbem diffusa est. Idipsum tandem VI. iis effici, quibus ambitum, amplitudinemque ecclesiae, argumento ducto e vocis origine, explanant; uti quum Cyrillus hierosolymitanus ¹⁸ scribit, *apte christianorum coetus ecclesia vocatur, διὰ τὸ πάντας ἐκκαλεῖσθαι, καὶ ὁμοῦ συνάγειν, propter omnium convocationem, congregationemque.* Usu igitur loquendi definita est potestas, quae ecclesiae nomini subest, eoque servato necesse est ut Christi ad Petrum verba de universitate fidelium intelligantur.

Quid praeterea ex commate ¹⁹ insequente, orationisque contextu manifestius, quam formulas ἐκκλησίαν μου et βασιλείαν τῶν οὐρανῶν significatione aequipollere? sed ἡ βασιλεία τῶν οὐρανῶν, quum ecclesiae respondet, simpliciterque adhibetur, universum exprimit τῶν πιστῶν coetum. Hinc ²⁰ illa, ὁ μικρότερος ἐν τῇ βασιλείᾳ τῶν οὐρανῶν, et ²¹ ἡ βασιλεία τῶν οὐρανῶν βιάζεται. Quod igitur Christus dicit, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, idem prorsus notat ac si diceretur, *et super hanc petram, tamquam vivos lapides, fidelium populum aedificabo.* Sane quam heic vocat μου τὴν ἐκκλησίαν, in loco plane gemino ²² appellat τὰ ἀρνία μου καὶ τὰ πρόβατά μου. Nemo autem est christianorum, qui ²³ huius amplitudine formulae non comprehendatur. Neque igitur quisquam est, qui ecclesiae vocabulo non significetur, unde Petro Christus pollicetur fore, ut ipse petra sit ac fundamentum universalitatis credentium.

82. Abnuat Dodwellus, et quamquam minime diffiteatur, verba, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, ad Petrum spectare; contendit tamen iis Petrum designari *petram* ac *fundamentum* non universalis sed *certae ac particularis ecclesiae*, quae ceterarum omnium *archetypus* foret ac *exemplar*. Quod ut explicet, et sin minus argumentis, suspicionibus saltem coniecturisque suadeat, praemittit ²⁴: *prophetam fuisse Salvatorem: omnia Salvatoris dicta et facta fuisse prophetica: nominum mutationes a prophetis factas non consuevisse vacare mysterio: etymologiam nominis Petri in ipsum potius apostolum, quam in eius confessionem solam quadrare debuisse: ita tamen in eius personam conferri debuisse, ut tamen ulterius ²⁵ in gravioris momenti usum aliquem*

¹⁶) Theodoritus ad Ephes. I. 23.

¹⁷) Inter opera Athanasii, q. XXXVII. de Parabolis Scripturae.

¹⁸) Catech. XVIII.

¹⁹) Matth. XVI. 19.

²⁰) Ibid. XI. 11.

²¹) Ibid. v. 12.

²²) Joh. XXI. 15. seqq.

²³) Scio uni alterive e protestantibus

visum secus esse, sed ceteris repugnantibus, et contra manifestam verborum significationem, ut inferius patebit.

²⁴) Dissert. Cyprianica VII. §. XXVIII — XXXVII.

²⁵) Quod §. XXXII. his verbis explanat: „Verisimile non est in apostoli *unius* honorem haec esse Domini dicta referenda. Non erat maiestati eius congruum, ut dis-

sit etiam referenda: ad munus Domini propheticum id quoque pertinuisse ut ecclesiam suam formaret, non in doctrina modo, sed in disciplina etiam atque regimine: non hoc per apostolos dumtaxat medios praestare debuisse: ita tamen hoc curare ipsum debuisse ut tamen non disertis verbis proferret, sed per prophetica potius symbola atque aenigmata: pronos fuisse Domini auditores ut eius dicta omnia et facta in futurum ecclesiae usum referenda existimarent: et praecipue illa quae scriptis sacris mandata essent.

His autem praestructis veluti gradibus, subdit ²⁶: „Videri absonum non debere, ut Domini familia ecclesiae typum gesserit. Ut postea legimus de ecclesiis *κατ' οἶκον*, ita certe Dominus, quoties de ecclesia sua loquitur, servavit illam ipsam ut plurimum *domus* allegoriam. Proinde ut *οἰκείους πιστεως* appellavit ²⁷ apostolus, ita ²⁸ et *οἰκείους* Dominus. Proinde se ²⁹ nunc *κύριον οἰκίας*, nunc ³⁰ *οικοδεσπότην* vocat. Et quem praefecturus esset ecclesiae, eum ³¹ ecclesiae *οικονόμον*. Ad quam eandem formam *apostolatus*, quem hic denotavit, *οικονομία* ³² dicitur, et qui *apostolatui successit* etiam ³³ *episcopatus*. Nec aliunde ³⁴ capit experimentum futuri *episcopi* quam e propriae *domus* administratione, ut inde intelligatur, quomodo sit *in Dei domo* versaturus. Atque ad eandem administrationis *domesticae* metaphoram referendae sunt *claves regni* ³⁵ *coelorum*. Cum enim *domus* Domini coeli fuerit archetypa, propriumque eius, ut *Messiae*, *regnum* illud fuerit *coelorum*; plane sequebatur, qui *domui* eius praefectus fuisset, eum *regno* etiam *coelorum* fore praeficiendum. Dispensationis autem *domesticae symbola* fuerunt *claves* ei tradendae qui *domui* esset praeficiendus, sive *uxor* fuisset illa, sive etiam *dispensator*. Hic autem ad *dispensatoris* officium respexit. Ut enim praeter *domus privatas*, aliae *publicae* erant quae *palatia* vocamus; ita *claves* illae palatiorum *totius regni* administrandi erant *symbola*. Ita ³⁶ intelligendae *claves domus David*. Ut ³⁷ enim *throni Davidis* heres erat Dominus, ita et ³⁸ *claves David* habere dicitur, quae et ipsae *mystice* sunt intelligendae. Sunt enim eadem hic *claves regni coelorum*,

cupulo, ut servo adlaretur. Et vero *omnem* ille *titulorum fastum* in discipulis alibi repressit. Sed et ambitum, primumque in suo regno studiose quaerendum, quam primum esset ei occasio a discipulis oblata, vetuerat, et quidem severissime. Non est igitur ut oblatum ultro a Domino hunc honorem existimemus, ni maiora habuisset in mente quam quae primo sese intuitu nobis offerunt. ... Ecclesiae pariter hic atque apostoli causam tractari manifestum est.“

²⁶) Ibid. §. XXXVIII.

²⁷) Galat. VI. 10.

²⁸) Matth. X. 25—26.

²⁹) Marc. XIII. 35.

³⁰) Matth. X. 25.

³¹) Luc. XII. 42.

³²) I. Cor. IX. 17.

³³) Tit. I. 7.

³⁴) I. Tim. III. 4—5—15.

³⁵) De clavibus regni coelorum deque earundem significatione inferius dicemus.

³⁶) Is. XXII. 22.

³⁷) Luc. I. 32.

³⁸) Apoc. III. 7.

quae alibi ³⁹ *claves mortis infernique* nuncupantur. Videmus igitur quam apte *domus Domini* respondeat *ecclesiae*, quam apte claves sint symbola potestatis dispensatoriae atque domesticae, quam apte potestas illa dispensatoria apostolis primum, tum et episcopis apostolorum haeredibus conveniat.“

83. Jamvero pergit ⁴⁰: „Ut haec apte per *domus* allegoriam repraesentata sunt, ita nondum maturum erat ut per aliam quamvis repraesentarentur *domo auctiorem*. Sub iudaeorum pontificatu et in synagoga agenti ⁴¹ Domino non erat invidiosum, si *domus propriae* administrationem, si munus dispensatorium *in domo*, cui placuisset,tribuendum assumisset. Haec, vel iudaeis iudicibus, invidia carebant. Maiora tamen de eo crediderunt apostoli, domum illam non *privatam* esse sed *regiam*; fore enim Messiam regem qui gentem iudaeorum e romanorum iugo eriperet, regiamque illis potestatem restitueret. Proinde potestatem illam domus dispensatoriam facile erat ut de honoribus *palatinis* intelligerent. Sed ne ipsi quidem *aliorum* quam *iudaeorum* fore *regem* credidisse videntur, *regnumque* eius angustis Palaestinae finibus terminandum. Non igitur *provinciarum* administrationem rogarunt filii Zebedaei, sed *locum* ⁴² dumtaxat in *consensibus regni* honorificum. Ab eo aberant longissime ut *spirituale* et *futurae vitae* regnum eius esse crederent, ut per orbem qua patet universum ditionem eius esse agnoscendam, ut *gentes* eius fore participes, et quidem *paribus* cum Israele *privilegiis*, ut in hac vita nihil esset ab eo praeter *martyria* atque *cruces* exspectandum. Haec ita nondum crediderunt, ut si nondum in fide confirmati tale quidpiam a Salvatore audiissent, ne ipsi quidem fuissent a scandali periculo securi. Id ita futurum cum videret Dominus, studiosissime proinde ab omni plurium *ecclesiarum* ⁴³ *mentionem* abstinendum duxit.“

Quae quum ita se habeant, concludendum esse statuit, verba Salvatoris non posse nisi *ad singulas ecclesias* referri. „Sive enim, inquit ⁴⁴, *domum* illam Domini, pro *iudaeorum sententia*, intelligamus *de domo* dumtaxat *privata*; sive, pro *discipulorum* illa, *de domo* etiam *regia*: utrobique tamen *singularis ecclesiae* typum non excessit. Tota enim ditio *Palaestinae unicum* tamen agnoscebat *summum pontificem*, unicam solemnium conventuum *urbem*, scilicet *hierosolymitanam*, unicum *altare*, unica ⁴⁵ totius gentis *sacrificia*. Haec tamen

³⁹) Apoc. I. 18.

⁴⁰) Ibid. §. XXXIX.

⁴¹) Crederes, dum ista legis, serviisse Dominum falsis, perniciosisque iudaeorum opinionibus; quod a vero quantopere abhorreat, non est praesentis loci pluribus demonstrare.

⁴²) Rogavit pro eis mater, Matth. XX. 20. coll. Marc. X. 37, ut alter ad dexteram, alter ad sinistram sederet *ἐν τῇ βασιλείᾳ*, vel ut Marcus habet, *ἐν τῇ*

δόξῃ Christi; de qua phrasi accurate disputat Vitranga, Observatt. Sacr. lib. II. capp. IV—V.

⁴³) Male omnino, quum idcirco Dominus a *plurium* ecclesiarum mentione abstinuerit, quod *nonnisi unicam* instituerit ecclesiam, sicut *unum* a Patre accepit regnum, *unumque* corpus tam carneum, quam mysticum sibi copulavit.

⁴⁴) Diss. cit. §. XL.

⁴⁵) Sed haec omnia quid aliud prae-

omnia erant singulis etiam ecclesiis, pro illius aetatis moribus, communia. Uni illi sacerdoti respondebat *quilibet episcopus*, e sententia ⁴⁶ Cypriani; uni altari singulorum episcoporum *communio*; uni illi urbi hierosolymitanae quaelibet per orbem *urbs* in qua visum esset constitui *episcopum*, unis illis gentis universae conventibus tribus illis anniversariis festis *Paschae*, *Pentecostes* atque *Tabernaculorum* celebrandis, ecclesiarum singularum *conventus* iisdem illis festis cum suo cuiusque episcopo.

Paucis deinde interiectis, addit ⁴⁷: „Cum *singularum* itaque ecclesiarum typum gesserit illa Servatoris *domus*, videmus etiam quam apte *unius* dumtaxat *dispensatoris* facta sit mentio, qui idem fuerat *unius* typus *episcopi*. Et quidem ea vel ipsa ratio de *singulis* hoc *ecclesiis* intelligendum suadet, quod cum hoc in loco, in quo sententiae iam vulgo obtinenti, de *unica* dumtaxat *ecclesia* futura *οἰκονομικῶς* gratificatus est Dominus, *unius* dumtaxat occurrit mentio *dispensatoris*; postea cum de evangelio per orbem disseminando apertius loqueretur, ut proinde *plures* iam essent *domus* sive *ecclesiae* constituendae, tandem *plures* ab eo constituti sunt *dispensatores*, cum nulla vel minima *imparitatis* nota. Omnino omnia ad mentem Cypriani ⁴⁸ accommodatissime. Sequebatur enim *singularum* ecclesiarum *unicos* esse ex Domini institutione dispensatores episcopos. Sequebatur etiam *ecclesiae catholicae* praefectum *episcoporum* ⁴⁹ *collegium*. Illi nempe *parium* sibi invicem apostolorum collegio respondit antitypon in *ordinario* ecclesiae regimine collegium episcoporum, ipsorum quoque inter se *parium*, qui *singularum* essent ecclesiarum dispensatores *summi*, et nulli humanae potestati obnoxii. Cum autem *unam* dumtaxat *familiam* constituerent apostoli, reliqui, excepto dispensatore, pro *privatis* habendi erant, ut plane nihil faciat illud symbolum ad *unum episcopum* reliquis per orbem *universis* praeficiendum.

Quare allegoriam fundamenti his verbis ⁵⁰ enarrare pergit: „Observandum, non *domum* hic intelligi quamcumque, sed *publicam* dumtaxat et *sanctam*, quaeque adeo I. pro *templo* esset habenda. Nec enim alibi solebant haberi populi *conventus*, quos *ἐκκλησία* vertunt LXXII. Interpretes, quos vocabulorum ecclesiae *technicorum* auctores fuisse diximus. Eo nimirum respexisse videtur Dominus, quod de Messia praedictum ⁵¹ esset, fore ut *reaedificaret tabernaculum David quod deciderat, et diruta eius reaedificaret, et erigeret illud*. Haec certe

ferunt, quam quod catholici affirmant, regimen ecclesiae Christi ad unum supremum dispensatorem revocari?

⁴⁶) De sententia Cypriani iam egimus plus semel, deque ea videri praeterea possunt quae in praefatione ad eiusdem opera maurinus editor Prudentius Maranus scribit.

⁴⁷) Ibid. §. XLI.

⁴⁸) Praepostere, quum exploratissima

sit Cypriani doctrina, praehabitu idcirco fuisse Petrum, ut fons esset ac visibile principium catholicae unitatis.

⁴⁹) His exprimitur anglicanum dogma, quo ecclesiae administratio *ad aristocratiam* revocatur.

⁵⁰) Ibid. §. XLII.

⁵¹) Act. XV. 16.

prophetarum ⁵² Amosi verba ad tempora Messiae accommodavit s. Jacobus, quae de templo illos intellexisse qui locus erat *tabernaculo* recipiendo ab ipso Davide ⁵³ destinatus, est sane verisimile. II. Quoties de *templi reaedificatione* loquuntur ⁵⁴ veteres prophetae, ita illam ut plurimum efferunt, ut de *fundamentis* eius mentionem faciant, unde facile erat ut colligerent, a primis usque fundamentis fore eius sub Messia restaurationem. Ita videmus quam apte de fundamentis ecclesiae ponendis meminerit Salvator. III. Tamen *templum* hoc *Messiae*, non *literae* erat, sed *mysticum*, et quidem *vivum* illud, ut a templo illo iudaeorum vita destituto distingueretur, quippe quod *Dei* etiam *vivi* est templum, quo titulo Deus iudaeorum a gentium idolis in V. T. distinguitur. Non igitur *lapidibus* sed *personis* constat hoc Messiae templum. *Superaedificati*, inquit ⁵⁵ apostolus, *super fundamentum apostolorum et prophetarum, ipso summo angulari lapide Jesu Christo: in quo omnis aedificatio constructa crescit in templum sanctum in Domino. In quo et vos coaedificamini in habitaculum Dei in Spiritu sancto*. IV. Igitur cum hoc ipsum templum *e personis* constet, non est utique mirandum si *fundamentum* habeat itidem *personam*, nec dura istiusmodi locutio existimanda, sed genuina potius, reique ipsi accommodatissima. V. In hoc tamen templi huius *spiritualis a materiali* diversa est ratio, quod cum aedificium materiale *pluribus* nitatur *lapidibus fundamentalibus*, spirituale *unicum* dumtaxat habeat, quoties de *unica* dumtaxat Scripturae loquuntur ⁵⁶ *ecclesia*. Petrae equidem vocem pariter ac πέτρον pro quolibet *saxo* intelligi posse fateor. Cum vero de aedificii *fundamento* usurpatur, ut ⁵⁷ eius firmitatem denotet, tum vero *unum continuum saxum* intelligendum esse contendo, quando nimirum *solum* ipsum non aliud est quam *saxum*. Ita *petrae* vox hoc in loco intelligitur cum apostolo tribuitur, ut proinde *aliis* locum non relinquat *sui ordinis*, ne *apostolis* quidem. Ita etiam *lapis angularis* intelligendus est. Quamquam enim in aedificio materiali *plures* sint lapides angulares; at quo sensu Domino tribuitur, in aedificio spirituali certum est *plures* esse non posse. VI. Igitur si in hoc ecclesiae typo praeter *fundamentum invisibile*, ipsum nimirum Dominum, fuerit praeterea aliud *visibile, humanum*, et quidem illud ipsum quoque *unicum*; sequitur et *in singulis ecclesiis antitypis* praeter Christum aliud esse etiam fundamentum visibile et humanum, pariterque unicum, quod non aliud esse potuit quam episcopus.⁵⁸

84. Quae quidem omnia neque tanta cura, neque tanta prolixitate descripsissem, nisi quoddam veluti ingenii lumen referrent, multaque rei illustrandae

⁵²) Amos IX. 11.

⁵³) I. Paralip. XVII. 1.

⁵⁴) Is. XLIV. 28, Jerem. XXX. 18.

⁵⁵) Ephes. II. 20—21—22.

⁵⁶) Atqui nusquam Scripturae loquuntur nisi de unica ecclesia, quum unicum

sit mysticum Christi corpus; et si quando plurium coetuum mentionem iniiciunt, illosque ecclesiae titulo exornant, non aliter eos exhibent ac membra unius eiusdemque corporis, quod uno eodemque tam invisibili quam visibili capite regatur.

⁵⁷) Matth. VII. 24—25, Luc. VI. 48.

opportuna, eaque verissima complecterentur. Ecquid enim verius quam de Petro dici, *super hanc petram aedificabo ecclesiam meam*? quid verius quam his verbis ecclesiae iuxta ac Petri caussam contineri? quid verius quam Christum ea proferentem id muneris explesse quod ab ipso explendum sancti Dei homines praedixerant, fore ut disiectum, labefactatumque Davidis tabernaculum ab imis usque fundamentis reaedificaret? quid verius quam accommodatissimam esse *petrae* metaphoram *de Petro*, *deque persona* adhibitam, ut ea fundamentum significaretur aedificii non *materialis* sed *mystici*, quodque e lapidibus non *mortuis* sed *viventibus* viventi Deo erigeretur? quid verius quam eadem metaphora Petro dignitatem adscribi, qua ceteris plane omnibus, ipsisque apostolis praeponeretur? quid verius quam non magis *unam* ostendi *ecclesiam*, de qua Christus loquitur, ac *unum lapidem angularem*, illumque Christum, quam *unum conspicuum fundamentum*, illudque Petrum? quid tandem verius quam eo orationem totam pertinere, ut regimen *christianae ecclesiae* illi fore simillimum adumbraretur, quod in *ecclesia iudaica* praecessit, ut quemadmodum *unus* in hac fuit *summus sacerdos*, ita *unus* in illa futurus esset *supremus dispensator*? Talia haec sunt quae suo merito probentur, quaeque a Dodwello anglicanarum partium theologo nullatenus expectari posse videbantur.

A quo expectari contra et poterant et debebant quae cum his iungit, miscetque: I. Servatoris domum, ad quam ipse sua oratione respiciebat, typum fuisse *singularis* non *universalis* ecclesiae: Petrum II. propterea designatum quidem ab eo fuisse *supremum dispensatorem*, sed qui *singulari* non *universali ecclesiae* esset praeficiendus: unde III. promissam illi dignitatem huc recidere, ut veluti *archetypus*, *exemplarque* eius regiminis proponeretur, quo instituendae deinceps per orbem universum ecclesiae a singularibus praepositis, summisque dispensatoribus administrarentur. Video quam haec doctrinae illi adversentur quam nos catholici profitemur, quaque a protestantibus dissidemus: video eo referri omnia, ut *aristocraticum episcopale regimen* non sine manifesta praerogativarum Petri pernicie a Christo institutum persuadeatur; sed bene habet, quod tam perspicue sint falsa, ut facillimo negotio erroris convincantur.

85. Inquire enim a quo ea capite pendeant, cuive hypothese innitantur. Comperies constare sibi illa non posse, nisi fixa rataque habeatur interpretatio vocis *ecclesiae* a Christo adhibitae, quamque Dodwellus *de singulari ecclesia* Salvatoris domo praefigurata accipiendam esse contendit. At quibus argumentis, quibusve hermeneuticae adminiculis hanc ille acceptionem tuetur ac firmat? usu ne loquendi biblico atque christiano, sermonis contextu, locisque parallelis? ne apicem quidem de his habet, quibus tamen ⁵⁸ sincera quaevis expositio maxime continetur. Non agit ergo interpretem, sed ut Hilarius ⁵⁹ loquitur, *secundum*

⁵⁸) Mirum videri non debet quod de his tacuerit, quum adeo perspicue (nn. 80—81) catholicorum interpretationi patrocinentur.

⁵⁹) De Trinit. lib. X. Praemiserat: „Quis enim doctrinae profectus est, placita magis quam docenda conquirere? aut

desideria studiorum potius, quam secundum evangelicam fidem coacervat doctrinam.

Sane evangelica fides clamat, *super hanc petram aedificabo ecclesiam meam.* Quid Dodwellus? recipit verba fidei, sed illorum intelligentiam corrumpit, et quam Christus dicit *ecclesiam meam*, non hanc aut illam, sed ecclesiam meam, regnumque meum, de singulari ille definitoque coetu interpretatur; ut novo comprobetur exemplo ⁶⁰, *de intelligentia haeresim, non de Scriptura esse, sensum non sermonem fieri crimen, et formam quidem fidei certam esse, sed quantum ad haereticos omnem sensum incertum esse.* Ubi mihi videor immutatis vocibus, et *Filii* nomine *ecclesia* intellecta, repetere illud posse, quo arianos ad incitas redigebat Ambrosius ⁶¹, inquit: „Filius (ecclesiam meam) ergo legimus: mens tua percipit lectionem, edat lingua confessionem. Aufer hinc argumenta, ubi fides quaeritur.“

Sed permittantur Dodwello argumenta, ac unde illa sumat, examinetur. Tamquam certum interpretationis canonem praestituit, eam verborum Domini significationem esse tenendam, *quae cum ideis conspiret, quas de eiusdem domo iudaei habebant, vel haud paullo perfectiores apostoli conceperant.* Hoc est quod inculcat, hoc cui insistit, et quo fidem auctoritatemque edito a se commentario conciliat. Verum quis non catholicorum modo, sed anglicanorum etiam ac protestantium, quibus rationalistarum placita non penitus arriserint, hanc normam probet, et de potestate verborum Christi ex praeposteris iudaeorum notionibus,

quae doctrinae religio est non docenda desiderare, sed desideratis coacervare doctrinam?“

Quod haereticorum vitium enarrandi Scripturas *pro voluntate* ac *electione*, e qua ipsum *haereticum* nomen defluxit, alibi frequenter Hilarius carpit, uti quum lib. VIII. scribit: „Multi sunt qui simulantes fidem non subditi sunt fidei, sibique fidem ipsi potius *constituunt*, quam *accipiunt*, sensu humanae inanitatis inflati; dum quae *volunt*, sapiunt, et nolunt sapere quae *vera* sunt; cum sapientiae haec veritas sit, ea interdum sapere quae nolis. Sequitur vero *hanc voluntatis sapientiam sermo stultitiae*; quia necesse est quod stulte sapitur, stulte et praedicetur. Jamvero stulta praedicatio quantum malum est audientium, cum seducuntur in sententiam stultitiae sub opinione sapientiae!“

Ex eodem vitio dissidentes repetit hae-

reticorum commentarios, quum esse uniusmodi nequeat, quod ad variam, multiplicemque voluntatis electionisque normam dirigitur. „Per haec vitia, ait lib. X, studiosarum voluntatum omnes adversantium intentionum emergunt *contradictiones*; et inter *veri* assertionem et *placiti* defensionem pertinax pugna est, dum se et *veritas* tenet, et tætur *voluntas*. Ceterum si non praeiret *rationem voluntas*, sed *per veri intelligentiam ad velle* id quod verum est, moveretur, numquam *doctrina voluntati* quaereretur, sed *voluntatem omnem doctrinae ratio* commoveret, essetque omnis sine contradictione veritatis sermo, cum unusquisque non quod *vellet*, id verum esse defenderet, sed quod *verum* est, id velle coepisset.“

⁶⁰) Verba sunt eiusdem Hilarii de Trinit. lib. I.

⁶¹) De Fide, lib. I. cap. V.

aut imperfectis adhuc rudioribusque apostolorum ideis iudicandum esse arbitretur? nonne propterea Christus veluti *lux* refulsit, ut errorum tenebras umbrasque depelleret? nonne tamquam *veritas* apparuit, ut falsa detegeret, inchoataque ab solveret? nonne *magisterii* partes idcirco obiit, ut auditores, discipulosque ad altiora proveheret? ⁶² Quum igitur interpretanda veniunt Christi verba, non de eo debemus esse solliciti, quid *antea* iudaei, quidve discipuli imperfecti adhuc carnalesque existimarint, sed quid ille proprie dixerit, quidve aequum fuerit ut iudaei *deinde* ac discipuli existimarent et crederent. Iis porro verbis usus est Dominus, quae ecclesiam *simpliciter* exprimunt, futurumque eiusdem regnum repraesentant. De ecclesia igitur *simpliciter absoluteque* spectata, deque universali Salvatoris regno, cui Petrus ceu supremus dispensator praeficeretur, intelligenda sunt.

86. Et re sane vera *quando* ea Dominus protulit, *quemque* iis allocutus est? *cui* et *quando* dixit, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν? tum illa protulit, quum instituendum a se regnum *ecclesiae primum* nomine nuncupavit; ad *Petrum* vero eadem direxit, quem caelesti revelatione Pater edocuerat, quique Jesum ipsum non ut prophetam solum, hominemque praestantissimum, sed ut Christum Dei, germanamque Patris prolem credebatur et confitebatur. Nemo autem sibi facile persuadeat, tum carnalibus iudaeorum opinionibus, imperfectisque discipulorum iudiciis Christum indulsisse, quum Pater magnum ⁶³ aperiret pietatis mysterium, Deumque in carne manifestatum revelaret: tum veram ecclesiae rationem Petro abscondisse, quum Petrus divinam illius naturam, gloriamque depraedicaret: tum pro conditione humanae imbecillitatis verba temperasse, quum fides, lumenque caelitus immissum omnia sibi vindicarent. Vel enim opportunum numquam fuit, ut de *mystico suo corpore* pro rei veritate Christus loqueretur; vel tum maxime decuit, quum superna revelatione quod illi esset *caput*, Petro innotuit, quumque *caput ipsum* ecclesiae nomine *suum corpus* appellavit. Adiuncta igitur sermonis ostendunt, solemnem usitatamque significationem *ecclesiae* vocabulo esse subiiciendam.

Quod et aliud ostendit ab ipsomet Dodwello ⁶⁴ prudenter animadversum: „Non magis *prophetias obscuras*, cum respondissent *eventus*, non iam amplius obscuras, sed, pro id genus prophetiarum ratione, *manifestas*, fideque adeo dignissimas visas esse; quam certa quaedam Salvatoris dicta *aenigmaticae*, quum *officia* in ecclesia constituissent apostoli, iam patuisse *manifesto*, quam ea essent *ad Domini mentem* ab apostolis oblitis nescientibusque constituta. Erant enim

⁶²) Praeclare nyssenus Gregorius in altero adversus Eunomium libro: „In teris visus est Christus et cum hominibus conversatus, ut non amplius homines *pro animi sui sententia* de eo quod est opinentur... sed persuasi quod vere Deus in carne apparuit, illud solum verum pie-

tatis mysterium esse credant, quod per ipsum Verbum et Deum nostrum traditum est, qui per seipsum apostolis loquutus est.“

⁶³) I. Tim. III. 16.

⁶⁴) Diss. cit. §. XXXV,

multa Domini *dicta* quidem atque *gesta*, eo etiamnum superstite, non tamen nisi *in futurum* intelligenda. Unde etiam s. Spiritus officium *ὑπόμνησις* dicitur, qui non esset tam *nova* revelaturus, quam praeterita illa nec intellecta tamen Salvatoris dicta atque facta *in memoriam* revocaturus cum iam essent *ex eventu* ipso *manifesta*. Ut enim Domini *διδασχῇ* non *propria* ipsius erat, sed Patris; ita Spiritus sancti *διδασχῇ* non *alia* futura erat quam *Filii*. Ita enim praedixerat ⁶⁵ Dominus *de suis* accepturum esse Spiritum sanctum, quae postea esset apostolis revelaturus.

Consulatur igitur *eventus*, et si quid ecclesiae nomini obscuritatis inest, ipsorum factorum lumine depellatur. Quid est quod *gesta* praeferunt, sive illa quae apostolicis litteris, sive quae apostolicis actis consignata leguntur? num *certae*, *singularique* ecclesiae fuisse Petrum praepositum, an curam illi *universae ecclesiae* fuisse caelitus demandatam? Hanc quaestionem iampridem diremtam dedimus, argumentisque idoneis comprobavimus, eas sibi partes ⁶⁶ sumpsisse Petrum, ac eas illi ab omnibus ⁶⁷ fuisse delatas, quae uni, eidemque supremo *universae ecclesiae* oeconomo praepositoque convenirent. Eventu igitur illustrius redditur, quod loquendi usus, orationis contextus, adiunctaque omnia persuadent: *universalem* a Christo designatam fuisse *ecclesiam* quum dixit, *ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*.

Quam universalis ecclesiae significationem ipse etiam Dodwellus ⁶⁸ vidisset, nisi praeiudicata opinione deceptus sibi finxisset *hypothesim* de domo, familiaque Christi, quae *certam*, *singularemque ecclesiam* exhiberet. Quo enim nomine, quo titulo affirmare ipsi licuit, collectum primitus a Christo coetum *singularis* potius quam *universalis ecclesiae* exemplar extitisse? an tale est *semen*, quod aliquem dumtaxat e ramis, non totam arborem adumbret? an is est *fons*, qui aliquem solum e rivis, non totam ex eo defluentem aquarum copiam repraesentet? Decuit igitur ut domum, familiamque Christi ceu exemplar spec-

⁶⁵) Joh. XVI. 13 — 14.

⁶⁶) Lib. I. nn. 163. seqq.

⁶⁷) Lib. I. nn. 269. seqq.

⁶⁸) Immo illam quoque vidisset, nisi animum ab iis, quae ipsemet statuit, avocasset. Auctor (Diss. cit. §. XXXIX.) namque est, I. de dominica familia ecclesiam praefigurante non aliter sensisse apostolos quam *de regia domo*, cuius tam late pateret auctoritas, quantum Israelis regnum Messiae opera restituendum extenderetur: et II. eo sensu *de ecclesia* loquutum esse Christum, quo de eiusdem regno, regiaque domo apostoli cogitabant.

Horum ego neutrum, quod facere meo iure possem, aut negabo, aut in controversiam adducam, sed potius a Dodwello petam, ut quid cum utroque nexum sit, etiam atque etiam consideret. Intelliget profecto cum his cohaerere, non potuisse Petrum *regiae domus supremum oeconomum* a Christo designari, quin *praepositus universo* eiusdem *regno*, *universaeque ecclesiae* ab apostolis cognosceretur. Nullus igitur patet locus interpretationi de ecclesia *singulari*: nullus doctrinae de *omnimoda* apostolorum aequalitate: ac nullus proinde anglicanae haeresi *de episcopali aristocratia*.

taret non *huius, illiusve ecclesiae*, sed *ecclesiae universae*, quae tum non-nisi inchoata, deinceps esset eiusdem principis architecti opera ad ultimas usque mundi plagas explicanda.

Qua semel cogitatione suscepta, neque negasset perinde esse sive *dominicae familiae*, sive *universae ecclesiae* Petrum praepositum confiteri: neque ab ea nominis *ecclesiae* interpretatione discessisset, quae protestantium consensione probata a Campegio Vitringa⁶⁹ et Christophoro Wolfio⁷⁰ his verbis effertur: „Ecclesia heic notat populum, civitatemque christianam, a Christo tunc constitutam, et amplius constituendam per Spiritum sanctum, secundum certas leges rectam, et ubicumque tandem illius partes et membra sint, per fidem coadunatam. Haec multitudo dicitur ecclesia, ut israelitarum populus olim dictus est קהל.“

C A P U T VI.

Potestas integrae phraseos, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν: — quid de ea protestantes illi statuant, quibus *Petri, petraeque nomina sunt συνώνυμα*: — censent non aliam his verbis praerogativam, neque alium primatum quam praedicationis ostendi: — testimonia Cameronis, Bengelii, Rosenmülleri, Kuinoel, Schleusner et Bloomfield: — iudicium de hac interpretatione ferendum: — ea prorsus falsa est, quod internis externisque argumentis efficitur: — ipsorummet protestantium suffragio confirmatur: — iisque expolitur quae habentur Act. IX. 15: — legitima interpretatio affertur ac illustratur: — quid cum ea aptum sit atque cohaerens exponitur: — quaeve primatus ratio promissa Petro fuerit declaratur.

87. **D**efinito *subiecto*, ad quod *petrae* vocabulum referri debet, et nominis *ecclesiae* amplitudine vindicata, hoc unum esse reliquum videtur, ut quae sit *integrae phraseos* vis ac potestas, quaeque ex ea *pendeant*, accurate declaretur. Ac de utroque sane capite hanc novi insedissee et etiamnum insidere mentem iis e protestantibus qui de *subiecto* vocabuli *petrae* nobiscum consentiunt: I. Christi verbis, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, nihil aliud significari, quam Petrum prae ceteris fuisse delectum, qui *omnium primus* iudaeis ac gentilibus evangelium praedicaret, *omnium primus* ex iudaeis ac gentilibus ecclesiam colligeret, ac *omnium primus* vivos spiritualis aedificii lapides poneret: unde II. promissam illi excellentiam ac prae ceteris ὑπεροχὴν ad *primatum praedicationis* suapte natura pertinere.

⁶⁹) De Synagoga Vetere, lib. I. cap. I.

⁷⁰) In Curis Philolog. ad Matth. XVI. 18.

Innumeri propemodum sunt, qui hunc sibi commentarium expoliendum, tuendumque susceperunt, e quibus, ne sim prolixior, aliquot solum commemorabo, illosque vel eruditiores, vel qui communiori usu prae ceteris innotuerint. Primum autem locum Hammondo ¹ deferam et Cameroni, qui principio e Scripturis probant, *exordia* atque adeo *fundamenta* utriusque ecclesiae ² iudaicae et gentilis ministerio Petri tribuenda esse; tum inferunt, verbis, *et super hanc petram aedificabo ecclesiam meam*, hunc prorsus inesse sensum: „Tu eris ecclesiae meae fundamentum, eadem mente qua ³ et reliqui apostoli erant fundamenta, et ⁴ columnae; quorum scilicet opera ecclesiae moles fulcitur atque sustentatur, et a quibus ecclesiae conditae sunt, *postquam* scilicet Petrus opus *inchoasset*, qui *primus* huius operis auctor fuit.“

Non abludit Bengelius ⁵, inquiens: „Certe super apostolos aedificata est ⁶ ecclesia Christi, quatenus illi et *primi* fidelium fuere, et ceteri fideles *illorum opera* accessere. Qua in re praecipua quaedam sane Petri, salva apostolicae potestatis aequalitate, *praerogativa* exstitit; nam is ⁷ et *primus* iudaeos lucrefecit plurimos, et idem ⁸ *primus* gentes ad evangelium ⁹ admisit.“

Consonat Rosenmüllerus ¹⁰ his verbis: „Quid autem hoc loco sit *οἰκοδομεῖν*, id potest illustrari ex locis II. Cor. VI. 16, I. Petr. II. 5, I. Cor. III. 9, Ephes. II. 20. Ecclesia nempe comparatur ¹¹ templo, cui fundamenti loco sunt apostoli. Haud vero aliter petrae aut fundamenti nomen tribuitur apostolis, quam *τὸ σῶζεν* Rom. XI. 14. Quum ergo dicit Christus *οἰκοδομήσω*, tempus illud respicit, quo ¹² Petrus *primus* omnium iudaeis, deinde ¹³ et alienigenis *erat annunciaturus* idipsum, quod hic profitebatur, nempe Jesum esse Christum et unigenam Dei Filium. Resurrectionem nimirum Jesu, cui consequens est, eum esse Christum et Dei Filium, crediderunt et iudaei et gentes tum communi apostolorum, tum *peculiari* etiam *Petri testimonio*. Per hunc modum Petrus factus est *petra* sive *fundamentum* populi christiani.“

Neque secus Schleusner, cuius haec est ¹⁴ verborum Christi *παράφρασις*: „Tibi velut fundamento, saxo solido constanti superstruam ecclesiam christianam; hoc est, tu eris *summus et maxime insignis doctor* religionis christianae.“

¹) Apud Matthaeum Poli in Synopsi crit. ad Matth. XVI. 18.

²) Act. II—XV.

³) Apoc. XXI. 14.

⁴) Galat. II. 9.

⁵) In Gnom. ad Matth. XVI. 18.

⁶) Apoc. XXI. 14.

⁷) Act. II.

⁸) Ibid. X.

⁹) Videtur sensisse Bengelius tenuiora haec esse, quam ut vim reddant dominicae promissionis; unde continuo subdit:

„Praeterea hic potissimum fratres suos confirmare, ovesque et agnos Domini pascere iussus est.“

¹⁰) In scholiis ad Matth. XVI. 18.

¹¹) Inciso consequente moveor, ut cum *civitate* potius quam cum *templo domo* comparari ecclesiam arbitrer.

¹²) Act. II. 14. seqq.

¹³) Ibid. X. et XV. 7.

¹⁴) In Lexic. N. T. ad v. *πέτρα*.

¹⁵) Probari ista possent, si de *primatu fidei ac doctrinae*, quo Petrus prae-

Simillima notat Kuinoel, dum ¹⁶ ait: „Sensus verborum Christi nostro loco omnino hic est: tu in ecclesia mea (μοῦ, non Petri, sed Christi) fundanda egregiam operam navabis, per te *inchoabo* opus novae religiosae societatis condendae, tu eris ¹⁷ *στύλος καὶ ἑδραίωμα τῆς ἐκκλησίας*, unus e praecipuis religionis meae doctoribus et defensoribus. Id quod etiam *evenit*; nam Petrus ¹⁸ *primus omnium* post Christi in vitam reditum publice iudaeis et ¹⁹ gentilibus doctrinam Christi annuntiavit. Alluditur autem verbis *καὶ ἐπὶ ταύτῃ τῇ πέτρᾳ* x. τ. λ. ad morem in Palaestina receptum ²⁰ aedificia in solo saxoso extruendi, quo ²¹ aquarum procellarumque vim eludere possint; et ecclesia comparatur hoc loco cum domo ponenda et extruenda super rupe, sicut et in scriptis apostolorum ²² saepius comparatur cum templo. Jesus ergo verbis, *ἐπὶ ταύτῃ ἐκκλησίαν*, illud tempus respexit, quo post suum ex his terris abitum *Petri opera* e iudaeis atque gentilibus quam plurimi ad Christi signa sese collaturi essent.“

Hinc doctor Bloomfield ²³ veluti rem exploratissimam, et a Pearsonio ²⁴ iampridem animadversam tradit, Petrum ecclesiae *πέτρων* idcirco nuncupari, quod opus aedificandae ecclesiae *primus* inchoaverit.

88. In quo quidem commentario nihil est bonae frugis, nihil quod depravationis speciem, imaginemque non referat, quodque certis, luculentisque rationum momentis non confutetur. E quibus videri postremum non debet, quod numquam de eo antiqui Patres ²⁵ cogitaverint, numquam aliquid in medium

omnibus insignis esset, et *propter quem* omnes in unam eandemque cum eo fidem conspirare deberent, intelligerentur. Sed ab hoc sensu alienum fuisse Schleusner, non est cur dubitemus.

¹⁶) In comm. ad Matth. XVI. 18.

¹⁷) I. Tim. III. 15.

¹⁸) Act. II. 14. seqq.

¹⁹) Ibid. X—XV. 7.

²⁰) Matth. VII. 24. seqq.

²¹) Nescio an non heic quadret canon quinto loco a Moshemio propositus, in Dissertatione, *De eo quod iustum est circa sacrarum litterarum ex profanis scriptoribus interpretationem et emendationem*, quique sic habet: „Arcana semper, *allusiones*, ut vocant, reconditasque virtutes, quas emphases appellant, in vocabulis et loquutionibus sanctorum scriptorum quaerere, res *nimiae* sagacitatis est.“

²²) II. Cor. VI. 16, I. Petr. II. 5, I. Cor. III. 9, Ephes. II. 10.

²³) In notis ad Matth. XVI. 18.

²⁴) In exposit. Symboli.

²⁵) Cogitassent vero, si pronus obviusque fuisset, quemque verba et sermonis structura suggererent. Fas igitur mihi sit repetere quae Samuel Werenfelsius in Orat. de scopo interpretis sacrarum litterarum graviter monuit: „Unde est quod plurimi interpretes usque eo fastidiunt sensus faciles et simplices, venantur ubique singulares, longiusque petitós? . . . Horum quidem hominum honestissima oratio est: nihil aliud ipsis, si diis placet, curae est quam caussa verbi Dei. . . . At si rem penitus examinas, suam potius et gloriae suae causam agunt. Quo enim exquisitior creditur cuiuslibet dicti sensus, eo latiore campum sibi obtinuisse videntur, luxurianti phantasiae fraenum laxandi, et quidlibet in quolibet loco inveniendi.“

adduxerint, quod ad illum accedere utcumque videretur. Habemus latinorum, graecorumque in Matthaeum commentarios, ac plurima eorumdem habemus opuscula, in quibus verba Salvatoris ad Petrum vel *data opera* expendunt, vel *carptim* ac *ὡς ἐν τύπῳ* interpretantur. In tanta nihilominus expositionum, adnotationumque copia ne vestigium quidem occurrit, quod cum protestantium explicatione conspiraret; omnium namque una sententia est, prolatis a Christo verbis ²⁶ *anteferri Petrum ceteris discipulis*, illi uni *maiora* quam ceteris committi, τὸ τῆς ἐκκλησίας *ἔρεισμα ecclesiae* ²⁷ *columen* designari, καὶ τὴν οἰκοδομὴν τῆς ἐκκλησίας *et* ²⁸ *ecclesiae aedificationem* in ipso veluti constitui.

Quae paucis quidem verbis, at ponderis omnino maximi complexus est ²⁹ Gregorius nazianzenus, inquit: „Vides, quemadmodum ex Christi discipulis, magnis utique omnibus et excelsis atque electione dignis, ὁ μὲν πέτρα καλεῖται, καὶ τοὺς θεμελίους τῆς ἐκκλησίας πιστεύεται, hic (scilicet Petrus) quidem petra vocetur, ecclesiaeque *fundamenta* in fidem recipiat?“ At quos dicit Nazianzenus τοὺς τῆς ἐκκλησίας θεμελίους? ipsos dubio procul apostolos. Neminem igitur exceperit Christus, non magnum, non parvum, omnesque tam magnos quam parvos Petro regendos, sustentandosque commisit. Persuadere autem mihi nequeo tantopere sibi, suisque litteris, ingenioque protestantes confidere, ut hac adeo perspicua a priscis, sanctissimisque patribus dissensione ne leviter quidem commoveantur.

Qua profecto longe etiam commovebuntur vehementius, si ad eam caussam animum adverterint, quae Patrum aliquos impulit non quidem ut a Petro averterent, sed ut verba, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, de Christo inprimis interpretarentur. Hi sunt ³⁰ Augustinus, Theodoritus ³¹, Beda ³², Paulinus ³³ aquiliensis, Dungalus ³⁴, Rhabanus Maurus ³⁵, Hervaeus ³⁶ ac ³⁷ Innocentius III, quibus auctoribus tanta est excellentia, tantaque dignitas evangelicis verbis expressa, ut *plene ac per se* uni Christo conveniat, puro autem homini, quamquam eximiis aucto donis, *nonnisi altero gradu* convenire possit. Pluribus hanc caussam ³⁸ Augustinus enarrat, ac pluribus post Augustinum reliqui expolunt. At numquam in hanc mentem venissent, si evangelicis verbis non aliud efferri ornamentum putassent, quam quod protestantes existimant, et *praedica-*

²⁶) Apud Basilium in prooemio de iudicio Dei, n. 7.

²⁷) Apud eundem con. Eunomium, lib. II. n. 4.

²⁸) Apud Gregorium nazianzenum, Orat. VII. ad Gregorium patrem.

²⁹) Orat. XXVI.

³⁰) Retract. lib. I. cap. XXI, in Joh. Tract. CXXIV, et de verbis Domini in Matth. Serm. XIII. capp. I—II.

³¹) In I. Cor. III. 11.

³²) In Matth. XVI. 18.

³³) Cont. Felicem urgelit. lib. I.

³⁴) In libro con. Claudium taurinensem.

³⁵) De Universo, lib. IV. cap. I.

³⁶) In Matth. XVI. 18.

³⁷) Serm. II. de consecrat. Pontificis.

³⁸) Mihi prorsus mirum est, communia solum vulgataque a protestantibus reperiri, ubi patres nonnisi caelestia divinaque contuebantur. Sed in Scripturas quadrat quod de coloribus usurpamus, non minimum illorum splendorem ex aspicientium oculis pendere.

tionis primatu concludunt. Maximum igitur est inter utrosque interpretationis dissidium, neque ulla patet via, qua ad concordiam revocentur.

Sed forte ratio protestantibus non deficit cur in opposita irent, diversamque interpretationem, penitus inspecta verborum potestate consecrarentur. Hoc quidem non admodum *prima fronte probabile* apparet, *secundis* vero expensum *curis falsissimum* deprehenditur.

89. Etenim ad quas ipsi normas suam interpretationem exigunt, aut quibus e fontibus illi fidem conciliant? quae superius³⁹ a nobis descripta sunt, luculenter ostendunt, interpretationem de munere proponendi *primum* evangelii, deque *praedicationis primatu* cum eo munere cohaerente, triplici e loco ab ipsis desumi, quorum alter *dogmaticus*, *historicus* alter, ac postremus dici *analogicus* potest.

Mox videbo rite ne an praepostere ad eiusmodi se locos receperint, sed continuo postulabo qui factum sit ut *adiuncta orationis* neglexerint, *partium συνάφειαν* praeterierint, *insitamque metaphoricae loquutionis potestatem* usu loquendi non circumscripserint. Ideo ne quod isti neque *propinqui*, neque *potiores* legitimae interpretationis *loci* habeantur? sed eruditi plane omnes aliter decernunt, quibus solemne est cum Jacobo Elsnero⁴⁰ inculcare: *nihil aequae verae exegeseos regulis quam horum neglectum omissionemque adversari: quum ea tandem vocum, formularumque eligi significatio debeat, quam nexus orationis, res ipsa et circumstantiae reliquae maxime requirunt.* An igitur putabimus horum examen a protestantibus idcirco sepositum, quod neque sibi rebusque suis commodum fore praeciperent, quod catholicis gratissimum cognoscerent, quodque maiorem de eo curam gererent quo se modo expedirent, quam quo plena in luce veritatem collocarent? non negabo haec aliaque his similia ad conflandam in eos artificii dolique mali suspicionem opportunissima, sua veluti sponte animum subire; neque illis propterea insistam, sed porro pergam, vimque earum rationum aestimabo, quibus commentarium *de primatu praedicationis* communiri posse censuerunt.

E quibus prior eaque *dogmatica* mihi talis videtur, quae obesse quidem caussae possit, iuvare illam non possit. Ecquid enim aiunt? videlicet *omnimodam inter apostolos iuris auctoritatisque aequalitatem esse indubitatam, ac repudiari idcirco catholicorum expositionem oportere, quod huic certae explorataeque veritati refragetur.* At ne moneam quod est suapte natura manifestum, hoc praestituto lemmate constare quidem posse quaenam fallax sit interpretatio, non item quae germana, sinceraque existimari debeat; velim mihi protestantes respondeant, talis ne sit omnimoda apostolorum aequalitas, quae ultro a catholicis concedatur. Ego namque scio quod ipsi non ignorant, et negari illam a catholicis constanter, et iam inde a primis saeculis ab iis fuisse summa consensione negatam, quos catholici patrum, magistrorumque loco verentur. Unde

³⁹) n. 87.

⁴⁰) In observatt. ad Coloss. I. 24.

communem fidem his plane verbis Isidorus hispalensis⁴¹ proponebat: „Quod vero *de parilitate* agitur apostolorum, *Petrus praeminet ceteris*, qui a Domino audire meruit, *tu vocaberis Cephas, tu es Petrus, et super hanc petram aedificabo ecclesiam meam*; et non ab alio aliquo, sed ab ipso Dei et Virginis Filio honorem pontificatus in Christi ecclesia primus accepit, cui etiam post resurrectionem Filii Dei ab eodem dictum est, *pasce agnos meos*, agnorum nomine ecclesiarum praelatos notans. Cuius dignitas potestatis etsi ad omnes catholicos episcopos est transfuga, specialius tamen romano antistiti singulari quodam privilegio veluti *capiti* ceteris membris celsiori permanet in aeternum. Qui igitur debitam ei non exhibet reverenter obedientiam, *a capite* seiunctus *acephalorum* schismati se reddit obnoxium.“

Ex his porro colligitur, nefas fuisse protestantibus in hac cum catholicis disceptatione eiusmodi doctrinae caput veluti *negantem*⁴² *interpretationis normam* sibi praefigere, quod ab iis reiici damnarique non ignorarent. Utique, nisi praesto habuissent Scripturarum testimonia, quibus illud comprobarent. Quanam vero? conspicua ne an obscura, certa an dubia, et de quibus maximae lites agitentur? non novi prolata hactenus fuisse⁴³ testimonia, quae clara, certa, ac extra contentionem posita merito videantur. Testimoniis igitur fluxae incertaeque explanationis protestantes innituntur, ut suum adprobent commentarium, illumque expugnent quem catholici complectuntur.

Postremo quanam ratio videri idonea debet, ut haec ipsa de apostolorum aequalitate controversia apte dirimatur? quum nullum⁴⁴ adsit conspicuum testimonium, id reliquum dumtaxat⁴⁵ est, ut quaecumque omnia ad institutam a Christo regendae ecclesiae potestatem referuntur, sedulo colligantur, collecta comparentur, comparataque ad decidendam causam, ferendamque sententiam adhibeantur. Atqui inter ea quae colligi, quae conferri, quaeque adhiberi debent, suus quoque est locus, isque insignis evangelico testimonio, cuius sinceram significationem exquirimus. Illius igitur interpretatio neque pendet neque pendere a dogmate potest, sive quod protestantes tenent *de aequalitate apostolorum*, sive

⁴¹) In epist. ad Eugenium toletanum episcopum.

⁴²) Qua scilicet praefinirent quae admittere expositio nequeat.

⁴³) Quae enim a protestantibus non sine aliqua veri specie adducuntur, ea habentur Matth. XVIII. 18, XXVIII. 18—20, et Joh. XX. 21—24. Sed I. his *diserte* efferri omnimodam apostolorum aequalitatem, ne ipsi quidem protestantes affirmare ausint. Reliquum est igitur II. ut illam *virtute* doceri contendant. Sed catholici unanimes repugnant, ac iis, ut ipsi cen-

sent argumentis, quae fidem facere debeant. Omnimoda igitur apostolorum aequalitas praesumi non potest, ac instar normae stabiliri, a qua evangelici textus interpretatio discedere nequeat.

⁴⁴) Nobis quidem certum est neque conspicuum neque obscurum adesse, parcius tamen loquimur, ne ante triumphos agere quam absolvisse pugnam videamur.

⁴⁵) Nullam propterea Traditionis mentionem iniicimus, quod nobis statutum sit, auctoritate *Scripturarum* litem dirimere.

quod catholici profitentur *de primatu*, quo unus prae omnibus Petrus auctus a Christo fuerit ac ditatus. Ab his autem alienissima sunt quae sibi protestantes sumunt, quum *instar dogmaticae regulae* apostolorum aequalitate utuntur, ut catholicam interpretationem proscribant. Omnia igitur sus deque miscent, *placitisque dogmaticis* in hermeneutica controversia non obscure abutuntur.

90. Quo comperto abusu, arduum nobis haud erit *alterius* quoque *canonis*, quem ipsi *ex eventu* sumunt, nosque *historicum* nuncupavimus, defectus vitiaque patefacere. Etenim I. quum de probandis improbandisque iuribus disputatur, nihil esse antiquius debet, quam ut instrumenta, tabulaeque consulantur, quibus *illorum institutio* continetur. Institutio namque est, e qua proprie iura pendent, quaeque arbitrii, iudiciiue *legem* constituit. Neque periculo vacat, si institutione seposita, *ex eventum factorumque norma* iudicium *maxime* pronuncietur. Nihil enim impedit quominus quis aut iura *non exercuerit* quibus potiebatur, vel non *ea amplitudine* exercuerit, qua poterat. Unde illud apud eruditos viros receptissimum, genus esse *perniciosissimae fallaciae*, si ex usus exercitiiue defectu ipsius iuris potestatisque defectus concludatur. Quid iamvero protestantes? in hac de iuribus Petri capitali quaestione minimam de instrumentis tabulisque institutionis curam gerunt, seque totos ad usum. exercitium, factaque convertunt. Eam igitur ineunt explanandae controversiae rationem, quae et a rerum natura dissidet, et probari a nobis non potest.

Praesertim quum II. alio eoque deteriore vitio maculetur. Habitus enim quo iura cum usu, exercitioque cohaerent, est illi simillimus ac plane unus idemque quo caussae cum profectis ex iis effectibus devinciuntur. Neminem porro latet, vim, facultatemque caussae aestimari rite non posse, si *aliquot solum eiusdem effectus* considerentur: *summa* spectetur oportet, ut cuiusmodi illa sit, quantumque valeat, iudicetur. Quamquam igitur protestantibus permetteremus, ut de Petri iuribus ex historia potius ac eventu quam ex ipsa institutione decernerent; hac dumtaxat lege id a nobis permitti posset, ut nihil eorum silentio tegeretur, quae ad illius facta, gestaue referuntur: nihil eorum praeteriretur quae in evangelis ⁴⁶, quae in Actis ⁴⁷, quaeque in apostolicis litteris ⁴⁸ narrantur. At vero horum ne omnium habuerunt ipsi rationem, aut ex horum summa de praerogativis Petri, deque potestate phraseos, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν arbitrati sunt? immo e sexcentis propemodum factis, quae nos suo loco ⁴⁹ expendimus, et quibus primatum Petri, supremamque auctoritatem stabilivimus, nonnisi unum alterumve ⁵⁰ in examen ipsi vocarunt, ac ex uno tantum alterove quid de iure Petri, deque significatione evangelici textus sentiendum sit praepostera deductione concluderunt.

Atque heic III. me veritati prospecturum arbitror, si aliud praeterea notem quo seducti, deceptique protestantes videntur. Haud multis opus est ut quisque

⁴⁶) Lib. I. nn. 13. seqq.

⁴⁷) Ibid. nn. 163. seqq.

⁴⁸) Ibid. nn. 150. seqq. nn. 269 seqq.

⁴⁹) Ibid. nn. 259. seqq.

⁵⁰) Ea nimirum solum quae narrantur

Act. II. 14. seqq., X. et XV. 7.

intelligat, errorem esse non illum quidem *rarum*, *gravissimum* tamen, quo quae iuncta nexaque sunt non secus accipiuntur ac si *unum idemque* forent. Cohae- rent lux et calor, neque propterea idem sunt: cohaerent vulnus et dolor, neque propterea confunduntur: cohaerent verbum mentis quodque ore profertur, neque distinctam propterea naturam exuunt: cohaerent flores et odor, neque propterea discrimen cessat quo secernuntur. Quid iamvero protestantes? rerum coniunctione decepti umbram corpori, rivum fonti, effectusque caussae substituerunt. Quum enim ex Actorum lectione ⁵¹ perspicerent, Petrum inter apostolos ministerio suo, verbique praedicatione eminuisse, quippe qui *primus* iudaeos, *primus* gentiles Christo adiunxerit, ecclesiamque ex utroque populo *primus* collegerit; id sibi reperisse visi sunt, quo et singulares illius dotes ostenderentur, et primatus ratio praerogativa praedicationis contenta explicaretur. Fallaci plane iudicio, quum ea Actorum lectio non ipsam primatus rationem, sed illius effectum aliquem exhiberet. Summopere namque decebat, ut qui propter primatum supremus ecclesiae doctor, fideique magister fuerat institutus, is omnium primus fidei doctrinam proponeret, magisterii partes obiret, fingendis discipulis operam daret, ecclesiamque ex utroque iudaeorum, gentiliumque populo extrueret, ipsoque opere demonstraret quum ecclesiam futuram *universalem*, tum sibi auctoritatem potestatemque *catholici magisterii* fuisse collatam.

De quo artissimo rerum nexu, ab ea tamen confusione alienissimo, quam protestantes commentum sunt, egregia habet Maximus taurinensis episcopus ⁵² de Petro scribens: „Tamquam bonus pastor tuendum gregem accepit, ut qui sibi ante infirmus fuerat, fieret omnibus firmamentum: et qui ipse interrogationis tentatione nutaverat, ceteros fidei stabilitate fundaret. Denique pro soliditate devotionis *ecclesiarum* ⁵³ *petra* dicitur, sicut ait Dominus: *tu es Petrus, et super hanc petram aedificabo ecclesiam meam*. Petra enim dicitur, eo quod *primus* in nationibus fidei fundamenta posuerit, *et tamquam saxum immobile totius operis christiani compagem molemque contineat*. Petrus ergo pro devotione *petra* dicitur, et *petra* pro virtute ⁵⁴ Dominus nuncupatur, sicut ait ⁵⁵ apostolus: *bibebant autem de spirituali consequente eos petra, petra autem erat Christus*. Recte *consortium* meretur *nominis*, qui *consortium* meretur et *operis*.“ Ubi quod ait, Petrum appellari *petram*, *quod tamquam saxum immobile totius operis christiani compagem molemque contineat*, ad declarandam pertinet praerogativam Domini verbis expressam, *tu es Petrus, et super hanc petram aedificabo ecclesiam meam*; quod autem addit, vocari *petram* *eo quod primus in nationibus fidei fundamenta posuerit*, ad id spectat quod erat cum dignitate primatus supremique magisterii iure consertum.

⁵¹) n. 87.

⁵²) In Homiliis Hyemalibus, *De Petro Apostolo*, hom. IV.

⁵³) Non certae cuiusdam ecclesiae, sed *ecclesiarum*, atque adeo *catholicae eccle-*

siae, quae artissima omnium societate componitur.

⁵⁴) Virtutem intellige insitam, non benevola communicatione receptam.

⁵⁵) I. Cor. X. 4.

91. Restat ⁵⁶ *analogicus locus*, quo suam protestantes interpretationem colorant, quemque e textibus, ut ipsi opinantur, similibus geminisque desumunt. Horum autem *duos* proferunt, Pauli alterum ⁵⁷ qui sic habet: Ἐποικοδομηθέντες ἐπὶ τῷ θεμελίῳ τῶν ἀποστόλων καὶ προφητῶν, ὄντος ἀκρογωνιαίου αὐτοῦ Ἰησοῦ Χριστοῦ· ἐν ᾧ πᾶσα οἰκοδομὴ συναρμολογουμένη αὖξαι εἰς ναὸν ἅγιον ἐν κυρίῳ: ac alterum Johannis ⁵⁸ qui scribit: Καὶ τὸ τεῖχος τῆς πόλεως ἔχον θεμελίους δώδεκα, καὶ ⁵⁹ ἐπ' αὐτῶν δώδεκα ὀνόματα τῶν δώδεκα ἀποστόλων τοῦ ἀρνίου.

Verum respondent ne haec verba illis quae ad Petrum Christus direxit, inquires: Σὺ εἶ Πέτρος καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν? sunt ne haec *tria* testimonia ad invicem *parallela* atque *similia*? similitudo *vocabulorum* plane desideratur, atque adeo non iniqua suspicio est, ipsam quoque *rerum* similitudinem desiderari. Ac abest profecto, tum quia *antecedentia*, *consequentia*, *adiunctaque omnia* in tribus testimoniis alia sunt ac diversa: tum quia evangelicum testimonium mercedem refert *uni Petro* repensam, duo vero reliqua excellentiam, praestantiamque *apostolis omnibus*, *ipsisque prophetis* ⁶⁰ *communem* repraesentant. Quare patrum nullus, nullus ecclesiasticorum scriptorum docuit, *eandem* esse evangelici textus, reliquorumque potestatem, ac ex his *peti normam* debere, qua illius significatio determinetur. Abutuntur igitur protestantes *analogia*, *locorumque collatione*, abutuntur *dogmaticis*, *historicisque* adiumentis, suamque tueri interpretationem nequeunt, quin *principes hermeneuticae leges* conculcent.

92. Et sane consideretur *imago* quae in evangelico testimonio adhibetur, et e qua *metaphoricae loquendi formulae* depromuntur. In oculos continuo incurrit, *eum respectum*, *habitudinem* inter Christum ac Petrum designari, quo sibi mutuo *architectus*, *fundamentumque* respondent. Quemadmodum enim *architecti* personam gerit Christus, inquires, οἰκοδομήσω μου τὴν ἐκκλησίαν: ita

⁵⁶) n. 89.

⁵⁷) Ephes. II. 20—22.

⁵⁸) Apoc. XXI. 14.

⁵⁹) Ex Gloss. ἐν αὐτοῖς.

⁶⁰) Ne dubium sit *prophetarum* nomine Ephes. II. 20. venire prophetas non *veteris* sed *novi testamenti*, conferantur quae Paulus subdit capp. III. 5, IV. 11, quaeque Beniaminus Koppe disserit Excursu III. in epist. ad Ephesios. Jam vero de prophetis N. T. constat, I. Cor. XII. 28. coll. Ephes. IV. 11, altero ab apostolis gradu censeri illos haberique oportere.

Quo igitur accipimus sensu, quod in-

finite dicitur, fideles, universamque ecclesiam aedificari ἐπὶ τῷ θεμελίῳ τῶν ἀποστόλων καὶ προφητῶν? eo ne ut dignitatis gradusque *discrimen* inter apostolos prophetasque tollamus? absurdum id foret. Absurdum igitur videri ex aequo debet, inde caussam negandi discriminis Petrum inter ceterosque apostolos sumi, quod tam his quam illi *fundamenti* ratio tribuatur. Contingere enim potest ut quod utrisque *commune* est, non *eodem* tamen modo, *eodemque gradu* utrisque conveniat: contingere potest ut quod *γενικῶς* omnibus adscribitur, idem *ειδικῶς* *unius Petri* sit proprium.

fundamenti personam Petro adscribit, dicens, καὶ ἐπὶ ταύτῃ τῇ πέτρᾳ. Respectus autem tanta perspicuitate, evidentiaque secretos commiscent protestantes: ac Petrum quem Christus futurum πέτρων affirmat, ipsi futurum οἰκοδόμον interpretantur: partesque *architecti* quas sibi hoc in loco Christus vindicavit, Petro deferunt, ut illum praerogativa *fundamenti*, qua insignitur a Christo, facilius exspolient. Ecquid enim est quod Petro promissum censent? quod ipse *omnium primus ministerio verbi* ecclesiam esset collecturus. Sed actio haec est ac functio τοῦ οἰκοδόμου, non autem munus et ἀξίωμα τῆς πέτρας.

Sequitur altera depravatio, qua *insitam vocabulorum vim, potestatemque* corrumpunt. Christus enim eam Petro dotem, functionemque pollicetur, quae vocabulo effertur *fundamenti*, cui *aedificium numquam commovendum* incumberet. Tu es, inquit, Petrus, et super hanc petram aedificabo ecclesiam meam, et portae inferi non praevalebunt adversus eam. Propria autem immediataque *notio* fundamenti, quo *invictum, sempiternumque* aedificium sustentetur, *notio est stabilitatis et constantiae*, *notio* quae neque in dote neque in functione reponi potest, quae *perennis* haud sit, sed *dilabatur ac effluat*. Christus igitur dotem functionemque Petro spondet non *temporariam* ac *fluxam* sed *sempiternam* atque *constantem*, illumque futurum ecclesiae petram dicit *propter munus quod numquam esset desitutum*. Quis porro credat *eiusmodi* fuisse *primam* evangelii praedicationem, qua Petrus iudaeos ac gentiles ad Christum perduxit? quis fingat, ideo Petrum *iugiter* adesse ecclesiae, tamquam perenne eiusdem fundamentum, quod evangelii praedicationem ipse *iugiter auspicetur?* praeteriere iamdudum haec omnia, et nisi praeteriissent, *etiamnum* ecclesia inchoaretur. Nisi ergo affirmare placeat, posse pro arbitrio distinctas diversasque vocabulorum significationes commisceri: nuspiam iam esse ecclesiae fundamentum: ecclesiamque ipsam ab eo avulsam dissipatamque iacere; alia quaerenda est eorum quae Christus dixit sincerior interpretatio.

Quod nisi fiat, *ipsa* quoque *orationis veritas* periclitabitur. Si enim Petrus propter primatum praedicationis, coactosque primum fidelium coetus, ecclesiae πέτρα dictus existimetur; illius dumtaxat ecclesiae πέτρα haberi poterit, quam suis ipse curis exstruxerit. Suis autem curis, suoque ministerio nonnisi *singulares aliquot coetus* Domino dedicavit. Cuius igitur ecclesiae πέτρα habendus erit? *particularis* dumtaxat, quaeque angustis locorum, personarumque limitibus finiretur. Testatur vero Christus fore Petrum petram et fundamentum non huius illiusve ecclesiae, sed τῆς ἐκκλησίας μου, ecclesiae simpliciter, ecclesiae catholicae, ecclesiae ad finem usque saeculorum explicandae atque diffundendae. Sua igitur veritas promissioni Christi non constaret, si ea de praedicationis primatu acciperetur.

Quid quod ecclesia super Petrum aedificanda, quaeque Petro tamquam fundamento incumberet, fore *immobilis, constanterque victrix* perhibetur? et *portae inferi*, ait Dominus, *non praevalebunt adversus eam*. Quae vero ecclesiarum, quas Petrus sua praedicatione exstruxit, quasque *Petri alumnas*

Tertullianus appellaret, invicta perstitit, aut quae non oppugnata, expugnataque fuit? expugnatae fuerunt ecclesiae Palaestinae, expugnata ecclesia antiochena, et si protestantibus bene multis⁶¹ credimus, ipsa quoque fracta victaque cecidit⁶² romana ecclesia. Fundamenti igitur dignitas Petro collata neque ad eas solum refertur ecclesias, quas ipse primus aedificavit, neque de primatu praedicationis intelligi potest.

93. Quod ea luce splendet, ut plurimum etiam e protestantium numero suffragium, assensionemque promeruerit. Eorum videlicet omnium, qui nihil sibi tutum, nihil contra catholicos validum satis munitumque arbitrabantur, nisi pro virili contenderent, *petrae* nomen dignitatemque *ad unum Christum* pertinere. Quos inter Franciscus Turretinus⁶³ ad rem praesentem accommodatissime scribit: „Scio velle *quosdam*⁶⁴ ex veteribus, et post eos *nonnullos*⁶⁵ ex recentioribus, sic designatum fuisse singulare privilegium et munus Petro datum, ut primus⁶⁶ tam inter iudeos quam inter gentes evangelium praedicaret, et sic ecclesiam christianam fundaret et colligeret. Sed licet hoc verum sit, *non potest huc*

⁶¹) Moderatiores sunt qui nostra aetate scribunt, sibi quoque religioni ducerent convicia repetere, quibus romanam ecclesiam, veluti turpissimam meretricem, antiquiores protestantes insectabantur.

⁶²) Quod a vero quantopere abhorreat, ex iis etiam deprehendere licet, quae in octava oecumenica synodo, act. VIII. Bahanes Patricius, episcopis suffragantibus advertit: ordinem esse divinitus praestitutum, ut in quinque patriarchalibus sedibus ecclesia universa consistat, ac *in evangelii suis* propterea docuisse Christum fore, *ut numquam illae aliquando penitus deciderint, eo quod capita ecclesiae sint.* Etenim, pergit, *illud quod dicitur: et portae inferi non praevalerunt adversus eam, hoc denuntiat: quando duo ceciderint, currunt ad tria; quum tria ceciderint, currunt ad duo; quum vero quatuor forte ceciderint, unum quod permanet in omnium capite Christo Deo nostro, re- vocat iterum reliquum corpus ecclesiae.*

Sed haeresi victas corruisse quatuor patriarchales sedes, alexandrinam, antiochenam, hierosolymitanam et constantinopolitanam, neque catholicis neque protestantibus anceps est. Restat igitur ut in-

victa perstiterit romana Petri sedes, cum qua orthodoxi omnes convenire debeant, et cuius auctoritate, curisque disiecta membra ad corporis unitatem revocentur.

Hoc autem quod historia teste *factum* novimus, fieri *debuisset*, romanamque Petri sedem neque vinci neque superari *potuisse*; praeclare significavit Anselmus lucensis praesul in libro con. Guibertum scribens: „Uno vel duobus (e tribus praecipuis patriarchis) a fide corrudentibus, romanus in eiusdem fidei fundamento licet pulsatus, licet concussus, tamen stetit *immobilis*. Caelum enim et terra transibunt, verba autem eius non transibunt qui dixit: *tu es Petrus, et super hanc petram aedificabo ecclesiam meam, et portae inferi non praevalerunt adversus eam.*“

⁶³) Instit. Theolog. Elenctic. Loc. XVIII. q. XVII. §. XV.

⁶⁴) Quos ex *veteribus* Turretinus appellet, me fugit, quum illorum neminem noverim, qui eiusmodi interpretationem tradiderit.

⁶⁵) *Nonnullos* sua Turretinus aetate scribere potuit; in praesentia *plerique omnes* dicendi sunt.

⁶⁶) Act. II. 24, et X. 34.

pertinere. Nam praeterquam quod hoc personale privilegium foret Petro, quod Papae competere non posset; sic bene quidem *architectus* et *fundator* vocaretur, per quem aedificanda esset ecclesia; sed non *fundamentum* eius, super quod aedificari deberet, ut heic Christus loquitur.“ Qua censura nihil simplicius, nihil verius, ac nihil quo interpretatio *de praedicationis primatu* validius profligetur.

Et admitti sane recipique non potest, quin *propria distinctaque* Petri Paulique *ornamenta* confundantur, *divinaeque oeconomiae ratio* perturbata violetur.

Sicut enim *character* est Petrique *nota* ut *ecclesiae fundamentum*. credatur ac sit; ita *tessera* est *propriumque* Pauli *decus*, ut *summus praedicator* existimetur. Is *plus omnibus* ⁶⁷ laboravit, ac is ⁶⁸ ecclesiarum *omnium* cura studioque inflammatus ea praestitit, quibus inter delectos a Christo aedificatores princeps ac summus merito videretur. Unde Maximus de utroque simul apostolo sermonem habens ⁶⁹: „Jam necessarium, inquit, reor, ut *proprias eorum specialesque virtutes* prout ariditas linguae nostrae ingeniique tenuitas patitur, immo ut misericors Deus annuerit, proloquamur.“

At quas unicuique *proprias dotes* adscribit? et primum quas tribuit *Petro*? de eo scribit: „Hic ille est Petrus, qui confitendo Christum Dominum vivi Dei esse Filium, validissima invictaque nobis credendi fundamenta constituit.... Hic est Petrus, cui Christus Dominus communionem sui nominis libenter indulsit; ut enim sicut apostolus Paulus edocuit, *petra erat Christus*; ita per Christum Petrus factus est petra, dicente ei Domino: *tu es Petrus, et super hanc petram aedificabo ecclesiam meam*.... Hic est Petrus, cui Christus ascensus ad Patrem pascendas oviculas suas agnosque commendat, ut quos ille pietatis miseratione redemerat, hic fidei suae virtute servaret..... Quid ⁷⁰ magnificentius Petro, qui tantae confessionis merito, cum corruptibili adhuc esset in corpore, et necdum ipse ascendisset in caelum, regnum illi caeleste et claudere et aperire permissum est?... Quanti ⁷¹ igitur meriti apud Deum suum Petrus erat, ut ei post naviculae parvae remigium, totius ecclesiae gubernacula traderentur?... Quid ⁷² de Petro referam, cuius tanta a Deo est approbata iustitia, tantaque ei potestas attributa est iudicandi, ut in arbitrio eius poneretur caeleste iudicium? perspicite ergo et aestimate, quanto nobis sit Petrus apostolus honore reverendus, cuius sententiam in terris prolatam sempiterni iudicis aequitas non repellit. Et ideo diligenter intendite quae sit eius gloriae magnitudo, cui dum claves regni committuntur aeterni, caelum illi claudere et aperire permissum est.“

De *Paulo* autem ⁷³ subdit: „Hic est Paulus, qui pro suarum remuneratione virtutum ultra humana merita tertium raptus ad caelum, caelestia secreta cognovit, ut ecclesiarum futurus doctor inter angelos disceret, quod inter homines

⁶⁷) I. Cor. XV. 10.

⁶⁸) II. Cor. XI. 28.

⁶⁹) In homiliis de Sanctis, *In Natali beatissimorum Petri ac Pauli apostolorum*, hom. I.

⁷⁰) Hom. II. de eodem festo.

⁷¹) Hom. III. de eadem festivitate.

⁷²) Ibidem.

⁷³) Ibid. hom. I.

praedicaret. Aut quis ei impune ultra non credat, qui de sacramentis dominicis non solum audita loquitur, sed et visa testatur?.... Sed ⁷⁴ iam veniamus ad beatissimum Paulum, cuius tanta est nihilominus plenitudo fidei, ut peculiarem quodammodo eum sibi ducem ad illuminanda gentium corda cunctorum praescius Salvator eligeret. Erat enim tam praecipuus in doctrina, animi virtute tam potens, innocentia et integritate tam sanctus, ut uno eodemque tempore, hinc eum sacerdotes et principes iudeorum per aemulationem legis antiquae, data in christianos persequendi auctoritate dirigerent; hinc illum ad ecclesiae solatium atque omnium credentium firmamentum ⁷⁵ Christus vocaret e caelo. Cuius ob hoc sunt a Domino caecati oculi, ut suscepta gratia veritatis, caelesti acie et lumine clariore fulgerent, pariterque adverteret christiani nominis princeps futurus ⁷⁶, Christum quem persequabatur, caecandi illuminandique habere virtutem. Ut autem praeteream cetera, quae eum universo orbi mirabilem faciunt, unum illud quod ad omnes eius sufficit laudes, quis valeat aestimare quantae sit gloriae, quod cum inter homines ageret, speciali quadam divinitatis gratia, et paradisi illi penetrabilis et caelum pervium fuit? quid ergo, fratres, hoc doctore perfectius, qui in caelo didicit quod in terris doceret? quid hoc teste veracius, cui elevato super caelos oculis videre et approbare concessum est, quod postmodum promitteret credituris?.... Quid ⁷⁷ hoc apostolo magnificentius, cui in medio mortalium constituto, et supra caelos ire datum, et ad terras redire concessum est? quid hoc beatius viro, qui inter secreta paradisi ediscere meruit, quod nec lingua hominis loqui possit, nec quisquam mereretur audire? et quum tantae sint sublimitatis illa quae docuit, ut comprehendere ea mens humana non possit, quantae illud putemus esse gloriae quod prodere sibi asserit non licere?“

⁷⁴) Hom. II. de eodem festo.

⁷⁵) Firmamentum omnium credentium fuit Paulus, I. eodem sensu quo ecclesia super omnes aedificata apostolos universim perhibetur: fuit II. sensu etiam praestantiore, quatenus doctrina sua omnium fidem instruxit ac munivit; sed firmamentum III. non fuit eo sensu quo de Petro dicitur, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, et quo eum credimus originem ac centrum catholicae unitatis designatum.

⁷⁶) Princeps christiani nominis vocatur Paulus, quum I. eadem de causa, qua apostoli generatim omnes in christianis nominis principes dicuntur; tum II. proprio etiam nomine, quatenus inter aposto-

los splendore doctrinae praedicationisque refulsit. Minime vero III. princeps vocatur iure ac potestate, praeque ipsis apostolis; haec enim ornamenta IV. uni Petro constanter deferuntur, qui et Paulo maior nuncupatur.

Unde Pelagius II. in quarta, quae est ad Istriae antistites epistola, Petrum cum Paulo conferens ait: „Debet ergo perpendere vestra dilectio, quia praedecessorum nostrorum in hac causa consensus tanto post inanis non fuit, quanto prius duris contradictionum laboribus insudavit. Sed his insuper factum Petri, qui et Paulum superat, vestra fraternitas ad memoriam reducat.“

⁷⁷) Hom. III.

Ad *utrumque* vero ea pertinent quae ⁷⁸ subiicimus: „Gloriosissimos christianae fidei principes annuis solemnitatibus honorantes, ipsum Dominum ac Deum nostrum, qui huius auctor est fidei, debita religione veneramur Nos ⁷⁹ vero ecclesiarum omnium reverendissimos patres, Petrum dico et Paulum, piissimis studiis honoremus, quibus Christi praestante gratia, factus est hodie de morte natalis, quibus finis vitae vivendi initium dedit Hi ⁸⁰ ergo sunt beatissimi Petrus et Paulus, qui sacramentum caelestis regni uno spiritu praedicantes, sub unius passione diei doctrinam suam pio sanguine et morte fortissima consecrarunt, qui etiam tamquam ecclesiarum omnium principes facti dispensatione caelesti, Romam ⁸¹ petentes, sacratissima sua corpora in illius urbis arce recondiderunt, quae totius orbis obtinuerat principatum, quatenus potentiam virtutis suae Christus ostendens, ubi mundus caput habebat imperii, ibi regni sui principes collocaret Licet ⁸² in Petro fides emineat, in Paulo doctrina praecellat, et magisterium tamen Pauli fidei plenitudo est, et credulitas Petri doctrinae est fundamentum Hi ⁸³ itaque sunt ecclesiarum columnae Petrus et Paulus, quos et vita sanctissima venerabilem produxit ad mortem, et gloriosus occasus fecit esse perpetuos. Quos non solum honoramus ut martyres, sed ut magistros patresque martyrum veneramur, qui ecclesiam Dei et caelesti praedicationis doctrina, et pii sanguinis effusione fundarunt Cum ⁸⁴ omnes beatissimi apostoli parem gratiam apud Dominum sanctitatis obtineant, nescio quo tamen pacto Petrus et Paulus videntur prae ceteris peculiari quadam in Salvatore fidei virtute praecellere. Quod quidem ex ipsius Domini iudicio possumus approbare. Nam Petro sicut bono dispensatori clavem regni caelestis dedit, Paulo tamquam idoneo doctore magisterium ecclesiasticae institutionis ⁸⁵ iniunxit, scilicet ut quos iste erudierit ad salutem, ille suscipiat ad quietem, ut quorum corda Paulus patefecerit doctrina verborum, eorum animabus Petrus aperiat regna caelorum. Clavem enim quodammodo a Christo scientiae et Paulus accepit. Clavis enim dicenda est, qua ad fidem peccatorum dura corda reserantur, mentium secreta panduntur, et quidquid intrinsecus clausum tenetur, in palam rationabili manifestatione producit. Clavis, inquam, quae et conscientiam ad confessionem peccati aperit, et gratiam ad aeternitatem mysterii

⁷⁸) Hom. I. de eodem festo.

⁷⁹) Ibidem.

⁸⁰) Ibidem.

⁸¹) Ex his geminisque patrum loquutionibus obortam esse doctrinam merito proscriptam de Petro ac Paulo, duplici ecclesiae capite, norunt eruditi. Prolixum eorum catalogum qui eiusmodi doctrinam refutarunt, exhibet Thomas Ittigius diss. IV. app. tract. de Haeresiarchis.

⁸²) Hom. III.

⁸³) Hom. IV.

⁸⁴) Hom. V.

⁸⁵) Eadem mente in vetustissimo Leo-

niano Sacramentario scriptum legimus: „Qui ut hanc sedem (romanam) regimen ecclesiae totius efficeret, et quod haec praedicasset, ostenderet ubique servandum; simul in ea *et apostolicae principem* (Petrum) *dignitatis*, et *magistrum* (Paulum) *gentium collocasti*.“

salutaris includit. Ambo igitur claves a Domino perceperunt, *scientiae* iste, ille *potentiae*. Divitias immortalitatis ille dispensat, scientiae thesauros iste largitur.“

Commune est igitur Petro ac Paulo, ut *ecclesiarum principes* dicantur; sed *propria* est *ratio*, qua principis nomen ac dignitas utrique tribuitur. Est Petrus princeps, sed *potestate ac gradu*, quo ipsum ⁸⁶ *superat* Paulum: est Paulus princeps, sed *charismate scientiae* ⁸⁷ *et ὑπεροχῇ praedicationis*; est princeps Petrus, sed principatu *regiminis, potiorisque auctoritatis*: est princeps Paulus, sed principatu *laborum, doctrinae, splendorisque*, quo illius ministerium ac praedictio refulsit. Egregie ⁸⁸ Venantius Fortunatus:

Caelorum portae lati duo lumina mundi;

Ore tonat Paulus, fulgurat arce Petrus.

Inter apostolicas radianti luce coronas

Doctior hic monitis, celsior ille gradu.

Et ⁸⁹ rursum:

Princeps clave Petrus, primus quoque dogmate Paulus.

Sed horum nihil est, quod sua evangelici textus interpretatione *de primatu praedicationis* protestantes non turbent, nihil quod non commoveant; quum et Petro detrahant quae illi negari non possunt, ac ea vicissim adscribant quae *Pauli propria* esse omnium consensione firmatur.

94. Cuius consensionis quum gravissima ex sese sit auctoritas, multo tamen evadit illustrior, si divina in Petrum et Paulum oeconomia sacris consignata litteris attendatur. E regione textus describam quibus ⁹⁰ illa continetur, ut et iniri comparatio facilius possit, et quid cum ea sit nexum, facilius evidentiusque deduci.

I. Ὅτι σὺ εἶ Πέτρος,

II. καὶ ἐπὶ ταύτῃ τῇ πέτρᾳ οἰκοδομήσω
μου τὴν ἐκκλησίαν.

I. Ὅτι σκεῦος ἐκλογῆς μοι ἐστὶν οὗτος,

II. τοῦ βασιτάσαι τὸ ὄνομά μου ἐνώ-
πιον ἐθνῶν, καὶ βασιλέων, νιῶν
τε Ἰσραήλ.

Perspicuum est ita sibi in utroque textu incisa respondere, ut quod brevius

⁸⁶) Confer quae retulimus Pelagii secundi verba, quibus adde canonem XLIV. ex nicaenis arabicis summo orientalium ecclesiarum consensu probatis: „Quemadmodum patriarcha potestatem habet super subditos suos, ita quoque potestatem habet romanus pontifex super universos patriarchas, quemadmodum habebat *Petrus super universos christianitatis principes*.“ Hinc Arator lib. II. Hist. Apostolicae:

Gloria rerum

Contulit, ut Petro Paulum gerat ordo secundum,

Qui fundamentis manet architectus in istis.

⁸⁷) Huc faciunt Cyrilli hierosolymitani

verba e Catech. VI. n. 15, ubi quum initio Petrum atque Paulum ecclesiae *προστάτας* dixisset, explicationis gratia mox subdit: „Petrus namque erat is, qui *claves caeli* circumferebat; Paulus vero is, qui *in tertium caelum atque in paradisum raptus erat, audieratque arcana verba*, quae non licet homini loqui.“ Quibus charisma scientiae exprimitur, de quo rursum loquitur Catech. XIV. n. 26.

⁸⁸) Lib. III. carm. VII.

⁸⁹) Lib. IX. carm. II.

⁹⁰) Matth. XVI. 18. coll. Act. IX. 15.

in prioribus effertur, latius in posterioribus declaretur. De Simone dicitur, *quod tu es Petrus*; de Paulo, *quod iste vas mihi* (Christo) *est electionis*. Sequitur explanatio, ac eorum quidem quae ad Simonem pertinent, his concepta verbis: *et super hanc petram aedificabo ecclesiam meam*; eorum vero quae ad Paulum referuntur, talis est: *ad ferendum nomen meum coram gentibus et regibus ac filiis Israel*.

Sed aut in re non difficili totus fallor, aut protestantes suo *de primatu praedicationis* commentario discrimen subvertunt illius oeconomiae, quam in Petri, Paulique electione sibi Christus proposuit, nobisque disertissimis verbis manifestavit. Quorsum enim pertinent quae de Paulo dicuntur? quo ista spectant, *hic mihi vas* ⁹¹ *est instrumentumque* ⁹² *electum, ut nomen meum, meamque fidem tam gentilibus quam iudaeis publice solemniterque* ⁹³ *evulget?* nihil evidentius quam his *proprium* Pauli *decus* significari, quo inter evangelii praecones unus omnibus antecelluerit. Praesertim quum eiusdem gesta descripta in Actis ⁹⁴ atque in epistolis ⁹⁵ relata ad hanc interpretationem confirmandam facta unice videantur.

Primatus igitur praedicationis dos est ac Pauli ornamentum, neque deferri Petro potest, quin I. *nulla habeatur ratio divinae oeconomiae*, qua Christus sua dona utrique erogavit: et quin II. *eadem censeatur potestas* quum verborum quibus Pauli destinatio ostenditur, tum eorum quibus Petri munus exprimitur. Sed et summa haberi ratio debet divinae oeconomiae, et significationis discrimen inter ea quae ad Petrum quaeque ad Paulum pertinent, est omnino splendidissimum; quum aliud plane sit quod dicitur, *ὅτι σὺ εἶ Πέτρος*, et, *ὅτι σκεῦος ἐκλογῆς μοί ἐστιν οὗτος*: itemque aliud, diversissimumque, *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*, et, *τοῦ βαστάσαι τὸ ὄνομά μου ἐνώπιον ἐθνῶν, καὶ βασιλέων, υἱῶν τε Ἰσραὴλ*. Formula igitur, *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*, ad *primatum praedicationis* non pertinet, sinceramque illius significationem potestatemque corrumpunt, qui non alium ex ea primatum quam praedicationis erui posse contendunt.

95. Quare multo mihi prudentius communi protestantium caussae ii consuluisset videntur, qui controversiae caput ac summam non *ad significationem*, sed *ad subiectum* verborum, *καὶ ἐπὶ ταύτῃ τῇ πέτρᾳ οἰκοδομήσω μου τὴν*

⁹¹) Heic non aliter *σκεῦος* accipitur, quam Rom. IX. 22. dicatur *σκεῆ ὄργῆς*, et v. 23. *σκεῆ ἐλέους*. Porro *σκεῦος*, cui respondet hebraicum *יָד*, ita *vas* exprimit, ut quodvis pariter instrumentum designet.

⁹²) Substantivum *ἐκλογῆς* constructum cum nomine *σκεῦος* ideo *electum* verto, quod frequentissime in hoc syntaxeos genere modo prius, modo posterius substan-

tivum vim potestatemque *adiectivi* induat. Luc. XVI. 8—9, Rom. VII. 24, Philipp. III. 21, Ephes. IV. 24.

⁹³) Vox *ἐνώπιον*, elliptice pro *κατ' ἐνώπιον*, proprie denotat *in conspectu, coram*, atque hinc *publice, mediaque in luce*.

⁹⁴) Act. XIII. seqq.

⁹⁵) I. Cor. XV. 10, II. Cor. XI. 28, I. Tim. II. 7.

ἐκκλησίαν, revocandam esse existimarunt. Providebant enim viri docti, subactique ingenii coniungi simul *utramque opinionem* non posse, et quod ea verba ad Petrum spectent, et quod iis Petro eximiae cuiusdam auctoritatis primatus non deferatur. Hanc enim eximiam supremamque auctoritatem verba ipsa praeseferunt, eaque perspicuitate praeseferunt, quae obscurari nullatenus posse videatur. Studiis igitur quibus potuerunt maximis persuadere lectoribus conati sunt, non ad Petrum sed ad Christum ipsum evangelica verba pertinere. At vero alii omnino plurimi, ac *recentiores* plerique omnes partim a catholicis edocti, ac partim rei evidentia compulsi defensionem *ab antiquioribus* susceptam dimiserunt, et catholicis ultra concedentes unum eundemque esse qui *πέτρος* quique *πέτρα* nuncupatur, *ad significationem* phraseos quaestionem totam eo consilio revocarunt, ut ex ea *nonnisi praedicationis primatum* erui posse conficerent. Quod utrum ex animi voto illis successerit, ea abunde luculenterque demonstrant quae hactenus disseruimus.

Ex his porro omnibus liquet: I. in hac de primatu Petri decidenda lite *dissidere ab invicem* protestantes, ac *antiquioribus recentiores* contradicere: neque II. quovis pugnae genere contradicere, sed gravissimo et ad *ipsum quaestionis cardinem* pertinente. Hic enim duplici e capite pendet, *e subiecto* primum de quo partes orationis accipi debent, ac *e significatione* deinde quae illis subiicienda est. Atqui tam *de subiecto* orationis, quam *de potestate* verborum digladiantur protestantes, et quod *vetustiores de illo* negant, *recentiores* affirmant, *quam autem hi significationem* praeferrunt, *illi* absonam confictamque pronunciant. Nihil vero III. hac pugna aut protestantibus *infensius*, aut catholicis *opportunius*. Nihil illis *infensius*, quum indicium ea sit non admodum obscurum erroris in quo ipsimet versantur. Nihil vicissim catholicis *opportunius*, quorum caussa *iis ipsis argumentis*, quibus se protestantes impetunt, validissime stabilitur. Sicut enim unum eundemque esse *Petrum* et *petram* iis ostenditur, quae recentiores contra antiquiores usurpant; ita phrasi, καὶ ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν, *supremam* exprimi *auctoritatem* iis comprobatur, quibus antiquiores protestantes recentiorum corruptelam in antecessum profligant.

Est igitur IV. cur heic repetamus quae in simillima caussa scripsit ⁹⁶ Hilarius: „Magna enim *vis* est *veritatis*, quae cum *per sese* ⁹⁷ intelligi possit, *per ea tamen ipsa* quae *ei adversantur* elucet: ut in natura sua immobilis manens, firmitatem naturae suae quotidie dum attentatur acquirat. Hoc enim *ecclesiae proprium* ⁹⁸ est, ut tunc vincat cum laeditur, tunc intelligatur cum arguitur, tunc obtineat cum deseritur. Omnes quidem illa secum atque intra se vellet

⁹⁶) De Trinit. lib. VII. n. 4.

⁹⁷) Lumine insito quo splendet, nati-visque argumentis quibus stabilitur.

⁹⁸) Praeclare Hilarius eodem pacto *de veritate*, deque *ecclesia* columna et

firmamento veritatis loquitur, et quas illi dotes tribuit, huic pariter adscribit, ac de utraque affirmat, *non solum suis, sed adversantium quoque intelligendam esse doctrinis*.

manere, nec ex tranquillissimis sinibus suis alios aut abiicere aut perdere, dum indigni fiunt tantae matris habitaculo: sed discedentibus ex ea haereticis vel abiectis, quantum amittit occasionis largiendae ex se salutis, tantum adsequitur ad fidem expetendae de se beatitudinis. Cognosci enim hoc ex ipsis haeticorum studiis promptissimum est. Namque cum ecclesia a Domino instituta, et ab apostolis confirmata, una omnium sit, ex qua se diversarum impietatum furens error absciderit; nec negari possit *ex vitio malae intelligentiae* fidei extitisse dissidium, dum quod *legitur, sensui potius coaptatur, quam lectioni sensus obtemperat*: tamen dum *sibi per partes singulae adversantur, non solum suis, sed adversantium est etiam intelligenda doctrinis*; ut dum adversum *unam* eam *omnes* sunt, impiissimum tamen errorem *omnium* per id quod *sola* est atque *una* confutet. Haeretici igitur *omnes* contra ecclesiam veniunt: *sed dum haeretici omnes se invicem vincunt, nihil tamen sibi vincunt. Victoria enim eorum, ecclesiae triumphus ex omnibus est, dum eo haeresis contra alteram pugnat, quod in haeresi altera ecclesiae fides damnat*: nihil enim est quod haereticis commune est: *et inter haec fidem nostram, dum sibi adversantur, affirmant.*“

96. Ceterum tanta est adhibitae a Christo formulae, καὶ ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν, evidentia, ut planiore commentario vix illustrari posse videatur. Constat illa quidem vocabulis *metaphoricis*⁹⁹, sed *tritis*¹⁰⁰ *vulgarisque*, quaeque *claris distinctisque notitiis* ab omnibus praeciuntur. Clara namque est distinctaque *fundamenti* notio: clara distinctaque notio *aedificii fundamento impositi*: et clara distinctaque notio *σχεσεως* quae *fundamentum ad aedificium*, et *aedificium vicissim ad fundamentum* refertur. Quum enim fundamenti aedificiique *nomina efferimus*, deque mutuo eorum habitu respectuque *cogitamus*, illico menti notiones succurrunt I. *partis omnium nobilissimae*, qualis est *fundamentum*, ac alterius quae illi *obnoxia* est, cuiusmodi aedificium censetur: II. *partis quae firmitatem constantiamque impertit, quaeque firmitatem constantiamque recipit*: III. *partis e qua totius unitas oritur, quaeque ad unitatem redigitur*: et IV. *partis cum qua cohaerere altera debet, et a qua seiungi sine pernicie non potest*. Hac totidem sunt ideae notionesque

⁹⁹) Advertit id Turretinus ac mox adiecit Theolog. Elenct. Loco XVIII. q. XVII. §. XIV: „Locus Matth. XVI. 18. non favet primatui Petri. Primo quia locus est allegoricus et metaphoricus, qui varias patitur interpretationes; ac proinde non potest fundare primatum oecumenicum, qui loco aliquo expresse probari deberet.“

Quasi vero I. sensus metaphoricus non esset litteralis et expressus; aut quasi II. metaphoricae loquutiones in eo quo adhibentur orationis contextu certam defini-

tamque significationem referre non possint. Sunt haec *σφάλματα* graviora, quam ut facile condonentur.

¹⁰⁰) In Enchiridio ubi regulas explicat, quibus tropi explorantur, haec inter cetera scribit Jahn, §. 37: „In legibus, simplicibus rerum gestarum narrationibus, atque in adcuratiore doctrinae expositione non solent usurpari tropi *insoliti et audaciores*, sed solum tales qui *communi usu* satis triti sunt.“

metaphoricis Christi verbis *insitae*, quaeque ex iis obvia pronaque *analysi* ¹⁰¹ educuntur.

Quae si ad ecclesiam *aedificii* nomine expressam, et ad Petrum *fundamenti* appellatione significatum traducantur; haec existent certissima consecratoria: I. Petrum esse *nobiliorem potioreque* ecclesiae ¹⁰² *partem*: II. *ex eo* ecclesiam universam *pendere*: III. eum esse *principium proximamque originem* ¹⁰³ tum *firmitatis* qua ecclesia invicta est, quum *unitatis* qua singulae eius partes cohaerent, unumque aedificium constituunt: et IV. constare sibi ecclesiam non posse *a Petro divisam*, neque *alibi* reperiri quam *ubi* Petrus invenitur.

Quid porro his *consecrariis* aut validius ad Petri *primatum statuendum*, aut ad illius *vim rationemque explicandam* insignius? statuitur primatus Petri, utpote qui non aliter quam ut *potior nobiliorque ecclesiae pars* repraesentetur. Eiusdem vis ratioque colligitur, quum Petrus exhibeatur *efficientis instar principii e quo unitatem firmitatemque* ecclesia mutuatur, et *cum quo* iuncta sociataque manere debet ne dilabatur et concidat.

Jure ergo Origenes ¹⁰⁴ ac Eusebius ¹⁰⁵ monuere, *numquam resolvi domum illam*, idest ecclesiam, *quod fundata sit supra petram*. Jure de romana Petri ecclesia Irenaeus ¹⁰⁶ pronunciavit: *ad hanc ecclesiam propter potentiores principalem necesse est omnem convenire ecclesiam, hoc est eos qui sunt undique fideles*. Jure Cyprianus ¹⁰⁷ Petri cathedram *radicem matricemque* nuncupavit, romanamque Petri ecclesiam dixit *ecclesiam principalem, unde unitas sacerdotalis exorta est, et in qua unitatis originem ab uno incipientem sua Christus auctoritate disposuit*. Jure Pacianus ¹⁰⁸ ad unum Petrum evangelica verba referri docuit, *ut unitas ex uno formata* intelligeretur. Jure Optatus ¹⁰⁹ ex appellatione *petrae* Petro indita conclusit, *unitatem cathedrae esse primam de dotibus ecclesiae, et in una Petri cathedra unitatem ab omnibus esse servandam*, ita ut *schismatici et peccatores essent, qui contra singularem cathedram alteram collocarent*. Jure Ambrosius ¹¹⁰ hanc legem tulit, *ubi ergo Petrus, ibi ecclesia*. A qua ne minimum quidem discrepant Hieronymi ¹¹¹ verba,

¹⁰¹) Quae autem ita educuntur, eadem ἀμείωτος dicta revelataque censi debent.

¹⁰²) At ecclesia, Paulo interprete I. Cor. XII. 28, Ephes. IV. 11, fidelibus ita componitur, ut *apostolos* inprimis complectatur. Exhibetur igitur Petrus ut qui apostolis omnibus potior sit, illisque praecellat.

¹⁰³) Atque adeo insignem esse non primatu tantum *archetypo*, quo ecclesiae unitas *praemonstretur*, sed primatu maxime ἐνεργητικῶς, quo eadem unitas *efficiatur*.

¹⁰⁴) In Genes. hom. XIV. n. 2.

¹⁰⁵) In Jes. XXXIII. 20, et Praep. Evang. lib. I. capp. III—IV.

¹⁰⁶) Con. Haeres. lib. III. cap. III.

¹⁰⁷) Epistt. XLV—LV, et in lib. de Unitate Ecclesiae.

¹⁰⁸) Ad Sympron. epist. III.

¹⁰⁹) Con. Parmen. lib. II. cap. II; cui Cyprianus praeluserat epist. XL. affirmans: *unam esse cathedram super Petrum Domini voce fundatam*.

¹¹⁰) In Ps. L. n. 30.

¹¹¹) Epist. LVII. al. XV.

super illam petram aedificatam ecclesiam scio. Quicumque extra hanc domum agnum comederit, profanus est. Tum haec quae Cypriano ¹¹² tribuuntur: *qui cathedram Petri, supra quam fundata est ecclesia, deserit, in ecclesia se esse confidit?* Jure Leo cognomento magnus ¹¹³, *nimis a compage huius aedificationis alienus est, qui beati Petri confessionem non capit.* Jure Avitus viennensis antistes in litteris ad Faustum et Symmachum Urbis senatores suam omniumque Galliae episcoporum fidem his verbis expressit: „In conspectu vestro non sit ecclesiae minor quam reipublicae status; quodque vobis Deus posse praestitit, prosit et nobis: nec minus diligatis in ecclesia vestra *sedem Petri*, quam in civitate *apicem mundi*. Si profundo illo tractatus vestri consilio rem videtis, non ea tantummodo quae *Romae* geritur caussa, cogitanda est. In *sacerdotibus ceteris* potest, si quid forte nutaverit, *reformari*; at si *papa Urbis* vocetur in dubium, *episcopatus iam videbitur* ¹¹⁴ *non episcopus vacillare.*“

Unde venerabilis Beda ¹¹⁵ de necessitate servandae unitatis cum Petro aiebat: „A cuius societate confessionis quisquis deviaverit, quamvis sibi magnus videatur, ad aedificium ecclesiae non pertinet.“ A quibus vix ea differunt quae ad Hincmarum rhemensem antistitem Nicolaus I. ¹¹⁶ scribebat, inquires: „Tu autem, frater carissime, omnem inobedientiam depone . . . , ad apostolicam Petri sedem quantocius dirigere studeas, si tuam caritatem in integritate *firmissimae petrae* desideras collocare, *ubi Christus domum suam fundavit.*“ Ut enim litteris datis ad universos Angliae episcopos ¹¹⁷ sanctissimus martyr Thomas cantuariensis perorabat: „Quis romanam ecclesiam *caput* omnium ecclesiarum et *fontem catholicae doctrinae* ¹¹⁸ ambigat esse? nonne in fide et doctrina Petri

¹¹²) In libello de Unit. Ecclesiae.

¹¹³) Epist. XXXIII. al. XXIX. ad Synodum Ephesinam, n. 1.

¹¹⁴) Praemiseraat Galliae episcopos *de caussa romanae ecclesiae anxios nimis ac trepidos fuisse*, utpote qui *nutare statum suum lacessito vertice sentirent*, providerentque *omnes una criminatione obruendos, si status principis commoveretur.*

¹¹⁵) In Sermon. de Feria III. palmar.

¹¹⁶) Epist. XXXVII.

¹¹⁷) Epist. lib. I. epist. XCVII.

¹¹⁸) Hac ipsa *fontis* allegoria praestantiam dignitatemque *cathedrae Petri* ante Thomam adumbraverant Innocentius I. in litteris, quibus synodorum milevitanae et carthaginensis *consultationibus* in pelagiana controversia respondit; tum Aurelius, Alypius, Augustinus, Evodius et Pos-

sidius in *relatione* ad eundem Innocentium; itemque praesules, qui epistola e tribus Africae conciliis ad Theodorum Pontificem missa, et in lateranensi synodo sub Martino I. Act. II. lecta inquebant: „Magnum et indeficientem omnibus christianis fluentem redundantem *apud apostolicam sedem consistere fontem*, nullus ambigere potest, *de quo rivuli* prodeunt affluenter, universim largissime irrigantem orbem christianorum, cui etiam in honorem beatissimi Petri patrum decreta peculiarem omnem decrevere reverentiam in requirendis Dei rebus, quae omnino et sollicitae debent, *maxime vero iustaeque ab ipso praesulum* examinari *vertice apostolico*, cuius vetusta sollicitudo est tam mala damnare, quam probare laudanda. Antiquis enim regulis sancitum est, ut *quid-*

totius ecclesiae structura consurgit? quicumque sit qui rigat aut plantat, Deus *nulli* dat incrementum, nisi illi qui plantavit in fide Petri, et doctrinae ipsius adquiescit.“

97. Quibus uberiori luce perfundendis non leviter conducere posse opinor, si *fundamenti aedificiique imagini* altera eaque in divinis litteris usurpata ἀναλόγως substituatur. Haec autem est *humani corporis* imago, qua Paulus semel ac rursus ¹¹⁹ ecclesiam repraesentat. Si enim ecclesia tam *aedificio* quam *humano corpori* respondet, eiusque conditio ac structura non minus belle cum humano corpore quam cum aedificio comparatur; quisque cernit eum qui *ecclesiae dicatur fundamentum*, illius quoque *caput* iisdem verbis nuncupari. Quae enim est *fundamenti ad aedificium σχέσις*, idem pariter est *capitis ad corpus* habitus ac respectus. Sed Christi verbis dignitas fundamentique ratio Petro adscribitur. Eidem igitur necesse est capitis item vis ac praestantia ¹²⁰ tributa existimetur.

Apposite ¹²¹ Hieronymus: „Propterea inter duodecim unus (Petrus) eligitur, ut *capite* constituto, schismatis tollatur ¹²² occasio.“ Neque secus ¹²³ Optatus: „Negare non potes, scire te in urbe Roma Petro primo cathedram episcopalem esse collatam, in qua sederit omnium apostolorum *caput* Petrus . . . , in qua una cathedra unitas ab omnibus servaretur.“ Quare ephesini patres ¹²⁴ plausere Philippo romanae sedis legato confirmanti: „Nulli dubium, imo saeculis omnibus notum esse, quod sanctus beatissimusque Petrus ὁ ἑξάρχος καὶ κεφαλὴ τῶν

quid quamvis in remotis vel in longinquo positus ageretur provinciis, non prius tractandum vel accipiendum sit, nisi ad notitiam almae sedis vestrae fuisset deductum, ut *huius auctoritate* iusta quae fuisset pronuntiatio, *firmaretur*; indeque sumerent celerae ecclesiae *velut de natali suo fonte* praedicationis exordium, et per diversas totius mundi regiones puritatis incorruptae *manarent* fidei sacramenta salutis.“

Cuius imaginis, expressaeque ea imagine traditionis, quae saeculis V. et VI. in utraque ecclesia romana et africana tantopere celebrata est, primas veluti lineas duxisse Cyprianus videtur in libello *de unitate ecclesiae* scribens: *riverum enim unitas servatur in origine*, quam originem in Petro positam constitutamque docebat. Cf. Petri Coustantii Admonit. in epist. XXVI. Innocentii, n. 3.

¹¹⁹) Rom. XII. 4—5, I. Cor. X. 17,

XII. 12—27, Ephes. IV. 4—12—16—30, Coloss. I. 18, II. 17, III. 15.

¹²⁰) Quare appellatio *capitis* facta Petro talis est, quae in Scripturis ἐμμέσως contenta merito existimatur.

¹²¹) Con. Jovin. lib. I. n. 26.

¹²²) Porro ut capitis institutione occasio schismatis *revera* tollatur, necesse est caput ipsum *summo quodam iure* potiri. Verissimum namque est quod idem ait in dialogo con. Lucifer. n. 9: „Ecclesiae salus in summi sacerdotis dignitate pendet, *cui si non exsors quaedam et ab omnibus eminens tribuatur potestas*, tot in ecclesia orientur schismata quot sacerdotes.“

¹²³) Con. Parmen. lib. II. cap. II.

¹²⁴) Act. III. Similia habentur in relatione patrum chalcedonensium ad Leonem, et in epist. XIV. al. XII. Leonis ad Anastasium thessalonicensem.

ἀποστόλων princeps et caput apostolorum, fidei columna, θεμέλιος τῆς καθολικῆς ἐκκλησίας ecclesiae catholicae fundamentum, a Domino nostro Jesu Christo Salvatore humani generis ac Redemptore claves regni accepit, solvendique ac ligandi peccata potestas ipsi data est, qui ad hoc usque tempus et semper in suis successoribus vivit et iudicium exercet.“

Jamvero imagine ipsa *capitisque* notione I. *aequalitas* tollitur, Petrique ὑπεροχῇ et *primatus* ostenditur. Neque II. *primatus* quivis ostenditur, sed qui prae obnoxiiis membris capiti inest atque competit. Competit autem capiti ut *singula membra* dirigat, *totumque corpus* in unitate contineat ac moderetur. Habemus igitur III. typum, e quo de insita *primatus* ratione iudicemus, illumque institutum propterea credamus, ut caussa sit efficiensque principium illius unitatis, qua ecclesia catholica una est, unitatisque caractere distinguitur.

C A P U T VII.

Expenditur consequens incisum, καὶ πύλαι ἔδου οὐ κατισχύουσιν αὐτῆς: — de subiecto ad quod pronomen αὐτῆς referri debet: — duplex secernitur, proximum alterum significatumque, quod est ἐκκλησία, mediatum alterum et adsignificatum, quod est πέτρα: — testimonia veterum quae huc spectant, et quibus primatus ratio insigniter declaratur: — de potestate vocum πύλαι ἔδου: — opinionum divortia: — quid statuendum esse videatur: — de significatione verbi κατισχύουσιν: — deque μειώσεως tropo, quo Christus utitur: — expolitur, quaeque integrae phrasi sententia subsit, ostenditur.

98. Immotam firmitatem quam Petro promisit, quam *petrae* vocabulo significavit, quaeque ex *architecti sapientia, aedificiique superstruendi praestantia* colligenda erat; explanare pergit¹ Christus, inquit: καὶ πύλαι ἔδου οὐ κατισχύουσιν αὐτῆς, et portae inferi non praevalebunt adversus eam; vel ut poetarum more liberius reddit² Juvenecus:

Inferni domus haec non exsuperabile portis

Clastrum perpetuo munitum robore habebit.

Ubi hoc inprimis quaerendum definiendumque videtur, qui sit *terminus*, quodve *subiectum*, quo cum pronomen αὐτῆς iungi copularique debet. Ac Wetestinius³ quidem opinatur, referri illud ad πέτραι: atque adeo πέτραι, vel quod

¹) Matth. XVI. 18, ubi *petrae ecclesiae* quae firmitatem *absolute* antea, *simpliciter* quae promissam *insigni* denuo *comparatione* Jesus illustrat.

²) Hist. Evang. lib. III.

³) In not. ad h. l.

in idem recidit, *Πέτρον* esse, ad quem Salvatoris verba, καὶ πύλαι ἔδου οὐ κατισχύουσιν, *proxime* diriguntur. Sed interpretes plerique omnes, quod Bloomfield⁴ animadvertit, secus existimant, et pronomen αὐτῆς ad ἐκκλησίαν referunt, *tum quia* eiusmodi σχέσις structura ipsa verborum suadetur, *tum quia* canon est minime dubius, *demonstrativa pronomina*, nisi quid refragetur, ad subiectum spectare ἀμέσως antecedens, quod heic est non πέτρα sed ἐκκλησία.

Quam ego dissensionem componendam esse arbitror, quum neutrum falsum sit, immo utrumque, diversa licet de causa, affirmari possit ac debeat. Duplex namque relationis terminus distinguendus est, *grammaticus* alter ipsisque verbis *significatus*, ac alter *realis*, *logicus*, et nonnisi verbis *adsignificatus*. Porro grammaticum relationis terminum, illumque significatum esse ἐκκλησίαν, monendum non est; sed neque monitore opus est ut intelligatur, realem, logicum, adsignificatumque terminum nomine πέτρας efferrī. Haec enim realis, logici ac pronomine αὐτῆς adsignificati proxime termini *vis* et *ratio* convenire alteri nequit quam *subiecto*, quod *fons* est, *origo*, *efficiensque* illius stabilitatis *principium*, ob quam ecclesia invicto robore constat. Invictum autem ecclesiae robur *e petra* dimanat cui incumbit, petraque ipsa *quum in sese* immota est, *tum* constantiam firmitatemque ecclesiae *impertit* quam sustentat. Vis igitur ratioque termini, ad quem *logice*, *realiterque* pronomen αὐτῆς *proxime* spectat, quique pronomine αὐτῆς *proxime* adsignificatur, *subiecto* inest, quod *Petri*, *petraeque* nominibus exprimitur.

99. Quibus confirmandis illustrandisque plura eaque opportunissima apud vetustos ecclesiae scriptores occurrunt, e quorum numero Origenes⁵, adductis verbis, *non praevalerunt adversus eam*, e vestigio subdit: „Τίνος δέ, αὐτῆς; ἄρα γὰρ τῆς πέτρας, ἐφ’ ἣν Χριστὸς οἰκοδομεῖ τὴν ἐκκλησίαν; ἢ τῆς ἐκκλησίας; ἀμφίβολος γὰρ ἡ φράσις. ἢ ὡς ἐνὸς καὶ τοῦ αὐτοῦ τῆς πέτρας καὶ τῆς ἐκκλησίας; τοῦτο δ’ οἶμαι ἀληθὲς τυγχάνειν, οὔτε γὰρ τῆς πέτρας, ἐφ’ ἣς ὁ Χριστὸς οἰκοδομεῖ τὴν ἐκκλησίαν, οὔτε τῆς ἐκκλησίας πύλαι ἔδου κατισχύουσιν. Quam autem, *eam*? an *petram*, super quam Christus aedificat ecclesiam? an *ecclesiam*? ambigua quippe loquutio est. An instar unius eiusdemque rei habet *petram* et *ecclesiam*? hoc ego verum esse existimo; nec enim *adversus petram*, super quam Christus ecclesiam aedificat, nec *adversus ecclesiam* portae inferi praevalerunt.“

Neque aliter Chrysostomus, qui⁶ ex iisdem verbis hoc infert consecrarium: „Εἰ δὲ ἐκεῖνης οὐ κατισχύουσι, πολλῶ μᾶλλον ἐμοῦ. Si vero adversus *eam* (ecclesiam) non praevalerunt, *multo magis* adversum me non praevalerunt.“ Pronomen igitur αὐτῆς *logice*, *realiterque* ad eum *maxime* pertinet qui *petra* est, diciturque ecclesiae. Petra autem ecclesiae κατ’ ἐξοχὴν est, diciturque Christus, ac alter a Christo Petrus, de quo Chrysostomus⁸ subdit: „Ἀ γὰρ

⁴) In not. ad h. l.

⁷) ΑΙ. οὐκ ἀντισχύουσιν.

⁵) In Matth. Tom. XII. n. 11.

⁸) Brevius, sed eodem sensu Prosper,

⁶) In Matth. hom. LIV. al. LV. n. 2.

vel quisquis auctor est librorum *de voca-*

Θεοῦ μόνον ἐστὶν ἴδια, τό τε ἁμαρτήματα λύσαι, καὶ τὸ ἀπερίτρεπτον τὴν ἐκκλησίαν ποιῆσαι ἐν τοσαύτῃ κυμάτων ἐμβολῇ, καὶ ἀνθρώπον ἁλίαν πέτρας πάσης ἀπορῆναι στερότερον, τῆς οἰκουμένης πολέμουσης ἀπάσης, ταῦτα αὐτῷ ἐπαγγέλλεται δώσειν· καθάπερ ὁ πατὴρ πρὸς τὸν Ἱερεμίαν διαλεγόμενος ἔλεγεν· ὡς στῦλον χαλκοῦν, καὶ ὡς εἰ τείχος τίθησιν αὐτόν· ἀλλ' ἐκεῖνον μὲν ἐνὶ ἔθνει, τοῦτον δὲ πανταχοῦ τῆς οἰκουμένης. Nam quae uni Deo sunt propria, nempe peccata solvere, *ecclesiam* in tanto fluctuum concursu *immotam* reddere, hominemque piscatorem toto impugnante orbe *petra firmiorem* reddere, haec se *illi* (Petro) daturum pollicetur: eo ferme pacto quo Pater Jeremiam ⁹ alloquens dicebat, *se posuisse illum sicut columnam aeream et sicut murum*. Sed *illum uni genti, hunc autem in universo terrarum orbe*.¹⁰

Eodem spectant verba Simplicii romani praesulis ¹⁰ ad Zenonem Augustum: „Perstat in successoribus suis haec eadem apostolicae norma doctrinae, *cui Dominus totius curam ovilis* iniunxit, *cui* se usque ad finem saeculi minime defuturum, *cui* (quinam hic? eadem persona, ad quam cetera relativa referuntur. Ea autem est Petrus.) portas inferi numquam praevalituras esse promisit, *cuius* sententia quae ligarentur in terris, solvi testatus est non posse nec in caelo.“

Consonat Leo in litteris ad episcopos provinciae viennensis datis de Petro ¹¹ scribens: „Hunc in consortium individuae unitatis adsumtum, id quod ipse erat voluit nominari dicendo, *tu es Petrus, et super hanc petram aedificabo ecclesiam meam*; ut aeterni aedificatio templi munere gratiae Dei *in Petri soliditate consisteret: hac ecclesiam suam firmitate corroborans*, ut illam nec humana temeritas posset appetere, *nec portae contra eam inferi praevalerent*. Verum *hanc petrae istius sacratissimam firmitatem* Deo, ut diximus, aedificante constructam, nimis impia vult praesumptione violare, quisquis eius (Petri) potestatem tentat infringere.“

Hinc Sergius Cypri metropolita his omnino verbis Theodorum Pontificem ¹² compellabat: „Firmamentum a Deo fixum et immobile, καὶ στηλογραφίαν διαφανῇ τῆς πίστεως, vestram apostolicam sedem constituit, o sacer vertex, Christus Deus noster. Tu es enim, sicut divinum veraciter pronunciat Verbum, Petrus, *et super fundamentum tuum* ¹³ *ecclesiae columnae* ¹⁴ confirmatae sunt.“

tionem omnium gentium, lib. II. cap. XXVIII. inquit: „Quis ergo ambigat, quis ignoret, hanc fortissimam petram, quae ab illa *principali* petra communionem *et virtutis* sumsit *et nominis*, hoc desiderium semper habuisse, ut ei moriendi pro Christo constantia donaretur?“

⁹) Jerem. I. 18.

¹⁰) Epist. IV.

¹¹) Epist. LXXXIX. cap. I.

¹²) In epist. ad eum missa, lectaque

in Secretario II. concilii lateranensis, Martino I. Pontifice celebrati.

¹³) Hac eadem imbutus fide Possessor africanus episcopus in consultatione de Fausti reiensis libris ad Hormisdam Pontificem directa, aiebat: „A quo magis est nutantis fidei stabilitas exspectanda, quam ab eius sedis praeside, cuius primus a Christo rector audivit, *tu es Petrus, et super hanc petram aedificabo ecclesiam meam*?“

¹⁴) Appellatio τοῦ στύλου, columnae

100. Quanam vero intelligi debet ecclesiae stabilitas, cuius *propinqua origo, efficiensque principium* sit Petrus? duplex potissimum, *fidei altera*, qua acceptum semel evangelicum verbum sanctissime ecclesia retinet, et ne angelo quidem ¹⁵ secus annuncianti acquiescit; *altera consensionis atque obedientiae*, qua fit ut ecclesiae membra ἀρμονικῶς conspirent, unitatem ¹⁶ corporis tueantur, illique ordini ¹⁷ morem gerant, quem Christus diversorum munerum, graduumque institutione praefinivit. Ex utroque enim capite *ecclesiae constantia* pendet, quae manere incolumis nequit, si *alterutrum* periclitetur. Eo enim periclitante, quod *primum* recensuimus, fieri nullatenus posset, quin *haeresi* victa profligataque ecclesia succumberet. Quae *schismati* succumberet, si *alterum* hierarchica subordinatione, partiumque concordia comprehensum violaretur. Firmitatem igitur suam, qua neque *haeresi* expugnari potest neque *schismate*, a Petro, promissaque eidem *petrae constantia ecclesia mutuatur*.

Quis vero ex hoc habitu, respectuque non colligat, aut quae *vis* sit, aut quae credi debeat *primatus ratio*, quem Petro Christus detulit? inde enimvero deducitur I. eo *suapte institutione* pertinere primatum, ut *efficiens principium* sit illius stabilitatis constantiaeque, qua *adversus haeresim atque schisma* invicta est ecclesia. Est autem contra haeresim atque schisma invicta ecclesia quum *orthodoxae fidei professione*, tum *membrorum concentu*, *obedientiaque* quae constitutis divinitus praepositis exhibeatur. Eo igitur *suapte institutione* primatus spectat, ut efficiens principium sit *tam orthodoxae professionis, quam concentus conspirationisque membrorum, obedientiaeque* qua hierarchica subordinatio continetur. Atqui ne cogitatione quidem *eiusmodi primatus* concipitur, quin instructus praeditusque intelligatur *supremo iure*, quo *et unius eiusdemque fidei orthodoxa professio indici, et hierarchica obedientia praecipi pro auctoritate possit*. Duplici igitur maxime iure praescribendae fidei, imperandaeque obedientiae vis ac primatus ὑπεροχῇ comprehenditur.

Succedit alterum ex eodem fonte *deductum*, atque in eo situm II. *neminem* esse *fideliū*, qui *gravissimo officio* servandae tuendaeque cum Petro unitatis *non obstringatur*. Quisquis enim eam custodire unitatem coniunctionem-

de apostolis, supremisque ecclesiae praesidibus adhibita *metaphorice* legitur in N. T. ad Gal. II. 9, ubi Petrus, Jacobus et Johannes dicuntur οἱ δοκοῦντες στυλοὶ εἶναι viri principes et auctoritate prae ceteris insignes. Eodem sensu illam apud Patres recurrere, plurimis omnino exemplis Suicerus confirmat in Thesauro Ecclesiastico ad vocem στυλος, §. II. Immo ipse etiam Maimonides, *More Nevochim*, Par. II. cap. XXIII, *prophetas* vocat *columna generis humani*.

Quod ergo dicitur, *ipsas quoque ecclesiae columnas super Petri fundamentum confirmari*, hunc fundit sensum: neminem in ecclesia esse tantae dignitatis, tantaeque praestantiae qui inniti Petro non debeat, suamque e coniunctione cum Petro firmitatem repetere.

¹⁵) Galat. I. 8.

¹⁶) Ephes. IV. 3. seqq.

¹⁷) I. Cor. XII. 28.

que debet, *per quam solum* contra haeresim atque schisma polliceri sibi victoriam potest. Talis porro est unitas et coniunctio cum Petro, quam Christus *ceu necessariam referendae victoriae conditionem legemque* praestituit.

Deducitur III. in summo eos omnes errore versari, qui sibi constantiam in fide, praescriptaque divinitus mystici corporis unitate *seiuuncti avulsique a Petro* pollicentur. Utrumque enim supernum donum est, neque ab alio expectandum quam ab eo, a quo superna quaecumque dona permanent. Is autem est Deus, qui *primatus institutione* manifestavit velle se, ut coniunctione cum Petro quem totius aedificii *petram* posuit, *utrumque donum* fideles consequerentur.

Deducitur IV. verba Salvatoris, καὶ πύλαι ἁδου οὐ κατισχύσουσιν αὐτῆς, ad eum *solum* referri christianum coetum, qui cum Petro coniunctus, *ab eo* et *per eum* constantiam, stabilitatemque nanciscitur. Sed V. verba Salvatoris *ad unam veramque ecclesiam* spectant, cuius invictum robur ex arctissima eiusdem cum Petro societate demonstrant. Unica igitur veraque ecclesia neque est, neque alia esse ab ea potest, *quae cum Petro cohaeret, suaeque cum Petro coniunctione* invicta perstat. Quare VI. illud praeclare confirmatur ¹⁸ quod ab Ambrosio ¹⁹ dictum novimus, *ubi ergo Petrus, ibi ecclesia*: tum illud quod ab Irenaeo ²⁰ statutum repetimus, *ad hanc (Petri) ecclesiam propter potentio- rem principalitatem necesse est omnem convenire ecclesiam, hoc est, eos qui sunt undique fideles*: ac illud rursum quod de ecclesia Petri Augustinus ²¹ deprae- dicat, *ipsa est petra, quam non vincunt superbae inferorum portae*.

101. De quibus inferorum portis non immerito quaeritur, *quid* eae signi-

¹⁸) Agit hac de re insigniter, erudite- que D. David in opere inscripto, *Des Jugemens Canoniques des Evêques*, chap. II; quod opus sane nobilissimum dolendum est vix *paucorum manibus* teri, quum ta- men *in omnium manibus* versentur opera utriusque Justelli, De Marca et Baluzii, quae ille accuratissimo examini subiecit.

¹⁹) In Ps. L. n. 30. Nuspiam vero est ecclesia nisi cum insita sibi dote cohae-rens, qua est, crediturque *catholica*. Pro-positio igitur Ambrosii huic alteri aequi-pollet: *ubi Petrus, ibi ecclesia catholica*. Sed hac propositionum *ἰσοδυναμία* con-cessa, nihil evidentius quam quod idem docet in Serm. de obitu Satyri fratris, lib. I. n. 47, quodque ante ipsum Cyprianus epist. LII. ad Antonianum docuerat, idem prorsus esse *cum episcopis catho-*

licis, ecclesiaeque catholica, et cum ro- mana Petri sede, ecclesiaeque communi- cando convenire.

Unde sequitur I. praerogativa primatus fieri, ut Petrus *centrum* sit atque *origo* catholicae unitatis et communionis: tum II. sequitur, communionem societatemque cum Petro *κρίτηριον* esse, quo ecclesia vere catholica ab eminentis christianis coe- tibus sine ulla dubitatione secernatur. Quod Johannes constantinopolitanus in litteris ad Hormisdam datis expressit promittens, *se in sequenti tempore sequestratos a com- munione ecclesiae catholicae eos omnes habiturum, qui in omnibus non consen- tirent sedi apostolicae*.

²⁰) Con. Haeres. lib. III. cap. III.

²¹) In Ps. con. partem Donati.

ficient, *quamque* iis Christus *notionem* expressam declaratamque voluerit. Neque enim *metaphorica eiusmodi loquutio aut* suapte natura perspicua sic est, ut certum definitumque sensum continuo referat; *aut* interpretes in ea enarranda exponendaque unanimes conspirant.

Varios multiplicesque illorum commentarios proponunt ²² Wolfius, Koecherus ²³ et Ernestus Ewaldus ²⁴, qui sic habet: „Varia sunt in explicanda hac phrasi interpretum divortia Vatablus praesidia et propugnacula infernalis potestatis, Clarius vero mala plurima huius vitae et persecutiones, Tirinus magistratus et milites in portis sedentes vel excubantes, Drusius iurisdictionem et satellites satanae, imo peccata ipsa quae ecclesiae arma inferunt, intelligunt. Magnus Grotius, Camero, nec non Henricus Morus ex phrasi V. T. שְׁעֵרֵי שְׂאוֹל Jes. XXXVIII. 10. et שְׁעֵרֵי מוֹת Job. XXXVIII. 17. desumpta haec verba,

πύλαι ἔδου, contendunt, et nonnisi *vim* ²⁵ *mortis temporalis* intelligi censent, quae non dominatura esset in ecclesiam, quia illa adversus cruentas persecutiones tuenda et per spem futurae resurrectionis erigenda erat. Ex parte consentit Wolf, dum ecclesiae heic promitti contendit securitatem ab omni interitu.“

Paullo aliter Glassius ²⁶ qui scribit: „Portae mortis et sepulcri ipsam eius potentiam vel extrema pericula ²⁷ notant. *Portae inferorum* Matth. XVI. 18. denotant consilia, machinationes ac potestatem diaboli et omnium eius ministrorum, haereticorum videlicet et tyrannorum: *ratione similitudinis* inde ducta, quod in portis olim iudicia et consultationes exercebantur, et quod portae ac muri urbibus munimentum praestant.“ Ita quidem, subdit ²⁸ Augustinus Dathius, „multi interpretes, sed rectius haec phrasis explicatur ex usu eius in V. T. obvio. Nempe Es. XXXVIII. 10. etiam dicuntur שְׁעֵרֵי שְׂאוֹל, et simili modo Ps. CVII. 18. שְׁעֵרֵי מוֹת, quibus in locis nihil aliud quam *mors* intelligitur,

²²) In Curis philolog. ad Matth. XVI. 18.

²³) In Analect. ad h. l.

²⁴) In opere cui titulus est, *Emblemata Sacra*, lib. IV. exercit. III. §. I.

²⁵) Wetstenius in notis ad h. l. principio statuit, pronomen αὐτῆς ad verba, ἐπὶ τάντην τῇ πέτρᾳ, referri oportere: tum addit, phrasi, πύλαι ἔδου οὐ κατισχύουσιν αὐτῆς, praedici futurum, ut in vitae quidem discrimen Petrus veniret, et ad ipsas ferme sepulcri portas accederet, neque tamen ita metu percelleretur, ut susceptam Magistri doctrinam desereret, sed

contra *de morte*, quamquam omnium hostium terribilissimo, insigniter triumpharet.

Cui expositioni quum alia obsunt, tum ista nominatim, quod a) relatio pronominis αὐτῆς ad *remotius* subiectum probari nequeat: quod b) nomen ἔδου *nonnisi de sepulcro* accipi posse contendat: et quod c) nullam contexti sermonis, totiusque imaginis habere rationem videatur.

²⁶) Rhetorica Sacr. lib. II. tract. I. cap. XII.

²⁷) Job. XXXVIII. 17, Ps. IX. 14, CVII. 18, Es. XXXVIII. 10.

²⁸) Loc. cit. Rhetor. Sacrae.

de qua poetae sacri saepe tamquam de regno sive civitate quadam loquuntur, cui mors quasi praesit. Mortem vero Christus hoc loco dixit pro omni eo ²⁹ quod interitum ecclesiae intentare posset, quemadmodum mors extremum est vitae humanae.“

Plenius Theophilus Kuinoel ³⁰, qui verba, καὶ πύλαι ἔδου οὐ κατισχύουσιν αὐτῆς, latine reddit, *nec portae orci eam superabunt*, interpretationemque suam ita asserere atque expolire pergīt: „Αἰδης, hebraice לִשְׁמֹרֶת, locus subterraneus, in quem manes, seiunctae a corpore animae coguntur et congregantur; hanc de orco notionem hebraeorum poetae sibi finxerant, et hebraei habebant ³¹ cum graecis atque romanis communem. Jam πύλαι ἔδου portae orci ³², atque ³³ hebraeorum לִשְׁמֹרֶת שְׁעֵי שְׁמֹרֶת, saepius pro orco ipso commemorantur, atque orco omnino est imago roboris summi, firmitatis et ³⁴ potentiae maximae. Itaque sensus verborum Christi est: *nulla hostium vis, ne potentissima quidem et maxima evertere, destruere ecclesiam meam poterit.*“

102. Quam sane interpretationem non improbo, sed confirmandam esse accuratius ac *religiosius* prope dixerim illustrandam arbitror. Itaque I. nomen ἔδης, quo alexandrini vertunt ³⁵ hebraicum לִשְׁמֹרֶת, quodque *ex sua origine* idem notat ac αἰδής, ἀόρατον, quod *videri nequit*, cuiusmodi sunt ³⁶ loci obscuri ac tenebris obsiti, vulgatissimo loquendi usu adhibetur *de loco sub terra posito, in quem seiunctae a corporibus animae congregantur*. Testes quum sacros, tum profanos qui hunc loquendi usum confirmant, accurate recensent ³⁷ Paulus Slevogtius et ³⁸ Wetstenius: *ecclesiasticos* vero magno numero ³⁹ Suicerus adducit.

Hanc porro significationem II. altera excipit neque usitata minus, neque minori auctoritatis pondere comprobata, qua ἔδης *de impiorum sedibus καὶ*

²⁹) Similia tradit Bloomfield in notis ad h. l.

³⁰) Comm. ad h. l.

³¹) Quod, ipso auctore, erudite prae ceteris demonstrarunt Lowth de s. Poesi Hebraeorum, Prael. VII, Michaelis in adiectis ad eam notis, Meyer in Comment. de notione Orci apud Hebraeos, et Pott ad Epistt. Cathol. Vol. II. Exc. III. de *descensu Jesu Christi ad Inferos*.

³²) Hae a graecis, latinisque poetis tamquam firmissimae describuntur, quod nemo per eas redit, quod redituris numquam reserantur, ut apud Homerum II. Θ', 15—367, Odyss. λ', 276, Virgilium Aeneid. VI. 552, Propertium IV. 11, 4.

³³) Jes. XXXVIII. 10, Ps. IX. 14, Job. XXVIII. 22, Sap. XVI. 13.

³⁴) Cant. VIII. 6; unde Petronius Sat. 62: *ecce autem miles fortis, tamquam orcus*.

³⁵) Num. XVI. 33, Is. XIV. 15, Osee XIII. 14, Pss. XVI. 10, CXXXVIII. 8.

³⁶) Etym. M. ἔδης· χωρίον ἀφεγγής, σκότους αἰώνιον καὶ ζόφου πεπληρωμένον, παρὰ τὸ εἶδω, τὸ βλέπω. εἶδης καὶ μετὰ τοῦ στερητικοῦ ἃ αἰδής· ἐν ᾧ οὐδὲν βλέπομεν.

³⁷) In Disput. Hellenistic. apud Thomam Crenium in Analectis Philolog. Critic. Historic.

³⁸) In notis ad Luc. XVI. 23.

³⁹) In Thesauro Eccles. ad v. ἔδης.

τοῦτο βασάνων usurpatur. Atque huic sane acceptioni luculenter patrocinantur quum ⁴⁰ diserta biblicorum testimonia, scriptorumque ecclesiasticorum ⁴¹ effata, tum chaldaei paraphrastae qui hebraicum שׂאיל plus semel ⁴² גֶּהֶנֶם vertunt, itemque doctissimi iudaeorum magistri ⁴³ in suis quos edidere Scripturarum commentariis. Unde in potestatem τοῦ ἔδου inquirens ⁴⁴ Schleusnerus, eam tertio loco memorat qua exprimit *infernum, impia tartara, locum subterraneum poenarum, impiis post mortem, daemonum inter consortia, tolerandarum*.

Jamvero III. non aliam heic deligi interpretationem posse, duo sunt quae maxime suadent. Ac principio quidem τοῦ οὐρανοῦ mentio, quae continuo ⁴⁵ subditur, quaeque postulat ut ἔδης de *inferno* intelligatur. Eodem ferme modo, quo oppositionis ratio exigit, ut ἔδης in his Christi verbis ⁴⁶ accipiat: καὶ σύ, Καπερναούμ, ἡ ἕως τοῦ οὐρανοῦ ὑψωθείσα, ἕως ἔδου καταβιβασθήσῃ. Accedit *subiecta materies*, quae cum diversa interpretatione vix aut ne vix quidem componi posse videtur. In eo namque est Christus, ut summam ecclesiae quam aedificaturus erat, constantiam firmitatemque inde ⁴⁷ patefaciat atque declaret, quod ea *acerbissimis* licet tentata *hostibus*, vinci tamen superarique nullatenus possit. Sed quinam videri debent acerbiores ecclesiae hostes, atque *mystico Christi corpori* infensiores? non alios ab illis opinor, quos ipsemet Christus *eiusdem caput* atrocissimos expertus est, quique in Scripturis ⁴⁸ ἡ ἐξουσία τοῦ σκότους et ⁴⁹ ὁ ἄρχων τοῦ κόσμου τούτου nominantur. Est igitur ἔδης idem ac ἡ ἐξουσία τοῦ σκότους, tartarique potestas.

Hinc ⁵⁰ Schleusner vestigiis insistens ⁵¹ Georgii Altmanni scribit, videri

⁴⁰) Collegit ista accurate Julius Pott in Excursu III. ad priorem Petri epistolam, subiecitque: „Voce שׂאיל nusquam, quod sciam, significatur *sepulcrum*, sed semper *infernus*, graece ἔδης, idest locus in quo umbrae seu animae corpore solutae versari putabantur; quamquam non multum repugnauerim, si *neXu suadente* magis accommodare ad nostri idiomatis indolem, *interdum* per *sepulcrum* reddere malueris.“ Cf. Fr. Xav. Patritium, De Interpret. Scriptt. Sacrarum, lib. II. qu. X. nn. 47. seqq.

⁴¹) Haec dabunt praeter Suicerum l. c., Dietelmaierus in Hist. dogmatis de descensu J. C. ad Inferos, et Ungerus in dissert. eiusdem tituli.

⁴²) Ita vertunt ad Ps. XLVIII. 11—16.

⁴³) R. Levi ad Job. XXVI, R. Salomon ad Ps. XLIX, et David Kimchi atque Abenezra ad Ps. CXXXVIII.

⁴⁴) In Lexic. N. T. ad v. ἔδης.

⁴⁵) Matth. XVI. 19.

⁴⁶) Ibid. XI. 23.

⁴⁷) Quam enim antea *absolute* significaverat, inquit, *et super hanc petram aedificabo ecclesiam meam*: quum videri invictum necessario debeat aedificium, quod firmissimae *petrae* iūnitur; eandem *comparate* illustrare pergit, subdens, *et portae inferi non praevalerunt adversus eam*. Propemodum diceret, invictam revera fore ecclesiam, utpote quae ne maximis quidem gravissimisque inferni molitionibus commoveretur.

⁴⁸) Luc. XXII. 53.

⁴⁹) Joh. XII. 31.

⁵⁰) In Lexic. N. T. ad v. ἔδης.

⁵¹) In diss. philolog. critic. de πύλαις ἔδου ad Matth. XVI. 18. Consentit Bengelius in Gnom. ad h. l. scribens: „Τῷ

sibi nihil aptius *per πύλας ἔδου* intelligi posse, quam vim potentiamque diaboli, impiorumque omnium Christi adversariorum, quam frustraneam et inanem fore in oppugnanda ecclesia promiserit Christus, quemadmodum etiam Chrysostomus ⁵² adnotavit, qui integram sententiam de periculis gravissimis coetui christianorum imminentibus interpretatus est.

103. Cuius interpretationis veritas multo apparebit liquidior, si ad nomen *πύλαι*, quo cum *ἔδης* construitur, animus advertatur. Quamquam enim I. *πύλη καὶ θύρα* promiscue identidem accipiantur; constat tamen *illius* potestatem latiore esse augustioreque. Unde Thucydidis ⁵³ scholiastes, Thomas Magister ⁵⁴ et Eustathius ⁵⁵ monent, *θύραι αἱ τοῦ οἴκου. πύλαι αἱ τοῦ τείχους*. Quare in libris etiam ⁵⁶ N. T. et apud ⁵⁷ alexandrinos interpretes *πύλη* de porta proprie adhibetur, quae per moenia in urbem ducit. Phrasis igitur *πύλαι ἔδου* proprie accepta orcum *repraesentat civitatis instar* moeniis portisque instructae, idemque *valet ac portas civitatis infernae*.

Et sane II. frequentissime *ἔδης* uti *civitas* depingitur, eidemque *portae* munitissimae adscribuntur. Civitatis regnique imago adhibetur in bibliis, quoties ⁵⁸ *ἔδης* cum Sodoma, Aegypto, Babele, Tyroque confertur: quoties satanas ⁵⁹ rex tenebrarumque princeps nuncupatur: et quum ⁶⁰ eiusdem ectypus *ἡ πόλις ἡ μεγάλη* dicitur. Usum vero eiusdem imaginis apud profanos scriptores frequentissimum praeclara ostendunt Homeri ⁶¹, Euripidis ⁶², Propertii ⁶³, Ovidiique ⁶⁴ testimonia, quorum postremus ⁶⁵ inquit:

Stygiam quod ducit ad urbem.

Mille capax aditus et apertas undique portas

Urbs habet.

Quibus verbis alterum quoque demonstratur, receptum usu fuisse ut orco portae adscriberentur. Et adscribuntur plane non ab Homero ⁶⁶ solum, He-

ἔδη inferno mox opponitur *caelum*, uti cap. XI. 23. *Portae inferni*, ut alibi *portae mortis*, nominantur etiam Es. XXXVIII. 10, Sap. XVI. 13. Infernus *ἔδης* valentissimum quiddam, Cant. VIII. 6, quanto magis eius *portae*? Metaphora *portae* a re architectonica, ut in *aedificabo* et *claves*. Ecclesia Christi videtur quasi urbs sine moenibus; et tamen portae inferni, quae illam impetunt, non praevalerunt.

⁵²) In Matth. hom. LIV. al. LV. n. 2.

⁵³) Ad Thucyd. II. 4.

⁵⁴) Pag. 766.

⁵⁵) Ad Homeri Iliad. X. 50.

⁵⁶) Luc. VII. 12, Act. IX. 24, XII. 10, II. Cor. XI. 32.

⁵⁷) Gen. XXXIV. 20 — 24, II. Paral. XIV. 7.

⁵⁸) Ezech. XXXVII, Apoc. IX. 8, XVIII. 2 — 10 — 16 — 19 — 28.

⁵⁹) II. Tim. II. 26, Apoc. II. 13, Matth. XII. 29, Luc. XI. 21.

⁶⁰) Apoc. XVIII. 19.

⁶¹) Iliad. V. IX. XIII.

⁶²) In Alcest.

⁶³) Lib. III. eleg. XI.

⁶⁴) Metamorph. IV, Heroid. epist. II.

⁶⁵) Metamorph. IV.

⁶⁶) Iliad. ε', v. 646.

siodo ⁶⁷, Aeschlylo ⁶⁸, Euripide ⁶⁹, Theognide ⁷⁰, Lucretio ⁷¹, Virgilio ⁷², aliisque ⁷³ passim; verum etiam in ⁷⁴ Alcorano, librisque ⁷⁵ iudaeorum. Atque ita in ⁷⁶ Pirke Aboth legimus: שבע פתחים יש לגיהנם *septem portas habet gehenna*.

Neminem porro latet III, vulgatissimam esse *metaphoricam* ⁷⁷ *portarum significationem*, qua regni civitatisque *robur potentiamque* designant. Quum enim usu invaluerit, ut portae ceu *emblema roboris, symbolumque potentiae* spectarentur; pronum fuit ut ad robur ipsum, potentiamque exprimendam traducerentur. Igitur IV. *πύλαι ἔδου* infernae civitatis portas *proxime* referunt, *ἐμμέσως* vero noxiam hostilemque virtutem quum satanae, tum eorum omnium quorum satanas princeps est, quique ab eo veluti parente ⁷⁸ in lucem editi perhibentur.

Hinc V. symbolicae loquutionis a Christo adhibitae commentarius omnium accommodatissimus is est, quem Paulus ⁷⁹ his verbis complectitur: *Οὐκ ἔστιν ἡμῖν ἡ πάλη πρὸς αἷμα καὶ σάρκα, ἀλλὰ πρὸς τὰς ἀρχάς, πρὸς τὰς ἐξουσίας, πρὸς τοὺς κοσμοκράτορας τοῦ σκότους τοῦ αἰῶνος τούτου, πρὸς τὰ πνευματικὰ τῆς πονηρίας, ἐν ταῖς ἐπουρανίοις*. Idest, Theophylacto ⁸⁰ post Chrysostomum et

⁶⁷) Theogon. v. 773.

⁶⁸) Agamemn. v. 1300.

⁶⁹) Alcest. v. 124.

⁷⁰) In sentent. v. 427.

⁷¹) Lib. III. v. 67.

⁷²) Aeneid. VI. v. 127.

⁷³) De quibus confer Windet *de vita funct. statu*, et Hoderi dissertationem inscriptam, *πύλαι ἔδου* Matth. XVI. 18. illustratae.

⁷⁴) Surat. XV. 44.

⁷⁵) Cf. Wageuseil in Sotah pag. 220.

⁷⁶) Pag. 149.

⁷⁷) Cf. Ernesti Ewaldi *Emblemata sacra*, Lib. IV. Exercit. III.

⁷⁸) Joh. VIII. 44.

⁷⁹) Ephes. VI. 12.

⁸⁰) Comm. ad h. l. Epiphanius in Ancorato, §. IX. de portis inferni scribit: *πύλαι δὲ ἔδου αἱ αἰρέσεις καὶ οἱ αἰρεσι-ἀρχαί*. Damascenus vero orat. in s. Barbaram putat, portis inferni significari *τὰς παντοίας τῶν κολάσεων ἰδέας εἰς ἃς διήρ καὶ θάνατον ὠθοῦσας καὶ καταγούσας, tormenta et cruciatu omnis generis in inferos ac mortem trudentes ac deducentes*.

Verum, subdit Possinus in Spicilegio Evangelico, §. LVIII. non de solis tyrann-

nis victoriam ecclesiae pollicentur verba Christi; sed ex sensu cunctorum patrum atque interpretum, etiam contra haereses, quas non minus verisimiliter plerique verbo *portarum inferni* designatas putant, quod per eas ad inferos eatur. Ceterum, concludit, existimo nomine *portarum inferi* exprimi „universalius principium omnium impugnationum, quas ecclesia patitur, sive per tyrannos idololatrias, aut quomodo-cumque infideles, sive per haereticos schismaticosque, uti et per corruptelas morum et irritamenta vitiorum. Omnibus quippe his et singulis quasi orci exercitibus et castris, veluti imperatores ac duces praesident daemones, qui quam apte *portae inferi* dici possint, breviter exponam, decerpens e scriptis a me alias in Exercitatione Theologica ad Scripturae loca de Angelis agentia.“

„Ibi considerans Jobi locum XXXVIII. 17, ubi fit mentio *portarum mortis*, observabam *mortis* nomine significatum videri, quod Johannes in Apoc. XX. 14. vocat *mortem secundam*, quam esse ait *stagnum ignis*, hoc est infernum; ut portae mortis et portae inferi synonymae sint. Jam quia et arcium et carcerum portae

Theodoritum interprete, *non adversum vulgares hostes nobis lucta est, neque adversum homines iisdem nobiscum affectibus imbutos, eiusdemque nobiscum potentiae*; sed contra valentissimos nequissimosque spiritus, deque re omnium maxima, cuiusmodi verbis, ἐν τοῖς ἐπουρανίοις effertur, ubi τὸ ἐν, ἀντὶ τοῦ ὑπερ ἔστι, καὶ τοῦ διὰ ὡς εἰ λέγε, διὰ τὰ ἐπουράνια πολεμοῦμεν, καὶ διὰ τοῦτο νήψειν χρῆ, *praepositio in est pro super vel propter, ac si diceret, propter caelestia belligeramus, ideoque vigilare oportet.*

E quibus VI. liquet, bonos malosque a Christo ita dispesci, ut illi ad *civitatem* spectent *ecclesiae* nomine insignem, aedificandam super Petrum, et cuius Petrus sit rector; hi vero membra sint civitatis cui appellatio est τοῦ ἔδου, quaeque satana principe gubernatur. Eodem autem pacto utramque civitatem⁸¹ se ad invicem habere, quo se mutuo habent, sibi quoque opponuntur⁸² *Christus* et *Belial*, *Dei*⁸³ *templum*, *idolorumque fanum*, *arma*⁸⁴ *iustitiae lucisque*, et *arma iniustitiae ac tenebrarum*, *deus*⁸⁵ tandem *huius saeculi*, et *Christus* supremus Dominus qui illum eiecit, profligatumque debellavit.

104. E quo *capitis* triumpho quum peti non immerito coniectura possit de futuro *duelli* exitu, quo utraque civitas decertat, membraque satanae adversus mysticum ecclesiae corpus configunt; ea tamen opus non est, quum iis verbis utatur Christus, quae dubitationem omnem funditus praecidunt. Memoratis enim *inferni portis*, continuo de illarum in ecclesiam conatibus⁸⁶ subdit: οὐ κατισχύουσιν αὐτῆς. Sed quonam pacto *non praevalerunt?* *neutra* ne *significatione*, adeo ut formula, οὐ κατισχύουσιν αὐτῆς, idem notet ac οὐ δυνήσονται ὑποστῆναι αὐτήν: an *significatione* potius *activa*, adeo ut Christi verba hisce respondeant, οὐ δυνήσονται κατακρατῆσαι αὐτῆς?

Si verba in se spectentur, eorumque nativa significandi virtus teneatur, compertum esse debet, *activam acceptionem* deligi oportere. Numquam enim κατισχύω cum *obiecti casu* constructum notione *neutra* adhibetur, sed *activam* constanter praefert, quemadmodum et hebraica verba חֲזַק et יָכַל, quibuscum

obteneri ac servari solent excubiis armorum; ipsum praesidium custodientium militum *portarum* nomine intelligi, synecdoche continentis pro contento, vulgaris usus facile patitur. Ex quo dicamus licet, portas inferi daemones dici inferorum custodiae praefectos: qui quoniam permittuntur usque ad diem ultimi iudicii erumpere inde, varietate vexare et tentare homines, quo eos ad peccatum, indeque ad poenarum suarum consortium pertrahant; recte *portae inferi*, hoc est daemones, dicuntur oppugnare ecclesiam, adversus quam praevalituri ad extremum non sint.

⁸¹) Schemate *civitatis* ipsam quoque repraesentari *ecclesiam* oportere, eo ostenditur oppositionis habitu, quo illi satanae civitas respondet. Huic repraesentationi debetur titulus operis ab Augustino inscripti, *De civitate Dei*, quae est ecclesia.

⁸²) II. Cor. VI. 15.

⁸³) Ibid. v. 16.

⁸⁴) Rom. XIII. 12.

⁸⁵) II. Cor. IV. 4—5.

⁸⁶) Matth. XVI. 18.

significandi potestate apud alexandrinis consentit. Activam certe notionem praeferit ubi ⁸⁷ legimus, וַיַּחֲזֹק דָּוִד מִן־הַפְּלִשְׁתִּי et praevaluit David de Philistaeo: activam ubi ⁸⁸ scribitur, ne dicat inimicus meus, יִכְלֶתִי ἰσχυσα πρὸς αὐτόν, praevalui adversus eum: activam penes Jeremiam ⁸⁹, seducetur, וְנִכְלָה לוֹ καὶ δυνησόμεθα αὐτῷ, additur enim, καὶ ληφόμεθα τὴν ἐκδίκησιν ἡμῶν ἐξ αὐτοῦ: activam penes Danielelem ⁹⁰, vidi cornu illud facere bellum contra sanctos, וַיִּכְלָה לָהֶן καὶ ἰσχυσε πρὸς αὐτούς: et activam penes Lucam ⁹¹, ubi energumenus in Schevae filios insiliens dicitur κατακυριεύσας αὐτῶν, ἰσχυσε κατ' αὐτῶν, ita ut male mulctati vix effugerint.

Immo activa notione tum etiam κατισχύω usurpatur, quum obiecti casus omittitur. Exempli loco ista sint: ⁹² pugnasti cum Deo et cum hominibus, וַתִּכָּבֶּל et praevaluisti: ⁹³ καὶ ἐνισχύσει ὁ βασιλεὺς τοῦ Νότου מֶלֶךְ־הַנִּגְבִּי וַיַּחֲזֹק מֶלֶךְ־הַנִּגְבִּי: ⁹⁴ exaltabitur cor eius, et cadere faciet multos, וְלֹא יַעֲזֹב καὶ οὐ κατισχύσει: denique ⁹⁵, καὶ κατίσχυον αἱ φωναὶ αὐτῶν, et vicerunt (αὐτόν, eum, Pilatum) clamores eorum. Igitur si propriae insistimus τοῦ κατισχύειν significationi, necesse est verba Christi, καὶ πύλαι ἄδου οὐ κατισχύσουσιν αὐτῆς, ita reddamus: et inferorum portae ⁹⁶, hostesque ecclesiae viribus non praepollebunt contra eam, neque eam victam expugnabunt.

105. Nulla autem figura est quum in ceteris libris, tum in Scripturis ea usitatio, quam rhetores ⁹⁷ μείωσιν dicunt, et qua phrases loquutionesque adhibentur, quae ἀμείωως sensum fundunt tenuiorem quam qui intelligi revera ⁹⁸ debet. Ad hanc dicendi figuram spectant formulae, noli timere, idest, confide: non stabit, id est, corruet: non vincet, idest, superabitur: non est utile deserere legem, idest, vehementissime nocet: nolite declinare post idola quae non proderunt vobis, idest, quae vobis summopere oberunt: aliaeque ⁹⁹ sexcentae.

⁸⁷) I. Samuel. XVII. 50.

⁸⁸) Ps. XIII. al. XII. 5.

⁸⁹) Jerem. XX. 10.

⁹⁰) Daniel. VII. 21.

⁹¹) Act. XIX. 16.

⁹²) Gen. XXXII. 28.

⁹³) Daniel. XI. 5.

⁹⁴) Ibid. v. 12.

⁹⁵) Luc. XXIII. 23.

⁹⁶) Prae ceteris Mauduit in dissertatione XVI. subnexa evangeliorum concordiae percontatur, qui fieri possit, ut κατισχύω significatione activa adhibeatur de portis, quarum non est adgredi ac moliri sed reniti atque obsistere. Cui respon-

dendum esse arbitror, πύλας intelligi συμβολικῶς, ac prout signa eae sunt hostilis potentiae, cui profecto competit, ut oppugnet, vimque exserat.

⁹⁷) Cf. Glassii Rhetor. Sacr. lib. II. tract. I. cap. XIX. pag. 1291. edit. Lipsiae 1776.

⁹⁸) Huc pertinet canon XX. a Glasio propositus in Grammatic. Sacr. lib. I. tract. III. atque his conceptus verbis: „Vocabula negantia pro contrariis affirmantibus per quamdam μείωσιν saepius ponuntur.“

⁹⁹) Tales sunt quae habentur Ps. XLIII. 1, Hos. XIII. 13, Prov. XVIII. 5,

Abs re igitur non fuerit expendere, utrum simili loquendi modo Christus dixerit, καὶ πύλαι ἔδου οὐ κατισχύουσιν αὐτῆς. Sed nemo de hoc ambigat, qui rem paullo intimius considerarit, qui ad analogiam fidei attenderit, qua talem esse ecclesiam credimus, quae non solum non expugnetur, verum etiam hostes suos vincat atque superet: qui ad architecti virtutem potentiamque respexerit, quae tanta est ut exstructa ab eo civitas non invicta modo, sed victrix etiam existimari debeat: qui animo secum eam σχέσω, illudque vinculum reputarit, quo ex ecclesia tamquam corpore, et Christo veluti capite unum prodit, unumque ita exstat, ut Christus in ecclesia et per ecclesiam semet manifestare pergat, susceptumque opus salvandi hominis, debellandi satanae, regnique divini amplificandi absolvat atque consummet. Equis enim non cernit imaginem esse a dignitate corporis, quod unum cum Christo sit, alienissimam, ut non vincatur illud quidem, neque tamen suos vicissim hostes superet, palmamque de iis referat?

Ubi animadvertisse iuverit, intensiorem hanc pleniorque significandi potestatem verbo κατισχύειν toties subesse, quoties Deus est qui iuvat, opemque suggerit. „Dabo te, sic Deus¹⁰⁰ ad Jeremiam, populo huic in murum aeneum, fortem, et bellabunt adversum te, וְלֹא-יִכְבְּלוּ לָךְ et non praevalerunt contra te, וְאֵי כִי-אֶתֶּרֶךְ quia ego tecum.“ Sed quomodo non praevalerunt? explicatur praecedenti commate his¹⁰¹ verbis: convertentur ipsi ad te, et tu non converteris ad eos. Sunt vero haec promissioni Christi plane cognata. Quod igitur de inferni portis, deque ecclesiae hostibus dicitur, οὐ κατισχύουσιν αὐτῆς, non praevalerunt adversus eam, idem notat ac¹⁰² succumbent ac fundentur.

Quae significatio et adumbrata in typo fuit, ac in prototypo luculentius expressa. De ecclesia namque Israelis, quae typus fuit¹⁰³ ecclesiae Christi, loquens psalmographus¹⁰⁴, canit: „Multum pugnaverunt contra me a iuventute mea, verumtamen לֹא יִכְבְּלוּ לִי non praevaluerunt in me.“ Idcirco autem non praevaluerunt, quia confundentur et repellentur retrorsum omnes qui oderunt Sion: erunt sicut gramen in tectis, quod antea arescit quam metatur. De caelesti autem Jerusalem, archetypo¹⁰⁵ militantis ecclesiae, legimus:

Apoc. XVIII. 7, et Matth. II. 6: οὐδαμῶς ἐλαχίστη, idest, μείστη εἰ.

¹⁰⁰) Jerem. I. 19. coll. XV. 20.

¹⁰¹) Ibid. XV. 19.

¹⁰²) Cf. Hermae Pastorem, lib. I. vis. I. §. III, Origenem in Matth. Tom. XII. nn. 12—13, et Theophylactum ad Matth. XVI. 18.

¹⁰³) I. Cor. X. 6.

¹⁰⁴) Ps. CXXIX. 2.

¹⁰⁵) De hoc habitu inter triumphantem

et militantem ecclesiam plura habent vestusti ecclesiae scriptores Clemens alexandrinus Stromat. VI. n. 13, VII. n. 17, Pseudo-Dionysius in duobus libris de Hierarchia caelesti et ecclesiastica, ac Bernardus, cuius referam verba ex lib. III. de Considerat. cap. IV. n. 18: „Viderat hoc qui (Johannes Apoc. XXI. 2.) dicebat, vidi civitatem sanctam Jerusalem novam descendentem de caelo, a Deo paratam. Ego enim propter similitudinem dictum

„Michael¹⁰⁶ et angeli eius pugnabant contra draconem, et draco pugnabat et angeli eius, καὶ οὐκ ἴσχυσεν.“ Cur enimvero? ideo ne *tantum*, quod illorum conatus in irritum cesserint? immo sensu multo pleniore, uti mox effertur: οὐδὲ τόπος εὐρέθη αὐτῷ¹⁰⁷ ἔτι ἐν τῷ οὐρανῷ, *neque locus eius inventus est amplius in caelo*.

Quare si, uti decet, significatio *mediata* ab *immediata*, et a *grammatica realis* secernatur, perspicuum erit, formulae, καὶ πύλαι ἔδου οὐ κατισχύουσιν αὐτῆς, hanc inesse potestatem, καὶ πύλαι ἔδου οὐ δυνήσονται ὑποστῆναι αὐτήν: eaque ecclesiam exhiberi super Petrum tam valide aedificatam, illiusque robore communitam, ut non solum timere sibi ab hostibus non debeat, sed possit contra ac etiam debeat victoriam sibi, splendidumque de iis triumphum polliceri. Quod Alexander alexandrinus¹⁰⁸ in epistola ad ὁμώνυμον Alexandrum constantinopolitanum expressit his verbis: Μίαν καὶ μόνην καθολικὴν, τὴν ἀποστολικὴν ἐκκλησίαν (ὁμολογοῦμεν), ἀκαθάρτετον μὲν αἰεὶ, καὶ πᾶς ὁ κόσμος αὐτῇ πολεμεῖν βουλευῖται, νικηφόρον δὲ πάσης τῆς τῶν ἐτεροδόξων ἀσεβεστάτης ἐπαναστάσεως. Unam et solam catholicam apostolicam ecclesiam (confitemur), *inexpugnabilem* semper, etsi totus eam mundus oppugnare instituat, *victtricemque omnis* impiae diversa sentientium *rebellionis*.“

reor, quod sicut *illic* seraphim et cherubim et ceteri quique usque ad angelos et archangelos *ordinantur sub uno capite Deo*; ita *haec* quoque *sub uno summo pontifice* primates vel patriarchae, archiepiscopi, episcopi, presbyteri vel abbates, et reliqui in hunc modum *ordinantur*. Non

est parvipendendum quod et Deum habet auctorem, et de caelo ducit originem.“

¹⁰⁶) Apoc. XII. 7—8.

¹⁰⁷) Al. αὐτῶν, quam lectionem Griesbachius recepit.

¹⁰⁸) Apud Theodorum, H. E. lib. I. cap. IV. al. III.

CAPUT VIII.

Quo nexu mutuo cohaereant verba Salvatoris Matth. XVI. 18—19: — is est arctissimus, neque tamen impedit quominus diverso schemate tam Christus quam Petrus utroque in commate repraesententur: — cuiusmodi sit hoc schema: — declaratur: — tum de subiecto quaeritur, ad quod verba, καὶ δώσω σοὶ τὰς κλεῖς τῆς βασιλείας τῶν οὐρανῶν, referri debent: — protestantium opinio, quod ad omnes ex aequo apostolos spectent: — ea aliis ex eodem numero improbatur: — ac merito sane, quod argumentis efficitur, ostenditurque uni Petro dici, καὶ δώσω σοὶ τὰς κλεῖς τῆς βασιλείας τῶν οὐρανῶν: — quid hac metaphorica loquutione eidem promittatur: — explicatur primum universim: — pressius deinde stabilitur: — ac Petrus eximia prae omnibus potestate auctus demonstratur: — eiusdem cum Christo supremo clavium domino comparatio: — qua potior illius auctoritas denuo illustratur.

106. **D**e verbis, καὶ πύλαι ἔδου οὐ κατισχύουσιν αὐτῆς, quibus ecclesiae invictam per Petrum constantiam stabilitatemque Christus promisit, scribit ¹ Daniel Heinsius: „Nollem subtiliter περὶ ἔδου disseruissent eruditi, ac si pro inferis accipi sit nefas. Quasi non ita saepe utantur hellenistae: quasi non ita Patres loquantur: quasi non inferi et ἔδης etiam in symbolo apostolico ² locum habeant: quasi aliter Chrysostomus aliique intellexerint: quasi non plena ac perspicax sit hyperbole, ut efficacius loquatur, cum ad hostes ecclesiae id referatur: quasi non in Sacris ex interpretatione hellenistarum, quos novi foederis auctores expresserunt, ἔδου πύλαι legantur, qui τὸ ἡΙΝΨ ἸΥΨ ³ reddunt: quasi denique non notus sit, ad quem respexisse potuit, Jobi ⁴ locus, ἀνοίγονται δὲ σοὶ φόβῳ πύλαι θανάτου, πύλαι δὲ ἔδου ἰδοῦσαί σε ἐπῆξαν, ita enim in hebraeo, pro quo πύλωροι hellenistae.“ Huic autem promissioni, qua ecclesiam de victoria referenda certam reddidit, alteram Salvator ⁵ adiecit, subdens: Καὶ δώσω σοὶ τὰς κλεῖς τῆς βασιλείας τῶν οὐρανῶν· καὶ ὃ ἐὰν δήσης ἐπὶ τῆς γῆς, ἔσται δεδεμένον ἐν τοῖς οὐρανοῖς· καὶ ὃ ἐὰν λύσης ἐπὶ τῆς γῆς, ἔσται λελυμένον ἐν τοῖς οὐρανοῖς. Idest Juvenco ⁶ interprete:

¹) Exercitt. Sacr. ad Matth. XVI. 18.

³) Exemplo sit Esaias XXXVIII. 10.

²) Qua de re vide praeclarissime disserentem Kingium in Hist. Symb. Apostolici, cap. IV. §§. 1. seqq.

⁴) Job. XXXVIII. 17.

⁵) Matth. XVI. 19.

⁶) Hist. Evangelic. lib. III.

Caelestisque tibi claves committere regi
 Est animus. Terrisque tuo quae nexa relinques
 Arbitrio, caelis pariter nodata manebunt:
 Solverit et rursus tua quae sententia terris,
 Haud aliter venient caeli sub sede soluta.

107. Quae cum prioribus arctissime cohaerere, ex aequo ostendunt I. particula καὶ⁷, qua mutuo devinciuntur: II. ταυτότης quum loquentis qui est *Christus*, tum eius ad quem sermo dirigitur, qui est *Petrus*: ac id III. quod Petro committitur, quodque prius ἐκκλησίας nomine, ac mox appellatione τῆς βασιλείας τῶν οὐρανῶν exprimitur. Qua appellatione non minus ecclesiae origo, quam eiusdem destinatio atque σκοπὸς aperiuntur: origo inprimis, qua⁸ ἡ ἄνω Ἱερουσαλήμ, *Jerusalem*⁹ caelestis, *Jerusalem descendens*¹⁰ ἐκ τοῦ οὐρανοῦ ἀπὸ τοῦ Θεοῦ, ac regnum¹¹ quod non est ἐκ τοῦ κόσμου τούτου, καὶ ἐντεῦθεν nuncupatur: σκοπὸς deinde ac destinatio eo pertinens, ut instituta in terris ecclesia suam in caelis perfectionem¹², absolutionemque adipiscatur.

Sed quamquam tam intimo nexu orationis partes devinciuntur, haud tamen affirmare licet eadem imagine utroque in commate Christum ac Petrum repraesentari. Immo perspicuum est, aliud esse schema, quo commate decimo-octavo, ac aliud, quo commate decimo-nono uterque exhibetur. Sicut enim priori commate Christus *architecti* de exstruenda civitate solliciti, ac Petrus *fundamenti* partes obit; ita commate altero Christus *personam* induit *supremi domini*, Petrus vero *personam* refert *praepositi*, qui a supremo domino claves accipit civitatis, ipsique civitati praeficitur.

Haec *imaginum* varietas e verbis ipsis apparet, et quod insequenti commate adhibetur schema iis concinne respondet quae antecedunt. Ac initio confessioni respondet a Petro editae, qui de Christo¹³ affirmans, σὺ εἶ ὁ Χριστός, ὁ υἱὸς τοῦ Θεοῦ τοῦ ζῶντος, eum esse *regem regum* ac *dominum dominantium* appellatione ipsa τοῦ Χριστοῦ¹⁴ testatus est. Respondet verbis Salvatoris¹⁵, οἰκοδομήσω μου τὴν ἐκκλησίαν, quibus supremam in ecclesia potestatem *auctoris, institutorisque nomine* non obscure sibi vindicavit. Cum quo illud aptum nexum-

⁷) Quominus enim genuina habeatur, impedire non debent aliquot codices, nonnullaeque versiones, a quibus abest.

⁸) Gal. IV. 26.

⁹) Hebr. XII. 22.

¹⁰) Apoc. XXI. 2—10.

¹¹) Joh. XVIII. 36.

¹²) Eodem plane modo, quo I. Cor.

XIII. 9—13. πίστις, γνώσις ἐκ μέρους καὶ δι' ἐσόπτρου ἐν αἰνίγματι ad ἐπίγνωσιν et visionem πρόσωπον πρὸς πρόσωπον adspirant.

¹³) Matth. XVI. 16.

¹⁴) Apposite Gregorius nysenus in sexto adversus Eunomium libro, ἡ τοῦ Χριστοῦ προσηγορία τὴν βασιλείαν ἐνδείκνυται, Christi appellatio regnum denotat; et in libro de perfecta christiani forma, τῇ τοῦ Χριστοῦ προσηγορίᾳ κυρίως καὶ πρώτως τὸ βασιλικὸν διασημαίνεται κράτος, Christi nomine proprie ac primario regium significatur imperium.

¹⁵) Matth. XVI. 18.

que est, unum eundemque Dei Filium et summo iure *rerum universitati* praeesse, quia ¹⁶ πάντα δι' αὐτοῦ ἐγένετο, eodemque iure *ecclesiam* sibi obnoxiam habere, tum quia ¹⁷ illam acquisivit διὰ τοῦ ἰδίου αἵματος, tum quia illam collegit, collectamque ad formam unius regni, uniusque civitatis revocavit. Denique ¹⁸ schema clavium *typo* respondet *civitatis*, quo *ecclesiam* Christus adumbraverat, et cuius Petrum futurum *petram* spoponderat. Vulgatissima namque est *σχέσις* inter *civitatem* et *claves*, nihilque pronius quam e *metaphora fundamenti* ¹⁹ ad *metaphoram clavium* quibus civitas clauditur aperiturque dicendo progredi.

Partes igitur sermonis, licet arctissime cohaerentes, comparatae tamen ita sunt, ut eximia quadam imaginum varietate consilium voluntatemque Christi de regimine aedificandae ab eo ecclesiae patefaciant.

108. De posteriori autem imagine definiri in antecessum debet, quodnam sit illius *subiectum*, quemque verba, δώσω σοὶ τὰς κλεῖς τῆς βασιλείας τῶν οὐρανῶν, *proprie* respiciant. Ac protestantium quidem ²⁰ plurimi in ea opinione versantur, ad omnes *ex aequo* apostolos Christi sermonem pertinere. Horum sententiam refert, probatque ²¹ Bengelius, inquit: „Christus exaltatus *claves* accepit ²² oeconomice. Dedit, quas hic promisit, deinceps *claves* Dominus *non soli Petro* ²³, sed *primo*, ratione temporis: quatenus Petrus *primus* fuit ²⁴, qui post resurrectionem Christi gessit apostolatium. Si Petro et episcopis post eum romanis, ac non ceteris apostolis ²⁵ datae sunt *claves*; etiam post mortem Petri episcopus romanus ²⁶ ceteros apostolos pascere debuit.“ Probat quo-

¹⁶) Joh. I. 3.

¹⁷) Act. XX. 28.

¹⁸) Kuinoel in comm. ad Matth. XVI. 19.

rationem transitus his verbis explanat: „Portas orci clausas sibi fingeant hebraei, adeoque ad eas reserandas clavibus opus erat; hinc cum Christus v. 18. commemorasset *πύλας ἄδου*, ac praeterea comparasset cum domo ecclesiam suam: eo facilius transitus erat ad imaginem quae sequitur, καὶ δώσω σοὶ τὰς κλεῖς τῆς βασιλείας τῶν οὐρανῶν.“

¹⁹) Cf. Lucam brugensem in comm. ad h. l.

²⁰) Horum nomina dabunt Wolfius in Curis ad h. l., et Koecherus in Analectis ad h. l.

²¹) In Gnomone ad h. l.

²²) Apoc. I. 18.

²³) Luc. V. 10.

²⁴) Act. I. 15, II. 14. Hanc autem

primatus interpretationem certis argumentis superius confutavimus, neque ipsi Bengelio satis omnino fecisse ostendimus.

²⁵) Erat cur Bengelius adverteret, unam eandemque *γενικῶς* spectatam auctoritatem promitti posse atque conferri *diversimode*: ἀπλῶς primum atque absolute: quadamtenus deinde et non citra aliquot condiciones. Inde enim consequitur ad *quodvis* inter apostolos *iuris discrimen* excludendum satis haud esse, illos eiusdem *καθόλου* potestatis consortes ostendere; sed omnino postulari ut eadem potestas singulis atque omnibus *eodem* promissa collataque *modo, graduque* demonstraretur.

²⁶) Quamquam ad praesentem locum *ἀμέσως* non spectet controversia de romano episcopo; nihilominus adnotabo I. consectorium, quod uti praeposterum Bengelius infert, a catholicis ultra admitti, dummodo verbum *pascere* de iure intelligatur quo

que²⁷ Turretinus, cuius ista sunt verba: „Patet Petri *primatum* frustra heic quaeri; licet enim promittatur heic aliquid Petro *peculiariter*; nihil tamen heic promittitur illi²⁸ *peculiare*. Promissio quidem ipsa, seu *actus* promittendi fuit ipsi *peculiaris*, quatenus ipsum nominatim alloquitur; sed *res ipsa* quae promittitur, *communis* fuit, quae *ad alios* etiam pertinuit, *quorum nomine*²⁹ Petrus loquebatur, ut patet³⁰ ex Matth. XVIII. et Joh. XX. 23, ubi eadem potestas, quae heic per ligationem et solutionem designatur, per retentionem et remissionem peccatorum describitur, et ex aequo omnibus apostolis tribuitur.“ Ne vero singulos commemorando recenseam, eandem prae reliquis expositionem adoptant³¹ Rosenmuellerus, Bloomfield³² et Kuinoel³³, qui sic habet: „Clavis symbolum³⁴ erat curae et administrationis, etiam summae rerum potestatis. Itaque verba nostra hoc sibi volunt: committam tibi curam civitatis meae, summam rerum in ecclesia mea. Accipiebat autem *non modo* Petrus potestatem moderandae et regendae ecclesiae, sed accipiebant³⁵ eam quoque *una cum eo* apostoli reliqui.“

Haec tamen protestantium conspiratio non impediit quominus ex ipsorum numero non pauci aliter sentirent, ac porro sentiendum esse adductis argumentis confirmarent. Quod inter ceteros exequuti diligenter sunt Camero et Henricus Hammondus, quorum ille³⁶ ait: „Ex his quae hactenus dicta sunt, liquet quidem aliquid *singulare* a Christo Petro fuisse his verbis collatum, quod non fuit illi cum reliquis apostolis *commune*. Sed quia id novum et insolens multis³⁷ videri possit, probandum iam et confirmandum nobis est: deinde vero aperte definendum, quidnam sit illud *singulare* et *praecipuum*. Et ad prius quidem illud quod attinet, *multa* sunt quae evincunt in Petrum *aliquid eximium supra reliquos apostolos* a Christo fuisse collatum; ac primum quidem ipsa totius orationis *emphasis*.“ Ac interiectis non paucis, subdit: „Haec arguunt, Christum his verbis Petrum singulariter et seorsim compellere, proindeque et *singulare quidpiam*

Petri successores unitatem, societatemque ab ipsis apostolis exigent. Huius autem iuris II. specimen aliquod in ea consultatione refulget, quam corinthiaca ecclesia ad romanam misit, et cui Clemens datis litteris respondit. Quamquam enim in vivis adhuc Johannes esset, atque in Asia degeret, tributum tamen fuit Petro, qui in suis successoribus *vivit et praesidet*, quod eius *ἐπεροχή* flagitabat, ut caput centrumque catholicae unitatis haberetur.

²⁷) Instit. Theologiae Elencticae, Loco XVIII. q. XVII. §. XIX.

²⁸) Fucum sibi, lectoribusque creat evanida distinctione Turretinus, quemadmodum orationis series evincet.

²⁹) Quam fallax sit haec hypothesis, latere eos non potest qui teneant quae superius disseruimus.

³⁰) Pateat nec ne, mox intelligitur: heic solum monebo, ne ipsum quidem Rosenmüllerum temperare sibi potuisse, quin adverteret, *verbis Salvatoris* Joh. XX. 23. *longe alium subesse sensum*.

³¹) In scholiis ad Matth. XVI. 19.

³²) In notis ad Matth. XVI. 19.

³³) In comm. ad Matth. XVI. 19.

³⁴) Jes. XXII. 22, Apoc. I. 18, III. 7.

³⁵) Matth. XVIII. 18. Joh. XX. 21.

³⁶) In comin. ad Matth. XVI. 18—19.

³⁷) Non utique catholicis, sed protestantium factioni addictis.

illi tribuere. Quorsum enim pertinet ista Christi oratio, quae illius mens, quis scopus, si *communiter*, si *aeque reliqui discipuli ac Petrus* compellantur? numquid *Petri* nomen omnibus apostolis commune fuit? tum vero illud *Simon Bar-Jona*, quum ad reliquos apostolos minime pertineat, quae ratio effecerit, ut quae eodem tenore cum istis coniuncta et continuata sequuntur, alio trahantur? deinde etiam illa, *tibi dico, tibi dabo, tu es Petrus* haud dubie magnam habent emphasim, et clare, aperteque significant, haec tam dicta *singulariter*, Petro *singulariter et peculiari quadam ratione* convenire.“ Hammondus ³⁸ vero etsi brevius, non minori tamen perspicuitate scribit: „Petro dicit heic Christus, eum fore lapidem *κατ' ἐξοχήν*, qui post lapidem angularem primus in aedificio ecclesiae Christi dici possit; qui quum semel structus foret, numquam erat diruendus; eumque potestatem regendae ecclesiae, quam denotant *claves*, habiturum.“ Ac mox: „Claves regni caelorum significant potestatem administrandae ecclesiae Haec est potestas, quam Christus promittit se Petro, *singulari* nempe *homini* daturum, ut quidquid solveret vel ligaret, id esset solutum aut ligatum in caelo.“

109. In hoc porro opinionum, interpretationumque dissidio, quo tam secum ipsis quam cum catholicis protestantes confligunt, haud puto anceps videri posse, quatenam praeferri debeat, quaeque reiici ac damnari. Qui enim ad omnes *ex aequo* apostolos verba Christi pertinere contendunt, iis utuntur rationibus quibus nemo prudens adquiescat, ac iis vicissim refelluntur argumentis quae merito suo ab omnibus assensionem obtineant. Et re sane vera inde illi arguendo colligunt *nihil proprii* Petro promitti, *nihil non commune* apostolis reliquis, quod I. *omnium nomine* Petrus Christo responderit, *omniumque* adeo *personam* gesserit, quum illi Christus vicem rependit; et quod II. loci plane gemini apud Matthaeum ³⁹ ac Johannem ⁴⁰ ostendant, quidquid Petro promittitur, *idipsum eodemque gradu* aliis item apostolis fuisse collatum.

Sed quod primum assumunt, nullis *e contexta oratione* ductis argumentis adstruitur, immo certissime profligatur. Quod diligenter explanarem, nisi satis huic operi superius fecissem. Prior igitur hypothesis e qua interpretatio pendet quam illi statuunt, quamque nos reiectam volumus, defendi *ab errore* non potest. Neque illud verius quod *subdunt*, quodque *de locis geminis* affirmant. Ut enim rem brevissime ⁴¹ expediam, I. neutrum quod adducitur ⁴² testimonium, *parallelum* est *ῥητῶς* et *κατὰ λέξιν*: neque II. *parallelum* est *ὁντως* et *κατὰ πρᾶγμα*, quum *in tribus locis* et adiuncta sermonis, et subiecta illi materies *diversissima* sint. Abusus igitur *textuum similium* nequit esse manifestior; ac manifestior propterea esse nequit *corruptela* interpretationis, cui eiusmodi artibus fides conciliatur.

Quam quidem corruptelam ipsi quoque protestantes pervidissent, nisi e re

³⁸) In annot. ad Matth. XVI. 18—19.

Consonat cum Hammondo Clericus, qui illius in N. T. commentarios novis expositis curis edidit.

³⁹) Matth. XVIII. 18.

⁴⁰) Joh. XX. 21.

⁴¹) Ratum enim mihi est paullo latius hunc abusum deinceps insectari.

⁴²) Matth. XVIII. 18. Joh. XX. 21.

sua fore existimassent mentis oculos a verbis Salvatoris penitus avertere. Etenim I. *orationis subiectum* neque funditus reticetur, neque ἑλλειπτικῶς dumtaxat innuitur, sed diserte effertur ⁴³ pronomine σοί, quo *persona* designatur quae confessionem edidit, quamque Christus *beatam* nuncupavit. Confessionem porro *unus* edidit Petrus, et ad *unum* Petrum spectant verba, μακάριος εἶ Σίμων βάρ Ἰωνᾶ. Unus ergo Petrus *subiectum* est cui dicitur, καὶ δώσω σοὶ τὰς κλεῖς τῆς βασιλείας τῶν οὐρανῶν. Eidem namque II. promittuntur *claves*, quem Christus *ecclesiae petram* ἀμέσως designaverat. Non alium vero designaverat quam Petrum, ac omnino, ut aiunt, *exclusive*: tum quia *unius Petri* Dominus meminit: tum quia *commune* censi nequit praemium, quod *proprio singularique unius merito* rependitur: tum quia *ratio fundamenti*, quo *ecclesiae civitas ad conspicuam unitatem* revocari debet, *pluralitatem* neque admittit neque patitur. Promissio igitur clavium ad *unum* Petrum refertur.

110. Quod III. intellexit, significavitque ⁴⁴ Tertullianus inquires: „Latuit aliquid Petrum aedificandae ecclesiae petram dictum, *claves regni caelorum* consequutum, et solvendi et alligandi in caelis et in terris potestatem?“ Et ⁴⁵ rursum: „Super te, inquit, aedificabo ecclesiam meam, et *tibi* dabo claves, non ecclesiae, et quaecumque solveris vel alligaveris, non quae solverint vel alligaverint.“ Alibi ⁴⁶ vero: „Si adhuc clausum putas caelum, memento claves eius hic Dominum *Petro*, et *per eum* ecclesiae reliquisse.“

Sed Origenes ⁴⁷ praeclarissime, dum collatis mutuo ⁴⁸ promissionibus Petro ac omnibus deinde apostolis factis, e vestigio notat, ἰδίᾳ *privatim illud Petro attributum esse*, δώσω σοὶ τὰς κλεῖς τῆς βασιλείας τῶν οὐρανῶν, priusquam illud, καὶ ὅσα ἐάν δήσητε ἐπὶ τῆς γῆς, καὶ τὰ ἐξῆς, omnibus ἀδιαφόρως diceretur. Etenim pergit: „Si ad evangelica scripta animum ἐπιμελῶς diligenter appellamus, καὶ ἐν τούτοις εὐροῖμεν ἂν καὶ κατὰ ταῦτα τὰ δοκοῦντα εἶναι κοινὰ πρὸς τὸν Πέτρον, καὶ τοὺς τρεῖς νομιθεήσαντας τοὺς ἀδελφούς, πολλὴν διαφορὰν καὶ ὑπεροχὴν ἐκ τῶν πρὸς τὸν Πέτρον εἰρημένων παρὰ τοὺς δευτέρους, ibi *magnum* inveniemus *discrimen*, et *excellentiam* eorum quae Petro, *prae* iis quae aliis dicta sunt, *etiam in iis rebus* quae Petrum inter eosque qui ter fratres ⁴⁹ obiurgaverunt, *communes* esse videntur. Οὐ γὰρ ὀλίγη διαφορὰ τὸν Πέτρον εἰληφέναι τὰς κλεῖδας, οὐχ ἐνὸς οὐρανοῦ, ἀλλὰ πλειόνων, καὶ ἵνα ὅσα ἐάν δήσῃ ἐπὶ τῆς γῆς, ἧ δεδεμένα οὐκ ἐν ἐνὶ οὐρανῷ, ἀλλ' ἐν πᾶσι αὐτοῖς, πρὸς τοὺς πολλοὺς δέοντας ἐπὶ τῆς γῆς, καὶ λύοντας ἐπὶ τῆς γῆς, ὥστε ταῦτα δεδεσθαι καὶ λελῦσθαι οὐκ ἐν οὐρανοῖς, ὡς ἐπὶ Πέτρον, ἀλλ'

⁴³) Matth. XVI. 19.

⁴⁴) De Praescript. cap. XXII.

⁴⁵) De Pudicit. cap. XXI.

⁴⁶) Scorpiac. cap. X.

⁴⁷) In Matth. Tom. XIII. n. 31.

⁴⁸) Matth. XVI. 19. coll. XVIII. 18.

⁴⁹) Adscribam Huetii adnotationem:

„Augustinus de Verbis Domini, hom. XV, Anastasius nicaenus q. LXI, et alii Origenem sequuti, ligandi et solvendi potestatem Christi discipulis tributam ad eos omnes pertinere volunt (profecto nonnisi quadamtenus et similitudine aliqua), quicumque fraterna peccata reprehendunt.“

ἐν οὐρανῷ ἐνί· οὐ γὰρ διαβαίνουσι τῇ δυνάμει, ὡς Πέτρος, ἵνα δήσωσιν ἢ λύσωσιν ἐν πᾶσιν οὐρανοῖς. ὅσῳ οὖν βελτίων ὁ δεσμεύων, τοσοῦτον μακαριώτερος ὁ λελυμένος, ὡς καὶ πανταχοῦ τῶν οὐρανῶν εἶναι αὐτοῦ τὸ λελῆσθαι. Nec enim exigua⁵⁰ differentia est claves non unius caeli Petrum, sed plurimorum accepisse; et quaecumque super terram alligaverit, non in uno caelo sed in omnibus ligata esse, prae pluribus aliis qui super terram et alligant et solvunt, ita ut haec alligata et soluta sint non in caelis, sicut Petro concessum est; sed in uno caelo: nec enim eo penetrandi facultate pollent, quemadmodum Petrus, ut alligent vel solvant in omnibus caelis. Quo praestantior ergo fuerit qui alligat, eo felicior qui fuerit solutus, quum in omnibus plane caelis solutus sit.“

Quo quidem commentario docemur, 1^o. fas non esse propter quamdam vocabulorum similitudinem quae *propria* sunt Petri, eadem *communia* reliquis existimare: 2^o. multo praestantius, multoque nobilius convenire *Petro* quae *alii* item promissa, tributaque reperiuntur: illius propterea 3^o. ὑπεροχὴν in tuto esse, atque ex eo insigniter enitescere, quod quum aliorum omnium⁵¹ potestas obnoxia sit atque circumscripta, ea contra quae *clavium* symbolo illi promittitur, *infinite* pateat, nullique hominum iuri subiiciatur.

Eodem pertinent quae nobilissimi fratres, Basilus et Gregorius nyssenus docent; ille quidem⁵² quum ait: „Ὁ μακάριος Πέτρος, ὁ πάντων μὲν μαθητῶν ἀποκριθεὶς, μόνος δὲ πλεῖον τῶν ἄλλων μαρτυρηθεὶς καὶ μακαρισθεὶς, ὁ τὰς κλεῖς τῶν οὐρανῶν πιστευθεὶς. Beatus Petrus ex omnibus discipulis *selectus*, ac *unus prae aliis* maiora testimonia nactus, et encomio beatitudinis donatus, *claves caelorum* consequutus est.“ Nyssenus vero⁵³ dum scribit: „Διὰ Πέτρον ἔδωκε τὴν κλεῖδα τῶν ἐπουρανίων τιμῶν· γίνωσκε ὅτι λυθεὶς λελυσαι καὶ δεθεὶς τοῖς ἀοράτοις δεσμοῖς κατασφίγγῃ. *Per Petrum* contulit (Christus) clavem supernorum honorum: tecum reputa quod solutus eris solutus, et ligatus invisibilibus compedibus obstrictus eris.“

Neque aliam sententiam produnt Epiphanius⁵⁴, Serapion⁵⁵, Caesarius⁵⁶,

⁵⁰) „Ludit quoque, scribit Huetius, in eadem distinctione homil. I. in Ezech. I. 1: *aperti sunt caeli: non sufficit unum caelum aperiri; aperiantur plurimi, ut descendant non ab uno, sed a plurimis caelis angeli ad eos qui salvandi sunt.* Minime vero distinctionem hanc patitur syriaca lingua, qua Christus utebatur. Inde tamen dicere licet, *maxima prae ceteris Petrum auctoritate fuisse praeditum ac dignitate.*“

⁵¹) Puto enim subtili et alexandrina

prorsus distinctione inter *caelum* et *caelos* significari ab Origene discrimen, quo adstricta obnoxiaque potestas ab universali et catholica secernitur.

⁵²) Prooem. de Iudicio Dei, n. 7.

⁵³) De Castigat. pag. 314. T. III. opp. edit. Morellii.

⁵⁴) Ancorati §. IX.

⁵⁵) Con. Manichaeos, cap. XXIII.

⁵⁶) Dialog. IV. n. 194.

Chrysostomus ⁵⁷, Anastasius sinaita ⁵⁸ et Eulogius alexandrinus ⁵⁹, e quo ista refert ⁶⁰ Photius: „Οτι διὰ τοῦτο οὐτε πρὸς Ἰωάννην, οὐτε πρὸς ἑτερόν τινα τῶν μαθητῶν ἔφη ὁ Σωτὴρ τό· δώσω σοὶ τὰς κλεῖς τῆς βασιλείας τῶν οὐρανῶν, καὶ τὰ ἐξῆς· ἀλλ’ ἢ πρὸς Πέτρον. Ideo nec Johanni nec alteri cuiquam e discipulis Salvator dixit: tibi dabo claves regni caelorum: sed Petro.“

Consentiunt ⁶¹ Hilarius et ⁶² Ambrosius, quorum iste occasione facinoris quod in evangeliiis ⁶³ de Petro narratur, inquit: „Tollit ergo Petrus aurem. Quare Petrus? quia ipse est, qui accepit *claves regni caelorum*; ille enim condemnat qui et absolvit, quoniam idem et ligandi et solvendi adeptus est potestatem. Tollit autem aurem male audientis, tollit autem gladio *spirituali* aurem interiorem male intelligentis.“ Et in novatianos ⁶⁴ invectus: „Quod ergo, ait, isti possunt *consortium* tecum habere qui *claves regni* non suscipiunt, negantes quod dimittere peccata debeant? quod quidem *recte* de se fatentur, non habent enim *Petri hereditatem*, qui Petri sedem (al. fidem) non habent, quam impia divisione discernunt.“

⁵⁷) In Matth. hom. LIV. n. 2.

⁵⁸) In Ps. VI. pag. 349. Auctarii apud Combesium.

⁵⁹) Con. Novatianos lib. II. apud Photium, Cod. CCLXXX.

⁶⁰) Loc. cit. ubi mox subdit: „Τοῦτο μὲν γρησιν ὁ Εὐλόγιος, πιθανώτερον μᾶλλον ἢ ἀληθέστερον λέγων. Hoc quidem Eulogius dicit, sed ad *verisimilitudinem* magis quam ad *veritatem* loquitur. Etsi enim Petro dictum est, ἀλλ’ οὖν ἐν προσώπῳ τοῦ κορυφαίου καὶ τοῖς λοιποῖς τῶν μαθητῶν ἢ τοιαύτη ἐξουσία ἐδίδото, verumtamen in persona *coryphaei* etiam ceteris discipulis talis potestas data est: quandoquidem etiam illis, qui per successionem ab iis sacerdotali dignitatem acceperunt, τὴν αὐτὴν προσεῖναι τοῦ δεσμεῖν καὶ λύειν ἐξουσίαν πιστεύομεν, eandem solvendi ligandique potestatem adesse credimus.“

His relatis, pergit Suicerus in Thesaurο ad v. κλεῖς, §. II. n. 2: „Optime. Nam ut Ambrosius in Ps. XXXVIII, *quod Petro dicitur, apostolis dicitur*. Petrus enim non suo tantum, sed et collegarum nomine confessionem illam ediderat, *Tu es Christus, Filius ille Dei viventis*. Unde

quod Petro heic promittit, id apostolis postea omnibus promississe legitur Matth. XVIII. 18, et post resurrectionem reapse contulisse Joh. XX. 21—23, ut agnoscit Theophylactus in cap. XVI. Matthaei.“

At I. quod Suicerus de Petro affirmat *omnium nomine* respondente, falsissimum esse comprobavimus: neque minus II. a veritate abluere ostendimus quae de *locorum parallelismo* comminiscitur. Praeterea III. aliud est *infinite* quaerere, utrum promissa heic Petro *ἐξουσία*, aliis item apostolis eorumque successoribus collata *quadamtenus* fuerit; ac aliud *nominatim* percontari, utrum nihil Petrus *proprii* acceperit, nihil quo apostolis ceteris praeferretur. Illud ecclesiastici scriptores plus semel docent, hoc quin doceant, apertis sentiis inficiantur. Quod et illorum quae adduximus testimonia probant, et multo etiam reddent evidentius quae subiicimus.

⁶¹) De Trinit. lib. VI. n. 37, et in Matth. cap. XVI. n. 7.

⁶²) In Luc. lib. X. n. 67.

⁶³) Matth. XXVI. 19.

⁶⁴) De Poenit. lib. I. cap. VII. nn. 32—33.

Praeclare omnino potestas clavium *hereditas Petri* nuncupatur, quod illius *plenitudo* promissa Petro collataque fuerit, quodque ad eos *tantum* defluat, qui cum Petro *unitatem, societatemque* custodiunt. *Ipse est enim*, uti Chrysologus ⁶⁵ ait, *custos fidei, petra ecclesiae, ianitor caelorum*; ac ita huius *muneris sacramentum*, teste ⁶⁶ Leone, *ad omnium apostolorum officium pertinere* Christus voluit, ut in *beatissimo Petro apostolorum omnium summo principaliter collocarit*, ut ab ipso quodam capite dona sua velut in omne corpus diffunderet, ut *exsortem se mysterii intelligeret esse divini, qui ausus fuisset a Petri soliditate recedere.*

Quibus similia inculcant Maximus ⁶⁷, Cassianus ⁶⁸, Ennodius ⁶⁹ ac venerabilis Beda ⁷⁰, qui inter cetera scribit: „Omni electorum ecclesiae iuxta modum culparum vel poenitentiae, ligandi ac solvendi datur auctoritas, sed ideo beatus Petrus ⁷¹ *specialiter* claves regni caelorum et *principatum* iudiciariae potestatis accepit, ut omnes per orbem credentes intelligant, quia quicumque ab unitate fidei vel societate illius quolibet modo *semetipsos segregant*, tales nec vinculis peccatorum absolvi, nec ianuam possint ⁷² regni caelestis ingredi.“ Bedae verba repetit ⁷³ Hincmarus, pleniusque exornat ⁷⁴ Bernardus Eugenium Petri successorem ita compellans: „Tu princeps episcoporum, tu es cui *claves* traditae, cui oves commissae sunt. Sunt quidem et alii caeli ianitores et gregum pastores; sed tu *tanto gloriosius, quanto et differentius* utrumque prae ceteris nomen hereditasti. Habent illi sibi adsignatos greges, *singuli singulos*; tibi *universi* ⁷⁵ crediti, *uni* ⁷⁶ *unus*. Nec modo ovium, sed et *pastorum tu unus omnium pastor.*“

Quae eo facienda sunt pluris, quo unanimi Patrum doctrinae perfectius respondent, ac ad eorum expressa typum videntur, quae ante octo propemodum

⁶⁵) Serm. CXVII.

⁶⁶) Epist. X. cap. I.

⁶⁷) In Natal. Apostol. Serm. V.

⁶⁸) De Incarnat. lib. III. cap. XII.

⁶⁹) In libello apolog. pro Synodo.

⁷⁰) Homil. in die ss. Petri et Pauli.

⁷¹) Huius *adverbii* potestas quum ex contextu sermone, aliorumque Patrum effatis, tum ex iis liquet quae hom. in vigilia apostolorum Petri et Pauli idem habet: „Quod Petro dictum est, *pasce oves meas*, omnibus utique dictum est. Hoc namque erant *ceteri apostoli* quod *Petrus*; sed *primatus* Petro datur (atque adeo illi *specialiter* dicitur, *pasce*), ut *unitas ecclesiae* commendetur. Pastores sunt omnes, sed

grex unus ostenditur (unitate Petri inter reliquos pastores primatu insignis), qui et ab apostolis omnibus tunc unanimi consensione pascebatur, et deinceps a successoribus communi cura pascitur.“

⁷²) Quibus origo aperitur supremae illius necessitatis, qua opus est ut unitas cum Petro custodiatur.

⁷³) Opusc. XIII.

⁷⁴) De Considerat. lib. III. cap. VIII.

⁷⁵) Universitate igitur auctoritatis praerogativa Petri continetur.

⁷⁶) Consilium igitur unitatis per Petrum statuendae ac in Petro repraesentandae effecit, ut illi uni Christus specialiter diceret: *tibi dabo claves regni caelorum.*

saecula in diuturna cum donatistis contentione Optatus⁷⁷ defendit, quum non modo beatum Petrum semel ac iterum *apostolorum caput* nuncupavit, sed praeterea quum necessitatem vitandi schismatis, servandaeque unitatis non aliter confirmari validius posse censuit, quam exposita Christi in Petrum providentia, inquit: „Si de recipiendis vobis Catholica dubitaret, nonne vos debuistis *unitatis* adsequi *formam*? sed exempla in evangelio lecta proponere noluistis, ut est lectio de persona beatissimi Petri, ex qua *forma unitatis retinendae vel faciendae* descripta recitatur. Equidem malum est contra interdictum (cuiusmodi illud est quo Scripturarum proditio vetatur, quodque a catholicis neglectum donatistae calumniabantur) aliquid facere; sed peius est *unitatem* non habere quum possis. Quam unitatem ipsum Christum videmus praeposuisse vindictae suae, qui *magis* omnes discipulos suos voluit *in uno* esse, quam quod offensus fuerat vindicare: dum nollet se negari, promisit⁷⁸ se apud Patrem negaturum esse, qui se negaret apud homines. Et tamen non se promisit puniturum scripturam aliquam qui tradidisset. Gravius est enim negare eum qui loquutus sit, quam tradidisse verba quae loquutus sit. Et cum haec ita scripta sunt, tamen *bono unitatis* beatus Petrus, cui satis erat si post quod negavit, solam veniam consequeretur, et *praeferri* apostolis omnibus meruit, et *claves regni caelorum* communicandas ceteris *solus* accepit.“ Tum amplificata pluribus gravitate criminis, quod negato Christo Petrus contraxit, subdit: „Et tamen *bono unitatis* de numero apostolorum separari non meruit. Unde intelligitur, omnia ordinata esse providentia Salvatoris, *ut ipse* acciperet claves. Interclusa est malitiae via, ne apostoli animo licentiam iudicandi conciperent et severe contemnerent eum, qui negaverat Christum. Stant toti innocentes, et *peccator accipit claves, ut unitatis negotium formaretur.*“

Sententiis igitur *absolutis, exclusivis, comparatis, reique ipsius causam continentibus* declarant Patres, Christi verba, καὶ δώσω σοὶ τὰς κλεῖς τῆς βασιλείας τῶν οὐρανῶν, ad Petrum *proprie* atque *inprimis*⁷⁹ referri, iisque ornamentum significari quod Petro *specialiter, principaliter*, ac uti *principio, efficientique unitatis causae* promittatur.

111. Ex his autem IV. sumi *ratio* debet, qua factum est ut Prudentius⁸⁰ dignitate ac munere clavium Petrum a Paulo secerneret, canens:

Hic nempe iam regnant duo

Apostolorum principes.

Alter vocatur gentium,

Alter *cathedram* possidens

⁷⁷) De schismat. donatist. lib. VII.

⁷⁸) Promisit pro *minatus est*, ut apud Luciferum calaritanum pro s. Athanasio lib. I, *sicut promittit spernentibus se Dominus*; et paucis intersertis, *si haec Heli sunt promissa propter delictum filiorum.*

⁷⁹) Non minimum conducet legisse quae hac de re suo more, idest optime, Petavius disserit lib. III. de Ecclesiast. Hierarchia, cap. XVI. §§. IV. seqq.

⁸⁰) Περὶ Στεφ. Hym. II. in s. Laurentium.

Primam, recludit creditas

Aeternitatis ianuas.

Cum quibus Prudentii versiculis communem fidem exhibentibus conferri debent quae Damasus ^{s1} scribit:

Non haec humanis opibus, non arte magistra,
Sed praestante Petro, cui tradita ianua caeli est,
Antistes Christi composuit Damasus.
Una Petri sedes, unum verumque lavacrum,
Vincula nulla tenent, Acanthius votum solvit.

Neque secus ^{s2} Arator:

Primus apostolico parva de puppe vocatus
Agmine Petrus erat, cuius quae gesserat hamum
Ad clavim translata manus, cui tradidit agnus
Quas passus salvavit oves, totumque per orbem
Hoc auget pastore gregem, quo munere summus
Surgit.

Et ^{s3} Venantius Fortunatus:

Princeps clave Petrus, primus quoque dogmate Paulus.

Ex eodem fonte V. repeti tituli debent apud Patres vulgatissimi, et quibus Petrus veluti *propriis* distinctus *notis* ^{s4} dicitur: *princeps clave, ligandorum solvendorumque arbiter, solus claves obtinens ceteris communicandas, caeli ianitor, eaque instructus potestate qua in terris positus caelum reserat.*

Inde quoque VI. suam mutantur originem praestantissimae appellationes, quibus Petrus a Cyrillo hierosolymitano vocatur ^{s5} modo ὁ τὰς κλεῖς τῶν οὐρανῶν περιφέρων et ^{s6} modo ὁ προστάτης τῶν ἀποστόλων, καὶ τῆς βασιλείας τῶν οὐρανῶν κλειδοῦχος: ab Ephraemo ^{s7} autem ὁ τῶν κλειδούχων πρωτότοκος, ubi ait: „Salve, o Petre, peccatorum porta, . . . discipulorum lingua, praedicantium vox, τῶν ἀποστόλων ἡ ὄψις, τῶν οὐρανῶν ὁ φύλαξ, ὁ τῶν κλειδούχων πρωτότοκος, apostolorum oculus, caelorum custos, *primogenitus* ^{s8} *clavigerorum.*“

Hinc VII. pronom est intelligere, quae caussa maioribus nostris adfuerit, propter quam in monumentis pictis, sculptis, musivis unum Petrum *symbolo clavium* ornarint, ornatumque distinxerint. Quod videlicet crederent, promissionem clavium in evangelio narratam ad Petrum maxime pertinere. Hoc quod suapte natura perspicuum est, et cum facto ipso intime cohaerens, diligenter explanant Ba-

^{s1}) Carm. XXXVII.

^{s6}) Catech. XVII. n. 27.

^{s2}) Hist. Apostolic. lib. I.

^{s7}) In ss. Apostolos, Tom. III. opp.

^{s3}) Lib. IX. carm. II.

pag. 464.

^{s4}) Apud Leonem, Ambrosium, Hilarium, referente Mamachio, Antiquitt. T. V. pag. 540.

^{s8}) Eadem significatione, qua כֶּבֶד, πρωτότοκος in Scripturis crebro adhibetur, ut id efferatur, quod in suo genere excellit ac summum est.

^{s5}) Catech. VI. n. 15.

ronius⁸⁹, Ciampinius⁹⁰, Bottarius⁹¹, Alemannus⁹², Johannes Michael Heineccius⁹³, Rasponus⁹⁴, Fogginius⁹⁵ et⁹⁶ Mamachius, qui numerum eiusmodi monumentorum non minimum exhibent, notantque nihil occurrere frequentius Petro, qui *unam, duas, tresve claves* manu praeferat.

112. Definito orationis subiecto, verbisque promissionis Petro vindicatis, inquiri altero loco debet, quid illa sibi velint, quove Christus spectaverit, inquires: *δώσω σοὶ τὰς κλεῖς τῆς βασιλείας τῶν οὐρανῶν*. Nemini autem dubium esse posse arbitror, eam significandi vim potestatemque metaphoricis huiusmodi verbis subiici oportere, quam veteres ecclesiae doctores uno ore proposuerint, cui vulgaris iuxta ac sacer loquendi usus patrocinetur, quamque sermonis ductus, susceptaque a Christo persona unice admittunt. His enim philologicis, historicisque adiunctis quaevis legitima sinceraque interpretatio dirigatur necesse est. Atqui ne unum quidem horum est, e quo non pateat, *promissione clavium potestatem* adumbrari, quam Petro in caelorum regno, suaque ecclesia Christus pollicebatur.

Ac de patribus quidem, scriptoribusque christianis res est ex iis luculentissima quae nuper⁹⁷ retulimus, quaeque Stephanus dorensis antistes in libello testatus est, quem Martino I. obtulit, quique in lateranensi synodo lectus, probatusque fuit. In eo namque suam, communemque fidem his omnino verbis⁹⁸ aperuit: „Citra dubitationem claves regni caelorum creditae sunt Petro, ac ipse *unus* magnus secundum veritatem et *princeps apostolorum* ad aperiendum claudendumque illas promeruit.“ Quibus suffragatus Martinus⁹⁹ subiecit: „Solum ac *prae omnibus* Petrum accipere meruisse a rege regum Christo Deo claves regni caelorum ad aperiendum recte credentibus in eundem Dominum nostrum, et claudendum infidelibus¹⁰⁰ haereticis.“ Ut enim Gregorius¹⁰¹ monuit: „Cunctis evangelium scientibus *liquet*, quod voce dominica¹⁰² sancto et *omnium aposto-*

⁸⁹) In Annalibus ad an. CDLXI. n. XI.

⁹⁰) Veterum Monum. T. I. pag. 271, T. II. tab. III. pag. 6; cui adde Aringhium, Roma Subterr. T. I. lib. II. cap. X.

⁹¹) Osservazioni sopra alcuni frammenti di vetro ..., pag. 95. Similia dabit Mabillonius in Annalibus, lib. XVI. §. XCI.

⁹²) De Parietinis Lateranensibus, capp. IX—X.

⁹³) Antiquit. Goslariens. tab. I. lib. I. fig. VII. et VIII.

⁹⁴) Basilic Lateran. lib. IV. cap. XI.

⁹⁵) De Rom. Petri itinere, Exercit. XX.

⁹⁶) Antiquitt. Christ. T. V. pagg. 518. seqq.

⁹⁷) nn. 110—111.

⁹⁸) Leguntur haec in Secret. II. lateranensis concilii.

⁹⁹) In eodem Secretario secundo.

¹⁰⁰) Quibus duo maxime significantur, ac I. supremum fidei magisterium Petro committi, eiusque fidem *normam* esse *orthodoxiae*: tum II. christianos omnino omnes hoc officio teneri, ut unam eandemque cum eo fidem profiteantur.

¹⁰¹) Epistt. lib. IV. epist. XXXII. ad Mauricium Augustum. His autem ea iuverit addidisse plane simillima quae in litteris ad Petrum Illustrem s. Maximus docet.

¹⁰²) Math. XVI. 18—19.

lorum principi Petro apostolo totius ecclesiae¹⁰³ cura commissa est. Ipsi quippe dicitur, *tu es Petrus, et super hanc petram aedificabo ecclesiam meam. Et tibi dabo claves regni caelorum*. Ecce claves regni caelestis accipit, potestas ei ligandi ac solvendi tribuitur, cura ei totius ecclesiae et principatus committitur.¹⁰⁴

Potestas igitur verborum, δώσω σοὶ τὰς κλεῖς τῆς βασιλείας τῶν οὐρανῶν, interpretatione christiana, usuque loquendi ecclesiastico definita sic est ac circumscripta, ut si qui ab his discedere regulis nefas sibi esse arbitrentur, affirmare iidem debeant, promissam uni Petro in regno caelorum, Christique ecclesia auctoritatem illis exprimi.

113. Quod multo etiam affirmabunt constantius, si secum animo reputaverint, profanis iuxta sacrisque auctoribus vulgatissimum esse, ut ducta e clavis metaphora ius potestatemque designent. Plurima sunt quae e profanis auctoribus referri exempla possent, quaeque Wetstenius¹⁰⁴, Ursinus¹⁰⁵, Wesselingius¹⁰⁶, Wollius¹⁰⁷ et¹⁰⁸ Eichhornius sollerter conguessere. Huc enim pertinent quum alia bene multa, tum quae apud Euripidem¹⁰⁹, Aeschylum¹¹⁰, Callimachum¹¹¹ leguntur, quaeque Schwarzius in dissertatione¹¹² de diis clavigeris non sine industriae laude producit. Prae his vero non minus videri perspicua debent quae in divinis litteris¹¹³ occurrunt, sive quum de Eliakimo¹¹⁴ dicitur, δώσω αὐτῷ κλεῖδα οἴκου Δαβὶδ, sive quum maxima Christi auctoritas his formulis¹¹⁵, ἔχω τὰς κλεῖς τοῦ ᾗδου καὶ τοῦ θανάτου, et ὁ ἔχων τὴν κλεῖδα τοῦ Δαβὶδ, effertur. Certa est igitur vis phraseos in evangelio adhibitae, eaque potestatem Petro factam significari, loquendi usu ecclesiastico, profano, sacroque demonstratur.

Cui argumento gravissimo plane ac decretorio non minimum e partium

¹⁰³) Constat autem ecclesia non ovibus solum, sed et pastoribus, non discipulis tantum sed et magistris, non obnoxiiis modo subditisque sed et praepositis. Igitur si verbis, *tibi dabo claves regni caelorum*, totius ecclesiae cura Petro creditur, ac principatus in totam ecclesiam eidem tribuitur; nihil manifestius quam I. omnes qui a Christo christiani audiunt, Petro subiecti: illum II. oecumenicum universalemque pastorem, magistrum, praepositumque designari: atque adeo III. causam originemque constitui, qua conspicua ecclesiae, regnique caelorum unitas efficiatur.

¹⁰⁴) In notis ad Apoc. I. 18.

¹⁰⁵) Analect. Sac. lib. V. cap. XXXIV.

¹⁰⁶) Observatt. lib. I. cap. III.

¹⁰⁷) In notis ad Blackwalli Critic. Sacram, pag. 167.

¹⁰⁸) In comm. ad Apoc. III. 7.

¹⁰⁹) Troad. 251 — 252, Iphig. 1355 — 1356.

¹¹⁰) Eum. 752 — 754, Supplic. 267 — 268.

¹¹¹) Hymn. in Cerer. 44.

¹¹²) Quam edidit ad illustranda verba Apoc. I. 18.

¹¹³) Cf. Jahn, Archaeolog. Biblic. §. 37.

¹¹⁴) Is. XXII. 22.

¹¹⁵) Apoc. I. 18, III. 7. Ad hunc loquendi usum respiciens Schleusner, verba Salvatoris Matth. XVI. 19. reddit, *tibi concedam potestatem et imperium in ecclesiam christianam*.

nexu, orationisque consequitione perspicuitatis pondus accedit. Quod enim Christus Petro sponponderat ¹¹⁶, inquit: *et super hanc petram aedificabo ecclesiam meam*; idipsum alia imagine, alioque symbolo inculcare ¹¹⁷ pergit, subdens: *et tibi dabo claves regni caelorum*. Post ea vero quae ¹¹⁸ praemisimus, latere neminem potest, prioribus verbis singularem eximiamque auctoritatem fuisse illi promissam. Hoc igitur est reliquum, ut posterioribus quoque verbis singularis eximiaeque auctoritatis promissio Petro facta intelligatur.

Praesertim quum *persona*. quam Christus induit, hanc sua sponte interpretationem suggerat. Personam namque referens *supremi domini* alloquitur Petrum, illique uti *supremus dominus* claves caelestis regni, suaeque ecclesiae pollicetur. Quamnam vero huic imagini a *supremo domino* adhibitae interpretationem subiicias, quae loquentem *debeat*, quaeque ad *decori* legem iure expressa videatur? non aliam utique quam *potestatis* interpretationem, quae una *personae domini* convenit, *decorique* legi respondet. Fixum igitur manere debet singulari *clavium* promissione singularem *potestatis* promissionem contineri.

114. Sed *varii sunt diversique potestatis gradus*, quaeque homini fit potestas quum *infima* aut *media*, tum *maxima* atque *inter homines summa* esse potest. Cuiusmodi igitur eam censebimus auctoritatem, quam Petro clavium symbolo Christus sponpondit? infimam ne mediamve, aut summam potius ac ipsos inter apostolos principem? sententia veteris ecclesiae perspicua est, quaeque ¹¹⁹ attulimus ad eam aperiendam explanandamque testimonia evidenter ostendunt, hanc maioribus nostris insedissem mentem, non *mediam* aliquam *communemve* auctoritatem, sed omnino *summam*, *eximiam*, *singularemque* Petro promitti.

Ac merito sane, verba namque I. καὶ δώσω σοὶ τὰς κλεῖς τῆς βασιλείας τῶν οὐρανῶν, *infinite* patent, nullisque adstricta finibus ad unum Petrum *specialiter, principaliterque* referuntur. Ipsa porro sunt verba, e quibus *de ratione, deque gradu* promissae institutaeque auctoritatis ferri iudicium debet. Singularis igitur, infinita ac inter apostolos summa habenda est auctoritas, quam Petro Christus pollicetur.

Quod II. nescio an non etiam liquidius *e termino* pateat, qui promissis Petro clavibus obnoxius subiectusque declaratur. Is enim effertur verbis, ἡ βασιλεία τῶν οὐρανῶν. Formula autem ἡ βασιλεία τῶν οὐρανῶν idem valet ac ἡ ἐκκλησία, universalisque christianorum coetus, quo pastores ac oves, praepositi ac subditi, doctores ac discipuli comprehenduntur. Ecclesia igitur qua latissime extenditur, eaque spectata, uti scholae loquuntur, tam *distributive* quam *collective* Petri clavibus fore *obnoxia* perhibetur. Sed nequit non esse *maxima, consortiique expers* auctoritas, quae universum ecclesiae corpus, singulaque eius membra complectitur. Maxima igitur est, consortiique expers auctoritas, cuius a Christo promissionem Petrus accipit.

¹¹⁶) Matth. XVI. 18.

¹¹⁸) nn. 96. seqq.

¹¹⁷) Ibid. v. 19.

¹¹⁹) nn. 110—111—112.

Atque huic veritati III. non minus praeclare *consequentia* suffragantur. Nemo enim sibi integrum esse existimet inficiari, *summam, singularemque* credi auctoritatem oportere, cui *caussae omnes* tam *regni universi*, quam *omnium singulorumque civium* subiiciuntur. Nulla autem est *caussa* ad regnum caelorum, eiusque cives pertinens, quae ¹²⁰ verbis, καὶ ὁ ἐὰν δῆσῃς ἐπὶ τῆς γῆς, ἔσται δεδεμένον ἐν τοῖς οὐρανοῖς· καὶ ὁ ἐὰν λύσῃς ἐπὶ τῆς γῆς, ἔσται λελυμένον ἐν τοῖς οὐρανοῖς, non significetur Petri clavibus atque auctoritati obnoxia.

Praeterea IV. *quo nomine, quove titulo* Christus ait, καὶ δώσω σοὶ τὰς κλεῖς τῆς βασιλείας τῶν οὐρανῶν? nomine ac titulo *principis ecclesiae auctoris*, quique quum sibi *supremum in ecclesiam* ipsa ecclesiae institutione ac veluti *creatione* comparaverit, *illius vices* symbolo clavium *specialiter, principaliterque* Petro pollicetur. Fieri vero nullatenus potest, ut is *summa singularique* auctoritate destituatur, cui vices Christi, *supremi domini*, specialiter principaliterque in ecclesia obeundae promittuntur. Promissio igitur clavium facta Petro a promissione summae singularisque auctoritatis non distat.

Quod V. tenendum esse, *ipsum etiam cum antecedentibus vinculum, propriusque Petri habitus* persuadent. Ex utroque enim constat, 1°. formulam, καὶ δώσω σοὶ τὰς κλεῖς τῆς βασιλείας τῶν οὐρανῶν, ad eum referri, qui *praesignatus* iam erat *ecclesiae fundamentum*, eiusque unitatis *efficiens principium*, qua ecclesiasticum *aedificium* ornari debet: tum 2°. alio schemate, aliaque imagine *idipsum* significari verbis, καὶ δώσω σοὶ τὰς κλεῖς τῆς βασιλείας τῶν οὐρανῶν, quod fuerat praecedentibus, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, expressum. Atqui *summa* sit ac *singularis* oportet auctoritas, quae *rei* significatae verbis, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, respondere debet, quaeque *specialiter, principaliterque* illi promittitur, e quo conspicua ecclesiae unitas, Christo institutore, exspectanda est. Confecimus igitur *summam* esse ac prorsus *exsortem* eam auctoritatem, qua Christus promissis clavibus honestandum Petrum esse solemnissime declaravit.

115. Huius autem auctoritatis *vis, insitaque ratio* longe etiam exstabit insignius, si ad *σχέσιν* attendatur, qua sibi Christus eiusmodi promissione Petrum *arctius* devinxit, consortemque futurum *eius ornamenti* testatus est, quo ipsemet *tamquam supremus dominus* primum ac potissimum decoratur. Hac enim cum Christo societate dotes omnes tributae hominibus ¹²¹ continentur, et quo illa intimior est uberiorque, eo istae potiores nobilioresque censentur. Jamvero de Emmanuele, qua appellatione ¹²² significatur, μεθ' ἡμῶν ὁ θεός, legimus ¹²³: *Puer natus est nobis, et filius datus est nobis*, וְיָהוּי הַמְּשִׁרָה עַל-שְׂכָמִי, οὗ ἡ ἀρχή

¹²⁰) Matth. XVI. 19. De his autem verbis insequenti capite accuratius disputabimus.

¹²¹) Ephes. IV. 8.

¹²²) Matth. I. 23. coll. Is. VII. 14.

¹²³) Is. IX. 5. al. 6.

ἐγενήθη ἐπὶ τοῦ ὤμου αὐτοῦ, *et factus est principatus super humerum eius*. De qua postrema formula nullatenus ambigi posse ¹²⁴ videtur, *signum* in ea *pro re signata* μετωνυμικῶς usurpari, atque adeo מְשָׁרָה, ἀρχήν, *principatum* pro *tessera* ac *principatus indicio* adhiberi. Sed quam intelligemus principatus tesseram humero Emmanuelis impositam? loquendi ratio quum sacra penes eundem prophetam ¹²⁵ cuius verba explanamus, tum profana cuius inter ceteros testis est ¹²⁶ Callimachus de Cassandra scribens, κατωμαδιαν δ' ἔχε κλεῖδα, quod ex humero pendentem ¹²⁷ gereret clavem; palam faciunt, claves illud esse signum, ad quod vates respexit, et quo divinum Emmanuelis principatum adumbravit. Neque mirum, quum non alio signo ipsemet Emmanuel suum principatum expresserit, ¹²⁸ inquiens: Ἐγὼ εἰμι ὁ πρῶτος καὶ ὁ ἔσχατος, καὶ ὁ ζῶν· καὶ ἐγενόμην νεκρός, καὶ ἰδοὺ ζῶν εἰμι εἰς τοὺς αἰῶνας τῶν αἰώνων· ἀμήν. καὶ ἔχω τὰς κλεῖς τοῦ θανάτου καὶ τοῦ ἔθδου.

Formulae igitur, καὶ δώσω σοὶ τὰς κλεῖς τῆς βασιλείας τῶν οὐρανῶν, ad unum Petrum directae huc sensus redit: efficiam ut tu prae ceteris unus consors mecum sis ac illius supremæ auctoritatis particeps, qua meam ecclesiam tempero atque administro: ut tu prae ceteris unus meas in caelesti ecclesiae regno vices expleas: ut tu quum ¹²⁹ reliquorum omnium, tum ipsorum etiam apostolorum sis ἀρχηγός, atque in te ¹³⁰ apostolatus principatus cuilibet episcopatus praeferendus emicet, primatusque apostolorum excellenti gratia praeemineat.

¹²⁴) Occasione huius formulae scribit Glassius, Philolog. Sacr. lib. II. tract. I. cap. XII: „Quae significatio phraseos sit, *principatum Salvatoris super humerum eius* esse, inter interpretes quaeritur. Chaldaeus legis divinae impletionem intelligit, ita transferens: *et accepit legem super se ad custodiendum illam*. Multi inter Patres de cruce Christi intelligunt, conferuntque Es. XXII. 22. Inepte. Sensus est: factus et constitutus est princeps quum in regno gratiae tum potentiae, Matth. XI. 27, Joh. V. 22. Phrasis illustranda est ex eo, quod veteres censebant imperium veluti humeris impositum, quia *signum imperii pallium* ab humeris pendebat.“

Schulz in Lexico Hebraico ad v. מְשָׁרָה, verba Isaiae reddit: *et venit principatus in humerum eius. Principatus et regni cura in ipsum devoluta est*. Sub radice מְשָׁרָה ad v. מְשָׁרָה, hac paraphrasi

utitur: *Ipse suscepit omne regnum, et principatus ac potestates exiit vel a se deposuit*.

Quae sane omnia longe mihi minus se probant veritatis specie, quam quae in sermonis contextu praehabimus.

¹²⁵) Is. XXII. 22.

¹²⁶) Hymn. in Cer. 44; ad quem locum vide quae Spanhemius advertit.

¹²⁷) Hac metaphorica loquendi ratione legatis Ferdinandi I. respondit Solymanus turcarum imperator, *claves Hungariae suspendam ex humero meo*.

¹²⁸) Apoc. I. 18. coll. IX. 1, XX. 1.

¹²⁹) Sunt haec Epiphaniae verba, Hae- res. LI. n. 17.

¹³⁰) Ita penes Augustinum in Ps. CVIII. n. 1, et de Baptis. con. Donat. lib. II. cap. I. n. 2.

Quae quum ita sint, non puto praesens caput absolvi commodius posse, quam si Christi ad Petrum verba cum iis, quibus de semetipso Christus utitur, dextere componantur. Ita vero ¹³¹ ea se habent:

Καὶ δώσω σοὶ τὰς κλεῖς τῆς βασι-
λειᾶς τῶν οὐρανῶν· καὶ ὃ ἐὰν
δήσῃς ἐπὶ τῆς γῆς, ἔσται δεδεμέ-
νον ἐν τοῖς οὐρανοῖς· καὶ ὃ ἐὰν
λύσῃς ἐπὶ τῆς γῆς, ἔσται λελυμένον
ἐν τοῖς οὐρανοῖς.

Τάδε λέγει ὁ ἅγιος, ὁ ἀληθινός, ὁ
ἔχων τὴν κλεῖν τοῦ Δαυὶδ· ὁ ἀνοι-
γων, καὶ οὐδεὶς κλείσει αὐτήν, εἰ
μὴ ὁ ἀνοίγων· καὶ οὐδεὶς ἀνοίξει.

Atqui inspicere ista non possunt, quin *omnia*, *unum* si exceperis, *similia* prorsus videantur. Similia sunt τὰς κλεῖς, et τὴν κλεῖν. Similia sunt, τῆς βασιλείας τῶν οὐρανῶν, et τοῦ Δαυὶδ, id est, suppleta ellipsi, *domus David*, quae inter ecclesiae symbola, partique a Christo regni in Scripturis excellit. Similes sunt formulae, καὶ ὃ ἐὰν δήσῃς κ. τ. λ. et ὁ ἀνοίγων κ. τ. λ. Sunt vero dissimilia, καὶ δώσω et ὁ ἔχων, neque ideo *tantum* quod prius verbum est *promissionis*, alterum *possessionis*; sed ideo *potissimum* quod quum ὁ ἔχων ostendat, Christum *ex sese*, *nativaeque praestantia* clavibus potiri, καὶ δώσω contra significat, *non aliter* Petro competere claves quam μετοχῇ atque benevola Christi largitoris voluntate. Quo sane discrimine efficitur quidem, ut haberi Petrus ὑπονόμος debeat, si cum Christo, cui subest, comparetur; nullatenus vero ne princeps sit ἡγούμενος, si ad βασιλείαν τῶν οὐρανῶν cuius accepit claves, referatur. Quod Martinus I. expressit, quum ¹³² idcirco Petrum *apostolorum coryphaeum* nominavit, *quod consequi prae omnibus meruerit a rege regum Christo Deo claves regni caelorum*. Unde Leo II. in litteris ad Ervigium Hispaniae regem ¹³³ datis affirmare non dubitavit, *hoc etiam et in sanctis suis discipulis Salvator mundi Dei Filius esse constituit, qui beatum Petrum, sui vice, discipulorum suorum instituit principem*, id est, τῶν Χριστοῦ μαθητῶν τὸν προστάτην, ut illum Basilius seleuciensis ¹³⁴ appellat.

¹³¹) Matth. XVI. 19. coll. Apoc. III. 7.

¹³³) Ibid. pag. 1734.

¹³²) In synod. lateran. Secret. II. apud Harduinum Tom. III. Concil. pag. 649.

¹³⁴) Orat. XVII. in Davidem, pag. 97. edit. Paris. an. 1611.

CAPUT IX.

Eorum opinio qui Salvatoris verba Matth. XVI. 19. ac Joh. XX. 23. sibi ἐκ παραλλήλου respondere arbitrantur: — expenditur atque compendio refutatur: — de potestate formulae, καὶ ὁ ἐὼν δῖος, καὶ ὁ ἐὼν λύσις: — sunt qui censeant, ea ius auctoritatemque significari, qua quod honestum aut turpe est, atque idcirco liberum solutumque, vel prohibitum ligatumque edicitur: — quibus suam hanc interpretationem argumentis stabiliant: — quid ex ea sit consequens, quamque apte cum doctrina de Petri ὑπεροχῇ componatur: — an haberi certa debeat: — id nobis non videtur, quod neque aliis bene multis visum est: — princeps, cui innititur argumentum, examinatur: — illius vis infringitur: — ac alia christianae antiquitati recepta expositio proponitur: — idoneis rationum momentis communitur: — ratioque promissae Petro auctoritatis denuo illustratur.

116. Innumera propemodum sunt in historia quaestionum theologicarum exempla, quibus testatissimum redditur, nihil iis qui mutuo decertant atque in partes eunt, usuvenire frequentius, quam ut alii *negent* in bibliis uspiam reperiri aut esse similia, quae in iisdem apertissime legi aut sibi prorsus ἐκ παραλλήλου respondere alii *contendunt*. Cuius dissidii quamquam probe noverim plures esse adducique caussas posse, omnibus tamen illam antecellere arbitror, quae *prae-posteris opinionibus* semel animo imbutis continetur. Incredibile enim dictu est, quae quantaque illarum sit virtus, et quantopere eadem conferant ut illustria obscurantur, fixa moveantur, seiuncta copulentur, quaeque diversissima sunt aut tenui solum affinitatis gradu cohaerentia, similium ac parallelorum loco habeantur.

In quod vitium, nisi totus fallor, ii omnes offenderunt interpretes, qui Christi ad Petrum verba¹⁾ enarraturi, ad ea se continuo recipiunt quae idem ad universos apostolos²⁾ direxit, ac illorum sententiam ex horum potestate definiendam, circumscribendamque praecipiant. Plures omnino sunt³⁾ qui in hac opinione versantur, atque ex his Salomon Glassius, Augustino Dathio⁴⁾ suffragante, scribit: „Claves regni caelorum Matth. XVI. 19. officium sive ministerium notant remittendi et retinendi peccata, ut ibidem (consequentibus verbis, *et quodcumque solveris super terram*), et Joh. XX. 23. docetur.“

¹⁾ Matth. XVI. 19.

²⁾ Joh. XX. 23.

³⁾ Commemorantur a Wolfio in Curis

ad Matth. XVI. 19, et a Rosenmüllero in Scholiis ad eundem locum.

⁴⁾ Philolog. Sacr. lib. II. tract. I.

cap. XII.

Ita ne vero? ut de hac *collatione*, deque eruta ex ea doctrina judicare facilius lectores possint, textus primum e regione describam⁵, tum quid statui debeat, aliquot iisque perspicuis argumentis confirmabo. Textus igitur hi sunt:

Καὶ⁶ ὁ ἐὰν δῆσῃς ἐπὶ τῆς γῆς, ἔσται Ἐν τινῶν⁷ ἀφῆτε τὰς ἁμαρτίας, ἀρτι-
δεδεμένον ἐν τοῖς οὐρανοῖς· καὶ ἐνταὶ⁸ αὐτοῖς· ἂν τινῶν⁹ κρα-
ὁ ἐὰν λύσῃς ἐπὶ τῆς γῆς, ἔσται τῇτε, κεκράτηνται.
λελυμένον ἐν τοῖς οὐρανοῖς.

117. Quid iamvero in his occurrit *geminum* aut *simile*, immo quod non sit plane *diversum*? diversa sunt *vocabula*, quibus utrumque testimonium effertur, quod vel una oculorum inspectio persuadet. Diversum *tempus*, quum relata a Matthaeo *ante* resurrectionem, quae autem Johannes narrat *post* resurrectionem contigerint. Diversa *occasio*, quum apud Matthaeum Christus *singulari praemio propter singularem propriamque fidei confessionem* Petrum afficiat, penes Johannem vero omnes *ex aequo* apostolos *communibus donis* honestet. Diversum *consilium*, quum priore in loco *conspicuae unitati ecclesiae* Christus prospiciat, futuramque illius *οἰκονομίαν*, administrationisque rationem delineet, in altero autem *peculiarem* peccata retinendi remittendique *potestatem* impertiat. Hinc diversus est in utroque textu *enunciationum ambitus*, qui in illo est *universalis*, καὶ ὁ ἐὰν δῆσῃς, καὶ ὁ ἐὰν λύσῃς, in hoc *adstrictus et singularis*¹⁰; ἂν τινῶν ἀφῆτε τὰς ἁμαρτίας, ἂν τινῶν κρατῇτε. Diversa sunt *quae antecedunt*, quum aliud omnino sit, καὶ δώσω σοὶ τὰς κλεῖς τῆς βασιλείας τῶν οὐρανῶν,

⁵) Matth. XVI. 19. coll. Joh. XX. 23.

⁶) De lectione, *et quaecumque ligaveritis super terram, erunt ligata et in caelis: et quaecumque solveritis super terram, erunt soluta et in caelis*, expeditum est iudicium, irrepsisse illam in textum Matth. XVI. 19. ex loco simili Matth. XVIII. 18. Unde miror uni propemodum Colbertino Ms. tantum detulisse Sabatierum, ut eiusmodi lectionem illam ipsam esse existimaverit, quae in antiqua ac italiana versione haberetur.

⁷) Pro τινῶν in graecis aliquot latinisque codicibus et scriptoribus legitur τινος.

⁸) Al. ἀφένονται.

⁹) Al. τινος.

¹⁰) Qui ergo e verbis apud Johannem de *extensione* textus apud Matthaeum statuunt, videntur mihi non aliter se gerere ac si qui eandem esse *totius ac partis* magnitudinem contenderent.

Ceterum adversus eiusmodi collationem non male pugnat Kuinoel in commentario ad h. l. scribens: „Non deesse, qui cum λύνειν in versione alexandrina, Jes. XL. 2. λέλυται αὐτῆς ἡ ἁμαρτία, eo sensu legatur, ut sit *remittere peccata*: atque hoc ipso sensu (vid. Kypkios ad Matth. XVIII. 18, et Joh. XX. 23.) λύνειν ἁμαρτίας apud scriptores quoque externos occurrat; sensum verborum nostrorum constituunt hunc in modum: *quibuscumque peccatorum veniam vel concesseritis vel denegaveritis* (lege, vel concesseris vel denegaveris), *id quoque ratum erit apud Deum*.“ Verum continuo subdit: „Hoc loco non fuit in antecedentibus sermo de peccatis atque delictis, nec legitur hoc loco vocabulum peccata indicans, et perquam dure cum Kypkio ad ὅσα Matth. XVIII. 18. subintelligitur ἁμαρτήματα: nec Joh. XX. 23. occurrunt verba δεῖν et λύνειν.“

atque aliud, *λάβετε πνεῦμα ἅγιον*. Diversa postremo est *totius sermonis facies* et *consequutio*, ita ut si qui eiusmodi textus *geminos* habere pergant, nullum iis suppetere *χρητῆριον* videatur, quo *a similibus diversa, a singularibus universalia, et a communibus propria* secernant.

Ad haec, si Christus apud Matthaeum de potestate remittendi peccata *εἰ-
διχῶς* cogitasset, illamque *unice* significare voluisset, verbo *λύειν*, pro recepto loquendi¹¹ usu, *ἁμαρτίας* vel *ἁμαρτήματα* subiecisset. At vero ne apicem quidem de peccatis habet. Sciscitor tandem, an formula *δέειν ἁμαρτίας, ligare peccata*, trita sit vulgataque? omnes fateantur oportet, eam esse insolentem, ac in bibliis ne semel quidem usurpari. Igitur I. neque Christus apud Matthaeum *εἰδιχῶς καὶ μόνως* de potestate loquitur remittendi retinendique peccata: neque II. de eiusdem verbis fas est ex iis statuere quae ab Johanne referuntur.

118. Hisce complanatis salebris, tenebrisque depulsis, ad germanam propius accedo enarrationem, de qua Christophorus Wolfius¹² ait: „Inter interpretes non satis convenit, quid per *δῆσαι* et *λῶσαι* hic intelligendum veniat.“ Tum e vestigio addit: „Sunt qui phrasim utramque ex more loquendi *talmudico* explicandam censent, ita ut *τὸ δῆσαι* inferat *prohibere* illicita, *τὸ λῶσαι* autem *prae-
cipere*, adeoque alterum respondeat *τῷ דָּבַר*, alterum *τῷ דִּבְרֵי* talmudicorum, qui in argumento *docendi* aut *vetandi* versantes utraque ista voce utantur. Sensus itaque foret, *apostolos*¹³ potestatem nactos esse tum *iniungendi* coetui sacro quae praestanda sunt, tum *prohibendi* quae vel illicita sunt, vel saltem non necessaria, v. c. in legibus et ritibus caeremonialibus.“ Ad auctores deinde huius commentarii progressus, scribit: „Hanc interpretationem *angli* inprimis suam fecerunt, nominatim Jo. Seldenus¹⁴ et¹⁵ Jo. Lightfootus, quibus novissime accessit Dan. Whitby¹⁶ et¹⁷ Benjamin Hoadley episcopus bangoriensis. Iidem approbatores nacti sunt ex *gallis pontificiis* Jo. Morinum¹⁸ et¹⁹ Rich. Simonium; ex *reformatis* Jo. Dallaeum²⁰, Jacobum Basnage²¹, Carolum le Cene²², et novissime²³ Jo. Barbeyracum; ex *belgis reformatis* Campegium Vitringam²⁴,

¹¹⁾ Cuius testes sunt graeci interpretes Is. XL. 2, Job. XLII. 9, Sirac. XXVIII. 2, itemque Aristophanes in Ran. v. 703: *λῶσαι τὰς πρότερον ἁμαρτίας*.

¹²⁾ In Curis Philolog. ad Matth. XVI. 19.

¹³⁾ Servit hypothese Wolfius, ac ne quid Petro nominatim promissum videatur, illius loco omnes universim apostolos substituit.

¹⁴⁾ De Synedriis, lib. II. cap. VII.

¹⁵⁾ In Horis Hebraic. ad h. I.

¹⁶⁾ In comm. ad h. I.

¹⁷⁾ In respons. ad Concionem Francisci Harii.

¹⁸⁾ In Comm. Historic. de Sacram. Poenit. lib. I. cap. VIII, et lib. IV. cap. XXIII.

¹⁹⁾ In notis ad Vers. Gallic. h. I.

²⁰⁾ De Confessione Auriculari lib. I. cap. V.

²¹⁾ Hist. Judaic. Tom. VI. cap. V.

²²⁾ In Proiet. pagg. 284. seqq.

²³⁾ In Orat. de Magistratu non traducendo, pag. 25.

²⁴⁾ De Veter. Synag. lib. III. pag. 754.

Franc. Burmannum²⁵, Sam. Maresium²⁶ et²⁷ Salom. van Til; ex *helvetiis* Buxtorfium²⁸ et²⁹ Hottingerum; ex *arminianis* Limborchium³⁰ et ex parte Jo. Clericum³¹, qui contra Barrowium anglum communi sententiae inhaerentem disputat. Nec defuerunt ex *nostratibus* (lutheranos intellige), quibus calcanda haec via videretur. Inter primos fuit auctor³² *Harmoniae Evangelicae*; sequutus postea est Jo. Bened. Carpzovius³³; inter recentissimos vero³⁴ Joachimus Langius.“

His a Wolfio laudatis propositae enarrationis assertoribus alios adiecit³⁵ Pfaffius, quibus recentiori, nostraque aetate suffragati nominatim sunt Wetestenius³⁶, Michaelis³⁷, Rosenmüllerus³⁸, Schleusner³⁹, Fischerus⁴⁰, Bloomfield⁴¹ et⁴² Kuinoel. Huius atque Fischeri verba reddam, ut quae illorum sit sententia, plenius innotescat. Fischerus itaque ait: „Verba λύειν *solvere*, et δέειν *vincire*, λύεσθαι *solvi*, et δέεσθαι *vinciri*, Matth. XVI. 19, XVIII. 18. ita leguntur, ut hoc quidem sit *interdicere* et *vetare*, *vetari* et *interdici*, illud *permittere* et *iubere*, *iuberi* et *permitteri*. Hae vero istorum verborum notiones in orationem Matthaei graecam traductae esse videntur e linguis hebraeorum, et chaldaeorum, et syrorum, in quibus verba מִסֵּר et אֶתְּאַסֵּר, וְשָׂרָא, וְשָׂרָא, vel דִּהְיִר et דִּהְיִר utroque modo⁴³ usurpata inveniuntur.“ Concinit Kuinoel, qui improbat aliorum commentariis, pergit: „Scilicet δέειν respondet verbo אֶסֶר *vetare*, *interdicere*, quo sensu non tantum⁴⁴ in scriptis rabbinorum, sed etiam apud Daniele VI. 8—9—14—16 legitur; verbum autem λύειν, ut hebraeorum⁴⁵ דִּהְיִר et שָׂרָא notat *licitum pronuntiare*, *concedere*, *praecipere*, *iubere*, ut adeo sententia sit: quidquid licitum declaraveris et constitueris in ecclesia, ratum erit apud⁴⁶ Deum.“

²⁵) In Exercitt. Academic. Part. II. diss. VI.

²⁶) System. Theolog. Loc. XVI.

²⁷) In comm. ad h. l.

²⁸) In Lexic. Talmud. pagg. 1419. et 2524.

²⁹) In dissert. de usu Scriptt. Hebraeorum in N. T. §. III.

³⁰) Theolog. Christ. lib. VII. cap. XVIII.

³¹) In notis ad Version. Gallic. h. l.

³²) Harmon. Evang. pag. 357.

³³) In comm. ad h. l.

³⁴) In Anti-Barbaro, T. II. Sect. II. cap. II.

³⁵) In Originibus Ecclesiast. pagg. 19. seqq.

³⁶) In notis ad h. l.

³⁷) Introductio in N. T. Part. I. §. XIV. pag. 86. edit. Gottingae 1788.

³⁸) In Scholiis ad h. l.

³⁹) In Lexico N. T. ad vv. δέω καὶ λύω.

⁴⁰) De Hebraismis N. T. cap. II. sect. II. §. I. n. 37.

⁴¹) In notis ad h. l.

⁴²) In comm. ad h. l.

⁴³) Cf. Buxtorffii Lex. Chald. ad hh. vv.

⁴⁴) Vid. Wetestenius et Lightfootus ad h. l.

⁴⁵) Vid. Lightfoot ad h. l., Buxtorffii Lex. Talmud. pagg. 1410—2524, et Hottingeri Diss. de usu Scriptor. Hebr. in N. T. pag. 400.

⁴⁶) Adhibetur οὐρανοῖς per enallagen pro ἐν τοῖς οὐρανοῖς, ut legitur Matth.

Iis absolvo quae Jahn in Enchiridio⁴⁷ docet, „sensum verborum *ligare* et *solvere* Matth. XVI. 19. ex usu loquendi thalmudicorum certum esse, qui verbis אָסַר et שָׂרָא frequentissime utuntur de prohibitione et praecepto.“ Quod illorum testimoniis e Wetestenii adnotationibus desumptis confirmat, ac mox pergit: „His addo חָלֵיץ *solvit*, med. I., esse *licitum fuit*, et in II. *licitum fecit*. Hebr. אָסַר *ligare*, *sibi aliquid prohibere*, et אָסַר *vinculum*, et de votis, quibus se quibusdam rebus interdicebant Num. XXX. 3 — 15, ac אָסַר Ps. CV. 22, ubi parallelismus synonymus notionem hanc determinat.“

119. Cum hoc autem commentario, siquidem ille probetur, *duo consequutionum genera* conserta sunt, quorum alterum *ad Evangelici textus rationem, structuramque* spectat, alterum *ad eam* refertur *doctrinam*, quam de praerogativis Petri explanandam vindicandamque suscepimus.

Et ad primum quidem genus, quod *hermeneuticum* nuncupabimus, ista ex ordine pertinent: I. verbis, καὶ ὁ ἐὰν δῆσῃς, καὶ ὁ ἐὰν λύσῃς, aliam exprimi *ideam* quam quae verbis, καὶ δώσω σοὶ τὰς κλεῖς τῆς βασιλείας τῶν οὐρανῶν, effertur, aliamque iis proponi *imaginem* quam quae his repraesentatur. Etenim II. *ambitus* phraseos, καὶ δώσω ..., eo latior prorsus est qui formulae, καὶ ὁ ἐὰν δῆσῃς, καὶ ὁ ἐὰν λύσῃς, convenit, ac tantum inter utrumque distat, quantum *universalis auctoritas* prioribus significata verbis ab *auctoritate* differt *certa definitaque*, quae posterioribus designatur. Quare III. duo illa orationis membra eodem cohaerent nexu, quo *singulare cum universali, et cum toto pars quaeque* vincitur. Ex eiusmodi autem coniunctionis modo sua sponte fluit IV, non intendi augerique sententiam, sed contrahi potius atque circumscribi; mediaque particula καὶ *eum* demonstrari *transitum* qui tum obtinet, quum *universali singulare*, ac *toti pars eiusdem aliqua* subiicitur. Luculenta ista sunt, et cum ea qua de loquimur enarratione verborum, καὶ ὁ ἐὰν δῆσῃς, καὶ ὁ ἐὰν λύσῃς, tam intime iuncta, ut neque negari possint, neque prudenter in dubitationem adduci.

120. Quid porro ex his quoad alterum, idque *dogmaticum* consequutionum genus, doctrinamque de Petri praerogativis dimanat? *nihil prorsus* quod ab ea dissideat, *omnino nihil* quod ad eam illustrandam promovendamque non conferat. Fac enim certum exploratumque esse, hanc verbis Christi inesse potestatem: *et quidquid honestum, liberum, solutumque in terra edixeris, idipsum honestum, liberum, solutumque erit in caelis edictum; quidquid vero turpe, vetitum, ligatumque in terra sanciveris, idipsum turpe, vetitum, ligatumque in caelis pronunciabitur*. Quid, quaeso, potest ac vero etiam inferri ἀμέσως debet?

Scilicet I. *supremum* Petro promitti *magisterium*, cuius munera partesque sint *latis iudiciis, promulgatisque legibus* edicere, quid fieri tenerive oporteat, quidve

contra omitti ac longissime amandari. Hanc autem II. supremi magisterii dignitatem Petro promitti *non inermem*, sed summa praeditam auctoritate, utpote quae *caelum ipsum, ipsumque Deum* assertorem, comprobatoresque nanciscatur. Dignitatem propterea esse III. *ἀνθεντικὴν*, illique simillimam, cuius de Christo loquens Matthaeus ⁴⁸ meminit his verbis: *Ἦν γὰρ διδάσκων αὐτοὺς ὡς ἐξουσίαν ἔχων, καὶ οὐχ ὡς οἱ γραμματεῖς* ⁴⁹ *αὐτῶν καὶ οἱ φαρισαῖοι. docebat vero eos (filios Israel) ut qui* ⁵⁰ *auctoritate potiretur, non instar scribarum et pharisaeorum.* Immo dignitatem praeterea esse IV. *erroris, lapsusque nesciam*, quum non potuerit Christus *infinite* atque *universim* iudiciarios, legiferosque Petri actus in se recipere, quin illi suo numine ita adesse decreverit, ut numquam a regula honesti, veritatisque canone aberraret. Ad Petrum idcirco V. *κατ' ἐξοχὴν* pertinere quod omnibus cum ipso iunctis, copulatisque apostolis spondit Dominus ⁵¹, inquit: *Πορευθέντες οὖν μαθητεύσατε πάντα τὰ ἔθνη, . . . διδάσκοντες αὐτοὺς τηρεῖν πάντα, ὅσα ἐνετείλαμην ὑμῖν. καὶ ἰδοὺ, ἐγὼ μεθ' ὑμῶν εἰμι πάσας τὰς ἡμέρας ἕως τῆς συντελείας τοῦ αἰῶνος. euntes igitur meo magisterio, meaeque institutioni gentes omnes adiungite, . . . docentes eas custodire quaecumque omnia vobis praecepi. Et ecce, ego* ⁵² *robiscum sum omnibus diebus ad consummationem usque saeculi.* Petrum denique VI. inter ⁵³ institutos a Christo *διδασκάλους* ita eminere, ut ⁵⁴ *retineat ecclesiae*

⁴⁸) Matth. VII. 29.

⁴⁹) Pronomen *αὐτῶν* in pluribus codicibus, versionibusque desideratur.

⁵⁰) Wolfius, Loesnerus, Paulus, alii, verba, *ὡς ἐξουσίαν ἔχων*, ita reddunt: *tamquam Dominus, tamquam Messias, cui non solum interpretatio, sed etiam legum latio esset permissa.* At Fritzscheus censet sic potius interpretanda: *docebat, tamquam cui docendi data esset copia.* Huic Meyerus et Kuinoel subscribunt, quorum alter ait: *ego vero ea interpretari mallem de orationis vi et efficacia ad persuadendum et commovendum.*

Omnino 1°. contra verborum proprietatem, 2°. contra ductum seriemque orationis, 3°. contra analogiam evangelicae historiae, quae Jesum exhibet ritu legislatoris inculcantem, *ego dico vobis*; et 4°. contra edita vaticinia, quibus Jesus uti novus legislator ac Moisi similis prae-nunciabatur.

Ad rem Theophylactus e graecorum interpretum sententia: *Ἐθαύμαζον δὲ οὐχὶ τὴν φράσιν τῶν ῥημάτων, ἀλλὰ τὴν παρρησίαν, καὶ ὑπὲρ τοὺς προφῆτας γὰρ ἐδεκνεν ἐξουσίαν. ἐκεῖνοι γάρ, τάδε λέγει Κύριος, ἔλεγον. Χριστὸς δὲ ὡς θεός, ἐγὼ λέγω ὑμῖν. Mirabantur non facundiam verborum, sed libertatem; maiorem enim quam prophetae praeseferebat auctoritatem. Illi enim dicebant, haec dicit Dominus: Christus autem ut Deus, ego dico vobis.*

⁵¹) Matth. XXVIII. 19—20.

⁵²) De potestate formulae, *ἐγὼ μεθ' ὑμῶν εἰμι πάσας τὰς ἡμέρας ἕως τῆς συντελείας τοῦ αἰῶνος*, praeclare disserit cl. Wiseman, Collat. IV. de Ecclesiae auctoritate.

⁵³) Ephes. IV. 11. coll. I. Cor. XII. 28.

⁵⁴) Arator Hist. Apost. lib. I. de Petro ait: *Ecclesiaeque suae faciens retinere cacumen.*

*cacumen, pater*⁵⁵ sit, *doctor ac magister mundi totius*, unoque verbo *is*⁵⁶ *a quo omnium fortitudo muniatur*.

121. Quae quum ita sint, haud puto esse cur moneam, nullam mihi ex iis rationibus, quas *dogmaticas* nominant, suppetere ut a commentario discedam, qui *cum doctrina de praerogativis Petri* tam apte insigniterque componitur. Quare si illum deserendum arbitror ac alteri posthabendum, nonnisi *argumentis hermeneuticis* moveor, iisque prorsus simillimis quibus factum est, ut quamplurimi etiam e protestantium coetibus, Hammondus⁵⁷, Hare⁵⁸, Marckius⁵⁹, Schmidius⁶⁰, Abrahamus Calovius⁶¹, Fechtius⁶², Heineccius⁶³, Wernsdorffius⁶⁴, Edzardus⁶⁵, Goetze⁶⁶, Botsaccus⁶⁷, Müllerus⁶⁸, Olearius⁶⁹, Buddaeus⁷⁰ et⁷¹ Wolfius, eo neglecto improbatoque, alterum vulgatioremque complecterentur.

Ut vero de hisce argumentis iudicari rite, delectusque interpretationis haberi sapienter possit; quo licebit brevius examinabo: *primo*, utrum commentarius qui post Lightfooti curas potissimum invaluit, iis adprobetur rationum momentis, quae illum *necessarium* esse demonstrent: ac *secundo*, utrum, sin minus *necessarius*, talis nihilominus sit, qui *reliquis probabilior* existimari debeat. Postquam vero neutrum defendi posse confecero, de interpretatione *tertio* disseram, quae veterum consensione firmata, a potestate verborum non dissidet, cum serie vero ductuque orationis ita cohaeret, ut certa prorsus explorataque videatur.

122. Ac ut illud expediam primum, e quo non minimum reliqua pendent, quodque priore loco expendendum, definiendumque proposui; ea ne est formulae, καὶ ὁ ἐὰν δῆσῃς, καὶ ὁ ἐὰν λύσῃς, nativa insitaque potestas, ut de munere declarandi liciti atque illiciti, deque iure praeciipiendi vetandique accipi

⁵⁵) Stephanus Iarissensis his alloquitur verbis Bonifacium romanum praesulem, apud Harduin. T. II. Concil. pag. 1111: *Quantum vos apud Deum omnes praecehlitis, tanto vos necesse est cogitare, quia haec probatio Deum amantium, ut post Deum Petrus pater et doctor sanctae ecclesiae vestrae, et totius mundi testatur.*

⁵⁶) Sunt haec magni Leonis verba e Serm. III. de Assumt. ad Pontificatum.

⁵⁷) In Tract. singulari de potestate clavium.

⁵⁸) In libro de vindicata ecclesiae auctoritate.

⁵⁹) In sylloge dissertt. Exercit. V.

⁶⁰) In Fascicul. dispu. theolog. pag. 676.

⁶¹) In syst. Theologiae, T. X. art. IV.

Passaglia, commentarius.

⁶²) In dissert. de clave solvente et ligante.

⁶³) In dissert. de absolutione Tympanicorum in Ecclesia Graeca.

⁶⁴) In dissert. de absolutione Ministri Ecclesiae non mere declarativa.

⁶⁵) In defensione christianae doctrinae de clave solvente.

⁶⁶) In sylloge thesium con. Lightfootum, §. VI.

⁶⁷) In thesibus de clavibus Petri, Hafniae 1707.

⁶⁸) In triade dissertt. theolog. de clavibus regni caelorum.

⁶⁹) In Observatt. ad Matth. XVI. 19.

⁷⁰) Institutt. Theolog. Dogmat. pag. 1729.

⁷¹) In Curis Philolog. ad Matth. XVI. 19.

debeat? Hac solum conditione id merito affirmaretur, si talem graecis loquendi consuetudinem fuisse innotesceret, quae aliam diversamque illius phraseos significationem non pateretur. Etenim si graeci et eam formulam adhibuerint, et alia diversaque significatione usurpaverint; nulla *e verbis ipsis* ducta ratio afferri poterit, propter quam de honesti turpisque declaratione *necessario* eadem intelligatur.

Atqui Raphelius⁷², Schwarzius⁷³, Bengelius⁷⁴, Munthe⁷⁵, Deylingius⁷⁶, Stockius⁷⁷, alii⁷⁸ idonea exemplorum copia comprobarunt: 1°. coniugatum usum verborum *δέειν καὶ λύειν* graecis haud esse insolitum: utroque autem 2°. illos uti, ut priore significant non solum *interdicere*, verum etiam *reum declarare, culpa devinctum iudicare, poenae obnoxium pronunciare*; posteriore vero non tantum *permittere*, sed etiam *veniam delicti facere, poenam remittere*, atque *a crimine liberum solutumque pronunciare*. Quo sane amplissimo sensu formula occurrit apud Diodorum siculum, dum his verbis⁷⁹ interpretationem refert inscriptionis qua Isis tumulus ornabatur: *ego sum Isis, regina huius regionis, a Mercurio erudita, ὅσα γὰρ ἐγὼ δῆσω, οὐδείς δύναται λύσαι, quaecumque enim ego ligavero, nemo solvere potest*. Ubi metaphorica phrasis *δέειν καὶ λύειν* id complectitur *omne*, quod *regia auctoritate* continetur. Abest igitur ea conditio quae apprime postularetur, ut interpretatio formulae *δέειν καὶ λύειν de iure interdicensi permittendique*, ostendi *necessaria* posset.

Immo anceps haereo, an e graecis petita auctoribus exempla suppetant, quibus eiusmodi acceptio demonstratur. Ac rarissima enimvero sint oportet, quum summa illorum caritas apud eos quoque auctores⁸⁰ reperiatur, qui nullis pepercisse curis videntur, ut talem acceptionem graecorum loquendi more stabilirent. Josephus profecto, cuius in enarrandis N. T. libris suffragium maximo in pretio esse debet, multo eam formulam adhibet latius, eique significationem longe augustiorem subnectit. De regno namque Alexandrae⁸¹ verba faciens, deque potentia quam sibi pharisaei comparaverant, scribit: „Παράφονται δὲ

⁷²) In annotatt. ex Herodoto collectis, pag. 69.

⁷³) In comment. linguae graecae, pag. 320.

⁷⁴) In Gnom. ad Matth. XVI. 19.

⁷⁵) In Observatt. pag. 69.

⁷⁶) Institut. prudentiae pastoral. Part. III. cap. IV. §. 5.

⁷⁷) In Observatt. ad N. T.

⁷⁸) Cf. Koecheri Analecta ad h. l.

⁷⁹) Lib. I. §. 27.

⁸⁰) Ex horum numero Bloomfield veluti exemplum omnium commodissimum ci-

tat quae in Sophoclis Antig. habentur vv. 39—40:

Τί δ', ὦ ταλαίφρων, εἰ τὰδ' ἐν τούτοις, ἐγὼ
λύουσ' ἂν ἢ ᾗ φάπτονσα προςθεῖμην πλέον;
additque scholiastis et Brunckio visum esse, verba *λύουσ' ἂν ἢ ᾗ φάπτονσα*, apte reddi *λύουσα τὸν νόμον, ἢ ἐπιβεβαιουσα*. Sed 1°. nusquam heic formula *δεῖν καὶ λύειν* comparet: 2°. nulla clavium mentio antecedit: 3°. supplendum esse *τὸν νόμον*, non e verbis ipsis, sed e fabulae serie colligitur: et 4°. quae adhibentur phrases eae sunt in omnibus linguis receptissimae.

⁸¹) De Bello Judaic. lib. I. cap. V. n. 2.

αὐτῇ (Ἀλεξάνδρα) εἰς τὴν ἐξουσίαν φαρισαῖοι, σύνταγμα τι ἰουδαίων, δοκοῦν εὐσεβέστερον εἶναι τῶν ἄλλων, καὶ τοὺς νόμους ἀκριβέστερον ἀρρηγίσθαι. Τούτοις περισσὸν δὴ τι προσεῖχεν ἡ Ἀλεξάνδρα, σεβομένη περὶ τὸ θεῖον. Οἱ δὲ τὴν ἀπλότητα τῆς ἀνθρώπου κατὰ μικρὸν ὑπνώντες, ἤδη καὶ διοικηταὶ τῶν ὄλων ἐγίνοντο, διώκειν τε καὶ κατάγειν οὓς ἐθέλοιεν, λύειν τε καὶ δεῖν. Alexandrae autem sese in potestatis societatem adiungunt pharisaei, secta quaedam iudaeorum⁸² qui praeter alios pietatem colere putarentur, ac leges peritius interpretari. Ob eam caussam eo magis eis auscullabat Alexandra, utpote erga Deum religiosa. Illi autem in feminae simplicis consuetudinem paulatim se insinuantes, *statim res omnes gubernant et moderantur, ita ut quosvis pro voluntate in exsilium pellant, ab eoque revocent, solvant ligentque.* Itaque δεῖν καὶ λύειν idem Josepho valet ac in consortium τῆς ἐξουσίας venire, διοικητὰς τῶν ὄλων rerum omnium administratores moderatoresque fieri, pro nutu alios quidem e civibus διώκειν exsilio plectere, alios vero κατάγειν ab exsilio revocare, poenaeque solvere, ac in summa, omnibus regni ornamentis, commodisque potiri. Subdit enim: „Καθόλου δ' αἱ μὲν ἀπολαύσεις τῆς βασιλείας ἐκείνων ἦσαν, τὰ δὲ ἀναλώματα καὶ αἱ δυσχέρειαι τῆς Ἀλεξάνδρας. In universum illi quidem regni commodis fruebantur, expensas vero difficultatesque Alexandra perferebat.“ Seiunctum igitur a vero quam maxime est, formula δεῖν καὶ λύειν, ex usu loquendi, nonnisi certam definitamque interdicens permittendique auctoritatem significari.

123. Quam adstrictam circumscriptamque significationem ne in *mischnicis* quidem, *talmudicis*, *rabbinicisque monimentis* constanter refert. Insolens enim haud est, ut in his quoque sensum fundat ampliorem, quique ad nudam vetiti permissique declarationem coerceri nequeat. Demonstravit hoc prae ceteris Johannes Morinus, cuius ego sententiam paucis exhibebo. Quaestionem, quam explanandam adgreditur, his verbis⁸³ concipit: *quid significant apud antiquissimos recentioresque rabbinos, אסר ופטר, אסר ופטר ligare et solvere, ligatum et solutum, multis exemplis demonstratur.* Tum pergit: „Forsan alicui proderunt . . . , quae heic intextere nobis proponimus de significatione verborum *ligandi et solvendi* apud antiquos recentioresque iudaeos usitatissima. Antiquissimi enim illorum rabbini, Hilel, Sameas, Gamaliel, Eliezer, Akiba, Jose, alique qui ante Christum, vivente Christo, atque eo in caelos recepto praedicantibus apostolis floruerunt, eorumque traditiones composuerunt, et velut a Deo Mosi in monte Sinai traditas populo venditarunt, cum *praecipendi, prohibendi, permittendi, leges condendi aut eas moderandi, immutandi, abrogandi auctoritatem* significare voluerunt, *ligare et solvere* fere semper dixerunt, ita ut ista significatione, cum de his rebus quaestio est, nihil sit apud eos frequentius. Hunc loquendi morem non minus frequenter eorum discipuli in hunc usque

⁸²) Eodem caractere pharisaeos di-

stinguit Antiquitt. lib. XVII. cap. II. n. 6,

et in Vita sua, n. 38.

⁸³) De administrat. Sacramenti Poenit.

lib. I. cap. VIII.

diem usurparunt. Exempla ubique apud eos sunt obvia.⁸⁴ Quod⁸⁴ adductis e mischnah, utroque talmude, commentariisque rabbinorum testimoniis praeclare confirmat. Tum ad ea progressus quae in evangelio⁸⁵ legimus, subdit:⁸⁶ „Christus Dominus noster ex usu familiari istarum vocum *apud iudaeorum sui temporis doctores* dixisse videtur, *quaecumque alligaveritis*, hoc est, quaecumque prohibueritis vel permiseritis, aut verbis universalioribus, quaecumque decreveritis, statueritis, definieritis in terra, erunt in caelo decreta, statuta et definita; sive quidquid in terra statueritis, ratum Deus habebit in caelo. Nihil excipitur, sive Scripturae interpretationem spectet, sive traditionum iudicia, sive sententiarum a sanctis Patribus hinc inde pronuntiatarum electionem et confirmationem, sive decretorum novorum pro tempore, loco et personis institutionem, et antiquorum moderationem aut etiam abrogationem. Haec omnia et alia multa quae his forsitan non continentur, ligat aut solvit ecclesia, rataque Deus habet.“ Hinc⁸⁷ monet; „syrum interpretem τῷ סִרְיָא, quae syris non secus ac hebraeis vox est usitatissima, opposuisse Matth. XVI. 19, et XVIII. 18, שְׂרָא, quae⁸⁸ excommunicationis solutionem significat.“

Denique praetermissum nolim, quod Jahn⁸⁹ scite animadvertit, tam syris et chaldaeis, quam talmudicis rabbinicisque scriptoribus verbum שְׂרָא, graece λύειν, non solum esse *honestum, permissumque* edicere, verum etiam⁹⁰ *abrogare, abolere*, nec non⁹¹ *dissidium componere, negotium verbo solvere*, ac *unitati concordiaeque prospicere*. Nullo igitur nomine tueri licet, eam esse adhibitam a Salvatore formulam, καὶ ὃ ἐὰν δήσῃς, καὶ ὃ ἐὰν λύσῃς, quae *ex usu loquendi* de potestate dumtaxat *declarandi* quod honestum, quodve turpe est, atque adeo solum permissumque, vel ligatum ac prohibitum, accipi *necessario* oporteat.

124. Qua de re in nostram, ut opinor, sententiam facile omnes concedent, dabuntque huius *necessitatem* commentarii recepto fixoque *loquendi usu* comprobari non posse. Neque propterea deerunt, qui illum sin minus *necessarium*, ceteris saltem *probabiliorem*, vel *unice* prae omnibus *probabilem* affirmare pergant. Quibus cur ego assensum non adiungam meum, aliquot in medium prolatis rationibus patefaciam.

Quas inter I. ea me postremo loco non movet, quod nesciam, possit ne quis facile sibi persuadere, ut eum commentarium sive *comparate probabiliorem*, sive *simpliciter unice* habeat *probabilem*, cuius ne tenue quidem vesti-

⁸⁴) Ibid. §§. I — V.

⁸⁵) Matth. XVI. 19, et XVIII. 18.

⁸⁶) Ibid. §. V.

⁸⁷) Ibid. §. X.

⁸⁸) De qua significatione uberrime Morinus disputat lib. IV. capp. XXIII. seqq.

⁸⁹) Enchiridii §. 22.

⁹⁰) Ut in Bar Hebraei Chron. Syr. pagg. 47 — 70 — 168 — 486. Quo sensu λύειν accipitur Joh. X. 35: καὶ οὐ δύναται λυθῆναι ἡ γραφή, et non potest aboleri, *abrogarique Scriptura*.

⁹¹) Apud Bar Hebraeum op. cit. pag. 404, et in Michaelis Syr. Chrestom. pag. 87.

gium, umbraque levis in priscis scriptoribus, christianisque patribus compareat. Non abnuo insequentium curis fieri potuisse, ut *nova*⁹², eaque *penitiora*, *verioraque* in enarrandis explanandisque Scripturis invenirentur. Illud mihi nulla se veritatis specie commendat, ali foverique eiusmodi spem posse, quum *de textibus* agitur *vulgatissimis*, *ad institutionem Christi pertinentibus*, quosque *confertim latini, graecique doctores in Europa, Asia, Africa, pluribus continenter saeculis, expenderint, suisque interpretationibus illustrarint*. Ex duobus enim alterutrum deligendum foret, vel hosce textus *cymmeriis* esse offusos *tenebris*, proindeque tales de quorum germana potestate assequenda *prudens quisque desperet*; vel *satis* quidem eos esse *expeditos*, nihilominus *pluribus saeculis plurimos interpretes pietate, eruditione, studioque spectatissimos sinceram illorum vim latuisse*, quod humanam propemodum superat fidem.

Horum porro textuum numero is continetur quem Matthaeus refert, et prae quo nullum facile assignes *aut repetitum a pluribus, aut maiori inspectum studio, diligentiusque examinatum*. Cuius quidem facti tot adsunt testes, quot adhuc suppetunt vel⁹³ romanorum praesulum epistolae, vel⁹⁴ patrum opuscula, vel⁹⁵ veterum commentarii, vel⁹⁶ liturgica monimenta, in quibus omnibus Christi ad Petrum verba et repetuntur saepissime, et commentariis amplioribus, angustioribusve explanantur. Neque tamen in tanta enarrationum, interpretationumque copia *quidpiam* occurrit *illi simile*, quod recentioribus bene multis unice placet, quodque Camero⁹⁷ his verbis exponit: „Quum iam adesset tempus, quo lex Mosis partim enervanda, partim continuanda esset, Petro heic Matth. XVI. 19, reliquisque apostolis Matth. XVIII. 18. potestatem Christus concedit, ut enervarent aut confirmarent, prout sibi visum foret Spiritu sancto ad hoc edoctis. Quasi diceret: *quodcumque in lege mosaica vos prohibueritis, prohibitum erit, sanciente auctoritate divina; et quodcumque permiseritis, erit licitum et permissum*. Hinc prohibuerunt circumcisionem, aliaque, Act. XV, et permiserunt purificationem Paulo, Act. XXI—XXIV.“ Quae sane interpretatio, nonnisi neglecto spretoque totius christianae antiquitatis suffragio, *probabilis* censi potest.

125. Audio II. quid reponant, videri mirum non debere, si ea consensio, antiquitatisque patrociniū non magnopere aestimetur. De ea namque enarranda

⁹²) Cf. Pallavicinii Hist. Concil. trident. lib. VI. cap. XVII—XVIII.

⁹³) In quorum sylloge apud Petrum Constantium frequentissima est huius textus commemoratio.

⁹⁴) Cf. Mamachii Origg. et Antiquitt. Christ. lib. IV. pagg. 133. seqq.

⁹⁵) Hilarii, Hieronymi, Chrysostomi, aliorumque.

⁹⁶) Cf. Blanchinii Proleg. ad T. IV.

Anastasii, pag. XXX, librum diurnum Romm. Pontificum a Garnerio editum, pagg. 59—69—71—133—139, Muratorium T. I. Liturg. Rom. lib. II. pagg. 653. seqq., Mabillonium Musaei Italici T. II. pag. 273, Goarii Euchologium pag. 689, Assemani Cod. Liturg. Eccles. Univ. lib. IV. part. IV. pag. 75, et Renaudotii Collect. Orient. Liturg. T. II. pagg. 145. seqq.

⁹⁷) In Poli Synopsi ad Matth. XVI. 19.

formula quaestionem esse, cuius propriam vim, genuinamque significationem assequi nemo posset, qui *frequentes* in N. T. *hebraismos* compertos non haberet, *receptamque iudaeis loquendi rationem* plus quam mediocriter non calleret. In christiana autem antiquitate neminem fuisse, qui in hoc eruditionis genere non penitus hospicaretur. Sed, ut parcissime dicam, credo non penitus in eo fuisse hospites Origenem, Epiphanium, Hieronymum: neque haberi novos⁹⁶ in eodem posse quum alios plures, tum Morinum, Wolfium, Deylingium, Kocherum. Atqui horum nemo est, cui non videatur, et potestatem longe ampliore, augustioremque Christi verbis subesse, illique receptum apud hebraeos loquendi morem nullatenus refragari. Suam igitur vim argumentum retinet, quod a consensione, suffragioque antiquitatis deprompsimus.

126. Et quando huc III. pervenimus, operae pretium duco sciscitari: 1°. *probabile ne sit, Christum suis verbis ad usitatum hebraeis loquendi morem respexisse: et siquidem* 2°. *ad eum respexerit, probabile ne sit, usum eisdem esse, ut nudam prohibendi permittendique auctoritatem significaret.*

Ne vero quod primum commemoravi, *παράδοξον* esse videatur, cuiusmodi videri omnino deberet, si ita acciperetur, ac si eo in dubitationem *universim* adducerem, *utrum Christus ad vulgatam popularemque rationem sua verba temperarit*; duplicem continuo loquendi usum secerno, *tritum* unum, *communem ac in foro receptum*, *privatum* alterum, *technicum et academiae, scholaeque proprium*. Tum moneo *nefas* quidem *esse* ambigere, utrum Christus vocabula, vocabulorumque complexiones eo sensu acceperit, qui *vulgo* dominaretur; nullatenus vero *fas non esse* dubitare, utrum dicendi formam delegerit, quae *privata* esset, *technica*, et in *academiis dumtaxat scholisque* celebrata. Eius namque⁹⁹ *munus, character*¹⁰⁰, quaeque ab eo dicta in *evangelis referuntur*, affirmandum esse demonstrant, non alias illi phrases, formulasque fuisse usitatas, quam quae *vulgares* forent, ac plebi, populoque notissimae.

Jamvero *talis* ne existimari potest significatio, qua verba **אמר** et **שרא**, *δεῖν καὶ λύειν*, de iure officioque declarandi quod licet, quodve prohibitum est, accipiantur? existimari ne potest *trita, popularis, communis*; an iis contra acceptionibus connumeranda est, quae in *iudaicis dumtaxat scholis* obtinerent? Testimonia quae Lightfootus et Wetstenius pleniori manu collegerunt, luculenter evincunt: a) non aliunde ea sumi quam e monumentis¹⁰¹ scholarum, academi-
arumque propriis: iis propterea b) loquendi rationem exhiberi non vulgarem

⁹⁶) n. 121.

⁹⁹) Quod his verbis Matth. XI. 5. describitur: καὶ πτωχοὶ εὐαγγελίζονται, idest, καὶ πτωχοῖς εὐαγγελίζεται.

¹⁰⁰) A quovis supercilio et affectata

scribarum, doctorumque sapientia alienissimus.

¹⁰¹) Insigniora enim petuntur ex Mischnah, tract. Orlah. cap. II, tract. Schebiit cap. V, tract. Herubim cap. IX, tract. Therumoth cap. V, et tract. talmudico Berachoth fol. 36.

communemque, sed reconditam privatamque: illam videlicet *c*) quae in scholis primum *schammaeana* et *hilleliana* invaluit, quamque consequuti deinde scholarum magistri imitati sunt. Nullatenus igitur dubium esse videtur, *correptam angustamque significationem* declarandi quod liceat, quodque velitum sit, *subiectam formulae* δὲν καὶ λύειν, comprobari quidem more usuque loquendi, sed *privato, tecnico atque intra scholarum angulos circumscripto*. Quisque porro cernit quantopere a veritate dissideat, Christum dum Petrum alloqueretur, illumque his verbis, καὶ ὁ ἐὰν δῆσῃς, καὶ ὁ ἐὰν λύσῃς, erigeret, *ad usum intendisse technicum ac privatum*, verborumque suorum potestatem significationemque *ex hoc usu* aestimandam, definiendamque voluisse.

Enimvero si qui sint quibus haec non improbetur opinio, hi merito suo cum iis componi interpretibus debent, qui tum sibi *evangelicas formulas* peritissime enarrasse videntur, quum quid illae apud *platonicos, peripateticos, stoicos* identidem expriment, magno exemplorum numero comprobarint. Quo quidem interpretationis genere quemadmodum nullum est ad fucum faciendum, irretiendosque imperitos accommodatius; ita nullum vicissim est quod viri docti¹⁰², subactique ingenii acerbius exagitarint.

Concludendum igitur superest, *acceptionem* evangelici textus, καὶ ὁ ἐὰν δῆσῃς, καὶ ὁ ἐὰν λύσῃς, *de iure permittendi, prohibendique*, eo loquendi usu stabiliri, *quem neque ob oculos Christus habuerit, neque Petrus, ceterique apostoli cognoverint*. Quod sane miror non fuisse frequentius animadversum, quum id Olearius iampridem adnotaverit, ac Wolfio referente¹⁰³ ostenderit: „Phrasim illam, quam urget Lightfootus ut rabbinicam, scholae hillelianae et schammaeanae *propriam* fuisse, *neque in communi plebis usu positam*, vix itaque Christo receptam, qui magistrorum istorum institutione non profecisset, maxime apud apostolos suos loquenti, homines simplices, quibus vix probabile sit intellectum *stylum iuridicum* istorum legis doctorum fuisse.“

127. Ceterum IV. dum nego de significatione verborum Christi *ex usu* statuendum esse qui *in iudaicis dumtaxat scholis* obtinuerit; haud mihi mens est vel loquendi usum *penitus* seponere, vel ea *aliter* accipienda esse contendere, quam trita vulgataque ratio postulare. Scio de hac trita vulgataque ratione ex iis *nihil* decerni posse, quae in libris V. T. leguntur, quum in his *evangelica formula* nusquam occurrat: scio ex ipsis quoque libris N. T. *non plura* suppetere, quum illa *semel tantum ac rursus apud Matthaeum adhibeatur*; nihilominus dum mecum reputo hinc quidem 1°. formam, faciemque sermonum Christi *popularem vulgaremque*, inde vero 2°. eius loquutionis usum

¹⁰²) Cf. quae habet Clericus, Artis Critic. Vol. I. Part. I. Sect. I. Cap. XV, itemque Moshemius, qui in suis cogitationibus de eo quod iustum est circa sacrarum litterarum ex profanis scriptoribus interpretationem, hunc statuit canonem:

Temerarium est, ad loquendi modos et vocabula sacrarum litterarum, easdem loquutiones vocesque in humanis auctoribus obvias, sine magna circumspectione accommodare.

¹⁰³) In Curis Critic. ad Matth. XVI. 19.

apud Josephum, ac multo omnino frequentiore in posterioribus iudaeorum scriptis, fateri cogor, eam dicendi formam aetate Christi neque populo fuisse ignotam, neque a communi tritaque consuetudine alienam.

Verum *quo* ea *sensu* usurpabatur? eo certissime, quem 1^o. verba suapte sponte fundunt, quem 2^o. Josephus sequitur, qui 3^o. in ipsis iudaeorum scriptis non est infrequens, quique 4^o. cum adiunctis orationis unice consentit. Atqui verba *δεῖν καὶ λύειν* *per se* patent amplissime, amplissima significatione ab Josepho adhibentur, neque angustius ab iudaicis scriptoribus crebro usurpantur, et amplissima significatio ea est quam contextus patitur ac postulat. Apposite¹⁰⁴ Olearius: „Non *ex qualicumque usu* vocum sensus alicuius textus statim determinandus est, sed simul ex circumstantiis. Porro legis mosaicae¹⁰⁵ ne minima quidem mentio fit in verbis Christi, eiusque vel enervandae vel conservandae; sed suspicio potius est, Christum ista proferentem de lege prorsus non cogitasse. Urgetur quidem *de rebus* non *de personis* a Christo sermonem institui, dicente non *ὄν* vel *οὗς*, sed *ὁ ἐὰν δῆσῃς*: sed probe tenendum heic est, quod ex linguae genio, ubi generalis sermo est, *subiectum universale* per neutrum indicari soleat, quemadmodum Filius hominis dicitur¹⁰⁶ venisse, ut salvum faciat *τὸ ἀπολωλός, id quod perditum est.*“

128. Sane V. qui amplissimae universalique significationi technicam angustioreque anteponunt, hi mihi non uti par foret considerasse videntur: 1^o. quid *ἀμέσως* praecedat, 2^o. qua de re loquatur Christus, quidve 3^o. loci paralleli, vicinique exigant.

Potestas namque declarandi quid liceat, quidve censi interdictum debeat, non *infinite* symbolo *τῶν κλειδῶν*, ac multo minus symbolo *τῶν κλειδῶν τῆς βασιλείας τῶν οὐρανῶν*, sed *definite* per *κλεῖδα τῆς γνώσεως*, repraesentari consuevit; unde illud¹⁰⁷ Christi ad legisperitos: *Οὐαὶ ὑμῖν τοῖς νομικοῖς! ὅτι ἤρατε τὴν κλεῖδα τῆς γνώσεως· αὐτοὶ οὐκ εἰσῆλθετε, καὶ τοὺς εἰσερχομένους ἐκωλύσατε.* At vero in nostro contextu quid praecedit? quidve Petro Christus promittit? non illi *κλεῖδά τινα*, non *κλεῖδα τῆς γνώσεως*, sed absolute, simpliciterque *τὰς κλεῖς τῆς βασιλείας τῶν οὐρανῶν* pollicetur. Pugnatur ergo *cum antecedentibus*, ut quae e vestigio consequuntur, *καὶ ὁ ἐὰν δῆσῃς, καὶ ὁ ἐὰν λύσῃς*, ad potestatem permittendi prohibendique circumscribantur.

129. Neque minus *cum materia* pugnatur, ad quam Christi verba refe-

¹⁰⁴) In Observatt. ad Matth. XVI. 19.

¹⁰⁵) His commentarius refellitur Cameronis, quem n. 124. adduximus, quique eo etiam nomine refelli debet, quod de amplitudine promissae Petro auctoritatis ex uno solum alterove facto, non *e factorum summa*, quemadmodum par foret, in eo iudicetur.

¹⁰⁶) Matth. XVIII. 11: *ἦλθε γὰρ ὁ υἱὸς τοῦ ἀνθρώπου σῶσαι τὸ ἀπολωλός*, quod idem notat ac v. 12. *τὸ πλανώμενον*. Cf. Glassii Philolog. Sacr. lib. I. tract. I. de nomine, can. XXI.

¹⁰⁷) Luc. XI. 52; quem locum prae ceteris illustrant Vitringa, Observatt. Sacr. lib. I. diss. II. cap. I. n. 7, et Ursinus in Analectt. Sacr. lib. V. cap. XXXIV.

runtur. Velim namque mihi respondeatur, utrum Christo sermo sit sive *de schola, academiaque instituenda*, sive *de scholae, academiaeque doctore, magistroque creando*. Immo sermo illi est *de ecclesia sua*, quam τὴν βασιλείαν τῶν οὐρανῶν appellat, *deque eo sermo illi est, quem ecclesiae suae, suoque regno erat praefecturus*. Quid porro a quavis specie, umbraque veritatis remotius, quam a) formulam δεῖν καὶ λύειν eisdem coercere significationis limitibus, quum de iudaica schola, eiusque doctoribus, quumque de caelesti ecclesiae regno, praeponendoque eidem capite adhibetur? quam b) vim rationemque ecclesiae ad modum conditionemque iudaicae academiae revocare? quam c) auctoritatem supremi in ecclesia praepositi ex ea dimetiri, qua iudaeorum¹⁰⁸ νομικοί, νομοδιδάσκαλοι, γραμματεῖς, סופרים potirentur? His tamen ne levissime quidem commoventur, qui evangelica Christi verba, καὶ ὁ ἐὰν δῆσῃς, καὶ ὁ ἐὰν λύσῃς, de nudo prohibendi, permittendique munere e misch-nicis, talmudicis, rabbinicisque monumentis interpretantur.

A quibus ego libenter quaererem, quid de interprete iudicarent, qui memoratos a graecis auctoribus¹⁰⁹ γραμματεῖς, et¹¹⁰ Esrae ספר, *de legis peritis, traditionisque doctoribus* ea de caussa acciperet, quod talis sit eorum nominum in iudaicis libris vulgatissima significatio. Hominem, credo, perstringerent, quod non animadverterit, eadem etiam vocabula de diversis usurpata rebus diversas, dissitasque induere significationes, ac propterea uno eodemque γραμματέως vocabulo in libris quidem iudaicis magistrum legisque doctorem exprimi, in graecis autem auctoribus et apud Esram, regionis, civitatisque praesidem, summumque magistratum denotari. Esset vero cur idem de formula δεῖν καὶ λύειν repeterent, quaeque de diversa τοῦ γραμματέως significatione verissime docent, ad diversam phraseos δεῖν καὶ λύειν potestatem eadem veritate traderent.

130. Quod a semetipsis multo impetrabunt facilius, si praesentem textum cum iis componant, qui vel illi *adamussim* respondent, vel cum illo *non obscura affinitate* coniunguntur.

Ac *prioris* quidem generis nonnisi unicum suppetit, illudque penes eundem evangelistam eo in sermone quo Christus apostolis simul omnibus¹¹¹ dixit: Ἀμὴν λέγω ὑμῖν· ὅσα ἐὰν δῆσῃτε ἐπὶ τῆς γῆς, ἔσται δεδεμένα ἐν τῷ οὐρανῷ· καὶ ὅσα ἐὰν λύσῃτε ἐπὶ τῆς γῆς, ἔσται λελυμένα ἐν τῷ οὐρανῷ. Quam vero hisce verbis promissam illis potestatem censebimus? adstrictam ne ac prohibendi permittendique munere definitam; an satius *universalem*, quaeque *iura omnia*

¹⁰⁸) Matth. XXII. 35, Marc. XII. 28, Luc. VII. 30, X. 25, XI. 45, et XIV. 3. Ceterum de νομικοῖς, iuris utriusque apud hebraeos doctoribus privatis, vide commentationem Theod. Christ. Lilienthalii.

¹⁰⁹) Cf. Schwarzii dissert. de γραμ-

ματεῦσι, magistratu civitatum Asiae proconsularis. Hac magistratus significatione γραμματεὺς item accipitur Act. XIX. 35.

¹¹⁰) Esr. IV. 8.

¹¹¹) Matth. XVIII. 18.

regendae administrandaeque ecclesiae *necessaria opportunaque* complectatur? Si candide agimus, fateamur oportet, nihil esse quod *circumscriptionem* innuat, nihil quod *universalitatem* non referat.

Enim a) universalitatem *ipsa* referunt *verba*, quae *infinite* patent, quaeque citra illud vitium, quod *principii petitionem* nominant, haberi adstricta nequeunt. Universalitatem refert b) *subiectum*, de quo usurpantur; ad *apostolos* namque spectant, quos constat plenissima fuisse auctoritate ditatos. Universalitatem refert c) *orationis contextus*; interiecta siquidem affirmatio ἀμὴν non solum commata iungit, sed eo insuper pertinet, ut consequentibus verbis *aperiri originem* intelligamus supremae illius praestantiae auctoritatisque, quam Christus ecclesiae¹¹² adscripserat, inquit: Ἐὰν δὲ παρακούσῃ αὐτῶν, εἰπὲ τῇ¹¹³ ἐκκλησίᾳ· ἐὰν δὲ καὶ τῆς ἐκκλησίας παρακούσῃ, ἔστω σοι ὡς περὶ ὁ ἐθνικός καὶ ὁ¹¹⁴ τελώνης.

Et universalitatem quidem significationis d) hoc ex fonte dimanantem ipse quoque Kuinoel vidit, illamque, etsi turbatis identidem aquis, comprobavit¹¹⁵, scribens: „Sensum verborum omnino hunc esse: *quidquid constitueritis in ecclesia, ratum erit apud Deum; quidquid interdixeritis, itidem ratum erit apud Deum*. Quae quidem sententia hoc loco relate ad peccatorem pertinacem coetu christianorum excludendum speciatim hanc vim habet: *Si hominem eiusmodi¹¹⁶ iudicaveritis non amplius esse christianis annumerandum* (quibus verbis notio vetandi inest): *nec a Deo iudicabitur amplius esse christianus; si vero eiusmodi hominem* (quoniam ad meliorem frugem rediit) *iudicaveritis in coetum recipiendum, denuo christianis annumerandum* (inest ergo his verbis notio iubendi, praecipiendi): *etiam a Deo christianis posthac annumerabitur*.“ En duplicem secernit verborum significationem, *absolutam* alteram, eandemque *infinitam*, illisque *ex sese inhaerentem*; ac alteram *comparatam, finitam¹¹⁷*, quamque illa propter *σχέσιν* ad antecedentia induunt. Haec autem cuiusmodi est? rerum series postulat, ut formula δεῖν καὶ λύειν ea auctoritas expressa credatur, qua fratrum dissidia dirimuntur, unitas violata sarcitur, pax conciliatur, ac in rebelles contumacesque poenarum severitate animadvertitur. Locus igitur¹¹⁸

¹¹²) Matth. XVIII. 17.

¹¹³) Ubi τῆς ἐκκλησίας nomine intelligendos esse τοὺς τῆς ἐκκλησίας προέδρους, graeci interpretes uno ore confirmant.

¹¹⁴) Al. καὶ ὡς.

¹¹⁵) In comm. ad Matth. XVIII. 18.

¹¹⁶) Atqui in Scripturis est, ὅσα ἐὰν δήσητε, καὶ ὅσα ἐὰν λύσητε, quae formula multo patet latius, ostenditque Christum occasione e fratrum correctione accepta infinitam, universalemque propositio-

nem, qua futura apostolorum auctoritas exprimeretur, subiecisse.

¹¹⁷) Scilicet verbis, ὅσα ἐὰν δήσητε, καὶ ὅσα ἐὰν λύσητε, infinita apostolorum in ecclesia potestas significatur, definita vero ac peculiaris excommunicandi auctoritas nonnisi propter contextum distincte adsignificatur.

¹¹⁸) Quum textum Matth. XVI. 18. huic loco parallelum dicimus, parallelismum intelligimus inadaequatum non adaequatum, verbalem non realem. Quod

parallelus universalitatem significationis demonstrat, ostenditque verba δειν καὶ λύειν a Christo adhibita ad nudam prohibendi permittendique auctoritatem coerceri non posse.

131. Quod non minori perspicuitate *textus plus minusve similes cognatique* persuadent. Hos inter priori loco is venit, quo Deus de Eliakimo¹¹⁹ dicit: Καὶ δώσω τὴν κλεῖδα οἴκου Δαυὶδ ἐπὶ τοῦ ὤμου αὐτοῦ· καὶ ἀνοίξει (וּפְתַח), καὶ οὐκ ἔσται ὁ ἀποκλείων (וְאֵין סָגֵר), καὶ κλείσει, καὶ οὐκ ἔσται ὁ ἀνοίγων (וְאֵין פְּתַח). καὶ στήσω αὐτὸν ἄρχοντα ἐν τόπῳ πιστῷ, καὶ ἔσται εἰς θρόνον δόξης τοῦ οἴκου τοῦ πατρὸς αὐτοῦ. Consonant quae de Christo Johannes¹²⁰ refert: Τάδε λέγει ὁ ἅγιος, ὁ ἀληθινός, ὁ ἔχων τὴν κλεῖν τοῦ Δαυὶδ· ὁ ἀνοίγων, καὶ οὐδεὶς κλείσει αὐτήν, εἰ μὴ ὁ ἀνοίγων· καὶ οὐδεὶς ἀνοίξει.

Sequuntur quae de Cyro¹²¹ pronunciat Deus: Οὕτως λέγει κύριος ὁ Θεὸς τοῦ χριστοῦ μου Κύρω, οὗ ἐκράτησα τῆς δεξιᾶς, ἐπακουῶσαι ἔμπροσθεν αὐτοῦ ἔθνη, καὶ ἰσχὺν βασιλείων διαλύσῃς (et lumbos regum solvam, וּמַתִּי מְלָכִים אֶפְתָּח), ἀνοίξω ἔμπροσθεν αὐτοῦ θύρας, καὶ πόλεις οὐ συγκλεισθήσονται (ad aperiendum coram illo ianuas, ut portae non claudantur, לְפָתַח לְפָנַי דְּלִתַּי וְשַׁעֲרֵי, לֹא יִסָּגְרוּ).

Quibus ista respondent quae de Deo ipso¹²² perhibentur: Ἐὰν καταβάλῃ, τίς οἰκοδομήσει; ἐὰν δὲ καὶ ἀποκλείσῃ κατὰ ἀνθρώπου (וְיִסָּגֵר עַל-אִישׁ), τίς ἀνοίξει; (וְלֹא יִפְתָּח). Neque prorsus dissimilia sunt quum haec¹²³, *dimitte iniuriam proximo tuo, καὶ τότε δεηθέντος σου αἱ ἁμαρτίαι σου λυθήσονται, et tum, te deprecante, peccata tua solventur; tum*¹²⁴ *ista, יְלִמְרִי בְּלִמְרִי תוֹרָה תתּוֹם תּוֹרָה צוֹר לִיגָא testimonium, obsigna legem pro erudiendis meis.*

A quibus seiungi non debent quae apud Daniele¹²⁵ legimus, וְאֶתְּךָ דְּנִיָּאל וְחַתָּם הַדְּבָרִים וְחַתָּם הַסֵּפֶר עַד-עַתָּה קֵץ καὶ σὺ Δανιὴλ ἔμφοραξον τοὺς λόγους, καὶ σφράγισον τὸ βιβλίον ἕως καιροῦ συντελείας, tu Daniel

Kuinoel non advertit ac propterea scripsit: „Usus autem est Jesus de industria verbis iisdem (sed *diversa extensione*, quum Matth. XVI. 18. ipsos quoque complectantur apostolos, heic non item), quibus usus erat, cum Petro ecclesiae regendae (atque adeo ipsos regendi apostolos, qui *ecclesiae et regni caelorum* nominibus Matth. XVI. 18. comprehenduntur) curam et potestatem committeret: quo ostenderet pa-

rem atque eandem esse (utique inspectis dumtaxat verbis Matth. XVIII. 18.) apostolorum dignitatem ac potestatem.“

¹¹⁹) Is. XXII. 22.

¹²⁰) Apoc. III. 7.

¹²¹) Is. XLV. 1.

¹²²) Job. XII. 14.

¹²³) Eccli. XXVIII. 2.

¹²⁴) Is. VIII. 16.

¹²⁵) Dan. XII. 4.

claudere sermones, et signa librum usque ad tempus definitum. Ac ¹²⁶ rursum, **וַיֹּאמֶר לָךְ דָּנִיֵּאל בִּי־סִתְמִים וַיְחַתְּמִים הַדְּבָרִים עַד־עַתָּה קֵץ** καὶ εἶπε· δεῦρο Δανιήλ, ὅτι ἐμπεσφραγισμένοι καὶ ἐσφραγισμένοι οἱ λόγοι, ἕως καιροῦ πέρας, et dixit, abi Daniel, quoniam clausi sunt et signati sermones usque ad tempus definitum. Unde ¹²⁷ Johannes, *vidi librum κατεσφραγισμένον σφραγίσιν ἑπτα signatum sigillis septem, et vidi angelum fortem praedicantem voce magna: τίς ἄξιος ἀνοῦξαι τὸ βιβλίον, καὶ λῦσαι τὰς σφραγίδας αὐτοῦ; quis est dignus aperire librum, et solvere signacula eius?*

132. Ex his porro liquet, a) crebrum esse in Scripturis usum verborum **פתח, סגר, צור, סתם, חתם, ἀνοίγω, κλείω, διαρρήγνυμι, συγκλείω, λύω, ἐμφοράσσω, σφραγίζω**, quae verbis **אמר, שר, דעו, καὶ λύω**, significationis similitudine cohaerent: crebrum b) pariter esse usum formularum, quae ab ea non admodum distant, quam Christus usurpavit, inquit, καὶ ὃ ἐὰν δήσῃς, καὶ ὃ ἐὰν λύσῃς: neque tamen c) similia verba, similesque phrases ita *vel semel* accipi, ut iis *prohibendi permittendique auctoritas* nominatim designetur: verum d) nunc quidem amplissime adhiberi, iisque *regiam ac divinam ipsam potestatem* exprimi, nunc autem de munere intelligenda esse, quo vincitur peccator et peccata solvuntur, quo mysteria, caelestiaque arcana vel reserata patefiunt, vel occultata teguntur. Ex usu igitur e) loquendi inferri oportere, formulae **δεῖν καὶ λῦειν** infinitam subesse potestatem, verbaque Salvatoris aptissime a Bengelio ¹²⁸ reddi, quum scribit: „Claves denotant *totum* munus Petri, quare *ligandi et solvendi* verbis comprehenduntur *omnia ea*, quae Petrus . . . apostolica ¹²⁹ auctoritate gessit; *docendo, convincendo, hortando, permittendo, consolando, remittendo, . . puniendo.*“

133. Atque huic sane commentario pleraque ex iis omnia suffragantur quae praemisimus; luculentissime vero nexus patrocinator quo incisa cohaerent. Quemadmodum enim priore inciso, καὶ δώσω σοὶ τὰς κλεῖς τῆς βασιλείας τῶν οὐρανῶν, *subiectum* ostenditur, circa quod promissae Petro claves, eiusque suprema auctoritas symbolo clavium adumbrata versarentur; ita posteriore, καὶ ὃ ἐὰν δήσῃς ¹³⁰ ἐπὶ τῆς γῆς, *ἔσται δεδεμένον ἐν τοῖς οὐρανοῖς*· καὶ ὃ ἐὰν

¹²⁶) Ibid. v. 9.

¹²⁷) Apoc. V. 1—2.

¹²⁸) In Gnomo. ad Matth. XVI. 19.

¹²⁹) Memorat Bengelius quae Petro cum apostolis reliquis *communia* erant, idque tacitus praeterit, quod illi *unice* competeat. Sed aliter se expedire non poterat qui augustinam confessionem profitebatur.

¹³⁰) Ne cui post memoratas *claves* metaphora *solvendi ligandique* durior videatur, operae pretium arbitror animadvertere, 1^o. ἀμείωσς praecessisse mentionem

regni caelorum, cum qua multo aptius *ligandi, solvendique*, quam *claudendi aperiendique* metaphora consentiebat: item 2^o. praecessisse infinitum pronomen ὃ, cuius amplissimae significationi *ligandi* potius ac *solvendi*, quam *claudendi aperiendique* metaphora respondebat: denique 3^o. *ligandi solvendique* imaginem a symbolo clavium non abhorreere, quum neminem lateat, adstrictis laxatisque vinculis claudi ianuas atque aperiri antiquitus consuevisse, atque eo spectasse claves, ut

λύσης ἐπὶ τῆς γῆς, ἔσται λελυμένον ἐν τοῖς οὐρανοῖς, *obiectum* innuitur eiusdem auctoritatis ambitu comprehensum: sicut illud *extensionem* auctoritatis Petro promissam, ita hoc eiusdem *intensionem* demonstrat: sicut illo *universitas civium caelestis regni*, cui Petrus erat praeficiendus, significatur; ita hoc *causarum universitas* ad eosdem cives pertinentium, Petrique clavibus subiicienda exprimitur: postremo quemadmodum priore inciso edicitur, *cui, quantoque regno* Petrus esset praefuturus; ita posteriore declaratur, *quae, quotve illius regni caussae* eiusdem auctoritati crederentur.

Quare nulla videtur afferri paraphrasis posse, quae ista melius aut verbis respondeat, aut Christi mentem sententiamque repraesentet: *et tibi dabo claves regni caelorum*, idest, te supremum ducem, rectoremque regni mei, meaeque ecclesiae constituam; *et quodcumque solveris super terram, erit solutum in caelis; et quodcumque ligaveris super terram, erit ligatum in caelis*, idest, et omnia huius regni negotia, caussasque omnes tuo iuri, tuaeque potestati, cuius gesta rata in caelis erunt, subiiciam. Quibus tum Petri *primatus*, quum *illius vis, propriaque ratio* insigniter continetur. Continetur 1^o Petri primatus, quum inter omnes *necessario sit princeps*, qui Christi regno, universae ecclesiae, membrisque eiusdem omnibus praepositur. Continetur 2^o eius vis, propriaque ratio, quum *ad potiore auctoritatem, iusque supremum ea ὑπεροχῇ necessario pertineat*, quae promissis clavibus regni caelestis exprimitur, et cui negotia ecclesiae omnia, omnesque caussae committuntur. Neutrum porro fugit maiores nostros, priscosque fideles, quibus solemne idcirco fuit in publicis liturgiis ¹³¹ precibus confiteri, eam promissionum Christi fuisse virtutem, propter quam *beatissimus Petrus apostolus*, immo πρωτοκορυφαῖος ¹³² τῶν ἀποστόλων, *omne ius gentium, iudaeorumque sortitus sit, principalia munera acceperit, ac alterum post Christum ipsum ecclesiae caput extiterit.*

illarum ope vincula adstringerentur aut lamentarii Gallicani, quod Mabillonius edidit
xarentur. T. I. Musaei Italici.

¹³²) Quo nomine insignitur in Eucho-

¹³¹) Habentur haec pag. 297. Sacra- logio pag. 557.

CAPUT X.

Catholicorum, protestantiumque commentarii de Christi apud Matthaeum XVI. 18 — 19. promissione conferuntur: — qui potissimum defectus commentarium inficiant a protestantibus excogitatum: — ex ordine numerantur: — ac primum defectus grammatici: — deinde rhetorici: — tum philologici: — quos logici, historici ac praeposteræ dogmaticæ hypotheses consequuntur: — ex his simul omnibus concludimus, protestantium παράφρασιν corruptelam esse, non Scripturae commentarium: — contra vero catholicorum ἐξηγήσιν tum comparate quum absolute censi verissimam oportere: — quæ cum eo nexa sint consecutaria: — octo-decim proponuntur: — quibus et institutio primatus, et eius ratio, insitæque dotes comprobantur.

134. **H**oc distat ab *analysisi synthesis*, quod illa partes seorsum, haec totum oculis simul subiicit: illa per gradus animum movet, haec uno veluti ictu percipit ac superat: illa tenebras sensim depellit, haec lucem continuo affundit: illa pugnae, haec autem bello est quam simillima. Decet igitur utrumque tractationis modum coniungere, utroque uti, ne dum ἀναλύσεως emolumenta sequimur, iis quæ συνθέσεως propria sunt, fraudemur. Porro usi hactenus analysisi sumus, et singula quæque ad Christi promissionem spectantia κατὰ μέρος explanavimus atque defendimus. Restat itaque ut partes in summam, membraque in unum corpus colligamus. Quod maxima fiet utilitate, si quæ protestantibus rata sunt, cum iis contulerimus, quæ unanimi catholicorum suffragio comprobantur. Oppositorum enim ea vis est, ut e regione locata, mutua se luce perfundant ac splendidius enitescant. Rem igitur sic exequar, ut medium locum Christi verbis assignem, hinc vero atque inde utramque παράφρασιν catholicorum et protestantium propriis C et P distinctam notis exhibeam.

C. Et ego vero, ut tibi vicem rependam, meamque in te benevolentiam imitatus Patrem demonstrem, dico tibi, quodque dico, ut omnipotens Patris Verbum, mea virtute praesto, quod tu es Petrus, atque adeo illius mecum ornamenti particeps, quo ego princeps sum petra ac fundamentum, et

Matth. XVI.

18:

Κἀγὼ δὲ σοὶ λέγω, ὅτι σὺ εἶ Πέτρος, καὶ ἐπὶ ταύτῃ τῇ πέτρῳ οἰκοδομήσω μου τὴν

P. Et ego tibi dico, quod tu es Petrus, appellatione ac nomine, non autem illius dotis consortio, qua ego petra sum et fundamentum, et, non significatione continuationis, sed adversativa, super hanc petram, non qualis tu es, sed qualis ego sum, aedificabo ecclesiam meam, quæ mihi proinde, non tibi incumbet,

super hanc petram, cuiusmodi te esse dixi, *aedificabo ecclesiam meam*, quae proinde, me summo supremoque architecto, tibi incumbet, tecum cohaerebit, suamque a te conspicuam unitatem mutuabitur; *et portae inferi*, virtutesque omnes hostiles *non praevalerunt adversus eam*, neque illam super te meo numine stabilitam expugnabunt, sed ipsae contra victae profligataeque succumbent.

Et tibi, quem petram ac fundamentum meae ecclesiae iure supremi architecti designavi, iure regis ac domini *dabo claves regni caelorum*, summamque in meam ecclesiam auctoritatem, teque mecum consortem reddam illius dignitatis, qua caeli terraeque clavibus potior; *et quodcumque* ea auctoritate praeditus, atque in consortium meae dignitatis adscitus, *ligaveris super terram, erit ligatum in caelis*, nullaque erit caussa ad meam ecclesiam, regnumque caelorum pertinens quae tuae non subsit legiferae ac iudicariae potestati, cuius vis ad ipsos quoque caelos se porriget; vis namque est potestatis humano-divinae: humanae, quia tibi homini concessae, ac per te qui homo es, administrandae, divinae, quia participatio illius iuris quo ego sum in caelis atque in terra princeps legislator ac iudex; *et quodcumque solveris super terram, erit solutum in caelis*.

ἐκκλησίαν, καὶ
πύλαι ἔδου οὐ
κατισχύσουσιν
αὐτῆς.

Matth. XVI.

19:

Καὶ δώσω σοὶ
τὰς κλεῖς τῆς
βασιλείας τῶν
οὐρανῶν· καὶ
ὃ ἐὰν δήσῃς
ἐπὶ τῆς γῆς,
ἔσται δεδεμέ-
νον ἐν τοῖς
οὐρανοῖς· καὶ
ὃ ἐὰν λύσῃς
ἐπὶ τῆς γῆς,
ἔσται λελυμέ-
νον ἐν τοῖς
οὐρανοῖς.

atque a me unice suam firmitatem, unitatemque consequetur. — Vel, *et ego tibi dico, quod tu es Petrus*, quum nomine, tum re quae nomine significatur, *et super hanc petram*, qualis tu es, et cuius tu proprietatem refers, *aedificabo ecclesiam meam*, idest efficiam, ut tu in ecclesia mea fundanda egregiam colloques operam, tu opus novae religiosae societatis auspiceris, ac tu omnium primus iudaeos iuxta ac gentiles meo nomini, meaeque ecclesiae adiungas; *et portae inferi non praevalerunt adversus eam*, neque illam funditus subvertent, penitusque profligabunt.

Et tibi, omnibusque tecum apostolis, *dabo claves regni caelorum*; *et quodcumque* hac cum apostolis communi clavium potestate *ligaveris super terram* retinendo peccata, *erit ligatum in caelis*, in quibus peccata itidem retinebuntur; *et quodcumque solveris super terram* remittendo peccata, *erit solutum in caelis*, in quibus pariter peccata remittentur. — Vel, *et tibi*, non seorsum, sed una cum reliquis apostolis, *dabo claves regni caelorum*; *et quodcumque* hisce instructus clavibus *ligaveris super terram*, prohibendo ac illicitum vetitumque declarando, *erit ligatum in caelis*, atque apud Deum prohibitum interdictumque censetur; *et quodcumque solveris super terram*, permittendo ac licitum liberumque declarando, *erit solutum in caelis*, atque ab ipsomet Deo licitum liberumque pronunciabitur.

135. Jamvero dum utramque παράφρασιν considero, nihil in ea quae protestantium est animadverto, quod *veritatem*, nihil quod *sinceram* ἐξήγησιν referat; immo nihil quod cum *errore*, et *praepostera interpolatione* non iunctum copulatumque videatur. Sicut enim veritatis *χοιρήσιον* est, ut simplex ea sit, sibi que constet; ita accuratae sinceraeque ἐξήγησεως, ut verbis adamussim respondeat, legentium audientiumque animos non penitus oscitantes continuo occupet, cum historicis vero sermonis adiunctis amice conspiret. Quaeenam porro ex hisce dotibus in protestantium enarratione refulget? an simplex ea est ac uniusmodi? contra varia est, multiplex¹ et secum ipsa repugnans. An verborum proprietati inhaeret, eumque exhibet sensum quem facile lectores praesentiant, quemque historica sermonis adiuncta persuadeant? contra omnia sunt in ea salebrosa, impedita, a propria verborum significatione remota, longissime repetita, ad praesentiendum² difficillima, et ab historicis adiunctis personae loquentis, eius ad quem sermo dirigitur, caussae propter quam sermo habetur, ac materiae quae de agitur vehementissime abhorrentia.

Scio quid reponi possit, sin minus *primo* veluti *adspectu*, *secundis* certe *curis*, eisdemque sapientioribus illam unice commendari. Atqui secundae curae eo revera pertinent, ut illi fidem derogent manifestius, depravationisque fontes liquidius aperiant. Sane nemo non improbet, et alienissimum a qualibet veritatis specie eum commentarium non iudicet, cui et grammaticae canones, et rhetoricae leges, et philologiae scita, et logicae praecepta, et historiae adiuncta, et theologiae decreta iunctim confertimque refragantur. Talem vero esse protestantium quem retulimus commentarium, secundae acrioresque curae ad evidentiam usque patefaciunt.

136. Profecto *grammaticae leges* non sinunt, I. ut particulae καὶ — δέ, interiecto vocabulo, quemadmodum in Christi sermone pronomen ἐγὼ inseritur, sua potestate³ priventur, ac aliter reddantur quam, *et* — *etiam*, *et* — *ad haec*, *praeterea*, ac si formula οὐ μόνον praecederet, cui illae responderent: II. ut coniunctio καὶ significatione continuationis exuatur, sensuque adversativo, quem plane contextus⁴ non exigit, usurpetur: III. ut pronomen demonstrativum τοῦτο a proximo subiecto pro voluntate seiunctum, ad remotius, illudque adsignificatum referatur: IV. ut idem pronomen particulae καὶ iunctum ea privetur ἐμφάσει, quam saepissime⁵ refert, quaque fit ut incisum, καὶ ἐπὶ ταύτῃ τῇ πέτρᾳ, latine aptius reddi nequeat quam, *et super hanc quidem petram*: ac ut V. insuper habito temporum discrimine, ea praeferatur interpretatio, quae non futurum οἰχοδομήσω, sed praesens οἰχοδομῶ postularet.

Atqui ne unus quidem ex his defectibus est, quo protestantium⁶ com-

¹) Quod est ex iis manifestum, quae saepe retulimus.

²) Ut non pauci ex ipsis protestantibus fatentur.

³) Cf. Augusti Matthiae Grammat. §. 616.

⁴) Cf. Glassii Philolog. lib. I. tract. VII. can. I. seqq.

⁵) Cf. Matthiae Grammatic. §. 467.

⁶) Juerit illum memoria reputasse.

mentarius non depravetur. Ipsi namque I. vim negligunt propriam particularum καὶ — δέ, quum interiecto nomine adhibentur; ideo autem negligunt ne fateri cogantur, eo spectare Christum, ut ad Patris⁷ exemplar novis Petrum ornamentis amplissime cumulet: II. praeter et contra orationis contextum particulam καὶ in altero membro a significatione continuationis ad significationem adversativam detorquent: III. pro arbitrio, sepositisque grammaticae canonibus pronomen τοῦτο cum remotiore subiecto, eodemque adsignificato coniungunt: IV. nihili ἔμφρασιν ducunt, quam pronomen τοῦτο cum καὶ constructum praesefert; ac nihili propterea ducunt, ut πέτρων a Petro commodius seiungant, difficultatemque inde catholicis creent, quod⁸ non ἐπὶ σοί, sed ἐπὶ ταύτῃ τῇ πέτρᾳ Christus dixerit: tandem V. quum verba, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, ad Christum exclusive referenda esse contendunt, interpretationem deligunt, quam facile quidem cum praesenti οἰκοδομῶ, at nonnisi aegerrime cum futuro οἰκοδομήσω concilient. Vix igitur quidpiam est sani in protestantium commentario, si de illo e custoditis grammaticae legibus iudicetur.

137. Neque multo videri felicior potest, si ad *rhetoricos canones* exigatur. Hi enim vetant I. ne imagines et schemata praepostere confundantur: II. ne statuatur transitus qui orationem dilacerant, atque hiulcam et aenigmati similem reddunt: III. ne rariores insolentesque figurae nisi certis exploratisque de caussis admittantur: et IV. ne ea tradatur interpretatio, quae glossematis longius repetitis suppleri debeat.

Quid iamvero protestantes? scilicet I. praepostere⁹ τοῦ οἰκοδόμου καὶ τῆς πέτρας imagines commiscent, et ne Petro vim asserant τῆς πέτρας, Christo, qui semet veluti οἰκοδόμον repraesentat, munus rationemque fundamenti adscribunt: II. eodem consilio inter verba, καὶ ἐπὶ ταύτῃ τῇ πέτρᾳ, transitum comminiscuntur, posteriora haec parenthesi concludunt, efficiuntque ut oratio turpiter discissa nullum commodum sensum exhibeat: et quasi III. satis ista non forent, ut πέτρων de alio quam de Petro confidentius interpretentur, ad¹⁰ ἀντανάχλασιν, quam Pedianus¹¹ *dialogiam* vocat, se recipiunt, nulloque argumento idem τῆς πέτρας nomen diversa significatione usurpari defendunt: singula autem verba IV. ita accipiunt, ut extundi ex iis sententia nequeat, nisi glossematis, additionibusque longissime adscitis suppleatur. Eiusmodi est glossema, quod verbis, *et super hanc petram*, subiiciunt, idest, *sed super hanc petram*: eiusmodi quo eadem verba onerant, quum subdunt, *sed super hanc petram, qualis ego sum*,

⁷) Vix enim alias quam eiusmodi *dogmaticas* rationes protestantes adducunt.

⁸) Quae loquendi forma non minimum metaphorae pulchritudini, elegantiaeque imaginis offecisset.

⁹) Ut ii faciant omnes, qui Petri praerogativam voce πέτρας expressam in eo

collocant, quod primus omnium praedicavit, et Christo assecletas, discipulosque adiunxerit.

¹⁰) Ita Georgius Pasor et Christianus Schoettgenius in Lexico N. T.

¹¹) Apud Vossium lib. V. Institut. Orat. cap. II.

quamque tu confessus es: eiusmodi quo verba, aedificabo ecclesiam meam, ita supplent, te primum, principemque aedificatorem constituam: eiusmodi quo verbis, et tibi dabo claves, addunt, et tibi, ceterisque tecum apostolis dabo claves: ac eiusmodi quo insequens membrum, et quodcumque ligaveris super terram, erit ligatum in caelis, ita complent, et quodcumque potestate tibi ceterisque apostolis communi ligaveris super terram, erit ligatum in caelis. Eum igitur commentarium protestantes tuentur, cui non minus grammaticae leges, quam rhetorici canones perspicue refragantur.

138. Ad *philologica* vero *scita* quod pertinet, nemo est eruditorum, qui ea violari diffiteatur, I. si ubi eadem adhibentur vocabula, ibi diversa usurpata fuisse affirmetur: si II. ibi fingatur discrimen generis, ubi idem custoditur: si III. ubi regnat *ταυτότης*, ibi *παρονομασία*, eaque negans statuatur: si IV. generis, terminationisque discrimen ad significationis diversitatem traducatur: et si V. metaphoricæ loquutioni is adnectatur sensus, quem comparationis terminus, loquendique usus ex aequo repudiant.

Jamvero I. quum Christus utroque inciso idem *כִּפֶּא* nomen certissime repetierit: quumque idem nomen orientales versiones, dialectoque Christi vicinae repraesentent; protestantes nihilominus omnia sus deque moverunt, ut alterum in priore, atque alterum in posteriore membro usurpatum ostenderent. Ad haec II. ne concesso eiusdem nominis usu, concedere pariter deberent, verba, *et super hanc petram aedificabo ecclesiam meam*, nonnisi ad Petrum posse referri; adnotarunt, idem utique nomen, sed alio genere, atque de alio idcirco subiecto, in primo alterove membro adhiberi. Sed quanam illis praesto fuerunt argumenta, quibus hanc generis diversitatem comprobarent? quod syrus interpres, in priore membro cum pronomine masculino *הוּ*, in posteriore autem cum pronomine feminino *הָיָא* nomen *כִּפֶּא* construxerit. Atqui falsa haec esse, et oscitantiae imperitiaeque tribuenda, suo loco ¹² demonstravimus. Rursum III. si quam fidem protestantibus adiungimus, membra, *ὅτι σὺ εἶ Πέτρος*, et, *ἐπὶ ταύτῃ τῇ πέτρᾳ*, ita se mutuo habent, ut non alia cohaereant *σχέσει* quam *παρονομασίας*, agnominationisque negantis atque excludentis. Verum peritia licet mediocris ¹³ orientalium dialectorum abunde sufficit, ut ea non *παρονομασία*, sed *ταυτότητι* iuncta copulataque intelligantur.

Praeterea IV. qui graecitatem non penitus incompetam habent, hi probe norunt, *πέτρον καὶ πέτραν* non significatione, sed terminatione solum ac genere distare: itemque norunt graeco Matthaei interpreti caussam fuisse e linguae ingenio desumptam, propter quam in posteriore inciso genus, terminationemque immutaret. Quid ad haec protestantes? horum videntur ¹⁴ oblit; unde discrimen significationis urgent *πέτρον* inter et *πέτραν*, atque serio a nobis contentioseque percontantur, ut caussam, si possumus, afferamus aliquam, qua contigerit, ut

¹²) n. 71.

¹⁴) Quum omnes propemodum *πέτρον*

¹³) Unum enim idemque vocabulum *καὶ πέτρας* discrimen inculcent. utroque inciso repetitur.

graecus Matthaei interpres, siquidem utroque in membro unum idemque subiectum significatum voluit, primum πέτρον, ac πέτραν deinde illud nuncupaverit.

Denique V. tam usu loquendi quam spectato comparationis termino liquet, formula, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, suapte natura id exprimi quo aedificium sustentatur ac regitur, nullatenus vero id cuius studio curisque aedificationis opus suscipitur. Verum quum fixum protestantibus esset a Petro munus dignitatemque fundamenti abiudicare, nihil non¹⁵ tentarunt, ut contra loquendi usum, insitamque metaphoricæ loquutionis potestatem, formulam ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, ad aedificatoris opus, primasque in aedificio extruendo partes detorquerent. Igitur non aptius philologicis regulis, quam grammaticis rhetoricisque canonibus in suo edendo commentario protestantes obtemperarunt.

139. De *logicis* autem *praeceptis* ab iisdem violatis, res est adeo perspicua ut solum innui ac paucis adumbrari debeat. Enimvero disciplina logica praecipit. I. ne ἀρμονία qua se excipiunt orationis partes, fallaci interpretatione conturbetur: II. ne propria tamquam communia habeantur: III. ne similia pro iisdem, ac dissimilia pro similibus usurpentur: IV. ne brevissimo orationis ambitu omnes propemodum anomaliae sermonis adhibitae existimentur: ac ne V. de vi atque amplitudine divinae promissionis ex aliquot solum factis, iisque pro voluntate delectis, sententia iudiciumque feratur. Atqui horum praeceptorum nullum est quod protestantes non violent.

Etenim I. verba, καὶ γὰρ δὲ σοὶ λέγω, ὅτι σὺ εἶ Πέτρος, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, ita enarrant¹⁶ ut funditus ἀρμονίαν conturbent, qua cum antecedente Petri responsione devinciuntur. Ad haec II. quae¹⁷ Petri sunt propria, quaeque verbis, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, καὶ δώσω σοὶ τὰς κλεῖς τῆς βασιλείας τῶν οὐρανῶν, illi uni promittuntur, sic accipiunt ut apostolis omnibus communia fuisse tueantur. Rursum III. in locis, quos parallelos vocant¹⁸ deligendis ita versantur, ut plus semel similia pro iisdem, ac multo saepius dissimilia pro similibus usurpent. Praeterea IV. quum sermo Christi paucissimis contineatur verbis, duorumque commatum ambitu absolvatur; vix non singula eiusdem vocabula ἀνωμαλῶς intelligenda esse contendunt: ἀνωμαλῶς intelligunt particulam καί: ἀνωμαλῶς pronomen ταύτη: ἀνωμαλῶς formulam, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν: ἀνωμαλῶς ipsum¹⁹ τῆς ἐκκλησίας nomen: et ἀνωμαλῶς phrasim, καὶ ὃ ἐὰν δήσῃς, καὶ ὃ ἐὰν λύσῃς, quam ad munus retinendi remittendique peccata, vel prohibendi permittendive circumscribunt. Fieri igitur non potest, ut cum logicis praeceptis commentarius protestantium concilietur.

140. Qui cum *historiae adiunctis* neque aptius neque felicius componitur.

¹⁵) Horum conatum specimen sat amplum in Poli Synopsi exhibetur.

¹⁶) n. 68.

¹⁷) n. 51.

¹⁸) Tantus est locorum parallelorum abusus, ut notari quam meretur, acerbius non possit.

¹⁹) n. 82.

Ea namque postulant, ut quoad eius fieri potest, ratio diligentissime habeatur I. occasionis qua sermo editus perhibetur: II. materiae sermone ipso comprehensae: III. characteris tum eius qui loquitur, quum eorum qui audiunt: IV. scopi, quo sermonis auctor spectavit: ac eorum postremo V. quae sermonem consequuta sunt. Arbitror autem me nihil quod ab explorata veritate abhorreat dicturum, si affirmavero, nullam eiusmodi adiunctorum in protestantium commentario haberi rationem.

Ac interpretatio sane quae illis, quaeque promissioni respondeat tum factae, quum I. Christus editam ab uno Petro confessionem remuneraretur: quum II. discipulorum carissimum alloqueretur: quum III. de sua ecclesia, deque eiusdem structura sermonem primum institueret: quum IV. suscepta persona supremi architecti, domini atque legislatoris iura officiaque definiret, quae Petrus esset obiturus: quumque V. futuram sui in terris regni, suaeque ecclesiae administrationem revelaret; talis sit oportet, quae nihil praeferat *commune*, nihil *non proprium* unius Petri, nihil *non apertum* atque *conspicuum*, ac tandem nihil quod non pertineat ad formam suae ecclesiae, suique regni administrationem. Praesertim quum quae promissionem consequuta sunt, quaeque a Petro *gesta* legimus in Actis atque in Epistolis eo spectent, ut illum omnibus praepositum, ac principis oeconomi munere functum demonstrent.

Quaenam vero ex hisce dotibus in eo deprehenditur commentario quem protestantes adducunt? omnino nulla, quum nihil in eo occurrat I. Petri proprium, ceterisque apostolis non commune: nihil II. non salebrosum et obscurum, quodque ²⁰ sine exquisita eruditione intelligi posset: ac nihil III. quo forma ecclesiae ²¹, eiusque regendae gubernandaeque ratio declaretur. Abludit igitur protestantium commentarius ab historicis adiunctis, neque probari ille potest quin ista seponantur.

141. Reliquae sunt *dogmaticae hypotheses*, quibus veluti regulis ²² protestantes utuntur, et ad quarum *ἀναλογία* suam ipsi paraphrasim exprimunt. Illarum vero summa huc redit: I. nullum inter apostolos extitisse iuris potestatisque discrimen: proindeque II. decrevisse Christum ut instituta a se ecclesia aequalium collegio ac *πολυαρχία* ²³ regeretur: tantam porro esse III. excellentiam sive *fundamenti* quo ecclesia sustentatur, sive *clavigeri* quo summo iure dirigitur, ut uni Christo convenire possit. Praeclare intelligo quod si haec non vera minus forent quam confidentissime praesumuntur, protestantium caussa esset in tuto, illorumque commentarius indubitatus. At simul intelligo falsa prorsus esse, eoque infecta vitio quod *principii petitionem*, scholarum phrasi,

²⁰) Hoc autem commentariorum genus insitam praefert corruptelae notam.

²¹) Quum tamen singula propemodum verba extitutam ecclesiae formam praemonstrent.

²²) His nihil periculosius, quum non ex ipsis hauriuntur Scripturis, sed iam praestitutae ad Scripturas enarrandas adhibentur.

²³) Nulli vehementius quam episcopales hanc hypothesim defendunt.

nuncupamus; ideoque et a catholicis negari constanter, iisque refelli argumentis, quae *decretoria* ipsis videntur.

Qui praeterea nominatim contendunt, I. eam esse quaestionem de omni-modi apostolorum aequalitate, quae quum ex accurata pendeat verborum Christi interpretatione, non uti explorata hypothesis assumi debeat, sed uti problema examinari. Contendunt II. hisce plane gemina repeti oportere, quum de forma regendae ecclesiae a Christo praefinita disseritur. Ac III. contendunt, nullatenus esse consequens, ut praerogativa fundamenti atque clavigeri ne quadamtenus quidem cum Petro communicata existimetur, quod sublimissima ea sit planeque divina. Ita namque rationes subducunt: ea etiam quae sublimia sunt ac divina, divinitus posse neque raro solere cum hominibus communicari: non omnia esse uniusmodi, sed ex his ²⁴ alia dici, credique *ἀποινώνητα*, alia *ζωινώνητα*: ad horum vero genus clavigeri, fundamentique *ὑπεροχὴν* et *ἐξουσίαν* ²⁵ pertinere.

142. Quibus hoc pacto constitutis, proclive erit quum litem dirimere, tum aequum de protestantium, catholicorumque paraphrasi iudicium pronunciare. Neque enim puto futurum aliquem, qui eam paraphrasim defendi posse arbitretur, quae ab omnibus rite institutae interpretationis legibus discedat, et qua non minus canones omnes grammatici, rhetorici, philologici, logici, historici violentur, quam theologiae hypotheses praeposteræ ac fallaces instar certae explorataeque normae praesumantur. His porro eius commentarii descriptio continetur, quem protestantes sequuntur, quem catholicis opponunt, et quo suam causam, suamque ab romana ecclesia divisionem tuentur. Haberi igitur fallax debet, a veritate alienissimus, indignus qui adprobetur, quique ad praesidium defensionemque adhibeatur. Cui propterea non possis illum *compare* non anteferre, quo catholici utuntur, quemque nos cura aliqua expolitum dedimus.

Immo *absolute* etiam *simpliciterque* anteponas oportet, ac verissimum esse concedas. Est enim ad omnes exactus legitimæ interpretationis regulas, atque cum iis intime iunctus, quae ad assequendam loquentis mentem sententiamque certissime perducunt. Accedit et illud, quod suffragio christianæ antiquitatis ²⁶ comprobatur, nihilque complectitur quod veteres ecclesiae patres, christianique scriptores aut non viderint, aut Christi verbis expressum non summa consensione significaverint. Iis ergo indiciis omnibus, notisque prae-fulget, quae veritatem comitantur, quae assensionem pariunt, et cogitandi credendique normam ²⁷ stabiliunt. E qua si quae erui rite possunt, non subdole neque artificiose, sed candide sincereque deduxerimus; vix quidpiam, uti opinor, suppetet, quod ad asserendam Petri *ὑπεροχὴν*, eiusque inter apostolos *ἐξουσίαν*

²⁴) De hac partitione consuli potest

Pauli Jacobi Andreae commentatio edita in Annalibus Academiae Lugduno-Batavae, an. 1825.

²⁵) Cf. quae lib. I. capite VIII. praemisimus.

²⁶) Testimonia, quibus hoc suffragium continetur, plurima, eaque luculentissima non uno in loco retulimus.

²⁷) Eam intelligo credendi normam, quam *remotam* dicunt, *conditionibus* accensent, et *motiva credibilitatis* appellant.

vindicandam, rationemque ecclesiasticae administrationis a Christo institutae definiendam merito desideretur. Ista namque sunt quae cum ea cohaerent *πορίσματα*: haec consecratoria quae e Christi ad Petrum verbis catholicorum, uti par erat, commentario explanatis sua sponte dimanant.

COROLLARIUM I.

143. Christi apud Matthaeum verba *ad unum Petrum* referuntur. Sunt igitur *propria*, et quod iis significatur, unius Petri *proprium* est. Ita vero ad unum Petrum referuntur, ut *excellentiam praestantiamque* designent in *ecclesiastico ministerio*. Altera igitur ex iis dotibus gaudent, quae cum priore coniuncta *necessaria* est ac *sufficit*, ut testimonium ad enodandam *de primatu* controversiam rite selectum, opportuneque adhibitum videatur.

COROLLARIUM II.

144. Si plurium diversa sit dignitas ac excellentia, hi non *aequales*, sed *inaequales simpliciter* habendi sunt. Eminuit vero inter apostolos Petrus, nobilioremque a Christo institutore excellentiam dignitatemque in ecclesiastico ministerio consequutus est. Igitur et apostolorum collegium *simpliciter inaequale* censi debet, et apostoli omnes *comparate ad Petrum simpliciter inaequales* dicendi sunt.

COROLLARIUM III.

145. Quum multiplex esse inter plures inaequalitas possit, *aetatis, vocationis, honoris, ordinis, iuris ac potestatis*; quae quantaque ea sit, repeti *ex dote* debet, quae uni prae ceteris competit, et qua *inaequalitatis ratio gradusque* determinatur. Quae igitur quantaque extiterit Petrum inter ceterosque apostolos inaequalitas, *ex iis dotibus* statuendum est, quas *uni* promissas *Petro* Scripturarum auctoritate edocemur.

COROLLARIUM IV.

146. Singulares dotes uni Petro promissae *eo* continentur *Christi sermone*, quem evangelicis litteris Matthaeus consignavit. Ex harum igitur *natura, insitisque proprietatibus* iudicari debet, *quae quantaque*, auctore Christo, Petrum inter ceterosque apostolos *inaequalitas* extiterit.

COROLLARIUM V.

147. Singulares dotes uni Petro promissae, atque Christi verbis apud Matthaeum expressae ad hanc summam revocantur: I. Petrum eam esse petram, super quam, *Christo principe architecto*, aedificanda erat ecclesia: II. invictam, victricemque firmitatem contra inferni portas, qua ecclesia futura erat insignis, e coniunctione cum Petro, tamquam praestructo divinitus fundamento, pendere: III. Petrum destinari alterum *a Christo*, *qui rex regum est ac dominus domi-*

nantium, in caelesti ecclesiae regno clavigerum: illique propterea IV. omnimodam ligandi solvendique auctoritatem *uni Christo supremo legislatori ac iudici* obnoxiam promitti. Natura igitur praerogativarum, quae quatuor hisce formulis efferruntur, *normae instar* nobis esse debet, ad quam iudicium exigamus *quum* de ratione graduque inaequalitatis apostolos inter ac Petrum, *tum* de vi et conditione primatus, quem Petro Christus spopondit.

COROLLARIUM VI.

148. Descriptae formulae, quibus *ratio* praerogativarum Petri continetur, *auctoritatem* designant, et *ad ius potestatemque* manifesto referuntur. Inaequalitas igitur Petrum inter ac apostolos eisdem expressa *ad iuris auctoritatisque inaequalitatem* pertinet; ac Petri idcirco *πρωτοστασία* iuris est atque auctoritatis.

COROLLARIUM VII.

149. Ne cui vero anceps videatur, formulis, quibus Petri praerogativae continentur, *ius auctoritatemque* designari; dabimus operam ut illarum vim brevissima explicatione declaremus. *Prima* igitur his concepta verbis, *ὃν εἰ Πέτρος, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*, e re architectonica deprompta sic est, ut liquido constet, *talem* Petrum inter et ecclesiam, ipsosque apostolos Petri nomine comprehensos, *σχέσις* habitumque significari, *qualis* inter fundamentum ac superstructum aedificium interesse debet. Haec autem *σχέσις* est *dependentiae*, quum *φυσικῶς* necessarium²⁸ sit, ut aedificium fundamento incumbat, et cum eo iunctum copulatumque perseveret. Priori igitur formula *σχέσις* effertur *dependentiae*, qua opus est ut apostoli cum Petro²⁹ cohaereant, individuumque cum eo societatem tueantur. Atqui haec *dependentiae* *σχέσις*, qua ad Petrum, utpote universi aedificii fundamentum, apostoli referuntur, intelligi seiuncta nequit a potiore Petri iure: sunt enim ista *correlata*, seque intimo necessarioque vinculo excipiunt. Praerogativae igitur Petri priori expressae formula ad *ius* pertinent, ac *genere celsioris auctoritatis* continentur. Quod ut christiani veteres³⁰ significarent, aiebant: *neminem praefendum esse Petro, cui principaliter dictum est, super hanc petram aedificabo ecclesiam meam.*

Hisce autem confirmandis egregie conducit formula, quam *altero loco* commemoravimus. Perspicuum namque est *officium*, ac indubitata *moralis* obligatio illi adhaerendi, a quo si seiunctus, avulsusque discesseris, frustra tibi stabilitatem, frustra, auctore Christo, victoriam de inferni portis, deque salutis

²⁸) Eximia imaginum varietate usus est Christus, ut necessitatem coniunctionis cum Petro depingeret. Inter eas vero non ultimum occupat locum *imago physica*, qua Petrus *cum fundamento*, reliqui omnes *cum superstructo aedificio* componuntur.

²⁹) Hinc obsequii, obedientiaeque officium, quo Petri maiestatem apostoli verrerentur.

³⁰) Cf. quae habet Augustinus lib. II. con. Donatist. cap. I.

hostibus pollicearis. Atqui huc spectat formula, καὶ πύλαι ἔδου οὐ κατισχύουσιν αὐτῇς, qua luculentissime edicatur, nemini a Christo constantiam, nemini triumphum promitti, qui cum Petro iunctus sociatusque non manserit. Perspicue igitur *de officio* constat, quo christiani omnes, ipsique apostoli et custodire cum Petro unitatem debeant, et separationem ab eo non secus ac maximam supremamque perniciem devitare. Obligatio autem officiumque tam universae ecclesiae, quam apostolis impositum servandae tuendaeque cum Petro societatis, *facultatem* includit, *auctoritatemque* complectitur, qua Petrus indiscriminatim omnibus custodiam unitatis praecipiat, ac divisionis, schismatisque flagitium ab universo corpore longissime arceat. Posteriore igitur formula praerogativa exprimitur, quae *ad sublimius Petri ius, potiolemque auctoritatem* revocatur.

Ad *tertiam* accedo, quae praecedentibus illustrior non iniuria videatur. Verbis namque, καὶ δώσω σοὶ τὰς κλεῖς τῆς βασιλείας τῶν οὐρανῶν, futurum praenunciatur, ut Petrus *compare ad regnum caelorum*, omnesque adeo christianos sive discipulos subditosque, sive magistros ac praepositos, ea munera, easque obeat partes, quae *clavium symbolo, clavigerique* appellatione demonstrantur. Ab hoc autem clavium symbolo, atque ab hac clavigeri appellatione divelli significatio nequit *iuris et potestatis*. Tertia igitur formula singularis eximiaque Petri auctoritas in regnum caelorum, omnesque eius regni cives, sive maximos, sive medios, sive infimos splendidissime ostenditur.

Quid porro *quarta* ac postrema? quoque spectant verba, καὶ ὃ ἐὰν δήσῃς ἐπὶ τῆς γῆς, ἔσται δεδεμένον ἐν τοῖς οὐρανοῖς· καὶ ὃ ἐὰν λύσῃς ἐπὶ τῆς γῆς, ἔσται λελυμένον ἐν τοῖς οὐρανοῖς? nullum est negotium ad caeleste regnum, aedificandamque ecclesiam pertinens, quod Petri auctoritati hac promissione non subiiciatur. Quod enim illi obnoxium fore praedicatur, effertur verbis, καὶ ὃ ἐὰν δήσῃς, καὶ ὃ ἐὰν λύσῃς. Sunt autem haec intra suum genus *infinita*, nullis adstricta limitibus, quaeque *plenam* ferendi leges, iudicandique *potestatem* complectuntur.

Conspirant ³¹ igitur formulae, neque minus singulae divisim, quam omnes coniunctim ostendunt: I. eas Petro praerogativas promitti, quibus ipsemet auctus ad eximium quoddam cum Christo ecclesiae capite, supremoque principe consortium proveheretur: proventus autem II. inter apostolos primatu excelleret, potiorique auctoritate in universum Christi regnum potiretur.

COROLLARIUM VIII.

150. Immo et illud non dissimili perspicuitate demonstrant, collatis Petro praerogativis, institutoque primatu eo Christum spectasse, ut *conspicuae* sui regni, suaeque ecclesiae *unitati* consuleretur. Ac principio quidem consuleretur

³¹) Qua consensione nihil ad eam commendandam interpretationem, quam exhibuimus, accommodatius; ac nihil rursum profligandis protestantium expositionibus

opportunius, quum recipi illae probarique nequeant, quin commentarii concentus, partiumque harmonia funditus labefactentur.

παραδειγματικῶς, quatenus in Petro, unico fundamento, clavigero, supremoque in ecclesia caelorumque regno *legislatore* atque *iudice* unitas ipsius ecclesiae *praefiguraretur*. Consuleretur deinde αἰτίως, ἀρχικῶς καὶ ἐνεργητικῶς, quatenus Petrus *pro sua* fundamenti, clavigeri, supremique iudicis ac legislatoris *ratione et dignitate* visibilem ecclesiae unitatem formaret, contineret, suisque perfunctionibus tueretur. Quemadmodum enim aedificii unitas e fundamento oboritur, ac virtute fundamenti omnes simul partes colligentis servatur; ita unitas regni, administrationisque concordia quum formatur, tum formata custoditur unitate clavigeri, supremique iudicis ac legislatoris.

COROLLARIUM IX.

151. Porro quum spectari primatus Petri *tripliciter* possit, ὄντως atque *in se*, ποιητικῶς atque *efficienter*, τελικῶς ac *finaliter*; nemini dubium videri debet: I. ὄντως ac in se primatum esse potioris iuris, auctoritatisque: II. ποιητικῶς ac *efficienter* a Christo dimanare, qui uni Petro dixit, καὶ γὰρ δὲ σοὶ λέγω κ. τ. λ.: et III. τελικῶς ac *finaliter* ad conspicuam ecclesiae unitatem praemonstrandam; formandam, vindicandamque referri.

COROLLARIUM X.

152. At vero aliud est unitatem ecclesiae *praemonstrare*, ac aliud unitatem ecclesiae *formare*, *protegere* ac *tueri*: illud enim ad ἀρχέτυπον, *exemplaremque caussam*, hoc ad *originem*, *principium*, *caussamque effectricem* pertinet. Cavendum itaque est I. ne *distinctae rationes* praemonstrandae ac formandae asserendaeque unitatis ecclesiae praepostere conturbentur: tum II. ne altera ratio ita Petro adscribatur, ut altera eidem denegetur.

COROLLARIUM XI.

153. Hoc autem periculum perquam aptissime removebimus, si quae distincta esse intelligimus, eadem distinctis quoque vocibus, formulisque exprimamus. E quibus, quum plures occurrant, hae omnium commodissimae videntur, ut prior ratio, quae Petro inest, praemonstrandae unitatis, *primatus archetypus* dicatur; posterior vero eiusdem formandae continendaeque, *primatus iurisdictionis ac unitatis efficiens* nuncupetur.

COROLLARIUM XII.

154. Utraque porro ratio Petro inest, neque minus illi convenit ut ecclesiae unitatem *praemonstret*, quam ut eam *formet*, formatamque *defendat*. Petrus igitur *utroque* insignis *primatu* credi debet, tam eo quem *archetypum* diximus, quam altero quem primatum *iurisdictionis*, *efficientemque unitatis* appellavimus.

COROLLARIUM XIII.

155. His vero illustrandis confirmandisque non minimum confert, quod vetustissimi patres similia, immo plane eadem ac iisdem propemodum verbis

iampridem litteris consignarint. *Petri cathedra*, verba sunt Cypriani³², atque *ecclesia principalis*, unde *unitas sacerdotalis exorta est*. Una est ecclesia, inquit³³ idem, a *Christo Domino super Petrum origine unitatis et ratione fundata*. Ac³⁴ rursum: *Petrus, super quem Dominus aedificavit ecclesiam, et unde unitatis originem instituit*. Et alibi³⁵ plenius: *Quamvis apostolis post resurrectionem suam parem potestatem*³⁶ *tribuat . . . , tamen ut unitatem manifestaret, unitatis eiusdem originem ab uno incipientem sua auctoritate disposuit*. Hoc erant utique et ceteri apostoli, quod fuit Petrus, pari consortio praediti et honoris et potestatis; sed exordium ab unitate proficiscitur, ut ecclesia Christi una monstretur. Duo igitur Cyprianus repetitis sententiis distinguit, hinc quidem *demonstrationem unitatis in Petro*, inde vero *unitatis exordium, originem atque rationem a Petro*. At ex his duobus alterutrum ne solum, an satius utrumque Petro adscribit et vindicat? adscribit prorsus utrumque, ac *demonstrationem primum unitatis*, quam ille in se, qui unus est, veluti archetypus praefigurat: *exordium* deinde atque *unitatis principium*, quam ille utpote *eiusdem origo*, ac totius aedificii *princeps fundamentum* constituit atque conservat. Duplicem itaque Petri primatum, eumque auctoritate Christi iunctum atque consertum Cyprianus affirmat: *primatum archetypum*, quo ecclesiae unitatem in seipso Petrus praemonstrat: ac *primatum originis, caussae atque principii*, quò eandem unitatem format ac sustentat.

Ad quem primatum ista pariter referuntur, quae saeculo IV. ad Sympronianum³⁷ novatianorum sectae addictum Pacianus scripsit: *Ipsa referente Matthaeo paulo superius ad Petrum loquutus est Dominus, ad unum ideo ut unitatem formaret ex uno, mox idipsum*³⁸ *in commune praecipiens*. At si reliquis apostolis mox *idipsum* Christus concessit, quod uni Petro antea promiserat; quo redit eximium eiusdem praemium, quo singularis *ὑπεροχή*? neque illud in discrimen venit, neque haec periclitatur. Etenim mox quidem *idipsum* apostolis reliquis Christus contulit, sed *in commune*, idest, in societate cum Petro, atque indivisa ab eodem unitate: contulit *idipsum* apostolis reliquis, sed ea lege, ut ecclesiae unitas *ex uno Petro*, veluti supremo quodam principio *formaretur*. Quare incolumis manet eiusdem *ὑπεροχή*, qua est, crediturque unitatis causa atque principium: eius vero singulare praemium, eximiaque dignitas inde

³²) Epist. LV.

³³) Epist. LXX.

³⁴) Epist. LXXIII.

³⁵) De unit. Ecclesiae.

³⁶) Unde istud colligit Cyprianus? e verbis Christi Joh. XX. 23—25. Quod igitur scribit, *quamvis apostolis omnibus parem potestatem tribuat*, non ἀπλῶς sed comparate intelligi debet, ac si diceretur: *quamvis apostolorum omnium una eadem-*

que sit potestas, si eorum dumtaxat habeatur ratio, quae Joh. XX. 23—25. leguntur. At quid si praeterea spectentur quae occurrunt Matth. XVI. 18—19, Luc. XXII. 31—33, et Joh. XXI. 15—18? respondet Cyprianus, his *ecclesiasticae unitatis originem ab uno Petro incipientem sua Christum auctoritate disposuisse*.

³⁷) Epist. III. ad Sympronianum.

³⁸) Matth. XVIII. 18.

maxime splendent, quod reliqui cum ipso apostoli consentire, atque arctissimo unitatis vinculo conspirare deberent.

Quod Hieronymus³⁹ tritis omnium ore verbis declaravit, inquires: *Propterea inter duodecim unus eligitur, ut capite constituto*⁴⁰, *schismatis tollatur occasio*. His ἀξιώματα Petri, his eiusdem προστασία luculentissime significatur. Eminent super apostolos Petrus non secus ac *super membra caput*, ac eiusdem primatus *praerogativa est capitis*, in cuius unitate unitas corporis *cernitur*, eo-que ceu principio et caussa, corporis unitas *efficitur*, ac divisio membrorumque dissidia prohibentur. Quae quum secum reputaret Optatus⁴¹, monuit: *Bono unitatis beatum Petrum . . . praeferri apostolis omnibus meruisse*. Ac in Parmenianum disputans non censuit, eum ad incitas redigi validius posse quam his omnino verbis⁴²: *Videndum est quis, et ubi prior cathedram sederit. Si ignoras, disce; si nosti, erubescas; ignorantia tibi adscribi non potest, restat ergo ut noveris . . . Igitur negare non potes scire te in urbe Roma Petro primo cathedram episcopalem esse collatam, in qua sederit omnium apostolorum caput Petrus . . . , in qua una cathedra unitas ab omnibus servaretur; ne ceteri apostoli singulas sibi quisque defenderent: ut iam schismaticus et peccator esset, qui contra singularem cathedram, alteram collocaret*.

Inest itaque Petro *praerogativa capitis*, a quo nemini, quamvis apostolo, quamvis prophetae, quamvis evangelistae, quamvis pastori ac doctore citra crimen schismatis, notamque peccatoris dissidere fas est. Hac praerogativa, atque hoc singulari iure formandae, exigendaeque unitatis primatus eiusdem continetur: hoc iure fit ut ipse omnium ore unitatis origo, centrumque praedicetur: hoc fit ne singuli pastores sibi quique greges defendant: hoc fit ut ecclesia licet catholica atque ubivis diffusa, una tamen sit, unitatemque corporis praeseferat: repeti ex hoc debet, ut⁴³ *episcopatus unus* existat, *cuius a singulis in solidum*, idest, non divisim, neque separatim, sed coniunctim, *pars tenetur*. Quamquam enim⁴⁴ *de fonte uno rivi plurimi defluant, ac numerositas diffusa videatur exundantis copiae largitate, unitas tamen servatur in origine*. Quae origo est Petrus, cuius propterea ecclesia ab Ignatio⁴⁵ dicitur *προκαθήμενη τῆς ἀγάπης, praeposita caritati*, eiusque effectrix concordiae, qua fideles omnes in unicum Christi mysticum corpus coalescunt. *Ad hanc enim ecclesiam*, Irenaeo⁴⁶ teste, *propter potiore principalitatem necesse est*

³⁹) Con. Jovinian. lib. I. n. 26.

⁴³) Sunt haec Cypriani verba in libro de unitate ecclesiae.

⁴⁰) Quo *capitis* elogio quum alibi frequenter in vetustis monumentis, tum praeclearissime in epistola chalcedonensis synodi ad Leonem Petrus ornatur.

⁴⁴) Ex eodem Cypriano, eodemque libro ista quoque desumpta sunt.

⁴⁵) In exordio epistolae ad Romanos.

⁴¹) Con. Parmen. lib. VII. cap. III.

⁴⁶) Adv. Haeres. lib. III. cap. III. Quot vero, quamque mirifica ad vim huius testimonii infringendam protestantes excogi-

⁴²) Lib. II. cap. II.

omnem convenire ecclesiam, hoc est eos, qui sunt undique fideles, in qua semper ab his, qui sunt undique, conservata est ea, quae est ab apostolis traditio. Unde Gregorius nazianzenus de utraque Roma, tam vetere quam nova verba faciens, illius fidem hoc ornat ellogio ⁴⁷:

Ἡ μὲν ἦν ἐκ πλείονος
Καὶ νῦν ἔτι' ἐστὶν εὐδρομος, τὴν ἐσπέραν
Πᾶσαν δέονσα τῷ σωτηρίου λόγῳ,
Καθὼς δίκαιον τὴν πρόεδρον τῶν ὅλων
Ὅλην σέβουσαν τὴν θεοῦ συμφωνίαν.

*Vetus quidem iamdudum
Atque etiam nunc recte currit, Occidentem
Totum* ⁴⁸ *devinciens salutari doctrina,
Quemadmodum par est, ut quae universis* ⁴⁹ *praesidet,
Totam colat Dei* ⁵⁰ *concordiam.*

COROLLARIUM XIV.

156. Ceterum hoc doctrinae caput, quo nullum esse arbitror illustrius, ac nullum ad explicandam primatus Petro collati vim rationemque accommodatius, iis praeclare confirmari intelligo quae ab antiquis patribus, ac mediae supremaeque aetatis scriptoribus consignata litteris saepissime animadverto: *esse Petrum originem ac principium omnis quae in ecclesia est* ⁵¹ *potestatis; ac per eum, in quo plenitudo* ⁵² *residet potestatis, partem illius aliquam in praepositos reliquos dimanare.* Non referam quaecumque omnia ad rem facerent, sed delectu habito iis solum utar quae ad manus sunt, quaeque mihi reliquis insigniora videntur.

E quibus ista primum succurrunt ⁵³ Tertulliani: „Si adhuc clausum putas caelum, memento claves eius heic Dominum Petro, et *per eum* ecclesiae reliquisse.“ Consonat Cyprianus ⁵⁴ inquit: „Petro *primum* Dominus, super quem aedificavit ecclesiam, et unde unitatis originem instituit et ⁵⁵ ostendit, potestatem istam dedit, ut id solveretur in caelis, quod ille solvisset in terris. Et post

tarint; omnium diligentissime Griesbachius et ipse protestans ostendit in brevi commentatione edita Jenae an. 1779. *De potentiore ecclesiae romanae principalitate.*

⁴⁷) Carm. de vita sua vv. 571. seqq.

⁴⁸) Pleraeque enim Orientis ecclesiae ab orthodoxa fide desciverant.

⁴⁹) Non Occidentis solum, verum etiam Orientis ecclesiis.

⁵⁰) Trinitatem, puto, significat substantialiorem.

⁵¹) Cf. Cardinalem Orsi, *De irrefor-*

mabili romani pontificis in definiendis fidei controversiis iudicio, T. I. P. II. Lib. II. cap. XII. artt. I—II.

⁵²) Cf. Cardinalis Gerdilii opusculum IV. ad hierarchicam ecclesiae constitutionem pertinens, inscriptumque: *De consecrariis nonnullis insignibus apostolici principatus in romana sede vigentis.*

⁵³) Scorpiac. cap. X.

⁵⁴) De unit. ecclesiae, et epist. LXXIII.

⁵⁵) Simul enim et *principium* et *paradigma* unitatis Petrum constituit.

resurrectionem quoque ad apostolos loquitur dicens, *sicut misit me Pater, et ego mitto vos.*“ Tertius accedit eiusdem africanae ecclesiae testis nobilissimus Optatus ⁵⁶ his verbis: „Bono unitatis beatus Petrus . . . et praeferrī apostolis omnibus meruit, et claves regni caelorum *communicandas ceteris* solus accepit.“ Mirum ergo videri non debet quod Augustinus ⁵⁷ non aliunde quam e Petri cathedra *culmen auctoritatis* in ecclesiam catholicam derivaverit, scribens: „Et dubitabimus nos eius ecclesiae condere gremio, quae usque ad confessionem generis humani *ab apostolica* ⁵⁸ *sede* per successiones episcoporum, frustra haereticis circumlatrantibus . . . , *culmen auctoritatis obtinuit?*“

Sequitur nyssenus Gregorius, cuius ista sunt ⁵⁹ disertissima verba: „*Per Petrum* episcopis Christus dedit claves caelestium honorum.“ Neque aliter Siricius ac Innocentius, quorum ille ⁶⁰ ait: „Cum in unum plurimi fratres convenissemus ad sancti Petri apostoli reliquias, *per quem* et apostolatus et episcopatus in Christo coepit exordium.“ Innocentius vero ⁶¹ scribit: „Incipiamus igitur adiuvante sancto apostolo Petro, *per quem* et apostolatus et episcopatus in Christo coepit exordium.“ Quibus sunt ista simillima ad episcopos carthaginiensis concilii, quum eos inde laudat quod sua ad ipsum decreta referentes et *antiquae traditionis exempla servaverint*, et ⁶² sibi compertum esse ostenderit, „quid Petri sedi debeatur, *a quo* ipse episcopatus et tota auctoritas nominis huius emerit.“ Unde arelatensis Caesarius ita Symmachum ⁶³ alloquutus est: „Sicut *a persona* beati Petri apostoli episcopatus initium, ita necesse est ut disciplinis competentibus Sanctitas Vestra singulis ecclesiis, quid observare debeant, evidenter ostendat.“

Ab his vero ne levissime quidem dissident sive ista ⁶⁴ Bonifacii: „Institutio universalis nascentis ecclesiae *de beati Petri* sumpsit *honore* principium, in quo regimen eius et summa consistit; *ex eius* enim ecclesiastica disciplina *per omnes ecclesias*, religionis iam crescente cultura, *fonte* manavit.“ Sive ista ⁶⁵ magni Leonis: „Si quid divina dignatio cum eo (Petro) commune ⁶⁶ ceteris voluit esse principibus, numquam *nisi per ipsum* dedit quidquid aliis non negavit.“ Et de charismate praedicandae veritatis subdit ⁶⁷: Huius muneris sacramentum ita Dominus ad omnium apostolorum officium pertinere voluit, ut

⁵⁶) Con. Parmen. lib. VII. cap. III.

⁵⁷) De utilit. credendi, cap. XVII. n. 35.

⁵⁸) Quae propterea non ideo solum *apostolica* dicitur, quod fuerit ab apostolis instituta, verum etiam quod *plenitudine apostolicae auctoritatis* excellat.

⁵⁹) Orat. adv. eos qui reprehensiones aegre ferunt.

⁶⁰) Epist. ad episcopos Africae.

⁶¹) Epist. II. ad Victricium rothomagensem. n. 2.

⁶²) Cf. Petri Coustantii admonitionem in epist. XXVI. Innocentii.

⁶³) Apud Labbé, T. V. pag. 424.

⁶⁴) Epist. XIV.

⁶⁵) Serm. IV. in anniv. Assumpt. suae, cap. II.

⁶⁶) Praemiseraat enim: *Quum multa solus Petrus acceperit, nihil in quemquam nisi ipsius participatione transivit.*

⁶⁷) Epist. X. ad episcopos Prov. Vienn. cap. I.

in beatissimo Petro apostolorum summo ⁶⁸ *principaliter* collocarit, et *ab ipso*, quasi quodam capite, dona sua velit in corpus omne manare.⁶⁶

Ad quam Christi dispositionem certissime Felix III. spectavit, quum ⁶⁹ de omnibus generatim ⁷⁰ praesulibus scripsit: „Qui in sacerdotii perhibentur pro-
fecti officium, optant *inde* (e cathedra nimirum Petri) *fulciri*, unde Christo cu-
piente, *profluit cunctorum gratia plena pontificum*.“ Sane, uti auctor est ⁷¹
Gelasius: „*Per primam* beatissimi Petri *sedem* omnium sacerdotum dignitas
semper est roborata atque firmata.“ Hinc „maiores nostri, reverendi illi eccle-
siarum magistri, ad sedem quam princeps apostolorum sederat Petrus, sui sacer-
dotii sumpta principia, repleti Christi caritate mittebant, suae *inde* soliditatis
gravissima firmitatis roboramenta poscentes. Ut per hanc gratiam omnibus ap-
pareat, vere *unam* esse per omnia et indissolubilem Christi ecclesiam . . . :
ut *una* monstraretur compago corporis Christi, quae *ad unum caput* gloriosis-
sima dilectionis societate concurreret.“

Mitto reliqua, ac nominatim mitto Gregorii IV. ⁷² et Stephani V. ⁷³ testi-
monia, diserta synodorum pistensis ⁷⁴ ac rhemensis ⁷⁵ decreta, praeclarissimasque
Gaudentii ⁷⁶, Stephani larissensis ⁷⁷, Johannis ravennatensis ⁷⁸, Isidori hispalen-
sis ⁷⁹, Alcuini ⁸⁰, Thomae ⁸¹, Gersonis ⁸² ac Petri alliacensis ⁸³ sententias, iisque
modum citandis testibus pono, quae Cardinalis Petrus Bertrandus ⁸⁴ de ratione
ecclesiasticae potestatis affirmavit, inquiens: „Origo huius potestatis fuit a Deo
immediate, videlicet a Christo tradente eam certae personae, scilicet Petro, pro
se et suis successoribus, *a quibus derivatur in alios*.“

157. Verum quae his omnibus subest germana significatio, quidve sibi
volunt christiani doctores Tertullianus, Optatus, Nyssenus, Siricius, Innocentius,
Bonifacius, Leo, Caesarius aut cum Isidoro ⁸⁵ tradentes *in novo testamento post
Christum sacerdotalem ordinem a Petro apostolo coepisse, quum ipsi primus*

⁶⁸) Totidem verbis ista repetit, suo-
que suffragio confirmat Alcuinus, vel alius
quicumque sit auctor libri de divinis of-
ficiis, cap. XIX.

⁶⁹) Epist. XII. ad Zenonem impera-
torem.

⁷⁰) Paulo ante laudaverat constantino-
politanum antistitem, quod *ad beati Petri
apostoli sedem suae referret dignitatis
exordium*.

⁷¹) Epist. XIV. apud Labbé, T. IV.
pag. 1215.

⁷²) Epist. I. ad universos episcopos,
apud Labbé, Tom. VII. pag. 1571.

⁷³) Epist. ad Basilium imperatorem,
apud Labbé, T. IX. pag. 366.

⁷⁴) Apud Labbé, T. VIII. pag. 1536.

⁷⁵) Ibid. T. IX. pag. 481.

⁷⁶) Serm. in prima die Ordinatio. suae.

⁷⁷) In libello ad Bonifacium II. apud
Labbé, T. IV. pag. 1692.

⁷⁸) Inter epist. s. Gregorii, epist. LVII.
lib. III.

⁷⁹) Epist. ad Eugenium episcop. to-
letan.

⁸⁰) De div. officiis, cap. XIX.

⁸¹) Con. Gent. lib. IV. cap. LXXVI.

⁸²) De statibus Ecclesiae, Considerat. I,
et de Auferibilitate Papae, Consid. VIII.

⁸³) De auctorit. Eccles. Part. I. cap. I.

⁸⁴) De origine et usu iurisdictionum.

⁸⁵) De officiis ecclesiast. lib. II. cap. V.

datus sit pontificatus in ecclesia Christi; aut cum Johanne ravennatensi ⁸⁶ affirmantes *e sede Petri universali ecclesiae iura sua transmitti*? Dubio procul hoc sibi volunt quod verba exprimunt, quod ipsa quoque evangelii ⁸⁷ demonstrat historia, *Petro omnium primo* supremam ecclesiae auctoritatem et promissam a Christo fuisse et tributam. E quo illius prodit *ὑπεροχή*, qua est, ac episcoporum pastorumque omnium *tempore primus* nominatur.

Neque huc tamen vel totam vel potiore Petri excellentiam redire, quum Scripturae persuadent, quarum certam exploratamque sententiam hactenus vindicavimus, tum ea ostendunt quae cum priore illa dignitate ecclesiastici scriptores nexa copulataque docent. Et re sane vera quid est quod ex ea primum colligendo deducunt? deducit ⁸⁸ Augustinus, propterea in Petro *culmen auctoritatis* resedissee, eumque esse *Petri principatum qui cuilibet episcopatui longe praeferri debeat*: deducit ⁸⁹ Bonifacius, *regimen ecclesiae, eiusque summam* ad Petrum maxime pertinere: deducit ⁹⁰ Leo, gubernandi auctoritatem Petro *principaliter* fuisse collatam, atque opus ideo esse, *ut ad unam Petri sedem universalis ecclesiae cura per institutos in singulis provinciis episcopos confluat, et nihil usquam a suo capite dissideat*: deducit ⁹¹ Bernardus, *plenitudinem potestatis super universas orbis ecclesias singulari praerogativa apostolicae sedi donatam esse, nec posse quemquam huic potestati resistere, quin Dei ordinationi resistat*: deducit tandem ⁹² Theodorus studita, orthodoxorum neminem aliquando negasse, Petri sedem et consulendam esse prae ceteris et audiendam.

158. Quam summam, plenamque Petri auctoritatem iis exornare pergunt imaginibus, ut nullum de illius praerogativis ambigendi locum fecisse reliquum videantur. Ac sollemnis enimvero apud eos est imago *capitis*, qua quum Optatus, Leo, alique plures quos identidem commemoravimus, tum Chrysostomus ⁹³, atque Isidorus ⁹⁴ utuntur. Quid autem ea significant, quamve Petri dotem expressam velint, Isidorus ⁹⁵ inprimis declarat monens: „Petrus ita praeceminere ceteris, ut qui debitam ei non exhibeat reverenter obedientiam, *a capite se iunctus acephalorum schismati se reddat obnoxium*.“ Declarant deinde Felix III. ac Gelasius, et cum iis Julius ⁹⁶, Leo ⁹⁷, Socrates ⁹⁸, Sozomenus ⁹⁹, Epiphanius

⁸⁶) I. c.

⁸⁷) Perspicuum hoc est collatis mutuo locis, quibus Christus vel promisit vel apostolis auctoritatem tribuit.

⁸⁸) Epist. XLIII. n. 7.

⁸⁹) Epist. XIV.

⁹⁰) I. c.

⁹¹) Epist. CXXXI. ad Mediolanenses, et epist. CXCVIII. ad Innocentium II.

⁹²) Epist. ad Leonem Sacellarium.

⁹³) In Matth. hom. LV.

⁹⁴) Epist. ad Eugenium toletanum ac in altera rursum ad Claudium Ducem.

⁹⁵) I. c.

⁹⁶) Epist. ad Orientales in causa Athanasii, n. 22.

⁹⁷) Epist. ad episcopos per provinciam viennensem constitutos.

⁹⁸) H. E. lib. II. capp. VIII — XIII — XVII.

⁹⁹) H. E. lib. III. capp. III — X.

diaconus ¹⁰⁰, Macedonius constantinopolitanus ¹⁰¹, auctor ¹⁰² vitae sancti Pauli constantinopolitani, Stephanus byzantinus ¹⁰³ in vita sancti Stephani iunioris, Nicephorus ¹⁰⁴ patriarcha constantinopolitanus, patres chalcedonenses ¹⁰⁵ et qui ¹⁰⁶ ad septimam synodum convenere, quorum una vox est ac sententia unanimis: *Quidquid in ecclesia ratum fixumque est, id robur suum, supremamque firmitatem e Petri auctoritate, suffragioque mutuari: nefas propterea esse quidquam in ecclesia statuere Petro non annuente, utpote qui sortitus a Christo sit κατὰ τὴν ἱερωσύνην ἐξάραχεν*. Quare Innocentius ¹⁰⁷ occasionem laudandi Felicis nuceriani antistitis inde sumit, „quod institutis maiorum adhaeserit, *omniaque* quae possent aliquam recipere dubitationem, ad ipsum, quasi *ad caput* atque *ad apicem* ¹⁰⁸ *episcopatus* retulerit, ut consulta videlicet sedes apostolica ex ipsis rebus dubiis *certum aliquid* faciendum pronunciet.“

Eadem perspicuitate quo spectet *capitis* dignitas propria Petri, ii declarant antistites sive quos Theodoricus in romanam synodum collegit, ut excitatas propter Symmachum turbas sedarent, sive quos in caussa non absimili Leonis III. Carolus magnus convocavit. Illis enim nihil antiquius fuit, quam ¹⁰⁹ apertis disertisque verbis Theodorico edicere: „Eum ipsum Pontificem, qui dicebatur impetitus, *debuisset* synodum convocare, scientes quia eius sedi primum Petri apostoli *meritum* vel *principatus*, deinde sequuta iussionem Domini ¹¹⁰ conciliorum venerandorum auctoritas ei *singularem in ecclesiis tradidit potestatem*; nec antedictae sedis antistitem *minorum subiacuisse iudicio*, in propositione simili, facile forma aliqua testaretur.“ Archiepiscopi vero, episcopi et abbates, quibus excutiendam Leonis causam Carolus proposuerat, unanimis ¹¹¹ exclamarunt: „Nos sedem apostolicam, *quae est caput omnium Dei ecclesiarum, iudicare non audemus*. Nam ab ipsa *nos omnes*, et vicario suo iudicamur. *Ipsa autem a nemine iudicatur*, quemadmodum et *antiquitus* mos fuit.“

Cuius antiqui et apostolici plane moris testis est gravissimus Gelasius, qui ¹¹² obtrektoribus nescio quibus omnem conviciandi facultatem praeripuit scribens: „Nobis opponunt canones, dum nesciunt quid loquantur. Contra quos hoc ipso venire se produnt, quod *primae sedi* sana rectaque suadenti parere fugiunt. Ipsi sunt canones, qui *appellationes totius ecclesiae ad huius sedis examen*

¹⁰⁰) Hist. Tripart. lib. IV. cap. IX.

¹⁰¹) Apud Theodorum Lectorem, lib. II.

¹⁰²) Apud Allatium con. Hottingerum, pag. 459.

¹⁰³) Similia habentur in eiusdem martyris vita apud Metaphrasten.

¹⁰⁴) Antirrhetic. I. adversus Iconoclastas, cap. XXV.

¹⁰⁵) Epist. ad Leonem.

¹⁰⁶) Cf. Lequienii Panopliam con. schisma Graecorum, cap. III. §§. I. seqq.

¹⁰⁷) Epist. IV.

¹⁰⁸) Sicut enim episcopatus *apex* dicitur *sacerdotii*, ita primatus Petri *apex* vocatur *episcopatus*.

¹⁰⁹) Apud Labbé, T. V. pag. 458.

¹¹⁰) Non igitur ecclesiasticae ordinationis, sed plane divinae ea est suprema auctoritas, qua Petri successores potiuntur.

¹¹¹) Apud Labbé, T. IX. pag. 226.

¹¹²) Epist. IV. ad Faustum, quae *Com-monitorii* quoque titulum praefert.

voluere deferri. Ab ipsa vero nusquam prorsus appellari debere sanxerunt: ac per hoc illam de tota ecclesia iudicare, ipsam ad nullius commeare iudicium, sententiamque illius constituerunt non oportere dissolvi, cuius potius decreta sequenda mandarunt. . . . Quapropter non veremur, ne apostolica sententia resolvatur, quam et vox Christi, et maiorum traditio, et canonum fulcit auctoritas. Sed cogitent magis, si quis in eis est religionis sensus, ne pravitatem suam nullatenus deponentes, apud Deum hominesque sedis apostolicae perpetua constitutione damnentur.“ Ut enim gallicanorum patrum nomine, atque e recepta apud omnes fide Avitus viennensis ¹¹³ ad Urbis senatores scripsit: „Sentire se in lacessito *vertice* (qua metaphora Symmachum Petri successorem designabant) statum suum nutare: nulla lege, nulla ratione intelligi *ab inferioribus eminentiorem* iudicari: in sacerdotibus ceteris posse quidem, si quid forte nutaverit, reformari: at si papa Urbis vocetur in dubium, *episcopatum* iam videri, *non episcopum* vacillare: redditurum suae dispensationis rationem, *qui ovili dominico praeest*; ceterum *gregis non esse pastorem proprium* terrere, sed iudicis.“

Puto autem ad vim potestatemque declarandam *dignitati capitis* insitam non minus splendide conducere quae Maximus ¹¹⁴ egregius monothelitarum debellator de partibus scribit, quas Pyrrhus constantinopolitanus antistes explere deberet, inquit: „Festinet *prae omnibus* sedi romanae satisfacere. Hac enim satisfacta, communiter ubique omnes ¹¹⁵ pium hunc et orthodoxum praedicabunt. Si enim alios quidem satisfaciendos ducit, et beatissimum romanum papam nequaquam implorat, simile quiddam agit ei, qui forte homicidii vel alterius cuiusdam criminis redarguatur, et insontem se non ei, qui secundum leges iudicandi iura sortitus est, exhibere festinat; sed tantum inutiliter et sine lucro aliis, privatisque hominibus munditiam monstrare sui satagit actus, qui nullam habent ipsum solvendi a crimine potestatem.“ Hanc vero se purgandi normam ideo Maximus Pyrrho praefinit: „Quod apostolica sedes ab ipso incarnato Dei Verbo, sed et omnibus sanctis synodis, secundum sacros canones, universarum, quae in toto terrarum orbe sunt, ecclesiarum *in omnibus et per omnia percepit et habet imperium, auctoritatem et potestatem ligandi atque solvendi.*“

159. Imaginibus *capitis, apicis, verticis*, quibus summam cumulatamque auctoritatis plenitudinem Petro tributam christiani doctores expresserunt, alteram subiiciunt, qua illum insignem *principatu episcopatus, clavoque dominicae navis praefectum* ¹¹⁶ repraesentant. Ac prior quidem in epistola occurrit Valentiniani Augusti ad Theodosium, in qua pro communi ac ubivis vulgata orthodoxorum persuasione scribit: „Quam fidem nos a nostris maioribus traditam debemus

¹¹³) Digna foret haec epistola, quae tota describeretur.

¹¹⁴) Epist. ad Petrum Illustrem.

¹¹⁵) Quia, ut Irenaeus loquitur, omnes qui sunt undique, ad hanc convenient oportet,

atque unam cum hac fidem profiteantur.

¹¹⁶) Non desunt vetustissima christiana monimenta, in quibus haec ipsa imago picta, sculptave occurrit.

cum omni competenti devotione defendere, *et dignitatem propriae venerationis* beato Petro apostolo intemeratam, et in nostris etiam temporibus conservare: *quatenus* beatissimus romanae civitatis episcopus (utpote Petri in auctoritate successor), cui *principatum sacerdotii super omnes* antiquitas contulit, locum habeat et facultatem *de fide et sacerdotibus* iudicare.“

Posterioris vero auctor est Damasus, qui orientales episcopos in litteris ad eos datis, ita¹¹⁷ primum affatur: „Quod debitam apostolicae sedi reverentiam exhibet caritas vestra, in eo vobis ipsis plurimum praestatis, *filii carissimi*.“ Tum non sine laude modestiae subdit: „Etsi enim in sancta ecclesia, in qua sanctus apostolus sedens docuit, decet nos *praecepit quodammodo clavum tenere*, quem regendum suscepimus, tamen hoc honore inferiores nos esse profiteamur.“ Puto autem neminem adeo perversum futurum interpretem qui inficias ire ausit, vel plenam hisce Petri auctoritatem ostendi, vel eam ut consortii expertem, ac nulli praeterea concessam describi.

160. Quod quidem ut vehementius inculcent, et quoad eius fieri potest, evidentius explanent, alia patres similia cumulant, ac modo Petri cathedram cum Cypriano¹¹⁸ vocant *radicem* atque *matricem*, et modo cum Innocentio¹¹⁹, Bonifacio¹²⁰, Felice III¹²¹, gallicanis episcopis¹²², africanisque conciliis¹²³ illam titulo *fontisque* appellatione cohonestant. Egregia sunt quae habentur¹²⁴ in epistola trium conciliorum, Numidia, Byzaceniae et Mauritaniae lecta in lateranensi synodo sub Martino I, quamque patres his verbis auspicantur: „Domino beatissimo, apostolico *culmine* sublimato, sancto *patri patrum* Theodoro papae, et *summo* omnium praesulum pontifici.“ Hoc enim praestituto exordio, subdunt: „Antiquis regulis sancitum est, ut *quidquid* quamvis in remotis vel longinquis positus ageretur provinciis, non prius tractandum vel accipiendum sit, nisi ad notitiam almae sedis vestrae fuisset deductum, *ut huius auctoritate* iusta quae fuisset pronuntiatio *firmaretur*, indeque sumerent *ceterae ecclesiae velut de natali suo fonte* praedicationis exordium, et per diversas totius mundi regiones puritatis incorruptae maneant fidei sacramenta salutis.“

161. Ut vero hanc *fontis* allegoriam expoliant, subiectamque eidem significationem enucleatius patres edisserant, initio animadvertunt: *Petri cathedram esse catholicae requiem communionis, ac eiusdem tutissimum portum*. His namque verbis de Athanasio Caelestinus¹²⁵ scribit: „Fugatus illinc, in nostris

¹¹⁷) Praetermitti non debet, orientales episcopos a Damaso *filiorum* nomine appellari.

¹¹⁸) Quae huc faciunt testimonia, non semel protulimus.

¹¹⁹) Epist. ad milevitanos patres.

¹²⁰) Epist. XIV.

¹²¹) Epist. XII.

¹²²) Epist. synodica ad Leonem I.

¹²³) Cf. datas ad Innocentium I. litteras, itemque eas, quas e Sardiniae exilio ad Johannem et Venerium scripsere.

¹²⁴) Epistola nomen praefert Theodori Pontificis, sed eo vita functo, ad Martinum successorem devenit.

¹²⁵) Epist. ad Clerum et Populum constantinop. n. 7.

partibus recreatus est. Denique hic ei redintegratus est status, et *in hac sede requiem communionis* invenit, in qua semper *catholicis* subvenitur.“ Ante Caelestinum vero de eodem Athanasio, deque eius successore Petro Hieronymus ¹²⁶ scripserat: „Alexandrini sacerdotes, papa Athanasius, et postea Petrus persecutionem arianæ hæreseos declinantes, *quasi ad tutissimum communionis suæ portum* Romam confugerunt.“

Animadvertunt deinde, tanti propterea faciendam esse cum Petri cathedra societatem, quod I. aliunde iura catholice communionis expectari non debeant: quodque II. eiusdem consequutione ipsa catholice communionis consequutio certissime comprehendatur. Illud totidem verbis tradit ¹²⁷ Ambrosius, quum de romana ecclesia, quam *totius orbis romani caput* appellat, inquit: *inde enim in omnes venerandæ communionis iura dimanant.* Tradit Hieronymus ¹²⁸ ad Damasum scribens: „Ego nullum primum nisi Christum sequens, Beatitudini tuæ, idest cathedrae Petri, *communione* consocior. Super illam petram aedificatam ecclesiam scio. Quicumque *extra* hanc domum agnum comederit, *profanus* est.“ Et mox de tribus pro antiochena sede contententibus addit: „Non novi Vitalem, Meletium respuo, ignoro Paulinum. Quicumque *tecum* non colligit, *spargit.*“ Tradit alexandrinus Cyrillus, qui de communione cum Nestorio vel excindenda radicitus vel adhuc retinenda, ita Caelestinum alloquitur ¹²⁹: „Non *prius* autem illius communionem palam aperteque deserimus, *quam* hæc ipsa pietati tuæ indicaremus. Digneris proinde quid sentias *praescribere* ¹³⁰, quo liquido nobis constet *communicare* ne nos cum illo *oporteat*, an vero libere eidem denuntiare, *neminem cum eo communicare.*“ Tradit Hormisdas, qui in formula ¹³¹ ab iis subscribenda, qui ad unitatem catholicam ex acaciano schismate redirent, iniungebat ut quisque profiteretur: „Sequestratos a communione ecclesiae catholice, *idest* non consentientes sedi apostolicæ, eorum nomina inter sacra non recitanda esse mysteria.“

Posterius vero caput luculenter docet Augustinus ¹³², quum de Caeciliano, cui universa donatistarum factio adversabatur, affirmat: „Potuisse illum non curare multitudinem conspirantium contra se antistitem, quum se videret *romanae ecclesiae*, in qua semper apostolicæ cathedrae viguit principatus . . . , *per communicatorias litteras esse coniunctum.*“ Docet Maximus dum ¹³³ Pyrrhum adhortatur: „Ut festinet prae omnibus sedi romane satisfacere. Hac enim satisfacta futurum ut eum ubique omnes pium, orthodoxumque prædicarent.“ Docet

¹²⁶) Epist. ad Principiam.

¹²⁷) Epist. ad Gratianum imperatorem, n. 4.

¹²⁸) Epist. XV. n. 2.

¹²⁹) Apud Labbé, T. III. pag. 890.

¹³⁰) Quod profecto non nisi eius est, qui auctoritate poleat. Unde patres ephesi-

sini testantur, se ad damnandum Nestorium accessisse Caelestini litteris *necessario impulsos.*

¹³¹) Cf. eiusdem epistolam ad omnes Hispaniae episcopos.

¹³²) Epist. XLIII. n. 7.

¹³³) Epist. ad Petrum Illustrem.

Hieronymus, dum ¹³⁴ hac Rufinum interrogatione percellit: „Fidem suam quam vocat? eamne qua *romana* pollet *ecclesia*, an illa quae in Origenis voluminibus continetur? si *romanam* responderit, *ergo catholici* sumus.“ Docet amplissima disputatione ¹³⁵ Optatus, qui commemoratis quinque ecclesiae dotibus, ac unitate cathedrae priore loco recensita, infert: „Ergo cathedra *unica* ¹³⁶, quae est prima de dotibus, sedit prior Petrus, cui successit Linus... , Damaso Siricius hodie, qui noster est socius, *cum quo nobis totus orbis* commercio formatarum *in una communionis societate concordat*.“ Ne quam vero elabendi rimam donatistis apertam relinquat, illorumque coetum non minus cathedrae unitate, quam dotibus reliquis carere ostendat; monet „has ita sibi connexas et individuas esse, ut intelligatur una ab altera separari non posse. Etenim numerantur in nomine, sed uno intellectu suo iunguntur in corpore: ut in manu digiti, quos intervallis singulos videmus esse distinctos. Unde qui tenet unum, totos teneat necesse est, cum unusquisque a paribus separari non possit. Adde quod non unam solum, sed omnes proprie possidemus. Igitur de dotibus supra dictis cathedra est prima, *quam probavimus per Petrum nostram* esse,“ quaeque ceteras includit atque complectitur. Post quae oratione ad donatistas conversa: „Intelligite, clamat, vel sero, vos esse filios impios, vos esse ramos fractos ab arbore, vos esse abscissos palmites a vite, vos esse rivum concisum a fonte. Non enim potest esse origo rivus, quia parvus est et non de se nascitur: aut arbor a ramo concidi, quum arbor fundata suis radicibus gaudeat, et ramus si fuerit exsectus, arescat. Jamne vides, frater Parmeniane, iamne sentis, iamne intelligis, te argumentis tuis contra te militasse? cum probatum est, nos esse in ecclesia sancta catholica, apud quos et symbolum Trinitatis ¹³⁷ est: et *per cathedram Petri*, quae nostra est, et *per ipsam ceteras dotes* ¹³⁸ apud nos esse.“

162. Neque fieri sane potuit, ut de primatu Petri, deque insitis eiusdem iuribus aliter arbitrarentur, quibus certum exploratumque erat, idcirco *inter duodecim unum Petrum fuisse delectum, ut capite constituto, quemadmodum*

¹³⁴) Con. Rufin. lib. I. n. 4.

¹³⁵) Con. Parmen. lib. II. pag. 34. edit. Paris. 1679.

¹³⁶) Quemadmodum *unica ecclesia*, atque *unicus episcopatus*, unitate nimirum principii, originis atque centri.

¹³⁷) Dubium esse potest, an *symbolum* vocet heic mysterium, ut aliquando symbolica et mystica confunduntur; an potius synecdochice aut κατ' ἐξοχήν ita vocet apostolorum symbolum, quia Trinitatis mysterium praecipuum est eiusdem argumentum. Malim tamen, inquit Casaubonus,

simpliciter accipere pro fide ac professione, ut *symbolum Trinitatis* nihil aliud sit, quam quod Victor uticensis lib. II. *fidem integram Trinitatis* appellat. Neque ratio est impedita, quum symbolum, fideique summa sibi respondeant. Unde non semel ut synonyma coniunguntur. *De fide et symbolo* se disputasse scribit Augustinus Retract. lib. I. cap. XVII, nec aliter alii loquuntur.

¹³⁸) Ubi enim cathedra est Petri, ibi ecclesia est super Petrum aedificata; nimirum vera est ecclesia, quae non potest a suis dotibus sciungi.

Hieronymus loquitur, *schismatis tolleretur occasio: ut ad unam Petri sedem, quae sunt verba Leonis, universalis ecclesiae cura conflueret, et nihil usquam a suo capite dissideret:* ut, Cypriano auctore, non minus *unus* esset *episcopatus*, quam *una ecclesia*, ac utriusque *unitas ex uno Petro institueretur:* ut, Paciano atque Gelasio testibus, *ecclesiae unitas ex uno formaretur*, atque *in uno ostenderetur:* ut *unica* esset *cathedra*, sicuti Optatus docet, ac *iam schismatici et peccatores haberentur, qui contra singularem cathedram alteram collocarent:* ut denique *unicum* foret *conspicuum conspicui ecclesiastici corporis caput*, contra quod, monente Isidoro, *quisquis procaciter veniret, tamquam haereticus a consortio fidelium omnino decerneretur alienus.* Illius namque *principatus*, ut in litteris ad Hilarum Pontificem ¹³⁹ datis tarraconenses patres testati sunt, *sicut eminet, ita metuendus est ab omnibus et amandus.*

COROLLARIUM XV.

163. Quae quum ita se habeant, obscurum videri non potest, *aut quae sit ratio praerogativarum Petri, aut quae de omnimoda apostolorum aequalitate ferri sententia debeat.*

Ut enim ab ea incipiam enodanda quaestione quam primam posui, manifestum est his veluti caussis Petri praerogativas contineri: I. quod is omnium primus regendae administrandaeque ecclesiae, Christo auctore, potestatem obtinuerit: ac II. potestatem non quamcumque, sed plenam cumulatamque: adeo ut III. et caput, et apex, et vertex, et origo, et radix, et fons catholicae communionis, auctoritatisque ecclesiasticae extiterit: cuius propterea virtute IV. quidquid ad ecclesiae regimen pertinet, stabiliretur: cui V. nemo obniti, nemo refragari posset: de quo VI. nemini fas esset iudicare: et cum quo VII. omnes sive pastores sive greges unitatem societatemque custodirent: qua unitate, societatisque commercio fieret VIII, ut *in Petro una ecclesia, unus episcopatus ostenderetur;* ac *per Petrum tam ecclesiae quam episcopatus unitas formaretur.*

At vero profectae ex hisce caussis praerogativae eam Petri *ὑπεροχήν*, eamque dignitatem constituunt, cuius ratio hisce maxime notis distinguitur: I. nota *temporis*, siquidem Petrus omnium primus ecclesiastici regiminis auctoritatem acceperit: II. nota *plenae cumulataeque* auctoritatis: III. nota auctoritatis *independentis*, et e qua reliquorum omnium iura *penderent*; neutrum enim denegari illi potest, e quo omnes robur, firmitatemque mutuuntur, e quo in omnes venerandae communionis iura dimanant, quemque Christus omnibus ut caput, verticem, apicem, fontemque praefecit: IV. nota *primatus archetypi*, siquidem consilium Christi fuerit ut *in uno Petro ecclesiae unitas monstraretur:* ac nota demum V. *primatus iurisdictionis*, siquidem voluerit Christus ut *per unum Petrum ecclesiae unitas efficeretur, schismatis tolleretur occasio*, ac nemo sui mystici corporis particeps censeretur, qui illius auctoritati resisteret.

¹³⁹) Extat inter Hilari epistolas apud Coustant.

Testificor coram Deo et hominibus, scribebat¹⁴⁰ de iconomachis Theodorus studita, *ἐαυτοὺς ἀπέθρηξάν τοῦ σώματος τοῦ Χριστοῦ, τοῦ κορυφαίου θρόνου, ἐν ᾧ ὁ Χριστὸς ἔθετο τὰς κλεῖς τῆς πίστεως, ἧς οὐ κατισχύσαν ἀπ' αἰῶνος, οὐδ' ἂν κατισχύσωσι μέχρι συντελείας πύλαι ἔδου, seipsos abstraxere a corpore Christi, a throno principe, in quo Christus fidei claves posuit, adversus quam nec umquam praevaluerunt, nec ad finem usque mundi portae inferi praevalerunt. Datis namque¹⁴¹ Petro clavibus, illi subinde Christus concessit ποιμνιαρχίας ἀξίωμα pastoralis principatus dignitatem, ac ut esset ἀρχιποιμήν, κεφαλή τῶν ὄλων κεφαλῶν, pastor supremus, capitum omnium caput. Quare nobis esse cordi vehementissime debet¹⁴², ἐνωθῆναι τῇ κορυφῇ τῶν ἐκκλησιῶν τοῦ Θεοῦ Πατρὸς, καὶ δι' αὐτῆς τοῖς τρισὶ πατριάρχαις, ut Romae ecclesiarum vertici uniamur, ac per eam tribus patriarchis.*

164. Haec autem abunde sufficiunt, ut alterum quaestionis caput *de omni-modi apostolorum aequalitate* diremtum videatur. Neque enim admitti eiusmodi aequalitas potest, quin Petri ἀξίωμα, eiusque ὑπεροχή qua omnes obnoxios habuerit, denegetur. Utrumque vero Scripturae, et Scripturarum interpretes orthodoxi patres evidentibus illi sentiētiis adscribunt. Omnimoda igitur apostolorum aequalitas iis accenseri erroribus debet, qui Scripturarum suffragio, orthodoxi nominis consensione refelluntur.

Et sane qui illam defenderunt olim, aut etiamnum defendere pergunt, ne satis quidem ad ea animum advertisse videntur, quae evangelica historia luculentissime tradit. Ut enim¹⁴³ duos supra septuaginta discipulos tacitus praeteream, consignatum in evangeliiis legimus: I. ex eorum¹⁴⁴ numero qui illum sequebantur, Christum *duodecim* secrevisse, illisque *apostoli nomen, dignitatem, auctoritatemque*¹⁴⁵ contulisse: tum vero II. inter ipsos¹⁴⁶ duodecim *unum* elevisse *Petrum*, illumque *petrae titulo, fundamenti dignitate, et proprio clavigeri iure* exornasse.

Quorsum porro haec? aut quo Christus hac duplici secretionē spectavit? si facta, uti par est, accipere ac interpretari velimus, profecto intelligemus: I. non minus *apostolorum delectu* eo spectasse Christum, ut fidelium coetum *inaequalem* redderet; quam *Petri delectu*, ut *novam ipsos inter apostolos inaequalitatem* induceret: neque minus II. apostolorum delectu eo spectasse, ut *auctoritas regendae ecclesiae ad duodecim revocaretur*, quam delectu Petri, ut *eiusdem summa, apex et plenitudo ad unum rediret*.

¹⁴⁰) Epist. ad Naucratiū.

¹⁴¹) Epist. ad Paschalem Pontificem.

¹⁴²) Epist. ad Michaelē Traulum imperatorem.

¹⁴³) Luc. X. 1.

¹⁴⁴) Luc. VI. 13—17. coll. Marc. III. 13—19, Matth. X. 1—4.

¹⁴⁵) Quoties enim de potestate aut promissa aut collata in evangeliiis sermo est, non alii quam apostoli memorantur.

¹⁴⁶) Matth. XVI. 18—19, Luc. XXII. 31—33, Joh. XXI. 15—18.

COROLLARIUM XVI.

165. Ex his autem pronum est statuere, an eam regendae ecclesiae *formam* Christus instituerit, quam ¹⁴⁷ ἀριστοκρατικὴν nuncupant. Ac plurimos omnino esse, illosque e protestantium ¹⁴⁸ numero qui id et doceant et contendant, probari argumentis non debet, quum certissimis constet testimoniis. Quibus tamen ne fidamus, brevi eaque decretoria ratione perficitur. Natura enim ac propemodum οὐσία aristocraticae formae sita in eo est, ut qui praesunt optimates, remque publicam moderantur, *aequali iure* praesint, nulloque auctoritatis, potestatisque discrimine secernantur. Quamquam enim aristocratica forma non quodvis excludat discrimen, et cum *honoris, ordinisque gradibus* non aegre componatur; componi tamen cum discrimine *iurisdictionis* non potest, eoque inducto, periclitatur et interit. Induxit vero Christus *iurisdictionis discrimen*, neque *honore* solum atque *ordine*, sed *iure* etiam ac *potestate* apostolis reliquis Petrum anteposuit. Ea igitur est regendae ecclesiae forma a Christo praefinita, quae censi aristocratica nequit.

COROLLARIUM XVII.

166. Immo quae dici *monarchica* debet, si sepositis verborum contentionibus de ipsa re serio, prudenterque disputetur. Neque enim ea mihi est *monarchica forma*, qua qui rei communi praeest, *vel nullis obnoxius est legibus, vel pro arbitrio* ¹⁴⁹ iubet ac prohibet, *vel omnia solus administrat, vel alios in administratione socios non habet, quam quos ipse sponte delegerit, et quibus partem aliquam suae auctoritatis delegaverit*; sed ea mihi est monarchica forma, qua reipublicae praefectus I. auctoritatis plenitudine gaudet: II. magistratus reliquos habet obnoxios: III. iudicare ipse omnes potest, a nemine contra iudicari: et cum quo IV. si qui non consentiant, illico rebelles, ipsoque iure laesae maiestatis rei, et a corpore societatis avulsi existimentur. Fac enim ista simul conspirent, atque in unum eundemque hominem concurrant: nihil profecto eorum desiderabis, quibus *μοναρχίαν* contineri quum veteres ¹⁵⁰, tum recentiores ¹⁵¹ rerum publicarum tractatores affirmant et probant.

Atqui effecit revera Christus, ut haec omnia atque singula in unum Petrum

¹⁴⁷) Cf. Petavium, De Ecclesiast. Hierarch. lib. III. cap. XV.

¹⁴⁸) Hos recensent Franciscus Buddaeus in Diss. de orig. et potest. episcoporum, itemque in Isagoge historico-theologica, lib. II. cap. IV, et Salomon Deilingius, Miscellan. Sacror. Part. IV. Exercit. VI.

¹⁴⁹) Neque enim nulli sunt, qui ista confingant. At nobis verissima sunt quae

Claudianus scribit in II. Consulat. Stilicon. vv. 113. seqq.:

„Fallitur, egregio quisquis sub principe credit
„Servitium. Numquam libertas gratior extat,
„Quam sub rege pio.“

¹⁵⁰) Cf. Aristot. Politic. lib. III. capp. VI—XI.

¹⁵¹) Cf. Grotium, De iure belli et pacis, lib. I. cap. III.

concurrerent, *quem plenitudine auctoritatis instruxit, cui pastores omnes, gregesque subiecit, quem supremum iudicem ordinavit, ac principium fontemque reddidit catholicae unitatis.* Ecclesia igitur, Christo auctore, *μοναρχικῶς* regi, administrarique debet. Unde Johannes Gerso, cuius nimium pro Petri dignitate studium nemo accuset, quemque ipsemet Philippus Melanchthon¹⁵² inter eos numero sane paucissimos recensuit, qui saeculo XV. *pleni essent christiani spiritus*, affirmare¹⁵³ non dubitavit: „Statum papalem institutum esse a Christo supernaturaliter et immediate, tamquam *primatum* habentem *monarchicum et regalem* in ecclesiastica hierarchia, secundum quem *statum unicum et supremum* ecclesia militans dicitur *una* sub Christo: quem *primatum* quisquis impugnare vel diminuire, vel alicui statui ecclesiastico particulari coaequare praesumit, si hoc pertinaciter faciat, *haereticus* est, *schismaticus*, *impius atque sacrilegus*: cadit enim in haeresim toties expresse damnatam a principio nascentis ecclesiae usque hodie, tam *per institutionem* Christi *de principatu Petri super alios apostolos*, quam per traditionem totius ecclesiae in sacris eloquiis suis et generalibus conciliis.“

COROLLARIUM XVIII.

167. Quae dum mecum animo reputeo, videor mihi videre eam a Christo inter apostolos *σχέσιν* fuisse praestitutam, quae ab illa non admodum discederet, qua hypostases divinae trinitatis ad invicem referuntur. Quemadmodum enim divinae hypostases *distinguuntur* illae quidem, neque tamen *separantur*; ita apostoli quamquam *distincti*, nullatenus tamen *sejunguntur*. Quemadmodum *plenitudo divinitatis* in Patre *primum*, ac in Filio *deinde* sanctoque Spiritu intelligitur; ita *plenitudo potestatis* Petro *primum* promissa atque collata, ad apostolos *deinde* reliquos cum eo cohaerentes propagatur. Quemadmodum in Patre *οικονομία* divinarum personarum *ἀνακεφαλαιοῦται*, et ad *μοναρχίαν* revocatur; ita in Petro *summa* contrahitur ecclesiasticae potestatis, quae propter coniunctionem cum ipso *una* est in omnibus, sicut *una* est ecclesia ac *unus* episcopatus. Quemadmodum denique *ἀξίωμα* est Patris, ut *παράδειγμα* sit, *ἀρχή, πηγή καὶ ῥίζα* unitatis in trinitate; ita *ἀξίωμα* est Petri, ut *archetypus* sit, *principium, fons* ac *radix unitatis in regno Dei*, quod est ecclesia.

168. Ac ne cui audentius quam par foret, eiusmodi comparatio instituta videatur; operae pretium fore arbitror verba referre, quibus suam ad Patrem orationem pro apostolis primum, ac pro fidelibus mox universis Christus concepit. Pro apostolis igitur his omnino verbis Patrem¹⁵⁴ exoravit: *Πάτερ ἄγιε, τήρησον αὐτοὺς ἐν τῷ ὀνόματί σου, ᾧ¹⁵⁵ δέδωκάς μοι, ἵνα ᾧσιν ἐν καθώς*

¹⁵²) In apologia pro Luthero adversus furiosum parisiensium theologastrorum decretum. Sic ille, urbane profecto ac modeste.

¹⁵³) De Stat. Eccles. Consid. I.

¹⁵⁴) Joh. XVII. 11.

¹⁵⁵) Vulgatus, *quos, οὓς.*

ἡμεῖς. *Pater sancte, serra eos in nomine tuo, quo mihi dedisti, ut sint unum sicuti*¹⁵⁶ *nos. Pro fidelibus vero omnibus subiecit*¹⁵⁷: Οὐ περὶ τούτων δὲ ἐρωτῶ μόνον, ἀλλὰ καὶ περὶ τῶν¹⁵⁸ πιστευόντων διὰ τοῦ λόγου αὐτῶν εἰς ἐμέ· ἵνα πάντες ἐν ᾧσι· καθὼς σύ, πάτερ, ἐν ἐμοί, καὶ γὰρ ἐν σοί, ἵνα καὶ αὐτοὶ ἐν ἡμῖν ἐν ᾧσιν· ἵνα ὁ κόσμος πιστεύσῃ, ὅτι σύ με ἀπέστειλας. Καὶ ἐγὼ τὴν δόξαν ἣν δέδωκάς μοι, δέδωκα αὐτοῖς· ἵνα ᾧσιν ἐν, καθὼς ἡμεῖς ἐν ἐσμεν· ἐγὼ ἐν αὐτοῖς, καὶ σύ ἐν ἐμοί· ἵνα ᾧσι τετελειωμένοι εἰς ἓν, καὶ ἵνα γινώσκῃ ὁ κόσμος, ὅτι σύ με ἀπέστειλας, καὶ ἡγάπησας αὐτούς, καθὼς ἐμὲ ἡγάπησας. *Non solum autem pro eis rogo, verum pro illis etiam qui credunt per verbum eorum, eorumque ministerium in me; ut omnes unum sint; quemadmodum tu Pater in me et ego in te, ipsi quoque*¹⁵⁹ *unum sint in nobis, ut mundus hoc signo edoctus credat, quia tu me misisti. Et ego claritatem quam dedisti mihi, dedi eis, ut sint unum, quemadmodum nos unum sumus; ego in eis et tu in me; ut sint consummati in unum, et perfecta unitate coniuncti, ac ut cognoscat mundus, quod tu me miseris, eosque dilexeris, sicut me dilexisti.*

Postulavit igitur tam pro apostolis, quam pro ecclesia illorum studiis colligenda unitatem concordiamque: illius vim rationemque declaravit: ac exemplar proposuit quod ea referret. Et *vim* quidem *rationemque* declaravit dupliciter, tum I. verbis, ἵνα πάντες ἐν ᾧσιν, et, ἵνα ᾧσι τετελειωμένοι εἰς ἓν, quibus eam fore *arctissimam* ostendit; quum II. verbis, ἵνα ὁ κόσμος πιστεύσῃ, ὅτι σύ με ἀπέστειλας, et, ἵνα γινώσκῃ ὁ κόσμος, ὅτι σύ με ἀπέστειλας, καὶ ἡγάπησας αὐτούς, quibus eam fore *conspiciuam*, utpote *signum argumentumque* quo mundus ad fidem cognitionemque adduceretur, patefecit. *Exemplar* vero, cuius arctissima eademque conspicua apostolorum, fideliumque unitas ἐκτυπος foret, semel ac iterum exhibuit, inquit: καθὼς σύ, πάτερ, ἐν ἐμοί, καὶ γὰρ ἐν σοί: et, καθὼς ἡμεῖς ἐν ἐσμεν. Videlicet paradigma unitatis, quae in apostolis primum, et credentibus deinde omnibus refulgeret, ex unitate deprompsit, qua divinae trinitatis hypostases cohaerent.

Nemo igitur vitio vertere nobis potest, quod eandem illustraturi unitatem *praemonstratam in Petro*, veluti in *archetypo*, ac *ex Petro* tamquam *e propinquo*, *conspicuoque fonte institutam*, ad exemplar nos Trinitatis receperimus, atque adumbrationem ex eo aliquam illius mutui habitus deduxerimus, quo propter ἀξίωμα primatus cum apostolis et ecclesia Petrus, ac apostoli vicissim et ecclesia cum Petro devinciuntur.

¹⁵⁶) De multiplici adverbiorum comparandi potestate, cuiusmodi sunt ὥς, ὡς-περ, καθὼς, οὕτως, videsis Glassium, Lib. I. Tract. V. can. XLVII.

¹⁵⁸) Vulgatus, *qui credituri sunt, πιστευόντων.*

¹⁵⁹) Scite Bengelius in Gnomone ad h. l.: Ἴνα καί, *ut etiam. Ἴνα, ut*, quasi post parentheses heic repetitur ex initio versus.

169. Eo vel magis quod non ea sit haec illustrandi ratio, quae aut primum nobis in mentem venerit, aut patres, scriptoresque ecclesiasticos penitus latuerit. Ne enim auctores paullo recentiores, eosque numero plures¹⁶⁰ commemorem, Cyprianus¹⁶¹ quum totus in id incumbit, ut ecclesiae unitatem explanet, ait: „Dicit Dominus, *ego et Pater unum sumus*. Et iterum de Patre et Filio et Spiritu sancto scriptum est¹⁶², *et hi tres unum sunt*; et quisquam credit hanc unitatem *de divina firmitate* venientem, *sacramentis caelestibus* cohaerentem, scindi in ecclesia posse, et voluntatum collidentium divortio separari? hanc unitatem (ad exemplar divinae trinitatis expressam) qui non tenet, Dei legem non tenet, non tenet Patris et Filii fidem, et veritatem non tenet ad salutem.“ Et in epistola ad Magnum¹⁶³ de eadem disputans unitate, scribit: „Idcirco Dominus insinuans nobis unitatem de divina auctoritate venientem ponit et dicit, *ego et Pater unum sumus; ad quam unitatem redigens* ecclesiam suam, denuo dicit¹⁶⁴, *et erit unus grex et unus pastor*.“ Quibus ista plane concinunt Symmachi romani praesulis¹⁶⁵: „Ad Trinitatis instar, cuius una est atque individua¹⁶⁶ potestas, unum est per diversos antistites sacerdotium.“

¹⁶⁰) Cf. Bolgenii opusculum inscriptum,
Difesa dell' Episcopato.

¹⁶⁴) Joh. X. 16.

¹⁶¹) De unit. ecclesiae.

¹⁶⁵) In priore apud Labbeum epistola
T. IV. pag. 1291.

¹⁶²) I. Joh. V. 7. cf. Joh. X. 30.

¹⁶⁶) Cuius tamen individuae potestatis
origo atque principium in Patre est.

¹⁶³) Epist. LXXVI.

CAPUT XI.

Conferuntur ad invicem sermo Christi apud Johannem capp. XIII—XVIII, eiusque ad Petrum verba Luc. XXII. 31—33: — quadruplex unitas, quam Christus pro apostolis, proque credentibus universis deprecatus est: — ea est unitas qua postularit, ut unum omnes essent unitate internae caritatis, unitate eiusdem fidei, unitate cum eodem invisibili capite, ac unitate conspicua societatis et corporis: — quadruplex principium, quo respondentes unitatis modi, Christo auctore, effici debent: — de principio efficiente conspicuae unitatis: — ostenditur Petrum esse: — cuius idcirco primatus adstruitur: — ac e nexu rursus confirmatur, quo verba descripta Luc. XXII. 23—31. cum iis cohaerent, quae sequuntur vv. 31—33: — hoc enim nexu constat Petrum esse, qui μετῴων καὶ ἡγούμενος prae ipsis apostolis constituitur.

170. **O**pus non est argumentis quibus comprobetur, egregie interpretationem iuvare, si dissitae avulsaque sermonis partes in unam veluti summam coniungantur, coniunctaeque expendantur atque enarrentur. Hac enim consociatione fit, ut quo universa spectet oratio, evidentius percipiatur, quid sit primum, quid medium, quid ultimum, quid antecedens, quid consequens plenius innotescat, luculentiusque intelligatur quae suppleri debeant, quae premi, quae potissimum animadverti. Evangeliorum porro collatione liquet, ad unum eundemque Christi sermonem referri tum quae pluribus continenter capitibus Johannes¹ narrat, quum quae brevius perstringit Lucas, unoque² capite comprehendit. Studium igitur sinceræ accurataeque interpretationis, qua solum Christi consilia, voluntatesque probe dignosci possunt, omnino praecipit, ut narrata ab utroque evangelista simul conferantur, quidve ex iis, ceu unius corporis membris sit consequens, determinetur.

171. Jamvero quum plura sint quae Johannes recitat, omniaque dignissima Filio Dei, supremoque tempore quo illa proloquutus est; extant tamen ac prae ceteris eminent quae ad commendandum *unitatis sacramentum* referuntur. Etenim Christus non unitatem modo saepissime inculcat, illamque sibi vehementer cordi esse prolixè declarat; sed et pro ea Patrem deprecatur, *multiplicem illius modum rationemque secernit, principia aperit quibus effici debet, dignitatemque illi adscribit tesserae atque indicii, quo suimetipsius divina missio, supernaque christianismi origo demonstretur.*

¹) Joh. capp. XIII—XVIII.

²) Luc. cap. XXII.

Ac principio quidem unitatem memorat caritatis, illius necessitatem docet, praestantiamque ostendit³, inquires: Ἐντολὴν καινὴν διδωμι ὑμῖν, ἵνα ἀγαπᾶτε ἀλλήλους· καθὼς ἠγάπησα ὑμᾶς, ἵνα καὶ ὑμεῖς ἀγαπᾶτε ἀλλήλους. ἐν τούτῳ γινώσκονται πάντες, ὅτι ἐμοὶ μαθηταὶ ἐστέ, ἐὰν ἀγάπην ἔχητε ἐν ἀλλήλοις. Et⁴ rursum: Αὕτη ἐστὶν ἡ ἐντολὴ ἣ ἐμὴ, ἵνα ἀγαπᾶτε ἀλλήλους, καθὼς ἠγάπησα ὑμᾶς. μεῖζονα ταύτης ἀγάπην οὐδεὶς ἔχει, ἵνα τις τὴν ψυχὴν αὐτοῦ θῇ ὑπὲρ τῶν φίλων αὐτοῦ. Ac⁵ mox: Ταῦτα ἐντέλλομαι ὑμῖν, ἵνα ἀγαπᾶτε ἀλλήλους. Unitas igitur, quae e fonte caritatis dimanat, et qua membra ecclesiae cohaerere debent, a Christo dicitur ἡ ἐντολὴ ἣ ἐμὴ, ἐντολὴ καινὴ, praeceptum meum, praeceptum novum atque⁶ eximium. Praeceptum meum et novum, utpote iudaeis inauditum, qui a consortio cum gentibus ceteris abhorrebant: praeceptum meum et novum, utpote a gentiliū moribus alienissimum, qui non minus varietate cultus ac numinum, quam animorum oppositione dissidebant; praeceptum vero eximium, tum quia ad exemplar illius caritatis⁷ expressum, quo Christus vitam suam profudit: tum quia veluti γνώρισμα propositum, quo discipuli eius qui⁸ caritas est, certissime cognoscerentur.

172. Cum ea unitate, quae dilectione conciliatur, quaeque suapte natura interior sic est, ut externis quoque signis se manifestet ac prodat; alteram iungi sociarique Christus voluit, quae ex unius eiusdemque divini Spiritus directione proficiscitur. Ad hanc enim significandam unitatem ista⁹ pertinent: Καὶ ἐγὼ ἐρωτήσω τὸν πατέρα, καὶ ἄλλον παράκλητον δώσει ὑμῖν, ἵνα μένη μεθ' ὑμῶν εἰς τὸν αἰῶνα· τὸ πνεῦμα τῆς ἀληθείας, ὃ ὁ κόσμος οὐ δύναται λαβεῖν, ὅτι οὐ θεωρεῖ αὐτό, οὐδὲ γινώσκει αὐτό· ὑμεῖς δὲ γινώσκετε αὐτό, ὅτι παρ' ὑμῖν μένει, καὶ ἐν ὑμῖν ἔσται. Pertinent quae infra¹⁰ subdit: Ὁ δὲ παράκλητος, τὸ πνεῦμα τὸ ἅγιον, ὃ πέμψει ὁ πατὴρ ἐν τῷ ὀνόματί μου, ἐκεῖνος ὑμᾶς διδάξει πάντα, καὶ ὑπομνήσει ὑμᾶς πάντα ἃ εἶπον¹¹ ὑμῖν. Tum¹² haec: Ἐὰν γὰρ ἐγὼ μὴ ἀπέλθω, ὁ παράκλητος οὐκ ἐλεύσεται πρὸς ὑμᾶς· ἐὰν δὲ πορευθῶ, πέμψω αὐτὸν πρὸς ὑμᾶς. Atque ista¹³ postremo: Ὅταν δὲ ἔλθῃ ἐκεῖνος, τὸ πνεῦμα τῆς ἀληθείας, ὁδηγήσει ὑμᾶς εἰς πᾶσαν τὴν ἀλήθειαν. οὐ γὰρ λαλήσει ἅψ' ἑαυτοῦ, ἀλλ' ὅσα ἂν ἀκούσῃ, λαλήσει, καὶ τὰ ἐρχόμενα ἀναγγελεῖ ὑμῖν. ἐκεῖνος ἐμὲ δοξάσει, ὅτι ἐκ τοῦ ἐμοῦ¹⁴ λήψεται, καὶ ἀναγγελεῖ ὑμῖν. Neque enim fieri potest, ut qui uno eodemque aguntur Spiritu, hi non conspirent, sed dissideant, ac in diversa et secumipsis pugnantia rapiantur.

³) Joh. XIII. 34—36.

⁹) Joh. XIV. 16—18.

⁴) Joh. XV. 12.

¹⁰) Ibid. v. 26.

⁵) Ibid. v. 17.

¹¹) Al. λέγω, Vulgatus, dixero.

⁶) Utamque enim significationem τὸ καινὸν complectitur.

¹²) Joh. XVI. 7.

⁷) Joh. X. 15.

¹³) Ibid. vv. 13—15.

⁸) Praeclarissima Dei descriptio haec est I. Joh. IV. 8: Ὁ θεὸς ἀγάπη ἐστίν.

¹⁴) Griesbachius praefert, λαμβάνει.

Verum *cuiusmodi proprie* censi unitas debet ex unitate communicati, dirigentisque Spiritus profecta, ac *unde* ea ἀμέσως dependet? e *dotibus officiisque*, quae Spiritui, eidemque Paracletō tribuuntur, de unitate statuendum est, quae illius ope, praesidioque conficitur. Bis autem ac tertio mittendus Spiritus dicitur τὸ πνεῦμα τῆς ἀλήθειας, ac eidem veluti *proprium* tribuitur, quod *suggerat*, quod *annunciet*, quod *doceat*, et quod εἰς πᾶσαν τὴν ἀλήθειαν *perducatur*. Unitas igitur missione atque Spiritus directione efficienda *divisioni* opposita est, quam *perniciosa ignorantia*, *errorque* pariunt. Haec autem unitas est *fidei*, *religionis*, *professionisque christianae*. Promisit igitur futurum Christus, ut *ad unitatem caritatis unitas fidei* accederet, *cuius suprema caussa atque princeps origo* communicatione, influxu ac numine Paracleti Spiritus contineretur.

173. Quod autem est in *naturae ordine* perspicuum, ut *principes causae per interiectas causas secundas* effectus suos perficiant; idipsum decrevit Christus ut in *supernaturali quoque charismatum ordine* obtineret. Quoties enim veritatis Spiritum pollicetur, illum toties pollicetur ¹⁵ *apostolis*, quibus spem facit certissimam fore ut cum eis, eorumque in apostolico munere successoribus iugiter maneat: ἵνα μένη μεθ' ὑμῶν εἰς τὸν ¹⁶ αἰῶνα: παρ' ὑμῖν μένει, καὶ ἐν ὑμῖν ἔσται: ἐκεῖνος ὑμᾶς διδάξει πάντα, καὶ ὑπομνήσει ὑμᾶς πάντα ἃ εἶπον ὑμῖν: ὃν ἐγὼ πέμψω ὑμῖν παρὰ τοῦ πατρὸς: πέμψω αὐτὸν πρὸς ὑμᾶς: ὁδηγήσει ὑμᾶς εἰς πᾶσαν τὴν ἀλήθειαν: τὰ ἐρχόμενα ἀναγγελεῖ ὑμῖν. Unitas itaque fidei *a suprema caussa*, cuiusmodi est Paracletus Spiritus, expectari sic debet, ut per apostolos, illorumque legitimos successores ¹⁷, *veluti per interiecta media*, *proxime* conficiatur. Quare *duplex* secernatur, probeturque oportet *unitatis fidei efficiens*, *subordinatumque principium*: alterum *summum*, *per se efficax* ac *validum*, quale est Spiritus Paracletus: et alterum *medium*, ac *nonnisi participatione validum*, quales sunt apostoli, quique illis in officio annunciandi, docendique ad finem usque saeculi succedent.

E quibus quisque facile intelligit, quid arbitrari de iis ¹⁸ deceat, qui *hac principiorum subordinatione insuper habita*, non aliam unitatis fidei causam admittunt quam *invisibilem* et *supremam*, neque ad aliam normam, quam *ad interni Spiritus afflatum*, *directionemque*, fidem suam moderantur. Existimari nimirum debet, reos illos esse *violati ordinis* quem Christus praefinivit, ac *spe* illudi, quae Christi promissionibus adversatur. Utique neque *fides*, qua ad salutem credimus, neque *fidei unitas*, quae eiusdem nos praeceptoris discipulos ostendit, aliunde quam *a divino Spiritu* dimanant; sed neutra a divino Spiritu est nisi *per apostolos*, *perque eos* qui cum apostolis *praeordinatam doctorum seriem* constituunt. Quapropter divinae Christi institutioni refragantur, ac in

¹⁵) Qui igitur reiecto apostolico ministerio, Spiritum iactitant, hi sibi vindicant quod numquam illis Christus promisit.

¹⁶) Sunt istis parallela quae habentur Matth. XXVIII. 20.

¹⁷). Unde maxima videri debet necessitas ministerii, quod ab apostolis inchoatum legitima ordinatione iugiter perseveret.

¹⁸) Hi autem sunt plerique omnes a catholica unitate seiuncti.

manifesto naufragandi circa fidem periculo versantur, qui *invisibili Spiritus actioni* eo se usque committunt, ut doctorum quos Christus praeordinavit, magisterium directionemque aspernentur.

174. Ceterum praeter *utramque unitatem dilectionis et fidei*, quarum illa *effectus est caritatis diffusae in cordibus nostris*, haec vero *Spiritus qui una cum authentico externoque magisterio* nos illustrat ac regit, *tertiam commemorat* Christus, atque his verbis ¹⁹ designat: *Ἐν ἐκείνῃ τῇ ἡμέρᾳ γνώσεσθε ὑμεῖς, ὅτι ἐγὼ ἐν τῷ πατρὶ μου, καὶ ὑμεῖς ἐν ἐμοί, καὶ ἐγὼ ἐν ὑμῖν. In illa die*, quae post meam resurrectionem vobis elucescet, *cognoscetis* multo quam nunc plenius, *quod ego sum in Patre meo* qui vita²⁰ est, et Pater in me, et *vos in me, et ego in vobis*, atque adeo vos in Patre, et Pater in vobis. Quibus unitas *ἀμεσως* exprimitur, quae *effectus* est coniunctionis, ac ferme *ἐνυπόρξεως*, qua Christus in fidelibus, et fideles in Christo sunt atque existunt. Significat enim eam, absoluta oeconomia, futuram secumipso fidelium *ἔνωσιν*, quae par sit adumbrandae *mutuae inexistantiae*, qua ipse in Patre, ac in ipso vicissim Pater existit.

Cuius *ἐνώσεως* vim praestantiamque ut apostoli ac fideles plenius evidentiusque perciperent, similitudine usus est omnium accommodatissima ²¹ inquires: *Ἐγὼ εἰμι ἡ ἄμπελος ἡ ἀληθινή, καὶ ὁ πατήρ μου ὁ γεωργὸς ἐστὶ. πᾶν κλῆμα ἐν ἐμοί μὴ φέρον καρπὸν, αἶρει αὐτό· καὶ πᾶν τὸ καρπὸν φέρον, καθαιρεῖ* ²² *αὐτό, ἵνα πλείονα καρπὸν φέρῃ. Ego sum vitis vera, et pater meus agricola est. Omnem palmitem in me, mihi que insitum, non ferentem fructum, Pater illum tollet* resecabitque; *at omnem eum palmitem qui fructum affert, Pater mundabit illum, ut mundatus purgatusque uberiores fructum ferat.* Paucis vero interiectis allegoriam explanans ²³, subdit: *Ἐγὼ εἰμι ἡ ἄμπελος, ὑμεῖς τὰ κλήματα· ὁ μένων ἐν ἐμοί, καὶ ἐν αὐτῷ, οὗτος φέρει καρπὸν πολύν· ὅτι χωρὶς ἐμοῦ οὐ δύνασθε ποιεῖν οὐδέν. Ἐὰν μὴ τις μένῃ ἐν ἐμοί, ἐβλήθη ἔξω ὡς τὸ κλῆμα, καὶ ἐξηράνθη· καὶ συνάγουσιν αὐτά, καὶ εἰς τὸ πῦρ βάλλουσι, καὶ καίεται. Ἐὰν μένητε ἐν ἐμοί, καὶ τὰ ῥήματά μου ἐν ὑμῖν μένῃ, ὃ ἐὰν θέλητε αἰτήσεσθε, καὶ γενήσεται ὑμῖν. Ego sum vitis illa vera, vos palmites: qui manet in me, et ego in ipso, hic tandem fructum fert uberrim: quia sine me nihil potestis facere, nullumque fructum ferre. Si quis in me non manserit, iam foras ac extra vineam proiectus* ²⁴ *est, ceu palmes inutilis, et aruit: et colligunt eos, resectos videlicet abiectosque palmites, et in ignem coniiciunt, et ardent. Si manseritis in me, et verba mea quae* ²⁵ *mun-*

¹⁹) Joh. XIV. 20.

²⁰) Ibid. VI. 57.

²¹) Ibid. XV. 1—3.

²²) De *καθαίρω* notat Eustathius, *λέξις θεία καὶ σεμνή*. Munda, secundaque quaerit Pater caelestis, et ideo illa mundat, ut secunda sint.

²³) Joh. XV. 5—8.

²⁴) Qua loquendi forma, cui hanc Vulgatus substituit, *mittetur foras, et arescet*, non certitudo solum eventus, sed ipsemet eventus oculis obicitur.

²⁵) Joh. XV. 3.

ditiem afferunt, *in vobis manserint, quodcumque volueritis petetis, et fiet vobis*, vestraque vota, utpote a voluntate munda profecta, implebuntur.

Quibus efficitur talem futuram cum Christo fidelium coniunctionem, atque ex coniunctione obortam unitatem, qualis coniunctio palmitum cum vite, et inde profecta unitas censetur. Ne vero palmites arescant, ac influxu vitis, fructuumque ubertate priventur, necesse est ut intime cum ipsa vite coniuncti *non plura, diversaque corpora, sed unum illudque continuum corpus* constituent. Consilium igitur Christi postulat, ut ea sit fidelium cum ipso coniunctio, e qua *unum* existat *continuum corpus*, quod ex illis *ceu palmitibus ac membris*, atque e Christo ipso *ceu vite et capite* omnia interius vegetante componatur. Cuius quidem coniunctionis atque unitatis *duplex* est *caussa*: *antecedens* altera ac *princeps*, quaeque ab influxu Christi, qui vitis est, non distinguitur: ac altera *comitans, subsequens* et *secunda*, quae *συνεργεία* continetur, qua fideles, utpote *vivificati rationalesque palmiles* ²⁶, influxum Christi recipientes, cumque eo cooperantes, illius ²⁷ *verba retinent, in eius dilectione manent*, statutaque ab eo *praecepta sanctissime custodiunt*.

175. *Quartum* succedit, idemque postremum unitatis genus, quo Christus ecclesiam suam insignem voluit, iisque expressit verbis quae praecedenti capite ²⁸ adduximus, et quorum huc ²⁹ summa redit: *Καὶ οὐκέτι εἰμὶ ἐν τῷ κόσμῳ· καὶ οὗτοι ἐν τῷ κόσμῳ εἰσὶ, καὶ ἐγὼ πρὸς σὲ ἔρχομαι. Πάτερ ἅγιε, τήρησον αὐτοὺς ἐν τῷ ὀνόματί σου, ᾧ δέδωκάς μοι, ἵνα ὥσιν ἐν καθῶς ἡμεῖς. Et non amplius sum in mundo, hi autem in mundo sunt, et periclitari pergunt, et ego ad te venio. Pater sancte, serva eos in nomine tuo, quo dedisti mihi, ut tui porro maneant, ac a te mihi dati cognoscantur, ut sint unum sicut nos.* Quae sane probant, destinatum fuisse Christo, ut *πιστεύοντες* non inter se minus atque ad invicem *externa conspicuaque coniunctione unum essent*, quam ut unum essent *interiori vinculo caritatis*, unum *propter ductum unius Spiritus*, ac unum *propter influxum* eiusdem vitis, *necessitudinemque cum uno eodemque capite intus membra alente atque animante*.

In quaestionem porro venit, consuluerit nec ne Christus *caussae*, *principioque* quo *exterior eademque mutua fidelium unitas formaretur*. Ac illi plane Christum consuluisse, neminem negaturum arbitror qui secum reputet *vel divinam eiusdem sapientiam*, qua media ad finem assequendum idonea numquam non deligit, *vel biblicorum analogiam* qua docemur, et *per diffusam caritatem* providisse unitati interiori, et *per missionem Spiritus, doctorumque magisterium* unitati fidei, et *per influxum alentis interius vitis* unitati, qua ipsemet corpus suum fovet, sibi que devincit. Dissidium ergo, quod sane videmus esse gravissimum, non in eo situm est, utrum Christus *causam, principiumque* instituerit, quo exterior fidelium unitas efficeretur: hoc enim omnes

²⁶) Ibid. v. 5.

²⁸) Cf. cap. X. n. 168.

²⁷) Ibid. v. 7.

²⁹) Joh. XVII. 11.

profitentur; sed *cuiusmodi* sit hoc principium, quaeque illius sit *indoles*, *natura* ac *ratio*.

176. Una namque est protestantium vox, atque sententia concors, *non aliunde*³⁰ *quam a Christo capite desumi causam principiumque oportere, quo conspicua exteriorque fidelium unitas efficiatur*. Quod sane quum illi docent, *neque ad Scripturas*, uti par foret, *advertere, neque id quod cum rebus aptum nexumque est considerare* videntur. Unitas enim exterior, unitas corporis, conspicuaeque societatis ex eo dimanare nequit, quod non oculos modo, sed sensus omnino omnes praetergreditur. Necesse namque est, ut causae suis respondeant effectibus, atque necesse idecirco est, ut causa unitatis conspicuae atque externae externa sit atque conspicua. Jamvero *pro eo statu*, ad quem ista verba referuntur, καὶ οὐχέτι εἰπὶ ἐν τῷ κόσμῳ, non oculos tantum, sed omnes plane sensus Christus excedit. Contra igitur ac rerum natura exigat, *conspicuae externaeque unitatis principium* a Christo iam mortis victore atque in caelis glorioso repetendum esse contenditur.

Quod quidem etsi vim praeferat ad persuadendum non mediocrem, sinam tamen ut nullo in loco a protestantibus habeatur, illisque ultro permittam ut *unius Scripturae suffragio* contentio omnis determinetur.

177. Ac determinatur sane luculenter, dummodo *duplex unitatis modus*, quem Christus *manifesta orationis progressionem, phraseon, formularumque diversitate, apertisque verbis* distinxit, praepostere non confundatur. Quamdiu enim haec distinctio incolumis manserit, ac memorata tertio loco³¹ unitas ab ea secernatur quae quarto postremoque loco praecipitur ac signi instar proponitur; tamdiu opus erit, ne unum idemque, sed aliud ac diversum *efficiens utriusque principium* videatur. Efficiens autem principium unitatis tertio loco institutae, quae unitas est *invisibilis ac interna*, ipsemet perhibetur Christus, qui fideles *ceu palmites* secum tamquam *cum vite* coniungit, coniunctosque influxu suo fovet atque nutrit. Necesse igitur est, ut quartae postremaeque unitatis, quae unitas est *conspicua, exterior, et qua fideles ceu mystica membra in unum visibile corpus conspirant*, aliud a Christo *invisibili capite* efficiens principium existimetur.

Quod qui negant, hi sibi copiam omnem, facultatemque praeripiunt, qua Christi verba secumipsis componant, apteque interpretentur. Iis enim si fidem adhibemus, *utriusque unitatis* quum *invisibilis atque internae*, tum *externae atque conspicuae* unicum est principium, ac unicum *invisibile caput* Christus. Qui igitur, amabo, fit ut quum *invisibilem unitatem simpliciter*³² *Christus affirmet, visibilem contra*³³ *fusus ad Patrem precibus imploret?* qui fit ut quum *invisibilem unitatem sibi simpliciter asserat, ac illius se fore causam de-*

³⁰) Hinc illorum adversus dignitatem conspiciui capitis Petro factam non minus crebrae, quam vehementissimae declamationes.

³¹) n. 174.

³²) Joh. XIV. 20.

³³) Ibid. XVII. 9. seqq.

claret, visibilem contra Patri commendet, ac illius benevolentiae tutelaeque ³⁴ *committat?* Haec omnia tenebrae sunt iis, qui *utramque unitatem* commiscent, ac *utriusque unitatis* unum Christum efficiens principium ac invisibile esse caput defendunt.

Neque multo iis luculentiora sunt ista, quibus Patrem ³⁵ Christus deprecatur: *Ὅτε ἡμῖν μετ' αὐτῶν ἐν τῷ κόσμῳ, ἐγὼ ἐτήρουν αὐτοὺς ἐν τῷ ὀνόματι σου.... Νῦν δὲ πρὸς σὲ ἐρχομαι.* Horum enim huc sententia redit: *quamdiu in mundo cum ipsis visibilis fui, invisibiliter namque cum illis semper ero, illosque instar vitis mea vita vivificabo, tamdiu egomet ipse illis prospexi, atque in tuo nomine qui me misisti, iunctos unitosque servavi. Sed ad te iam redeo, mundum relinquo, ac ab iis explendis partibus cesso quae conspicui capitis sunt propriae. Reliquum est igitur, ut tu, alio instituto* ³⁶ *conspicuo capite, meas illi vices committas, per eum conspicuae omnium unitati provideas, omnesque secum, nobisque iunctos tuearis.* Quae sane a protestantium opinionibus ita dissident, ut illas penitus refellant, catholicorum vero doctrinam de Petro conspicuo ecclesiae capite, ac efficiente conspicuae unitatis principio egregie confirment.

178. De qua confirmatione eo minus fas erit ambigere, quo Christi apud Johannem verba cum eiusdem apud Lucam effatis diligentius conferantur. Inter cetera enim testatur ³⁷ Lucas, non prius ex ore Christi apostolos audivisse, καὶ ὁ μὲν υἱὸς τοῦ ἀνθρώπου πορεύεται κατὰ τὸ ὀρισμένον, quam non sine contentione percontari incoeperint, τίς αὐτῶν δοκεῖ εἶναι μείζων, quis ex ipsis maior futurus esset. Sed quae huius litis excogitari occasio potest? non est cur de ea simus solliciti, quando illam aperte Lucas ³⁸ ac multo etiam apertius Johannes ³⁹ expresserit. Audiverant enim apostoli Christum ab illis *visibiliter* recessurum, eumque audierant a Patre enixe postulantem, ut vellet illorum *conspicuae unitati* prospectum. Abunde igitur sibi visi sunt intellexisse: I. Christum ab iis explendis partibus desitutum, quas adhuc mortalis obierat, et quibus *visibilis unitas* continetur: imminere propterea tempus II. quo alter illius vices acciperet, ac munere *visibilis capitis* fungeretur. Hanc conceptam animo cogitationem ut efferrent, sciscitabantur, τίς αὐτῶν δοκεῖ εἶναι μείζων. Sensus igitur quem Christi verbis apostoli subiecerunt, quum ab eo longissime discrepet quem protestantes sequuntur, cum eo vicissim praecclare consonat quem catholici probant, et e quo consequens esse arbitrantur, *Christo iam in caelos recepto, demandatas alteri fuisse partes, quibus conspicua unitas efficeretur.*

179. Non me latet reponi posse, a mente consilioque Christi aberrasse apostolos, eiusque verba aliter ac deceret accepisse. At enimvero I. oratio

³⁴) Ibid. v. 11.

³⁵) Ibid. vv. 12 — 14.

³⁶) Quod cum eis visibiliter versetur, quemadmodum ego cum illis fui.

³⁷) Luc. XXII. 22 — 24.

³⁸) I. c.

³⁹) Joh. XVII. 12.

Salvatoris eum suapte sponte ⁴⁰ sensum fundit, qui apostolorum animos occupavit. Praeterea II. ne interposita quidem syllaba in apostolorum errorem Jesus animadvertit. Immo III. aperte significavit, nihil sentire apostolos, quod vel a rei veritate, vel a consilio quod ipsemet susceperat, abhorreret. Significavit enim, quod fuit a nobis superius ⁴¹ demonstratum, ratum sibi esse, ut ex apostolis unus dignitate τοῦ μείζονος καὶ τοῦ ἡγουμένου cohonestatus, suas in formanda, tuendaque visibili unitate partes vicesque susciperet. Quum vero unum alloquens ⁴² Petrum adiecit: στήριξον τοὺς ἀδελφούς σου, pressius evidentiusque declaravit, eum esse quem in suimetipsius locum suffecerat, quemque apostolis, universaeque ecclesiae, tamquam μείζονα καὶ ἡγούμενον, efficientemque unitatis caussam praeponerat.

Ad haec IV. in eodem apud Johannem ⁴³ sermone praemiserat: Οὐκέτι ὑμᾶς λέγω δούλους, ὅτι ὁ δούλος οὐκ οἶδε τί ποιεῖ αὐτοῦ ὁ κύριος· ὑμᾶς δὲ εἰρήκα φίλους, ὅτι πάντα ἃ ἤκουσα παρὰ τοῦ πατρὸς μου, ἐγνώρισα ὑμῖν. *Non amplius vos servos appello, quod servus non novit quid eius dominus faciat; sed vos dixi* ⁴⁴ *amicos, quod quaecumque omnia audiavi a Patre meo,* atque a me facienda in mandatis accepi, *vobis manifestavi.* Nuspiam vero gravissimum doctrinae caput *de principio externae conspicuaeque unitatis* apostolis suis, suisque amicis aperuisset, nisi tum illud patefecisse existimetur, quum et inter apostolos unum reliquis futurum μείζονα, omniumque ἡγούμενον edixit, et ad Petrum conversus, illi uni praecepit, στήριξον τοὺς ἀδελφούς σου. Superest igitur ut Petrus institutus a Christo μείζων καὶ ἡγούμενος putetur, eique tributa dignitas credatur, qua iure officioque stabiliendi roborandique fratres instructus, dissensionibus obviam iret, praeclarissimoque unitatis bono consuleret.

180. Quam quidem veritatem hi probabunt omnes, sibi que tenendam esse iudicabunt, qui *habitu* animadverterint, quo *sermonis illius partes cohaerent*, quem Christus habuit, quemque Lucas ⁴⁵ narravit. Ac illae sane cohaerent, quamquam avulsae seiunctaeque *prima fronte* videantur. Aliud namque prorsus est *orationem abrumpi*, ac aliud *eam ita temperari inflectique*, ut *sensum subinde fundat ampliorem*, vel *strictiorem contra angustioresque*. Exordium porro quod Lucas ⁴⁶ interserit, scribens: εἶπε δὲ ὁ κύριος, indicium utique *per se* est inflexae nonnihil orationis, sed illam penitus abrumpi minime ostendit. Quae autem ⁴⁷ consequuntur, Σίμων, Σίμων, ἰδοὺ, innuunt quidem orationem corripri, remque gravissimam proponi; sed *per se* neque innuunt, neque vero innuere possunt, ea esse a praecedentibus separata ac discissa. Immo particula δέ, qua in exordio utitur Lucas, mutuum omnium nexum, arctamque necessitudinem demonstrat. Neque enim alia illi subesse vis potest, quam vel *parti-*

⁴⁰) Expende rursum quae adduximus testimonia.

⁴¹) Lib. I. cap. VIII.

⁴²) Luc. XXII. 32.

⁴³) Joh. XV. 15.

⁴⁴) Cf. Luc. XII. 4.

⁴⁵) Luc. XXII. 25—33.

⁴⁶) Ibid. v. 31.

⁴⁷) Ibid.

culae adversativae, vel *signi* quo ἀπόδοσις suae respondens προτάσει ostenditur, vel *tesseractae* qua continuatio exhibetur. Harum vero significationum nulla est, quae *coniunctionis habitum* sequentia inter ac antecedentia non praeferat.

181. Cuius habitus haud paullo illustrius *e rebus ipsis* argumentum depromitur. Quum enim contentiose de honoribus, deque celsiore dignitatis gradu apostoli disputarent, nihil habuit ⁴⁸ antiquius Christus quam illos commonere, necesse esse, ut qui reliquis μείζων, omniumque ἡγούμενος futurus erat, eam sibi dictam legem in suo obeundo munere existimaret, quam ipsemet sua agendi ratione praemonstraverat, non quam οἱ βασιλεῖς τῶν ἐθνῶν sequi solent.

Tum brevibus utramque describens ac sibi mutuo opponens, adiecit: „Reges quidem gentium iis dominantur quibus praesunt, magnos affectant titulos, unde εὐεργέται nuncupantur; at enimvero quamquam ego penes vos fuerim dominus ac magister, aliter tamen me gessisse probe nostis. Neque enim imperium exercui, sed servivi: neque recubui, sed ministravi: neque magnis studui nominibus, sed vos omnes amicos fratresque compellavi. Hoc igitur exemplar quum omnium vestrum animis, tum illius potissimum oculis obversetur, qui μείζων καὶ ἡγούμενος ⁴⁹ futurus est. Etenim non secus ego de vobis statuo, testamentoque dispono, ac de me Pater disposuerit. Disposuit vero de me Pater, ut ⁵⁰ per humilitatem, exinanitionem, ignominias, tentationesque multiplices regnum consequerer, deliciis caelestibus perfruerer, omnemque in caelis ac in terra potestatem obtinerem. Simili igitur pacto et ego de vobis dispono, ut per humilitatem, dolores, convicia, famem, sitim, tentationesque omnigenas eo perveniat quod ego perveni, dignique sitis qui post famem et sitim *edatis et bibatis super mensam meam in regno meo*: et post contemptus atque dedecora *sedeatis super thronos iudicantes duodecim tribus Israel*. Et vos quidem hactenus hanc plenam asperitatis, angustamque viam decurristis, ac *mecum in tentationibus meis permansistis*. Sed non admodum vobis prodesset incoepisse, nisi ad extremum usque fideles permaneretis. Neque enim coronabitur nisi qui legitime certaverit; neque salute potietur nisi qui ad finem usque perseveraverit. Permanebitis ne itaque *mecum in tentationibus meis*, sicut hucusque permansistis? et quum ego abiero, neque vobis amplius visibiliter adero, vosque visibili cura tuebor, tenaces ne eritis propositi? *Eccē, o Simon, Simon*, ego video satanam in omnes se vertentem partes, ut vos a proposito deliciat, vosque ab ea fidelitate, quam mihi hactenus in tentationibus meis exhibuistis, abducat. Video imminere periculum quo pervertamini: video fidem vestram, vestramque salutem periclitari. Sed egomet ipse, qui quum visibiliter vobiscum essem, nihil reliquum feci ut vos visibiliter custodirem, protegerem, roborarem; non patiar, non sinam ut a vobis visibiliter seiunctus ⁵¹ praesidio careatis quo visibiliter sustentimini. Quare *ego rogavi pro te Petre, ut non deficiat fides tua, et tu aliquando conversus confirma fratres tuos*. Memineris eas a te erga fratres

⁴⁸) Luc. XXII. 23. seqq.

⁵⁰) Ibid. vv. 29. seqq.

⁴⁹) Ibid. v. 26.

⁵¹) Ibid. v. 22.

implendas esse visibiliter partes, quas ego mortalis adhuc et visibilis erga eos implevi: memineris me propterea singularem tui curam gessisse, quod voluerim ut tu meis stabilitus precibus fratres tuos, discipulos meos, meosque amicos stabilires.“

182. Quo sane *rerum* nexu nullus evidentior, nullus desiderari intimior potest. Quum igitur et illud constet, *verbali* quoque *nexu* cum praecedentibus consequentia vinciri; sponte sua fluit, ea *duplici modo* quum *verbali*, tum *reali* sibi mutuo cohaerere. Hac autem partium arctissima coniunctione ostenditur: I. Petrum esse qui *μειζων*, quique futurus *ἡγούμενος* praedicatur: II. illius *ἐξουσίαν*, singularemque dignitatem efferri verbis, *στήριζον τοὺς ἀδελφούς σου*: atque adeo III. Petrum esse, cui Christus visibilem defert stabilitatis, constantiaeque tutelam, quemque centrum roboris, efficiensque mutuae societatis, unitatisque principium constituit.

Quisque porro cernit quam sint ista praeclara, ut Petri praerogativae, eiusque primatus comprobentur. Ac primatus sane comprobatur I. potioris iuris, auctoritatisque, quo prae apostolis reliquis Petrus est, diciturque *μειζων καὶ ἡγούμενος*: primatus II. eo pertinens ne dissipata ecclesiae membra periclitentur, sed ut iuncta copulataque vincant: ac primatus III. cuius nobilissima functio haec est, ut *tentatam fratrum fidem* tueatur atque confirmet.

Quare iure suo orthodoxi patres nullo insigniori titulo primatum Petri exornari posse ⁵² censuerunt, quam si illum *fidei principatum*, et *principatum in episcopatu fidei* dicerent: ac iure suo, et ad normam penitus institutae a Christo oeconomiae Leo magnus ⁵³ scripsit: „Connexio totius corporis unam sanitatem, unam pulchritudinem facit; et haec quidem connexio totius corporis *unanimitatem* requirit, sed praecipue exigit *concordiam sacerdotum*, quibus etsi dignitas sit *communis*, non est tamen ordo *generalis*, quoniam et inter beatissimos apostolos *in similitudine honoris* fuit *quaedam discretio potestatis*, et quum *omnium* par esset *electio*, *uni tantum* datum est, ut *ceteris praeemineret*.“

⁵²) Testimonia huc spectantia non repetimus, utpote quae alibi dederimus.

⁵³) Epist. XII. ad Anastasium thessalonic. cap. XII.

CAPUT XII.

Plenius agitur de verbis Christi apud Lucam XXII. 31—33: — ea proprie ad unum Petrum nominatimque referuntur: — ad apostolos ex aequo omnes pertinere protestantes non pauci contendunt: — refutantur, locorumque similium abusus notatur: — cuiusmodi fuerit tentatio, qua satanas exagitatos victosque apostolos ambivit: — tentatio fuit omnium gravissima, qua illorum fidem impeteret: — Christi pro Petro preces, quove illae spectarint: — vulgatio participii ἐπιστρέψας interpretatio: — permittitur, ac totius incisi, καὶ σὺ ποτε ἐπιστρέψας στήριξον τοὺς ἀδελφούς σου, sententia eruitur: — qua Petri praerogativae confirmantur.

183. **E**xordium¹ sane brevissimum, quod Lucas his verbis² interserit, εἶπε δὲ ὁ κύριος, indicium praebet minime obscurum orationis, cuius ductus, seriesque nonnihil immutetur. Idem porro in consequentibus manet qui loquitur, ac res qua de agitur, cum iis arctissime iungitur quae antevertunt. Superest igitur ut immutatio, transitusque orationis non aliunde quam ex iis repetatur, quos Christus alloquitur. Ad omnes autem ex aequo apostolos verba hactenus fecerat. Reliquum igitur est, ut iam nonnisi ex iis unum alterumve compellet. Quemnam vero compellat? luculenter declarat, subdens³: Σίμων, Σίμων. Simonis namque nomen in libris novi testamenti ἀπλῶς adhibitum, non alium denotat praeter Simonem Johannis filium, ac Petri cognomine divinitus cohonestatum. Hinc vetusti codices, corbeiensis, et s. Germani primus atque alter legunt: *ait autem Dominus Petro: Simon, Simon.* Hinc scriptores ecclesiastici non pauci, Cyprianus⁴, auctor⁵ librorum de vocatione omnium gentium, Arnobius iunior⁶, et Cassiodorus⁷ nomen Petri interponunt. Atque hinc nemo est orthodoxorum patrum, qui Simonis appellatione Petrum non intellexerit. Petrus igitur est, quem Christus nominatim compellat, quem seorsum alloquitur, et ad quem proprie spectant quae illico consequuntur.

Consequitur⁸ vero: ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου. Quod incisum nexu duplici, materiali et grammatico, quem particula δέ, verborumque structura ostendit, ac logico et reali, quem sententiarum συνάφεια postulat, cum praecedentibus verbis, Σίμων, Σίμων, copulatur. De Petro igitur,

¹) Videsis Lib. I. cap. VIII.

²) Luc. XXII. 31.

³) Ibid.

⁴) Epist. VII. ad Clerum.

⁵) Lib. I. cap. XXIV.

⁶) In Ps. CVI.

⁷) In Ps. LXXIV.

⁸) Luc. XXII. 32.

eoque solo accipiendum est quod dicitur: *ego autem pro te oravi, ne deficiat fides tua.*

Ac de Petro rursum, *eoque solo* accipienda sunt, quae eiusdem continuatione sententiae Christus ⁹ addit: καὶ σύ ποτε ἐπιστρέψας στήριξον τοὺς ἀδελφούς σου. Sane vix haec protulerat Jesus, quum ille quem alloquebatur, respondit ¹⁰: Κύριε, μετὰ σοῦ ἔτοιμός εἰμι καὶ εἰς φυλακὴν καὶ εἰς θάνατον πορεύεσθαι. Eum autem fuisse Petrum, insequentia ¹¹ Christi verba demonstrant: λέγω σοι, Πέτρε. Petrus igitur is est, ad quem Christi sermo, quaeque Christi sermone continentur, *unice* referuntur.

184. Displacent ista Grotio ¹², displacent et aliis ¹³ e protestantium numero, qui propterea statuunt, sermonem Christi ad Petrum *ita* pertinere, ut ad reliquos item apostolos *non minori iure* pertineat. Verum si talis ratio est prolata a Christo sermonis, unde I. factum arbitrabimur ut Christus qui *antea* omnes *universim* compellabat apostolos, ac *plurali forma* constanter usus aiebat ¹⁴: ὑμεῖς δὲ οὐχ οὕτως, ἐγὼ δὲ εἰμι ἐν μέσῳ ὑμῶν, ὑμεῖς δὲ ἐστε οἱ διαμεμενηκότες μετ' ἐμοῦ, καὶ γὰρ διατίθεμαι ὑμῖν βασιλείαν, ἵνα ἐσθίητε καὶ πίνητε, καὶ καθίσησθε: idem mox novam prope orationem auspicatus subiecerit ¹⁵, Σίμων, Σίμων, et pro plurali forma *singularem* substituerit, inquit: περὶ σοῦ, ἡ πίστις σου, καὶ σύ? ut Lucas, interiecto inciso, εἶπε δὲ ὁ κύριος, orationem temperari inflectique ostenderit? Haec omnia protestantes negligunt, nulloque in numero habent, ut quae *propria* sunt Petri, eadem apostolis omnibus fuisse *communia* facilius persuadeant.

Ad haec II. nihil evidentius quam isto in commate ¹⁶: Ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου· καὶ σύ ποτε ἐπιστρέψας στήριξον τοὺς ἀδελφούς σου, Simonem quem Christus alloquitur, et pro cuius fide Patrem deprecatur, *a fratribus* secerni quos illi stabiliendos, roborandosque committit. Fratrum autem qui illi committuntur nomine, *inprimis* ¹⁷ veniunt apostoli. Hi ergo a Simone distinguuntur, neque ad eos magis spectant Christi verba, fusaeque preces, quam illis confirmandi munus tribuatur.

Praeterea III. orationis ἀκολουθία flagitat, ut *de uno eodemque* accipiantur quum ¹⁸ verba, ἐγὼ δὲ ἐδεήθην περὶ σοῦ, tum quae ¹⁹ sequuntur, λέγω σοι, Πέτρε· οὐ μὴ φωνήσῃ σήμερον ἀλέκτωρ, πρὶν ἢ τοῖς ἀπαρνήσῃ μὴ εἰδέναι με. Sed posteriora haec *ad unum Petrum* referri, tam *diserta Petri ipsius appellatione*, quam *eo quod de Petro praedicatur*, quodque illius *proprium unice* fuit, luculenter significatur.

Denique IV. pergit ²⁰ evangelista: Καὶ εἶπεν αὐτοῖς· ὅτε ἀπέστειλα ὑμᾶς

⁹) Ibid.

¹⁰) Ibid. v. 33.

¹¹) Ibid. v. 34.

¹²) In comm. ad h. l.

¹³) Cf. Wolfii Curas ad h. l.

¹⁴) Luc. XXII. 25—31.

¹⁵) Ibid. v. 32.

¹⁶) Ibid.

¹⁷) Id paullo inferius demonstrabitur.

¹⁸) Luc. XXII. 32.

¹⁹) Ibid. v. 34.

²⁰) Ibid. v. 35.

ἄτερ βαλαντίου καὶ πήρας καὶ ὑποδημάτων, μή τις ὑστερήσῃ; οἱ δὲ εἶπον· οὐδένος. Sed quorsum illud, καὶ εἶπεν αὐτοῖς, et dixit eis? nonne qui antea loquebatur Christus, orationem prosequitur? dubio procul, atque ideo eiusmodi verba ab evangelista interseruntur, ut discrimen innuatur *non illius qui loquitur, sed eorum ad quos sermo dirigitur*. Hoc autem discrimen inde rursum apparet, quod sicuti in praecedentibus²¹ unus est qui respondet, ὁ δὲ εἶπεν αὐτῷ, ac unus qui appellatur, λέγω σοι: ita in consequentibus²² respondent omnes, οἱ δὲ εἶπον, ac omnes interrogantur, εἶπεν αὐτοῖς. Ad unum igitur Petrum spectant quaecumque omnia prece Christi, verbisque, καὶ σύ ποτε ἐπιστρέψας στήριξον τοὺς ἀδελφούς σου, significantur; ac ferri nullo modo potest ut ad omnes *ex aequo* apostolos protendantur.

185. Ad omnes tamen *ex aequo* apostolos protendi oportere, inde sibi efficere posse protestantes pollicentur, quod haec penes Johannem²³ habeantur Christi verba: Ἐγὼ περὶ αὐτῶν ἐρωτῶ. Ac²⁴ mox: Πάτερ ἅγιε, τήρησον αὐτοὺς ἐν τῷ ὀνόματί σου, ᾧ δέδωκάς μοι, ἵνα ὦσιν ἐν, καθὼς ἡμεῖς. Ὅτε ἡμεῖς μετ' αὐτῶν ἐν τῷ κόσμῳ, ἐγὼ ἐτήρουν αὐτοὺς ἐν τῷ ὀνόματί σου· οὐς δέδωκάς μοι ἐφύλαξα, καὶ οὐδεὶς ἐξ αὐτῶν ἀπώλετο, εἰ μὴ ὁ υἱὸς τῆς ἀπωλείας, ἵνα ἡ γραφὴ πληρωθῇ. En, inquit, pro omnibus *ex aequo* apostolis Christus oravit: omnibus *ex aequo* ac *immediate* prospexit: ac omnes *eodem numero* habuit, neque *unum* alteri anteposuit. Haec autem sibi minime constarent, si quae Lucas narrat, de uno seorsum Petro acciperentur. De omnibus igitur *ex aequo* apostolis accipiantur necesse est.

Quae dum audio, mirari equidem satis non possum *vel* praeposteram textuum collationem, *vel* manifestam deducendi ἀσυλλογιστίαν. An ut mutuo Scripturae concilientur, negari debent, vel secus ac postulent certissimae interpretandi leges intelligi, quae alicubi forte tradantur? quisque sentit utrumque esse perabsurdum, et ad committendas secumipsis, non item componendas Scripturas idoneum. Nihilominus hanc ineunt protestantes rationem, ac ut ea apte interpretentur quae scribit Johannes, negant vel male detorquent quae Lucas testatur. Profecto si huic me vellem dedere viae, non aegre comprobarem, verba²⁵, ἐγὼ περὶ αὐτῶν ἐρωτῶ, ita *ad apostolos* referri, ut *ad fideles* omnino omnes *ex aequo* pertineant. Additur²⁶ namque: οὐ περὶ τούτων δὲ ἐρωτῶ μόνον, ἀλλὰ καὶ περὶ τῶν πιστευόντων διὰ τοῦ λόγου αὐτῶν εἰς ἐμὲ, ἵνα πάντες ἐν ὦσιν. Atqui me ita disserentem iure protestantes risu exploderent, graviterque monerent, ut prioribus verbis²⁷ diligentius inspectis animadverterem, tale esse quod iis subiungitur incisum, οὐ περὶ τοῦ κόσμου ἐρωτῶ, ἀλλὰ περὶ ὧν δέδωκάς μοι, ut nequeant illa nisi ad solos apostolos referri. Cur vero non ista sibi quoque dicta censent? aut cur animus ad ista

²¹) Ibid. vv. 33—34.

²⁵) Ibid. v. 9.

²²) Ibid. v. 35.

²⁶) Ibid. v. 20.

²³) Joh. XVII. 9.

²⁴) Ibid. vv. 11—13.

²⁷) Ibid. v. 9.

non advertunt, quum Christi apud Lucam sermonem enarrandum aggrediuntur? si hoc se pacto gererent, illico assequerentur, talem esse contextum, ut quidvis potius facilius sit, quam eum sermonem ab uno *Petro* ad omnes communiter *apostolos* transferre.

186. Ceterum qua ipsi via consensionem eorum ostendent quae Johannes refert; eadem nos quae penes eum sunt cum iis quae Lucas describit, conciliabimus. Illis vero *ad harmoniam* adducendis sat est considerare, *hac* veluti lege pro fidelibus²⁸ orasse Christum, ut suam ipsi fidem ad apostolorum praedicationem exigerent. Oravit *pro fidelibus* immediate Christus, oravit²⁹ et *pro apostolis*; sed pro his *tamquam magistris ac pastoribus*, pro illis vero *tamquam discipulis et ovibus*. Oratio igitur *pro fidelibus* a Christo fusa eo inprimis spectavit, *ut iidem supernis donarentur gratiis*, quibus *possent ac vellent* apostolis obsequi, et praedicato ab apostolis verbo firmissime adhaerere. Quod quum Scripturarum omnium *ἀναλογία*, tum adhibitis a Christo verbis³⁰, *διὰ τοῦ λόγου αὐτῶν*, perspicue confirmatur.

Jamvero ratione non dissimili et pro fide *unius Petri*, et pro fide *omnium apostolorum* orasse Christus dicendus est. Oravit pro fide unius Petri, sed *tamquam eius*, qui *omnium caput, omniumque firmamentum* futurus erat. Oravit et pro fide omnium apostolorum, sed ut orandum *pro iis* erat, *qui nihil seiuncti a capite, nihil a suo firmamento avulsi sibi merito pollicerentur*. Quare precibus pro Petro oblatis id a Patre Christus impetravit, ut ille quamquam acerrime tentatus, *in se* stabilis, immotusque redderetur: oratione vero pro apostolis consequutus est, ut hi nullo tempestatum turbine, nullisque procellis *a Petri consortio, eademque cum eo tenenda promulgandaque fide abstraherentur*.

187. Ac opportunissimae sane fuerunt preces, quum omnes in aperto vitae, salutisque discrimine versarentur. Quod ut Christus significaret, exorsus sic est³¹: *Σίμων, Σίμων*, qua nominis vehementi repetitione animos erexit, intentosque fecit: *ἰδοὺ ecce iam illud instat ac urget quod me sollicitum habet, quodque vobis impendet: ὁ σατανᾶς adversarius ille κατ' ἐξοχήν* et homicida ab initio *ἐξητήσατο*³² *ὑμᾶς vos depoposcit* ut illi dedamini. At quo consilio, quemve in finem? metaphora³³ e re frumentaria petita subdit Jesus: *τοῦ σινιάσαι ὡς τὸν σῖτον, ut vos tritici instar cerneret*³⁴, *ventilaret, cribraret*, concussosque inter paleas³⁵ igni destinatas reiceret. Quo vero pacto, quove

²⁸) Ibid. v. 20.

²⁹) Ibid. vv. 9. seqq.

³⁰) Ibid. v. 20.

³¹) Luc. XXII. 31.

³²) Verbum *ἐξαιτέω* classicis scriptoribus est, *postulo ad quaestionem, ad supplicium*. In N. T. est *ἀπαξ λεγόμενον*,

et collatione loci ex Job. I. 11—12. apparet, sensu non dissimili adhiberi.

³³) Metaphorae ex hoc fonte petitae occurrunt in Scripturis frequentissimae.

³⁴) Hisce omnibus verbis latini patres apud Sabbatier reddunt *σινιάζω ἀπὸ τοῦ σέλω, concutio*, unde *σῖτον, cribrum*.

³⁵) Matth. III. 12. coll. Luc. III. 17.

pugnae genere de tanta apostolorum caede sibi satanas blandiebatur? ex ope quam illis Jesus tulit, de periculo, deque tentatione quae omnibus ingrueret, iudicandum est. Subiecit porro Jesus: *ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου*. Non flores igitur ac fructus, non ramos et truncum, sed *radicem ipsam* petebat satanas, ut apostolos funditus labefactaret. Petebat *fidem* quae bonorum omnium *radix* est, ac *origo, principiumque* coniunctionis cum Christo. Tentatione igitur omnium deterrima *ὁ σατανᾶς ἐξητήσατο* adgreditum Petrum, quum apostolos ceteros, ut illos simul omnes victos prostratosque a Christo penitus separaret.

188. In tanto autem eorum discrimine, qui cum Christo in suis tentationibus hucusque permanserant, quos ille tuendos custodiendosque a Patre susceperat, quosque futuros testes, principesque evangelii legatos designaverat; neque sibi neque illis defuit, sed praesentissimam opem, qua victores existerent, iis aperuit verbis quae nuper adduximus, inquires: *ἐγὼ, ego* qui³⁶ te beatum nuncupavi, quique credis me esse Filium Dei viventis, *ἐδεήθην, oravi*, meisque precibus certissime impetravi quod petii, et quidem oravi *περὶ σοῦ, pro te*, cui petrae nomen, indiciumque firmitatis constantiaeque indidi, et super quem aedificaturum me ecclesiam meam spondendi, *ἵνα μὴ ἐκλείπῃ ἡ πίστις σου, ne fides tua*, quae petrae instar fundamentique esse debet, *non solum non frangatur, sed ne*³⁷ *levissime quidem concutiat*ur: καὶ *σύ ποτε ἐπιστρέψας στήριξον τοὺς ἀδελφούς σου, et tu*, quemadmodum Vulgatus ista reddidit, *aliquando conversus confirma fratres tuos*.

Haec autem diligentius modo non quaeram, *aut* quae sit participii *ἐπιστρέψας* germana significatio, aut *quo* adverbium *ποτε* referri proprie debeat, *aut* quem habitum Petrum inter fratresque Christus constituerit; sed illud sumam quod omnes concedunt, quodque ii etiam profitentur³⁸, qui e verbis Salvatoris hunc prodire sensum existimant: *et tu posteaquam meo auxilio, meaque prece adiutus ab ea resipueris culpa, qua tentatione victus me negaturus es, confirma fratres tuos, illisque animos ac robur adiucito*. Sumam videlicet quod Theophylactus³⁹ huius commentarii assecla nulli secundus his verbis complectitur: „*Εδεήθην οὖν, ᾐτήσιν, ἵνα μὴ ἐκλείπῃ ἡ πίστις σου. εἰ γὰρ καὶ πρὸς μικρὸν μέλλεις σαλευθῆναι, ἀλλ’ ἔχεις ἐναποκείμενα τὰ σπέρματα τῆς πίστεως. καὶ τὰ φύλλα ἐρύνηε τὸ πνεῦμα τοῦ ἐπηρεάζοντος, ἀλλ’ ἡ ῥίζα ἔζη, καὶ οὐκ ἐκλείπει ἡ πίστις σου. Σὺ δὲ ἐπιστρέψας στήριξον τοὺς ἀδελφούς σου. τὸ μὲν πρόχειρον νοῆσαι, τοῦτ’ ἐστίν, ὅτι ἐπειδὴ σε τῶν μαθητῶν ἑξαρχον ἔχω, μεθ’ ὃ ἀρνησάμενός με, κλαύσεις, καὶ εἰς μετάνοιαν ἔλθης, στήριξον τοὺς λοιπούς. τοῦτο γὰρ προσήκει σοι ὡς μετ’ ἐμὲ ὄντι τῆς ἐκκλησίας πέτρα καὶ στηρίγματι. Νοήσεις δ’ ἂν τις τοῦτο οὐ μόνον περὶ τῶν τότε*

³⁶) Matth. XVI. 17.

³⁷) Quam significationem et verbum *ἐκλείπω* patitur, et contextus flagitat.

³⁸) Hi autem sunt plures, tam catholici quam protestantes.

³⁹) In comm. ad h. l.

ἀποστόλων εἰρησθῆναι, ὡς ἂν ὑποστηριχθῶσιν ὑπὸ τοῦ Πέτρου, ἀλλὰ καὶ περὶ πάντων τῶν ἄχρι τῆς συντελείας τοῦ αἰῶνος πιστῶν. *Rogavi igitur, dicit, ut non deficiat fides tua.* Quamvis enim brevi tempore concutiendus sis, habes tamen recondita semina fidei, ut etiam si folia abiecerit spiritus invadentis, radix tamen vivet, et non deficiet fides tua. *Tu vero conversus confirma fratres tuos.* Planus horum intellectus is est: quia te habeo ut principem discipulorum, postquam negato me fleveris, et ad poenitentiam veneris, confirma ceteros. Hoc enim te decet, qui post me ecclesiae petra es et firmamentum. Intellexerit autem quis non solum de apostolis dictum quod confirmati fuerint a Petro, sed de omnibus qui usque ad consummationem saeculi futuri sunt fideles.“

Christus igitur I. a reliquis Petrum secrevit: II. peculiarem illius curam gessit: illum III. immotae fidei charismate auxit: illi IV. ceterorum omnium tam apostolorum quam fidelium, tam pastorum quam ovium stabilitatem ac in vera fide constantiam commisit: unde V. illius magisterio ac auctoritati reliquos prorsus omnes subiecit. Quid iam propterea concludendum est? quod nemo non cernit, quodque omnes contuentur, *nobilissimas hisce praerogativas contineri, et exsortis cuiusdam auctoritatis primatum significari.*

C A P U T . XIII.

De sincera participii ἐπιστρέψας significatione: — communior interpretatio: — quae illi refragentur: — ex ordine promuntur: — eamque acceptionem probari non posse colligitur: — quae illius loco anteferenda sit: — adducitur, usuque loquendi, adiunctisque sermonis communitur: — incidens obiectio: — expeditur, dictaque confirmantur: — altera eodem pertinens enarratio: — quae illam commendat: — ubi paucis de lectione variante, καὶ σὺ ἐπίστρεψον: — qui hoc in contextu ἀδελφοὶ nominentur: — hi sunt apostoli: — de imperativo στήριξον: — deque dignitate auctoritatisque praestantia qua unus prae omnibus Petrus excelluit.

189. **S**epositam paullo superius ¹ indaginem de vera sinceraque participii ἐπιστρέψας significatione, in praesentia adgredior, non quod illam tuendis asserendisque Petri ornamentis necessariam arbitrer: haec enim sibi praeclare constant quaecumque tandem eiusdem acceptio praeferatur; sed quod e re esse putem, agitatam a plurimis controversiam non omnino praeterire, difficultates vero si quae complanari possint, diluere, veritatemque, disiectis tenebris, sua in luce, suoque in splendore collocare.

¹) n. 188.

Casaubonus ² itaque, Hackspanius ³, Wolfius ⁴, Stockius ⁵, Pricaeus ⁶, Schleusner ⁷, ac ne omnes commemorem, Theophilus Kuinoel ⁸ auctores sunt: I. participium ἐπιστρέψας ad culpam, negationemque Petri perspicue satis referri: proindeque II. non minimum eos falli, qui adverbii potestatem eidem subiiciunt, et πάλιν καὶ ἀμυνθείως interpretantur. Quod posterius ut Wolfius ⁹ efficiat, his utitur argumentis: „Novam istam interpretationem non patitur *tum* series sermonis, in quo de lapsu futuro diserte agitur, *tum* vero eventus rei, quandoquidem Petrus et paulo post lapsus est, et efficaci Domini adspectu ad poenitentiam perductus, *et communior notio* verbi ἐπιστρέφειν, quippe quod alias cum μετανοεῖν coniungitur a Luca, Act. III. 13, *et saepe eundem significatum* apud τοὺς LXX. obtinet, ut Jes. VI. 10, et I. Reg. VIII. 33.“ De priori vero capite sic habet Pricaeus: „Accedo iis qui ἐπιστρέψας heic exponunt, *conversus*, nempe ad poenitentiam: sic fere supra XVII. 4. Qui Petrum tam periculose lapsurum vidit, eundem itidem praevidit congruam poenitentiam acturum: nil opus itaque cum eruditis quibusdam hoc loco ad hebraismum recurrere. *Tu*, inquit Christus, *cum resipueris, fratres tuos*, nempe reliquos apostolos, aut quosvis alios qui vel per te vel per illos fidem amplexuri fuerint, *confirma*, ne cadant nempe, aut saltem cum ceciderint, tuo exemplo doce eos de venia non desperare. Sane Eulogius apud Photium ideo claves putat datas ei praeter ceteros apostolos, ut post negationis vulnus et medelam poenitentiae, τῷ καθ' ἐαυτὸν ὑποδείγματι πρὸς τοὺς ἐξαμαρτάνοντας φιλανθρωπότερον διατίθοιτο· οἱ γὰρ ἄλλοι ἀπειραστοὶ μεμενηκότες, τάχα ἂν ἀποτομώτερον αὐτοῖς διακέχρητο.“

Unde Kuinoel relata Grotii, Bengelii, Thalemani et van Hegel interpretatione, qua ἐπιστρέψας reddunt *rursum* ac *vicissim*, subdit: „Hanc rationem ipse olim amplexus sum, sed iterata loci pertractatione in vulgari verborum ἐπιστρέψας στήριξον interpretatione acquiescendum esse intellexi. Nam negari quidem nequit, verbum hebraicum בָּשׁוּ aliis verbis ¹⁰ ita iungi, ut partes adverbii agat, et in versione alexandrina ¹¹ ἐπιστρέφειν vim obtinere adverbii πάλιν. Sed qui e libris N. T. hanc in rem afferuntur loci, Act. VII. 42, XV. 36, diversi generis sunt. Neque hoc loco haec interpretatio necessaria est, sed commode verba reddi possunt: *et tu aliquando conversus, seu ubi resipueris, fratres tuos confirma*. Obiecerunt quidem de Petri abnegatione in sequentibus demum sermonem esse, eamque Christum commemorasse, postquam Petrus affirmasset, se cum magistro carcerem et ipsam necem adire paratum esse; sed, ut recte animadvertit Olshausenus, Petri fidem vacillaturam esse, significatur verbis quae praecesserunt, ἵνα μὴ ἐκλείπῃ ἡ πίστις σου.“

²) In Exercitt. Anti-Baronianis pag. 640.

³) In notis pag. 370.

⁴) In curis ad h. l.

⁵) In observatt. ad N. T.

⁶) In notis ad h. l.

⁷) In lexico N. T. ad v. ἐπιστρέφω.

⁸) In comm. ad h. l.

⁹) I. c.

¹⁰) Vide Gesenii Lex. Hebr. ad v. בָּשׁוּ.

¹¹) Ps. LXXXV. 7—8, I. Reg. IX. 6.

190. At ego contra in hac versor omnino sententia, futurum numquam ut eruditi interpretes de hac participii ἐπιστρέψας significatione cogitassent, nisi evangelica historia Petri casum, negationemque retulisset. Ac nemo sane eorum est qui contendat, aut vero contendere iure possit, talem esse verbi ἐπιστρέφειν nativam, insitamque vim, quae eam acceptionem *necessario* postulet, alteram autem *necessario* reiiciat ac damnet. Verbum namque est suapte natura, usuque loquendi ¹² πολύσημον, sive quum *transitive*, sive quum *intransitive* usurpatur: sive quum *proprie*, sive quum *metaphorice* adhibetur; adeoque ex sese non potius exigit ut *conversus* et *resipiscens*, quam ut *vicissim* adverbiali significatione reddatur. Quare eo tota contentio redit, ut vocato in examen contextu, adiunctisque sermonis diligenter expensis, de alterutra interpretatione iudicetur. Jam vero tam quae *antecedunt* et *comitantur*, quam quae *subsequuntur* ita se mutuo habent, ut cum acceptione de Petri *conversione ac resipiscentia* nullatenus componi posse videantur.

191. Et ad *antecedentia* quod attinet, I. *nulla* iis *mentio* ¹³ continetur sive lapsus, sive negationis, qua Petrus *a lege profitendae fidei* esset defecturus. Neque Petrus igitur, neque ex apostolis quispiam quum Christum audit pronunciantem, καὶ σύ ποτε ἐπιστρέψας, de negatione, deque lapsu cogitare potuit. Nefas porro est eas verbis notiones adnectere, quae audientium animos mentesque ¹⁴ subire non potuerint. Immo II. quae antecedunt, comparata sic sunt, *ut animum a quavis lapsus cogitatione avocare debuerint*. Etenim iis quidem periculum exprimitur, quod ex satanae machinationibus Petro, ceterisque cum eo apostolis ¹⁵ ingrueret; sed omnes continuo, ac prae omnibus Petrus de praesentissima Dei ope ¹⁶ monentur, qua invicti immotique consisterent. Quaevis igitur futuri lapsus cogitatio quam longissime removebatur. Secus enim III. Petrus et cum eo apostoli ita rationes subducere debuissent: opem quidem sibi divinam praesto fore, qua inflammatos satanae impetus retunderent; futurum tamen ut hi quadamtenus praevalerent. Quis porro ausit vel Petro vel omnibus universim apostolis eiusmodi iudicium tribuere? Non sinunt igitur *antecedentia*, ut ἐπιστρέψας de poenitentia, lapsusque reparatione intelligatur.

192. Quam significationem ipsa quoque *comitantia* excludunt. Participium enim ἐπιστρέψας ita *subito* in oratione comparet, ut eiusdem potestas *obvia*, nexuque partium *conspicua* ac *determinata* censi debeat. Quid vero in partium serie, ductuque deprehenditur, quo mentem illico resipiscentiae conversionisque potestas occuparet? nihil prorsus. Talis igitur significatio *a comitantibus* abhorret.

Ad haec: ἐπιστρέψας proxime nectitur cum adverbio temporis ποτέ,

¹²) Cf. Schleusneri Lexicon N. T. ad v. ἐπιστρέφειν.

¹⁴) Credo hanc esse non ultimam legitimae interpretationis regulam.

¹⁵) Luc. XXII. 31.

¹³) Luc. XXII. 31—33.

¹⁶) Ibid. v. 32.

neque divelli ab eo potest, si de Petri conversione intellectum reddatur, *quum resipueris*. Adverbium autem ποτέ, non secus ac latinum *aliquando*, sive *de tempore praeterito*¹⁷, sive *de futuro*¹⁸ usurpetur, constanter *notionem* praefert *temporis*¹⁹ *indefiniti* aut certe *remotioris*, ac numquam, quod sciam, *tempus definitum*, illudque iam *instans* repraesentat. Ut igitur ἐπιστρέψας de conversione intelligi, ac referri ad conversionem possit, necesse est notio illi *indefiniti temporis*, vel certe *remotioris* subiiciatur; adeo ut verba Christi hunc reddant sensum: *et tu quum aliquando resipueris, negationisque crimen poenitentia absteriseris, confirma fratres tuos*. Sed conversio Petri iam instabat, ac aliquot elapsis horis futurum erat, ut contractam negatione culpam amaris lacrimis purgaret. A propria ergo adverbii ποτέ significatione alienum est, ut ἐπιστρέψας ad poenitentiam conversionemque referatur.

Neque minus *a modo* alienum est, quo ἐπιστρέψας et στήριζον mutuo coniunguntur. Cohærent enim ἀμέσως, nulla interiecta particula separantur, ipsaque constructionis forma ostendunt, significatam²⁰ utroque verbo actionem tam *convertendi se*, quam *fratres stabiliendi*, in *unum idemque áριστον tempus* adverbio ποτέ expressum, *conspiraturam*. Quod falsum plane esset, si ἐπιστρέψας de conversione sumeretur. Quum enim Petrus a negatione resipuit, quumque²¹ στραφείς ó κύριος ἐνεβλεψε τῷ Πέτρῳ, ac ipse²² ἐξελθὼν ἔξω ἔκλαυσε πικρῶς: tum profecto non confirmavit fratres, sed ipse contra restitutus, confirmatusque fuit.

Accedit *habitus*, quo sibi incisa sermonis respondent, et cum quo mentionem lapsus nulla ratione componas. Ita namque se mutuo excipiunt:

ἐγὼ δὲ ἐδεήθην

καὶ σύ

ἵνα μὴ ἐκλείπῃ ἡ πίστις σου

ποτε ἐπιστρέψας στήριζον

περὶ σοῦ.

τοὺς ἀδελφούς σου.

Atqui ab hac membrorum συναφείᾳ, arctissimaque conspiratione nihil luculentius abhorret quam idea ac mentio lapsus, quo ille ipse excideret, pro quo I. nominatim oravit Jesus, ἵνα μὴ ἐκλείπῃ ἡ πίστις σου, ut *fides tua non deficiat*, idest per usitatam²³ μείωσιν, ut *fides tua invicta perstet*; quemadmodum et consequens στήριζον innuit, suadetque, ἐκλείπω ita opponi τῷ στηρέω, ut ἵνα μὴ ἐκλείπῃ ἡ πίστις σου idem valeat ac ἵνα στερεὰ διαμείνῃ ἡ πίστις σου: et a quo II. nominatim exegit, ut iam ipse confirmatus divinitus, officii vicem *confirmando* fratres rependeret.

193. Ad ea venio quae *subsequuntur*, quaeque perspicuitate non dis-

¹⁷) Joh. IX. 13, Rom. VII. 9, Gal. I. 13.

perataque modo, qui participio ἐπιστρέψας innuitur.

¹⁸) Rom. I. 10.

²¹) Luc. XXII. 61.

¹⁹) I. Cor. IX. 7, Hebr. I. 5, II. Petr. I. 10.

²²) Ibid. γ. 62.

²³) Quemadmodum Exod. XX. 7, Ps.

²⁰) Phrasi ἐπιστρέψας στήριζον unica effertur actio certo quodam affecta, tem-

LXXXVIII. 50, Matth. XII. 32, Joh. XIV. 18, Rom. I. 16, Hebr. XIII. 2.

simili eam participii ἐπιστρέφας acceptionem excludunt quam improbamus. Itaque ²⁴ respondente Petro, ac pro tanto quo auctus beneficio fuerat, his verbis gratiam referente: Κύριε, μετὰ σοῦ ἔτοιμός εἰμι καὶ εἰς φυλακὴν καὶ εἰς θάνατον πορεύεσθαι, subiecit ²⁵ continuo Jesus: Λέγω σοι, Πέτρε, οὐ μὴ φωνήσῃ σήμερον ἀλέκτωρ, πρὶν ἢ τοὺς ἀπαρνῆσθαι μὴ εἰδέναι με. Nimirum his *primum* et Petri casum, et miserrimam eiusdem negationem Jesus significavit. Omnia igitur movent, et cum *subsequentibus antecedentia* commiscant, qui ἐπιστρέφας de conversione a crimine interpretantur.

194. Adversus quam interpretationem et illud postremo facit, quod etsi unicum esset, decretorium tamen censendum foret, quod eiusdem auctores, assertoresque neque ad *tempus* advertant, neque secum *adiuncta* reputent, quibus voluit Jesus ut oblatae pro Petro preces *suum exitum* sortirentur. Perspicuis namque eiusdem oraculis liquet, *non antea* ipsum confirmationem fratrum, apostolorumque tutelam cuipiam credidisse, quam ²⁶ e mundo abscederet, ad Patrem ²⁷ rediret, Sanctumque Spiritum, eumque Paracletum ²⁸ e caelis mitteret. Quamdiu enim in mundo ipse visibilis mansit, quamdiu ante reditum ad Patrem, effusumque Spiritum cum apostolis versatus est; tamdiu suorum curam ipsemet ²⁹ gessit, ex iisque neminem perdidit, εἰ μὴ τὸν υἱὸν τῆς ἀπωλείας, ἵνα ἡ γραφὴ πληρωθῇ. Postulavit autem ne *tum* Petri fides deficeret, quum illi munus officiumque roborandi stabiliendique fratres *primum* incumberet. Quum igitur hoc officium non antea Petrum obstrinxerit, quam Patris dexteram Jesus repetiisset; manifestum sane est, fusas pro eius fide preces *ad tempus illud* pertinere, quod cum Jesu ad Patrem reditu *incoepit*, quodque porro *consequutum est*. Quid igitur illos agere putabimus, qui verba: Ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου· καὶ σὺ ποτε ἐπιστρέφας στήριξον τοὺς ἀδελφοὺς σου, ad Petri casum referunt, deque eiusdem negatione, poenitentiaque accipiunt? putabimus id agere, quod est omnino perversissimum, ut in expositionis delectu nulla temporis, nullaque adiunctorum ratio habeatur.

195. Subvertimus hactenus quae nobis improbanda videbantur, eaque reiecit quae falsa putabamus; illud absolvendae quaestioni ³⁰ iam est reliquum, ut interpretationem proferamus quam *unice veram* esse credimus, illamque idoneis argumentis demonstramus. Finge igitur id tibi muneris esse iniunctum, ut quae Lucas graece scripsit, hebraice ³¹ interpreteris. Quoniam apprime nosti alexandrinis interpretibus solemne esse, hebraico יְהוֹשֻׁעַ graecum ἐπιστρέφω substituere; sine ulla dubitatione sic ea verteres: יְהוֹשֻׁעַ תְּשׁוּבָה

²⁴) Luc. XXII. 33.

²⁹) Ibid. XVII. 12.

²⁵) Ibid. v. 34.

³⁰) Ideo enim utile est falsa refutasse, ut quae vera sunt firmiter stabiliantur.

²⁶) Joh. XVII. 11—12.

³¹) Qua de re ne admiratio subeat, recolito dictionem N. T. ad hebraicum typum maxime accedere.

²⁷) Ibid. XVI. 5—7.

²⁸) Ibid. XIV. 25—26.

תְּחִיבֵךְ אֶת-אֲחֵיךְ. Ea autem sic versa, quonam pacto *latine* redderes? quum שׁוּב in hac συντάξεως forma vim propriam frequentissime exuens *adverbialem potestatem* induat; ideo שׁוּב תְּחִיבֵךְ idem esse existimares ac πάλιν, *iterum, rursum*.

Quam acceptionem eo retineres constantius, quo plenius perfectiusque cognosceres, non aliter ab alexandrinis verbum ἐπιστρέφειν saepissime usurpari. Ac ita sane usurpatur ubi³² legimus: וַיָּשָׁב יִיבֵן, καὶ ἐπέστρεψε, καὶ ᾠκοδόμησε, et *iterum aedificavit*. Ita ubi³³ dicitur: וַיָּשׁוּב וַיִּתְּמַתִּים, ἐπιστρέψω καὶ ἐλεήσω αὐτούς, *iterum miserebor eorum*. Neque alio sensu occurrit sive apud Joelem³⁴: יָשׁוּב וַיִּנְחַם, ἐπιστρέψει καὶ μετανοήσῃ, *eum iterum poenitebit*; sive apud psalmographum³⁵: הֲלֹא אַתָּה תָּשׁוּב תַּחֲיִינוּ, ὁ θεὸς σὺ ἐπιστρέψας ζωώσεις ἡμᾶς, *nonne tu rursum vivificabis nos?* sive apud Nehemiam³⁶: וַיָּשׁוּבוּ וַיַּעֲקֹרֶךְ, καὶ πάλιν ἀνεβόησαν πρὸς σέ, et *rursum ad te clamarunt*.

196. Quum itaque *adverbialem participii ἐπιστρέψας significationem* tam praeclare *loquendi usus* commendet; ea nobis verissima erit, si aequè commode *cum serie ductuque orationis* consentiat. Haec autem consensio tanta est, ut vix maior in votis esse posse videatur. Nihil enim concinnius, nihil ad harmonicum parallelismum hac membrorum dispositione venustius:

Ἐγὼ δὲ ἐδεήθην περὶ σοῦ,

Καὶ σύ ποτε πάλιν

ἵνα μὴ ἐκλείπῃ ἡ πίστις σου.

στήριξον τοὺς ἀδελφούς σου.

Ego autem oravi pro te, ut fides tua invicta perstet; et tu iterum aliquando confirma fratres tuos.

197. Sed quorsum, petent aliqui, illud πάλιν, *iterum?* an secunda, iterataque vice Petrus erat confirmaturus fratres, quos iam antea primum confirmasset? Ut respondeam, difficultatemque penitus e medio tollam, animadverto I. adverbium πάλιν ad duplicem distinctumque terminum referri posse, ad personam primum, ad actum deinde, munusque confirmandi. Profecto si ad personam referretur, constaret sibi difficultas, neque idonea suppeteret ratio qua perspicue complanaretur. Sed nihil evidentius quam πάλιν referri ad actum, ac orationem sic esse tacite³⁷ comparatam, ut subiectus illi sensus huc redeat: „Sicuti ego pro te rogavi ut immotus in fide perstares; ita et tu iterum aliquando simile erga fratres tuos confirmandi munus expleto.“

Praeterea II. eiusmodi est adverbium πάλιν, quod pro contextuum discrimine, non una sed multiplici significatione adhibetur; quas inter ea postrema

³²) II. Reg. XXI. 3. coll. II. Paral. XXXIII. 3.

³⁵) Ps. LXXXV. 7.

³⁶) Nehem. IX. 28.

³⁷) Indicia enim, signaque comparationis crebro supplenda sunt. Cf. Glassium, Lib. I. Tract. V. can. XXXI.

³³) Jerem. XII. 15.

³⁴) Joel. II. 14.

non est qua idem notat ac *itidem* et *vicissim*. Hoc sensu plus semel apud profanos scriptores, neque infrequenter apud sacros ³⁸ occurrit. Incisum ergo, καὶ σύ ποτε πάλιν στήριξον τοὺς ἀδελφούς σου, sic aptissime redditur: *et tu vicissim aliquando* ³⁹ *confirma fratres tuos*.

Cui interpretationi vindicandae illustrandaeque et illud III. conducit, quod verba בָּשׂוּ et ἐπιστρέφω non notionem tantum *temporis*, *actusve qui repetatur*, verum etiam ἀντιστροφῆς non raro praeseferant. Hac notione adhibentur ubi ⁴⁰ legimus: מִי יֵדַע יְשׁוּב וְנָתַם, τίς οἶδεν εἰ ἐπιστρέψει καὶ μετανοήσῃ; *quis scit, an non contritioni nostrae vicem rependens ignoscat?* eandemque obtinent notionem ubi ⁴¹ dicitur: הָשִׁיב עָלֶיךָ יְהוָה כָּל דְּמֵי בֵית-שָׁאוּל, ἐπέστρεψεν ἐπὶ σὲ κύριος πάντα τὰ αἵματα τοῦ οἴκου Σαὺλ, id est ex interpretatione Vulgati, *reddidit* ⁴² *tibi Dominus universum sanguinem domus Saul*. Fas igitur est in eo quem versamus contextu, ἐπιστρέψας reddere πάλιν, nimirum ἀμοιβαίως ac *vicissim*.

198. Quibus ego nihil prorsus adderem, nisi alia se mihi interpretatio offerret, quae cum hac non minus *splendore* quam *simplicitate* suo merito compareretur. Sane video in graecis utriusque testamenti libris frequentissimum esse usum verbi ἐπιστρέφω, ut *benevola mentis animique in aliquem conversio*, *susceptaque de eo cura* exprimantur. Ad hunc stabiliendum usum ista praeter alia pertinent ⁴³: ἐπίστρεψον κύριε, *convertere Domine et eripe animam meam*: ἐπιστρέψας ἐζωοποίησάς με, *conversus vivificasti me*: ἐπιστρέψας παρεκάλεσάς με, *conversus consolatus es me*: ἐπίστρεψον δὴ, *convertere autem, et respice de caelo*: ἐπίστρεψον κύριε, *convertere Domine, et exorabilis esto super servos tuos*: ἐπιστρέψατε πρὸς μέ, καὶ ἐπιστραφήσομαι πρὸς ὑμᾶς, *convertimini ad me, et ego convertar ad vos*: ὁ δὲ Ἰησοῦς ἐπιστραφεὶς, *Jesus autem conversus et videns mulierem αἰμορροοῦσαν, dixit, confide filia*: καὶ στραφεὶς πρὸς τὴν γυναῖκα, *et conversus ad mulierem (Magdalenam), dixit Simoni, . . . remittuntur ei peccata multa*: καὶ στραφεὶς πρὸς τοὺς μαθητάς, κατ' ἰδίαν εἶπε, *et conversus ad discipulos, illis seorsum dixit, beati oculi qui vident quae vos videtis*: καὶ στραφεὶς ὁ κύριος ἐνέβλεψε τῷ Πέτρῳ, *et conversus Dominus sollicitè inspexit* (non solum ἀνέβλεψε, sed ἐνέβλεψε) *Petrum*: στραφεῖσα ἐκεῖνη λέγει αὐτῷ· ῥάββουνί, *conversa illa (Maria) dicit ei, rabboni*: et ne sim nimius, hoc altero absolvam exemplo, ἰδού, στρεφόμεθα εἰς τὰ ἔθνη, *ecce convertimur ad gentes*.

³⁸) Exempla praebebit Schleusner in Lex. N. T. ad v. πάλιν.

³⁹) Gallice vero: *et vous, à votre tour, confirmez un jour vos frères*.

⁴⁰) Joel. II. 14.

⁴¹) II. Sam. XVI. 8.

⁴²) Syrus vertit, *rependat, retribuatur*; utitur enim verbo 𐤒𐤕𐤁.

⁴³) Ps. VI. 4, LXX. 22, LXXXIV. 6, LXXIX. 15, LXXXIX. 15; Jerem. XV. 19, Zach. I. 3, Matth. IX. 22, Marc. V. 30, Luc. VII. 44, X. 23, XIV. 25, XXII. 61; Joh. I. 38, XX. 16; Act. IX. 40, XIII. 46.

Qua exemplorum copia perspicue ostenditur: I. non minus graeco ἐπιστρέφω, quam latino *converto* apud vulgatum interpretem, vim significationemque subesse *propensi animi, curaeque sollicitae quae de aliquo suscipiatur*: ad haec II. coniunctione verbi ἐπιστρέφω cum altero verbo, sive copula inter utrumque existat, sive absit, *non tam actionem duplicem, quam unam eandemque efferrī, illamque eleganti quadam imagine repraesentatam*. Manifestum id est quum dicitur: *convertere et eripe animam meam*, idest, *animo in me benevolo memet libera*; ac rursum: *conversus consolatus es me*, idest, *tua me benevolentia recreasti*. Quum itaque Christum audimus ita Petrum compellantem: *ego autem rogavi pro te, ne deficeret fides tua; et tu aliquando conversus confirma fratres tuos*: si quemadmodum par est, receptum in Scripturis loquendi usum tenemus, idem nobis esse debet ac si eum audiremus dicentem: *sicuti ego ad te conversus pro te rogavi, ne deficeret fides tua; ita et tu aliquando ad tuos fratres conversus* (conversione non poenitentiae ac luctus, sed *tutelae et protectionis*) *illos confirma*.

199. Cum quo Christi sermone ea mihi utiliter conferri posse videntur, quae Deus Jeremiae pollicetur ⁴⁴, inquit: לָכֵן כֹּה-אָמַר יְהוָה אֱלֹהֵי-יִשְׂרָאֵל וְאֵם-תּוֹצִיא יָקָר מְוֹלֵל בְּפִי תִדְּרָה יִשְׁבוּ הָמָּה וְאִשְׁיִבְךָ לִפְנֵי פַעֲמַד וְאֵם-תּוֹצִיא יָקָר מְוֹלֵל בְּפִי תִדְּרָה יִשְׁבוּ הָמָּה אֵלֶיךָ וְאִתָּה לֹא-תָשׁוּב אֲלֵיהֶם: Διὰ τοῦτο τὰδε λέγει κύριος· ἐὰν ἐπιστρέψῃς, καὶ ἀποκαταστήσω σε, καὶ πρὸ προσώπου μου στήσῃ· καὶ ἐὰν ἐξαγάγῃς τίμιον ἀπὸ ἀναξίου, ὥς στόμα μου ἔσῃ· καὶ ἀναστρέψουσιν αὐτοὶ πρὸς σέ, καὶ σὺ οὐκ ἀναστρέψεις πρὸς αὐτούς. Propterea haec dicit Dominus: *si conversus fueris ad populum meum, illique medeberis, et ego convertar ad te*, te assumam, efficiamque *ut stes coram facie mea*, meam gratiam experiaris, tuumque mihi commodum ministerium; *et si eduaxeris, separaverisque pretiosum a vili, sicuti os meum eris, prophetae apud me dignitate excelles*, verbaque mea ad filios Israel deferes; *convertentur illi ad te*, tuamque opem implorabunt, ut ab eis factum legimus ⁴⁵, *et tu non converteris ad eos*, neque illorum auxilio indigebis: *te namque*, ut e vestigio subditur, *dabo populo huic in munitum aeris murum: oppugnabunt te, sed non praevalerunt, quia ego tecum ut te servem, eripiamque*. Quid iamvero opportunius, quam verba, καὶ σὺ ποτε ἐπιστρέψας στήριξον τοὺς ἀδελφούς σου, sic interpretari: *et tu aliquando curis, studiisque tuis ad fratres tuos conversus, illis opem ferto, illosque confirma?*

200. Neque alium profecto sensum ob oculos habuisse dicendi sunt interpretes syrus, arabs et persicus, qui vertunt: *et tu aliquando convertere, et confirma fratres tuos*: quam lectionem suo suffragio confirmant codex cantabrigiensis, qui legit, σὺ δὲ ἐπιστρέψον, καὶ στήριξον τοὺς ἀδελφούς σου:

⁴⁴) Jerem. XV. 19.⁴⁵) Jerem. XXI. 2.

item Gelasius qui ⁴⁶ textum sic refert: *et tu aliquando converte, et confirma fratres tuos*: ac forte etiam Augustinus ⁴⁷ inquit: *vade, et conforta fratres tuos*.

Etenim I. haec verba istis prorsus sunt gemina, *convertere Domine, et eripe animam meam*; atque simili idcirco sensu accipi debent. Eo vel magis II. quod altera notio *conversionis a culpa* omnino praepostera videatur. Me namque latet, excogitari nec ne aliquid possit *vel* minus hisce concinnum, *et tu aliquando poenitentiam agito, et confirma fratres tuos*; *vel* abruptum magis subitumque, quam ut poenitentia indicatur, nulla culpae mentione iniecta. Fixum igitur maneat, utraque lectione *ἐπιστρέψας* et *ἐπίστρεψον* *conversionem*-quidem Petri *ad fratres* exprimi, sed *conversionem providentiae* ac *tutelae*, non autem *poenitentiae* ac *lacrimarum*. Quemadmodum enim *ἀποστρέφειν voluntatem* crebro ⁴⁸ designat *alienam, aversamque, quae deserit neque opem fert*; ita hoc loco *ἐπιστρέφειν pro voluntate* sumitur *propensa ac sollicita, quae adest, iuvatque*. Et quemadmodum Christus inquit: *ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου*, se ad Petrum *convertit*, suamque in Petrum propensam voluntatem declaravit; ita subdens: *καὶ σύ ποτε ἐπιστρέψας στήριξον τοὺς ἀδελφούς σου*, illi iniunxit ut ad fratres se aliquando converteret, ac simili benevolentiae officio erga eosdem fungeretur.

201. Ubi investigari iam debet, quoniam *proprie οἱ ἀδελφοί σου* nuncupentur. Quamquam enim ii primum ac per se *fratres* dicantur, qui ex eisdem sunt orti parentibus; loquendi tamen usus obtinuit, ut *qui singulari quodam modo coniuncti essent*, hi *ἀδελφοὶ infinite* vocarentur. Quam ob rem et iudaei, et christiani, utpote eadem religione copulati, *fratres* ⁴⁹ appellantur. Ac *fratres* item audiunt ⁵⁰ collegae, quique eiusdem muneris officia explent. E quo illud proxime repetendum arbitror, quod *ipsi inter se apostoli fratres* vocentur. Ac apostolos sane alloquebatur Christus, inquit ⁵¹: *vos nolite vocari rabbi, unus est enim καθηγητὴς praecessor* ac *dux vester, πάντες δὲ ὑμεῖς ἀδελφοὶ ἐστέ*. Ad illos pertinent quae profligata iam morte ⁵² repetiit: *ἀπαγγελάτε τοῖς ἀδελφοῖς μου*. Paulum titulo fratris compellat Petrus ⁵³, scribens: *καθὼς καὶ ὁ ἀγαπητὸς ἡμῶν ἀδελφὸς Παῦλος*. Et in Apocalypsi ⁵⁴ angelus non aliud usurpat nomen, inquit: *σύνδουλός σου εἰμι καὶ τῶν ἀδελφῶν σου ἐχόντων τὴν μαρτυρίαν τοῦ Ἰησοῦ*. Ratio igitur loquendi, utpote laxa adeo atque infinita, nihil praebet certi, quo potestas vocum, *τοὺς ἀδελφούς σου*, accurate determinetur.

⁴⁶) Epist. XV.

⁴⁷) Serm. CCX.

⁴⁸) Matth. V. 42, II. Tim. I. 15.

⁴⁹) Act. XXII. 5, XXVIII. 21. coll. Matth. XXV. 40, Act. VI. 3, IX. 30, X. 1, XI. 29; I. Cor. V. 11.

⁵⁰) Act. XXI. 20, I. Cor. I. 1, II. Cor. I. 1, II. 12, Ephes. VI. 22.

⁵¹) Matth. XXIII. 8.

⁵²) Ibid. XXVIII. 10. coll. Joh. XX. 17.

⁵³) II. Petr. III. 15.

⁵⁴) Apoc. XIX. 10. coll. XXII. 9.

202. Sed quae vocum potestas *usu loquendi* incerta est, eadem *contextu, adiunctisque sermonis* ita circumscribitur, ut nefas sit, τῶν ἀδελφῶν nomine alios quam *apostolos* intelligere. Ac re sane vera I. hi dicuntur⁵⁵ ἀδελφοί σου, quos satanas cribrandos depoposcerat, qui de gradu honoris secumipsis contenderant, qui cum Christo in suis tentationibus hactenus permanserant, quos ipse a Patre custodiendos, servandosque acceperat, quosque communiter plurali forma compellaverat, εἶπεν αὐτοῖς, ὑμεῖς οὐχ οὕτως, μείζων ἐν ὑμῖν, ἐν μέσῳ ὑμῶν, ὑμεῖς ἐστε οἱ διαμεμενηκότες, διατίθεμαι ὑμῖν, ἐξηγήσατο ὑμᾶς. Haec autem coniunctim omnia *solis* conveniunt *apostolis*. Apostoli ergo appellatione τῶν ἀδελφῶν σου significantur.

Ad haec II. dictio, ἀδελφοί σου, *notionem praefert coniunctionis, societatisque* eos inter qui ἀδελφοί dicuntur, ac Petrum qui pronomine σου designatur. Soli autem sunt apostoli, qui in unum cum Petro collegium, ac in unam eamdemque convenisse familiam, in libris novi testamenti perhibentur. Iidem igitur sunt, qui suavissimo τῶν ἀδελφῶν nomine a Christo memorantur.

Quo eos reipsa nomine venire, integra III. orationis series patefacit. Quum enim *apostolis pariter omnibus* maxima quaedam perniciēs e tentatione satanae impenderet: ἰδοὺ, ὁ σατανᾶς ἐξηγήσατο ὑμᾶς τοῦ συνιάσαι ὡς τὸν σῖτον: Christus qui illos *pariter omnes* in suam fidem, patrociniūque suscepit, hactenus custodierat, ac porro erat conservaturus, pro victoria Petri iudicialiter oravit, ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου: tum continuo adiecit, καὶ σὺ ποτε ἐπιστρέψας στήριζον τοὺς ἀδελφούς σου. Aut igitur apostoli sunt qui vocantur ἀδελφοί, et quibus *per Petrum* Christus consuluit; aut illis in discrimine omnium maximo defuit, quosque obiecto periculo deterruerat, non item facta spe, promissoque auxilio recreavit. Quod posterius quum incredibile sit, et a verbis iuxta ac ab officio optimi Servatoris alienissimum; reliquum est, ut ἀδελφῶν nomine designati apostoli intelligantur.

203. De quibus ita Jesus ad Petrum: καὶ σὺ ποτε ἐπιστρέψας στήριζον τοὺς ἀδελφούς σου. In qua sententia ut omnia sint perspicua, restat ut paucis vis propria, insitaeque imperativi στήριζον potestas declaretur. Est autem στήριξεν *verbum architectonicum*, unde cum aliis vocibus ad τεκτονικὴν spectantibus crebro⁵⁶ coniungitur: idem porro valet ac στερεὸν ποιεῖν, *efficere ut aliquid firmum consistat, neque quati, labefactarique possit*. Hinc *usu metaphorico* ac in bibliis frequentissimo *ad significationem moralem* traductum id denotat, quod latine dicimus, *fulcire animos, vires suggerere, atque in arrepto proposito stabilire*. Hac significatione accipienda ista⁵⁷ sunt: Γίνου γοηγορῶν, καὶ στήριζον τὰ λοιπὰ ἃ ἐμελλες ἀποβαλεῖν. *Esto vigilans, et confirma cetera*⁵⁸ *quae moritura erant*. Eadem significatione scribit⁵⁹ Petrus: Ὁ δὲ θεὸς πάσης χάριτος, ὁ καλέσας ἡμᾶς εἰς τὴν αἰώνιον αὐτοῦ δόξαν ἐν Χριστῷ Ἰησοῦ,

⁵⁵) Luc. XXII. 31 — 33.

⁵⁶) I. Petr. V. 10.

⁵⁷) Apoc. III. 2.

⁵⁸) Non pauci codices legunt, ἃ ἐμελλ-

λες ἀποβάλλειν.

⁵⁹) I. Petr. V. 10.

ὀλίγον παθόντας, αὐτὸς καταρτίσαι (ipse vos, ceu vivos spiritualesque lapides apte coniungat) ὑμᾶς, στηρίζαι, σθενώσαι, θεμελιώσαι.

Dubitari vero non potest, formulae, *στήριζον τοὺς ἀδελφούς σου*, sensum inesse moralem, sensum videlicet illi simillimum, quo verbum *στηρίζειν* ad spiritale ecclesiae aedificium translatum adhibetur *modo*⁶⁰ *de Deo et Christo eius*, a quibus ecclesia habet ut sit, invictaque perseveret: *modo*⁶¹ *de apostolis*, qui *πνευματικῶν χαρισμάτων* communione creditas sibi oves stabiliunt: ac *modo de episcopis*, qui ab apostolis⁶² missi, et a Spiritu-sancto regendae ecclesiae⁶³ praefecti, iubentur⁶⁴ advigilare, suamque operam in id conferre, ne qui stant, decidunt, et qui periclitantur, infeliciter corruant. Quum itaque Petro dicitur, καὶ σύ ποτε ἐπιστρέψας στηρίζον τοὺς ἀδελφούς σου, *munus illi officiumque iniungitur*, quo *architecti instar divinitus electi partes ecclesiastici aedificiū contineat, roboret, immotasque tueatur*.

204. Quasnam vero partes confirmandas recepit? quodve confirmationis genus praeceptum illi fuit? *de partibus* nulla esse potest controversia, quum hae significentur verbis, *στήριζον τοὺς ἀδελφούς σου*: fratrum autem nomine venire *apostolos*, ex iis constet quae⁶⁵ disseruimus. Apostolos igitur sibi creditos, commissosque ἀμέσως habuit. Proxime, inquam, ac ἀμέσως, siquidem ἐμμέσως *fideles prorsus omnes tuendos* suscepit. Rerum enim natura non sinit, ut universae fidelium concionis ei tributa cura denegetur, quem Christus ad confirmandos nominatim apostolos designarit. Si cui namque *pastorum tutela* adscribitur, eidem *ovium quoque tutelam* adscribi manifestum est: et si cui praecipitur ut *columnas* sustentet, eidem quoque praecipi ut *minores lapides* suffulciat, nemo sanus diffiteatur. Verbis igitur, *στήριζον τοὺς ἀδελφούς σου*, quibus Petro confirmatio *apostolorum ἀμέσως* tribuitur, eidem ἐμμέσως *universitas fidelium* confirmanda, tuendaque commendatur.

Ac eo quidem confirmationis, protectionisque genere, quo nullum sive necessarium magis, sive praestantius. Confirmatio enim praecipitur, qua imminens ex astu, fraudibusque satanae perniciēs averteretur. Impendebat autem perniciēs⁶⁶ excidendi a fidē. Eius igitur confirmationis *auctor* instituitur Petrus, qua fieret, *ne columnae ecclesiae, minoresque partes iactura fidei e loco motae proturbataeque ab ecclesiastico aedificio funditus separarentur*. Quo sane confirmationis iure officioque nihil sublimius, nihil pro quo impensiores gratiae Christo Servatori habeantur, ac omnino nihil quo *vel habitus Petrum inter et apostolos, universitatemque fidelium divinitus constitutus evidentius ostendatur, vel Petri ἐξουσία, potiorque auctoritas splendidius demonstratur*.

205. Eo namque Petrus *prae apostolis primum*, ac *prae fidelibus deinde omnibus supremi instar architecti* constituitur, qui eorundem *in fide constan-*

⁶⁰) Rom. XVI. 25, I. Thess. III. 13,

⁶³) Act. XX. 28.

II. Thess. II. 17, I. Petr. V. 10.

⁶⁴) Apoc. III. 2.

⁶¹) Rom. I. 11, Luc. XXII. 32.

⁶⁵) nn. 201—202.

⁶²) I. Thess. III. 2.

⁶⁶) Luc. XXII. 32.

tiam, atque ex constantia obortam fidei unitatem protegat atque stabiliat. Nemini autem obscurum esse potest quae inde extiterit sive eminens eiusdem ὑπεροχῇ, sive gradus praerogativa cum eximia quadam auctoritate coniuncta. Haec enim potior auctoritas ipsa I. verbi στηρίζειν significatione comprobatur, e qua consequens est partes omnes firmandi, stabiliendique aedificii obnoxias illi esse oportere, cui στηριγμός, ipsa stabiliendi, fulciendique actio concreditur. Comprobatur II. usu in bibliis recepto, quo στηρίζειν significatione morali de iis adhibetur solum, qui iure excellunt, iubendique potestate fruuntur. Adhibetur ⁶⁷ enim de Deo, de Christo, de apostolis, deque iis qui apostolis vicaria ordinatione succedunt; ita vero adhibetur, ut eorum functio ac munus στηριγμοῦ appellatione designetur. Sed quotquot commemoravimus, proprio singuli stabiliendi munere ἀνθεντικῶς defunguntur.

Ad haec III. praeceptum Petro impositum confirmandae fratrum fidei cum officio conseritur quo ad deferendam Petro obedientiam fratres obstringerentur. Eo igitur praecepto Petrum inter fratresque is inductus fuit habitus, quo ad subditos praepositi referuntur, adeo ut Petrus praeesset, fratresque vicissim subessent atque obtemperarent. Praeterea IV. non antea Christus Petro indixit, ut fratres confirmaret, quam illius fidem redderet invictam: ego, inquit, rogari pro te ut non deficiat fides tua; tu quoque ad fratres conversus illos aliquando confirma. Fides igitur Petri, orante Christo, consequuta est, ut norma esset infallibilis evangelicae veritatis. Officium autem semet subiiciendi, suamque fidem ad infallibilem normam ⁶⁸ exigendi, ex ipsis rerum naturis necessario permanat. Rationem igitur ecclesiae suae ita Christus disposuit, ut quotquot futuri erant fideles fidem suam, rerum id natura flagitante, ad fidem praedicationemque Petri componerent. Quare V. ἐξουσία, propriusque Petri primatus duplici coniunctim titulo stabilitur, titulo externo missionis, qui his continetur verbis Christi legislatoris, καὶ σύ ποτε πιστρέψας στήριζον τοὺς ἀδελφούς σου: titulo deinde interno singularis charismatis, quem Christus donorum omnium largitor expressit inquiens, ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου.

Atque haec prorsus omnia VI. complexi mihi accuratissime videntur Stephanus dorensis antistes, et Theodorus studita, quorum prior in libello supplici quem Martino I. in Secretario altero lateranensis synodi obtulit, suam de primatu Petri fidem edidit, inquiens: „Beatus Petrus praecipue ac specialiter firmam prae omnibus habens in Dominum Deum nostrum et immutabilem fidem, convertere aliquando et confirmare exagitatos consortes suos et spirituales meruit fratres; utpote οἰκονομικῶς super omnes ab ipso qui propter nos incarnatus est Deus, potestatem accipiens et sacerdotalem auctoritatem.“ Theodorus vero Paschalem I. non secus ac Petrum ipsum ⁶⁹ alloquens, scribebat:

⁶⁷) n. 203.

bilis, par non est fidei, uti oportet, proponendae.

⁶⁸) Norma enim quae non sit infalli-

⁶⁹) Quod antiquis patribus est usu

„Tibi dixit Christus Deus noster, et tu aliquando conversus confirmabis⁷⁰ fratres tuos. Ecce tempus, ecce locus, opitulare nobis qui es a Deo ad hoc ordinatus: porrige manum quantum fieri potest: habes potestatem a Deo, eo quod omnium princeps es.“

C A P U T XIV.

Comparatio inter utrumque testimonium Luc. XXII. 31 — 33, et Matth. XVI. 17 — 18: — principes huius comparationis auctores: — quibus ea maxime capitibus contineatur: — quaeque sint cum his copulata: — quo pacto de ipsis etiam apostolis intelligi possit ac debeat Christi praeceptum, καὶ σύ ποτε ἐπιστρέψας στήριξον τοὺς ἀδελφούς σου: — explanatur atque in protestantes animadvertitur: — aliquot demum insigniora collaria cum iis quae disseruimus intime cohaerentia, proponuntur.

206. Nonnisi perpaucos inveniri posse autumo, qui aut evangelia commentariis explanantes, aut praerogativarum Petri defensionem suscipientes, suarum esse partium non duxerint quae Lucas narrat *cum iis conferre* quae Matthaeus litteris consignavit. Cuius instituendae comparationis causas habuere omnino duas, illasque praeclaras: ac principio quidem manifestam locorum similitudinem, ac propemodum dixerim germanitatem: deinde vero summi nominis, summaeque auctoritatis antecessores, quorum vestigia legerent, ductumque sequerentur. E quorum numero mihi prae aliis commemorandi succurrunt Gelasius I¹, Pelagius II², Gregorius magnus³, Vitalianus⁴, Hadrianus⁵ et Nicolaus⁶, qui hanc comparationem diserte proponunt ac diligenter inculcant; tum Leo IX. qui in litteris ad Michaellem constantinopolitanum non modo receptam usu comparationem repetit, verum etiam monet: precibus quarum Lucas meminit, id a Patre Christum pro Petro consequutum esse quod illi apud Matthaeum sponponderat.

Digna sunt verba Leonis, quae recitentur: „Taliter sancta ecclesia, inquit ille, *super petram, idest Christum, et super Petrum⁷ vel Cepham* aedificata receptum, ut qui crederent, Petrum in propria sede et vivere et praeesse.

⁷⁰) Legebat enim in suis codicibus στήριξις, non στήριξον.

¹) Epist. V. ad Honorium.

²) Epist. V. ad Eliam aquileiensem, ceterosque Istriae episcopos.

³) Lib. VI. epist. XXXVII. ad Eulogium alexandrinum.

⁴) Epist. ad Paulum cretensem archiepiscopum.

⁵) Epist. ad Carolum Magnum pro cultu sacrarum imaginum, et septima synodo.

⁶) Epist. VIII. ad Michaellem imperatorem.

⁷) Qui propterea a Gregorio nazianzeno ὕστερον τὸ τῆς ἐκκλησίας ἔρεισμα, et a Paschasio Radberto, *primus super*

est, ut inferi portis nullatenus foret superanda, quemadmodum pollicetur ipsi Veritas: *portae inferi non praevalerunt adversus eam*. Cuius promissionis effectum se precibus impetrasse a Patre, idem Filius protestatur dicendo ad Petrum: *ego rogavi pro te, ne deficiat fides tua*. Erit ergo quisquam tantae dementiae, qui orationem illius, cuius velle est posse, audeat in aliquo vacuum putare? nonne a sede principis apostolorum, romana videlicet ecclesia, tam per eundem Petrum, quam per suos^s successores reprobata et convicta atque expugnata sunt omnium haeticorum⁹ commenta, et fratrum corda in fide Petri, quae hactenus non defecit, nec usque in finem deficiet, sunt confirmata?⁴⁶

207. Ne igitur hac comparatione neglecta, sive caussae defuisse, sive maioribus non id quod decebat omne detulisse videamur; sic illam inibimus, ut potiora quibus constat capita, quo fieri accuratissime poterit, explicemus. Inter quae capita illud I. considerandum venit, sibi prorsus respondere *quum* quae *Patri* apud Matthaeum, quaeque *Christo* apud Lucam, *tum* quae *Christo* apud priorem evangelistam, quaeque *Petro* apud posteriorem tribuuntur. Sicuti enim *Pater* est, qui apud illum superna revelatione *Petri fidem* erigit ac illuminat: *μακάριος εἶ, Σίμων βᾶρ Ἰωνᾶ, ὅτι σὰρξ καὶ αἷμα οὐκ ἀπεκάλυψε σοι, ἀλλ' ὁ πατήρ μου ὁ ἐν τοῖς οὐρανοῖς*: ita *Christus* est, qui apud hunc *Petri fidem* confirmat, invictamque efficit: *ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου*. Et sicut *Christus* est qui, Matthaeo referente, munus sibi potestatemque τοῦ οἰκοδόμου vindicat: *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν*: ita *Petrus* est cui, teste Luca, τοῦ βεβαιωτοῦ dignitas asseritur: *καὶ σὺ ποτε ἐπιστρέψας στηρίξον τοὺς ἀδελφούς σου*. Quare II. utriusque testimonii membra hoc commode pacto disponuntur:

I. Ὁ πατήρ μου, ὁ ἐν τοῖς οὐρανοῖς, ἀπεκάλυψε σοι.

II. Ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.

I. Ἐγὼ δὲ ἐδεήθην περὶ σοῦ, ἵνα μὴ ἐκλείπῃ ἡ πίστις σου.

II. Καὶ σὺ ποτε ἐπιστρέψας στηρίξον τοὺς ἀδελφούς σου.

E qua mutua membrorum relatione intelligimus III. duplicem Petro competere distinctam proprietatem, *πέτρας* primum ac *fundamenti*, *confirmatoris* deinde atque *architecti*. Utramque vero dotem proprietatemque IV. eo spectasse, ut Petrus *praerogativarum consortio ad Christum propius accederet*, *apostolisque reliquis antecelleret*. Ac antecelluit sane, tum quia *omnium petra*, *fundamentumque* constitutus: tum quia *omnibus uti constantiae, stabilitatisque auctor* praepositus. Quo factum est V. *ut apostolis ex aequo omnibus ac fidelibus universis summa quaedam conspirandi cum Petro necessitas* incumberet: ac fidelibus quidem universis, ne seiuncti a Petro ab ipso item

fundamento nuncupatur. Cf. Mamachium, Orig. et Antiquitt. Christ. Lib. V. P. I. pag. 537.

^s) Ut enim citata epistola loquitur Hadrianus: „Petrus vices suas vicariis suis

pontificibus relinquere dignoscitur ecclesiae curam gerendi.“

⁹) Quod est ex ecclesiastica historia compertissimum,

Christo, qui sibi illum ceu conspicuum totius aedificii fundamentum suffecit, divisi seiunctique corruerent: apostolis vero omnibus, ne si a Petri fide dissiderent, ab ipsa quoque conspicua orthodoxiae regula aberrarent, quam in Petro, eiusque fide ac praedicatione Christus collocavit.

208. Sentio quid possit non sine quadam probabilitatis specie reponi: opus non fuisse apostolis Petro *confirmante*, utpote qui ab ipso Christo et missionem suam et ἀσφαλείας donum ἀμέσως acceperint. At ego vero ne repetam quae occasione non dissimilis admodum difficultatis paullo superius¹⁰ explanavi; quaeram I. quo pertineant quae de Petro narrantur¹¹ in Actis, sive quum superna revelatione edoctus¹², omnium primus declaravit, advenisse iam tempus quo ipsae etiam gentes in fidelium coetum reciperentur: sive quum solemniter atque ἀνθεντικῶς¹³ edixit, caeremonialium institutionum obligationem iam penitus interiisse. Si quid video, probant ista luculenter, iis Petrum in utraque contentione defunctum esse partibus, quas illi Christus demandaverat, inquires: καὶ σύ ποτε ἐπιστρέψας στήριξον τοὺς ἀδελφούς σου.

Ad quas Petri partes II. non obscure allusit¹⁴ Paulus, quum se Hierosolymam venisse testatus est, ut videret Petrum, cum eo de evangelii praedicatione conferret, dexteram societatis acciperet, ne in vacuum curreret aut cucurrisset.

209. Ac sane III. duo sunt controversiarum genera toto caelo diversa: initio quidem, *utrum apostoli promissionem infallibilitatis a Christo fuerint ἀμέσως consequuti*: tum vero *quem modum, quamve exequendae promissionis rationem Christus delegerit*. De promissione namque infallibilitatis, quae apostolis ἀμέσως facta fuerit, nemo est qui ambigat, nemo qui illam non affirmet ac defendat. Tota igitur quaestio *ad modum rationemque refertur*, qua illam exequutioni mandandam Christus decreverit. Scripturis autem edocti credimus, *una cum aliis tam internis quam externis mediis, praesidiisque et istud selegisse*¹⁵ Christum, ut in Petro, eiusque fide ac praedicatione quoddam veluti conspicuum παράδειγμα reponeret, quod apostolorum oculis constanter observaretur, et a quo ipsi numquam vellent recedere.

Quod ut plenius distinctiusque intelligatur, proderit IV. animadvertisse, *exequutionem promissae infallibilitatis cum ea apte satis componi, qua Deus charisma exequitur, quod confirmationem in gratia nuncupare solent*: utraque enim multiplicem internorum, externorumque munerum seriem complectitur: ac utraque a Deo quum per se et immediate, tum per institutas secundas caussas atque mediate perficitur. Inter secundas vero exequendae infallibilitatis caussas suum esse locum Christus voluit confirmationi, quae a Petro auctore expectanda esset, quaeque ab ipso proposita ἀνθεντικῶς fide exhiberetur.

¹⁰) Cap. XIII.

ubi hoc ipsum verbum saepe repetitur, I. Petr. V. 10, II. Petr. I. 12, III. 17.⁶⁶

¹¹) Opportune Bengelius in Gnom. ad ista verba, στήριξον τοὺς ἀδελφούς σου, ait: „Fecit hoc Petrus non multo post, Act. II. seq.; et in utraque sua epistola,

¹²) Act. X. 28 — 45, XI. 1.

¹³) Ibid. XV. 7 — 10.

¹⁴) Galat. I. 18, II. 2.

¹⁵) Luc. XXII. 32.

Duo igitur praeter cetera statuit, quibus infallibilitatis exequutionem obtineret: ac primo quidem suo numine ita Petro adesse, ut ipse numquam a veritate caelitus revelata aberraret: deinde vero apostolorum omnium ita animos praeparare, voluntatesque dirigere, ut iidem et perspicue viderent fas non esse a Petri fide discedere, et constanter vellent in una eademque cum Petro fide perseverare.

210. Cuius divinae prorsus oeconomiae V. alterum, neque insigne minus, ut arbitror, specimen habebitur, si memoria reputentur quae de ecclesia scribit Paulus, quum¹⁶ esse illam docet *στύλον καὶ ἑδραίωμα τῆς ἀληθείας*, Christi-que promissionibus munitam ita stabilitamque, ut a veritate desciscere nullatenus possit. Quod suo ipsius ore¹⁷ Jesus pronuntiavit, inquires: *καὶ πύλαι ἔδου οὐ κατισχύσουσιν αὐτῆς*. Etenim tanta, tamque praeclara in retinenda veritate constantia, quae oppugnari possit, expugnari nequeat, ac semper victrix in acie consistat; quo tandem pacto ecclesiae inest? ἀπλῶς ne simpliciterque, an σχετικῶς potius et comparete? postrema quae retulimus verba, quaeque fusius alibi¹⁸ examinavimus, ac ita se habent: *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, καὶ πύλαι ἔδου οὐ κατισχύσουσιν αὐτῆς*: perspicue luculenterque demonstrant, excellentiam, stabilitatemque columnae ac firmamenti veritatis ecclesiae convenire *non absolute, simpliciterque, sed comparete ad suppositam illi petram*, cum qua cohaerens ac devincta robur suum, suamque vim tueatur.

Id sensere Patres, disertisque verbis significarunt. Ac diserta profecto sunt ista Origenis¹⁹: „Nec enim adversus *petram*²⁰, supra quam Christus ecclesiam aedificat, *nec adversus ecclesiam* portae inferi praevalerunt.“ Diserta haec Augustini²¹: „Ipsa est petra, quam non vincunt superbae inferorum portae,“ quaeque *propterea* neque ecclesiam vincunt super illam aedificatam. Tum ista quoque diserta, quae alexandrinus Cyrillus ad verba Salvatoris, *tu es Petrus*, . . . subiicit²²: „Petram, credo, nihil aliud quam inconcussam et firmissimam discipuli fidem vocavit, *in qua ecclesia ita fundata et firmata esset, ut non laberetur*, et esset inexpugnabilis inferorum portis.“ Neque aliter Leo²³ de Petro inquires: „Hunc in consortium divinae unitatis assumptum, id quod ipse (Christus) erat, voluit nominari dicendo: *tu es Petrus, et super hanc petram aedificabo ecclesiam meam*, ut aeterni templi aedificatio mirabili munere gratiae Dei *in Petri soliditate consisteret, hac ecclesiam suam firmitate corroborans*, ut illam nec humana temeritas posset appetere, nec portae contra illam inferi praevalerent.“ Qui alibi²⁴ commemorata Petri fide, ait: „Tantum in hac fidei sublimitate (sibi Christus) complacuit, ut sacram inviolabilis petrae acciperet

¹⁶) I. Tim. III. 15.

²¹) In Ps. con. partem Donati.

¹⁷) Matth. XVI. 18.

²²) De Trinit. lib. IV.

¹⁸) Cap. VII.

²³) Epist. IV. ad episcopos gallicos

¹⁹) In cap. XVI. Matthaei, v. 18.

provinciae viennensis, cap. I.

²⁰) Ubi exploratum est, *petrae* nomine

Petrum significari.

²⁴) Serm. LII. cap. I.

firmitatem, *supra quam* fundata ecclesia portis inferi et mortis legibus praevaleret.“ Christi autem ad Petrum verba hoc commentario ²⁵ explanat: „Super hanc, inquit Dominus, fortitudinem aeternum exstruam templum, et ecclesiae meae caelo inferenda sublimitas *in huius fidei firmitate consurget*. Hanc confessionem inferi portae non tenebunt.“ Concinnunt his quae Simplicius ²⁶, quae ²⁷ Gelasius docent: quae leguntur in Romano Diurno ²⁸ Garnerii curis edito: quae Theodorus studita ²⁹ inculcat: quaeque precibus Sacramentarii Leonini ³⁰ continentur: „Deus qui ecclesiam tuam *in apostolica soliditate fundatam* ab inferorum eruis terrore portarum.“ Et rursus: „Tui muneris, tuaeque virtutis est, ut *ecclesia tua in apostolica soliditate fundata* infernarum non vincatur terrore portarum.“

Ad exequutionem igitur promissionis divinae de invicta ecclesiae constantia postremo loco non pertinet, *ut talem illi Deus mentem, animumque iugiter inserat, quo et invictissime nolit a Petro, Petrique fide discedere, ac invictissime velit cum Petro, Petrique fide consentire*. Promisit utique Deus ecclesiam fore immortalem ac semper invictam; *sed non minus declaravit, illius robur firmitatemque e coniunctione cum ea petra pendere, quam ipsemet exstruendo a se aedificio aeterni instar fundamenti praeiecerat*. Sicuti ergo *ne fallax videatur promissio, Deique fides evacuetur*, necesse est ut semper ecclesia triumphet; ita *ne fallax sit promissionis exequendae declaratio* necesse est, ut divino Spiritu acta informataque ecclesia ab ea numquam petra separetur ³¹, cum qua illam Deus coniunxit, et e qua voluit ut suam firmitatem, constantiamque mutuaretur.

211. Quae si uti par est teneantur, modum rationemque ostendunt, qua tributa divinitus *apostolis singulis ἀσφάλεια cum dependentia a Petri confirmatione* dextere componatur. Etenim infallibiles dubio procul futuri erant apostoli, utpote ³² testes praeordinati, iisque aucti ³³ promissionibus, quibus ab errandi periculo certissime eximerentur; sed *inanis* esse non potuit *Petri praerogativa*, neque *inane impositum illi munus, στήριξον τοὺς ἀδελφούς σου*, neque *inanis οἰκονομία a Christo instituta*, qua in communi omnium discrimine uni ἀμείσως Petro consuluit, ac per Petrum ceterorum incolumitati prospexit. Ad quam *οἰκονομίαν* ista pertinent Leonis ³⁴ praeclarissima verba: „Commune erat *omnibus apostolis* periculum de tentatione formidinis, et divinae protectionis auxilio *pariter* indigebant, quoniam diabolus *omnes* exagitare, *omnes* cupiebat elidere; et tamen *specialis* a Domino *Petri cura* suscipitur, et *pro fide Petri proprie*

²⁵) Serm. LXXXIII. cap. II.

²⁶) Epist. IV. ad Zenonem Augustum.

²⁷) In commonitorio ad Faustum, et epist. XIV. ad Acacium.

²⁸) Tit. I. cap. II.

²⁹) Lib. II. epist. LXIII. ad Naukratium.

³⁰) In prima oratione Missae XVII. pro die festo ss. Petri et Pauli, et praefat. Missae XXI. pro eodem festo.

³¹) Matth. XVI. 18.

³²) Act. I. 8.

³³) Matth. XXVIII. 20.

³⁴) Serm. IV. al. III. cap. III.

supplicatur, tamquam *aliorum status* certior sit futurus, *si mens principis victa non fuerit*.

Cognatio igitur textuum, ac mutuus qui promissionem inter exequutionemque existit habitus postulant, ut *ceteris providentiae instrumentis* ad implendam perficiendamque promissam apostolis infallibilitatem spectantibus *illud etiam* connumeretur: *Deum ita praesto illis fuisse, illorumque mentes animosque ita gubernasse, ut obsequi paradigmati quod in Petri fide praeluceret, constantissime iidem vellent, ab eo autem deflectere constantissime nollent*.

212. Explanata ratione, qua *cum apostolorum infallibilitate* possit ac debeat *Petri confirmatio* conciliari: impeditum haud censeo *de ea protestantium interpretatione statuere*, qua τῶν ἀδελφῶν nomine venire apostolos *inficiantur*. Negavit id³⁵ Bengelius, qui verbis, στήριξον τοὺς ἀδελφούς σου, hunc subiecit commentarium: „Quod ego tibi facio, tu fac tui similibus, quos antea labefecisti. Fecit hoc Petrus non multo post Act. II. seq., et in utraque sua epistola, ubi hoc ipsum verbum saepe repetitur, I. Petr. V. 10, II. Petr. I. 12, II. 14, III. 16 — 17. — *Fratres tuos*, non *nostros*; nam alio modo fratres habet Petrus, alio Dominus. Fratres Petri erant apostoli ceteri, Matth. XXIII. 8.; *sed quia hi postea non eguerunt confirmatione Petri, accipiendum est de aliis fidelibus imbecillioribus*.“ Bengelio suffragatus est Koecherus³⁶, ac post utrumque similia repetiit Kuinoel³⁷ scribens: „Per τοὺς ἀδελφούς intelligi possunt apostoli reliqui, *sed quia hi postea non eguerunt Petri confirmatione, latiori sensu hoc vocabulum accipiendum est, ita ut omnino Christi sectatores intelligantur*.“

Sed nemo facile hanc disputandi formam adprobet, ac sibi nemo facile persuadeat, interpretationem hermeneuticis iisque perspicuis communitam argumentis negligi *ideo* posse, *quod ratio modusque singula quaeque conciliandi non reperiatur*. Praeterea verum ne est conciliari non posse quae dissita ac secumipsis pugnantia perhibentur? atqui ea multipliciter in concordiam adduci demonstravimus. Sit igitur extra controversiam positum: I. difficultatem conciliationis praeposteram esse normam, qua de legitima interpretatione iudicetur: II. ea dici a protestantibus pugnantia quae non aegre mutuo componuntur: ac III. non aliam verborum Christi, στήριξον τοὺς ἀδελφούς σου, interpretationem admitti posse, nisi qua τῶν ἀδελφῶν nomine ipsi ἀμέσως apostoli intelliguntur.

Cum hoc autem commentario, quem hactenus pro facultate expolivimus, ea nexa sunt consecraria quae operae pretium esse arbitror ex ordine referre, ut universa tractatio novo quodam veluti perfusa lumine nitidius splendescat.

COROLLARIUM I.

213. Duplex in Scripturis *cognatum schema* adhibetur *fundamenti et confirmatoris*, quo Petrus tamquam *origo, unitatisque ecclesiasticae principium*

³⁵) In Gnom. ad Luc. XXII. 32.

³⁷) In comm. ad h. l.

³⁶) In Analectis ad h. l.

repraesentatur. De priori schemate nihil admodum habeo quod adiiciam; de posteriori vero istud suppetit quod paullo vehementius inculcem. Inter *varios* nimirum *unitatis modos*, quibus suam distingui ecclesiam ordinavit Christus, illum eminere, qui *una eademque fidei professione* ³⁸ comprehenditur. Ad hunc autem obtinendum consequendumque, *institutam* ab eo I. fuisse *ministerium hierarchiam*, quorum munera actusque ³⁹ eo pertinerent, ut occurreremus omnes εἰς τὴν ἐνότητα τῆς πίστεως, neque essemus νήπιοι κλυδωνιζόμενοι καὶ περιφερόμενοι παντὶ ἀνέμῳ τῆς διδασκαλίας: tum vero II. ipsam hierarchiam *ad monarchiam* fuisse revocatam, ac illius vim omnem, firmitatemque suspensam e consensione atque societate cum Petro, *cui uni* dictum est: ἐγὼ δὲ ἔδεξθην περὶ σοῦ, ἵνα μὴ ἐκλείπῃ ἡ πίστις σου: et *cui uni* praeceptum, καὶ σὺ ποτε ἐπιστρέψας στήριξον τοὺς ἀδελφούς σου.

COROLLARIUM II.

214. Quare hi mihi Petri ὑπεροχὴν, praestantiamque expressisse insigniter ⁴⁰ videntur, qui illam *primatum fidei*, *fidei principatum* ac *principatum in episcopatu fidei* nuncuparunt. His enim formulis nihil effertur aliud quam *ius potius*, *eminensque auctoritas* praescribendae fidei, eiusque professionis determinandae, qua fidei unitas et sinceritas custodiuntur. Hoc autem iure tum Petrum a Christo auctum novimus, quum illi dixit: στήριξον τοὺς ἀδελφούς σου. Praeclare Bernardus, dum ita ⁴¹ Innocentium II. alloquitur: „Oportet ad vestrum referri apostolatium pericula quaeque et scandala emergentia in regno Dei, ea *praesertim*, quae *de fide* contingunt. Dignum namque arbitror ibi potissimum resarciri damna fidei, ubi ⁴² non possit fides sentire defectum. Haec quippe huius praerogativa sedis. Cui enim alteri aliquando dictum est: *ego pro te rogavi, Petre, ut non deficiat fides tua?* ergo quod sequitur, a Petri successore exigitur: *et tu aliquando conversus confirma fratres tuos*. Id quidem modo (ingruebant enim Abaelardi errores) necessarium. Tempus est, ut vestrum agnoscatis, pater amantissime, *principatum*, probetis zelum, ministerium honoretis. In eo plane Petri impletis ⁴³ vicem, cuius tenetis et sedem, si vestra admonitione corda in fide fluctuantia *confirmetis*, si vestra *auctoritate* conteratis fidei corruptores.“

COROLLARIUM III.

215. Quum audiri omnes debeant, quibus verbi ministerium, suoque ob-eundam nomine legationem Jesus commisit, officiumque tuendae fidei, servan-

³⁸) Eph. IV. 5.

³⁹) Ibid. vv. 11 — 15.

⁴⁰) Cf. Ambrosium de Incarnat. cap. IV.
n. 32.

⁴¹) Epist. CXCVIII.

⁴²) Hoc est quod Christus ait, *ne de-*

ficiat fides tua; quodque Cyprianus epist. LV. exprimit inquit de Petri successoribus: *ad quos perfidia habere non possit accessum*.

⁴³) Hinc appellatio vicariorum Petri facta frequenter romanis antistitibus.

daeque unitatis demandavit; is tamen prae omnibus audiendus est, qui *fidei principatum*, ac *principatum in episcopatu fidei* obtinuit, et cui iniunctum legimus, *στήριξον τοὺς ἀδελφούς σου*. Hic autem est Petrus. Is igitur audiri prae omnibus debet, eiusque fides supremæ instar normæ haberi, quæ numquam deseratur. Quod Petrus cognomine Chrysologus litteris ad Eutychem datis ⁴⁴ significavit inquires: „In omnibus hortamur te, frater honorabilis, ut his quæ a beatissimo papa romane civitatis scripta sunt, *obedienter* attendas; quoniam beatus Petrus, qui in propria sede et vivit et ⁴⁵ praesidet, praestat quaerentibus fidei veritatem.“

Unde Johannes VIII. in epistola ⁴⁶ ad Petrum Comitem, quum plura alia praeclarissime, tum ista nominatim scribit, quibus viro nobilissimo auctor est, ut Michaellem bulgarorum regem ad societatem, coniunctionemque cum Petri cathedra provocet, eidemque suggerat: „Ut evangelicam legat historiam, et videat ibi *praecipue soli Petro*, aliis ista vel illa opinantibus, Christum Dei vivi filium revelatum, et *singulariter* dictum: *ego pro te rogavi, Petre, ut non deficiat fides tua*. Ergo si istis falsa putantibus, Petro veritas *praecipue* revelata est: et si pro fide Petri oratum *singulariter* est a Filio ne deficeret; consideret sapiens rex quam laudabiliter fecerit urbem quaerens, ad quam iste talis et tantus apostolus venit et praedicavit; cui Patre revelante veritas Filii patefacta est, et cuius fides, quia Filius rogavit, non defecit.... Hanc itaque fidem suggere semper et suade pio regi sitire: hanc non alibi *praecipue* quaerere nisi Romae, ubi plantata est et radicata a beato Petro, qui hanc sicut veraciter cognovit, veraciter et praedicavit: quoniam sicut aqua numquam potest alibi tam munda vel tam limpida quemadmodum *in fonte*, unde *originem* ⁴⁷ protrahit, inveniri; ita et fides numquam omnino poterit alibi tam pura vel tam nitida reperiri, sicut in ecclesiae nostrae *vivario*, ubi eam non tecta perstillantia, quibus litigiosa mulier, idest haeretica pravitas comparatur, sed *ille polorum claviger* ubertim et purissime congregavit, qui ex ipso fonte vivo hanc caelitus hausit, et limpidissimam conservandam mandavit.“

COROLLARIUM IV.

216. Ab hac Petri praerogativa, qua prae omnibus audiendus est, alia seiungi ornamenta nequeunt, quibus vel *summus Dei discipulus* ⁴⁸ a Prudentio, vel *ecclesiae figura* ⁴⁹ ab Augustino, vel *os discipulorum ac orbis magister* ⁵⁰

⁴⁴) Epist. XXV. inter Leoninas edit. Balleriniorem.

⁴⁵) Unde Xystus III. in litteris ad Johannem antiochenum scribit, non aliter fidei doctrinam a Petri successoribus traditam accipi oportere, ac si ab ipso Petro traderetur, *qui in suis successoribus quod accepit hoc tradidit*.

⁴⁶) Epist. LXXVI.

⁴⁷) Alludit ad solemne schema, quo Petrus *uti fons ac origo* auctoritatis atque orthodoxiae exhibetur.

⁴⁸) Con. Symmachum lib. II. vv. 1. seqq.

⁴⁹) Serm. LXXVI.

⁵⁰) Hom. LXXXVIII. al. LXXXVII. in Joh. n. 1.

a Chrysostomo, vel *candelabrum* et *discipulorum lingua* ac *praedicatorum vox* ⁵¹ ab Ephraemio syro, vel *praedicator summus* ⁵² ab hierosolymitano Cyrillo nuncupatur. Ista namque omnia, quaeque istis propinqua apud Patres saepe recurrunt, eo suapte natura pertinent, ut I. principatus in episcopatu fidei Petro tributus intelligatur: ut II. ea esse Petri fides credatur, cum qua orthodoxorum omnium fides consentire debet: ac propterea ut III. compertum omnibus sit, catholicam fidem eo prope modo fide Petri repraesentari, quo ramorum varietas unitate radicis, et rivulorum multitudo unitate fontis repraesentantur.

COROLLARIUM V.

217. Lex est Christi solemnissima et a Paulo saepe repetita ⁵³, neminem aeternae salutis fore compotem, qui sinceram germanamque fidem non sancte custodierit. Sincerae autem germanaeque fidei exemplar et paradigma ipsa est Petri fides. Lege igitur Christi consensio atque unitas cum fide Petri eorum haberi numero debent, quae ad consequendam salutem necessario postuluntur. Hanc legem tulit Christus, quum Petro dixit, *στήριξον τοὺς ἀδελφούς σου*: atque de hac lege toties loquuntur Patres, quoties vel I. ea docent quae praecedentibus consecrariis retulimus: vel II. cum utroque Anselmo, lucensi ⁵⁴ et havelburgensi ⁵⁵ tradunt, fidem in Petri cathedra vigentem eam esse, quae numquam sit defectura. En verba posterioris Anselmi: „Sciens Dominus alias ecclesias haeretica impulsione nimium vexandas, et ecclesiam romanam, quam ipse supra Petrum fundaverat, *numquam in fide debilitandam*, dixit Petro: *ego rogavi pro te* ...; ac si aperte ei dicat: tu qui hanc gratiam accepisti, ut aliis in fide naufragantibus, *semper in fide immobilis et constans permanes*, alias vacillantes confirma et corrige, et tamquam omnium provisor et doctor et pater et magister omnium curam et sollicitudinem gere. Merito ita *privilegium praelationis super omnes* accepit, qui *in conservanda integritate fidei prae omnibus privilegium* a Domino suscepit.“

COROLLARIUM VI.

218. Vera fides, veraque ecclesia eo cohaerent arctissimo nexu, ut ne animo quidem concipi seiuncta possint. Vera autem fides neque est, neque alia esse ab ea potest, quam Petrus summus Dei discipulus, magister orbis, os discipulorum, fratrumque confirmator tenet ac tenendam proponit. Nullus igitur a Christo nuncupatus coetus, idemque ab hac fide dissidens, aut retinere nomen, aut dignitatem verae ecclesiae tueri potest. Praeclare ⁵⁶ Aelredus: „Nemo, fratres, vós seducat inanibus verbis, nemo vobis dicat, ecce heic Christus, vel

⁵¹) Encom. in Petrum et ceteros apostolos.

⁵⁴) Con. Guibertum pseudo-pontificem.

⁵²) Catech. XI. n. 3.

⁵⁵) Adversus Graecos.

⁵³) Marc. XVI. 16, Joh. III. 18, Rom.

⁵⁶) Comm. in Isaiam.

ecce illic, *quum in fide Petri semper sit Christus*, quam sancta romana ecclesia mutuavit a Petro, et servat in petra quae est Christus. Haec est ecclesia romana, cui qui non communicat, *haereticus est*. Illius interest consulere omnibus, iudicare de omnibus, omnibus providere, ad quam in Petro vox ista dirigitur: *et tu aliquando conversus confirma fratres tuos*. Quidquid ista stauerit, suscipio, approbo quod approbaverit, quod damnaverit damno.“ A quibus ne tantillum quidem ista dissident ⁵⁷ Jacobi Cardinalis Vitriaci: „Patet ergo, quum super hanc petram, pro qua Dominus rogavit ut non deficiat fides eius, post Christum ⁵⁸ aedificata sit et fundata Christi ecclesia, quod omnes qui a romana ecclesia recedunt, qui absque fundamento aedificant in vanum laborantes, et ab eo qui a Domino Cephas vocatus, *separati, acephali et monstrosi homines merito sunt reputandi*.“

COROLLARIUM VII.

219. Si quae cognitio eximii cuiusdam momenti censi debet, illa sane est, qua *tesseram verae fidei, veraeque ecclesiae*, atque hanc tutam, expeditamque perspicimus. Necessitas enim utriusque cognoscendae, amplectendaeque *summa* est, ac *summi* idcirco *ponderis* est viam, rationemque tenere, qua in illarum *certam notitiam facile* deducamur. Atqui in Petro ea tessera residet, quam si ob oculos habuerimus, fiet numquam, ut in exquirenda vera fide, veraque ecclesia a proposito nobis scopo aberremus. Etenim neque alia esse potest vera fides, nisi quam is tradit, qui fratres in fide confirmandos recepit: neque alia vera ecclesia, nisi quam Christus aedificavit ac porro aedificare pergit. Sed quemadmodum uni Petro Christus praecepit, *στίλιξον τοὺς ἀδελφούς σου*: ita non aliam aedificavit aut aedificat ecclesiam, nisi quae Petro tamquam conspicuo fundamento incumbit.

Si qui igitur de invenienda vera fide, veraque ecclesia curam gerunt, hi quaerant ubi Petrus est, ac ubi Petri fides custoditur: tam enim indubitatum est illud ⁵⁹ Ambrosii, *ubi Petrus, ibi ecclesia*, quam istud ⁶⁰ Stephani Larissae antistitis, *in Petri confessione omnes mundi conquiescere ecclesias*: quaerant quinam tot inter christianos coetus gloriosum ecclesiae nomen sibi vindicantes, cum Petro consentiat, traditamque e Petri cathedra fidem sequatur; quem quum repperint, nihil ultra quaerant, sed invento felicissimo thesauro perfruantur. „Neque enim ignoramus, ut verbis utar Petri alliacensis ad Clementem VII, sed firmissime tenemus et nullatenus dubitamus, quod sancta sedes apostolica est illa cathedra Petri, supra quam, Hieronymo teste, fundata est ecclesia, de qua sede in persona Petri in ea sedentis dictum est: *Petre, rogavi pro te, ut non deficiat fides tua*.“

⁵⁷) Orientalis Hist. cap. LXXV.

⁵⁹) In Ps. L. n. 30.

⁵⁸) Qui Petro contulit ut alterum a se esset conspicuum fundamentum.

⁶⁰) In libello ad Bonifacium II. apud Labbé T. IV. p. 1692.

COROLLARIUM VIII.

220. His ita praestitutis, nihil eo evidentius esse arbitror quod Cyprianus ⁶¹ docet: *tractatu longo atque argumentis opus non esse*, ut in gravissima de vera fide, veraque ecclesia quaestione iis persona detrahatur qui *asserunt noctem pro die, interitum pro salute, desperationem sub obtentu spei, perfidiam sub praetextu fidei, antichristum sub vocabulo Christi; ut dum verisimilia mentiuntur, veritatem subtilitate frustrentur.* „Probatio namque est ad fidem *facilis compendio veritatis.* Loquitur Dominus ad Petrum: *ego tibi dico*, inquit, *quia tu es Petrus, et super istam petram aedificabo ecclesiam meam, et portae inferi non vincent eam. Et tibi dabo claves regni caelorum, et quae ligaveris super terram, erunt ligata et in caelis: et quaecumque solveris super terram, erunt soluta et in caelis.* Et iterum eidem post resurrectionem suam dicit: *pasce oves meas.* Super unum aedificat ecclesiam suam.“ Quae propterea neque *ab uno*, super quem aedificata est, divelli, neque aliam profiteri fidem potest, nisi quam ille *unus*, idemque Petrus proponit.

CAPUT XV.

Criticorum aliquot de capite XXI. Johannis opinio: — quantopere a vero aberret, paucis innuitur: — tum de eorum sententia agitur quae leguntur vv. 15—18: — an ea spectent ad unum Petrum: — qui negent, et quam de causa: — certis argumentis confulantur: — de formula, ἀγαπᾷς με πλεῖον τούτων; — subiecta ne an obiecta conferantur: — opinionum dissidia: — conferri subiecta demonstratur: — quae exinde ad Petri ἐξουσίαν extollendam orthodoxi patres collegerint: — vindicantur: — et comparatione cum iis instituta quae narrant Matthaeus XVI. 18—19. et Lucas XXII. 31—33, nova, pleniorique luce perfunduntur.

221. Quum ante Hugonem Grotium una omnium tam catholicorum quam protestantium mens esset, postremum evangelii κατὰ Ἰωάννην caput eidem esse apostolo, cui reliqua tribuuntur, adscribendum; editis ab illo in Scripturam commentariis non defuere, qui eius legentes vestigia iudicandum aliter esse crediderint. Hos inter connumerandi veniunt ¹ Clericus, Pfaffius, Moerlius, Semlerus, Paulus, et De Wettius, quibus si animum adicimus, postremi capitis auctor non ipse credi debet Johannes, sed ephesinus coetus, qui Johanne adhuc superstitute ac probante illud interseruerit. Verum, quod facile erat coniecere,

⁶¹) De unit. ecclesiae.

¹) Cf. Griesbachii adnotat. ad Joh. XXI.

huius insolentiam, temeritatemque opinionis non catholici² solum unanimes, sed ipsi etiam magno numero protestantes acerbissimis verbis exagitarunt. Profuerit legisse quae scribunt Millius³, Wetstenius⁴, Calovius⁵, Basnagius⁶, Hofmannus⁷ et⁸ Adamus Osiander: ex his enim perspicuum erit affirmari nihil potuisse, quod quavis vel tenuissima probabilitatis specie minus commendaretur.

Quotquot enim sunt *critica indicia*, sive *externa*, sive *insita* hoc probant, unum eundemque esse auctorem quum postremi capitis, tum reliquorum. Probant *indicia externa*, sive quae *e codicum consensione*, sive quae *e priscis versionibus, christianaque traditione* depromuntur: horum enim instrumentorum nullum est, quo postreimum caput Johanni non vindicetur. Probant *insita indicia*, neque ea minus quae *e colore dictionis*, quam quae *e narrationis forma* ac *ipsa veluti scribentis facie* petuntur: qui enim color, quae facies in ceteris capitibus, in postremo quoque extant ac refulgent. Probant denique *ipsae quae opponuntur difficultates*, quarum ne una quidem est, quae non simillima cavillationi videatur, quaeque non fuerit a viris doctis⁹ egregie explanata. Unde mirum esse non debet, si Tholuck¹⁰ quum ab eximia eruditione, tum ab iudicii critici sagacitate insignis contenderit, reos esse impudentis temeritatis, qui postremum caput alteri quam Johanni asserendum esse arbitrantur.

222. Itaque quum Johannis certissime sint quae postremo evangelii capite continentur, integrum nobis est non aliter eo uti ac instrumento fide dignissimo et Θεοπνεύστῳ, cuius auctoritate ac sententiis praesentem quam versamus de Petri praerogativis controversiam explicemus. Ad quam explicandam, dirimendamque non minimum ista¹¹ conferunt: Ὅτε οὖν ἡρίστησαν, λέγει τῷ Σίμων Πέτρῳ ὁ Ἰησοῦς· Σίμων Ἰωνᾶ¹², ἀγαπᾷς με πλεῖον τούτων; λέγει αὐτῷ· ναί, κύριε, σὺ οἶδας, ὅτι φιλῶ σε. λέγει αὐτῷ· βόσκει τὰ ἀρνία¹³ μου. Λέγει αὐτῷ πάλιν δεύτερον· Σίμων Ἰωνᾶ, ἀγαπᾷς με; λέγει αὐτῷ· ναί, κύριε, σὺ οἶδας, ὅτι φιλῶ σε. λέγει αὐτῷ· ποιμαίνει τὰ πρόβατά¹⁴ μου. Λέγει αὐτῷ τὸ τρίτον· Σίμων Ἰωνᾶ, φιλεῖς με; ἐλπηθή ὁ Πέτρος, ὅτι εἶπεν αὐτῷ τὸ τρίτον· φιλεῖς με; καὶ εἶπεν αὐτῷ· κύριε, σὺ πάντα οἶδας· σὺ γινώσκεις, ὅτι φιλῶ σε. λέγει αὐτῷ ὁ Ἰησοῦς· βόσκει τὰ πρόβατά¹⁵ μου.

Sane quum testimonii ad faciendam fidem adhibiti *ea sit potior dos*, ut perspicuitate refulgeat; nescio an istis evidentiora postulari merito possint. Omnia siquidem tam *propria* quam *translata*, tam *seorsum* quam *coniunctim*

²) Cf. Simonii Hist. Critic. N. T. lib. I.

³) Proleg. §. 249.

⁴) Not. ad Joh. XXI.

⁵) Bibl. Illustrat. ad Joh. XXI.

⁶) Annal. ad an. Domini XXXIII. §. 154.

⁷) Observatt. ad Pritii comm. in N. T.

pag. 965.

⁸) Exercit. edita Tubingae an. 1756,

De authentia cap. XXI. Johannis.

⁹) Cf. Millium et Wetstenium ll. citatis.

¹⁰) Commentar zum Evangel. Johannis. 3. Aufl. Hamburg. 1831. pag. 353.

¹¹) Joh. XXI. 15—18.

¹²) Al. Ἰωάνον seu Ἰωάννον.

¹³) Al. πρόβατα.

¹⁴) Al. προβάτια, oviculas.

¹⁵) Al. προβάτια aut ἀρνία.

plana sunt ac expedita. Fac enim I. expendas verba *seorsum*: ea sunt *vulgatissima*, sive propria, sive metaphorica significatione usurpentur. Fac II. ea *coniunctim* expendas: phrases ac formulae quae ex iis coalescunt, nihil exhibent quod clara distinctaque notitia non percipiatur. Fac postremo III. *res ipsas* consideres, quae vocabulis, phrasibusque efferuntur: eae sunt quidem nobiles, excelsae, et ad ostendendam Christi curam de *unitate ecclesiae* omnium accommodatissimae; vim tamen facultatemque rationis non praetergrediuntur, cumque iis notitiis apte consentiunt, quas dicere *rationales* solemus. Universa igitur oratio splendet, eoque suapte natura fertur, ut Petrus reliquis antepositus apostolis, ac institutus supremus, oecumenicusque pastor intelligatur.

223. Improbant ista protestantes, nervosque idcirco omnes intendunt, ut tantum splendorem infuscent, obducant tenebris, aliamque esse subiectam verbis potestatem persuadeant. Quod ut assequantur facilius, gradibus veluti quibusdam incedunt, ac principio, praeuntibus¹⁶ Hackspanio, Pfaffio¹⁷, Samuele Basnagio¹⁸, Bernardo Sandenio¹⁹, et²⁰ Laurentio Moshemio, graviter serioque defendunt: *nihil esse in Christi verbis proprium, nihil quod ad unum spectet Petrum, ac nihil quod non debeat omnibus commune apostolis existimari.*

Cuius caussam, rationemque sententiae si ab iis poscas, caussam rationemque proferunt *non hermeneuticam, sed dogmaticam*, et quum *ex analogia* quam vocant *fidei*, tum *ex eo desumptam, quod reliqui item apostoli pascendi munus officiumque a Christo acceperint.* Illud vero incredibile quod minime advertant, non hoc peti, utrum ceteri item apostoli pascendi munus dignitatemque, Christo auctore, obtinuerint; sed I. utrum eo quem adduximus Johannis loco obtinuerint: utrum II. eodem gradu, eademque amplitudine ac dignitate: et utrum III. in eo apud Johannem testimonio nihil occurrat non commune, nihil quod Petrum omnibus prae habitum significet. Sed ista protestantes non distinguunt, ac ex iis profecti, quae omnibus *indubitata* sunt, praecipites deinde ruunt, ac in ea delabuntur, quae cum Scripturarum doctrina nullo artificio concilies.

224. Et conciliari profecto cum ea nequit, quod de verbis Christi *ad omnes ex aequo apostolos* pertinentibus affirmant; quum luce clarius sit, *illa esse propria*²¹, *et ad unum nominatim Petrum referri.* Sane I. narrationem auspicatur²² Johannes inquires: *ὅτε οὖν ἠρτίσθησαν, λέγει τῷ Σίμωνι Πέτρῳ ὁ Ἰησοῦς.* His autem manifestus continetur orationis transitus, qui sicuti ratione contextus habita, *e persona loquentis* repeti nequit, quum idem sit Christus qui dicere pergit; ita repetatur oportet *quum e re qua de agitur* ab iis diversa, de quibus antea sermo fuerat, *tum e persona quacum agitur*, quae est Simon

¹⁶) In notis pag. 481.

¹⁹) In diss. edita Regiom. an. 1696.

¹⁷) In Orig. Ecclesiast. pagg. 33. seqq.

²⁰) In der Sittenlehre der H. Schrift, Part. III. pag. 415.

¹⁸) In Annal. Politico-Ecclesiast. ad an. XXXIII. §. 157.

²¹) Lib. I. cap. X.

²²) Joh. XXI. 15.

Petrus, quum antea ad discipulos indiscriminatim omnes verba dirigerentur. Transitus igitur, orationisque progressio significata verbis, *ὅτε οὖν ἡρίστησαν, λέγει τῷ Σίμωνι Πέτρῳ ὁ Ἰησοῦς*, flagitant ne ad apostolos pariter omnes, sed ad unum seorsum Petrum consequens Christi sermo referatur.

Enimvero II. comparetur cum *antecedentibus*, quae ad illos communiter omnes pertinent. Formulae in iis repetitae, hae sunt ²³: *λέγει αὐτοῖς ὁ Ἰησοῦς, ἐνέγκατε, δεῦτε, ἀριστήσατε, δίδωσιν αὐτοῖς*: scilicet omnes sunt *pluralis numeri*, *pluresque* designant. At in eo de quo disserimus contextu, hae constanter ²⁴ occurrunt: *λέγει τῷ Σίμωνι Πέτρῳ ὁ Ἰησοῦς, ἀγαπᾷς με, βόσκει, λέγει αὐτῷ πάλιν, ποιμαίνε, λέγει αὐτῷ τὸ τρίτον, γίλεις με*: scilicet sunt omnes *singularis numeri*, ac unum singularemque Simonem Petrum demonstrant. Quemadmodum igitur absonum foret praecedentia *ad unum* coercere; ita videri absonum debet consequentia *ad omnes* qui aderant amplificare.

Neque prorsus video III. quo tandem pacto significare Christus evidentius potuerit, sibi *cum uno Petro* esse sermonem. Orditur enim ²⁵, inquit: *Σίμων Ἰωνᾶ, ἀγαπᾷς με πλεῖον τούτων*; tum ne syllabam quidem addit, quae ad alium quam ad Simonem Jonae filium dirigatur. Perconctor igitur *propria* ne sit an *communis* appellatio Simonis Jonae filii. Credo *propriam* esse, ac uni Petro convenire. Unus igitur proprie est Petrus, quem Christus alloquitur, quem interrogat, et cui agnos ovesque alendas, regendasque committit.

Praeterea IV. quid sibi vult *comparata* loquutio, *ἀγαπᾷς με πλεῖον τούτων*; ea sane ostendit a ceteris qui aderant, Petrum *secerni*. Sed si a ceteris Petrus *secernitur*, et Petrum a ceteris *secretum* Christus compellat; qua prudentia, veritatisque specie, quae illi dicuntur, *communia* omnibus existimantur?

Quae V. si *communia* forent, eiusmodi quoque duci deberent quae in eadem orationis serie ne levissime quidem immutata *subsequuntur*: ac proinde *commune* omnibus duci deberet quod subiicitur ²⁶: *Ἀμὴν ἀμὴν λέγω σοι, ὅτε ἡς νεώτερος, ἐξώνυνες σεαυτὸν καὶ περιεπάτεις, ὅπου ἡθέλεις· ὅταν δὲ γηράσῃς, ἐκτενεῖς τὰς χεῖράς σου, καὶ ἄλλος σε ζώσει καὶ οἴσει, ὅπου οὐ θέλεις*. Sed interprete Johanne ²⁷, haec pertinent *ad unum Petrum*, rationemque martyrii depingunt, qua *unus* Petrus glorificaturus erat Deum. Demonstravimus igitur quaecumque omnia praesenti Christi sermone continentur, *propria* esse, ad *unum* Petrum dirigi, *primamque ex iis conditionibus* complecti, quae ad statuendas tuendasque Petri praerogativas requiruntur.

225. Neque minus perspicue *conditionem alteram* complectuntur in eo sitam, ut quod *proprie* Petro adscribitur, *ad excellentiam* spectet, *maioremque in ecclesiastico ministerio dignitatem* praeferat. Expendatur enim *comparatio* inclusa verbis, *ἀγαπᾷς με πλεῖον τούτων*; tum consideretur, *quinam* mutuo

²³) Joh. XXI. 10—15.

²⁶) Ibid. v. 18.

²⁴) Ibid. vv. 15—18.

²⁵) Ibid. v. 15.

²⁷) Ibid. v. 19.

termini componantur. Non me praeterit aliquos e protestantium²⁸ numero reperiri qui putant conferri simul *obiecta* non *subiecta*, conferri simul non *ὁ καὶ οὗτοι*, sed *μὲ καὶ τούτους*, atque adeo subiectam verbis Domini sententiam talem esse: *diligis me plus quam hos diligas?* At vero hanc mecum enarrationem reputare non possum, quin illius auctoribus nonnihil subirascar. Ea namque est, quae tam a *persona eius qui interrogatur*, quique *interrogat*, quam ab *obvio sensu*, et *grammaticae legibus* vehementissime abhorret.

Qui enim I. *interrogatur*, est Petrus, is nimirum qui tractus a Patre noverat, solemnique professione²⁹ confirmaverat, *Jesum esse Christum, germanamque prolem Dei viventis*: is pro cuius in fide constantia³⁰ Jesus oraverat, et cui fratres stabiliendos, roborandosque tradiderat: is qui suam in Jesum propensissimam voluntatem³¹ declaraverat, inquires: *Κύριε, μετὰ σοῦ ἔτοιμός εἰμι καὶ εἰς φυλακὴν καὶ εἰς θάνατον πορεύεσθαι*: is quem Jesus omnium primum inter apostolos³² suimetipsius praesentia post devictam mortem recrearat: is demum qui sub hoc ipsum tempus³³ ut *citius* ad Jesum accederet, cuiusvis impatiens morae, atque ardentissima actus caritate se mari dedit, quum reliqui interea discipuli navigio vecti *tardius* appropinquarent. Estne igitur qui non cernat ab ingenio, ab indole, Petrique persona alienissimam fuisse interrogationem, maiori ne caritate Jesum ipsum, quam apostolos, discipulosque reliquos prosequeretur? Eiusmodi namque interrogatio II. hunc redderet sensum: *potiori ne amore in Deum et creatorem, quam in homines, creaturasque ferretur*; scilicet *servaret ne primum maximumque mandatum, an illud contra summo scelere transgrederetur*. Qua sane interrogatione nihil mihi succurrit, quod a Petri persona, eiusque caractere longius aberret.

Immo III. quod magis ab ipsa persona ac *interrogantis* dignitate dissideat. Auctor enim interrogationis est Jesus, cui propterea adscribitur, quod *semel, iterum* ac *tertio* a Petro postularit, *sibi ne, an sociis potius ac fratribus primas amoris deferret*. Verum quis hanc Jesu sollicitudinem tribuat, aut hanc illi mentem commodet eo solum dignam, qui zelotypia ureretur, vel aemulationis stimulo pungeretur?

Ad haec IV. *quem* Jesus significabat *amorem*, inquires: *ἀγαπᾷς με πλεῖον τούτων*; rectum ne an praeposterum, *caritatem* ne an *cupiditatem*? cupiditatem nemo sanus dixerit. De caritate ergo interrogabat. Sed caritas in proximum e radice subolescit caritatis in Deum, et nisi ista antecesserit, consequi illa non potest. Ne igitur Christus de cupiditate loquutus censeatur, reiiici interpretatio debet, qua simul *obiecta* conferri perhibentur.

226. Quam interpretationem V. non ipsi solum catholici constanter improbarunt, sed protestantes quoque non pauci improbandam esse docuere. Hos

²⁸) Videsis Oederum in Animadvers. sacris, pag. 545.

²⁹) Matth. XVI. 17.

³⁰) Luc. XXII. 31—33.

³¹) Ibid. v. 33.

³²) Luc. XXIV. 34, I. Cor. XV. 5.

³³) Joh. XXI. 7—8.

inter Bengelius³⁴ verba, *πλεῖον τούτων*, exponit, *magis quam hi*, idest, *con-discipuli tui*. Tum subdit: „Sic οὗτος *hic* v. 21. Antea Petrus se *plus his* praestitutum dixerat, Matth. XXVI. 33, nunc autem simpliciter dicit, *amo te*; non addit, *plus his*.“ Consonat Bloomfield³⁵, qui tria ex ordine statuit: ac inprimis sensum, *diligis me plusquam hi me diligant*, esse unice verum: huic deinde sensui optimos quosque veteres, recentioresque interpretes suffragari: alteram postremo acceptionem ieiunam esse, longissime petitam, et a rebus ipsis personisque abhorrentem. Unde Rosenmüllerus³⁶ tamquam in re minime dubia scribit: „*Ἀγαπᾷς με πλεῖον τούτων*; *amas me magis quam hi ceteri*? nam *τούτων* hoc loco est masculini, non neutrius generis, nec quae est Whitbii sententia, ad navigium et pisces v. 8, sed ad reliquos apostolos refertur.“

Sane VI. *lex* est *grammaticis certa*, usuque scriptorum comprobata, ad verborum *collocationem* attendi tum maxime oportere, quum *e constructionis forma* anceps videri potest, quinam mutuo termini referantur. Constructio autem verborum, *ἀγαπᾷς με πλεῖον τούτων*; ea est, qua non satis definitur, *obiecta* ne potius, *μὲ καὶ τούτους*, an *subiecta*, *σὺ καὶ οὗτοι*, ad invicem comparentur. Ipsa igitur inspicere *collocatio* debet, eaque inspecta ambiguitas e medio tolli. Quonam vero modo, ne ista inspectio nobis sit fraudi? eo qui suapte sponte intelligitur, quique a grammaticis traditur: *ut ii mutuo termini relati censeantur, qui sunt iuxta positi, seque ἀμέσως excipiunt*. Quare si inter *μὲ* et *τούτους* relatio intercederet, ita fuissent verba disponenda: *ἀγαπᾷς τούτων με πλεῖον*; quum igitur disposita secus sint, legamusque, *ἀγαπᾷς με πλεῖον τούτων*; concludi debet, *subiecta*, non *obiecta*, *Simonem et discipulos*, non *Christum et discipulos* ad invicem referri.

Eo vel magis VII. quod Johanni infrequens haud sit, *obiecta comparata ἀμέσως* iungere, *subiecta* vero, interiecto comparativo, tum etiam dividere ac separare, quum nullum imminet ex ambiguitate periculum. Jungit *comparata obiecta* scribens³⁷: *μήτις πλείονα σημεῖα τούτων ποιήσει*. Ac iterum iungit, dum³⁸ ait: *μεῖζονα ταύτης ἀγάπην οὐδεὶς ἔχει*. At *subiecta* dividit et separat quum³⁹ alibi, tum⁴⁰ inquires: *μὴ σὺ μεῖζων εἶ τοῦ πατρὸς ἡμῶν*. Ac denuo⁴¹: *οὐκ ἔστι δοῦλος μεῖζων τοῦ κυρίου αὐτοῦ*. Liqueat igitur non Christum sed Petrum cum apostolis reliquis conferri; Christum vero de eo interrogare, nec utrum Petrus maiore ipsum amore quam socios, discipulosque diligeret, sed utrum *impensiore eum caritate*, quam socii ac apostoli, prosequeretur.

227. E quibus efficitur quod christiani patres uno ore testantur, *singularem ac plane eximiam Petro collatam fuisse dignitatem*. Ad rem⁴² Am-

³⁴) In Gnom. ad Joh. XXI. 15.

³⁹) Ibid. VIII. 53, XIV. 28.

³⁵) In notis ad h. l.

⁴⁰) Ibid. IV. 12.

³⁶) In scholiis ad h. l.

⁴¹) Ibid. XIII. 16, XV. 20.

³⁷) Joh. VII. 31.

³⁸) Ibid. XV. 13.

⁴²) In Lucam, lib. X. n. 175.

brosius: „Non est dubium credidisse Petrum, et credidisse quia dilexit, dilexisse quia credidit. Unde et contristatur quia tertio interrogatur, *amas me?* is enim interrogatur de quo dubitatur. Sed Dominus non dubitat, qui interrogat non ut disceret, sed ut doceret quem elevandus in caelum *amoris sui veluti vicarium* relinquebat. . . . Ideo quia *solus* proficitur ex omnibus, *omnibus antefertur*. Denique tertio Dominus, non iam *diligis me*, sed *amas me* interrogat: et iam non *agnos*, ut primo, quodam lacte pascendos, nec *oviculas*, ut secundo, sed *oves* pascere iubetur perfectiores, *ut perfectior gubernaret*.“ Quibus simillima tradunt Origenes ⁴³, Zeno veronensis ⁴⁴, Chrysostomus ⁴⁵, Cyrillus alexandrinus ⁴⁶, Bonifacius I. ⁴⁷, Leo ⁴⁸, Gregorius ⁴⁹, et nobis aetate propinquior Bernardus ⁵⁰, inquit: „Cui non dico episcoporum, *sed etiam apostolorum* sic absolute et indiscrete totae commissae sunt oves? si me amas, Petre, pasce oves meas.“

Profecto I. quemadmodum non potest non videri *eximia merces*, quae *caritati* virtutum omnium praestantissimae respondeat; ita nequit non esse *propria ac sublimior ea remuneratio*, quae Petri in Christum *maiori, propensiorique caritati* rependitur. Haec autem remuneratio effertur verbis: βόσκει τὰ ἀρνία μου, ποιμαίνει τὰ πρόβατά μου. Sapienter igitur monuit Leo ⁵¹, *pascendarum ovium curam Petro specialius demandari*.

Enimvero II. iam Petrus una cum apostolis reliquis a Christo audiverat ⁵²: καθὼς ἀπέσταλκέ με ὁ πατήρ, καὶ γὰρ πέμπω ὑμᾶς: atque idcirco una cum ipsis id acceperat totum, quod ad munus auctoritatemque apostolatus pertinens his alibi ⁵³ verbis exprimitur: Ἐδόθη μοι πᾶσα ἐξουσία ἐν οὐρανῷ καὶ ἐπὶ γῆς. πορευθέντες μαθητεύσατε πάντα τὰ ἔθνη, βαπτίζοντες αὐτοὺς εἰς τὸ ὄνομα τοῦ πατρὸς, καὶ τοῦ υἱοῦ, καὶ τοῦ ἁγίου πνεύματος, διδάσκοντες αὐτοὺς τηρεῖν πάντα ὅσα ἐνετειλάμην ὑμῖν. Ne igitur statuamus *nihil proprii, nihil eximii ac praestantis* subesse verbis, βόσκει τὰ ἀρνία μου, ποιμαίνει τὰ πρόβατά μου, quibus tamen *remuneratio maioris, impensiorisque caritatis continetur*; fateamur necesse est, tribui *per ea* Petro nobiliorem quamdam, potiorremque dignitatem, qua Christi ovile dirigeret atque gubernaret.

228. Praeterea III. non uno nomine praesens Christi oraculum cum eo consentit quod refert, describitque ⁵⁴ Matthaeus. In hoc praecedit *singularis confessio*, qua testatus Petrus est, Jesum esse Christum, verumque Dei viventis filium: in illo professio antecedit *maioris caritatis*, quam tum Petrus edidit, quum Christo interroganti, ἀγαπᾷς με πλεῖον τούτων; respondit, ναί, κύριε. In hoc ut *singularem eximiamque fidem praemio donet*, subiicit Jesus: καὶ γὰρ

⁴³) In cap. VI. epist. ad Rom.

⁴⁴) Lib. I. Tract. XIII. n. 8, lib. II.

Tract. XIII. n. 2.

⁴⁵) In Joh. hom. LXXVIII. al. LXXVII.

⁴⁶) In Joh. lib. XII. pag. 1118.

⁴⁷) Epist. ad Rufum thessalonicensem.

⁴⁸) Epist. LXXXVIII.

⁴⁹) Lib. IV. epist. XXXII.

⁵⁰) De Consid. lib. II. cap. VIII.

⁵¹) l. c.

⁵²) Joh. XX. 21.

⁵³) Matth. XXVIII. 18—20.

⁵⁴) Ibid. XVI. 16. seqq.

δὲ σοὶ λέγω, ὅτι σὺ εἶ Πέτρος κ. τ. λ.: in illo ut maiorem impensio-
caritatem remuneretur, continuo addit: βόσκει τὰ ἀρνία μου, ποιμαίνε τὰ πρό-
βατά μου. Quum vero in altero *merces solum promittatur*, quemadmodum
 formulae ostendunt futurae significationis, οἰκοδομήσω, δώσω, ὃ ἐὰν δήσῃς, ὃ
 ἐὰν λύσῃς: in altero contra *eadem repraesentetur*, ut verba, βόσκει καὶ ποι-
μαίνε, praesentis significationis aperiunt; inferri debet, relatam a Matthaeo pro-
 missionem iis *compleri* quae Johannes commemorat. Quare duo Christi oracula
 eo cohaerent nexu, quo *promissio, promissionisque exequutio devinciuntur*.
 Quae vero ita se ad invicem habent, spectari, exponique debent *non absolute,*
sed comparate. Quod si fiat, perspicuum erit, formulis, βόσκει τὰ ἀρνία μου,
 ποιμαίνε τὰ πρόβατά μου, illud ipsum, diversa licet imagine, significari, quod
 formulae, ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, δώσω σοὶ τὰς
 κλεῖς τῆς βασιλείας τῶν οὐρανῶν, καὶ ὃ ἐὰν δήσῃς, ἔσται δεδεμένον; καὶ ὃ
 ἐὰν λύσῃς, ἔσται λελυμένον, praeseferunt. Atqui postremae formulae eximiam,
 singularemque Petri ὑπεροχήν, supremamque auctoritatem certissime⁵⁵ probant.
 Eadem igitur est ὑπεροχή, potiorque in pascendo auctoritas, quae prioribus
 significatur.

Tandem IV. Scripturis⁵⁶ testantibus futurum erat, ut Petrus ποτέ, *ali-*
quando fratres, ipsosque apostolos, tamquam alter a Christo architectus, su-
 stentaret ac regeret. Sed *quando?* non alibi declaratur quam apud Johannem,
 atque his omnino verbis: βόσκει τὰ ἀρνία μου, ποιμαίνε τὰ πρόβατά μου.
 His igitur verbis *proprium munus, ac potior continetur auctoritas*, qua Petrus
 fratres prorsus omnes, *maximos, medios, minimos* confirmaret.

CAPUT XVI.

De potestate vocum Joh. XXI. 15—18: τὰ ἀρνία μου
καὶ τὰ πρόβατά μου: — de earumdem ambitu: — is patet in-
finite, omnesque complectitur tum praesides doctoresque, quum
subditos atque discipulos: — concors hac de re christianae antiqui-
tatis suffragium: — de amplitudine oraculorum Matth. XXVIII. 19:
μαθητεύσατε πάντα τὰ ἔθνη, et Joh. XXI. 15—18: βόσκει τὰ
ἀρνία μου, ποιμαίνε τὰ πρόβατά μου: — eadem ne sit an di-
versa: — diversam esse ostenditur: — Petrique praerogativae
confirmantur.

229. Quae sub extremum praecedentis capitis *de summa ac plane sin-*
gulari Petri auctoritate deduximus, non minima lucis accessione perfundentur,
 si adhibita a Christo verba paullo expendantur intimius ac pressius enarrentur.

⁵⁵) Capp. V. seqq.⁵⁶) Luc. XXII. 32.

Prima autem quae se verba offerunt, ista sunt ¹: τὰ ἀρνία μου, καὶ τὰ πρόβατά μου: de quibus duo potissimum statui debent, quum quae illis significatio insit, tum quem praeferant ambitum, quare, ut logici loquuntur, *extensione accipiantur*. Frustra vero lectores non omnino tardissimos monerem, neque ἀρνία, neque πρόβατα proprie accipi, sed *metaphorice*, eaque significatione quam Christo solemnem fuisse novimus. Solemne porro fuit Christo quemadmodum *semetipsum* *schemate pastoris*, ita *fideles* quos iam collegerat, quosve ad consummationem usque saeculi erat collecturus, imagine *agnorum, oviumque* repraesentare.

Ac semetipsum quidem pastoris *schemate* exhibet ² his verbis: Ἐγὼ εἰμι ὁ ποιμὴν ὁ καλός: eodemque *schemate* illum exhibent Paulus ³ a quo dicitur, ὁ ποιμὴν τῶν προβάτων, itemque Petrus quum ⁴ scribit: Ἦτε γὰρ ὡς πρόβατα πλανώμενα· ἀλλ' ἐπεστράφητε νῦν ἐπὶ τὸν ποιμένα καὶ ἐπίσκοπον τῶν ψυχῶν ὑμῶν: ac denuo quum ⁵ addit, καὶ φανερωθέντος τοῦ ἀρχιποιμένου, κομεισθε τὸν ἀμαράντινον τῆς δόξης στέφανον. Neque mirum, quum duplex antecesserit insigne vaticinium, quo Christus futurus *pastor* praenunciabatur: alterum Ezechielis ⁶: Καὶ ἀναστήσω ἐπ' αὐτοὺς ποιμένα ἓνα, καὶ ποιμανεῖ αὐτούς, τὸν δοῦλόν μου Δαβὶδ, καὶ ἔσται αὐτῶν ποιμὴν: alterum Michaeae ⁷ a Matthaeo ⁸ relatum: Ἐκ σοῦ γὰρ ἐξελεύσεται ἡγούμενος, ὅστις ποιμανεῖ τὸν λαόν μου τὸν Ἰσραὴλ, מִמֶּךָ לִי יֵצֵא לְדוֹת מוֹשֶׁל בְּיִשְׂרָאֵל, ex te mihi egredietur ut sit dominator in Israel.

230. Cum hac autem *pastoris* appellatione Christo facta, altera eaque cognata nequitur, qua credentes, Christique asseclae *ovium, agnorumque* nominibus significantur. Ac sunt enimvero hanc in rem ista ⁹ luculenta: Ἰδοὺ, ἐγὼ ἀποστέλλω ὑμᾶς ὡς πρόβατα ἐν μέσῳ λύκων: et in loco parallelo ¹⁰: ἰδοὺ, ἐγὼ ἀποστέλλω ὑμᾶς ὡς ἄρνas ἐν μέσῳ λύκων. Tum ¹¹: Ἐγὼ εἰμι ὁ ποιμὴν ὁ καλός· ὁ ποιμὴν ὁ καλός τὴν ψυχὴν αὐτοῦ τίθησιν ὑπὲρ τῶν προβάτων: τὴν ψυχὴν μου τίθημι ὑπὲρ τῶν προβάτων: καὶ ἄλλα πρόβατα ἔχω, ἃ οὐκ ἔστιν ἐκ τῆς αὐλῆς ταύτης· ἀκκεῖνά με δεῖ ἀγαγεῖν: et ne sim nimius ¹², ἦτε γὰρ ὡς πρόβατα πλανώμενα. Hinc Christi effatum suavissimam spirans caritatem ¹³: Ἐγὼ εἰμι ἡ θύρα τῶν προβάτων: atque hinc divina eiusdem praedictio ¹⁴, καὶ γενήσεται μία ποίμνη, εἰς ποιμὴν.

231. Quod si ἀρνία καὶ πρόβατα ipsi sunt *fideles sive iam collecti, sive in unum Christi ovile iugiter colligendi, quinam ac quotnam* ii censi debent

¹) Joh. XXI. 15—18.

²) Ibid. X. 11.

³) Hebr. XIII. 20.

⁴) I. Petr. II. 25.

⁵) Ibid. V. 4.

⁶) Ezech. XXXIV. 23.

⁷) Mich. V. 2.

⁸) Matth. II. 5—6.

⁹) Ibid. X. 16.

¹⁰) Luc. X. 3.

¹¹) Joh. X. 11. seqq. Cf. ibid. vv. 26. seqq.

¹²) I. Petr. II. 25.

¹³) Joh. X. 7.

¹⁴) Ibid. v. 16.

qui Petro demandantur, quum illi semel, iterum, tertioque¹⁵ dicitur, βόσκει τὰ ἀρνία μου, et, ποιμαίνει τὰ πρόβατά μου? eorum numerus atque amplitudo definienda I. e verbis est, quae Jesus usurpat. Utitur autem *infinitis loquutionibus*, τὰ ἀρνία μου, τὰ πρόβατά μου, quaeque fideles universos sive qui iam essent, sive qui essent deinde futuri, suo ambitu complectuntur: nullus enim vel extitit, vel extiturus aliquando erat fidelis, qui non item inter agnos, ovesque Christi numeraretur.

Praeterea II. alia prorsus est verborum complexio, qua in Scripturis *circumscriptum*, *definitumque ovile* significatur. In Actis¹⁶ enim ubi *de particulari grege* sermo est, dicitur: Προσέχετε οὖν ἑαυτοῖς, καὶ παντὶ τῷ ποιμνίῳ, ἐν ᾧ ὑμᾶς τὸ πνεῦμα τὸ ἅγιον ἔθετο ἐπισκόπους, ποιμαίνειν τὴν ἐκκλησίαν τοῦ Θεοῦ: et apud Petrum¹⁷: Ποιμάνετε τὸ ἐν ὑμῖν ποιμνιον τοῦ Θεοῦ, ἐπισκοποῦντες μὴ ἀναγκαστῶς, ἀλλ' ἐκουσίως. Particularis igitur grex non ποιμνιον *absolute*, *simpliciterque*, neque absolute ac simpliciter ποιμνιον τοῦ Θεοῦ, verum aut ποιμνιον, ἐν ᾧ ὑμᾶς τὸ πνεῦμα τὸ ἅγιον ἔθετο ἐπισκόπους, aut τὸ ἐν ὑμῖν ποιμνιον nuncupatur. Dum vero Christus Petrum alloquitur, ποιμνιον illi credit *absolute*, *simpliciterque*, nullisque plane *adstrictum limitibus*: βόσκει τὰ ἀρνία μου, ποιμαίνει τὰ πρόβατά μου. Universos igitur singulosque fideles illius curae, potestatique Christus subiecit. Inter fideles vero iam collectos eminebant apostoli; ipsos ergo apostolos Petro regendos, pascendosque commisit.

Qua de re III. nemo ambigat qui memoria recolat, *eandem esse extensionem* vocum, τὰ ἀρνία μου, τὰ πρόβατά μου, et¹⁸ τὴν ἐκκλησίαν μου. Sed appellatione *ecclesiae meae* omnes omnino, ac ipsi quoque apostoli comprehenduntur. Quemadmodum igitur una cum ceteris *ipsi etiam apostoli* aedificandi super Petrum erant; ita una cum ceteris *ipsi quoque apostoli* Petro regendi, pascendique traduntur.

Sane IV. quod Christus Petro iniunxerat, eius cura studiisque¹⁹ *aliquando* implendum, inquit: καὶ σύ ποτε ἐπιστρέψας στηρίξον τοὺς ἀδελφούς σου: idipsum iniungit, ac *tempus implendi officii iam advenisse declarat*, addens: βόσκει τὰ ἀρνία μου, ποιμαίνει τὰ πρόβατά μου. Quamquam enim multo pateat latius, quod verbis βόσκειν καὶ ποιμαίνειν, quam quod verbo στηρίζειν effertur; nihilominus τὸ στηρίζειν principem continet partem illius officii, quod βόσκειν καὶ ποιμαίνειν significant. Ad numerum igitur τῶν ἀρνίων καὶ τῶν προβάτων μου ii quoque pertinent, qui ἀδελφοί σου nuncupantur. Appellatione autem τῶν ἀδελφῶν σου ipsi ἀμέσως apostoli ostenduntur. Sic ergo fideles ceteri *ovium*, *agnorumque extensione* comprehenduntur, ut ipsi inprimis apostoli comprehensi existimari debeant.

¹⁵) Ibid. XXI. 15 — 18.¹⁸) Matth. XVI. 18.¹⁶) Act. XX. 28.¹⁷) I. Petr. V. 2. *Idem*¹⁹) Luc. XXII. 32.

232. Quod christianis patribus adeo innotuit, ut disertissimis quoque sentiis patefecerint. Has alii²⁰ non sine industriae laude collegerunt, ac penes eosdem magno descriptae numero conferri possunt; sat nobis erit Leonis, quo cum ceteri consentiunt, verba recitare. Sic igitur²¹ ille: „De toto mundo unus Petrus eligitur, qui et universarum gentium vocationi, et omnibus apostolis, cunctisque ecclesiae pastoribus praeponatur; ut quamvis in populo Dei multi sacerdotes sint, multique pastores, omnes tamen proprie regat Petrus, quos principaliter regit et Christus.“ Ideo autem omnes sive pastores sive greges proprie regat Petrus, quod, ut Basilius²² et Asterius amasenus²³ loquuntur, Christus post se Petrum ecclesiae suae pastorem constituerit.

E qua persuasione patrum mentibus animisque defixa repeti debet quod iidem de discrimine monent agnos inter atque oves, quodque de fidelibus prorsus omnibus, sive hi praesint, sive subsint, Petri curis, auctoritatieque subiectis affirmant. Huius discriminis totidem meminit verbis Eucherius lugdunensis, vel Bruno potius astensis inquires²⁴: „Prius agnos, deinde oves commisit ei, quia non solum pastorem, sed pastorum pastorem eum constituit. Pascit igitur Petrus agnos, pascit et oves; pascit filios, pascit et matres; regit et subditos et praelatos. Omnium igitur pastor est, quia praeter agnos et oves in ecclesia nihil est.“ Praeiverant Ambrosius et Petrus Chrysologus; illius verba superius²⁵ dedimus, iste vero²⁶ sic habet: „Commendat oves, ovium commendat germina, quia foecunditatem gregis sui (quae foecunditas dos est pastorum) pastor praescius noverat.“ Consequuti autem sunt Isidorus hispalensis et Bernardus, e quibus alter²⁷ docet, agnorum nomine ecclesiarum praelatos notari; alter vero de Petri successore scribit²⁸: „Tu es cui claves traditae, cui oves creditae sunt. Sunt quidem et alii caeli ianitores et gregum pastores; sed tu tanto gloriosius, quanto et differentius utrumque prae ceteris nomen hereditasti. Habent illi sibi assignatos greges, singuli singulos, tibi universi crediti, uni omnes. Nec modo ovium, sed et pastorum tu unus omnium pastor. Unde id probem, quaeris? ex verbo Domini: pasce agnos meos, pasce oves meas.“

233. Quibus, uti par erat, constitutis, haud aegre fieri satis quaestioni potest: idem ne sit, an alius contra diversusque eorum ambitus, quae apostolis universis indicuntur²⁹, πορευθέντες οὖν μαθητεύσατε πάντα τὰ ἔθνη, ac in loco gemino³⁰, πορευθέντες εἰς τὸν κόσμον ἅπαντα, κηρύξατε τὸ εὐαγγέλιον πάσῃ τῇ κτίσει: quaeque ad unum spectant Petrum, βόσκει τὰ ἀρνία μου, ποιμαίνει τὰ πρόβατά μου. Sane ab appellatione gentium omnium, uni-

²⁰) Cf. Mamachii Origg. et Antiquitt. Christ. T. V. part. I. pagg. 203. seqq.

²¹) Serm. IV. al. III.

²²) Constitutt. Monast. cap. XXII. n. 5.

²³) Hom. in ss. Principes Apostolorum.

²⁴) Serm. de Natali ss. apost. Petri et Pauli.

²⁵) n. 227.

²⁶) Serm. VI.

²⁷) Epist. ad Eugenium toletanum.

²⁸) De Consid. lib. II. cap. VIII. n. 15.

²⁹) Matth. XXVIII. 19.

³⁰) Marc. XVI. 15.

versaeque creaturae ipsi manifeste eximuntur apostoli, utpote qui instituendas gentes, hominumque genus evangelio imbuendum suscipiant. Contra vero appellatione *ovium*, *agnorumque* ipsi etiam comprehenduntur apostoli, unum si exceperis Petrum. Hae igitur formulae, loquutionesque non minus distinguuntur *subiecto* ad quod pertinent, quam *terminorum* ad quos protenduntur *amplitudine*. Fieri porro nequit, ut *pares* dignitate sint, censeanturque, qui non eosdem habent obnoxios; illeque *potior* existimandus est, cui non *maior* modo *numerus* regendus, informandusque committitur, verum etiam *ii* in tutelam traduntur, *de quorum aequalitate* dubitatur. Petrus igitur ad quem spectant verba, βόσκει τὰ ἀρνία μου, ποιμαίνει τὰ πρόβατά μου, quique his verbis *ipsos etiam apostolos* in fidem recepit; quum *ceteris christianis omnibus*, tum *iis quoque dignitate, praestantiaque excelluit*, quibus *Salvator praecepit*, μαθητεύσατε πάντα τὰ ἔθνη, et, κηρύξατε τὸ εὐαγγέλιον πάσῃ τῇ κτίσει.

Quod ut significarent Patres, dicere Petrum consueverunt ³¹ ἀρχηγόν et ἄρχοντα τῶν ἀποστόλων, illique delatam in ipsos apostolos προστασίαν affirmarunt. E quo fonte eae etiam defluxere voces illis solemnes, quibus ut *proprio veluti caractere* Petrum distinguerent, eum ³² et *patrem patrum*, et *sanctum patrem patrum*, et *apostolico culmine sublimatum*, et *summum omnium praesulum pontificem*, et *pontificem maximum*, et *episcoporum episcopum* salutarunt. Quae profecto eiusmodi sunt, ut Petri praerogativas insigniter commendent, illius vero ἐξουσίαν, celsioremque auctoritatem evidentissime patefaciant.

³¹) Isidorus pelusiota lib. II. epist. pag. 999; patres africani in epist. lecta in LVIII — CXC. synodo lateranensi sub Martino I, apud

³²) Episcopi orientales in libello ad Labbé T. VII. pag. 131; Tertullianus de Agapitum Pontificem, apud Labbé, T. V. Pudicit. cap. I.

CAPUT XVII.

Explanantur verba βόσκει καὶ ποιμαίνει: — in quo differant: — quid e vulgatissimo usu denotent: — quamve Petri auctoritatem praeferant: — singula expenduntur sermonis adiuncta: — loci paralleli comparantur: — supremaque Petri potestas adstruitur: — quo ea spectet, quove fuerit consilio instituta: — declaratur collatis iis quae habentur Joh. X. 3—4—8—26—27, et Ephes. IV. 11. seqq.: — tum ideo instituta ostenditur, ut Petrus esset pastor universalis, doctor oecumenicus, principium atque efficiens ecclesiasticae unitatis origo: — nonnulla colliguntur praeclariora consecutaria: — ac finis tractationi imponitur.

234. Quamquam explorata satis videri debeat *potior dignitas, sublimiorque auctoritatis gradus*, ad quem Christus Petrum evexit; diligentior tamen ac prope dixerim enucleatior inspectio verborum βόσκειν καὶ ποιμαίνειν pro eo quo adhibentur contextu, non minimum conferet, ut plenius utrumque comprobetur. Illud autem principio animadvertendum occurrit, *eadem significatione βόσκειν καὶ ποιμαίνειν sumi*, qua voces ἀρνία καὶ πρόβατα usurpantur. Hae vero usurpantur μεταφορικῶς: eadem igitur translata significatione βόσκειν καὶ ποιμαίνειν accipiuntur.

Jamvero tam *proprie*, quam *metaphorice* nonnihil ab invicem potestate distant. De quo discrimine egerunt pluribus quum alii¹, tum Strodtmannus² et³ Wetstenius, collectisque exemplis ostenderunt, *latius τὸ ποιμαίνειν, angustius τὸ βόσκειν* patere. Hoc enim *usitata loquendi ratione valet alium pascere, ac alteri suppeditato cibo providere*; sed longe est amplior, multoque nobilior potestas quae τῷ ποιμαίνειν subest. *Omnes enim curae, providentiaeque actus complectitur, insignique imagine a fastu atque ambitione alienissima, munera omnia, functionesque eorum significat qui praesident.*

235. Cuius significationis tot ferme adsunt testes, quot prisci scriptores laudantur. Homero solemne est, *appellationem pastoris regibus* indere, quare⁴ et Ἀγαμέμνονα et Δρύαντα vocat ποιμένα λαῶν, idest, βασιλέα ὄχλων, uti scholiastes advertit. Hinc apud Hesychium, ποιμήν· βασιλεύς: atque hinc illa⁵ apud scholiastem Odysseae animadversio, ποιμένος nomine καταχρηστικῶς usum esse Homerum, ut *simplicem pastorem* efferret; κυρίως enim non ποιμένα, sed

¹) Cf. Koecheri Analecta ad Joh. XXI.

³) In notis ad h. l.

15—18.

⁴) Iliad. I. 63—263, Odyss. IV. 532.

²) Syllog. I. Different. graec. §. 23.

⁵) Ad Odyss. XI. 82.

βουκόλον dicere illum debuisse. Erat enim antiquis populis *rex*, teste ⁶ Platone, νομεὺς καὶ τροφὸς ἀγέλης ἀνθρωπίνης.

Mitto cetera quae facili negotio e Memorabilibus Xenophontis ⁷, ex Aiace Sophoclis ⁸, ex Euripidis Phoenissis ⁹, aliisque graecis, scriptoribus repeti possunt; et ad biblia venio, in quibus ¹⁰ Cyrus a Deo ipso יְהוָה, ποιμὴν, νομεύς, *pastor, legumque auctor* vocatur; de sacerdotibus vero prisci foederis dicitur ¹¹: *Sacerdotes non dixerunt, ubi est Dominus, et legisperiti non noverunt me, יְהוָה פָּשְׁעוּ בִּי, καὶ οἱ ποιμένες ἀσεβοῦν εἰς ἐμέ.* Immo de pastoribus *novae oeconomiae*, qui pastoribus ac sacerdotibus prioris opponuntur, legimus ¹²: *Καὶ ἀναστήσω αὐτοῖς ποιμένας οἱ ποιμανοῦσιν αὐτούς, non sine auctoritate* profecto, qua veteres pastores summa potiebantur. Eadem significatio aliis, iisque prope innumeris testimoniis ¹³ sic adhaeret, ut merito *communis ac vulgatissima* habeatur. Unde illa ¹⁴ in novi testamenti libris: *ὅστις ποιμανεῖ τὸν λαόν μου Ἰσραὴλ: ποιμαίνει τὴν ἐκκλησίαν τοῦ θεοῦ:* et, *ποιμανεῖ αὐτούς ἐν ῥάβδῳ σιδηρᾷ.* Neque aliunde profecta explicatio est, qua ¹⁵ *ποιμαίνειν* per *ἐπισκοπεῖν* declaratur, et ¹⁶ *ὁ ποιμὴν καὶ ἐπίσκοπος*, veluti nomina eiusdem potestatis coniunguntur.

236. Cum his autem consertum est, iis usum esse verbis Christum, dum Petrum *singulari praerogativa* auxit, illique praecepit, *βύσκει τὰ ἀρνία μου, ποιμαίνει τὰ πρόβατά μου*, quae aut significatione non sunt *synonyma*, vel si tamquam *synonyma* accipiuntur, significatione tamen exui nequeunt, *qua ius potestatemque praeseferunt*. Jus vero non est *uniusmodi*, sed *multiplex, infimum, interiectum, summum, latius patens vel angustius adstrictum*. Vestigandum igitur superest, *quale, quantumve* illud sit, quod verbis *βύσκειν καὶ ποιμαίνειν* Petro adscribitur. Verba namque sunt *ἀδιάφορα*, ac suapte natura, usuque loquendi non idonea magis ad efferendum *ius infimum, mediumque*, quam *supremum*, quodque amplissime porrigatur. Quare *adiuncta* considerari debent, inspicere *subiectum, obiectumque* sermonis, *ceteraque testimonia conferri*, quae huic *ἐκ παραλλήλου* respondent. Quod si qui praestiterint, ea comperient, quae *Petri primatum* evidentissime probant, *supremam illi tributam potestatem* ostendunt, eumque *summum caput*, atque *oecumenicum catholicae ecclesiae episcopum doctoremque institutum* demonstrant.

237. Sane I. inter *adiuncta sermonis duo* polissimum extant, quorum

⁶) Politic. pag. 263.

⁷) Lib. III. nn. 1—2.

⁸) v. 360.

⁹) v. 1157.

¹⁰) Is. XLIV. 28.

¹¹) Jerem. II. 8.

¹²) Ibid. XXIII. 1—4.

¹³) II. Regg. V. 2, VII. 7, I. Paral.

XI. 2, XVII. 6, Ezech. XXXIV. 2—5—7—10—23, XXXVII. 24, Mich. V. 2.

¹⁴) Matth. II. 6, Act. XX. 28, Apoc. II. 27.

¹⁵) I. Petr. V. 2. coll. Act. XX. 28.

¹⁶) I. Petr. II. 25.

alterum est: ad eum dirigi verba βόσκε καὶ ποιμαίνε, cui dictum iam¹⁷ fuerat, καθὼς ἀπέσταλκέ με ὁ πατήρ, καὶ γὰρ πέμπω ὑμᾶς, quemque propterea Christus dignitate apostolatus iam ornaverat: *alterum* vero, verbis βόσκε καὶ ποιμαίνε praemium remunerationemque contineri, qua Christus *unum Petrum* propter *eiusdem primatum caritatis* auctum, cumulatamque voluit. Quibus inspectis adiunctis, video alterutrum affirmandum esse, vel *nullam* Petro *auctoritatem* conferri, quum ei dicitur, βόσκε καὶ ποιμαίνε, vel *auctoritatem* conferri *ea maiorem*, qua suscepto munere, obtentaque apostolatus dignitate, apostoli indiscriminatim omnes potirentur. At *primum ex duobus* verba ipsa reiiciunt, quibus significandae potestatis notio insita est. Posterius igitur teneatur oportet. Auctoritatis autem *praestantia* duplici e fonte dimanare potest, vel quod *ad plures* se porrigat *actus*, sitque adeo, ut aiunt, *intensione maior*; vel quod *plures* habeat *obnoxios*, atque adeo *nonnisi extensione* excellat. Talis igitur auctoritas Petro facta existimari debet, quae *intensione* aut *extensione*, vel *intensione simul ac extensione* sit ea potior, quae ceteris indiscriminatim apostolis conveniret.

Quam consequutionem II. probat, ac ex iisdem Christi verbis Isidorus hispalensis¹⁸ deducit, negataque, ut loqui amat, *apostolorum cum Petro paritate*, *uni seorsum Petro* dignitatem *capitis* vindicat, qua universo ecclesiae corpori praeest, illudque gubernat.

238. Ac merito III, quum *orationis* quoque *subiectum* idipsum persuadeat. Non enim *e pluribus unum* alloquitur Jesus, sed¹⁹ Simonem Petrum, λέγει τῷ Σίμωνι Πέτρῳ ὁ Ἰησοῦς: eum videlicet Simonem, a quo impensiolem caritatem²⁰ postulaverat, quem prae ceteris saepissime ornavat, quemque inter ceteros *μείζονα καὶ ἡγούμενον* futurum praedixerat. At vero neque ego existimo, neque quemquam existimaturum confido, ea *omnibus* censi *communia* posse, quae illi *seorsum* conferuntur, a quo impensior exigitur caritas, quique iam fuerat multiplici charismatum copia a reliquis secretus, iisdemque antepositus. Non igitur communis, sed eximia ac singularis ea est potestas, quam Petrus accepit, quaque illum verbis βόσκε καὶ ποιμαίνε Christus honestavit.

Quod nemini incredibile videbitur IV, qui ad *obiectum Petri curis demandatum* mentem appulerit. Hoc enim exprimitur vocibus, τὰ ἀρνία μου, τὰ πρόβατά μου, quibus *ipsos* comprehendi *apostolos* neque paucis neque levibus argumentis²¹ effecimus. Quum igitur ipsos etiam apostolos in fidem Petrus receperit, plane non viderent quae coniunctissima sunt, qui eandem Petri, illorumque auctoritatem esse contenderent. Verum si Petrus *auctoritate* praestitit, *quonam praestantiae genere* antecelluisse apostolis dicendus est? *eo ne* quod *sola extensione*, *an eo quod extensione simul ac intensione* contineatur?

¹⁷⁾ Joh. XX. 21.

²⁰⁾ Ibid.

¹⁸⁾ Epist. ad Eugenium toletanum.

¹⁹⁾ Joh. XXI. 15.

²¹⁾ Cap. XVI.

Auctoritate *extensione* maiore illum eminuisse, inde liquido eruitur, quod inter creditas sibi oves apostolos quoque ipsos numerarit. At neque auctoritate caruisse quae foret *intensione* maior, sin minus eo nomine ostenditur, quod aliquos ipse edere actus potuerit, quos apostoli reliqui edere non possent; eo certe colligitur, quod actus apostolis *communes*²² non citra *capitis ὑπεροχήν* et *oecumenici pastoris ἐξουσίαν* Petrus exsequeretur.

239. Accedunt V. loci significatione simillimi, quibus edocemur, nihil contineri²³ phrasibus, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν: δώσω σοὶ τὰς κλεῖς τῆς βασιλείας τῶν οὐρανῶν: ὃ ἐὰν δέσῃς ἐπὶ τῆς γῆς, ἔσται δεδεμένον ἐν τοῖς οὐρανοῖς: ὃ ἐὰν λύσῃς ἐπὶ τῆς γῆς, ἔσται λελυμένον ἐν τοῖς οὐρανοῖς: καὶ σύ ποτε ἐπιστρέψας στηρίξον τοὺς ἀδελφούς σου: quod non exprimatur formulis, βόσκει τὰ ἀρνία μου, ποιμαίνε τὰ πρόβατά μου. Huius enim *ισοδυναμίας duplex* suppetit *ratio*, altera quae *ex infinita* petitur *significatione* verborum βόσκειν καὶ ποιμαίνειν, quamque urgendam esse contextus persuadet: ac altera quae inde ducitur, quod postremis formulis *exequutio earum promissionum, destinationumque* exhibeatur, quas priores phrases repraesentant. Priores autem phrases potestatem referunt non *communem*²⁴, sed *propriam*, sed *summam*, quamque ipsimet apostoli revererentur.

Jure igitur VI. Patres cum Chrysostomo²⁵ statuunt, verbis Christi tributam fuisse Petro τὴν προστασίαν τῶν ἀδελφῶν, iisque tantumdem significatum ac *praeesto fratribus universis*; ac iure Theophylactus²⁶ ea repetens quae perenni traditione ad eum usque devenerant, scribit: Τῷ Πέτρῳ τὴν προστασίαν τῶν τῆς οἰκουμένης προβάτων ἐγχειρίζει, οὐκ ἄλλω δέ, ἀλλὰ τούτῳ ταύτην διδωσι, πρῶτον μὲν, ὅτι πάντων ἔκκριτος καὶ στόμα τοῦ χοροῦ παντός, ἔπειτα δεικνὺς αὐτῷ, ὅτι χρῆ θαρσύνειν, ὡς τῆς ἀρνήσεως ἐξελημμένης.

240. Quibus expoliendis, confirmandisque opportunissimum erit, quae Christus et Paulus *de munere pastoris* tradunt, nonnihil expendere, tum praesens effatum cum eo quod est apud Lucam²⁷ *propius componere*. Itaque inter munera pastoris illud semel ac rursus, ceu omnium gravissimum, Christus²⁸ connumerat, *quod ab eo oves erudiantur, salubribus informantur doctrinis, et ad rectam sinceramque fidem provehantur*: Ὑμεῖς οὐ πιστεύετε· οὐ γάρ ἐστε ἐκ τῶν προβάτων τῶν ἐμῶν. καθὼς εἶπον ὑμῖν, τὰ πρόβατα τὰ ἐμὰ τῆς φωνῆς μου ἀκούει, ἀγῶ γινώσκω αὐτά, καὶ ἀκολουθοῦσί μοι. Paulus vero de instituto a Christo in ecclesia ministerio²⁹, ait: Καὶ αὐτὸς ἔδωκε, τοὺς μὲν, ἀποστόλους, τοὺς δέ, προφῆτας, τοὺς δέ, εὐαγγελιστάς, τοὺς δέ, ποιμένας καὶ

²²) Quae ὑπεροχὴ eo pertinebat, ut reliqui apostoli consentire cum Petro deberent, huic autem ius esset consensionis imperandae.

²³) Matth. XVI. 18—20, Luc. XXII. 32.

²⁴) Cap. III. seqq.

²⁵) In Joh. hom. LXXXVIII.

²⁶) Comm. in Joh. XXI. 15.

²⁷) Luc. XXII. 31—33.

²⁸) Joh. X. 3—4—8—26—27.

²⁹) Ephes. IV. 11.

διδασκάλους. Ubi idem sunt qui audiunt διδάσκαλοι et ποιμένες, quemadmodum *tam verborum syntaxis* ostendit, quum omnes qui munere dividuntur, particulis separantibus, τοὺς μὲν, τοὺς δέ, distinguantur, ποιμένες contra ac διδάσκαλοι particula καὶ copulentur: *quam locus plane geminus* ³⁰ demonstrat, in quo ποιμένες silentio premuntur, utpote τῶν διδασκάλων nomine abunde significati.

Quum igitur eo maxime spectet pastoris officium, ut creditae illi oves sincera fide, puraque doctrina imbuantur; quibus Christi verbis Petrus ordinatur *pastor oecumenicus*, iisdem ad dignitatem, gradumque *magistri, doctorisque universalis* extollitur. Institutum vero eum fuisse *pastorem oecumenicum* his verbis, βόσκει τὰ ἀρνία μου, ποιμαίνει τὰ πρόβατά μου, non est cur novis argumentis ³¹ comprobemus. Eisdem igitur delata illi fuit *auctoritas magistri, doctorisque universalis*.

Qua auctoritate aliquando illum perfuncturum, numquam praeclarius aperuerat Christus, quam quum ³² Petro indixit: καὶ σύ ποτε ἐπιστρέψας στήριξον τοὺς ἀδελφούς σου. Si enim Petrus quoad ipsos etiam apostolos debuit esse fidei στήριγμα: et si ad ipsos quoque apostolos e Petri, ut ita loquar, fonte redundare στήριγμός debuit; quinam censi poterunt ab eius institutione, magisterio ac proposita *ἀνθεντικῶς* doctrina immunes atque soluti? Christi ergo ordinationi debetur, ut Petrus sit, credaturque magister ac doctor universalis.

241. Jamvero Paulo auctore ³³, idcirco Christus in ecclesia ποιμένας καὶ διδασκάλους constituit, ut authentica eorumdem institutione ὁ καταρτισμὸς τῶν ἁγίων obtineretur, aedificaretur mysticum eiusdem corpus, ubique regnaret τῆς πίστεως ἐνότης, ac nemo esset qui parvuli instar fluctuantis quovis doctrinae vento raperetur, ἐν τῇ κυβείᾳ τῶν ἀνθρώπων, ἐν πανουργίᾳ πρὸς τὴν μεθοδείαν τῆς πλάνης. Quare illis, eorumque ministerio attribuit, ut essent, haberenturque ἀφ᾽ τῆς ἐπιχορηγίας iuncturae et mystici corporis nervi, qui virtute in eos a Christo capite permanente κατ' ἐνέργειαν ἐν μέτρῳ ἐνὸς ἐκάστου μέρους reliquo corpori suppeditaient incrementum εἰς οἰκοδομὴν ἑαυτοῦ ἐν ἀγάπῃ ad aedificationem eiusdem in caritate, illudque τῇ κεφαλῇ cum capite, quod est Christus, συναρμολογῶσι καὶ συμβιβάζωσι pulcherrima harmonia ac firmis-simis vinculis devincirent.

Porro si Christo in statuendis pastoribus ac doctoribus id consilii *universim* fuit, quod Paulus memorat: et si eas illis adscripsit partes, quas, eodem praeunte, recensuimus; quid vel *de consilio* existimabimus quo Petrum posuit *pastorem oecumenicum, doctoremque universalem*, vel *de partibus ac iuribus* quae illi concessit? Putabimus destinatum fuisse Christo, ut *per Petrum, eiusque authenticum ministerium* efficeretur καταρτισμὸς τῶν ἁγίων, exstrueretur

³⁰) I. Cor. XII. 28.

³²) Luc. XXII. 32.

³¹) nn. 234. seqq.

³³) Ephes. IV. 12. seqq.

corpus eiusdem mysticum, fidei unitas formaretur, ac fideles stabilirentur, ne errorum fallacia in transversum abrepti a suscepta semel doctrinae sanctitate devii recederent. Putabimus dotem esse ornamentumque Petri, ut princeps credatur iunctura, atque ὄργανον potissimum, quod κατ' ἐνέργειαν ab eo acceptam, qui illi dixit, σὺ εἶ Πέτρος, στήριξον τοὺς ἀδελφούς σου, ποιμαίνει τὰ πρόβατά μου, iungat atque in unum corpus universitatem fidelium copulet, copulatamque contineat.

Quae quum ita sint, apparet I. fideles omnes, pastores ac oves, sacerdotes et plebes, clericos et laicos comparate ad Petrum non esse καταρτίζοντας sed καταρτισθέντας, non esse οἰκοδομοῦντας sed οἰκοδομήν, non esse ἀφὴν τῆς ἐπιχορηγίας sed τὸ σῶμα συναρμολογούμενον, non esse τὴν ἐνέργειαν sed τὴν αὐξήσιν. Apparet II. institutionem pastoris oecumenici, doctorisque universalis, atque adeo institutionem primatus, Christo ordinante, referri ad συνάφειαν corporis mystici et fidei unitatem, quibus fiat ut corpus sit unum atque cohaerens, non dissipatum et schismate avulsum, ac ut omnium una sit vox, unaque fides, ut unum esse aeternum Verbum, unaque Veritas demonstretur.

242. De hoc autem instituendi primatus consilio atque scopo praeclarissima habent orthodoxi patres, dum Christi apud Johannem verba contemplantur. Uni dictum est, scribit frequenter³⁴ Augustinus, *pasce oves meas*, ut unitas commendaretur, ac in uno Petro unitas pastorum figuraretur. Uni dictum est, repetit³⁵ Asterius, *pasce oves meas*, ut unum sub uno pastore futurum gregem ostenderetur. Similia tradunt Leo³⁶, et³⁷ venerabilis Beda, quique illos diu antiquitate praecessit Cyprianus, inquit³⁸: „Ad quam unitatem redigens Christus ecclesiam, denuo dicit, *et erit unus grex et unus pastor*.“

Sed ubinam, Cypriano interprete, Christus dicit, *et erit unus grex et unus pastor*? *Destinatione*, quum dicit³⁹, καὶ γενήσεται μία ποίμνη, εἰς ποιμήν: *re vero ipsa et exequutione*, quum Petrum alloquens ait, βόσκει τὰ ἀρνία μου, ποιμαίνει τὰ πρόβατά μου. His enim implet quod antea destinaverat; efficit ut quod Ezechiel de ipso⁴⁰ praedixerat, *suscitabo super eos pastorem unum*, ac⁴¹ rursum, *pastor erit unus omnium eorum*, ad Petrum quoque ἀναλόγως protendatur; unde oeconomiam ecclesiae suae ita disponit, ut qua ratione unitas singularum ecclesiarum, eadem unitas ecclesiae universalis formetur.

Sane quanam est in singulis ecclesiis caussa externa, conspicuaeque unitatis? non utique *fidelium multitudo ac pluralitas*, sed *unitas sacerdotis ac pastoris*, cui fideles morem gerunt, et cum quo conjuncti unitatis formam mutantur. Eatenus, scribit⁴² Cyprianus, singulae ecclesiae unitatem referunt,

³⁴) Serm. CXXXVII. cap. III, Serm. CXLVII. cap. II, Serm. CCXCV. cap. IV.

³⁵) Hom. in ss. apostolos Petrum et Paulum.

³⁶) Serm. IV. cap. III.

³⁷) Hom. in ss. apostolos.

³⁸) Epist. LXXVI. ad Magnum.

³⁹) Joh. X. 16.

⁴⁰) Ezech. XXXIII. 33.

⁴¹) Ibid. XXXVII. 24.

⁴²) Epist. LXIX. ad Florentium Pupanum.

quatenus de unaquaque verissime dicitur quod sit *plebs sacerdoti coadunata, et pastori suo grex adhaerens*. Ex unitate igitur sacerdotis ac pastoris, cui singulares plebes adhaerent, unitas singularum ecclesiarum existit ac prodit. Modo autem non dissimili unitas oecumenici pastoris caussa est principiumque illius unitatis, qua catholica quoque ecclesia una est crediturque; adeo ut ad ecclesiam quoque catholicam pertineat Cypriani descriptio, quod *ea sit plebs sacerdoti coadunata, et pastori suo grex adhaerens*.

Neque enim alia est huius descriptionis *formalis potestas*, quum ad *universalem ecclesiam, ecclesiasque particulares* refertur; sed discrimen totum *materiale* est, eoque reedit, ut *pro alterutra relatione* alia sit ac diversa vocum *plebis* atque *gregis* extensio. Quum enim *particularis* ecclesia describitur, gregis, plebisque appellatione *portio* venit⁴³ *singulis sacerdotibus, pastoribusque adscripta*, quaeque⁴⁴ *a singulis in solidum tenetur*; quum vero de *universali* ecclesia sermo est, iisdem gregis, plebisque nominibus *universitas ovium, singulariumque pastorum* significatur, cui unus praeest supremus pastor Petrus, ab eoque in unitate continetur.

E primatu igitur Petri repeti debet, quod *singulares greges, singularesque pastores in unum ovile sub uno pastore principe colligantur*: ac ex eo repeti pariter debet, quod Petrus sit *caussa, principiumque catholicae unitatis*, cui *haeresis* et *schisma* refragantur: quod *caussa* sit, *principiumque duplicis consensionis*, quarum altera *unitate fidei*, altera *unitate corporis* absolvitur: et quod *caussa* idcirco sit, *principiumque duorum ornamentorum*, quae catholicam ecclesiam *uno rectam veritatis Verbo, unoque animatam caritatis Spiritu* demonstrant.

243. Haec autem omnia ob oculos habuisse mihi Bernardus videtur, quum⁴⁵ scripsit: „*Pasce oves meas*. Quas? illius vel illius populos civitatis aut regionis aut certi regni? *oves meas*, inquit, cui non planum non designasse aliquas, sed adsignasse omnes? nihil excipitur, ubi distinguitur nihil. Et forte praesentes ceteri condiscipuli erant, cum committens *uni, unitatem* omnibus commendaret *in uno grege, et in uno pastore*, secundum illud: *una est columna mea, perfecta mea*. Ubi *unitas*, ibi *perfectio*. Reliqui numeri perfectionem non habent, sed divisionem recedentes ab unitate; inde est, quod *alii singuli singulas* sortiti sunt plebes scientes sacramentum. Denique Iacobus, qui videbatur columna ecclesiae, *una* contentus est *Hierosolyma*, Petro *universitatem* cedens.“ Quasi diceret, ministerio atque⁴⁶ *ἡγεμονείᾳ* singulorum pastorum *unitas singularium ecclesiarum* formatur, custoditurque; sed *unitas catholicae ecclesiae* referri in acceptis debet ministerio atque *ἡγεμονείᾳ* Petri, cui Christus *universitatem* commisit, quem *pastorum pastorem* ordinavit, et cui non greges solum plebesque, sed *sacerdotes quoque ipsos, pastoresque* subiecit.

⁴³) Epist. LV.

⁴⁵) De Considerat. lib. II. cap. VIII.

⁴⁴) De unit. ecclesiae.

⁴⁶) Hebr. XIII. 7.

244. E quibus quisque facile sentit: I. unam eandemque esse sententiam, quae e luculentioribus testimoniis ⁴⁷ de Petri primatu colligitur: II. eo pertinere primatus institutionem, ut conspicua ecclesiae unitas, quam schismata, haeresesque pessumdant, illius virtute formetur, formataque defendatur: III. hunc instituendi primatus finem non minus formulis, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν, et, στήριζον τοὺς ἀδελφούς σου, quam his, βόσκε τὰ ἀρνία μου, ποιμαίνει τὰ πρόβατά μου, demonstrari: IV. descriptis oraculis Petro conferri ius eximium, atque consortii expertem potestatem, qua conspicuam in catholica ecclesia unitatem communionis et fidei, corporis atque symboli tueretur: postremo V. non aliter e verbis, βόσκε τὰ ἀρνία μου, ποιμαίνει τὰ πρόβατά μου, evidenti consequutione deduci, alienos esse ab ovili Christi, qui adversus Petrum oecumenicum pastorem rebellant; quam e verbis, ἐπὶ ταύτῃ τῇ πέτρῃ οἰκοδομήσω μου τὴν ἐκκλησίαν, et, στήριζον τοὺς ἀδελφούς σου, aut Leo ⁴⁸ collegerit, *nimis a compage huius aedificationis alienus est, qui beati Petri confessionem non capit*, aut ⁴⁹ Beda concluderit, *a cuius societate confessionis quisquis deviaverit, quamvis sibi magnus videatur, ad aedificium ecclesiae non pertinet*.

245. Atque haec habui quae de gravissima quaestione proponerem, unde manum e tabula continuo moverem, nisi iis fortasse non paucis occurrendum esse arbitrarer, qui de me conquerantur, quod nimium prolixitati indulserim, neque mihi, orationique meae aequos certosque fines circumscripserim. Quibus, si *benevoli* sint, respondebo, ut quidquid peccati hac de causa contraxerim, bono animo, quo communi utilitati prospectum volui, ignoscere ne graveatur; sin minus, sciant nos esse compendiis paullo infensiores, quod ea dispendia esse putemus, scribendique rationem minime sectari Caii Amafinii ⁵⁰, quam non fuisse subtilem diligentemque inde Tullius eruit, quod illius praeceptiones *et facile* ediscerentur, *et ab indoctis* probarentur. Nisi ista suffecerint, addam quae in re non dissimili Plinius ⁵¹ scripsit: „Sicut veremur, ne quibusdam pars aliqua, secundum cuiusque naturam, non probetur, ita videmur posse confidere, ut universitatem omnibus varietas ipsa commendet. Nam et in ratione conviviorum, quamvis a plerisque cibis singuli temperemus, totam tamen coenam laudare omnes solemus, nec ea quae stomachus noster recusat, adimunt gratiam illis, a quibus capitur.“

Quamquam arbitror neque necessariam, neque opportunam satis hanc esse excusationem, quod mihi videar non immerito conicere longe futuros plures

⁴⁷) Matth. XVI. 18—20, Luc. XXII.

31—33, Joh. XXI. 15—18.

⁴⁸) Epist. XXXIII. al. XXIX. n. 1.

⁴⁹) Hom. de Feria III. Palmarum.

⁵⁰) Quaest. Tuscul. lib. IV. n. 3.

⁵¹) Lib. II. epist. V.

qui nobis vitio vertant, quod plura omiserimus, aliaque delibanda potius quam plenius gustanda obtulerimus. Sed quid egissem? id egi quod vires ferebant, quodque exsilium patiebatur. Praeterea ut Columellae verbis ⁵² absolvam: „Non adseveraveram, quae vastitas eius scientiae contineret, cuncta me dicturum, sed plurima. Nam illud in unius hominis prudentiam cadere non poterat. Neque enim est ulla disciplina aut ars, quae singulari consummata sit ingenio. Quapropter ut in magna silva boni venatoris est, indagantem feras, quamplurimas capere, nec cuiquam culpa fuit, non omnes cepisse, ita nobis satis abundeque est, tam diffusae materiae, quam suscepimus, maximam partem tradidisse.“

⁵²) De re rust. lib. V. cap. I.

A. M. D. G.

LEMMA TA CAPITUM

PROLEGOMENA

Caput I.

F ontes tractationis aperiuntur: — Vincentii Ierinenſis, et conſona reliquorum patrum, ac Thomae aquinatis ſuffragia indicantur: nn. 1—3.	2
De divinis litteris nominatim agitur, deque cura, qua contenta iisdem teſtimonia expendi debent atque adhiberi: nn. 4—8.	4

Caput II.

Potior neceſſitas expendendi, adhibendique Scripturas in hac quam verſamus de praeſcriptivis Petri controverſia: — eius origo aperitur, et propoſito, explanatoque discrimine inter <i>δόγματα</i> quae una Traditione, quaeque Traditione ſimul et Scripturis comprobantur, uberius illustratur: nn. 9—12.	7
Doctrinam de praeſcriptivis Petri ad alteram pertinere <i>δογμαίων</i> claſſem oſtenditur: — et neceſſitas confeſcendi Scripturas denuo inculcatur: nn. 13—15.	9

Caput III.

Difficultas ex iis oborta quae praeſimul: nn. 16—17.	12
Enodatur primum ſuffragio catholicoꝝ, a quibus proteſtantes non diſſident: nn. 18—20. — tum eorundem cenſura, qua in eos animadvertunt, qui Petri praeſcriptivas ita vindicant, ut Scripturarum teſtimonia vel negligent, vel male etiam detorqueant: n. 21.	13
Plenior difficultatis ſolutio, ac praeſcriptivae doctrinae confirmatio: nn. 22—26.	17

Caput IV.

De teſtimoniis agitur, quae ad praefentem cauſam rite cognoscendam, dirimendamque referuntur: — cuiusmodi ea ſint, et quo modo ſe ad invicem habeant: nn. 27—28.	22
Alia potiora ſunt, et alia iis obnoxia, atque ita comparata, ut lucem ex illis, firmitatemque mutuentur: nn. 29—30.	23

pag.

Dupinii, aliorumque error notatur:
nn. 31—32. 24

Caput V.

Modus ac ratio interpretationis defi-

pag.

nitur: — aliquot eiusdem canones
proponuntur et illustrantur: — ac
ille inprimis qui textuum ὁμοφωνία
et ἁρμονία continetur: nn. 33—37. 26

LIBER PRIMUS

Caput I.

De norma, ad quam caussae iudicium
exigi debet: — atque adeo de vi
et ratione caussae ipsius: — ea
pertinet ad illarum speciem caussa-
rum, quibus de voluntate et decreto
institutoris quaeritur: nn. 1—2. —
indicia ergo omnia huius voluntatis
totidem sunt singulares regulae, e
quibus controversiae decisio pen-
det: n. 3. 33

Quinam characteres hisce indiciis in-
esse debeant: n. 4. 35

Unde existat universalis norma, cui
supremum iudicium respondet: —
discrimen inter universalem normam,
legesque singulares: n. 5. — illu-
stratur: nn. 6—7. 35

Animadvertitur in protestantes, quod
praeposteram μέθοδον delegerint:
n. 8. 38

Caput II.

Ratio quaestionis iterum exponitur:
n. 9. — decretis conciliorum et
Pii VI. declaratione illustratur:
n. 10. 39

Opposita protestantium doctrina: —
cui M. Antonius de Dominis patro-
cinatur: — censura Facultatis Sor-
bonicae: nn. 11—12. 40

Testimonia pro veritate catholica, quae
in evangeliiis habentur: — ac illud
inprimis, quo factum Simoni Cephae
nomen, ac illius explicatio contine-
tur: n. 13. 42

Vis testimonii expenditur et confir-
matur: nn. 14—21. 42

Caput III.

Quae sint ex dictis consequentia: —
Petri prae apostolis honor et aucto-
ritas singularis: nn. 22—24. —
eiusdem προτοστασία et προστασία:
n. 25. — quae veterum effatis sen-
tentiisque confirmantur: n. 26. 48

Illustratio inde ducta, quod simili pror-
sus οἰκονομία Deus cum Abrahamo
et Christus cum Petro egerit: nn.
27—28. 50

Capita παράλληλα indicantur: nn.
29—32. 52

Comparatio perpolitur: nn. 33—36.
— ac ratio ostenditur, qua certis
quibusdam protestantium difficultati-
bus cumulate satisfiat: n. 37. 56

Caput IV.

Cardinalis Baronii iudicium de ea ve-
terum aliquot opinione, qui Κηρᾶν
ἀπὸ τῆς κεφαλῆς inflexisse viden-
tur: n. 38. 60

Protestantium declamationes ac tragoe- diae: n. 39—40.	pag. 60
Excutiuntur, et quantum illi ab anti- quorum mente aberrarint, ostenditur: nn. 41—45. — exempla quae ad rem faciunt: nn. 46—47.	61
Petri ἐξοχή et potior auctoritas con- firmantur: nn. 48—49.	65

Caput V.

Nova recensentur ornamenta, quibus Petrus a Christo auctus in evangelio traditur: — eo potissimum spectant, ut Petrus ad munus, dignitatemque universalis, supremique fidelium do- ctoris ac magistri destinatus videat- ur: nn. 50—52.	67
Potiora quae huc faciunt testimonia, Matth. XVII. 1—10, XXVI. 36—40, et Marc. V. 37, expenduntur atque vindicanur: nn. 53—57.	69

Caput VI.*

De iis quae habentur Matth. XVII. 24—27: — Petri ἐξοχή ostenditur: nn. 58—61.	72
Quae uberius testimonio comprobatur penes Matthaeum, cap. XVIII. 1—4: nn. 62—63.	75
Eodem pertinent quae narrantur Luc. XXII. 24—31: n. 64. — quae in hac narratione spectari potissimum debeant: — ea ad quatuor capita revocantur: — ac tandem infertur, Petrum comparate μεῖζονα credi oportere, ἀπλῶς vero simpliciter- que μέγαν καὶ πρῶτον, et ecclesiae caput atque ἡγούμενον: nn. 65—71.	76

Caput VII.

Comparatio Christum inter ac Petrum

paucis indicata uberius expolitur: — duplex Christi erga ecclesiam munus, institutoris et supremi mo- deratoris: nn. 72—74. — quae inde ecclesiae forma atque ratio pro- dierit: n. 75. — ea permanere iugiter debuit: nn. 76—79.	pag. 82
Colligitur destinatio Petri ad eas ob- eundas conspicui, supremique recto- ris partes, quas Christus adhuc mor- talis explevit: n. 80. — confirmatur: — iique refelluntur qui Petri prae- rogativas ad primatum nudi honoris atque ordinis revocandas esse con- tendunt: nn. 81—84.	86

Caput VIII.

Verba Christi Luc. XXII. 31—33: — ad unum spectant Petrum, eius- que ὑπεροχή confirmant: — cuius rationem pressius declarant: — ostenduntque ad primatum maxime fidei pertinere: nn. 85—86. — quod Patres adnotarunt: n. 91. — iisque collatis quae habentur Matth. XVI. 18, illustratur: n. 86.	89
Haec autem illustratio maiorem inde lucem nanciscitur, quod Petrus in societatem venerit singularis cuius- dam dotis, quae Patri, Filio ac Spiritus-sancto προηγούμενος con- venit: nn. 87—90.	90

Caput IX.

De iis quae Christus mortis iam victor erga Petrum gessit: — ac de iis nominatim quae habentur Marc. XVI. 6—7, Luc. XXIV. 33—35, I. Cor. XV. 3—9: — eo spectant, ut Pe- trum omnibus praepositum demon- strent: — ea vero cura habitum,

pag.

quae universalem magistrum, et
μέγιστον τῶν ἀποστόλων deceret:
 nn. 92—99. 93

Caput X.

Postrema Christi ad Petrum verba Joh.
 XXI. 15—20, et Petri vicissim ad
 Christum vv. 20—22: — quid his
 contineatur: — quae, quantaque
 Petri dignitas atque auctoritas de-
 monstretur: — ea est auctoritas
 pastoris oecumenici: nn. 100—103. 98

Cuius vis ac ratio plenius innotescit,
 collatis testimoniis Matth. XVI.
 18—20, Luc. XXII. 31—33: nn.
 104—106. 100

Inspecto habitu multiplici Christum in-
 ter atque Petrum: nn. 107—112.
 — concluditur Petri *προστασία* ne-
 que negari posse, neque deprimi,
 quin Christi dotes, ornamentaque
 negentur aut deprimantur: nn. 112
 —114. 102

Caput XI.

Evangelistarum de Petro scribendi
 ratio: — singularis ea est, ac om-
 nino talis, qua illis potior eiusdem
 dignitas nota, compertaque osten-
 ditur: — exempla quae huc perti-
 nent, Marc. I. 36, XVI. 7, Luc.
 VIII. 45, IX. 32, Act. II. 14—37,
 V. 29: nn. 115—117. 106

Illorum vis ac ratio intimius expen-
 ditur: — et Petri *προστασία* stabi-
 litur: nn. 118—121. 107

Caput XII.

De eadem evangelistarum scribendi
 ratione, quae novis exemplis illu-
 stratur: — de catalogo apostolo-

pag.

rum Matth. X. 2—5, Marc. III.
 16—20, Luc. VI. 14—17, Act.
 I. 13: n. 122. — quantopere ii
 fallantur, qui caussam antepositi
 Petri e primatu aetatis vocationis-
 que desumunt: nn. 123—129. . 109

De formula, qua Petrus, Matth. X. 2,
πρῶτος simpliciter nuncupatur: —
 Bezae et Glassii commenta: — re-
 felluntur: nn. 130—135. 113

De iis quae habentur Matth. XVII. 1;
 Marc. V. 37, XIII. 3, XIV. 33;
 Luc. VIII. 51, XXII. 8; Joh. XXI.
 2: — ex his constat, tum etiam
 Petrum constanter anteferri, quum
 aliquot solum ex apostolis nominan-
 tur: — eiusdem prae apostolis ex-
 cellentia, potiorque dignitas confir-
 matur: n. 136. 117

Caput XIII.

Protestantium iudicium de eo quod
 antecedenti capite instituimus argu-
 mento: — expenditur ac refutatur:
 nn. 137—139. 118

Quid eo argumento *ἀμέσως*, quid
ἐμμέσως conficiatur: nn. 140—141. 120

Abusus locorum similium reprehendi-
 tur: — aliaque protestantium op-
 pugnatio retunditur: nn. 142—147. 121

Ἐνστάσις ex iis desumpta locis, quibus
 Petrus medius aut ultimus numera-
 tur: — retorquetur: — et argu-
 mentum novis indiciis communitur:
 nn. 148—149. 124

Caput XIV.

Quid e Pauli verbis ad Gal. II. 9.
 consequens esse protestantes affir-
 ment: n. 150. 127

Quaestio critica de genuina lectione:

n. 151. — quae suadere videantur, Petrum priori loco esse collocan- dum: nn. 152—153.	pag. 128
Permittitur vulgata lectio: — prote- stantium vero ex ea ductum <i>πρόσφα</i> refellitur: nn. 154—160.	129
Demonstratio primatus, quam evange- listarum de Petro scribendi ratio praebet, confirmatur atque absolvi- tur: nn. 161—162.	133

Caput XV.

Quo proprie spectent duodecim priora Actuum capita: — veterum ea de re opiniones: — eo proprie spe- ctare dicenda sunt, ut orientis eccle- siae, atque in dies latius auctae historiam repraesentent: nn. 163 —171.	135
De nexu, quo haec historia cum Petri praerogativis cohaeret: — is est arctissimus, quod enucleate osten- ditur: nn. 172—174. — sex uni- versim commemorantur, quibus po- tior dignitas Petro asseritur: nn. 175—182.	143

Caput XVI.

Examen per partes instituitur: — ac eorum inprimis quae habentur Act. I. 15—26, II. 14—35—37— 41, III. 12—26, IV. 8—13—19 —21: nn. 183—192.	148
Ex his potior Petri dignitas, capitis auctoritas, et <i>ἐπεροχή</i> principis post Christum architecti, supremique ma- gistri comprobatur: nn. 193—194.	156

Caput XVII.

Quo nexu cum dignitate supremi ma-	
------------------------------------	--

gisterii edita miracula devinciantur: nn. 195—196.	pag. 157
Quid facto opus esset, sive ut Petrus supremi doctoris munus obisse, sive ut Lucas eo spectasse videre- tur, ut Petrum tamquam supremum magistrum repraesentaret: — neu- trum defuisse ostenditur: n. 197.	160
Comparatio proponitur Christum inter et Petrum: — ac denuo inter Lu- cam Actorum scriptorem et Johan- nem Evangelii auctorem: nn. 198 —199.	160
Expolitur comparatio, et Petri prae- rogativae confirmantur: nn. 200 —201.	161

Caput XVIII.

Consilium Christi de ratione propagan- dae ecclesiae: — Petrus delectus, ut qui illud potissimum exequeretur: nn. 202—203.	163
Eiusdem gesta Samariae: — talia sunt quae unice caput decebant: nn. 204—209.	164
Haeticorum principem princeps ipse apostolorum detegit atque damnat: n. 210.	168
Difficultas incidens: — protestantium de ea opiniones: n. 211. — examini subiiciuntur et refutantur: nn. 212 —214.	170

Caput XIX.

Gentes adiunguntur ecclesiae: nn. 215 —216.	174
Visio Cornelii <i>ἐκατοντάρχου</i> : — im- perium illi caelitus factum ut Petrum arcesseret: nn. 217—218.	175
Petri <i>ἐκτασις</i> , qua de abrogatis in- stitutis legalibus, deque gentibus	

	<i>pag.</i>
iam recipiendis primus eruditur:	
nn. 219—222.	177
Eiusdem concio, sollemnisque declaratio, subversum parietem esse quo ab iudaeis gentes separabantur:	
nn. 223—224.	179
Praerogativae supremi magisterii ac principis inter apostolos architecti novo lumine perfunduntur: n. 225.	181

Caput XX.

Narratio Lucae Act. XI. 1—4: n. 226.	181
Quid ex ea protestantes inferant: n. 227.—quam inepte: nn. 228—231, 235.	182
De argumento quod ex factis ducitur: nn. 232—234.	184
Expenduntur consequentia Act. XI. 4—19:—quibus celsior Petri auctoritas confirmatur: nn. 236—237.	186

Caput XXI.

Petrus ecclesiasticae disciplinae vindex supremus: n. 238.	188
Latum ab eo iudicium:—quod Deus ratum habet, editoque signo confirmat: nn. 239—241.	188
Jure oecumenici episcopi universas ecclesias invisit: nn. 242—244.	190
Primus utitur potestate legifera:—et in synodis praerogativa magisterii, suffragiique excellit: nn. 245—251.	192

Caput XXII.

Singularis ecclesiae apostolicae in Petrum cura:—eiusque capitis auctoritas inde deducta: nn. 252—254.	197
De norma qua statui debet, an Petrus munia primatus obierit, iuraque exercuerit:—praepostera Chamierii opinio:—sincera norma exhibetur, Pe-	

	<i>pag.</i>
trique gestis cum ea collatis, efficitur, exercitium primatus negari non posse: nn. 255—259.	198
Colligitur inde institutio, eaque cum executione comparatur:—quam sibi apte respondeant: nn. 260—261.—suffragioque apostolicae ecclesiae comprobentur: nn. 262—265.	201
Similitudo inter Christum supremum ecclesiae caput, et Petrum vicaria potestate eidem praepositum: nn. 266—268.	204

Caput XXIII.

Testimonia Pauli e I. Cor. I. 12, IX. 5, et XV. 5:—quae cum his sint nexa, et quo pacto ad statuendum Petri primatum conferant: nn. 269—271.	206
De iis quae scribit ad Gal. I. 18, et II. 7—8—11:—deque multiplici inde ducto argumento, quo et maior Petri auctoritas et necessitas eiusdem fidei cum eo profitendae comprobatur:—e qua necessitate et illud colligitur, auctum propterea summo iure fuisse Petrum, ut auctor ipse foret efficiensque conspicuae unitatis principium: nn. 272—281.	208

Caput XXIV.

De reprehensione Petri, Gal. II. 11—15: nn. 282—283.	217
Gnosticorum, marcionitarum, Porphyrii, Julianique calumniae: nn. 284—286.	219
Protestantium opinio: nn. 287.—cuiusmodi videri debeat:—abhorret illa vehementer a sententia orthodoxorum qui ad Augustini usque aetatem claruere: nn. 288—306.—neque minus a doctrina abhorret ipsius Augustini, aliorumque qui eam dein-	

ceps complexi sunt: nn. 307—312.
 praeiudicium inde obortum: nn. 312
 — 313. 220

Quod Pauli verbis intimius exploratis
 confirmatur: — ostenditurque ne con-
 iecturam quidem peti ex iis posse, qua
 Petri primatus, celsiorque auctoritas
 oppugnetur: nn. 314—318. . . . 241

Caput XXV.

De hierarchia quam Paulus describit
 I. Cor. XII. 28. et Ephes. IV. 11: —
 ea abutuntur protestantes ut e prin-
 cipe auctoritatis gradu Petrum dei-
 ciant: n. 319. 245

Quam praepostere, quamque id infelici-
 ter contendunt: nn. 320—323. . 246

Obiecta difficultas in suos auctores con-
 vertitur: — inde primatus adstruitur
 unde subverti illum posse protestantes
 censuerunt: nn. 324—327, 347. . 249

Quae eius sit ratio, penitius considera-
 tur: — atque sita in eo esse ostendi-
 tur, ut per supremum omnium caput
 pastoremque ad unitatem conspici
 corporis ecclesia revocetur: nn. 328
 — 352. 252

Caput XXVI.

De corinthiorum dissidiis, I. Cor. I. 12.
 coll. III. 3—4: n. 353. . . . 275

Ductum ex iis a Francisco Turretino ar-

gumentum, quo visibilis capitis ἐξου-
 σίαν Petro assertam impetit: n. 354.
 — cuiusmodi illud sit: — refellitur,
 et oppugnata Petri dignitas in tuto
 collocatur: nn. 355—366. . . . 276

Duplex incidens quaestio: — utrum ca-
 tholica ecclesia *romanae* appposito rite
 distinguatur: — ac utrum ecclesia
 esse dicique possit *Petri corpus*: —
 utraque expeditur: — ac prior qui-
 dem affirmatione, negatione poste-
 rior: — cuius intimior causa aperi-
 tur: nn. 367—375. 290

Caput XXVII.

Argumentorum, quibus usi hactenus su-
 mus, ἀνασφαλισίς: n. 376. — po-
 tiora recensentur: n. 377. . . . 298

Quo ea spectent, quidve iis conficia-
 tur: — efficitur apostolorum colle-
 gium fuisse inaequale: — omnibus
 antecelluisse Petrum: nn. 378—383.
 — neque honore solum et ordine, sed
 iure potissimum atque auctoritate:
 nn. 384—386. 300

Quo consilio Christus potiori auctoritate
 Petrum ornarit: — multiplex illud
 fuisse ostenditur: — inprimis vero ut
 conspicuae unitati ecclesiae uno, con-
 spicuoque capite, doctore, supremo-
 que praeside consuleretur: nn. 387
 — 408. 306

LIBER SECUNDUS

Caput I.

Multiplex probationum ratio: n. 1. . . 339

Cuiusmodi ea sit quam hactenus adhibui-
 mus: — eiusdem forma a vi et po-

testate gignendae persuasionis distin-
 guitur: — quoad formam ea proprie
 inartificialis est, theologica atque ex
 instrumentis ducta: — quod tamen

pag.

non impedit, quominus etiam artificialis ex parte et deprompta e testibus existimetur: n. 2. — quae cum his connectantur: n. 3. . . 340

Quoad vim, potestatemque persuadendi plena est ac decretoria: n. 4. — ostenditur, ac absolute primum, et in se, simpliciterque probatione spectata: nn. 5—9. — comparate deinde ad probationem triplicem, qua anglicani, lutherani, calviniani seorsum nominatimque defendunt I. *ὑπεροχὴν* et *ἐξουσίαν* episcoporum, II. veritatem dominici corporis in Eucharistia, et III. Christi *θεότητα*, eademque cum Patre naturam, qua illi *ὑμοούσιος* creditur: nn. 10—23. . 341

Caput II.

Evidentiae ratio duplex, internae externaeque: nn. 24—25. . . 361

Cuiusmodi illa sit, qua instituta probatio fulget: — ea proprie est externa: n. 26. — quae tamen et interna dici quadamtenus potest: — declaratur: nn. 27—30. . . 362

Triplex obscuritas: — quae obsit necessariae evidentiae, quaeque apte cum illa componatur: — immo fidem auctoritatemque probationibus conciliet, quibus capita christianae doctrinae vindicantur: nn. 31—43. . 368

An omnia ex instrumentis pro primatu adducta eiusdem sint generis, efficiendaeque probationi similiter conferant: — negatur, ostenditurque subordinata ea esse, non coordinata: — quae emineant: n. 44. — triplex *κρίτηριον*, quo iudicium dirigitur: n. 45. . . 379

Transitus ad insequentem tractationem.

pag.

Caput III.

Occasio promissi primatus, Matth. XVI.

13: — prior Christi interrogatio ad omnes apostolos, v. 13: — illorum responsio, v. 14: nn. 46—47. . . 382

Altera interrogatio ad eosdem directa, v. 15: — responsio Petri, v. 16: — an illius propria censi debeat: — protestantium opinio: — ea nullis munitur rationibus: — immo certis refellitur argumentis, quibus Bengelius subscribit: nn. 48—51. . 384

Caput IV.

Christi ad Petrum responsio, Matth.

XVI. 17—18: — eiusdem cum antecedentibus nexus: — illustratur: nn. 52—53. . . 388

De vocibus *πῆρος καὶ πέτρα*: — an eae *συνωνύμως* adhibeantur: — protestantium dissidia: — quid illorum plures, ac recentiores plerique omnes arbitrentur: nn. 54—66. . 390

Gravissima Michaelis censura: n. 67.

— argumentis confirmatur: — et *συνωνυμία* plena in luce ponitur: nn. 68—69. . . 404

Glassii et Reineccii coniectura ex pronominum discrimine apud syrum interpretem: — quam levis ea sit ac prorsus inanis: nn. 70—71. . 410

Heinsii sententia, et quid veri illi sub sit et cum catholica doctrina consonum: nn. 72—74. . . 415

Aliorum de particula *καί*, deque pronomine *ταύτη* suspiciones: — reiciuntur: — ostenditurque adoptatam a protestantibus hermeneuticam ex legem esse, et ad Scripturas pervertendas unice accommodatam: nn. 75—77. . . 422

Animadvertitur in graecos schismaticos: n. 78. pag. 426

Caput V.

Quae sit extensio subiecta vocibus Matth XVI. 18, ἐκκλησίαν μου: — eae patent latissime, omnesque com- plectuntur qui nomen Christo darent: nn. 79—81. 428

Dodwelli opinio contententis certum iis singularemque coetum designari: nn. 82—83. — expenditur, eamque a vero longissime abhorrrere demon- stratur: — quod et protestantes fa- tentur: — qui propterea fateri et illud debent, praepostera esse quae de archetypo Petri primatu Dodwel- lus comminiscitur: nn. 84—86. . 430

Caput VI.

Potestas integrae phraseos, ἐπὶ ταύτῃ τῇ πέτρᾳ οἰκοδομήσω μου τὴν ἐκ- κλησίαν: — quid de ea protestantes illi statuunt, quibus Petri, petraeque nomina sunt συνώνυμα: — censent non aliam his verbis praerogativam, neque alium primatum quam prae- dicationis ostendi: — testimonia Ca- meronis, Bengelii, Rosenmülleri, Kui- noel, Schleusner et Bloomfield: n. 87. 439

Judicium de hac interpretatione feren- dum: — ea prorsus falsa est, quod internis externisque argumentis ef- ficitur: nn. 88—95. — ipsorummet protestantium suffragio confirmatur: nn. 93, 95. — iisque expolitur quae habentur Act. IX. 15: n. 94. . 441

Legitima interpretatio affertur ac illu- stratur: — quid cum ea aptum sit at- que cohaerens exponitur: — quaeve

primatus ratio promissa Petro fuerit declaratur: nn. 96—97. pag. 456

Caput VII.

Expenditur consequens incisum, καὶ πύ- λαι ἄδον οὐ κατισχύσουσιν αὐτῆς: — de subiecto ad quod pronomen αὐτῆς referri debet: — duplex secernitur, proximum alterum significatumque, quod est ἐκκλησία, mediatum alterum et adsignificatum, quod est πέτρα: n. 98. — testimonia veterum quae huc spectant, et quibus primatus ratio insigniter declaratur: nn. 99 —100. 460

De potestate vocum πύλαι ἄδον: — opinionum divortia: n. 101. — quid statuendum esse videatur: nn. 102 —103. 464

De significatione verbi κατισχύσουσιν: n. 104. — deque μειώσεως tropo, quo Christus utitur: — expolitur, quaeque integrae phrasi sententia subsit, ostenditur: n. 105. . . 470

Caput VIII.

Quo nexu mutuo cohaereant verba Sal- vatoris Matth. XVI. 18—19: — is est artissimus, neque tamen impe- dit quominus diverso schemate tam Christus quam Petrus utroque in com- mate repraesententur: — cuiusmodi sit hoc schema: — declaratur: nn. 106—107. 474

De subiecto quaeritur, ad quod verba, καὶ δώσω σοὶ τὰς κλεῖς τῆς βασι- λείας τῶν οὐρανῶν, referri debent: — protestantium opinio, quod ad omnes ex aequo apostolos spectent: — ea aliis ex eodem numero im- probatur: n. 108. — ac merito sane,

pag.

quod argumentis efficitur, ostenditurque uni Petro dici, καὶ δώσω σοὶ τὰς κλεῖς τῆς βασιλείας τῶν οὐρανῶν: nn. 109—111. . . 476

Quid hac metaphorica loquutione eidem promittatur: — explicatur primum universim: — nn. 112—113. — pressius deinde stabilitur: — ac Petrus eximia prae omnibus potestate auctus demonstratur: n. 114. 485

Eiusdem cum Christo supremo clavium Domino comparatio: — qua potior illius auctoritas denuo illustratur: n. 115. . . . 488

Caput IX.

Eorum opinio, qui Salvatoris verba Matth. XVI. 19. et Joh. XX. 23. sibi ἐκ παραλλήλων respondere arbitrantur: — expenditur, atque compendio refutatur: nn. 116—117. . . 491

De potestate formulae, καὶ ὃ ἐὰν δέσῃς, καὶ ὃ ἐὰν λύσῃς: — sunt qui censeant, ea ius auctoritatemque significari, qua quod honestum aut turpe est, atque idcirco liberum solutumque, vel prohibitum ligatumque edicitur: — quibus suam hanc interpretationem argumentis stabiliant: n. 118. — quid ex ea sit consequens, quamque apte cum doctrina de Petri ὑπεροχῇ componatur: nn. 119—120. 493

An haberi certa debeat: — id nobis non videtur, quod neque aliis bene multis visum est: — princeps cui innititur argumentum, examinatur: — illius vis infringitur: nn. 121—123—132. . . . 497

Alia christianae antiquitati recepta expositio proponitur: — idoneis rationum momentis communitur: nn.

pag.

124—133. — ratioque promissae Petro auctoritatis denuo illustratur: n. 133. 500

Caput X.

Catholicorum, protestantiumque commentarii de Christi apud Matthaeum cap. XVI. 18—19. promissione conferuntur: n. 134. 510

Qui potissimum defectus commentarium inficiant a protestantibus excogitatum: — ex ordine numerantur: — n. 135. — ac primum defectus grammatici: n. 136. — deinde rhetorici: n. 137. — tum philologici: n. 138. — quos logici, historici ac praeposterae dogmaticae hypotheses consequuntur: nn. 139—141. . . 512

Ex his simul omnibus concludimus, protestantium παράφρασιν corruptellam esse, non Scripturae commentarium: — contra vero catholicorum ἐξήγησιν tum comparate quum absolute censeri verissimam oportere: n. 142. 517

Quae cum eo nexa sint consecraria: — octodecim proponuntur: — quibus et institutio primatus, et eius ratio, insitaeque dotes comprobantur: nn. 143—169. 518

Caput XI.

Conferuntur ad invicem sermo Christi apud Johannem capp. XIII—XVIII, eiusque ad Petrum verba Luc. XXII. 31—33: — quadruplex unitas, quam Christus pro apostolis proque credentibus universis deprecatus est: — ea est unitas qua postulavit ut unum omnes essent unitate internae caritatis, unitate eiusdem fidei, unitate

pag.

cum eodem invisibili capite, ac unitate conspicua societatis et corporis: nn. 170—175. 539

Quadruplex principium, quo respondentes unitatis modi, Christo auctore, effici debent: n. 175. — de principio efficiente conspicuae unitatis: — ostenditur Petrum esse: — cuius idcirco primatus adstruitur: nn. 176—179. 543

Qui e nexu rursum confirmatur, quo verba descripta Luc. XXII. 23—31. cum iis cohaerent quae sequuntur vv. 31—33: — hoc enim nexu constat Petrum esse, qui *μελίσων καὶ ἡγούμενος* prae ipsis apostolis constituitur: nn. 180—182. 546

Caput XII.

Plenius agitur de verbis Christi apud Lucam XXII. 31—33: — ea proprie ad unum Petrum nominatimque referuntur: n. 183. — ad apostolos ex aequo omnes pertinere protestantes non pauci contendunt: — refutantur, locorumque similium abusus notatur: nn. 184—186. 549

Cuiusmodi fuerit tentatio, qua satanas exagitatos victosque apostolos ambivit: — tentatio fuit omnium gravissima, qua illorum fidem impeteret: n. 187. 552

Christi pro Petro preces, quove illae spectarint: — vulgatiores participii *ἐπιστρέψας* interpretatio: — permittitur, ac totius incisi, *καὶ σὺ ποτε ἐπιστρέψας στήριξον τοὺς ἀδελφούς σου*, sententia eruitur: — qua Petri praerogativae confirmantur: n. 188. 553

pag.

Caput XIII.

De sincera participii *ἐπιστρέψας* significatione: — communior interpretatio: n. 189. — quae illi refragantur: — ex ordine promuntur: — eamque acceptionem probari non posse colligitur: nn. 190—194. 554

Quae illius loco anteferenda sit: — adducitur, usuque loquendi, adiunctisque sermonis communitur: nn. 195—196. — incidens obiectio: — expeditur, dictaque confirmantur: n. 197. 558

Altera eodem pertinens enarratio: — quae illam commendat: nn. 198—199. — ubi paucis de lectione variante, *καὶ σὺ ἐπίστρεψον*: n. 200. 560

Qui hoc in contextu *ἀδελφοὶ* nominentur: — hi sunt apostoli: nn. 201—202. 562

De imperativo *στήριξον*: — deque dignitate, auctoritatisque praestantia qua unus prae omnibus Petrus excelluit: nn. 203—205. 563

Caput XIV.

Comparatio inter utrumque testimonium Luc. XXII. 31—33, et Matth. XVI. 17—18: — principes huius comparisonis auctores: n. 206. — quibus ea maxime capitibus contineatur: — quaeque sint cum his copulata: n. 207. 566

Quo pacto de ipsis etiam apostolis intelligi possit ac debeat Christi praeceptum, *καὶ σὺ ποτε ἐπιστρέψας στήριξον τοὺς ἀδελφούς σου*: — explanatur, ac in protestantes animadvertitur: nn. 208—212. 568

Aliquot demum insigniora corollaria
cum iis quae disseruimus intime
cohaerentia, proponuntur: nn. 213
— 220. 571

Caput XV.

Criticorum aliquot de capite XXI. Jo-
hannis opinio: — quantopere a vero
aberret, paucis innuitur: n. 221 . 576

Tum de eorum sententia agitur quae
leguntur vv. 15—18: — an ea
spectent ad unum Petrum: — qui
negent, et quam de caussa: —
certis argumentis confutantur: nn.
222—224. 577

De formula, ἀγαπᾷς με πλεον του-
των; — subiecta ne an obiecta con-
ferantur: — opinionum dissidia: —
conferri subiecta demonstratur: nn.
225—226 579

Quae exinde ad Petri ἐξουσίαν extol-
lendā orthodoxi patres collegerint:
n. 227. — vindicantur: — et com-
paratione cum iis instituta quae
narrant Matthaeus XVI. 18—19, et
Lucas XXII. 31—33, nova, pleni-
oriq̃ luce perfunduntur: n. 228. 581

Caput XVI.

De potestate vocum Joh. XXI. 15—18,
τὰ ἀρνία μου, καὶ τὰ πρόβατά μου:
nn. 229—230. 583

De earundem ambitu: — is patet in-
finite, omnesque complectitur tum

praesides doctoresque, quum sub-
ditos atque discipulos: n. 231. . . 584
Concors hac de re christianae antiqui-
tatis suffragium: n. 232. . . . 586

De amplitudine oraculorum Matth.
XXVIII. 19. μαθητεύσατε πάντα
τὰ ἔθνη, et Joh. XXI. 15—18.
βόσκει τὰ ἀρνία μου, ποιμαίνε τὰ
πρόβατά μου: — eadem ne sit an
diversa: — diversam esse osten-
ditur: — Petrique praerogativae
confirmantur: n. 233. 586

Caput XVII.

Explanantur verba βόσκει καὶ ποιμαίνε:
— in quo differant: — quid e vul-
gatissimo usu denotent: nn. 234
— 236. 588

Quam Petri auctoritatem praeferrant: —
singula expenduntur sermonis ad-
iuncta: nn. 236—238. — loci pa-
ralleli comparantur: — supremaque
Petri potestas adstruitur: n. 239. . 589

Quo ea spectet, quove fuerit consilio
instituta: — declaratur collatis iis
quae habentur Joh. X. 3—4—8
— 26—27, et Ephes. IV. 11 seqq.:
nn. 240—241. — tum ideo insti-
tuta ostenditur, ut Petrus esset pa-
stor universalis, doctor oecumenicus,
principium atque efficiens ecclesiasti-
cae unitatis origo: nn. 242—243. 591
Nonnulla colliguntur praeclariora con-
sectoria: n. 244. 595
Finis tractationi imponitur: n. 245. . 595



